


四庫全書存目叢書編纂委員會編

齊魯書社


四庫全書存目叢書

集部
第四一二冊



責任編輯：孫言誠 賀 偉

ISBN 7-5333-0615-5



9 787533 306151 >

四庫全書存目叢書·集部四一二

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精裝印務有限公司印製

787×1092 毫米 16 開本 53.375 印張

1997 年 7 月第 1 版 1997 年 7 月第 1 次印刷

印數 1-100

ISBN 7-5333-0615-5

Z·60 集部定價：127800 圓

集部第四一二冊目次

集部·總集類

山左明詩鈔三十五卷

〔清〕宋弼選
湖北省圖書館藏清乾隆三十六年李文藻刻本

.....一

豐陽人文紀略十卷附一卷

〔清〕聶芳聲編
江西省圖書館藏清刻本

.....三六八

二南遺音四卷續集一卷

〔清〕劉紹攸編
北京師範大學圖書館藏清同治十二年刻本

.....七二七

山左明詩鈔三十五卷

〔清〕宋弼選

湖北省圖書館藏清乾隆三十六年李文藻

刻本

附《四庫全書總目·山左明詩鈔三十五卷》提要

山左明詩鈔三十五卷德州宋仲良先生之所輯也先是其州人兩淮鹽運使盧君屬先生選國朝山東人詩成六十卷刻於戊寅己卯間因而遂徵山東明人詩先生時長深源書院郡縣之士來學者使各摺討其所知而予所購得者蓋數十種後先生入京逢人求索有得卽手自謄寫無寒暑游宴之間歲及未盧君致仕歸里先生以全藁畀盧子適授徒德州趣盧付之梓而盧以所輯未備爲辭及先生由贊善出爲鞏秦階道子又購寄葉廷秀李主中輩十數人詩且以書與先生論王乘錄終于明季及董樵張爾岐諸人詩皆宜移入此集而未得先生答書戊子秋盧君得罪籍家而先生以甘肅按察使入覲道卒洛陽子恐此書之遂湮也己丑正月走德州從州官求買此書盧氏書入官者數十萬卷吏爲檢三日得明詩選凡三本一爲路中允斯道本一爲惠文學棟本路惟鈔撮十郡志乘惠所錄僅數十家皆未成卷帙其一卽此本裒然三十五卷作者四百三十一人中開評點先生手蹟也惟小傳一冊佚去越數日先生樞至自洛陽子迎哭已啓笈得小傳則先生所手錄也是秋子謁選得廣東恩平令攜以行庚寅夏到官其冬政稍暇校而梓之頗有疑緒未曉之處又或有傳無詩先生既往無從質正不敢遽有增改謹完其爲先生之書而已昔新城王文簡嘗欲輯海右五十家

詩而弗果先生此集之成豈偶然哉予郡先達正德嘉靖間有海岱吟社一集僅存寫本予嘗以奉先生先生方食輒輟匕讀命酒豪吟十二卷立盡其半其于先正遺文誠篤好而深嗜之天性然也登萊青三郡寄選詩其艸藁多付子收藏今尙盈篋此集刻于恩平明年署新安乃獲蒞事而先生不及見矣乾隆辛卯冬十一月益都李文藻序

山左明詩鈔序

二

山左明詩鈔目錄

通議大夫甘肅提刑按察使司按察使宋弼選

卷第一

張紳十三首

牛諒七首

黃福十一首

張本一首

王子魯六首

王士嘉一首

許彬五首

封術一首

馬愉五首

毛宗魯四首

王允一首

尹旻一首

劉羽六首

宋塘一首

郭璽一首

王吹一首

卷第二

山左明詩鈔目錄

十

毛紀二十首

官廉六首

官賢二首

秦紘一首

李昱一首

劉銳三首

趙弼三首

張海十三首

李晟二首

郭鏗一首

畢亨一首

敖山二首

于鳳喈一首

曲銳一首

張禎二首

藍章五首

王勅一首

孔克安一首

卷第三

邊貢八十一首

卷第四

石存禮十七首

楊光溥九首

劉澄甫十六首

劉淵甫九首

劉約四首

劉田一首

陳玉一首

任文獻一首

周舉一首

王崇仁一首

王崇文三首

郭東山七首

耿明一首

翟鑾一首

楊良臣二首

陳九疇一首

陳鼎二首

杜泰二首

山左明詩鈔目錄

二

張瑤一首

柴世需三首

官一夔十首

王清三首

卷第五

殷雲霄四十三首

王崇獻九首

李廷相七首

穆孔暉八首

許成名三十八首

卷第六

馮裕二十三首

黃卿二十五首

楊應奎四首

王道四首

樊繼祖一首

李際元一首

黃臣四首

馬亨衡三首

桑溥六首

周允中二首

吳鎰四首

翟瓚三首

陳經十首

張景華一首

李錫一首

李錄一首

王三錫一首

閻闔二首

浦鉞一首

任淳四首

呼相如二首

卷第七

劉天民四十八首

劉隅二十一首

馮惟健十三首

馮惟重十四首

卷第八

山左明詩鈔目錄

三

鄒頤賢五十三首

藍田三十一首

邊習十二首

卷第九

李舜臣二十八首

黃禎十一首

李文芝一首

劉汝松一首

李士翱一首

李松四首

孫重光三首

江南一首

林瓊一首

張子立二首

王汝孝一首

谷繼宗七首

李學詩五首

馮惟敏二十四首

馮惟訥十一首

卷第十

李仁三十一首

崔廷槐二十首

張相一首

高尚志一首

馬九德三首

郭鉞二首

王崇儉一首

石茂華八首

陳夢鶴六首

周濟川一首

周濟用十首

桑紹良八首

藍因二首

藍因二首

卷第十一

蘇祐六十二首

葛守禮九首

趙鯤七首

郭宗卓六首

山左明詩鈔目錄

四

周顯宗六首

左傑一首

張鳧二首

田濡一首

呂調羹一首

田大有二首

謝九儀一首

范瑟一首

扈永通二首

趙雲鵬二首

董楠一首

鍾秀一首

卷第十二

李開先三十六首

吳孟祜九首

詩缺

程珌十八首

吳嶽十六首

盧宗哲九首

郭本十七首

張舜臣三首

卷第十三

靳學顏四十五首

劉佐十五首

任萬里十首

王崇義九首

龔秉德十八首

王重光一首

卷第十四

李攀龍八十八首

許邦才三十二首

卷第十五

楊巍五十五首

劉爾牧十一首

殷士儋九首

于玘十七首

宋延年十首

卷第十六

山左明詩鈔目錄

五

李先芳九十六首

李同芳五首

卷第十七

謝榛一百二十首

卷第十八

趙邦彥九十首

趙完璧二十五首

卷第十九

戚繼光十八首

程軌一首

張登高三首

趙大綱一首

王正容二首

楊選二首

翟汝儉二首

許用中二首

何海晏二首

劉應節二首

王君賞四首	呂應一首
張西銘三首	劉效祖十九首
邱樞二首	樂尙約八首
黃作孚四首	侯祁三首
王汝言一首	吳思敬四首
陳忠翰一首	潘愚一首
侯廷柱一首	公一揚二首
宿度四首	王之垣二首
許介一首	陳壘七首
葛引生三首	葛彙生一首
李直一首	李才二首
周蒙一首	
卷第二十二	
蘇濂十八首	蘇澹十五首
于慎思十二首	于慎言三首
方元煥六首	馬攀龍一首
遂希韓七首	文鎮五首
華龍五首	襲揚四首
賈夢龍六首	蘇濱二首
王巽九首	殷盤二首
官延澤二首	楊舟二首
楊鹽六首	毛似徐一首

高鳴岐一首	許如松一首
趙卿一首	
卷第二十一	
沈淵十八首	賈三近二十一首
趙慎修一首	丁懋儒十首
王元賓二首	任芹一首
胡來賁四首	王教十七首
張登雲一首	王祖嫡一首
公家臣二首	王曉六首
王曙四首	孟秋二首
趙燿二首	趙煥一首
王汝訓二首	謝註二十首
卷第二十二	
于慎行五十九首	馮琦三十四首
卷第二十三	
邢侗五十二首	李堯民七首
張世則一首	于達真二首
王之猷二首	黃嘉善一首
張敬七首	張汝紉二首
高舉六首	高譽五首
畢本二首	葛昕一首
葛曠四首	徐準一首

徐圖一首

王孟煦六首

周如砥八首

周如綸八首

卷第二十四

傅光宅六十二首

鍾羽正三十八首

王象蒙四首

程紹一首

孫善繼一首

遂中立一首

王業宏一首

馬應龍四首

張延登二首

畢自嚴三首

王象節一首

張三極二首

潘榛一首

卷第二十五

山左明詩鈔目錄

八

于若瀛三十三首

曹璜三首

朱延禧三十一首

楊夢袞九首

胡東漸二首

趙秉忠七首

侯正鵠二十三首

宋蘇六首

卷第二十六

高出五十四首

劉士驥十九首

宋槃一首

秦士文二首

王象晉二首

王家桤二首

郭允厚一首

安仲二首 李中行詩四首

卷第二十七

公鼎八十六首

王濬二首

何應瑞五首

宋統殷一首

高宏圖三首

張僕一首

譚性教八首

賈毓祥一首

張宗衡一首

傅國三首

史永安六首

耿如杞四首

趙印昌一首

王珉一首

卷第二十八

李若訥四十六首

周京四十首

劉鴻訓八首

宋鳴梧二首

張允恭二首

臧爾令一首

黃宗昌六首

楚烜二首

山左明詩鈔目錄

九

王都一首

卷第二十九

公鼎五十八首

周如錦七首

張錦一首

王懋中一首

張中發三首

袁勿一首

張翥一首

楊謹一首

沈夢麒一首

郭爾池一首

高毓秀三首

高有恒三首

劉世偉三首

石光五首

藍桂孫三首

藍史孫五首

魯辛一首

卷第三十

李衡十七首

王楨八首

梁士奇十五首

鄧邦三首

劉勑二首

盧茂三首

蘇本三首

陶致煒一首

鄧守清二首

李誠明三首

陳其猷四首

林文蔚七首

高應玘二首

狄從夏二首

馬芻一首

馮思齊一首

袁崇冕一首

劉東周一首

張鳳羽二首

趙文炯一首

山左明詩鈔目錄

十

薛來一首

辛文錦一首

趙國賓一首

束英一首

王之相一首

段黼二首

周燦二首

盧永錫一首

盧文錫一首

官棟一首

徐彬一首

賽從儉一首

崔淳一首

韓養醇三首

張鐸二首

崔丹三首

楊嘉祐四首

李狄門一首

張四箴二首

卷第三十一

王象春三十三首

王象良十三首

王象明二首

秦士奇五首

宋琮六首

宋致五首

王宮臻二首

楊士聰四首

張允綸十八首

謝繼遷一首

左其人二首

李岩二首

孫一脈二首

王岬生二首

程泰六首

蘇壯

卷第三十二

畢拱辰十三首

左懋第十六首

高名衡七首

王若之三十一首

山左明詩鈔目錄

十一

王與孕七首

王與玖十首

王漢一首

周而淳一首

耿章光四首

王士和一首

王士純一首

邢王稱七首

光岳奇二首

卷第三十三

姜琰四十一首

姜垓四十六首

黃培十二首

楊御莊四首

臧允德二首

卷第三十四

劉孔和三十二首

王袞三十一首

徐鎮二十一首

宿鳳翥十三首

王儼十一首

卷第三十五

徐篤二十七首

宋繼祖十二首

王孟復一首

宿鳳鳴一首

宿鳳起四首

范養蒙一首

馬贊一首

程三策一首

王三近一首

楊連吉五首

戴統一首

陳可繼四首

張元英一首

王大儒一首

王川渠一首

孟海一首

山左明詩鈔目錄

主

屈紹孔一首

張玉珍一首

萊山樵者一首

無名氏一首

釋志西一首

于太夫人劉氏一首

吹太淑人徐氏二首

夏雲英三首

馬夫人邢氏五首

朱璧輝二首

朱泰堪一首

朱陽鑄二首

朱健根五首

朱觀燠五首

朱頤塚四首

朱慈慈二十四首

山左明詩鈔目錄

山左明詩鈔卷第一

張紳十三首

紳字仲紳一字士行濟南衛人縣初由徵辟歷

官浙江左布政使明史葉繼傳登州張紳初

終浙江左布政使徐子元云方伯詞格清使

管見一斑知其為豹詩選傳云方伯詩文不

經意而自成一家蓋北方豪傑之士也李時

遠云方伯送人赴安慶時伯景伯口道出

自不可及人明詩綜詩品題法書通釋一卷自

賞鑒法書名畫多所品題法書通釋一卷自

稱雲門山樵亦稱雲門遺老齊東自周公謹而

後復有此人其詩不藉陳陳所陳然可謂地與樓

臺相上下天隨星斗共沈洋佳句也

題畫二首

高樹漏疎雨滴瀝下橫塘美人捲簾坐銀鴨自添香風

吹綠荷葉正見宿鴛鴦

閉門綠樹老華池芳草生偶隨蝴蝶起獨自下階行何

處坐楊院春風嬌鳥鳴嬌鳥一作驕馬

題江岫圖

烏衣巷裏東風老蝴蝶飛來滿芳草美人春夢隔天涯

十二巫山眉不掃巫山巫峽江水新烟波渺渺江南春

鴛鴦不識橫塘路鸚鵡窗前呼向人青綾誰共官曹宿

霜楮雲毫吮新綠太常春夢碧霞沈六曲屏風對銀燭

日出行

東方曠曠日初出田家少婦當窗織屋頭樹稀窗有光

小姑催起不暇妝長梭軋秋絲密一日上機催一匹

丁寧小郎慎勿啼織成令汝貧完衣

高陵篇 并序

盧君公武所著孫王墓辨考據詳審與蔡正甫燕王墓辨同繼又作詩弔古合古今詩文及和之者叙次辨後成一編以示予可謂好古也矣余雅好論辨古今爲同賦詩一首

道旁鬼鏃飛神叢狂客賊我人中龍有兒十七心膽雄
意氣奄有江之東臍然未熄炎精委四海英雄爲時起
十年血戰不成功破面安能作天子盤盤門外野水濱
可憐高塚埋麒麟慟懷飲恨尙不朽死骨肯作曹瞞臣
墓旁春草年年碧黃金握臂人哂出姓名幸爾人不知

山南詩卷十

十一

卻怪中平一方石君不見吳王帳下越王舞漢王成功
楚王虜英雄千載欲何爲盡作北邙山下土又不見秦
王治葬驪山宮玉鳬金鴈俱成空武皇求仙東海上茂
陵石馬嘶秋風與君下馬高陵路落日高城起烟霧闔
閭塚在城邊何須重嘆孫王墓

捕雀詞

原頭霜深秋草薄荒邨小兒捕黃雀高張弓矢低網羅
日暮競比誰得多野田吹火拾枯樹一半煨燒雞山芋
北風吹草毛血腥各自騎牛唱歌去我身不惜充爾饒
空城黃口待我歸

奉天殿早朝

團團初開月正低珮聲趨進午門西旌旗影動銀河落
文武班分玉笋齊白象樓前扶輦過紫駟花底向人嘶
朝回緩步歸青瑣冉冉朱衣照御隄

湖中玩月

銀波千頃照神州此夕人間別是秋地與樓臺相上下
天隨星斗共沈浮一塵不向空中住萬象都從物外求
醉吸清華遊碧落更於何處覓瀛洲

送勤上人歸靈鷲山

靈鷲禪房我所思可堪春晚送勤師半山啼鳥烟霞裏
一路落花風雨時定有猿看窗外果應知苔護壁閒詩
門前有徑通三竺欲向中天采石芝

山南詩卷十

三

遊冶城山

瑤草秋深石磴長半空嵐氣濕衣裳江山佳處一亭古
風雨來時四座涼陰洞水腥龍蛻角山巖雲暖麝生香
道人好護新松樹長見清陰覆御床

送人赴安慶幕僚

舒州城在大江邊我昔過之曾繫船年豐米穀上街賤
日落魚蝦入市鮮山起正當官舍北潮來直到驛樓前
知君此去紅蓮幕民訟無多但書眠

夏夜宿溪上酒醒聞雨

飛蟲繞燭夢回遲荷葉齊鳴雨一池不爲素紈猶在手
定疑秋夜乍寒時

又一絕句

蕭蕭院落空愁已怯梧桐猶喜西軒雨聽時在醉中

右二詩見現溪詩卷孫司馬作庭公子所輯又有封
衛諸人詩按香祖筆記云歷下孫氏有別墅在濟南
郡城西北十里而近其地四面皆松柏與華山
相望園中有泉相傳趙松雪洗和泉也一日園丁治
蔬畦得石刻于土中洗剔視之乃松雪篆書二詩也
膝獨對華不注孤吟四面天風來泉聲振響暗林壑
山色滴翠落莓苔散髮不冠弄柔翰舉杯白月臨空
階有時扶筇步深谷長嘯袖染烟霞回竹林深處小
亭開白鶴徐行啄紫苔羽扇不搖紗帽側晚涼青鳥
忽飛來同知濟南路總管府事趙孟頫題松雪篆不
多見此石刻缺處情爲石工以意修補
寢失古意今其地名祝溪在濰口之北
牛諒七首

諒字士良東平人洪武初舉秀才爲翰林典簿

官至禮部尙書所著有尙友齋集明史本傳諒使安南還稱

山左明詩鈔卷一

四

旨三遷至禮部尙書承崔亮之後定釋奠及大
祀分獻禮又與詹同答陳與權等議省牲冠服
及祀三皇歷代帝王祀典多見施行著述甚多
爲世傳誦明詩統諒資性過人高才高學博爲
文千言滾滾不見難淹初游吳楚文多慷慨中
更離亂去居深山校經爲養文多隱約明興
應詔起凡稽古禮文皆出其論定詩文盛傳於
世仲學邱克莊莊集景德寺攜酒賦詩其在南
京則與唐處敬林孟善諸人會飲聯句以同張
志道使安南志道賦長句以贈有云更喜清詩
慰遲暮益當日風雅之林每屈一指不徒以功
名顯也又在元時中甲午大魁亦見志道詩句

西郭題景德寺分韻

靈湫閭白龍古殿敝金粟僧歸林下定雲傍巖端宿伊
子陪勝引於此避炎酷息陰悟道性習靜外榮辱坐石
飛清觴每嘆白日速別去將何如留詩滿青竹

破曉風雨圖

風雨東南接漏天客牕吹破碧紗烟十年世事關心曲
一片秋聲到枕前花落不妨尊有酒客來未覺坐無氈
老子曾覓蘇端隱藜杖春泥綠水邊

冷泉詩爲劉明善賦一本作淦泉

鄂渚通金滙枝江入漢流珠光宵射月雲液晝涵秋遠
脈趨南紀靈源接上游淵分滋蕙圃香汎采蓮舟喬木
承深澤名公舊宿留觀瀾探妙理育德繼前修浩蕩風
雲會飛揚歲月周使輶輝若驚鄉夢隔盟鷗酌洞詩方
美投竿志未酬賜歸看晚節珮玉映芳洲

秋林高士圖

山左明詩鈔卷一

五

林臯木葉下江潭秋水生靈飄蕩陰露落景涵虛明手
擷芙蓉珮目送孤鴻征冲襟契元賞迢遙千古情

秋林圖題贈曠伯達

迴風蕭蕭吹北林行雲冉冉生夕陰天寒鴈去洲渚靜
秋雨龍吟波浪深飄泊共憐今夕興畫圖因見古人心
幾時螺子青楓下深結茅堂更遠尋

紅梅

龍頭人未來江南春幾許惆悵玉簫聲吹落胭脂雨

畫梅

梨花雲底路參差折得春風玉一枝南雪未消江月曉
欲從何處寄相思

黃福十一首

福字汝錫昌邑人由國子生歷官戶部尚書加

少保贈太保諡忠宣有黃忠宣公集明史本傳

上書論國家大計太祖奇之超拜工部侍郎承
樂中鎮交趾十九年交人戴之如父母福去交
阻遂反宜宗與楊士奇論福上奇謂福老成忠
直緩急可倚六卿中無其倫比安南使人來或
問其識福否對曰南交草木亦知公名安得不
識詩統公事業在朝廷德望在交趾所著詩
文朴實雅澹有集數卷

蓋後人襲而成之者
按明詩綜云有後樂堂集今未見諸詩多鈔
自詩統集不甚載只別有二三首想非全本

寄從鵬李司訓

伶俜居海畔彷彿脫塵簪風月舊蘭契烟霞新草巷寒
枝垂露菊秋樹帶霜相日日開軒詠期君作指南

山明詩鈔卷二

六

過撫州

玉峽凌晨發金川近午過好山常疊翠流水不揚波舸
艫逐津遠樓臺傍岸多呼童問風景比爾越南何

過濟南

往年載酒藕花湖醉筆曾將舞袖塗今日停驂楊柳信
名泉雖有故人無

過洞庭

總角當天澤擁旄涉宦途兩來交阨地三過洞庭湖水
接長天遠山離大地孤岳陽知已遇重與問樽壺

謝人惠橄欖鮮笋

九秋炎微落紅鹽三月洪園露角尖遠到京華鮮可

當筵對客不勝甜

過武昌以下皆見明詩統

城頭黃鶴樓城外鸚鵡洲舳舻出漢表葭葢分江流樓
棟白雲暮接天芳草秋我來吟不盡沽酒載行舟

送人回廣西

海口春光早沙頭柳色新滿斟交趾酒遠送桂林人

長沙有懷

漢庭求士急洛下賈生賢損益乃長策紛更真少年楚
江魂不返宣室席空前一棹西風過令人倍惘然

送徐都帥之京

海徼無塵起將軍有詔行五年官舍冷萬里客舟輕白

山明詩鈔卷二

七

首關山迴青天日月明莫將銅柱志移作玉關情

寄王僉憲

一別人何遠相思髻已斑鴈來天北少書到海西難鐵
面嚴霜肅蒲鞭愛日看近聞魚米賤且囑善加餐

和劉博士

踪跡如萍水上浮每從天外望神州欲將尺素傳雙鯉
不得瀟江向北流

張本一首

本字致中東阿人洪武中以國子生授江都知

縣歷官兵部尚書兼戶部尚書仍兼太子賓客

明史本傳本廉介有執持肯刻少怨戚祖宴近
臣銀器各一案因以賜之闕本案設附器論用

卿號窮張銀器無所用木
頓首謝其爲上知如是

秋夜登閬門城樓

月白三吳晚風清八月秋芙蓉照江國蟋蟀上城樓海

思飛雲亂鄉心落葉愁忽聞黃鶴笛清夜重淹留

王子魯 六首

子魯自號笙鶴道人高唐人洪武中以經明行

修官河開教授

州故有八景暇日各爲一詩詠之

六存

濯清飛雨

劉侯亭子連青冥雲來倏忽天瓢傾蒼龍捲海半空落

四簷瀑布生秋聲煩囂洗滌毛骨爽朱簾暮捲山光明

出前詩鈔卷一

八

靜軒題咏今不見一區瓦礫蒼苔生

馬灣曉月

古河一曲環甯隄天光滉漾浮玻璃老蟾吐花玉鏡缺

游鱗躍藻銀鈎低征車道上鐸聲急板橋人過晨鷄啼

漁翁待旦棹船去白鷗飛過黃蘆西

渚水秋風

吾聞東郡古渚源千年故蹟成桑田白雲飛來蘆捲雪

黃葉亂下鳴殘蟬清風颭颭林籊響馬行遠送來天邊

幾番登眺發長恨綿駒舊曲無人傳

鄭橋捕魚

鄭家橋下溪水流桃花浪煖鮮鱗游老翁棹船四五葉

鳴榔舉網蒹葭秋大魚撥刺貯笮管紫菱綠荇堆船頭
歸來沽酒切新膾高歌醉臥蘆花洲

同樂會友

劉家亭館清池傍衣冠軍蓋常相望炮羔馨香薦鼎俎

煮醢激滌盈壺觴銀屏花迎舞衣薄彩扇風送歌聲長

舊時歡樂成一夢白髮江州空斷腸

南寺晚鐘

金烏晚墜咸池西鐘聲忽聽來招提蒲牢怒吼海月出

鯨魚撞碎星河低老僧入定塵跡斷鶴盤遶勢投林棲

千古石柱苔蘚合金元猶有詩人題

王士嘉 一首

出前詩鈔卷一

九

士嘉字道亨武城人由國子生授大同山陰知

縣歷官禮部侍郎明史稿本傳士嘉善決疑獄

士嘉曰此樹爲累吾將治之趨駕山民傾城

往視值不往者果得盜將治之趨駕山民傾城

故士嘉曰此必租公稅租竊之乃陳幣于庭呼

羣租過何而觀之果有租擾去詰其主皆服人

以爲神參政陝西以清操著用楊士奇薦官侍

郎沒後詔錄先朝大臣操行尤異者與顯作軒

帆等錄子孫一人入國學

題夏津塔

浮圖何代建峭拔入雲端薄暮登臨處摩挲星斗寒

許彬 五首

彬字道中寧陽人永樂乙未進士改庶吉士授

檢討累官禮部侍郎兼翰林學士直文淵閣謫

參政以侍郎致仕所著有東魯先生集

明史本傳景泰

中上皇將還遺彬奉迎上皇命書罪已詔及議羣臣執遺祭土木陣亡官軍以此受知上皇為石亭所忌諱官彬性坦率好交游不能擇人浮蕩者多出其門晚參大政方欲杜門謝客而客達競相騰諂竟不安其位漁洋文略北征日記鄉前張許襄敏公詩有云道上釣永蒼耳子

風前語客白頭翁何殊可誦

送僧住五臺

塵世疎行跡京華閉寂關承恩雙鳳闕卓錫五臺山聽法龍常至巢松鶴自還古今稱勝蹟何日遂躋攀

清明節同高苗二學士扈駕謁山陵次韻

寶蘇留行殿肩輿到上方明樓通御氣神道仰重光柳拂千條翠花熏百和香回鑾天已曙鼓吹入雲長

崑明詩鈔卷一

十

靈巖寺

古剎幽深隱萬松四圍山擁繡芙蓉巖花尚逐馱經虎靈雨嘗隨聽法龍東澗水流西澗月上方僧定下方鐘白雲深鎖波舟殿彼岸微茫何處通

送李佑之赴陝西參議

十載含香侍上台旬宣分陝用奇才黃河九曲天邊落華岳三峯馬上來長樂月明笳鼓靜終南雲歛障扉開行行喜近重陽節黃菊飄香入酒杯

題王舜耕畫

流水橋頭行客青山樹杪人家仙源正在何處松蘿深鎖烟霞

封術一首

術歷城人永樂癸卯舉人官昨城教諭

硯溪村居

結屋臨溪水悠然心自閒泉分杯底月雲共枕前山芳樹經春合幽禽薄莫還鄰人借魚網戴笠款柴關

馬愉五首

愉字性和臨朐人宣德丁未進士第一人及第授修撰累官禮部侍郎兼侍讀學士入閣參預機務卒贈尚書兼學士有澹軒集明史本傳愉兩朝端重簡默門無私諂論事務寬厚嘗奏天下獄久者多爽死宜遣使者分道決遣又值邊警而別部使至衆議執之愉言賞善罰惡為治之本波及于善非法乘人之來而執之不武皆

崑明詩鈔卷一

十一

見聽納贈官兼職亦自愉始杜寧云公文敏贈有法不務雕琢而渾厚馴雅按史不言有謚玉堂叢語云謚襄敏附記

宴楊鴻臚東郭草堂

東郭路迢遙蒨亭靜軒敞值茲休暇則聯鑣縱幽賞主人樂嘉賓高懷同浩蕩殺核旅行厨絲竹發清響好鳥相和鳴飛花自上下民物屬熙皞高歌共擊壤

題李鎮撫公餘清趣卷

沙場走馬獵初還細柳幃門盡日閒倚閣攤書開翠幔凭欄敲句對青山數聲喚鶴青松下一曲瑤琴綺席閒正是太平烽火熄畫蛇長弛不須彎

題高漫士雲山圖

白雲縹緲亂山深最喜幽栖傍翠岑
茅屋幾家松柏暗
石梯數轉薛蘿侵門前流水通南浦
村外長橋接北林
有客抱琴何處至祇知來共歲寒心

題竹絕句二首

綠繞亭臺萬萬枝客來共賞習家池
醉歸何處西風急
正是瀟湘夜雨時

霏霏玉屑厭闌干好景吟詩得句難
獨理絲桐寄閒趣
此君相對不知寒

手宗魯

四首

宗魯字師曾掖縣人宣德庚戌進士官御史所

著有葵軒稿

山南詩鈔卷一

主

兩髻山

平度志云
豹竹雲臺

兩髻雲邊翠雲綰碧澗流淙弄清淺
翠微深處有此君
隱霧數叢傍林館新梢粉褪豹文斑
敲風夏玉生清寒
懸崖幽獨星霜久結實有待棲鶴鸞

雲山翠竹

斷崖如削凌層空雲邊擁出青芙蓉
千花萬草秋爛死
獨有修竹盈山中翠梢檀欒森如束
凌霜傲雪凝寒玉
疑若湘江兩岸秋回首清風滿林谷

大澤山

平度志云
大澤晴雲

芙蓉朶朶倚空碧蒼松倒挂嵯峨石
山頭雨過霽色鮮
嵐氣浮空翠欲滴白雲出岫本無心
時時遶護禪房陰

柄子挂錫無他事跣跡日生蒼苔深

采村烟柳

城南楊柳餘千樹綠陰迷卻前村路
春風晴日颺飛絲
薄靄纖雲吹不去傍隄隱隱有人家
輕籠微掩春烟遮
一雙白鳥忽飛起界破溟濛見水涯

王允一首

允字執中歷城人正統乙丑進士官布政使
東山
通志允歷官所至以清潔稱事母盡孝母卒廬
墓哀毀有司以母之貞允之孝上聞詔旌表之

靈巖寺

靈巖絕頂曉雲開出定金仙擁象回
偃蹇蒼松盤殿閣
潺湲流水遶樓臺朗公片石金常布
甘露鳴泉珠作堆

山南詩鈔卷一

主

盡日紅塵飛不到坐深時有好香來

尹旻一首

旻字同仁歷城人正統丁卯鄉試第一人戊辰

進士改庶吉士歷官太子太傅吏部尚書贈太

子太保諡恭簡明史本傳景泰中國家多故旻

輓之害又上安邊十策為吏書欲收物情陳採

南北人銓拔無滯賢愚皆悅山東通志旻掌

鉅最久所選皆稱職京師謠曰公道不如尹旻

送恭上人還靈巖

遠公狀塵世棄我入天台戒行無人識幽懷到處開心
澄千里月夢結故山隈到日許元度時應問偈來

劉珣六首

珣字叔溫壽光人正統戊辰進士改庶吉士授
編修累官太子太保戶部尚書兼謹身殿大學
士諡文和有古直先生集明史本傳珣為諸官
每進講反覆開導詞
氣侃侃時稱講官第一憲宗亦愛重之既入閣
呼為東劉先生珣性疎直遇事無所回護為萬
安劉吉所傾罷歸珣初遭母喪廬墓三年比歸
事父盡孝父沒復廬于墓墓靖初以言官言建
祠賜額曰昭賢漁洋山人曰古同官同姓率
以所居之地別之如西楊東楊南楊東王直西
王英皆君子也劉文和珣文穆吉同居內閣稱
東劉北劉而邪正判然徐時用云公書法襲
逸行草尤長詩文清新流麗無矯飾語李賓
之云公于詩興之所到筆不能闕而無毫髮點
綴呻吟

賦得御隄柳

東風二月千門曉紫禁暄妍暖雲繞玉河隄畔赤欄橋

山明詩鈔卷十

南

高柳依依得春早柔條裊娜百尺垂蘸水點破青玻璃
晴烟一抹鎖深碧曉色正與春相宜臨風忽聽黃鸝囀
入望濛濛無近遠鮫綃帳薄疑未起翡翠簾輕不堪捲
日高頓覺散清陰無限韶華連上林紛紛萬卉足生意
自是皇家雨露深

秋夜聞砧

八月九月秋氣高長林落葉風蕭蕭白草秋深不堪著
輕寒欲試新剪刀城頭霜飛露華濕城下寒蛩啼更急
當戶誰家搗練聲風高不礙重城入千杵萬杵聲未停
已知力倦心忤忤天清月冷幾人語塞北江南今夜情

安溪僑叟為王檢討賦

溪上茅茨屋數椽春零秋社自年年窗含蒼竹千峯雨
簾捲波心萬頃烟柳逕有時綠客埽竹牀長日抱雲眠
白頭自分無人識不解詩名到日邊

柯谷耕雲

買得柯山百畝雲春風谷口樂耕耘牽牛人向邨前去
扣角聲從隴上聞野鳥祇知催布穀隣翁不解誦移文
由來方寸多餘地留與兒孫次第分

白頭鳥

殘夢枯荷八月秋枝開獨立更遲留憐渠本是無情物
何事而今也白頭

青山白雲圖

山明詩鈔卷十

五

數點雲山夢裏青淡烟疎樹晚冥冥自從失脚紅塵裏
不敢人前說獨醒

宋塘一首

塘宇守唐濟寧人正統間歲貢官陳州學正所
著有渡澤宛邱歸田稿

游觀洞靈泉

泉通石磴路縈迴勝日來游喜暫陪路跡不妨清露滑
捫蘿頓覺綠烟開流觴曲水思今古分韻題詩憶俊才
醉後都忘賓與主惘然長嘯白雲隈

郭壘一首

壘字文瑞城武人天順甲申進士改庶吉士歷

官兵部主事縣志聖改官工曹爲宦官貴顯所誣籍之無所得憲宗乃斥順而擢
聖又嘗書其名于屏曰清介官郭璽李西涯誅
之以爲居官無詬候色未嘗阿意所事雖橫權
刑罰不少挫故臨事處職皆
能有以自遂其勝人遠矣

送王惠民

故鄉憐久別奉詔喜南還草色都門道潮聲潞濟船清
風隨去鶴明月滿前川竹看來春暮鵬搏萬里天

王峽一首

峽字舜耕號南畝單縣人舉賢良方正授山陰
知縣清寧志舜耕客清以詩酒自樂善寫山水極動靜之理論對甚悉又命賦此題援筆立成仍以八音冠于句首

綠陰清畫

山左明詩鈔卷一

去

金鴨香消書掩扉石闌干外燕雙飛絲桐光暈寒生軫
竹几清涼爽透衣砲器當檣傾醪醕土階編樅護舊薇
革心靜裏觀形化木屐行吟踏夕暉

山左明詩鈔卷第一

山左明詩鈔卷第二

毛紀二十首

紀字維之號海翁掖縣人成化丙午鄉試第一

人丁未進士改庶吉士授檢討歷官戶部尚書

武英殿大學士贈少保諡文簡有龜峯類稿本傳武宗南狩紀甯居守屢請回鑾與楊廷和等謀誅江彬定策迎立世宗以議大禮忤旨歸杜門不出久之撫臣以聞詔賜羊酒存問如禮年九十餘乃卒明史稿紀有學識居官廉靜簡重與楊廷和蔣冕正色立朝並爲經緯所倚賴詩選傳云少保平居手不釋卷文章渾厚歸於理一

遊山圖

塵中日多事看山閒未得今朝出城來突兀見顏色遙

山南詩鈔卷一

一

峯帶烟雲壁立千仞直空翠五月寒可望不可即

漁磯晚釣

綠野春日閒披苔坐磯石一竿破烟水不知風雨夕玉

璜亦何心悠哉聊取適沿雲和欸乃長嘯秦川碧

春曉

幽居謝塵喧睡起牕初曉問春幾許深空庭日窈渺風
輕鳥韻圓露重花枝裊對此聊靜觀誰云吾身小

石齋以詩謝送蒲萄次韻奉答

梁公世稱桃李門鄴侯家滿圖書架豈羨小園枯蔓枝
種隨漢使來西夏水晶綴顆露華凝馬乳堆盤日光射
恍如瑤池阿母臨青旗翠帶遙相返又如合浦藍田產

明珠聯璧光初瀾瓊漿薦齒甘如飴綠橘與橙風斯下
靈根當日出木翁膏復何緣屬蝸舍今年頗覺風雨時
霜實粟坐衆驚詫野人本意聊獻芹佳境寧論似餐蔗
燕啓華堂剛及秋酒出黃封那須醉朝來報我瓊瑤篇
長安傳誦紙增價願公推此惠蒼生高風正仰東山謝

武廟輓歌二首

玉輦今何處宸遊事已空淚多湘水竹悲切鼎湖弓汗
簡千年後鈞天一夢中空餘舊戎帳金甲凜霜風
坐撫盈成運勤勞十六年威行夷虜遁道出帝王全擬
下輪臺詔俄成願命篇臣民思報德翹首共潸然
過壽光

山陰明詩鈔卷二

二

驅車曉過古城東客思無端感慨中土屋廢餘安問十
野田蕪盡尙輸公雨經細草春多綠寒勒幽花晚未紅
莫向傍人詢去路浮雲一點在長空

雨中偶興用韻

布被涼知雨氣侵覺來幽况杳難禁白雲隔樹依依見
黃葉堆牕故故深一笑乾坤搔短髮千年海嶽入長吟
平生心事誰相契拂石焚香坐弄琴

齋坐再用前韻東汝忠

秋山野水色相侵夢裏鄉關思不禁養隔庭關嗟我遠
憂存廊廟定誰深雲邊坐看鴻雙落池上時間鳳一吟
吾道誰云知己少滿輪明月照孤琴

聞鴈

朔莫涼風到帝州長空忽墮數聲秋書傳海國千年恨
望斷衡陽萬里愁南北只隨時令變往來寧爲稻梁謀
一天明月塵如洗歌罷新詩獨倚樓

編修華伯瞻養病還湖南

才似文園渴未除茂陵歸去且閒居少年已號千人敵
多病偏令百事疎宅傍山前春廡藥方傳肘後曉看書
洞庭極目登樓處卻恐江湖思有餘

遊城西

陰雲如蓋樹如幃盡日游塵不到衣鳥語春深回客夢
人家晝靜掩柴扉可堪采杞心偏切似覺尋芳意未違

山陰明詩鈔卷二

三

夕照滿林餘興在坐看山色欲忘歸

齋居漫興

自有儒家一味禪坐深涼月滿青天微名逐世真慚甚
逸興逢春正渺然駟馬競誇今日貴簞瓢空憶古人賢
百年俯仰知何補卻爲長吟廢夜眠

送彭幸菴弟濟永西歸省墓

左轄勳名海內知廟堂坐與帝時容鳥聲底事驚幽夢
鴈字聊憑寄遠思雲擁秦城北北斗山連隴樹地西陲
錦衣展罷松楸日回首池塘定有詩

送唐守之修撰使朝鮮

科名昔日信無雙奉使新看擁節幢文帝德方升代邸

武丁治已肇殷邦天恩遙布鸞臺詔春色已先添鴨綠江
見說遐方沾化久采風珍重筆如扛

銅雀硯

荒臺野燒青古天寒雲滴卻把蘸詩毫東風弔赤壁

聽松卷子

蒼苔白石坐開顏盡日無塵鶴夢閒起向前溪一洗耳

濤聲隨雨落空山

秋日

故鄉全未有歸期海嶠風烟入夢思試上仲宣樓上望

暮雲涼雨鴈來時

畫猿

崖明詩鈔卷三

四

夢驚老衲千山曉愁送征人十里秋似聽啼猿圖畫裏

滿天明月思悠悠

春景

江柳和烟翠作堆柴門一徑青山開春來何處聞車馬

踏破東風幾綠苔

官廡

廡字汝清平度人天順甲申進士官戶部郎中

有蘇東集州志廡以郎中按景州民田爲官

人命易官可乎盡
歸之民事見明通紀

望海嶺觀海

我家滄海南我行滄海北遙見碧連空知是滄海色海

色故不改我行無定在去年下瀛洲今年傍遼海悠悠

南北東西路半生苦爲浮名誤安能一葦遂航之春花

看遍鄉園樹君恩未報歸無期碌碌風塵歲頻度仰天

一笑海雲橫不知明年又何處

夜次豐潤察院和戈主事勉學韻

相逢岐路際話別酒尊開遠樹迷前浦停雲繞暮山離

襟連日惡塵鞅幾時閒回首蒼龍閣隨君有夢還

至後次平谷苦寒

客陰用壯氣嚴寒邊戍人家晝掩關清籟怒風鳴老樹

凍雲閣雪厭前山擁裘尙怯長途苦無褐誰知蒞屋難

村酒力微詩律拙悵懷何計破天慳

崖明詩鈔卷三

五

食螺

海錯從來慣品嘗就中風味此尤良邊城得爾供春酌

彷彿尊鱸到故鄉

始食灤河魚

灤河鮮鯽昔曾聞今日尊前佐酒勳卻憶海邊春鱖美

桃花雋永未如君

雲山翠竹

疊嶂層雲插空起危石半墜清溪湊是誰嘶破白雲深

滿山偏植青鸞尾巖花澗草入秋空翠筠獨挺雷風中

霜風拂亂清影密湘川忽在膠澗東

官賢

二首

賢字汝俊廉弟弘治庚戌進士官陝西提學命

事有太泉集家傳劍事天性耿介不合時宜山

撫按交薦以不嫌劉瑾罷歸立太

贈新鄭尹李君

苦爲遷人恨新鄉淹數朝鼓琴情脈脈倚檻思寥寥霜

杵鳴前舍寒鴻度碧霄神君相遇好元是陝中豪

大澤晴雲

海上千山大澤奇雨餘雲白更相宜孤峯忽失輕陰墜

絕壑初分夕照移長護龍眠吹不斷閒窺僧定意俱遲

幾年塵土成何事慚愧無心出岫時

秦絃一首

崑明詩鈔卷二

絃字世纓單縣人景泰辛未進士授御史歷官

戶部尚書總制三邊軍務贈少保諡襄毅明史

絃廉介絕人妻孥菜羹麥飯常不得飽性剛果

勇于除害不自顧慮前後經略西陲者皆莫能

及士大夫識與不識稱爲偉人撫晉時爲人所

誣藉其家得敝衣數事志願數日絃貧一至此

按公雖有文集未得寓目得其所著年譜

皆實實中有數詩錄存一篇若明決三爲嚴

誠名臣不以詩重詩固以公重爾

諳北容驛御寄南臺諸公

幾磴煙村傍水涯驛亭喜得遠繁華開窗洞口尋鍾乳

問向江頭看蓼花葛粉熟時堪代飯釣船到處卽爲家

深源賢矣非知命咄咄書空祇自嗟

李益一首

壘沂州人景泰辛未進士官給事中

馬陵山卽事

亂山深處兩三家流水聲中老歲華鷄犬不驚籬外客

牛羊常臥隴頭霞泉生石竇朝過雨紅映蓬窗夜落花

蟠髮村翁無箇事倚門閒看課蜂衙

劉鈞 三首

鈞字汝中一作忠號西橋文和公珣子以廕累官

至太常卿兼五經博士有西橋集明史文和傳

宗召見愛其聰明卽命爲中書舍人官殿門高

同官楊一清常提之出入帝處牙牌批命易以

銀鈔博學有行說與長洲劉榮並淹貫故事時

稱二劉董楠片西橋自六歲了五經大義行

文賦詩稱神童及官內閣與空同對山大復華

泉相唱和篇什散失其集得于陳憲副子羽

按西橋集未嘗寓目從詩光志得二首又益都

李進士文藻于市上得一卷子爲大復山人手

跡札二通詩十四首蓋與西橋往來而難

氏子孫藻集者內附西橋一詩因錄存之

登高臺望明月擊節狂歌唾壺缺觀烟霞之掩映與林

壑之環列落葉似添秋慘悽浮雲不放山枕檀有詩慰

岑寂有酒澆鬱結廊廟未足榮山林豈云潔乾坤俯仰

漫興慨萬古人閒幾豪傑

陽水

野人家住陽谿上看盡蒼茫萬古流日月吐吞浮大塊

欲駕長風超物外玉壺十二訪元洲

同無涯大復待月次韻

一笑留君未盡歡試呼明月此憑闌
豈應銀漢遙相隔
正恐瓊樓不奈寒青眼百年知已在枯桐
何處賞音難
莫慚草閣荒涼甚多少明珠照筆端

趙炳三首

弼字雪航濟寧人景泰庚午舉人官教授所著

有竹雪集

感興二首

素王久不作孟軻亦以徂吾道遭薄蝕
狂秦燬燼餘寥
寥數千載莫能辨魯魚天意固有在趙宋奄方輿
濂洛

山明詩鈔卷三

八

關關開揆然生真儒六經炳如日聖道真坦途
遂使後來者踴躍得所趨鄙哉南華生以道爲空虛

我昔上太山飄然似生翼登之臨絕頂徘徊覽八極
送

目天壤外悠然豁胸臆長嘯倚天門清風生兩腋
翔

數仙人顧我笑而指再拜求長生颺言非所職
立身須

壯年君親宜努力俛首味斯言服膺矢無失

古意

妾顏比蘭蕙不共羣并靡妾心若金石不隨歲月徙
昔
有班婕妤哀怨秋風起亦有陳夫人寂寞長門裏
獲寵
貴白璧失意如敝屣我願君子心永保念終始

張海十三首

海字文淵德州人天順己卯鄉試第一人成化

丙戌進士歷官兵部侍郎楊正夫詩搜侍郎酷

其格調頗似初年高季迪天子稱其

才賦翰林不虛也晚年自焚其稿

按司馬當官豪邁有氣節江直川事不爲屈出

知鴻慶累遷兵部侍郎士魯希役略密命在經

略條上六事因言遠方不可加兵來則撫之去

則拒絕之而已得命開嘉峪關捕誅通番回夷

而還孝宗以其無功請山西參政改李西厓送

公詩備叙情事有云營平關略本常事定遠功

名非彼曹空庭揭穴豈不易不忍赤子塗脂膏

開關卻使法亦有重念王業經營勞亦可見當

時朝議所在非司馬之過也其後雖用師遂虜

不久復爲所據勞而無功公固未爲失策矣

懷宋民表

落落思君意不任薊雲燕樹晚陰陰論文久負一尊酒

明月常懸千里心終日鶯塵侵白面何人交道重黃金

春光又過看花眼催取流鶯啼上林

仲冬雪獨酌二首

官舍蕭蕭晝掩扉無人來叩語元機未殘臘月冰先合

過小春天蝶早飛不學梅嬌承露薄似憐梧直著花稀

撥寒愧我消盃酒萬一民無卒歲衣

鎮日無人歎竹扉自將淡滾認天機頓於風歇花初落

狂似春殘絮亂飛門外僧歸雙履冷池邊鳥宿一枝稀

侯門笑擁貂裘飲會念關霜生鐵衣

次王彥平秋望韻

草滿西窗苔滿階尊前一笑且開懷露添太液池蓮淨
風入山陽笛引諸樹夾雨聲生
葉底鴈分雲影過天涯

山明詩鈔卷三

九

月明一倍增惆悵瘦寫高梧作

七夕

坐看星漢夜迢迢小酌花前酒一瓢黃葉聲輕烏匝樹
碧雲影倒鵲橫橋人閒巧事何時歇天上佳期此夕消
欲倚梧桐傍金井不禁羅袖起涼颼

送劉孟元

先生鵠立海東頭簪筆十年侍冕旒官好卻從安處退
名芳偏向去時留半亭楊柳蘆門曉一棹蘆花湘水秋
我望白雲不歸去口邊分得望雲愁

送張廷載潼關驛丞

迢迢驛路指潼關占斷黃河幾曲開天上使星瞻北極

崑山詩鈔卷二

十

陝中春樹是南山征人喚馬聽鷄去候吏敲門待月還
只恐譙樓高百尺鄉心難向望中刪

持志軒爲子仁父賦

蓮峯結屋菊畦東小小軒墀半畝宮宜容乾坤包物外
不教鴻鵠亂胷中坐餘芳草閒交翠吟過殘花任落紅
今日先生機事息斷巖何處聽松風

送胡尙明省親光山

琪樹陰陰開闔闔離青項退朝班只如仁傑看雲去
不似蘇秦佩印還匹馬驕嘶燕市柳危青數點洛中山
相期再向通明殿莫帶鄉園弄白鵲

次鄧繼申秋江送別回文詩韻

何如悵別此停舟滾滾長江一送愁荷蓋翠藏秋鷺宿
樹煙濃對曉山幽歌來暗想花驚眼賦罷新愁月過樓
波浪碧搖帆影碎多情正是可人遊

清明

痛大如天未有涯夢將夢飯灑昏鴉幾年不見清明日
來掃白楊樹底花

春閨詞二首

夢迴繡枕耿牕紗簾幙風輕燕子斜不信閒愁春不管
平分一半與梨花

小牕睡起坐來慵寶鴨香銷錦帳空可惜好花容易謝
欲將一笑買東風

李晟

崑山詩鈔卷二

十一

晟字孔陽濮州人成化己丑進士官御史調本
院照磨終郎陽同知

寄彭總戎

不辭身老玉門關帝命重來鎮黑山宛馬盡歸龍種至
峇城無警虎牙閒等邊方叔心逾壯草檄陳琳鬚已斑
枹鼓不鳴胡騎遁將軍塞上射鵬還

登榆林太清閣

太清閣上俯神州天畔何人賦遠遊王粲從軍能許國
劉琨長嘯此登樓丹心林日臨高頂紫塞連雲起暮愁
漫道書生無膽氣憑將一箭射旄頭

郭鏗一首

鏗字子聲恩縣人成化丙戌進士歷官巡撫遼

東僉都御史終雲南僉事山東通志鏗為給事中值南郊甘露降大

臣欲稱賀力言其不可經略河湟上備邊策

送澤民至太華山

布帆蘭棹小舟輕萬里城西送客行古木摩霄秦太華

晴波浴日漢昆明山僧入定婆羅老漁父還家杜若生

歌管不知人意緒陽關一曲恨難平

畢亨一首

亨字嘉會新城人成化乙未進士歷官工部尚

書居易錄吾邑尚書畢公仕孝武開為名臣求其遺集不可得矣偶于鈞臺集見其五言一

山明詩鈔卷二

主

首公之子山西巡撫昭號義齋有句云行過竹裏如塵外望入河邊似鏡中集亦不傳

釣臺

氣節扶炎祚綸竿豈釣名人心終不死廟貌儼如生木

落長江迴山高獨樹平灘頭明月在照見古今情

敖山二首

山字靜之莘縣人成化乙酉鄉試第一人戊戌

進士改庶吉士歷官江西提學副使所著有燦

然稿人物志由七歲補郡諸生賦才雄爽為文

齊名人稱江北三傑山東通志與潘時舉王越

學山采經史百家之疑及古今事勢變故之難

為文日以策諸生多先儒所未及上張目不能

寄劉溫叔閣老致仕

還山不用杖頭錢鑑水湖邊有賜田隨處鋤雲開曉徑

有時餐玉帶春烟平生氣節山中相千古風流洛下仙

望斷冥鴻思更切幾時飛夢落鈞天

送郭子聲都憲巡按大同

帝念何人撫北羌中朝盡道郭汾陽錦袍曳玉青雲重

寶劍橫金白日光點虜秋深通穴免良弓夜半射天狼

須知方叔安邊策一寸丹心萬里霜

干鳳嘴一首

鳳嘴字世和萊陽人成化辛丑進士歷官大理

寺卿所著有抱拙稿

按萊陽在前朝劉富三失守故著作散逸者多邑人張允齡九如集盧卿集其七八兩卷則詩也

山明詩鈔卷二

主

于美宋諸集之外得以採擇因志之但所選不精頗有拾珠鼠璞之憾

題歲寒三友圖元本

凍簷坐柱琴絲折漁蓑冷載孤舟雪誰呼斗酒傍青帘

滿頰紅潮雙耳熱醉憑驢背探芳菲眼底星沈曉露晞

坐楊不鎖黃鸝夢褪粉空殘映蝶永江雲踏徧徘徊久

禿髻堆寒倦搔首故應癡絕笑天公寂寞溪頭見三友

風枝天矯列髯龍漲海分明響半空梁棟何時萬牛送

霜皮錯落成衰翁凌雪御風琅玕瘦疎葉蕭森諸九奏

終期結實待棲鸞遮莫佳人籠翠袖羅浮倦客全天寵

冰肌盡洗鉛華塵溪邊寫出橫斜影彷彿空桑幻後身

栽培自是殊凡木造化無心更神速從知水石有深緣

誤被騷人歎幽獨平生近侍只芳蘭秋菊還宜伴晚餐
泉下杜陵誰喚醒試加品藻歸毫端翻嫌詞客矜鋒銳
異事荒唐勞點綴玉井蓮開十丈花瑤池桃熟三千歲
吁嗟世好偕庸奴華屋金盤薦鼠姑連牆桃李圍春色
海棠睡起需人扶何如納交數君子月白霜清對容止
相尋直合徧溪山芒鞋曳杖從今始于君好古原無敵
掃卻煩囂眷岑寂囊中不惜黃金錢買得輕綃懸素壁
願持此意勿棄捐黑髮同心終白顛人生豈必負郭田
滿堂歌舞羅婢娟

曲銳一首

銳字朝儀萊陽人成化辛丑進士歷官右副都

山南詩鈔卷二

南

御史乘禮部侍郎人物志銳有吏能所至獄無
之于法改爲流官蜀人德之不汚逆瑾蓋有以
自守云盧卿集序李空同作崔氏墓志云崔
廉曲食不動如山所云曲食卽侍

秋冬之交連雨三旬春花開二麥秀紀災

暖風十月連陰雨夏草春花處處榮忽憶天津橋上語

荆公誰識誤蒼生

張禎二首

禎平度人成化辛丑進士官河南按察使

金陵二首

太液池連湖水寬漢家宮闕鏡中看晴涵千頃玻璃淨
夜浸一天星斗寒御氣浮空迷鳳渚薰風拂檻動鷗欄

最憐日暮荷花蕩欵乃漁歌過遠灘

中天積翠動高寒樓壓層崖表壯觀振鷺有時來碧落
行雲長日護雕闌步虛臺古雲霞老鑄劍壇空草樹殘
幾度來遊閒徙倚乘風直欲跨青鸞

藍章五首

章字文繡卽墨人成化甲辰進士歷官刑部侍

郎有勞山遺稿家傳公自縣令累遷僉都御史
之獄請通判瑾敗以原官起撫秦中平藍驪之
亂督副運再平廖諭諸寇以屢抗中官僅遷刑
部侍郎而已乞休歸自號大勞山翁
嘗著八陣圖說以教諸將士世傳之

孟秋池蓮始華

芙蕖如幽人清淨自知止移根太華巔植之不其里匪

山南詩鈔卷三

主

曰幕列仙實欲對君子新秋華始開正巾曳草履天然
去雕飾臨風自依倚安知色與香一洗世俗鄙

送友人

楚江瞻北斗秋晚入神京有書獻天子無刺謁公卿虎
豹九關遠江湖一葉輕歸來尋酒伴松菊不寒盟

勞山

遙看山色層層碧漸覺溪流汨汨深匹馬徑尋蕭寺樹
老僧應識野夫心行雲何意遮奇石啼鳥多情和苦吟
不是將身許明代便從龐子老幽岑

野適

白露橫江天色空江邊老木起秋風幽懷欲吐無人見

曳杖危橋亭子東

題畫竹

吳淞江水似清湘烟雨孤篷道路長
寫出無聲腸斷句竹鷄啼處竹蒼蒼

王勣一首

勣字嘉諱號雲芝歷城人成化甲辰進士及第

第三人歷官祭酒所著有雲芝集府志雲少

山中得異書多神異能知未來御風出神及卒里人遇之良鄉道中疑其仙矣

送邊京兆考績還應天

淡淡疎林葉亂飛雨晴躍馬出郊畿
一尊激灑情偏冷李丈藻口曾見雲芝手

山左明詩鈔卷三

去

更最鈞衡還使庶民肥丹青已透相知眼
自是陽春和者稀

孔克晏一首

克晏曲阜人先聖五十六代孫

雨後望嶧山

山色平明看雨餘秋正濃滿前青
突兀幾朵翠芙蓉鳥落懸崖樹雲開對面峯當年頌功石苔蘚辨秦封

山左明詩鈔卷第二

山左明詩鈔卷第三

邊貢八十一首

貢字庭實號華泉子歷城人弘治丙辰進士歷官南戶部尚書有華泉集詩選傳云庭實弱冠

風姿清吏事好交游天下豪傑久官刑部優閒無事游覽六代江山揮毫落筆白雲生石上

甚高志氣凌雲去之往平林求書投訪金石文字也途病瘵與北地李夢陽何景明武康

海郭杜王九思儀封王廷相吳郡徐禎卿稱弘治七子袁永之云李何徐邊世稱四傑李雄

健何秀逸徐精融邊朴實故並負盛名輝映當推李何爲當代第一余以爲空同中人氣稍

過勤未免失之怒張大復之俊節亮語出於天性亦自難到但工於言語而乏意外之趣獨

華泉與象飄逸而諸尤清圓故當共推此人詩話類編弘正之時北地反正何徐角庭實

山左明詩鈔卷三

上輔繼之下毗近自開元遠溯黃初極意剗除復歸正始陳臥子云華泉詩時見精詣五言尤稱長城又云五言華貴時出俊語令人百思李何對也

遊石門洞

蒼然郭東山百丈縈青碧石門忽中斷窈窕開仙宅遙窺日月深卻轉烟霧隔中天屹樓居星斗掛几席芳巖眩綺繡叢巖圍蒼壁山鬼不避人驚猿嘯窺客披榛上孤亭奇觀壯心魄穹崖倚天懸瀑水半空射高流橫難珮直下坐正帛分作四山喧散爲千頃澤初冬天未寒晨曦映風赫重來意彌豁獨往任所適信美慙心期胡爲老行役終然脫塵網高舉凌風韻
次何遜落日泛江贈魚司馬之作送劉美之

相投已盡簪相贈還留帶昨暮長安西今朝苑城外誰
寄車馬地復得須臾會會君心暫悅去君心轉切秋岐
萋草草隱隱烟不絕歸鴈影聯翩墜葉聲騷屑端居尚
興感况乃萬里別桂舸沂江湘何時到蠻泖蠻水夜悠
悠月明登郡樓幽蘭翠紫蕳紫蕳香滿洲應歌楚人調
坐惜助名浮

送王盛

朝辭雙闕下暮抵三河宿古戍早鴻稀荒城寒草綠上
官山吏拜行縣村童逐冉冉松間亭何人伴幽獨

秋郊別意爲汝南孟翁作二首

驅車循廣術言返故鄉縣晨光一何綺熹微散秋旬宛

山南詩鈔卷三

二

宛墟曲中盈盈露華泣因之感遊寓物候倏已變豈薄
骨肉情遙重桑梓戀

桑梓在何許謫謫汝南村綠叢帶長薄清川映柴門言
別上春時常秋始來還禾黍一已穫撫撫見高原落日
樵牧歸涼風散鷄豚登堂見鄰叟呼兒具盤餐依依邱
中情欸欸醉後言卽爾足爲樂安川乘華軒

分韻再送文熙

夜久河漢橫春堂別燈黯風淒淒爲初動露重花猶斂明
發不在茲重關爲誰掩

答顧華玉見懷之作

離腸如車輪萬轉不計程只尺阻言讌何殊在山城閒

曹事稽纂文墨紛相縈不見馬上人空聞馬蹄聲攬衣
步幽園脈脈牽遙情屋上春鳩啼樹杪浮雲行坐惜韶
景暮江草芳杜生

入錐石口

西登錐石口鳥道不盈尺連山樹如繡雲中日將夕不
聞樵采音但見虎行跡

送秦用中文學

玉真臺下三間屋屋後有松前有竹廣文先生雙鬢禿
長對青藜夜深讀有時不巾亦不服獨跨瘦驢攜短僕
五老峯前看秋瀑有時芒鞋步江澳月落詩成江鬼哭
石底流泉手親掬歸來煮茗窗下宿清夢蘧蘧謝梁肉

山南詩鈔卷三

三

鳥聲墜枕猿掛木紅日三竿睡初熟食罷曉盤歌苜蓿
爲剪溪雲封尺牘長安故人勞遠目

賦得孺子宅送程南昌

豫章城南高士眠豫章太守榻常懸漢廷使者召不起
土室蓬門江水邊江水悠悠朝市改故園荒涼宅安在
墟里遙看變夕烟墓田誰爲羞春使君五馬雙朱輪
露冕乘春意氣新下車先問南州客恐有當時下榻人

賦得萬里橋送客

萬里橋邊樹如薺蜀使入吳眞萬里臨岐記取丞相語
萬里之行此其始英雄一往人代易錦水湯湯鎮如昔
遺陣空思雲鳥形脩梁已荒車馬跡句宣使者家在吳

入蜀今爲蜀大夫登橋攬轡一回首慷慨能輕萬里途

送馬敬湖赴湖南提學

征馬帶落日出門君已遙層城不隔夢夜渡盧溝橋盧溝橋邊車簇簇故人卻在城南宿誰令相見轉多情翻恨遲行不如速江漢風烟遲早春關山雨雪暗邊塵臨岐莫動殊方感予亦東西南北人

君馬黃贈祝仁甫赴長蘆

君馬黃我馬蒼兩馬相逐君馬良君馬來自函關道我馬空山食秋草憶昔兩馬初學行長安見者神色驚魯垞驪黃未足論衛邱駉牝塵馳名豈料長成人少顧十年不踏天閑路逸羣翻惹太僕嫌騰櫪正中奚官怒以

山南詩鈔卷三

四

茲流落在風塵南走荆梁西入秦白傷萬里汗流血誰道五花雲滿身棄置不須憐我馬君馬亦在鹽車下疾足山來控者難驕嘶自合知音寡吁嗟君馬天下無且向沙場閑秣芻北來司牧今伯樂肯使君王空按圖

送楊遠赴督馬關西

狼星婦人西虜來飛勒叩關關夜開當關空列龜虎士伏櫪不見麒麟材朝戰關頭暮關下瘡痍大半徒行者箭書入報宵旰憂相憐翻思大宛馬中丞主馬朝命新威靈動地驚故人長城迢迢亘西北萬里可當公一身秦苑草青水清泚魯州衛邱那足比我公息馬兼息民民保田廬馬生子天煥在野寒在槽馬子口肥民不勞

二軍校閱錦雲亂萬蹄蹴踏沙場高將軍騎出天驕遁玉門烽靜公歸覲我願公歸登上台他日用賢如川駿

題採蓮圖次沈石田韻

秋塘露下荻蒲冷野鷺沙鳬夜相並東山月出一丈高岸柳垂垂見疎影鷓鴣浦口漁半稀自採紅蓮溪上歸人日飲敖水部卽事

結榜依江岸傳觴感歲華偶同人日酒翻滯使星槎水凍仍餘雪林寒且未花醉歸燒短燭高枕聽昏鴉

望陵二首

徙倚東峯下西陵望鬱然元宮深闕日玉座迴浮烟風雨清明候乾坤正德年攀龍無處所空有淚潺湲

山南詩鈔卷三

五

憶在先朝日曾沾侍從恩鸞輿歸寂寞鳳質儼生存夕日昏阡樹春風長澗繁祠官如可乞長奉秦陵園

沙河

放馬野田草路迴登古原鷄鳴桑下屋牛臥雨中村薄日浮山影長橋下水痕煌煌中使出東山向陵園

贈何子元

飲馬長城窟秋風隴水鳴旌旗連朔氣笳吹咽邊聲鹿塞胡霜白龍沙漢月明其嗟班定遠身是一書生

行子

行子到京舍故人消息傳釣魚吹臺下築室黃河邊插架餘千帙傾囊有一錢古來賢達者往往在林泉

懷昌毅大理二首

孺子南州彥詞華早擅場共憐廷尉府祇益簿書忙實
鏃愁鸚鵡鹽車困騶驢何時一艇去與爾泛滄浪

齋房隱薜蘿野外少人過向月復誰語看山空白歌城
孤戍火亂地迴北風多惆悵離居夕相思奈爾何

寄陳石峯中丞

一別梁園雨五看秋草疎君爲烏府客我向白門居髮
短風塵裏心長老病餘江流日東下何處覓雙魚

送都元敬

驅馬別君處秋陰當暮生林柯無靜葉江鴈有歸聲綠
水閨門道青山建業城未能同理楫延佇獨含情

宋明詩鈔卷三

木

送董太守之楚雄

詩人重出守萬里一朱轡苦節留三郡英聲振五言山
深夜郎道花亂武陵源月下勞相憶清秋幾處猿

贈別

獨持文字印遙泛木蘭舟古驛尋京口寒城過石頭
聲分館夜吟思捲簾秋欲問前朝迹青山是將州

送于時宜

行子對新月臨堂酣且歌客衣寒未減鄉夢日應多魯
甸封春草淮川渺夕波芳音托回鴈遙遞奈情何

別伯玉

君行不相見臥病對春風世事浮沈外交親感慨中古

臺燕郭暮流水晉祠空他日歌招隱青山有桂叢

留別張西盤大參

滿酌豈辭醉未行先憶君山城稀見菊關樹不開雲地
入河源渺天連塞日曛那堪北來鴈偏向別時聞

張秋官元德席上留別

春日江陵去烟花萬里途山川留故鄣舟楫帶三吳樹
影湘流轉猿聲峽月孤郡樓登望夕天北是皇都

幽寂

幽寂臥蓬戶淒涼懷舊吟鶯啼非故國草色亂春心落
日黃雲暮陰風碧海深嗷嗷北來鴈二月有歸音

寒食郊行

宋明詩鈔卷三

七

來家噓前春可憐空山遲日起晴烟柳枝嫋嫋翠猶弱
花蕊菲菲紅且妍荒隴歲時還俎豆短牆兒女正鞦韆
當年竹馬歡遊地華髮經過思惘然

春日懷空同李子

南中數枉故人書北上蹉跎信轉疎四海酒盃形影外
十年詩草夢魂餘藏身笑我同方朔作賦憐君過子虛
春入吹臺芳草徧塔雲樓月近何如

寇中丞北撫宣府奉同南渠韻

守邊猶得近邦畿亞相權兼大將威烏府夜開關月皎
戟門秋靜虜塵稀探兵入塞無傳箭勅使臨戎有賜衣
聞道六龍巡幸地至今常見五雲飛

坐上贈白巖少卿

淮陰廟前沙路微井陘口下行人歸邱園別後新松老
關塞經過舊壘稀駿駉騎聯春甸隱隱山城啓夕扉
卻顧太行應歎息十年空望白雲飛

次韻獻吉別

初春郊甸積雪滿客子出門岐路長征車杳杳去不息
關柳青青愁未央卻望秦山懷故道卽歸梁苑亦他鄉
十年京洛交遊地日夕風烟思渺茫

寄劉銅仁

地關天長柰爾何春風門巷少經過遙憐白髮星星短
無那風塵日日多懷舊獨吟平子賦感時偏憶少陵歌

崑明詩鈔卷三

八

江村細雨蘼蕪長是處扁舟有釣蓑

寄嘉定章太守

六千里外關山道十二年中風雨愁書信不隨湖鴈過
夢魂空遶蜀江流纖纖凍柳含烟裊冉冉春雲向日浮
多病有懷食遠望強扶藜杖一登樓

新莊道中卽事次章郡守韻

步隨芳草慨尋幽踏遍山城與寺樓情入暮春多感
地過名士亦風流川長漸覺三花遠雨足因占二麥
南望嶽峯蒼翠裏到時深恐白雲留

次韻別諸友

荆鄂相望一水閒早秋爲別仲秋還乾坤去住眞如寄

車馬馳驅不暫閒白帝城頭烽火急吳牛峽裏戰旗殷
江陵舊是襟喉地蜀道東來第一關

留別貞菴

陰陰汀樹起秋烟冉冉溪花接暮天歸鳥獨衝淮甸雨
離人新上汶陽船病餘藥物存芝朮老去心情托簡編
他日會傳招隱賦緘封應寫渡江年

送黃伯固進萬壽表如京

鳳紀初開萬壽辰龍箋遙集九州臣同儕建業生還客
猶是先朝死諫人天拱闕庭周道遠日臨旌旆漢儀新
形埒拜舞霑恩地已隔三廻黼座春

奉送少傅遂翁節制三秦

崑明詩鈔卷三

九

三十年來四入關土人迎拜想開顏風雷晚送蛟龍雨
菰蘢春藏虎豹山已遣北門歸鎖鑰更從西海弄潺湲
寥寥蜀相千年後伊呂誰當伯仲閒

送郝御史謫溫州

萬松深護理官衙嵐翠陰中閱歲華策馬暫拋臺府印
登樓常眺海門霞六朝秀句憐康樂四海名山說永嘉
落落曉星雲霧裏斗牛何日轉仙槎

送顧明府之聊城

上春行縣出東疇桑葉萋萋喚乳鳩道左壺漿迎父老
雲中冠蓋識君侯魯連箭滅遺書在微子城荒故堞留
萬壽可應空弔古土風先爲達宸旒

送都元敬二首

秋江浩浩夕波寒秋岸離離木葉丹南北路岐頻駐馬
古今懷抱幾憑闌平蕪日下黃雲合舊國人歸白鴈殘
謝傳東山意無限別來誰與共盤桓

古驛征郵畫舫燈客途風景向秋添憶邊涼月經淮甸
枕上微鐘過廣陵草滿臺城山寂寂雨晴江寺塔層層
十年舊跡空回首幾度追陪夢裏登

宴鄭氏園亭

未須韋杜家家到一山城門便不同折簡敢爲難致客
披襟先受不替風中年畏病長辭酒他日重遊定作翁
間有袁家紫閣開遍尙餘春色繞芳叢

山明詩鈔卷三

十

蔣山次韻

病起尋芳郭外遊漢人祠廟蔣山頭千盤鳥道緣雲轉
五石龍江抱日流隔浦迴看帆窅窅步林時聽鹿呦呦
松阡積雨莎如鏃不有桃花宛是秋

席上分韻送穆子

螢火依微穿廣庭鐘聲杳靄度層城殊方客子三更語
南國佳人萬里情夜雨樓中聞鴈別秋風江上看潮生
兩都詞賦流傳美不似湘潭弔屈平

謁文山祠

丞相英靈迴未消絳帷燈火颯寒飈乾坤浩蕩身難寄
道路開關夢且遙花外子規燕市月水邊精衛浙江潮

祠堂亦有西湖樹不遣南枝向北朝

金陵春日懷孟有涯兼憶亡友大復子

往在東山賦索居竭來南國轉愁予風前玉樹時難見
袖裏瑤華日漸疎京洛舊傳東野句茂陵新出長卿書
交遊意氣關生死伐木歌殘恨有餘

和馬尙寶文明讀杜秋興有感之作

杜陵寂寞幾經時遣興空畱卷裏詩早覺冰霜成歲晚
可憐松菊後秋衰秦城樓閣千年思蜀道烟花萬里悲
異代那知亦同感古臺寒日雨絲絲

送劉約中之金陵

君到石城邊應看石城樹樹杪百尺臺是儂行樂處

山明詩鈔卷三

十一

送于利

露下夜已久清軒調玉琴淒涼湘水曲窈窕白頭吟

送馮侍御還郴

驄馬遊駿駸蒼林蔭長陌憐君楚雲外獨作秋江客

雜畫六首

北風吹大雪向夕滿空山遙見山中客懸燈草閣開
山家春酒熟野老日相過醉別衡門外山鶯啼綠蘿
鳥啼青石岡日照紅泥坂杳杳雲外鐘山僧獨歸晚
征夫暮前侶杳靄出幽林欲渡溪橋去山中暮雪深
上山行采薇下山行苦僂山風夕凜凜吹笠復吹衣
經旬不出戶忘卻城南道江亭細雨過一夜生春草

題孫志同侍郎扇圖

山木各有林烈士各有心借問種松意悠悠江漢深

畫

琴罷興不盡起登江上臺江空秋萬里不見一舟來

山中雜詩

園果坐丹實園丁日夜看未曾供寢廟不敢獻中官

無題

庭際何所有有萱復有芋自聞秋雨聲不種芭蕉樹

宮詞

佳麗會矜得寵先後宮歌舞一當千那知寵極能生妬

不是青娥誤少年

崔明詩鈔卷三

主

五月六日東孔倅

艾家河邊蒲葉長扁舟昨日過端陽荆南客路千餘里

回首銅臺亦故鄉

金陵逢方日升

燕市分攜十七春白門相見白頭新鳳凰樓畔合香侶

江海飄零有幾人

次韻梧山中丞寄別東塘侍御

諫草書殘驛舍燈翠華衝雪恐難勝回輅莫向春明路

見說君王在白登

贈長垣宗室

瑤室青編萬卷餘宮中說道口閒居家臣昨日長安去

猶向君王乞祕書

次白巖韻

登臨隨處見題名想像當年載酒行山翠不遮牛首寺

江流常抱石頭城

送潘伯振守漢中

石棧凌雲鳥路賒漢中城府枕三巴風林落葉猿聲滿

那得行人不憶家

送蘇通判

春風江閣喜同遊苦恨逢君不少畱東去巴陵三百里

幾時同上岳陽樓

習池

山明詩鈔卷三

主

習家池上草萋萋流水成渠稻作畦山簡不來遊客散

居人猶唱白銅鞮

峴山

大樹蕭蕭白日寒羊公祠下獨凭欄尋常一種青山石

長使行人灑淚看

題家園風景圖

萬竹深深一徑斜草堂門巷接江沙主人遊宦不歸去

時有白鷗來釣槎

山行卽事

陵署青青生午煙山渠瀉瀉響春泉白頭宮監松林下

閒說英皇北狩年

草場

牧馬場邊首荷香
回龍宮外樹蒼蒼
當年駿骨今何處
曾被金鞍侍武皇

重贈吳國賓

漢江明月照歸人
萬里秋風一葉身
休把客衣輕浣濯
此中猶有帝京塵

山左明詩鈔卷第三

山左明詩鈔卷三

西

山左明詩鈔卷第四

石存禮十七首

存禮字敬夫號來山益都人弘治庚戌進士官

紹興知府詩見海岱會集縣志存禮淳厚而剛方所至以嚴見憚人

多忌之家居非公事未嘗一接顯貴性不樂置生產每念以清白貽子孫斤斤然有古人之風

幽居

幽居近城府而無城府迹耕鑿樂歲時樵牧共朝夕鳥啼芳樹深犬吠邨巷僻乘閒或杖屨有酒邀隣客埽石奠羹餽藉草爲茵席陶然忘外求所願非所適

石門

杖屨從所適愛此石門行川原欽飛雨佳木常春榮興

山左明詩鈔卷四

十一

言磐石閒坐看雲氣生徘徊日將夕山水有餘清

夏日山中訪隱士

治世有隱淪幽居出塵境逍遙物外心馳蕩山中景時豐官稅輸野曠人迹屏雨晴農事餘禾苗綠成頃俯仰堪興閒安閒乃天幸曉來門倚關鳥啼夢初醒客至啓南軒坐消白晝永遺編共討論微言發深省高林暑氣無清風襲衣冷盤桓興未闌夕陽下西嶺

秋意

草蟲階下鳴聽久猶未歇掩卷坐次寥秋聲振林樾人生無幾何爲樂不可輟風吹浮雲開送我半窗月逍遙步前庭孤螢自明滅

九日登北寺鐘樓

樓閣倚中天登臨思渺然閒身空歲月老眼幾山川落
照明秋浦飛帆入暮烟凭闌悵陳跡餘恨付詩篇

禱衣

明知秋已晚砧急露風寒清響雖同發憂腸各未安能
辭午夜倦將送遠方難此夜無衣客應從隴上看

歸鴈

鴈來何太早嘹唳過南樓數點乍離塞一聲初報秋行
行驚老眼字字寫新愁仗節人何在鄉書可寄不

東郊

爲愛東郊好第枝伴獨行花香能醉蝶柳色欲迷鶯但

山左明詩鈔卷四

二

得青春在何妨白髮生斜陽紅盡處一片暮山橫

上大雲寺

由險疑無路縈迴一徑通鐘聲寒瀑外塔影夕陽中窗
出茶煙白爐分松火紅禪房招隱處清話幾人同

人日野眺

七日逢人好頻年望眼賒寒雲晴度鴈城日曉翻鴉漸
下先春水梅開隔歲花居閒何所事端坐誦南華

水閣

草閣經秋靜柴門傍水開捲簾直露合倚杖白雲回點
點螢高下翩翩鳥去來林泉搖落意有興且銜杯

杏邨酒帘

春在山巖與水涯酒旗深巷有人家也知物態隨時序
但惜年光改鬢華落日疎林低度鳥東風平野亂飛花
晚來扶醉長歌去馬首殘烟點暮鴉

觀獵

杖藜曉出郡城東校獵咸觀騎射同一路行雲隨去馬
半空蜚鳥避彎弓川原路盡重圍合笳鼓聲高落照紅
共羨長楊能獻賦相如久已讓才雄

牧笛

春草萋萋遍石谿牛羊飽後下來遲牧童獨對斜陽立
短笛時時隔隴吹曲盡山空雲縹緲聲迴天遠鴈參差
林泉賸有逍遙叟一度聽來一解頤

山左明詩鈔卷四

三

牧牛

牧牛何必相牛經只愛年年草色青向晚不知春雨濕
東風吹笠過西垌

醉樵歌

寒山影裏唱歌頻短服長鑱自析薪市人聞陵惟換酒
醉歸翻笑獨醒人

秋懷

瓦爐柏子細烟消閒讀禪經破寂寥風細月高人語靜
隔窗疎竹夜蕭蕭

楊光薄九首

光薄字文卿沂水人成化己丑進士官山西按

察副使有沂川集亦曰月尾集 縣志副使居
貧甚惟以吟咏爲事又有
梅花集古及集社等詩

與郭都憲都下會酒偶成

江湖風雨動離憂綺席重逢在帝州
燿燿光分銀燭夜蒲荷香泛玉壺
秋眼中豪客陳驚座海內詩名趙倚樓
金縷歌殘人未散短牆東畔月如鉤

春日寫懷

白髮催人百念輕春來連日喜春晴
茅堂新壘家家燕山郭斜陽處處鶯
飲酒浪傳坐不朽尋僧還擬問無生
柳陰近就磯頭坐水面鷗羣漸不驚

春日村居寫懷

山左明詩鈔卷四

四

山村十載主人歸門對南山掩翠微
溪鳥亂呼蒲葉暗河魚欲上柳花飛
午窗尙夢蒼龍闕春服初成白紵衣
一去市城三十里高陽酒伴訪來稀

春日村居

鋤罷園蔬印治田陰陰榆柳蔭堂前
市沽頓積頻年債午夢真成小洞仙
幾葉漁舟春水渡一聲樵笛夕陽川
回思車馬紅塵路卻恨歸來已暮年

閒坐

竹根滴瀝響山泉袞袞紅塵遠市廛
閒向落花深處坐半庭輭草麝香眠

觀山

布穀聲中雨霽天綠楊輕鎖一村烟
瓦盆半醉青州酒泉水東頭看種田

春去

樓外青帘近酒家鶯聲巷陌夕陽斜
東風暗地催春去幾日無人喚賣花

答山中人

長夏守茅屋新涼生簷端窮巷隔羣
塵惟覺天地寬烟開遠山出雲歛空
堂寒悠然一樽酒清風動琅玕手持
淵明詩几列首荷盤既讀還復酌不
履亦不冠卻憶山中友人我如金蘭
示以瓊瑤音勸我長加餐欲會阻修
途對之空長嘆

山左明詩鈔卷四

五

秋夜送人還山

月華隱高樹輕飄動微涼故人話別處
一葉飄銀床聞道長途足秋草八月天
高鴈羣早歸來復臥故山春靜掩茅堂
不須掃倚窗坐對南山雲山頭麋鹿還
成羣碧草蒼苔應滿地日長無客來敲門
羨君本是豪雄者相逢痛飲只侵夜客路
誰憐知己稀須臾酒盡君更歸道傍柳枝
不堪折蕭蕭風冷吹征衣

劉澄甫十六首

澄甫字子靜號山泉文和公珣之孫正德
戊辰進士官山西參議所著有山泉集
大子亭雜錄州冠蓋最盛世宗時林下諸君爲海岱詩社
和尤盛其人則馮開山黃海亭石來山劉山泉

范泉揚繩谷陳東諸而卿墨藍北京亦以橋居
與焉倡和詩凡十二卷馮文敏公所選無刊本
子訪得之詩各體皆入格非浪作者其後大司
空龍圖鍾公晚年里居復舉與率之會多至三
十人而詩賦倡
和不及前矣

君馬黃

君馬黃臣馬白君馬日立赤墀中臣馬常行雪山積玉
勒嘶秋風凋弓抱明月十二閑中雲錦花三千里外胡
風沙香閨紅顏泣成血邊城白骨多如麻交河北流無
青草年年走馬交河道

蜨蝶行

春風蝶翩翩春社燕來舞相逢東園中參差桃李樹銜
之哺新雛香魂托誰估秋深蝶亦稀秋社燕忽去得失

出前詩鈔卷

六

無可問惆悵寒江雨

齊謳行

齊士善風謠齊女能謳歌臨淄佳麗地貴富侯王多營
邱據形勝十二當山河迤邐琅邪饒膏腴印墨香魚鹽
並杭稻海物紛交加浮磬有遺音孤桐挺陽坡壓桑中
琴瑟絳綺勝綺羅桓公敬仲父威王乃烹阿田單走燕
將魯連卻秦戈天道豈常泰人事或坎壈君相既淹沒
霸業終蹉跎達士解止足去將如何

送殷近夫合靖江

此首見石川集

吾國顏子江南行消魂彼此難為情文章海內相奇特
士價愈重千金輕傾蓋識面恨不早誰識鄙吝今復生

美君不負千里游山川佳麗胸中收鳳鸞自是盛明瑞
騏驎百里焉能留郡中無事日高枕棠陰寂靜琴聲幽
卽看期月稱善治磊落可見平生志陶令清風千載孤
我輩已解股侯意短詞觴酒盡懷客窗夜夢梅花開
奚囊定有瓊英惠涼月蒨庭候鴈來

寒夜與友人共酌賞瓶梅

草閣沈沈燈燼落山雲脈脈雪霰作柴門侵晚苦蕭森
石鼎臨窗甘寂寞故人誰爲憫貂裘隣友興來同野酌
忘機暖語不知寒折取江梅共酬酢數枝瓊蕊玉壺中
漏屋留香光綽約且須細細共流霞但覺醺醺對幽壑
雪裏憐渠花似冰燈前顧我髮如鶴五更五點罷擊柝

出前詩鈔卷

七

一蕊一杯仍大嚼天明客去余就眠近午坐頭夢寥廓

蠲稅

租稅年年急瘡痍何日蘇幸逢寬恤詔將慰海邦逋妻
子仍無地謳歌半載途家家共牛酒歡賞願須臾

賦得原上草

新綠連陽曲沿溪風正輕意含郊雨潤色藉海雲平愛
近花柳坐愁繁柳絮生王孫歸未得悵望若爲情

曉鐘

何處鐘聲急楓林早夜間白頭愁卻過清夢客初分斷
續秦樓月悠揚楚岫雲閒身當晏起窗影任紛紛

臘日

臘月八日水雪生山空歲暮烟雲橫且隨風俗亦獵較
況值節序成嘉平黃羊受慶本無術白髮經春還有情
磔鷄索酒共爲樂天高地迥逢時清

石井

巉巖石井不知名恬澹空山泉自清喜有澗花浮杞菊
竟須金縷落餅罌老年抱甕存吾拙卒歲耕田伴此生
寂寂試探甘冷冽區區何用汲王明

游石子澗訪西澗不遇

西澗原頭訪隱君柴門寂寂閉秋雲采芝徑遠迷幽壑
看竹亭空待夕曛流水新萍鷗並下野林芳草鹿成羣
踽踽獨步行歌去悵望孤村落葉紛

山左明詩鈔卷四

八

歸鴈

斷續瀟湘去迢遙關塞歸夜寒翻警枕霜老欲添衣風
雨幾時定稻梁何處肥隨陽限南北恨別轉依依

西洲曲

采蓮南渡頭采菱西洲口日落不逢人秋雲重回首

秋懷二首

露下風高旅鴈回霜空木落菊花开長門自閉傷秋月
那得黃金買賦來

蘭階玉露百花殘桂殿金風一夜寒珍重齊紈秋再熱
主恩爭得等閒看

花林野趣

按此詩見關山集中注云爲山泉作或一時興至爲之而各本俱屬山泉故仍

之

碧水青山何處村百花千樹半柴門山藏柳市無車馬
水隔桃源有子孫問舍地偏爲得計尋幽心遠遂忘言
悠然迴出塵囂外坐老猶矜興味存

劉涓甫九首

涓甫字子宏號范泉澄甫弟正德庚午舉人官

漢陽知府所著有海岱稿府志涓甫致政歸益緯文藝爲詩歌存客

漢繼山川名勝多所題詠

半山亭

名亭積翠通幽逕峭壁陰崖掩夕暉夜雨似疑山鬼聽
畫闥惟見海鷗飛門當澗壑留清響棟宿雲霞落草衣

山左明詩鈔卷四

九

松桂薜蘿招隱去逍遙塵外竟忘歸

苦寒行

北風初涼雨雪初飛居家蕭蕭遠涉何依天下皆寒獨
念迢征慘肌裂膚東山之行腹無宿飽身無重襖朝起
見星夜眠在草披有狐裘坐有熊席爾心則安寧復我
恤

幽居

靜處非寂寞適己即坦平少識敢絕交似野仍在城陰
隨竹梧密風動松柏聲雖無桃李繁頗覺蓬茅清琴招
舞鶴至道爲灌園成已愧青雲姿多從白石生人卜隣
翁好不爲侯門營門外各有求世路徒縱橫

陽水田家

田夫不生疾田婦不生妬兒女共嘻笑等閒少嘆怨五穀半收成三時多雨露身外何憂愁從容度朝暮編荆慣作扉遠屋更栽樹無事不入城愛向村中住偶爾招親朋歡顏好相遇正值黃鷄肥園圃伸薄具彼我俱真率荒涼有佳趣膏腴知難得朴實無他慕自然生善心終歲惟土務

賦得原上草

原上年年草王孫復此行漫催人去住遠與徑縱橫雨潤柔還綠風吹萎更生幸隨時序發蘭蕙敢齊名

柳枝詞

御水河隄見柳條退黃添綠媚仍嬌自言態度渾相似不信君王惱細腰

放歌行

冰蠶不知寒火鼠寧識春物性安所習志士曾因循鳳歌避塵世龍躍起天津三聘往草野一顧傾渭濱即圖國士報肯虛明主恩短服謝韋布華組挂朝紳戚姻待舉嬰賓客喜乘輪志滿氣亦揚滿前皆交親人自敬長史賓主徒殷勤

聽阮短歌

燕歌楚舞世所羨趙瑟秦箏媚高宴何處佳人來撥幘衆樂無聲皆驚嘆四絃彷彿琵琶同鳳凰一鳴驚鶴樹

素影連環抱明月清角往復悲回風楊花飄飄落江渚野禽啾啾雜鶯語胡笳塞外多哀怨江州亭前泣羈旅爭如月下聽鳴琴高山流水逢知音竹林千載亦奇興草堂一夜清塵心

秋懷

秋到旋添黃葉遲風吹偏冷白雲居半生貧病甘疎拙不怪朋遊不寄書

劉約四首

約字博之號黃石東阿人成化丁未進士官河南參政有黃石吟稿人物志約初聘徐氏女已其後徐目自明人皆異之而約不與民目其集曰南藩即奏奪民田約論列特不與民目其集曰

山左明詩鈔卷四

十

劉公

桐柏道中

官程今幾許此去定何如野寺參求少荒村禮敬疎山容秋澹泊谷口夜空虛昏黑失前景遲明擬問渠

南召題

山行四十里百折一川通形勝岡巒合鬱蔥草樹叢路仍文叔跡城向楚王宮緬想甘棠句令人慨古風

癸酉初冬西園登眺

萬物歸根抵天工合暫休晴林疎澗日霜葉轉沈清雲際微分鳥烟中獨倚樓好懷須仗酒擬作小春遊

臘日宿小窰

臘日回車出禁城霜天黯慘獨宵征行燈閃閃明還滅
成柝蕭蕭斷復鳴每向動中思靜境卻於止處計前程
曉來莫怪鷄聲惡自是英雄夢易驚

劉田一首

田字伯明號東溪約長子弘治乙丑進士官戶
部員外郎有東溪存稿人物志云氏民得自免
受賞田于是置酒名衆飲進免乃語云白兔
炙佳否衆愕不能對田徐曰諸君樂飲耳令登
巖白兔者耶山東通志田爲元氏令治嚴明
不阿權貴劉瑾使中官二人刺事內所至郊
迎入元氏坐傳舍召令田叱吏縛之將上請久
乃解去太守賂以千金不使田聞也漁洋山
人云章邱張茂蘭清介絕俗其官京師冬無絮
衣遺者皆不受東阿劉田伯明遺之乃受日世
惟劉伯明可
服耳人兩高之

岩明詩鈔卷四

主

西郊草堂

茅堂古樹繁蘿薛鎖柴門暮聽猿啼嶺朝看鹿過垣藥
苗因水灌書帙借風翻知己時相訪松花泛綠尊

陳玉一首

王字德卿沂州人弘治癸丑進士改庶吉士授
御史歷官南都御史

喜雨上金郡刺

亂紅枯濕擁籬根惻惻餘寒靜掩門疎雨人家寒食暮
暝烟天色杏花村西山淨洗新眉黛東野青回舊燒痕
政喜坡仙在吾郡一亭虛敞對吟尊

任文獻一首

文獻字光國鄒城人弘治癸丑進士官御史

題八蜡廟

蜡臺百尺倚晴空臺下平原一望中茅屋人家楊柳暗
酒旗村店杏花紅農夫新水犂邊雨牧豎斜陽笛外風
何處春翁賽春社紙灰狼藉廟西東

周舉一首

舉字尙賓鄒城人弘治壬戌進士官雲南按察
副使

望海樓

雲梯石磴羊腸繞轉壑飛流碧玉斜望海遺踪空寂寞
數聲鷄犬野人家

岩明詩鈔卷四

主

王崇仁一首

崇仁字仲安曹縣人正德戊辰進士官陝西按
察副使所著有錄醜稿山東通志崇仁初官工部
察副使以正上下肅然計交豫益繁理戎器甚
辦食事江西宸濠黨橫悉裁以法濬河以重帶
不受改官奏
中引疾而歸

河八曹南

黃河從天來發源自崑崙萬里至中華九折成雷奔流
入魯衛開土墳地不根東山有長隄惠愛今如存沿河
賴滑王繼世猶村村邇來風浪惡洲渚衝天門居民盡
東徙漂泊誰招魂世無塗山客舜誓何爲分

王崇文一首

崇文字叔武崇仁弟弘治癸丑進士改庶吉士

歷官巡撫保定副都御史所著有兼山遺稿

崇文改官戶部武宗御內臣奏請天津鹽生崇文自向書韓文力斯之提學四川其夫也生從放送出峽參政山西有父老攜子弟求識其面目慎重民命立布政以來未之有也

調杜少陵草堂

萬里橋西有所思少陵此地寄荒祠乾坤不盡浣溪水

日月常懸杜甫詩錦里行吟空落日曲江回首憶當時

兵戈滿地秋風起今古蕭條總一悲

獨坐

江城漠漠晝常陰獨坐誰知萬里心客久自應悲遠道

俸多時復愧官箴南川羣盜降何暮全蜀三軍入已深

左明詩鈔卷四

南

傳語郵兵須仔細江防隨處有氛侵

春日過定清寺睡起用杜韻

野寺沈沈晝悄然萬緣空處得酣眠十年來去身如寄

千里追尋夢若牽瑣利浮名孤榻外飛花啼鳥小窗邊

歸鞍儘爲湯休住淪茗焚香不費錢

郭東山

東山字魯瞻號石崖掖縣人弘治丙辰進士官

四川參政所著有石崖集山東通志東山事母至孝爲御史以劾官

監性劉瑾免官在川時法廉平數有平賊功其詩如披荆刺楚叢雜之中不乏菁秀

過潼關別張汝成

客裏逢知己郵亭嘆復違秋風牽去旆菊葉征衣王

事諸賢在塵纓萬里歸中丞饒舊業東壁借餘輝

宿報恩寺次南阜韻

僧寺水邊古羣生象外睎停車坐高閣捲幔入晴霞鳥

道離離草春城處處花臨風漫搔首明發更誰家

鴈門關

關城風色日颼颼廣武新軍玉壘頭百晦石山下業

數聲羌笛戍邊樓枯沙遠燒憐春望白草黃雲結暮愁

珍重北門誰管鑰回中獵騎未全收

清明日出東郊

東郊物候復何如天氣清明三月初淡淡條風先著柳

左明詩鈔卷四

五

青青宿麥正宜鋤野人拾翠隴山麓夷俗燔膏祀水餘

立馬問春深幾許綵繩處處送霞裾

七夕

晚涼初試雨餘風月色螢光小院空鵲駕不辭連日夜

鳳梭應輟此宵功五生玉腕迎仙姊九度金針競女童

得巧意濃忘晝夕沈沈清漏不知終

送吳大參致政還弋陽

晴江一棹出烟波離思其如萬里何湘浦北來秋鴈早

臺峯西去夕陽多風迴暗浪嗟萍梗雲隱長松隔萬蘿

悵望臨岐空佇立高原獨樹遠戡我

晚小納溪

急櫓鳴灘赴納溪牛羊下處亂鳥啼水田石路瀧江上
何日看山獨杖藜

耿明一首

明字晦之館陶人弘治丙辰進士官江西參政
山東通志明在諫垣言無遺忌劉瑾用事與十
三道劾之巡按雲南寅獄坐於法遠近稱之
三月三日夜宿懷化驛

幾年官轍走東西又上高山駐馬蹄三兩夜來雙蝶夢
八千里外一烏栖生辰往日郎當舞南極今宵悵望低
豈是遠遊違往訓爲言寒谷待春歸

翟鏊一首

鑾字仲鳴諸城人弘治乙丑進士改庶吉士授

出明詩鈔卷四

未

編修歷官少傅兼謹身殿大學士諡文懿
明史鑾輔政有修潔聲世宗賜銀章曰清謹學士持
服家居至困頓不能自給後爲嚴嵩所忌以子
汝儉汝孝同登第屬御史劾罷之穆宗
時復其官詩一首見殷石川詩思錄

送殷近夫還壽張

祖別都門外何當及暮春落花隨馬足衰柳傍城闌
抱病憐知己吹竽愧故人相思明月夜千里共傷神

楊良臣二首

良臣字舜卿即墨人弘治戊午舉人官太原通
判有南莊遺稿家傳孝廉事親最孝謹於弟
作上梁文所云讓彼季子及所居之藍田御
祭城單騎撫青羊山大盜前後數四功最河陽
云

登雲中城樓

漠漠雲烟及暮秋偶來城上一登樓青山不管古今恨
白日空懸天地愁誰有雄才能破虜我無奇骨可封侯
盡將十五年前淚洒向桑乾水共流

次郭克清韻

閒臨流水靜看山樹裏雲低手可攀綠野舊開山二頃
黃茅新蓋屋三開春殘花徑何須墮月落柴門竟未關
有酒便當呼一醉青銅無處覓朱顏

陳九疇一首

九疇字禹學曹州人弘治壬戌進士歷官巡撫

甘肅副都御史
明史本傳九疇少倜儻多權略
兵備肅州治軍精嚴捕斬開驛

出明詩鈔卷四

七

甚著威略工瓊陷彭澤並及九疇遂除名及巡
撫甘肅尤有邊功致仕歸爲桂萼所中刑部尚
書胡世寧昌言曰吾爲司刑而殺忠臣寧殺我
乃上疏極爲訟冤以爲文臣之有勇知兵忌身
殉國無如九疇者卒
論皮極邊後赦還

西寧中秋寫懷

渺渺風塵卒未休不知何日是回頭夜深空作還家夢
力薄徒懷報國憂半世功名惟白髮一年光景又中秋
停盃爲問青天月今古人生只此不

陳鼎二首

鼎字大器登州衛人弘治乙丑進士歷官應天
府尹明史本傳鼎先世宣城人高祖迪先建文
中復官累擢浙江按察使廉介正直不通私
初復官累擢浙江按察使廉介正直不通私

召爲府尹
未任而卒

海上寄順渠

浮生悲白髮末路怯黃塵萬里還家日三年報主身對
山開大竹傍海釣游鱗尚有奚囊在丹砂可駐神

詠海市

凌虛出市何冥濛云胡獨見蓬萊東竹山妃子巧粧束
翠屏金鏡堆芙蓉幾回梳雲蛟室暗有時浴日鯨波紅
恍疑根著帶鰲極不然底柱楮驪龍海若無言風伯死
六丁白日驅豐隆樓居十二隔烟霧齊州九點攢神工
小兒造物只如此蘆灰色石非談空三山遙指亦有意
桃花未許劉郎通歸來几席有滄海終當稽首乘桴翁

山左明詩鈔卷四

杜泰二首

泰長清人弘治乙丑進士官饒陽知縣

石虎山

石虎山坳后土宮老槐盤鬱石龍從遊人攜酒集春暮
野老扶筇乞歲豐仙客洞深聞犬吠蒼崖字古有苔封
登臨聊放乾坤眼魯甸齊疆指顧中

隔馬山

野水荒溪落照邊西風衰樹仲秋天川原朴野人情舊
禾黍豐登樂事便隔馬峯高從太始棲鸞縣古自何年
勝遊已負平生願把酒臨風一悵然

張瑤一首

瑤德州人弘治辛酉舉人官山西通判程正夫詩搜通

列居官廉苦歸里寄身荒寺不異棄人死無棺前輩稱其文追兩漢詩通盛唐手稿散逸僅下

下第

此日何時三月半楊花海燕相翻飛愛逢客子登樓共
嬾望鄉關落第歸搔首低昂從性適畫眉深淺與時違
幽人自不悲魚肉長缺高彈對夕暉

柴世需三首

世需字元功陽穀人弘治甲子舉人官工部員

外郎分省人物志世需夙有文學尤長詞賦善

重時所

山左明詩鈔卷四

答謝潛石來韻

鳳閣當年侍從臣大官賜宴醉長春田園歸老逢堯日
澤畔行吟笑楚臣寄字雲間無塞鴈傲霜月下有庭筠
年年株守雖云拙尤勝顛崖末路人

寄謝潛石

竹院秋深懷謝朓和雲高臥古松根東臯賸有開風月
聯袂何時醉瓦盆

沙河

秋風秋雨沙河岸歷歷穿雲有鴈行北去南來無定處
劃然我亦笑渠忙

官一夔十首

一夔字舜鳴僉事賢子正德庚午舉人官衛輝同知有環山亭集

蛙鳴

向晚蛙聲亂喧闐處處同野塘青草畔雨霽月明中那解官私別誰言鼓吹雄出門堪一笑是物有窮通

胡西野諸公餞之郊

遊子悲岐路王孫惜別筵對花無樂意聞曲各悵然嶽色青尊裏春光白髮前登車兩行淚不爲世情憐

秋興和文溪范使君

露下天高秋氣深感時揮淚動長吟愁看碧海城頭月夢落秋江楓樹林宋玉漫誇詞賦手揚雄空老草元心

山左明詩鈔卷四

辛

柴荆地迴無人過潦倒溪邊獨抱琴

送趙南隈歸湖州

南國春生萬里舟江山風物洗雙眸汀洲夢繞淮邊月鴻鴈書來海上秋阮籍猖狂空落魄馬遷心事豈遨遊

酒闌何處從君話腸斷元龍百尺樓

送唐貳守歸廣西

萬里江湖別駕過長亭把酒意如何洞庭水闊春潮長衡嶽雲連暮雨多謝豹自啼脩竹裏王孫相逐古榕柯

鄉人盡日看衣錦回首天涯一嘯歌

懷蘭州彭幸菴大中丞

回首金城三十年黃雲紫塞夢相牽五泉風月詩篇在

九曲河山捲畫邊虎帳元戎開白首龍門舊客老青氈相思萬里憑誰問腸斷西風一惘然

過定州志感

五馬重看過定州西風雙淚不能收桐鄉父老猶相識棠樹春陰還自留封壤偶然同句服循良敢謂託箕裘可憐贏得塗人說昔日郎君今白頭

桃花洞餞別李方泉

兩髻山前蒼翠浮桃花洞口林塘幽主人留客踏春雪下馬呼童洗玉舟野老顛狂若沈醉謫仙行樂自風流鸞坡鳳閣明朝去白石青松相對愁

咏太泉

山左明詩鈔卷四

辛

秋水溪邊構小亭春來幾度宴遊停坐邀黃鳥一雙語門對寒山無數青鄭谷烟花多不暇習池風月豈曾醒淹留佳客渾閒事太史何勞報聚星

王清三首

清字一寧濟寧衛人官都指揮使正德初征大

藤峽死之所著有建業詩稿

明詩話云
合肥人

遊青山有感

天際芙蓉紫翠重巖前古廟倚長松陰廊靜隱苔苔合空洞雲歸碧綠封爭樹有時喧鳥雀殷雷無地走蛟龍題詩卻憶登臨日曾醉烟霞落日峯

塞上感懷

西風關外雪初晴懷古思鄉百感生玉帳枕戈人萬里
鐵衣傳箭夜三更夢迴絕域烏桓地戰罷空山勅勒營
烽火微茫天去遠月中鴻鴈起秋聲

出塞至駕海

落日龍荒峴嶺還劍光直射斗牛寒少年氣節應無敵
肯負平生一寸丹

山左明詩鈔卷第四

山左明詩鈔卷第四

圭

山左明詩鈔卷第五

殷雲霄 四十三首

雲霄字近夫號石川壽張人弘治乙丑進士官

南工科給事中有瀛洲芝田二集合為石川集

明史稿文苑傳雲霄作著父堂聚書數千卷以
作者自命武宗納馬姬於宮偕同官疏諫引李
國呂不韋為諷鄉人穆孔暉以其峭直嘗曰殷
子恥不善不啻負我穆然列朝詩小傳近夫修
眉目口可容拳生平方峭克約與孫太初鄭
繼之為友所至登臨山水不以吏事廢吟咏不
羈之士也穆敬甫云殷君與太白山人多唱
和宜其風度似之國雅品云近夫詩藻時髦
才情適麗如波喧偏怒石山暗欲生雲溪靜千
聲倒雲歸衆壑皆又狂龍歌舞晚潮外芳草歷
亂新晴中稍得風池一毛龍洞片甲氣也立
云石川天資豪邁著述甚富海嶽之奇氣也
倫汝成云石川氣逸才雄思奇語勁騷壇勁敵
明詩綜詩話近夫如傳寫手欲開生面而神

山左明詩鈔卷第五

十

采末工然風格自存終
不作鋪眉苦眼求似

金田山

雲峯既合杳石徑亦曲折曉行霜露重葉墮寒潭潔奇
石立且仆洩雲去還結小住愛窈窕遠眺得奇絕山水
適夙志草木悲莫節紛紛搖落中豈無霜下傑芳蘭何
嗟及殘菊尚可掇况我多疾病臨事率疎拙久已臥北
山胡為來東浙逐物歲空徂繚異俗豈屑撫已尚屈強
感時增悲切荷鋤愧老農結茅想前哲懷意物莫與任
道神所悅終焉返初服庶川安薄劣

長店

大風揚塵沙白日昏林邱前途浩莫辨聊此停吾舟崇

岡蹲狐狸高樹鳴鵲我欲驅之去惜哉無弓矛驚虞
嗟已矣此輩今何求

感遇

孤鳥失其林日暮鳴且飛風枝棲未定搖搖將安歸中
洲有芳草慘淡少光輝丹楫蕩流波根株苦無依悲此
遠征人三載故鄉違萬里長途開安知身是非東海有
釣綸西方有采薇悠悠迷方子誰能識其幾

贈王蕭山

放舟桃花口望君君不來泊舟磚河驛君來懷抱開君
來顧我笑舉手開金壘頽然日已曛高歌良悠哉今朝
天氣佳風靜無塵埃夾岸草青青雲中鳴鴈哀鴈鳴求

岩南詩鈔卷五

二

其侶良會信難諧我有盈尊酒與子共徘徊

石門

我本五城客偶爾值人閒性不諧俗務往往愛名山談
笑聊應世綬紱非愛官世人不我識笑我無俗顏守己
一何拙用世豈不難翻然起窺猜論說盈萬端聞之固
莫辨反已情愈安今朝拏舟來乃諸心所歡冥冥雲霞
窟山高水潺湲白酌還自歌日夕不忍還方朔亦待詔
梅福終挂冠願言跨元鶴遊遨開闔天元鶴不我至緬
焉起長嘆

渡江

大江雨雪霽波濤生遙風帆帶毗陵雨權關馮夷宮清

歌絲雲上奔沒駭魚龍冥漠無端倪六幕烟霞空一鳥
忽發舉浩蕩莫與同萬流西南來頽然遂徂東坐送千
里日海霧何空濛不見蓬萊山焉知浮邱翁乘桴嗟孔
聖釣鯨想任公道全俗可遺神往物匪豐終當遺凡蛻
無復悲轉蓬

餐梅

退食縣齋靜微雨亦復晴開尊梅花下啜杯泛其英殘
蕊自墮地更覺春草生重雲生夕暝江城鴻鴈鳴兀坐
不忍去暫此息營營簿書非我事鞭笞非我情抱榮未
歸去幽懷徒自盈

吟嘯詩爲太初賦二首

山南詩鈔卷五

三

朝爲梁父吟莫作孫登嘯龍臥隱神奇鶴鳴眷高蹈孤
杖五嶽游獨繭八溟釣獨往愜幽貞誰屑悲殊肖觀化
俗可遺乘運物莫料志存蘊經綸道全適要妙遲迴千
古心晬晚末代詭悠哉任申寫聊爾成音調
吾觀豪傑士逸氣排乾坤孤貞滋情感慷慨道安存觀
世無固節洗心有化源嘯歌聊復爾非君誰與言

雜詩二首

人生惟所遇知己良獨難子期旣云死伯牙絕其絃莊
周無惠施嘆息誰與言晏嬰豈不知孔聖不見賢鮑叔
薦管仲功業共赫然

蘭芷生深谷枯死芳不歇涓水不擇流入涇汚其潔君

子有定志流俗非所屑千載首陽人匪爲名不滅

晚酌石門懷太初

驅役悲身病停舟暫此過秋風吹桂樹搖落其如何紺
林喧歸鳥丹壁動飛波對酒憑誰醉蒼雲向晚多

九日游梵宗寺

胡山梵宗寺登高此日來泉聲分澗谷林木隱樓臺合
杳秋峯峻蒼茫海霧開黃花無意緒落日伴荒苔

秋郊

簿書何時了聊此一蕭疎野水當秋減浮雲過嶺虛萬
里歸難定三年病未除已同南飛鳥不見北來魚

夜登定山

山左明詩鈔卷五

四

獨泊桐江水夜登定山石延蘿踞虎豹嗟波動潮汐俯
闌馮夷宮疑入羽人宅林靜江有聲雲昏岸無迹懷哉
生哀聽戚矣闕遠觀風勢依峯峻月色連江白飛鴻鳴
遠浦潛蛟舞深澤飄飄千里升脈脈獨遊客飛帆拂溟
海逸思遶鳬繹乘桴嗟有志棲巖悲失策薄宦竟何有
幽期誰與適覺迷道有獲舍欲情無逆眷言詠白駒聊
以慰今夕

宿江陰得太初書

侵晨發毗陵薄暮及江陰積雪明高原歸鳥喧前林孤
舟風雨夕大江雲霧深遙遙越鄉感脈脈遊子心美人
隔江浦寤諱安可尋情至物有合離析傾瑤音愛賞欣

自古慕羣悲獨今寄言狂歌客一尊待吾斟

聞太初出遊

江風散微雨重峯生遙碧林端浮新青梅遲見殘白地
僻爭訟簡吏散庭宇寂烟水澹孤城齋閣坐成夕忽念
同懷人清光隔咫尺溪舟時載酒野步或攜策靜躁心
詎異寤歌聊自釋

行路難四首

黃姑織女河東西經年會合誰復知人生意氣苟不忘
百年何足悲別離世情所見惟目前駕車騎馬人共憐
買臣未遇妻見棄他人悠悠其可言

水中走馬其可行木末種蓮其可生彭澤縣中五斗米

山左明詩鈔卷五

五

何如高臥北窗無俗情猛虎怒號山無色百獸聞之俱
辟易一朝失所遭束縛稚子蘆矢來學射

璠璣慘淡驛驢泣世無卞伯誰復識國色近前同室妬
花貌勝人亦何益前席賈生豈不遇讒言毀之長沙去
塞上空悲延壽圖長門錯買相如賦

少年白馬珊瑚鞭遊冶長安大道邊歸來暫向青樓臥
千金買醉不論錢窮巷老生亦何爲經年讀書不下帷
漢朝天子方好武頭童齒豁憐者誰

秋郊

今日忽不樂悵然歌式微來遊荒野大坐覺晚雲飛秋
葉不相待海潮空自歸憑誰問所往寂寞故人稀

簡桂丹徒

多病東甌客空江獨問津飄零屈壯志汨沒共時人滄海風雲氣他鄉草木春江山憐地主高興欲相親

金山

坐竿波浩蕩采秀石嵯峨又引風帆去其如幽意何海鯨狂嘯雨山鬼笑披蘿驛路重回首蒼雲向晚多

虎邱寺

落日青山外浮雲滄海邊江山皆勝跡樓閣自人天碧草生公塔丹厓陸羽泉平生獨往志欲老翠微巔

送劉戶部乾

三月寒如此海濱春到遲無因芳草別况是落花時南

山齋詩鈔卷五

六

國征徭急中原鼓角悲歸朝應有待無復計安危

石門

石門曉日雲陰陰連巖密竹深復深自憐烏帽驚元鶴
石門號元鶴洞天誰瀉白波下碧岑
石門瀑布甚奇陽崖灌莽鳥相語

寒潭風雨龍獨吟山靈應笑未歸去汨沒塵埃非我心

九日登混元峯二首

孤杖千峯病起時江山如此更何之三年奔走風塵暗
九日登臨草木衰樽酒相逢人去遠鄉書不至鴈來遲
八溟秋色真寥廓極目蒼雲有所思

去年獨酌臨滄海今日相攜上翠微寒菊向人如有待
故園何日可言歸雲連溟漲三山遠風掠巖巒萬木稀

多病不堪頻北望干戈空使淚沾衣

富春山

富春山上雲蒼蒼子陵墳前江水長百戰韓彭無葬地
千年樵牧有椒漿絕巘寒風摧短鬢長波落日動孤航
多懷欲采芳洲薦楓葉蕭蕭天雨霜

寄子靜侍御

黃河東下日千里孤夢托之可到無兩夕高談終不厭
十年交義未爲疏空江草色憐詩興野岸春寒問酒壚
鴻鴈碧雲空料理南來不得廣陵書

下邳見山

過江以北不見山今朝蒼翠落潺湲平生自是烟霞客

山齋詩鈔卷五

七

出宰况居山水間芳草可憐春欲暮白雲應恨鳥知還
推篷把酒風塵道愧爾相看亦故顏

南旺道中柬徐掌科尹大行

夜雨既過無塵土芳草微烟亦可憐白雲欲去青山遠
鷗鳥似矜湖水妍平生事半風塵裏兩年歸及清明前
楊柳岸頭春幾許與君沽酒問魚船

無題

月照高樓起暮愁東風遙恨木蘭舟楚雲終日空凝夢
秦鳳何年共遠遊新燕噴風牽幕帶飛花衝雨上簾鉤
兜觥淚竹終塵土瓊珮椒帷自阻脩

歲暮

吏退烏啼縣事稀南山對坐雲依依冰生幽壑羣龍寐
雪灑空江獨鶴飛芳草向人已寂寞梅花何意猶芬菲
故園松菊爲誰好歲莫山中人未歸

惜梅

鳴雨既過漸細微江風颯颯吹客衣晴雲雨雲自紛錯
山禽水禽相逐歸三年羣盜衰疾甚千里孤帆音信稀
丹崖夜夢桂樹發清尊共惜梅花飛

客夢

客夢迢迢流水春風處處桃花芳草不知幽恨鳴鴻更
向天涯

東申丹陽

岑明詩鈔卷五

八

楊子江頭春雨晴丹陽城外暮潮生泊舟沽酒雲陽驛
故人不來誰爲傾

雜歌二首

秋風吹溪溪水清溪水倒懸落日明溪邊白鷺好毛羽

尋魚沿溪獨自行

馬鞍峯頭雲陰陰鳴山祠下千樹林林中落葉已無數

飛鳥歸來空悲吟

于戶部約遊虎邱

漁歌隔岸曉雲低客夢蕭蕭意轉迷歲暮江南魂易斷
姑蘇臺畔子規啼

漫興

二月澄江春水深北孤山頭雲陰陰北孤山頭空復雨
我欲渡江愁我心

飲張簿宅

飛燕啼鶯向晚閒江空烟淨酒微醺不須遠望憐芳草
更與高歌落海雲

王崇獻九首

崇獻字季徵號蒔塘崇文弟弘治丙辰進士改

庶吉士授主事歷官巡撫寧夏僉都御史有韻

語拾遺于文定公蒔塘先生傳公初爲主事以

其在寧夏偶感時事三疏乞歸家食三十年名

其堂曰三已自序子舊有韻語數卷淪於洪

水收拾遺稿以備

遺忠贈子孫爾

九

南郊祈雪有感

千尺遺幢信不頗無衣卒歲復如何皇家早與開倉廩
先活街頭凍餒多

久旱得雨

一雨飛來抵萬金南山種豆老農心須臾雲歛柴門啓
自負鋤耨試淺深

過廬山次壁間韻

山上蒼松山下屋屋角泉流映修竹寺門日午尚慵開
老僧獨伴烟霞宿

南園卽事

草閣淨如禪涼生五月天彈碁因坐久酌酒覺神全好

爵元非寶清風不用錢牧童牛背穩遠遠過山前

過鶴兒嶺

嶺頭香靄野雲屯有客經過日欲昏山勢列屏愁礙馬
人家依堡自成村秋光黯淡風霜早往事荒涼父老存
雪恥百王君信否九原應起武侯論

入關

塞北迢迢擬泛槎霜前秋色動蒹葭旋經驛館多乘夜
纔見關山似到家九月天風吹白草重陽幾日醉黃花
郵亭困倚征鞍憩夢裏猶疑奏幕笏

次杜愈憲治河詩韻

公家欲了不妨癡驄馬聯翩冒雨騎齊魯風聲憐仗節

山南詩鈔卷五

十

廟堂元老喜同時九河導後元無策瓠子功成合有詩
報國忠誠心似鍊勞勞夙夜不知疲

郊居感興

寂寂孤園烟草迷地偏原不隔山溪門前莫問三千客
架上常封六乙泥燕子來時花又落黃鸝去後鳥空啼
美人家住湘江水若比陽臺路更西

夏日郊居卽事

長日園林淨杳冥凝塵兀坐小窗極蠹魚將子遊書几
蝶癡衝出八畫屏無計可祛原憲病有時還誦太元經
頭毛種種甘衰朽安得山中千載苓

李廷相 七首

廷相字夢弼號荊川濮州人弘治壬戌進士及

第三三人授編修歷官戶部尚書諡文敏

官翰林以忤劉瑾改部曹瑾誅復官在經筵武

宗稱爲真學士由興父墳同官卿貳時人榮之家

積古書萬卷後爲家僅編萬凡

有李氏家藏圖書者皆得厚價

薛西原見訪山亭留飲次韻

吏隱日華東開軒桂樹叢花明合夜雨泉響激秋風海

屋移三島淮山引八公淹留歡未足還許過新豐

牛首山次喬太宰韻

天開牛首壯京華雙角峩然對獻花山東江流紫作帶

樹迷僧寺爛成霞塔巖慧日明金像洞口香雲護石芽

見說南朝遺址在曉來烟雨濕袈裟

山南詩鈔卷五

十一

金山寺

金削危峯控具區中流屹立界三吳潮平日照龍鼉窟

秋霽天開海嶽圖望闕雲霄懸斗極濟川舟楫在江湖

妙高臺上西風急萬里烟波一鳥孤

秋日卽事四首

宦思隨秋薄幽懷對酒寬晚涼食露坐明月上闌干

雨霽秋雲薄山空夜月孤漁舟橫渡口沙鴈宿菰蒲

黃舒籬菊淡紅墜沼荷新社日梁開燕依依別主人

風物驚森索眠遲坐數更夜深孤月沒螢火上窗明

穆孔暉 八首

孔暉字伯潛堂邑人弘治甲子舉鄉試第一人

乙丑進士改庶吉士歷官學士掌院以太常卿致仕贈禮部侍郎諡文簡有文簡公宦稿晚稿

上之回

回中道旌旗繚繞明枯草蕭關北毘鼓逢逢振幽極朔風吹萬馬雨雪凍千山長安路上傳清警六飛騰鑣白代還匈奴何時滅神仙不可攀前年作得魚龍戲深宮一宴開天顏

月蝕正德二年

抱日金精滿懸霄玉鑑清恒垂千古照豈惜一宵明弦

山右詩鈔卷五

主

望皆常數升沈亦物情妖氛何處起惡態突然生吞嚙應難禦焚酣未易盈衣冠環地伏金鼓徹雲鳴天眼須史暗人心恍惚驚嬋娟如有罪椒繯自無名良夜風烟慘青天魑魅行乘時恣毒虐埋彩愧紛爭擬欲彎弓射翻愁破鏡并頻看銷沴氣終喜復精英天地神還爽山河影即呈當空千里色仰面萬人聲錯落珠躔拱昭回銀漢橫太陽仍有室羣象盡合品夜樹移山鬼塵寰變玉京煩蒸初得雨瀟灑正新晴倚檻憐深院凭梧惜短更明宵更堪賞滌盞與傾

青環閣留題在白學士香山別業

平野青無際橫空高閣寒追遊來別業登眺凭雕闌北

斗森相接西山翠可搏玉泉明遠瀑金水瀉迴瀾村塢千林積都城萬井攢風長來鼓吹塵暗走衣冠形跡寰中倦襟懷物外寬雨晴荷氣微日靜竹光團馬嘶藤蘿際鴉飛禾黍端隙田開射圃曲几列騷壇况復池臺主兼爲翰墨官侍言親帝幕作賦動金鑾英俊皆登杆恩蒙濫識韓深知一會易獨羨四井難愛此舒眉日渾如生羽翰畫屏題淡墨絲戶綴深丹酒泛玻璃盞瓜浮金錯盤水滌烹茱萸碧簾展琅玕絃奏高山調談傾下坂九竊懷知異撰乘興盡交歡時泰民無警官閒政莫干山河萬里壯宮闕九重安物態浮沈是時名文字看相期惜歲月各擬種芝蘭勸業心難負行藏餐未殘閉門恒寂寞出郭暫盤桓張弛明公意逍遙達士觀風光願無改還此簇吟鞍

山右詩鈔卷五

主

送李獻吉歸汴

西風送歸客倚馬共徘徊岐路楊朱淚江湖李白杯秋高鴻欲盡霜重菊初開獨有梁園月能供作賦材

對雪

雪墮崇城曙色迷短簷平接暮雲低茫茫大地江山合漠漠寒天一鳥啼不訝薄衾涼似鐵獨憐高枕醉如泥林閒脍有堪遊處惆悵關河限馬蹄

送姚惟寧守袁州

霜外長江擁碧流使君十月下袁州遙知道路傷心處

萬落千村野草秋

書懷

秦淮新月照人明
獨憶家山夢未成
此際高堂應不寐
臥聽羣弟讀書聲

送王侍講三錫出叅蜀政

平生染翰青雲上
今日方知行路難
聞道華陽多勝槩
莫將詩酒愛登山

許成名三十八首

成名字思仁號龍石
聊城人正德辛未進士改

庶吉士授編修歷官禮部侍郎有龍石集
蘇軾觀諸撰述清新俊逸健拔謹嚴如芙蓉浸江晴霞散綺其幽秀端凝亦漸近自然者矣朱中

出前詩鈔卷五

古

立云龍石詩氣平音和蓋晚唐之佳者山東通志成名在翰林賦禁中春晚詩爲藝林傳誦文章典麗宏偉詩九工於近體

愛菊卷于二首

英英山上雲曖曖
林中屋主人遠市喧晏坐江之澳
江樹風蕭蕭見此東籬菊
結根滿階砌采采何芬郁
鄰翁喜同調田家酒新熟
攜手醉山月長嘯聞空谷
亂山迴合處窈窕秋江村
巖松媚茅宇野水流石根
山人宜閑寂愛理秋花繁
華滋濯露色接葉含霜痕
芳穠婉百草黃落空秋原
幽姿與閒曠相對能忘言

玉泉野集

山根畱野酌靈泉吐其寶
欹石弄潺湲響切笙竽奏迴

波逗錦沙射日羅星宿
挹酒下深碧行杯逐飛瀾
鳥過晚溪馴樹夾春津茂
夙懷懷眺賞幽思窮晝醉
偶路層岡芙蓉亂羣岫

秋夕

候蟲當夜闌幽響發庭砌
螢火三五稀明滅逐簷際
繁星綴秋虛有懷耿不寐
對此秋蕭瑟臨風聊獨憩

秋鴈

昔逐春風來今逐秋風去
塞草與湘雲年年無定處
稻梁恣所謀寒暑隨飛翮
聯翩如友生霜月橫相語
征夫塞上行馳驅萬里程
王事匪日月鼓角愁邊聲
寒沙委白草豈無兒女情
如何聽歸鴈中夜淚雙盈

出前詩鈔卷五

十五

白鷺詞

白鷺娟芳渚臨流益清澈
不令素羽落縑塵愛向平湖點春雪

題臧梧岡司寇行邊圖

天王北顧清氛埃
皇威萬里風雷開
胡兒不飲桑乾水
狼烟初靜單于臺
桐岡司寇老方叔
載命提兵來上谷
上谷三月猶冰雪
殺氣連空帶秋肅
甲士層開虎豹羣
油幢羽帳何緋紛
鉞騎寒嘶孤嶺月
星旗迴拂狼山雲
匈奴自古無強弱
失馭則恣馭則削
漢唐之盛鑒伊邇
天驕往往爲其縛
我明禦狄出秦上
恥事金湯惟事將
牧馬無兒越塞垣
邊氓長歲安耕餉
往年狩獵來先皇

龍旗鳳馭窮荒民之膏血盡權幸比來蘇息何能康
此日千緒出內府安攘有道看新主鎖鑰北門有寇公
經營四方亦召虎梧岡人驚韓范來東溪仍兼李牧才
坐使單于靖遠塞凱歌應唱太平回

未附節
數韻

題任麟石驄馬出塞圖

使君驄馬銑連錢關道橫雲高入天當路先聲走豺虎
霜威南下開鷹鷂擊搏九霄震沙漠激揚北塞風雷宣
外攘有托倚雄鎮中原之患惟窮邊往者雲中亂不理
撫臣無罪參軍死朝廷赫怒空擁兵坐之有激荷而止
今年驕虜忽犯順疆場無備師無紀羽書未報明光宮
孤軍已覆長城壘况苦驕陽亢欲極赤地千里無種殖

崇明詩鈔卷五

五

更兼砂磧易枯槁途令禾黍爲荆棘邊氓枵腹有待哺
甲士荷戈無喘息河中寇盜欲轉戰尙爾不輯仍相逼
文儒祇煩多議論執袴無策能肉食邇來提師軍上谷
糜費不支轉勞匱亟借南舟爲輓輸仍開內帑供行饋
我聞邊戍多健兒足食之外無餘事但教眼底有黨豪
即使目中無旗幟西臺如子真御史英猷雄略那堪擬
天語丁寧下禁宸王事馳驅肅邊鄙旌節遙披鴈嶺雲
甲兵欲洗龍江水豈令黃卷負書生要布赤忠報天子

送呂朝章還濮陽

河之水綠如苔河之柳青如線回首當年傾蓋時光陰
冉冉奔流電水之線柳之青只今卻作鄧亭色東風雙

眼離愁生孤雲隔樹杳春水漾舟輕人生飄泊渾如一
千里悠悠定何處夜深明月轉西樓清夢倚窗逐君

南郊齋夜卽事

仙觀留春洞幽談到夜分開軒坐壇月隔戶出郊雲野
帳中官麗宵衣聖主勤寧堪露栖者風雪羽林軍

郊祀禮成

縹緲蒼龍馭薄旋旋碧漢開明昭格上帝恭默識天顏列
炬輝星宿中林擁珮環高壇烟霧裏落月散清班

清明謁陵

客騎回谿外春山落照中雲春灘水急林燒野花紅龍
氣常凝霧山靈多嘯風六陵松樹杪十里望空濛

崇明詩鈔卷五

七

曉出沙河

楊旆出高村微茫野樹分疏簣春澗水亂絮曉山雲雨
濕烟沙靜天空鶴鶴羣行宮重回首紫氣靄龍文

沙河候駕

沙岸還行殿龍輿候晚過嵩呼迎父老王氣拱山河野
肅金戈集營森鉞騎多侍臣傳帝旨落日散鳴珂

三忠祠別同館諸君子

東林催曉集細雨送孤征柳散河橋色鶯回野樹聲遠
雲歸客思芳草故人情杯酒荒祠別離憂向此生

過楊柳青

前夕桃花渡今宵楊柳青春愁歸剩日客舫亦泔泔驛

舍空飄瓦流離類曉星寄言當路者何以慰蒼生

過靜海

海潮從此靜靜海得今名斜日留沙白微波照柳明春
耕人在野晚渡水連城頗愛民風樂魚鹽度此生

落葉二首

瑟瑟鳴寒樹西風吹漸稀林臯迷草逕岐路點征衣掃
石和雲亂游山逐馬飛秋光零落盡無奈客思歸
霜葉蕭蕭下那堪歲暮侵惜無依樹色疑有戀枝心村
舍空寒霧山亭失綠陰江城餘數點斜日照楓林

遊靈巖

靈巖稱絕勝佳麗已千年佛磬通林杪僧田到石顛兩

宋明詩鈔卷五

太

山獅象逼孤塔斗星懸人倚青霄立雲時落檻前

送劉夔州

山水同吾性馳驅懷此行青天歌蜀道南斗接夔城文
藻唐工部風流漢長卿錦江秋更好萬里候千旌

劉松石修河功成

河運三千里樓船接兩都龍分江漢水天作帝王圖當
寧神堯德司空大禹謨相須共勳策昭代識鴻儒

謁陵中元

冷雨蕭蕭來不停出門遙接數峯青林烟暗欲迷長劍
雲氣濃疑濕翠屏陵寢千年藏虎窟都城終古據龍形
明時孝敬崇秋祀遠道風塵歲屢經

秋郊卽事

向來風雨滯郊遊出郭蕭蕭已暮秋山色碧連沙苑樹
鴈聲寒度夕陽樓十年宦跡浮雲事千里鄉心落木愁
村舍誰家斷烟火狀聞鷄黍盡征求

駐玉泉山

玉泉山下華嚴寺芳草春深此共遊林濕洞雲晴帶雨
路侵川氣冷含秋塵纓空羨高僧定石榻聊爲遠客留
安用浮名隨浪跡欲從孤棹入滄洲

對月有感

海月從來雨後奇清輝隱隱出林時銀河影澹寒空靜
玉漏聲長晚坐宜絕塞風塵天仗遠中朝故老屬書遲

宋明詩鈔卷五

九

平生自苦心如鏡一夜愁深鬢欲絲

出郊有感

北門驅馬出隄頭極目蕭條起客愁田已荒蕪綠水旱
村仍流徙困誅求明廷屢下寬民詔當路誰能爲國謀
潦倒民生無自補幾翻空抱杞人憂

桃源道中

桃源縣南清水長夢汀蘆渚空茫茫安流遙蕩雙槳去
殘雨猶帶秋雲涼野鶴有時立高柳沙鷗數點行橫塘
官情鄉思兩不定繫舟何處蒹葭蒼

望淮安

江城雲樹望霏微樓閣參差暝水店爲生漁網密

田家無業並墻園蕭蕭蘆荻連村落漠漠烟沙有棹歸
幾句舊聞淮海勝恐今財賦與前非

西帥

烽燧漁陽猶未定西戎消息近如何莎車空憶班都護
銅柱曾聞馬伏波渭水休論檣塞險劒門今報羯胡過
何時籌策銷金甲會見旋師振玉珂

淮陽道中卽事四首

雨霽前村柳碧秋深晚稻畦開田父老耕綠野漁人醉
臥蒼苔

水鳥祇宜初見巖花總未知名歆石無人釣晚採菱何
處歌清

山左明詩鈔卷五

五

水到平湖無岸草經白露猶青極浦烟開入盡長江峯
列如屏

河廣第分支裔水餘無閒公私弟屋柴桑半隱長江鶴
鶴相宜

宿靈巖方丈懷雪泉

信宿靈巖尚未還幽情暗與白雲閒美人繫我松堂夢
清夜悠悠遶故山

湖上

當時玉洞巖頭石縹緲曾經翠輦過此日金山湖上水
蕭條空見碧雲多

觀海

澤國波生落日懸行人無奈晚風顛與梁總濟知多少
野渡虛橫萬里船

晚坐

天外誰家欸鳳笙風前不斷過雲行無端細草空蒼寂
消得寒蛩三四聲

山左明詩鈔卷第五

山左明詩鈔卷五

五

山左明詩鈔卷第六

馮裕二十三首

裕字伯順號開山臨朐人正德戊辰進士官雲

南按察副使有方伯集

李本寧伯順先生傳馮先世從廣寧先生官郎

中時始還臨朐當官仇直有裁斷而貌剴削若

無能者致仕歸與閭里浮沈晚結詩社所倡和

多傳於人在廣寧開義州賀給諫談理學師之

戰城南

前歲戰在雲中今歲戰在遼東玉林塞南宵廬滿廣寧

城邊人烟空年年春草腓更緣不知征戰何時窮將軍

枕戈黃龍戍天子旰食甘泉宮憶昔虜庭絕漠北焉支

史明詩鈔卷六

十

祁連入中國邇來胡馬漸南侵河外三城收未得朝出

戰暮忘歸別新婚遠庭闈忠臣義士心所希但願黃金

印似斗寧辭白骨甘如飴

西門行

浮雲日夜行流水赴東海人生能幾何容髮忽已改飄

酒炙肥羊饌葉亦可采及時召良朋不樂復何待

妾薄命

妾本良家子嫁與游俠兒燕好能幾何郎心忽自移紅

樓美清夜空聞愁夢思起視天漢斜新月如愁眉粧鏡

空在匣麗服空在櫳有時惟古歡惠然開重帷離心安

可同惜惜倚南窗盛年已見捐況乃薄暮時三復白頭

吟絨愁將告誰

相逢行

生死識交情貧賤見交態白頭尙如新青眼卽傾蓋班

荆信難值斷金義可會荆杞堂隅中胡越形骸外金蘭

心與同鷄黍期若待雨落復爲雲恩深反成害重淵等

艱深九疑紛向背久要變須臾戈矛生嗟叱高論廣絕

交朋從悖舊愛

團扇郎

贈扇不贈鞭畏行千里道對月與搖風郎意知多少

碧玉歌

春風桃始華碧玉入王家金杯深綠酒麗日明朝霞

史明詩鈔卷六

二

關山月

關山月皎潔如清霜連營接幕夕流光流光猶得照故

園征人見月徒傷魂四時望如流去可惜韶華暗中

度深閨少年兩別離還如嬋娟缺半規缺規三五來復

圓一身遠戍何時旋

幽居

解綬二十載卜築此屋廬茅茨自翦伐歲月忽居諸石

田八九畝榆柳三五株呼童課耕作植杖聊舒徐開門

白晝寂村中嘉客疎時有田父飲會勞長者車持竿惜

黍禾驅雀登邱墟平生巧智絕但喜子孫愚細酌瓦缶

酒漫寄荒園蔬涼颺動籬落安飽願無餘

冬陰

元冬風怒號同雲四野起雪花萬里飛凍合滄溟水玉樓驚高寒窮簷半生死曝背我無由何以獻天子

夢遊勞山

昔聞人說勞山高巉巖萬仞摩層霄卓午茅齋正高臥彷彿仙杖隨盧敖長風吹衣度海水玉樓瓊閣重雲起萬壑千巖朗不迷名花奇藥紛相似坐對師石窺龍巖長藤百尺垂松杉靈風蕭蕭飄玉瑟瀑布細細開珠簾逢萌幽棲如可親竹解成龍杏伏虎仙人獨坐玉虛巖恍若日成不相語欲語不語凌太空海東片片丹霞紅倏忽雷雨坐大澤頃刻日月開鴻濛覺來尙憶仙人曲

宋明詩鈔卷六

主

秋夜邀飲知己

坐教三鳥生茅屋人世營營無了休枕上片時遊亦足金風昨夜過林麓石田黑黍新成熟穫來釀得雲安春中夜隣家聞清馥海天半月出東嶺卻憶高人在空谷折簡呼童去相邀藜杖迎將深巷曲到來草亭忘主賓試取葛巾聊躡躡連呼五白看飛觴耳熱高歌自擊筑秋雲漠漠呼鴻鴈柴門寂寂兩麋鹿興豪拄杖上南山一覽周天開醉日

山泉精舍

兩山重重泉曲曲高人傍此結茅屋蓬窗引入清風來白雲常在簷阿宿階前紫竹幾千竿架上牙籤三萬軸

淵明秫熟多釀酒陶然一醉更籬菊園山老翁日相過擊節酣歌振崖谷

爲楊澗谷題馬遠孤舟秋泛圖

澗谷堂中開玉壺高懸馬遠秋風圖孤舟纔放楓葉落魚龍寂寞蒼峯孤隨風放入五湖裏天水茫茫兩相似舉杯痛飲向青天今日纔知范蠡是

東郊

散步東郊外春深景物繁高低楊柳岸紅白杏花村海氣分陽彩山容減燒痕方思谷口客移杖過柴門

禱衣

良人久北戍况值秋深時砧杵月中急雪霜關外滋忽

宋明詩鈔卷六

四

聞征鴈過已覺寄衣遲何日匈奴靜東山更賦詩

晚涼洗馬

偶來高樹下坐看浴驪驪涼入廻谿淨陰連古木稠人猶憐暮景馬亦愛清流似識追風足超騰意未休

澗水濯足

雨晴鴈過覺新秋載酒西郊試一遊卽擬褰裳來碧澗漫同濯足向清流岸高松老一聲鶴風動萍開幾點鷗忽見白雲生腳底赤松應伴老滄洲

冬月過范泉精舍

面面青山一畝宮霜紅菊遲細泉通土階刺見藤蘿月石井徐來松竹風盡日讀書應自得閉門覓句許誰工

黃柑紫蠟葡萄酒常對清狂鶴髮翁

東池泛舟

東城城下有蓮池小艇移來卽漢陂野老看人隨岸轉
溪童送酒度沙邊風恬帆外來山色日暮橋邊雪藕絲
欲約仙人蓬島去海天寥廓碧雲坐

山行田家歇馬

雨霽山行石徑斜亂山盡處有田家輕雲冉冉浮孤嶂
流水悠悠過落花炊黍蒸藜催午餉蒼藤古木閱年華
青芻一束供羸馬歸路溪邊踏暖沙

西洲曲

楊柳覆西洲芙蓉映翠樓春情獨自覺江水日悠悠

山左明詩鈔卷六

五

柳枝詞

楊花冉冉逐征鞍旌旆悠悠去不還一夜香魂化飛絮
隨風萬里到長安

秋懷

秋風淡上芙蓉花溪邊女兒來浣紗顏色相輝都不語
暮雲渺渺隔天涯

黃卿二十五首

卿字時庸號海亭益都人正德戊辰進士歷官
江西左布政使有編茗集蘇舜澤序公少以詞賦起齊魯既又以直道退居北海銳意高深覃思元遠非苟作者
怨歌行

巴江浮月色巫山橫露光孤鳥鳴如訴啼猿聲更長遠
客撫七絃欲調不成章臣有逐萬里子有朝履霜桑梓
空悵望江漢浩無梁巧言滅烈火浸潤傾高堂楚士多
幽恨屈子摧肝腸漢武誅江充後時良可傷虞舜放共
驩頌聲流無疆

同聲歌

孔翠戢錦翼烟雨雙不離雌雄起江上同濯芙蓉池苑
有連理樹屋有白紵機受聘入君室合懽莫相違蕙芷
薰馨悅流蘇光陸離君子有綠綺妾爲紉素絲一歌一
展容釋繹五音辭後園金色土爲墳奉君吹暑當驅蚊
蚋寒當厚茵帷庭桂坐清蔭女蘿亦葳蕤君言謝錦綺

山左明詩鈔卷六

木

荆布聊怡嬉

詠懷二首

楓棘花如粟相近紅槿籬采采不可贈可贈不可持桑
柘隰畔植松桂山中移物理自有分堅貞勝華滋掃塲
畱粟粒爲恐野鳥饑鄙意同野鳥寧人哂吾痴
虞人養麋鹿童子養雛鸞飲啄非不厚豈適羽毛情林
臥玩空翠墟落謝經營霞舒煖幽澹谿靜轉淅淅軒冕
忽枉顧埽徑啓柴局但禁犬出吠不知鷗已驚始返志
自定諒盡歲寒盟

郊居

素業出郊坰重構幽棲廬桑麻宜土脈平疇便耕鋤涉

澗玩淙澗引溪滋園蔬雜芳開綠篠石礎坐靡蕪白雲
沒巖岫蒼嵐忽有無四時絕氛雜樵牧相招呼松葉釀
秋酒野酌斷瓜壺狼虎狎羔憤白鳥集松梧優游逾臺
榭十畝等江湖

白髮

昔我視壯士坐素屨嘆惜晨梳見數莖慙慙憶頽白頭
顧無零霜明鏡點黃黑日月迅馳馭形質豈金石營營
思無垠辛疲兼憂戚大業未可成鏘拔漫何益智哲諒
同然旨酒娛朝夕

耕莘園

時盛巖穴空俊乂集京國國門有散人長懷咸一德不

山陰詩鈔卷六

七

晝伐夏園獨貌莘野蹟耒耜古制殊憤服今未識優游
獨樂容左右墳典策畎畝有餘資榮湯孰休戚商廷亟
聘徵吾道豈終寂滄海有靈隱雷起播膏澤寄言今薦
賢慎勿按圖索

洛陽道

山川開登洛九日會中州芳樹夾馳道奇花簇酒樓衣
冠盛祖饒綺綺相追遊蘇秦佩印日車馬去如流

澠水田家

楊柳墟落盡斜逕傍鳥溝芳蓀遠蓬蒿高樹出炊烟南
嶺忽微雨樵父扣柴關稚子驅黃犢荆布摘葵荃檐前
積藥草桑下縛魚竿開柵放鷄鴨競啄紅蓼灘西成今

歲好老翁有歡顏夕陽倒濁酒浩歌擊壤篇

燕歌行

槐街冠蓋何翩翩華堂晴晝珠璣筵絃管茄吹沸喧闐
玉盤寶釵紛花鈿中席酬勸嬉留連雄談琅琅同稱賢
千金然諾白日懸肝膽意氣直如弦義和急轡近虞淵
野薪風烈空浮烟聲名相軋臨要權貨利錐刀誰讓先
炎日涼颺變眼前彎弓落日更可憐吁嗟傾覆昔有然

行路難

歌莫歇塞下曲吹莫愛胡笳長古樹沙埃白草仆陰山
苦霧連大荒健士馳驅幽閨泣容華何如筋力強丈夫
骨相分茅土陰符孤矢空昂藏蔡澤頰舌一朝貴白頭

山陰詩鈔卷六

八

飛將事戎行

圍爐

茅堂雅會薦茗芹古爐炭盡松爲薪北風捲地雪沒階
冰滑屐折出無輪胡床圍繞笑莫逆瑤琴未鼓先賞音
宋玉言賦意未足莊叟厄言卻近真簷前暮影度不挽
壁閒壯圖空古人驕驕長聘鶚在空自昔志士多苦辛
誰能狗譽輕跡施請君無惜開芳尊

三顧圖

昔人重繪畫解寫高人跡斯圖三雄姿一蛟兩虎貌凌
空蹴山氣面帶憂時色山徑匿車徒中林收戈戟蒼岡
松桂叢衡茅臥龍宅名並涓涓隱才包管樂策奸雄耀

百戰帝胃一何厄三顧聲虔恭
墟廬迎觀坐談定鼎足慷慨分漢賊
驅馳許致身魚水歡莫逆皎皎華野聘
洒落協真契兩將本迅烈宛宛同尊德
魏吳多健夫俛首鷹犬食歷數有向背
漢疆難再關成敗論豪傑鉛鐵逾圭璧
寥寥曠千載披軸三嘆息

聞蔣侍御將至

松寺衣冠會高軒
牙綳遲碧雲斜日合芳艸入春滋
馬飲湍澠曲旌畱管晏祠雷琴先拂拭
情各繫朱絲

南徐阻風

幾度思京口絃觴登眺奇
蘆楓涼雨夕鼓角蚤霜時
白苧洲仍詠青山雲共辭
坐楊誰折贈搖曳向西枝

出南詩鈔卷六

九

野望

遠郊涼思度晚照古原斜
無復壯遊興轉憐晴望睨山光界禾黍
海氣閣雲霞不辨鷺歸處
翻翻急暮鴉

紀興

疏途還山請歸宜故國春山應分水
石壁頂埽松筠拜母猶疑夢
而賓不狀貧承恩今轉重
河海任垂綸

遊寶峯寺

蘭若登遊開積翠諸巖環拱鬱嵯峨
殿雲依樹鶴秋哺塔日穿林
麝午過異代金容雄上黨
中天花雨灑漳河憑師欲發瓊珠祕
北嶽逢萊意若何

再遊因留宿上方

羽節更衣步上方巖扉松月掩微茫
何年龍象移西竺中夜星河夾太行
錫倚石壇浮虎氣燈分禪閣映珠光
林閒馴鹿知新客銜贈蓮花滿鉢香

永康括蒼道中

雲根林杪磴迴盤澗壑幽深響急湍
白日抱山翻易昊蒼叢留雪迴生寒
傳聞海戍黃塵定指點軍門畫角殘
汲取清澗淬吳劍倚巖長嘯憩征鞍

三關書事三首

曾聞甲戌邊聲急白首追談足愴神
子女牛羊充塞窟旌旄駝馬暗風塵
山埋戰骨雲長慘野哭驚沙草不春
舊日偵軍今甲第大廷持法是何人

出南詩鈔卷六

十

限夷巖赴黃花嶺石壁重關鴈度愁
嶺轉噴阮宜返照花當爛漫遠清秋
向陽禮鼠驚還出入塞羶羊衝自游
直北蕭蕭幾百里黑山枯草盡邊頭

土棚八角分平野指點居人倚可傷
秦塞雨深萌葉紫漢疆風定斷雲黃
戰耕相逼聊婚嫁租役重嗟况稻梁
憔悴沙頭烏雀起更無他樹幾垂楊

花林壠

背城臨水柿成林茅屋炊烟入望深
花遶蝶蜂晴漠漠叢游須鹿午沈沈
田中樵徑牽蘿蔓溪上漁磯映柳陰
願結薔薇同靜侶紫芝黃菊寄幽心

柳枝詞

單水如烟萬葉重倚風飛絮曉茸茸莫教吹落長河去
化作浮萍無定踪

楊應奎 四首

應奎字文煥號澠谷益都人正德辛未進士官

南陽知府詩見海岱會集所著有澠谷集山東通志

應奎出守臨洮引澠水灌田民獲其利調南陽大修堤堰至今賴之

洋洋篇

木生有根花有萼嗟爾飄萍無所托幸因雨滋不免風
吹倏來忽去安穩難期散分密布空曠時彼行何行止
何止人生聚散皆如此眼見水上萍更思萍下水

團扇郎

出明詩鈔卷六

秋風歇團扇郎心中道變態慙度歲寒夏來還相見

楊子江聞金山寺鐘少節

布帆江上來蒼茫問京口潮隨瓜步上船泊金山右海
門月初出虛空煥星斗僧去自鳴鐘客來且沽酒始疑
老龍吟忽訝鯨魚吼老衲起晨炊漁郎候罾留鍾陵霜
落初姑蘇夜半後薄業豈足銘天涯重回首

謁蒼頡墓

雨粟書初兆結繩風漸移巧因鳥跡出象應馬圖坐制
作今逾麗儀型古莫追翻思文勝日托始有餘悲

王道 四首

道字純甫號順渠武城人正德辛未進士改庶

吉士歷官吏部侍郎贈禮部尚書諡文定有順

渠文錄山東通志公之學由博返約不欲標列門戶著書持論多前儒所未及在國學
瑞執申約六館向風人比之宋仲敏朱中立云先生雅操端潔道學淵源重於當世者固不
在詩錄之以見靈秀所鍾增重海嶽也

同年劉祠部士鳳遊元武湖有詩見示次韻答之

問訊桃源路劉郎是舊遊暖催黃鳥谷春麗白蘋洲龍
也噓雲起魚今逐水流何時解塵組篙我木蘭舟

劉希尹邀元夜賞燈玩月適值陰晦希尹有詩次

韻答之

新月今宵約共看華堂燈彩亦團圓如何天上朦朧魄
侶佳人閒料峭寒九陌笙歌殊寂寞一年風景足憂嘆

出明詩鈔卷六

驚山鳳輦無消息極目蕭騷髮欲殘時大駕南征未還

答客用其韻

門前烏雀喧坐上客抱寒開子登樓賦如歌行路難衆
人欣自媚孤抱向誰寬剩欲招靈鳳梧桐苦未蕃

過舊居有感

破屋頽垣是幾年重來下馬一悽然丁寧好護門前柳
會繫詩人萬里船

樊繼祖 一首

繼祖字孝甫號雙巖鄆城人正德辛未進士歷
官太子太保總督宣大兵部尚書著秋霽
元吟南國漫興山東通志公官御史在世廟初

大同兵變以方略定之在宣大有邊功謝政家居著書甚多

度盤石一首

磴石梯雲凌曉風欹冠天際望崆峒雪峯翠嶺孤雲渺
鳥道崎嶇一線通萬壑寒烟籠遠塞滿林秋色下疎桐
登臨遙仗天威迴一夜單于捲帳空

李際元一首

際元字通甫陽穀人正德辛未進士歷官四川

僉事

雙流次韻

鼓角催晨發川原散宿陰小溪清見石新柳細垂金洞
迴雲依樹山深鳥隔林天涯看落月盈縮飽經心

皇甫詩卷六

圭

黃臣四首

臣字伯鄰號安崖濟陽人正德辛未進士歷官

巡撫都御史王無瑕云中丞生平著述見許於

及過太真墓絕句五十首而已炫

欲登峨山經聖積寺述懷

山中昨日是元宵濁酒孤燈伴寂寥玉壘凍雲猶護雪
錦江春漲已通潮宦途得蜀愁移隴心事非漁即寄樵
猿鶴舊盟應不遠安崖歸思久飄飄

重陽後那信卿過訪

依然黃菊滿東籬猶是陶家載酒期攜手逢君須盡醉
離羣明日各淒其

游峨偶成

門對青山憩白齋援琴三弄散幽懷梅梢睡鶴俄驚起
香雪紛紛落滿階

蜀道雜吟

雙雙自歸鴈適性落霜渚不爲稻粱謀誰能鷓鴣汝

馬亨衡三首

亨衡號東野德州人正德丁卯舉人官洛陽知

縣所著有東野吟稿程正夫云東野之官未久

和友集
公久矣

城南蚤發

蚤發南郊外冠裳祖道前離歌催別酒晨氣繞征鞍旭

皇甫詩卷六

南

日千林火村居幾戶烟年登民共樂應不負租錢

九日懷鄒蘆南

九日登高處南山興始酣野花黃正好村酒白仍甘鴈

羽驚初過嶢聲憶素航故人不相對誰與共高談

飲蘆南莊醉歸

繫馬城南寺高蟬咽柳陰夕陽熏醉客明月映禪林並
轡談新話聯詩學苦吟賦終一長嘯洗卻百年心

桑溥六首

溥字汝公一字伯雨濮州人正德甲戌進士官

浙江按察使所著有宦遊閒居二集州志溥自

忤權貴落職晚年大治池亭飲酒賦詩
益資用世之才而無所發以此自遣云

秋夜有懷

庭前雙馴鶴皎皎冰玉姿昔爲仙子馭今傍野人栖山
林既適性稻粱足療饑見客若有畏顧影卽含悲嗟爾
雲霄志豈爲飲啄移夜半聞清唳萬里空長思

登咸陽北原

高原落飛蓋四望暫徘徊水入黃河去山從華嶽來漢
陵埋宿草秦苑剩遺灰莫數興亡迹秋深客思哀

榆林道中

迢遞榆關道西風捲客旌寒沙迷古塞落日下孤城水
險遮胡騎山高列漢營君王方偃武邊將莫言兵

京師兀坐

時武廟南巡

出明詩鈔卷六

五

花飛鶯老覺春殘憂國懷鄉正倚闌八駿風催龍馭遠
九關雲鎖鳳城寒金門有客瞻南斗玉殿何時正百官
兀坐鈞天明月下小臣日夜望迴轡

白馬城

層城突兀俯層岡舊是胡兒牧馬場日上戍樓喧鼓角
雪晴沙坂下牛羊金湯天設重關險貌虎兵屯萬弩強
從此五原歸鎖鑰春風千里看耕桑

暮春

萬點梨花雪樣飄不禁風雨夜蕭蕭曉來童子簾前散
池水平添上小橋

周允中

二首

允中字宏道金鄉人正德丁卯舉人歷官西寧
道參議有南莊詩

積石謁禹廟

山開一壑怒濤奔神禹功高萬古存疏鑿自來先積石
源泉久已叙崑崙旁吞萬水歸東海獨繞三秦下孟門
一觀河流思帝力瓣香聊以答洪恩

和南灣亭

南灣亭子澗之南雲影天光一鑑涵翠樹依巖巢水鶴
青山排闥散晴嵐人如元白詩千首夢到羲皇酒半酣
聞說往來有畸士相逢半日劇清談

吳鎧

四首

出明詩鈔卷六

六

鎧字文濟陽穀人正德甲戌進士歷官巡撫寧
夏僉都御史

入關

百二山河固殺函道路偏烽烟繁五郡才力殫三邊淚
落黃雲外心懸紫極前應憐趙充國萬里出屯山

涇州

隴坂秦雲暗涇原春草萋河流沙漠外亭列玉門西雪
嶺傳烽火天山震鼓鼙酬恩當此日戰馬向風嘶

書營平侯祠壁間

白草連天遠塞雲出塞平胡笳吹漢月羌笛弄秦聲北
海猶傳箭西戎未撤兵留田當寧意寧惜度金城

唐縣道中

地僻猶荆棘城深更女蘿
谷風高處健山雨曉來多
不見方城險空聞易水歌
千金市駿骨往事竟如何

翟璜三首

璜字廷獻號青石昌邑人正德甲戌進士歷官

巡撫湖廣都御史所著有蟲吟草山東通志璜在諫垣值直敢言武宗目以長秀才破青羊山寇平寧鄉賊大有方略歸田日市酒看召故舊

業多召其主還之

春日遊鄴郡感懷

落日旌旄駐離羣鴻鴈鳴野寒烟不斷春煖草初生
寂寂軒轅廟陰陰羣芳里城飄零隨命拙何必問君平

山南詩鈔卷六

七

白馬城

朔漠迢迢白馬城
戍樓鼙鼓雜金鉦
龍沙看月天邊迥
虎旅防秋塞外行
漢將旗旌揮北斗
榆關烽火照西京
君王若聽胡笳曲
定有魚書罷遠征

塞上曲

朔風吹合太行雲
千里旌旗盡漢軍
何事鴈門先失守
漁陽鼙鼓不堪聞

陳經一首

經字伯常號東渚益都人正德甲戌進士歷官
兵部尚書加太子少保詩見海岱會集山東通志經官兵科直取言武宗目爲翰林事爲大司馬力陳河套難復件件執意乃乞歸府志經性剛

方門子干調囊無私遺詩
文章出過古世多珍之

適意二首

人生貴適意所樂在閒居
春雨但種藥秋江時釣魚
同社南山老明窗讀道書
萬鍾不足慕一飽願無餘
門有烏雀羅巷無卿相
車白茅覆破屋黃葉摘新蔬
陶潛醉元元莊周夢蓬蘞
曾識無何有脩然返太初

高陵變深谷桑田生白波
千年河一清百歲能幾何
顏顏不再顏鬢髮忽以皓
人生貴適意富貴安足多
詩酒聊自娛親友日相過
我歌聲金石我舞形婆娑
至樂在性情非必綺與羅
長安多豪俠甲第鬱嵯峨
南隣吹笙竽北里鳴絃歌
一夜以繼晷流連若懸河
猶云日不足

山南詩鈔卷六

太

春風顏未酡嗟嗟乾沒輩
遲暮空蹉跎

春雨

南畝遲遲雨東風釀夕陰
青痕紫冷砌蒼靄暮空林
霖霖同春淺飄颻入夜深
藉田先潤澤應慰聖人心

海燕

適至從何處來巢白玉堂
芹香眠翠羽花暖伴鶯簧
入幕甘棲托冲霄任顛顛
有時秋氣逼亦復返江鄉

上大雲寺

披徑尋祇苑盤空蹕白雲
山門通上界石室藹清氛
夜鉢看龍蛻秋巖識鹿羣
還聞飄桂粟花雨共紛紛

重脩富公遺愛亭

丞相祠堂舊今朝勝葉增冠棠秋水集羅綺暮雪清
醞薰蘭瀉芳肴雜桂蒸何人懷古意惻愴意難勝

聞析

霜風吹夜柝明月戌樓初閣迴連雲響山寒應谷虛嚴
更疑漢署禁直想周廬滄海孤城夕遙天憶帝居

春寒

東皇初布澤北海向多寒凍水纔分谷光風未轉蘭楹
添新改火貂戀舊彈冠會見芳菲意翩翩獨倚闌

山行過僧菴不入

蘿逕盤青霞松門隱碧岑野雲看不極禪榻倦重尋樹
斷浮幢影巖虛落磬音何須支遁語已覺淨塵心

山前詩鈔卷六

九

謝故人惠葵扇

故人遺我扇執素豈堪云價重千筠製身輕一葉分傾
陽存舊質御暑兼高勳未忍捐簞笥時時憶見君

張景華一首

景華字時美號白溪鄉城人正德甲戌進士歷

官總督漕運右都御史有白溪詩稿山東通志

邊防漕政皆關大計嚴密極國輸餉輻輳景華
無所饒嚴以雙練問之報如其物遂爲所中而
罷縣志公初令吉水策寧藩必叛築城爲備
變起而城全總督蒞遼又督漕運以不附嚴氏
乞歸家居清苦
爲人士所服

侯馬道中

棗樹香濃麥穗黃農家相見各言忙徵求不爲貪官擾

安樂民風近帝唐

李錫一首

錫字晉卿臨邑人正德甲戌進士官山西參政
縣志錫爲文簡質可觀詩有典則
與弟錄相繼登進士有聯璧之目

送任原朴河南採訪實錄

金門初待詔玉陛已宣麻昭代隆遺典斯文屬大家雲
深琴劍合風動旆旌斜河洛春秋筆應生五色花

李錄一首

錄字貢卿錫弟正德辛巳進士官臨洮知府

送劉五槐下第

春色濃如此劉生胡憶家長楸誰並馬金谷自多花愁

山前詩鈔卷六

十

緒依雲樹別筵對浦沙暗投終有識懷璧莫輕嗟

王三錫一首

三錫字承恩曹州人正德庚午鄉試第一人丁
丑進士改庶吉士再遷侍講終四川參政

襄陽道中

隨地平分泉水趁山斜住人家晴日一天翠嶽谷風滿
路黃花

園閣二首

園字尙友臨清人正德丁丑進士改庶吉士授
吏科給事終貴州提學副使人物志世宗初至
車騎由正陽門入
閣叩頭言殿下未卽位不得由天子門與朝壯
之及相臣封伯大賞迎扈諸臣閣言叙援立則

威柄效私隨從則侍御駭恐累初政之美事遂
山東通志世宗廟統國上八疏力言宰相
緣定策功邀封爵及大賈延恩諸位言甚
激切後爲同官草疏斥大臣黨附被誅

將赴謫所次濮陽倪侍御見招韻

投荒萬里出皇都漢上停驂日欲哺古塞雲開穿黑米
荒村水隔指黃姑兒纔七歲能騎馬僕止三人解挽弧
行處逢迎多故舊潮陽未必是窮途

寒夜贈同館許太僕伯誠

春半梅花開未殘草堂杯酒釋輕寒窗移月色疎枝動
雪壓風梢瘦影單結駟偶然來伯問閉門猶自臥袁安
談詩秉燭清齋裏不覺狀狀夜欲闌

浦鉉一首

山左明詩鈔卷六

五

鉉字汝器登州衛人正德丁丑進士官御史

北藍泉浦先生墓志先生爲御史以恩母終養者七年後
年既掌河南道以考察忤柄臣聞住者七年後
以薦起論救楊爵忤帝意被拷卒獄中昔
柳宗元書周子諒墓碣曰有唐貞臣先生大節
與周氏等矣

登蓬萊閣

人閒無路問蓬萊大竹山前一徑回吞吐鯨波淹日月
升沈蜃氣幻樓臺海邊漁父隨鷗狎雲裏仙人跨鶴來
向夕波搖星宿動明珠歷歷掌中開

任淳四首

淳字原樸堂邑人正德辛巳進士官御史所著
有石鱗集

野渡

水深望不極天闊澹相連帶巷林樓霧沈流屋斷烟鳧
鷺行自得鴻鴈去翩然漁笛兼改裏因風到客船

陵上

金陵五月雲蒼涼滿路松風灑客裳碑遶龍文懸日表
橋流水發天潢千秋碧草沈弓劍萬古青山識帝王
薄劣小臣叨禴祀平明端笏候齋廊

山夜聞烏

山屋石門半薜蘿夜深月下忽經過花閒竹裏愁難見
似有人來踏踏歌

土木驛

山左明詩鈔卷六

五

百年土木蕩龍沙九月風塵擁使車白日猶餘征戰色
空山愁絕聽胡笳

呼相如二首

相如號肖齋濟寧人正德丙子舉人

少年行

椎埋屠僧昔年時一朝稱意雄家資滿身刺繡盤蛟螭
巍然夏屋雲蔽虧紫綃步障赭羅帷就中有女銜恩私
粉白黛綠絕世姿桃花駿馬青絲羈鳴鞭騎過天津池
雪深僂兔眼迷離呼鷹喉狗爭前馳取權但恨白日移
歸來香閣假蛾眉錦屏坐笑對瓊卮婆娑如舞影提提
連袂歌殘金縷詞等閒入賞謁形埒油幢榮戟填門楣

借問上客尊者誰云是五陵輕薄兒
緋袍寶帶光參差
蒼頭黃帽森熊羆
春風拂座珠簾坐
公卿往往來彈棋
手操如意將安施
當筵捶碎珊瑚枝
指彈叱咤山欲披
百千萬緡一擲之
吁嗟顏氏何人斯
簞瓢陋巷長苦饑

睡起卽事

翠流松日石床陰
啼鳥驚人過別林
夢裏呼童埽紅雪
覺來簷際落花深

山左明詩鈔卷第六

山左明詩鈔卷六

圭

山左明詩鈔卷第七

劉天民 四十八首

天民字希尹歷城人正德甲戌進士歷官四

按察副使有函山先生集山東通志天民初

及改戶部郎中又以諫大禮廷杖直聲震於

時董復序予讀邊李二公及函山文集於

槐柳婆娑蒲荷蒼蔚何所不有先生與庭實

詩綜詩話函山諫草兩陳再答閣下其詞知

州也故事京官外謫出都門以職紗自蔽及

無愧於官俸汝輩見吾面目可耳蔡鶴江送

原詩云元祐黨人滄海外貞元朝士曉星前

不及華泉古
選富在邊上

獨不見

山左明詩鈔卷七

十一

秋庭萬竿竹露葉明珠涼紗厨冷象床綺簾虛陳薦無
由省君心幾時驚妾面牛女常在天綢繆獨不見

有所思

幽居杳不愜新情無與語江草發相思山花亂愁緒涼
風滿故林明月下前渚何處抱琴來搔首曠延佇

遠征人

洗刀隴頭水北望正躊躇沙平邊地迴木落塞門疎窮
年隨漢節幾月斷家書祇從寧辭遠微勞恨爾虛

隴頭水

九坂寒流折淙淙逝不窮涼涼經漢壘鳴咽向秦宮色

帶愁邊霧聲添苦塞風征人思寄恨日夜一歸東

芳樹

芳樹何離離托根河水涯經年飽風露裊裊坐芳蕤霜
霰一朝集華采忽陵遲伊與遠人別幾見長條衰妾生
本蒲柳迎秋易紛披言念遠人還肯憶芳妍時

關山月

秋至關山夜霜清月復圓濁河連地白衰草接天寬鴈
外傳聲遶榆邊隨葉寒征夫無限淚不敢望長安

雜詩三首

明霜下寒樹青松亦改色君子秉貞素失偶恒偏側所
餘心獨苦區區人未識高足遜時賢長揖辭上國蘭膏

山南詩卷七

二

無永歎雲泉有康食衡門息羣動清風伴孤特

周轍不西馭王風散真淳河嶽匪關靈世豈無材人臣
主不兩遇千古流酸辛賈誼客長沙公孫據平津所應
非所求漢皇寧未仁果哉遵晦子撫化事沈淪

朱鳳啄琅玕黃鵠遺梁稻志士各有營安能逐時好但
恐白日速身先蟪蛄老十洲采明珠三山拾瑤草探易
弄元化陳詩述幽抱回首謝百齡微名托鴻寶

仲冬十四日酌湧泉菴二首

北風飄廣澤來此招提境瑟瑟樹鳴皎皎竹枝靜雲
蒼藥莖香石竇泉珠冷忽然會夙心塵襟不堪整
晴雲繡屑壁鬱鬱茅茨菴上有千章松下陰百尺潭界

迴道金粟亭孤蔓石楠竭來乘野逸坐久欲清酣

漳河

寒雲不離水騰作漳河霧葭莢稅嚴霜蒼茫未能渡斤
鹵際廣野望之迴積素憶昔趙魏時兵馬日馳騫公子
納游俠結轍滿皇路佐國無定謀中原徒指顧享費壯
士金招延詞客賦豪華坐銷鑠會如草頭露坐食三千
人化為萬年墓哀哉邱中墟遺踪徧狐兔

北邙山

白楊撼冥漠枯荻鳴蕭颺防彼北邙坂哀哉萬荒邱憶
昔屬王城葬者多公侯豈無圭璋器下與土石伴亂草
東寒玉崩沙漫錦綢丹靑遺畫像蠅蟻穿枯體或棄萬

山南詩卷七

三

金產或背千乘州或蘊霸王資或憤夷夏羞或枉智謀
蟻或概氣食牛或齋澗身學或殞濟世猷烹鮮筵列鼎
侍美幕張油方朔偷桃實安期送酒籌寸長生白飾萬
事死誰休易簪目雙睜蓋棺名一收芝縣化俱寂燈盡
夜常幽深穴走鼯鼠高荆坐禿鶻蒙賢乃齊物凡濁人
橫由來者積後塵去者推前修雲仍托子姓皇肇篤公
劉蛄蛄荷一畧天地亘千秋崇山恒北峙逝水自東流
樵童尋夜斧獵士下寒韞跡踐等平原混茫迷道周英
雄餘不朽竹帛可相求

送別朱兩厓侍御七首

清霜飭廣野回飈眷長林遊子返故疆言念首西岑歲

月驚荏苒道路多嘔噎經德祇皇夜區區抱貞心情投
意有慙一二盞萍簪臨岐生惻愴懷哉珍所欽

所欽日以遠中林邈我思我思鬱不開翹首入雲陞圭
門理元素在疚占明夷顧影苟不忤拊躬聊自私在昔
有先民用舍各異時餘生付金馬竊口嘆文犧

文犧在宗祝哀哀鳴向人繁育三品芻豢料殺其身吾
人繁微纒忽此席上珍孝子避大杖貞夫固素貧解組
去云勇對珪甘不親考槃一何寬輝光時照隣

輝光時照隣屈體存尺蠖衡道有高標翔集杖遠步遑
晦息所爲殉身美無度會意貴忘言仰視機槍惡機槍
未能埽沈憂令人老

山前詩鈔卷七

四

沈憂坐中夜悄悄深嚴阿康食有愧心未肯遜成嘉少
小弄柔翰詩書擷其華許身夔與龍邁續思邦家一達
胡見憎義命信所加紉蘭且佩藹聊以養殘痾

養痾椒聊園揚水流束楚白雲生中巖芳蕤冒前淑桐
岡滿明月鳴鶴靜爲侶孤琴舊無弦何以寫心語迢迢
思友生茫茫曠延佇清時偶避人非因慕遐舉

遐舉思舊班彷彿悔初服坐超怯繳紛刷羽向樸樸莊
言笑腐雞孔言成鳴憤自信希君子時好豈能逐佔畢
賦閒居齋心端漏屋學道本愛人善身恥云獨

送僉憲王在叔轉江西少參

驅車西城園薄送遠行客淒風載廣途斜日臨長陌鴈

過秋已捐木落山更瘠所欽日以疎高襟願無歇

土屋行 出陝州作

高岸橫厓多土屋白頭鰥面山氓宿鷄埘豚苳百爾無
饑兒哀猿日相逐杈柯老樹雪已封甌無粒米柰三冬
都官不來起城旦縣吏時復徵租庸明將轉徙他鄉沒
復恐無人掩枯骨仰看高天泣明月

閬中歌五首

閬州城東天下稀閬州城西生事微松枋艇子樓皮衣
侵晨翁媼犯潮去網得魴鱗薄暮歸

閬中青水似蒲芽閬中白石如菱花岸高溪滑日易斜
娟娟遊冶踏歌去如此青春不憶家

山前詩鈔卷七

五

十日遭風住柳灣今朝風息水雲閒長年三老多歡顏
且莫發船催打鼓回頭不捨錦屏山

竹枝裊裊石泉香黃梅白梅愁斷腸三三五五遊女郎
女郎有情無可語相持袖斧伐柔桑

城下江流綠似羅城頭山色翠成窠美人勸酒朱顏酡
未到錦川卸鞍馬行人爭唱閬州歌

五月七日泊牛頭山晚登其上把玩初月

江草江烟暮愁望望村墟半明滅移時繫纜蓼花汀
起上山顛弄江月江月如弓弦始安多情憐我清輝發
今古遨遊幾異人桂魄真來濯素髮白練誰煩快剪刀
錦波未見凌羅襪烏汭三更酒沈寥商船五兩爭起忽

君不見魯門奔走東家口傷時不遇思乘筏吾人才力
安足數支離天地空皮骨

秋雨嘆次少陵韻三首

今年閏冬秋耐晚離菊十月爭新鮮雨霑巷委客不到
牀上幸餘沽酒錢天風蕭蕭鴈行急南樓捲幔看雲立
隣家織女忽停梭一段悲聲爲誰泣

雨餘夾霰忽繽紛萬里遙天同一雲竈前桂玉苦摧盡
野老谷怨何由分中朝阿衡頭上黑民力如牛亦應息
曲鈞之子盡封侯道傍死者如弦直

誰家飽暖不易數陶令蕭然盡環堵曾聞十雨謂宜農
寧知比屋嗟茲雨連朝苦熱特地寒貨鬻小客完衣難

山前詩鈔卷七

六

老夫亦有舊短褐欲爲澣濯何能乾

五更

客館初回夢星河欲五更山深周穆馭月滿漢家營刁
斗諸軍淚風沙百雉城誰能扶日轂刺刺入瑤京

病中答和李西野黃門

獨臥天涯病空憐帝里春歌鐘猶九陌烽火奈三秦龍
馬隨明主金蟬徧近臣雲沙元塞北想像益沾巾

暮秋同周兵憲弘道下茅人洞

與客尋山寺呼僧掃榻嘆雲蒼苔留虎跡紫僧變龍紋烟
冷當峯結鐘晴隔隴聞開來賦秋水不爲訪茅君

出安豐郭

一雨淨雲沙江村風日斜乘來刺史馬訪遍野人家簷
雀搏殘黍離危吹落花擬投南寺宿望裏見烟霞

將赴泗州襲于寒雨臥疾濠梁驛賦感

病臥江樓雨前途奈爾何暮愁饒白髮春色滿蒼波欸
乃商船泊滄浪孺子歌茲生無料理合去覓漁蓑

仲冬朔

寧郭驛中

仲冬今日朔短髮復驚霜越鳥南枝遶秦雲西路長孤
踪何所托斯世未能忘欲下楊朱泣休嗤阮籍狂

渭南飲薛孝夫宅用韻答謝

見逐何年日相看鬢亦華豈思名籍願所願酒腸嘉夜
嶠邀明月春園數落花不須投轄勸余脫遠遊車

山前詩鈔卷七

七

巴田

巴田不成井逐隴細開塍灌水分山溜燒畬去野芳三
時勤不輟八口飽方能寄謝當塗子民心未有恒

江村

雲白江干路烟青野老莊松舫維岸柳茅屋隱叢篁月
在鶯啼樹顛狂鴨浴塘比鄰多酒伴來往醉壺觴

閩州紫荆山洞神道院

山嶠當春暮躋攀入早霞園烟分萬井江水咽三巴王
圍傷豐草青玉估船傍遠花洞門逢羽客問訊養靈芽

合江夜雨

老去悲劉向年來車遠遊長江當永夜細雨泊孤舟草

際虛迴夢雲閒迴結愁坐憐山色晚忍聽水聲流

謝豹

謝豹豈人化哀鳴自可憐無端啼永夜不爲客孤眠情
惜風歸樹娟娟月在天訴深情轉劇血盡眼將穿

七月十四日夜泊林驛對月

萬里青天月隨人對驛樓青樽不發興白髮豈勝愁桂
影深團露蛩聲細抱秋觸籬徒自笑劍外此淹留

宿孔雀寺

晚下萬雲堆靈山一逕開參差慈竹樹隱見法蓮臺禪
許无狐問經從白馬回滿前皆素業何用叩如來

晚泊泮山寺

山岩明詩鈔卷七

八

淮水西來春不流楚帆南下晚初收巖頭樹老寺何古
江面雲平山欲浮錦石斑花迷遠望白鷗黃鵠動新愁
上方未畢登臨興它日重維洞口舟

將入嘉陵東任少海舊僚

春來踪跡徧天涯淞淞雲山靜野沙景勝漢庭虛作使
少陵夔府豈爲家前林暝色鴉鵲雨滿路輕風杖杜花
寂寞任安臥何處爲尋幽隱入青霞

興感

樂事從於客歲違賓筵嘆息主人非平章宅舊花仍發
王謝簾閒燕自飛寒火尙供沽到酒春蛾爭化舞殘衣

黃金莫惜沈酣盡白髮何堪故友稀

用韻寄答任侍御元朴

雲白沙清秋可憐美人遙隔紫山烟傳來秀句多情致
應在花籬酒甕邊

劉隅二十一首

隅字叔正號範東約子田弟嘉靖癸未進士歷
官巡撫保定副都御史有範東詩鈔人物志附
居常不爲小察及遇大事確有定守器度汪洋
坦然當之博綜羣書文詞沈雅號爲名家山
東通志隅巡按江北糾繩貪殘擊斷無諱及撫
保定當西輔多事繕城完聚剽平劇盜王士禛
其用兵不惜小費信實必罰是以人樂用命
朱中立云範東意氣安閒辭旨沈快有杜陵遺
意

山岩明詩鈔卷七

九

謁杜子祠堂三十四韻

沱江雪嶠來千里平臯潤元精頻迴旋良材實茂後所
以文章士彬藹跡相隣馬揚漢之華陳李維唐儔少陵
古遺英亦此依節鎮華榮太史才矯矯當陽孕摘辭續
騷雅抗志懷堯舜流落歲年久十口或饑饉茅簷日淒
淒花潭石鄰鄰橙柳自成陰衡華誰能訊撫膺痛時艱
出口皆忠諫徒抱經濟籌坐老風霜鬢一溪足烟雨四
國多鋒刃中夜望北辰浩歌思埽汜爲儒任櫻契言兵
慕廉藺昌言補袞闕一鳴遭斥擯遺翰空坐芬修途阻
發軔公昔與謫僊聲名共掀震放浪江東船羈旅中原
鞠酒酣登吹臺意氣薄萬仞叩關獻三賦玉座重嘖嘖

謂當運天池塌翼卒不振執裳彼何人累累曳組印天
固窮其身現辭始奮迅明珠借光景赤驥爭神駿浩渺
綜百家軼宕摧羣陣才盛多坎壈憂深成疾疢哲匠竟
已矣詞林寡先進我來訪幽蹤仰瞻釋郢客園角尙松
楠庭階積苔蔽慨彼富貴者豪華若朝華朱門照丹轂
漸滅成灰燼先生獨數椽屹此岷山峻千秋草堂靈江
海同無盡

至江浦以風未濟

驅車歷淮瀆弭節屈江沚江流湜以深崇山何剡施澤
雨方朝霽風雲鬱忽起龍鬣驚中流洪濤競奔靡我欲
濟輕舟戒彼坐堂子風波終且息吾道平如砥

山左明詩鈔卷七

十

同張侍御登牛首還望京闕

戴星遶江阜整轡驚南垌言陪中臺彥歷覽神州形雄
圖掩六代大業坐千齡慨彼豐芒詠偉矣山川靈憶昔
雲雷變俊哲趨皇庭赫奕江漢頌煌煌帶礪銘遺跡尙
在囑斯人竟凋零登茲望故關竚立空屏營

竹園

曲岸繁新篁植欒影交翳眷此君子姿獨與幽人契微
響聞溪聲清光漾水潏豈無百卉芳其如秋霜厲願言
同邱園逍遙以終歲

早秋

一樹忽鳴蜩清秋萬里遙高風涼入寒急雨暗通湖青

烏蓬萊遠紅顏歲月影因悲故園裏竹色日蕭蕭

灌口秦守李公祠

蜀守棲神觀嶙峋灌口津英靈原不死疏鑿尙如新斷
石魚龍護空山羽騎陳知公祠禹蹟非爲佐疆秦

登晏角山望海

紫塞雙峯接丹梯萬仞緣身危山入海目極水涵天錦
石題仙篆青松覆綺筵不辭今日醉潦倒媿高賢

燕河營次北江聞人侍御韻

龍沙細柳城朔日因旗明曉騎黃金絡秋弓碧玉榮將
軍平虜策戍卒苦寒情何日風雲便飛書達帝京

晚至草涼驛

山左明詩鈔卷七

十一

樹色迷幽壑灘聲急暮濤松燈驛騎遠嵐氣客衣寒漸
覺秦山盡方知蜀道難回瞻天漢上近斗是長安

雨後

春行不憚遠忻此嘉木林一雨洗羣翠四野同清陰耕
人不遑處漁父有高吟婉我栖栖者臨津問淺深

秋後寓東流追和裴使君雨題之韻奉寄

物候將山色蕭蕭共夕陽千叢菊葉細一字鴈行長窗
戶山風急衾裯夜雨涼習池風景異幽興詎能忘

送陳侍御請海陽

丹闕辭明主炎荒役逐臣風霜鴻雁網瘴癘鯨魚隣海
霧偏蒙日山精亦笑人遺榮元礪俗薦士豈謀身落落

誰知已栖栖獨問津梓乘從此逝環賜定何辰苑彼韓
山木應攀寄所親

出東流精舍

杖涉前溪石瀨微青叢日暖黃鸝飛杏花如雪春還早
草色成烟人未歸雲閣談經劃向宅竹林漉酒阮公屐
閒經深谷逶迤處露滿苔穿長蕨薇

九日同諸友泛湖

他鄉病起登樓懶載酒移船放浦南點點衰荷黃似菊
沈沈秋水碧於藍中宵哀管坐皆嘆半世虛名吾自慚
好對湖光盡樽酒欲尋靈嶽解朝簪

過姑蘇寄懷戴鼎二道長

山南詩鈔卷七

七

五月五日風雨涼澤蘭葉短菖蒲香孤帆流滯自千里
故人離居天一一方海濤冥冥粵嶠遠江霧霏霏巫峽長
未得同歸尋舊隱空將塵袂愧滄浪

初謁草堂

飄零客路渺三千玉壘晴江照眼前帝宅星辰萬里隔
蠻方烽火四郊然長雲何日歸鴻鴈獨樹中宵聽杜鵑
幕府既凋誰復倚憐才還仰鄭公賢

再過草堂

亭皋叢薄帶寒流杜老祠堂江水頭一代文章懸日月
幾年衰病托林邱空園葉落松楸老滿地雲陰烏雀愁
我亦羈栖懷故國時來江上寫離憂

解官東歸江津道中寄懷僚友

搖落頻驚遊子心清秋理楫暫投簪江山鬱鬱西南美
雲霧霏霏日夜深短制有時還問訊高臺無處不登臨
卜商欲向西河老幸念離羣一寄音

渭南道口

雲坂紫紆看綠樹山花的嶰聽流鶯故鄉回首三千里
纔入秦川一半程

正月泊苦渡

蜀山纔斷郭門開使者乘槎萬里來欲寄一函歸故國
雪深無處折寒梅

馬鞍山淵側梅花

山南詩鈔卷七

七

絕壑梅花背水涯幽香不遣世閒知滿天風雨迷山徑
猶有行人折一枝

馮惟健十三首

惟健字汝強更字汝至裕長子嘉靖戊子舉人

有陂門集

李本寧五馮傳惟健弱冠有文名才
奇思駿發古選冲逸然絕塵朱中立云陂門
近體嚴整益傑作也

漁磯漫作

隱淪藉幽深虛寂屬雲籟出城稍迤邐入溪亦翳薈雖
居園闥端如處塵氛外幽鳥已忘機獨蘭能制人洗耳
豈要譽曳塗終遠害逍遙得所珍繁華焉足賴境靜慮
自寡意適理亦會願言當路士眷此折腰帶腐鼠嚇鴟

離燕石重陪員真彼芷與蘭佩此蕭與艾俯仰任翻覆
好惡論否泰鼓椎發浩歌臨淵動長慨敢擬磻溪釣似
得嚴陵瀨

清明後三日山莊侍講作

牽車出城隅溪流自回湫芳蘭被石壇叢陰散金谷流
波可濯纓餘馨尚堪掬仰視鳴春鳥比翼棲灌木奄忽
春風翔雲表互相還憶我同袍人昔日侍簪轂舞袖何
翩翩題詩秉華燭曠茲遠行遊聊以繼遐躅

舊歲八月送舅氏及弟至下關今秋出餞蔣丈復
來江許觀山河風景有慘舊別

出南詩鈔卷七

十四

說之河洛何時到錦州遠人應佇望去矣莫淹留

漫興

犬聲村巷遠霜氣玉臺高守拙憐谿谷忘機愧桔槔
書寒漏短憶遠客心勞何事雲林外慈鳥獨夜號

登觀音寺

天削孤峯峻巖閣最上頭窮巖還曲逕懸石更危樓
雪濕千林潤松門六月秋夜來臥禪榻天漢掌中流

登石門

窮谷栖懸構高雲瀑布梁濯纓春雨後開洞夕陽初童
子落佳果山僧進野蔬吟詩坐樹下風葉碧疎疎

登臥龍岡同孫夾谷

僻性好游覽况茲諸葛臺雙旌平野駐孤閣晚秋開地
接嵩山起泉從漢水來山川靈異氣千古使人哀

元夕飲李子館中

西蜀臥司馬遯東滯管寧乾坤任一醉燈火但孤亭
月照階樹疎星麗座屏真成爛熳賞相對一忘形

遊北固山和唐孫魴

巖峩瞰北固蜿蜒似龍形地盡三江險山留六代青
客星依海淑漁火隔沙汀多景成塵劫長歌月滿庭

估東翁分教寶應小詩奉贈

風塵客舍共支離送別江鄉惜路岐白首一官叢桂館
青楓孤舫射陽陂斗牛入夜瑞光度桃李迎春錦色披

出南詩鈔卷七

十五

帳下不殊黃虎觀南中早已徹臯比

姑孰道中

烟起樹亦暝水生江岸窄夜來別故人風雨最蕭瑟

送客東歸遇雨二首

送客金川遠寄書獨憐吾弟隔豎閭出門咫尺猶風雨
况復關山萬里餘

雲樹冥冥故國情扁舟飄泊旅魂驚杳然欲作對床夢

夜半春江風雨聲

馮惟重十四首

惟重字汝威惟健弟嘉靖戊戌進士官行人有

大行集李本寧傳惟重刻意
爲詩無大歷以後語

按錢虞山列朝詩紀云汝強兄弟四人三皆有集以才名稱齊晉調周惟重無開焉明詩歸亦錄錢語當時宗伯貴盛五濁之集並行於時本專作傳可接也二公獨無見開亦可惜矣子觀大行集清新俊逸直逼盛唐特未深厚爾錢以破門爲最朱以季子爲良持論不同故當共推仲子昔歷下王秋史以人行爲五集之冠蓋先予論定云

題畫

一葉下微風萬象皆秋姿不知巖下叟策杖安所之衆山相與暮滄波無邊時願言蔭松柏歲寒以爲期

淮陰行

中原糾紛方龍戰赤帝之子新王漢戲下罷歸棧道絕屏息不敢論東面將軍提劍初西來漢家萬里雄圖開朝爲治粟尉暮登大將臺君王猶謂得信晚信亦始略

山甫詩鈔卷七

七

真雄才北定秦南距楚手握關東歸漢主幾載戰功半天地豈合將軍無寸土功小苦賞薄功大苦見忌榮陽誰躡君王足臨淄忍相將軍背封功臣割楚疆敵國盡謀臣一絳雲夢再未火至死不復疑君王嗟乎國士死知己登壇一拜亦足死等死不死知己前飲恨見欺兒女子長安一故侯爲公從中起屏人若使爲稀譚南拒邯鄲阻漳水君王不歸爲誰陳倉卒不知女主心不見大風思猛士悲歌原自憶功臣

入秦曉發寄懷冶泉兄

秦隴人方去關河鴈正飛病兼愁伴客心與夢同歸何日能聯榻因風想授衣西征逢驛使憑寄謝元暉

贈陳參戎

野曠朔雲平邊沙動地驚懸師孤壘峻報國一身輕百戰摧胡虜三軍託父兄不須仍列戍得汝是長城

李生

不見李生久會聞杜甫章多君真敏捷愧我自疎狂積雪消殘歲荒原冷夕陽翻憎黃鶴鳥比翼共翱翔

冷氏園亭待宋一川不至

宛宛凌溪曲誰家雙竹門烏啼松菊徑人坐桔槔園白板明斜日青山帶遠村美人殊未至搔首對平原

遊張氏園

翠柳窺窗碧朱顏映酒紅花枝清絕露蒲葉盡翻風荒

山甫詩鈔卷七

七

徑思陶令名山封謝公酒闌仍悵望家在海雲東

織娘

絡緯啼金井鴛鴦度玉機願爲錦繡段持補袞龍衣涼月憂絲脆疎燈顧影微輪官倚虛壁何以奉慈幃

武昌書懷

萬里銜新詔三秋滯楚關江天常帶雨烟水欲沈山黃鶴何時到賓鴻且未還夜來有清夢會奉老親顏

雨居

興來每獨往不必客相從脩竹山窗月微雲野寺鐘檢書惟使鶴投杖恐成龍總有求羊徑常教翠蘚封

武昌送徐生之建業

霜後孤帆去燈前獨影留武昌魚不食江浦鴈含愁酒
態偏宜夜離心畏及秋空庭仍設榻夢對或南州

駕荷承天

萬乘旌旗入楚都重看天地啟苞符三湘雲物迎仙仗
七澤風烟接御爐北極星辰臨翼軫西陵弓劍在枌榆
不知漢帝龍飛後會得鑒興幸代無

九日登鎮淮樓

鎮淮高閣鎖烟霞徙倚層欄俯萬家地近楚鄉仍戲馬
人如漢使久乘槎登樓南國憐王粲落帽西風憶孟嘉
海上東籬更存否愧將短髮負黃花

送徐東巖程初亭還蜀

峨嵋天外削芙蓉歸路雲邊第幾重敢望賜環陪夜直
且看銷甲事春農十年仗下雙鳴馬此日隆中兩臥龍
君到劔門應北望秋來三峽亦朝宗

山左明詩鈔卷七

太

山左明詩鈔卷第七

山左明詩鈔卷第八

鄉願賢五十三首

顧賢字養賢

一作號蘆南德州人正德癸酉舉

人官平涼同知有蘆南集州志顧賢初知新鄉
以舒民困遇旱先賑而後請邑人祠之致政
歸村居不入公府惟以詩酒自娛與馬東野倡
和程正夫詩搜公詩直學漢魏獨得神理
紀曉嵐云司馬樂府古詩浸淫漢魏獨得神理
為有明一作者而向之輒明詩者不及焉北方
學者模不近名故爾及其傳也乃真傳也矣
多所寄託得古人長言吟嘆之旨氣體音節亦
駁駁與古為化非模擬剽竊者所及其
川韻出入閒有未改無害於其詩也

君馬黃

君馬黃臣馬白馳如翰將安適棄之野疲且瘠嘶若思

山左明詩鈔卷八

十

思冀北天厓良何山即老馬歸渥洼出皇之駕龍驤翼
龍驤翼天下英賢皆輔弼

雉子班

雉子班色歲幾啄山阪飲山阪哺爾鷺相依棲樂岑蔚
保無虞不自量漫爾飛隨鳳鳥達天衢六翮短天衢長
飛百步意徬徨意徬徨回山岡念初服未有傷刷毛羽
恣徜徉望雲漢熙朝陽

短歌行

視此逆旅往來如縷生死不長化機不已解百年幾何
身如逐波波流不返何以蹉跎解及時為樂人情苦薄
勢力相加嗜欲豁壑解不如悠悠不忤不求蓬萊有仙

思與爾遊四解松喬何處誰語祕密渺冥冥徒爾自弊

白紵歌

白紵舞白紵歌白紵落影秋水波波中鯉魚如擲梭三
三兩兩雙雙過續紵成絲織成布遠寄邊陲恐遲暮邊
陲霜早風更寒寒衣已裂重裝綿但願樹功常在邊閨
中少婦開愁顏

塘上行

塘上楊柳青塘下芙蓉生芙蓉亦何媚並頭且連蒂恩
愛誓平生生死兩不異塘上楊柳黃塘下芙蓉霜芙蓉
落秋水兩兩眠鴛鴦鴛鴦夜交頸不爲芙蓉冷風波有

山左明詩鈔卷八

二

所失孤心日耿耿妾心諒不移妾顏難自持君恩如不
返奈此生別離

採蓮曲

郎面似蓮花郎心似蓮舟蓮花媚他人蓮舟蕩不休採
蓮思郎而路遙不相見折藕牽郎舟絲長難挽留蓮子
生有時郎去無歸期

折楊柳二首

楊柳坐坐青拂頭別人折贈懷殷憂策馬不進心夷猶
心夷猶去難挽約歸期不可緩
楊柳坐坐青拂衣別人折贈計歸期荆臺楚館雲雨飛
雲雨飛箇中愁霜鴻征悲素秋

臨高臺

臨高臺高臺何崔巍上通雙闕連蓬萊列仙執錄司下
土珮玉鳴金結華組嚆芝英啗瓊脯掌握雲雷行風雨
物熙熙世恬恬佐帝治億萬年明哉良哉福祿便肆紛
更濫與奪駕乖虬驅騁字流毒四海恣所樂龍逢比干
竭忠死趙高李斯亦烹俎

有所思

美人望不極思心日以馳迢迢歷天漠路遠不相見雙
環解相寄美人多機佩空爾切心思夢寐忽見之清霜
被野草歲月促人老

筌篲引

山左明詩鈔卷八

三

堂上奏筌篲中厨辦庶羞今日樂相樂賓主同勸酬事
變在須臾誰復能挽留升沈異形跡生死那可謀人心
亦叵測談笑生仇讐短世何多艱利害相紛採功名生
厲階勢位滋薄倫不如但飲酒與世無所求

飲馬長城窟行

長城跨山海隔絕華夷與夷華夷異風土嗜慾良亦殊山
海可固盟夷虜終難憑一朝驚烽燧一夕聞燕京燕京
近沙漠白日嚴金柝夜起望旄頭笳聲吹更惡據鞍搏
絲鞭彎弓別紅顏天王勅都護直抵燕然山燕然在窮
北餽餉乏糧食萬般輓雲中三軍不謀日奈何空聞婦
走向長城哭長城能障邊不能充饑腹

大河篇

黃河日暗沙雲起平地翻波徹泉水萬夫奮鍤填郊原
旬日工程百餘里奈何八月九月交蟋蟀近壁聲嘈嘈
農家已授寒衣服西疇兼事場圃勞豈是尋常興此役
大河一溢勢東逼豐沛之閒沙成邱皓結漫漫運河溢
致使宵旰勤憂恤命下廷臣訪陳跡孫家渡口舊支流
便達淮渦注東隩嗚呼黃河之水發星宿原是銀河瀉
懸溜崑崙潛出磧石過激湍砥柱魚龍圖斜踰汭洛孟
津虛原沙隰壤隨波趨酸棗金隄常潰決負薪瓠子眞
成愚君不見黃陵岡鷄鳴臺騷人如蟻金成堆委棄人
命同草萊如何今日之役疏支河神速不費財力多萬

山左明詩鈔卷八

四

雜詩三十二首

深谷有幽蘭托生雜草莽芙蓉不在山菜蔬滋以長良
質不自毀芳香潔精爽芻牧味深識蹂躪遂成枉縉紳
豈無珮金玉鳴清響風霜日已繁歲月日已往締結不
成章徒切幽人想
禾稼已登場歲事亦云暮蟋蟀依堂階鷄鳴高樹蕭
然萬籟沈清夜感求素願非金石堅何以延末路功名
既無恃壽命虛此度慷慨懷古人遺芳良不誤
南郊占幽居農牧知綜理猥處以棲遲團樂樂妻子勉

迨日月交四序無停軌商飈墜丹梧清霜殄芳蕊鴻飛
畏元冬昆蟲閉深壘造化息冥機庶物以終始動靜有
貞勝吾生苦靡靡陸沈固其宜汨沒良足恥

樂事實心易違心徇物難人稟有偏勝冲和豈能全彼
苦此固樂此易彼爲艱義利分殊途人情取自便魚龍
不困水虎豹常居山所處逆所性乖僻誰能堪

人生本元化元化相浮沈往者豈終已來者還相尋茫
茫歎無始一氣亘古今異端唱輪迴紕繆何足譴庶物
自參差造化無容心死生亦豈異窮達隨所任奈何貪
昧徒自苦多黃金

盧姬慨晚嫁王嬙悲遠之以色事他人尙不遂所私畫

山南明詩鈔卷八

五

師豈不工金幣無與期媒氏豈不良佻巧先相知處子
守貞淑往媾非其宜洛陽多少年邯鄲多妖姬實馬千
金裝青樓當路岐私昵兩交好粉黛妬華姿嗟嗟貞女
行肯復效爾爲

造化生萬物吾人得其全氣機有淑沴嗜欲相牽纏致
令大道乖世務隨情遷妍巧亦何深藻飾蓋其愆何以
掩他人而自不爲嫌身心日煩勞徒爾多迷道聖賢復
何事良以本自然

殘機理弱絲何以施工巧美人坐愁歎投梭惡草終
歲不成匹經緯徒紛擾安得採扶桑飼蚕垂易飽繭成
如蠶盎瑤池浴新纈霧隱絡銀河風牽掛蓬鳥機支倚

聞聞天孫向清曉札札機杼聲纖纖素手皓雲霞炫鮮
麗星辰布華藻文章絕世無特以達天表

多智斯多慮多事亦多苦富貴有變故貧賤樂安堵蘇
張肆遊說七國爭受組詛詐時復窮形軀就鼎釜東門
種瓜人拙守如魯瞽

黃鵠戾霄漢遺音燕雀儔田閒有遺粒可以資身謀切
莫觸倉庾便爾朝夕求鴟鵂性貪狼相顧爲仇讐網羅
况當塗反以遺我憂飛飛向林木比跡同海鷗

理琴不成操徒以煩心思伯牙不復起聽者空爾爲南
風絕遺響龜山猶可追雅樂旣以正六籍皆當師歸來
從此好子懷亦樂只

山左明詩鈔卷八

六

妾本貧家女不願貯金屋金屋多佳人寵辱相倚伏願
採陌上桑飼蚕飽蚕腹蚕老絲已成良人去不復坐投
機上梭撩亂如心曲日仄不成章薄命復何卜

妾本貧家女不願居青樓青樓臨大道遊冶相追求願
抱竈下薪炊作堂上羞姑嫜愛少婦烹調乖所投下堂
啗糟糠聊以充饑喉枵腹復誰語薄命將何尤

射山列仙子出入雲霄閒六氣滋服食乘風御八埏攬
轡扶桑枝弭節崑崙崑崙一撮土列宿相周旋黃河
出其下上接天漢源紫府在帝側乃與崑崙連羣仙指

閭闔西母駕驂鸞冥靈手親植若木生庭前蟠桃每經
熟取以開華筵秦女吹鳳簫湘娥拊水絃靈曜未移景

俟爾千千年金石不足固壽命何以延舉手謝時人去
矣從列仙

草木無射生秋氣亦云肅清霜歷高漢歲序如轉轂性
命各有具化生以潛伏祕固無深機萬物何以育人心
本靜專而爲利欲怙晝夜苦營營百年常處憂精神已
耗散形軀如槁木願欲求神仙反爲有道濱

道義所當重勢分何足矜嗤彼夸毗子藉此爲榮名自
謂據要地人莫與之京談吐不出口舉止如不勝綰組
耀朝日佩玉清風鳴氣岸每有加志欲常營營所喪旣
以多尙爾恣驕盈不見才美聖在位流謙聲

種蘭滋九畹芳香在深谷採之遺遠人聊以慰幽獨遠

山左明詩鈔卷八

七

人不肯受珍藏入懷袖不爲蘭有香明德當自懋

空庭度鴈聲清霜麗華月披衣起鳴琴仰見衆星列台
階亦何尊尊字有飛越天道示昭然人事復何缺草茅
有深懷耿耿常不滅竭誠叩天關天開詎難謁雙闕高
嶙峋羣仙何烜赫碌碌無所容歸來甘守拙

盛夏迫將盡倏爾臨素秋萬物各具生歲月亦云周性
命不自持富貴將焉求鴻鵠有高志斥鴳無深謀鴻鵠
遊四海佳哉巢與由

邊陲無健卒驕虜肆侵凌主將無良才三軍皆散兵朝
廷無統御藩鎮恣縱橫軍餉有不足號令空嚴明余此
枵腹士惡少鳩同盟反側固自殘綱紀隨以傾夷狄不

可玩藩鎮不可成

我固非樂隱原非用世才以故歸田廬與物無嫌猜東陵豈不貴願與農夫儕彭澤亦何辱飄然賦歸來我諒二子心富貴等塵埃聲名照千古瓜柳同見推當時炫耀者磨滅如草萊

農夫得盡力民食猶稱艱工女得盡巧民衣猶稱寒珍怪與文繡實以蠹其源皇帝故親耕后妃亦親蚕恭儉重民命知以民爲天嗟嗟輕用者斯民何以堪

卞和有深識抱泣荆山玉持以獻君時而反刖其足靈龜知亦神假夢以急告不免刖其腸以充鼎中餽視物亦何奇庇身乃致僂智有所不明物有所不足嗟嗟命

出左明詩鈔卷八

八

所爲韓彭非碌碌

人以支離全木以支離壽夫豈愛支離支離原可宥才美生嫉嫌而况自求售謙中猶可爲驕盈乃速咎周公尚流言屈平卒蒙詬庸鴛有過愆情亮不相構

布泉不可壅乃有潰決患利害本相乘此理爲易見貪味無遠思百爾圖自便金幣如邱山終罕有餘戀負販固其情貨殖以求羨奈何縉紳輩富貴疊相銜縱爾快

所圖適以滋多怨不見石平倫黃金積無算一朝罹傾覆何如貧與賤

幽僻宜閒曠田園資有生且視飯牛肥此外無多營雨暘旣時若禾黍滋生成散步向林泉野雉鳴雉鳴郁哉

盛文彩每爲凡鳥憎依棲止邱蔚飲啄無求盈豈不美霄漢聊以遠憂驚仲連蹈東海屠羊避三旌是固性僻任要以鑒人情

朱邑思桐鄉是豈私昵情居官留德澤既去多賢聲有祠以昭象有碑以注銘直道固在民恩怨無虛稱甘棠勿剪伐不假三公榮巧宦陽崇高顧以欺愚氓

人孰不貪生不知有生理人孰不畏禍不知禍由己名利爲之媒嗜欲競相侈靈根日以銷性命誰可恃災禍紛和仍憂悔亦徒耳不如反自然視世猶糲粃名利不爾汨形神無抵毀利害不相攻災禍何由起安得無欲

人相與語斯旨

山左明詩鈔卷八

九

忠義善處死壯士亦可規猛氣干青雲粗豪常不更挾術因自用徒以資人爲固不與成功事憤甘橫屍佳哉魯仲連任俠所當師

山林有隱士志不在功名功名務烜赫心術隨以傾續紛二三子自視何其輕甘爲羣狙愚不念蜉蝣生事業有成毀人世多譏評變故在朝夕猶復侈經營回視耦耕者身外無餘情

白晝倦詩書向暮思衾枕景幽情亦豁寒輕臥方穩寒風紅塵悠悠薄華衰世路忘利徒風流重人品藉藉豈不賢嗟時比甘飲高危棲不安偈側步斯寧俯仰空

懷思山林光招隱

初春氣猶肅柴荆風更寒布衾不溫寒士無好顏披
衾坐終夜情幽思亦元義理靜深省嗜欲無牽纏奈何
牛山木斧斤戕自然富貴斷天性貧賤吾何嫌

八月十五日夜二首

均氣爽精魄免影含靈姿四時協恒度八月流清規娟
娟彩雲暮漱漱銀河坐鳳簫逸瓊漢魚鑰通瑤池嫦娥
有孀節織女無愆期窈窕穿房櫳瑟縮驚絳帷遊子客
燕邸念此數命奇天風不相哀吹物成離披歷歷鴈聲
度咽咽蛩吟悲年命知幾餘富貴富何時

碧漢明元露金風淨素塵寒光暮雲捲爽氣侵高旻丹
桂繁婆娑粒粒滋華芬嫦娥向清夜開鏡臨八垓兔影

山齋詩鈔卷八

十

數秋毫容光潛通神飄車疾飛翰吹我來崑崙崑崙豈
凡俗歷歷羅星辰九州如蟻封四海環可循閭闔正嵯
峨雙闕常嶙峋瓊響鳴佩沆瀣清醇冠冠霞曳雲裾
駉虬鞭麒麟紫微九龍御合符通元文列仙輔天帝台
階樂長春側足邈東望河海相吐吞時瀟州陵谷變無
際森森浮烟雲桑麻落波濤魚鱉殘生民无輝有餘照
長照滄瀛望月乞靈藥濟此天下貧

寄答蘇舜澤二首

離思苦無任會晤知何時山川阻且長宦途徒爾爲
馬耀南州雙鳥終昇棲歲時變春華感物增煩悲襟芥
固傾覆造化何嫌私君懷遠相引眷念無遐遺爲與求

匹儔孤特鮮所儷爲鴈補君裳絳紵非其宜榮名豈自
致數命誰能違英賢貴用世薄劣安所之

貧女寡媒灼晚作蕩子婦蕩子重容色遭逢已遲暮不
怨青鏡輝不爲紅顏妬誓心復誓心慙慙念羣布谷蘭
不異香泥玉豈相汚婦道誠不虧托身未爲誤

和答王介巷

燕雀昧所止偶爾投上林驚驚疑短翮斥鷃憐同心巢
壘本深願阿閣遺好音鳳鳥達天衢刷羽千仞岑

題李白玩月

謫仙稱人豪氣岸駕千古跌宕傾矩墨風騷啓聾聵濁
俗非所堪脩途憤多阻刷羽翔靈臺光輝耀中土嗤彼

山齋詩鈔卷八

十一

苟利徒爲鴟鵂腐鼠逍遙九霄外吐氣成雲雨甘飲樂
天倪擁琴坐元圃遊仙儼嫦娥倚靡娛金母喬松原有
期斯言豈誇詡

和劉高平韻二首

歲暮已愁絕如何春更寒衾裯念孤跡板衣望峯巒峯
巒連四壁望望難成歡起復綜簿書冗俗無媚妍肥遯
者誰子何事猶彈冠遊宦已四載思鄉發長歎幸念達
觀者亦與登詩壇梗梗美相聚執別思漫漫

山雪激險滑山風倍飄飄怪爾山行人遠近相呼招僕
馬重困僮行李何蕭蕭山椒無鳥鵲山阪無柝樵王陽
方叱馭且以觀風謠平生歷坎壈爲君導前轡

藍田 三十一首

田字玉甫號北泉侍郎章子嘉靖癸未進士官

御史有藍侍御集山東通志田以諫大禮廷杖死又以積忤執政為所摭

拾罷歸三十餘年高尙不起家傳侍御為少司寇長子幼有才名與劉山泉楊用修善程篈

按海岱會集詩御年在第二而無青州山泉舉海岱詩社侍御其一也

詩集中亦無社集詩未詳何故

臘日東厓草堂山茶花初放仲氏深甫邀賞

東厓草堂留殘雪五更北風萬木折凍合南谿人跡滅

堂前忽見山茶花峻嶒老幹發新芽一枝整整一枝斜

葉如鸚鵡舒雙羽蕊似鶴鵲初哺乳鶴頂丹砂屢起舞

卻忘眼底是窮冬仲氏邀我春意濃典衣更酌琉璃鍾

山南詩鈔卷八

七

年來嬾對桃李面歲寒喜尋松竹院為遇山茶生眷戀

山茶山茶爾勿愁放臣逐客真好仇嚴霜烈日何足憂

漂母祠

漂母進食憐我饑千金之報矢不移漢王推食真相知

三齊未會垓下師王孫素志在一飽通也何為騁說詞

後車載歸長安日只恨陳平計太奇人生富貴履危機

何如乞食淮陰時野子西風泛漁艇月明酌酒漂母祠

祠前秋水浸老柳清聲猶為英雄悲

觀王進卿施天秩二將軍收獵歌

進卿萬戶氣如虹平明選徒獵膠東天秩武舉力似虎

手挽強弓飛白羽馬上橫吹三疊龍封狐狡免驚叱訖

左呼黃犬右蒼鷹彭彭逐逐相枕籍雲蒸霧擁南北驅

濤翻雨注東西呼須臾三匝馬山麓車前車後懸兔狐

卽墨營中二將軍範我馳驅武且文霜濃馬肥太白動

談笑何有胡虜氣去年不刺出青海和連山下陷堅壘

今年吉囊犯雲中烽火夜報甘泉宮彼開府者乳臭口

可惜三軍曳兵走吁嗟乎王子施子真人豪何時登壇

擁節施

賦送鄒令君西歸

古之卽墨平度東今之卽墨改邑墉南有不其山巖從

東有阜虞潮汐衝壤地斥鹵爲一同沃饒不比瑯琊封

前遭流賊後飛蠶村落往往生蒿蓬營衛四城屯疲戎

山南詩鈔卷八

七

仰食於我輟棄廢新招游手纔彎弓防秋卽予千金豐

夫錢料價復重重催科橫縱有無終觀風使者尊且雄

銖兩盡付吏手中邇者吳人傳二烽倭奴鼓楫欲相攻

巡察只禁商船通不設海鶴造舳艫三夏猶促修城工

大麥小麥畝畝空柏菴鄒子人中龍鄒下詞賦摩蒼穹

分符上應郎宿崇許國塞塞誓匪躬吾皇坐承明光宮

干羽兩階舞從容何如侯奴開欽踪謀畫誰者何恩恩

漢家循良柏菴宗閭閻隱憂恒恍恍午夜籌度和調庸

三等九則戶口公我寬一分誅求惻民受一分惠澤隆

逃亡歸兮多警警庶幾凋殘漸以充嗚呼異齋起悲風

柏菴甘雨不得蒙衰衣白馬去馮馮號泣孺子慟衰翁

草疏稍首獻重墮奪情撫我期必從

登華樓

前山後山紅葉多東洲西洲白雲過紅葉白雲迷遠近
雲葉缺處山嵯峨開拋書卷踏秋芳扶藜偶入山人房
柴門月上客初到瓦甃酒熟兼松香玉皇洞口晚花暗
金液泉頭秋草遍藥爐丹井尚依稀白雪黃芽今不見
長春高舉烟霞外使臣遠山風塵界劉使臣名志堅當得道墓在山上
時人已號飛仙祇今惟有殘碑在人生適意且尊酒莫
放朱顏空老醜神仙千古真浪傳丹砂一粒元非有延
知造物本無物薄命不逢隨意足雲滿青山風滿松何
必洞天三十六

山南詩鈔卷八

古

壬子九日與楊浮期集百福菴雨不果小酌可

止軒爾浮賦詩用韻答之

去秋重九雨零零今秋重九亦未晴南山泥滑不可到
有客集我可止亭金錢王錢開元樣化工無心爲菊型
采采盈把忽起舞漫歌伐木聲丁丁囊乏銅臭何足謂
樽有茱萸浸醪醺斷送秋聲須酩酊奚庸勸業照汗青
攬鏡笑看鬢已白勸我閉息觀三庭君不見羣從三人
塚紫髯故舊落寞如晨星鼎中鍊藥黍米大鶴飛遼海
來定盟

賜玉行

平明中使來自天有客俯伏端門前歸來摩挲耀妻子

九重之賜何新鮮年來飽臥廟堂肉一朝更賜荆山玉
君不見漢家天子恩澤隆九錫之賜安漢公

平坡山

載酒春風裏行歌傍碧溪雲生山寺遠雨漲石橋低花
絮驚飛盡江湖思欲迷催歸太無賴兩兩竹林西

周中丞送母還鄉

大家歸思切丹陛寵恩深特輟中臺務聊安故園心江
魚翻浪出春酒倚橈斟應有東征賦人傳楚音

同陳石亭太史遊鶴山洞次韻

洞府北巖裏微茫草徑通潮聲驚席上山色落樽中野
鶴何年去孤雲此日同還將遠遊意灑筆向霜風

山南詩鈔卷八

五

壽王石渠冢宰九十

華夷時問石渠菴潞國勳名伯仲驂四海天留元老一
百年人見達尊三鎬京典禮頒鳩杖漢室文章載鳳函
應與耆英添故事大書新頌刻終南

贈遂菴少傅節制三秦川邊華泉太常韻

前乘鳴笳雨谷關舊時部曲笑生顏單于卷甲歸沙漠
回紇移牙過雪山紫塞草肥風細細洪河戍寂水淩淩
勒銘纔向燕然石還綰絲綸黃閣閒

九日

病夫久矣快登高徙倚危樓對二勞九日獨餐驢客菊
十年遠憶大官糕謀生落落餘生富覽鏡欣欣理鬢毛

釣伴多情還過我一壺社酒宿霜整

次韻答楊升菴劉子靜

新酒三升直到齊酒闌肺渴兌蒸梨燕歌纔起野雲過
秦瑟試調山月低樓蟻夢回槐穴北鷓鴣聲斷竹籬西
人生出處直先定誰爲飛鴻踏雪泥

草樓次韻

黃衣道士說周遮境界無如此地嘉雲外兒童能種玉
巖前麋鹿盡銜花松聲入壑鳴清瑟丹氣穿林散紫霞
我愛使君風骨異願酬霜檜作星槎

北泉雜咏二首

蕭蕭幾箇竹歲晚是知心憑君截作管吹出古韶音

山南詩鈔卷八

六

空谷滋幽蘭秋晚無顏色不見同心人臨風三嘆息

題劉山泉畫冊四首

採藥蓬山遠餐霞碧海空不如尋酒伴攜杖過橋東
積雪滿空山枯藤上寒木江月落沈沈孤舟對誰宿
逐客逢漁父江濱坐晚潮可憐魚價賤未得酒盈瓢
溪上添新水微茫浸碧岑道人倚杖久無復羨魚心

詩

十月飛嚴霜幽人空谷衆芳搖落盡惟留一枝菊

柳塘圖

二月江平風尚寒楊花如雪白漫漫曉風吹盡金縷
只與離人帶恨看

宮詞

金魚聲合晚鐘殘錦瑟寒生促柱難譜就雲和無用處
祇應閒向月中彈

燕

社前社後總堪憐楊柳枝頭欲帶煙不向畫梁尋舊壘
主人恩義忍相捐

題墨竹

琅玕節下起秋風寒葉蕭蕭煙雨中贈予仙壇鸞翠帚
杏林春掃落花紅

慧炬院二首

已知世網皆成幻誰信禪宗獨是真淵底春雲初印月

山南詩鈔卷八

七

定中老衲記前身

東海青山今始歸回頭四十九年非山中老衲頻招我
月下殘棋未解圍

送李將軍孔昭

西崑山下雪花浮野馬黃羊作陣遊傳令三軍齊校獵
元戎新試紫貂裘

送鄭掌教致仕

年來官况秋雲薄江上漁磯歸興濃應有新詩還寄我
夕陽吟斷數聲鐘

芙蓉

海峽長司馬病揚州誰識衣之狂只將無限西風怨

寫出芙蓉對晚妝

邊習 十二首

習字仲學號南洲尚書貢子有睡足軒詩漁洋
序司徒後家無中人一之蓬仲子貢同預藉授
徒取給翰弼今存詩一卷其七十時客希氏作
也徐隱君夜購得其本余好華泉集錄其半附
於後按弘治四傑惟何氏之後最大李氏次之
徐氏有子伯虬稱詩吳中名載今兩塔樓而仲
子以尚書之貴饒饒終其身殘編零軸幾飽鼠
齒閱百餘年如遇吾兩人者收拾護持於昆
明別灰之餘僅以是詹詹者為楚湘之髮印也
詩話仲學佳句野風微落帽林雨忽沾
衣薄暑不成雨夕陽開晚晴宛有宋法

登白雪樓懷于鱗

溧源風景冠齊州更築詩豪白雪樓人擬古今雙學士
天開圖畫兩瀛洲雲間黃鶴還飛去海上滄波欲倒流

山前詩鈔卷八

六

聚散存亡餘感慨轉憐花柳不知愁

夏日過鄭文老宅留酌論詩作

谷口山堂首夏時碧梧風靜畫簾垂主人最愛孤吟客
病叟真逢一字師微言薦賢重折車書樓懷古共題詩
交情世誼如公少枉得臨觴不忍辭

即事

曉起山窗興忽豪兒童遠致白葡萄因惜美實傾家餽
更休山中紫兔毫

題睡足軒

野老年來無所欲日回南窗求睡足有時睡起不下牀
援琴一操高山曲

述懷

才看曙色映窗虛早見陽光射草廬落落故人誰枉駕
蕭蕭華髮狀頻梳開情祇付無鋒筆老眼難窺細字書
啼鳥數聲回午夢又看花影過庭除

七月朔懷舊

草堂今日又新秋客裏驚心五載留門外遠山懷舊隱
眼前時事觸深憂綠琴獨奏誰聽耳青鏡閒窺已白頭
寄語城中數知己遲予同上謫仙樓

雨止

訪舊歸來夕照中半天涼雨一谿風須臾雨盡浮雲歛
笑看兒童指蜻蝶

山前詩鈔卷八

九

訪顏煉師歸途值雨

琳宮翠羽客相見惜多違數語不能別一筇還獨歸野
風欲落帽林雨忽沾衣入夜思難置夢隨黃鶴飛

早秋晚眺

薄暮不成雨夕陽開晚晴鷄鳴還應候蟬老欲吞聲白
髮憐孤賞青藜罷野行柴門一翹首愁絕遠山橫

秋日

早秋天氣半晴陰漸聽蟬邊蟬吟山雨過窗明忽暗
夕陽照樹翠浮金無柰木用憂華髮乘興還能理素琴
但得故人頻送酒何妨和角和商音

思舊隱

林壑秋深柿葉丹白雲長護草堂寒園因留客收芋栗
徑爲凝香種蕙蘭跨蹇向違城郭近報詩寧遣會盟寒
于今遠隔溪山外咫尺音書那得看

夜雨

山窗一夜雨忽送九秋寒多病憂時促孤衾付永嘆不
工門外瑟獨考淵中樂出處皆無似孰云天地寬

山左明詩鈔卷第八

山左明詩鈔卷八

下

山左明詩鈔卷第九

李舜臣二十八首

舜臣字懋欽一字夢虞樂安人嘉靖癸未會試

第一人授主事歷官太僕卿有恩谷集山東通志舜臣

性簡重不樂紛華旁通十三經壯歲謝歸著書

粹然一出於正孔汝錫云懋欽與伯華才名

相類頗並爲懋欽人爵伯華歸伯華華度曲

春夕

日夕散車騎攬轡每委遲署松紛翠藹官柳何苑斯入

門纖月上宿烏滿庭枝微風振遺溷暮色正淒其客心

易爲感萬念咸在茲豈無芳草色祇足攪歸思

山左明詩鈔卷九

早春憶故園

往茲薦禪日朱明甫南移青青原麥秀嫋嫋陌桑枝家

世本農業會讀耕田詩豐皐餉童僕薄往閭耘耔剪茨

開舊圃命版成鬟基脩楊鬱近岸翠柏榮前墀木實紛

丹碧蔬挺何歲稔晨鷄夕自入夏蟬秋始悲別來歲云

暮又見春草滋興言念故宇感激能無思

贈別高子業

今上始龍飛中興如日旭文物何休明忠賢盡來復殊

方獻白環嘉氣瞻黃屋生逢泰階平偶竊南宮錄君時

獨少年爲衆所屬目翰墨已縱橫威儀亦肅穆手自握

蘭蓀猶似欽余馥因彈貢公冠果枉山濤顧九萬擬眉

霄隨君忽遐翻晨趨建章班夕散司衡局明時重交遊
暇日相徵逐歡言詎足珍意氣乃多淑上欲窺鴻濛直
邇義皇樓其次稱詩書頗慚馬遷獨作賦準班揚舒詞
邁阮陸遙遙十載心悠悠久未副分手自曩茲開顏亦
昨倏微志不及申薄遊途再辱何知此爲別去住俱迫
促惟有慰相離榮名能自玷

問言簡高子業

白日麗層空鵝鵲逝有適饑鷲啄其下區區虞見迫腐
鼠豈其珍徒爾聲相嚇人生有定姿寧與浮名易亦有
灌園人三公棄如擲寸心苟不察殷憂復何益

雨夜

山齋詩鈔卷九

二

八月風露清雨落猶如注決句今不休勿乃神龍怒袞
綈早已寒蹉跎未能去棄置自千秋人生貴有素紛紛
輕薄兒莫以賢豪故

有感

泝或難免機樞不可爲豈不貴所用工拙有相宜當
津遊上才皎皎揚英姿伊予山野人微尙殊支離下州
限斥鵠歸捧慚西施不如修初服從此過還期

送丁德卿出守撫州

康樂臨川日江山屬壯遊羨君今出守於此復鳴騶地
以紅泉勝亭餘碧澗幽遙知詞賦手千載折風流
夜歸

憐此歸來晚蕭蕭夜色深月明孤鳥宿秋急亂蟲吟名
薄勞妻妾心疎滯欹簪因思郎署裏賢俊昔如林

秋夕庭中悵然有懷吳文濟御史時渠將有閩中
之行

金氣當軒蕭蕭烟使舍幽下階聊獨往倚樹忽千憂名
逐羣芳晚心摧落日秋所親仍別去炎德指南州

寄任元朴

去國今三載猶傳諫諍名聖朝非爾棄時俗乍相傾跡
向陶邱歛書從梁獄明平生欲何似歲暮臥山城

秋夕吳文濟御史見訪

出省惟公暇深居每獨思故人驄馬客薄暮菊花卮月

山齋詩鈔卷九

三

正清秋滿霜裁變露爲非君茲枉駕何限使吾悲

寄劉叔正蜀中

劍閣青山外都門紫氣邊相看俱萬里分手已三年去
國是何日浮槎想近天念從衆君子交結昔何妍

省中曉起偶有所思

在公常夙夜出戶偶徘徊忽忽嚴更徹紛紛曙色開禁
鐘清曉月宿露滿庭槐鳥有鳴相和人皆去不廻

馬上偶作

秋風鼓大荒萬里長空來忽然被羣木瑟瑟鳴聲哀黃
葉日夜落蕙草庭中摧鴻鴈號雲中蓬轉何時回願惟
仕京邑二載茲徘徊時哉豈所適拙薄成嫌猜常恐風

昔意零落隨浮埃不潔一以蒙西子猶堪哀胡爲復南
陌追逐相喧歷

徐錦衣西園陪餞內兄伯雨

鑿石新成徑臨流舊結軒城邊飛蓋駐樹杪風臺存融
雪滋花色微風送鳥言夕陽未歸去坐釣待魚餐

送陳介泉中丞赴河西

張掖國西門中丞山甫論從天下節鉞絕塞駐戎軒蠻
賦千邦入威名萬里存空傳漢出使此路去河源

送江京兆景熙赴京

赫赫都門坐鎮來三年爲政不凡才能令江上風濤靜
復道人閒夜戶開遠郭青山常帶雨經春芳樹早生梅

山南詩鈔卷九

揚帆又送朝天去待報明廷寵璽回

謁文山公祠道中作

在遠日多思欽賢夜忘寐緣與簿書辭况復郊原逐野
曠宜風生山深似雲戲臨流纓欲濯山谷衣全翠顧茲
難久留拘迫慚爲吏

德安道中

蔓草坐藤引使車石田流水帶人居清秋不落丹巖樹
薄午方綠白石渠谷口魚梁旌旆轉山中蘿徑牧樵餘
爲應問俗遲遲去纔可塵煩漸漸疎

宿東林寺

山寺忽雲端山行處處歡晚涼巖際宿秋色月中看緩

步多幽壑清聲卽近灘蒼階疑露濕瀑水墜空寒

開先寺贈何邦鎮

昔人讀書處瀑水香爐峯年往碑仍在雲深嶂若重長
風吹落日林壑上秋容何意都門舊今還此地逢

觀瀾閣

天地見彭蠡清淺雜煙浮忽訝城隅望蒼茫海上秋長
風驅遠水落日走神蚪駭浪時能似銀山碎十洲

秋日諸友招飲病體未赴二首

始擬戶常關歸身反未閒一秋農自去竟日鳥俱還落
木森平野澄潭入晚山登高期後會爲破病中顏
不復身豪健千杯似往年春來能斷酒歲晚未歸田客

山南詩鈔卷九

五

爲黃花命歌應白雪妍相從欲何限今負主人賢

甲辰初度

年年今日酒多爲菊花斟歌管誰能那芳菲乍可臨罷
場園賦入閉戶草蟲吟敢向誇朋輩悠悠歲暮心

庭中

昨夜雨新晴今朝花更明下階看鹿迹倚樹辨禽聲袖
爲移蘭濕襟緣愛竹清荒居春較可况復托歸情

馬坡村贈舊館人

數載今重到還非馴馬來主人年舊改遊子客程難
黍歡清夜階除落故槐明秋隨朔鴈遲我復能回

宿蕪州館

寥廓此中宿遙聽易水聲
鑿帷幾月入疎館北風鳴
夜覺秋初永寒知霜正清
不堪情已倦明日尚遙征

黃頌十一首

頌字德兆號海野安邱人嘉靖癸未進士官吏

部文選郎中有北上集及戶部符臺諸集府志
官歸日事吟咏爲文力追古作與李齊名
海內謂之李黃李伯華嘗曰文人獨詣反約爲
難於我朝文章家
固自一名品也

雜詩

苑苑楊柳枝灼灼桃李花
江上懷春女涉江采靈葩
輕颺吹羅袂倩妝明浦沙
清揚一流盼令人三歎嗟
春雲不共帶聚散忽天涯
風霜一零落惜此芳容華

山陰詩鈔卷九

六

傲白頭吟

同時爲織婦君今舅姑行
晨昏侍機杼白髮上高堂
高堂春色暮羞作桃李妝
傷哉省中和顏色徒青蒼

擬陶歸田園居

朝陽往于田負耒昏聿歇
田家長苦辛宵爾事蠶月
露行濕春星風林坐蓬髮
濁酒自適意將以勞秋茂
夫婦時相酬傾壺念冀缺
躬耕述祖德養生聊自悅

感述

閒房曉清暉澄夕星月朗
蘭氣夜襲人繁露綴蟲網
于役息中林改服契心賞
喉極思所歡感來喟向往
青陽每時歇元珠會明兩
自非羨門生誰能游象罔

東田

東田陟蘭皋別業山之麓
夕日銜嶺頭山猿嘯東谷
颺颺晚風細輕雲澹水木
曳履尋友朋溪月上茅屋

送楊原山文選南謫

念此河梁別都門愁太陰
離尊黃葉下征樵白雲深
嘿嘿嗟何道區區抱此心
君才當聖世未許滯江潯

寄別王子

得君酌酒一高歌悵別河
梁奈晚何趙步口西烟雨
霽鄭州城北水雲多荷葉
菡萏舊陰晴色鴻鵠鷗鷺
遠近波客路黃金臺上日
馬頭燕樹草坡陀

黃金臺

山陰詩鈔卷九

七

燕王下詔求賢日白璧爲
媒金作臺黃金銷盡臺秋
老青草萋萋雲暮來西望
太行元塞合東連遼海翠
屏開重憐易水荆卿去多少
黃金買得廻

峴山懷古

襄陽南去楚山萊峴首習
池在眼中風雲不共山川
占日月常隨江漢東聊將
客淚酬碑字莫以銅鞮笑
此公我亦王臣叨扈蹕原
陵春草獻皇宮

櫻桃

長安四月櫻桃熟玉枕盤
米堆小紅頗怪黃鸝飛內
苑佇看清廟叶南風珠樹
自生瀛海上蔗漿遙賜漢
宮中東園此日穠堪摘野
水盈盈照竹籬

客者

客者乘軒到北山水深雲冷慰君還巖前桂樹空青色
石上簡文翡翠斑鹿豕夜遊新山月鷓鴣春喚晚開關
野花爛漫還無賴燕子看人一解顏

李文芝一首

文芝字元徵東平人嘉靖癸未進士歷官保定

兵備副使所著有柘泉類稿

過清泉寺

小寺披巖出禪堂倚嶂懸泉甘真似醴僧老不知年幽
鳥啼春畫山猿嘯石巖匆匆雲外客就僻自忘還

劉汝松一首

山齋詩鈔卷九

八

汝松字貞吾歷城人嘉靖癸未進士官知府

送李進士之京

春風吹岐路朝日照高城青陽既駘蕩林薄亦芬榮之
子去安適迢迢入承明皇居一何麗雙闌凌太清白馬
振長綏丹陛羅翠英匪才慚寡川高步美芳聲盛年志
四海豈徒夸令名

李士翔一首

上翔字如翰長山人嘉靖癸未進士歷官戶部
尚書贈太子少保有長白集山東通志七知遷
廉能名出知州以稅錢補宗祿案覈禦水有
貞父月之論及為詞徒以竹嚴氏罷歸杜門著
書者十餘年

送孫縣丞

都下懷三益深秋倭故人離亭傾綠酒別騎踐紅塵花
縣無煩里琴堂有德鄰好將葵藿志努力答楓宸

李松一首

松字鶴巢曹州人嘉靖壬午舉人官開封教諭

州志松初授沙河令以不附分宜譴在汴力崇
實學士習大變屢擢大邑有一塵不染之頌
鳳臺州司理以忤上官歸父士元在戶部有聲
弟柑合廣宗以廉潔著有三世清白吏之稱

閒居獨詠有懷修菴

一笑功名走宦塵歸來樂事故園真題詩不負青春好
對酒能甘白屋貧老境淹留天地客北窗高臥義皇人
相知未得數相見幾度思君欲卜鄰

山齋詩鈔卷九

九

隴阪

隴阪千尋鳥道迴秦城百二此奇哉人從絕巘雲中過
水下平巒樹杪來天色低臨愁入望風聲易作慘生哀
樹頭鸛鶴勞相問欲報音書苦未裁

饑民嘆

去去勿復道人家今幾存窮餓豈不苦嗟念我鄉村即
去欲何之誰與具盤餐攜婦采苜蓿且同糠粃吞剝榆
更取錢折柳已成髡所賴活吾者春來野菜繁彷彿不
可見燥土沒其根日暮提筐歸悽悽淚痕低坐氣不
蘇展轉心自捫去年三冬糜變賣及雞豚今春典盡衣
償直寧敢論頽然四壁中惟餘釜與盆父母坐茅簷白

髮待晨昏連日無菽米反哺愧酬恩癡兒索梨果隨我
遶柴門——如常歲牽衣號且奔百計渾無賴延延倚
敗垣咄嗟此奈何命也向誰言已分填溝壑溝壑幸故
園

流民嘆

惻惻背鄉井遲遲行道側
年託此身樂土是何國追
逐惟家口滿日無親識有時相顧語可憐各菜色間道
河之南人家富黍稷沿途萬萬人爭走向茲域負擔不
能遠誰知我心亟羸人他此勞容易疲筋力裏糗臨風
餐蒙塵衣盡黑日暮宿荒郊愁吟聲唧唧人生信多艱
無家最可盡百轉會焦慮欲留留不得豈無官給米誰

山左明詩鈔卷九

十

禁里胥尅豈無厥散粥誰共妻子食征徭雖暫停收入
仍相逼慨然一決絕惆悵填胸臆風急走浮雲林空無
定翼辛苦已備嘗漂流未有極逶迤家漸遙回頭望天
北

孫重光 三首

重光號驪山海豐人嘉靖壬午舉人官邳州知
州有孫刺史集揚夢山序刺史學極博洽有氣
廉且能人不能敗亦不忍敗可見矣罷官後其
無子卒後十餘年予乃集其詩刻之俾其緒餘
不致泯沒耳

關望

雲起條山暗風來涑水清
碧知枯槁變黃見黍禾成土

曠多窮牧秋高尙晚耕含情望未已野哭入孤城

過條嶺

獨立條峯俯大荒川原極目一蒼蒼
人行翠壁丹霞近鳥度危巒落照將
春嶂花香隨馬足烟村牧笛下羊腸
歸心無復刀州夢東逐河流入故鄉

淮陰侯祠

趙幟拔來功業存奇謀千古共誰論
築壇拜後心初結躡足封時禍已根
漢水有人識國士神州無地葬英魂
井陘故壘經行處草木蕭條落日昏

江南一首

南字西臯濟陽人嘉靖丙戌進士官僉事

山左明詩鈔卷九

士

躬耕

茅屋晨烟出短牆孤村曖曖映垂楊
蠶桑春雨園林潤雞黍清秋隴坂長
微祿代耕腰可折薄田餬口計爲良
乾坤俯仰容吾老脫卻青牛白破荒

林瓊一首

瓊字廷獻臨清人嘉靖丙戌進士官刑部主事
所著有霜柏稿府志瓊在刑曹建昌侯爲人所
既歸杜門卻掃爲文雄辯淵奧後進宗之州俗
靡薄競逐利瓊獨澹然不獲世之滋
垢評者謂其磊落大節如嚴霜孤柏挺立獨秀云

送榮戶部還都

別帳依渠柳秋容簇野亭揚帆見流水把酒嘆浮萍
計

國頭願白書勞汗簡青邊儲方告急君去重調停

張子立 二首

子立字原禮黃縣人嘉靖丙戌進士歷官巡撫

延綏都御史人志子立按浙郡守憚其風裁

罪斥之後以用兵失利戍固原杜門謝客竟卒戍所

黃花堡

關塞雄三鎮風烟劇五戎胡塵驚代北漢月照雲中戰

士黃沙積將軍白玉驄防秋烽火近何日捷音同

寧武關

龍沙北望接三關十萬旌干虎豹開隘地風烟臨晉水

連營烽火動燕山行邊將帥勞推轂勝算朝廷重轉圜

山南詩鈔卷九

主

點虜早聞驅馬去將軍新自射熊還

王汝孝 一首

汝孝字紹甫號岱麓東平人嘉靖丙戌進士歷

官巡撫順天副都御史

春日

本非簪紱客况切水雲心未就吳門隱空爲澤畔吟緇

書燃短燭命酒豁塵襟問我餘生計卽中有素琴

谷繼宗 七首

繼宗字嗣興號少岱歷城人嘉靖丙戌進士官

知縣底盛煙霞華峯一柱詩難盡羣玉瑤瑤更

滿車注云濟上之詩以庭實先生爲鼻祖若劉

兩山李于麟許殿卿谷少岱不可勝數濟南名

士多從昔然矣

送傅元功按涼州

一曲涼州送遠人西征猶是塞垣春卽看漢鼎籌邊急

莫聽胡笳屬望頻納款由來通十姓防秋不憚過三秦

須知介子元同族爲斬樓蘭獻紫宸

同楊都督登賢無閭

海門口出賢無閭疑是驪龍抱夜珠萬里太行天塹角

千年遼左北門樞猩紅嶺外稀來鴈鴨綠江頭有巨魚

鎖鑰只今憑衛霍勅師密邇費踟躕

陪閒人侍御觀張公洞

六月山風吹縹緲仙人酌我紫霞觴水晶宮闕深深見

山南詩鈔卷九

主

翡翠闌干曲曲長水繞山腰疑石乳天空洞口漏斜陽

瑤臺更山丹崖上有客吹簫引鳳凰

蓬萊閣望海

蓬萊閣上海雲平一望扶桑萬里晴神女弄珠朝捧日

仙人騎鶴夜吹笙天連浪起渾無地月送潮來暗入城

此處祇疑逢象罔何須塵外覓登瀛

瓜洲送王都護開宴舟中

瓜步洲前春欲深金山江口晝初陰簾帷醉徹青梅雨

銅鼓吹殘黃鵠音實擬著經知杜預寧堪草檄得陳琳

郎官都率名雖異抱瑟齊門共此心

賸舊亭後有感

可憐一曲吟詩墅葉作三年賣酒家人日止存君子竹

傷心不見美人花池中水湧魚爭躍樹裏風來鳥任譁

此日野堂歸舊主青山坐對興無涯

溪上

臺迥通風榭窗虛近水城卷簾殘暑去攜手晚涼生碧
樹藏雲暗銀河度月明醉來愁彷彿只作畫中行

李學詩 五首

學詩字正夫平度人嘉靖丙戌進士官左中允

有桃花洞集

小傳中允讀書於桃花洞乙酉仲秋州守夢人云登第者桃花洞少

年也已而捷至乃悟以推官選入翰林與胡經

陳東唐順之同充東宮講官官僚莫盛於此年

三十九而卒惜

未竟其學云

山南詩鈔卷九

古

北山道上遇雨

緩步眺山岡忽值風雲勢如驅海來千峯皆陰晦笑
電掣巖下急雨過村外殷殷雷振響山谷聲若碎返照
見東山豁然蒙翳退流翠落松枝林墟復澹靄鬼神滿
乾坤始知多變態

弔齊桓公墓

山頭雲霧飛如縷族萃荒原成風雨雨風風秋氣寒
衰草蕭蕭埋霸主君不見當時齊地千里餘祇今墳上

三尺土

蝸牛

一軀常自負那解避人行聚偶循牆濕留涎篆瓦明角

長食遠意頭縮弄藏情不揣升高峻終然因此生

聽菴

黯淡離邊月淒清竹裏風草堂秋夜永獨坐聽寒蛩

訪菊

郭外溪流漾淺沙村村黃葉夕陽斜展痕踏雪尋香徑
野圃疎籬見菊花

馮惟敏 二十四首

惟敏字汝行號海浮惟重弟嘉靖丁酉舉人官

保定通判有海浮山堂詩稿石門集山東通志

雅屬尤善樂府李本寧傳惟敏之文不為刻

削語情事若指掌上填詞尤號常家詩選傳

山南詩鈔卷九

五

勝絕高梧一林修竹萬个泉流其中蔚蔚長所
云分涉漏石者也是園為海浮所築馬林開
想見東山絲竹之盛張廷采惠夫云海浮山
在縣南二十五里石青色無寸土上有古松數
百株松下野生迎春花時望蒼金嶺下即海浮
先生別業危樓三樓顏曰憑欄取勝注語也左
石古木千章修竹數十畝十畝青嶺日夏不知
舊署杜句為聯云名園依綠水野竹上青苔可
謂切矣北臨冶泉一名垂冶水發源山之西麓
治官祠下匯為巨浸大石傾瀾深潭游魚可
數中產鮑最客至上人輒舉網為膳又有以
雲印江南亭並在此林中石門亦勝地似雲
巖而差小先生集名以此泉北亦馮氏園上人
為孝廉汝行後兩家子姓至今未衰故得完如

望遠曲

朝上西風樓莫望夕陽津夕陽照野草蕩漾不無眼借
問天低處無乃大塊濱茫飛鳥外望望離華人離人

不可望一望淚沾巾引領仍摧頽極目翻長艷君今懷
往居妾此悲徂春寸腸不自續况乃兩地身

喜雨詩

震靈靈雨零霏霏澹烟屏荷風入高閣溪雲度修嶺林
柯瀝華滋山禾發蒼穎田間負鋤人寧知短簑冷

沈氏伯仲過訪山居

野人掩蓬樞日晏枉嘉客斗室隘周旋臨流坐卷石山
氣媚返景潭光靜虛碧呼酒時不來冥冥烟水隔

七里溪別墅二首

家世啓文學嗣續業益振伊余稟微尚願作草莽臣豈
無挂組念志士多苦辛鑿井居自汲上山行負薪既來

山南詩鈔卷九

去

此溪側稍得週城闌言笑翳桑麻婉婉展所親禾黍日
已長田功飭以新宣父恥學稼四體焉能勤剛述有餘
思國風終于幽

弱冠嗜遠遊夙嬰山水癖心將跨十洲氣已吞七澤中
歲頗用晦買築南山宅濩落三十年種樹高百尺無那
營微名去作幽燕客五斗不下人浩歌弛行役移居七
里灘似躡嚴陵迹雖乏中山趣聊喜足泉石列嶂遠刺
天環流抱村碧干祿非所長乘時登宿麥

有懷鳳洲使君兼呈仲氏麟洲先生

阮籍憤窮途賈生多痛哭天運無常益人事乃反覆明
德方冀征變故俄相蹙君子違吾邦民今竟無祿苛吏

日睢盱文學遭黥朴遂令避世人不收留空谷結束事
遠游來傍金焦麓金焦富題詠絮礪礪若殺忽觀琳瑯
篇別薛欣一讀因之想風采炯然如在目世學貫三才
家聲遊四隩神君啓諸荀龍駒騁小陸藝苑接天衢玉
昆並騰逐伊余滯京口非以甘幽獨博物析方言問奇
珍尺牘悵望子雲亭值徊駕偏轂偏轂那能前寸心空
碌碌

七歌行

爲墨吏作也
選六

有客有客山中來淒淒逆旅嚴城隈風穿四壁夜如洗
黃雲塞空旦不開同舍書生半霄漢故園籬菊今蒿萊
嗚呼一歌兮歌始倡歎歎僮僕愁相向

山南詩鈔卷九

去

有弟有弟遊秦川羌胡萬里襍腥膻薄祿棲棲二十年
孤臣何事猶在邊癡兒家食但力田規之有時室無烟
嗚呼二歌兮心獨苦涕泗縱橫不見汝

黃鵠黃鵠何所慕危巢困輪海東樹汗漫翔八極雲
號鳴夜警三更露勁翻低回就羈東睚眦何當弋者怒
嗚呼三歌兮氣慨慷飄風拍拍吹我裳

年來生長四五子元冬落莫空山裏大者依稀識姓名
別時弱嬰病欲死窮愁有夢不成寐穿衣蹣跚中宵起
嗚呼四歌兮憂思沈沈驚鴻爲我揚哀音

誰家老翁泣路岐相看滿眼皆瘡痍中原流水方千里
不知何地堪流離驕胡南下牧羊馬赤羽徵兵逐烏夷

嗚呼五歌兮聲中咽我歌胡爲淚如血

枯桑野火隨風發千山萬山然倏忽藏騰剝裂荆山璞
百萬形生化爲骨蝟螭蠕蠕一時盡炎光不照豺狼窟
嗚呼六歌兮歌且吟倉卒不測天地心

題萬西原選君別業

章江兮月霽美人兮西澨渺川原兮極目曠怡神兮天
之際丹霞兮縱縱鳬鴈兮與飛葭莩兮分蒹葭草樹蔚
兮芳菲松栢兮當軒蒼蕙兮闌門綴薜荔兮碧嶂緝木
槿兮朱垣江之裔溪之澗桂爲堂兮玉爲宇朝予濟兮
華坪夕憩兮瑤圃蜚龍兮雲中虎之嘯兮以風澍九州
兮噓萬象君胡爲兮溪之上秋宵兮愁予目眇眇兮望
汝晶月兮輝娟光離披兮下土山有木兮水有波君之
來兮駕文驪歸不可兮驟得聊逍遙兮寤歌

何辜歎爲茂才黃有賦

有中丞安厓公仲子爲其姊雪仇被繫歷下余聞則

焉乃賦此詩

黃公子爾何辜窮年汨汨淪泥塗而翁舊作名世儒玉
堂青瑣曳珮趨明廷議禮據忠謨天顏忽霽寵渥殊廻
翔臺省威惠俱英聲妙舉動八區隨風矯矯雙飛雛汝
時日爲千里駒顧盼佩服開且都遨遊海上胆氣粗腰
間短劍玉帷幃手持一雙金僕姑呼朋把酒歌嗚嗚不
省世上賢與愚一朝第宅秋草蕪但見公吏來追呼倉
皇鼠身東海隅舊時見者相嗟呼借問公子何所驅同

山左明詩鈔卷九

太

山左明詩鈔卷九

尤

胞骨肉爲人屠誓將復之身力孤寧知跬步遭艱虞街
冤赴愬口嚼嚙橫罹鞭撻無完膚叩頭血出甘自誣伏
法抵罪且暫蘇功名棄擲不復圖饑寒焉得謀妻孥言
之酸心淚涕濡傍有二卒執其軀束縛西來就幽囚負
牆骨立如朽株三日不食肝腸枯隆冬藉體乞東芻郡
吏急索心鬱紆安得幻術飛青蚨歷下幸際賢大夫廉
明文雅近代無見之太息爲踟躕日頻升合朝夕需我
亦阮子泣窮途少年浪跡尋五湖逍遙萬里筋力輸歸
來寂寂掩繩樞恥向齊人學吹竽誰當暗裏投明珠通
都大邑饒穿窬深山窮谷何崎嶇西北諸道馳羌胡東
南衮衮來倭奴那堪郡縣多逃遁此身四顧將焉徂直
欲乘筏訪蓬壺遷者得之當成伴俯仰天地悲吾徒握
手相訊日欲哺爲汝且復立斯須何能出汝走交衢黃
公子爾何辜

春日飲別業時舍弟泊維揚未至

佳節去匆匆良遊此日同風烟三月半杯酒萬花中綠
柳尋彭澤丹砂叩葛洪御憐江上客悵望北來鴻

得舍弟家信二首

南北音書久寂寥天涯魂夢度寒宵鵲鴿原上七年別
鴻鴈空中千里遙老去未應親簿領歸來只合問漁樵
海山深處烟霞暖不待東風長藥苗
百二關河爾壯猷一江烟水正悠悠他年自比雙黃鶴

此日相思兩白頭已識功名爲長物莫教老大轉深愁
向平未解忘婚嫁何日三山訪十洲

紫荊關閼武

萬年天險關鴻濛不數嶠函百二雄勅使觀兵中執法
守臣分輔右扶風從來肘腋三關重此去華夷一路通
今日正煩廊廟策安危何獨在元戎

秋懷

相逢道路問流離洪水懷襄莫怨咨主上側身修己日
臣工昧死敢言時更無場圃登禾稼卽有絲綸損度支
豈爲小民煩聖慮開閼元自繫安危

竹西亭

皇甫詩鈔卷九

主

行看江上山忽見竹西月佳麗無古人時時歌吹發

晚泊

月色同寒水砧聲似故園江流從此去早晚下吳門

嚴廣文石谿別旣多年晤在邈近未盡傾倒乃復

別去爲賦六言一章

疊疊論心此地依依把臂何年清曉山松卅月殘春江

草含烟

柳枝詞

底事飄飄西復東長年浩蕩領春風都將飛絮紅塵裏
散作浮萍碧水中

聞鴈

一年不見若爲愁忽聽飛聲入舵樓未必音書憑汝寄
也知消息近中州

馮惟訥十一首

惟訥字汝言號少洲惟敏弟嘉靖戊戌進士歷

官江西左右布政使加光祿卿致仕有光祿集本

李傳惟訥嘗輯上古以來詩於六朝爲詩紀百

卷藝林極珍之性沈密有思其爲詩文賦然

宏雅君子也朱中立云少洲詩俊逸秀麗

橫絕墨閣時出奇鋒余世用云光祿詩華整可

親三馮並稱其質明詩綜詩話光祿詩華整可

氏自謂山先生起家進士以詩名海岱開四子

皆有詩名惟敏兼工詞曲惟訥集古詩紀風雅

廣逸諸書有功藝苑惟重之孫則文敏

公琦至文毅公鴻則惟訥之元孫云

雪後送姚比部按獄遼海

朔雲蔽千里遊子將遠征遠征亦何之祇役向井營迅

飆激前林寒水皓縱橫苦言歲云暮不得淹王程昔賢

有遺言失道良可矜澤風固天道成貸延皇情營州吾

舊鄉松楸日已零羈旅惟寬政緬焉寄斯聲

吳郎坐見人餉衣香殿贈擬六朝體

湘君寒辟荔魏帝采萍蕪蟠龍連理帶翠鳳合歡襦不

能機上織學作府中趨定知香十里終然傾五都

西山歸途和沈元洲參軍

幽討興不極况借心所歡高懷一以暢轉覺無春寒五

游古所希二并良獨難明朝元都花倘借劉郎觀

送杜方準明府歸遼左

仙郎逸氣橫朔野傲岸不落風塵下
郗丹六百輒免官
王陽九折能旋馬羈心浪跡日悠悠
楚水吳山十度遊
秋風君度紅驪磧知我題詩白鷺洲

聞警

八月塞門開單于獵馬迴五原秋草盡
萬騎羽書來秦
隴瘡痍後疆場戰伐催黃雲迷處所
羌笛暮生哀

春日關山道中

春色被蘭皋春風引使旄天光落澗
小山氣入雲高錦
石花爲幘飛泉雪作濤誰言九折坂
叱馭不知勞

同葉司法登北固山甘露寺

紺園臨楚郭碧巘控吳關關道傳多
景江光合二山雲

山左明詩鈔卷九

圭

隨前代盡歌及此身閒况是逢山簡
誰能不醉還

送王閣山赴均州別駕

迢遞廩城道看君白髮新孤猿楚山
夜芳草漢江春去
國懷明主憐才憶故人呂虔如有贈
時拂寶刀塵

送趙東河憲使節鎮海上

皇蘭一傾蓋契關易寒暄此別承新
命因君憶故園海
霞明地鏡山月上雲門試就柴桑問
知余三徑存

秋日寄懷家兄治泉

燕山木落鴈來遲遠客南歸未有期
明月雙懸江海淚
秋風一寄鶴鴒詩淹留賈誼才無敵
飄泊馮唐鬢欲絲
最是昭王遺恨處黃金臺上草離離

余解陽羨十年矣己酉夏分牧吳淞以吏事再至

作此示同游

千家桑柘綠沄沄薜荔芙蓉夾岸分
此日寒帷問風土
兒童爭識小馮君

山左明詩鈔卷第九

山左明詩鈔卷九

圭

山左明詩鈔卷第十

李仁 三十一首

仁字元夫號吾西東阿人正德己卯鄉試第一

人嘉靖癸未進士歷官兵部侍郎有吾西遺稿

山東通志仁以行人擢吏科抗疏中救孫應奎請外後巡撫陝西遇地震存恤賑濟不遺餘力民甚賴之召爲侍郎以忤嚴世蕃歸

朱中立云吾西清純和粹有中唐餘韻

茂欽至得德兆信息

不見黃生久天涯怨索居椒蘭懷楚客冰雪斷江魚白

日登山履青春負郭廬虞卿能發憤會見早成書

湖行書所見

葭莢烟中界茅簷水上村漁舟常繫柳鷺渚不離門愛

山左明詩鈔卷十

爾機心息知予野性存炎天供遠役惆悵與誰論

過高郵湖

郡接三吳會湖含萬派流樓虛無地若岸濶與天浮細

柳魚蝦市香蘋鴈鴛洲孤舟蕩起忽真得水雲遊

同平橋水樓小集

別圃留賓地危樓一水通路廻楊葉渡船拂藕花叢茗

椀消長日松窗遮遠風歸途元咫尺隔岸惹珠宮

送劉竹瀧赴西寧

曲水高旗駐離筵急管催驅車川路永吹角隴雲開青

海霜鷗鷺流沙天馬來百年番漢地坐見古風回

訪人別業不遇

小院寂無譁穿林度輭沙燕泥依案落蝸篆上簷斜壁

暗吟風葉階明泣露花仙人應採藥蹤跡隔煙霞

別約齋龔丈

同作羈栖客如何復轉萍高人寧避毀吾道本無爭草

綠思公子雲停悵友生幾時清禁地端簡笑相迎

神女廟

千載陽臺路難招宋玉魂精靈雲雨散廟貌女郎存古

木凌飛拱危峯枕堦垣當時夢中語祇共楚王言

朱別山以糟魚見惠小詩奉謝

從來充食品錯物久稱豪羨爾紫鱗薦如傾赤玉膏珍

應齊鼎餽潔未數溪毛牢落鹽梅上臨風首重搔

山左明詩鈔卷十

次別山韻

春譙開江館昏鐘散晚衙浮雲存宦况急雨送年華曲

久清商咽膏殘絳淚斜通宵追二妙瀾倒泛流霞

寄張五臺

明時張博望遠佐霍嫖姚直以戎機重寧辭邊地遙碧

油張晚甸刁斗入寒宵雄劍衝星斗機槍觸處消

潯川雨中宴集

小亭張畫燭高宴紫薇衙細雨江雲濕微風徑竹斜青

衣行城角翠袖拂琵琶歸路衝泥怯籠街引絳紗

洛陽道中卽事

邱山蒼不改洛水只悠然去騎紛如蟻驚塵飛作烟名

園皆蔓草高塚半平田伊昔洛陽道銷沉多歲年

道邊僧廬小憩

花梵秋還淨籃輿晚更過乞緣僧住少載酒客來多碧澗寒浮玉青山暮湧螺衲衣頭似雪半倚守巖阿

出塞

羽檄來青海牙旗向磧沙匈奴猶牧馬主將敢言家天接胡塵暗山連漢戍斜鐵衣寒不寐徹夜聽鳴笳

入塞

古地偏師陷飛泉疏勒平關門交露布絕漠捲霓旌千里無傳箭連營有並耕歸來奏薄伐不受拓邊名

邠州

山左明詩鈔卷十

三

谷斷川回地欲窮參差石罅瞰飛甍武陵莫訝漁人事要是桃源有路通

秋日郊行

羸馬東屯向北嶠黃茅處處酒家帘木綿葉老如金色蕎麥花香似蜜甜

亂石岡頭四五家宅邊無地種桑麻想應紅紫東風月賸有棠梨山杏花

九月洪洋招集別業用壁間韻奉酬

別墅依城小徑開秋堂寂寂淨浮埃黃花籬落雨中發白鴈關河霜裏迴側身避地仍多幸尊酒逢時得後陪把菊不辭元亮醉賡詩終愧子雲才

寄題增上人方丈

空公蘭若白雲深門對沉沉紫閣陰長夏松蘿疊映蔚有時車馬一招尋眼中幻劫三生夢靜裏禪機諸佛心便欲逃名依此地焚香同傾梵天音

送徐松庵還廬

曾成河朔安民計未枉南州高士名十載深憂頭盡白百年公論議還清官橋度馬憐霜嶽客路閒猿下錦城最是異鄉分手地隴雲望斷不勝情

小孤山

澎湃磯頭看小孤琉璃盆湧青珊瑚插天上蔽羲舒景照水下駭蛟龍區今古沉牛元有自檣帆過鳥誠非誣

山左明詩鈔卷十

四

馬當灘外重經此多少行人添白鬚

郡齋山亭和劉在泉使君

孤亭渺渺楚江濱梅蕊松枝上早春詞客偶然同逸興芳樽吾亦愛佳辰開殘磴道雲根滑目極湘潭草色新歸去無勞燈火候滿天涼月解隨人

又簡在泉

殘春遲客江城路長日題詩沌口村小隊慣穿樵子徑野人爭識使君軒溪雲閣雨黃昏近山氣蒸霞紫翠繁且欲乘時閒問俗窮愁漁釣幾家存

和端溪

交情倍覺與君偏託跡龍門二十年神劍有時還自合

畏途終歲轉相憐身多耽辭悲前事治乏循良愧昔賢
惆悵潺湲瓠子水幾回清夢向臨淵

題江村靜樂卷

雲開斷石傍江涯小結茅堂護槿籬萬頃鷗波供載酒
十年蟻夢付彈棋釣簾靜對林花落倚閣清吟野鶴窺
試問緇塵侵客鬢何如陸海謝天羈

澠池重九

函谷關西山路長會盟臺北野雲涼鴈傳朔氣清霜苦
地近寒流晚稻黃木落前川還獨往花開別縣又重陽
蒨門直上三千里一夕歸心髣欲蒼

九月十有九日登五華臺

山左明詩鈔卷十

五

百尺遺墟蔓草稠共傳前代五華樓基荒獨弔千年迹
節去重尋九日遊拂地冷雲山北擁接天黃葉火西流
邊城不奈秋登眺獨戍蕭森起暮愁

慶陽

慶陽山郭屹中天勢壓胡兒不近邊何事白狼鞭未入
至今青海箭猶傳城頭帶甲嘗防虜奈裏連營自控弦
漢將空師容相繼令人却憶孝文賢

再登慶陽臺東清溪總兵

飛幕凌虛坐照烟登臨風物感流年防秋戍繞青山郭
牧馬人歸白水川曠野高寒風力健亭臺突兀角聲連
麾前自有龍雲陣管使胡塵不近邊

崔廷槐二十首

廷槐字公槐平度人嘉靖丙戌進士官四川僉
事有樓溪集

秋夜

塞垣木落風蕭索萬家千家愁脉脉庭院無人山漏遲
一簾霜月生寒色月明流轉畫樓前埽地還聞賞月筵
白髮黃金俱有數放歌空對沈寥天

古赤壁

嘉魚縣南石頭驛石上大書赤壁字龍涎蛟沫苔蘚封
點波猶帶風雲氣攀蘿直上青林巔千古封疆落眼前
英雄戰壘不可辨但見萋萋江草凝寒烟解衣沽酒楊

山左明詩鈔卷十

六

花村老翁攀出雙瓦盆揮杯且弄山間月弔古還招江
上魂黃州逐客玉堂仙水落山高載酒船片帆未掛臨
臯岸兩賦空令百代傳

三屯營

歲晏黃沙冷山高紫霧蒙防秋萬馬健較獵五兵雄大
漠花當北穹廬火落東漢廷三表策此日愧無功

秋夜

倚杖坐深夜高大風露清開尊延客至聞笛喚愁生白
露天涯節金戈塞上城不堪雙淚落相對欲濡纓

青澗謁范文正祠

青澗山中縣銀州塞上城人烟三里郭烽火萬家營不

落西戎膽焉知小范名祠堂秋水外噴望暮雲生

旅懷東後泉

風雨山城暮空庭烏雀憐獨愁銷病骨久客惜流年柳岸歌金縷花叢度錦鶻何時滄海上倚醉下春烟

聞笛

此夕金風爽誰家玉笛橫隔花人不見度竹響偏清月暎呆思冷烟沉燭耀明不堪三弄罷吹起故鄉情

聞砧

燕臺明月夕萬杵擣永聲無奈多愁客况經長別情關山白露下風雨暮寒生知爾閨中意時時念遠征

楊柳詞

山左明詩鈔卷十

七

飛絮垂絲春滿天長安大道鳳城邊誰知一別都亭後回首風塵二十年

潼江

潼川江水抱村斜兩岸青山似若耶一葉小舟雙蕩槳月明撐入刺桐花

樓溪十景

吾愛紫荆山紅芳被曲徑雖非桃李姿頗宜邱壑性長風吹遙林明月散清暎藜杖信所適浮雲本無定趣焉高蹈心終老以為幸

吾愛錦屏巖正立如削玉霜風日以寒苔色淨逾綠平生虎豹斑頗眩時人目堅貞閱歲年孤危仍高矗却望

倚空冥因之悵幽獨

吾愛瀑布泉直下三千尺灑空霏雨聲散作涓涓滴懸流倚青冥側挂浴蒼壁西曠照逾光空翠濕如漉迢遞匡廬峯虛名誰為覩

吾愛輓轡灣清瑩鑑毛髮中有避世人臨深弄明月迴湫綺縠盤倏忽烟雲結却恐神龍潛乘之雷電發浩歌暮言旋塵襟淨如雪

吾愛菖蒲澗宛在水中沚下有雙鯉魚腹中書一紙剖魚展書讀書長不盈尺上言引脩齡下言慎坎止悠悠逐世心棲遁自此始

山左明詩鈔卷十

八

吾愛樓子石秋水涓涓澗循級下三壘哀此雲和奏繁聲倏悠揚千軍湧而驟學海本初心停膏豈其咎川谷遡空茫潺湲聒清晝

吾愛砥柱峯峯峭如華表日月走其傍乾坤成昏曉杖履從何來將之二三老仰攀不可升但見烟霞遠平生仰止心始信他山小

吾愛觀魚磯深淵漚漚其下雖有釣魚人不愛賣魚價然南山樵聲名故等亞日夕荷簪來相見無長話機心各已忘清風厲純袴

吾愛萬石渠白石寒齒齒陰壑生烟嵐雙峯夾修岨中有涓涓流似是滄浪水平生激石心且滌巢由耳莫信黃初平更逐羣羊起

吾愛香水谷幽草不盡識四時花斑斑頗有好顏色向
來躡白雲竚立谷中側香風颭然生忽憶三閭客異代
獨醒心行歸重悵惻

張相一首

相臨清人嘉靖丙戌進士歷官提學御史

卽事嘉靖中有進廟樂章得京室者賦此

學道尋師二十年此身不離鼎鑪前不知子晉緣何事
只學吹簫便得仙

高尚志一首

尚志冠縣人嘉靖壬辰進士歷官運使

子貢墓

山左明詩鈔卷十

九

皇王迹既熄宣聖道因傳嘆鳳違周世獲麟見魯田雨
時澤下土雲從景多賢淑氣鍾伍嶽靈光襲衛川元間
天道合妙微聖功全遺澤存邱隴明禮歷歲年

馬九德三首

九德字吉甫號小東亨衛子嘉靖乙未進士歷

官巡撫順天副都御史

以稽獲僑特舉共事以巡撫賑歸途不復出每

上除首家世衣冠代不乏人使祖

宗道迹寄諸殆盡子孫之過歟

長至雙梧夕寒更獨擁裘乾坤誰嘯傲歲月此林邱忽

憶登仙侶將乘泛刻舟龍門何處是清節迴難儔

題武邑李三溪詩卷

愁將短榻對孤檠刻燭深除歲欲開遙憶紅顏能駐老
久嗟白髮豈禁寒芒鞋舊約游平圃石室新題徧曲欄
清嘯亭中微雨歇曉來風墮鵲聲乾

長歌踰躅竟朝昏遠寄魚箋到鹿門想像閒游雲外墅
參差醉臥水邊村避烟老鶴穿花徑濕露寒蟬印竹垣
準擬明年尋洛社感時憶舊意空存

郭鉉二首

鉉字汝器聊城人嘉靖辛卯鄉試第一人官順

天府治中府志鉉早負雋才困於公車因得肆力問學司理太原疏濬免滯川無在者歸里無負郭之田蔬素自給早工樂府造流傳高者奪元人之席而制行淳俗里人賢之

山左明詩鈔卷十

十

題別墅

綠槐青蓋蔭園亭茅索焚紉汲井聲薄暑消殘微醉解
夕陽隴首麥風輕

結廬人境謝喧譁一掩柴門幾歲華門外依然秋水在

不聞有客咏蒹葭

王崇儉一首

崇儉字叔度崇獻弟嘉靖辛丑進士所著有五

桂堂稿

按曹之王氏至中丞公頃以厚德名於時子孫遂大仁文獻儉皆其子也中丞亦有南野詩稿今所見惟季徵一集餘皆他本據拾耳曹志載盧襄放雲樓詩云鹿樓落日淡黃昏句也梅花江上村病久相違春地拾愁多賴得酒溫存樓收雨脚鳴呼婦漸歸然以竹長孫回首故園歸

未得獨短髮傷
根詩頗佳致附錄之

伊尹祠次韻

秋林落葉下馬阿衡祠遙想格天業縱觀元聖姿風雲連異木鬼物護穹碑歲月嗟遲暮空山萬古思

石茂華八首

茂華字居采存禮孫嘉靖甲辰進士歷官兵部

尚書贈太子少保諡恭襄府志茂華初知清縣

出奇計擒殺之守揚州能抗趙文華再起秦督積勞而卒有大星隕於西方人異之

送別塗任齋之留都銓部

征帆臨往路朝日映長津共事經三載同心復幾人別

愁流水急佇望野風頻把酒重斟處隄邊柳色新

山左明詩鈔卷十

十一

端午寓上谷二首

邊城殊物候五月氣猶寒不歷燕然道何知極塞難壯

懷時拂劍幽意獨看蘭遙望關山路風沙正渺漫

塞垣佳節度萬里戍烟橫幽代還兵革郊原困戰征晴

光生遠磧曉日上軍旌客署長吟罷流鶯送暮聲

中秋對月和劉伯川

鐘傳長樂迴松栢露纖纖明月隨襟袖寒蛩響砌簷同

隣秋夜永莫厭酒盞遙憶清宵涼風怯漸添

宿小鹽池堡

弭節鹽池側秋光淡戍臺鴈聲雲外墮夜雨樹間來猛

士安能得邊愁不可裁長歌聊徙倚或有伏車哀

閨怨三首

山烟萬里入長空漠漠飛沙暗碧穹閨婦愁聽三月雨行人不柰五更風

青草如愁日轉萌夢魂夜夜海西營寒衣不敢裁刀尺

恐碎離腸萬恨生

濁水清塵別恨多杜蘅初綠慙雙蛾思君堪似秋江上

日月風來不定波

陳夢鶴六首

夢鶴字子羽尚書經子嘉靖丁未進士官山西

副使所著有雅音萃稿芝嶸山人歲稿平莊集

府志子羽年十二賦大內燈詩有警句隨父觀南郊因作大祀禮賦一時傳誦夏相招致之

山左明詩鈔卷十

十二

弗往卒以忤分宜罷歸與同鄉結翼雅詩社著述甚多

按副使詩無傳本諸選亦寥寥後二首見李荏晚所藏副使草書石刻書亦有晉人風致

地鏡

奇異傳聞久空明入望寬野平金鑑淨山曉玉臺寒海

氣虛無見嵐光遠近看不知照今古興廢幾波瀾

劈山

神斧何年劈雙峯疎翠螺鮮雲春自合佳氣夕偏多影

倒崦嵫谷光迴若木柯翠山無與並天外倚嵯峨

長峪嶺卽事

一從長峪來不忍言邊事豈不愼秋防驃驍竟誰是

塞上卽事

朔風吹雪滿征裘此際宮闈散五侯見說兩階新舞罷
不須更飲月支頭

懷古

三齊豪傑空塵土萬古山河霸業餘
悵望九原如可作不教海內有兵車

少林寺

上方臺殿倚雲迴翠巘青巒四面開
坐久寒香生几席不知松露墮巖隈

周濟川一首

濟川字仲虛允中子歲貢生官藩府經歷有凍

濱詩鈔

山左明詩鈔卷十

十三

冬意

滿天風雪折膠寒把酒圍爐取次懽
煖閑貂裘猶自冷不知窮巷有袁安

周濟川一首

濟川字仲實濟川弟嘉靖癸卯舉人官郎陽知

府有南齋漫稿縣志濟川續學工古文詞尤善書法所著又有西齋樂府燕喜亭

集之屬凡七八種云

征人婦

薄暮西風寒挑燈弄機杼征衣催未成
縷縷織愁緒

老瓦盆

田家老瓦盆苦窳仍殘缺相傳幾祖孫
年年醉明月

漫興

路轉桃花曲隱含竹葉低黃鸝啼不住
只在小橋西

悶

白髮孤村外清秋落日低
規知歸去盡明月上來遲

秋夕

紅葉隨風亂落黃花和露爭
閒人在亭中對語月從海上飛來

南旺舟中別入

綠柳陰中黃鳥啼晴沙灘上鵝鵲飛
如何南旺湖邊水半向東流復向西

東陵春讌

山左明詩鈔卷十

十四

桂萼風光去不迴青銅白髮漸相催
東陵紅杏留春色莫厭花前數舉杯

雨夜

宦遊仍作客絕塞復逢秋
蒼嶺飛黃葉青燈共白頭十年飄泊地千里望鄉樓
京國無消息絲絲雨未休

遊岱嶽御帳坪懷古

御帳何年駐翠轡秋深孤客此盤桓
巖花細細垂清露風葉蕭蕭起暮寒
流水聲中奈帝樹白雲堆裏漢家壇
幾回欲認前朝字古碣苔深未易看

南園

門對晴光樹接空
紆廻細徑草荒荒黃鸝聲外杏花酒

白露池邊菡萏風修竹寒花秋并倚長松寒雪晚相通
良辰莫怪頻來往流轉風光共不同

桑紹良八首

紹良字子遂溥子嘉靖乙卯舉人官嵐縣知縣
感興

交遊遍天下久要疑所無豈不念友朋勢間情乃踈朝
趨五侯門暮隨六貴車反噬諒非忌彈冠亦何愚所以
魏其侯至死重灌夫

向見管夷吾謂我爲鮑叔卿相舉隰朋知我翻碌碌無
乃信讒慝須臾變寵辱諒哉託空言生死而骨肉

人生稟性靈良貴在中和名利俱身外鎗鏃何足多糞

山左明詩鈔卷十

五

一汚染終身難濯磨高士自冥鴻繪繒安可羅世無
魯仲連東海揚濁波

送李進士北山如京師二首

西風下高樹斷續寒蟬鳴不堪搖落候偏動別離情青
袍雙寶劍斑馬五雲旌短亭新酒熟暫住共君傾

相思何處切明月長安樓天涯各有夢候館自逢秋鳳
闌閒新選鷓鴣班接舊遊因君動遐想吾欲覓封侯

過天門關

匹馬度天塹空山閉石門泉聲垂樹杪嵐氣動雲根波
浪黃河湧風沙紫塞昏驅車王子贛到此亦消魂

漢上送八兄歸襄陽

葛公祠下柳如絲立馬銜杯悵別離荆襄來去數千里

兄弟歡娛能幾時別後更勞池草夢筵前先賦鵲鴝詩
思君願比瀟湘鴈來歲還過濮水湄

壬戌下第宿張家灣

貂裘敝盡客還家郭隗臺前日欲斜回首鳳城春色好
鶯聲啼碎碧桃花

藍田二首

困字深甫田弟選貢生有巨峰遺詩康對山云
與弟深甫微甫皆擅才
譽有藍氏三鳳之目

秋日

今秋霜信早昨日屬書傳楓葉兼紅紫荷盤幾碎圓青

山左明詩鈔卷十

六

山門臥坐白晝學蠶眠老矣杜陵客空懷尺五天
野蔓蕭疎綠霜林寂寞紅殘蟬鳴向日孤鴈落因風張

翰思吳下杜陵悲蜀中閒吟佳興足莫笑一囊空

藍田二首

因字徵甫田弟以父廕官慶陽通判有東泉遺

詩

天戒寺石村憲長邀飲和壁間韻

木落天空秋氣清多君攜榼過山城葛巾一笑草堂坐

昆鳥猶穿花徑行鳥帶斜陽林影薄江翻白浪海潮生
風塵吳下舟南北野寺惟餘鐘磬聲

江上晚懷

隄上綠楊遮畫舫江南烟火映清波遊人自怕黃昏笛
吹破愁城淚點多

山左明詩鈔卷第十

山左明詩鈔卷十

七

山左明詩鈔卷第十

蘇祐六十二首

祐字允吉一字舜澤濮州人嘉靖丙戌進士歷

官總督宣大兵部尙書有穀原詩集明詩蘇祐

令邑多四繁下車一日釋數百人明日革罷後

車三十兩又明日內名邑人語曰三日官府百

年父母池北偶談蘇公總督宣大時以偏師

戰而追兵急馬驟不起倉皇間山上一白驪馳

下躍而來之馳人塞驪亦不見後跡之山中則

文昌祠中泥驪爾穆敬甫云公意興甚高得

句不苦自是盛唐遺韻于文定公云蘇公詩

道麗典雅卓然名家陳臥子云司馬詩沈雄

雅鍊邊塞之篇不愧橫槊七律格

律精嚴磨調清亮咄咄遠羣而上

行路難東陳子器

東陵故侯瓜五色却從蕭何定籌策當時高牙擁戟門

山左明詩鈔卷十

十

沛中小吏能爲役武安賓館集如雲半是魏其門下客

應侯取相只數言翟公書門竟何益丈夫骨相如有定

豈能忍辱受巾幘君不見秋水木落洞庭波春華流光

暗拋擲功名衰遲欲歸去道路間關歎今昔

從軍行二首

苦竹繁枝節羈愁厭日月良人久從軍妾心如饑渴瀚

海一丈冰天山九月雪炊糲現獨持寒熱竟誰察沉痛

無晨宵音書問燕越

黃河來西極東流日湯湯萬里遠戍人歸心空茫茫洗

水濁水岸曝之沙磧岡借問水東流何時還故鄉汨汨

無情極切但增憂傷

度太行

驅車遵華旌西度太行山層巘既窈窕修坂亦延遙
峯下鳴柝重門抱雄關土屋開道側石泉瀑巉巖履深
臼井墮陟危窄粵懸細徑聊可躡方軌安能前
朝登井陘道暮入土門口澗道紛糾纒松杉間粉柳黃
華層層品紫萼綠廣阜幽禽鳴樛木嘉穀被隴畝遠行
苦登頓周覽慰株守嗟彼揚子雲白首對甕牖

望雲亭

太行多白雲飄飄隨風轉獨有寸草心春風暮不卷遊
子日千里迢遞何時返翹首望白雲俯首淚雙泫

雜詩四首

山左明詩鈔卷十一

二

大江流日夜浩浩會朝宗君子戒徒涉雙楫游龍擊
楫理權輿慷慨有深衷長風東南轉萬里乘烟空懷哉
濟川徒守時非困窮

秋夜吹自長寡寐愁竟夕欲撫絃朱絃擁琴坐華簀賓
鴻歲旅旋調笑孤征客明月鑒牀帷華星耀東壁感此
復徘徊攬衣更蕭索

時俗析巧笑傾賞輕千金一言偶朝合日夕揚徽音東
階鼓瑤瑟西序鳴朱琴殷勤中明哲嫵婉偕春衾媚言
啓皓齒天地易高深貞潔甘自守華髮隨侵尋

伯牙彈鳴琴宛在山水間我我動十指洋洋入五絃鍾
期竟如何昭曠契高元知言已不易知心良獨難莊悲

惠質損牙傷期耳捐雅談不復施絕音竟誰傳

七夕分賦得樂字

六龍騁恒軌歲序無淹泊白露澹澄宇明河夜迢薄既
帶徐生祠亦亘江門閭熒熒有集螢疆疆寡翔鵲機杼
輕塵滿絡緯淒響作如聞白頭嗟似奏清商樂雙星展
嬋婉七夕接歡譔感此對樽酒良宵共斟酌匪結高陽
歡益篤汝南諾楚璋珍特達魏鄒慚落葉淒淒蟋蟀
拙踪委龍蠓合井良有時阿暉曠寥廓

舟上東倪鎮卿

短劍秋江上孤舟野日西泫雲連樹沒遠水接天低人
語喧歸渡漁梁斷浦蹊蕭蕭一白鷺不共衆鳥啼

山左明詩鈔卷十一

三

九日

落木驚風候淹留感歲華陰雲連紫塞清淚封黃花八
駿周京馬孤蓬漢使槎高臺子嬭上不爲苦思家

戊寅元日

萬里王正月千官漢侍臣履端空敲角行在尚風塵炸
火新通代鑿輿近向秦已聞催羯鼓冬半勅迎春

伍大夫廟

遺廟臨盤水高臺儼故邱奔吳江上夜覆楚郢城秋霸
業消俱盡江聲咽不流至今英爽在白馬海潮頭

虎邱

海湧依城近山藏讓寺雄龍文沈劍氣虎跡起松風明

月諸天近精靈五夜通千人環坐處說法憶生公

聞警

榆塞傳刁斗經年未能兵竟令青海箭復度白登城拊
髀勞明主征車出禁營軍中有頗牧萬一早留情

七夕二首

七夕坐澄宇清風生竹林靈跡不可見明月迥西沉感
歎情何極徘徊夜易深迢迢一水上又是隔年心
荷風香冉冉花露湛微微期是雙星會行應幾日歸相
逢還問夢未別已沾衣是夕明河下偏驚烏鵲飛

松子嶺

松嶺度寒囁真穿虎豹羣太行窮地紀上黨拂天文千

山南詩鈔卷十一

四

里中原隘三河下界分雙旌颭飛鳥縹緲入層雲

自聞喜至夏縣

三晉驅車徧迢遙汾水東朝經虞舜井暮過禹王宮柳
色當春變山形與舊同願言歌蟋蟀千載見唐風

河東道上

蒲坂水仍抱首陽山故連重華不可見孤竹轉堪憐暖
色薰楊柳春聲喚杜鵑河流日滾滾萬丈禹門前

龍門

太乙盤元氣洪流遏鯨功天吳常九首星野一孤蓬山
斷懸河下源分積石東至今歌禹德明祀萬方同

五臺雜興

竹林凭險絕山木澹清華抱膝無穿草藏經有墜花春

雲流石洞夜雨濕金沙塵想翛然盡歸依大士家

塞下曲二首

烽火照雲中分兵下大同材官六郡長劍客五原雄笛
弄關山月旗翻瀚海風向來孤矢志不負遠臨戎
八月已飛霜雲寒古戰場秦城高闕塞漢受左賢王獵
火分營壘饒歌入帝鄉笛中楊柳曲哀怨滅伊涼

故關晚眺

故關望不極懸戍人雲躋六月邊聲迴層城暑氣溼屏
燕新鎖鑰通晉舊輪蹄珍重增兵意承平乍鼓鼙

寶劍行

山南詩鈔卷十一

五

寶劍礪干將韜衣玉貝裝白虹宵貫斗紫電曉含霜五
色呈秦客三金獻越王鹿盧須自把庶以備非常

省中春日

帷幄陪樞府韜鈴忝佩刀上春秦月令東省夏官曹麗
日遲遲度晴雲冉冉高委蛇歌退食虛薄豈知勞

出塞二首

風急天高動鼓鼙黃雲白草照旌旗單于秋牧榆林塞
烽火宵傳花馬池聲斷悲笳胡馬起氣沉明月漢軍知
長驅烏合腥羶壘安兒鷹揚節制師

沙磧偏吹八月風將軍盡挽六鈞弓漢家故重麟臺畫
秦塞元防瀚海戎但使軍儲供口北無須兵馬掣遼東

乘槎虛擬河源使投筆誰收都護功

大同城登乾樓

高城登眺俯雲州水抱紇干山下流紫塞應餘秦鬼哭
朱旗常閃漢兵愁悲歌王粲寧懷土長嘯劉琨故倚樓
烟火萬家今代北勳名諸將更何求

過烏江謁項王廟

岸分采石俯龍圖廟倚烏江髮薜蘿祇爲瑤圖歸赤帝
遂合寶劍送青娥關前九戰收秦壁夜半諸軍變楚歌
叱咤已隨雲鳥盡興亡無使是非多

春陰

臺館陰陰曉氣微一天風雨送春歸梁間紫燕猶私語

左明詩鈔卷上

六

樹裏黃鸝却暫飛池水自牽芳草夢山人元有芰荷衣
東風好爲留情在無使韶華願竟違

襄陵臺中卽事

覆砌竹枝已自橫點池荷葉未全生青錢宛轉穿鳬藻
紫玉參差接鳳笙春雨欲來蒼靄合晚風不動碧雲平
坐深轉見桃華發誰厭山城二月鶯

同嵐

隔嶺旌旗接鼓鑼寄嵐元在萬山西紫峯雲起連天塹
黃水冰消斷月氏城塞尙存秦故址欵夷會問漢雕題
年來黠虜憑陵甚痛哭蓬垣幾寡妻

庚子元日弋陽王府諡

朱門細雨灑寬旌廣殿華筵度鳳笙拂曙篆烟輕覆座
凝寒春色澹浮城元辰正喜趨陪地藩國誰兼著作名
更有文談接尊酒眞看錦瑟倚雕楹

寄贈李長白巡撫寧夏

幕府高開倚賀蘭聲華籍甚近登壇孤懸舊見黃河繞
曲抱重經碧澗盤將相古稱周吉甫山川南下漢長安
受降城畔青青草盡日憑雲較獵看

有懷同年蘆南鄭辟君

山木虛憐賦有枝鴈書不至可無思百年異姓如兄弟
千里分攜幾歲時明鏡近增搔雪歎青山猶負看雲期
蘆花谿水垂綸地誰與高歌送酒卮

左明詩鈔卷上

七

近田贈許中翰

原田漠漠水雲平侵曉時聞布穀聲華胄自宗虞太岳
高齋最近漢東京蒼龍初見饒春事白鷺低飛有舊盟
千里趨庭兼戀闕芳洲杜若幾回生

登鴈門關

關城樓閣澹陰森積雪層冰春已深東望音書如隔歲
南侵戎馬欲沾襟代王城上雲初散李牧祠前風不禁
誰信玉門班定遠重來華髮不勝簪

李牧祠下眺望作

泉源水貫入春分鳥語花香遲客聞戍鼓寒沉秦塞月
夕烽晴結漢關雲年來近野多戎壘時過回陽幾鴈羣

險絕頗憐今昔地無令唯說李將軍

自鴈門寄何沅溪

憶放樓船江水頭章門勝閣離愁鳴琴尙想東湖
得句曾分九日秋南鴈不來懷錦字西風重入滿邊
它時傾倒知何地極塞相思獨倚樓

贈党收川

一自歸辭門下省幾人先插侍中貂閒雲高臥隨舒卷
雅興端居未寂寥但有姓名騰薦剡絕無翰簡入清朝
山公啓事今誰繼輪帛旌賢擬見招

西征遇雪

木落空林夜有霜朔風重釀塞雲黃寒生老臂猶三屬

山南詩鈔卷十一

八

倦人長途詎七襄白草舊開東勝地赤纓先繫左賢王
設憐飛雪沾雙髻却笑青山亦點蒼

予歸八例馬關作

南風吹雨傍關來關上千峯畫角哀老去尙憐金甲在
生還重見玉門開鵬紗謾引思歸調虎節空懸上將才
聖主恩深何以報車前部曲重徘徊

扈駕發京邑

春雨清燕何君王出漢宮草承瑤葦綠花映哀水紅
羽蛟龍裊連營虎豹雄野屯分列將清問下三公帷帳
邊烽入關河御氣通歌汾莫設擬卜洛庶應同

送洪大行使益藩便道省親

國典重周親星槎渡漢津玉書三殿出綈袍九賓陳魯
衛元文穆襲龍本舜臣倦班鸛鷺遠民俗訪各頻回首
瞻雙闕歸心向八閭宮袍還畫錦喜氣滿城闌

譙北城樓得山字

散步高城晚凭欄四顧問十洲虛想像層閣重躋攀物
候餘三楚人文異百蠻沙鷗臨暮集江鴈帶秋還葉落
洪崖井烟深孺子園天低圃野濶雲斷入湖間會俎延
清興風塵浣俗顏涼颺動北關白露滿西山自遠鸛鷺
侶誰當虎豹關清商休盡奏客淚灑衣斑

濠梁行

山川萬古開淮甸勝蹟靈踪今始見遺宮雙闕峙嵯峨

山南詩鈔卷十一

九

佳氣五雲鬱葱蒨嵯峨舊邦隆有周沛豐故里興炎漢
禹跡茫茫分九州雍徐兗冀多王侯風環氣結有運會
開基垂統獨殷周建旂秉鉞眞龍出義殺仁生刑政一
始信神靈不偶生萬國仰之皎如日土壤中靡幾千載
九曲西來代遷改黃河噴浪下金天長江迸勢歸滄海
元人失御奔其鹿我皇陟降河之曲英雄百里齊奮揚
熊羆萬旅隨馳逐沛上蕭曹仰股肱南陽耿弇同心腹
二十八宿咸麗天三十六幅同一轂叱咤風雲紫極高
汎除宇宙皇風穆文謨武烈紀旂常貢琛獻幣開明堂
山川初擬會中土富貴非徒歸故鄉堯階三尺示樸素
禹王萬國來趨蹌此上遂爲湯沐邑追王比隆周季歷

馳道旌旗日月分元宮屋宇蟠龍立王侯將相拜封多
殷夏黃虞不啻過湛露常賡周雅什大風不唱漢臺歌
王公設險守其國大江天堑分南北舊京百二玉關東
昌期五百金陵側鍾阜石城遠大江春春脫輅說君王
埋金鑿笑秦淮陋定鼎卜從郊廓長鼎成龍去經幾禩
依山尚有龍興寺踈槽常環古佛龕老僧頗悉當年事
高亭拜覽御書碑寶函載觀開山記寺外塗山儼對荆
城邊過水遙通泗十王四妃可長哀諸侯列將空相思
八衛仍屯紫禁城千官今扈玉霄京詞人擬撰三都賦
甲士常團十二營松覆寢宮常畫閣草侵輦路入春生
風雲尚接郊壇邑鼓角猶傳象魏聲赤縣神州更創建
虎踞龍蟠舊稱美聖神四海本爲家華夷萬里皆南面
黃金倚斗貯高臺青玉當天陳寶案北極重開日月圖
南京深鎖雲霄殿

發洪州留別寮案諸公

幾載經匡嶽山川悵遼邈今年渡鄱湖襟抱轉煩紆笑
語中流斷音塵邊地踈瑤琴懸別調羽檄騁良圖江門
亦有南飛鴈一札十行應繼見山川欲去尙有情肝膈
相看定如面歌聲擢入楚江雲月落脩脩頻夢君一尊
獨引青霞滿雙劍常憐紫電分

櫛髮行

梧桐葉落洞庭波湛湛玉露橫秋河西風吹髮髮苦短

送尹子華出守汝州

南陽太守白玉面五馬翩翩出畿甸宗資畫諾誰適主
諸葛廬井行且見弱冠上書見天子清曹致身並時彥
賈誼自抱匡世畧伯夷豈專典禮善詎意一麾乃出守
遂使十年徒入薦簿書奔走郡載歷邱園偃仰歲屢晏
顧念風塵尙瀕洞忍使醫藥無暝眩幡然謁帝通舊籍
搢來對暑開清譙絃絃相忽入山水奏談劍坐開龍鳥變
正苦暑雨滯道路奈君行色香書劍嵩岳凌空天並遠
出師詩卷十一

丁丑歲

大將書街出禁關紫衫蒙甲符陰山胡兒已報倉皇遁
法駕應從警蹕還
龍幕熊開朔雪前榆林蔥嶺羽書傳三宮愁思通關塞
九廟神靈在上天

江中雜興

清聲晴壓九江城司馬琵琶哀怨生去國懷鄉秋色裏

蘆花楓葉總關情

卽事

山入北樓雙眼明
凭高遙見應州城
天中寶塔層層影
風外金鈴杳杳聲

大石相連小石間
蒙茸林薄鎖墩臺
據形已得高山險
制變還須大將才

茹越西來接馬蘭
天生形勝限呼韓
倘城河外三千里
不數山中十二盤

胡峪巉巖水峪平
中間細路亦縱橫
畫圖貼說疑無地
握算臨時別有兵

竹枝詞

山南詩鈔卷十一

圭

細蟬金鴈惜春華
寂寞東風到妾家
惟有江頭明月色
夜深共對木蘭花

依依江柳弄煙絲
粲粲江花映竹枝
莫把竹枝翻別調
轉愁折柳送行時

葛守禮九首

守禮字與立號與川德平人嘉靖戊子鄉試第

一人己丑進士歷官尚書左都御史贈太子太

保諡端肅有端肅公文集明史本傳守禮初任

連百數守禮出之人不能難在禮部守禮如

謀繼絕封中贈部司馬無守禮名世宗山是如

其康履遷南禮部尚書李本希嚴嵩古誦以老

病逐之隆慶初起長戶部再起則部處高拱張

居正相札之際正色獨立人以爲難公功名氣

公云嘉隆間大臣有德望者何惟公功名氣

節一代仰之

如泰山北斗
按端肅詩雖不名家五言
清迥殆夢山之先聲歟

清明卽事

蕭蕭白楊風慘慘北邙色
雨露泣清明游魂依寒食
兒女具羹飯跪奠旄邱側
父母裂紙錢燭化招幽魄
相見俱灑淚冷然令人側
有聲雖徹天問言竟默
默祭罷飲墻間露襟亦已拭
耳目所爲情緬焉夫何極
區區百年中賢愚同一息
而又遇清明反覆詎難識
天地無所逃太上有立德
弗然委荒草日沒雲長黑
異哉莊生言去適安樂國

閑邊城因至海上

山南詩鈔卷十一

圭

天霽煙沉市霜清朔氣高
塞垣餘靜柝野甸出新旄
城勢憑山麓風聲雜海濤
登臺曠遐矚飄泊思忉忉

早春邀謝副憲唐推府至海上

柳色春初媚延賓至海隅
冰寒魚未防風定鳥相呼
人世泊舟渚乾坤納鏡圖
飄飄萍梗是搖落幾能俱

清宵露坐

海氣連朝發山雲向晚開
風從門柳度月上女牆來
戍柝有時厭胡笳無意哀
當關酬壯志東北沈烽臺

同查少參觀海

寥落親嘉客凌虛興復清
游魚分小隊野鶴導先旌
雲出山含雨潮來水泚城
欲昇蓬島上天際覓長生

觀潮

月華窟欲滿地息氣凌空浪湧一天雪濤聲傳樹風沃
焦烘正沸海若噫初雄曬酒乘春望浩然此處同

朱園宴集待月

綺筵開別苑亭樹喜陰森花氣時通酒蟾光半透林泛
觴餘灌水間樂散樓禽洛社還金谷何人覓賞音

斜日

水檻餘斜日繩床到晚涼飛花桃欲實斷絮柳披香蒲
動知魚泳泥分覺燕棲白憐栖息地清引興能長

題馬東野卷

徵君別業傍青門三徑新開遠坵村懶向督郵貪墨綬

山左明詩鈔卷十一

十四

喜招野老話清樽林間曉露從巾折溪上春雲入履痕
華轂有時迎舊侶錯教芳草怨王孫

趙鯤
七首

鯤字宇南壽張人嘉靖己丑進士官貴州按察

副使所著有九嶺集

按邑志稱鯤文宗秦漢詩擬盛唐在官亦著政績詩傳詩統載其詩數篇老成新舊近亞石川而名不顯於時亦可慨也

晚秋重過環翠亭

名山不可到此地屢經過雨積苔斑合人踈蛛網多鶴
鳴識舊客魚戲愛新波古渡雲烟外江風起棹歌

送董鹿崖出守永昌

分土得金齒揚帆出石頭玉麟錫上國彩鳳下南州春
渡花橋夜風生箭樹山秋伏波銅柱外炎海更安流

宿武林關

中道多平陸臨關總石崖橋騰千澗落旆繞數峯迴嵐
氣秋仍厲灘聲夜更哀山深迷去夢何處漢王臺

白河境上

山深喬木暗江潤晚雲稠北道連商嶠南溪帶楚邱出
江泊野店隔岸呼漁舟千里提封盡回瞻天漢樓

龍江關送家人歸

湖上北來晝氣昏湖邊春草怨王孫微微樹影懷山閣
脈脈泉流過竹根羸馬衝泥尋浦路孤舟拖雨繫江村

山左明詩鈔卷十一

五

臨淮欲灑思鄉淚一夜隨潮過魯門

過任嶺

任嶺雄盤要嶺西驅車蠕動躡丹梯晴風隕籜隨人舞
落日寒猿向客啼蠻塚北來秦樹古夷場東去楚雲低

萬山重疊鄉關遠歸夢纔成路轉迷

夜泊鄖陽城下

客舟一夜枕江聲風雨蕭蕭過楚城際曉還來尋舊濫
黃流新漲大堤平

郭宗皋
六首

宗皋字君弼福山人嘉靖己丑進士選庶吉士
改授主事累官兵部尚書贈太子大保諡康介

有似庵詩稿也志康介初登第對策不用成格悉改官益以策語故也遷御史抗疏受杖劾去
撫劉夢無行并及輔臣直聲震動有郭鎮頭之
號撫順天以不煩時相罷起撫大同者宣大
屢有戰功再請再起以南大司馬引年歸

峻喜亭

六月蓮塘花正開
稻翻新雨碧雲堆
江南有客曾傾蓋

笑問何人縮地來

年來到處人爭席
老去焉知物態殊
田峻擬邀南畝餉

拙勞應取北山愚

峻喜亭擬古

十年印峽阪願得為忠臣
愧無封侯骨軀軻徒勞辛皓
首還吾廬三徑荒松筠未知顏淵樂
但有原憲貧終歲

宋明詩鈔卷十一

去

耕山田豐歉頗不論
或授逐貧術受命畏聖人
墨絲莫可染楊路固所遵
苟不生疑貳吾見亦已真

人謂長生術遺世從丹邱
登山望東海彷彿見十洲
仙人不可訪靈藥亦難求
奈何秦漢君委心方士流
安期竟不遇千載噴空遊
軒岐論壽考至今莫與儔
所要在恬淡聖愚皆可由
耕田苟不碍吾不遠西疇

栽荷非為實實多不代穀
植柳非為材十年詎堪屋
箕踞坐陰森徙倚玩芳馥
能令塵慮忘不愧隱居服
五柳

羨淵明獨愛思茂叔逸焉
二子賢賴此寄私淑

穫稻

穫稻秋霖霽松陰坐夕暉
鷗閒人共適霞落鴈俱飛
郭

遠山田賤年豐瘠
土肥老來畎畝興
學稼未知非

周顯宗 六首

顯宗字子孝號桃村濮州人嘉靖己丑進士官

漢中知府有周漢中自適稿明詩錄詩話桃村所之自序言感興而作不事強索亦未嘗規規於古人自知之明亦審矣

送黃如雍之京師

谷風揚輕塵曲巷門深閉
展書理瑤琴踈簷納晚霽
海棠老春華搔首下空砌
忽聞我故人束裝向燕薊
心知不可留白駒焉能繫
嗟予迂嬾者世事紛多泥
感君起沉疴剪穢期砥礪
遠別會何時戚然隕孤涕
明朝片帆遙薄靄起天際
我有心相隨雲樹豈能蔽

宋明詩鈔卷十一

七

對酒

我無媚世術何以事遠遊
舉世尚馳逐孤介將奚求
星辰上羅列河山下峙流
而人生其間豈不在操修
操修苟無愧窮阨吾何憂

真州工部分司晚出

西嶺猶銜日潮生石磴前
聲喧入競渡影亂鳥知還
隱隱高城月冥冥晚市烟
歸來羣動息兩岸蓼花大

幽居

住近古城隈幽篁手自栽
奉親陳綠醕延客破蒼苔
南望莊周宅東瞻子建臺
吾生亦落莫高躅使人哀

宿安平驛

湖靜冰初合人喧市晚收夜深誰共語寒月獨登樓

明妃怨

胡地愁看漢月生長安此去萬千程不辭玉貌沉邊草
更恐丹青誤聖明

左傑一首

傑恩縣人嘉靖己丑進士官河南參政

瑞麥歌

生學宮東

卓哉后稷心恒惻粒我蒸民賴爾極儒官容與誇周頌
感激亦知勤稼穡春杪甘霖應肅時具邱沃土悉含滋
泮池瀾瀾凝佳氣牟麥幪幪秀兩岐薰風鼓蕩黃雲結
披香正是朱明節充箱栗栗慶豐年薦熟浮浮翻玉屑

崑明詩鈔卷十一

六

憶昔成王不敢康三穗一莖信爲祥當今天子重農扈
明明上帝錫遐昌耒耜來髦士富文史恭承嘉運從茲始
定有異才際飛龍出入蓬萊慶喜起

張鳧二首

鳧字羽卿萊陽人嘉靖己丑進士官彰德知府

雪中發青埠

草路晴初辨松橋暗水分元陰連朔雪殺氣亂愁雲半
嶺紫寒色千山共夕氣數村烟火少長歎不堪聞

同任汾野徐嶼墩玩月

亭榭看初上江淮坐轉明水光兼蕩漾竹色助淒清駐
蓋詩堪賦游仙夢未成關山憐並照簪組媿同行

田濡一首

濡字少生號南皖聊城人嘉靖己丑進士官太
僕寺卿有同卿集山東通志濡初擢工部郎請
中官侵食又論汪鏞郭勛時論壯之引疾歸年
四十八耳優游林下三十年屢薦不起世稱清
德嘉善錢薇作宛浩然傳贈之

與陳兩江侍御及同官登瑯琊絕頂

環滁十里最高山此日仙輶許共攀石道細迴雲樹外
江天遙對酒杯間英雄舊跡空殘壘詞客風流幾醉顏
興遠未窮吟賞處相將昏黑不知還

呂調羹一首

調羹字夢卿濮州人嘉靖己丑進士官兵部主

崑明詩鈔卷十一

九

事

秋意

秋來日轉長水流何太急清霜斷人肌寒蛩向我泣江
空楓亦凋天濶鴻難集有懷對明月仰俛嗟何及

田大有

大有字豫甫東平人嘉靖壬辰進士官慶陽知

府分省人物志大有村略優長位直督氣居家
有孝友教睦有古人風性喜讀書多所涉獵以
博雅

勸龍山二首

山倚宜龍臥稱名自古今慚予負俗累藉此披煩襟樹
影榻前見鐘聲雲外沈隆中應比跡梁甫定誰吟

信美憐吾土峯巒四望遙山靈應有待惠遠故相招古
樹巢鵬鵠行歌下牧樵松風繞磻發疑是奏簫韶

謝九儀一首

九儀章邱人嘉靖壬辰進士歷官兵部侍郎

寧晉贈蔡天章

風駕撫良辰拊缶赴洪音相見轉不夷豔歌匪所任緬
君首文藻奉義懷貞心促柱轉不諧弭節遁以深哲工
抗明薦天王時見欽豈謂弓旌招尙阻商巖霖周才矜
自達直道微在今遷客苟安造諒友曷可箴所願君子
採常比雙南金

范瑟一首

崑明詩卷十一

主

瑟字孔和歷城人嘉靖壬辰進士改庶吉士授

編修歷官陝西按察副使所著有柏峯集

不爲勳又常聞天樂作於雲中聲殷於庭他人

也

奉贈王巖潭年丈兼謝見酬閒鶯之作

才名少日傳三殿詞賦今看重兩京畫省幸聞白雪調

郎官直出玉壺清風輕柳色含烟裊日暖江花照水明

何處啼鶯更高樹隔牆分送早春聲

范永通一首

永通字一貫曹縣人嘉靖壬辰進士歷官順天

府尹終河南布政使所著有會溪類稿

錢達道
云京兆

危言譴論高貴多忌而怨之卒爲中傷左遷然
而喜怒不形飄然解組毫無芥蒂視世人爲何
哉如

遊瑯琊寺二首

烟寒露白俯孤城野寺平臨望處清庶子泉涼空色相
瑯琊山鬱有陰晴蒼松愛接餐霞侶白髮慚虛鍊石情
笑把一尊聊取醉滿川瑤草送秋聲
長松俯影度寒塘西轉崎嶇路杳茫鐘鼓報晴山寺遠
川原迎客野花香直看紫翠浮霄漢未許蒙茸伏虎狼
攬秀亭邊開望眼秋風此日灑衣裳

趙雲鵬二首

雲鵬德州人嘉靖乙酉舉人官大谷知縣

程正
夫詩

崑明詩卷十一

主

搜大令詩集不傳于家有
寫詞數十篇風致備然

遺愛

隱憂不自遣晨起對寒屏岸雪濃濃濕厨烟稍稍飛名
爲孤注累事與寸心違屈指歲云莫徒傷未拂衣

秋果見訪不遇以詩謝之兼有後約

多情幾度慰貧居閒道衝寒過草廬夢覺風鈴三鼓罷
愁牽雲樹百尋餘比來無故拋棋局後會翻嫌俟簡書
擾擾懷思將月半頻頻笑語憶冬初爭傳豪興當時盛
肯信閒情此日虛白首關西夫子處不知珍攝近何如

董楠一首

楠字孟才益都人

池北偶談孟才爲大司空可
威之叔常選古今聯句詩集

六卷亦不可少之書

登紀城故臺

振衣古高臺倚劍臨丹水茫茫白日低蕭蕭寒風起憶昔齊正強示弱來朝紀何言墮其謀兵戈有所恃堂堂旅見儀肅肅賓主禮用計諒已窮強弱俱一死人生譬朝露意氣徒爲爾宮基雜邱壠城隍沒荆杞懷覽復何嗟無貽壯士恥

鍾秀一首

秀益都人嘉靖丙午舉人官廣宗知縣沈潛秀學爲廣宗令專以清淨爲治經旬不開衙門日進諸生與談經義去後士民皆思之此之漢林慮長云

堯山

堯祠西麓敞晴暉就日瞻雲此駐驂茅室土階餘想像彤車白馬尙依稀信東風物遺蹤古海上烟霞入望微舜禹傳心還在列爐香清晝共垂衣

山左明詩鈔卷第十一

山左明詩鈔卷第十二

李開先三十六首

開先字伯華號中麓章邱人嘉靖己丑進士官太常少卿提督四譯館有閒居集詩選傳云伯不稱稱文士在銓部謝絕請託不善事貴人罷歸治田產蓄聲伎徵歌度曲自謂馬東籬張小山無以過也爲文詩不循格律談笑無用放筆自序開居集云年四十罷官歸里既無世之心又無名後之志詩不必作作不必工其得乘時極用非以樂事繫其心往往發狂死今借此以坐消歲月暗老奈傑耳朱中立云中麓積書好客豪宕不羈著作甚富如魏經浮意淺多何向瑞子遠所存精確壯健不謂之作東詩所云豈但三車富還過萬卷餘又云借抄先館閣博覽及覆疊是也近徐尚書原一贈

山左明詩鈔卷十二

得其半子嘗借觀鏡映必精研朱點點學者能得斯趣殆無多人乾陸已卯在濟南太常後人以閒居集求則訂于爲汰其什八俾另付梓

冒雪遊緒江寺

出門雪初零人寺勢方大龕前有凍花鉢內堆冰菜廢井填欲平禪菴壓將壞鳴聲忽驚人饑鳥太無賴天花淨不緇懸澤融無外迷津惟一悟世塵濯八解安能如惠可雪中冥會

苦熱

昏中日在柳炎帝司其職苦渴多病身煩熱何相逼決旬難夜眠近午始朝食止蟄藥無能驅蚊扇有力莫爲觸暑行且就煩陰息官微罷復久賜冰胡可得神馳寒

露臺夢想雪山域妄念不須存秋涼當在即

寄題葛芝山藏書歌

芝山葛子書滿屋錦帙牙籤數萬軸架上亂積蠅頭書
床間總是牛腰束漆字奇文久不傳竹簡蝌蚪誰曾目
君家盡有古今祕燦爛猶如手未觸長天苦調不輟口
夜深還向螢窗讀我亦好書真成癖遠搜博訪及窮谷
片時不離鉛槧間半生正墜魚蟲窟嘗聞世南行祕書
天子出入隨華轂結習猶坐陳隋餘獨有河汾尙經術
只今頗會川上心一笑無言樂事足後四十年駕文螭
披髮與子遊亭毒

冬夜留吳客鄒太湖共酌

出明詩鈔卷五

上

雪深門早閉有客遠擔簦投刺勞相訪登堂喜不勝高
歌彈寶劍暢飲對華燈海冠方猖獗還鄉恐未能

望遠人

燕與人同去燕來人未來料應雙鬢改莫遣寸心灰遠
道書難寄離懷酒不開雲山迷望眼空上最高臺

田間詩

往歲苦行役歸來田舍客耕夫時讓畔野老與爭席牛
馬散平原鋤犁掛敗壁趨時非所長舍此將焉適

家居學道

舉世欲名利爭馳車馬喧不才辭帝里多病臥文園賴
有三生幸粗窺家妙門片辭能悟道何用五千言

城南暮雪

南墅今重到天寒歲已窮雲濃將雨雪日暮更無風浙
灝初鳴竹續紛紛蔽空雪霜堅晚節松栢願相同

秋日有懷柅山田希古

仲秋葉漸黃撫景憶田郎好畫真成癖吟詩喜欲狂十
年無訊問萬里隔封疆目斷南雲遠心隨北鴈翔

春夜

寶鴨香初泛銅龍點漸加睡輕聞雨竹情重惜風花無
語梁間燕未啼城上鴉春宵太寂寞欹枕待朝霞

春泛

橫波搖遠天雲影落杯前避網魚翻浪忘機鷗近船殘

出明詩鈔卷五

上

桃花片片新荇葉田田遊客笙歌沸春風亦費錢

琵琶

馬上傳來久絃中指法難激音因急撥緩調爲輕彈簫
響迎風樹珠投承露盤聞人間妙曲雖飽亦加餐

書角

五更轉欲盡寒角動高城月下增長嘆風中噎斷聲思
鄉空墮淚久戍不勝情莫論邊關上邑樓猶厭聽

白雲湖夜泛

夾岸人烟水四圍蘇堤景物亦依稀中流擊楫亂鼉出
樹底鳴榔鳥雀飛漁火錯疑明月上風帆相伴白雲歸
寒湖歷盡歡無盡况可堪虛望翠微

送齊東黃尹陞濟寧州守

莫嗟枳棘久棲鸞良收由來古所難五馬今爲唐郡守
雙鳬舊是漢郎官舟車使者年來急水陸居民日愈殘
君去固多安輯術政成應不數劉寬

歲暮書懷

簷下水垂雪已晴雲邊斗轉歲將更靜居細玩先天易
勇退非干後日名酒可留賓盡醉賦能結主不須成
莫愁寒谷春難到但被東風草自生

贈致政司諫劉後峯

人散燈殘睡正濃驚迴曉夢思重重攬衣欹枕從容聽

野店鷄聲野寺鐘

出明詩鈔卷三

四

田家樂

四十歸田已是遲田家樂處有誰知鶯花作主今朝事

鷄黍邀賓隔歲期

塞上曲

驚聞火報向金微又復驅兵戰武威道上偶然逢驛使
傳言及早寄征衣

已過瓜期不放班天寒路遠淚潸潸交河北望天連海

朔野南來雪滿山

寒風猶自透戎衣旅鴈南旋又北飛乍見微黃柳色喜

豈知內地已春歸

黃河萬里障邊隅駐虜年來謀計殊不用輕帆與短棹

渾脫飛渡只須臾

虎旅紛紛列虎牙龍庭漠漠走龍沙未交八月先飛雪
已盡三春不見花

轅門士卒衆還雄更羨車攻馬又同自是經營能竭力
新來節制免從中

將軍白馬曼胡縷萬里揮戈殺氣橫迴顧龍沙迷騎跡
遙聞鴈唳雜邊聲

飛沙慘淡月輪黃風斷雲迷鴈不翔千里人烟久已絕
空城鬼火走青光

征夫觸目堪垂淚不但芻糧到骨窮營樹春來惟細柳
塞禽秋盡只飛鴻

出明詩鈔卷三

五

神機坐制目中虜廟算能驅掌上兵馬飽士嬉無箇事
閒聽降騎話夷情

一春不見暖融天自是要荒氣候偏落地雪花原是雨
漫天榆莢不成錢

胡地河流寒轉清邊城漢月曉偏明低頭飲馬仰瞻月
忽動思鄉萬里情

同陳泰峯遊道院六首

清磬遠聞別院奇香常遶仙臺紫氣青牛已出白雲黃
鶴重來

秋肅石潭湛碧風微霜葉翻紅曾訪修真異境偶逢崇

道仙宮

雲外遙開桂殿月中開扣松樞玉几元書石室金經丹
竈方壺

人世堪憐石火壺中別有人家雨過晴梳石髮露濃夜
長雲芽

山下深藏鬼谷雲邊特立仙壇但得身無俗累何須首
戴黃冠

古殿長屯紫霧荒池仍響寒泉華表鶴歸幾度鼎湖龍
去千年

吳孟祺九首 文藻按原本詩缺

孟祺字元壽寧陽人嘉靖己丑進士歷官潼關
兵備副使有六泉漫稿

程瑤十八首

瑤字子彬號靜泉德州人嘉靖壬辰進士歷官

江西右布政使有石丞集

張九一序公向與
微以示異途螭以費語左官外斥其後三遷而
至右丞不肯以一日之榮易所好謂歲寒松柏
非邪所著譚藝一編辨體裁尚風骨參意象揚
北風雅成一家言所為近體本之才情傳以色
澤風流洋洋復
見正始之音

贈馬隱君

誰云處士卑高風齊山嶽試看李斯首不及嚴光足誰

云處士貧英名千載腹試看顏氏巷賢於石家谷馬君

隱者倚蕭然臥林邱深願偶巢許寧肯事王侯翩翩雲

中鶴飄飄海上鷗日餐金光草壽與天壤侔

歸來行

生平多被儒冠誤落落淹遲空道路一入京華二十年
武庫符臺復地部左徙由來非聖東遷官迢遞又蜀中
彭門劍閣五千里峽水巴山一萬重之官百日席未暖
北歸六月火雲紅故園儻已踰三載竭來謁帝明光宮
高位故人不見顧少年卿士誰相容十旬疾病無人問
時乘欸段長安中長安城中多將相勢成積薪後者上
錢神果符晉時論奔走那得虞廷讓善諛巧言登要津
志士幽人氣彫喪嗟嗟張長公世道不相容執戟楊子
雲白首徒攻文古來賢哲皆如此終日戚戚胡爲爾已
焉哉歸去來富貴於我何有哉古稱七十二子皆塵埃

崔明詩鈔卷三

何况區區驚鈍之微才榮枯得失兩何有日弄琴書且

飲酒不然直上太華峯遙棲天邊第一重

送劉榆泉赴遼左兵憲

煙塵催使節風雨暗離筵易水傷今日梁園憶往年山

川連海岱景物半朝鮮絕塞功勳地行當早著鞭

送李兩山之鞏昌

功名須萬里書劍且三秦柳色低迎旆蟬聲遠送人西
風雨谷路匹馬大河津亦是飛騰地休看白髮新

題壽上人房

壽公禪定處一徑入西林脊此松蘿宇兼之水月心花

籠苔砌合雲鎖石房深寂寂諸天界惟聞清梵音

棧道

地險襟喉會川流南北分千峯兼萬壑匹馬逐孤雲黑
水蛟龍窟青林虎豹羣不堪曉絕處天日又西曛

鷄頭關

微雨濕春山疲人渡漢關擁旄出烏外捧節到雲間陰
壑千年薛文峯五色斑半空塵不到疑是隔人寰

道中遇雨

蕭蕭寒雨急漠漠野雲屯草樹埜如折旌旗濕不翻高
風欺薄服疲馬怯荒原行路難如此令人憶故園

除夕宿大林寺

岐路年將盡他鄉客欲迷江村看異俗旅夜宿招提身

山明詩鈔卷三

八

世諸天外乾坤三戶西明朝春欲至轉覺意悽悽

人口辰州道中

旅客逢人日江關信馬蹄春光微冉冉草色已萋萋驛
道通三楚風煙接五溪誰能將柏酒一爲解羈縻

桃源洞

尋幽來洞口緩轡卽山阿果是桃花舊依然春水多層
巖交出水暗谷密垂蘿欲逐仙源去煙光奈夕何

宿思南茅舍

蠻方驚漢使旅舍得茅茨風雨寒侵榻鷄豚雜入籬野
花供客眼村酒慰鄉思天地皆吾宇悠悠信所之

原州

禹服封疆關秦關氣槩雄千城開大府鎖鑰界元戎地
冷虺蜥早人稀煙火空由來防守重不在樹奇功

回中望王母祠

西渡涇流外回中路更長馭思千里駿池想萬年觴往
事蟠桃燕空山王母堂倦遊三十載遙念白雲鄉

贈梁上人

東方有大士高尚依青蓮直以心源靜而無世累率悟
超三昧外妙會一燈前愧我塵凡久期君共入禪

晚赴宿州以尙寶卿出使

時有
妻喪

亂山驅獨馬返照入寒林重以暮雲合淒其遊子心疎
籬隔吠犬灌木集鳴禽燈火前村遠魚龍大澤深使星

山明詩鈔卷三

九

朝北斗卿月上高岑獨有孤飛鴈哀鳴意不任

赴襄陽

開關道路催雙影浩蕩乾坤信馬蹄江畔自尋芳草徑
人家遙在夕陽隄餘霞閃閃低連水小艇飄飄晚渡溪
萬古風流習池在何時一飲醉如泥

重慶舟中

青林碧石靜無埃南國風煙萬里開江縣岸高懸市里
山城霧捲出樓臺遙天獨樹如人立滿壑寒風似雨來
芭長村翁時赴想兩荒賦飲總堪哀

吳獄十六首

獄字汝喬號望湖汶上人嘉靖壬辰進士歷官

南吏部尚書贈太子太保諡介肅所著有望湖

遺稿志公取介端方清操絕俗習俗上谷力

難奉身御美金在無離俗服無錫人亦信之所

詩沈深典雅屏去色澤而取白炫云朱中立

云家宰清介廉靜不與世浮沈蓋吾鄉之高士

也詩體清逸清到處已入盛唐清逸借著作

不多諸體未備耳明史稿本傳知處州日王

時提節嚴整見石莫不自失向書馬森言生平

見廉節士二人公事遇京口徽召王為金山游

廷守蘇州以公事遇京口徽召王為金山游

酒一餅肉一斤菜數束廷笑曰止是乎款亦笑

日我兩人食足矣惟竟日而還去處日假一蓋

南都假僧寮以見客

別二司諸公二首

寥廓江天遠淹留畫舫移離觴催暮景歸棹劇鄉思泛梗年來倦投簪老去遜憑君一盡興回首各差池

出朝詩卷二

十

極浦荒烟起寒山落照移孤舟江海別老態鬢毛衰悵望雲偏合支離鳥獨隨念子今嬾漫會面若為期

酬方處士用韻

雪夜攜琴至燈前把臂看棲遲欣有伴閑寂似無官塵外飡霞適人閒行路難投簪早歸去返棹是真丹

湖上有懷在川家兄

荷葉新秋美誰憑把酒管樂方阻道遠引蔓寄情長實羨同根綴花憐並蒂香撫時空感慨日極鳥東翔

解嘲

儂本探元客孤踪寄石林臨流洗俗耳抱喪絕機心松桂巢雲濕烟霞臥薜深虛名仍苦累翻謂愛朝簪

山中卽事

野人麋鹿性獨喜入山林奇構雲支厦希聲漚瀉琴熊經松霧合豹隱洞烟深擬賦滄浪曲繩牀抱膝吟

答吳六泉

年來衰病苦予侵老去親朋半陸沈林鳥關關揮客淚嶺雲冉冉逐鄉心沙楊水竹江天渺風笛霜笳塞月深念爾同袍雙白璧可憐一札萬黃金

紫荊關晚眺述懷

荒臺露白月華明絕壑風寒秋水清大漠單于調戰馬中原儒將被胡纒控弦十萬良家子超距三千入幕兵我欲開關延外敵可能繫頸樹勳名

出朝詩卷三

十一

山中王判簿

繞砌荒蕪白露光滿林寒葉晚山蒼蓬門野服人情狎石徑孤琴世慮忘老去青編懶我倦靜餘元酒對誰嘗幽獨夜深耿不寐秋空月印水中央

山中撥悶

屏跡誰憐老病癯杖藜日送白雲徂朋簪有約庭蕪合僧衲隨緣見月孤極浦烟深淨岸柳荒波春晚動汀蒲環階玉樹松兼竹歲晏凌霜伴腐儒

冬日山中懷在川家兄

積雪不消天復陰洞門高鎖寒雲深溪頭水合杳人跡谷口風迴聞鳥首康樂孤懷憐阻絕元暉雅興罷登臨

開簾目送南來鴈清淚聯翩向遠岑

省中自述

稷下才名舊日微汶南逸興近時違白雲抱石幽心遠
綠篠迎軒客夢歸烟浦菰深迷釣艇晴沙鷗集占漁磯
衰年謬入尚書省素食生慚樂事稀

送徐子石潭之任西華

送爾之官夏日長囊琴束帙促新裝晴雲護峽連中嶽
古樹含烟入大梁政暇省風詢杼軸公餘退食詠羔羊
提封舊接周南地遺澤還思召伯棠

舟中感懷

百丈牽風上瀨遲杪秋霜露劇鄉思蕭條已負黃花節
搖落空看楊柳枝細雨孤舟還隱几暮雲寒笛漫傾卮

出南詩鈔卷三

主

羈懷正苦未消歇隔岸誰歌白紵辭

水泉營防秋書壁

書劍從軍已四秋沙蓬苦霧不勝愁可憐并朔良家子
歲歲防邊到白頭

洞庭湖讌集

呂翁亭下洞庭水遙映夕陽千里明欲渡君山少舟楫
停盃空對暮雲生

盧宗哲九首

宗哲字潯卿號涑西德州人嘉靖乙未進士改庶吉士授檢討歷官光祿寺卿有焚餘草家傳公登

第後世宗親選庶吉士居高等及以南司業考滿嚴分宜欲龍致之答曰某來考績不來講遷官也川是浮沈館寺終為所持官南太僕時寺貲贖金三千兩發案餘四十金召茂示之曰此吾二十年宦囊可受之茂亦以清勤著聲公之詩稿甚多晚年焚之程序太史文章高美使英餘稿刻而傳之賜序大史文章高美使一時而盡委之視融情矣然公詩昌明顯雅中鳴球盛世之音在焉如物之有尤氣不可掩也

宿昌平同江貞齋夜話

朝發帝城門夕息軍都館庭隅月微微山際雲宛宛漏下白短長蟲鳴時近遠齋祓來駿奔夷裕如休澣幸侍文通子恍挹五花館邂逅若平生宵次何坦坦清晤難屢逢良夜式以遣北首願卒業婉無三四反

出南詩鈔卷三

主

安上人房避暑

城居苦炎熱野外探清幽紫馬祇樹林禪室坐悠悠茗飲胡麻飯澹泊謝庶羞松際湧危塔羅徑上高邱曠望諸天界微談接惠休塵紛都欲盡定慧若為酌為問同來客可成夜宿不相視興無已分韻賦勝遊

貧女歎

蜂競桃天處魚嬉水泮時高樓誰接絳破屋獨支頤無那徐吾燭空悲楊子絲朝來饑欲食客騎踐園葵

洪法寺邀趙道長不至

祖席開何許禪扉啓曙暉雨花香可挹風竹靜堪依漫聽元蟬鳴遙傳驄馬歸相邀空潯暑未肯借霜威

兵退

可恨天驕逞何當漢尉威羽書來昨日報道解重圍縱
緩干戈苦全無稼穡依願願哀痛詔早下卽恩暉

九日獨坐用韻呈靜泉兄

病餘鴻鴈候客裏紫萸香佳節隨流俗新詩寄夕陽合
情猶杜曲寫意卽周行願與執鞭後常看五色雲

雨夜感懷

淒風涼雨坐危樓檻外瀟瀟倍客愁無奈敲砧還近夜
且兼促織欲中秋燕畿縱下銅通詔晉鄙仍紆破敵謀
獨對青編慙往哲江湖廊廟已先憂

秋日程靜泉爲同鄉之會余不克赴走筆奉謝兼

出南詩鈔卷三

十四

呈座上諸君子

去年此會違新病今日重邀憶舊詩大火半隨西照下
微涼全自晚風移天涯骨肉須杯酒眼底動名有鬢絲
杳靄輕雲秋弄色懷人不見益淒其

贈張錦衣

朝承節鉞下府寄霜滿熊幡意氣饒路繞黃河山簇簇
風連青海草蕭蕭油幢對月開吹角鐵騎乘冬便射鵬
爲報諸蕃莫輕入臨戎今是霍嫖姚

郭本十七首

本字道充號魯川曲阜人嘉靖辛卯舉人官御
史終戶部主事所著有魯川集

朱中立云魯川
博雅多才蓋百

嗟

林下多美睡日中未開門清夢不下山鷄鳴不出村息
深天地初氤氲元不分醒來汲寒泉注之青石盆簸激
雲月色宵吻出幽芬詩成了無語還臥看雲根

哭楊椒山

滾滾數行淚遠爲楊椒山反復讀諫草五內皆潸然白
昔如弦直累累死道邊機事淵海深孰能察其端天聲
震西北地軸搖東南日月復薄蝕山湮谷成淵問天地
不語顓天夫不憐孤愁何所極塞於天地間

題松橋花鳥小畫

出南詩鈔卷三

十五

誰寫瀟湘圖筆落秋聲裏楊柳深蒼烟芙蓉照寒水
色碧於苔蘚蘭滿芳沚中有兩鳬鷺閒閒相對語雲影
流不去天光淡如洗吾道鳶魚閒逝者一如此

次薛西原吏部雜詩四首

冉冉春光好遲遲秋景暮黃鞠抱夕芬赤槿榮朝露物
則本無心時各有所遇魯有好鞠翁寒姿繁天賦
紛華麗人日顧我齒獨冷天旣頽我齡意倦心亦靜呼
童捲告身閒窗放山影興到卽成詩何嘗論領顚
北窗足高臥山光報清曉野况得自適夔夔不知小時
有清風來且無紅塵擾神駿伊何爲空遊向八表
載觀天地開萬物各自遂榮悴乃其常寒暑不爲累大

冶非鍾鍾至神存簡易此理具人心胡爲庸小智

讀左氏

嗟嗟范宣子爲國失遠計固知樹令名適以重隣幣惠哉鄭子產寓書示砭劑象以齒自焚國以賄自敝宣子善受言更令如轉轉君子長國家焉用賢而泥

枕上

秋氣夕愈佳迢然成獨眠熒熒河漢月飛來松枕前衆籟俱沈寂孤鴻唳霜天湛露清毛髮明珠溫且圓蓬蓬夢莊子對弄無極篇千載此元悟萬有皆森然

次蘭皋韻自詠

主人愛幽棲買債耕春墅結亭不加艸種竹迺維旅雜

出南詩鈔卷三

六

植四時花秩秩環洲渚自控元鶴軒邀我乘槎侶日飲眞一醅擊筑詠集許

鮑川上子叔允遊魯泮

君家秉文獻袍笏滿牀有子接其武先顧脫於囊一旦出文架橫戰班馬場走筆風城說劍聲琅琅天下有至文至道發其光膏腴在六經元樞入微茫握苗胡可得多岐且公羊深造之以道盈科乃成章風積九萬里鵬背摩空蒼神龍雨天下鱗角乃深藏所望在年少綠髮易成霜吾子固警敏老夫言未狂

立秋二首

連日病酷暑忽見秋風新稍稍自西陸微微帶南薰草

木正滋茂一葉驚客心大化無窮極屈蟻乃求伸

雙蟹漸成蟠星星帶秋氣對鏡已茫然秋風忽爾至萬

物天地間一榮乃一悴我將七十年所爲者何事

懷中立王孫

春風吹斷梨花夢落日行吟芳草洲一片孤雲挂天末美人不見迴生愁

後湖偶雨

朱雀橋西花半開摘花遙上郭公臺水痕蹴浪野風急山色可人烟雨來花塢春深鳩自語汀洲樹老鶴飛回湖光激灑濃於酒願上金莖露一杯

雜詩二首

出南詩鈔卷三

七

出牧散遙囑海日挂晴樹雨餘山氣佳柔藍拂空素野塘澹微薰天地不知煥草色上衣帶雲光隨杖屨漫漶塵垢中此境能幾遇

白陸挂秋水河漢西南橫夜色靜如拭天籟潛無聲獨有數竿竹瘦影搖孤青我來行影下萬有忘其形世人處塵垢誰知有此清月高露華冷毛髮皆冷洽忽然興飛動兩腋烟雲生

張舜臣三首

舜臣字熙伯號東沙章邱人嘉靖乙未進士歷官戶部尚書左都御史贈太子少保府志舜臣爲諸生員僞聲成子難試釋學得其卷亟以解頭許之繼得德平葛與川卷嘆曰解頭必屬葛矣然張亦

不失第二人已而果
然人服督學之鑒

山寺

休沐依山寺行行古澗中
片雲飛雨暗返照入林紅
老藉街杯健秋添倚劍雄
誰令朝市客盡日坐松風

泛白雲湖

日午扁舟入平川望不迷
青葭無斷處白鷺有來時
江海雙龍劍乾坤一釣絲
翛然雲霧裏直欲馮夷

雲中曲

黃雲塞北起秋風宣府居庸羽檄同
天子臨朝親遣師
戰袍賜出大明宮

山左明詩鈔卷五

太

山左明詩鈔卷第十二

山左明詩鈔卷第十三

新學類四十五首

學顏字子愚濟寧人嘉靖甲午鄉試第一人乙

未進士歷官吏部侍郎有兩城集明史本傳學

應邵陳理財選兵籍錢積穀言最切實其行己

修潔見高拱以首輔掌銓專恣殊甚遂謝病去

朱中立云子愚詩宗初唐雄渾老健卓然成

家詩選傳云侍郎真素樸直博學慕古同時

歷下有劉汝松谷少岱皆有詩名而不能工谷亦能填詞

臺中試士成詠

寄蹟厭諸俗遺累暫違喧崇局關開宇同方事討論榮

采松間溢鮮飈竹裏翻游毳下虛幌嚶禽振華國境開

將迎寂情欣妙善存中和諒不疚紛泮詎能煩却神九

霞表流睇南山樊靈關信伊邇勝踐竟誰敦試爲二三

子陳義在卮言

憶弟川文谷韻

端居不自貽晨起縱游日相思蕙草長南山意中綠迷

矣穎陽音懷哉泗上築何當展芳訊械題命雲鶴

發商州

長安砥漢坻魯門囑咸陽魯門不可見長安惟故鄉林

衍阻延眺川陸限雍梁覽俗殊方改合情帆路長已紆

千嶂隔何況雨茫茫河清誰能俟園華不再揚離索易

爲老沉憂中自傷

在仁懷古寺

春澤晝氤氲亂峯起烟霧巖扉日無事相思空館暮中
意不自持白雲訪龍樹象教非在言欸息微塵歎

放舟江中歷黑蠻諸灘

行子恨多阻乘流放輕舸拂綃亂寒嫩激雪揚素濤
然石闕下祇覺春旻高澗瀾風振帳霏霏露沾袍辭洲
景屬急歷整簪蕭蕭來峯巖將失却林忽已縈沿洞始
瀾瀾逗浦尚涵潯潯烟蘿杳相織兒驚飛且號微茫列巖
穴參差見茅綯殊邦和氣應中春發紅桃弱榮繁固
雜英飈清颺土人膳石耳山僧薦溪毛潤澤多嘉生蔚
興信靈臯却恨長往者冥跡皆人豪遂令處坎窞轉作
美遊邀不緣窮役苦焉知曠所遭嗟予慕蠶遁如何厠

出明詩卷五

元曹臨流羨梁雉持華歆陵君歆羨俱應我母使賞心
勞

瀘州用王會憲韻

銷魂徒黯黯深衷爲誰發空亭坐來久流雲吐華月春
河澹無波香鐘亦已歇憶極未成眠馳神阻天末

寶鷄道中時值立夏

漠漠水山靜英英嶺雲開縣廓儼天室瓊麗非人寰綠
竹蓬潭色白日寒松間平林布夏陰芳條謝春顏試聆
谷鳥轉已識南風還行役無已時登頓方險阻臨餐媿
紫巖俯躬惕青綸願言移家住華顛弄潺湲

春詞

花霧紫簾雙燕翔垂楊搖日金縷長寶釵蟬髻闌宮妝
自矜纖手弄流商秦聲燕曲空相望含情歛眉罷金柱
綠牕無人調鸚鵡

舟中望武當山

漢江夜雨千丈濶一葉飛下龍門灘七十二峯杳何所
武當之山真巘岼日月閃爍蒼翠裏元氣簾盪虛無間
南巖可望不可即霞衣遙拜金宮仙

綠竹引

恍如坐我淇水濱青霜襲裋褐援素琴恨不截之學鳳吟
嗚呼九苞不下食累累徒結千年實空亭日暮愁夕陰
天籟欲臨人籟息徒倚惘然擁碧條極目秦雲起湘色

出明詩卷五

入鄖

楚塞踰千里征人心未央杳冥憶秦隴昭曠接荆襄秣
馬息蘭坂看雲度石梁因之懷鳳匹長嘯晚山蒼

古意

朝雲與暮雨何處自霏霏玉帳芳塵掩蘭釭寶燭微白
然愁寂寞不用問容輝忍向無人裏春風試舞衣

立秋

素節商風起金河別鴈還美人隔湘水落葉暗關山海
日幾時上酒杯今夜開相看七夕近佳會滿人間

答柏山感秋之作

吳門木葉下高齋秋雨濛螢飛茂苑夕露湛古潭空離

思生寒草幽期識落楓遙看江北鴈六關幾時東

硤石遇王同年歸吳

硤石纔通憶春卿乍拂衣鄉心占海月客路采山薇舉世微名誤逢人高蹈稀得歸歸便得深掩故園扉

魏野草堂

車馬紛如積雲林只自閒門垂幾株柳身寄萬重山黃屋同明主清風激厚顏不知巖洞裏去鶴幾時還

紫柏寺

蘭若俯千峯香烟繞太空雨隨龍藏偈雲出虎溪風銜果珍禽至聽經玉女同如何蒼翠裏不許世緣通

白帝懷古

岩明詩鈔卷三

四

山轉巴人國江迴白帝城西南非王氣圖讖枉雄名鐵鏤開丹峽苒茅貢玉京時清今有象巫女盡調笙

送前渠藩伯回鎮

相憐俱北客相送復南天路指三巴盡人歸七夕前涼蟬催驛騎飛雨淨蠻烟幕府應多暇瑤華託鴈傳

七月七日新都

開閣涼風至依微新月生青林光已暝白露氣初橫暑病逢秋劇鄉書倚夢成如何牛女夜翻袍別離情

漢州得需兒書

漢館澄宵霽高齋下葉遲人今嘆西微樹亦愛東枝金鴈書回日青山淚盡時翻飛寧有意吾鬢已絲絲

聽黃鸝

萬里無鴻鴈持書付却誰離心春草共病骨緇袍知瘡雨荒山館蠶繭苦竹祠庭闌何處望愁畔一黃鸝

城固

沃野溝塍麗芳廬生事煩千林森夏氣一水上春痕花落雲生清鶯歌多秀村此中頻借問莫是小桃源

春日試牛

非關涉趣往聊爲避塵來殘雪高齋閉疎鐘古剎開園丁修歲事蔬甲薦春臺已買扁舟在凌波日幾回

九日龍岡奉同王大夫僚長

荒臺九口倍淒涼駟馬雙旌度石梁豐嶽鍾聲初應節

岩明詩鈔卷三

五

洞庭木葉盡飛霜予家魯水空凝望君指秦川是故鄉倚閣斜陽正愁絕不知黃菊爲誰黃

在泌陽鄉人持舍弟書至感賦

楊花如雪點征衣昨夜猶聞喚種歸桐柏山中蘭葉老漢王臺下藥苗肥三江鴻鴈歸應盡千里音書寄漸稀

莫恨風塵淹鬢髮且從雲樹辨鄉畿

送虹川先生之楚

清淮渺渺抱寒流十月旌旄下楚州七澤風雲占王氣九章詞賦憶靈脩身冠夢入星辰地孔蓋春經杜若洲

已有瑤華酬白雪郢中歌客未須愁

賞花友人家

久於林臥廢交期聞道君招每不辭對酒暫忘憂國念
賞花正及在家時春殘漸覺聞題鴉雨過須防長菰蔬
不爲物華增感慨浮雲世事每如斯

楊花

楊花浮素渠流蕩知何許青春去不辭黃鸝徒自語

青山館中夜

高館曉初深元心夜愈寂坐聞流水喧更覺春山闊

馬道望彌陀寺

翠木翳煙屏鐘聲下界微斜陽何所見鳥外一僧歸

戲代主客

芳意滿芳壘叢叢爲客開愛梅兼愛客問客可重來

崔明詩鈔卷三

六

若待重來日叢叢應盡飛何如坐梅下直取送梅歸

函谷見桃花

別時湖水溢芳堤桃李陰陰覆錦泥客路不知春尚在

看花猶憶洛陽西

鹽亭遺悶

四十餘年未老身五千里地一藩臣亦知短袖非能舞

敢笑當場大袖人

竹枝詞

卽君馳馬江上遊採桑女兒日暮愁女兒見桑不見馬

何川黃金裝絡頭

贈隱田任氏

青田瑤草與烟深抱恨時爲白石吟聞道秋風琅海夕
任公尙有釣鰲心

燕京暮春歌

三月楊花滿御溝可憐春色亦東流行人不用多惆悵
題鴉年年喚白頭

渭城曲

春風送客渭城西折柳亭前落日低聽馬漸隨塵影沒
黃鸝飛上戍樓啼

西內

西內沉沉接太微松林鳥鵲有恩暉微禽亦解朝宗意
日繞金鑒殿上飛

崔明詩鈔卷三

七

白漢言歸

川原歷歷夏雲飛滿目秦山故國非人向褒斜仍北轉
心隨漢水却東歸

寄馮子

渭水華原擬暫分那知回首萬重雲空山此夕相思甚
細雨疎燈夢見君

九日

暮倚危欄散獨愁寒城渺渺思悠悠風前欲問東南事

落木無言水自流

歷盡寒蕪上翠微雲山故國正堪依平生不解傷離析

亦向秋空嘆鴈飛

卽事

片片輕鷗綠水涯，隔溪楊柳是誰家。主人有酒不招客，開盡滿林紅杏花。

劉佐十五首

佐字一軒，德州人。嘉靖乙未進士，官冀北參議。

所著有《途初堂詩》。程正夫詩：「搜參議詩四冊在。」

惟餘五言近體，予選得數十首。他如「羅月藏書」，「曉薇風薰酒盃夜暗」，「龍吟雨春晴人御風」，「蘆葉」。

三秋馬梨花二月雪，沙深淹去騎。霧暗沒歸鴻，佳句頗多。

懷舊

野館殘燈夕，春城送客還。因君去，衛野憶我在商顏。別淚添新水，鄉心滿故山。天涯一悵望，回首碧潺湲。

岩明詩鈔卷三

衡川小泛

寒塘凌蚤發，烟水已驚秋。酒力因風健，歌聲帶月流。津亭迷海鴈，雲幕隱沙鷗。向晚懷歸去，孤城憶十洲。

陪王方伯盧巷登王屋山絕頂

天遠合空翠，山高絕履痕。到河分晉野，隔岸見秦原。日觀出雲表，星橋倚洞門。軒轅遺蹟在，憑弔幾黃昏。

尋沈隱君居

不識南塘路，門前洲水橫。花繁露夜雨，苔靜媚秋晴。柏徑穿雲入，芒鞋帶月征。山翁無外趣，恬澹味常清。

宿明月寺山房

梵響侵層漢，雲香護石牀。鶴來巢古木，人語隱長廊。玉

漏催銀箭，天河發曉光。明當避禁宇，暫爾聽寒蟬。

送戶曹謝子俊僉憲雲中

會餉三邊士，歸來捧玉書。霜華明野吹，月色滿穹廡。按部窺銅板，轅門候木魚。天王廉節制，誰復使君如。

寄龜蒙嚴處士

仗劍游三楚，歸來臥兩城。暮雲當戶入，秋水向門橫。泊子貧逾烈，榮公老更清。何時重把臂，一笑萬緣平。

早渡方順河

西山杳不分，松桂度樵雲。方水流殘雪，高林挂夜氛。遙天識鴈影，晴野辨星文。從此鴛鴦侶，終年麋鹿羣。

銅駝

岩明詩鈔卷三

九

陌上西風晚，相看荆棘園。霸陵秋逾碧，漢道日方微。天地塵埃滿，朝廷氣象非。盛衰原有數，高士識先機。

同胡戶部沙河晚眺

咸漠城邊水，雙橋引亂流。金輿虛度日，玉歷已經秋。沙白飛雲幕，山青列酒籌。干戈猶在眼，莫上驛邊樓。

辛少叅歸山東

頻向沙頭問歸雲，覆故城漸無新虎。握猶對舊龍旌，日月閑方久。溪山靜亦清，因君理鳥語。花外鷗鷺聲。

廢寺晚眺二首

禪院遺墟在，登臨慨晚秋。餘風吹細宇，殘雪照珠樓。落照穿雲下，飛螢曳火流。不知人世變，誰信泛虛舟。

入耳疑殘磬臨風聽莫蟬斷簷更歲月顏壁臥雲烟雪
實歸空日羅雲入化年夕陽最寥落猶待月娟娟

宿迴龍驛

水鄉多草樹楊柳引風長治國思周雅還家憶楚狂東
南多戰關天地幾帆檣尚想謳歌地牽衣送別觴

望雲中故壘

李陵臺下道無日不烽塵虎關回中路空埋塞上輪天
秋殘月曙日暮小山春內帑分財賦年年遣從臣

任萬里十首

萬里字圖南號梅軒掖縣人嘉靖乙未進士官
禮科給事中所著有梅軒集山東通志萬里奉
母孝在禮垣彈劾

岩明詩鈔卷三

十

不遇權貴母曰如君老何萬里曰忠孝不能兩
全寧奉母歸爾引疾致仕九萬不起王西樵
云黃門素有剛介之目其詩如秋寒澄江蕭森
平遠白沙鐘石復饒清麗之觀五言如斷橋依
水竹細雨靜川沙七言如縹緲秋空雙鳥下蕭
條山寺幾僧歸風急雨聲生亂竹天空馬影度

南陽道中

匹馬南州路蕭條有數家斷橋依水竹細雨靜川沙木
落催寒近雲生帶郭斜臥龍岡不遠回首一長嗟

宿靈果寺

久客天涯外寥寥感慨餘風微寒寺靜酒在故人踈豈
憚關山遠空慚歲月除燈光頻送喜疑是到鄉書

聞笛

承恩初出塞聞笛更逢秋清比桓伊弄哀添向秀愁關
山臨夜月楊柳折邊州一曲那能盡淒涼欲白頭

曉發襄陽遇雨

旌旗曉發星初落鳴雨頻過風更長漢水潺湲通楚蜀
峴山突兀控荆襄雲邊雉堞千年險樹裏樓臺六月涼
况是習池堪賞處可能一醉到花傍

秋日遊江上

暇日冠裳偶並遊碧雲紅樹麗清秋江間漁舸隨潮上
谷口風烟向晚收花色也知迎客笑鳥聲似爲亂鄉愁
三年奉使天涯外直北遙看是帝州

寒下卽事

岩明詩鈔卷三

十一

瀟瀟秋雨淨塵埃山木蒼蒼白鴈迴碣石天風吹不盡
戍樓暮角轉多哀禦戎久切中朝慮推轂誰堪上將才
迢遞此行真負主病懷愁絕幾時開

遊太白寺

滿寺松杉曙色寒更逢晴日萃衣冠傍巖樓閣窗中見
隔水雲霞天外看修竹泠泠清客思飛花寂寂落風端
珠林勝界誰能到還擬頻來坐夜闌

寒下曲

秦國已亡留紫塞桃花半落向餘寒經過盡日無車馬
惟有春風繞賀蘭

過戰場有感

萬里秋風吹朔漠千年營壘落寒鵬水聲不住東流去
疑是秦人怨未消

憶沱川兄時春夜宿臨明館

天空月上鴈來時猶記仙翁白鶴祠一別京華多少夢
春深無日不相思

王崇義九首

崇義字子山淄川人嘉靖戊戌進士官寧波知

府有見一詩稿邑志子山官州部時值官廨之
全活七十餘人及致仕歸欲營一屋避客不
能就好事者共成之因顏曰助軒其風規可想
矣

贈王主簿致政

定明詩鈔卷三

三

聖朝無逸士君自愛青山迹名謝珪組高蹈春風還雲
霞開遠岫蘿薛門常關我亦青雲人多君不可攀牽纓
總明主防帖逢多艱嶮山屹突帆般水縈潞浹何由遂
初服名與身俱閒漢家自有二疏傳遲吾與子希晚徘徊田麓間

雨晴書懷

積雨中宵散輕霞曙色蒼曉荷擎露濕虛館納雲涼孤
病門無客窮愁書滿牀幽居思轉極蓬蒿已淪浪

次韻和陳東治明府

新酒山中熟故人天上稀那堪問塞鴈聊復掩荆扉胡
騎鳴刁斗寒霜映鐵衣陳平獨妙計能解白登圍

賦得柳陰

映日因風動臨溪近午涼鳥聲暗不去客語興初長綠
入平沙暗青連細草芳章臺如市路猶遺送人忙

溪邊待酒

溪水清如許山人興復深如竹酒不至不覺月將臨遠
岸沙連草空塘露濕襟青門無語共白石已成吟

北村

山上青楓海上濤閉關擬賦子雲驢匣中歲月虛雙劍
鏡裏星霜換二毛數畝溝塍新地主十年塵土舊宮袍
陶公素有煙霞意此日逢秋興轉豪

送趙露泉僉憲陝西

定明詩鈔卷三

三

身袍持斧入三秦十月關城朔氣新鳴珮共憐雲署冷
看花仍憶曲江春乾坤西北煩戎馬海嶽中原識鳳麟
獨羨終軍正年少清朝未擬駐車輪

懷山祠和韻

和臺雲物見新晴十二山河擁盛名經典半隨秦火滅
詞章全得漢儒鳴淵明去後花無主謝朓吟來月有情
莫漫臨臆嘆留潛勉將功業答昇平

懷空寺

穿雲中人招提境結社來尋支遁盟銅葉蓮花傳畫漏
維摩夜雨聽經聲官則却憶陶宏景隱興還如向子平
但使長傾三昧酒不勞虛羨五侯鯖

龔秉德 十八首

秉德字性之號鴻一作紅洲漢州人嘉靖辛丑進

士官襄陽兵備副使所著有三部集龔汝成云

山水所至必盤桓終日三刻如先官潤州

司理繼官御史又官永嘉守自謂官者幻也集

以是得名及爲兵憲詩未專妙朱中云鴻

洲詩和粹婉麗藻思駿發激詩學之有人如是

江上贈別全文峯北上

嫋嫋江風生陰陰江雨歇潮來有定期君歸何時節雲

影淡不流山色遠還滅相持一尊酒慰此長途別

山行晚投梅心驛次李北山

長風捲霓旌深嶺度霜戟肩輿歷下坂懸崖畏巉石不

開樵採音轉覺山路窄蔓草棲蜚聲危巖留虎跡旅懷

鬱未平秋思亂如積蹊逕入松蘿羣峯掩孤驛我友昔

云邁停驂此憩息石壁落雲烟無由冀良覩伊余敵帝

材秋深忝茲役稅駕坐芳林聊因展席席陰陰雲遞寒

隱隱日沉夕伏枕憶同心空山未眠客

夏日齋居卽事

首夏物始和端居恣游衍林木花已敷池荷葉未展布

穀啼空桑流鶯下崇峴雨餘竹韻清日上巖光顯澄心

屏自捐縱目簾初捲偶因謝簿書兼得理墳典叨籍力

不任日榮分未淺感茲華髮上滄洲若在眼神與元化

并思將遺慮遺守道情白懷虛順顏無視升沉嗟倚伏

明晦歎尋轉性本戀烟蘿敢一輕軒冕

晚發過真宮由九度澗歷玉虛巖作

捫石躡重巒凌虛俯幽谷登陟盡險艱紫茸穿水竹潭

古潛蛟龍林深走康鹿激澗瀉潺湲奇花吐郁馥鬼斧

伊誰運鑿此仙人窟華構嵌巖岨欹飛簷懸突兀恍坡九

華峯疑入三天竺石髓呈異香瑤草抽新綠忽聞鳳簫

聲雲耕下廣陸南岳午鐘餘西林暮景促翩翩王子喬

邀我洞中宿戀此元境寂願言謝微祿

秋仲十四夜對月二首

素魄當樓滿清光逼枕多林疎疑鳥雀江白恐鼉鼉撫

景添幽思臨風起浩歌迢迢望霄漢此夕奈嫦娥

玉笛聲初歇耿耿臺影乍明桂枝凝露潤兔杵傍雲清涼

浸燕姬館光分漢成營華尊未敢問倚杖獨含情

甘露寺

逶迤盤石燈瀟灑度珠林草帶南朝色雲橫北固陰波

光紫戶濕樹影落巖深清磬泠泠發方窺靜者心

曉發龍潭道中

霓旌蕩烟靄星駕轉岩巒水落龍潭淺山連雉堞遙林

昏猶辨月江冷不聞潮漸覺鍾陵近淒涼憶六朝

天柱峯

氣齊羣峯秀雄疑萬仞標根蟠來脈遠頂峻得雲繞翠

黛春常滿靈光夜欲飄誰能回造化移向紫宸朝

得謝茂秦書寄懷十二韻

問訊梁園客進顏幾度秋詩真昇大歷名已動中州世
故多嬰慮身家不豫謀吟餘添白髮興遠寄滄洲和璧
逢清鑒隋珠豈暗投論交非許史下榻盡應劉時序淹
歸騎風塵戀敝裘冥搜探禹穴慷慨覩吳鉤白薄千金
產常輕萬戶侯孤鴻棲北野雙鯉到東甌好我頻貽賦
懷君獨倚樓何時重載酒共入醉鄉遊

寄答石川先生

江城曾謁水雲居千里瑤函重起予勳業行常昇五穀
離騷漫許繼三閭舟通石浦常看鴈門對清流詎少魚
聞道山公薦中散年來休著絕交書
過邯鄲有作簡董近淮同年

山南詩鈔卷三

去

千里塵沙一騎過邯鄲城古動悲歌呂翁祠畔蒼苔合
趙武臺邊芳草多無復美人調錦瑟空聞俠客擁瑤戈
漳河不共繁華沒日暮東風起夕波

雨花臺眺望有感

崇臺縹緲出雲孤春日憑虛覽壯圖江遶潯陽遙辨楚
山連京口半吞吳秦淮風土憐今昔王謝豪華問有無
回首長干傷往事六朝烟雨泥離鱗

江心寺同侯二谷金文峯眺望

秋風空憶故山薇忽向江心扣竹扉雀啄荒苔隨砌落
鳥迎寒雨逐船飛酒邊狂客花傳筆雲裏高僧珠繫衣
自古登臨多藻賦不知誰繼謝元暉

姑蘇漫興

吳王臺榭幾經秋霸業蕭條勝跡留千里湖山連震澤
萬家烟火帶長洲酒酣夜市淹朱箔花滿春城靜綺樓
獨有館娃宮草歇屢廊月冷不勝愁

自龍湫抵靈巖

溪迴磴轉入雲深古木蒼藤結午陰烟浦疎鐘來遠寺
石門流水瀉高岑山中逋客名黃綺洞裏真僧字道林
落日松濤響空谷疑聞鸛鶴送餘音

上巳日同彭膳部遊觀音山

珠林香閣倚嶙峋高棟危欄瞰水瀛爲客正當脩禊日
逢君如對永和人雨餘谷口迷青霽春滿江頭見綠蘋

山南詩鈔卷三

去

漫向名山誇勝跡還憑苦海問通津

曉發望大龍山

峭壁盤雲紫翠橫偶詢行者識山名鶴鳴漸覺巖光曙
龍臥應知澗水清合沓峯巒空色相霏微烟雨未分明
箇中定有王喬侶爲訪僊機學養生

王重光一首

重光字廷宜新城人嘉靖辛丑進士官貴州參
議贈太僕少卿家傳公以平賊宋本卒於王事
以子之垣貴贈戶部侍郎及孫象乾貴又贈戶
部少卿兵部尚書王氏起家進士著忠勤得贈
公始

赤水道中度雪關

四衛行應盡迴瞻道路遙永寧連蜀郡烏撒接滇嶠日
夜晴明少晨昏霧雨饒身經炎地熱顏入瘴江消亂石
蹟人足危橋折馬腰雪山凌日月風旗拂雲霄翠種輕
仇殺元戎善撫招平蠻非仗劍儀鳳木吹簫籌計匡王
國忠誠翊聖朝同僚如漆固薄宦忘鄉土頓驚夢
中宵獨寂寥

山左明詩鈔卷第十三

山左明詩鈔卷第十三

大

山左明詩鈔卷第十四

李攀龍 八十八首

攀龍字于麟號滄溟歷城人嘉靖甲辰進士歷
官河南按察使有滄溟集明史文苑傳攀龍為
儒學為詩歌已益顯訓詁學日讀古書里人共
目為狂生及由陝西子告歸構白雲樓名曰益
高賓客造門率謝不見大吏至亦然以是得備
傲聲稱後許葦蕪從廉問初官刑曹與濮州李
先芳臨清謝茂秦孝豐吳維嶽輩倡詩社王世
貞初入社即與攀龍訂交先芳既去宗臣梁有
譽人是為五子未幾徐中行吳國倫亦至乃改
稱七子諸人多少年才高氣銳互相標榜視當
世無人七才子之名播天下橫先芳維嶽不與
已而徐亦被擯攀龍遂為之魁才思勇銳名最
高獨心重世貞天下亦並稱王李又與李夢陽
何景明稱李何王李好之者推為一代宗匠亦
多受世扶擢云朱中丞云滄溟天才曠宕奇
氣特出天閭之逸足驚場之上匠王元美云

山左明詩鈔卷第十四

李于麟如峨眉積雪圓風蒸雲華氣色罕見
其此又云七言律詩至仲歌而極其壯麗而大
鱗而高胡元瑞云獻吉歌行于麟七律高華
雙麟並運各極摩天之勢又云于麟七律高華
傑起一代宗風文湛持云濟南七律接轡李
頗可無愧色漁洋山人云滄溟并州皆萬人
敵惟其徑稍多古調盡
失是以不逮弘正作者
按于麟元美變轍一時誠有俗人贊議者要謂
其實實亦贊滿天地高舉詞壇籠罩其傑固非
浪得名也虞山列朝詩指摘談柄吹毛求疵至
於所錄寥寥不憚人意舍長取短何堪字畫黨
伐餘習難李杜記能免乎于麟自足于
古訪傷之言亦何足校姑論其概云爾

古意二首

秋風西北起吹我游子裳浮雲從何來安知非故鄉蕭
蕭胡馬鳴翩翩下枯桑暮色入中原飛蓬轉戰場往路
不可懷行役自悲傷

嶢陰有孤竹常含千歲霜截爲雄鳴管其音中清商豈不在人耳世已無鳳凰新聲自一時豔曲亂高倡安得日相御並坐君子堂

五子詩

王元美

元美何翩翩夙昔秉靈異京洛多冠蓋襟觴各自媚所遇無此物識曲聽其偽大雅久沈邈時消作者至俯仰知音稀含茲未伸意但坐奮逸響側身向天地虛名喜誤人依依千載事浮雲相攬持白日一高視四顧命儔匹中懷誰可致凌厲于長氣文章此未墜

吳明卿

出南詩鈔卷十四

二

吳生蕩滌士明德復何早高舉凌風翻青雲漫浩浩良時冠帶會斗酒弄辭藻一彈中清商下里難爲好知音率已稀隱几存吾道衆言紛盈庭膠漆各自保掩耳走淆亂寒裳度潢潦罵坐豈盡狂流俗令人老陸沈金馬門懷袖諫書草白日有棄捐遊子悲不造

宗子相

婉婉維揚士早歲絕人識結撰有至思先民乃遺則時俗徒嗷嗷此物知者得鬱鬱獨往心百折江河力披覩他自媚我意安所測念茲携手驩榮名與令德浩蕩陰陽移吾道相終極語及千載事愀愀動顏色中懷誰可喻文章亦經國一爲嶢鳳言三款加餐食

徐子與

徐生一何俊本自青雲養十年注天目含意多素辭既聞風雅音三歎文在茲眇昧生榮名徒倚卽前經念爲理清曲高言倡者誰躑躅流俗間攜手不相疑時髦滿要路各謂中心私世人豈同願吾道欲委蛇黃金買大藥朱顏庶可持物理率如此和光難獨寢

梁公實

梁生起南海負氣何倜儻北交中原士徘徊得吾黨高名豈宿著一朝奮鴻響時俗既淆濁振水念獨往禮法難爲上局促向天壤王喬可等期服食理非枉引領還羅浮願言稅塵鞅俯視大河流逶迤浮雲上盛衰隨物

出南詩鈔卷十四

三

化世情自幽莽吾意當告誰黃金妬傾仰

二子詩二首

盧次樞

盧栢起河朔本自千金子蕩滌諸生間銷骨於積毀世無臨邛令焉得心尙爾深文類繆恭罪罟中徂喜乃繁黎陽獄十年攻一枝旣出浮邱賦始知有株累三嘆不同時帶口付諸理寥寥相如後誰能識察此

謝茂秦

謝栢吾黨彥軼軻京華陌黃金白不留朱顏亦已擲韋布豈盡愚嗤嗟名士籍握手金閨人中情多所適冠蓋羅長衢染翰日相索遂令清廟音乃在褐衣客一出遊

燕篇流俗忽復易還願望鹿門矯矯青雲翻

答寄俞仲蔚

鬱鬱龍門山下臨千仞谿孤桐生其間幹與浮雲齊
水擊其隈迴波蕩其涯野火燔其東飛雪塗其西莫則
止黃鵠朝則啼鵲鷄悲風從天來清商以淒淒伯牙不
能去傾耳中自諧匠石空扼腕運斤路何階琴瑟和神
人無乃非其懷結根既已異雨露難獨乖願言俯大壑
往就長離棲

許殿卿郭子坤見枉林園

明時再嬰疾際官此悠悠永言命沮溺二子乃從游田
家何所有樽酒結綢繆散髮坐園中輒轡牽寒流擊我
青門瓜聊且充庶羞雨氣蕩暄濁披襟御南樓開軒納
山色餘映一以收雲霞羅四隅烟火蔽林邱伏陰秀禾
黍餉婦媚原疇西望華陽官若見清河舟登臨信亦美
曠然銷人愁願君愛景光多暇還相求

九日集殿卿池亭分賦二首

卜幽命詞客冠蓋至如麋白雲滄蕭晨黃花媚新醞麗
翰湖山清開樽魚鳥近零露微池荷淒風攜籬樨徑回
片橋出林暝寒城隱臨流濯長纓飄然祛塵垢
寒空鵲嶺秀霽野湖水澗墟落散城隅池亭入幽豁雲
陰出水鮮石色含霜活白鳥下烟際歸鴻起天末返照
欵長林羣流亂相聒紫蟹壯可持濁醪美堪撥秋高吹

張老劇文園渴佳節有獨醒吾生豈云達

集張使君別業

清河迅寒流金輿杳空翠秋氣下高原蒼然西北至返
照散疎林蕭條烟景異零落復佳期茅茨况幽致握手
平生人笑談出往事舊游數子盡風流吾黨備千金抵
白髮一醉滿君意

集開元寺

流陰拂層岑返照翳深谷古寺入蕭條迴巖抱幽獨梵
影淨香臺鐘聲殷石屋絕壁棲禪誦懸厓下樵牧秋花
雨還瘦老樹霜逾禿寒泉可瑩心白雲况極目登臨客
自佳搖落時何速蔬色蕩腥羶苔光清簡牘新詩發神
秀舊游耿初服歸來杖屨便老去烟霞伏高城山睥睨
燈火通林麓言旋轉多興後期此同宿

送靳潁州子魯

華陽館前桑葉飛荆軻臺上送將歸爲言擊筑悲歌者
當時酒人今是非太守寒帷薊北來燕山忽斷楚天開
郡中曉日雪裏出霧裏秋濤桐柏迴黃金聖書發明光
東走潁州西豫章君家兄弟二千石承恩不數尙書郎
朱轡雙出領專城五馬踟躕五馬行漢上乘春徵計吏
小馮何讓大馮名

送新喻李明府伯承

爾昔紅顏客薊門獻書不報哀王孫一朝致身青雲裏

座上還開北海樽余亦題詩郭隗臺燕山秋色對銜杯
論交共惜黃金盡此處空悲駿馬來可憐郢曲今已久
下里之歌吾何有文章稍近五千言雅頌以還十九首
才子新傳白雪篇江城忽借使君賢那堪西署爲郎者
多病離居臥日邊

贈張子含茂才

憶昔中丞全盛時少年裘馬相追隨忽逢世變夙心違
逆旅荒涼舊識稀古來萬事皆如此何用空悲昨是非
流水無情白日速紅顏猶在黃金微飲君莫辭燕市酒
欲行不行重攜手青雲今有故人在好贈綈袍哀王孫
送張子參募兵真定諸郡

出南詩鈔卷西

六

薊門昔在胡塵中匈奴火照西山紅苞廬相望赤縣陰
腥羶未厭神靈空君王拊髀過郎署侍臣扼腕談邊功
每飯不忘鉅鹿戰千金先發華陽宮那少年游俠子
腰間匕首懸秋水出身願屬羽林兒橫行晉奪單于壘
騰裝夜別縱博場貴酒朝辭挾瑟伎馬上風雲八陣成
帳前鼓角三軍起故人新貴寵軒墀亂後高名衆始知
國士漸看投筆至主恩况許請纓爲天寒恒憐倚長劍
雪滿滹沱擁大旗歸來漢苑生春草見爾論兵散暮遲

送謝茂秦

孝宗以來多大雅布衣往往稱作者謝家玉樹操郢音
其曲彌高和彌寡寓梁曾曳王門裾遊燕欲薦中涓馬

豈無冠蓋映當時滿眼悠悠世上兒文章千載一知己
交結何須鍾子期此物有神兼有分富貴浮雲不與之
盧柑坐銜越石恩醉後感激肝膽言蒼鷹睨鸚鵡起賦
身挂羅網何由翻殷憂楚奏秦庭哭途雪黎陽國士冤
歸去東將釣滄海安能貧賤常邱樊早借江鴻報消息
或臥春雲且故園

南溪老樹行

老樹橫溪十畝陰下有跳波三百頃酒罷捫蘿坐其上
白眼青天何不逞斗牛之間見浮槎蒼茫宇宙成漂梗
念我平生湖海客衣裳冷冷風馭冷文章八代俱望洋
心事幾人同哀郢醉裏誰堪此陸沈俠來氣與千濤猛

出南詩鈔卷西

七

洛浦明珠舊寂寥渥洼神駿空馳騁飄然大叫觀者催
那知世路滄洲永投足還探河伯宮俯身欲拾中流影
驪龍蜿蜒垂霧雨虹霓繚繞含光景須臾力疲神亦眩
乾坤低昂發深省最奇披髮泗水梁願言洗耳臨箕顛
初看長駕出鼉鼉豈云吾道終蛙黾王郎驅石到渤海
徐子招招迴舳舻此時共濟失狂瀾卻悲胥溺情難整
泥塗詎可困豪俊男兒相逢誇項領遂憶鳴鞭昨夜歸
湘娥漢女猶延頸羣靈至今未敢散寒江颯颯開塵境

送元美

王生二十趨明光是時作者不可當世上之名他自誤
須君千載垂文章夙昔陸沈秋憲府風塵慘淡尙書郎

心知此物難再遇片語論交燕市傍攜手七陵朔漠色
悲風九月吹白楊居然宇宙見雄俊曉曉今古神飛揚
流俗紛紛失肝膽那能結客聲利場近日操觚滿京洛
江河決注非其長家握靈珠戶和璧及逢周客皆深藏
高才梗楠與杞梓吾道麒麟或鳳凰清廟遺音壯昭代
天庭火藻懸衣裳生也經綸斯濫觴混塵安取金躍冶
養銳更羞錐處囊伊周屈宋儻易地鈞衡藝苑俱稱良
生也爲情誠彷彿但願右挹擊筑之荆卿左拍接輿之
楚狂二豪侍側乃蝶庵四子講德如蜩螗舉觴白眼天
茫茫秋風胡爲歸故鄉亦欲送生從此去留生不住悲
河梁彩虹千尺挂碣石贈生千里爲帆檣

崑山詩卷十四

八

送子相

自作白雲郎未厭滄洲意偶然薄祿混風塵論交千里
賢豪至元美翩翩多奇氣南越梁生亦雄視二子招攜
從此逝爾今臥病緣何事綠鬢還鄉已壯遊錦帆十月
下揚州移家好住昭明樓種瓜莫羨東陵侯文章萬古
垂大業富貴浮雲非所求知君林壑百不憂圖書四壁
高松秋世人那識淮海士須行便爲名山相丈夫義豈
辱顏色使我摧眉去卽休休安能嚮向權勢唱咄空令
達者羞夙昔竟寥闊後來復決莽相看一別雨墜天他
時神劍來相爽旣言却鼓走麟鳳朝廷寧得無吾黨卿
也油簪且傾仰漁陽日影黯如壓薊門雪花大於掌馬

上燕歌雙徵聲壺中酒盡君當往

答許右史

王門隱者身坎壈老叟長裾裾矧娜自言能料一生事
及至干時計常左從它慘淡復爲誰卽得新詩題向我
雨雪蓬蒿共三徑春色傳伶餘藥裝濁醪但熟貧亦足
微官纔罷病輒安胸中壘塊故須澆乘興往來無不可
白眼生成薄祿相青山合就漁樵影趙壹疾邪衆所擯
邠陽暗投才應坐羨爾悠悠世上情回頭數千殊么麼

贈殷卿

前年賜環承主恩去年解裾辭王門身經畏途色不動
心知世事口不論自顧平生爲人淺羨君逃名我不免

崑山詩卷十四

九

自憐垂老尙憑陵羨君混俗我不能有酒便呼桃葉妓
得錢卽飯蓮花僧

秋扇

自從團扇棄空復掩梁塵寒影收雲葉清光暗月輪誰
憐班氏女薄命漢宮人但使絨蘭筍君情會更新

登省中樓

蕭瑟賦悲哉西山爽氣開白雲海色斷落日秋陰來砧
高長樂苑鴈下華陽臺如何此時望客思轉難裁

長陵

明禋趨歲序陟降儼昭回客物中原在乾坤北極開松
八千騎入風雨百靈來共話犁庭役遺弓重可哀

聞砧

永夜盧家婦深閨坐自傷拭砧散明月投杵上清霜別恨繁綺綺哀音急鴈行同袍征戰盡刀尺斷人腸

送沈郎中守順慶

見說襄帷處千山擁使君嘉陵渡春水棧道轉秋雲郡下平蠻檄家傳論蜀文病餘僥臥理能不憶離羣

重別李戶曹

舊遊京陌滿何處却知行念子從王事令人識宦情春風吹遠別芳草送孤征莫嘆謀身拙前賢重請纓

出郭

出郭隨吾適人家杜曲邊溪流紫去馬山路入鳴蟬禾

山左詩鈔卷四

十

黍殷秋作茅茨足晝眠可能祛物役歸買汶陽田

秋夜

豈敢歆芳樹多時信轉蓬鄉心生夜雨客病臥秋風大藥三山外浮名四海中自知成汗漫還與衆人同

春日

爲客淹歸騎思家過斷鴻春衣花發後寒食雨聲中生事羞人問時名與衆同自甘郎署隱不哭宦途窮

登黃榆馬陵諸山是太行絕頂處二首

黃榆高不極臨眺亦奇哉河勢中原折山形上黨來白雲橫塞斷寒峽倚天開搖落清秋色多慙作賦才

秋色自冥冥風烟接井陘關門開落日山路出寒星太

守方乘障清時敢勒銘杉松迴朔氣哀壑未堪聽

郡齋送張肖甫

送君何所有城上太行山落日堪相憶浮雲未可攀俱言張翰去得御李膺還莫自悲秋色能摧壯士顏

寄元美

漁陽春欲盡漢使未堪愁邊郡多豪俠風塵一壯遊浮雲塞大漠白日澹幽州莫更觀遼海蕭條正北流

關門雪望

西來千里雪斜日滿函關秋水何當落浮雲自不還積陰高紫氣寒色壯秦山似欲欺雙鬢蒼茫到客顏

涇州

山左詩鈔卷四

十一

迴磴層雲上孤城返照間人烟趨白阪睥睨走青山芻粟汙涇下旌旗度隴還時看乘郭吏車馬出蕭關

白雪樓

諸郎難得意非是敢沈冥拙宦無同病清時有獨醒千家寒雨白雙闕曉烟青又值高樓鳳寥寥不可聽

夏日東村臥病

自甘成獨往誰復病相憐金盡論交地囊餘解損篇清齋芳藥仰華髮媚林泉不必憂生事深耕種秫田

冬日村居

高臥堪人事幽棲豈世情老松寒更拙片竹冷逾清擁褐江湖色鳴琴雨雪聲嬾心常近傲不是學莊生

秋日村居

不必知名姓中原一病夫柴荆存古色藥餌泥窮途落
日懸魚笱西風纏轆轤生涯君自見百畝白雲湖

送趙戶部出守淮陽

仙郎起草漢明光幾載軍儲事朔方五馬新爲淮海郡
三臺舊署度支章行車麥秀隨春雨臥關花深對夕陽
時憶上林詞賦客鴻書遙下楚雲長

送郭子坤下第還濟南

華省栖遲白髮新因憐失意轉憐春樽前病起逢寒食
客裏花開別故人賦就自堪生顧盼才高豈合老風塵
燕臺郭隗君家事不擬驂騑不致身

送王郎守安慶

花滿胡姬春酒樓使君五馬五驂驄明光起草推高第
三十專城領上游天柱西懸江漢影海門東控帝王州
到來紆畫思同舍萬里風烟白鴈秋

送豐城杜少府謫滇南

共惜投荒萬里天當朝起草事空傳主恩綠鬢神仙尉
客夢青雲侍從年盤水秋帆開瘴癘黔陽春樹隔風烟
孤臣自有豐城劍遙夜思家向斗邊

送皇甫別駕往開州

衙杯昨日夏雲過愁向燕山送玉珂吳下詩名諸弟少
天涯宦跡左遷多人家夜雨黎陽樹客渡秋風瓠子河

自有呂虔刀可贈開州別駕豈蹉跎

署中有憶江南梅花者因以爲賦

欲問梅花上苑遲座中南客重相思開簾者有青山色
對酒人如白雪枝驛使書來春不見仙郎夢斷月應知
偏驚直北多烽火昨夜關山笛裏吹

初春元美席上贈茂秦得關字

鳳城楊柳又堪攀謝朓西園未擬還客久高吟生白髮
春來歸夢滿青山明時抱病風塵下短褐論交天地間
聞道鹿門妻子在祗今詞賦且燕關

送李司封謫廣陵

明光起草羨青春服藥求仙笑此身白首雲霄空薦士
黃金渤海未逢人廣陵鴻鴈來秋色寒雨江楓度逐臣
見說故園湘水上嬾將詞賦弔靈均

徐子與席懷梁公實

共指金莖雪色問鳴珂當日滿朝班卽看徐孺能懸榻
豈謂梁鴻更出關薄宦天涯成白首故人江上買青山
嶺南梅樹今堪折贈我寧無驛使還

懷子相

薊門秋杪送仙槎此日開樽感歲華臥病山中生桂樹
懷人江上落梅花春來鴻鴈書千里夜色樓臺雪萬家
南粵東吳還獨往應憐薄宦滯天涯

平涼

春色蕭條白日斜平涼西北見天涯唯餘青草王孫路
不屬朱門帝子家宛馬如雲開漢苑秦兵二月走胡沙
欲投萬里封侯筆愧我談經鬢有華

送俞按察之湖廣

檐帷十載使君東開府還當初地雄江漢日高天子氣
樓臺秋敞大王風重瞻執法臨台象自許論文見園工
有客僅能鸚鵡賦莫令才子嘆漂蓬

送吳峻伯之楚

才子風流滿禁林傳經海岱主恩深諸生自紀衡魚事
千里誰知相馬心王氣日隨江漢轉方城春壓洞庭陰
憐君宦跡偏形勝四十叅藩豈滯淫

山南詩鈔卷十四

古

重送山甫

短髮蕭蕭日影孤清秋行色又皇都百錢杖底猶懸否
片刺懷中好在無老去他鄉惟藥物愁來佳句滿江湖
只言倒屣尋常事不是燕山舊酒徒

夏日裴生過鮑山樓

長白山人本種田談經半住嵒湖邊携來滿甕春城酒
乞得諸生月俸錢倚檻四高滄海氣衝杯一望縉雲天
尋常鶻黍休嫌薄不淺交情二十年

於白雪樓送裴生入貢

樓上春陰動曉寒鮑門千里入憑闌別來白雪還誰和
老去青雲好自看天子今逢新禹貢諸生不改舊周官

軒若問羊裘客莫道江湖有釣竿

上朱大司空

河隄使者大司空兼領中丞節制同轉餉千年軍國壯
朝宗萬里帝圖雄春流無恙桃花水秋色依然瓠子宮
太史但裁清泚志丈人何減漢臣風

答謝生盤山詩

愛爾躋攀處奇踪滿報章山盤元氣出寺抱翠微藏拂
石搖天影披花帶雨香千峯回白首萬壑步清霜鼓角
關榆墮旌旗塞草長陰風來大漠秋日下漁陽海色秦
城外邊聲漢苑旁秋因臨望代遂得紀金湯

賦得邊馬有歸心

山南詩鈔卷十四

五

飛將驅天厖乘秋踏大荒三軍呼驃騎一戰蹶名王急
難才堪老橫行勢可當嘶聲悲漢月顧影淨胡霜總轡
陰山上鳴鑼瀚海旁何如春草色蹢躅向長楊

初春

物色看如昨愁時獨不醒春陰含雨白日氣宿靄青國
土紆三表王師歷二庭獻俘當祖社制勝本朝廷使者
行飛輓將軍議勒銘誰憐劉子駿心事有傳經

五日同子相遊天寧寺

四海攜名士彌天得上方絲絲還合節白馬自開皇揮
拂靈花裏攤經祇樹傍燈輪侵日出塔影入雲藏淨土
不聞事清齋復妙香幻知看絳冕靜欲厭詞章薛荔來

風雨杉松接渺茫人間空競渡未解問慈航

郡齋同元美賦得高宇

風塵如昨日千里得同袍秋色隨佳句浮名避濁醪故人滄海遠使者白雲高小郡常懸榻君家自佩刀飛揚鞭引約慘淡簿書勞別後看多士元龍未似豪

答潘仲子和贈張茂才見枉林園之作

似解滄洲趣因傳白雪聲時才方上下秋興獨縱橫車馬分交態林園斷世情名寧花萼重句自薜蘿清弱冠推高第雄飛失後生二毛知老筆三抱見連城業已深移疾間仍事耦耕有君堪倒屣一爲歛柴荆

與劉憲使過子與大佛寺

宏明詩鈔卷十四

七

西湖斜日淨風烟北嶺岩堯出半天磴道乍從空外轉樓臺已入鏡中懸塔分西域銅鉗勢石紀秦官錦纜年白社但須彭澤酒青山不用華家錢波搖玉樹堪雙映月上珠林好獨眠我輩自狂君莫訝平生未敢謬周旋

山中

君去何時歸山中春草夕莫將白雲廬不及紅塵陌

寄登宗秀才茂登池亭二首

笑此杯中物從他世上名黃金結客盡誰識濟南生宿中采蓮舟落日菱歌起坐見浣紗人紅顏照秋水

渡易水贈伯承

七首腰間鳴蕭蕭北風起平生壯士心可以照寒水

春日自戲

自從移疾後誰謂主恩疎每及山林士天顏滿薦書

寄襲功

白雲湖上白雲飛長白山中去不歸君在幾峯秋色過何人共結薜蘿衣

送劉戶部督餉湖廣二首

馬上春風白接羅花開應醉習家池鹿門蒼蒼何人在今日襄陽異昔時

錦帆南入楚雲重江上遙看衡嶽峯落日蒼茫秋不斷

青天七十二芙蓉

席上賦飲歌送元美

宏明詩鈔卷十四

七

碧天無盡白雲孤到日扁舟落五湖不見薊門秋草色愁心明月滿姑蘇

再別子與

知君起草建章宮每見徵書問畫熊在昔漢臣多領郡黃金先賜右扶風

於郡城送明卿之江西

江上青山滿謫居還家莫戀武昌魚君王日下求賢詔憶爾還開諫獵書

青楓颯颯雨淒淒秋色遙看入楚迷誰向孤舟憐逐客

白雲相送大江西

郡齋同元美賦得橋字

山色秋停使者輶孤城何處不蕭條請看襄子宮前水
依舊東流豫讓橋

懷明卿

豫章西望彩雲間九派長江九疊山高臥不須窺石鏡
秋風憔悴待臣顏

宿林泉觀

盟漱焚香坐翠微煙霞猶在芰荷衣怪來不作人間夢
一夜寒泉拂牖飛

殿卿別業二首

負郭田荒勸客耕隣家酒熟任逢迎只今何異吳門卒
枉殺梁鴻變姓名

崔明詩鈔卷十四

六

牀頭詩草日生塵架上長裙嬾著身自訝閉門無一事
春來擬作緯蕭人

酬許右史九日小山見贈

十載銜杯望白雲天涯此日歎離羣重來秋色生雙鬢
更折茱萸插向君

聞鴈得元美兄弟書却寄

春風忽送鴈行迴病客新銜白雪杯一度三江聲自苦
君家兄弟寄書來

贈梁伯龍

太華峯頭玉女壇別時明月滿長安不知秋色今多少
君到仙人掌上看

許邦才三十二首

邦才字殿卿號空石歷城人嘉靖癸卯鄉試第

一人官永寧知州終周府長史所著有海右梁

園二集

山東通志云有陳泰樓集朱中立云
金石詩微千鱗而氣格不逮然千鱗詩
多客氣而空石溫厚或過之謝茂秦云殿卿
軒豪舉旁若無人明詩綜詩話殿卿如銳
頭年少時氣殊倫令張正言為之不足過也

歲暮贈于鱗

長卿幕人千載前何以與君俱少年子雲期人千載後
何以與君共白首君有仙才自不知顧我逃禪衆所嗤
擁褐閉關恣懷寢買山百里猶嫌淺終年藥裹清羸疾
深夜高吟獨抱膝興來招客登華顛醉去目客談劍術

崔明詩鈔卷十四

九

神通寺二首

百里泰山陰千年號寶林諸天聞說法初地問安心古
殿松聲合長廊月色深夢醒禪榻寂清磬下雲岑

寤寐東南勝深秋更一過青山過橋盡黃葉擁川多丈
室因巖穴經臺上薦蘿同遊仍抱病試與問維摩

舟中

客子常明發霜天正寂寥移舟星在水解纜月隨潮往
事流波駛歸心帆影搖更堪聞過鴈蘆花共蕭蕭

平越道中

華髮爲遷客羸軀萬里遙風烟連七澤驛域控三苗無
外元王化生還且聖朝魂消今已久宋玉可能招

中秋夜清平館對月

積陰初見月况復值中秋舊國人誰健殊方我獨愁蒼
茫初度海窈窕漸當樓絕勝臨朝鏡分明照白頭

襄陽襄憲副見貽

辛苦南夷謫狂吟入楚來風霜能護客天地本憐才羊
叔祠前路習家池上臺故人能枉贈江漢此徘徊

晚行卽事

秋陰天易暮行客倍生愁江曲明漁火山椒隱戍樓密
林驚月黑疑路怯星流犬吠荒村近喧呼隔岸舟

靈巖寺

洞壑繁廻繞梵宮諸天色相坐來同巖厓陰積千年雪

山明詩鈔卷十四

三

鈴鐸宵聞十里風寺抱五雲金界麗塔銜孤月玉毫空

石僧東嶺緣何事似指蓮花問朗公

于鱗宅送江山人

良夜琴尊興不孤蕭然行色峭山湖天涯芳草思公子
雪後春風戀酒徒那惜十年共舉白從來百萬判呼盧
河橋楊柳誰堪把况復梅花正滿途

初冬簡于鱗

繁霜十月鴈來稀客舍蕭蕭已授衣幾杵殘砧明月夜
一場鄉夢白雲關思君真可令人老望遠何曾當得歸
珍重別離逢歲晚湖雲開却釣魚磯

秋思

落魄梁園日醉歌草鱸歸思竟蹉跎探囊無失黃金色
攬鏡無如白髮何天際斷鴻勞悵望客中枯樹對婆娑
夜來明月舟堪棹海岱秋深風雨多

薊門道中憶于鱗

久客深秋出薊門晚蟬開處倍消魂斷雲疎雨綠山路
孤樹高春隔水村鄉思每因歸馬劇交情若卽故人論
眼中千里非迢遞幾日應還仲蔚園

楊柳青懷于鱗

長河孤舫雨冥冥夾岸蘆花照遠江十里亭過詩欲就
一帆風駛酒初醒寒江曾采芙蓉紫水驛今經楊柳青
長路不妨仍作客故人延佇敞秋屏

山明詩鈔卷十四

三

客中元日

客中逢改歲不解是何鄉時見懸門帖春風動夜郎

曉行

叢樹吹烟合柴扉知幾家鷄聲時嗶嗶微徑帶霜斜

渡江

雲樹迷濛裏烟波浩渺間朔風吹暮雪遷客渡江還

隋堤柳

汴水秋風著柳枝長堤一望影參差不知錦纜經過後
憔悴如今又幾時

春晚城西卽事

花老春深風更顛勝遊常負恨年年不堪送客夷門道

落日河橋聞杜鵑

梁園阻雪劉計部客舍見招并呈陸大理二首

日暮寒風吹客衣林鴉冉冉雪霏霏愁中恰遇劉公幹
顛顛梁園共憶歸

風雪梁園笑語頻尊前初共月華新可憐白首鄒枚在
不見當年授簡人

九日干鱗招登四里山

歲序驚心水急流年來又白幾人頭那知綠酒青山外
惟有黃花似故秋

送高都護入賀

將軍白馬插雕弧自傍屬車誇射鳥陛下聖明三萬歲

山左明詩鈔卷西

三

微臣直至執金吾

送謝中丞歸射洪二首

六月江干水雪涼射洪春酒鬱金香自從筇竹通西夏
漢使年年出夜郎

巫峽江陵一水分猿聲兩岸夜成羣遙知月下孤臣淚
才到三聲不忍聞

寄懷王元美都下

帝鄉人遠白雲秋空憶青蓮避暑遊一夜霜華催髮變
萬山紅樹對生愁

鴻鴈驚秋海上還片雲孤月蘄門關無端昨夜西窗夢
不道千山與萬山

平原道中答于鱗送別韻二首

灤水橋邊柳作花紛紛晴雪撲行車花前不醉君家酒
暮雨孤村何處賒

郵亭夢覺正三更窗上花陰轉月明徒倚曉鐘傳遠寺
更無人見苦離情

宿龍里有懷于鱗

高城返照雨初收白草茫茫野戍秋明月滿樓蟲語切
撩人夢不到邢州

夜投山家宿

西南夷徼萬山隈昔日誰教漢帝開野鳥常呼行不得
馬蹄那復夜深來

山左明詩鈔卷十四

三

新添驛

野館孤燈半滅明江城月落夜潮生無端鄉思三更後
聽盡蕭蕭風雨聲

留別劉公

秋風長缺幸生還明日孤臣入楚關莫道三年人萬里
天涯消得幾重山

山左明詩鈔卷第十四

山左明詩鈔卷第十五

楊魏 五十五首

魏字伯謙號夢山海豐人嘉靖丁未進士授知縣歷官吏部尚書加太子太保卒贈少保有夢

山存家詩稿以史水傳魏外官晉泰有邊功再
力止營建行宮之役故歷中外其有弊及秉鉉
素望少抑然有清操性長厚不為利動行年
九十二朱中立云夢山詩不事雕繪旨趣天
成漁洋山人云先生五言直承晉魏真澹雅
素而格在其中陶韋之嫡派王之門行又
云五言冲古澹泊在高子集華子潛孟之問
如遠道令人愁况近軍千墨秋風起馬門羽書
日三至微徵景流天填色俱素鄉心生塞草
世事人秋風風雨樓煩關山李牧祠開將流
水引夢與古人居雨霽殘秋地城分不夜天石
古苔生獨泉香磨過餘皆遁古作明詩綜詩

山左明詩鈔卷十五

話當嘉靖初年北地信陽朝華已謝歷下繼起
一時宗之夢山與之同郡而不染其習今讀其
詩正如水仙十臺江梅一萼嫣然薄水殘雪之
外有不愛惜者耶謝方山云先生擅場本在
五言其近體妙處發源王孟接軌高薛嘉隆
應氣之習會未染其筆端故是問代清律

彈琴峽

瑤琴何處聞停車空緬想谷靜水聲幽霜餘山氣朗無
聲心亦閒况復聞清響大道晦有時靈物豈易賞徘徊
坐盤石高歌動林莽

送漳渠楊公分守雲中

恨望雲中城猶隔桑乾水遠道令人愁况近單于壘單
于何猖狂侵掠日未已蒼茫應與朔望眼生荆杞天子
厘宵旰吾徒寧不恥楊公慷慨人憤時恒拊髀談兵樽

祖間往往得神理茲行詎徒然王庭應遠徙分手勿踟
躕丈夫志萬里

讀友問集 何遜著

獨把一編坐門前雙鳥喧春風來幾日草木倏以蕃因
茲悟至理兀兀欲忘言

訓董信溪雪餘枉顧

山園何寥寥雪餘枉高步自愧非戴家乃勞子猷顧呼
酒暢幽懷烹茶有隱趣徒倚曠烟樹瑤華綴林樹微微
霽景流天壤色俱素深擁初祖門清憶謝庭句苟非佳
客來茲意成淪謨言別日將夕恨望城南路

春日述懷

山左明詩鈔卷十五

曉齋春雨歇一鳥當窗鳴山雲入我座不知在邊城風
心本閒曠偶無塵事繁手把楞伽讀忽已忘吾生軒冕
是何物可以櫻其情君子貴得道誰能顧浮名

初至鴈門謁閔中丞

余本魯諸生未習戎馬事前年釋短褐萬里向邊地秋
風起鴈門羽書日三至中丞燕趙豪臨敵有暇思幕中
集羣畫轅門列虎士亦欲效區區坐使羈場治但求干
戈戢勳名非所志

初春臥病答喻明府韻

元英歲云謝纔綿仍負病百齡今已半日月諒無多心
舍萬古愁豈不滑其和春來散情性徒倚盼庭柯賢愚

會有極執如冥運何開門得瓊藻慷慨一悲歌道喪昔
已然不必問蹉跎祇當飲美酒莫使歲華過

和王憲副西石宿左衛見懷

寒夜客何如更堪喧鼓角亂山殘雪裏能無動離索羊
河不隔夢飛去共君酌兩地結孤悵燈花向人落

宿太安驛

長路客心倦懸崖暮景斜空深雲並黑夜久月初華短
燭啼山鬼高風動塞笳王城知漸近猶自夢烟霞

過鶴子峪

十里松間路松聲雜鳥聲山雲多變態野水自縱橫古
木題詩坐懸崖下馬行可憐幽絕處只是近邊城

崧明詩鈔卷十五

三

北樓口別許參戎

擾擾烟塵際離觴對晚暉悲風嘶去馬落葉上征衣野
燒臨河斷寒沙帶雪飛願君思滅虜慷慨振軍威

役役

役役憐終日驅車西復東客心生塞草世事入秋風意
向簿書倦愁因疾病空祇應滄海上高坐學漁翁

送黎樂溪憲副轉甘肅太僕

白嶺千山外黃河萬國西寒雲秋渺渺沙草日淒淒遠
地難離別邊城尚鼓鼙張王名未泯嗣政定思齊

柏溪書屋二首

多才漢司馬高調謝臨川業在青山裏人來滄海邊論

文驚琬琰把酒向雲烟未遂卜居志空歌伐木篇

八夏門長開爲園道不踈開將流水引夢與古人居野
鶴窺九葉山精聽讀書聲詩自來往風起柳塘初

忻州夜雨

世慮已難遣况當旅館秋寒城夜半雨故國夢中樓河
漢幾時曙蛩螢增客愁鴈門明日路鼓角入邊州

再過柏井驛別任柏溪鎧

十載題詩處青山滿驛門與君今日別白髮向中原客
路看春樹寒燈照夜言明朝故關上回首一銷魂

鴈門九日無興登高作詩二首

選一

把酒不能醉登高奈所思豈堪雲斷處正值鴈同時風

崧明詩鈔卷十五

四

雨樓煩國關山李牧祠寒花無意賞况復鬢毛衰

春日懷歸

岸幘花前坐忽同林下居春風吹戶牖芳草徧庭除嗜
酒無餘俸多愁懶著書歸歟桃嶺上兄弟共耕鋤

行靜樂梁嶺山中

巖壑行來好松杉畫不如經年無客到何處有人居石
古苔生徧泉香麝過餘買山能得此亦可結吾廬

霜化夜集感舊

別去憶多年張燈惜此筵故人嗟老矣吾鬢亦蒼然雨
聲殘秋地城分不夜天從今數來往同種海西田

秋日閒居

笑我起居處寥寥一竹床長貧諳性命多病識行藏地
與紅塵遠秋憐白日涼山僧久不至木落井西堂

還家逢九日

芳辰來故國秋色徧柴門正值菊花候新開竹葉尊晴
雲高鴈鷺暮雨長蘭蓀偶誦閒居詠斯人可共論

海鄉閒鴈

平蕪霜露合孤鴈尚南征影落黃龍渚聲淒魏豹城殘
雲疑路斷新月似弦驚十載關山北曾傷故國情

醉臥讀高蘇門詩

閒居長是醉高枕任吾欹懶慢心方得蹉跎老豈知北
窗風到處深樹鳥鳴時世事一無好猶耽陶韋詩

山齋詩鈔卷五

五

送程尉還蜀

與君萬里別忍見柳條春已恨罷官早兼悲爲客貧猿
聲來峽口草色暗江津想就嚴平卜行藏不在人

早秋登龍門城樓二首

朔寒樓頻倚新秋天乍晴雲山兼日色鼓角帶邊聲路
有元人轍臺餘漢將名楊公石柱在極目舊開平

指點雲州地眞爲漢北門八城臨大漠一路向中原晴
日山川映秋田黍稷繁文莊經略處父老至今言

邊城見燕子

寥落邊城裏還看燕子來主人寧見如蓬戶定頻開地
迴巢難就風寒羽易摧翩翩懷舊侶何處傍池臺

九日登高

已作雲中客還登塞上臺風塵回老眼節序託深杯碧
海鴈行斷陰山雨氣來故園今日菊惆悵向誰開

春齋漫興

遠地無人到春風憶故林傍簷獨鳥鳴積雨衆芳深中
散琴爲侶山公酒是心欲騎黃鶴去萬里孰能尋

環縣早行

胡虜平無日滄江未擬還燈前梳白髮馬上夢青山薄
曙羣峯外殘星杳靄間鷄鳴問何處已過古蕭關

永壽道中

不知山縣處忽聽午時鷄城郭到方見烟雲看漸低人
疑勾漏令地卽武陵溪正是花開日香風趁馬蹄

山齋詩鈔卷五

六

蕭關北作

塞路山難斷天愁雲不開遙驚戍火起數見羽書來周
室朔方郡唐家靈武臺客心正多感羌笛暮堪哀

宿瓦雲驛

蕭條來野館秋草正淒淒復此聞風雨兼之厭鼓鼙經
年階樹老入夜怪禽啼獨坐生歸思田園渤海西

繁峙縣逢林野橋戶部

秋高山下縣夕照寒邊村以我淹留所聞君慷慨言
輟疲內地烽火入關門懷土兼憂國同傷客裏魂

送張華巖入賀兼憶舊遊

征蓋天邊望去塵青華八月是長春呼嵩遙想千官處
戀闕空憐萬里身海內靈芝隨地賁懷中寶鑑定誰陳
因君回首雲霄上鳴珮如今幾故人

王阮亭云五
六賦世宗也

沙洲驛逢劉參戎

風塵滿目塞門間愧我書生鬢欲斑爲問干戈何日定
不知江海幾人還河聲暮遶沙邊驛雪色晴看天外山
全仗將軍能破虜莫令匹馬近三關

古城看獵因至黃龍渚

古城城畔斷蓬飛日壓平原正合圍才短豈能爲獵賦
年衰猶未息兵機卽看滿日寒雲起忽憶邊頭羽騎歸
欲把雄心弔前代秋風吹上釣魚磯

崑山詩集卷十五

七

遊靈巖寺

八十二翁長閉關爲尋知己到名山巖頭雲起如迎客
谷口花開似解顏鐘磬聲來天地外樓臺色入有無間
老僧欲我留詩句松月當空鶴未還

塞上謠

年年築邊城虜騎猶出沒夜深沙月寒空照杞梁骨

秋園雜興三首

晚歲習禪寂已無世上情如何深夜裏猶自感秋聲
天心元不動寒暑自推移獨愛陶家酒絕無宋玉悲
爲問南歸鴈徘徊戀稻梁寒雲幾千里何日到江鄉

偏關北望

耕牧春仍廢臺隍虜作隣受降城不遠恢復是何人

閨旱

溝壑不忍視一視淚如雨憑誰請發棠空飽倉中鼠
秋日送華空塵還章邱

高秋紅葉映柴關幾夜論詩杯酒間別去故園明日是
寒花開徧女郎山

憶東霞鍊師

前日桃花路口分自言採秀入閒雲海天漠漠正東望
一鶴飛來疑是君

太原寒食和紀山韻

寒食客中只醉眠不知何處杏花天鴈門此日猶烽火

崑山詩集卷十五

八

却向綿山獨禁煙

秋雨宿長安嶺

滿戶煙霞傍戍臺疎燈獨坐一尊閒夜深怪底不能睡
松柏千山風雨來

平定李侍御應時予之同年友也曾視予病感之

寄此

前年視我山中病落日獨騎驄馬來記得任家亭子上
連翹花發共銜杯

憶舊有感

丁卯橋西憶舊遊綠楊高映酒家樓故人莫謂凋零盡
一別江南四十秋

過十八盤山

并州愁作客况復渡桑乾去國幾千里登山十八盤
兵戈今未息道路古來難落落悲雙鬢迢迢魂一官鄉
過塞少節序向花殘海上園廬在歸歎賦考槃

邊城春日懷歸

烽火連高塞旌旗映晚霞登城看漢壘幾處聽胡笳
海頻傳檄嫖姚始建牙殘春榆柳動入夜鼓鼙揚白首
三年客青山萬里家邊塵何日定歸種故園瓜

弔土木

胡馬南侵日鑾輿北狩辰當年誰護蹕萬乘獨蒙塵
社稷憂危極乾坤戰國頻運衰憑貴倖事往憶忠臣故壘

山南詩鈔卷五

九

青山繞平蕪白骨新天陰啼鬼處猶自感行人

劉爾牧十一首

爾牧字長民一字成卿東平人嘉靖甲辰進士

官戶部郎中所著有堯麓集州志爾牧在戶部以言事忤嚴世蕃廷杖削籍歸肆志典墳礪節行著述甚富往

春登武昌兩山

江城宜眺望鳳駕共淹留睽彼兩山麓俯瞰大江流
黃武開霸業武昌擁上游把酒臨釣臺避暑茲山脈寂寞
千載後塵鹿陟其邱女夷思天和鷗鷺候麥秋况復春
當暮白日出悠悠登高多慨嘆對觴不能酬願理升喬
策同問赤松遊歸風吹首路落霞帶夕愁長嘯下林谷

意氣隆九州

去薄命

自憐妾命薄敢怨主恩移遷此萋菲日能忘歡樂時秋
風難再熟落葉不勝悲獨有高樓月流光與恨隨

晚宿漢川

落日駐征軺鄉心轉寂寥虛堂華燭盡獨夜暗魂銷
絕嶠春鴈孤城帶暮潮庭闌有白髮應念一身遙

李進士國中餞魯朝選有懷檜翁外舅

將歸與送別歎逝共懷人心事留天問生涯感谷神千
花空對酒雙淚欲沾巾况是同袍客淒涼行路春

大行皇帝哀書至哭臨有述

山南詩鈔卷五

十

早歲曾通籍爲郎獨抗言風雷皆是教寵辱盡歸恩忍
淚觀遺詔全生荷至尊誰憐臣節晚惟有赤心存

奉送司徒潘公二首

早年通籍登三事中歲移官豈至尊戀闕猶遲京口路
需永獨上孝陵園重都並列尚書省舊國何殊金馬門
宣室不妨前席召暫時離別莫銷魂

秣陵南望緩王程風雨高秋發帝京不分驪歌從此別
向來貝錦竟誰成清時惡說離騷賦直道徒懸抗疏名
辛苦十年門下吏天涯去住總關情

懸脂湖

左蠡兵銷王氣還漢宮湯沐落人間絲雲欲散懸脂水

明月猶懸石鏡山南國千戈繼鄂渚異時金翠擁江關
英雄已逐鉛華盡惟有湖光照客顏

重陽前一日

楚天愁絕九迴腸漢水烟波動渺茫鴈盡北書無日到
秋深南菊爲誰芳江頭落葉催行路峴首浮雲蔽故鄉
惆悵年來遲暮意明朝風色是重陽

漫興

意氣橫生醉後歌少年猶自說三河風塵極目須長劍
雲水關心寄短蓑霄漢只今饒雨露窮途空自戀陽和
春來莫笑柴門僻庭樹開花滿舊柯

春至白佛山別墅

崑明詩鈔卷五

七

鷄乳蠶眠隴麥勻生涯何謝上皇人近山雲起皆成趣
遠屋泉流別是春閒禮玉毫觀法界遙登華頂摘星辰
拂衣長嘯忘歸路十里松蘿不染塵

殷士儋九首

士儋字正甫號棠川歷城人嘉靖丁未進士改庶吉士授檢討歷官少保兼太子太保禮部尚

書武英殿大學士贈太保諡文莊所著有金輿

山房集

明史本傳士儋初爲松王請官善於陳詞脩舉慶成宴時所稱所傳以憶運之卒後怨者稱國諡以文通久之改文莊王忠伯云先生登高而賦飲別而歌體齊魯之雅馴兼燕趙之悲壯采吳越之婉麗以求勝於歷下斐水問之

送劉希宏驛宰之高郵

迢遞淮南驛風烟隔楚波湖平漁火近日落客帆多遠
樹生鄉思青山入棹歌春來見芳草知爾憶鳴珂

送趙萬舉守淮安

聞道淮陰郡輿圖屬上遊雲連江國曙地接海門秋特
簡中朝彥遙分南顧憂青山迎列戟芳草待扁舟楚甸
歌新牧瑯琊識故侯津橋通曉泊膏壤課春疇樹色依
官舍潮聲入驛樓知君富登覽吟興滿滄洲

題番馬圖

玉塞無聲夜有霜橐駝五萬人獵陽平沙落日悲風起
馬上橫梢四白狼

崑明詩鈔卷五

七

皇貴妃挽詞

柝館星初賁椒庭露易晞終天懸宸展永夜閉泉扉塵
暗班姬簞雲寒秦人衣何時取青鳥環珮月中歸

送董別駕之壽昌

春雪滯歸鴻離筵惜暫同名家滄海右薄宦楚雲東月
映清淮水花明丹桂叢遙知參佐暇吟眺思無窮

張伯仁使江西諸藩

四月南風芳草多星槎遙泛楚江波宗盟卜世分桐葉
鄉夢先秋到薜蘿擁節書遊經玉笥含香宵直憶鑾坡
遲君來歲花時約斗酒論文一醉歌

立春夜同謝茂秦於李于鱗宅賦

寒夜同檣酒驚逢客裏春殘燈話鄉曲浮世嘆風塵宦
旅空華髮山人自葛巾年來成底事翻愧滯朝紳

送霽寰吳師參藩大楚二首

海岱開關四載餘長安七貴不通書稍遷猶作天涯客
自信千時計獨踈

南經襄漢草萋萋月滿春江映大堤詞客競投青玉案
路人爭唱白銅鞮

于琬十七首

玳字子珍號冊川東阿人嘉靖戊子舉人官平
涼同知與仲子慎思叔子慎言有于氏家藏詩
略四卷文定公慎行跋先君垂教講藝以詞賦
著稱偃蹇一官不調素志兩兄趨庭捧

史南詩卷五

主

業並有文聲亦皆坎壈青袍不博一第慎行檢
校先稿采出一帙付那進士子履祥之那子
思後序茲集言不相襲格以類殊充厥體裁率
沈雄朗潤妙入元解蓋緣本天趣發之性靈是
以機動神隨意無乏緒朱中立云冊川
詩高潔清修不減古人爽散近於工部
校司馬詩極清剛人當孤介根概浣花不屑晚
李一語仲子遺集僅有存者詩略刊板亦燬求
得鈔本夫人劉氏
能詩別見於後

隴上行

隴山不可上道路阻且長俯身百丈谿仰陟千仞岡雨
雪慘我肌烈風吹我裳羣鳥鳴深枝狐狸滿路傍車輪
蹶且摧我馬元以黃洪河流寒水白日黯無光對此一
長嘆客心多所傷願飛既無翼欲濟亦無梁中路正排
仙還顧思舊鄉舊鄉日以遠尺素久茫茫丈夫固多憂

所志在四方何日王道平聘駕步康莊

秋日草堂自酌

小院涼生夕秋山對倚欄雨中槐葉落池上竹枝寒酌
彼黃金釀瀉之青玉盤窺觴成一笑顏色爲誰歡

夏日山莊卽事

別業依丹巘虛堂面遠垌溪光剌水綠山色欄川青柘
柳年年發桑麻處處經平蕪斜日下牛笛亦堪聽

春晚崔生正思惠酒因憶其父達元

對酒不能飲悠悠起遠思空山啼戴勝零雨泣瑤枝伊
昔青雲約於今白髮時親朋凋喪盡衰謝更安之

過長城有感

萬里度卑蘭三秋大漠寒匈奴猶近塞上將自登壇鬢
與霜俱白心將淚並丹昨宵報烽火雄劍幾回看

秋夕

八月燕關風力威夜吹白露作霜飛長空渺杳鴈聲遠
客子蕭條鄉信稀枕上近添茂陵病夢中常憶故山薇
清砧落日重搔首悵望星河欲拂衣

晚懷

長天漠漠悲燕塞薄暮悠悠望帝城客邸三旬愁裏月
故鄉千里夢中程北山猿鶴應無侶上苑鶯花漫有情
綠酒可能消遠恨青袍已覺誤浮名

送程仲微下第

長歌擊筑燕山陌遊子行行何所之綠柳折殘傷去路
素衣變盡憶來時長卿自許爲文好李廣空悲遇數奇
同作遠遊不同去前門煙月正相思

滄州

九月一日渤海郡涼風落葉何紛紛孤舟伏枕逢秋色
長路停樽對暮雲寒鴈亂迷蘆遂廟清川曲抱獻王墳
古今蹤跡堪惆悵獨倚滄波弔夕曛

會寧道中

古戍荒原起暮塵郵亭繫馬正逢春烽煙未報涼州捷
菜色那看隴地貧報國自期羞鬪日洗兵有待屬何人
平生志略還難遂夜夜鄉關入夢頻

山左明詩鈔卷十五

圭

靖虜城

靖虜城邊河水流胡兒隔岸語嘖嘖洪濤一葦華夷限
帶甲千年天地愁南鴈欲棲還踟躕東人久客自夷猶
蒼山落日鳴笳發孤劍長吟對白頭

塞上

積寒草冷絕人煙一望沙場思悄然萬里河流元入漢
千羣胡騎尚臨邊請纓定有平戎策賜幣應非歛塞年
坐聽鳴笳愁倒極夜深霜月故娟娟

感興三首

空山木落馬來稀白髮青尊獨掩扉海內故人長苦別
天涯游子正思歸年荒粗糲聊充食歲晚風塵自拂衣

聞道儲皇今定位前星午夜有光輝

憶昔金城塞日斜高坪長積亂風沙懸崖直上三千尺
陰洞深藏數十家北狄於今猶牧馬東齊况復有鳴笳
太平天子垂衣在拊取狂夫醉紫霞

大將平倭節鉞新貔貅百萬陳雲屯樓船競報從天下
銅柱應看立海濱吳越繁華非舊日燕齊凋敝入青春
杞人賸有憂天淚羽檄時時一愴神

清明後東園獨坐

清明已過春色殷郊園花落紛紛隔牆笑語者誰子
對酒斟酌有此君銀盤細餚青溪鯉玉椀新調碧澗芹
獨坐孤亭無所事雨餘遙看晚山雲

山左明詩鈔卷十五

圭

至日用陳君韻

歲莫野陰多急風千崖萬壑下丹楓壯心對此欲涕淚
昨日少年今已翁

宋延年十首

延年字仁夫號一川益都人嘉靖丁酉舉人官

禮部司務有祠部集縣志延年受業黃海野善古文詞行誼高潔重於鄉

評議選當領職辭不就授職教諭遷都司務陳文燭序先正詩篇秀逸美刺並陳

一唐入語雅

答馮子二首

皇運履熙明巖穴盡收錄惟予抱沉疴投閒快幽槐
影下夕陽鳥聲在喬木聊此成真棲豈曰學千祿

嗟子寒劣姿撫躬何能淑獻賦寡所諧十年甘飯饋養拙謝塵景爲貧耽穡祿富貴當何時願言從所欲

席上贈張仲晦山人

沂山盤踞崧山錯四圍寒玉紛如削山頭日出十丈高山人睡起調黃鶴山人名姓世不傳彷彿猶聞號真樂真樂年來七十餘披裘散髮深巖居大男能耕小能牧租賦不愁官長呼獨坐焚香理素琴開軒萬木肅陰森溪月有情隨意得青山無伴獨來尋昔年曾識山人面山人五十我弱冠此日山中復遇君君已垂白我過半羨君高義老不衰環堵蕭然一原憲媿我乾坤迂腐儒千里王門七上書布衣不敢見天子歸來但臥南山廬

崑明詩鈔卷五

七

等閒相見一開口引滿高歌更拍手世事悠悠那得知請君試問西巖叟

大雪篇爲隣家老人作

去年一冬苦不雪麥苗盡死土膏竭今年有雪翻恨多無數貧民肌骨裂有雪無雪卽如此就中難爲蒼生說北風烈烈吹雲亂荒原極目村烟斷八十隣家老禿翁短褐不完坐長嘆男號女哭不成聲自言三日腹無飯我亦蓬蒿四壁人對之不覺淚如霰推解寧忘義士心轍軻不遂窮途願卽今邑里太彫殘斗粟朝來更百錢等閒已割心頭肉眼底瘡痍却未痊明年又是甲寅春無計能醫萬戶貧願將此雪春成糜過活東西南北人

雨中出郭訪王仲房報恩寺時仲房有武林之遊賦此言別

爲赴高人約衝泥到竹林偶聞流水調因見伯牙心湖海君應老烟霞意獨深坐來幽興發對酒一長吟

同楊惟德劉少衡顧子良登報恩寺塔

秣陵宮闕五雲平郭外猶存古塔名暇日風烟聊徙倚早春梅柳更分明臺邊寶樹深巢鶴天畔寒江曲抱城最是孫登長嘯處餘音能作鳳凰鳴何年寶塔凌空出影落長江不斷流興到直須騎鶴背醉來寧惜解貂裘飄飄人倚盤龍閣裊裊春回古帝州莫向高臺頻悵望黃雲不盡萬家愁

崑明詩鈔卷五

大

夜坐僧房

愛爾禪房花竹幽坐看晴日上牛頭焚香爲下松間榻煮茗遙分洞底流僧牕暗隨蒼檜長客心應被白雲留怪來野老能相識曾向山中兩度遊

同周伯霖侍御金子坤山人遊廣佛寺

野寺深深一逕賒傍崖石屋未全遮僧炊八月山中黍人踏三秋澗底花萬壑松杉雲影暗半天鐘磬月明斜年來尚苦塵纓縛何日重遊問法華

登穆陵關望雲門山

雲門迢遞枕孤城山色猶連草樹明薄宦幾年還策馬文園五月正啼鶯穆陵近識齊關險海岳中分禹道平

歸路不妨尋鴈渚夢魂先已到鷗盟

陽村別墅

陽村在峽里西南二里有溪流一曲自香山來隱隱地中過陽村而北轉故陽村三面距溪水頗效昔人栽樹種瓜故舊自賦有十年種樹願希范蠡之千奴七月斷瓜母墓

寄興輒復賦此

少小頻來此地遊爲園今得枕溪流已邀山色成賓主
更遣鶯聲作唱酬避地東陵瓜五色謀生范蠡樹千頭
他年雲水深深處一領漁蓑老釣舟

山左明詩鈔卷第十五

山左明詩鈔卷十五

尤

山左明詩鈔卷第十六

李先芳九十六首

先芳字伯承號北山濮州人嘉靖丁未進士歷

官尙寶司少卿終寧國同知有李氏山房詩選

那子愿李公行狀先生初字新喻政爲江西冠

一書卒以多所徵晚爲人所整置官僅壯年耳

優游林下享文酒聲伎之奉四十餘年所著東

岱山房稿三十卷他著又五十餘萬言當世作

者率推歷下先生出處略與之同所不同者歷

下節貴不離近人而先生從與之同所不同者歷

高先生論難過從暇論不相貸也迨後歷下名愈

音正復盈耳于穆敬甫云伯承詩思秀發綽有

右丞之風于文定公云吾里兩李先生其稱

詩不同歷下以氣骨合神湛涵藹而有發以雄

迅意嘗起於象之表濮陽以才情起調融洽衆

矣遇推之千鱗之上第欲重抑歷下而不知其言之

采而出以和平力嘗著於法之中所謂異曲同工者

按行狀及列朝詩小傳七子結社以濮陽爲若

敖勢冒厥後五子七子之目弗與濮陽之憤激

不平亦固其所子以東岱詩及王李並觀律絕

是以相擬古體殊不敵顧非和苦之從差可齊

秦之匹以視徐吳梁宗有過之無不及也虞山

推之千鱗之上第欲重抑歷下而不知其言之

贈李山人

西峯新結構白石鬱嶙峋了與城市隔而不嬰垢塵深

山多芳草聖世有逸民秋風桂花發無媒寄遠人

馮郎中席贈吳給事赴豫章得雨字

朝辭蘭渚花夜集瓊枝樹寒更慘別筵華燈照殘雨君

去榜吳船我起爲楚舞暗投笑明月深藏謝良賈蕭蕭

嚴星駕盈盈趣公府明發薊門道何處章江浦

感遇

聞鵲衆皆喜聞烏衆皆怒鳴號夫何心於人別好惡烏羽而鵲鳴歷歷不可訴舉世尙聲色聽言君莫誤

雜詩

驟驥下吳坂負轅力不舒神龍委泥滓不如池中魚夜光豈不照按劍臨前除燕石一何物比之璠與璵中郎下王粲臨邛識相如茲事難再得懷古空歎歎

易水懷古

荆卿別燕丹悲歌誓不還此生豈細故人逢知己難壯士心不死秦王骨已寒至今易水上千載令辛酸

東角詩鈔卷十六

阜城道中

九月衆芳歇朔塞寒氣早落日澹無輝涼風吹白草遶水數聲砧長空獨歸鳥遙遙見孤村枯樹一株老

何員外至自開封春夜留飲

仙槎幾口下繁臺夜泛黃河天上來忽然皂蓋雲中下一嘯燈花五色開不惜青錢沽美酒炊黍烹鷄幣所有爛醉高陽舊酒徒悲歌燕市同心友江上空栽千樹花十年踪跡半天涯他鄉攜手情何極久客傷春鬢已華秋臺四時動秋氣駒從不及一縣尉朝騎羸馬望西山道上不知遇七貴憐君賦性亦如此千里過途慰知己同舍淒清坐白雲一官踰躋隨流水泮沅往事不須嗟

金臺行贈羅海嶽山人遊遼陽還復入齊

黃金臺館化爲蹊布衣葛屨隨馬蹄烈日炎天十萬戶懷水兩袖風淒淒昨日掛席蹈東海蒼背三山手可攜燕昭已沒駿骨朽蘇代歸來復入齊投書相國久不報鼓瑟王門希所知懷中白壁空燦爛腰下七首光陸離却望岱宗青未了振衣還與山靈期日觀峯頭好風景同誰長嘯騎青螭

白雲樓晚眺

朝上白雲樓暮上白雲樓樓高秋色遠令人生獨愁昨日凭高賦佳節今來倚杖尋明月官齋寂寂晚鐘疎綠

山左明詩鈔卷十六

烟澹澹山雨歇

白雪歌

天風忽落燕臺雪滿地明明皎秋月似有神人騎白龍捶碎冰山灑銀闕宮中溫樹不知寒仗外春雲護斗壇鳳凰池上調新曲一夜梅花滿上闌

泗溪風雨

扁舟東下泗溪水細雨鳴舷風浪起沙際停橈夜寂寥孤燭亭亭照行李平明舍舟陟崇岡灘頭水漲川無梁

俠士

一林楓樹啼秋葉兩岸蒹葭拂曉霜朝度黃雲塞夜臨明月關三杯賦羽獵一笑定燕山飲

馬長城窟射鵰青海灣功高不被賞彈鋏夜漫漫

長清道中

客行失昏曉夜裏度山坳映月鷄啼曙衝寒人戴星林風捲黃葉澗水照青萍辛苦南征鴈嗷嗷不可聽

夏日山莊

夏木晝陰陰匡床涼意侵遙山飛送酒獨墅坐鳴琴燕乳雕梁晚鷄啼茅巷深無人來問字盡日鎖雲岑

讀邊太常殷給事詩二首

當代推何李斯人伯仲開建安初降格天寶舊同班人
奚明光草詩藏暗華山尙書如北斗開卷七星開
夫子登名日中官正立朝買舟下江浦雅志托松喬官

山南詩卷十六

四

左詩應苦天高夢易遙欲尋高士跡湖海識清標

一齋

一齋客膝處高枕謝招尋稚笋初平檻新鴉未出林閒情芳草地春恨落花心更愛前溪好千章綠樹陰

久客

久客都門道孤愁薄暮天鄉心春一寸旅夢路三千歸渡無長枿傾囊有數錢明朝還把袂別醉酒樓前

歸思

拂衣望鄉邑回首別京華行止無他技乾坤正一家得時爲雲雨失意且龍蛇何用張儀舌千名遍海涯

贈李秀卿

長途有客子五月著羊裘同上遊燕策遲歸訪戴舟黃金無暇骨白髮有窮愁把劍對尊酒青天河漢流

臘日

臘日煙光薄郊園朔氣空歲登通蜡祭酒熟醱村翁積雪連長陌枯桑起大風村村聞賽鼓又了一年中

望湖亭

望望西湖上微茫烟水寒地靈雙鷺起潭空九龍蟠浦樹停殘照山泉落遠灘昆明池上月偏照漢長安

江上晚行

寒帷方出郭江上欲黃昏却望東原近青山蔽縣門蟬鳴月裏樹犬吠水邊村何處分漁火蘆花隱釣輪

山南詩卷十六

五

雨中投仙姑寺

雨中投古剎江岸少人行立馬候松逕呼僧問寺名斷碑經火盡荒草入秋平惟有楓林樹冷冷清梵聲

鄱陽湖

吳城臨古渡湖水接天開一夜南風起扁舟萬里迴波漂星子縣雲沒大孤臺却望蒼茫裏匡廬秋色來

皖江

皖江陰乍晴鱗鱗秋浪生岸迴村樹隱潮落海雲平魚米舟中市人烟水上城不須遙問渡前路是浮萍

都下除夕

江南非故國薊北復天涯除夕開尊處高樓賣酒家玉

衡虞正朔鐘鼓漢京華欲作南歸夢寒枝啼曙鴉

舟中感述

南州炎德重日見夏雲生吹浪魚龍出鳴舷風雨驚簡
書催夜發妻子懼潮聲故國三千里悠悠無限情

烏江懷古

楚調一聲起雄圖百戰衰帳中別酒盡劍下美人悲野
廟頽江渚空山泣子規尙餘千古恨霸上夜歸時

夜渡清江

聞櫓那能睡倒衣時扣舷蟲聲悲野草漁網集潭烟江
漲晚來急月明秋可憐一爲山縣吏夜夜帶星還

市汊

崧明詩鈔卷十六

六

涼夜放舟穩櫂歌秋水長人烟達市汊簫鼓下羅坊野
齊江天澗山風岸草黃開篷時倚望初月掛危檣

醴泉道中

郭門一望處處稻苗生澗水分千派江流共一聲春
天雜寒煖山路半陰晴更聽村舂外深林布穀鳴

春思

渝州正二月日夜雨瀟瀟石瀾添新漲江風送落潮春
催花影薄林雜鳥聲嬌楚客多歸思長天坐寂寥

秋夜

江市暝烟合官齋清漏長候蟲深院靜最桂小山香別
怨入秋重宦情如水涼南飛烏鵲盡落月下寒塘

羅溪道中

古戍黃花節郵亭白露中遠山橫積翠青霞落高石
額寒流急江帆一鳥通沿回秋望遠辛苦石尤風

蘭塘寺

蘭若建蘭塘秋山蘭桂香沙從金穴湧山倚玉峯長色
界盤龍浦彌天下鴈王前身應是佛隨處喜僧房

夜雨

江城十月後風雨倍蕭森遙夜一尊酒踈燈萬里心行
藏隨計拙然諾誤交深殘柝休頻擊南枝有越禽

送章光祿之京

春漲楚江寒君行赴大官鹽梅調玉食鐘鼎侍金鑾薄

崧明詩鈔卷十六

七

宦經年拙他鄉送客難故人多鳳舉天上是長安

送黃復之赴蘭州守

次公勞山守驄馬赴邊州隴水逢秋結黃河出塞流龍
荒秦六郡虎竹漢諸侯回首皇蘭下應分西顧憂

送李比部江右恤刑

欽恤頒虞典平反下楚方獄中多改劔江上有飛霜揮
筆山河潤登樓麗藻芳遠從雙闕下遲爾舊鸞行

歸興

微霜燕草歇九月蒨門秋落日看歸鳥涼風吹白頭山
中多桂樹江上足沙鷗願托雙飛翼相從張翰遊

送王侍御出按甘肅

君王重分陝使者出秦京紅岸柳連樹黃雲張掖城馬
行天盡處人去海西營定有涼州曲遙傳絕塞聲

峽石舟中望宣城作

長薄帶芳洲支江繞郡流潭烟宛陵夕山雨敬亭秋
急知湖口林喧指渡頭依稀沙渚上人吏待行舟

秋郊

高秋禾黍熟省稼宿城陰野寺鐘聲早山家露氣深
玉繩挂西壁璧月出東林坐久涼風起昏蟬不斷吟

野行

落日步清野了無俗事牽牛羊馴小徑桑柘時平田閒
過里中叟同聽樹杪蟬翛然青竹杖共話羲皇年

崔明詩鈔卷六

八

雨中晚憩石門訪梁孟敬故址

陰雨不知晚牛羊下廣原來攀小山桂坐據古松根寒
至鳴泉結山多宿霧屯還將招隱曲一訪石門村

送徐膳部乞養還浙東

海內論才子徐卿最得名兩都初就賦一疏早陳情春
水浮舟穩林花浮袖輕趨庭多暇日高枕聽江聲

中都同孫使君登第一山贈晚上人二首

遠公不禁酒此地許逃禪蘿磴攀雲上松陰抱石眠神
龍喜深蟄高鳥避驚弦且對林中梵飯依靜者緣

因過清賞地不分老僧閒醉倚菩提樹心灰夢覺關微

雲斜度嶺落日倒銜山樓樓紅塵裏逢君祇厚顏

寄題洞虛先生水亭

因懷大隱者遙寄小山篇習靜常依市爲農不在田
谷神仙錄載丹藥羽人傳却笑元都觀春花空自妍

寒食旅懷

旅食逢寒食他鄉憶故鄉鶯聲方出谷蠶月始條桑
夢逐楊花遠心將春草長汶陽千里道有母在高堂

別王比部元美

棘寺同官日蘭尊結社時過門邀並騎入省對彈碁未
結王生機多慚賀監知我乘青雀舫君入白雲司作吏
風塵隔爲郎日月私臨岐重攜手休唱渭城詩

暮春初過山莊

崔明詩鈔卷六

九

山人性本愛山居弭節春遊過舊廬短砌雨餘芳草合
小亭風定落花疎拂座下榻驚梁燕發篋抽書走壁魚
更聞巖扉頻灑掃能無長者命巾車

縣齋晚坐

孤城南面枕江干玉几雲岑對鬱盤花下鳥啼羣吏散
窗中雲盡數峯寒清齋獨坐偏懷土白髮催人欲挂冠
昨夜南薰吹八戶空懸綠綺共誰彈

太平觀偶書

堆案盈庭吏事羈轉於行役是閒時山當玉笥春雲滿
江入羅溪暮雨垂樞性最宜仙館淨初心惟許道人知
旄陽去後留丹井爲訪真源拜藥師

雲津送袁生之京

曲水平橋江岸斜，雲津門外送仙槎。
離亭握手愁將夕，遠道逢春鬢易華。
二月行人折楊柳，一年心事問桃花。
蘭橈泊處東風細，雨樓臺燕子家。

德州道中

城郭依稀蒲樹寒，廣川風物日凋殘。
波頭向晚船初泊，驛路經秋泥未乾。
野菊黃時非故國，塞鴻來處是長安。
金門多少同遊侶，退食誰知行路難。

早秋言懷

薊門晴色照新秋，九陌軒車如水流。
邊馬不知燕草歇，涼蟬偏益漢宮愁。
地隣紫塞寒聲早，臺故黃金壯士羞。

崔明詩鈔卷十六

十

老去馮唐空灑淚，當年少婦擬封侯。

七夕同項少嶽賦得星字

久客天涯秋露零，悲歡何必問雙星。
且沽月下新豐酒，獨醉花間吏隱亭。
大道無媒輒自拙，清時不飲爲誰醒。
仙橋只在浮雲外，悵望明河烟霧青。

送劉念菴憲副赴固原兵備

劉生馬上酌榴花，西指蕭關道路賒。
地近崆峒雙倚劍，人如博望一乘槎。
回中烽火通秦塞，隴外葡萄入漢家。
百二提封恩不細，好持虎節鎮龍沙。

再寄王元美

當年漢署共鳴珂，班馬才名不啻過天阿。
孤臣吾老矣。

中原諸少竟如何，生涯只合尋康鹿。
世事寧須問汨羅，今古含情君不見。
鷗夷江上有滄波。

和王鳳洲憲長見寄

平生意氣徒慷慨，爭得詩名老更強。
知我不才惟聖主，與誰同病是王郎。
十年龍劍分秋水，千里鴻書帶曉霜。
却望青雲回首處，西飛海燕不成行。

天峯寺同譚少府覽眺

郭外名山碧四圍，聯鑣載酒歷山扉。
千家戶牖分青靄，一曲江流寫翠微。
日嶠晴雲低古寺，海門秋色澹征衣。
天峯果在烟霄上，坐對長松了道機。

宜春臺

崔明詩鈔卷十六

十一

春臺獨上俯千家，曉晚風高起曙鴉。
南下萬山連百越，東來一水自長沙。
青厓竹覆經年雪，碧落松盤小洞霞。
駐馬荒祠聊借問，韓公何事客天涯。

早春遣懷二首

初陽東御海門潮，海上三山靜不搖。
指點中原懷數子，飛騰千古見孤標。
傾心結客收明雋，臥閣題詩慰寂寥。
病起山樓聊騁望，元龍豪氣未全銷。

誰開馬市向邊州，歲歲羈縻豈善謀。
縱使羯奴能款塞，可令邊將不防秋。
戈鋌薊北銷將盡，杆軸江南索未休。
何似漢家圖上策，閉關夜夜看旄頭。

五哀詩四公俱吾黨詩友也後先相繼淪沒謝客
中馮家青州故園詩悼之李汝甫前已

具帶章復此夢寐同郡且
乏嗣故數述其基其京一也

燕市行歌落日低一囊歸臥鄴城西當年王粲依劉表
往事虞卿採魏齊四海論心君獨老他山埋骨爾誰攜
東門何限冬青樹有鳥還來夜半啼 謝四溟山人

小馮振藻出青齊海國風高望轉迷擊筑曾歌燕市月

鳴珂同聽薊門鷄機雲翰墨誰爭長吳楚江山半入題
聞爾遼陽雙化鶴庭前荆樹幾枝低 馮洽泉進士
少洲光祿

鮑山宿草幾經秋歷下猶傳白雪樓白雪調高人寡和

鮑山雲盡水空流斷腸魂夢通今夕握手交情憶昔遊

曉倚東門占紫氣真人倘許駕青牛 李滄溟憲長

西原落木正紛紛挂劍臺空帶夕曛地下勒銘無片石

崇禎詩卷十六

主

朝端簪筆有遺文山風未掃松閒月野鳥猶棲樓上雲
友道不隨滄海變每逢霜露泣徐君 龔鴻洲憲副

九江

落陽春盡水連空九派煙波處處通彭蠡不傳淮海信

江豚空拜石尤風溢城樹色浮天上盧阜嵐光寫鏡中

估客乘流千艇下輕帆飛過楚雲東

東林寺望天池寄孤月和尙

東林祇樹晝陰陰廬阜南來蒼翠深鳳剎孤雲空外象
虎溪流水定中音長途落日淹行騎白石青苔長道心

舊識遠公仍健否香爐絕頂共誰尋

羅溪驛

驛路臨江浩秋山碧四圍清煙兩岸靜落日一帆微
歇草蟲亂天晴水鶴飛東園橘柚熟西堰稻梁肥霜換
青楓樹落沈白石磯我將乘畫舫相伴暮潮歸

玉階怨

蟋蟀鳴玉階梧桐落金井紈扇本生涼錯恨秋風冷

江雨

西山帶雨痕南浦生秋草煙中樹若薺波上舟如鳥

野行

貪看芳草色不覺白日晚借問路傍兒去城知近遠

會臺卽景五首

白板屏 讀書臺 會泉
翔鳳嶺 泮棠堂

板扉畫不關林風起簷樹委巷不容車山僧自來去

崇禎詩卷十六

主

鄧侯不可見此地昔爲家讀書臺下草春到自開花

當年會盟地牛飲三千人涓涓泉下水曾爲洗朱輪

曲嶺抱仙源巍如翔鳳起上有梧桐樹枝葉自連理

會邱古塔院新開淨業龕蒲團供坐臥花下讀楞嚴

江南雜歌

春日登樓眼江關遊宦身舉頭纔北望如見故鄉人

秋夜飲張東浦宅得家書

海月逢秋望江城霽雨初一尊官舍酒萬里故鄉書

歲暮

杪歲百感集遙天孤夢生春歸風雨夕人臥楚江城

舟中

解纜江寧鎮鳴橈姑孰西風吹三百里一夜宛陵溪

出塞曲

白登城下草蕭蕭爭說今秋太白高十年未掛封侯印
夜夜雲中泣寶刀

觀歌行

博山爐裏焚沉香斗帳流蘇五鳳凰玳筵前人似玉
水晶簾外月如霜

橫吹曲

胡王知妾不勝悲橫笛頻教馬上吹恰似漢家供奉曲
是誰翻寫入燕支

懷張西吳翰史

出明詩鈔卷十六

十四

春水茫茫春草萋萋潯陽南下是羅溪欲寄雙魚潮不到
憑將遙夢過江西

劍江

風濤六月劍江寒葭葉依稀浦樹殘楊子爭如虎口渡
瞿塘不及象牙灘

寄懷汪正叔憲副

楊花飛雪入船窗此際君應度九江欲向春風問消息
南來鴻鴈不成雙

秋日卽事

燕山落日晚淒淒鴻鴈初飛漢苑西莫戀玉河芳草色
一風昨夜到沙堤

懷伯宗長史

楚臺千里暮雲遙前席何時入漢家賦得洞庭秋水曲
西風無鴈寄長沙

由商邱入永城途中作

三月輕風麥浪生黃河岸上晚波平村原處處垂楊柳
一路青青到永城

雙溝夜雨

風雨蕭蕭入莫天孤村黃葉鎖寒烟官衙兒女應相說
今夜羈栖何處邊

按二詩本集不載見列朝詩選于漢陽詩
不爲高作以選者爲低昂耳故並存之

會臺題壁

出明詩鈔卷十六

十五

此日長沮耒耨耕當年嚴助厭承明空齋一枕華胥夢
細雨芭蕉秋夜聲

李同芳五首

同芳字幼承先芳弟官王府審理
詩選傳云外承才情不減

送鵝池還趙

鴻鴈奮高舉寧隨燕雀遊狂來雙眼潤老去壯心留落
日淹行騎秋風憶故邱青山堪憩跡何處結菟裘

濟南道中下第作

日落千山暝秋高一鴈飛天風下木葉嵐氣濕人衣
館愁尋問迷途覺是非無端沙上鳥笑我未忘機

飲酒

山扉悄無事家釀復新香
暹爾二三子陶然醉一觴
論心愛邱壑炙背閱年光
雪積氷難解冬殘日乍長
歲時鳥過目身世鴈隨陽
多謝高陽伴同來入醉鄉

春詞二首

常年二月已清明今年清明三月中
寄語尋春攜酒客桃花雖歇有東風
十千沽酒治遊郎日指桃林是醉鄉
花下停車鶯語亂溪邊拾翠燕泥香

山左明詩鈔卷第十六

山左明詩鈔卷十六

去

山左明詩鈔卷第十七

謝榛一百二十首

榛字茂秦臨濟布衣有四溟山人集明史文苑
六作樂府詩集已而折節讀書刻意詩有十
於時趙康王賓禮之嘉靖間游長安脫舉
世貞輩結社燕市榛以布衣爲之長途舉
盛榛與論生平頗相稱其攀龍貽書絕交諸
亦右攀龍力相排擠榛其名於五子之列
然榛游道日廣秦晉諸滿爭邀致之大河
皆稱謝榛先生其再游趙穆王復賓禮之爲
刻其全集當七千結社之初尙論唐賢各有
重榛曰取李杜十家之味以哀精華得此三
氣歌詠之以求聲調玩仙而畫少陵也諸人
要造乎渾淪不必聖調仙而畫少陵也諸人
師其言後雖合力排榛其稱詩指要實自榛
之王元美云謝茂秦如大官著庵爲小邑設
宴事俱非奇而恒釘不苛又云排比聲偶爲
一時之最第與寄小清變化差少蔣仲舒云
茂秦詩宗少陵窮極變近時之麟鳳詩選
傳云茂秦今體工力深厚字響而句穩七子
子皆不及之陳臥子云茂秦沈練雄渾法
森然與備制之師位在于麟之下徐吳之上
宋韓文云茂秦五律似勝諸名家然句法篇
未免束縛神情不能出四十字外七律原本
州情量滿切明詩綜評歷下有言妙君子
雖老而細漫猶存則亦未嘗深絕之特明時
資格於章服中難以
章布終以爲嫌爾
按竹垞所云理則有之李詩云途合清廟音乃
在揭未客中未忘也謝詩云奈何君子交中道
兩東置答有所歸矣宋考其始未爲顯
絕謝尤感懷動惻然人心終兩分明可云忠厚
腹將石髓換仙骨西指崑崙天盡頭則史文之
實也又按全集五古寥寥七字沈著雄渾處勝
于勢天分不如而工力過之近體如庚山言地
所論皆允實則未易軒輊食之流噴有煩言
門外人論堂上事牛羊之眼但見方隅不直一

雜感寄都門舊知

瞻彼終南山松蘿幽且邃中有一真人超然違朝市手
握神龍珠照夜光自秘石苔積古色斗室廓天地澗泉
爲誰清蕙花爲誰媚西望徒遐思書札何由寄嗟哉處
流俗冥心可無醉鴝鳩爲家祥鳳鸞非世瑞奈何君子
交中道兩棄置不見鍼與石相合似同類文字生瑕疵
鄧林葉紛墜有家早歸歟獨歌以卒歲歲寒元氣塞偃
仰待春事

冬日有感

山高嶺巔崖天寒惜短晷嗟彼浮世人勞生幾悲喜動
業良可圖智能焉足恃淒其曉霜下北風亦何駛塞門
日吹笳感愴荷戈子將相各憂心誰甘老桑梓不見完
名者海上二疏美時復延舊游杯中有妙理白雲半空
閒澹然映流水

春雪有感

哲王能下士栖栖此異縣動欲感鄉校曾披梁孝傳頗
癖不可醫索居起常晏嗟哉古賢達未遇甘貧賤賈酒
過比鄰春城正雪霰山川鬱蔥開萬形爲之變窟深龍
尚蟄巢寒鳥自戀積陰鮮好懷悵望無人見

自批嘆

出門何所營蕭條掩柴荆中除不灑掃積雨莓苔生感
時倚孤杖屋角鳩正鳴千拙養氣根一巧喪心萌巢山

亦偶爾焉知身後名不盡太古色天末青山橫

登樓望秋山

登樓望秋山薄暮有佳色秀拔豁自豁重之煙霞飾衆
鳥知各歸行人早棲息勞生詞賦閑客愁復何極高哉
劉伯倫獨能訟酒德幾時偃荆扉養心在冲默

七夕行餞別王安州

三春不見王子猷隔林黃鳥聲相求停雲悵望心悠悠
詎期千里會燕州尊前羅綺多名謳晚來新月低簾鉤
白榆花發銀河秋靈鵲架橋天女遊鑾輿拂曙終難留
歸時錦機鳴不休千絲萬絲縈別愁盈盈一水長西流
離合定期惟女牛人生相憶恒阻脩五馬明朝易水頭
我亦驅車還故邱年年今夕懷朋儔坐轉玉衡空倚樓

送楊員外子畏之江東

龍劍千里神相通心知不在離合中都亭久別今一晤
美人又去長江東帆外水天渺無際白波如練搖丹楓
開門尊酒誰復同孤懷慘淡生秋風亂草已非伍胥宅
百花曾繞吳王宮霸圖往事但明月浩歌五湖惟釣翁
虎邱憑高正慨古飛鳥遶沒蒼煙空莫忘詞客踈幽意
老卻春洲芳杜叢

送劉戶曹成卿使荆楚

帝將北伐歲云暮使者南徵三楚賦借問何人當此行
東平文學今劉楨朔塞風塵暗赤縣中原戎馬疲蒼生

飛旌直下武昌道黃鶴磯頭見春草仙侶不來空倚樓
漢江東流波浩浩孤鳳叫天天上聞野田烏雀何紛紛
湘竹遙連洞庭雨衡山半落蒼梧雲岑煙樹莽相似
猿聲至今悲帝子有才偏抱千古愁片月多情照湖水
國計艱難非昔時君今肯醉習家池無限楚歌入苦調
秋風獨遣騷人知

送施侯引之歸錢塘

有客壯懷遊帝鄉問君何處家錢塘短褐無心事干謁
古來國士誰相當請纓不分終孺子仗節自許蘇中郎
夜擊雄劍動星斗孤燈花落寒無光丈夫行藏窺不得
歲暮離尊傍南陌蘭門風雪羸馬嘶郭隗臺前一歸客
元夕同李員外干麟登西北城樓望郭外人家慨

然有賦

僊郎邀我元夜遊聯鑣馳向都城隈憑高北望餘殺氣
初春慘澹翻如秋銀花無光火樹死月明空作金波流
憶昔華燈亂星斗天教陸海通瀛洲美人盛服散香靄
俠少相隨簇錦裘萬家歌舞帝王州廣衢深巷連崇樓
楊枝插門春不見青蒲祠戶今何由燕京女兒去朔漠
姑家落嗟含愁城中簫鼓太平象城外風煙邊戍頭
細宴黃柑存故事濁醪不解騷人憂洞庭佳釀醉方休

岩前詩鈔卷七

四

來歲今宵復何處客蹤官轍如雲浮

橘樹

憶昔園中摘霜橘重來正值橘花日滿叢晶晶當殘春
池臺雨後游蜂出獨把一枝春可憐匡牀把酒非吾室
去秋此地紛干戈北風吹樹柰爾何上林秋色亦悽愴
仙宮月冷停笙歌遙徵猛士已云多待時圖功且議和
漢廷况有丙魏在年年雨露沾枝柯橘兮橘兮爾無恙
逸民終老青山阿

送周一之從大將軍出塞

長劍斫山石可摧勁弓射海波能開宿昔相逢重然諾
意氣干霄不可回酒酣獨上黃金臺吳歌忽斷天風來

岩前詩鈔卷七

五

曾笑要離空俠節復輕郭隗非奇才二十餘年滯京國
俗塵總不關胃臆一朝長揖大將軍材官相顧無顏色
丈夫願脫自有時百年遭際幾相知陳琳倚馬能成檄
王粲從軍還賦詩昨夜秋風吹大旗據鞍喜動幽并兒
鐵騎連營亘千里餽餉日日無停期喧闐笳鼓長城路
沙擁朔河仍北渡殺氣遙沉白馬關暮雲橫斷黃花戍
單于已遁向屯兵嫖姚看逐西山兔園中月照流黃機
應念征人犯霜露

張令官甫郊餞開筵兼慰盧次梗

嚴城西畔開離筵郎官送客斜陽天有人吹笛正悽愴
晴雲散色迷山川野風太急萬柳折倏忽波濤翻九淵

龍驚起珠欲墮亂鳥無聲愁向我梅花一曲何斷腸
蕭瑟零霜肅滿坐盧子揮淚不勝哀銜冤垂老誰憐才
君不見欄衡傲岸成禍胎鸚鵡洲上多荊楚騷人往來
酌酒杯黃祖於今安在哉當秋苦調莫三弄聽徹躊躇
轉悲慟張令知心不可忘關河月照滑臺夢

餞別張逸人子書宿漳河旅舍

鳴鞭相送遠遊子北渡衡漳四十里春雪留人凍馬嘶
晚風攪樹寒鴉起回首安陽第一橋野亭尊酒復中宵
他年有意傳書札海鶴冥冥不可招

秋夜園亭遣興柬德平王

誰度浮生能適意東林曾許陶潛醉天涯久客歲時愁

出師詩卷十七

六

日暮獨醒風雨至王門有酒送何遲要和山人乞酒詩
園中養茗消清夜月照蒼然松桂枝

寶劍篇贈王希元

天開茨山鑄鐵英七星上護蒼龍精動拂寒光照朔野
三秋風雨匣中鳴國士佩之增俠氣詎學季子徒縱橫
久藏靈異發浩嘆一逢知己快平生憶昔神交寄雙鯉
中有尺書通姓名邂逅天涯兩披豁尊前不盡江湖情
古來放達在我輩半醉相隨歌月明鐵騎憑陵忽深入
宿酒未消心魂驚幾處材官死鋒鏑千家妻子號柴荆
每談邊事自抵掌於今北闕誰請纓咫尺鴈門不得到
探奇直向榆關行鵬西紫塞日慘澹馬上青山雲送迎

有才未必竟淪沒鶯花莫憶廣陵城暮別君正冰雪
滄沱暗咽東流聲

張子翔畫竹歌

張郎寫竹多妙思筆底驟來風雨勢半空截得數竿秋
眼中楚天不盡意鳳凰暗泣湘雲寒江濤攪碎青琅玕
神功咫尺不可測澄心坐倚孤蓬看試向瀟湘結慮足
幽事四圍籬落擁煙翠陰晴寒暖同不同變化無窮出
肖次揮灑對人無苦顏恬澹存之方寸閒君不見九疑
依然帝女歿至今淚迹猶斑斑黃陵廟西日衡山一梢
不動秋自閒力到古遠得三昧飄然逸興九霄外有時
夢著雲溪翁笑道羽也天機通要知曠達不凡處莫使

出師詩卷十七

七

人稱真畫工君父號雲漢翁能畫

雪夜過李于鱗宅適已醉臥因留宿作

雪天騎馬禁城隈何意中宵官舍開太白醉眠呼不起
惠連賦就卻空來滿城朔氣侵人骨試問宮梅幾枝發
上苑寒生千樹雲西山暗落三更月起來風物重淒淒
門外日高鴉亂啼共倒清尊不歸去長安陌上踏春泥

野父雜感

結廬不臨車馬道交遊須待南山老泉衝澗石聲自清
霜染江楓色更好暗聲冷冷洽長滿耳一朝野望淨於埽
聊雀下階相對開鉤簾獨坐披素袍兒借佛書越松嶺
歸來短衣沾雪冷老禪爲說梅初放紙窗幽寂橫瘦影

杖藜不到諸天遙臥聽清鐘徹凡境

思歸引

有家歸去來旅顏何摧顏胡爲戎馬際滯此燕昭臺十日九寄書不慰妻子懷秋風忽動思故園山妻搗衣兒候門缺月半天霜滿地悄然孤館銷人魂不見嵩高之山青差我上有松柏下有河松柏可餐河可釣老來幽事嗟無多離亂至今我獨苦夢中歸路迷煙蘿亂公舊隱須一訪白雲憐澹終如何

送楊玉伯歸涇陽

鳳凰城南楊柳絲常春嬾嬾牽別離古人折贈意偶爾至今千里傳相思風吹柳花正西去黃鸝喚春春不住

出關詩鈔卷七

八

落日關河恨遠人青絲白馬歸三秦壯年不嘆功名薄獨將寶劍淹風塵有時大笑對尊酒七雄能戰不能守燕昭之策非遠圖空使黃金高北斗君才落落誰見知且向滄浪隨釣叟秋來水上煙雲重慎勿濯足驚魚龍

中秋寄南都馮戶部汝言去歲此夕曾汝言潞陽

時警處變感舊賦此

小樓獨坐悲秋光美人阻絕天一方叢桂花開欲同醉其如南北成參商燕塞干戈朔氣動林陵風雨江濤長憶昔中秋潞水陽相逢月下傾壺觴金波可愛不可拘清宵宛在冰雪堂倚樹高歌起烏鵲星河欲落天蒼茫離亭向曉初分手歛見胡塵犯街柳驛路時時同說書

郡城夜夜聽刁斗朝廷有意訪賢才將士於今嚴戰守募兵千里屯京師日散黃金無盡期海內誅求信不易艱難早晚君王知謝安高臥欲何補馮唐老來應自悲宜遊旅食兩不見莽莽風煙各京甸昨聞寶劍賜嫖姚五都俠兒爭習戰上林鴝鵒秋一鳴北極浮雲日千變三吳凋敝若爲看何常疏奏明光殿

西園春暮

西北風來何太劇花落滿園春可惜黃鸝叫春蝴蝶愁四野無人日將夕惟有一枝留晚春當砌徘徊不忍摘且將尊酒對殘花春去悲歌復何益

寄金廣文

出關詩鈔卷七

九

漢廷誰復憐才子謫去長沙幾千里三楚寒雲過鴈聲九疑秋色搖江水騷人自古悲秋風黃陵廟前斑竹叢惆悵湘靈杳何處試聽瑤瑟月明中

武皇巡幸歌二首

玉輦銜寒色蕭蕭八駿鳴兔河水上過孤嶺雪中行撫劍羣胡遁轉弓百獸驚當年赤帝子空到白登城年少羽林郎嚴冬較獵忙旌旗開御道劍戟擁長楊飛去五花馬射來雙白狼中官傳賜酒甲冑拜君王

有感

薄伐元中策論兵自古難漢唐頻拓地將帥幾登壇絕代兼天盡交河蕩日寒不知大宛馬曾復到長安

麗情曲

昔會春江曲美人知我心朝遺白玉珮夕贈紫瑤琴夢入楚天遠愁連湘水深刺桐花又落黃鸝斷佳音

春宮詞

盈盈上陽女愁思起中宵月白瑤窗靜花深玉輦遙曉霞憎國色春柳妬宮腰不見長門賦傷心有阿嬌

秋野

地闊清霜滿林寒赤葉稀野雲秋澹澹山日晚暉暉殺氣三河動邊聲一騎飛中原多猛士誰解晉陽圍

暮秋卽事

十見黃花發孤樽思不勝關河秋後鴈風雨夜深燈留

山南詩鈔卷十七

十

滯悲王粲交遊憶李膺相隨年少子走馬獵韓陵

寄張崇德

空庭黃葉下風物豈鄉關獨夜人南北流年鴈往還亂雲低古塞積雨暗秋山爾亦悲搖落孤雲鬢欲斑

晚夏天寧寺對雨同殷正夫李于鱗賦

諸天忽風雨蕭颯動山扉殿冷鶴逾靜鉢空龍未歸晚留軒冕客秋到薜蘿衣後夜懷支遁遙聽鐘磬微

榆河曉發

朝暉開衆山遙見居庸關雲出三邊外風生萬馬間征塵何日靜古戍幾人閒忽憶棄繻者空慙旅鬢斑

榆林道中言懷

秋風吹短褐長笑過居庸羸馬有歸思枯蓬無定蹤山橫邊邑斷日沒野陰重旅餐成衰颯誰知阮嗣宗

北征

朔氣犯征裘旌懸大漠秋亂山通驛道殘日照邊樓白骨幾年戰黃雲終古愁夜來烽火急驕虜寇并州

夏夜獨坐披襟當風頗有秋意賦此寄懷

散髮南樓夜儵然披素襟螢螢依草際螢火落牆陰老破當年夢秋生久客心遙思苔石上坐聽美人琴

清明憶諸弟

白髮感平生幽懷阮步兵抱病頻藥餌爲客幾清明春滿他鄉樹河連故國城鵲鶴限南北空復在原情

山南詩鈔卷十七

十一

曉起

曉起正科頭時聞花外鳩出門疎雨歇倚杖斷雲流綠草偏依水青山半入樓况逢春酒熟不負嗣宗遊

送杜太僕謫荊州

謫宦三千里誰憐賈傅才漢江秋月楚岫夜猿哀心事登樓賦年光落帽臺知君最愁絕湘鴈逐春來

寒食旅懷

蘼北驚寒食淹留幾自嗟春風來燕子落日在桃花邱隴行邊淚江湖夢裏家不知疎嬾客何物是生涯

秋庭

東園開白日庭戶絕經過落葉聽無盡秋風來更多忽

聞誅寇盜莫厭事兵戈賣劍今誰是愁雲渺大河

送樊侍御之金陵

地入維揚路天分牛斗墟秋帆二水外春草六朝餘冰
雪生官舍風塵走諫書從來經國者寧不念樵漁

暮秋大伾山禪院同孟得之盧次樞醉賦

勝遊隨故侶幽興在禪林石上晴雲起松間晚磬沉青
山無久客黃菊有歸心我亦悲秋者樽前學楚吟

寄沈子剛

涼風吹短髮朔野正踟躕身遠艱危過才高意氣孤寒
聲悲成角秋色老邊榆俠少時相見藏名憶鏡湖

成安道中懷古示同行故人

山左明詩鈔卷七

主

朋好共行役不堪岐路分西風馬上急朔鴈天邊聞趙
壘但秋草漢旌空暮雲古來定交者獨嘆成安君

晚眺

寒日下西陵漳河晚渡冰孤城歸獵騎雙樹隱禪燈野
眺心何遠巖樓老未能翻憐戎馬日愁思坐相仍

暮秋夜東宗上人

山城搖落夜感慨幾人同舊館殘孤燭秋原老百蟲才
踈漂泊際心定寂寥中亦有逃禪意明朝過遠公

北望二首

戎馬何時定愁雲直北看朝廷殊見遠將相各知難風
亂邊聲急霜連兵氣寒中天問明月曾照漢家壇

鼓角昏黃過關山太白高往來驕虜數賞罰聖心勞佚

士惟龍劍材官幾豹韜城雲自寒色時擁漢旌旄

七夕敬誠二君餞別得秋字

北斗掛城頭明河迴不流人間清露夜天上白榆秋聚
散多岐路悲歡自女牛誰知老來抽回首故鄉樓

登榆林城

憑高望不極天外一鴻過萬嶺夕陽盡孤城寒色多蘆
笳滿亭堠羽檄度關河遙憶龍庭士嚴霜正荷戈

野望

西北消烽火邊關罷檄書寒聲惟鳥雀野色但村墟石
秃燒山後崖明帶雪初誰爲籌國者雲物渺愁予

山左明詩鈔卷七

主

哀江南四首

爲說江南勝豪華異往年波濤揚子夕風雨秣陵天歲
苦兵開賦春苑戰後田都門遲飛輓何處泊吳船

戰馬嘶江上寒生楓樹村新兵五都盡舊業幾家存共
倚中朝盛誰將上策論梁鴻避世者寧復老吳門

江南天設險滿目戰圖秋東海兵停權西風客倚樓朝
廷存大體斧鉞繫深憂不信征南將功成早白頭

氛稜嶺年動東南盡處看海搖千艦出兵犯七閩寒殺
夜寧無定憑陵信有端遙聞日本使猶自貢長安

暮秋柬徐別駕載卿

南征秋轉劇不寐夜漫漫白髮艱虞盡滄洲去住難旌

旗連野暗兵甲照江寒選將須與事誰能議築壇

懷李仲學罷官還北海

江南疲戰伐封事更誰論霜入多愁鬢天餘不死恩教
兒書滿案謝客草侵門非復獨醒日何妨開綠樽

樓居秋夜

短筇不到地老子愛樓居徙倚常科髮踈慵肯著書窗
高生月早簷迴接天虛萬戶燈明滅秋光澹自如

送陳僉憲子羽北伐

長郊停騎吹荒寺送君情春草初南下秋風又北征軍
容肅馬塞劍氣壓龍城遙看燕山雨蒼茫一洗兵

寄懷許伯誠

岩明詩鈔卷七

五

發朝遼陽雪還家草杜春客踈門自掩官罷酒相親白
首歌今代青山夢古人行藏不可問獨鶴下西秦

秋興

地曠靡蕪老庭空蟋蟀寒山河秋瑟瑟風露夜漫漫白
首誰同醉黃花祇自看吾生真浪迹滄海一漁竿

宿淇門驛懷孫方伯性甫王憲副廷瞻江少參伯

陽

駐馬淇門夕堂空暑氣徂亂雲關樹暝寒雨驛燈孤身
計聊時序鄉心復道途何當報知己秋鴈滿江湖

過袁子裁印席有贈

梁苑春將暮薔薇已著花風光隨燕雀天意曠龍蛇

龍龍同調襟期自一家羨君猶綠鬢聊爾寄煙霞

送徐比部汝思使蜀中

試發西陽書還探丙穴魚昔人不可見秋興欲何如巫
峽雲生夜巴江葉下初啼猿正淒斷山館獨躊躇

山縣久雨感懷

雲慘失峯巒林深鳥自安山城七日雨客舍九秋寒綠
酒愁邊盡黃花亂後看癡兒問行路不道僕夫難

送謝武選少安歸師固原因還蜀會兄葬

天書早下促星輶二月關河凍欲消白首應憐班定遠
黃金先賜霍嫖姚秦雲曉度三川水蜀道春通萬里橋
一對郵筒腸欲斷鵲鴿原上草蕭蕭

岩明詩鈔卷七

五

送章行人景南使關中

春盡天涯感別離滄波極目去帆遲江南到處牽芳杜
海上先秋薦荔枝明月每勞燕市夢白雲遙寄越鄉思

山靈暫爾留旌節獨立西風賦武夷

夜饒周時隆表兄東歸

弟兄此別重傷神况復淹留一病身白髮相看偏墮淚
清樽纔罷轉愁人江鴻北轉燕山夜河柳東連魯甸春
若到鄉關逢故老爲言遊子倦風塵

秋夜過吳職方子有宅

鳳城西畔獨尋君無奈寒蛩坐裏聞燈下旅愁驚老至
天涯秋興醉宵分禁鐘隱隱來深院海月微微出斷雲

綠河黃花知有約不辭風雨更論文

邊警

太白秋高烽火驚羽書飛下晉陽城沙場風急來胡馬
亭障雲深出漢旌戰守何人能仗策朝廷今日始言兵
懸知駕馭還方術早晚親臨細柳營

九日齊明府思欽見過

天涯節序酒尊空扶杖登高索莫中旅鴈一聲辭朔塞
寒砧幾處亂西風今嗟白首親朋隔舊採黃花兒女同
慰我羈懷有陶令非關秋色過籬東

送王侍御按河南

塞上初歸復此行燕南極目送飛旌天連嵩嶽寒雲盡

崔聖公夢筆七

十六

馬渡黃河春草生簪筆常思未央殿封章時發大梁城

知君最愛應劉賦更向西園一寄聲

聞老兵談邊事

少小從軍老病侵鐵衣征戰歲年深天寒野火燒荒塞
月黑山精嘯古林千載干戈堪灑淚三秋笳鼓數驚心
平沙亂草迷枯骨漢武窮兵怨至今

征夫歎

漠北單于旋射獵雲中都護擁旌旄征夫淚墮故鄉遠
戍角聲悲寒月高絕塞胡霜侵劍戟陰山鬼火照蓬蒿
從來百戰輕生死獨倚轅門感二毛

八客志感

寄述天涯久未歸孤城霜月憐無輝苦吟易老計何堪
濁酒驅愁功亦微兵氣橫關催走散仙雲繞關護垂衣
自從河套停邊議將相於今遠是非

謝侍郎與德郊亭餞別

昔會燕臺今白頭東歸分袂倍離愁年華易改誰長健
世路無窮客倦遊春雪模糊荒嶺樹夕陽慘淡古邊樓
此情欲寄滄沱水千折波聲向北流

寄懷盧司業濟卿轉留都通政

旅鴈孤飛驚物候詞人相憶采蘭若夢回金馬南雲斷
愁傍銀臺北斗遙秋色幾看鍾阜樹寒聲還聽大江潮
風騷六代誰爲主潘陸冥冥不可招

崔聖公夢筆七

十七

吳給事明卿請江西詩以寄之

環閣當日起才名忽訝春風萬里行河北書傳揚子路
天南帆落豫章城驢人弔古非湘怨遷客悲秋自楚聲
帝里舊遊今散盡浮雲回首獨含情

秋日過方晦叔書院

蟬咽高枝秋滿城當軒松桂助幽情地閒清沼月相映
石作孤峯雲自生醉後轉多憂國思病來偏得著書名
詎憑狗監吹噓力獻賦于今陋馬卿

送毛明府伯祥之羊城

君今初捧郎官檄此去羊城道路賒海上有雲連蜃氣
嶺南無雪到梅花行春策馬青山近退食鳴琴白日斜

回首風塵迷北望幾逢燕使問京華

送沈郎中宗周出守順慶

明星當戶動征鞍此去春光道路看巴字地形天外轉
嘉陵江色郡中寒三秋戰伐論才急四海誅求出牧難
沈約未須裁八詠倚樓時復望長安

青龍橋上有感二首

去秋胡騎此縱橫驛騎乘時議北征四野晴烟猶慘色
千村寒食重悲聲黃鸝獨嘯杏花盡白日低臨湖水平
萬戶徵求今轉劇何人駐馬問春耕

落落狂歌一阮公旗亭把酒送歸鴻湖光不定春風裏
山氣偏多夕照中滿眼鶯花雙鬢改百年愁思幾人同

崖明詩鈔卷十七

六

邊庭李牧空遺跡此日誰論破虜功

皇甫水部道隆請大梁詩以寄懷

聞君遙自楚天來一到梁園見賦才搖落舊曾悲屈宋
寂寥今復弔鄒枚黃河蕩日寒聲轉嵩嶽連空遠色開
何事弟兄俱謫宦西風愁對菊花杯

寄李明府伯承

天涯頻送客而我獨栖栖多病春花發孤懷候鳥啼美
人斷音信風物感離暎地接斗牛外江流吳楚西別時
霜島島去後草萋萋詞賦枝生近聲名潘令齊策勳看
玉劍抗疏擬金閨蚤晚香山約磨崖更一題

塞下

青山行不斷獨馬去遲遲宿霧開軍壘塞城見酒旗沙

連天盡處霜重日高時慘淡兵戈氣蕭條榆柳枝乾坤
疲戰伐將相繫安危寄語籌邊者功名當自知

報國寺同馮戶曹汝言昆季餞別王太守學甫得

橋字

不盡送君意禪窗共昨宵離筵過風雨行旆及河橋黃
鳥鄉心劇青山驛路遙春陽浮郡滿雲物度江饒楚樵
經千里吳歌自六朝清秋定相憶何處采蘭苕

陳太守元卿書至自鄴賦此答之

爲郡經年別聲名自下車山川賈甲後風俗建安餘驛
路頻歸夢交情一報書孤鴻常晚落萬柳入秋疎月白

崖明詩鈔卷十七

九

饒鄉思天寒滯客居陳蕃舊榻在今日爲誰虛

寄王叔采

憶昔清汜上踟躕別右軍十年殊未見一字不相聞漂
泊應憐我迢遙幾夢君苦吟先白髮多病後青雲獨滯
周南口還空冀北羣飛花悵春過明月感秋分天外鶴
孤唳風前蘭自芬稚圭如舊識寧復北山文

送張比部汝任募兵太原

拂曙別承明轡軒西北行天廻濁河水山擁太原城榆
塞霜中色蘆花月下聲四愁今日最孤嘯幾時平慷慨
深酬主艱難始募兵良駒輕道路壯士重功名烽火當
秋急疆場計日清歸來上封事應悉九邊情

送金判官之濟赴太倉

逢君候馬前別思夏雲邊聯騎依宮柳同鄉戀祖筵襟
期竟南北恨望各風烟城度蘆溝月潮平揚子天蒼生
增賦日赤縣募兵年佐郡今行矣憂時獨慨然農桑何
處足歌頌幾人賢莫使逋逃者春荒海上田

送高伯宗梁公實二比部祭陵廟

祀典千年重嚴趙二妙同馬嘶川日墮路轉石林通旌
旆晴光外山陵王氣中雲深雞組豆霜下肅臣王明月
帝靈在高秋天宇空瞻依增百感松楸正悲風

寄蔡衡州子木

開道湘東勝偏宜遊宦情山川壯荆楚翼軫麗衡白

岩明詩鈔卷七

壬

鴈夕連渚丹楓秋滿城樓高分嶽色地迴散江聲早歲
能爲郡中原舊著名有才逢聖代不寐爲蒼生驛使無
書札蠻方尙甲兵何時同醉賦上苑待春鶯

送申職方儀卿請東萊推官

防虜周王策開邊漢將功兵戈今日倦議論古人同赤
縣烽烟裏蒼生賦役中許身酬聖主隨事贊元戎自謂
屠龍技那知失馬翁商歌臨別路宦迹感飛蓬日落雙
旌遠天高一劍雄遙知坐深夜霜月滿齊東

歲暮寄盧次樞

客邸多朋好栖栖勞此生長存排難意遂有泛交情管
鮑心無改妻孥計轉輕單衣沾朔雪衰鬢滯燕城僊塞

逢黃祖疎狂自稱衡家貧公議定歲久怨懷平共擬三
江釣還期五嶽行采芝從綺季回首謝浮名

同程子仁守歲有感

歲盡邊庭虜騎回孤城秉燭旅顏開亂離已過三關靜
生死相違幾處哀漸覺寒威今夜減可憐春色異鄉來
老年結伴青藜杖聖代逃名濁酒杯淮浦南通吳客櫂
漳河東繞魏王臺身緣留滯常同感書寄平安各自裁
憶昔京華更愁思笛聲吹落漢宮梅

行路難

荀卿將入楚范叔未歸秦花鳥非鄉國悠悠行路人

懷鄉子序

岩明詩鈔卷七

壬

渺渺太湖水湖中多鯉魚故人時把釣應有北來書

大梁懷古

策馬夷門道高城帶暮雲至今豪俠士猶說信陵君

登輝縣城見衡水思歸

城外河流白練長城中萬戶共秋光秋來偏作還家夢
河水東流到故鄉

古意

百轉曉轡金井深美人汲水梧桐陰流雲在天日將暮
獨有寒泉知素心

下天壇山值雨

名山勝事本難期洞裏燒丹老鶴知白石青蘿千折路

曉衙煙雨獨歸遲

九日攜酒過王叔野無菊

雨潛癩漫閉柴關九日餐英自解顏不種黃花君更癩

滿城秋色幾人閒

送陳秀才歸吳

家近楓橋兵火餘鄴中多病感離居秋風歸去尊鱸美

江上逢人間提書

搗衣曲

秦關昨寄一書歸百戰郎從割武威見說平安收涕淚

梧桐樹下搗征衣

枕花

山左明詩鈔卷七

三

溪上蒸霞千萬枝隔林黃鳥願春遲不催洞裏秦人老

解使宮中漢女悲

晚登沁州城有感

客子登臨望野田銅鞮城上月初懸清光偏照農家婦

織得春衣辦稅錢

秋懷

秋來客思渺煙波湖上看山秋更多祇恐佳人怨秋色

晚風吹斷采菱歌

春草

雨中愁色望中繁別賦偏銷南浦魂望斷天涯春欲暮

萋萋猶自怨王孫

送皇甫水部之荊州

聞道美人荆楚行片帆風色度江城夕陽欲下復何處

九十九洲芳杜情

春閨

羅衣初試薄寒生荳蔻花開感別情零落鉛華君不見

畫樓春雨燕雙鳴

重九雨中懷弟

天空朔鴈不成行秋色年年似故鄉門掩菊花人獨臥

冷風疎雨過重陽

雪中卽事

萬里同雲鳥不飛出門寒色上人衣誰家公子能馳馬

山左明詩鈔卷七

三

雪滿長安射獵歸

塞上曲寄懷少司馬蘇允吉

鴉啼初日塞門開昨夜陰山探騎回秋盡漠南風雪徧

單于不敢射鴈來

新鄉城西昔送李學憲于鱗至此感懷二首

大道相攜五嶽遊老夫共爾賦高秋賸將石髓換仙骨

西指崑崙天盡頭

相期走馬駐孤城促膝論交中夜情不見澄江映秋月

故人心迹兩分明

別調曲代贈所知二首

住鄴城門向西青樓上與鄴城齊郎行好記門前柳

春夢南來路不迷

離筵易醉夜將分
趙舞燈前猶向君
從此腰肢瘦無力

牀頭閑煞藕絲囊

春詞

城烏何意夜深啼
紅杏梢頭片月低
香冷薰籠人不寐
春風吹過玉欄西

山左明詩鈔卷第十七

山左明詩鈔卷十七

古

山左明詩鈔卷第十八

趙邦彥 九十首

邦彥字元哲號少虛東阿人嘉靖癸卯舉人有

趙元哲詩集 縣志邦彥少有傳才博學負氣不

虎窟山中家日益貧衣食不能給親戚見其坎

壑又落落難合多棄不顧邦彥亦不肯婚其

閒歲時伏臘捉粟沽酒召山僧田父羣相與對

飲耳熱眼白仰天鳴咽里中兒皆竊笑之而不

知其所以或勸之仕亦笑而不答有詩三千餘

首順治中邑令朱應穀選爲八卷刻之行世

朱中立云少虛與戲卿海浮同舉二子廷用仕

蕭少虛獨結廬山中養元自適讀書種竹以至

終身則其高致可想矣詩如其人 于文定公

片先生詩雄麗瑣瑣取法初唐亦可鳴琴振

後塵 其

族元哲詩惟從海嶽靈秀集見之門人劉琴於

其族人處偶得刻本所謂幸而存者予爲鐫訂

山左明詩鈔卷十八

春遊

韶年屬元巳和曦麗悠悠溱洧鄭風傳洛濱晉禊脩端

居寡權懷薄言肆我遊載酒呼蘭友聯騎出山陬颯沓

經陽林嶺嶺陟陰邱雲香碧泉駛草繡蒼巖幽谷鳥出

嚶嚶羣鹿食呦呦飛蓋花雨飄度幕篠烟留百琲麗人

侶下金游子倚寒芳結蕙蘭忘機仰鳬鴨撫景暢清飲

觀化恣冥搜冲懷齊萬古元想結十洲齊竿諒難工楚

壁竟何酬逝年有成暮奔湍無迴流少壯能幾時倏忽

甲子周逝將練雲骨營營欲何求

出塞 效六朝體

烽火照邊庭玉璽趣專征紫塞胡窺月青旻將動星絕域三春冷飛蓬萬里輕金罈犀劍耀銀鎗象弧鳴元戎揮豹略前隊抗霓旌平雲遙翼陣御月半銜城黑風壓虜帳赤電掃胡營大宛悲短技小月繫長纓善馬來西極金人歸水衡魚海山重禪燕山石再銘功成策京觀歌舞入神京

步虛詞

大道方生一一生萬象分靈仙秉精虔抱一川不勤薪火遞流傳營魄凝氣氤善水澄金液元根煉玉氣漢桃咀雲腴齊棗挹靈芬寶笥龍泥印瑤編鳳篆文青鳥邀王母琅函啓赤安萬言攝一字冲舉蹁飛雲飄飄凌倒景網羅謝世紛金石詎足儼甲子諒何云靈駕三乾外空樂萬里閒羅列儀璇極听夕侍眞君

山前詩鈔卷十八

夏日山莊讀佛書作

閒居耽清曠夏木蔭石屋踈雨夜來過紫翠翠峯蘊池荷紛披花窗風勁鳴竹白雲冉冉至寓寓媚幽獨盟手岑具笑冥心欽梵竺埽葉坐苔石時來松下讀三諦吾當證十纏衆方逐玉毫開覺路寶筏濟迷喚回空已亾一紛糾復解六結性明心航盟東聊自足

虎窟北寺小洞

山晚促歸騎北巖僧我留攀挽意頗堅欲去且復休窈窕踏青藜崔嵬躡丹邱雲屏雜桐蘿石壁寒泉秋千章

鬱蔥蒨一盤澄深幽參差烟中村渺曖天際舟高峯獨倚杖百里迴雙眸改席依蘭坂村酒菽蕡羞藉石錦斑爛蔭榛風颭颭夜涼空山靜一氣滌沉滓舉盃河漢灣振袂星辰流既醉不知歸感子意綢繆天地悲芻狗貴賤等蜉蝣神仙在何許苾苾味香難求不如飲美酒遨遊兩山陬

秋日與僧登山巔酣飲醉中短詠

天風振蒼林寒雲屯山隈黃葉覆衡茅淅淅午不開徘徊萬古心憑几生秋哀老僧忽叩扉贈我床頭醅展席臨前除舉手開尊鼎語多雜恢譎觴酌無嫌猜酒酣發大叫健步陟崔嵬微茫百里接岱嶽遠縈迴兩傾曹植塚草蕪管氏臺浮雲變今古古人安在哉日月雙跳丸乾坤一浮埃悵彼勢利子胡然顏鬢摧舉袂拂流霞一笑傾千盃安能生羽翼去去東蓬萊

山前詩鈔卷十八

出遊

狂飈振四野零露凋華薄秋風慘人心青山亦蕭索几塵翳圖書門羅喧鳥雀混世應馬牛屈踪困龍螭抑鬱思行遊梳頭啓山閣杖策遵修坂步履入層壑泉聲咽危壁野日淡寥廓百卉淒淒以彫嚴菊何灼灼采采不能實貽我心所樂所樂在遠道芳訊晴能托藏之懷袖中常恐馨香落

青樓引

九龍銜枝紅烟翔三爵樓樹彩霧香文屏屏枕絳羅帳
蘭烟百和薰象床中有一人字玉娘舞鸞調鳳掌中狂
珠袞霞袖蓮紫步綠蟬秀黛花枝如燈前壽客金屈厄
令嬌流睇前致辭青天冉冉白日徂君今不飲胡爲乎
顧兔驅川月光斜桐林夜半啼烏鴉鳳條泣露濕窗紗
金釵半醉笑生花聳才欲挽銀河溜冷細注蓮花漏

春寒行

一冬無雪乾殺麥入春靈雨忽飄蕭豪客探春紫馬驕
柳絲梅蕊翠烟搖胡公窮陰連晦朔風伯雨師交肆虐
冷漸晶品萬畝封綠崖錦嶂疊水萼麥芽青青凍欲死
花蕾紅紅開更索花神嗚嗚泣花皇青神號呼心徒勞

崖明詩鈔卷十八

四

元冥竊令青神侮綠睛細霽氣如虎鞭龍驅寒走東陸
霜華雪片妖蛟舞牛羊半死熊狐號迅獵十旬行者苦
敝裘經冬今更薄袁安高臥臥空閣紛紛南征甲士勞
旌旗凍折手指落青神飛雲訊瑤闕九關虎豹那得謁
玉女投壺紫皇笑雷公撾鼓電光發銀河一線不可航
元蟬老兔天蒸欲匍匐歸來泣且僵臂乾口燥心皇皇
尺時錯遘有如此人事翻覆詎足量君不見徭徠饑民
守宗室朝典麥苗暮鬻女

安平道中遇雨抵許平漱少叅置酒

李子邀我安平行驅車西出清河滑雲白山青墟里疎
芳草半黃紅樹古車中偃仰謔笑懽九月家家響砧杵

倉卒黑雲海上來怪蜃妖蛟相對舞驚飈亂捲急澗催
行子沾濕愁風雨泥淖幸抵安平城許子開筵歌白苧
桂爾蘭肴又一時大笑平生吾與汝陰晴天道信難量
倏歎悲懽詎足語憑君莫驚亦莫猜萬事人間皆逆旅
明朝歸去碧山陲還取白石對月煮

秋興

金飈瓊樹冷青女素霜流一塢花香滿空庭鴈影秋魚
龍寒自寐群芳晚應愁客思悲搖落長歌醉不休

端居

歲月自端居園亭水竹墟片雲楓樹杪微雨杏花初
星斗開龍劍風塵急羽書悲歌感時事日暮倚山園

崖明詩鈔卷十八

五

夕歸卽事

村晚催歸興青崖一徑攀荒山紅葉寺野水白鷗灣漁
唱隔烟浦僧來叩竹關夕陽林影亂冉冉數鴉還

過南天觀因作遊仙詩四首

翠壁開瓊觀丹邱闕赤文洞花含宿雨階鶴唳宵雲衆
壑陰陽合孤峯日月分醮辰朝上帝絳節夜紛紛
窈窕芙蓉闕深沆紫翠房牽花尋鶴徑步月下麟堂玉
洞千年乳金壺五色藥仙家烟霧裏縹緲取鸞鳳
藥院松杉合丹房雲霧生十芝金草秀七焰玉花明浮
歲將週甲靈砂候出庚焚香遲鶴駕青鳥下簷櫺
日麗瑤壇午花開醉玉壺洞簫翻翠鳳仙鳥下青鳥寶

笑三乾字琅函五嶽圖願留不死藥長斟謝凡夫

過山家

郊棲無俗侶幽興有魚船野屋丹花裏晴川綠麥邊清
疑剡水山醉愛夕陽天更約明朝賞猶餘掛杖錢

入虎窟山寺

巖洞晝冥冥松蘿倚翠屏花邊孤騎入雲裏萬峯青浮
世悲千劫空門夢一醒老僧方出定相對話金經

郊行書懷

地僻來人少溪山此杖藜花風低燕雀柳浪戲鶯鷺舉
世甘龍象謀生學馬蹄郊遊春浩蕩隨意水東西

登山

崑崙山

六

烟林便午坐天落開風圖川雨遙明滅山雲乍有無翠
飛來岱嶽黃落出江湖百里雙眸盡長吟興不孤

夜起述懷二首

酒醒坐仍立悲吟繞竹叢月華雙杵夕草樹九秋風天
地醺醺夢文章鼯鼠窮百年應汨沒雲際問冥鴻

萬籟齊不作池亭花影橫流年更九日缺月欲三更貧
覺妻孥累愁隨漁暮生自無躍馬分何川卜君平

晚

石阜晚登眺深秋草木稀烟村一水隔野浦亂鴻飛松
嶺日初暝楓橋人暮歸淒涼惟敝屋辛歲嘆無衣

聽彈琵琶

琵琶傳絕域妙伎出名城鳳翼低還舉花音淒復清不
緣出塞恨那作斷腸聲餘韻雕梁繞蛾眉纖月橫

七夕

山城逢七夕露坐敞重扉池冷星河定橋成烏鵲飛綺
筵花散影針綉月停輝漫乞人閒巧應知拙者稀

往西巖途中作

野日白杲杲涼颿吹我襟黃花蛩語近紅葉鴈行沉馬
首緣雲入蛭腰度湖深重陽看又至山開幾登臨

大司空鎮山朱公治河功成

遙遙開巨峽宛宛出河洲半草人咸應先庚神與謀桃
花疊浪竹箭駛新流運道三千里歡聲震海陬

崑崙山

七

香山寺與寶燈和尚談禪二首

香岫開靈域蓮峯抱化城金泉飛雨落寶樹倚雲平六
念塵機滅三幡妙諦明沈寥真境闕晏坐學無生

日月同金界樓臺枕翠屏覺花雙樹白忍草數峯青諸
法元無住真如脈有形一宵談淨義彷彿有龍聽

寄東平劉堯麓郎中二首

龍犀獨抗疏百辟久蒼皇恩幸全生死心猶戀廟廊和
吐蘆水白芸閣孤山蒼花圃春風裏何時共一觴

故人安穩未南望渺愁予酒盞年來數交游官罷踈星
辰雙寶缺花竹一茅廬風雨青燈夜蕭蕭獨著書

夏日郊居雜興二首

擾擾玩浮世依依只故園古今歸白髮天地入青尊樹
覆明農聖花垂讀易軒一盃聊復爾萬事任應喧
野廟依叢薄村巫禱歲豐魚樵分徑出鴉犬數家通柳
色孤舟雨蟬聲萬木風夕陽伏社散扶醉送山翁

贈江僧慧泉

飛錫超塵境斯泉繞梵宮三摩靈派演八解慧源空法
雨挾龍山慈津渡象雄西江一口意試問月光童

中秋對月

廿載遊燕市中秋醉楚醪可憐今夜月還照舊青袍桂
樹歲華宴關山戎馬勞感時愁不寐聞寂任蓬蒿

旅邸曉發

岩前詩鈔卷八

八

旅亭風雨歇星月曉淒淒淒淒開閣霜花冷梳頭候馬啼故
人迴玉佩野老恨雲泥歸騎晴途駛翩翩望樹嘶
于可遠內翰邀登毗盧閣

芙蓉未開敞龍象法筵森星斗丹梯近河山紫極深青
雲悲燕雀華髮夢邱林徒倚危欄暮惜勝慨古今

梅花二首

空山窺皓魄芳樹稍浮空欸訝珠纓女遙凌水月宮鳳
粧時點雪龍笛暮吟風醉賞休辭數名園正棘叢
幽尋不稱意忽漫野籬濱春領先天氣姿傾絕代人橫
斜留皓月寂寞倚蕭晨日短江湖外年年委路塵

山莊秋日

空林積雨歇茅屋野雲流黃菊紛垂徑蒼山半入樓風
霜催短鬢鼓角怨深秋衰草天涯徧茫茫咏四愁

詠日

元象璣衡應洪光萬葉蒸乾坤曦馭匝今古曜靈分五
色團霄靄重輪抱慶雲葵心傾麗景持此奉明君

詠風

稍逐蘋光泛時因月並生雌雄隨地異喧拂信天行舞
薦千花偃歌均萬籟鳴願從列子馭縹緲入蓬瀛

詠雷

雷聲拔海震風雨霽紛紛出入關羣動冥濛走百神迅
車劃九地丹電閃層層曼魑魅千山伏靈威望紫宸

岩前詩鈔卷八

九

詠鴈

霜降辭燕嶠花開背越城往還關塞倦南北燧烽明鐵
羽雲相失傷弓月屢驚愁人宵不寐淚落枕邊聲

聞蟬

草開烟霏潤庭槐雨色清暮蟬風裏劇哀響葉邊生露
飲心應潔雲棲患不嬰翩翩簷際雀求食下前楹

萱草

墨葉鬱分叢名花綻鹿蔥誰將羅帶綠來拂錦裙紅欸
笑朝含露披香晝裊風忘憂方植汝憂思轉忡忡

螢火

螢火流清夜深驚歲月徂輝輝動簾幕箇箇點團蕪露

濕時凌亂飄迴乍有無長門秋思冷縹緲度金鋪

登岱二首

岱嶽峯頭俯鴈羣風幢玉殿禮元君層崖疊嶂低秋日

漢石唐碑冷夕曛烟霧下迷千室雨壑廊晴澹九霄雲

五松風起寒濤急鳴咽秦聲不忍聞

金泥玉策靈章祕巨嶽仙閣奠魯疆三觀雲峯天矗矗

六龍輦道樹蒼蒼崩崖積雪千年白陰洞桃花四月香

薄暮飛觴凌絕頂蓬萊五色見東洋

黃石公祠

黃公祠廟穀城隈唐宋文章落上台白日靈風松檜偃

蒼空怪石畫圖開秦鴻萬里辭羅網魯甸千年薦酒盃

宏明詩鈔卷大

十一

卻憶西京張少傅瑤書祕術使人猜

溪莊微雨

溪頭老鶴鳴聲長溪上溟濛細雨涼籬外松聲時斷續

曉來雲氣已低昂幽亭曲徑寒相映翠竹紅葉濕不妨

瓦雀漸喧風日霽鄰鄰新綠繞廻塘

夏日郊居咏懷

夏木陰陰覆藥欄雨餘綠嶂火雲殘竹簾風細琅玕簟

荷塢花擎翡翠盤白日虎豺喧自闌青溪魚鳥靜相看

巢林已信一枝足閱世空悲行路難

舊薇開率雨題句

山莊三月忽四月爛漫舊薇覆架斜暮暮綠陰闌戶闌

枝枝丹萼闌雲霞曉叢蜂蝶喧蕊落雨池亭已落花
身世浮名元不定獨能無意向金砂

秋懷八首

亂雲細雨暝猿吟寥閨秋齋避世深書省故人書斷絕

蒼山落木晚蕭森廿年奔走黃塵暗萬里江湖白鴈沉

華髮蕭蕭東海客短衣破帽老空林

飛流石罅玉泠泠虎窟諸峯擁翠屏一笑鶯花供宴榻

十年風雨對寒檠紫芝黃鶴盟仙侶白髮滄江老客星

鍾鼎林泉俱不惡莫緣塵思惱山靈

蟻絡窮民滾滾來迢遙千里蔽氛埃流離野哭辭鄉井

饑餓山行沒草萊暗慘關河孤月冷悲涼風雨亂鴻哀

宏明詩鈔卷十八

十二

金書玉節無消息肉食從容笑舉盃

帝畿水旱流離慘魯豫蒼生半已凋白骨幾年悲草莽

紅顏一夕逐風颺笙歌玉帳娛侯國絡繹金緋走使輶

海內瘡痍豺虎沸諸公何以答清朝

衛兵消弱邊兵敵烏合紛紛更募兵天下征輸渾已困

爾曹戰關只空名旌旗威迅元戎幕霜露秋嚴列校營

士飽馬騰專號令坐令萬里庇長城

金鼓邊城探騎飛風沙赤縣淚沾衣虎符遠近無功伐

鴈塞干戈有是非紫殿屢開優詔旨蒼生轉見迫寒飈

天威候歛清樞草實寧行看變禍機

君王臺榭枕蓬山貝闕霞宮縹緲間金海星辰環豹尾

璵峯花鳥識龍顏元壇南祀靈光散丹圖西來瑞草斑
鶴背天風明月夜羽衣芝蓋渺塵寰

零落芙蓉草閣陰高秋風雨獨悲吟青蠅貝錦勞多口
白日蒼旻照此心寂寞魚龍沉草澤哀鳴騏驎臥空林
美人一望天涯遠茅屋寒燈月影沉

酣歌

繞屋南山拱畫屏古藤曲屈入柴局窗流烟月花分彩
石削蛟龍柳拂青燕樹天迷彤闕望魯門春對草堂靈
碧溪風煖蘼蕪綠日日酣歌醉玉瓶

閒笛

薄暮荒亭聊引眺誰家玉笛弄秋清川原曠帶烟中色

卷八

七

今古吹殘曲裏聲梅塢孤亭花自落關山萬里月還明
愁人易下清商淚歲序依然愧此生

南山遇道士因贈

碧空長嘯鳳鸞聞道侶相逢興不羣烟外楊花晴滾雪
席邊蘿洞翠蒸雲長鑱落箸誰青眼破篋蕭蕭有赤文
瑤草金光何日授願隨鶴馭訪茅君

雨

曙雲黯淡水村幽曉起青岑對倚樓颼颼花林催淑氣
濛濛柳色起春愁詠求滿眼蒼生困道路頻年亦羽流
潤灑山田仙宿麥躬耕聊爲此身謀

山寺

若拱山巖青冥盤鳥徑夕陽山下村隱隱聞清磬

山屋

連山如翠屏正對幽人屋石洞飛白雲時來簷下宿

湖石

怪石如獸蹲蒼蒼太古色雲竇翳青蘿彷彿南巖側

蕉石

片石竊哈呵雲光互吞吐上有芭蕉樹時響南山雨

夜飲張家

華屋春燈艷山城細雨深相逢一盃酒剩話百年心

杏林晚眺

朝出野烟歇暮出野烟發遙望千林杏紛紛碎涼月

卷八

七

春遊三首

絕岸杏花塢參差閒脩竹欲就竹中飲醉即花間宿

茅屋鷓鴣午青山四抱幽枯棹閑野圃蝶戲菜花流

殘照低烟樹遙憐子建墳寥寥千古意日暮倚松雲

所見

雲葉挾風冷霜花迷霧白孤裘怯曉寒念爾鶉衣客

馬嶺夜坐

鳴雨夜重重淒風振林樾曉起亂雲飄巖樹半成雪

聞蟬

微雨晝冥冥懷人遠樹青鳴蟬何太急一一入愁聽

曙

樓頭烏亂啼耿耿悲獨語紅葉入秋風颯颯驚寒雨

聞笛

笛聲催楊柳落葉擁前墀記妾紅橋畔攀條送爾時

四時宮怨四首

玉扉形閣鎖歲華自分飛花不上枝忽見柳絲春媚媚

十年心事認蛾眉

垂柳絲絲蔭玉墀元蟬聲裏送涼颺日長綳罷鴛鴦錦

花院沉沉畫賭棋

桂宮馬角無生口花遲羊車憶去年翠飲雙蛾悲畫燭

西風吹雨落窗前

蘭烟芝火罷宵眠雪片燈花似闌妍誰挽銀河作漏水

崑山詩鈔卷六

十四

銅龍鳴咽夜如年

送劉菊塢太學歸洛川

鶴馭西來紫氣浮龍泉寒耀五花裘相逢一笑又歸去

杳杳烟花天際愁

尋僧不遇

欲雨不雨天氣涼野寺無人秋葉黃松墀宴坐了無語

時有飛花點石床

四時雜興四首

幾樹垂楊掩映數家流水潺湲啼鳥落花春晝開雲野

鶴柴園

水流南澗北澗草綠前山後山荷笠朝鋤雲隴驅牛夜

近松關

三徑黃花含雨九秋紅樹酣霜飲客何嫌草具南山舊

墨青蒼

風徑梅花糝玉雪亭竹葉低青作臘數升綠酒養生一

卷丹經

趙完璧二十五首

完璧字全卿號海壑膠州歲貢生官鞏昌通判

有海壑吟稿明詩統別錄性嗜吟咏有聲燕趙觸事起興有天然之趣蓋得風雅

之遺一

樵父詞

太古不可挽空山潛幽人世務無繫縛樵蘇不爲辛游

崑山詩鈔卷十

五

日曠烟靄騁懷極嶙峋咄惜登空材聊斧臙腫薪空翠

冷入骨殘霞每在身谿谷適竟然鹿豕夙所親朗唱振

林木長嘯起風塵寓興雲與石迹名秋復春巢由慕狂

蹤堯舜非所欽豈云負叔教含笑棄買臣此中有真趣

物外曾憂貧丹崖一千丈不願圖麒麟夕陽二三束重

負嗤邱民頽然臥明月身外安足論

楊烈婦辭

楊子椒山因同難西臺相知乙卯冬被刑遇時禁託烈婦詞以傷之

楊烈婦情可傷生平雅操冰與霜小姑作逆誠無良衆

人默默將誰匡直言爲姑陳丹心照中堂不惜一人生

大義或可揚何意觸姑怒青蠅白壁反無光抱我寸心

曲終始誰能詳死以天下事辱爲小姑償彼蒼不墮淚

萬古摧肝腸

呂平道中

濛濛寒食雨剪剪暮春風醉眼開新綠征衣點落紅山
光憐謫謫王事苦匆匆空復尋芳意悵其望海東

冬日靖虜晚發

初冬發靖虜殘雪照山頭冽氣凝青嶂寒光逼翠裘孤
臣愁絕塞萬里望中州擾擾無東計悵悵欲歲遒

夏夜獨坐

獨坐芳庭晚遙依銀浦清竹風披海暑山月靜荒城有
酒閒仍醉無官負自輕年年滄海上高興此平生

十二月立春日簡樂侍御

史明詩卷八

去

臘月逢春日新年入舊年野梅殘雪後江鴈暖風前老
眼園林霧開身湖海天朱顏那可再偷向醉中還

塞垣曉行

野寺踈鐘盡寒山殘月斜水溪驚鴈陣石徑破霜花杯
酒全無力邊風不可遮孤臣一萬里腸斷塞垣笳

月夜飲靜寧劉陵沙太守

涼月飛寒嶽清宵遇故人共將遼海思相慰塞垣春把
酒黃塵倦論文清興新挑燈放櫓抱海內爲誰眞

碧溝戰場

微雨曉初歇陰陰過戰場悲風翻野蔓流水咽荒塘枯
骨生新蘚殘魂斷故鄉誰輸全勝策千舞念虞皇

次韻鹽城月下聞笛

羌管誰家弄月明晚風清度隔雲聲悠悠夜館渾無賴
裊裊江天別有情楊柳淒涼鄉夢斷梅花零落鬢絲盈
關千十二醒殘酒憔悴年年客楚城

咸陽懷古

悲風浙浙古咸陽百代遺蹤自可傷王氣有歸弓劍沒
寢園無祀野雲涼蒿萊滿眼英雄去翁仲含情歲月長
索寞秋原那可問碧峯斜日向蒼蒼

秋夜聽雨小飲

莫教煩惱心常累曾悟空門水不波萬古此生眞可惜
百杯良夜豈爲多逐臣自笑山林僻幽室還宜風雨過

史明詩卷八

花

縱酒放歌今不樂寒蛩昏曉欲如何

次韻酬楊椒山二首

蓬瀛回首欲沾巾勢入艱危託故人
矯性由來難避俗
迂儒垂老拙謀身赭衣相值仇秦越
綵筆誰看泣鬼神
辛苦不妨淹日月授書喜有漢良臣

海上長思烏角巾樊籠愁殺宦遊人
空隨秋鴈頻回首
安得晨風一奮身古柏凌風常淅瀝
老梅含雪更精神
賦詩共荷天王聖取罪還知白小臣

青家驛曉發

肩輿清曉出山城寒外風烟恰客情
日下旌旗微有色
霜中鼙鼓暗無聲凝寒割面重裘薄
晚歲忘身一羽輕

多病不堪遠勞役差將藥裹伴微名

首夏雨後曉起

列缺奔雲裂海山夜闌雨歇曉開關
修篁睡鶴寒烟紫小院無人細草斑
啼鳥不來詩興寂落花飛盡酒杯閒
蒼苔滿地抱孤悶獨眺滄溟縹緲閒

春閒二首

寂寂閒庭靜離離春草生朱簾白日永
空復落花情春陰山館閒雲靜松花老
玉琴寂不調清觴爲誰倒

秋夜

涼月叫殘蟪蛄西風落盡梧桐滿耳
秋聲不寐寂寥延佇庭中

崑山詩鈔卷十八

六

春日

微雨洗明苔色暖風吹破桃花竹裏
酒醒無事徘徊春口西斜

青州道中舌塚

荒塚累累春草青行人指點未分明
英雄寂寞前朝跡落日東風恨不平

楊花

何處楊花小院輕捲簾孤坐午風清
一春寥落江南夢腸斷吳姬勸客情

丁卯鹽城九日

江峯迢遞獨登臺滿眼黃花暫舉杯
兩度重陽歸未得

秋風千里望鄉來

春殘漫書

啼殘野鳥春歸去閒徧好花人未知
向曉高堂對青鏡蕭騷惟見鬢邊絲

春日卽事

一聲兩聲山鳥啼三日五日春雨淒
淒柴門暗鎖柳花碧閒館無人醉似泥

山左明詩鈔卷第十八

崑山詩鈔卷十八

九

山左明詩鈔卷第十九

戚繼光 十八首

繼光字元敬號南塘世襲登州衛指揮僉事

武科歷官左都督加少保諡武毅所著有止止

堂集詩選傳云公少折節為儒通曉經術軍中

賦詩能鎮靜過吳門角中布袍帶二三文士携

手徒步人不知其為故將軍也結髮從戎開闢

百戰綏靖不取功在東南掌京營日建議練兵

出鎮薊門敵不敢犯中道離卒以罪廢生平

方略欲自見於西北者多有未展故其詩多感

激悲壯抑塞憤張之詞君子讀而悲其志焉

朱中立云公威名動業桓赫南北而沈靜文雅

一如儒生橫槊集既氣貫三軍復調協金石雅

明詩綜詩話少保兵書論者比之孫吳韓白軍

中有暇輒與文士接席賦詩集名止止稱曰思

思居曰夢夢是亦好奇矣

山左明詩鈔卷十九

振衣臺

蓬萊有佳人佩劍遊南紀指顧山海閒徜徉動裏薄

行幽逕紆亂石誰人驅中有千丈表乘之臨王虛拂袖

驚長風浩歌空九衢飄搖揖王母如聞琳瑯語幽人保

元命義士輕其軀雄飛不踰阜鵬搏九萬餘巨倫如可

挾從此謝塵區

王明府園亭

久憶池亭勝今來覽物華松篁開晚徑鳥雀浴晴沙地

即談元宅人疑輞水家獨憐幽意恆不惜醉流霞

寄孫都護

獨念艱難日徒勞萬里神間蟬驚序改見月憶君頻鎖

鑰山河壯風雲號令新莫憐吾性拙薄宦已忘身

客中病作

暑氣蒸衣濕幽栖祇自憐那堪多病客偏怯火雲天旅

夢驚啼鳥鄉愁望過船杖藜何所值野寺一僧還

辛亥年戌邊有感

結束遠從征辭家已百程欲疲東海騎漸老朔方兵井

邑財應竭簫籥勢未成每經霜露候報國眼常明

庚午夏余撤師還時督撫亟明守禦之策檄召諸

山左明詩鈔卷十九

將余力疾當事輒賦此以示諸君

獨立懷知已多岐嘆宦情古今誰俠氣天地一愁城萬

里猶投筆千年羨請纓君俱學劍者報國有新盟

客館

酒散寒江月空齋夜奕時風如萬馬關人似一鷄棲生

事甘吾拙流年任物移所憂在俯仰何以慰離思

暮春舟中

疎雨同春盡輕帆並鶩飛柳深黃鳥樂沙暖白魚肥物

候驚新轉塵踪恨昨非江濤淼無際端坐對晴暉

秋日

經時謝客掩柴關秋入江皋草色斑玉露淒清天宇闊

金風蕭瑟洞雲開蒼蒼晚木羣猿集歷歷晴沙一鳥還
偶上高樓意踈豁山河極目轉愁顏

登伏龍寺憶昔

梵宇蕭條自翠微丹楓白石靜雙扉曾於山下揮長戟
重向尊前醉落暉衰草尙迷遊鹿徑秋雲空鎖伏龍磯
遙看滄海舒孤嘯百尺仙橋一振衣

盤山絕頂

霜角聲聲草木哀雲頭對起石門開朔風尊酒不成醉
落葉歸鴉無數來但使雕戈銷殺氣未妨白髮老邊才
勒名竿上吾誰與故李將軍舞劍臺

登石門驛新城眺望

崧南詩鈔卷九

三

萬壑千山到此寬邊城極目望長安平生自許捐軀易
遙制從來報國難尙有二毛驚歲變偶聞百舌送春寒
廟堂只恐開邊糞疏草空教午夜看

塞外觀音巖

朔庭喜見戰塵收石洞思從大士遊不道受降唐節度
何如奉使漢通侯天垂臺觀三千里雪染顛毛四十秋
短劍蕭森心尙赤班超獨倚玉門愁

送崔刺史之廣德

橫山西去近皇都十載青雲羨壯圖起草舊從金虎署
行春初領玉麟符尊前離別蟬聲滿天外嶂帷海氣孤
獨倚轅門聽過鴈上林秋色待驪駒

出塞

石壁凌虛萬木齊依稀疑是武陵溪長城舊飲紛紛騎
大漠初驚過漢驛國士死來金已盡邊機愁絕劍空攜
天山間說尤佳勝欲乞君恩試馬蹄

馬上作

南北驅馳報主情江花邊月笑平生一年三百六十日
多是橫戈馬上行

宿石門驛聞馬嘶

伏櫪長嘶動石門時艱滿目幾消魂非干冀北空羣久
羈絆年來苦漸繁

度梅嶺

崧南詩鈔卷九

四

漢流百折繞青山短髮秋風夕照閒身入玉門猶是夢
復從天末出梅關

程軫一首

帆臨清人嘉靖戊戌進士官兵部侍郎

登將臺

漠漠烟雲草色枯邊人指點說匈奴鳴笳塞塞秋霜冷
飲馬長城海月孤夜挽強弓驚箭策朝攀雄劍醉餘酥
禦戎自古惟中策何事窮邊欲滅胡

張登高一首

登高字子升濮州人嘉靖辛丑進士官尚寶卿
加太常少卿山東通志登高中權官擢御史巡
按順天府疏糾陞炳專權幾廢於

初復官

灤河

策馬歷山阪灘聲隔岸聞沙平金有屑風靜水無紋度
隴看雲遠當關望野分不堪臨絕塞刁斗畫殷殷

七夕

纖月開雲幄疎星照野堂銀河遙一望牛女遠相將砧
杵秋初夜橋梁水一方悠悠隔年意零露重露裳

山城野望

清霜落木起秋思遙望山雲無盡期仗鉞幾時清瀚海
驅車終歲在天涯鴈逢寒雨迷關塞馬逐西風駐野陂
因憶故園花爛漫憑誰共賦采薇詩

山左明詩鈔卷九

五

趙大綱一首

大綱濱州人嘉靖辛丑進士歷官都御史

元宵對屏山感懷

兩度屏山苦未登病餘瘦骨對峻嶒殊方自比離羣鳥
一櫛渾如八定僧洛水不堪波蕩漾春風聊借酒憑陵
畏途早已傷頭白又見花開元夜燈

王正容二首

正容字德輝寧陽人嘉靖辛丑進士官松江通

判

普照寺小憩

寺古僧居少山深鳥道通村墟留廢井東柿長新叢馬

繫招提樹涼生殿閣風征輪淵謝盡葭屋幾家空

堽城懷古

荒城寂寞枕長河匹馬西風此一過故壘秋深兵氣隱
高臺日暮野烟多爭傳殿宇誇梁宋忍見邱墟蔓薜蘿
悵望不堪嗟往事空餘山色映寒波

楊選二首

選字以公章邱人嘉靖甲辰進士歷官總督薊

遼副都御史

懷柔道中

斜日過村園蕭條見廢居人稀戎馬後業散早蝗營
柝秋山急軍需內帑虛邊籌與民瘼執轡欲漣如

山南詩鈔卷九

木

白雲壽縣詣阜平山行漫興

疊嶂秋逾碧千林葉正紅還攜靈壽杖遙望古雲中劍
拂蛟龍窟人穿虎豹叢臨岐壯遊者不復問西東

翟汝儉二首

汝儉字子家文懿公鑾次子嘉靖甲辰進士所

著有子家集文懿本傳鑾在政府為顧氏所忌

父居府政而二子儉與弟汝孝同登進士分宜言

是輩罷不叙詩統汝儉兄弟既罷大拜力於

送臬伯紀省吾飭兵固原

洮西十月邊聲急倥傯甘泉飛羽檄廟略須賢富平兵
君才仗策雄沙磧繡斧干霄燭斗虹清笳吹月

借同黃金臺上士幾人功業在崑崙

題隱翁川賓泉獨樂樓

邱樊嘉勝足奇觀小結樓居寄考槃雲裏看山秋更好
人閒行路古來難身從杖履機無累境入烟霞意自安
獨有青松與明月扶疎常護碧欄干

許用中二首

川中東阿人嘉靖甲辰進士官山西參議所著
有許戶部集

題花馬池萬里長城樓呈蕭嶽峯郎中

百尺樓臺萬里城俯看夷夏最分明賢王左右囊弓矢
大將東西旆旌旌紫塞微茫天外去黃河環抱地中行

七

折衝倚劍還今古花馬池邊笑濯纓

戊己山

古廟松杉裏崔嵬倚月臺山從碣石斷水自海門回障
霧重崖宿鴈濤孤嶼開檣帆頻遞送舸遡濟川才

何海晏二首

海晏字治象平陰人嘉靖甲辰進士官河南參

政

水山

重疊烟巒秀嵐光欲染衣爲憐叢桂好更覺水山稀梵
宇園青富人家住翠微時看禪塔畔縹緲碧雲飛

石門

水落萬山秋石門晚更幽殘霞拂遶樹斜日下荒邱
馬穿雲入停尊待月遊平生耽野興到此倍淹留

劉應節二首

應節字子和號白川濰縣人嘉靖丁未進士歷

官刑部尙書贈太子少保有白川詩集明史本傳應節

歷撫順天總督前送奏罷永平密雲采礦建議
通濟客雲及大寧薊門補兵備邊皆經國大計
馮保從子南錦衣道遇不引避叱下之以雲南
參政羅汝芳至都應節出郭與談禪爲言者勸
罷

九日戚南塘招飲隆慶寺

祇林樓閣倚嵯峨載酒重陽風雨過絕塞山連滄海盡
遙天秋入太行多出車我亦周方叔題柱君過漢伏波

八

忽報羽書思猛士凭高同賦大風歌

送龍華上人遊五臺

橫挑虎杖欲何之時節因緣自遇師夜半袈裟才數語
覺來一宿已爲遲

王君賞四首

君賞字汝懋涇川人嘉靖丁未進士歷官苑馬

寺少卿有抱一詩稿縣志在官巡按陝西以作
器度核遠才性趣行藏
酒如也有詩數卷藏於家

遊青雲寺

日晏空林好重攜作勝游斜陽人影亂荒苔水痕秋人
望無俗眼相隨有敝裘逢師證消息定外復何求

歸里園居二首

卜築傍溪流，清秋晚更幽。白雲迷雉堞，新月落漁洲。生

事餘荒園，忘機是野鷗。曾聞大隱處，不在覓丹邱。

園扉夜不閉，時有幽人過。霽色明城郭，烟光雜薜蘿。一

會思汎月，聯騎憶鳴珂。又恐天涯別，其如芳草何。

舟次維揚，賔亮弟以使事相值

江上波濤險，尊前骨肉親。山川熟宦味，杯酒共離人。一

棹夕陽，色長歌天地春。蕭蕭雙鴈影，何處不風塵。

呂磨一首

磨字承之，號東沙陽。信人嘉靖丁未進士，官四

川僉事

崖前詩卷十九

九

題馬姚非巢雲亭

籬邊一徑逐溪斜，遶舍蕭蕭蘆荻花。遊子徘徊迷出處，

不知雲裏有人家。

張西銘三首

西銘濱州人，嘉靖丁未進士，累官尚書。

乞歸候報漫題三首

原無軒冕情，偶被弓旌誤。已愧北山移，况逢西省勅。徙

倚江上樓，指點齊東路。長嘯賦歸來，天容日未暮。

江步久停舸，束裝意若何。歸湖帆自遠，出浦艇還多。吾

道思浮海，仙槎擬渡河。滄浪澤畔曲，歎乃聽漁歌。

暑雨苦生棹，薰風浪拍洲。如何長艤岸，不信遠乘流。踏

海言非誑，悲湘賦未投。歸心與逝水，江上共悠悠。

劉效祖十九首

效祖字仲修，濱州人。嘉靖庚戌進士，官陝西按

察副使。所著有雲林集。明詩綜：詩話：劉使君經

詞曲所填，小令可入元人之室。穆宗嘗遣中使

索其題冊，呼曰：念菴。念菴，劉使君字也。賦詩

云：更生雙鬢已蕭蕭，敢謂文章擅彩毫。過誤偶

承明主問，因緣不是鸞輪袍。都人傳其事，以為

列朝所未有。李中立云：仲修詩沈著雄渾，七絕尤得盛唐氣格。李伯承之亞也。

入喜峯關

壯遊看絕塞，信宿駐松亭。擊柝憐關吏，乘槎愧客星。孤

雲秋草白，片月晚山青。愁絕緣何事，笳聲不可聽。

褒山耶律丞相祠

迢遞荒山下，披榛拜古祠。衣冠猶往代，歲月已明時。溪

遶泉聲細，林深日影遲。黃沙空漠漠，誰與問荒碑。

秋園漫述

別業依塵市，閒心寄遠踪。門幽無客到，地僻有苔封。霜

樹秋陰靜，烟蘿晚翠重。隔鄰仙館暮，花外度疎鐘。

送王明府之元城

客路起秋風，驅車衛水東。青年人似玉，長劍氣如虹。縣

古河山固，民醇禮讓崇。佇看王祐績，矯矯著天雄。

送王參軍再官播州

久識南陽客，重看西蜀行。舊邦不問俗，故老定知名。路

黎員外康邵朱三徵君過日涉園各賦一物余得
琴石

誰整此空石而教托素琴高山增逸興流水遡閒心亦有煙霞色能爲風雨吟不因佳客在若箇是知音

訊周公瑕臥病

扁舟偶向帝京遊白雪陽春寡和儔老去虞卿偏抱病秋來杜甫不勝愁黃花客夢猶孤枕華髮鄉心祇敝裘肯許故人攜酒過一尊相對話淹留

送呂年丈之湖州

楚國頻年獻帝京如今疋馬又南征愁心易入潘郎髯旅夢偏傷賈傅情天日雲霞開曉色太湖風雨動春聲

中衡詩鈔卷九

上

他年會有金門詔不數侏儒浪得名

送安茂才南還

毘陵年少客燕州秋入鄉心故倦遊孺子無官嘗下榻仲孫有酒卽登樓寒雲獨馬城邊路疎雨輕帆江上舟壯志不須嗟未達劍光終夜斗閒留

早發三屯營望京師

短榻風塵碣石西亂山百折渡寒溪依依野店看燈火隱隱荒城聽鼓鼙曉色纔分關路杳輕烟不散戍樓低長安此去無多地日出彤雲萬縷齊

贈渾客周太霞

客舍題詩萬里身相逢誰爲惜緇塵黃金未動燕臺色

白壁空回楚國春羸馬尙堪知故道敝車祇合付勞薪古來轅軻多君輩莫道文章不負人

九日獨酌

何處逢秋不可憐蕭條况對菊花前陶家愁思無人會只是年來欠酒錢

送朱司儀使吉藩

賈生舊宅在長沙君去遙乘漢使槎試向王門問借問如今遷客有誰家

送王司馬西巡二首

五十功名髮未皤倚天長劍指朝那共看今日王都護何似當年馬伏波

中衡詩鈔卷九

上

西域多開苜蓿花葡萄亦出古流沙長途正苦殊方貢不必重攜入漢家

塞上曲贈劉司馬二首

龍沙近接古榆州多少從軍倚戍樓寒夜不堪愁絕處西山片月掛城頭

朔風吹雪度沙場傳道單于獵白狼北望征塵何處是暮雲無際草茫茫

閨情折楊柳曲

楊柳千條拂地垂春風送客妾心悲誰家年少輕離別偏把愁聲笛裏吹

燕京歌

元宵初分庭燎光君王親御紫霞觴不知五夜春多少
白日猶聞蠟炬香

邱梓二首

梓字懋實號月林諸城人嘉靖庚戌進士歷官
南吏部尚書贈太子太保諡簡肅明史本傳極私魏因忤嚴氏杖斥及官都御史慨然以澄清天下爲事首疏禁守令貪酷懲御史編臚蓋自顧佐後都御史能察臺臣者梓一人而已
又云梓初斥歸行李僅敝衣一篋圖書一束後起副都御史以一人乘車就道初爲張居正所挫及往籍居正家人謂持之必急比至張氏篋中稱擊然未嘗重規君失顯劫權相特其清節爲世所稱云

和沈少尹九日登烽火山

崧明詩鈔卷九

主

名勝雄東土年來漸不同寒烟仍短草老寺但長楓一
徑田多舟千村室半空清秋無障礙遐矚爲觀風

弔公冶子墓

竟日蒐殘碣臨風訝斷雲當年非有罪後裔復無聞花

老春將晚烟低日欲曛千秋俎豆在誰敢沒斯文

樂尙約八首

尙約字孔源號岱滄膠州人嘉靖庚戌進士官

御史諫懷慶推官有百一集

登嶽

石磴凌星斗遙參玉女祠江山無遠地秦漢有殘碑海

上十洲渺峯前夕照遲結廬當絕頂春霽採仙芝

寄趙清菴

閒道西石隱溪南日掩門窗兒笑茆屋詩客問山村午
夢春池草高尋夜月尊相思燕水關東望一消魂

三茅山

句曲山家秋色濃華陽洞口白雲封烟中不辨三茅宅
月下先登第一峯幽徑似通霄漢路亂松遙過翠微鐘
解衣散髮弄泉石星斗滿天誰我從

入京有感

殊方欲望獨租詔今日中原事轉多內郡流移頻水旱
幾年南北擾干戈部臣持節朝傳檄柱史乘驄夜渡河
無計可舒憔悴色漫從燕市一悲歌

崧明詩鈔卷九

南

臺中夜直次周海莊二首

抗疏匡衡草欲成柏臺霜冷月孤明烽烟未息雲中騎
吳越猶傳海上兵斧鉞謬同周柱史詩書空負魯諸生
夜深起舞青萍劍北斗闌干紫氣橫

雲中烽火照神京不待秋高虜騎鳴遼薊督臣親按劍
盧龍太守立徵兵防邊空作千年計拜將誰當萬里城
三鎮孤軍如聚蟻提書何日達承明

宮詞

玉簫吹斷落花香空結流蘇五鳳凰不遣和戎卽恩幸
敢矜顏色過昭陽

訪王處士不遇

柳色桑陰散午晴柴門正對葛盧城主人不待乘驄客
何處濯纓聽水聲

黃作孚

四首

作半字汝從卽墨人嘉靖癸丑進士官高平知

縣有訓齋詩草周祭酒黃高平傳公登第時他

分宜役楊忠愍心惡其所爲旅

小蓬萊磐石坐飲

偶然來聘目兼與化人行鶴似遼東至魚傳海大名浮

空霞閣映拍岸雪花明縱酒舒長嘯千秋感慨情

春寒

輕陰似欲雨孤客自生寒荏苒芳時歇蕭條春色闌誰

出南詩鈔卷九

五

人懷楚璧顧我魂齊執骭髀平生意休歌行路難

大雪

夜來積岸沙如雪忽爾彌原雪似沙狼藉瓊瑤堪一眺

蕭條羅綺泣千家荒城望望淒烟斷遠塞依依落鴈斜

春兆豐年爲國瑞艱難行路可無嗟

七夕

弄水穿針蟄子懸彩雲冉冉月娟娟人閒秋色還如昨

暗帳流光正一年

侯祁

祁字應文鄆城人嘉靖癸丑進士官岳州知府

出紫荆園

石磴盤旋入紫霄重關突兀上星軺池臨白馬分天險
雲近蜚狐作漢標沙塞控弦寒氣早邊城吹角晚山遙

屯田漠漠戈鋌集坐使匈奴氣暗消

浮圖峪

雄關北峙萬山中天外浮圖接太空白馬遠從青海入

紫臺高與碧雲通秋風沙塞寒烟暝古戍旌旗晚照紅

自是聖朝無戰伐漢家不數貳師功

王汝言

一首

汝言濱州人嘉靖癸丑進士官通政司參議

登狼山

海上孤峯枕素秋水光山色共沉浮風迴潮汐鯨波擁

出南詩鈔卷九

六

雲歛晴空蜃氣收望入姑蘇開疊畫坐來蕭寺失丹邱

崇川自古稱佳麗此地應須屬上游

吳思敬

四首

思敬字懷川德州人嘉靖癸丑進士官懷慶知

府程正夫詩搜太守性齋而奸談諧笑傲川

偶成

十五年前早納冠柴車不禁歸來寒燕飛舊壘能依附

鷺嶼新林任忤懽細雨沾花開錦砌疎風吹柳陰漁灘

北窗一覺羲皇夢月到簾幃仔細看

野遊

七十餘年汗漫遊芳塵笑惹微貂裘攜琴卻憶榮公業

捉塵渾忘平子愁竹裏烹茶泉石潤松間酌酒鳥花稠
鼎彝竹帛渾閒事風雨蕭蕭趣自悠

春雪

春眠夢正好夢覺見雪來恐有乘興客柴門夜常開

漫興

曉風細細透窗紗草色微微帶露華一般意思人不悟

卻問桃源幾樹花

陳忠翰一首

忠翰字思翊濮州人嘉靖丙辰進士官河南按察副使所著有知非子集

州志忠翰在官剛嚴年甫四十築聚順堂以奉二親建友于亭以集兄弟立族會以敦宗族會高年以教齒讓布衣

生明詩鈔卷九

七

疏食絃誦不輟

雪夜宴李符卿受光樓

高樓已奇觀况乃雪夜登朔風正凜冽促膝對短檠
色暗彤雲四野何冥冥一陽回北陸六花滿階庭忽見
梅花發若觀新月明東望泮宮水凝然起層冰亭臺色
自殊玉杯爭爲傾造物本無私景物如有情不獨洗塵
顏此心抑何瑩

潘愚一首

愚字顏泉嶧縣人嘉靖壬子舉人官鄆州知州

縣志愚詞翰名一時書亦有二王法暇日登臨觴詠錢石紀勝極文采風流之致

遊鐵脚山

窮窵探幽洞攀蘿尋舊山嵐光連野色尊酒對秋顏
炊黍浮名繁巖花樂意關雲霞隨客屐下視小塵寰

侯廷柱一首

廷柱字子任諸城人嘉靖丙辰進士官南陽知府

府

遊常山

僻性耽山水况逢三月三清尊留古寺素髮照空潭
雨歇風光淨春深花氣酣莫嫌歸路晚別墅更停驂

公一揚二首

一揚蒙陰人嘉靖己未進士官工部郎中所著有開音集

有開音集

生明詩鈔卷九

太

秋夜彈琴

秋林搖落盡空山烟雨寒澹然坐初夜風清竹數竿
水田孤鴈下野寺晚鐘殘幽情不可見曠爾彈鳴絃

卜築

卜築幽崖下松桂自成陰清流環茅屋好鳥鳴深林
清風颯然來時聞採樵音望望隔層巒願言寄遐心

宿度四首

度字元周號二山掖縣人嘉靖己未進士官按察使以太僕卿致仕所著有澹然園集

王西樵集云太僕卿介靜有大節不附江陵時有十六君子之傳性癖山水宦微所至展商始徧爲詩清恬簡然塵表綜其篇賦蓋多抒襟寓勝之言

抒襟寓勝之言

四月始得解官賦此明志

少乏明哲資逐波落塵網悠悠四十年一朝謝執掌偃
息舊園廬草木何蕭爽良辰策杖遊泉石恣所賞招我
素心人攜壺藉草莽養和不弭節歲月忽已往南榮有
遺編何爲多營想

宿塔院寺

探幽尋古剎遙度碧山岑雨過一溪響雲歸千樹深異
香聞佛院清磬出祇林暮宿招提境儵然象外心

吉祥寺餞劉梅沙憲長

楚客辭官去羣公祖梵林別絃驚漸急離思悵何深松
栝藏初地汾流帶夕陰嗟子亦倦鳥幾欲謝朝簪

鶴山

南國歸來久閉關尋幽迢遞入深山遙岑仙去樓空在
古洞雲寒鶴未還雪浪亂翻晴島外笙歌清繞暮林閒
塵寰應有丹邱地白笑蹉跎餐已斑

王之垣二首

之垣字爾式號見峯重光子嘉靖壬戌進士歷
官戶部侍郎贈本部尙書

結廬

山林城市結茅廬迴首紅塵跡已踈莫怪老夫爲計拙
花邊流水枕邊書

重陽日同韓明宇登醉翁亭懷仁山渡江

佳節憐秋色偕君載酒來授衣聞鴈過落帽見花開此
地逢今日一年能幾迴如何江上客不我共銜杯

許玠一首

玠字孟玉濮州人嘉靖癸卯舉人官興濟知縣
所著有午川集

將至天津

霜林紅葉開青蘋十月眞看是小春水冷漁人行罷釣
年荒村老坐愁貧名津虎踞開雄鎮薄宦鷄栖愧遠身
寂歷風塵違故俗蕭條人事總傷神

陳華七首

華字光宇號後崖諸城人嘉靖壬戌進士官定

崖頭詩鈔卷九

辛

邊按察副使有僅存集

暑中聽少司馬蔡公白石談詩

刪後無詩欲信難靈蛇珠握競登壇卽如服食無眞訣
願就先生乞大丹

中部道中寒食時病新痊

春風吹寒柳嫋嫋又含青處處傷遊子年年宿驛亭食
寒知火斷酒薄易愁醒苦被微官縛無令旅病增

謁禹廟

承帝咨嗟澤水流元圭終錫阜功收八年獨竭肝膽力
萬國纔銷昏墊憂河至龍門清廟出山高嶠嶮祕文留
風塵碌碌停車處一萸爐香拜冕旒

扶蘇墓

古木徘徊春日斜興亡反覆事堪嗟扶蘇倘緩須臾死
未必山河屬漢家

雪晨樓上

夜雪登樓興不遲遙山堆玉對銜危空聞鴻鵠常千里
真見鶴鶴寄一枝小隱難參高士傳孤踪何用外人知
凭欄西望寒光滿惆悵哀安僵臥時

無題

小樓依舊出平林庭際俄驚碧蘚深梁上燕泥空自落
窗開蛛網暗相侵銀缸殘照悠悠夢砧杵寒聲處處心
五嶽欲遊從此始不須惆悵白頭吟

崖詩鈔卷十九

圭

觀河漲

朝市雲林路自懸從來野老厭腥膻人閒大有榮華事
顧盼河流一慨然

葛引生 三首

引生號東山端肅公守禮子邑廩生贈戶部員外郎有東山餘墨
來會館集葛引生器業所請足備四科上林薦議真慈先生所司以行履上開付史館備正史

贈東洲丈二首

凍日散曉寒送君東門道枯桑海水意繁我此懷抱憶
昔風雨夕疊聲競文藻君今將遠行話別何草草我尊
尚有酒與君且傾倒世事不可量歲寒應自保但恨失

切磴永念令人老

遙持一盃酒共子上河梁秋水已結冰朔風吹我裳感
子遠行邁爲檢衣與裝綿綿有多言別意愈以長枯木
掛斜曛遠村歸牛羊君竟不可留使我徒徬徨

吾昏

吾昏復吾昏一日復一日困來卽曲肱吟成時抱膝眺
望登高樓探元坐深室虛窗生長白於此弄紙筆亦有
逸興時按譜理琴瑟園中僥異花四時常不一載酒遊
其閒可以賞芬苾汲井引曲水小池聲滴滴濯纓或濯
足可與滄浪匹階前鳴鶴鳴枝頭好鳥啼顧我倉與厨
尚多芋與栗科頭饒野叟向人話陰陽中更有同心願

崖詩鈔卷十九

圭

投膠與漆擬茲無不足占盡人間吉行樂復行樂孰能
數甲乙有客來相過指以爲我疾富貴有捷徑展轉可
能必折腰如不吝一勞而永逸更有諄諄謀指掌區畫
悉我一聞此言戰兢如有失豈是造物怒荒樂爲可嫉
假手於斯人施此梏與桎溫辭謝客去自反非淫泆看
盡天下情茫茫虛與實有田歲可耕有戶時常室成已
沈射虎疑已釋飲啜無榮吾無驚無辱吾無恤泮渙且
優游甘之將如飴此意良以勤高明誰可質吾昏復吾
昏吾昏萬事畢

葛葉生 一首

葉生字進伯引生從弟貢生官武英殿中書舍

八

川上草堂新成

露帆昨口下燕京
麋鹿追隨無事輕
霽月光風成小隱
青山白石結新盟
虛名已被當年誤
華髮何堪此日生
幸有未荒三徑在
擬將心跡付雙清

李直一首

直仁之子

泛舟南湖

湖海平生志孤舟
納晚涼山青臨岸
斷水閣接天長鼓
棹雲連袂傾壺月
滿觴夜來迷去住
鷗鷺更相將

李才二首

山南詩鈔卷九

三

才舜臣之子太學生官武安主簿

燕京志感

薄名漫自較浮沈
京洛棲遲歲月深
鴻鴈再來鄉信斷
鷗鷺初興塞寒侵
曾懷國士虞卿璧
誰遇窮途鮑叔金
一自青雲傾蓋後
頓傷白髮故交心

歲至雲中思周總戎賦之

雲中日夕傳烽火
萬里秋風羽檄催
胡馬長驅光祿塞
漢兵不度白登臺
三關勁鼓聲何急
七郡蒸黎日轉哀
試問漠南諸將士
只今誰足出羣才

周蒙一首

蒙顯宗子州諸生

經廢觀

廢觀無人到依然
古殿開陰廊
衰草合枯樹
野禽來道士
元都盡真人
紫氣回蕊宮
亦銷歇
浮世總堪哀

山左明詩鈔卷第十九

山南詩鈔卷九

三

山左明詩鈔卷第二十

蘇蘇 十八首

源字子川號鴻石尚書祐長子以恩磨官鞏昌

通判有蘇伯子集朱中立云鴻石詩俊雅宏壯視厥弟爲元

述懷

仲尼宰中都鄭僑秉國政毀言日盈庭期月而後詠信
任苟不專何由知賢聖更化良獨難慮始固其病陋哉
斯民心詎能窺庭徑死生亦不易知己士所定嗟嗟胡
不然輕毀復輕聽

雜詩二首

君子弘大業細人競微利不朽須良圖握算夜忘寐身

山左明詩鈔卷二十

一

與名執親道家有深忌高明鬼瞰室多才反爲累所以

古夷齊不願馬千駟

龍且輕韓信劉歆陋楊雄貴耳古已然吠聲今成風短

褐讀古書志士甘固窮疇能察其端延譽諸王公是非

久乃定嗟哉彼狡童

月夕餞別龔溫州性之

月夕城烟歛列宿吐光芒改席臨方除待月欣舉觴霜
清灝氣澈免魄經東方仰掇渺莫即俯視在我傍流輝
八懷袖林影鬱以蒼月行固當圓人會何能常雲鴻願
儔匹君乃戒束裝徘徊廣庭內執手載登堂良晤難屢
值明發各異鄉醉歌答永夕感茲月出章

宿崇實寺

雨霽投山寺西林日近曛僧貧惟有衲碑斷已無文塔
影中天見鐘聲下界聞佛壇羣動息香霏靜氣氤

雨晴南園

日涉園成趣殘陽半在扉風翻庭草亂雨積徑苔肥臺
省無長孺江湖有陸機晴窗檢書帙及暮澹忘歸

林泉真逸圖爲從兄士隱題

避地厭招尋南山叢桂陰曉林橫翠幰春澗瀉鳴琴日
玩閒居賦時爲梁甫吟柴門生事少三逕落花深

十六夜月

延賞同今夕風流當在茲誰知既望月恰似未圓時砧

山左明詩鈔卷二十

二

杵千家動關河一鴈遲值聲奏何處半是落梅詞

閑怨

別君罷膏沐鸞鏡積芳塵垤鶴還愁雨窗霽更怯春誰
將纖錦字爲寄書眉人幽怨琵琶寫絃哀益損神

園居

壯年不遇主歲月忽侵尋買藥到城市讀書隨樹陰窗
虛啼鳥近門掩落花深舊日逢方士曾傳戲五禽

晚至柏井驛

雲開鷄犬村古驛近黃昏山果猶垂實庭槐半露根坂
高臨上黨地險控中原更愛前溪水縈迴自繞門

夜過天津

掛帆極浦晚悠悠坐對長空片月流水底魚龍驚白晝
夜涼風露凝清秋潮聲隱約喧江口漁火分明照渡頭
似泛靈槎霄漢上雙星不見使人愁

秋風簡同旅諸君子

京國秋風昨夜歸天南鴻鴈故飛飛離花寂歷相將發
苑柳蕭條積漸稀旅況只憑燕市酒雅懷常憶楚山薇
同遊俱是天涯客珍重乘時可授衣

遊靈巖

叢林遙躡遠公廬福地新停高士車流水曲環僧竈碧
層巒四映佛宮虛三生究竟欣聽法十載飄零悔上書
莫向塵途爭幻妄好從清淨悟真如

崑山詩鈔卷二十

下第

攜書六上竟空歸父老憐予每叩扉日月自催雙鬢短
風雲漸送故人稀傷心籬畔花爭發臥病窗前景亂飛
卻笑蘇秦不解事黃金費盡未知非

獨酌

門巷人無問字過天涯客子意蹉跎黃金不復燕臺築
壯士空懷易水歌九寒烽烟催餉急七陵風雨入秋多
音書寂寞年華晚不飲其如旅况何

絕句

新笋抽林與屋齊亂紅飛過畫欄西流鶯不管春來去
坐向綠陰深處啼

別龔溫州

埋輪氣節乘驄馬爲郡風流佩虎符回首孤帆天際遠
鴈聲帶雨入寒蕪

蘇澹十五首

澹字子冲號元石尚書仲子嘉靖乙酉舉人所
著有仲子集明詩統子冲六十七歲時隨父渡江
能爲賦二聯登虎邱能爲詩四句
其自序言年三十尚在舉子列故吟咏常有感
慨之句其詩莊重精麗雅有父風中立謂其出
於藍而青於
藍識者辨焉

晚秋泛錢塘江效何遜體

掛帆依暮渚鳴榔破曉烟纔經武林山倏濟桐江前潮
落平如掌風輕直似弦渾疑浮海日不是問津年

崑山詩鈔卷二十

述懷三首

天桃敷春華籬菊燦秋英萬物各有時嗟哉懷吾生齠
歲入鄉序壯健悲無成上書達明主投刺羞公卿豈無
郢中調頗懷希代聲靜玩邱園父返駕息長征
烈夫樹勳名達士愛景光獻策不得意陳軫堪悲傷市
廛苦猥瑣稅駕眺舊疆歷山成蒿邱莊臺水湯湯伊昔
館貳室重華協陶唐漆園夢蘧蘧物外稱尚羊聖哲一
朝盡墟里增彷徨感茲念今昔沈憂結我腸
芳園不出城日涉暫成趣花鳥羅前除雲霞相布覆焚
香理元帙養晦卻塵務交轍羞鷄鸞筌蹄笑兔友朋
相經過濁酒暢情懷優哉復游哉池塘設成賦

秋日病懷

別業傍城隈蓬門晝不開祇緣多病日豈有草元才問
遍黃花綻寒催白鴈來求羊仙相顧強起共登臺

早秋泛舟

相思湖水闊忽聽采菱歌不飲尊中酒其如別恨何天
高雲葉細風緊浪花多鷗鷺爭迎笑年年戀菱荷

送石子村赴清河令

徐淮凋敝日君去有輝光願以窗前易聊爲肘後方柳
魚延過客豆酒饌高堂不盡清河水恩波與共長

送桑子誨赴平涼貳尹

漠漠隴雲平蕭蕭班馬鳴誰知秦少府原是魯諸生關
山明月照秦川

出明詩鈔卷五

日浮山戍宮雲遠郡城無須酌渭水自有伯夷清

送鍾明府季烈服闋北上

江縣鳴琴客援琴尚未平一尊新黍釀千里故人情
纔依鷗渚迢遙指鳳城秋蟬如解意斷續咽離聲

暮秋夜宿紫荊關

驛路飄黃葉關門薄紫荊上都瞻處近北斗坐來平塞
冷胡笳斷原荒野燒明終軍雖老夫還欲請長纓

弘慈寺別沈元戎

蕭寺送行頻蟬聲入座新夏雲騎曉雨關樹遠通津門
外長安路樽前出塞人願分雙寶劍萬里靜胡塵

太液春波和答李伯承

新蒲細柳映晴暈別殿閒亭爛碧桃春水欲浮鷗浪起
宮雲不動鳳城高乘時詞賦還公等適意魚龍羨爾曹
帝澤無私應廣被佇看寰海靖波濤

夏日園居

繩床瓦枕興偏賒靜檢芸編玩物華蝶夢欲殘香散露
鳥聲不斷樹籠霞林墟乍進翁孫竹籬落齊開姊妹花
便託瑤琴奏清賞南薰早爲過山家

河上秋泛有懷八弟

秋花瑟瑟水悠悠載酒邀賓記勝遊隔岸馬嘶青草渡
臨流人語白蘋洲詩床茶灶成清隱菱角鷓鴣頭作早秋
莫上谿橋勞望眼烟波日暮動離愁

出明詩鈔卷五

清明日偶題

梨花寂寂燕飄飄零落蘭畦嫩嫩葉生處處兒童吹柳笛
扶持春事到清明

于慎思十二首

慎思字無妄號航隱此子邑諸生有雁眉生集
文定公序先生年十六從先君關中過古秦漢
陵墓宮闕之墟擊劍悲歌酒酣哀哀不知者目
爲狂生先生自謂不狂嘗爲安邊策欲上晉石
塘不果省試見陳兵夾索以爲非詩士禮憤不
肯入卿入故闕其草而出逃於酒間曰吾不從
楚騷近體不爲也唐亦不落宋至傍人曰物語
尚效解讀不爲也宋中云集太白
平語諸篇大才跌宕筆陣激躍有太白
風骨不特甲利之遺才亦東方之舊品
送三弟之平涼

劍氣凌長空狐裘犯霜雪匹馬赴崆峒愁生千里別胡
風騷騷胡馬號嗟爾夢斷魂亦勞關河迢遞煙塵滿零
落棲遲嘆我曹骨清髮短心萬丈憐爾亦是人中豪塵
埃碌碌涸俗眼遂合騏驎同凡毛人憐人羨何足數世
事翻覆若風雨結束重賦遶游篇萬里長途弔千古驚
鶴駕鶴相追隨我乃與君成別離牽衣挽袂兒女事丈
夫安用涕泗爲

卽事

三徑轉蕭森因知歲序深病中消劍氣愁裏度琴心幽
鳥時相顧新蟬日與吟青編多少恨寂寞到於今

少虛先生見過山莊

七

老鶴千年意冥鴻萬里心溪山紆勝賞風雨促悲吟石
薛出泉滑巖蘿吐月新何緣臺上笑時有鳳鸞音

山中二首

每怪吾山不可往暫欲出山還白驚大峯小峯雲霧態
東谿西谿風雨聲短棹自將傾白墮長饑或可求黃精
泠泠之我所愛誰者相與濯塵纓

石古山高細路分面山閣子背西嚙風來懸瀨琴皆拂
霜入疎林葉半醺有夢誰能開似鶴無心我更嬾於雲
林邱白雲陶弘景祇恐清時負聖君

孤鶴

本是冲人物誰教六翮傷孤棲殘樹底時向小池旁已

自慚鴻鵠能足稻梁長鳴松月白雲海意茫茫

出塞

一山自蘭北更雲四塞愁前軍援鵠幟後騎按蛇矛掠
地悲風起驚心濁浪流莫言征戰苦都護欲封侯

山中漫興

雅意耽真隱何心等素封聊生千樹棗扶病一枝筇草
自游龍蔓濤如振鷺容新來結構好石上想行踪

暮秋感懷

弊裘零落蒯緱長漫向壚頭典鷓鴣人世自能輕結綠
天機誰見織流黃松筠寂寞開三徑蘭菊芳菲誦九章
擬踏青山驢背穩兒童何用識韓康

八

閑鄉道中

萬里東行已自憐馬蹄春盡草芊芊布衣零落惟書劍
欲訪當時阿對泉

村居卽事

繞村夏木總千章不似龍池老白楊剩與村人作雷雨
神鴉杜鵑聞斜陽

題香山寶上人禪舍

青愁雲樹晚冥冥泉脉潛通漑朶花雨開簾龍吸硯
松雲掩幕鶴聽經

于慎言

慎言字無擇慎思弟嘉靖壬子舉人所著有冲

白齋存稿 文定公云吾兄冲白先生天資穎異
文考長吉之倫生平爲文未嘗起草
故存稿

隴頭水

一溪鳴咽水日夜斷人腸響帶三川雨晴飛九塞霜東
來秦草綠西去隴雲黃幾並征人淚遙添素澹長

訪少石隱居

水帶蒹葭月山環楊柳津扶筇聊獨往下榻好同論君
自風騷侶余寧涓俗人從來錦里意况復渭陽親

宿虎窟山寺

偶向青山訪化城山花山鳥鎮相迎風迴碧樹秋聲落
雨過丹巖夕照生洞鶴依人知是主林僧出世轉多情

出南詩鈔卷三

九

茆堂夜宿忘歸去獨倚長廊待月明

方元煥 六首

元煥字子文號兩江臨清人嘉靖甲午舉人
知己行送周萊峯之湖南

天書幾日下驄馬辭明光故人岐路側旦夕追高唐憶
昨漢江渭春風送牙檣棹頭今幾時忽漫更星霜丈夫
離別安足惜嗟君此別摧肝腸君不見管與鮑今古幾
人似交道又不見夷與齊清風徒使令人嗤君昔護水
兼視陶黃金百萬輕鴻毛騎馬不辨壯與此妻孥甘受
饑寒號與君抗志躍揚馬吐詞變幻驚風濤舞劍光浮
南斗榮論心氣薄秋雲高波顏瀾倒挽一髮千年公論

應吾曹燕市向來欣室邈何堪仗鉞臨湘水驅車何日
過雲開雀符鳳語開親顏慙子畔牧河山裏長吟抱膝
空自比世閒萬事新白頭聊把狂歌報知己

園居二首

風物花含早陽春鳥弄初冥心無住著水石澹幽居病
減燒丹竈情欣種樹書地偏非辟俗林臥谷神虛
兀兀坐長日行園恰晚晴畦蔬經雨足山木到雲平野
老水上語輕風林際生年來知抱甕猶聽轆轤聲

別意

相逢最苦送君行處處紅亭春草生風雨幾時來客夢
江天鴻鴈足離聲

出南詩鈔卷三

十

靈巖二首

諸境靜無聲坐我巖石下叩寂山中人不作忘言者
我宿獨樹堂紅芳亦漸歇開門不見人滿地梧桐月

馬攀龍 一首

攀龍字冲霄號槐非陽信人嘉靖乙卯舉人官
禮部主事所著有槐非集 明詩統槐非博學雄
才著述甚富而年不
稱壽位不酬
德君子惜之

清明

歲序清明候孤懷寥落時天涯逢令節遊子動鄉思東
望海雲合西來征鴈稀區區風木感獨有鬢毛知

逢希韓 七首

希韓章邱布衣

秋興

菊花開滿逕斜日透霜林手柱青藜杖臨溪彈古琴
中流水調坐觀秋雲深水禽不飛去似識泉石心

江村春望

居近繡江濱不知城市春波光搖醉眼野色上吟身白
雪還能和青山不棄貧一樽花下酌此地少風塵

山居二首

白髮山中老飄然遠世囂泉流分燕尾詩稿束牛腰笑
傲花三徑酸酣酒一瓢披襟坐明月席地話漁樵

老性習成懶日高開戶遲破囊惟貯藥活計只工詩竹

崔明詩鈔卷十

十一

影搖山色花香入酒卮流光不少待催我鬢成絲

月夕

江上月如盤樽前人似玉良宵宜共懽莫唱別離曲

秋江獨釣

垂釣老魚磯西風霜葉飛無機鳴自近江色上人衣

早行

晨鷄啼啞遠村啼林暗山昏路欲迷羸馬衝風歸思急
不堪回首月明西

文鎮五首

鎮濟寧布衣州志隱逸傳錄為州耆族以上書
前愛吟詩得風人之致所
若有麻陶集年九十餘卒

立秋日憶郭五游

商序啓新涼頽齡迅衡紀曳杖臨前除秋聲在桑梓所
思事五游同心難屈指語殊未諧離言亦何駛盈盈
江水寒馳情日千里

戲東樊小溪

浣花溪上草堂開幾欲登臨坐病回今日雨晴秋氣爽
一篙新水送船來

雪中開鴈

朔風昨夜度桑乾鴈叫同雲雪滿天村巷共傳千里瑞
江天誰惜羽毛寒

借書

崔明詩鈔卷十

十二

近來多病耽高臥日轉茅簷嬾下堂自笑痴愚醫不得
八旬還有借書忙

病起

三月閉門樂事空卻疑秋在山寺中起向山僧問消息
滿林黃葉數聲鴻

華菴五首

菴宇空塵章邱諸生所著有空塵詩集池北偶
為御史珩之孫妙於繪事落筆輒題其上曰空
塵詩畫人巧之畫輒題曰不應當其意得過出
筆墨踐徑之外詩亦如之五言尤起諸如大隱
不在山出處乃適意秋老留紅葉風輕轉白蘋
落花嬌媚頭帶火花一聲清雨霽開啼鳥風聲數
雲疎雨之句與清溪為友其集無從購矣又有
睡起自述云懶午睡方熟息肩者稚子老妻

編牀飯熟呼不起不能工磨折亂髮
與人理我嫌我自知不要旁人喜

送吳山人歸白下

一樽河畔酒未盡即分襟岐路無他贈天涯別淚深吳
山秋月上楚水候蟲吟會有連床夢西風托素心

送呂二山人中父

惆悵別君處年年繡水濱那堪多病客仍送異鄉人秋
老留紅葉風輕轉白蘋征帆與歸鴈相望倍沾巾

訪山人不值

採秀不知處空留白日閒雙松如候客獨鶴解當關祇
爲憐同病方能到此閒欲尋藤杖跡雲樹滿千山

孤坐

山齋詩卷十

主

多病身偏癯年來空自嗟閒眠垂老計得句亦生涯雨
霽聞啼鳥風停數落花世情真可笑一倍惜年華

送友人還巴東

高秋木葉不停飛君向巴東故友稀去國那堪淹客淚
到家正已投寒衣連天瀟水疑無地滿目岷山有落暉
別後相思何處切青天蜀道鴈聲微

巖場四首

勗字克憇一字懋卿章邱歲貢生官開平衛教

授所著有懋卿集

縣志懋卿少貧牧豕山中暇
邑中李中麓袁西野皆以詞曲名家品心薄之
獨與歷下殷正甫李于鱗輩以詩古文相和
于鱗意不可一世獨與懋卿稱莫逆交所著書
甚多皆不拾人餘唾刻自川酒爲朱元晦忠臣

王伯安
詩友

村居除夕

避人卜築過東川長白山前屋數椽卻病囊中惟藥物
扶貧隴上有桑田羣峯遠舍留殘雪萬樹爭春帶曉烟
落魄不堪容易老明朝無那又新年

學齋臥病

偶乘孤棹下山陰每對花朝歎滯淫海岱浮雲千里色
江淮孤月百年心野人自解閒齊語多病誰能不越吟
羞見春風吹白髮擁衾坐聽漏沈沈

寄于鱗

瓜田十畝濟城東雲外青山小院通流水桃花迷處所

山齋詩卷十

南

幾家春樹暮烟中

立秋

烟雲黯淡仲宣樓往昔年華逝水流白首鄉山千里外
滿城風雨又新秋

賈夢龍六首

夢龍字應乾嶧縣歲貢生官內邱訓導以子三

近貴封光祿寺卿有泮東吟稿昨夢存稿

秋日遊龍門

龍門陶賞地勝槩昔曾聞野酌薰花氣閒情狎鳥羣巖
前看落日衣上見歸雲玉貌霞裝子曾來事老君

內邱鵲山道中

旭日澹山色山家初啟扉溪聲鳴佩玉雲氣薄征衣
子常風小梨花過雨稀遊人抱清賞不忍見春歸

重九前一日遊滄浪夜坐

紅樹蒼山秋水清晚雲微歛月光生幽人隨意淺深酒
重子和歌長短聲舊日留題仍石壁十年奔走愧塵纓
山中行樂無拘束愛結青牛道士盟

遊青檀寺

眺山未辦買山錢特爲看山一討禪
竈側分泉茶自煮雲中埽石鹿同眠
邇來寺主更新衲舊處留題已十年
白髮不消芳草綠春風又到佛燈前

書石屋山壁

野花野草不知名東山西山亂雲生
道人曉起看雲色無數樵夫雲裏行

喜雨

高下均霑雨一犁栽花種豆喜
山妻天時正應起龍蟄詩思還催
詠燕泥膏沐天紅桃頰潤含烟新翠
柳眉低晚來布穀知人意不遣提壺
獨自啼

蘇黃二首

演字子長澹弟官趙府審理

春日登昆吾臺奉懷伯兄白下

春暮高臺上斜陽坐自凭有懷待明
月無夢到金陵江水濃於酒官衙冷
似冰池塘芳草遍吟賞憶同登

送宋二山之霸州兵憲

建牙推轂重才名六月霜威向北平
防虜不須高築塞使君此去是長城

王巽九首

巽字德稱號亦山君賞子邑諸生有游晉草客

越集

趙州道中

烟滿寒溪水遠城那堪疲馬倦遊程
驛樓靄靄暮雲合官柳依依春雨晴
江海中宵饒客夢風塵幾載見人情
最憐回首腸空斷落日河橋酒幔青

抵晉陽與葉茂甫逸人

勞勞倦遊客借此一栖身顧我非題
柱憐君尙問津黑貂今欲敝白雪復
何新風起鵬飛絮天涯是暮春

憶京華友人

昔年裘馬過京華浪博狂名未足誇
七字詩從難處得一輪月向醉中斜
黃金散盡猶憐客彩筆揮時欲燦花
寄問長安舊豪俠豫章近日數誰家

自嘲

塞上風霜苦胡爲君遠遊黃華馬邑
道紅葉鴈門秋客况行看劍思家漫
倚樓天涯連朔漠去住莫淹留

游筆架山

曲曲山溪似若邪石橋斜到野人家
門前不是桃源路

流水浮來半落花

途次自嘲

年少多慷慨懸弧慕遠遊自期非楚客常是佩吳鉤一
飲步兵盡微吟司馬愁請纓思擊虜投筆欲封侯市駿
知何日酣歌易水秋

揚州夜泊

寂寞當年處處橋客來江館繫蘭橈淮王鷄犬歸城市
隋帝笙歌入海潮衰柳幾枝憐霧重美人南國怨香消
夜深近水青樓上誰倚清酣弄玉簫

憶朱鳳巖

水國輕寒夜因君有所思梅花方歷亂草樹轉參差月

崑明詩鈔卷三

七

冷三江闊人歸萬里遲可憐徒遠別誰爲寄新詩

除夕

歲暮天涯思渺然青燈形影自相憐片時拂枕經千里
明日離家過一年倚馬尙慚淹下檻雕蟲猶自檢殘篇
壯懷夜半看牛斗擊筑酣歌醉不眠

殷盤二首

盤字洗心文莊公士儋子以廡官思州知府所

著有南北游稿

登羊山寺

畫船晚泊臨山麓古寺雲深抱大川疎柳長堤含日影
落霞孤鶩度江烟小橋隱隱通幽徑高閣層層見遠天

黃葉滿庭人不到一輪明月伴僧眠

暮過琵琶山望城市

暮過琵琶嶺高頭秋更涼樹晴歸鳥鵲山晚下牛羊雲
繞衣裳濕花隨杖屨香湖城初出水遠見天長

官延澤二首

延澤字潤只號鑑滄廉會孫陸慶庚午舉人官

隰州知州有日涉園集

大澤晴雲

峯連海色暮天晴雲石瑩瑩細草平步履不辭今日倦
琴樽剩得九秋清長松古木交垂老洞草巖花相對生
莫怪小山招不起蒼蒼叢桂重含情

崑明詩鈔卷三

八

龍興寺

乾坤淹客子風物且招提樓迴春雲細簾疎晚絮迷詩
書從蠹盡藥裏得僧攜俯仰慙真隱生涯信馬蹄

楊舟二首

舟字爾浮號載軒良臣子邑諸生有載軒遺稿

贈趙冲朴逸客

冲朴山人抱朴居閒中滋味欲何如溪頭鷗鷺從來往
洞口煙雲任卷舒酒熟杏林沽瓦缶客來花徑坐籬條
蝸名蠅利渾誰識碧水青山樂有餘

闌草

燕子不來春可憐空庭拾翠藉花眠龍鏡寂寂東風暮

關草工夫又一年

楊鹽 六首

鹽字爾貢號鍊菴舟弟嘉靖辛酉舉人官沛縣知縣有味道樓詩鈔

聞

露寒花徑曲蛩集草根鳴對月三更夜吟秋一片聲美人添恨譜孤客近愁城不寐情何極松背續短檠

迎左泉

家園今日到慰我念離羣落寞三秋夜分明數夢君西風吹木葉北鴈度寒雲百首詩吟足開尊待細論

逃公屋

崖明詩鈔卷三

九

短牆微有迹破屋已無椽孤兔棲寒草牛羊臥晚烟杈枒枯木上鴉鵲舊巢懸人自何年去官猶索稅錢

聽客鳴琴

對酒不能飲空齋調素琴欲彈招隱曲翻作思歸吟花鳥亂春色風沙澹夕陰孤燈坐自照清漏滴人心

春莊即景

春深景物見天上桃李參差白與紅塵靜已經寒食雨午晴閒有落花風桑鳩羽拂安巢拙步雞聲驕擅澤雄薄暮園亭仍掃榻停杯還待月騰空

春日至雄崖道中

一徑遙從谷口通隔村隱隱見荒城波平海上無烽火

將老胸中有甲兵身拂瀾雲穿澗水眼看潮落又潮生陌頭柳染藏鴉綠島嶼漁舟絡繹橫

毛似徐一首

似徐字仲子文簡公紀之後貢生官河曲知縣

王西樵云河曲筆墨之妙一時渠索詩奔寫盡意而精鍊之功少

烟霞洞

遙睇姑余烟雲中有元都五龍宮萬壑千巖洗新綠樹頭溪腳餘殘紅女蘿白松翳日月怪石清湍竦毛髮百尺孤峯勢欲奔忽看白練侵燕越扶桑暘谷日觀空沆瀣瑤池還相通茫茫四顧發長嘯振衣直上如凌風一吸長鯨巨脰斷雲破方奏冲雲漢驚倒山魃潛蛟聽

崖明詩鈔卷三

十

碧落中天如珠燦朝吹紫芝與黃精暮聽山鷄鳴鳴蜃樓蛟窟窺蓬瀛貝闕珠崖映赤城冥靈蒼鬱森羅狀下視滄溟波蕩漾麻姑鳥語安期生祇今桑田回相望海市昔慰蘇長公但謂人厄非天窮海上更有玉池子欲馳白鹿東復東

高鳴岐一首

鳴岐字松崖武定人隆慶戊辰拔貢官彰德同知

喜雨有詠

雲幕垂青野天漿滌綠疇增波憶溪口洗翠愛山頭世事憐蝸角人情笑蟻邱清音聽竹得小恙捲簾寥消暑

偏宜枕吟詩快倚樓故園望稔歲暫減客中愁

許如松一首

如松玠子濮諸生州志如松實約有
大志亦以訂名

病起

簾外流鶯囀梁間紫鴈歸臥鶯春日喚起視落花稀緩
步疑無力輕寒欲襲衣誰知新病減翻恨賞心違

趙卿一首

卿濮州歲貢生官沂州訓導

送龔待御雲南清戎

滇雲此日事南征雨後淒涼重別情萬里壯遊占地盡
十年憲節比霜清漢家罷習昆明戰龔遂兼收渤海兵

崑山詩鈔卷二十

圭

臺省封章知不少應須焚草避時名

山左明詩鈔卷第二十

山左明詩鈔卷第二十一

沈淵十八首

淵字子靜號澄川新城人嘉靖乙丑進士改庶

吉士授檢討遷司業有沈太史詩稿分廿餘話
先生幼時

喪父太夫人欲卜吉壤不肯延致堪輿家但每

夜至舍後近地縱橫步之再三忽曰此即吉地

也遂卜窆焉司業卒後以東宮舊勞特予祭葬

于文定公云司業文詞高古尤好為歌詩體

骨遒婉結社長

安有人豪之稱

擬陶靖節飲酒二首

結廬遶市朝柴門晝不開浮生聊自娛采菊泛酒杯野

鳥向我鳴聞雲任往來繁柯蔭茅屋荒徑紛莓苔達人

貴自我憩息良悠哉

窮達各有適所貴心不牽有酒還自傾寄意義皇前渾

然忘我物傍籬撥芳鮮青山入我舍一鳥白雲邊何辭

醉復飲枕琴松下眠

王氏水亭

岸柳垂絲風裊裊綠雲滿地生芳草虛亭窈窕遠人寰

入林恰恰聞啼鳥床頭春酒黃脂香呼童開尊喚客嘗

此日相逢不盡醉別後何勞空斷腸清流面而縈如玦

穿松觸石飛晴雪桃花倒浸曉霞寒竹影參差碧玉折

雲散烟消山月多溪內飛觴溪外歌今宵對酒明朝別

天涯回首奈愁何

塞上曲

萬馬度荒原胡兒窺塞垣陰風秋正急烽火夜初燔白髮兵戈老黃雲數角喧從軍三十載辛苦未堪言

塞上聽吹笛

何處吹羌笛秋風滿玉關幾年愁作客此日更摧顏慘淡胡天遠淒涼塞鴈還那堪梅盡落孤月墮空山

平陰道中山

竟日青山路蒼蒼多秀林行人苦奔峭而我喜登臨下坂牛羊小沿溪草樹深風泉時一聽吾欲洗塵心

送詹起亭侍御南還

抗疏應吾分清時可自沈言將史魚直憂更賈生深去國猶今日回天獨此心艱難萬里別悵望意難禁

送李太僕孝甫南還

送君千里去揮手倍含情碣石誰爲侶陽春獨擅名青山忽暝色高木自秋聲東望海門月相思未可平

送范伯禎之留都少司成二首

漢署晚氤氳儒臣下五雲舟從碣石去水向大江分孤嶼憐芳草荒臺悵夕曛金陵有佳句應許故人聞

楊柳忽愁思春風柰別何攀條從此去倚棹共誰歌雲盡三山出天空一鴈過鄉枚元侍從鰲禁遲鳴珂

送陳玉叔出守淮陽歸楚省觀

剖竹辭雙闕揚舲望九疑芙蓉遊女曲江漢使臣詞橘熟秋雲冷芝萐夜露滋仙郎及晨省應慰倚門思

新竹

種竹茅齋下新枝出檻長沙柔苔破綠竿長籜拍黃雨過猶含濕風來已自涼無論棲彩鳳有似對瀟湘

月下懷

搖落深秋夜虛堂月色侵十年孤客夢千里故人心遠塞間征鴈高城急暮砧瑤琴空自撫何處覓知音

對雨有懷

鳴雨猶不歇庭陰黯夕柯離情怨楊柳歸夢繞關河人去青雲杳愁來白髮多芙蓉堪自佩聊以慰蹉跎

寄贈四明李山人

結屋雲隈深復深幽懷長對薜蘿陰江清石瀨堪垂釣月滿山溪獨抱琴湖海有情還縱飲乾坤何處不高吟

天涯相憶不相見醉倚春風空此心

暉上人夏日林泉

空林長夏澹於秋此日塵鑪得暫留忽訝巖雲連近榻旋窺石鏡照清流雲花寂寂晴仍曩野鳥關關晚未休

爲問無生如可悟不妨風雨亦來遊

題劉漢翁侍御二亭二首

結亭漢江上時飲江亭下山翁醉不眠落日還騎馬主人好獨往興來或自歌孤亭憩永日滿地綠雲多

賈三近二十一首

三近字德修號石葵夢龍子隆慶戊辰進士改

庶吉士歷官兵部侍郎有東掖漫稿明史本傳
史科建言甲乙科宜並重勿偏任甲科而輕乙科論平江伯不可出鎮請罷海運爭罷王莊田中官請以關稅鹽課輸內庫三近論其必誤邊計皆見允巡撫保定賑饑有方請歸不允卒於官縣志所著東掖奏章西輔封事後附藏稿在掖漫錄寧鶴子峰志皆行於世于文定公云石葵詩歌清爽疎宕咳唾立成

春盡懷歸東于太史

讀罷黃經畫掩扉宦情客思兩依依雲生故國鄉心切
酒禁清朝樂事稀榆莢滿階春又去柳花如雪燕初飛
何時泛我東歸棹閒坐滄浪舊釣磯

秋日遊青桓寺

秋風古木前朝寺僧屋如巢自在棲黃葉拍天丹竈冷

宋史詩卷主

四

青桓繞殿碧雲齊幽人到處鳥鳴谷樵子歸時麋飲溪
盡日烟霞看不足買田結舍此山西

馬水道中偶成

關外雲山蟻垤稠人家多半住巖頭滿川黃葉亂不掃
幾道清泉寒自流塞上塵消開戰馬山中地窄少耕牛
旌旗到處民安業明月秋空古戍樓

送高太史冊封蜀藩便道歸里

玉節臨藩國鑿坡視草餘日邊新雨霽劍外舊車書
花發杜陵宅春生揚子廬題橋今駟馬不復羨相如

送友人南遊

驛路南遊日天涯芳草齊舊家淮水北薄宦楚雲西春

樹孤帆度晴江一鳥啼郵亭有龍劍寶氣逼虹霓

送夏鴻臚還鹽城

千里歸心切仙槎下漢庭楚雲連海白烟樹入淮青
酒雙雄劍驪歌幾驛亭送君正芳草別思滿春汀

送習豫南太史還廬陵

憐君金馬客忽作遯遊人去國逢殘臘還家及早春
龍蛇塵外事鴻雪宦中身莫嘆周南滯清時雨露新

同張侍御遊仙人洞

玉洞蒼州古同君一醉攀秋深重葉盡雪霽白雲還
石憐僧老穿林羨鳥閒共談塵外事清興滿禪關

荆門道中懷穀山太史二目

宋史詩卷主

五

千里孤舟客南遊知幾程菰蒲春水淺楊柳野烟生
短艇驚時序長途見世情穀城知已在東望暮雲橫

柳色暎帆橋風來岸草香水邨時遠近曉夢半青黃
鳥語鳴初夏人聲異故鄉黃山何處是書寄草元堂

重九後一日紫荊小亭獨酌

黃菊負佳節幽亭臨翠微木葉靜還下巖雲寒不飛
山高關月小秋晚寒鴻稀把酒望大末西風吹客衣

馬水道中

肩輿侵曉發終日看山行一水斜通谷千峯曲遶城
閑禽如欲語雜樹不知名且喜風塵息秋村犬不驚

蜀中四詠戲寄按蜀郭侍御

花發墟頭酒正香
茂陵秋草接天長
開來莫鼓相思曲
恐下雲中雙鳳凰

琴臺

荆門草色幾經春
十里江花向錦茵
試問峨眉山上月
當年曾見漢宮人

明妃村

鶯箋賦就錦江潮
春滿城都萬里橋
尚憶美人初睡起
枇杷花下坐吹簫

萬里橋

石髮苔衣滿舊山
襄王去後楚雲閒
霞余寶瑟今何處
猶有仙娥十二鬟

巫山

重遊青檀寺

水落前溪碧樹秋
西巖蘭若幾經遊
危巢野鶴何年去
舊識山僧今白頭

崑山詩鈔卷十一

六

秋行塞上四首

逶迤清溪凍欲消
四山秋樹綠岩髡
野人除道迎開府
新斫青松架小橋

禾黍秋塲近水涯
幾株雜樹遠人家
樹頭結子紅如染
絕似山桃二月花

山下人家水滿池
池邊楊柳亂垂絲
絲經霜再染鶯黃色
恰似春風二月時

雨後重巒暗不晴
登高下見白雲生
肩輿少選度前嶺
人在白雲深處行

趙慎修一首

慎修字敬思完璧子嘉靖乙丑進士官河南按

察副使山東通志慎修知揚州有廉聲築大堤三百餘里濟舟民田皆得其利

遊碧雲寺

欲豁塵襟尋梵宇
遙穿碧嶂憩雲林
天風入耳寒流急
秋色明眸紅樹深
夢破金沙忻妙躡
情怡寶閣發幽吟
凭闌萬壑生殘照
未了機纏愧此心

丁懋儒十首

懋儒字聘卿號觀峯聊城人嘉靖乙丑進士官
永州知府所著有異曲山房集寓永三大家集

雨中東趙子明時寓萬壽觀

仙宮敞座界高士
寄西軒若雨侵晨
合清爽滌鬱煩抱
膝自長吟舉杯誰與論
應知途爾討注意無窮門
世事

崑山詩鈔卷十一

七

自擾擾妙理良獨存
好從習靜者暫息謝多言

薛月泉夢陶亭二首

疇昔何所夢親見彭澤翁
鷄黍有真趣籬菊存高風
不到羲皇上那能世累空
斯人邈千載臭味將無同

淵明昔貧士舉世稱其賢
寤寐形至想結構遺囑緣人
生隨所適大道貴自然
五柳欣有托顏波竟誰還

山海奇觀卷送毛別駕

秋風吹使輶秋色淡河橋
此別幾千里相看感二毛
心隨天際月珠弄海邊潮
報道生黎化征輪歟聖朝

贈友時寓濟南

我來山海國見子倍情親
天遠時聞鴈居深不接隣
閉

門飛隙影移日坐春茵興逐歌聲起清宵獨愴神

張夏道中

雲臥驚塵夢山行契夙心泉分千澗遠路轉一橋臨日
色下平岡秋聲來密林伊人在何許迢遞自相尋

訪劉雲湖

萬事有歸計一官竟隱居傳經非不偶獻賦欲何如湖
澄雲影入秋暮菊華初爲愛山林好長年自著書

姑蘇城西諸山

湧地青蓮合橫空玉界斜迢遙窺勝跡蕭散坐僧家墓
道連雲嶠開亭在石涯傍松行不盡看竹興還賒曲磻
流春水層巒帶夕霞橋邊藏樹色洞口雜桃花歸棹路

崑山詩鈔卷五

歌去滿川空月華

金陵雨花臺

東風遂我入山遊佛刹僧居處處幽丹壑倚雲通委徑
蒼林映日瞰洪流旋移尊俎驚花落雜聽絃歌散客愁
江左豪華如昔日應憐幾代帝王州

登岱

肩輿飛度翠峯外滿耳流泉遠澗開石竇續紛飄墮葉
仙梯削折護祥雲山高自是神明宅地迴遙知下界分
卻憶舊遊經數載海天秋氣晝氤氲

王元賓

元賓號對峯滕縣人嘉靖乙丑進士官知府

客有話李北山園亭之盛者戲題

別業近城隅荒茅手自誅孤亭宜偃仰一沼足江湖
暗新開徑山紆舊畫圖因君聊借問得似辟疆無

三陽菴贈郭道士

登眺興無極尋幽路更賒近過青帝觀遠到赤松家野
服沾紅雨仙裾曳紫霞遊人彈白雪留客飯胡麻不睹
石巖靜焉知洞壑嘉蘿葉春自軟松色晚逾加谷鳥新
調響山櫻初發花浥泉甘若醴食漿大如瓜初看王猷
竹旋烹陸羽茶再來應失處回首白雲遮

任芹一首

芹字汝獻萊陽人隆慶戊辰進士官吏部主事

崑山詩鈔卷五

咏馬

汗血西來經萬里只今櫪下老霜啼長思得御瑤池駕
可讓如龍八駿嘶

胡來貢四首

來貢字順菴掖縣人隆慶戊辰進士歷官巡撫

大同副都御史

失題四首

文藻後詩意
似寄謝茂秦

分攜遠道思綿綿况值風塵出塞年記得夜來春夢裏
月明同醉鴈池邊

經年不復叩朱門梁苑春空雪後尊華髮自多憂國計
明時何以答君恩

美人東望隔漳河誰共西園載酒過願我行邊秋色遠
知君飛盡月明多

雪中寥落故人稀卻憶平原結布衣惆悵不堪聞戍角
梅花一夜落金微

王教 十七首

教字子修號秋澄淄川人隆慶辛未進士官吏

部郎中有銓部集縣志教以主事惟清整關於稅反溢額及秉銓力拒中貴之請因事構之去而署報罷歸臥山房簡貴目持文章不屑凡近一語泰昌初贈太常少卿池北偶談先生字選力持公法政府權璫無所措手既罷去繼者爲顧涇陽孟雲浦馮思多皆效之亦相繼

送楊夢山還里

崧朝詩鈔卷三

十

帝城高矗五雲斜回首東風有去槎啓事幾年隨劔履
急流一退卽烟霞老拚海色山同夢歸及春深桃作花
爲問堂成綠野後可無清思到京華

東閣朝房

回廊雙闕外金碧鬱嵯峨曉色離宮樹春風太液波鈎
簾初日近擁檻五雲多朝罷仍樽酒君恩奈若何

清風亭對月

永夜不成寐猶憐逸興生何來江上月解作故鄉明
色繁枯響寒雲墮鴈聲寥寥杯酒後淒斷若爲情

七夕

今夕江干客天邊一鴈過僊郎秋綰珮織女夜停梭牛

渚搖雙影河橋委素波思歸千里婦何處蹙纖蛾

九日吳中

絳紗初就紫萸囊九日陶家菊自芳須借寒花謀一醉
忍將白髮對重陽天開萬里浮雲動秋過千山古木蒼
不見姑蘇江上月幾家王謝舊時堂

感事

昭王宮北欲黃昏易水燕山可重論東繼嗣同隣婦去
鏤金誰訟逐臣冤春城苔雨千花暝寒色終風百舌繁
莫自愁空書咄咄浮雲不定是君恩

尋石南山

驅驢山之夕抱雲多奇石撥歸蒼松根片片青山色

崧朝詩鈔卷三

十一

清明次日登山作

炊烟不禁村前柳尊酒仍寒花下晨長白對懸千丈色
沃田煖藉萬家春石園紫蕨穿雲出澗底紅桃刺眼新
無日涕橫悲塞馬他年著膝幾騏驎

書時事

不須處處苦煩冤稍入從來聖主恩想得金錢滿少府
也應銜命到鷄豚

畫鷹

瑞光一動影輝輝卻憶深山孤兔肥萬里寒空來殺氣
九秋霜色避雄飛搏風寧作牽黃老聖賢驚看去鳥鸞
無數英姿匡嶂晚畫屏誰識葉龍非

觀韓克從射

韓生酒酣氣益振自言挽強有六鈞樹的西風平蕪闊
左關右發如有神牽來胡馬蒼龍鱗跳身直上坐錦茵
拓弓飛鞚不動塵且馳且射真絕倫願謂王生爾勿嘆
此生俠氣那能馴頗憶長安所貴得健兒馬凌晨騎便
面片刺車塵下跬步有是非汗顏赤於赭故園美遨遊
容易使節假苦愛昔人曹景宗一生使氣矜豪雄逐麋
數肋萬山中鼻端出火口生風如雷霹靂響秋空馬頭
矢落生長虹丈夫快意貴目前奈何轡束傷樊籠少須
霜色捲梧桐爲君大獵山之東充庖狐兔千林夕與君
再博醉顏紅韓生韓生真男子安得騎射頓能爾損惠
岩明詩鈔卷五

題召姪闥屏

世人愛畫不解畫絢繡流丹取矇目不枉王子吾宗秀
一生用意差不俗恥向人中作市井故將幽意寫溪谷
覓得畫師畫無雙想當扛筆氣不降挂額長白風北窗
心與白雲飛秋江一夕揮灑聲淙淙怪石奔湍相激撞
未論屏風今幾疊了此酣可滿百缸適來白鴈還重九

那復黃花薦斗酒片雲舒卷蒼檣陰筆鋒依稀營邱後

雙搖舴艋淩水濱萬影樓臺秋復春嗟呀烏道愚公谷

風雪驢背灞橋人橫劈側裂島嶼達人家半出千林杪

幾點峯尖紫霧浮獨立巔崖人影小笑指畫屏夕陽間

居然爽氣滿柴關眞成白波吹粉壁還從几席識青山

一自貧交罷往還久已分等邱壑頑常夢雙綰玉女鬟

太華斗絕香難攀河流倒掛西澗溪懷此今已鬢毛斑

片言承負跬步慳安得清英生俗閒頓令慰我衰顏顏

菊花

飛殘黃葉四山空客散石樓烟雨中要識陶家佳勝處

霜根無恙作秋風

岩明詩鈔卷五

山溪

濯足臨溪水溪水清且淺波漾蒲柳動湍落白石轉久
坐幽意愜適來塵慮澹溪流日以遠我髮日以短生世
寡所諸老至吾當卷無爲歌紫芝泉石吾所善

序園化龍石

怪石不可狀崎嶇依古松依稀海大魚化爲蒼精龍熟
視爪觜動俄看甲鱗重安得肥瘠各盡態青天琢出金
芙蓉世人愛花兼愛石如此奇石人不識怪來花欄花
不俗一夕籬落生新色昨夜南山雲雷吼神物變化無
不有卽防風雨天地怒此石突逐飛龍走

榴花

披拂庭陰萬木稠科頭小徑自悠悠清風翠篠篠魚出
滿目花開赤石榴

序姪登岱還言天門外西似小築

有客新歸自岱宗大言高踏白雲重西看碧嶺天門外
絕似小山第一峯

張登雲一首

登雲寧陽人隆慶辛未進士官兵備副使

徐州遊大佛寺至曉醉書圓覺上人舍壁

吾媿陶彭澤懽遊得遠公匡牀明慧日貝葉飄香風六

法皆緣覺三歸併入空鶴王澄朗日萬宇啓瞳矐

王祖嫡一首

崇禎詩鈔卷五

古

祖嫡字允昌德州衛人隆慶辛未進士改庶吉

士再遷侍讀州新志傳讀初入翰林呂文簡公

業時上疏請錄建文景泰二帝事時論難之嘗

信陽人

按前志於侍讀僅存名氏子菟州志乘於信陽

志得其事實於前朝實錄得其奏疏於明代館

集詠侍讀云太史明達資稔真純先相與子一

結叔度流縱橫東京上疏草就磨滅苦心前誰

穆廟輓歌

冕服歸元室何時返故宮雨迷湘水竹雲暗鼎湖弓感

激生成內淒涼霜露中西山下白日松柏起悲風

公家臣二首

家臣字共甫號東塘一楊姪隆慶辛未進士改

庶吉士授編修終戶部主事所著有柳塘集

江陵奪情家臣昌言論列吳中行趙川賢之南

遣子蕭送之潞河大忤其意京察與趙志臯張

登仙洞山

徑入翠微裏秋高百卉腓風迴驚落帽嵐近欲沾衣洞

口青苔合山頭黃葉稀烟霞帶晚霽相與伴樵歸

館試秋月

長安雨夕報新晴雲斂瑤空積靄清嵐盡西山橫畫障

烟消北關見蓬瀛一庭梧葉猶含濕萬里蟾光似倍明

崇禎詩鈔卷五

五

不得音塵鄉思切誰家玉笛更秋聲

王曉六首

曉字寅亮崇義子隆慶辛未進士官御史終大

理寺丞有東山遺稿王家庭王寺丞墓志廷尉

陵門下者為里巷忠儒論如法監司周良臣為

江陵所疾他相為之論意卒列薦川二王皆

有人傑之稱其一則選郎秋澄也

過宋宏蘊

訪舊過山家相逢與自賒林紅秋欲老霜白菊初華天

地幾知已風塵一使槎酒酣吾不厭萍跡重堪嗟

寒飈一夜發萬木盡秋聲霜氣凝籬菊雲光接縣城墜

車全酒德抗疏薄功名多少輕肥者京華有舊盟

其賢維喬見過喜賦

二月過強半三春餘不多懷賢曾有操中聖久爲病君
駕軼驤裏吾生但巨羅近年習嫺熟重別白雲阿

郊園

軒冕三年舊鶯花二月餘薨開梓里席卽上鳳城車功
笑朱浮豕清懸羊續魚官情與鄉思對酒一躊躇

司維喬寄詩次韻答之時余方病註籍

憐爾窮經久闕然青藜照帷積深烟飛鵬漫謂負天關
射虎何論寢石堅喜寄春城御柳句知饒羽獵上林篇
雲程八極乘神駿勉矣秋風一著鞭

崑山詩鈔卷五

去

丙戌清明陪祀皇陵

聖主明禋遣辟公清明俎豆徧神宮衣冠趨拜香烟合
松柏橫斜御路通氣王應綿天壽脉弓遺猶憶鼎湖龍
皇陵祀罷還揮淚荒隴春風此日同

王略四首

曙宇寅畏曉弟歲貢生官汾州教授有暢然園
稿

春雨

濛濛雲樹黯瀟瀟香塵烟色高低合鳩聲問答頻麥
苗青覆隴砌草綠鋪茵慰滿三農望因之問大鈞

夏日臥病二首

晝長庭樹午陰森滿徑風搖綠色侵鄭客久成蕉鹿夢

漆園未了是非心病中習靜耽空寂癡處成閒忘古今
自是披裘五月者漫因皮相問黃金

夢餘風送笛聲哀獨榻幽樓腸九回染翰慙無蕭介賦
匡時空負賈生才閉門黃鳥花閒度倚檻青山坐上來
近日不堪情黯淡愁懷聊爲一樽開

憩雲亭對梨花

清香郁郁一亭高合遺幽人詩思豪門掩轉添春寂寞
簾開斜見雪蕭騷淡粧未必青娥妬素質空教丹粉勞
院落東風吹莫惡小槽昨日熟香醪

孟秋二首

文藻按原本孟秋有傳無詩意其詩後
得偶錄別紙而失之耳姑記以俟補

崑山詩鈔卷五

去

秋字我疆桂平人隆慶辛未進士歷官兵部主
事有我疆集山東通志秋初爲呂黎令多所興
會署其籍曰除我疆清貧不與外
益嚴之也集中詩一卷皆道學語

趙耀二首

耀字文明掖縣人隆慶辛未進士改庶吉士授
御史歷官巡撫保定副都御史山東通志耀改
御史以性江陵
歸撫保定時力言日本
款貢之非幸如其言

春初雪後出郊

春郊殘雪尙漫漫風色侵人拂而寒四野紅回銀樹合
千山突兀玉峯攢人疑灞水橋邊去鳥向梅花塢裏看
比屋休嗟輸餉苦有年已兆萬民歡

海廟重修同諸友恭謁登望海亭

蛟宮重構絕塵寰衆妙相將一叩關乍見樓臺疑蜃氣
遙瞻袞冕識龍顏松巖老鶴窺人立殿角晴雲過雨閒
恭薦瓣香非倖福願將豐稔慰民艱

趙煥一首

煥字文光耀弟嘉靖乙丑進士歷官吏部尚書
贈太子太保

豹竹淵

茅舍當溪口叢叢亂石中泉深春草合雲靜暮山空
徑逢樵子談元遇道翁醉來歸路晚風氣欲濛濛

王汝訓二首

汝訓字師古聊城人隆慶辛未進士歷官工部

侍郎贈尚書諡恭介有恭介公集明史本傳汝訓在官數上

直言性方嚴清介疾惡自漸擢罷家居十五年
起官工部力清夙弊中官陳乞輒執奏不予節
冗費甚多

偶作

龍性山來不易馴蹇更魚服混風塵彈冠海內誰吾黨
掉臂山中合有人名在未妨嘲小草年過寧復問前薪
縱使邊幅稱桃梗敢向詞林作楚臣

贈宋鶴山山人

僻地吾懸榻清時爾獨醒高吟回白雪生計總元經湖
海存孤劍乾坤自客星平生厭冠蓋把對眼能青

謝註二十首

註字潛石朝城人嘉靖開歲貢生官建平縣丞
有潛石集縣志潛石爲中丞公子風身縣佐一
出卽歸然志吟咏詩多清趣迥異俗

遊仙二首

步虛升太清下視層雲端區區塵埃中羣物不足觀微
茫見泰嶽彷彿露其巔漢皇正封禪葆羽亦何繁無異
出穴蟻逶迤事登板視之一含笑薄暮方來還

我昔遊衡嶽遙登祝融峯因過蒼梧野飛步玉笥東觀
日排扶桑探月凌崆峒竭來萬里途宇內杳然空頽陽
信高士肥遁祕仙蹤洗耳辭萬乘千載揚清風行儻逢

此人褰衣願相從汗漫五嶽閒遊樂何時窮

雜詩

莊生性本自老氏抱一情達哉俱微論紛紛誰與明爽
性冲真喪乖一煩僞生伊子濫爲吏寸心百慮嬰兼之
日趨走傷矣負生平駕言返吾廬容與事春耕嘆息鷹
鵠輩貪饕方自矜

閒興

庭前有奇石雨餘饒烟霧春草生其側清香暗盈戶誰
哉可共賞美人阻脩路停杯自嘆惜低回空日莫

東溪劉戶部兄終制北上

十載經邦計三年枕塊心帝恩劉晏切學倚鄭元深寒

日長途柳秋風故國碣河橋一尊酒有淚暗沾巾

逆旅與田南畹司諫晚話

當朝青瑣客薄晚駐銀鞍握手風旌動清談暑院寒帝
疎枚子諫國倚范公安君性原忠赤無嗟知遇難

元妙觀

曲徑鰲峯北長松鳳苑東雲霞開石戶烟霧出瑤宮元
鶴畱芝圃丹爐隱竹叢江城臨眺迴香靄散天風

虎邱寺

石逕依林轉飛梁跨淵橫琳瑯開佛宇風霧度簫笳劍
氣蒸苔濕金精漾沼清絕巔仍寶塔登眺與雲平

舟中答丁北村

崑山詩鈔卷三

三

春日長河柳依依兩岸重扁舟滯不盡直道苦難逢一
病三求黜十書九未從梧雲武水曲痛醉即吾蹤

獨坐

蓬戶終朝掩茅檐盡日虛長吟午夢後獨坐夕琴餘官
小友朋棄家貧親戚疎寂寥類楊子惟有一床書

左竹山人有再過竹西吟所之作奉答一首

茅屋繞叢筠子猷相過頻壺觴如有約嘯咏似無人湖
海淹疾足風塵滯病身相看俱白髮對酒各傷神

歲晚得舍弟書

去年別爾去今歲得書還切恐風俗異惟言道路艱水
經人鮒甕山度鬼門關獨喜聞新政民夷各自閒

送沈司教歸漢陽

未老今歸漢水濱諸生苦憶沈休文馬行西楚千山遠
舟入南江萬里分黃鶴樓中橫短笛白蘋洲上對孤雲
歲時應貯三湘酒剩有風華伴夕醺

方溪北伐凱旋寄贈

強胡十萬馬如飛右衛孤城久被圍餉道不通軍肝食
羽書初至帝宵衣廟謨獨倚蟠溪重臺諫虛疑背水非
舉策一揮驕虜遁皇心仰懷古今稀

送兩溪弟北上

城外蕭蕭千樹枝君行水雪渺堪悲空餘淹滯三年淚
誰念棲遲兩鬢絲有夢尙思燈火夜含情況對別離時

崑山詩鈔卷三

三

長安如遇南歸客早遣音書慰所知

答贈方兩江舉人

浮世惟青紫聞君獨草元生從鴻寶後名在歲星前暫
戀金龜酒終爲玉署賢辭鋒同景煥思緒類雲霧灑翰
雄今古摘文照簡編開亭臨衛水築榭近清淵圖長康
成草花迷德裕泉良宵留醉客芳書引飛仙擅賦知多
日博霄祇隔年儻容田畔叟曳杖叩真詮

雙橋

朝辭長林歡暮爲雙橋客獨坐寂無言寥寥霜月白

聞角

暮夜寒城角哀聲動戍樓寂寥客夢裏永歎塞垣秋

舟中

安陵南接固城東千里長河曉霧中兩岸濛濛梅雨細
半篙流水一帆風

閒居

十里平沙過武溪山塘近在武溪西春遊卻怪連朝雨
水滿溪橋浸大隄

山左明詩鈔卷第二十一

山左明詩鈔卷二十一

主

山左明詩鈔卷第二十二

干慎行 五十九首

慎行字可遠一字無垢慎言弟隆慶戊辰進士
改庶吉士授編修歷官禮部尚書召拜東閣大

學士贈太子太保諡文定有穀城山館集明史

慎行未冠舉於鄉御史欲就鹿鳴宴冠之以未

奉父命辭在翰林時御史劉臺劾江陵被逮獨

往視之又具疏欲論奪情大為所銜及籍江陵

家建議當全大臣之誼時論譴之其學有原委

貫穿百家神宗朝詞館中以慎行及臨朐馮琦

文學為一時冠詩選傳云公於詩文春容宏

麗一時樞大手筆其論樂府曰唐人不為古樂

府是知古樂府也辭聲相雜既無從辨音節未

會又難於歌故不為爾然不效其體而時假其

名以達所欲言斯慕古而託焉者乎予取其音

節稍近者假其一二謂之本調至歌行近體如

唐人所假則詩之而已矣論五言古詩云魏晉

之於五言豈非神化學之則近矣何者意象空

洞模而不取明曉塗厥整制而不取勝少則難

變多則易窮古所謂對武話不通數聲耳原本

性靈極命物態洪纖明滅畢究精蘊唐果無五

言古詩哉予既知其解矣而為魏晉者取適所

便非遂能似之也公當隆萬之時而持論若此

門有車馬客行

門有車馬客駕言出漢闕顧念平生遊枉迹問考榮倒

屣出門迎攝袂不及餐坐客置斗酒握手論辛酸借問

朝市中榮枯多變遷金張自赫奕丁傅相扳援新貴日

更進舊老日以殘淺水有迅波浮雲無定端天時相代

謝世事誠艱難送客閉我門偃仰竊自歎

感懷三首

白日廻青陽春草萋已綠游子忽不樂沈吟聊躑躅

門將何爲念彼東山麓
澗壑生白雲岡巒蔭修木
飛泉落絕壁
璆然寫哀玉
山水有至音
安用徵絲竹
長揖陌上人
去從何所欲

東山長安門倚馬
息道周上有百年木
下有萬古流華軒
馳廣陌冠蓋如雲
浮去者日以遠來
者日以逾朱顏
入朝市皓首將安
求應侯朝上書蔡
澤暮西遊榮枯在
俯仰管海浮水瀝
所以赤松徒屣脫
萬戶侯

家本東海喬樵牧
東山下先子秉儒
術歌音追大雅一
吏稍浮沈舉世無
知者眇予秉薄祐
宛洛隨車馬邱隴
日以遙松柏在原
野風木無停音雨
露淒其麗一爲臯
魚嘆客涕緣纓瀉

嵩詩鈔卷三

古意三首

瞻彼泰山岑厥有
孤生竹冉冉梢雲
霓亭亭上巖谷淒
淒歲欲寒盈盈華
色綠涼風振層阿
音響如哀玉高節
抱貞心可折不可
曲顧見女蘿枝綢
繆附喬木天霜降
嚴威零落成樸檉
所以君子心邈然
自結束

暮秋多悲風元雲
凝大澤駕言出行
遊遊彼重城北道
傍何代邱鬱鬱松
柏上有千里塗下
有萬古宅不知
王與侯狐兔多遺
跡人生匪金石地
上長如客新故遞
相尋神巧不能測
傷彼道傍子矯性
何延隘寵利既內
營榮名多外飾交
戰滑衷和鬢髮日
夜白胡不放情志
逍遙以永夕

待頓幕營殖日夜謀
錢刀大貴多所傷
空令意氣豪鼎鼎
鼎百年內辟海流
風濤憂煎伐天性
此生無已勞所以
古達士四海捐鴻
毛安能爲物役長
使心切切仙人羨
門子邈矣非吾曹

泉上

偶坐泉石上暫與人
境隔天光涵清虛
水木有佳色心對
游魚開目送孤雲
白涼飈山際生微
雨天欲夕

鳴鴈行寄趙澈陽同年南粵

鳴鴈發雲中羽翮
摩天舉何意長風
來吹向瀟湘渚連
行接翼不忍分忽
然散落如風雨洞
庭波寒木葉稀霜
空嘹唳常苦饑迢
迢故國日已非聞
弦虛驚使我歎今

嵩詩鈔卷三

三

復彈射將安歸不
及銜泥雙燕飛金
宿繡戶春日微一
爲鳴鴈行三嘆沾
人衣

江南曲

蕭蕭烟雨秋江口
兩岸青旗拂細柳
估客初迴錦纜舟
妖姬正熟銀槽酒
珠樓宛轉畫橋東
油壁輕舟綺繡中
桃葉江前對明月
莫愁湖上起西風
繁華莫唱江南曲
吳宮舊草茫茫綠

關山月

隴頭流水何年別
戍客辭家心欲絕
橫笛寒吹塞上聲
春閨近對關前月
如花小婦翠眉低
覽鏡愁生玉面啼
十年征戍音塵斷
不得雲中半紙題
織成錦字空自嘆

械愁那到玉門西

寄送賈石葵大卿之任南都

昨夜南山射獵歸松窗醉臥星露微五更烏啼窗月白
酒醒夢見長安客平明廐吏來相開爲見春帆駐浦雲
春帆信宿不知處建業澄江杳然去緘書送君江水長
此時脈脈空斷腸

招山人歌

城中山人常苦多中山人常苦少我來杖策入山中
山人門外迹如埽聞道長安方大索兒鉗緒盡荷衣色
今朝司隸獄中書昨日平津座上客大國并容何事無
防川防口無乃淪山人有山歸亦得慎莫出走越與胡

崑崙詩卷五

四

後贈李本寧歌

李君李君汝今坎壈何甚哉七命藩臣二十載朝天又
奉除書迴憶昔蓬萊開內院翩翩二九凌霄漢大若爲
相小乃卿君乎鍛羽來何晏當代詞場論作者君及江
東兩司馬誤殺人開白眼兒輕言侍從無風雅一去承
明闕歲年秦梁蜀越多遭延道高不容豈有以異哉造
物操微權我聞柱下之裔多才子白也飄零賀折死今
日得君而三矣君今不夭復不賤又無留滯安有此李
君李君爲我楚舞我爲君歌歲云暮矣將如何天生豪
傑必有川如君不信長蹉跎涇水一斗泥化爲一斗穀
清者受其名濁者食其福翹翹常不足碌碌常有餘人

者飲其實天者寶其虛請君還我凌雲筆我還君家祿
萬石

巫山高

巫山峯十二縹緲倚層空細雨猿聲外輕雲鳥道中江
流巴子園月出楚王宮舊館今何處茫茫夢不通

長干曲

妾住在長干離居歲欲闌洞庭歸客少浦口去人難雨
落吳天暮雲橫楚岫寒含情何所待憔悴碧江湍

江南曲

采采白蘋洲蘭橈憶遠遊日懸雲夢開天隔洞庭秋風
物三湘道煙波萬里愁離居逢歲晏掩涕倚重樓

崑崙詩卷五

五

秋夜

虛閣夜沈沈秋聲在樹林山中猿鶴夢客裏歲年心露
下蓮塘冷螢流薜幌深生來銷萬籟隱几自成吟

送張靜峯同年赴河南別駕

承寵無遲暮褰帷意氣生諸侯均揖讓長吏有逢迎郡
閣山當戶河橋柳向城三川風日好偏適宦遊情

寄送張洪陽殿讀待舟潞渚

歸夢春來劇那堪送遠遊身懸螭左角家在海西頭天
地才難盡風塵道不謀河隄楊柳綠亦欲買歸舟

寄庠師周介軒先生

傳經西楚客垂老意何如湖上十年夢燈前八月書秋

心隨過鴈舊事紀街魚門下垂髻士脩脩兩鬢疎

春半

臥病忽已久閒房鳴素琴徘徊紫芝意惆悵青春深芳
草亂迷徑殘花空滿林憑軒送高鳥馳思渺難任

寄張玉陽同年汴上

我行殊未久君亦解朝衣世路無工拙時名有是非莫
談溫室樹聊采北山薇夢斷夷門道秋深鴈不飛

送崔亞沂博士

共作名山隱三秋采蕨薇寧辭今日別祇恐故人稀斗
酒不得醉白雲相與歸秋來元鴈度可向海門飛

夏日閒居

崑明詩鈔卷主

六

空林銷永日不暑亦無喧種藥時窺圃攤書每閉門雨
痕侵柱礎苔色上松根此意應誰識惟偕靜者論

浪迹

浪迹長安陌修途日以難河流誰謂廣海水自知寒嫺
慢存愚性婆娑恥貴官春深湖上雨何處少漁竿

邵伯湖夕泊

日暮倚蘭橈秋江正寂寥驛門斜對雨郡郭遠通潮櫓
急看商舶寒燈見市橋隋隄前路近欲聽月中簫

金陵江口夜泊

孤舟江上宿秋夢耿難成片月中流影千帆夜半聲地
隣桃葉渡山近石頭城倚舵聞吳詠偏令旅思生

長干

白門通市里傳是古長干陌柳藏鴉曙秋潮帶雨寒橫
塘歸客斷子夜舊歌闌別是繁華地休將六代看

秦淮

秋月秦淮岸江聲轉畫橋市樓臨綺陌商女駐蘭橈雲
裏青絲騎花閒碧玉簫不知桃葉水流恨幾時消

閉門

閉門多所適嬾與病相宜岸幘全忘沐匡牀久未移酒
醒微雨夜衣減落花時只憶河橋柳應餘未折枝

孤鴈

池上孤鳴鴈因風憶斷行凋蕭形影共蹢躅羽毛傷有
恨驚霜露無心戀稻粱如何伴籠鳥噉噉主人傍

崑明詩鈔卷主

七

除夕前四日送楊戶部之官河南
送子歲云晏踟躕可奈何酒邊生白髮雪裏渡黃河落
魄才難盡飛揚意故多春風洛陽道早晚聽鳴珂

泰山道中

地僻塵踪少山深石路斜雨中過佛院雲裏見人家雉
雉飛春麥啼鶯繞落花流亾今欲盡幾處有桑麻

泰山天門禪堂逢傅柱史金沙贈別

含桃花欲落山下遇君時雨過空王殿天晴嶽帝祠相
看芳杜色各有白雲期不似風塵路忽忽嘆別離

冬夜宿香山寺

一宿招提境匡牀坐夜分山深遲見月石冷細生雲仙梵林中發名香坐上焚老僧應出定時覺語相聞

再過汶上路鳳岡民部出送河橋留別

邑里經年別重逢春草芳一盃臨汶水三月綰垂楊豪俠齊公子風流漢省郎鄉山多勝賞後會莫相忘

陶山懷古

越相何年隱齊山舊有名地連肥子國路出鑄鄉城洞杳秋雲白巖深古木平臨池懷往跡頗識種魚情

偶成

傳道東封事扶桑路渺漫不成成百粵何取度三韓零落王人節低迷大將壇可憐當日畫猶欲斬樓蘭

出朝詩鈔卷主

漫題

安東通漢節消息久茫茫事異降疏勒名殊受越裳先朝多典故屬國有羹章何太蒼黃甚爲謀但可傷

秋日答常心吾中丞寄問

何地容高隱江樓萬竹青曉猿諳報客夜鶴解聽經天迴懸卿月山深閱歲星會傳宣室召莫勒草堂銘

南溪秋泛

野館無停轍秋塘有繫舟怯同俗客飲且喚老妻遊蝶欲疑紅樹鷗應笑白頭漁人休借問此是鹿門僑

同朱可大廷平登岱

萬仞瑤壇冷夕曛斗邊三十六天分仙人洞府懸雙闕

玉女神房切五雲遊客自成梁甫嘆詞臣不草茂陵文東皇舊握羣生紀海國湖山翊聖君

山中述懷寄石葵賈丈

秋山明月鴈來聲魯國相看自兩生聖世安危應有寄詞臣去就豈關名跡隨猿鶴心能化夢入鷗鷺骨尙驚羣負桓譚知已在太元寂寞幾時成

贈張就山隱居

相逢杯酒說行藏問字曾師李奉常梁苑十年依幸舍商歌一曲擅詞場鄉心長白山頭月客鬢桑乾馬上霜昨夜讀君張翰詠西風已是斷歸腸

真空寺別別馮葛諸丈

出朝詩鈔卷主

九

蕭疎苑柳寺門前別色相看一點然十月繁霜凋客鬢重城殘雨上離筵心同張翰思吳日事與梁鴻去漢年別後雲山未相見尺書猶有鴈南旋

酬馮學士用韞寄問

宿酒初醒午夢餘春臯小雨試揮鋤忽逢隴上梅花使爲送雲中錦字書別後瑤華常滿袖歸來白髮漸盈梳聞君亦有東山興海畔秋風掃石闌

春日閒居卽事

閒居愁思轉依依邑里春深正阻饑深巷炊烟渾欲少平田蔓草亦應稀中原寇盜還消長海外兵戈有是非好在黃扉諸相國從容調燮佐宵衣

閒居效長慶體

乾坤屈指閱行藏不是狂夫老亦狂
寵辱百年身似夢浮湛五畝醉爲鄉
鷗鵬各自便高下鳬鶴誰能制短長
回首昔遊愁憶汝緇塵偏染鬢成霜

石樓觀穫

樓前高柳畫成陰樓上窗開夏日深
隔岸鶯聲猶似管迎風麥浪已如金
奚官唱罩遙分隴野婦提筐漸滿林
幸藉薄收供早稅憂天且釋老農心

憂旱

五月欲過猶未雨秋苗漸槁青可憐
白日火雲但裊裊半巖泉水空涓涓
北來流離滿道路西望邑里踈人煙

崑明詩鈔卷三

十

城頭鼙鼓復不罷勅使普天飛索錢

送人作府幕

少年來作五陵遊一掾風塵已白頭
今日送君秋色裏踈鍾小雨上離舟

送張洪陽學士請告南旋

長河南下水曾波吳楚青山枕上過
行到潯陽江口望應憐秋色故園多

夏日村居五首

檻外千山過雨階前獨樹含風座對山
光曉暮牀隨樹影西東

天籟非關比竹園林片片春聲柳畔提
壺勸酒花開布

穀催耕

春日雕梁燕雀秋風高塚麒麟聖賢誰
能自免身名何物爲親

碧竹青蘿院宇黃鸝白酒盤餐有客聊
除花徑無人自掩蓬門

坐繩牀

水面時喧鴈鷺山坳邊下牛羊細雨踈
槐落日披襟小坐繩牀

憶遠集句

春草年年綠煙波處處愁所嗟人異鴈
猶隔洞庭秋馮琦三十四首

琦字用鑑號琢菴惟重孫萬歷丁丑進士
改庶

崑明詩鈔卷三

十

吉士歷官禮部尚書贈太子太保諡文敏
有北海集

明史本傳琦在吏部激勸敏力抑營私
給國防徵稅琦執不可神宗以御前身關防給

之時士大夫多崇釋教士子每稱其籍言鄭
傳註琦極陳其弊帝爲下詔戒屬明習典故

有根柢者數陳議論中外想望焉琦亦深倚
之已簡用內閣爲沈一貫所阻而止詩選傳

云向書天姿瑰瑋擢爲學士入翰林年十九
肆志問學日有程要尤究心歷聖典謨洎先

條奏請求有用之學前此于文定公博通端雅
表儀詞垣尙書綱之聲實相望人之云云

公以讀書汲古爲能事學有根柢詞知典要
詩雖未冥搜陳臥子云宗伯經術之士其

亦能集會

寄懷伯舅

結廬城東隅寂寂無車馬泉流旣紆紆榆柳亦瀟灑出

門上高原悠然見四野鳥聲高樹頭人影深林下白雲
自往來吾意爲一寫人生行樂耳鬱鬱何爲者

西山道中

休沐屬良辰招邀盡吾黨晤言山中人兼有濠閒想瞻
彼已超忽去此復悵悵行行出谷口原田何莽莽微雨
洒然至林樾增蕭爽興來發高唱邱壑傳餘習遙見採
樵人不得訊所往白雲深復深何處留眞賞

西山

豈不愛西山其如厭游客孟冬氣已肅始埽行人跡向
來獨往願此時欣所適洽洽山下泉磊磊湖中石草木
有息機山川見眞蹟一徑峯屢折迴風壑相激天外寒

嵩詩鈔卷五

主

烟淨樹杪澄湖白有時發鐘磬盡日看松柏暫忍俄頃
閒悅已成今昔明日在朝市悵望山雲碧

結交行呈楊公亮時公亮止酒

寒不作堂上燕饑不作韝上鷹韝上威稜豈不峻一飽
卽豐非人情親極難爲疎貴極難爲賤長平未能賓客
去何必貴賤交情見灌夫雖驕亦自雄江州終能立異
同衛客談劍如炙輶恐以此術用之我世事悠悠安足
論豪飲高歌無不可君不見步兵厨君不見清冲鹽長
安車馬夾道趨雲雨翻覆無時無君今不醉胡爲乎

新吾大參遺我古鏡因作古鏡歌贈之

古鏡不知何年冶得之洛陽古城下背面隱隱盤雙龍

土花半露青芙蓉獨歛光華抱耿耿何不拂拭照人影
此物曾經對古人此時不用空委塵願公持照流已屋
亦自不減光明燭

送董集雄比部謫官之上谷

君王神武被遐荒苑西校尉臨長楊內殿親軍天廐馬
三千貂錦黃金裝董君叩閭氣磊落風霜尺疏紛相薄
大內爲傳龍虎軍仙郎暫謫芙蓉幕迢遙上谷接燕然
窮邊一鎮稱孤懸塞上河山通大漠轅門戈戟擁胡天
朔天大漠并幽地安邊自合多長計破虜誰論一戰功
和戎未必千秋利一官落落亦王程壯志何妨更請纓
但願君王長耀德孤臣不敢厭談兵

嵩詩鈔卷五

主

送見堯業師南還

別離無復道天地意如何愁入征雲暮心驚飛鳥過憂
來千慮少歸去一身多行止皆無策相寬一放歌

宿樓雲閣

曲徑穿林入高樓水面開鳥將雲並宿客與月同來竹
色四時雨泉聲半夜雷乍驚衣袖濕露下泛舟迴

秋夜

天宇澄秋月涼風夜色微爲憐明月好不掩白雲扉遠
火孤村徑鄰燈寒女機砧聲欲愁絕幾處賦無衣

婉兒怨戲柬敬承

今夕是何夕雙星已渡河人間悲纖素天上悵停梭春

色簾櫳隔秋風枕席多恐君疑妾妬未敢問脩蛾

夜過懋忠偶談二華之勝故末句及之

但陳孺子榻不待主人留露下高雲薄天空澹月流襟
期子及汝風物夏兼秋莫羨三峯勝終當賦五遊

送懋忠年丈使秦

相知苦不早相送已沾襟雨後初秋色燈前欲別心青
山經洛遠紫氣入關深良會知何日瑤華好嗣音

寄李太僕

自是彈珠誤休嗟按劍頻蛾眉原易如龍性復難馴事
去無知己愁來憶古人長安舊父老猶自說埋輪

除夕

崑明詩鈔卷三

古

報國當何日辭家又一年薄遊寧足問微尚久茫然萬
事古人後孤燈新歲前明朝開左个假寐待朝天

送鄭大司馬經略西邊二首

暫借尚書舄高臨大將壇五兵屯細柳萬騎蹙樓蘭已
罷和戎議休言出塞難武功知可奏文法近來寬

太白高如許今年大破胡夏卿恢將略天策借兵符嘆

惜今猶在瘡痍立可呼莫教青海曲仍駐小單于

送王大理兼憲職閱視延綏

迢遞延州路風沙古戰場地當左馮翊塞直右賢王飛
將摧驕虜懸軍出大荒那堪分士馬辛苦戍漁陽

送莊冲虛太史冊封靖江王

爲分桐葉去遠向桂江頭遙想日南國還同關內侯客
程遙度嶺歸計欲經秋珍重三都賦鷄林已見求

送孝與有事晉中

得子可銷愁愁來子不留客情寒似雨春色淡於秋聽
楊思同夢臨關羨壯遊相期無隔歲結束大刀頭

泛舟送別嘉猷

後會終難定清驪只暫同離延偏惜日返棹乍分風片
烏江湖外飛帆烟霧中預愁分手處旅思滿孤篷

小樓出處

砧聲不斷暮烟收鴈度晴空人倚樓晏子舊居元近市
蔣生新徑故宜秋露滋碧草寒猶薄雲濕青山翠欲流

崑明詩鈔卷三

五

清興杳然何所寄憑欄東望是滄洲

那太保破倭功成以大司馬筦輶輪過家有觀
雲霄漢關頒新命豐鎬周京奠舊邦九列獨高蒼玉佩

六師爭擁碧油幢橫戈絕域春浮海擊柝中流夜渡江
聖主憂先根本計留侯籌策况無雙

大閱

海宇同文日君王講武來五雲迎雉尾萬乘出龍媒簇
仗青旗繞鳴鑾曉漏催禁庭饒頗收扈從有鄒枚羽動
千軍合圍旋八陣開重中司馬法大簡羽林林林劍轉霜
文落弓彎月影迴御營叢虎豹天合迅風雷破的多長
技揮戈亦壯哉兵車聯漢騎鼓角振燕臺指顧清諸夏

威靈徧九垓長楊無羽獵細柳淨氛埃問道漁陽塞匈奴氣已摧

恭陪聖駕步禱南郊紀盛

龍武新軍能勾陳御路開紅塵都不掃留待雨師來

題萬玉山房

本是瀟湘人最愛瀟湘竹何處邱中琴歷歷瀟湘曲

素崔仲素遊南陽河上紀事

桔槔有機事抱甕無塵想不如臨河渠坐待春蔬長

送顧實甫年丈還吳

杯酒離亭憶舊遊歸心別恨不堪秋懸知十二天街月

影落三江伴客舟

題關氏畫像二首

其一

魏瑜春煖鎖芙蓉爭羨胡姬拜漢封統膝錦欄珠勒馬

當胸寶袂繡盤龍

紅粧隊陰山下亂點駝酥醉朔野寒外爭傳娘子軍

邊頭不牧烏孫馬

送孝與東歸二首

萬里蒼烟海氣通欲從何處望東蒙斜風細雨長安道

賴得分攜是醉中

素衣不慣帝京塵出郭看春已暮春我白倦遊君未遇

楊花如雪送歸人

送袁玉磐太史冊封楚藩

黃鶴磯頭黃鶴還至今踪跡落人閒舊曾遊處難忘卻城上樓臺江上山

七夕

天空露下夜如何漫道雙星已渡河見說人間方恤緯可知天上欲停梭

新春寄懷懋忠中丞

天外風烟接塞垣山中芳草憶王孫可憐夜夜相思夢只在雲門與鴈門

山左明詩鈔卷第二十二

山左明詩鈔卷第二十二

七

山左明詩鈔卷第二十三

邢侗 五十二首

侗字子愿一字知吾臨邑人萬曆甲戌進士歷

官陝西行太僕少卿有來禽館集明史侗家貧

館於古翠邱歲產奉客適致中落史紹卿序

先生弱冠登路為循良吏為名御史及遷同卿

移疾乞休年甫三十餘耳素不治家人產日盡

為祖史子集中網鮮毫翠漁獵摩遺詩以初唐

會心恁意尤在晉王臨池妙墨居然有龍跳虎

掩其論詩不附七子蓋深中時流之弊特其自

撰不見

按來禽館集詩五卷去其應酬之作大抵氣體

清逸風神隱秀漁洋山人云來禽夫子本神清

非虛語也明詩綜所錄四篇殊非上乘且先以

德政歌次以上于文定詩然則所取二絕句耳

而讀之云然亦何說耶今存數十餘篇可不云

時論者以為不及華亭夷之米萬鍾

張瑞圖是亦方隅之見阿好之言爾

鳳笙曲

鳳笙不須炙和鳴千載期白日弄霞采悠悠隨所之人

代亦自好綠髻無常滋所以抗手去青天幕四垂

王昭君

單于非重色漢主為和親薄命悲蟬翼君恩想月輪暮

愁沙雪亂夜語蘆笳頻寄謝昭陽侶新歡難及晨

長門怨和劉長卿

長門閉清曉漠漠繡簾垂隔樹宮鴛嚙荒臺漏水遲不

將金買賦徒有玉為枝報道芳菲節春風何處吹

秋日閑思用杜牧之韻

曉光浸簾箔慵起著花鈿關塞久離別居諸傷歲年泣

學荷筒露愁深木末天驚傳有靈卜特地數金錢

秋日得李希說太原書卻寄

故國風煙古天涯草樹疎月通汾水夢雲度太行書出

處皆吾道寒暄有敝廬題封猶未悉瓜地待春鋤

秋日寄謝密雲王憲使懋欽

一別軍麾久金天火復流錢分憲府俸書報塞門秋飛

夢平沙月馳心古驛樓懸知幽朔節早晚下榆州

秋日得郭太史書卻寄

憶昔江樓畔同餐江上魚十年隔河漢千里寄封書家

近騎三子人懷惠五車山林與鐘鼎徒倚意何如

寄城武張明府

重來出宰地單父是東鄰歲歲防黃水家家負野薪印

從蒼鮮合官與綠紗親左髻凝霜否含懷問鳳臣

送方胥成歸新安

已驚木葉下况兼寒雨零送君當此際別意滿秋壘體

弱須加飯囊輕每戴星前塗幾知已驪山若為聽

送吳雲從秋日遊燕

秋色臨山館炎蒸減緒風荷衣騎馬去綠劍入燕中酒

貫壚頭碧塵驚陌上紅何如理歸櫓高臥太湖東

寄李本寧

春色濃如許梁園歌落梅晚風將笛韻吹度九河來我
夢杳梁月君情深楚臺兩鄉膏好在滄海洞爲杯

送毛懋新山人歸河南

落拓憐吾友知音暫俗稀天秋一鴻動人老外黃歸客
夢迷吹角開情入擣衣送君郵樹轉寒雨正霏霏

二月上旬送仲素先生北遊

幾遲山中信伊驚匹馬過攬衣愁冷薄看髮訝婆娑去
路冰漸急臨春鄉夢多會稀兼別早其奈寸心何

送張元春楚如都下旋歸吳門

秋杪欣相過春深忍送君花泥融跼跼水穀亂云云去
拂千門柳歸占九夏雲鄉愁兼客思都付野橋曠

崇明詩卷三

舟泊九江寄謝吳明卿先生

昨日遙林夢依微下雉城雪舟清讌集風簾旅人情天
意存黃髮鄉心滿綠蘅寒余通籍晚猶及歲寒盟

秋日送李子有還吳

老癯吾安拙清眞爾自嘉有懷同白水相送折疏麻
驛晨逢騎山山晚帶霞到家應懷望極北片雲遮

得潘茂碩書卻寄

當秋忽如醉因得故人書展轉烹魚後寒溫結蠹餘燭
花兼雨白桐影帶霜疎料此懷君夜君應夢敵廬

因歛程生寄訊王臨漳伯固

三十六鱗至君還相憶無憑將歛州去莫作石城通

散吟銅雀官閒愛野鳬四年猶不調遮莫歲華徂

弔宋叟二首 有序

新河古信都地隸今真定宋布示鵲池名登春
邑人也往落鬼遊江陵荆州故守徐太室先生
延之上客數與譚詩語合謂吳門詞人如雲先
如一山中布衣矣比徐公解綬家居山日持螯
飲酒意良適別去且二十年而徐公拜大宗伯
山人乃走上都追叙故舊徐公不厭也又三年
徐公歸山人從新河過徐公將訪徐公山中
樂醉談列尋錢唐弄江清股展江頭乘湖下
君視宋登春豈杉柏四圍閑人余時大罵喚老
虞燕趙上自昔死魚腸龍雀不聞死潮北運甲
中寒食時也居數年絕無音耗是歲歲安余更
從江南來噴噴道宋山人狀謂山人某歲過徐
公公館之禮被有知迺山人願贈異也時時
風其主人捷家僮謂徐公上拂拂何惜一平頭奴
人僂謂杖才從青衣上拂拂何惜一平頭奴令
傲海內名士乎一旦懷惱辭且去公爲呼艇子

崇明詩卷三

四

載米數斛筭脯酒漿稱是仍移棹錢之城門外
山人爲強一舉白造次遇榜人勿僕我潮信意
殊不屑徐公亦別去山人乃趣舟抵十里許
海頭不知昏曉徑跳白波逝矣嗟乎汨羅采石
登一咸三亦自燕趙慷慨悲歌之氣作使然矣
余酒爲詩弔之復爲叙致前方好事者儻豎之
石正自新奇可寄何必重
問要離之墓迺俠骨香也

不作吳門隱飄然汗漫游向書重一諾游子合千秋
錦鯨魚杳烟波采石愁前身應李白終古掛風流

憶別來禽館會言葬汨羅落花留且佳芳草奈君何弔
死文姬怨有女悲生薤露歌茫茫江水闊應比淚痕多

用韞學士待命長山許枉泐園詩以奉遲

擊節曾同雪夜歡別來懽覺會時難愁隨南陌暮雲遠
夢落東風春雨寒病裏書從前夕寄酒邊花是異鄉看

卽今聖代思公等一爲蒼生起謝安

送章廷綸之塞下兼訊王子廓使君

愁露愁霜不柰君馬頭黃葉復紛紛人從方朔祠邊去
路向刀環渡口分客舍并州成舊雨家園江樹隔重雲
懸知奏記陳琳好憲府于今正策勳

魏書刀環水在錦邑

送濟南趙太常起家大京兆

三輔風煙傍紫清徵書十道及躬耕起家杜曲新京兆
入對齊川舊伏生篋裏殘荷留野服馬頭斜月引王程
太常不忘元都觀重問繁桃醉玉笙

九日同家弟仲季與客宴集犁邱

絃管無多醉不辭東籬堪翫菊花枝客憐鴻鴈同家遠

崑明詩鈔卷五

五

酒有茱萸對弟宜暮色冷涵秋水碧晚風斜颭帽簷欹
詩成點筆邀俱賞乍聽寒林一葉吹

卽事再寄萬使君

漢主離宮臥正深諸方羽檄又駸駸千官動集和戎策
九廟驚傳奏凱音舊市黃金消塞馬幾家銀漢怨秋砧
知君建節天山北無限風煙萬里心

送方胥成之薊門

三月鶯花促別筵三春離思逐行邊風煙不改盧龍塞
客子今過飲馬泉鄉路半年無鴈字將軍諸道有樓船
紛紛家國堪垂涕君去并州又幾年

送宋布衣歸大名隱居

冬至至後復三日握手城南官道旁綈袍愧我故人薄
襤褸披愁君孤夜長層冰峨峨凍滿眼大雪漫漫寒撲牙
笑他阮籍徒下泣掉首東山還故鄉

九日懷謝在杭

聊城西望鴈通郵沛水南臨客上樓兩地煙塵悲壯髮
殊方霜露攬孤裘梨黃小摘柅中菊潤初披檻外秋
向晚把萸來泛酒何人能共此風流

八月中澣清淵信至知元春卽日南還愴然賦此

江南秋稻熟遊子歸鞭發我夢繞秋池殘陽帶江月

松下小憩

繫馬雙樹邊胡牀聊一憩柏子若相憐無風落空砌

崑明詩鈔卷五

六

山僧迎送

相返此山門相送此山趾豈知軒冕崇客至聊復爾

古意送李一觀察

檐外青桐樹朝來風正吹不堪今送汝誰共坐題詩

花下日暮別靈巖

輕風度丹壑微雨濕紅雪不道有情山卻從今夕別

中丞黃公東巡曲二首

甯戚城荒墨水流不共書閣晚烟收停車忽訝衣裳薄
春到齊封海尚秋

白鹽黃甲紫蜂窠間俗行春此覓過轉憶故鄉生事好

夕潮餼菜較來多

戲贈萬使君二首

五花胡馬鷓鴣裘夜獵歸來興未休
教唱西涼新樂府一時霜月遍幽州

銀花鑿落醉蒲桃毵毵憑君弄彩毫
一斗陰麋三斗酒壯懷幽思滿弓刀

朋舊存亡數通宵夢各賦詩寄懷都不書
地望姓字儻亦有深思也二十一首存八

赤壁留題事可傳至今草樹尚含烟
扁舟簞笠春申郭何似風流太守年

南國掄才奏楚書楚天雲物武昌魚
攜來賦草誰相賞苑雪宮鴉自直廬

出明詩鈔卷五

七

楓落鱸肥憶往年楚天東望接吳天
來年怡悅秋雲裏欲寄故人自憐

江東大海廻瀾紫歷下峨眉雪月奇
初日芙蓉清夜瑟爲君惆悵立多時

入洛才名小陸過一官壇殿長青蘿
清齋暮雪生前句夢裏沈吟涕泗多贈言有旅食清齋暮雪語

寒同山下寒烟白海印寺前海月空
載酒緒經兩無那宰官身離剎塵中

江夏年光二月初據梧齋敞薦江魚
與君傾蓋成連理莫遣秋風怨嬈好

吾世斯人未可求玉笙瑤瑟氣長秋
無端蘭芷孤臣思

多在晴川漢水頭

古意再寄李于田

雲落銅蟬出漢宮關干雙淚背春風
君王總署通心院再畫蛾眉恐未工

詣大菴百歲僧所偶話先朝遺事感而有述
巖中老衲百餘歲共坐移時口不言見說孝皇今幾代

江上惱李本寧

與君江上乍相逢夜雨潮連曉寺鐘
儵忽片帆天際沒故人真愧石尤風

寄問靈巖二首

出明詩鈔卷五

八

乍拋紫綬戀青山敢向人閒問大還
我自會心君自見竹枝嫋嫋水潺潺

北巖巖畔數株松菴靄雲嵐幾箇重
好結一窠松樹下度檐蒼翠盡成龍

擣帛

擣帛聲中度晚鬢隔鄰吹笛弄新商
無端又送城頭角一夜令人髣髴霜

出塞歌

絃絃如想復冷冷沙馬迷茫起夕汀
一片莫笳迴北勒故園斜日幾長亭

李堯民七首

堯民字畊堯號雍野鄆城人萬歷甲戌進士歷

官順天府尹有快獨集

秋雨懷王侯二子

山林在城市惟我松菊主徑草故青青昨夜銜新雨書
滿牀頭酒滿甌酒可中今書可離美人不來空清秋

獨飲

牢落停雲逕淒其問字廬坐看秋已暮不醉欲何如菊
在聊親酒元成且罷書一聲天外響孤鴈又愁予

久雨忽晴晚坐

雲洗星初霽烟霏雨乍收誰來共明月獨坐一丹邱遠
杵寒相答孤鴻迴自愁可知蕭瑟意不是爲悲秋

崑山詩鈔卷三

九

除夕大雪

今夕是何夕真成歲既單誰將一夜雪分作兩年寒老
避浮名易春回短髮難勿令兒輩覺恐減少時歡

得歸

幽意塵中得浮名醒後看人非南斗重魚自北溟寬
拂曉巖易杯洗磊塊難鹿門差足臥吾欲日三竿

元日

一尊椒酒對三微兒女尊前圖彩衣休沐兩年知骨肉
行藏半世寄柴扉鱸魚老去食食字鷗鳥盟來惟杜機
歲歲逃虛逃不得春風聞人釣魚磯

早春

筆格琴牀柳外亭案頭一卷太元經夜來忽送催花雨
添得苔錢滿徑青

張世則一首

世則字準齋諸城人萬歷甲戌進士官江西參
政山東通志世則初人吏垣卽劾陝撫貪劣狀
官致仕嘗作治平
要覽未竟而卒

春日遊常山

離城二十里傍水兩三家徑僻埋芳草林稀見落花縱
攀凌石壁野望足烟霞關飲詩成草催歸日未斜

于達真二首

達真字子充號完朴歷城人萬歷甲戌進士官

崑山詩鈔卷三

十

陝西參政

橫嶺城

雲橫萬里壯神京直北關山控虜營日落旌旗踈遠戍
天低星斗壓孤城漢兒望月鄉心遠邊馬嘶風春草生
聞說遼西征戰苦從軍休賦隴頭行

公太史攝徐文二山人碧落寺讌集

金馬詞臣領郡來謫居無日廢銜杯山東大俠平原酒
江左風流二陸才颯沓如聞秋已至喧妍共喜凍初開
可憐傲吏清狂甚醉裏參禪踏月回

王之猷二首

之猷字爾鼎號柏峯之垣弟萬歷丁丑進士歷

官浙江按察使淮揚兵備有柏峯集

送恒兒應試北上

長安紫陌氣猶寒遊子千金重自看北望燕關頻入夢
征鴻先寄一書還

贈醫

高臥雲菴烹石鼎閒遊鹿闕世松花世人分得金莖露
共道倉公出漢家

黃嘉善一首

嘉善字惟尚號梓山作李姪萬歷丁丑進士歷
官兵部尚書贈太保有見山樓集

溪上

崑山詩鈔卷三

七

策杖尋幽境溪頭看水流何來成浩淼望去卽滄洲依
岸羣飛鷺隨波亂沒鷗坐來涼月滿應似五湖秋

張敬七首

敬字爾和號松石淄川人萬歷丁丑進士官禮

部主事有張儀部集縣志文學傳儀部天性淳

異寒峻日夕講經銀葉鏡尊脫粟石田芋蔬不

中若畢封君木王太常教習其高第弟子也

明詩綜詩話爾和不以詩名所作寥寥然頗有

生趣如墨花侵斷壁木葉響空廊下啄寒草

猿垂藤古藤故人泣海隅

曹任夫移居以詩趣之

禪房孰可到遙在翠微層鷺下啄寒葦猿垂藤石藤高

秋不見鴈盡日獨逢僧誰憐風雨夜寂寞自孤燈

重寄王汝賓

山房度石壁蒼翠暮烟收野水亂流合沙禽幾點浮人
歸櫂葉寺月明蘆花洲白露澄江闊故園何處秋

過承恩寺

三月來河朔高秋鴻鴈稀京塵吹老鬢僧綠改寒衣霜
力水殘酒闌關悟息機盤桓何所戀歲晏獨依依

偶集

沽酒從燕市相逢問客槎世情俱白眼客意獨黃花落
葉驚秋杵寒城急暮笳此身何所寄爛醉是生涯

寄懷李子亮昔同別業三峯

背郭草堂靜溪邊生事幽松聲響靈籟人語亂寒流貧
病惟書帙滄浪此釣釣隣翁勞慰問把酒話綢繆

與鶴溪

去歲逢初度遲君古佛堂燈花燒夜梵白露滴松房天
地誰青眼乾坤奈老狂興來仍把快呼酒盡餘觴

聞鴈寄王侍史

搖落聞征鴈連翩向海隅行分絕塞關影入夕陽初鼓
角寒城急關河短鬚疎那能千里別不寄一行書

張汝蘊二首

汝蘊章邱人萬歷庚辰進士官陝西按察副使

題王長卿白子繡佛

白馬西來日瞿曇教亦傳上乘無色相大覺有真詮蓮

夜坐遣懷

高舉六首

巡撫浙江僉都御史與弟與有壘篴編

按中丞歷官頗著經濟不以詩名所作每涉直
陳去不致厥弟上舍亦復懷多取足目前意
而止不禁輒爲小詠紀事遣之若云作者其何
敢上舍跋云茲刻也第以惜吾神耳匪敢以巴
人細譽謬託白雪絕調也又按中丞之父諸

山南詩鈔卷三

生汝登家資鉅萬值歲饑盡斥捐以活貧人中
承兄弟幾不能自存邑人以專祠祀之高氏科
第皆其後也中丞之孫
則繩東念東兄弟云

廣惠寺訪高計部鳳翔

我原無相色空須頓忘梵鐘清俗耳擾擾愧塵忙

送王亦山還里

話別王孫十里亭迢迢烟樹復冥冥夕陽半照離筵紫
遠岫遙分去旆青故國雲山饒我夢長安醺醺爲君醒
舊人相見如相問使客憂民鬢欲星

除夕

守歲長安夜悠悠客裏人古今爭一瞬日月轉雙輪此

早行西山道中

曉度山村石徑斜村煙深處見桃花人閒念舊惟春色
也到尋常百姓家

重陽前三日招九老飲碧宇

小宴開亭興味清黃花白髮故人情江湖廊廟關心事
都付蕭蕭蘆荻聲

閏罷礦稅

濟甞思羅外府藏育嬰縱虎遣中璫投珠抵壁稱明主
發帑獨租頌哲王精髓鑒空天地泣舟車算盡市朝殃
利臣一罷民懸解萬國欣持萬歲觴

山南新志卷三十三

高響
五首

舉字鵬程號南溟貢生
縣志舉穎慧博通殫心著述因亂失之從李少

入都有感

滾滾紅塵撲面飛
都門風景欲沾衣
滿朝冠蓋知多少
盡繫錐刀卻忘歸

阜城感權

記曾傾盤喜相逢。日經過感慨重十八年來多少夢。
一宵分付與晨鐘。

宿泰山上早起遠眺

絕巔晨竹立眼界頓爲寬萬里河山闊一天星宿寒荒

烟滿漢碣衰草沒秦壇由來多古意此際獨遐觀

題虛心石

混沌未爲盤虛靈寂若營世塵誰點染峻質自生成月
冷鳴清響天空吐妙明松風共瀟灑萬籟復秋聲

登嶧山

聞道嶧陽控魯東一朝登眺見瓊瓏千尋峭壁支虛室
百丈飛泉瀉太空古蹟苔封餘片石層巒煙鎖隱孤桐
五華頂上凌風防斷削應知造化功

畢木二首

木字子近號舜石淄川諸生以子自嚴貴贈戶
部尚書所著有黃髮翁集縣志舜石壯年棄舉
子業孝弟力田督教

出朝詩鈔卷三

五

子弟立責善簿以爲善否序略曰古稱父子爲
隱吾非老悖欲彰子之正欲汝曹勸勿勿勿匪
彝爾汝曹他日未可知第能擇地而蹈無災厥
躬雖潛伏草莽吾快志矣不然即懷金紆紫操
行不軌束縛所聚奚貴焉子自嚴成進士戚以
勿矯勿修爲刑官戒以勿點染勿訪蔡生肅不
居間不放債不攻
殊非欠之終身云

燕窩寺

寺廢僧棲少山深鳥亂啼雲迷何樹杪水遠斷橋西採
藥尋荒徑吟詩憶舊題不妨拚一醉身世總醞雞

憶昨游

躡屐昨朝事華嚴上頭天風仙籟細野草坐隨柔烟
醉酬重九狂歌送晚秋春游石上字經雨墨痕幽

葛明一首

听字幼明號龍池引生子以祖廐官尙寶寺卿
有集玉山房稿那子恩龍池行狀幼明夙慧若
成人曰光所注百步不瞬察其

材器魁壘
大度士也

留雲洞次明字周文韻

曾說留雲洞裏奇由來天上使臣稀龍垂鍾乳懸猶接
鵲啄巖花落更飛似入武陵迷舊徑欲乘槎木叩支機
蠻方思甫歸王化引領樞光卜太微

葛曦四首

曦字仲明號鳳池听弟萬歷丙子鄉試第一人

癸未進士改庶吉士授檢討有葛太史集

雨後觀龍舟競渡

出朝詩鈔卷三

六

五月五日天乍晴西湖昨夜新水生水雲渺渺湖光紫
棹聲欸乃波心起金支翠旗乍出沒虹蜺亂飲芙蓉水
歷亂繽紛去復迴揚鈴擊汰聲相催疑是六龍行雨罷
玉鱗金甲卻歸來輕舟爲車轍爲馬競逐相驅不相下
揚枹鳴鼓欲何爲清時豈有沈湘者遺俗千秋未足論
靈均不作楚波渾願將百鍊江心鏡拂拭清塵獻至尊

寧夏紀事

見說妖氛滿賀蘭朔方城外駐呼韓曹彬已領中朝劍
李廣仍登大將壇列校營分權易散三重兵動勢難安
材官涇渭知多少應念千門立馬看

送蔣元軒侍御按嶠東河

青陽持斧出京華千里河汾入使槎轍跡試尋周穆滿
俗謠先問晉郇瑕車輕北阪流如水池迴南風散作花
實是離官能奉士詎看權采富天家

讀二疏傳有感

翩翩雙引出長安回首青蒲曉月寒白髮最憐蕭太傅
中書未罷不辭官

徐準一首

準新城人萬歷癸未進士官雲南布政使香祖
余於羣書中遇邑人逸事遺文輒掌錄之觀永
平府志得徐方伯詩一首即詩人夜字東凝之
曾祖也徐詩序先生曾大父準官
布政使時稱山東四君子公其一也

盧龍塞

出韻詩鈔卷五

七

燕呼黑水作盧龍塞北風沙泣漸蓬漢將已隨羌笛老
秦人莫恨久從戎

徐圖一首

圖字君猷掖縣人萬歷癸未進士官御史

題胡中丞來爽樓

木末天風萬里吹何人高臥北窗時暫從海上開三徑
偶向膠東寄一枝白鶴歸巢雲滿樹青山入座酒盈卮
知君欲下南州榻慚愧無能慰所思

王孟煦六首

孟煦字育明一字念野安邱人萬歷丙戌進士
改庶吉士授給事中歷官江西參政所著有雲

耕山房稿鍾龍淵云參政詩文高逸
開遠有御風餐露之興

商於遣興

行年將半百猶苦寸心違不變稻生蠅能無伯玉非青
山頻入夢白髮未言歸聊此一尊酒長鑒送落暉

洪陽先生開雲館

野竹踈逾翠秋山晚更青鷗眠潭底影鶴惜雨餘翎倚
杖分庭薛投竿散水萍斜陽蟬滿樹嫋嫋隔江聽

同曾守鈍劉用之游萬泉寺

一徑林中仄諸天象外幽興來同命駕老去獨驚秋古
木棲寒渚輕煙度白鷗鄉心託逝水日向故園流

夏日館中即事二首

出韻詩鈔卷五

七

莫謂滄洲遠乾坤此勝遊人間官似隱地僻夏疑秋揮
塵應雲亂開軒荷雨收焚香終日坐心事水中鷗
一院深深裏涼陰處處通淡煙開茂竹清露引初桐鳥
爲忘機下花因過雨紅從來多野興對此意無窮

夏日友人過山房看月

龍劍今夕合雄心自古人涼雲依戶牖明月滿松筠不
有尊中酒其如客裏身祈當拚一醉此際少風塵

周如砥八首

如砥字季平號礪齋卽墨人萬歷己丑進士改
庶吉士歷官祭酒贈禮部侍郎有青藜館集山
通志如砥以文章名天下歸里後居於村墅東
也大夫罕見其面至邑有利弊輒曰言無隱焉

時所重

擊劍篇

我有歐冶劍昔磨若水溪十年未曾試出匣風淒淒鐵
英金穎何奇特綠龜文饒青蛇色寶鏑直冲牛斗寒神
光迴與秋霜逼長安擊劍多俠斜相看瑞氣生明霞萬
道虹霓忽舒卷繽紛亂落芙蓉花還如颯沓奔流星晴
空隱隱來風霆荆玉驪珠自掩映晦冥上下迷蒼青鼓
囊當年亦自勞勾踐日動荆卿逃何常抵掌向伊吾斷
蛟瀚海澄波濤盛世由來重干羽蕭曹帶劍捐明主我
亦于中悟草書不羨區區渾脫舞

薊門行

出塞詩卷五

九

薊門昨夜秋風生蕭條秋色橫高城古木千林半搖落
雄關百雉何呼嘯塞月遙臨青海迴高天直接黃雲平
野戍荒煙黯舊壘龍沙朔氣寒危旌露下儲胥寒鴈度
樓隱粉堞悲笳鳴憶昔漢家霍驃騎連年征戰經茲地
長纓繫得左賢王功勳照耀燕然石玉關從此欵瓊裘
甘泉十載銷烽燧宛馬絡繹長安來將軍日夜遷榆醉
太平不見用兵苦魏絳自信和戎利忽報天鋒次渭橋
翩翩戰馬一何驕關下羽書進星火長城白骨亂蓬蒿
昨日全軍沒青坂復聞繁鼓喧臨洮千里金湯此重鎮
百年鎖鑰如函峽太白旗高山雲外天王北顧心切切
詔書五道銜丹鳳漁陽老將周南仲虎竹新分雪色明

龍泉試拂星文動謀臣數上安邊書詞人擬獻平胡頌
先聲知破陰山膽月氏再入天關貢崆峒塵靜金泉清
韜卻甲兵常下用

送馮仲好侍御

憶昔奏賦明光宮卿雲五色驚重瞳東觀圖書啓祕府
晴窗寶幌相雍容冰壺一片貯秋月珠璣萬斛隨天風
得君寧羨裴佩韋好論心雅與投膠同聖主勤思補袞才
忽騎驄馬辭蓬萊攬轡四顧豺狼走叩關大叫開闔開
白簡鐵冠看意氣太山喬嶽爭崔嵬赤忠已寢淮南計
霜旌更指單于臺上谷由來股肱郡鴈門雙翼蔽全晉
雄鎮咫尺大荒隔天險東控神京近戍壘年深有荆棘

出塞詩卷五

十

承平日久銷鋒刃燕領誰當虎豹關驚羽新發雲霄軻
酒人燕市幾追騶高歌况復對離筵御苑鴛花媚驪曲
斗閒采采生龍泉瀚海遙獻澄清色狼山總斷霏微煙
單車就道何慷慨三盃把袂非留連平生傾倒真莫逆
臨岐思贈翻無策繞朝直是太迂踈魏絳誰信操石畫
樽俎須知在廟堂忠信耐可行替貂從此新詩堪自勸
青青入望燕然碧

薊門早秋

涼氣薊門早蕭條忽已秋遙天鴻欲度落日火初流野
曠悲清角煙寒暮戍樓風霜自臣節肯此歎淹留
黃平倩病起偕區用孺林容伯過訪留飲時食蜀

魚

入牖芸香細開樽竹葉新寧須投轄款轉爲閑關親妙
辨閒非馬嘉餐山素鱗寒蟄秋草裏似我和歌頻

送馮琢菴學士歸省

鱸膾書來憶閑關絲衣親乞五雲閒一林烟月草賢老
千里千旄司馬還天上恩綸榮鶴髮海邊清夢遶龍顏
春明二月遙相待爲領青宮侍從班

再過含風嶺

萬山重疊翠微連秀色時時帶遠煙巘外天低無鳥度
潭中水黑有龍眠澗泉曲抱雲根湧風磴高從樹杪懸
坐久不知歸路斷依稀猶似爛柯年

送袁玉蟠冊封楚府便歸省親

南極星高動使槎詞林聲價重皇華春風帆逐瀟湘遠

楚國城連翼軫斜江漢諸姬原裂土山川信美兒歸家
趨庭鄉里看生色綵服雍容笑語譁

周如綸八首

如綸字叔音如砥從弟萬歷丙戌進士官工部

主事終代州同知有什草楊道賓撰志銘叔

明妃曲人皆傳而再起代州

同知乞歸而卒又以爲議云

按周氏兄弟皆有詩集叔音五言如細雨花重

謁于肅愍公廟

鳴仗馬千載歎飄萍軒車遠俗
人歲月著書遲皆得詩人之致

復辟論功日先生合死時朝廷忘己已羣小進賊夷冰
上游鷄痛關西大鳥悲不教曹石橫天道竟何知

戊戌輦下除夕

都門還戌歲惆悵歲云徂日月閑鷄省風霜緝鹿盧世
塗身自側吾道色難鋤疎野原宜外遠巡一紀餘

明妃曲三首

有旨明朝出漢宮燈前偷拭淚痕紅花開花落尋常事
不悔當時忤畫工

未央入謝太怨怵似覺君王欲斷腸爲語東風漫相惜
生來無分到昭陽

貂帽羔裘文革鵲宮娥相送轉相憐掖庭不謂饒知己

崑崙山謠

縱老胡塵亦慨然

崑崙山謠

孤塚沙陀地蕭蕭木葉丹作龍稱獨眼如虎衛長安諸
鎮雖王號中原白漢官春秋人下馬風雨幾悲嘆

留偈諸僧

勝地隨緣到居然似大家江山吾法象日月此精華若
意裁無樹念機護有涯若教不生滅請看白蓮花

晚起

林深人靜夜森森侵早猶寒起擁衾何處曉鐘催老衲
滿前古木叫幽禽千重嶂曙天初動百道泉飛月未沈
長嘯一聲空谷應浮生多少隔雲岑

山左明詩鈔卷第二十三

山左明詩鈔卷二十三

圭

山左明詩鈔卷第二十四

傅光宅 六十二首

光宅字伯俊號金沙聊城人萬歷丁丑進士官

四川按察副使有傳伯俊詩草山東通志光宅

權秘臨清開騷動疏陳其狀左遷為文瑞

麗似蘇公詩在岑孟之開詩選傳云伯俊員

意氣通禪理為通人所稱謝在杭云伯俊之

詩出於性情而不出於豪舉求之醜懷而不求

之纖穠其在近代則李迪

肖其才情獻吉嫌其渾峭

舟夜有懷

水澹沙月寒蒹葭露華白長波搖秋聲漫漫空日夕浮

雲西北馳河漢渺難卽風吹孤鴻音惆悵此行役

舟中待友人

烟樹澹微月水風生夜涼扁舟垂楊岸葭葉何蒼蒼尊

酒欲斟酌孤琴倚傍程佇立望美人露下露衣裳

過呂梁

孤城背蒼山片帆揚素秋倚篷豁遠目落日蒹葭愁懸

水三十仞此日成安流滄桑寧可知歲月空悠悠

舟行晚色

夕陽隔重山秋江寫長鏡天宇湛空明船窗愛虛映焚

香讀禪經悠然見真性于茲謝塵囂齋心事究竟坐照

五陰空身世永清淨

春日弔李姬墓

去年此日長安道香車寶馬風光好今年此日弔荒原

東風孤塚生春草李白桃紅歲歲新今年不見去年人
杜鵑聲裏斜陽路獨自傷心淚滿巾

夜宿桃源卽事

秋風颯颯吹枯樹潮滿平沙鴈飛去人家路入蘆葦花
行客空疑避秦處孤舟欲枕大河湄細雨寒更出縣遲
月黑荒鷄啼夜半開帆莫辨水東西

贈別顧山人山甫

顧君家住湖水邊數椽茅屋青山連姓名不落世人耳
遠隔塵市三十年媿我何能致爾來儼然言偃逢澹臺
相思頗寄白雲句嘯傲同傾明月杯吾亦渾忘身作吏
布衣聊共船頭醉醉後寧能泣路岐蕭然行色別江湄

崑山詩卷十四

從今風雪長安道君臥空山那得知

贈別王州倅元靜

王猷興不盡送別江上山憑高一以眺身世浮萍開傾
此離觴各道發我逐風塵君明月君家舊住石湖傍兩
年幾度登君堂有田在水貧刺骨尙能割鮮壓酒勸客
嘗嗟嗟王君家世俱國士怪來意氣恒相似我謁明光
還復來湖頭蓮葉青錢門柳下重巖越溪棹與君長嘯
吳王臺

發湘陰

春曉發湘陰山行思轉深花含昨日雨鳥作故鄉音樵
子下松徑田家依竹林平生愛隱逸回首違初心

薊門早發

吹角下殘月山城聞曙鷄晴雲開曉樹宿雨漲春溪水
照歸鴻影花香去馬蹄年年征戍客辛苦薊門西

潤州雨後

春風吹夜雨江上旅愁深未遂冥鴻志空悲老驥心已
甘時共棄况乃病相侵歸去東園柳新鶯欲滿林

岳陽樓

飛閣千峯擁晴湖一鏡開波光浮日遠帆影自天來巫
峽分春水君山落晚杯江聲流日夜東去幾時迴

宿寶應

危橋殘下日遠浦暮鐘微月白波聲小秋深鴈影稀葉

崑山詩卷十四

隨風自落雲與夢俱飛北客遊方倦孤城又搗衣

懷汪伯耳

逐客無消息憑誰問死生春風草又綠夜雨夢難成瘴
癘開文藻交游避姓名百年能再見重與續鷗盟

留別秋明叔汶陽別業二首

來此便難去况茲遠別離晴雲落曲檻春鳥鳴深枝暫
醉月明夜相思花好時誰能當晚歲千里負心期
風烟怯遠程蘿薜合深情每見鏡中髮因憐身外名天
空一杯酒雲隔九重城從此成眞隱鷗鷺結盟

送方胥成之雲中

邊庭久無戰壯士心飛揚落日萬山暝寒雲十里長寶

刀明意氣尊酒見肝腸寄語持籌者深憂未可忘

夜起

夜暑苦不寐夙興步前軒風微樹聲寂雲密天宇昏靜
勝理自慙默藏神乃存無端坐擾擾媿此平生魂

晚次將軍關

邊城寒日落吹角滿秋天遠出飛狐道還經飲馬泉荒
原生野燒廢壘起炊烟關塞時多難歸期未計年

月下與伯耳言別

春空明月滿照此萬里心轉以青山色留君白雪音江
從揚子關路入桂林深應待秋風發相期汶水陰

歸思

崔明詩鈔卷五

四

爲官老不耐作客病難支江遠風濤險天高雨露遲孤
舟魂斷夜千里歲殘時沂水堪行樂春來物自私

早發古北口

馬首濕繁露驅車度隴長朔雲陰不雨邊月冷於霜苦
戍愁吹角高原一望鄉蕭蕭鴻鴈影何事獨南翔

過洞庭

孤棹向何處茫茫春霧深波瀾迷上下天地自浮沈帆
近聞人語涯空絕鳥音飄然坐篷底一席五湖心

過東阿喬年丈城西別業

青山傍城郭下有好園林泉石淨春色松蘿深晚陰清
言八名理淺酌散幽襟離關復自此悠悠雲水心

廣陵元宵

花月古揚州元宵負勝遊笙歌十萬戶雲水一孤舟誰
倚青樓醉吾聞白苧悲隋宮何處是樹影尙迷留

送內兄呂心和將軍戍薊門

御戎無上計守國在長城版築千山動烽烟萬里清綠
尊堪送客白髮敢論兵珍重霜華落登樓望旆旌

潞河阻風

水淺風仍阻孤舟意若何霜來孤塞早雲傍鳳城多白
髮慚軒冕青山有薜蘿夜深愁不寐寒月下滄波

代妾

妾命真成薄妾心空自持傷離成怨恨多病憶恩私寒

崔明詩鈔卷五

五

八孤衾易春來遠道遲不堪憔悴影淚盡畫眉時
臨鏡美人同黃太史平倩賦二首

鉛華牽遠思粧罷轉遲疑明月梨花色清江蒨萼枝自
憐孤影在難信兩心知不盡新來恨雙蛾淺畫時

可是偷靈藥嬋娟入月中未知身是幻誰道色爲空笑
喜花相近疑疑黛未工誰言顧影者夫去首如蓬

大觀亭

日出江逾淨烟消山轉深輕舟度柱泝幽鳥隔深林共
羨爲園者誰知抱甕心送迎頻此地小坐亦閒襟

長礪寺

烟雨空山寺夜郎車馬遲春泉落危石夕鳥鳴深枝民

散勞安集僧貧說亂離雲寒鐘磬寂愁坐餐成絲

綏陽贈榮昌徐令

山多易爲雨蠻鄉二月寒田荒新戶少戰後舊家殘窮
獸竄猶噬春禽栖未安均輸勤遠使曉夜度前灘

小病同伯耳作

白髮堪爲郡夜郎烟雨中遊因久客倦病與故人同花
落春寒重山深夕照空擁衾念鄉國夢到海雲東

播州清明

清明寒自苦雲暗雨絲絲山曉樹無影城春花幾枝烏
歸戎馬後人憶綺羅時爲想鄉園日西郊載酒遲

巫山

會讀高唐賦深憐宋玉才孤舟輕楚甸片雨下陽臺世
事夢中盡江流天際來蕭條千載後春至野花開

送李山人歸東蒙因寄公孝與

霜冷郊園木葉稀河梁尊酒送將歸月驚孤戍離鴻起
雲逐千山去馬飛東海書傳公子宅西風淚落故人衣
遙遙不見龜蒙路秋草黃花獨掩扉

宿武林昭慶寺

路轉溪橋日欲曛空林香霧晚氤氳千峯樹色迷烟雨
萬壑鐘聲度水雲松火夜寒靈鷲影荷衣秋入野鷗羣
懸燈獨宿虛堂靜無那清猿夢裏聞

送大宗伯于公請告歸東阿

離亭蕭索對西風一片鄉心細雨中秋草路長愁立馬
暮雲天遠羨飛鴻敢因白髮辭明主喜見黃金賜上公
巖壑藏書定何處穀城蒼翠遍寒空

同狄明叔張孟孺登燕子磯

燕子磯頭霽景遙江天極目水烟消風含翠竹圍空界
雪積丹崖倚碧霄萬里帆檣連遠樹千年金粉散寒潮
乾坤全盛惟今日海外鯨鯢未可驕

金山寺

中流潮汐漱雲根一半青山過雨痕兩岸樓臺開白晝
孤峯鐘鼓自黃昏金沙灘外分江色寶樹行開見海門
明月片帆何處落無生獨向野僧論

吳門別居長卿

扁舟歸自越江濱客路逢君酒一尊白雪歌成堪墮淚
青山何處不消魂城邊宿莽生寒燒沙上殘潮落凍痕
無那風塵牽別思依依還向醉中論

七月五日同高司理飲大中丞塞公宅

薊北江南感舊遊巴山渝水復新秋人閒樂事休戎馬
天上佳期近女牛山擁孤城江似帶花明別館月如鉤
夜涼歌舞拚同醉露布遙應入鳳樓

談詩

相逢取次可論詩情盡神來豈厭遲易向尊前成漫興
難從象外有深思雨晴春嶺雲歸處霜墮寒潭月上時

鶯囀蟬鳴各自媚希聲獨遶鳳凰枝

宿湯泉公館卻憶江南

高館臨空山山空深幾許時聞泉上聲誤作江南雨

感舊

花下門仍在尊前歌已休惟餘舊時月還上水邊樓

偶書

寒潭月影深取之不可得愛月坐潭邊無言空默默

醉中開賦三首

竹下一尊酒燈前萬古心殷勤醉中語烟雨二更深

幽意烟蘿會閒心魚鳥知千山明月夜半醉倚樓時

秋思滿天涯客心澹無取樓前桂子風枕上芭蕉雨

岩叢鈔卷三十四

花池坪卽事

生長萬山中家住白雲上畔鑿不知年林音作春響

尋雲臺東嶺

石田高下水烟迷茅屋參差碧湖西獨倚春林人不見

竹鷄啼處夕陽低

遊黃山

幾間茅屋帶斜暉綠樹陰遮白板扉客到但教留一醉

不知空翠濕人衣

過張左虞故居

夕陽秋草閉雙扉三徑重尋事已非獨倚空庭腸欲斷

滿階黃葉雨沾衣

惠山弔顧更生墓

醉別梁溪暮雨寒重來衰草遍秋山泉臺一閉無消息
孤鶴悲鳴夜自還

登明遠樓

樓頭尊酒對秋光樓外千峯倚夕陽正是鄉心搖落處
西風吹鴈下寒塘

宿長沙道中山館

路轉千山日欲斜停驂空館若爲家不堪萬里思歸眼
風雨春深見落花

山中寄胡荊甫

落日雲迷碣石宮蠻鄉烟雨畫濛濛青山此別腸堪斷

岩叢鈔卷三十五

夢入枕柳萬樹中

懷西

青山高出白雲上人家住與白雲齊遠客舟中空極目
松蘿飄渺夕陽低

山行口占

炊烟起處有人家絕壁重崖日易斜殘雪滿山雲氣冷
卻憐春色在梅花

贈張星士

濯錦江頭春草生支機石畔曉雲明欲從卜肆問通塞
白日垂簾非世情

閏二月朔

百二春光已半過
淒風寒雨更如何
夜郎寂寞平此裏
鄉夢回時白髮多

鍾羽正 三十八首

羽正字淑濂號龍淵益都人萬歷庚辰進士歷
官工部尚書有崇雅堂集明史本傳羽正授給
事以內官爲前穴交通賄遺比周爲奸致仕疏
清世運泰不可得也神宗是其言與同官聯疏
請皇長子出閣豫教帝怒斥爲民光宗立起太
僕卿屢遷工部尚書忌者嗾羣奄索冬衣問於
堂遂力請罷奄怒又削其籍後復官冬衣問於
以立儲卿神宗怒且後瑞禍大起公已罷歸
稱四大賢人公其一也後瑞禍大起公已罷歸
楊疏疏魏奄罪云鍾羽正清修似鶴逐之使去
必不容朝廷有正色立朝之直臣云云公自請
生登八座未嘗稍書百僚丹黃殆徧所著有厚
常食不過二器藏書百餘卷

田家五首

德錄管見
錄諸書

檐際鳴晨鳩邱澤多春雨錢鏰自修持薄言向田圃
芄麥苗秀茸其葉茹吐庭木美方華鷄豚應時乳逍遙
步里廬熙然懷樂土耕鑿以馮生坦焉靡所取
皇原足時雨晨興赴農功麥熟柿花落氣滄泉源通良
苗被平疇油油蕩和風阜彛躍長薄戴勝鳴高叢萬物
各有適欣然懷微衷開歌和田叟願言期始終
幽居半畝宮挖挖自耘植裏露詩蘅蘭沐雨餘荆棘既
云課僮僕復以紆筋力室人知我心操作同晦德灌漑
有時勑離畔相休息仰首聽哀蟬俯水窺游鯉清風池

上來欣然若有得雖居賤中長餘芻豢色至樂在淡
泊迷者自不識冥冥雲漢間誰復加矰弋

積雨彌旬朔我圃遂已蕪晨興自芟刈曉露沾我襦
嬌秋菊枝蒿蓬共一隅寒聲響未發芳質豈復殊汶汶
百草開無乃混泥塗感之興浩歎搔首以躊躇

野老七十餘安貧守環堵被褐負朝喧呼兒話田圃
田家良不易所歷多甘苦趨時憂旱荒望歲占風雨豐稔
無二三拮据十嘗五近見諸少年氣習漸非古忘彼力
食艱甘與浮薄伍衣馬散紛華蹉跎嗟何補質朴與儼
輕得失竟孰愈嗟嗟識我言戒爾非觀縷

東歸四首

田家五首

士

爲君旣已難爲臣良不易嗟予狂慙姿辱此封駁地主
德毫無補素餐誠多愧生讀賢聖書膏恐隳名義宗祏
事可憂禍譴吾何避敢云祥鳳鳴冀免鴟梁刺豈期引
咎言反觸明主恚九關一以排六署紛遂棄雖已褫衣
冠幸不投魑魅恢恢天地仁感激終不置駕言返故廬
貽蕩春方媚鶯花滿舊畦歡舞隨重稚二親方倚門見
我笑相視兒今好歸來南畝堪耘植倘祥邱壑開何用
歌顛顛

黃鶴凌霄飛倏忽落金鷺游魚伏重淵咄嗟糜刀砧
機奄相中何論高與深靡靡常世士紛華蕩其心一朝
揜機獲五鼎寧足欽念之情內恒揮手謝朝簪雖無希

世資免此禍患侵九原如可作沮溺還相尋

大道日已遠季葉苦紛爭錐刀一啓釁矛戈儼相仍親
暉懷反側骨肉恨怨生獸食且人惡脫兔猶可矜孰謂
斯人徒而甘豺虎并誓將舍之去超然越八紘六合皆
若喪矧彼筐篋竄寄言紛拏者身貨孰可輕

人世忽代謝俯仰成今古壘壘何者邱東風搖宿莽千
秋萬歲人孰免歸泉下相愛復相捐神奇爲朽腐戕之
固非宜惜之亦奚補石柳暨桐棺誰者竟爲愈念彼薤
露詞泣涕零如雨逍遙旦暮開無爲徒自苦

擬遊獵篇贈石棗強

偶有客言遇石君郊外方馳馬逐兔意甚得也感而賦之

君不見石棗強少年磊落工文章黃金殿前奏詞賦一

岑參詩卷五

主

日聲名動帝鄉州縣徒勞不足理飄然解綬歸園里寧
甘寂寞老英雄傾身爲結豪俠士銀鞍白馬繡襦赤
羽鵬弧兩映光左顧韓廬右海鶴風馳蹀躞上南岡南
岡孤兔多潛跡鷹攫犬搏相騰擲憑凌大叫野雲橫平
楚蒼茫秋草白餓鴟絃響落長空鼻頭出火耳生風下
馬割鮮哺匹侶行炙縱橫酒波紅歸來日暮青樓道錦
帳華衾耐醉倒探鈎對博夜沈沈妙舞清歌月皓皓人
生適意在當年身後虛名亦偶然笑殺草元廬裏客終
朝寂寞對殘編去歲初防海上賊將軍相視猶敵國欲
分一劍靜波氛掉頭不應強不得石君石君何太豪眼
前萬事如鴻毛丈夫有口須道際且看射雉向東臯

貽王育明

時上封事勸歸史大夫吳不報

王給事瀟灑玉堂姿竭來青瑣闌坦蕩何委蛇白眼看
人笑不語滿腹琅玕世未知朝讀輞川詩暮飲燕山酒
酒酣弄身璋吾於爾何有一朝封事障狂瀾寥落秋空
振羽翰氣奪烏臺千古壯霜飛白簡九零寒天子手其
疏遲遲不忍發壯士徒存叩關心孤臣自有冲冠髮王
給事身不滿七尺雄氣倒萬夫世事茫茫已如此與爾
長歌醉一壺

夏

高槐陰陰覆茅屋方池澹澹圍疎竹五月微薰水際來
清漣蕩漾搖新綠道人散髮耽幽獨離騷把向窗前讀

岑參詩卷五

主

一聲長嘯對南山清響泠泠驚林木日斜臥起供茗粥
晚食何須美梁肉披襟坐待晚涼生不省人閒有煩燠
送王育明遷任大梁

乘節中原地爲君壯此行翔翔看宦跡去住見交情春
雪來梁苑秋風出帝城監門俠士在虛左一相迎

西山

珠閣鬱嵯峨靈宮倚澗阿石泉流水細山路古槐多王
氣明郊甸禪心淨薜蘿遙思仙仗入千騎擁笙歌

注籍京邸

長夏何攸鬱閑門自掩局雲來小閣暝雨歇遠山青
客緣多病憂時愧獨醒匣琴還自理苦調若爲聽

送彭省丈出鎮天津

幾年青瑣開聯佩共夷貊斧鉞開雄鎮舳舻極上游海
雲迎去旆朔雪灑征裘帝闕遙相望懷君獨倚樓

東歸二首

陶令言歸日悠悠久閉關種葵臨北牖採菊見南山冬
嶺孤松出寒林倦鳥還澗壑時自漉不放葛巾閒
四十行將過頭顱已可知宦情原自拙世路苦多岐歲
月消書帙風雲入酒卮寄言同好客心賞勿相疑

開州道中

連日愁陰雪褰帷見曉晴雲開孤岫出天遠大荒平沙
徑留人跡寒林送鳥聲悠然瞻萬里對此豁中情

宋明詩鈔卷十四

古

開夜

月色宜初霽松聲生夜寒幽人不成寐離思遶江干虛
白通齋閣風霜滯羽翰乾坤寥廓意伏枕動長嘆

邑譙

縣邑宣房側巖巖起暑樓風烟千里暮砧杵萬家秋山
脈通王屋河流繞帝邱凭高無限意身世任沈浮

南行二首

南經沂沐道極目總荒莽疲馬緣山徑孤鴻下水濱
田千里瘠茅屋數家貧野叟時相語年饑一憐神
落日催行騎長途倦旅人已開秋葉墜復見月華新
大明村舍清霜折客巾相逢陌上者時與話風塵

金山寺

江水遠悠悠禪宮聳上游烟寒京口渡濤落廣陵秋浪
拍石根出波沈塔影流閒情無住願勝地一淹留

秋夜

高樹颯秋聲中庭夜氣清天空涼月下露滴候蟲鳴不
寐思前事無營信此生所欣足時雨禾黍近西成

李右史

李子侯邦雋齊藩幾歲華案明孤樹雪庭落遠山霞吏
散徐留客官閒晚放衙笑呼從事飲不復歎長沙

雲門山

雲門出雲雲晝開中峯雲竇懸崔嵬門關天回日月窟

宋明詩鈔卷十四

五

雲生幻出金銀臺陰崖入夏飛元雪幽洞經年結綠苔
欲喚羲和啓靈鑰卽從圓閣望蓬萊

再遊郭外

汗漫還爲郭外遊一尊攜上大堤頭橋通小市林烟合
路入禪房竹翠幽柳岸對呼求友鳥蓮陂雙泛狎人鷗
塵埃擾擾終何事擬向滄江理釣鉤

春晚卽事

風雨春殘獨倚樓側身吟望思悠悠長安冠蓋時多異
海上兵戈歲未休閉戶琴書供潦倒馴階燕雀在漫優游
愁時塊乏芻蕘獸肉食諸公憤遠猷

次楊月翁感懷之作

南國樓船逐海颿青邱氛祲未全銷諸公桑梓憂非細
大將旗旌慘不驕戰士舊推齊技擊邊城新遣霍嫖姚
中丞定有平蠻策早靜兵戎報聖朝

夷門

落魄摧殘壯士顏昂藏俠氣老塵閒王孫車馬如流水
誰向夷門禮抱關

昆陽鎮

笙鶴縱山事杳然仙鳬遺跡竟空傳仕塗碌碌君休訝
贏得維揚十萬錢

太和道中

層巖古樹挺槎枒翠柏蒼筠老歲華北客乍驚南路暖

左明詩鈔卷五

去

時時崖畔折梅花

邊行卽事三首

城頭風鼓大旗鳴城下胡兒作隊行一指雲山三百里
邊人猶說舊開平

胡虜年來効外臣將軍談笑靜邊塵那知金玉橫腰客
半是和戎市裏人

龍門地遠風沙勁鵬嶺秋深草木空一自翠華從此入
至今野鳥泣西風

鍾吾

浩蕩長淮水行人心眼開寒城秋月上孤鴈與徘徊
金陵

繁華南市樓薄暮喧車馬遙聞玉樹歌烟月秦淮下

王象蒙四首

象蒙字子正之垣從子萬歷庚辰進士官光祿

少卿詩一卷略存梗概弟檢討公象節少有詩

名鄭簡菴先生新城舊事載其句云古寺
人來花作供孤城春盡草如煙集亦不傳

鳳音曲

鳳兮鳳兮集高岡七德九苞稱至祥五音六律鳴朝陽
鳴朝陽應明主非帝庭寧高舉

鶴鳴曲

蒼松挺挺鶴相招振翩翩翩來九霄警霜晏晏鳴九臯
鳴九臯警萬里明月來清風起

左明詩鈔卷五

主

瑞琴曲

我攜綠綺奏薰風一曲相思彈未終淚垂絃絕送歸鴻
送歸鴻坐明月人不見心如結

暮雨曲

忽忽白雲羅神霄霏霏暮雨平河橋有美一人路迢迢
路迢迢望無極夢相見醒相憶

程紹一首

紹字公業號肖莪瑞孫萬歷己丑進士歷官工

部侍郎贈尚書有澹息居遺稿州志公初授汝

展勅執政私人攻其駟駁爲執政所忌以諫

稅除名家居二十餘年起官副都御史巡撫河
南精勤振刷積玩皆革會王璽出臨漳疏言寶
不在重因薦廢斥諸賢臣璽始怒罷其官崇正

初起工部侍郎乞休歸

壽康驪漢八哀

槐里逍遙賦考槃日長山靜蔚琅玕湘中芳韻蘭為佩
柱下威稜鐵作冠浩氣丹心偏耐老明霞翠柏更宜寒
行開九表春如海菊水泉香好侑餐

孫善繼一首

善繼字達甫號卻浮掖縣人萬歷己丑進士官

工科都給事中王西樵云黃門風流豪宕聲藉
一時而篇什少傳長歌一首刻
石林觀察園中予與郎上讀而錄之舉以問人
鮮有知者正竟陵所云天風醉花鳥此語無人
也

吳生窟室畫松歌

吳明詩鈔卷五

九

吳生畫松真奇絕鐵幹龍鱗枝糾結風毛瑟颯看欲動
陰崖六月生霜雪孤根踞石陰寒泉突然縮出徂徠山
懸蘿挂薛惹烟霧歲深積蘚古連錢疑是仙槎斗邊落
傳聞頻下青田鶴閒聽笙簧滌世情驚濤忽起轉相愕
吁嗟乎窟室松曷不亭亭直逼丈人峯胡為乎屈曲偃
臥一洞中雲鎖洞門識松意避秦不受大夫封請君莫
為山松惜山深翻逃斧斤尼一任羣卉競芳歇貞心不
改歲寒碧吁嗟乎窟室松下有斗大如雪扶蒼生長鏡
磨取千年質山來此物通仙靈飽服大藥松底睡醒來
一嘯萬山青

逸中立一首

中立字與權聊城人萬歷己丑進士官兵科給

事中贈光祿少卿所著有居易齋詩明史本傳
中立事

敢言抗疏留高攀龍又疏爭
憲成之斥謫居二十餘年而卒

石硤阻雨

風雨連暮朝白日冥罔繼衆鳥藏深枝萬木號雲端山
高石磴滑百丈懸鳴湍游子悲遠道中夜起長嘆支離
笑此軀未老驚衰殘身外竟何有惟餘寸心丹憶昨侍
瑣闥不敢安素餐志欲扶忠直庶可迴狂瀾誠微難動
主薄謫誠為寬但念君恩重寧辭行路難

王業宏一首

業宏字又毅安邱人萬歷己丑進士官太僕少

吳明詩鈔卷五

九

卿

同陳憲副過少林寺

攬轡過中山琳宮駐節攀上方參法象傍壁覓元關老
樹千年外禪機方寸閒靈光無歇滅常日照人寰

馬應龍一首

應龍字伯光安邱人萬歷壬辰進士官禮部郎

中籍安邱志應龍生有異質問學博通為諸生
時父中丞公文煒作邑志以命應龍論著創
定有良史風所著杞乘四十八卷詞林玉
屑三卷及詩文若干卷他著又數十卷

春興

朝來南陌上春草何芊芊好鳥弄其音宛在芳樹顛良
人隔千里對此摧心肝黃雲飛塞上春盡天猶寒石惜

芳菲歇惟愁千役難何時當來歸慰此平生歡

送友之雲夢

二澤雄江漢孤帆發上遊相逢原逆旅恨別各驚秋風
曳蟬聲細波搖鴈影浮那堪回首處雲滿仲宣樓

詠柳

自愛腰肢細還憐眉黛彎隴頭迷歲月箇裏憶悲歡披
拂黃金縷飄零白玉關葉枯空外攀折淚潸潸

送鄭室甫歸省

江南芳樹滿江干東海明珠重木難道合越人期戴笠
時來貢禹共彈冠霜風落葉啼寒鴈秋水行舟賦澹蘭
君到親闈定回首五雲直北望長安

張廷登

延登字

延登字濟美號華東鄒平人萬歷壬辰進士歷

官右都御史贈太子太保諡忠定所著有詩文

二十卷山東通志延登合內黃有惠政擢兵垣疏請平朋黨及撫浙江闖賊周三老

人漸延登督兵滅之以功顯焉

園中小閣納涼

樓眼濃陰綠上簷納涼閣上對霏霏六安新茗煎香雨

挂起疎簾透翠微

龍磨角用雪蓑韻

一水涓涓鎖谷口東風吹盡改南薰老龍何日磨雙角

穿破頑山兩道雲

畢自嚴

自嚴字景曾號白陽木子萬歷壬辰進士歷官

戶部尚書加太子太保贈少保有石隱園藏稿

明史本傳自嚴巡撫天津置水軍繕器械備戎器事事整飭用朱司行監軍平白蓮功為多又為督餉侍郎兼巡撫事因地震數進直言皆不

見納崇禎初起戶部尚書陳十二事立見允行中旨數發奏答無不從安後致仕歸

腫而事以無乏後以失上意致仕歸

留計移疾獲請詠懷

觀光泰昔幸解組嫌今遲自嗟蔗桂注兼之蒲柳姿七
尺猥承置四牡幾載馳晚荷精寄尋綴紀綱司未幾
叨敷擾矣以報鴻慈祿厚責彌重汲深纓難支勐力空
殫竭膏盲悲暗滋匡弼况未效其如青史嗤坐是乞鑑

湖烟水聊自怡

湖烟水聊自怡竊慶拜明綸從此免素尸貝邱宵夢繞

岱麓春雲垂華廡非所願何必可樂儼永矢南郭隱長

謝北山移

途次和張同年咏桃花

綠楊春樹蔭芳隣中有天桃別樣新馬上不煩頻指點

好花應笑白頭人

遊青雲寺

翠嶺深山裏青雲傍紫霞如來禪土淨釋子梵音嘉缺

月孤峯影堆金滿岸花平臺當落照轉覺興無涯

王象節

象節字子度象蒙弟萬歷壬辰進士改庶吉士

授檢討

按分甘餘話記檢討詩一聯已見光祿小傳下於館誤得數首錄存其一

秋雨卽事

秋爽時雨零抽毫思不勝洗兵占曉發濡稌喜年登座
淨黃扉敞波微太液澄重陰看漸霽擬賦日方升

張三極二首

三極臨清人萬歷壬辰進士官教授

雨後過王明府

豈謂金門客能兼大隱名庭空歌鳥下吏散酒人迎綠
水新添砌青山半入城還將江上楫聊爲采真行

新秋集顯靈宮分得堦字

山左明詩鈔卷五

圭

物外逢迎好雲林徂暑時鳥聲移幕樹鶴影上秋堦捲
幕開花薦分觴泛羽卮晚涼堪入醉莫遣酒行遲

潘榛一首

榛字茂昆鄒縣人萬歷壬辰進士官山西按察

副使

題恩縣高閣

縹緲渾疑天咫尺飛空雲色漫相連樹籠周道行人度
河帶王畿佔客還齊地重關仍十二平原朱履故三千
眼中今古知多少此日登臨一慨然

山左明詩鈔卷第二十四

山左明詩鈔卷第二十五

于若瀛三十三首

若瀛字文若號念東濟寧衛人萬歷癸未進上

歷官巡撫陝西僉都御史贈副都御史諡襄敏

有弗告堂集山東通志若瀛在陝大瑞梁永

拔秦中士子如王國解經邦王之案皆有名績

後以志不得行而病猶奮起揚兵塞上中途而

卒王則之云文若近清曠秀倩山人謂元

有所思

長河直耿耿入夜起秋聲切切陰蟲響團團孤月明寒
雲屯上郡野燒薄邊城頗苦思歸夕何時罷遠征

山左明詩鈔卷五

秋日同游攝山聽張元平彈琴

淨土自無垢茲山林木鮮窗旭上中峯萬壑浮輕烟導
余入外侶雲房開洞天跌坐擘江色飄影馳杯前况有
同心友冷洽揮七絃絃聲答松響曠爾生幽元中章寄
危嶂無數子周旋

宿唐洞寺

野寺大道旁短垣倚雲嶠舍策叩禪關平蕪恣延眺暝
色還荒徑明滅寒原燒篝燈坐幽室皎月來相照茶稅
塵鞅勞已窺靜者妙夜半風鳴條不滅蘇門嘯

馬

冬曦澹唐野沙飛味崇岡匹馬循荒谿水結川無梁落

日阻三河野老僮路傍問之繫何人皺面髮且黃云是
牧馬者十室九逃亡我茲不及壯頽然不我將君從檀
州來不見五馬房房中日鳴鐘一笑傾千觴渠馬障錦
欄而我與無糧災沴苦頻仍蔽天來飛蝗假云鳳凰食
詎止瓜瓠傷一日不再饋芻秣安所望語既動長悲涕
下霑衣裳我亦司馬者寧忍去網張遼將新山關選騎
赴沙場曉知養馬家顏垣秋草長何日罷防邊歸彼華
山陽

夏日過彭城登雲龍山

溽暑苦行役探奇憩塵鞅躡步躡幽徑仄磴便屨綑樅
櫨蔽古殿清磬出巖響絕巘冒孤亭羣椒點虛敞東轉

崖前詩鈔卷五

二

大河流黃濤捲沆瀣大風久不歇王氣尙砒礪薰飄散
晨炊破烟旭日上平湖淨於席天開一鑑朗六月失炎
蒸頓覺葛衣爽放鶴去何之巢松歲月長營營出慮澹
嗒然倦南往

黃華山瀑布歌

卽隆慮山

隆慮峯頭雙結寺攢雲挂霧人罕至黃華老人耽未足
片石尙留百餘字我今探幽凌層山山層水曲嵐風寒
捫蘿冒險蹲危石石林青青翠欲滴一掬避客問巖扉
踈鐘遙度嶺雲白王母之池封綠苔上有噴噴泉鏡臺
兩峽中斷通一線秀水孤峻何崔嵬峽轉徑仄猿狖語
拂衣颯颯驚風雨瀑布挂壁垂亂絲于中小構石亭古

脫巾獨就孤厓坐仰瞰青天玉龍墮憑虛欲上萬仞峯
狂歌踏碎青芙蓉芙蓉黯黯日將暮鬼嘯陰厓不可住
渦旋淵黑窈莫測輕策不識來時路林深一徑轉冥冥
燈火焚焚出縣城蒼茫回首杳何許猶聽淒淒飛瀑聲
送何无咎之合肥兼寄劉海日

二月江南楊柳青石頭城邊聞早鶯鶯嬌柳暗闌春色
嘶馬出門重相憶何生立身俠且貧低頭不肯干時人
吟來片片飛白雪孤雲高望空江津去歲相逢菊未老
別時江岸深春草今日還開北海尊明朝已逐西江道
握手踟躕生暮雲風塵蹤跡歎離羣廬江應遇劉公幹
白下詩名誰似君

崖前詩鈔卷五

三

觀潮歌

三月十七雨如注觀潮冒雨江頭去崔嵬小閣倚春城
縹緲白雲暗江樹遠山近山杳莫識千艇萬艇喧號呼
忽捲洪濤噴雪來銀山排蕩轟奔雷頃刻但愁天宇漲
倉卒還憂地軸摧舟人俱起潮頭向觀者紛紛色沮喪
鯨吞鰲吸海勢翻瞬息不及登樓望須臾潮平雨亦止
墟草青青夕洲起江而俄開遠岫雲沙頭忽落錢塘水
遊人納屨返城闕稚子敲針釣江鯉遠樹參差隔岸橫
布帆無恙中流行雪濤嘶滅鳴鵠吏馬嘶骨銷勾踐營
潮來潮去英雄老千古漁歌一葉輕

贈文生

父生行年踰半百面骨峻嶒頭未白吳下爭高任俠名
南山坐滿文章伯一廛正對秦淮灣簫鼓中流時往還
日射小樓無所事開窗滴露點春山

峽石驛

古驛萬山深霜高氣自森丹良流眾草元兔照孤吟夜
靜水喧澗峽明燒隔林通宵不成寐哀響散清砧

秋日河上

細雨蓮花口秋風瓠子宮開帆青雀上卷幔白雲中沙
鷺喧高浪長隄走斷蓬不堪嗟望苦蠟慢羨漁翁

晚投清江浦

淮水吞江浦孤帆晚復開樹移沙岸轉波逆海潮迴人

岩詩鈔卷五

四

語迎村雞漁燈拂棹來繫舟猶未穩寒漏已頻催

春日懷適園

記得南來候寒林凋碧梧好花忽冱蝶密葉已藏烏旅
思春應減愁心興轉孤誰云勲業在憔悴老頭顱

旅懷

古驛雲間動使星明燈孤榻燦青萍西來衛水城陰轉
東匯天津海氣冥誤採白蘋悲遠道自應黃髮老巖扃
歸帆去棹元無定滿地山光入眼青

發靈寶縣

一水西來曲抱城新秋雨色望偏清馬頭青嶂千尋起
樹裏黃河一片明入部星光催漢使近關人語半秦聲

岩幾二華知何處遙見氤氳紫氣生

雨宿潼關

明燈虛館淒清夜細雨蕭蕭亂客腸秋入關門悲鼓角
年來驛路老星霜家臨濟水孤盧白堍接南山黍穀黃
千里故園愁阻絕夢還京國亦他鄉

會盟臺

城角秋陰慘不開蕭條獨馬共愁來盟秦客散浮雲盡
擊缶臺空暮雨哀沙岸有風吹斷鴈荒原流月冷深苔
惠昭久矣俱塵土澠水潺湲首重回

寄焦山

渡江兩上江心寺忽憶焦山昔日遊數里無緣攜艇至

岩詩鈔卷五

五

孤峯何處使人愁蒼苔空鎖焦君洞風雨誰登郭氏樓
遙望白雲平明滅江聲清夢雨悠悠

壬寅春正三日錢五卿同秀上人冒雪訪余吳門

各贈以詩次韻爲別

金昌忽枉木蘭舟沙鷗汀鷗各自求雪色歷城疑上月
江聲入夜似驚秋棹船不淺王猷興卓錫還同惠遠遊
信宿莫辭歸去晚疎燈密霰下長洲

秋夜聞笛

銀河耿耿桂輪香短笛悠悠韻正長乍聽一聲來別館
何人三弄據胡牀吹沈邊月寒生暈哀助江鴻夜度霜
不足愁人亦愁絕况逢征戍憶遼陽

舟中雜興三首

兩岸山相似舟移曲不妨回看京口盡落照下丹陽
星曙鳥聲起舟人里行樂纖纖一鈎月斜挂疎林上
朝發慧山麓暮泊開門里夜半寒山鐘遙落吳江水

古陽隄同杜孝卿望太行

水南門外風雨愁借寇亭前泌水流箇箇沙禽眠渡口
見人飛過亂山頭

清泉寺二首

滿谷西風椒葉稀穿林片片凍雲飛荒原車馬應無數
閒煞高僧在翠微

參差石磴挂香臺風到禪床掃綠苔清磬一聲山欲暝

岩前詩鈔卷五

六

悠然雲盡數峯開

華嚴寺

逢僧宛宛著袈裟小閣焚香日易斜市遠不知春已暮
滿山開遍石楠花

金陵春詞四首

晴雲曉壓石城孤江樹江烟澹欲無梅雪未殘靈谷寺
東風已綠莫愁湖

十二天街月正饒翩翩裘馬狎春宵遲明絃管聲逾急

不道風流減六朝

秦淮柳色弱於絲十里煙花澹蕩時明月一灣開水閣
何人吹徹玉參差

桃花塢裏花爭開日日尋春載酒來向夕長干望歸騎
無人不是看花回

長安冬夜詞

自昔崑崙上京朝朝車馬縱橫千山夢越鄉園一枕寒
生客情樓外塞鴻悲切窗前叢篠淒清沈吟永夜不寐
濁酒無人自傾

宿青柯坪

玉女峯頭日暝仙人掌上雲封一枕夢清塵外風濤亂
捲寒松

曹瑣三首

瑣字伯玉一字于渭益都人萬歷丙戌進士歷

岩前詩鈔卷五

七

官通政司參議山東通志瑣出守西安先後議
平河渠刑罰耕植社造三十二事廢議九事作
之設問過勝事有偶誤雖申行必請更易巡行
州縣一僕一馬一書吏人不知爲守也入覲不
持一物僅當道舉清官第一丙辰大饑疏流民
之狀凡數千言繪圖
欲上之未上而卒
按曹公兄弟皆爲名臣弟珍改名琬歷官尚書
明史有傳通政有記略入冊備載一切議狀詳
切如古循吏所爲冊有名字小印蓋曹氏舊本
今在北平黃氏養素堂中詩止十餘首錄一二
以存其人云

舍弟移居入城歌以志感并示弟二

朝日何所追時至不可道策杖出遠村荷鋤理秋草秋
草深且長根株故相保一牽一亦萎斡折根亦稿
結根深塹培恐不早棄鋤涕沾襟守根以終老

岐路不可回天命誰相虧生平常寡歡多病復我催風
塵吾已倦毛羽甘摧頽兒孫身後形吾生安胎之虛無
求仙人蹉跎合心悲荒村走饑餓往矣心事違傾水不
可收吾行將安歸

寄川章弟

伏枕經年病未蘇脩然幽意老菰蒲不知畫省仙曹客
擬借專城事有無

朱延禧三十一首

延禧字允修聊城人萬歷乙未進士改庶吉士
授檢討歷官建極殿大學士吏部尚書贈太保
諡文恭有喻齋詩山東通志延禧在位值魏瑞
弄權楊左逮獄力救不得大

岩明詩鈔卷五

八

言曰天地好還安殺必有報矣瑞聞衛之已丙
傳樊魏瑞勅稱宗臣延禧曰天演一派始稱宗
臣援筆易之瑞大怒遂
引疾歸瑞誅屢薦不起

秋蟲

候蟲響何處獨客坐沈吟歲月驚涼序蹉跎感壯心青
燈鳴夜漏虛戶雜秋霖况復西風急歸鴻欲滿林

感時

樹隱昭陽倚碧空年年綠管度春風多緣羽獵君王少
不遣非熊入夢中

中秋

寒風瑟瑟吹庭樹明月娟娟照帝城秋半共憐人夕好
天涯况聽遠鴻鳴是箇雙闌青林淨砧響千家白露清

醉後狂歌渾不寐空堂那問紵衣輕

游九龍池

剝木千章合龍池一鑑平波搖歸鳥影柝響飯魚聲入
座山光紫廻鑣石徑清還思陪歲事重對萬峯晴

春日游摩訶菴

乘春出西郭十里入空林花發長廊寂松深古殿陰香
杭供客饌仙梵雜僧吟豈悟無生理先清塵外心

游寶珠洞

珠洞嵌虛空納僧巢其巖我本游樊人今開出世眼山
山翠若鬢樹樹綠於染雨少澗毛疎風多石膚卷攜來
步兵酒分得山僧饌歸途日色曛曉徑足重趺玉乳迸

岩明詩鈔卷五

九

雲根俗情若爲遣

送吳人黃戶侯時朝鮮又有倭警

剖竹世江東新恩拜漢宮登壇行握豹入夢卽非熊寶
劍千金飾瑯弧百步工驚濤傳海外看爾駕長風

元日書懷

辛盤隨俗豈爲貧柏葉薰人亦白春未卜窮愁緣歲改
那禁花柳逐年新思親喜報平安使畏客猶交澹蕩人
擬買扁舟未得去素衣遮莫染緇塵

早春摩訶菴尋幻上人同韓伯起

玉壺貯美酒泥屐訪僧勞漏覺蓮花永經支貝葉高茶
光團雪乳日色暖松毛浪說就禪寂貪名笑我曹

絕句三首

抱甕學園丁澆花及曉旭蝴蝶夢初醒黃鸝啼未足
披髮踞巖岫清響落高岑誰識蘇門往猶餘鶯鳳音
塵尾都欲禿曼衍笑危言不解無爲理惟知有用煩

鼓琴

十指若撻懸有琴不解鼓興至拊朱絃四壁聞風雨

園居喜晴

山園積雨歇雲日弄清輝荷葉噪龜出松陰放鶴歸
寒宜客夢草碧上人衣愛此應難去焚香晝掩扉

伯濟閒開齋盆蓮初開招同社過賞有作

小院蘿軒暑不侵紅蕖立水影沈沈微風度雨杪香發

崔明詩鈔卷五

十

赤日蒸雲佳色深涼夜有情同我醉汗泥無染似君心
何當更盡深杯興露柳垂垂月隱林

栖霞送聞斯

一宿青山送爾行南朝古寺夜鐘聲禪房坐久無言說

祇聽松風對月明

王京兆招遊一線天弘濟寺同子興元介君美

爲送將歸客登高俯碧流空江澹遠岫疎樹露長洲背
日行陰壑懸崖見佛樓天涯朋好合重憶去年遊

程生

不儒亦不宦生不把犁鋤案有龍文鼎樓懸戲尾書大
家牀笏擁游子案琴餘遲爾話山水秋園小摘蔬

得請

誰道當年十八公羸身止合隱牆東鳴蟬嚙嚙迷高樹
來鶴翩翩下遠空種豆歌殘人已醉買山錢盡歲還豐
蘆花近渚風波外白首爲漁樂未窮

梁伯濟不與秋園中秋招飲集雅堂

途窮似覺天地窄抱玉出門逢眼白龍文夜失司空徂
三尺寒泉土花碧胸蟠矛戟貫元精世人爭呼文章伯
更手韋編四十春道暉高州仍大屐喜君有友嗜痴人
沽酒拉君歡秋夕唾壺擊缺恣談鋒懸流如畏天潢坼
夜闌主醉客不言明月荒荒箇裂石

平原雪酒歌

崔明詩鈔卷五

十一

平原督郵古來爾今時妙有張公子七百斛秫了麴蘖
斟取峨嵋天半水木老霜寒釀雪天小槽滴酒類潏潏
鉸人入夜珠還泣石髓迎風液不堅中山千日事恍惚
蘭陵琥珀輪瑩滑仙家上藥有瓊蘇清光如鏡流明月
百壺餉我泛玻璃滿座爭誇顏色奇應教歷下秋香妬
未許邢州菊露欺謫仙久別長安陌采石江頭時濯魄
但使朝朝中聖人何須更問門前客

和白文學春日登仲連臺

身居射書里春登射書臺大邑萬家連地起雄城百雉
倚雲開燕將當年守欲死一矢能留萬生商陵谷千秋
有變遷不知遺址今誰是太守風流慕古人高臺新築

鬱嶙峋樓臨大道瞰隍水欲借清風灑路塵

春宮怨和白文學四首

深宮獨語背花陰日日遙聞鳳吹音昨夜君王新入夢
喜懸秦鏡照丹心

薄薄鴛鴦絮八蠶春眠况味夜來諸玉階露泣花光濕
臥聽流鶯閣道南

忽聽紫燕落梁塵又是昭陽桃李春似說春遊宮伴出
不知辭輦更何人

寶鴨香消玉漏殘百花笑日亞闌干小鬟喚起看花早
金鳳羅衣不耐寒

花下歌

崔詩鈔卷五

主

杖頭酒錢只一百少遊之車乘下澤世事不解囁嚅翁
清晨驅入衆香陌解錢沽酒花下斟臥聽野鳥鳴格磔
厨中不誇四部書場上喜收十斛麥麒麟豈用免且求
鳳凰還將腐鼠嚇既知文籍不如錢卻怪阿翁無錢癖

初度

百年赴壑蛇愚人營不朽豈支離善步能與日競走我
生本骯髒適俗韵矣有不悲雪上顛豈慕印懸肘已聞
至人訣積精養氣耳漫浪尚不爲何况享敝帚但欣狎
塵席不識畏朋友鷗夷幸有腹飽瓜豈無口瓶蓄馬餘
糧益種堯時韭細和百一詩痛飲九三酒且莫責知非
明年四十九

漫興

古戍斜陽明斷壘孤城晚堞噪歸鷗可憐荒蕪田園後
樹裏炊烟知幾家

東遊道中

人世浮沈百感生青春約伴愛山行風吹楊柳依依曉
雨洗桃花灼灼明夢上露光猶泣日峯頭雲氣欲占晴
陽屋多少神仙窟方外閒緣結未成

病作

膏肓泉石樂融融瞥眼鶯花一病中我自觀濤矜起色
誰能草檄愈頭風幸逢仙客留丹訣欲問禪機落箭鋒
脈脈寸田迎善氣要於此地遇良工

崔詩鈔卷五

主

楊夢衰

九首

夢衰字龍光青城人萬歷乙未進士改庶吉士
歷官工部尙書有岱宗藏稿

擬古二首

束髮觀奇書亦欲營千秋壯士有烈心往往招愆尤吾
道直如弦焉能變爲鈞方枘而圓鑿行行若且休
良夜掩重門萬籟何闕寂寒雨西北來蕭蕭階下滴孤
衾不成眠搔首向空壁百憂紛然集無端也戚戚人生
天地閒倏忽如過客有酒且高歌聊以娛今夕何爲慮
來茲兼復及疇昔浮名與虛華碌碌頭顱白

谷鳥

結廬紅塵外興來欣獨往空谷不逢人但聞清磬響
提攜雲蘿浮圖何處做鶴鶴盤天風望之心神爽巖花
開復落鳥雀依林莽喧啾竟何言如喜桑麻長瞻彼山
梁雉飲啄恣偃仰悠悠大塊中飄然脫塵網夕陽欲西
下山色忽懽恍寒鴉帶白雲三三復兩兩矯首望長空
天際真人想異哉樊籠客鐵羽徒勞攘

樵逕

秀絕千仞峯青霏紛如簇鳥道掛懸崖縈紆接山麓林
深不見人丁丁日伐木烟嵐翠欲滴染我薜蘿服長林
豐草閒偃息同麋鹿晷晷南山芝采采動盈掬苟可療
吾饑何必千鍾祿湖上逢漁翁雙鯉烹且熟斗酒坐相

岩前詩鈔卷五

古

邀長嘯震空谷

夏日園林三首

竹樹娟娟淨幽人獨立時披襟天籟爽倚杖夕陽遲壁
舊饒蠅篆圖荒蔓免絲蕭然臨眺罷對酒有新詩
不盡杯中物其如兩鬢霜乾坤生是寄日月醉爲鄉景
霽臨花樹雲深臥草堂興來還荷鋤笑殺竹林狂
落落風塵裏山來意氣疎孤雲閒自卷老鶴竟何如事
業吟梁甫文章奏子虛丈夫軀七尺肯嘆食無魚

寄答高進士

爭傳文字逼西秦彩筆如花萬象春財罷三都驚紙貴
歸來四壁笑家貧蛾眉此日真堪妬龍性當年不易馴

開道千金求駿骨祇今伯樂是何人

頤生

翠竹滿林烟滿隄溪流宛轉令人迷高僧坐說無生法
野客獨往青雲梯花前小酌清風至松下閒眠紅日西
寂寂邱樊車馬絕春來唯有幽禽啼

胡東漸二首

東漸字向若章邱人萬歷乙未進士官操江巡

撫僉都御史府志東漸在江南時魏徵正熾索寄庫銀數萬力持不與又不拜瘡

論高之

上方井

一泓甘露泉諸天此供養巖下出飛流瀑布三千丈

岩前詩鈔卷五

五

神仙院

孤嶂出羣峯南作招提境借問來遊人何如在鷲嶺

趙秉忠七首

秉忠字季卿益都人萬歷戊戌進士及第第一

人授修撰歷官禮部尚書贈太子太保有嶼山

集自序迂拙之性癖在山林簞笠十一歲棲十

詩聊以遣興

宮詞

朝朝長樂鐘夜未央月君王不時憐客華坐消歇

雜咏二首

陂水澹生烟野樹寒雲積幽人騎鶴還空翠倚天碧

茅屋對秋江蒼然見林樾燕坐觀無始澄波下明月

元泊草亭

荒園孤亭立高雲天際涼地清山雨近野曠海風長竹
抱千年節松園四壁蒼堆書聊自適非似草元堂

送張水部南歸

平子歸田去山川賦舊遊遺榮纔北關高興已南州鱸
膾三江早扁舟五月秋襟期知曠達尊酒但離憂

送宋元昭

麟編舊是魯諸生燕領新懸塞上名自有黃金酬駿骨
何妨萬里度龍城 豈敢論 僕射真堪托父兄

幕下從來多國士任安今屬衛長平

崑山詩鈔卷五

秋懷

青樓明燭擁紅粧錦薦金爐秋夜長獨有西隣自守女
當窗辛苦織流黃

侯正鶴二十三首

正鶴字中鶴郿城人萬歷辛丑進士官漢中知府有亦詠草交聲集縣志正鶴初授太原推官開遠不喜勢結以守歸里中若不知有侯氏貴也 孫高陽序中鶴之論詩曰詩咏性情亦性外情則可以咏故題其詩曰亦咏豈遜轍於前車抑裴矣於獨往耳諸所結撰敏如桴鼓而豐不餘詞約不餘意其近體則如山泉冷洽春陽煦煦

秋杪曉行

辭夢凌晨色衝霜破曉寒林空疎葉下天靜幾星殘路

入長橋細烟縈四野寬年年從此去馬上見秋闌

和鼎陽陳先生雪途韻

朔風吹不斷日盡遠天垂幾點人家暗千峯雲外疑寒
烟縈野馬古木隱饑鳴獨有郭中客能裁白雪詩

柏林寺寒食二首

春光千里動翻覺客情闌鴻鴈風前斷青山天外看酒
從燕市白食向薊門寒不盡浮雲意悠悠老鴟冠
自愧山東妙堪調知北遊紅塵憐淨域風雨滯幽州寂
寞看歸鳥蕭條問蒯緱誰將燕市酒不抵故園愁

送羅坦虛遊梁欲訪二少羅善賢能詩

振策梁園去相隨鴻鴈羣西風吹白日落葉起黃雲行

崑山詩鈔卷五

有三年艾兼攜七發文應知消渴者同調更憐君

夜讀莊子

寂爾息羣動孤齋澹自依朔風城角斷寒雨夜燈微坐
入空濛理相念杜德機形骸元是幻蝴蝶莫勞飛

冷泉關

關門臨峽斷燈火下危途泉落千峯冷河流萬壑趨空
城猶擊柝清夜不防胡霜淨寥天闊高懷片月孤

如女祠

幽尋饒異趣登陟自忘疲窈窕山靈徑蕭條如女祠碑
殘文字在篆蝕姓名疑空夜時風雨應嫌月似眉

山家

白石磷磷碧池塘處處幽鳥鳴深淵寂客醉晚風秋野
老方爭席山靈迴自愁明朝車馬散門巷鎖寒流

定襄道中

不盡塵冥色午風吹日黃空林愁鳥雀虛隄下牛羊世
路襄城裏浮雲古道傍孰多酬仲得我欲混高陽

九日無菊憶所知

蕭瑟秋風老空城隱日斜支頤看過鴈倚檻數飛霞三
逕蓬蒿沒十年故舊踪卻憐陶令宅籬畔有黃花

王春八申確山道中

趨府乘春令驅車戒上途烟明山氣王雪霽草根蘇野
色迷歸鴈寒光帶夕鳥馬頭疊嶂起何處見平蕪

崑山詩鈔卷十五

有感

坐看三月暮愁盡可憐春酒豈高陽舊詩難薄俗新周
旋應作我癡點半隨人欲問悠悠意江頭有白蘋

王夫子歸自武當述見

蕭蕭白髮認行年老去王猷興更偏幾箇烟霞元嶽屐
三春日月遠遊篇淚無覓首看碑墮人白鹿門懷古旋
莫對青尊說漢水滿江風雨正茫然

閒居閒笛

荒徑蕭然畫不開坐澆魂礪有街杯西山爽氣朝相近
天外浮雲暮自回閒伴松間鶴語醉呼臺上野鷹來
砵蘿深處紅塵斷一笛輕風到落梅

釋言

三徑深開合有朋往來意興幾人曾陳蕃元白須徐穉
郭泰何妨並李膺下榻一時名更起共舟千載事堪憑
絕交那必論高士如此風流雅不勝

河曲夜舟

黃河落日掛帆行蕭鼓中流壓水聲星斗滿船紛歷亂
青山兩岸關逢迎晉人久識夷門道秦俗仍憐使者名
總爲風塵催物役夜深燈火下高城

過虎祁故宮

驅車何處不飄蓬衰草寒烟弔舊宮故國山河懸夜月
荒亭禾黍亂秋風晉人猶自憐師野魯客依然問叔弓

崑山詩鈔卷十五

試奏清商渾自語當年盟會有誰同

元日行晉祠有懷罷酒

獨遊元日攬芳時十里晴雲晉水湄凍色猶含風谷口
春光先到叔虞祠西山積雪銷桐葉南浦流烟冒柳絲
但使佳人能命駕肯懸石甕分金卮

雪後獨坐

鴛散遙空省署孤西山高雪照香爐松披宿霧流蒼翠
鶴倚晴雲看有無戀闕新寒生殿閣思鄉旅病未江湖
天涯消息仍南北淚盡窮交一酒徒

出關

颯然回首已經春歸馬蕭蕭街路塵千里哀猿臨澗斷

一聲啼鳥出關新自憐芝草寧辭漢爲愛桃花豈避秦
莫遣江山知此意商巖姑殺武陵人

汾水平古

水可公人國決流灌晉陽寧憂韓魏趙生欲蔡皇狼開
謀垂城下羌戎接軫旁車中交肘足沙上裂封疆已矣
三雄盡空波若箇長

歷下送客

一尊酒盡灤源孤城上遙啼隔水烏喚起青衫人不仕
西風愁殺大明湖

宋肅六首

肅字岱倪號繹田泰安人萬歷辛丑進士改庶

山南詩鈔卷五

王

吉士官御史有青島居草王惲繹田先生傳先
生以御史巡按江南
宜情願應嘗作我思泰山高八首以寄意俄以
忤權貴請告歸中途上疏救姜士昌左遷遂不
復出天啓初解元標爲請恤贈光祿少卿

夏日陳祿生招飲

夜分頻勸酒杯影倒星河共得閒中趣常思雨後過久
淹精佛理半醉學樵歌白社他年好青山有薜蘿

病起

客中三伏過病起二毛侵能學燕人語常懷杞國心習
書搜舊帖覓句得新吟海畔風塵滿無勞嘆陸沈

竹林寺

僻性尋幽壑相逢麋鹿羣林迴峽口合徑曲嶺頭分絕

澗過青烏孤峯出白雲山僧煎苦茗可以洗塵氛

秋日寄懷同社諸丈

天際長風拂地來夕陽鴈過塞雲迴故園極目人千里
小閣消愁酒一杯漠漠輕煙梧葉落霏霏寒雨菊花开
涼宵展轉鄉心切况聽城頭畫角哀

贈羽客韓某

斷岸重門傍水開仙居果是遠塵埃臨流浴鶴溪雲起
倚樹聽猿海月來五嶽何人棲勝境百年空自戀凡胎
與君共結長生約一入蓬瀛更不迴

自適

卷幔對竹林塵空絕餘想池水照天青意與孤雲上

山南詩鈔卷五

王

山左明詩鈔卷第二十五

山左明詩鈔卷第二十六

高出 五十四首

出字孩之萊陽人萬歷戊戌進士歷官河南按察使左遷廣寧監軍副使有鏡山菴集馮元成

詩能不襲陳言明詩綜詩話孩之詩如積葵

果初熟食之味離近醉猶勝冬月儲藏軟同綿

絮對此亭云副使咏鶴句闊步

仍狂士垂肩竟老人至今傳誦之

按副使登第年甚少為詩才氣溢溢力避軟俗

過於猛健若擢其菁英自可步少陵之武參北

地之席至於晚節漸近自然矣

詩綜所云第舉一端未該全體

真定道中

居庸懸木末雪色淨車塵貧女無時嫁饑年有棄人荒

烟墟壘積古骨野沙陳末俗生堪畏清時怪任真

春日感事

春色宮雲外桃夭又落花諸曹蒙切責上意貴無譁新

柳啼鶯隱晴波點燕斜誰憐漆室女嘆息豈為家

哭段生寥廓

往時從意氣之子竟飄零一夜山陽笛西風淚裏聽

登城晚眺

落日輕烟萬竈分登臨春盡野花紛太行一望青如雨

漳水羣飛白若雲天險井陘秦郡縣邊聲細柳漢將軍

悠悠國士論千載豫讓當時獨不羣

秋日病懷

藥餌經搖落人閒伏枕空衣裳他日薄砧杵故鄉同不

寐芭蕉雨多聲薜荔風五年高臥望滄海白雲東

別歌行示若駢姪

登樓東望東海東秋雲如練如卷蓬或如牛馬如蟬蛻

羣山遠近歛如風舉觴飲汝那肯醉低頭噎結不得意

十八射策未為遲暫時偃蹇何須悲五年我頻送親屬

一歲再三別骨肉久客畏見還鄉人初尙吞聲今慟哭

突看及汝頭角成何怪汝叔鬢毛禿縱令趨捷讓時賢

但勿昂藏效汝叔八月十六病未痊鴻鴈哀鳴西風邊

菊蕊初苞孤亭烟石灝灝落霜涓涓白馬驕嘶麾玉鞭

竦身欲上仍遷延顧望不見忽若失獨行淚落進寒泉

秋晚送王子

杜燕泥乾野鵲飛淒清霜露送將歸此行處處寒砧急

想得途中見寄衣

冬日雜詩

寂寂空村裏依依一徑微朝霜晞版屋短日過柴扉大

吠寒山應鳥啼凍雪飛問誰頻舉火卒歲嘆無衣

春日東山道中

春行清曉接氤氲匹馬時逢牧犢羣藥草問人知種種

桃花媚客故紛紛丹欣海鳥文如畫白見靈蛇氣吐雲

不哭途窮還興盡逍遙好訪櫻邱君

雪中登岱

絕頂蒼茫割太虛羣峯一半落青徐天門日觀遙相望

玉檢金泥信有諸松柏尚含秦漢雨雲霞常護帝王書
老人神異肩垂耳獨采菖蒲積雪餘

德州道中

京路通千里春河聚萬艘車書天下遠風物日邊高塔
廟還興作輪蹄互殆勞栖遲怨行役何處憶同袍

過山中戲作

陰姬偃月翠眉新元石三年醉裏春近道中山多薄酒
也如燕趙少佳人

盧氏行示吏民

洛流轉巨石山盤不容車城邑拱周垣四面塞交塗修
畛被危岑罷民安穴居君子審憂患小人寡懼虞公檄

嵩詩鈔卷六

三

滿百適狎習容忽諸蒲鞭竟欲施其奈侮吏胥孰云官
帑實而無百金儲早魃矧爲虐麥乾豆苗枯老弱見菜
色子遺棄井廬寧忍繭絲理稅歛積歲逋前賢之所寬
追呼胡爲余陽城催科拙倪寬課殿初上官督責急切
切違慢誅蓋爲國賦爾王事亦難紆力殫才不贖所願
姑徐徐聖明罷采金山澤氣頗蘇穀爾量量堪終事輸
田租余忝爲父母乳哺畢區區又何獄訟煩鳥獸而駭
吁誰司教化者無狀有是夫閉門自思過告誠百姓思
我腰減束帶意欲歸鄉園上負報天子下愧許微軀鄙
詞聊可獻一當流涕書

盧城雜詩二首

路絕攀雲窺峯回倒日車秦山時關虎洛水不生魚夸
父思隨杖神龜已圖書由來辟地客吏隱兩何如
北山蹊徑渺迴復入微茫陰隲偏嫌黍陽崖閒有桑烹
鮮曾不效害馬况多方元亮真高節歸來興甚長

立秋閏六月十五夜二首

閏夏驚時序初秋憶別離梧桐看欲老絡緯最先知風
雨孤城臥山川七月悲洛陽頻甲子回首去年期
鄉關三月信羈旅四時情短髮如蒲柳空山老杜蘅月
圓金狄影露暗玉壺聲飄泊乾坤內風梧又號城

洛中感秋二首

紅樹卽山路西風颯已驚東京有遺事遠客不勝情金

嵩詩鈔卷六

四

谷銅駝地周公召伯城二毛動秋興三十豈成名
浙浙鳴秋葉蕭蕭掩客扉雨青嵩少遠霜碧澗瀟微王
霸曾龍戰關河自鴈飛由來不在險覽古興多違

苦寒行二首

山川歛仄軋冰雪鳥獸無聲天地裂羣雲凍坼古木泣
元窟千尺老蛟蟄空城米價劇太高無酒無褐首獨搔
妻兒不言勸歸去面赤耳熱愧汝曹

雒水一丈冰八尺元陰汨弗四方白虎豹索食生向人
鵲鳴啄雪深留迹男兒壯歲無所成不如抑首服巾幘
不見虬龍隱長松時哉時哉爲誰惜

荆孝廉伯鸚過訪有贈

中原傲更倦游邀佳士過從倒布袍忽漫風塵一歌哭
居然天地兩荆高秋雲聚散隨踪跡落木蕭疎類鬢毛
仙骨自應慚尹喜關門紫氣爲誰勞

觀南橋成同僚佐

不日橋成歡利涉酒杯僚佐共從容河中澹蕩東西影
天外嵯峨六七峯返照虹霓迴鴈鴛寒濤鱗甲動魚龍
異時雪後騎驢跡好聽橫波寺內鐘

人日雪

中原節候正臘破又經旬人物陰晴日河山雨雪春書
雲聊有紀傳榮獨無隣薄宦親與隸他鄉且任眞

夏日宦情四首

崑山詩鈔卷之六

五

請謁傷孤性周旋愧直躬微官多口裏時事腐心中河
圯通秦晉天迴抱洛嵩朝廷虛鼎鼎日月正隆隆仁愛
尋常見憂危百一同拂衣粗自解好在仗羣公

山城一事無閑閣滿青蕪辟地花深隱無名鳥怪呼小
臣時慟哭薄宦日艱虞落落憐知己區區憶友于他鄉
偏病渴故態愧如愚苦思東山臥松陰浸玉壺

敢論朝廷體虛防禍福幾庶人紛有議大老盡求歸百
疏司農急詣邊保障稀十年難宿飽中夜哭無衣使者
徵求峻山東水旱饑杞憂寧勿驗凡百仗天威

天王自明聖朝野更無人喉舌多虛席江湖滿逐臣掖
垣空燕語臺柏坐烏馴責備三公數嫌疑八俊頻溫留

骸骨請略答股肱親小吏堪棲隱何勞嘆積薪

飲張尊

逃多謝客已三春空谷何因更有人爲問年來開酒日
紫微花下醉張尊

九日夕靳孝廉杜太學同諸文學招飲別墅

佳節登高物色新同心對酒勸酬頻天青野迴寒臨洛
月白山空斜照秦菊蕊霜凝如傲客竹枝風動宛疑人
白衣潦倒非無伴落帽依稀記未眞

野憤

三十六年秋高子居於號再觀燕辭壘感我留滯客葉
墜洛水清虎鬪熊耳夕時物惕所懷山川察今昔嵯峨
入雲雪八月中天白牛羊懸蒼崖橫術帶阡陌其人或
巢穴其俗無蓄積催科更復拙課殿甘督責十載曉吏
事頑鈍效涓滴折腰如尺蠖妻妾交不憚空谷幸無人
內惡時耳赤閒脂阮籍駕亦縱康樂屐庶少填委煩苟
免多口譴四海仍小康皇帝威咫尺恭聞聖節前臺省
已滿百素蓄本技癢觸義尤感激發抒在一朝議論執
準的意氣富指陳容易輸肝膈封事報寢多往往生彈
射日見乞骸骨情詞各言劇跋扈諸大老不得施赤舄
大小往復理未解九六尾元氣奇碩果剝虛獨安適夫
誰作厲階至今餘毒螫天聽愈以高辭訟竟何益黨禍
歷殷鑒賢者宜自惜爭亦羣小利危言徒噉噴虺蜥與

崑山詩鈔卷之六

六

鬼狐影響襲其述國事視勝負秦越比肥瘠君子處嫌疑虛名中一擲是時警水旱留都滿飄搖又聞天有聲蕩若風水擊頗覺蠢蠢輩荏苒互相索財謝力益殫威窮令並格腹心根本地難容鍼穴隙澳粵事既往效尤殆非策督撫異處置繫臣服中輟災異何足論泄泄昧壁畫小臣安解事忉忉內崩迫天子竟舜資式瞻四門關將順靡有終紛紜頗僻歸咎則無從益驕遂永隔乾坤氣日短萬姓生理窄久道無爲治詎淺祖宗澤東西屢埽除銘勒於竹帛縉紳誠過恤不敢不踟躕孤邑尙百堵流冗就綴袂絃歌猶未遑休養寬物役塲圃歲云晏青青荒隴麥天虛風動山日翳雲變石啾唧聽悲

崔明詩鈔卷三

七

號野陰起松柏潺湲澗流古苔漾寒碧聆空鶴鴻呼寬曠桑柘穢初衣違未遠牢騷結蘿薜鳳鳥一浪出鴉鵲相嚇魏魏太祖功百世可憑藉海內自清宴四夷安交易東西開懷貳關通得冰釋嗟仿樽俎上昊天明於赫君臣齊體勢密勿或參席恭默遇商高解絃合因革突兀彼一時豁此窮愁癖

至日

冰雪淹長至灰浮玉管深風雲看驟變天地恨多陰勿替微陽慮應知七日心荒城一登眺萬竈夕烟沈

小寒食發汝州

霧雨爲寒食風塵未改衣折腰春向暮回首興多違雲

物低哀望松楸掩落暉紙錢烏鳥奪沙步鶴鴒飛伊汝行相及崆峒望忽微輟輹猶士女鞍馬豈光輝麥秀流亾屋花明園寂扉幽淙轉石苦叢薄斷烟稀疣贅身何益支離淚獨揮驅馳勿復道他聽不如歸

五月省野

僻地連山迴薰風進雨涼人家蠶日永野圃麥秋香戶網藤蘿翠園籠杏柰黃冥民來往少建德是何鄉

瘞二鳥行

官署畜一鸚鵡起一錦鸛皆不樂離籠之養展轉愁病綿綿春沒鸚鵡秋亾命童

子瘞焉作詩悼之

客鳥隴右郎山閒來自萬里近亦千關山阻絕天邊烟鄉樹一別忘歲年本圖毛羽充君玩翅膠尾禿空蒙憐

崔明詩鈔卷三

八

學語呼名借顧盼開娉嬌女色成妍家鷄側牖遲相向野鴟偷眼雲霄上病骨支離翼尙驚旅魂迷復神猶王區區梁稻非其情墮落低垂空引吭聰明文采祇自祟死脫雕籠得踈放春花夜月杜鵑啼秋霜赤葉鴻鴈饑有飛當附西歸翻化物或隨丁令威生不及支公鶴又不及右軍鵝棲托華署樂柰何爲君一涕仍當歌天風日暮山之阿

亭山園次道岸韻

野色臨高閣嵐嵐落綺筵寒松柏雨盡清綠雜烟細逕分離斷春畦抱井園露鹿憐市眼應接轉茫然

春日閒居漫題

閉門流水環臺隱几斜陽送杯黃鳥相求互語青山一片飛來

舟中道上二首

村曠山童野草黃天清馬放逐牛羊丈人相敬供鷄黍
漸喜方言似故鄉

十月江南未改衣秋風張翰憶尊歸可兒僮僕能知喜
恰及霜時蟹正肥

下宮

峻嶒山勢入無垠潮汨雲根灝氣新錦石繁花天上出
珠宮疎樹鏡中真春濃已負看魚鳥海吼時聞怒鬼神
悵望安期生不見恍疑風雨下仙人

署亭閒題

伏日蒸高枕庭柯簷夕暉微丹桑扈語小碧玉娘飛苦
熱妻拏怨因貧僮僕歸觀池聊獨笑瀟灑芰荷衣

答贈劉載甫比部言別

五月江頻漲家人苦鬱蒸把君贈佳句忽似踏層冰爲
別亦常事忘情真不能漸深交態後知己感偏增

江行

天地如欲夕風颿吹未休帆檣屯浦口簫鼓入眞州客
役猶開卷王程賴置郵榜人歌擊楫並起夕陽愁

自德州買舟北上紀見

茫茫四野水水鳥掠風帆土屋無人閉江艘有使監新

魚隨罾得遺穗進梓芟出涕憂無象涼颿拂露衫

九日晚抵河間

勞筋奔走復霜秋初月空庭細菊幽對酒誤傷春日眼
插花羞並少年頭馬嘶未遠交河戍鴈矯時聞古驛樓
寥落半生狂不悔歸心差遣破鄉愁

由獻縣南行遣興

重霧孤城秋不禁露根官樹鬻波深居人新就魚蟹住
行子猶聞蛩蛩吟吟霜雪盈盈浮淺葦胭脂片片落疎林
經過十載悲歡地漸老那勝歲月心

夏日延暉樓絕句

蟬聲咽雨晚新愁禾黍蕭蕭赴早秋特地田家夕唱作

故鄉何恨亦登樓

雪後張肅之招同劉載甫鄭應尼張夢澤飲龍光

山亭子

無數新栽梅柳枝參差石立坐難移長公豈是耽榮者
汲黯其如多病時春氣密迴銀燭夜雪光半映玉杯遲
誰言數子猶寥落此會深憐造物私

春日同諸君過後湖

城帶春隄綠湖垂夜雨光樹烟明漠漠沙渚隱茫茫民
數藏書府官曹列省郎久懷栖逸客誰乞質知章

野聞二首

早魃吁何甚飛蝗况大東客秋停叔雨前歲偃禾風稍

喜吾邦熟其如比屋空焦心憂益蠢慟哭轉途窮

潢池纔欲弄青犢略知名沈命口相諱催科吏尙驚報仇東海母惑衆大方兵邱壑難安穩耕田計不成

見山中老人

乙卯冬予游山數道人來見有皓髮眉者借不擊路詢之近百人也其生平不甚記憶但云屬免蓋正德己卯也距今八九十年矣長于六十歲自言少娶三妻皆以三子皆天絕老乃依並山居九十時精力能把鑪眼能細鍊今猶視聽不衰老人山中草木年耳吾固自知狂馳半生者之果不及於此也山中老人壽者多故紀以詩

老人蒙茸存髮齒何論家鄉與姓氏披裘帶索樂自知絳縣誰能數甲子鍊形大藥苦難真妻子若在應無身山中松柏看如許斷送悠悠塵世人

登巨峯頂是勞山絕巔

崑明詩鈔卷五

士

曉霧迷離野望寬天風故借海濤寒春樵穿石丁丁應大鳥垂雲剡剡看咫尺似通青帝座飄飄一笑白雲端白憐凡骨艱仙遇寥落浮生竟寡歡

送劉柘山侍御按部淮陽因訊錢公晴符

每慨澄清近日難書生莫負惠文冠期圖剩有徐邈在王氣時憑區碣看風俗舊存湯沐地艱危全仗紀綱官式盧珍重錢公問好爲蒼生起謝安

劉士驥十九首

士驥字允良禹城人萬歷甲辰進士改庶吉士授檢討有蟋蟀軒草李季重云允良舉南宮出李于麟謂之曉得允良卷遂取焉允良承于麟之後不盡述風靡其詩溫醇鮮快無不有之

塞邊苦寒吟

邊草白邊雲黃朔風吹人人欲僵朔風夜捲千山雪茫茫四野人踪滅水泉不流林木折瀚海層冰千丈結駿馬縮如蝟欲行還復蹶忍冷挺弓刀指墮會無血驚沙滾滾肌膚裂漫思閨婦寄征裳關路迢迢首信絕畫角一聲霜滿天空枕鐵衣泣明月君不見將軍夜晏時狐白之裘金屈卮燈前宛轉舞蛾眉軍中苦寒知不知

漢方壺歌

方壺之山東海東與波上下隨長風六鼃傾側仙聖散幻形飛入紅爐中良工製此漢何代質素似與商彝同當日春醪浮淺碧爛醉不知誰氏翁土花侵蝕千餘載

崑明詩鈔卷五

士

中宵寶氣橫長虹以何因緣入余手爛然古色搖雙瞳雲中碧落隱復見雨後青山淡邊濃半如丹砂含石隙半似翠羽棲蘭叢盡日摩挲渾不厭終身與汝長相從客言神物終當化得失毋冒達人智劉生掉頭笑不應呼童且插青芙蓉還期攜酒隨真仙醉跨東溟尋舊蹤

題子卿圖

禿節滯穹廬孤臣萬死餘歲深年不乳天遠鴈無書報國丹心壯思卿白髮疎千秋圖畫裏麟閣幾人如

九日

佳節同愁至孤吟到夜闌殘蟾妻臥病細雨鴈驚寒濁酒終難醉黃花不忍看年年色好人事幾悲歡

送寒泉上人

空門無住著來往偶隨緣客路白雲遶禪心明月懸
鐘尋野寺洗鉢向寒川想到東林下天花落法筵

送吳默冲之河津令

又喜除書下依然縣大夫斷山存禹鑿芳草滿殷都問
俗刀爲憤來朝鳥是覺丈夫宜建豎不必嘆驪駒

北墅二首

燕山久爲客舊業委荆榛不謂重來日依然四望春
鳥啼如訴別花笑似迎人欲向菟裘老寧愁生計貧
一別東山去歸來幾歲華舊隣翻訝客新僕未知家
庭滿生孫竹林喧哺子雅所嗟容髮改且賞未殘花

山左詩鈔卷六

三

登樓

殘暑千家雨斜陽萬木蟬登樓望秋色何處不淒然
官况銷頽白年華待草元浮生是泡影吾意欲逃禪

至日用杜韻

蓬萊曉月照鵝班萬國冠裳候聖顏莫風迴殘雪落
欄提星轉一陽還遙瞻御輦瑤階上共想宸旒黼座閒
空食大官無寸補每逢節序憶青山

蒲阪

到此淒然有所思欲尋往蹟恨何之西風綠草夷齊塚
寒月蒼松舜禹祠雷首古今雲色麗黃河日夜水聲悲
登臨已也千年恨况是窮民野哭時

夜酌

雨過新涼病骨清高城凝望夕煙生百年浮世空杯酒
萬里長空自月明卻憶同袍清夢隔時捫短髮壯心驚
子虛賦就誰欣賞四壁蕭條綠綺橫

清明作

東風處處鳴黃鸝和雨和烟楊柳垂春色王孫芳草路
旅懷寒食落花時愁中白髮偏相逼病裏丹經強自披
回首齊川暮雲隔松楸蕭瑟不勝思

秋興

西風一鴈度邊城日暮雲沙野火明白羽搖空來朔氣
金笳吹月動秋聲胡兵猶擾長榆塞漢將誰屯細柳營
自笑窮年事鈴槩欲投柔翰請長纓

山左詩鈔卷六

十四

暮春

雨過飛紅亂委塵客中寥落度殘春垂簾兀坐如新婦
燕子楊花故惱人

宮詞

垂鬟卽解弄銀箏拋擲多年玉指生閒道君王閱歌舞
翻從幼女學新聲

秋思

鴻鴈聲中萬木秋故人和淚到心頭垂簾不放月明入
明月自明人自愁

明妃

金屋秋深玉筍垂風塵千里轉淒其可憐塞上琵琶語
還似宮中執扇辭

有感

何人殿上爭如虎有客山中臥似龍白馬清流傷往事
願隨沮溺學爲農

宋槃一首

槃字念莪樂陵人萬歷辛丑進士歷官兵部侍

郎贈尙書有家居草

過史子敏盤河草堂

村居久矣罷將迎異縣逢君感慨生過嶺東西千里路
對梅風雨一時情青霄歷歷歸鴻影碧樹閒閒野鳥聲

山明詩鈔卷五

五

商略物情宜痛飲髻邊白髮照人明

秦士文二首

士文字彬子蒙陰人萬歷甲辰進士歷官兵部

尙書協理戎政

過南竺二首

旅穀登塲竹柵幽溪雲風散曉山秋禪林事事成今昔
獨對寒峯感舊遊

豆花水漫露蒹葭面面晴山閣曉霞一片寒蕪秋色老
西風幾日又黃花

王象晉二首

象晉字康宇號蓋臣之垣子萬歷甲辰進士歷

官浙江右布政使有賜閒堂集山東通志集晉
方起大獄力持其平全活甚衆在新左轄姚永
濟以考成不及額下詔獄晉攝篆盡以所徵代
解姚得復官七十種年優游林下
二十方伯家居至本朝順治癸巳乃卒後以孫
士正貴贈經筵講官刑部尙書前輯本朝
山左詩於林下遺老開亦載之茲於所未載者
悉依御選明詩之例收入前朝如方伯及賈
四塞宋澄嵐皆然不獨二姜顯載史冊已也陶
元亮固歸晉紀王無功亦入唐音是其義矣附
識於此觀者勿
疑其非一例也

言志

通籍三十年息肩猶未得靜中自尋思永夜勞轉側來
日苦無多胡不惜筋力富貴如浮雲百歲猶頃刻世途
多險巇反復無終極何不早挂冠戚友相親暱西塾課

山明詩鈔卷五

五

兒孫東臯藝黍稷早畢公家賦兼完私家逼濁醪聊適
口麤糲堪供食八口可無饑四隣好爲德時而曳杖游
亦或曲肱息一事不繁懷兩耳常緊塞用以怡吾神倘
祥華胥國

懷李繕部使江南

去秋送君行夏至人不至知君好壯游此行有深意南
盡炎荒濱西窮黃源滙山行豺虎藏水泳蛟龍避負弩
有殊儀傳餐饒佳嗜長卿乘四馬題橋遂初志子長歷
名山諸史因成記君夙秉高資撰述應盈笥文犀與明
珠總屬達人棄何如覓異書相與探奇字

王家植二首

家植字木仲濱州人萬歷甲辰進士改庶吉士

授編修州志太史在館嘗上書言時政得失為

史著史鑒青雲集莊徵集等行世

王明府九日蓋公堂翫飲同王元起

客與秋聲落木中追隨籬下意何窮竹垂玉露通新月
花落金英任晚風清淨西京懷相國文章東武重蘇公
到來鎮日留連地送酒白衣未許同

登琅邪臺

臺上秋風俯大荒側身東望思茫茫島邊蜃氣結新市
雨後鯨波落晚涼南去樓船懷越絕西來輦道自秦皇
雄心寂寞空千載海上何人有禁方

崑明詩鈔卷五

七

郭允厚一首

允厚字萬興曹州人萬歷丁未進士歷官戶部

尙書

春日綺里別業偶成

長阜堰清流背郭纔尺咫高樹翠拂空文杏爛成綺我
顧十畝閑葺此三逕址窗延雲墅遙簷陰松竹邇曲柯
可懸瓢甘井宜洗耳巢許復爲誰千春碧流水

安仲二首

仲字振拙淄川人萬歷丁未進士官太僕寺少

卿有贊麓漫吟

卽景

曲池疎樹裏日夕下秋陰荷已消殘暑泉猶漾曲薄花
開笑人面溜響協天琴未許塵中賞惟堪托素心

觸事

雄羅誰設欲彌天鐵羽漂搖不記年已入深山狎白石
猶驚密網亂寒烟

李中行三十三首

中行字與之樂安人萬歷庚戌進士歷官貴州

糧儲道有澠溪草家傳大參爲太僕恩谷之遠

陝西榆林盜妻之芭蕉翁築橋有惠於民魏瑞

人罪因解官御史亦罷去仲

文藻按原本李中行使有傳無詩傳內有澠溪草

崑明詩鈔卷五

大

堂集爲中行詩既而刪去或未得澠溪草

選之耳今仍錄其傳以俟補李汝謙記

山左明詩鈔卷第二十六

山左明詩鈔卷第二十七

公鼎 八十六首

鼎字孝與家臣子萬歷辛丑進士改庶吉士授

編修歷官禮部右侍郎贈尙書諡文介有問次

齋稿明史本傳肅爲東宮講官引疾家居天啓

初拜詹事上疏指陳光宗舊事明朝議約

紘之謬欲纂修光廟實錄以成一朝信史以是

爲羣小所惡時言官多獲譴肅上疏切諫并諷

輔臣忤旨切責肅好學博聞磊落有器識見魏

忠賢亂政引疾歸焦弱侯云先生詩發于情

懇于旨極變窮工斟酌中和率歸大雅李季

重云先生諸體咸妙不居屑舉古亦不沾是

今極風雅之川晚年山居諸什尤得真趣漁

洋山人云文介諸詩話言詩於萬歷則三齊之

尤工明詩綜詩話言詩於萬歷則三齊之

吾必以文介爲巨擘焉其論古樂府力攻摹擬

之非深不滿於于麟然觀其七律仍以歷下爲

宗故有文章一代李滄溟之句同時名家馮川

崇禎詩鈔卷十七

輟于念東皆拔萃者也

戰城南

戰哀牢死蜀道骨肉不惜沾野草自我戍西便爲奴因

九死勿復道蜚輓徵調長爲縣官憂蠻煙沸沸瘴霧茫

茫精銳盡鋒鏑瘡隨銷亡牢萬里何以來來何暮饑

凍相逼勿復訴願圖立功良不易慷慨圖功名功名誠

何期晨興夜歸撫心自悲

巫山高

巫山高巫峽長朝雲暮雨臨高唐霓旌翠蓋紛幸翔陽

臺瑤席蘭若芳懷王魂不歸故鄉襄王奔播郢城荒夷

陵土黑秦酸張有夢不到巫山陽

商歌

白日晝潛九野暗遊霧流星度河漢腐草朽株竊餘輝

鳥棲獸伏蚊蚋亂邱山溪壑莽無畔悵悵何之付長歎

此夜悠悠獨不旦

銅雀臺

松柏異椒蘭山邱非華屋恩愛何幽明笙歌無斷續古

來長門怨不若西陵哭

猛虎行

去肆近有酒肉違山遠聞蟪蛄刻木議不對朝歌地不

居禍福量輕重進退觀盈虛晨餐隨猛虎履尾自捐軀

暮棲依野雀從禽復無虞鳴豫悲且至浚恒澤易枯多

山左明詩鈔卷十七

智更多患甚精乃生愚千慮期必得一誤或乖踈天道

好還返人情尤崎嶇大叔樂袒裼馮婦急下車良士憤

且笑輕生戒狂且愬愬貴畏慎跋履警昏愉幽人獨坦

坦中心常晏如

客從遠方來

客從遠方來貽我雙文禽置之巾箱中寶惜如兼金朝

夕供飲啄夥粒皆珍琳羽翼日以長翻飛歸遠林去不

歸故棲來不懷好音聚散自恒理眷戀傷予心積羽投

洪波誰能定浮沈臨岸激翻車誰能論高深

白頭吟

明霞升扶桑纖月映雕梁妾貌寧有異君恩恐難長回

青望春日舉頭見秋霜情事非夙昔離合傷衷腸多積
生曲折積疎漸乖張百年不可待兩心竟難量錢刀如
遺土膏沐怨朝陽難枝良欲附花落豈更芳輕合成恨
恨暮景空徬徨寄言締交者白頭慎勿忘

玉階怨

微月側漸沒行雲去不留階前雙桂影隱隱露華收

長相思

長相思思遠別胡霜飛塞草折黛眉翠愁腸結日月積
逾長關山遶難越夏雨不絕雲冬陰常依雪寒漏滴滴
傷妾心况是隴水方幽咽

懷懷歌

崔明詩鈔卷七

三

實情不復來華豔置何許寒雨濕枯桐生意誰道許

短歌行

我欲移山何時平我欲俟河何時清九州行遍終須住
萬鍾積滿寧無傾濃花被谷春晝晚鴻鴈南歸冬日短
烏鵲繞林星月稀蓬萊有路白雲遠

天可量

天可量海可測惟有人心無終極山可平川可塞惟有
人情多反側翻雲覆雨不移時繁風捕影杳無跡鋒鏑
之來尙易防伏匿之端殊難識聞如環曲如鉤屏風轉
折船兩頭身如病瘵口如蜜引繩下石虛綢繆康莊閑
閑掘陷弄平風靜浪生陽侯蔽日漫空朝見沫飛霜布

雪春如秋粧點有無變蒼素能使親信爲仇讎見機識
微苦不早欲求涉世今已老一任擲榆自塊然謂我朱
愚我亦好閉關偃仰睡高春起看春庭長芳草

夜渡渾沱寄邑中諸子

秋夜渡渾沱浩然結長想悵望東蒙峯臨流歎河廣

送呂汝成北歸

落日荒郊外陰蛩鳴早秋西風吹海月空照別離愁何
日同爲客相逢古薊州前程如有問還上謫仙樓

詠懷

太行羊腸道黃河積石流羊腸何詰屈積石悵悠悠修
坂摧車轂洪濤無方舟橫袂輕一往悵悵欲何求鬱紆

崔明詩鈔卷七

四

未能進耿耿心懷憂不如存吾好散髮以嬉遊

山寺遇雨

山雨滿崖谷四圍如籠烟石磴懸流水處處開飛泉林
杪澹深翠風聲垂高天盈盈一壑內邈若隔人寰

紀古語六首

天地有剝復人世有興衰氣數皆一定不足煩思惟探
厥循環理大抵皆常期方其全盛日已兆浸微基集霰
抵雪盛履霜及冰危庸人爲物役俟至然後知冥日觸
羅網豈可尤夫時大易有明訓神乎貴知幾

物理不兩大此虧成彼盈神奇化臭腐淵谷爲邱陵寔
中日旋轉得失誰能憑計較一以起涼燠易攫情數然

自紛擾徒規他人榮美者不能至疾者不能傾君子貴
居易素位爲令名

來事邈無際成毀多反復禍兮福所倚福兮禍所伏塞
翁嗟失馬宋人驚白犢先笑後號咷冥者多顛仆行法
以俟命自反乃常縮培覆本因材天意固可卜

越人不見羈周客不知璞拘儒昧大道窮鄉多曲學河
伯詫秋水欲與滄溟角執德貴以弘隙窺殊齷齪行矣
慕大方斯民獨先覺觀海登泰山所見一何卓

在昔正始日何鄧世共稱太初志雖大無才但虛聲平
叔恣利口能使邦家傾言遠旨則近奸辨乏深誠元茂
惡異己有爲不求終徒知外惡利關鑰無內局多言多

崔詩鈔卷十七

五

瑕釁妬前寡親情惜哉彼三子福淺禍乃盈傅君獨先
見明哲莫與京嘉言可垂訓書紳願自銘

文質本殊尚令終貴遠猷四奇信通士亦有四難憂言
麗中難處術饒要難求性察下難事意廣願難周見長
豈不美露短成愆尤羿射思善息隨珠忌暗投薰膏爲
患害鸞鷁多優游逍遙入齊物達者誰爲倚

野歸晚眺

日落餘照還林端作金色暮鳥紛競去鳴蟬猶嘖嘖方
塘謐清波澄光接天碧輕月沈更浮欲掬不可得佇望
晚意佳坐久寒露濕

均州渡漢津禹貢又東爲滄浪之水是

薄暮渡滄浪水淥波如鏡翠碧緣岸垂亭樹閱深靚松
杉露罅隙花竹細相映布帆疾于馳回首失幽勝是時
天中節彌江笳鼓競因知行役久溫煥倏更令楚道浩
無涯衡湘渺渺難竟緬懷漁父辭低徊發高詠

歸田雜詠二首

山城負窮巷門無車馬喧况乃去荒野深谷閭邱樊宵
夜玆綯索闔徑除蒿繁桃李頗媚娟榆柳亦高蹇燒畚
略接畛激澗輒窮源雖無南北垞僅同椒漆園枕流堪
洗耳倚仗行負喧隱憂惟租調自得無陵援天伐倘可
脫不媿任公言

崔詩鈔卷十七

六

疇日以親風雨頗相習農人告及春欣然顧撥糠夙昔
漁樵隣來往無厭射負杖桑陰午荷鋤麥隴夕遠屋榆
烟暝隔水梨花白流鶯調簧音乳雉舒綺翼林疎山翠
展雨漲溪聲急遠目任縱橫安步隨偃息童青時導從
閒靜供扶掖溪山本不廉琴酒能自適一區安蓬蒿一
孟飽橡栗決驟性乃然偏心終匪石

遣興擬杜

人苦不知足願欲何終極當其入天門猶未狀八翼一
朝成踳躐唾井無復惜昔日李將軍灞亭人不識

浮海入郁洲作

淮海枕東維合虛轉西顧帝令蒼梧峯削跡自南驚拱

衛三神山重複如桂栢烟霞自蔽虧日月時吞吐乘潮
縱輕舸天吳正安步層岫出大瀛綵雲浮蒼素是時朱
明初清風靖甘澍連洲被桑麻頗有秦人趣夾道葦紫
蘼垂崖交瓊樹奇石粲雲錦清泉鳴韶濩籬落聞鷄豚
沙渚狎鷗鷺人家白板扉竹柏盡參互老稚敬愛客勞
問欣相赴風景類吳中語笑若鄉故渙漲忽已忘水宿
遂薄暮蓬窗聽潮音絮被凝霜露凌晨送將歸恍自桃
源路

東園夜集同秦徐二子賦

初晴返照遞城郭南樓夜色催宵柝幽齋雙桂影扶踈
獨開衡門坐蕭索西隣二妙忽相邀共往東園步搖落

岩詩鈔卷七

七

菡萏香殘涼水清榆柳交橫高岸闊金飈應候聞征鴈
銀漢當空唳水鶴蓬窗夜啓背樽酒舉杯對影紛交錯
樓上短笛正淒緊橫玉孤吹聲欲墮斜月穿滿青松間
餘輝半天如可引爾曹對此且盡歡拍手同恣河朔飲
毋爲轅駒自幽囚人生聚散同朝槿況有清景豁心目
市紛塵鞅意俱盡蒙山向暮青于藍野水含光明如錦
吾生少多紫霞想曾訪羨門東海上崑邱彩鳳俱寥廓
蓬島青鸞歸沈滯人閒得意即丹邱不用學仙客自惆
造物有奇隨所嗜烟月溪山堪縱賞何如隨緣任散誕
朝菌蟬蛸任消長酣歌不知明日事洒然一笑西風爽

少婦篇

河朔良家子二十出從軍閨中有少婦幾載不相聞少
婦年方二八餘青娥皓齒恨離居雲中幾見南歸鴈天
上誰傳北至書西有玉門關東有桑乾水關外胡沙遙
水際寒飈起寒飈吹沙咫尺迷誰辨城邊千萬里桂長
梧凋天已秋畫屏絃扇雨緘愁妾命委如輕一葉君心
常似水東流秋夜裁君衣淚下不可揮想君去時貌髩
髩如君歸君不歸來安可說自把金刀怨明月他時明
月與君同此時月影憐長別絡緯階前切切鳴欄干曲
曲亂流螢深閨露冷流黃怨玉砌宵遲絡緯聲手執機
杼不能語風透羅幃輕袂舉羅幃寂寞共誰歡錦衾燦
爛悲獨處獨處固堪悲君歸何有時良辰不可再後期

岩詩鈔卷七

八

安可知君不歸來春已老尙惜紅顏爲君好繡幙四時
塵掩鏡交河七月霜盈草寄去征衣秋欲殘大荒西面
更天寒但願君如班定遠白頭終入玉門關

長安別崔馮二子

長安街頭月正圓胡姬酒肆花如烟美人向窗揮五絃
爲君試作遠遊篇滿深酒闌思綿綿聞鷄起舞臨風前
上有明月之便娟下有繁花之鮮妍良宵不留春可憐
明朝相憶白雲邊

徐居之席上贈魯田徐先生

去日苦長來日短人生會惜相知晚小子本自步兵流
先生何如嵇中散當年傾蓋期白頭此日分攜愁青眼

汶陽祖席秋風悲欲行不行意宛轉西去逢人如問子
道予心與滄洲遠

丈夫行與石伯瞻

丈夫功名文與武隨陸絳灌何足數劉淵本自屠各兒
猶然羞與四子伍我也生長鄒魯鄉自幼常登君子堂
弱冠學成淵雲技猶恨未兼孫吳長左按圖書右寶劍
精感太乙光掣電甲乙丙丁四庫殊魚鳥風雲八法變
排波蹙浪河漢迴蕩海夷山混沌開振衣闔闔望八表
倚杖崑崙凌九垓丈夫所遇多險阻那堪草木同朽腐
龍蛇失勢蚯蚓同天本無心我何苦三十已過非少年
流光冉冉凋朱顏夷跼彭殤皆一致何爲膏火自相煎

出師詩鈔卷十七

九

到頭我自用法五經涉四州遊八歸來結屋蒙山陰
邀君同弄蒙山月

汶陽老人歌

汶陽老人髮似霜自言少小遊邊疆肅皇中年國多事
挺身應募離家鄉犀甲初成六屬鐵馬鞭不惜百金裝
自古橫行稱壯士由來嗚咽爲勤王隴頭流水半明滅
黃河九月層冰裂草低沙暗胡笳悲狂風吹塵雜霜雪
懸軍疏勒烽火稀轉戰居延寶刀缺誓令北指元冥開
莫問南來素書絕生平報效在鋒端豈料功名非等閑
摧肌刮骨老窮塞勳業不在行伍間磁州烈士頭顱仆
河套中丞頭血斑誰使腥膻汚漢關徒聞痛哭過天山

我今釋甲歸來久見說從戎便搖手大汶河邊二頃田
平陽城南數株柳衣裳了烏足蹢躅時理腰鐮刈葵韭
丈夫辛苦空爾爲李廣無功君信否

送別劉練江之廣陵

長安秋暮風吹雪淮南桂花開未歇薄遊寂寞曲江春
歸思翩翩射陽月與君相逢正少年慷慨一諾輕邱山
數載轅駒不得意掉頭別我杯酒開明年吾亦踏東海
養鷄抱犢時相待世事悠悠竟何如轉眼吾曹幾人在

朱僊鎮岳祠歌

朱僊鎮前祠廟古翠殿巍巍羅鼎俎鄂王南面袞繡裳
憲雲配食坐廊廡英風颯颯五月寒猶有餘威震驕虜

出師詩鈔卷十七

十

職官享祀羣黎趨椎牛烹羊畫擊鼓是誰面縛置階前
三五縱橫草莽間往來踐踏或撞擊頭顱缺折肌膚穿
敗鉄無知等塵土似留遺臭沾腥膻曾前向存賊槍字
便欲掣劍誅神姦低徊此地五百載金牌慟哭聲如在
高宗貪位檜逢君徒使忠良陷龍黃龍直北竟成空
翠柏依南長不改千秋此恨幾時休滔滔汴水流東海

南園就客求果栽

蒙山西陲汶水山爲圃十年稱退谷一去七載長安塵
羈栖畏塗懷踟躕鶴怨猿啼蒙垢氣松摧菊沒成幽獨
今年解絆始歸來擬闢荒塗結茅屋舂鉅澣流畫不休
怡棹灌園夜相續已詣徐卿覓果栽復從韋二求綿竹

老夫深愧杜陵翁亦向草堂學卜築結實千箱翠萬竿
步屨開枰願已足耳熱息肩行南溪看兒原上驅黃犢

晚過五井村歌

南村倚山形詰曲崖上流泉遶茅屋槿籬花發桑柘濃
鳥語人聲入深竹行盡回溪夕照微橫施一釣枕漁磯
手弄潺湲歸去晚滿林空翠襲人衣

入蒙昌峪

南山奇石如櫛比散入回溪沐春水拱指相隨俯仰閒
行歌響答深潭底綠樹烟濛一塢平層巒絕處斷霞生
林動影迷人不見唯有飛禽來去聲

泗上送伯舉西遊

崑山詩鈔卷十七

七

行盡東溟不肯住泗水西流送君去雨餘對酒清可憐
嶺月半侵巖上樹澄潭弄影漾金波戀餘光能幾何
屈指相期桂花發目送歸鴻落葉多太行漠漠長河急
風波如此將安適分攜數數顧刀環瞻望林烟空佇立
夏日行岱野書所見

夏日之一何長晨經岱南午汶陽欲息嘉樹不可得
枳棘刺眼彌路傍徠松甫柏半禿缺流沙覆地白如霜
比年亢旱民居盡剔屋伐木絕村莊今春多雨禾始起
解麥錢百農反傷賣兒貼婦苦不售時當盛夏家無糧
敲朴瘡痍饑欲死朝求縱舍暮逃亡前限未完後限急
之卒叫囂人走藏我行安車猶畏熱觀彼負戴行踉蹌

四顧啓啓日沸鼎吾獨何意求清涼我欲使泰山化陽
邁猶恐鑊鐵銷精凶我欲使東海輪寶藏猶恐漏卮枯
滄桑何能一借康回力盡捲滔滔入混茫

園居紀物雜言

持荷不可以作柱析蘆不可以作椽當道種李苦不售
臨風植梧葉易捐枯楊生華復何用散櫟不材虛自全
蓬生麻中能直立藟綠膠木遂高竊蘭桂有香惜生蠹
蕢桃不登何貴妍槐木黃中猶傍鬼棘有赤心無奈酸
榆美濟荒增暝睡栗房易駭表恂虔松柏亭亭中梁棟
節多材大用苦艱塔柿七絕常病冷杏金三劑果能仙
葡萄浩繁狀詰屈朱櫻虛脆空勻圓南池栽竹挺高節

崑山詩鈔卷十七

七

東離植菊稟貞堅不隨衆芳競炎景若比後凋無慙顏
幽人約略書殿最口占付與園丁傳

東樓晚望

幽人愛晚眺瀟灑臨高軒清野炊烟直遙村漁火繁殘
霞散修嶺微月下平原指點閒中意寥寥誰與言

少年行

三月名都地長風廣陌吹客華驚威過遊冶趁時爲到
處笙歌滿行來獵騎隨莫如桃與李零落使人悲

廣泉村中

宿麥日已長山山春鳥喧水隨門作運村以枳爲樊笋
拆竹方茂花飛葉轉繁便疑塵境隔何事問桃源

齊河道中

汝水南通楚清河北帶齊故山雲淦淦長路草萋萋野
曠秋天闊峯高夕日低前村疑漸近轉盼暝烟迷

穆陵關

昔日齊侯履南疆盡此封諸山沂作鎮五嶽岱爲宗伯
國猶餘棄重關識舊踪故園相去近回首海雲重

滕陽道中

霽雪寒仍甚驅車晚照中山川滕子國絃誦魯人風漸
覺鄉音異還驚歲臘終偃王燈塔近只在大河東

晚出徐州

經年多客日逼歲又南遊一郡寒烟暮孤航泗水流王

崔明詩鈔卷七

圭

幾今內地禹貢古徐州去路行方迫離鄉遠更愁

棲霞縣邠都宮邱長春成道處前元遺像宛然

乘槎涉弱水防降迄仙都石室誰開闢丹臺跡有無十
洲爲近地五嶽識眞圖坐聽鸞笙晚勞峯天外孤

過蒙陰舊城山家留飲

故堞依山麓相傳漢舊城桑麻千畝遍梧竹一村平客
醉遲歸意來希重別情出門逢野老重與話躬耕

問次齋閒居

先子龍門令遺編手自摩軒書禹穴祕秦典西山多世
業慚歆向時名謝李何蘆灰對滄海何以障顏波

辛丑得第年逾仕矣

釋褐明經暮操觚祕館嚴因知進士少不途老夫潛憤
見蒼龍礎仍攀翠羽簾傑然諸俊後白髮幾莖添

送李重之夏邑令

秋陰積郊樹落葉靜微聞祖帳臨寒水歸舟入暮雲過
家鷺作御行縣雉爲羣牢落應憐我停橈未忍分

哭介軒馮丈

君家峴山下亦有鹿門棲萬竹通泉響千花競鳥啼淚
從叔子墮名與浩然齊此後沂陽路休經巨昧西

送劉練江南歸

離懷滿秋浦脈脈寸心違滄海吾安適青山君獨歸目
隨郊樹盡腸斷塞鴻飛今夕應同夢前期在採薇

崔明詩鈔卷七

十南

潞河岸行

潞河三月下寒重怯春衣欲逐鶯花往多逢塞鴈飛酒
旗烟樹沒獵火暮村微望望南征道揚帆已當歸

梁臺遇雨

不見梁臺月孤亭暮雨昏感時思良嶽懷古問夷門苑
竹龍鍾發宮槐兔目存星軺踈應接白鳥對開樽

丁未八日

百年將半後十載乞閒身童子粘屏喜鄉隣送酒頻人
當初服日花近故園春野趣何供給盤中芋栗新

春雪

春雪如花落無風萬點飛遠山青燒滅平楚綠茵微和

霽商于耜除寒改敝衣不知百畝外猶意有輕肥

擬秋懷

王中秋初讀空同集適有司馬閱邊之命因擬作焉

閔實三臣出帝京居然九塞屬長城秋風笳鼓燕山滿
晚色旌旗瀚海清國計連年稱款邊防此日重銷兵
有懷投筆非吾事願學龍門策太平

過漢高祖廟

豐南松柏晚蒼蒼漢祖還宮古道傍父老祇今餘涕淚
風雲依舊各飛揚一杯事業歸陵土萬歲神靈在故鄉
卻憶炎精銷歇後千秋王氣屬吾皇

歷下憶弟

客裏鄉思付鴈聲帛書寥落不勝情齋中對酒晚涼減

五
崑山詩鈔卷七

五

湖上行吟秋水生每向惠連輒憶汝近來法護果難兄
逢人但問君家季小陸何時到洛城

南村雨中作

雨到空山萬壑鳴雨餘石上亂流聲波沈遠岸菰蒲沒
香滿前嶺梗稻生退谷幽棲應自許潮川新築未全成
行來最愛聽田水村北村南一杖輕

山居

平沙迷遠村落日低嶺樹籬外聞漁歌獨循北渚去

南竺寺

晚霞掛重塔微月碧殿空林壑松檜響十里聞秋風

宿五臺村

荒村殘月帶沙明透屋秋濤萬樹聲無限鄉心鷄唱後
蓬窗風露曉寒生

南樓

十二樓開列玉京分明天上落屑城簷前寂寂三珠樹
半夜鶴飛來上鳴

秋夜聞笛

玉樹霜飛明月樓笛聲吹遍海沂秋何人解奏梅花曲
一枕西風萬種愁

東萊望海

坐對滄溟憶大方太倉稊米總相忘放言轉笑莊生鄙
秋水何勞較短長

崑山詩鈔卷七

七

掖縣道中

齊疆行盡海雲生處處看山自問名麥秀漸漸桑柘綠
馬頭不見曲侯城

癸未至泉林寺

百里天涯一昔分月華中斷恨離羣坐聽莊子城頭水
卻憶夷吾亭上雲

辛卯濟南重會李重

一望井州鴈影沈三年幽夢崑湖陰歷城四面寒泉水
堪照青陵臺下心

衍元白詩三首

製就生衣遠寄將開函顛倒淚千行妻驚女哭緣何事

纔說江州已斷腸

千里襟期付此辭郵筒珍重寄相思將來莫遣玲瓏唱
淚盡夷陵緩棹時

生平有意皆成幻死去憑誰得報君燈影幢幢對疎雨
一聲哀鴈入秋雲

丙申晤子愿別去寄懷

南浦分攜暮雨微平林望斷送將歸詩名一一題團扇
隴首秋雲片片飛

歷下湖上獨眺

窄岸平橋萬柳斜半城春水半人家東風吹雨宵來急
一片鄉心到海涯

崑明詩鈔卷七

七

秋日再遊城南池亭遇雨止宿二首

梧葉無多菊蕊黃蘆花白著夜來霜寒山帶雨明粧歛
目送歸鴻天際長

韋曲看花春可憐重來疎柳帶秋烟無聊更聽南樓雨
一枕疎燈意黯然

畿南問宋遼戰地作

戰勝河東下薊州高粱失御陣雲愁六飛不入燕山府
直見鑾輿到廣州

西郊有地名釣魚臺金主遊歷處

花石遺京入戰圖燕門衰草釣臺孤不知艮嶽宮前叟
得見南兵入禁無

自襄陽至習池二首

峴首岩巖漢水長習池烟樹野亭荒羊公流涕山公醉
並枕殘碑臥夕陽

江上輕帆若浴鳧鏡中倒影數峯孤林鶯向客巖花笑
曾見銅鞮歌舞無

過蘭谿望金華山水二首

新安水色括蒼烟煜煜金華婺女連靈異果應仙路近
始知此是蔚藍天

百折桐江繞釣臺四明雲起接天台半空突出水輪湧
定是龍湫鴈蕩開

王濬二首

崑明詩鈔卷七

七

漾字帶如號愚谷益都人萬歷庚戌進士官太

僕寺少卿所著有柏村詩集縣志愚谷少豪放

人之風爲文不事剽襲空靈超變從慧悟中得

之其詩天才逸發如風生泉湧善草書人爭購

之於王旅亭述云先太僕公柏村詩集一冊

初冬郊望

空際經霜疑月生離頭枯蔓作蛇行紛紛歸鳥不簾動
眇眇橫塘一鑑明歲稔真同極樂世人醉無復不平鳴

老夫自笑終朝醉未暇悲秋序已更

勝峪莊

數楹小築傍清溪巖谷給衙咫尺迷高下人家晴始辨

參差箭茁兩方齊山迴西影千尋壁水過南塘百折堤
不是漸聞人語響林深何處覓幽栖

何應瑞 五首

應瑞字聖符曹州人萬歷庚戌進士歷官工部

尙書

山東通志應瑞以右轄人計召對稱旨擢侍郎晉尙書甲申之變不食而死

金堤

舟楫何年事空堤帶夕陽斷連隨岸曲迤邐竟川長渡
口蒹葭亂村中祠宇荒平生今古意於此歎滄桑

秋日東園同榮孝廉卽事二首

曲檻臨清瀨長林帶夕陽荷鮮秋未老柰熟晚逾香杯
底浮雲態眼前萍梗鄉共君聊盡謔真與幻俱忘

崑明詩鈔卷十七

九

落日半城阿餘輝挂薛蘿勝遊堪共醉欲去柰君何爽
籟因風度輕寒沍露多歸鑣夜色裏遠樹接明河

題成翊宸孝廉山水

杳杳孤城隔岸縣微茫塔影亂峯前晚來帶雨寒潮至
泊盡秋江萬里船

記遊

風定波文細雲輕月色鮮洞簫遠浦外漁火亂星前爽
競當盃句隕生隔樹烟納涼念坐久兒女話連船

宋統殷 一首

統殷字獻徵卽墨人萬歷庚戌進士歷官巡撫

山西都御史有役言集

豐沛弔古

河山環抱霸圖雄父老猶聞說沛公雲氣于今失芒碭
川原當日比岐豐重瞳若使無鄉思赤帝何緣歌大風
一瞬興亡消歇盡欲從人外問鴻濛

高宏圖 三首

宏圖字子猶號經齋膠州人萬歷庚戌進士歷

官南戶部尙書福王時加太子太保文淵閣大

學士避兵會稽絕粒而卒有太古堂詩

寄錢牧齋

春草迷離春日明懷人無那曳心旌幾年巖曲留叢桂
千里芳洲憶杜蘅鴻濛晴川知衍衍烏飛曙谷喜嚶嚶

崑明詩鈔卷十七

十

山中韻事須閒卻復旦新歌聽汝廢

酬馮山人迎春

望海城頭緩駐車翩翩詞客見應徐詩瓢煖入裁雲手
醉草風生倒殢書坐向青蓮還問偈笑看長缺不歌魚
如君四海疑朋從片羽春橫鷄雀居

寄黃同初刺史

西蜀干戈苦未休王師十月下巴州不聞盛世旌循吏
怪底山公有隱僑騎鶴孤雲天漸遠懸魚滄海水空流
春來因病還相惜惟折梅花寄隴頭

張僕 一首

僕字立所壽光人萬歷庚戌進士官平陽推官

山東通志 僕理平陽縣斷明決有神
之譽流冠陷平陽釋家人去自刺而死

熙臺秋月

秋月浸熙臺對城共欣賞夜闌閒無人松竹風露爽良宵不可閑彈琴發清響

譚性教 八首

性教字生伯號笠石萊蕪人萬歷庚戌進士官寧夏按察副使有黃雪山遺稿

岱谷寺

清楚落天風迴峯隱紺宮石門迎瀑上山徑與雲通松榻僧頭白巖花鳥喙紅卻愁行役促車馬出林東

墨山卽事

崑明詩鈔卷七

三

四月墨山裏幽樓見物華綠含薜荔石紅點薔薇茶驟雨鳴荷葉衝泥出笋芽鄉心憑暫適橫笛自隣家

千佛寺贈李山人二首

有客過擔簦高名是李膺獨籠雲外鶴來就海邊僧白社千年酒青山七尺藤知君多遠興俠骨白峻嶒

蘭若竹籬東清談夜夜同石階藜杖月松徑葛巾風自著青鳥子人疑白鹿翁往還余不厭詩句爾能工

璫城里

北岸分齊甸西流見禹經風沙迷岱白烟雨入湖青使者方埋水將軍未勒銘咽喉涓滴在來往愧漂零

七夕旅懷

此夕關何事天涯祇自憐火雲廊子國水驛汶陽川路入秋蟬裏愁生鳥鵲邊人閒無怨別霄漢動經年

九日雨中登巢松亭

山路入鳴鐘沈沈小構重樹攢虹外寺江斷鳥邊峯境亦須秋寂官纔似衲慵怪來香溢竿高擁萬株松

訪又新不遇聞在嶧山蘭若感賦兼懷周自叔

城郭尋君復閉關人傳杖履在名山三年離別風塵裏二子行藏雲水閒松徑春攜如意往石床夜伴老僧閒

勞勞應愧山中桂遠道藤蘿未可攀

賈毓祥 一首

毓祥字四塞掖縣人萬歷庚戌進士歷官副都御史

崑明詩鈔卷七

三

御史

九日登高

升高北望淚潺湲曠野蕭條白日閒霜葉千今凡幾變猶留老眼看青山

張宗衡 一首

宗衡號石林臨清人萬歷癸丑進士歷官山西總制兵部侍郎

總督宣大移駐平陽屢有戰功而諸將多驕蹇不聽命以是引罪罷論者薦其才未及用而殉難乃復官

贈余望之

雙流如帶遶衡門滿架圖書十畝園五七字詩堪作祖

雨三竿竹欲生孫清晨澆酒呼兒酌終夜談甚任客喧
聞說小姬花比艷渡頭桃葉可同梅

傅國三首

國字鼎卿號丹水臨朐人萬歷癸丑進士官戶
部郎中所著有雲黃集古夫于亭雜錄戶部少
夢以女妻之無居以娶某廣文者捐廟壞隙地
築一室而娶焉其行事類多任誕以部郎罷歸
卜築雲黃山中以石爲門望之如墟墓冊物自
作傳刻兩扉上中作一樓名凝遠聚書萬卷每
春時出遊乘肩輿去檐帷進賢冠朱衣束帶偏
歷村墅甲中後足不下樓冠至積薪焚之遂與
圖書俱燬居常爲人言吾石臂時汗出如滿
泉法當死於火至是果然需光安靜子狀其逸
事

宿靈巖寺僧樓三詩見
俗史

山南詩鈔卷十七

三

林表誰開寺空中更結樓法雲凝坐軟遠翠浸人流香
動六時樂清涵千里秋登臨昏黑際人在碧天頭
燈寒開貝葉夜靜掩松扉清磬開林杪幽人語翠微餅
餐波利淨茶挹露華餅坐久諸天冷香雲落客衣

重遊靈巖

剩有尋山興無如薄宦何廿年今再至一夕豈虛過萬
木閒幽翠諸峯自碧螺縱遊無一事爭似老頭陀

史永安六首

永安字磐石武定人遷長山萬歷癸丑進士選
庶吉士授御史歷官兵部侍郎贈尚書有南游
草長山志永安以御史按貴州他安會叛圍貴
陽拒守數月食盡援絕與賊士殺馬歃血和

酒飲之舞劍作歌年無懈志歷推率夏督三邊
皆有功所著有龍圖草翠飛巖集長川詩及諸
疏稿等集歌血歌二篇今錄其一引曰經年
疏守糧餉告匱諸將士慷慨奮發金易馬款
血定盟誓死堅守收民心破賊膽恃有此舉
意勃勃忠義僅在趙武夫中哉不覺起舞作
歌飲我今與爾盟力守好將此血與爾共飲
且飲我今與爾盟力守好將此血與爾共飲
髮衝冠再飲目誓裂三飲齒碎膽生肝腸激烈
那分赤心與此城共生滅不斬賊頭心不輟忠
義將士今一腔意氣何端端丈夫立志原如此
慷慨不緣飲血起羞殺書生多披靡
若將憲節付與爾爾箇箇赤心報天子

天空山

奇路開靈迹山陰更絕塵濕雲偏戀石凍雪不知春地
淨情如攝林深趣倍真天仙無盡密獨會素心人

李中丞茂嶼邀飲薛家巖

山南詩鈔卷十七

五

秋光冷入竹林多苔徑閑園傍晚過載酒臨江開使節
推篷邀月上仙舸城隅燈火人清遠水際旌旗夜透迤
况有西風憐客興輕吹簫鼓雜漁歌

出沅州

江水分流處澄波巨石橋滑途輕草履清露挂春苗游
壯西南徵魂依聖武朝征人多解事報道度龍標

桃源洞遇雨

一徑縈迴綠樹隈澄江隱岫隔塵埃道人半著青泥屐
說向桃源洞口來

桃源舟中二首

甫別丈人壇幸依仙子嶼何煩再問津前有桃花樹

對岸兩行山晚來山色發霞紋欽夕陽灝氣浮新月

耿如杞四首

如杞字楚材明會孫萬歷丙辰進士歷官巡撫

山西副都御史有世篤堂稿明史本傳如杞兵部建魏忠賢祠懸像行署率將吏五拜三稽首如杞不拜半揖而出忠賢逮之獄幾死數矣崇正

秋日詠懷次王肖老韻四首

久滯鄒陽獄還羞司馬貧爪牙宵怒吏魑魅逢人塞

鴈留孤影秋砧動四隣空王瞻禮罷悔現宰官身

暗室斜開牖殘簾半掩局雨深梧落葉風急塔鳴鈴宋

玉悲堪賦陶潛醉不醒交情生死見雙眼爲誰青

崧明詩鈔卷七

圭

音書三月杳羈旅一燈孤拍案頻驚鼠抽刀欲斷孤病

來憐僕從夢去見妻孥試問韓安國然灰有日無

歷忠謀逾拙居身老更頑傳經搜壞壁修史付名山七

尺真如幻千秋好是閒安心今已竟不必證無還

趙印昌一首

印昌號芝亭掖縣人萬歷丙辰進士官御史

贈陳山人

乾坤閉塞已成冬林下幽人睡正濃白洞有花隨鹿飽
元關無戶待雲封逃名日復巒眉澹入市年來腳步慵
爲問生平何處托一山黃葉五更鐘

王現一首

現字友玉一字世成商河人萬歷丙辰進士歷

官湖廣參政有林下吟南游草縣志現由真定令擢禮科座主

楊漣之難以免歸崇正初備兵汝南有不寇功

春園

美人素手卷湘簾花下催詩散韻籤詩思欲來人面好

淡山飛色上眉尖

山左明詩鈔卷第二十七

崧明詩鈔卷七

圭

山左明詩鈔卷第二十八

李若訥 四十六首

若訥字季重臨邑人萬歷甲辰進士官參政有

五品稿四品稿楊花詩府志文學傳若訥事親

而棄中止二十四金洛歷參藩所至以文學飾

吏治清執不阿不事結納僅以三品終常慕鄰

侯築山樓顏曰小萬卷與王象春公鄭號山東

三才子趙季卿題五品稿近日文章家狀王

李而以文長中郎為豔然其所業詩不免免

晚唐之異者參以宋人之雄者文殆取蘇長公

之小文有致者難以佛語說為新刻亦詞人

相勝之奇耳季重時與相似而一往軼塵別有

以自暢正不必一

一刻畫徐袁也

歲盡

浮生四十三桂苒歲將安通籍久為郎畫餅十年宦慵

作能言鳥恐烹不鳴鴈聊傍鷓鴣枝雲霄無尺鷃羽毛

尚耗耗但嗟陽秋幻東隣如韭蘆富貴咄嗟辦齊人求

讓鼎魯人應以履巧嗤相如遲傲嫌叔夜慢躊躇物序

非賦詩吾自諫

歲幸有秋因以志感

寥落無生計隨緣數口資陶潛惟種秫楊惲未成其農

業書生苦豐年薄宦知白雲含露色風物飽看時

老農

一世田為活頻年隴未荒餐毛列水旱心計竟陰陽照

食甘居後耕耘稔在旁兒孫華意默算獨餘糧

老儒

芸編經歲久舊業蠹魚生已絕看花夢仍存散帶情荷

老將

永霜任滿蘭室月空瑩留得書卷共蕭然一幅名

雙髻疆場上沈雄有素心據鞍仍怒目說劍故沾襟麾

下侯將半軍前戰至今太平無個事帷蓋亦難任

感懷萊陽同年任大令

眼裏浮沈異心惟涕淚知縱橫孝標論應念彥升兒昌

水無舟楫萊關有險巖仍為南國客鄉思望天涯

春初憶王季木

每憶蓬瀛客違時倍惜才琴非焦尾棄棋到爛柯回物

外貪孤契人閒拙眾媒濟南連濟北知己兩徘徊

虞城投贈楊都諫晉荈先生

二月籃輿上風烟撲面生遙心知北極晚節過東京有

道原難銅靈均自不醒豈應仍弋繳竟待飛鳴

寄彭伯允茂才

幾年不見尺書緘一夜輕舟恰共帆懷縣得開牛白髮

江州借淚浣青衫霜寒人作芙蓉怨鴻遠心慚燕雀銜

十稔宛然曾醉別鍾陵踪跡總塵凡

春深托人寄公孝與太史書

緋桃碧柳飽東風儘寄春聲細雨中信鳥去山因處士

烹魚隨水得郵筒心懸南北驚邊馬才屈炎涼似夏蟲

無棣穆陵惟爾我蹉跎已愧妙山東

入都

似聞天語下宸居
晝掩銅龍復情如閒局
追陪同執事
趨朝期會赴尚書
黨人未敢疑傾漢中論
將無願學徐
隨例恩光猶不薄
微才蹴躡誤居諸

考城雪中

雪作梁園色雖寒似有情
無端向客路愁思任縱橫

葵邱驛

驛路滿風塵蕭條郵舍春
葵邱牛耳盡睢水馬蹄頻

秋杪促裝

朝與青山辭暮望青山色
依稀晚照紅馬上無相識

楊花詩五首

岩明詩鈔卷下

三

飛來飛去渺難期
寒暖相煎景物虧
採摘未能桑柘共
紛披稍與芰荷宜
荒臺欲送凌晨雨
舊苑猶迎向曉風
只爲獨居蕭索意
何勞眉黛更腰肢

青莎纔起卽丹梯
望裏春雲似可躋
兩地飛潛無定態
一時榮謝有凝睇
逍遙欲息搏空翼
清切空勞舞素霓
只與歲華增轉幻
浮生不用助淒淒

紛紛陌上復樓東
偏逐芳時散碧空
漠苑春容眠起後
隋堤曉態有無中
輕寒乍裏全疑雪
淺媚徐生半借風
俯裏折枝非此曲
悠揚手韻對誰工

撲面春風玉幾叢
正當三月節匆匆
蘭堂巧啄因梁燕
蘆塞微繁是野鴻
淡掃久知輸葉媚
輕飛仍欲借烟籠

碧紗窗外如相隔
幽恨何緣一點通

行處紛紛曉處疎
悠悠誰遣到庭除
宜將拂袖飛雕檻
更好開鬟滿玉梳
姿態梨雲纔起後
芳華桃雨乍迴初
何知稊郁逢搖落
恰報東風謝政餘

公敬與齋中同王思止小飲兩君與余俱山東

夜月客寒生清齋
對酒觥唵深休刻
燭談劇勝班荆桑
梓鄉心醉槐柯旅
夢醒個中相領略
憑莫說公卿

燕京守歲

退朝無一事寂寂遲春來
寒惜梅花蕊愁拚蠟焰灰
近天占太乙擇地避河魁
事事求新吉行藏轉未裁

送黃豫蒙民部分司甘固過光州里二首

岩明詩鈔卷下

四

驪駒方曉促代馬
漸風尖不共金城去
其如畫省淹鄉
河名白露塞海利紅鹽
君去需籌急雄張羨握鈐
與爾通家誼憐余一寸心
蘭荪溫塞地甘曲劇秋音
土氣秦中勁王程隴外深
瓜期渾更遠屈指幾沾襟

送馮起衡出守成都

握蘭纔奏罷賜輔
卽帷開試問峨嵋雪
何如水部梅霏
談猶碣石風力已離堆
吾意耽元草憑君訪故臺

自通州還京作

白河東去水原與玉河通
秋近幽都外塵遙蘭路中
歸心先塞馬客况後南鴻
明日仍將發家山指岱宗
有感

杜戶身雖暇違時意恐災占爻多悔吝祈向半驚開度
莫憐殘雪愁深托剩杯曲江鷹隼句未免使人猜

無題三首

梧衰柳悴共秋繁到此銷魂念死生無地可通金盃贈
前身虛憶玉簫聲彩雲散去天俱瘦暮雨消時峽未晴
若使氤氲逢使者鴛鴦有牒尙尋名

斜陽官道柳如絲猶傍春風憶一枝阿軟偶然逢白傅
羅虬仍欲比紅兒繁情鴈柱秦聲在別恨蘆笳燕客知
一覺幽州涼夜夢揚州花月並淒其

蕭字精藍鴈字春蓮花會映可憐人非關伽女將成障
稍似鶯聲得會真銀燭刻傷心一寸蛾眉畫憶雙雙

崑崙詩鈔卷十

五

居然老去消緣想欲向空門懺漏因

燕都雜詩八首

五陵秋色徧蒼然望裏西山撲冷烟半攝諸鄉庖欲廢
久虛司諫臈猶憐金臺不買驪驢骨玉蝶都飛孝順錢
漢室輪臺聞有詔西風萬壠已成田

上林梧柳卸青蔥寓目蕭條感慨中佛水未銷隆德火
杞天猶迅正陽風青衫鵲色饒修省白石霜姿久僦工
懶食大官無寸補蹉跎東省亦司農

夜月香爐篆影多牙籌握冷伴婆娑江南疏託蝗飛野
誰上謠傳鼠度河百畝已荒無棣履一官不及力田科
知遲暮心俱負俠盡仍存易水歌

一片風塵九轉術紛紛猶似有人扶新開盤說分門局
故事標傳比俊厨漢苑秋聲禽喚起薊門歸路草文無
徘徊去住憑誰策欲過黃公老酒壚

露白風高迴五城天家環擁玉爲京周盧歲久虛牌信
隸役人多冒廩名見說北邊煩客戍猶聞武部急團營
如雲鉛槧非蘭綺總付蕭騷一葉聲

重階阿閣似巉巖納牖惟憑有祕雨水炭未投因水火
鹽梅難劑亦酸鹹卽看墨勅傳誰阻無柰黃麻出復緘
玉燭似仍憂盛世區區資證楚和凡

處處紛紛奏膺勞纔聞雨露解弓刀送他米賊眞烏合
戒此山郎似鼠饕餮餉尙餘苗仲煇回空應避呂梁濤

崑崙詩鈔卷十

六

縱無奇策資桑孔樂府差堪續董逃

芙蓉老去繡吳鈎傲帚誰能惜蒯緱薪桂米珠今季子
歌儂舞苧北蘇州玉河綽約烟鬟洗金水翩躚簪羽流
莫以倚門方聽漏巨心豈逐市心謀

欽司理黃公于姑溪岸上

姑溪縈玉抱山城杯底泠泠夜有聲佳興來收春遠近
劇談坐見月陰晴迎風急管逡巡吹帶雨新潮漸瀝生
江上層雲揮不去氤氲殊似使君情

南郊寺中送別司理黃公

日日追隨忽袂分出郊蕭寺戀初暉來乘花月江城識
去似風幡法界聞別酒未能春醉客看山猶欲曉留君

僧雛獻茗求題記一句敲殘片月痕

雲二首

來從遠岫中散向平林上斜日正蕭疎微風愛輕颺
忽作紅翠生映山復涵水盈盈散何方但見層陰起
浪游數年奉使還里杜門養病以小什解嘲

何事閉關人非憎應門者鴈以不鳴烹已甘刀俎下

送項彥甫之大同時自高邑至易

君去千山繞白登詞鋒斫破鴈門冰束裝便得從軍賦
寒滿桑乾有健鷹

五公山

漢家王氣閒妖氛忍見哀平改巨君今日五公山下跡

七

殘碑不勒美新文

公宣子茂才夜顧都門外佛菴因宿月中

此夕青門感歲華交親味勝卻平瓜憑君莫道長安事
明月升沈趙李家

邢玉衡以來禽館家集見惠余時南行

美人贈比雙南金攜得文心感客心孤劍江東誰與共
風流標韻小來禽

周京四十首

京字寤西號野王沂州人萬歷癸丑進士官禮

部主事有資園草吳越游草金城集

按沂志稱野王宏才博學工書善詩求其遺文
僅得金城集考公序來小東園稿酬寄最多又

記其早年與江南諸名流讀書金山寺偶得一
冊殘敗不著名氏而詩極可誦以公集校之則
野王早年作耳既為鈔存因志其
由以付沂人周氏子孫尚收輯之

重過泉林

征車向晚急况值深秋時策策風葉鳴冉冉雲根垂清
流出淵壑湍激爭雄奇停車步嘖巖解帶濯漣漪悠然
外形骸頓覺忘饑疲勞生事行役久為造物欺真賞因
在矜豈負山靈期高鳥欣美蔭游鱗樂華池萬物各有
托吾生竟何為寥寥千古心獨契誰能知

猛虎行

吳山秋高木葉黃會稽饑虎來錢塘乘潮赴浪十里強
千夫失聲誰敢當始從山中搏麋鹿漸向人家取黃犢

八

駭跡聞聲處處驚呼耶覓子家家哭夜月山頭常見形
方瞳紫發光熒熒怒拔老松抉危石悲風滿谷搖寒星
南山有孤北山魅各假餘威爭引類一虎耽耽百虎馳
張吻磨牙血狼戾泰山婦人真可哀以農太守何時來
壯士馮凌車欲下將軍睥睨弓難開山徑蕭條白日靜
人烟漸稀藜藿盛雄行但喜逐膏脂失路寧知蹈機穽
我言雕虎無食人山中孤兔日踰踰上帝命爾長百獸
率獸食人上帝噫

過范太史宅看海棠飲芙蓉閣

太史藏書處尋芳偶一過溪流抱邨遠山氣入樓多卷
幔看花笑停杯聽鳥歌閒雲將醉酒相送出烟蘿

金山二首

天塹中流斷危欄不可凭
潮聲喧鐵甕山勢走金陵
風送回飄鼓星分照塔燈
更聞航葦至時有日南僧
孤嶼遶梅林陰陰碧殿深
僧知六朝事客繫五湖心
地勢分吳楚江流自古今
千秋多感愴不獨爲登臨

夜坐吞海亭納涼

夜靜天氣迴臺空無點埃
江風吹暑去海月送潮來
樹影千帆落烟光兩岸開
卻疑河漢外還有使槎迴

妙高臺坐月

突兀江中寺崔嵬山上臺
更無塵可到唯有月能來
浦樹參差遠寒潮寂寞迴
香消僧定後戍鼓隔江催

出廟詩鈔卷十八

九

客窗秋夜

江外火雲收蕭蕭柳葉秋
蛩吟石墻淨螢度竹林幽
金氣潛迎枕潮聲直上樓
西風太無賴吹送一天愁

病中懷高平仲諸子卻寄

入夏苦相憶不來空屢招
爾曹真懶慢吾黨竟蕭條
病骨清如竹愁心東似燕
蓬蒿雖滿徑豈遽絕漁樵

不雨

共有周餘歎重元渺未通
艱難頻望歲辛苦獨爲農
龍市迎河伯行香界土龍
聖朝無禱祀應不爲乾封

避暑玉泉偶逢羽士談蓬萊之勝飄然有塵外想

漫興

聞說蓬萊好東方雲海空
仙山飄渺外蜃市有無中
仙過浮邱伯相邀少室翁
蕭然攜白羽萬里御天風

枕流亭

宇宙皆成寄乾坤復此亭
烟光媚泉石風景出林坰
一壑亦堪老萬山相對青
未須論去住何處不浮萍

過錢受之瞿元初拂水山房

居然濠濮閒閉門足寄傲
客來人未知幽禽爲相報
書清江酒樓

落日昭江浦輕帆過酒家
醉鄉真可託鵲首是天涯

瑯琊弔古諸葛城

三分籌策已茫茫魚腹千秋戰
壘黃馬上欲尋龍臥處

出廟詩鈔卷十八

十

空城斜日下牛羊

瑯琊塚

禾黍蕭蕭晉代宮尚餘高塚臥
秋風新亭幾許神州淚
盡入荒烟一望中

漂母祠

自是當年烈士心一飯千金誰知鳥盡弓藏日
只爲王孫望報深

登西興浩然樓

西風吹冷鷗鷺集倚棹閒凭江上樓
忽見三山白似練
舟人指點是潮頭

聞朝鮮消息

樓船東下慰來蘇制險當機總廟謨海上雄關雲黯淡
師中龍盾血模糊貢琛還擬圖王會飛捷先傳獻倭俘
間道廉頗猶善飯可令彈劍老菰蘆

馮仲南遺我蟹菊兼投以詩答謝

水國霜寒郭索肥東籬秋色倍芳菲年華盡付拍浮了
採掇誰言服食非清味已煩分沆瀣新聲况復散珠璣
西風應笑張公子空憶鱸魚未得歸

送舊刺史買太宇還東陽時左遷益藩

琴鶴飄然下翠微尊鱸應識季鷹歸天涯杯酒貧交在
江上孤帆從吏稀畏壘有祠方俎豆周南無樹不芳菲
何堪更作長沙傳東去嚴灘是釣磯

秋日雜興五首

岩明詩鈔卷十八

七

野寺荒荒日欲曛水禽相呌自成羣山從蒙羽千峯轉
河至瑯琊幾派分秋入高樓兼暝色寒生絕壑黯歸雲
愁心一倍西風裏薄暮哀蛩不可聞
水淨鴈鷺立釣磯寒烟漠漠隱荆扉開殘黃菊知秋老
佳慣青山與世違海內弟兄行處隔天邊消息到來稀
閒情更覺親魚鳥斜日林皋自拂衣
此地今年幸有秋稍充饑粥慰窮愁看菜色回生氣
側望流民憶首邱懷背不堪逢市虎躬耕無力借官牛
催科况署陽城拙緩急誰當念反裘
胡馬初肥苜蓿秋已聞細柳成條候邊頭夜月連營白

塞上驚沙捲地愁橫海將軍援屬國安東司馬駐營州
虎符龍節無消息誰建和戎第一籌

柏梁災後建章宮天闕靈門倚太清鬼斧削來熬作柱
神工噓處屈爲城宜春未是開三殿避暑非緣作九成
聖主垂衣虛佇望何時前殿會朝盈

將東歸憶公敬與

猶憶班荆古道邊不堪離別歎流年聞君聲款吾應喜
見我頭顱爾亦憐中散步兵俱作達僧彌法護定誰賢
蕭條客路風塵遠何地相逢與贈鞭

過盧生黃梁夢

風塵道路渺前期泡影功名歎昨非不見華州狂道士

岩明詩鈔卷十八

七

海天無岸鶴孤飛

叢臺弔古

高秋連雉堞云是古叢臺宇宙一俯仰英雄俱草萊窺
秦心未死分趙意何哀惆悵精靈歎西風四面來

疑塚

銅雀荒臺野草平累累高塚尙從橫留將一片奸雄骨
博得千秋漢賊名幾帝幾王空有恨人疑人信亦何成
西陵夜散曾知否愁殺啼鵲帶血聲

鄴中

叢臺朝繫馬漳水夕停舟霸氣風烟盡河聲日夜流山
雲時欲雨關樹易爲秋獨有前朝月依依鄴下樓

遊蘇門山再宿百泉書院

太行分附庸衛源出神藩久矣勤夢遊偶然入題品共
城稻可炊百門水堪飲聊停萬里驂信宿此高枕

曉行磁澗道中

我愛周南道悠然會遠心野花香繞岸山果密成林陶
穴爲居巧盤崖渡澗深清朝塵不動爽氣入衣襟

宿華陰望嶽

風塵何處寄雙眸太華西來一望收雲氣入關皆作雨
河聲出峽迴如秋行看候騎遙迎節愁聽柝烏獨倚樓
明日定攜青玉杖三峯高頂覓仙遊

巨靈掌

出朝詩鈔卷十

主

太行中斷出河流壁立芙蓉萬仞秋若道神功無迹象
不應仙掌至今留

早發鳳翔至靈山鋪感興

夜雨滌煩暑曉風清路塵驅馬上高原衆山一何新野
水亂赴壑林光來媚人頓覺肩日開恍與懷抱親停車
問往事變滅難具陳周興固有徵鳴岐應何神道衰乃
終隱誰謂靈蹟湮恣阿想餘韻何代無君臣

過隴州贈丁翼明刺史

兼程殊委頓就陰解征袍密竹聊堪坐清澗且自陶湯
愁生暮角民力苦秋毫夜讀均田記知君撫字勞

宿定遠驛

玉門列障酒泉西萬里戎王走譯鞬虎穴慢誇能得子
閉關只用一丸泥

秦州界上小憩夕陽鋪

板屋臨溪四五家孤亭常送夕陽斜空山雨過無行迹
滿地西風蕎麥花

潼關道中感月

長夏西征秋始旋馬頭明月四回圓如何此夜光相照
猶在秦山渭水邊

劉鴻訓

八首

鴻訓字默承號青岳長山人萬歷癸丑進士改
庶吉士授編修累官太子太保禮部尚書文淵

出朝詩鈔卷十

十四

閣大學士有四素山房集明史本傳崇正初政
閣臣多忠賢餘黨不
敢有所別白鴻訓既至毅然主持次第逐斥爲
其黨所攻劾未久以關防事失上意遂因事論
戍南渡後
乃復官云

霜葉

霜苦能爲絳偏于山柿深到來原不染冷對碧雲心

青石嶺

木密桑麻野石疑虎豹羣種田耘島路舉火燭星文熒
地連邛笮遼人接海濱九夷通道處不雨亦氤氲

遼陽東趨

山頭雪白柳絲黃太子河邊道路長鐵騎凌風喧臘腊
朔戈帶雨洗光琅戍樓晝日傳鈴柝候吏荒城覓酒漿

爲愛千巖松色好不知開眼是他鄉

渡鴨綠江

此日登舟問海涯敢云星使到仙槎
滔滔江水分三渡落落堪輿自一家
文簞初平青雀舫春風欲老白楊花
請看館吏郊迎處厭岸旌旗盡彩霞

渡清川江

清川大定渺難分津吏喁喁若有聞
大白山中江水發不知何處問檀君

箕子井

玉螭寒泉深百尺手提素縷出雲液
瓦杯冷對古人心秋光一片千年碧

岩明詩鈔卷之六

五

酒巖

漢水葡萄李白饒東方何以酒爲巖
不知奇事銷沈盡洗盞江亭下夜帆

江頭晚歸

城上雲生埤堦齊歸心早已度遼西
晚光欲下浮青紫又向離宮駐馬蹄

宋鳴梧二首

鳴梧字泰斗沂州人萬歷己未進士
歷官副都御史

訪友人不遇

捫徑攀蘿訪隱扉院深雲鎖鳥聲稀
尋幽定在雲深處

獨有松花滿客衣

渡江

離鄉纔幾日觸物緒茫然萬里滄洲上
三山白髮前鵲寒驚夜月帆遠入江烟
解纜卽南服魂消北固邊

張允恭二首

允恭字謙吾掖縣人天啓壬戌進士官
延安知府

秋興

寒塞楓林一鴈飛故園臺樹想成非
那堪九日登臨處遙憶茱萸人未歸

居延有感

岩明詩鈔卷之六

六

去歲梅開已去家今年梅落尙天涯
淒涼不盡咸原草落莫無情塞苑花
客夢空隨流水去故鄉偏向遠山遮
離懷對酌鄧亭晚蕭瑟孤城噪暮鴉

臧爾令一首

爾令字玉巖諸城人天啓壬戌進士官
分巡冀南按察副使家傳釋褐授元氏令
日用所需皆瑞始方張離就冬官視兵
三晉禦寇有方而掣肘者多遂移疾歸
卒以身殉難按副使爲大司寇惟一子
大司馬爾勸弟父兄名德兼有著述
副使及弟爾壽子世德姪爾德存此一篇
而紀其略云

偕弟爾昌游廬山

草樹鬱蔥禾黍香佛宮乳燕語空梁
坐看日夕牛羊下

行傍溪流巾屣涼謀拙如鳩虛歲月骨寒似柏老風霜
無情漸與兵戈近眼底浮生付醉鄉

黃宗昌 大首

宗昌字長倩作字孫天啓壬戌進士官御史有

恒山游草於斯堂集宋謝靈運集黃侍御傳侍御

祠及爲御史以敢言忤周延儒卒爲所扼過楚

時決大獄起按師甚著勞績再守墨城難甫解

而卒明詩綜詩話三嚴告成論力行實長倩

上疏言庵寺弄權植黨之弊因舉霍維華等六

十餘人請行削除是

亦勇於觸邪者已

全堃臣憩寒汀館中見鍛羽鴈賦詩傷之四首

上苑散陽和鴈臣方鄉北有蘆胡不銜罹彼虞人弋戢

其雲漢心爭茲鵝鷺食自不冥冥飛暮侶徒心惻

感承君子盼屏息立墻陰衍衍慚達漸離離闕達音勢

孤矜不黨行遡若離羣碣石東歸路遙遙烟霧深

淒淒湘水濱繫帛穹廬裏與物亦何尤殘之媚蝶蟻心

苑楚客同羽短漢節比敢曰方古賢庶幾爲知己

雲中自可羨籬下亦無妨物化齊溟濤鱗潛等羽翔寧

須假六翮刷羽凌八荒所以蜩與鸞欣然槍榆枋

七夕有懷

危坐撫佳節蕭蕭但雨聲閨中兒女態天上別離情秋

入元蟬急年侵白髮生所嗟垂老意張角總無成

石上藤

兔絲附女蘿纏綿故不長孤藤引高樹樹倒藤還傷何

不作青松落落千仞岡

楚煙 二首

煙字非煙號方壺曹州人天啓乙丑進士官戶

部主事壬午殉難所著有紫芝堂集

寄友人

今日飛鳥客真成采藥行山民供赤葛野客獻黃精從

政兼求道緯真豈累名自茲方去穀官舍未嫌清

秋日雨後有賦呈成樞元

已覺涼飈爽兼茲疎雨頻剪剪恰補漏埽徑不生塵烟

飲青林豁風含碧竹新遙知孟處士孤賞對秋旻

王都一首

崇明詩鈔卷大

都字宅中號介清德州人天啓乙丑進士官太

常寺卿所著有象夏齋詩州志都爲學勤苦冬

之功初令元城後補滑縣元劇後於關難

之川是內權筆後除北科後爲詩好填時事

正夫詩搜太常登第後始學爲詩好填時事

以寄其感慨悲痛之意雖未能工亦可取也

讀史

公餘惟一卷拊卷憶千秋治亂皆人事興亡豈鬼謀神

孫憑令典哲后集嘉猷更有臣工美和衷莫效婦

山左明詩鈔卷第二十八

山左明詩鈔卷第二十九

公肅 五十八首

真字敬與號浮來文介公肅之弟萬歷丁酉舉
人官工部主事有小東園詩集

夏日

白雲冒青山相錯儼如繡空翠蒼靄開林烟落虛廊華
堂非我居茅屋豈嫌陋壺頭揭新醅相邀悉親舊開襟
恣所歡草坐無先後既非市井人但說桑麻茂一往情
既深五湖詎爲寇

安僖驛

前年計偕時匆匆驛樓下中有達官人叱我令避馬今

山朝詩鈔卷九

年落第歸鄧籤貴人假我亦驅役徒我亦驛中趨湯沐
有厨傳給事有僕夫須臾登車去見者避於途大笑憶
前事居然一故吾乃知萬物理榮辱豈足論役夫夢爲
帝溝斷破爲尊人有貴賤想貴賤何曾真

雨後

苦旱若調饑得雨似新沐一夕心魄清况乃經信宿四
野開樵歌千林散花馥曉起披衣行飛烟挂林麓語鳥
聲轉嬌明霞燦可掬秀色綠山來爽氣撲茅屋策杖臨
高臺憑欄眺幽谷爲農穫可期邀歡酒已漉命酌解衣
冠雜坐借樵牧不求長者車且免荒年穀蔬果供口實
桑麻代爵祿庭際鵲鳴喧池內魚蝦足閒來臥竹床浩

歌敲吾足

營小東園述志

彼天生蒸民有物則有志通士思與朝貪夫亦殉利下
至聲色場迷者從所嗜阮屨勞何如稻鋤暑當避樂之
不謂疲喜惡以其類原田盈一成崇垣儼三雉谷徑曲
以幽山容秀而媚芟除叢薄林依倚峯巒勢經營百金
資未竟家已匱常詒賢哲嗤詎免妻孥喟愚公安其愚
而不改初意耕鑿一壑中聊以畢吾寄

隱空樓

山朝詩鈔卷九

有空空豈存無空空何隱空在有無閒達人窺其朕爲
樓實邱園稍稍施欄楯上以囑雲霞下以臨溝壑婆娑
綠陰中自解絺衣衫顧茲大造期撓挑須臾盡我生志
無涯間道苦不敏偃蹇避畏途棲託寄虛牝但使知者
希豈顧見者哂哀哀衆生流所操胡不允得如毛遇風
失若包藏苟高則天飛龍下則泥蟠蚓當彼赫奕時或
謂自天墮一朝隨運終羅雀誰相閱豈如環堵閒作息
安其蠢吾言良不虛更思金谷引

途中漫興

柳色綠于北鄉心深注南氣候有早暮人情愜所詣自
從出都來見卽目與眈眈多隴雉時雖值畝有負指處處
耕喚犢家家桑採籃魚網晒茅屋犬聲出烟嵐雅志契
山水利涉良不貪從此遠塵市蠶鹽意亦甘回念金閨

友曉露盈朝簪

春日

十日九日風三點兩點雨閉門詠兒童揀茶倒筐筥朝
報懶不開朝衣典不取冷樹蹲老鷄空庭竄饑鼠南望
送歸鴻無由借雙羽

山中早發

羣峯依依若坐薰初日銜山接松蓋溪上流雲濕潤花
馬頭空翠橫衣帶幾片殘霞綠樹邊一聲啼鳥村烟外
飲秦質之集虛館同友人賦

我因結屋山中住掉頭早逐烟霞去君亦爲廬對遠峯

疎簾半挂南山樹樹頭烟色何蒼茫秋蟬處處鳴斜陽

山明詩鈔卷五

王

白雲層裏披青簡黃鳥聲中坐綠楊自信平生喜枯槁
富貴浮雲跡如埽二子年來知我心相逢對酒開懷抱
飲君美酒盡君歡興來大叫呼屢乾但教釀似葡萄味
不問家無首荷盤吁嗟世事良不久早起提攜晚分手
財虜空爲馬鬣看遊人半逐羊腸走多少朱門盡日關
等閒白髮蒙人首君不憶前年獻賦窺明光軒眉吐氣
何揚揚一從損棄不復錄出則無車入無粟俗子皆嫌
公仲貧奉頭曳尾人轉嘆有屋但從風雨破有田皆作
魚鰕鄰二子和光如玩世余也躬耕學負薪暫時同醉
蒙山月月白東方愁殺人

夏日小東園漫賦

小園陰森日光薄古木扶疎似坐幄樽有香醪園有花

披衣散髮看寥廓今古都從耳熱消喧涼不作心頭惡

一自攜家入小東不聽野馬開籠鶴枕簟流雲鶴夢長

衣裳挂樹龍鱗錯松葉侵簷礙籜冠沙鷗戀渚窺捕博

才盡從他時輩嘲囊空但教妻孥譴十尺山樓解鬱蒸

幾聲鳥語除蕭索出向鄰翁話雨晴開來書卷當酬酢

每爲留雲築短牆肯因避世嫌坐索炊黍蒸梨計已安

世上浮名輕似籜一肩斗笠老霞烟縱有三旌吾不博

寧夏平

軍糧刻中丞礫軍令驕使者臬御史臺前建旗鼓殺人

轉關紅塵器隔河呼虜虜騎合千門萬戶如漂搖城裏

山明詩鈔卷五

四

雜夷况未徙時時側耳風颿起前驅轉爲遊魂死牙城

出戰驅龍子賀蘭山外陣雲黃軍中奏伎樂未央胡姬

度曲酒如乳漢舞當筵月似霜明珠果是能傾國長夜

應憐不續亾天子愀然正西顧將軍從天赫斯怒手決

長河浪捲山身披犀甲軍飛渡將令俄傳不受降檻車

急挽燕山路哀哀野哭徹蒼穹居者樵蘇行者兇川關

祇知招負固伐謀豈忍侈和戎今日區區正爾法爭言

不早下關東爭言不早下關東使我將士輕易能成功

戰釜山

東風吹潮白波立樓船盡壓魚龍蟄烽火高連若木昏

羽書飛報餘皇集十萬官軍截海行天邊洲島遙堪拾

大將軍論衛霍才飛翥盡向銀黃入萬隊旌旗盪日明
三韓聲鼓連天急漢主親推闢外權將軍號令神靈戰
一戰都潛龍女宮再呼真令蛟人泣狄穴親看灰燼揚
馬蹄亂踏頭顱濕誰遣波臣鼓鬣狂坐教酋長元戎執
屬國壺漿動地迎轅門氣色光晶瑩節下威儀憐父老
軍前牛酒動公卿從此箕封仍卜世何愁并服更稱兵
漫言翡翠通消息遂使麒麟畫姓名壯猷元老成先發
聖世深憂戒外寧但得策如班定遠不須功似趙營平

播被執

御史勘播州軍前多倖因將軍下漢水江上多新鬼一
姓相傳八百年往來不敢窺西川竹枝常隨天馬至玉

崑明詩鈔卷五

五

環顧向舌人傳一時荒服稱樂土千里提封久安堵但
使羈縻備牧圉不須撻伐勞鐘鼓我皇神武振雄才建
章未起柏梁災伐木千艘盡西去誅求窮谷聲哀况
是邊臣肆貪黷火未及然手先撲豈有螳螂敢怒車竟
似飛蛾爭赴燭吁嗟功成何太奇獻俘誰得分華夷君
王御樓但命賞通侯金印看紫纈中原采山詔頒下閭
闔處處愁開架小喜須當知大憂艾陵兵勝吳爭霸嘗
聞假易天難憑又聞好戰爲亡徵諸君但競平羌績我
獨深憂杞國崩

巫山高

巫山峯高高幾許十一層巒列秋渚翠黛如粧眉綠波

峯雲一半沈江雨江雨連天暗楚楓楚天搖落啼猿中
相思翻愁夢不到高臺月落寒山空

城上

蒙山山外山如簇瑟瑟秋聲滿山麓洞門晝敞白雲飛
點點歸鴻集人目野情浪蕩嫵朝參日對晴峯弄曉嵐
黃菊滿籬酒初熟好尋霜樹共紅酣

同李漱玉方伯房潭拓參知家兄泛舟海淀

蓮花十丈湖千頃火齊吐燄森毛穎珍珠滾拍玳瑁盤
月娥倒射馬夷影鄂君繡被翻幾層剪霞曳練坐天綆
吳兒艷歌解殺人以手拍肩撫其傾搥鼓催令合不行
手按荷枝待君請隴西豪士清河奇祖嚼大咽醉復醒

崑明詩鈔卷五

六

日光漸老花神愁岸上與夫目相儼長指烟波歸去來
城裏看山似窺井

辛卯紀事二首

廟議安邦略猶聞馬市先豈能容再誤何必待來年狼
子戎心狡狐疑漢策偏帝關真虎豹無路說憂天
天子坐齋宮君門真九重漢臣惟植黨虞相不和東西
微倡龍種南荒至犬戎紛紛庭議者誰肯又王躬

閒廬

依依殘漏永客睡不勝難偶爾寒鴻過滿庭霜月寒淅
名歸蝶夢生計老魚竿已作名山長何須慍簪冠

山居

空翠何能摘看山處處秋雲藏黃葉寺霜冷白蘋洲歲
月驚殘鬢漁樵戀敝裘莫嫌吾用拙得趣在林邱

友人莊上

才子名仍朽熱官真可憐一瓢惟掛樹三寸不談天詩
格無中盛詞壇有後先誅茅成市隱鄰問買山錢

都門除日抱病

生意蕭條甚天涯強自歡歲從殘漏盡春是異鄉看賦
草三篇就家書一字難此時心更苦夜夜夢漁竿

小東園同王季禎夜話

天河流丙夜客興話逾濃雲掩新弦月鷄號欲曙鐘爾
歸方稅駕吾倦喜明農莫問浮沈事西風入澗松

崑明詩鈔卷九

七

遊黃石寺

竹房僧語合歸興暮還留一徑菊花雨千林楓葉秋白
雲清磬外紅閣遶峯頭吾意憍禪寂何時梵行修

同年傅鼎卿游金陵歸訪予山中予以病方掩關

于其去也作詩送之

爾負探奇癖江湖任遠遊風塵銷短髮烟雨弄扁舟柳
葉吳姬店霜華楚服秋向來頻謝客鷄黍愧君留

送李夢雲茂才還豫章

何處亂砧聲天涯動旅情客程先鴈到鄉思對潮生雨
落吳楓暗江長楚岫平壯遊今已倦休嘆豫章行

會周野王

聞說佞山寺瑯琊第幾村漁樵知姓字花鳥歷寒溫酒
態可如昔交情誰尙存瓦盆新釀熟遲爾叩柴門

冬日莊居卽事

輓輅集河濱村春滿四鄰水留遵渚鴈塵擁曳柴入市
賈分吳楚城基憶漢秦無邊今古意寂寞向誰陳

郭百原學博落第後過訪小東

傲骨吾難改寒鵲爾狀無熱官思爛熟小事任糊塗酒
似離情惡雲同客悶孤東方相識好一爲說潛夫

阻雨

風雨亂江鳴江雲晚更生樓窺商女勝歌送畫船聲時
序催端午鄉心滯石城所求風力穩仍欲賦南征

崑明詩鈔卷九

八

秋日田居二首

十畝爲園萬樹重前山秀出數芙蓉村邊茅屋連紅葉
樓外寒泉挂碧松欲向赤城尋採藥豈知長樂好聞鐘

林間似鶴休相妬占得溪南幾尺峯

策策秋聲帶雨聲沈寥天氣晚初晴久忘西笑因懷土
爲讀南華不用名霜圃細聽黃葉下寒山高與白雲平
懷人苦近重陽候一夜茱萸爛漫生

辛丑余上郡門江繼升作詩見懷病未能答癸卯

秋日憶繼升當寓濟南賦此報之

雙崗峯頭早結廬白雲秋滿綠蘿居門從過客題凡鳥
老向陳編作蠹魚三徑槐陰清晝寂一窗松月晚涼虛

幽居自信閒情減只是思君少寄書

寄李季重進士

五噫歌成出漢關喜從今日謝塵寰情隨驛路牽愁去
春放楊花伴客還交態與君期皓首故人獨我戀青山
心知有約應相待爲訪千巖萬壑間

東庄晚歸

蒼蔚南山晚霽稠幾聲哀鴈過汀洲星河遠隔疎林動
砧杵寒生明月流十畝秫田堪縱飲平生蓬鬢怯逢秋
浮名莫遣爲形役未出巖居已倦遊

大雪山行

雲厭千峯晝欲昏斜陽隱隱沒孤村幾行鳥跡尋山徑

嵩明詩鈔卷五

九

一片鐘聲近寺門凍合晚天吹角斷響迷殘溜帶水渾
煙霞作伴吾坐老嬾看平原獵騎奔

送周野王讀書金山寺

萬縷垂楊拂畫橋春風何處聽吹簫江從北固分三楚
人到西陵憶六朝竹箭發時逢社鴈蘭舟歸去看江潮
與君共有千秋約莫待淮南桂樹招

三月三日

三月三日風雨顛李花白白桃花然有酒但謀阮籍醉
閉門獨草楊雄元故人得意盡躍馬狂客倦遊時息肩
兒幸知書身少病貧賤不致天公賤

種花

朱欄曲曲暗凝香飛盡殘英蝶正狂伴客巧隨明月影
開樽絕勝美人粧幾回風信驚春雨一片閒情對夕陽
笑殺老夫禪意淺時時幽恨擾廻腸

寄江繼升

絕交久矣爲逃虛念爾仍題尺一書才子聲名悲二鳥
故人消息斷雙魚拾來隴上雲堪贈悟到圓時月不如
莫道老夫禪觀定相思猶在十年餘

送于長文中舍奉使東歸

仙郎暫輟紫宸班歸弄扁舟一水閒樂事未忘尋綠野
主恩原爲借青山朝常國典詢中壘酒政茶經付小蠻
君去東蒙三百里有誰相與共躋攀

嵩明詩鈔卷五

十

直中書有感

曉排闥闥近星辰暮惹爐煙下紫宸玉璽不開時有詔
金甌常覆爲何人當階紅葉空搖影隔舍青山好作鄰
黃閣畫封鴛侶散花磚生草案生塵

送翁完虛奉常使德藩兼懷舊遊

七十峯頭七十泉夜來飛夢落齊川偶聞上客驅車去
欲伴名山借榻眠周禮至今猶在魯酒徒好憶再遊燕
國人耳目皆相屬莫爲時清嬾著鞭

長安雜詩

北關風沙黯自深紫宸秋草望森森梨園伎散伊州曲
嶺海歌成木客吟一老坐憂天柱折九重虛望翠華臨

年來事事成鉤黨不解書生誤國心

成元嶽捧冊韓藩

駢駢駢馬耀從征關內諸侯倒屣迎天語一函分北地
美人三賦偈西京心花華嶽蓮初放鄉夢皇蘭月共明
肉食難謀邊信急好從龍種問長纓

訪友人山中二首

雨過桔槔懸人來屬玉起日夕山氣浮蒼烟泛空水
犬護枳棘籬樹遶烟波宅主人愛南山開窗多秋色

邊曲

長安萬戶急秋砧散入榆關夜夜心水是相思書不到
河名無定夢難尋

崖明詩鈔卷五

都城元宵曲二首

蹀躞駢驅氣正驕笙鞭嘶過玉河橋不知明月誰家怨
腸斷樓中弄玉簫

內園湯火漫相勻種得紅梅放早春莫向樽前吹玉笛

朝來愁殺賞花人

寄孝與家兄二首
秋雨連朝濕稻花山中多病爲烟霞思君近在神仙府

夜夜青藜隔絳紗
問寢年來隔鳳樓滿朝無策可安劉君今已作東山起
學得留侯勝鄴侯

從雉岡下望小東深處

流雲濕徧古藤花幾尺茅亭覆曉霞不是鷄鳴桑樹杪
鄰知山外有人家

丁未夏日小東園避暑

重重樹色隱柴扉門近青山翠漸微昨夜雨聲清枕簟
曉來苔色上人衣

漕河曲四首

沙棠舟楫柅木梳水手攔頭少婦炊麻得江湖長兒女
鏡中容鬢未曾衰

南人駕舟北地來風不順時舟不開昨夜徐州新打壩
猶聞買客棹歌迴

清明二月過淮揚今來夏鎮已端陽待得皇紉三運畢

崖明詩鈔卷五

儂家又見麥梢黃

幾船簫鼓幾船風上閘才過下閘封若說漕規原有例
須教天子作司空

周如錦七首

如錦字叔文如綸弟歲貢生官鹽運通判有紫

霞閣詩集司成和叔文人日詩序弟戊子丁酉
兩利兩擬解頭皆坐內外爭論而罷
故其詩有與客論年驚老大達人爲日愧沈淪
及年來并廢屠羊肆事往空傳畫虎名之句

送趙邑博掌教登州

齊城七十二地角是登州雲白蓬萊近水還滄海流文
章開歷市戈甲壓船樓在泮功能獻爲君賦壯遊

春日趙廷平鴻臚姚守戎黃太學集紫微閣

小閣何來對紫微雲霄物色十年違貝元朝士飄零甚
大歷詩人伯仲稀豈逐鷗行齊筵羽須知鷗鳥本忘機
樽前俱負江湖興說是將軍掛客非

范正甫書至值余他往歸賦答之

踏雪歸來喜且驚故人書問及新正如余非快齊三北
與汝不行魯兩生馬上年光真過隙盃中詩社久寒盟
如何偏性嫌城市門巷都無剝啄聲

戊戌人日紀懷二首

柳舒梅放又青春祇益愁懷逐候新與客論年驚老大
逢人爲日愧沈淪七飯蟾窟環飛夢兩上龍門轉下身
敢信孫弘餘四十猶從牧豕起平津

山明詩鈔卷五

三

郭裏絃歌郭外耕沽尤回首隴雲橫年來并廢屠羊肆
事往空貽畫虎名隔屋好山都在眼撩人春草已含情
未知婚嫁何時畢久擬餘年學向平

張從龍初授比部

嬾向蓬山結道場白雲司裏著文章鳳毛麟趾張公子
昆腳皆頭漢省郎嘉石平來春獻象明光草罷夜含香
莫嫌秋小官曹冷元美于鱗曾寄狂

客歲馮見之自都門以簡至尚未及報茲秋迫暮

又自楚遣力惠以勞山篇勒矣念我如數答之
燕臺曾附駿相通此月何繇覓便鴻菊有黃花書又至
歌仍白雪和難工近來標戶多同異我輩爲人豈下中

三獻既傷三北辱爲余一弔鹿門公

張錦一首

錦號梧川新城選貢生官自在州知州

重陽登鐵山

佳節逢重九同遊有故知登高能共賦落帽也相宜霜
鬢清秋色黃花白鴈時尊前休惜醉山翠晚尤奇

王懋中一首

懋中字元修卽墨貢生官解州同知所著有一

映草

同周叔文宿大觀樓

蒲桃重甃玉壺殷勝裏花開照醉顏樓迴半街滄海日

山明詩鈔卷五

兩

臆虛全納大勞山平蕪雪盡人家出巨麓春晴鳥雀閒
午夜怪來頻夢覺石溪到枕弄潺湲

張中發三首

中發字智鶴號仰松敬子邑諸生有回首窩稿

淄川志隱逸傳君少從泰山李少屈講學深爲
所重弟少保公既貴因棄制科從隱居尤工臨
池善擊築大書
見者詫爲奇觀

暮春重遊上泉菴

回憶重來十二秋故人已去水空流苔文磨滅猶堪誦
古屋蕭條漫入眸風送禪堂清磬遠霧穿石磴馬蹄幽
歸來莫問前人事徒感滄桑共白頭

九月菊花初放

村塢林深月照遲移燈滿引向東籬野夫不減淵明興

青負新開第一枝

閒庭小憩

地僻人踪杳庭閒鳥語稀往來誰與共時有白雲飛

袁勿一首

勿字汝箴號少山德州人以祖都御史積蔭官

平山知縣程正夫先賢詩傳大令居官廉潔苦

逸民甚便之及移平山值鄉人以侍御奉使導

之出境座積衣上振之欵篋有聲嘆曰人奈何

折腰向鄉里小兒謂明非欺我也即日解印綬

歸詩有唐音惜無掌記別墅壁上得五律一首

誦而傳之前輩中如須別墅壁上得五律一首

文學權皆有詩名須有石林集在一老明經家

屢索不出怒而薪之幸廉英妙有才氣明經家

不可得文學集在謝氏相國沒後亦難問矣歷

山南詩鈔卷五

五

沒若此令
人嘖嘆

題別墅壁上

花香三徑曲樹色一園平紅杏尋村酒清簫憶市錫爐

烟繞楊暈池影漾簾晴靜坐對羣物心隨春氣生

張翥一首

燕臨淄人

游趙子昂沐研溪

溪水綠生鱗溪山雨後新草藏眠渚鳥花隱澆花人意

適忘舟遠情歡藉酒頻碧雲暮將合回首隔風塵

楊謹一首

謹歷城人

夏日溪堂

村居無廣厦松竹自成陰長日林中臥風枝落葉襟時

憐野漁唱復愛晚蟬吟孤酌還乘興臨流理素琴

沈夢麒一首

夢麒字頑伯萊陽人萬歷庚子舉人所著有因

樹廬稿

濁河篇

敵裘春雪濁河隈纔向長楊獻賦回自是文園宜病客

豈憂聖主不憐才平沙漠漠迴雲影野草叢叢翳雉媒

人世苦言朝市好故鄉巖洞爲誰開

郭爾池一首

山南詩鈔卷五

五

爾池字深甫康介公宗臯孫萬歷庚子舉人官

福建鹽運同知

登高峯寺

雲外尋山寺春深滿路花攝衣攀薜荔放杖指袈裟眺

遠鄉心動參禪彼岸返竹房開欲徧徧遇白牛車

高毓秀一首

毓秀字若冲號雪竹海豐人萬歷癸卯舉人官

沈邱知縣詩見所著東齋日錄

東中養

陶令嬾折腰不爲五斗易兢兢二十年安忍一朝棄試

看東家翁連騎而結駟吾道苟不存腐鼠亦何異三句

而九食安此尋常事勉矣力明德秋風早已至

追懷楊夢山師

昔歲花開時有孟常命把每憶風雨夕侍坐嶺園下依
依二十年追隨不肯捨示我作詩法性情須勿假白云
陽春曲嘆恨知音寡送葬白雲鄉悠悠入中野忽聞山
陽笛歸淚空自寫手錄謠語詩此是住世者

朔風篇

朔風萬里來吹折長亭樹四顧無人行天寒日亦暮哀
哀旅鴈鳴儔侶莫與顧况復臨野水蒼茫不可渡此時
羈遊子何以見情懷

高有恒 三首

崔萌詩鈔卷五

七

有恒字維貞濟陽選貢生有草元居詩

樓居雜興

孤城睥睨晚開斜日掩柴關習靜原成癖翻書不碍閒有
人憐白雪我亦志高山爲憶南樓興風流未可攀

重陽後邢信卿過訪

依然黃菊滿東籬猶是陶家載酒期攜手逢君須盡醉
離羣明日各淒其

九月八日送馮青方還北海

腸斷雲山去路賒蕭蕭孤騎夕陽斜明朝猶是他鄉客
君與何人醉菊花

劉世偉 三首

世偉字從周陽信貢生官寧波通判

過山陰

棲棲竟何事駕言還故園朝發四明道暮宿山陰村島
夷日倡獮郡邑多驚奔長路四千里悵望銷客魂始知
宦途惡不及隱者尊鳴夷弄小艇散髮輕王孫悠悠幾
千載清風今尙存

春日遊孫公子溥春園

謝郡移空谷尋幽出近郊名園喧百舌小閣覆重茅客
已花閒醉風猶竹外敲無勞促山簡隨處駐行庖

村居漫興

頻年長臥病出郭一開顏芳徑新栽菊蓬門遠對山坐

崔萌詩鈔卷五

六

來忘地僻老去覺心閒尙想遼東鶴飛騰不可攀

石光 五首

光字蘊輝漢州歲貢生

幽居

拂忘了難化讀書且健忘好忘非所願不化自堪傷墮
飯豈無見焚舟會有方終然屬寒馬失得總茫茫

雜興

樹底結茅屋自是悠然境避暑坐其下朱明散晴影熟
聽元蟬鳴時挹清風吟久之逸興饒殊令發深宵珍此
金玉音遐心自耿耿

田舍觀穫二首

市廛苦繁抱行邁城西隄野村多烟樹窮巷寡輪蹄種
秫欣就熟爲農未云穡鉅以艾其苗約以飲其積任負
歸未竟殘暉落已低歷歷見穀秀有秋良可期

避世無須遠地偏人自幽賓識無一至寂如寡所僑隣
人送酒來興至輒傾甌醒醉不復計得失誰爲仇郊原
多芻牧日夕下羊牛自分多野意甘心守一邱

慎翁王使君爲兄乞養賦此留之

十年臺館指清輝出守頴城心事遠枳棘叢中時歛翮
脊令原上忽沾衣孤雲迢遞家山遠末路開關定省稀
遙憶池塘春草色不堪落月夢柴扉

藍柱孫三首

山南詩鈔卷五

五

柱孫字少泉田子選貢生有少泉遺詩

題金主出獵圖

陰山寒飈捲晴雪白草蕭蕭凍欲折完顏校獵曉合圍
萬騎蹴冰如蹴鐵狐裘狐帽紫絨絛上凌大磧下深濠
駿馬咆哮聲震地毛羣無計可潛逃駕鵝戛戛來何許
一片晴雲蔽天宇海青直上驚且雄頃刻平蕪洒紅雨
紛飛鷗鷺與鷺鷥雨血風毛墮獵場大會獻獲君王笑
割鮮野食駝蹄香金輪半墮西山缺鏡管嘲諷向區脫
解鞍繫馬未肯眠笑擊黃獐飲其血白旂忽動幹難河
猛士更比金源多紫潭已竭蔡州破校免難肥柰爾何
卽景

江上潮平春日斜潮痕淺落白鷗沙船頭坐到忘機處
燕子飛來銜落花

題畫

春風吹上釣魚船不識漁翁何處眠嫩柳新蒲爲誰好
青山如畫自年年

藍史孫五首

史孫號守泉柱孫弟太學生有守泉遺詩

登山

百轉青山路風花處處飛石門留宿霧野澗帶晨暉酒
落詩人興飄揚遊子衣前村雲樹合擬向武陵歸

歲晚

山南詩鈔卷五

五

歲晚獨躊躇吾生半寄虛不才同野叟多事任官胥夜
雨十年夢春風幾葉書從來推鮑子舊約復何如

中秋夜

蕭蕭黃葉滿林秋月下裁詩勸酒甌永夜誰家聞搗藥
中宵有客笑登樓西風寒露凌衰草玉樹銀蟾照白頭
可嘆珠遺滄海上綸巾終日對沙鷗

北泉雜咏

陸起忽驚秋冥鴻天際去孤舟湖海中此君可共語

題畫

茅屋朝來徹骨寒吳山越水雪漫漫橋東應有梅花發
誰棹孤舟取次看

魯辛一首

辛字雲松濟陽歲貢生官教授

暮春

韶華一夜減春妝
冷落紅梅瘦海棠
喜得東風還有意
隔牆吹過紫薇香

山左明詩鈔卷第二十九

山左明詩鈔卷无

主

山左明詩鈔卷第三十

李衡十七首

衡字虎門開先孫萬歷戊午舉人有虎門遺詩

縣志虎門高才遠韻磊落不羣工詩善書與張元明倡和來往山水之間存墨跡百餘篇林事志邑人王憲由行伍至戎帥會率兵經邑中擾掠不堪誣奏李孝廉其平雖白李竟鬱鬱死死時語人云我必訴之天帝未幾憲在行間白日震死

與張元明讀書鷄山園次韻

伴我荒山住多君獨好奇
窗容大壑入樹引老藤垂
澗底閒行處松根兀坐時
手中何所有一卷孟公詩

和元明遊鷄山韻

散步岷巖裏天風吹葛巾
巢居吾自足野飯子能馴
俗

山左明詩鈔卷三十

朴惟農務山深多牧人
鷄臺風物好相許作芳隣

和元明過杜子暖山居韻

柿栗鬱無數孤村依澗隈
自探泉曲折未怯路紆迴
身爲青山住年從白髮催
更宜舒嘯處人望有層臺

鷄山園新晴野望同元明

只爲看山便尋常戶不扃
况當秋雨足再見晚禾醒
遠日樓臺影奇雲鳥獸形
村邊數行樹一色共青青

前韻再呈元明

面面皆幽壑蕭然闢一局
日長詩自和風快酒還醒
落照有餘景殘雲無定形
同懷念之子相對眼偏青

題鷄山野人居

空山無四隣山下自成村井水通河水蔬園對果園牛羊行處跡桑柘影邊門鎮日閒無事生涯滿酒尊

送元明入都

慷慨遊燕市西山問翠微梅花還老態春鴈故低飛驛路千行樹孤裝二月衣鷄村風雨夜誰共掩松扉

別元明後次日入山再有寄

春雪逐風飛春山客獨歸河融水漸坼土潤薺初肥野水荊卿劍荒祠董子帷知君經過處弔古一歎歎

劉隆昆見枉西村次元明韻

幽居少人事寥寥一客過濃雲黯黯樹急雨響池荷暑氣餘三伏憂心續九歌夜來藤簾上已自覺秋多

崑山詩鈔卷三十

鷄山北莊同元明

黃葉村村遍秋容共客分亂山初過雨衆壑尚生雲竹梢開幽徑牛羊下暮羣小園烟暝處鐘磬隔林聞

夏日過劉竹潭淺清莊

暮雨洗山青看山繞寺行泥痕印屐齒荷氣入風聲夾岸蒹葭熟浴溪徑路成高歌聊寄興還恐白鷗驚

劉羽可張元明過訪柳泉

石壁蒼苔半侵石根泉水瀉清音偶然領得一邱趣消盡從來萬里心雨後山容看欲瘦霜前秋色未全深

阿誰棋酒同陶賞空谷荒村肯見尋

春日寄忠門過訪山莊

與客花林坐夕暉春殘花事未全非野棠隔澗傳鶯語小菜成叢引蝶飛取醉何妨村酒薄嘗新刺喜子魚肥一邱一壑誰營得落魄鷄山老布衣

上元和劉竹潭韻

歌吹驚飛古堞鵑月明燈焰助光華良宵盡是閒行客高會多歸好事家自愛千門羅炬火不愁兩屐踏泥沙相攜一醉西園裏擊鉢高吟竹影斜

同諸友小酌梅花下

小園二月春分初獨樹梅花玉不如素蕾半因晴日坼幽香亦借晚風舒橫當窗牖枝全拘斜映松筠影共疎留客燈前候殘月便傾綠酒炙青魚

崑山詩鈔卷三十

同金丈六侯夷門劉羽可飲元明西村偶以事先

歸卽景有作

山頂微微見雨痕半山隱隱走雲根秋虹去地無數尺落日穿林凡幾村醉共眠時松下榻笑相別處竹開門閒園四壁青燈影還照疎花落酒尊

送別寄忠門

風吹涼雨晚霏霏杯酒離亭意轉遑路接津門舟北去天橫榆塞鴈南飛霜前早菊饒顏色河上秋山冷翠微應念鷄臺有通客閒身長伴薜蘿衣

王檀八首

檀字芝房寧海人萬歷戊午舉人有禪隱齋詩

草子舊有禪隱一編意頗喜之聞其十年靜居
深入禪窟往往有見道語無蔬笋氣以問其
知人無知之者

柳陌曲

垂楊挽我手青絲冒我面珠箔車青煙光紫煙隔聲聞
不相見澹蕩於人寡所歡遊冶於我終無絲情生情死
沾泥絮得意失意隨風煙天上牽牛星照此合歡草溪
邊雙鴛鴦驚起獨宿烏蘭心蕙質長相思免葵燕麥空
嫋嫋長相思不禁兩岸潭水淺一腔愁緒深世人眼
底俱如土美人天際縈我心

上元

燈光數萬點羅列動星垣何處爲分野乘雲上界看雲

岩前詩鈔卷三

四

漢萬丈紫碧海飛水丸煌煌八穀星照此三農歡因之

好月夜吹笙伊洛間

春日海畔偶成

十里雲林逐莽蒼逍遙海上看滄浪濤頭忽吹千層水
來浣春風九十場

偶感

頗識盈虛理斯心信塞翁世咸依電火人自入牢籠覽
彼蜉蝣幻培吾龍德崇卽今名跡內不異古梁鴻

西齋小雨

長夏避人意散散胡牀孤坐耽老嬾花垂礎潤碧洲寒
細霧濃煙小院滿忽墮綠陰搖蕩風樹梢厭雨來西館

山中

倚杖憑游屐南山又北山閒尋松子摘並插野花還秋
草森寒徑青苔屈曲灣攜童更歸去白苧不勝寒

山中言

不是愛空山令人意莽蕩寂寞與繁華至人無二况塵
鹿爲眷屬意動亦勞鞅開曠與逍遙始名曰天放浮漚
自不驚無懷莫能尙因之一切塵何異空山上

用吳念雪韻贈之

矯首誰歌五噫歌伯通廡下問如何已看裘葛蕭條易
更愛山川指點過贈我牛眠乘王氣知君鴻隱少塵魔
飄然西去如相憶白鶴半神兩髯幡

岩前詩鈔卷三

五

梁士奇十五首

士奇平陰諸生有樂府雜詩

湘江夢

萬里湘江遠南行水國遙夢魂能利涉不見有風潮
女遺珠珮湘娥弄玉簫覺來身是夢寒雨滴芭蕉

楊白花

漫漫攬天飛盈盈點客衣隨風空解去著雨竟忘歸
拂紫羅袖忍教玉手揮撩亂斜陽裏知君情思微

秋思曲

玉階春又去寶帳隱秋光不捲琉璃簾誰開蘇合香
燈心自赤虬漏淚空長獨留琥珀枕悽悽上玉牀

山居雜興

幽居原不爲逃名自是生來處士星失計未乘東海筏
避人且勒北山銘踏雪獨寒金光草拂石開披貝葉經
洞口三花今秀否卻從猿鶴語丁寧

山行二首

秋花錦石誰復數樵客山翁一路迎青壁白雲如有意
人來故遣幾枝生

蒼厓老樹長千尺挂著山精薜荔衣紅葉黃花惜日晚
溪風山雨送人歸

碧霞宮

綺構凌碧霞岩標靈宇鸞鶴下瑤軒五雲翼庭廡姍

崑明詩鈔卷三

六

娜飄玉節紛紜散花雨杳靄識元君驂狸駕金虎冉冉
行天衣瑯琊振法鼓烟駕儼欲來迴風颯飛雨瓊筵經
寶瑟瑤席湛清醑時見奠醑人進拜紛紛僂僂牲璧十方
會供養祈神祐靈也本無心恥今爾何苦國家神教意
薄俗存鼓舞我來觀元化披雲登紫府落日弔山鬼似
有精靈語擬誰爲九章空歌憶芳杜

用韻寄于无妄二首

昨來有客遺雙鯉長跪閒緘憶舊歡顧我未投青玉案
多君先報翠瑯玕雪牕飲散經時別春日離居閱歲寒
爲報虞卿詩賦好憑誰摘贈圖中蘭
萋萋烟草弄春柔爲憶王孫獨百憂恨不折梅傳隴上

遙知拾翠向芳洲當時枉下陳徐榻此日難登李郭舟
西望春城徒極目碧雲江樹兩悠悠

龍山篇送邵廣文之龍山教授

雪園平野四山低久客將行問路蹊薄宦量移江海上
故人多在嶽雲西文章舊價空遺魯韶獲新聲近入齊
官舍說連隣海嶠講餘應有謝公題

吳溪沈月

一夜吳溪月寒光滿落潮犀燃牛渚闌珠弄漢江遙烏
雀飛難定魚龍喜自驕山陰有逸棹竟夕起長謠

送任主簿之定海

一官之海上百里佐絃歌客路星河渺人烟島嶼羅荆

崑明詩鈔卷三

七

榛棲鶯鶯水國傍龍鼉賴是任公子釣鼉興自多

宿虎窟山

避喧依淨土巖中晚不還暝烟生近郭落日滿寒山高
臥雲千尺相留月一彎焚香達五夜坐對野僧閒

遊劉氏山池和韓昌黎山石韻

山石磊砢足力微艱難仰羨山禽飛詰曲十里度深翠
森森萬木秋陰肥嗟我愛蓮來苦晚綠房的紅葉稀
清池一畝魚百石濠梁久佇念渴饑同來好事能攜榼
相將拄杖敲禪扉絕溪西下見村塢水滌藤遶烟雲霏
買田便欲此中老榮戟不願朱門圍山光水色來相媚
一朝頓解塵埃衣臨流把酒情自醉快如疲馬脫銜羈

此中覽勝纔萬一無奈落日催人歸

雪

昨日微陽欲放紅朝來輕霰更連空想渠白墮情無盡
知我清吟興未終自撥寒灰炙凍硯時揮流水送飛鴻
小窗寂寂裁冰雪錦帳烹羔未覺雄

鄧邦 三首

邦字子正東昌衛歲貢生有珣朗草家傳上世
人父官指揮遂爲郡諸生有文名學使憲公汝
上嘗戲謂曰子不登科第矣文行絕人軒冕中
也後竟驗

早春有懷

大地東風生旭日自怡悅梅花一枝春黃鳥喧紅雪佳

出南詩鈔卷十

八

人殊未來芳菲空茲節折之欲遺誰佇望肝腸結

濟南寄劉子

數見嗤不鮮素昧暄非實岐路莫以年採真而抱一譽
我無一二毀者風雨疾譽毀何足云初心不可失

和少陵秋興八首之一

青松白屋冷斜暉烟盡博山香氣微自斷此生甘墨守
豈因俗尚羨雄飛鴈南鴈北歲空晚龍腹龍頭心不違
一縷清風半輪月肯將衣馬逐輕肥

勅勅 二首

勅字君授歷城人萬歷己卯舉人官富平知縣
縣志勅十二上公車不第之官八月卽謝歸雅
好著書年八十猶手不釋卷不無好名之過然

雅飭邊幅亦晚近砥礪名節
者己卯殉城與子弟皆死之

大佛山

去郭十餘里山廻石徑幽白雲長覆寺黃菊最宜秋塔
影尊前轉湖光望裏收甘泉幾滴水能解世人愁

北極廟

廟貌鬱崔嵬溪雲護法臺凭軒雙日豁倚檻萬峯來樹
影孤帆動香烟古殿開喜看載酒者一棹任徘徊

盧茂 三首

茂字紹涑光祿子太學生官歸德通判有餘陽
漫稿程正夫詩搜別駕獨於政事之
學不甚爲詩漫稿其少作也

苦雪行

出南詩鈔卷十

九

臘雪未消春雪飄濛濛匝地連層霄春工辟易不可招
突兀惟餘山雪饒公子王孫擁紫貂青驄白馬馳東郊
振鐃欲挈上林鵬彎弓直射陰山蛟道過長楊射懸標
還從細柳奪錦袍獵罷歸來意氣豪同上倡樓訪薛濤
鴛幃欹側品鳳簫象盤鬼鬘行羊羔火樹銀花光徹宵
繁絃急管沸終朝憑欄祇解說瓊瑤豈念民生歎不聊
吁嗟丈夫志不在溫飽獨憤悲歡太顛倒門前有雪且
自埽誰向金張較醜好君不見洛下袁公亦遭此殫臥
人人疑凍死一朝得遇漢天子相業勳名傳信史

秋夜登環山樓有懷東臺王先生

飛閣鬱岧峣雕闌倚玉霄雲橫黃道嶺月滿赤湖橋

勝有興乘庚亮無緣對子喬夜深清籟發聊復一吹簫

貧女咏

窈窕何人賦好迷紫荊獨掩暗生愁也知毛女空黃髮
猶勝文君未白頭

蘇本三首

本潢子官生官前府經歷

秋日同友飲大明湖讀少陵詩

尊酒故人同遨遊灤水東筵張荷葉上亭隱薜蘿中山
色時含南湖光澹寫空少陵千載後歷下有遺風

胡參軍招飲楚雲樓賦謝

雨霽論文倒玉甌月明如水碧天流千家砧杵敲清夜

嵩明詩鈔卷三

萬里山河寫素秋爲客誰憐王粲賦逢君應解杜陵愁
岳陽黃鶴空塵跡今古鄉心一倚樓

早春社集草堂得星字

小院春遲冷石屏開邀詞客坐談經江湖有分同詩社
蓬華今看聚德星一夕酒傾千日醉四更月吐數峯青
此時更欲聲相和漫草移文共勒銘

陶致煒一首

致煒登州衛人恩貢生官南昌知縣所著有自

娛文集遊覽詩略山東通志致煒博通經史工

強項不畏勢力宦者疾之罷

歸卒後門人私謚曰文貞

按通志人介文性有孝

行所著詩集亦不傳

神清觀

石牀藥竈鎖烟霞乍入桃源便似家彷彿前生曾住此
雲巖應有舊丹砂

鄧守清二首

守清字星海邦子萬歷戊子舉人官臨洮同知
有臨洮集山東通志洮居邊塞兵民雜處守清經理得宜有經國籌邊之譽

登仲連臺

矯矯黃鵠子軒軒入雲漢玉貌不可攀高標壯齊魯
泗一水明錯落萬井燦回風噪神鴉夕日鎖烟瀟
瀟塵纓未果拂衣願翹首望東瀛慨焉發深眷

十六夜翫月

嵩明詩鈔卷三

今夜仍圓月空庭徒倚看露涼砧杵斷籟靜客襟寒玉
宇星河杳關山道路難鄉書檜未達誰遣淚痕乾

李誠明三首

誠明字思伯號泰雲德州人萬歷甲午舉人州

孝廉博極羣書尤精象數之學內行醇備孝友

過人登賢書四十年未嘗干州府天啓中閣臣

薦爲中書舍人不赴魏奄聞其名以厚幣招之

稱疾預避於東村建小亭瓦木皆方頗曰矩亭

朝夕其中詩文

典雅名重一時

按孝廉居河南甲午舉第六人原名翼

明今通志兩收之云南河云京閣皆誤

送王繼巖春防薊門

墨經從軍去心旌挂帝都堅城築玉塞大第敝金吾作

檄飛毛穎哦詩呼酪奴青萍醉後看每欲鑄風胡

弔邢子愿二首

君文何太苦字字嘔心肝白雪風前咏青萍醉後看欲
懸魚尾綬羞戴鹿皮冠白玉修文處蕭蕭夜雨寒
會記龍潭上相與話長生一言挾妙諦半夜定新盟流
水伯牙去踈星傳說明一辰成異代那得不關情

陳其猷四首

其猷字輝前諸城人羣之族萬歷乙卯舉人
其猷少力學有氣節初上公車值
大饑爲疏及詩上之竟得饑賑

災民圖存四首

人而既木食誰其不菜色猶憐菜色人木食不可得
膚裂鵝無結身僵鬼亦貧願祈陽春德先嗟苦寒人

崑明詩鈔卷三十

七

憐茲父母身委彼鳶鵂飽問爾骨與骸誰之牙與爪
率土食人肉罪且不容死何以人相食三尺不能止

林文蔚七首

文蔚字君豹號元洲掖縣人萬歷戊午舉人歷
官保定兵備副使有醉竹館集

上莊

村築可人意層崖繞水迴開窗山色入啓戶野雲來徑
曲偏宜竹亭幽不剪苔長隄穿柳去疑是小蓬萊

除夕

今夕是何夕年華又一更椒盤迎歲進梅意傍春生人
事驚初作天時欲漸亨添壽非小惡但覺老無情

次萬開來太守悼鶴韻

一謝凌霄翼隨風舞已非可憐長嘆散徑作羽衣歸和
靖庭空在支公玩亦微何時入夢裏還掠玉琴飛

少年行

俠氣三千丈寶刀繫肘閒人生何太苦滄海亦桑田

春興

春光九十已多移獨駕扁舟竟是誰滿酌幾甌渾不醉
閒聽松下語黃鸝

上莊絕句二首

策杖問南莊草深不知處宛延關小徑疑向桃源去
朝與鹿爲友夕與石爲隣怕聞天外事捫虱作陳人

崑明詩鈔卷三十

七

高應珩二首

應珩字仲子章邱貢生官元城縣丞所著有高

仲子集醉鄉小稿

府志應珩爲李中麓高弟工
詩能詞王元美鎮大名應珩
上詩甚爲所賞池北偶談應珩所著北門鎮

論雜劇論者以爲詞人之雄又有張國壽者以
貢官知縣善金元詞曲在東西

野李中麓伯仲間亦章邱人

京邸寫懷

我本烟霞人今作風塵客數夢鄉山青永懷池草碧青
山碧草隔滄洲白雲渺渺思悠悠野鳥亂啼山鬼嘯西
走嶠南北燕趙日夕踟躕入都門小兒拍手向我笑倦
倚青萍劍恥上黃金臺郭隗無奇氣樂毅非良材月明
滿地瞬息去赤日行天不復迴燈前感慨對尊酒明發

馬上重回首少年誓欲請長纓老大垂頭竟何有豈如
歸去閉元關桃花流水天台山山中石髓金光草服之
令人永不老

湖上歸

一棹漁歌湖水平沙頭酒盡暮烟生雲流山色來長白
風度河聲出小清過鳥疑從天外至遊人何似鏡中行
醉狂欲挾飛仙去坐釣滄溟住赤城

秋從夏三首

從夏字以忠臨清衛人官參將

詠懷效阮嗣宗體二首

今日天氣清可以登高樓高樓望四野萬木寒以秋故

崑山詩鈔卷三

五

山四千里白雲日悠悠飄風隨鴈來對此生離愁

西風肅以厲日夕摧百草一鴈過長空遊子悲遠道素

位心已慚拂衣胡不早日月或相代紅顏成醜老歸採

故山薇餌之延壽考

月夜同劉天山作

孤館寒燈夜相看聽晚笳清宵醒客夢明月落梅花碧

海潮聲急清霜鴈影斜不堪憐歲暮况復是天涯

馬芻一首

芻字蘭谷官儒士

未詳何邑人志統
云以詞名齊魯間

東項上林子瞻

宦情無日不山林未老能全大隱心時有烟霞片上至

豈容霜雪鏡中侵花前侑酒啼青鳥松下流泉伴素琴
劉阮天台何處是仙郎今住白雲深

馮思齊一首

思齊字嘉善號荷郭濮州人省祭

卜居瓠河

瓠河西畔結吾廬四十年過始定居但有漁樵相問答
不勞車馬到階除開門手種陶潛柳引水池生張翰魚
十畝綠陰清晝合南風吹冷讀殘書

袁崇冕一首

崇冕號西野章邱布衣

池北偶談西野兄弟皆
川科第起家獨以布衣

終工金元詞曲與李中麓唱和起家獨以布衣
相兼風流有餘音楊方城曰神聖工巧元人之

崑山詩鈔卷三

五

倚中麓曰金石之音元黃
之色其爲名流激賞如此

十月始見菊

怪爾清姿消瘦盡冷風疎雨亦淒其元冬乍見眞成晚
白首相期亦未遲雲暗郡城愁獨坐日斜鄉國望移時
緡前摘索原因醉燭底歌吟轉更悲

劉東周一首

東周汶上歲貢生

蜀山湖秋風辭

蜀湖之山削寒玉蜀湖之水漲晴綠平生浪蹟江湖遊
好山好水吟不足水光蕩漾涵空湛山色倒浸芙蓉紅
老龍行雨將欲起紫氣灼灼如雲蒸西風吹鴈南來雲

菰米初香荻花老一行界破秋天涼
有似瀟湘風景好恨不結屋俯澗
倚闌吹徹玉參差望美人兮渺何許
爲君更和秋風辭

張鳳羽二首

鳳羽汶上歲貢生官蜀府長史所著有四詠集
晚入青山寺

古寺殘僧客到稀獨便一枕暫忘機
山鴉啼散西風起落葉蕭蕭滿院飛

又登青山

讀書茲寺記吾曾泣玉十年恥再登
縱酒且遂青嶂月吟詩剛對白雲僧
巖頭老檜鳴新籟谷口春流擁斷水

崑山詩鈔卷三

七

絕頂有時閑一眺淡烟飛鳥見孤城

趙文炯一首

文炯字野雲汶上歲貢生官吳江縣丞

憂歲

萬戶齊號枵腹春窮儒煮字不療貧
無知畏楚應憐我多病支離也笑人行
國怕看民蹙額歸家愁聽婦吟呻
清輝祇有柴門月皎皎庭前照金座

薛來一首

來濟南衛人千戶

人日

此日已堪醉泉亭復可憐老梅方抱
夢弱柳欲含烟飛

雪自元日恒寒異往年谷鶯來較晚
啼不到春前

辛文錦一首

文錦濮州貢生官訓導

山夜

客裏悲長夜殘燈強自耿撫心彈寶
鉞翹首望銀河茅屋寒雲過山村夜
月多自憐名利拙無路覽常何

趙國賓一首

國賓平陰人

錦水秋濤

錦水遠城陰冷冷清映心迴流幾曲
轉烟柳兩邊深淺瀨紋如織寒灘響
似琴能令城市客長得浣塵襟

崑山詩鈔卷三

七

東英一首

英汶上歲貢生官彰德同知

咏漆泉寺

丹崖翠壁小禪林石磴峻嶒古木陰
鐘磬數聲人語寂滿廊風過落花深

王之相一首

之相蒙陰貢生官陽山訓導

遊聖福寺

紺殿起名地青林對遠峯花飛春寺
雨雲度午溪鐘徑僻蒼烟合山多翠
色重耽幽時近夕獨倚石邊松

段黼二首

補字黃市曹州人所著有抱璞集

西郊

十里平原地青山遶碧林寒開烟雨色天遶鴈鴻心落
葉還蕭索浮雲自古今不妨乘暇日載酒數登臨

題王五雲桃花舍

爲愛王郎丰格殊桃花深處結茅廬春風幾度花林外
吹落牀頭數卷書

周燦二首

燦字子微如砥子廕生官南雄知府有玉暉堂

詩草

北上舟行遇風二首

崇明詩鈔卷三十一

太

春流正泛桃花水鼓枻頻逢少女風海潮遶過西河去

錦纜驚飛碣石宮

如此風波不可行危流飛渡岸人驚敢逢十八封姨怒

何似驅車九折情

盧永錫一首

永錫字元萃別駕長子封承德郎戶部主事

程大詩搜承德純平酒而天放醉中喜誦
太白詩得詩之意亦盧家風性然也

晚得佳月對景寫懷

朗月當天知洗出閒庭獨坐肺肝涼淹留不覺宵過半
靜對悠然興自長搖曳松陰爭布景參差荷葉自吹香
平生快得兩知己古本離騷老瓦觴

盧文錫一首

文錫字元敬別駕仲子太學生官靖州州判
通判詩有唐音在咸均日代祭酒送人冊封秦
藩便道歸閩省侍獨爲盛陽灣所賞向云秦關
到日封桐葉關路歸
時熱荔枝稱工妙矣

送李典客南還由沛國訪張給諫

紅亭新雨後山色正宜秋暫解含香署翻從畫錦遊大
風過沛澤明月到揚州欲寄相思字門前江水流

官棟一首

棟沂州人

南莊卽事

鷄啼村落雨三家睡起藤床自煮茶寂寂開門飛燕子

崇明詩鈔卷三十一

五

蕭蕭深院落松花種些禾稼斷塵處結箇亭臺候水涯

遶逕葵藜無客對一簑清興寄烟霞

徐彬一首

彬嶧縣歲貢生官隆平知縣

遊仙人洞

一簇重巒接上台仙人曾醉紫霞杯上方鐘罷禪堂靜

明月蒼松有鶴來

賽從儉一首

從儉字時荃靖海衛人貢生官三河知縣

黃山山房

猿鳥無聲畫掩扉寒原隔水到人稀雲晴古木月初上

雪滿空庭鶴未歸
藥圃地連山色近
樵家路入樹烟微
棲遲慣得滄浪興
雲閣應還夢釣磯

崔淳一首

淳平度恩貢生官永平同知

遊大澤山

落日尋空谷
林深萬壑開
鳥鳴山意動
雲度水香來
入寺花分徑
聞鐘月滿臺
修然罷塵想
身世隔蓬萊

韓養醇三首

養醇字長孺禹城人天啓丁卯舉人官知府有留餘堂稿

山行雜詠

山明詩鈔卷三

三

遶澗瀉疏琴懸蘿映深碧
牧童手鞭箠亂驅初平石

弔韓信墓

喜令一軍驚羞與噲等伍
片語蘊深毒竟躡未央斧

都中憶弟

蕭然一榻寄僧房
清梵泠泠出上方
淪茗初嘗穀雨味
調灰重熬水沈香
客宵孤夢生姜被
春草遙思遶謝塘
猶記昨來相聚處
綠槐夾序共飛觴

張鏐二首

鏐字伯倩曹州人崇正庚午舉人

病中讀南華二首

冥鯤修幾千鵬背
廣幾里南圖何日旋
搏上何時止斥

鵲與鸛鳩焉能窺其渼
榆枋蓬蒿開笑而不自恥
二蟲既無知憐茲小知士
行苟比一鄉自視亦若此
未聞彼神人磅礴萬物始
陶鑄出垢塵堯舜猶糠粃
我有五石瓠病落方未已
開帙豁蓬心遂悟用大理
願言躡藐姑綽約仍處子
泠然御風行豈爲弊弊使
鴝鵒巢林枝偃鼠飲河水
名實匪所論非譽遠吾耳
廣漠可傍徨大樗免匠視
幸不天斧斤逍遙無窮裏

適來夫子時適去夫子順
指窮薪火傳未嘗見其盡
順處而時安懸解匪天遁
澤雉畜樊中豈若啄與飲
阜哉彼良庖恢恢然遊刃
于牛牛十九年新剛駭然
迅滿志善刀藏好道技亦
進余病思全生斯言良古
訓緣督以爲

山明詩鈔卷三

三

經不隨無涯震免殆可保
身天人那復問

崔丹三首

丹一名子忠字道母又字
開予一云青蚨萊陽

人順天府學生

詩選傳云道母形容清古言詞簡質善畫僑居京師蓬蒿翳然

興至則解衣盤薄一妻二女皆能點染設色或用金帛相購卒不可得少與宋史部應亨侍郎致同學吏部嘗屬一選人以千金爲崔君壽笑而卻之致求其畫不得誘而閉之道母爲書誌去坐隣舍亦誘而裂之其孤峭絕俗皆此類也亂後走西山中遂以餓死朱竹垞云復社二集道母皆與焉前後名字不同

送僧歸溟南

兵戈前路息萬里
憶慈雲冬嶺春花
豔秋江鷺鷥到時
書少鴈去日夢隨
君最是悲涼處遐
荒收夕暝

西山滴水巖二首

入不知高下山春水似秋星河平地看鷄犬半天游洞
腹藏元氣山根養湫流白雲朝出宿知是繞神州
石似當空立巖疑急就成雨花山廟濕雷樹羽宮晴絕
壁洪荒在陰晴晦朔并古潭龍夜語徐憂應泉聲

楊嘉祐四首

嘉祐字見素丹孫邑諸生有叩缶集

端陽日登望雲樓

白日生微暑長天豁遠眸畫梁喧燕雀虛閣俯山邱囊
有千金賦衣無五月裘愁懷况佳節搔首望悠悠

村居閒詠

崇明詩鈔卷三

三

家住勞山下生涯僅在茲寧知寂士苦不畏野人嗤霜
冷龍蛇窟風懸薜荔枝臨牆一葉墮來索感秋詩

傷秋

一葉飄零秋乍驚亂飄萬點更愁生風塵不動朱顏惜
人事偏教白眼橫壞壁蛩聲經雨細夕陽鴈羽拂雲輕
尊中有酒傾須盡今夜關山月正明

村居

茅屋溪山處士家些須活計倚桑麻爾來三月無塵事
啼鳥聲中看落花

李秋門一首

秋門字雲思嶧縣人崇正丙子舉人縣志秋門
曾上書史

建朝有未大計史欲留之幕府固辭歸朝
後棲遲舊田絕意仕進爲文精刻高朗不泊
徑三十
二而卒

山中招友

小榻君高臥名山我獨過車嫌今日少竹比舊時多綠
草雙游屐蒼烟一釣蓑澄思懷賀監幽意滿藤蘿

張四箴二首

四箴字心勿新城人諸生有濯足軒詩漁洋文
君生明季知天下已亂獨好兵策思得一當以
報國鼎革之初羣盜蜂起就欲致之君深自避
匿曰列卿酒酒誰爲爾府便當被髮入山詎與
小兒共槽撻耶遂棄諸生躬耕隱居時作歌詩
以寓所
感而已

謁岳武穆廟

崇明詩鈔卷三

三

蒼松森蔭岳侯祠肅我衣冠再拜之南渡猶延宋社稷
北征幾見漢威儀當時功惜十年廢此日名知萬古垂
逢掖高談多粉澤誰能學汝作男兒

柳絮有感

種柳水齋邊依依閱歲年每逢飄絮日多是送春花落
地成綿否因風似雪然將同衰鬢影漫舞向尊前

山左明詩鈔卷第三十

山左明詩鈔卷第三十一

王象春 三十三首

象春字季木之猷子萬歷庚戌進士歷官南考

功郎中有問山亭集齊音明詩綜詩話萬歷中

開門庭不循時趨雖引關中文字瑞為同調然

天瑞太文離未免邪徑害田矣未若季木之無

戾羣雅也題項王廟一篇比于謝參軍鴻門作

更覺適鍊劉考功公藏亟賞之幾於唾壺擊缺

曲江有句云韋曲杜陵文物盡眼中多少可兒

墳題項王廟云古今判劉項無此雄快與

朱竹垞札先考功詩牧翁謂其消消莽莽時有

齊氣是也至詞為西域婆羅門則太過矣今擇

其雅馴雄駿之作五六十首頗卓然可傳也

水仙操

大海之涇洞兮柏天青青山谷寂寂今林木冥冥四望

無人兮羣鳥哀鳴龍神出沒兮鬼怪精靈子春何人兮

乃居此庭刺船隨沒兮將安往迎乃忘我形兮乃移我

情水仙水仙兮九奏以成

義昌驛

鴻門斗碎棧灰冷彭城夜宴虞姬醒旌旗如水出陳倉

劍光猶帶白蛇影寂寞江開帝子魂中原壯士同悲哽

一老陳言遮道周三軍縞素龍驤騁痛哭誓師大義明

九江刺客胡不烹黠而得王嗟未平

再書項王廟壁

三章既沛秦川雨八關又縱阿房炬漢王眞龍項王虎

玉玦三提王不語鼎上杯羹棄翁媼項王眞龍漢王鼠

垓下美人泣楚歌定陶美人泣楚舞眞龍亦鼠虎亦鼠

廣固城前曲

漳壘白渭壘赤天命燕王有德大風蓬勃揚塵埃八井

三刀造東國解一潘聰謀朗公喜慧掃虛危景見箕尾年

則一紀世則及子解二祀漢城宴中池北登社首東鼎足

南目牛山齊景悲立治南山置鹽烏澤荒草頽墳氣色

生莫謂姜田骨消滅解三萬春門館阿超來萬里呈金刀

金甌輕付張伏生十樞分出空山青解四

廣固城後曲

欲得侯事五樓黃狗之皮補狐裘千里人美人馬悔將

伎樂換妻母天齊湧女水竭燕衰庚戌方兩葉無張

網燕人喜崇墉百雉高屹吃張網來宋不殺彼有臨衝

我無渠答悅壽開門納晉軍鬼哭不止夜鳴喧迎母西

秦托母敬宣痛矣阿超二十六年

坑儒谷

秦皇何事仇儒者白骨森森棄原野咫尺山頭帝子陵

可能相見黃泉下

謁岳武穆廟

衰草寒烟日暮時傷心瞻拜岳王祠君王自得偷安計

臣子應班痛哭師東海未填精衛死南風不競杜鵑知

由來和議非長策千古英雄恨莫追

硤石懷古

真成箭括與東箱猶是千年古戰場想像國殤思蹇叔
時因風雨憶文王楚人一炬曾經入薊馬長驅亦未防
三復青蓮蜀道曲休令所守化豺狼

石城月

金陵王氣未曾消水泊秦淮江上潮月到石頭城下好
碧雲紅樹聽吹簫

山家

山家香穠飽椿芽雨歇籬旁自種花割麥績麻旋剝棗
一年三度坐牛車

懷人

歲月成何事潛潛去已多故人江漢絕疎雨戶庭過習

山前詩鈔卷三

靜初馴鶴迎秋一放歌好同禽子夏五嶽問金鵝

昔年

昔年憶渡廣陵潮望入鑒江亦不遙螢苑高低生薜荔
迷樓風雨做鮫綃九秋作賦凌三殿一路看山問六朝
錦樹瓊花俱寂寞青鸞黃鶴自扶搖

送傅生歸金谿

彭蠡無波細雨生江離被岸客舟輕春風不憚三千里
爲及黃梅聽鳥聲

贈徐海曙

滿空皆風雨飛龍在眼前聞君談劍術終夜不能眠
榛子鎮

千帳絕烽火椎牛射獵迴風霜秋馬健刁斗夜聲催紫
氣關前盡青山塞上來良家工技擊誰是伏波才

送友人

郭外溪邊寺年來兩送行攀條猶在眼落葉已無聲憶
昔春山色能輕故國情好將詩酒約歸問魯諸生

不落夾

食名

慈寧宮裏佛龕崇瑤水珠燈照碧空四月虔供不落夾
內官催辦小油紅

感興贈文太青三首

自我伏城隅冬初復春初幸省租馬錢實稀長者車呵
水硯凍裂擁枕翻殘書怒風欺破窗穉女泣窮厨僮僕

山前詩鈔卷三

四

怖於鼠邏者蹲巷閭傳聞御史怒尙然鷹視雛

除彼常飲食如瓶守我口三月無快談牙頰漸蠹朽衷
言積隔閒難量以斛斗文子海上來三年一握手稍稍
除語禁坐見開荒莽灼灼發天葩白卯遂及酉今日舌
爲龍昨日猶蚪斗

虎腹果若饑百獸供食具豈有嘯風威而攫彼跛兔濁
河幾時清白日忽以暮道傍無甘李放逐有貞婦寄語
甘食子新人不如故

寄答友人

隔年纔得過江書風雨蕭蕭慰問余老去青山存兔柴
何能白手勒狼胥新亭舉日人誰在精衛填波鳥亦思

蘭棹棠舟重載酒可從春色醉王餘

得于鱗湖邊舊舍居之齊音以下

草堂略似浣花居况是先生手澤餘不比謝墩爭姓字
但須更貯滿樓書

寄咏

休唱柳枝兼竹枝柔音不是北方詞長聲硬字攀松柏
歌向霜天濟水湄

歷山

鳳翼金銷十二屏滿城飛送佛頭青我來結屋稱童子
願向星尊日乞靈

大明湖

崑明詩鈔卷五

五

萬派千流競一門岡巒迥合紫雲屯蓮花水底危城出
略似鏤金翡翠盆

稻屯

每憐舟至稻屯迴七閘連環未盡開華岫隔湖如喚邀
明朝截雨上山來

白雪樓

荒草深埋一代文蔡姬典盡舊羅裙可憐天半峨眉雪
空自頽樓冷暮雲

晴望

初聞水面燕呢喃雲盡西風龍入潭睡起推窗延爽氣
天邊添出幾峯嵐

雲莊元張文忠公故居

雲花堆就憶雲莊猶見雲來七聘堂一代高風差可擬
蒼蒼山色水央央

遂開亭公上

最愛君能得遂開何人不老市朝閒但從枕上聽流水
絕勝車中望遠山

咏畢感懷

蕭條衣馬倦游地啼鳥聲中閱歲時過眼穠華風影散
略憑指點寫新詞

問山亭

問山亭子拱如筵屹立湖中閱古今箕踞悲騷王季木
崑明詩鈔卷五

六

時敲石几激清音

山居

雲與同開鶴並孤喀然隱几得今吾敲來石火炊先熟
服久山泉體自癯隔舍有僧同說夢抄方無劑可醫迂
曉窗嵐翠濃于染自看長松過雨圖

王象良 十三首

象良字伯石一字思止象蒙從弟貢生官姚安

同知有迂園集沈思白云思止風華秀絕骨力

孝與云思止春容淹雅出大歷長慶之閒居易錄邵承詩名出考功下然謹守唐人矩矱
岸柳招搖五更孤城一飛矢六國有心人岸柳招搖五更孤城一飛矢六國有心人
榮茅舍火縹緲竹林煙向鴈迎花早東風帶雪榮茅舍火縹緲竹林煙向鴈迎花早東風帶雪
多龍源花外水鹿角雨中山皆五言之選也

按迂園集二十四卷僅得其兩柳二集
皆七律餘俱從別本摭拾良歎然也

九日前雨中齋居

白髮無情照古銅
新秋哀鴈叫西風
一窗野色開黃菊
半榻清陰老碧桐
字脚添肥驚眼暗
案頭減料識囊空
應知九日年年似
風雨孤城黯澹中

暮秋

滿院秋光帶晚霜
人同寒鴈立斜陽
年華老大無風味
世事喧爭總劇場
庭葉掃除旋白落
籬花開盡尙餘香
迂園三徑蕭條後
柯柏亭亭色轉蒼

伊園秋暮

村村紅蕖厭牆低
曠野寒烟不礙犁
白雪漫空蘆已亂

山左明詩鈔卷三

黃雲委地稻將齊
連天秋水浮歸路
隔岸漁舟傍晚溪
十字橋頭風漸冷
幾家茅屋蓼花西

夾谷道中

風塵南北意何如
笑看吳鉤俠未除
寂夜鐘聲增旅况
荒山禽語集僧居
青杉盡濕嗟人老
白壁空懷感世疎
夾谷幽深官路隔
高巖誰肯結幽廬

秋暮夜雨

客懷最苦連朝雨
况是深秋欲暮時
鴻鴈乍來憐遠信
兼葭將老動相思
無水漫賦人千里
有興空憑酒一卮
東望鄉關雲樹渺
故園籬菊望歸期

魯仲連射書處

詎忍蹈東海誰思強帝秦
孤城一飛矢六國有心人
依氣海山冷古墳湖水新
寧論五伯業那減擲輕塵

錦秋湖

郭北看無際秋湖水自漫
鷺來窺細芷魚戲上平灘
香稻黃雲老江蘆白雪寒
扁舟乘興往斜雨一橫竿

冬日迂園二首

時行歲已盡雨雪更淒然
枝冷鶯棲鳥人歸黯遠天
青焚茅舍火縹緲竹林烟
不用山重買于茲臥儘便
百草辭寒盡登樓景未舒
魚潛蘆底穴雪厭竹閒廬
漠漠枯林遠蕭蕭晚氣疎
陽和將應律及早治春蔬

湖上食鱸草作

山左明詩鈔卷三

縱酒逃名把釣竿
宦情世態等閒看
西風乍返江東棹
只此尊鱸合棄官

輞川橋

四野陰陰樹幾圍
水田時有鷺交飛
小溪數曲雙筇返
恰似裴王帶雨歸

豫讓橋

義士負奇節所重在知己
讓也慷慨流恩仇惟一將
以酬智伯勢必危襄子
一往志不返肯以彼易此
所重者一言所輕者一死
荒橋至今在過者猶興起
立馬對斜陽湯湯聽汾水

雨中登鹿角山宿趙荆石宅

崖古憑空閣峻嶒石徑斑龍源花外水鹿角雨中山幸
有心知共兼逢地主閒登臨無限意信宿不知還

王象明 二首

象明原名象履字用晦象良弟貢生官大寧知
縣所著有鶴隱集漁洋詩話大寧詩絕句如日
新晴百草菲等作皆足傳又有句云
老松帶露低巾角亂石敲風迎馬前

闕題

細雨新晴百草菲含桃初染杏初肥奚童競撲柳花落
嬌鳥時銜榆莢飛水淨欲浮蝌蚪字苔深爭迸繡龍衣
闌珊春色歸何處簾外輕寒蠟展稀

闕題

崑山詩鈔卷五

九

日日輕雷送雨聲小窗歷亂竹枝橫水痕時落還時漲
枕上看山秋欲生

秦士奇 五首

士奇字公庸號一水金鄉人天啓乙丑進士官

崑山知縣有冷雲居稿

舟中留別鄭虛和

未逢深淵醉如何惜祖筵離愁隨水飛夢入吳天雲
飲日街樹風來雨滿船不堪分手處疎柳帶殘烟

江行

月夜廻江艇蘆花明兩岸漁人指前路時復來相喚

望馬鞍山

青山望不極白雲渺何處隱隱秀色來飛過峯頭樹

舟中

疊鼓春風湖上船浴鳬飛鷺興相牽一尊坐對春山雨
何處梅開欲暮天

有感

躊躇不敢事幽尋到處雲山挑客心不爲悲秋魂欲斷
故園深鎖碧山岑

宋琬 六首

琬字五河萊陽人崇正戊辰進士官金壇知縣
家傳初令祥符有能聲再補金壇破產以完通
賦文章古奧遠近嚮風與弟致及叔綱澄皆名
震一時

震一

崑山詩鈔卷五

十

夢家鄉寤後作

不自辨何處所經如舊因道塗多水澤笑語仰交親明
月照孤客清砧鳴四隣出門天地闊寥落夜中人

清明

登高知物候野草及時生風雨成佳節歌啼出禁城昔
人無憾事飛鳥有遺聲安得春原上長年問耦耕

秋日懷舍弟

褐衣寥落愧區區忽漫行藏學小儒自照清溪見眉目
初移白髮到髭鬚出門十月月多少佳節重陽花有無
事業吾家存舊譜不須憫惻泣楊朱

中秋旅舍贈王定宇

可惜好時節盡觴紆自斟愛君如皎月信我在青琴江
海人依影鄉閭俗共心明年還此夜閣會上吳岑

慨事二首

首陽山正高士師庭亦肅君子不得已汎濫爲梅福柳
下學伯夷高岸乃深谷

觴名賴聖時匪唐無潁水自知後夔稷安分用其委河
流緣高山互鄉見童子

宋玟五首

玟字文玉號九青琮弟天啓乙丑進士歷官工

部侍郎壬午城破殉難明史稿玟與族父應亨
享清豐而玟兄琮知祥符攻以才調杞縣三人
壤地相接並有治聲玟權吏科當疏論用人言

山岩明詩鈔卷三

十一

陛下求治之心愈急則浮薄爲事之人皆飾說
而釣奇破格之意愈殷則巧言孔壬之徒皆乘
機而闢捷衆聽其言籠龜集序文王六七
歲時季父季木攜見宋先之宋亦有小兒在側
向季木乞名季木慨然曰晴夜吾夢神人以奇
篆示余裏以五色雲其文曰玟夫玟爲文王二
子可同名漁洋山人曰人不知九青亦考功名也

遭讒示稚君

今來月浩浩昔去雪霏霏幾日君當別三年我未歸埋
憂無厚土原毀有深機亦省昌黎說窮嗚病莫依

閒居

疾病支龜穩風塵萬馬來國中觀政事天下數人才巷
陌春秋過柴門朝暮開陽春雖蕩漾多事惱銜盃

晚秋窮居

養膏宜茲地多閒慮自輕菊就十月色梧領一秋聲散
病歡移坐思家遇送行憂來只遠望無計出春明

閨思

征人積裏正思鄉八月看雲送鴈行生小不知門外路
如何得夢到沙場

悼舊

畫閣紅樓第一家曾將玉珮向人誇祇今風雨清明後
燕啄香泥葬落花

王宮臻二首

宮臻字符四齊河人崇正戊辰進士官西寧按

察副使

崑山詩鈔卷三

十一

過春吾族叔讀書處

閒閒十畝外騎馬出遨遊今日誰同騎荒郊但古邱

江干夜泊

估船人靜夜雲高醺酒東風醉巨鰲不見湘妃解佩處

一輪明月滿江阜

楊士聰四首

士聰字朝微濟寧人崇正辛未進士改庶吉士

授檢討遷左諭德所著有靜遠堂集州志士聰

事多神時受京師陷趨妻女投井中仰藥不死

尤警

丙午四吟

崇正庚辰辛巳濟寧大饑人
相食士冠諸起感時有作

累年皆赤地無怪民窮蹙釜飯既生塵爨烟絕比屋三旬鮮九食餅空那得穀澆槐收澀實刺榆露白木楊柑罄寒林草根殫遼谷一家先後亡寂爾無人哭已分作捐瘠曷辭委溝瀆所恨息未絕同類饜其肉良吏括倉庾辛勤爲饕餮人饑始一餐焉能拯枵腹相將赴冥途止爭遲與速

右死饑

尋常井閭中每憂逢不若小竊類螟螣大奸乃鯨鯢焚燒作生涯殺戮爲娛樂遠鎮既攻陷近村恣驅掠奮擒或抵罪強撫先頒爵脇膚黨日繁狂騁力寧薄多金捐不問巧謀如媒妁士伍通寒喧庸升葬谿壑起事已修

山前詩鈔卷五

圭

隙勢張更兼弱生齒累百萬狼藉就鋒鏑何堪縱虎翼乃至恬魚獲徒薪空多算誰肯受良藥

右死寇

名將重威信過師從枕席平日少撫練臨戎增嘆噴賊焰旣以熾調發雜主客強者太狎憚弱者不任革緣村掠民蓄如駝識水脈馬牛擇肥健女婦相與少少抗輒被戮孰操自完策貧無立錐者更復遭奇厄談笑借汝首聊以充斬馘所過聞哭聲過後餘蕭索望賊多不戰醉飽以酣適

右死兵

殺運殄生人輕繁如蠛蠓兵荒已半死豈堪罹病孽春

來漸多疫什九劇綿懷蠢充既草萎良謹或蘭折道路續新哭親屬累死別甚至數口家俄看無遺子材木踊高值匠者蹤幾絕貧民無葬力委棄空痛結橫屍在通衢端爲烏鳶設腐腐每隨風亂骨俄森雪上帝本至仁民生豈盡滅祇憂閭浮世化作丹邱血

右死疫

張允掄十八首

允掄字并叔號季樸萊陽人崇正甲戌進士官饒州知府甲申後隱居而終有希范堂集

勸農三首

山前詩鈔卷五

南

有男不知耕有女不知織昏昏情廢人仰屋空嘆息斯民生於天自養各有力豈如蠶蠶足舉動假僑匹壯盛時幾何崦嵫景將逼君看原上霜坐變芳草色古來避世士高論驚元虛乘龍飲沆瀣遠抵浮邱居其意本託寄後人爲之愚學仙終難接徒使南山蕪卷舒時則然吾意與道俱

中散悲下獄彭澤乃考終直爲識量迥非關命不同物生忌非類揚已故難容量晴較雨時素樸混哲蒙安知蠻與觸飽食畢微躬斯理自古今已矣將何從

二子漸成童筋力始堪努用其讀書暇勤苦觀場圍櫛酒往餽之野飯炊新黍白粳堪摘離新芋亦蒸釜禮讓斯際在七籍後先舉如今風俗偷膏粱長狎侮豈知先

民訓三命方僕俯家室無所難恒心作沃土

出家即事

里有明農翁成算在先已知地善任人綱領坐而理觀其所規模治國如此矣肥磽本無常心計化粟米學稼八九年腐儒空復爾人性少兼長我慚農家子

春初

向春生百感遠宦五年初漸譯鄉民語遂安濕地居理脾長去麥辨物博知魚有母三千里顏色今何如

詠志二首

領縣不逾七常懷天下憂長江去日夜誰與障中流符節天子予芻牧爲我求安得悅公卿不爲饑寒謀軍興

山南詩鈔卷五

五

急征賦輸輓後車舟上官切責之曰子儼貌貅馳疏間丹闕斧鉞臨汝頭拜手謝不敏客歲念無秋元結道州

詩諷咏以散愁

於世歷崎嶇浩然有心得古之立名人布衣亦有力况我早通籍鳴珂山龍側分符制千里君恩未云當盤根錯錯刀至死責難塞干戈棘我困至尊方吁食廉藺今在朝太平期可尅常恐鵲鳩鳴芳草淪其色入山制菱衣盡及頭方黑

漫興

生人繫戀多七情鮮知正少壯意所耽抵老盡知病方始學丹經導引求長命從來入山心多於暮年益自縊

氣血衰非關塵垢淨深思寡欲理談仙不如聖誰將聖者言早年敬而聽

晨出至池上觀荷

看花及晨光野行通草露朝嗽吐自東赤霞映青樹南山濕翠新峯巒隱回互雉堞烟靄開村落陰森路人起常早農圃急晨務禾黍被潤澤生氣鬱流注長阡旣迤行回溪亦屢涉二里望河沿清興延徐步臨覽芳菲區果愜滄洲趣

午日兄弟集於東園

匝地芳叢映綺霞朱明新換一番花已知名勝標張谷况有風流擬謝家談笑且憑金縷勸登臨欲駐夕陽斜

山南詩鈔卷五

六

年年艾葉催絲髻倍向佳辰惜物華

喜雨示郡人

日在角之月旻天播驕陽綠野付薙氏行火燔茨梁灌者耕其手指指沃焦秧乘耒眺興雲倬彼虹蜺章西成判歲計所祈天降康億萬含菜色物病見群羊昨日部檄下幽薊棘秋防爪士蒐十萬大農愁餽糧西江沮洳地增科注太倉四十萬供億三限赴朔方嘉種民之命藏富在倉箱天子賦雲漢宵衣懷逃亡安邊執事在籌策豈無良鞭撻呱呱子輟哺供饗將嗟子收不職乖氣致恒陽禍謫丁我躬勿降我民殃思欲驅瘴收開關問上皇檄走七日尹夙駕察災祥祈天非文事失政甚胥

匡今晨衣席潤好風自南翔須臾殷其雷萬井沛溱溱
彭蠡羣龍吟三夜倒銀潢地氣爲之奪青回南東羈奄
觀亞旅人芸耰各自忙吳越風土煖九月未肅霜宜晚
菽與鼓猶及冬滌場此方俗尙儉無憂好樂荒訟事耗
其食鼠牙乃相戕休老春酒薦敦商序豆觴晴景西風
來門巷橋袖香寒衣催砧杵蟋蟀鳴依牀天下方多事
軍興憂我王引分長地財努力供篚筐司馬新授鉞關
外虎臣強早晚橐弓矢劍和詔明堂

宋家莊春日卽事

客館歸來好山園桃正花陌阡開畫幃門巷落丹霞老
槐風光艷春增感慨踪同遊稀故侶川逝閱年華

山左明詩卷三

述僮言

溫泉勿旁瀉瀉去不復溫蓬根勿中斷斷蓬豈歸根世
上傷心事生割骨肉恩阿爺探兒來裹飢念腸饑阿娘
探兒來捫虱檢單衣小妹探兒來抱頸作兒嬉依依復
切切假我心頭熱高門不可留且復延頃刻入門坐未
煖出門去已遠宿程應三十奈何落日晚臨別恐我知
紉我厨中飯

雜興

時論日以新六經皆可疑是非何定在置辯便已癡
磬老翁意狂澗欲障之墜面不自免何尤折衆詞思深
括囊戒瘠者是吾師

送左蘿石葬

我觀司馬葬朝出西南郭是日積雨收白楊悲風作布
旛引靈輜荒阡行落落吾鄉葬禮奢今茲何簡約從來
烈士魂箕尾耿寥廓骸骨非所惜往往暴清壑歸櫬今
已足何計豐與薄吁嗟死者心終始無遺忤

濠上園書慨

記得先年盛盈園萬種花邇來物去主漸見地成空時
亂人輕盜兵興誰有家凭闌思悄悄鄉里鼠多牙

步野至宋家莊書齋

小村稼圃鄉物色淨秋涼蔓接匏升屋花繁豆厭牆室
同炊和秬機始續衣裳幸近文儒里經過談每長

山左明詩卷三

謝繼遷一首

繼遷字禹門掖縣人崇正丁丑進士官永平推

官所著有全歸集

冬日上香山

疎林紅葉晚蕭蕭扶杖登臨過小橋家在空山人不識
白雲深處路迢迢

左其人二首

其人字青邱萊陽人崇正丁丑進士官平陽知

府所著有浙游草

感遇

靜中觀大塊萬物息相吹休咎著微應吉凶見著龍

亾古今數治亂帝王知造化殺機行生時卽死期百姓
爲芻狗聖賢司世醫兵戈非得已誅戮原無私巧者拙
之奴大愚智者師彭祖千年累鴆子一朝嬉大椿豈壽
人螭蜥更遲輪廻本傳舍血肉皆館羈歷代宮殿闕
轉盼禾黍離堪歎英雄輩逆旅共蚩蚩

苦雨行

龍蛇冬戰血雨霑星辰違舛躔度失二曜運旋錯部位
日入太陰月離畢東南分野地脈柔江海潮河歸於一
吳越相連水澤聚氤氲蒸噓天漢溢水聚雲翳晝夜昏
淋漓銀線時時密樓閣臺榭霧中藏望望晦朔無分悉
菌花科斗竈底生萎草枯蔓牆頭茁樵子斧濕山木笑

崖明詩鈔卷五

九

漁翁舟止魚蝦循氣獨枵腹寒骨凍閉戶袖手自憂瑟
民人官吏坐水鄉牛羊芻牧安從詰悠悠蒼天不可問
東海野老罪何律仰屋靡計苦復嗟饑餓土地誰哀恤

李岩 二首

岩字堅石萊陽人崇正丁丑進士官河南按察
副使所著有峩山集

九日

時序不知至忽驚九日頻黃花吐舊種白髮稀前人身
向泌衡老家從烽火貧菜萸漫釀酒登眺孰爲隣

平昌道中

一身原是客何事嗟長途跨蹇存時命安車任有無山

川風土舊郵舍主人殊眼白看秦越寧須校酒胡
孫一脈 二首

一脈字六子沂州人崇正庚辰進士改庶吉士
授檢討甲申後終於家

結夏二首

考古會搜瘞鶴銘治生備讀種魚經閒愁似敵終難避
治夢疑仙不願醒夜沽雙扉敵白板曉燈三景味黃庭
芳畦那有金汙菜底事揮鋤效管寧
芸架閒坐甲乙籤蔬經求序對基奩乳茶未擬開封絹
幽菽先教與配鹽樹蔭漸移鶯改館隣雞偕戲燕衝簾
也知老境無拘束釣竹游筇信手拈

崖明詩鈔卷五

十

王岬生 二首

岬生字子涼長山人崇正庚辰進士官如臯知

縣有怪石集

府志子涼性簡靜退食之暇餽鹿
調戶著書而已

謂選得如臯臯故產鶴乃大喜購畜十餘隻每
人日納一蛇則輟案牘而觀之見鶴吞蛇令可戶

空撲蝶俯仰可觀遂令百
姓摸蝶以此里史議罷去

按怪石集二十二卷無近體陳大士序謂如古
篆隸沈吟往復終不可得其吟各一篇

之猴連須國王之纖今存五言各一篇
僅而可何抑其光怪之氣不可磨滅耶

去里

去里食異土陶壺榮敝解冬暖負北垣蒿宇頽癯疥衰
殘倦鳥音艱危志批稗地泐行江河枝岐交流派僊僊

凍竹聲參錯簷凌澗

深山

環峯劈澗枝壑開凍風落雪光
鑿崖孤老槐枯靜靄靄
古民束厲恬蒿萊壁凝氣暖度元
盧十尋勁竹挺幽居
元真鴻冥藏藥墅九秋默聆空中
語楓肪柏脂騰煙縷
獨几息慮游清虛澄霜燥肺凡火
飛白鹿閃光滅霏微
奧區老物養神輝雪夜仰斗拜鳴
磯不滴不艷香馥馥
石月霜風倚古梅

程泰 六首

秦字仲來號魯詹紹子思貢生官中書授通判

有嘯歌一卷詩選傳云仲來所修嘉宗實錄變後獨全史局得以考焉使肅廟史

山左明詩鈔卷三

三

不匹者賴有此耳

餞介清還朝

春晴驛路柳含煙絳節趨朝儼若仙
聖主實能容補闕
忠臣直欲效繩愆北門萬弩弦長
控東國三星翊獨懸
知爾從來多碩畫悉陳民瘼一人
前

舟中口占五

汲深惜綆短持儉欲何奢相將漁父樂河上且浮家
怪石激清湍湍流石自止安得枕石眠湍聲頻入耳
彩鷁去如飛輕鷗來相傍本自忘機人一樣同蕩漾
雨餘河水漲客路轉堪猜晚泊舟人喜輕舸載酒來
魚網集澄潭潭深魚不見寄言行路人臨澗安所羨

蘇壯

壯字陽長濮州人崇正辛未進士官侍郎有梁

園草

重陽後一日試武述懷

南征又老羽林軍車徒轉餉空紛紛海內驕兵愛盜賊
中原異士待風雲漫言陶令登高興擬草相如論蜀文
二室三川藏虎豹一輕蒐聚自成羣

都門元夕感懷

巷門蚤閉一時安外吏豈徒行路難論來亦爲唐郡守
何緣得見漢郎官紫微使者徵求急赤地居民生計殘
還去仍無安輶術久虛頭上進賢冠

山左明詩鈔卷三

三

山左明詩鈔卷第三十一

山左明詩鈔卷第三十二

畢拱辰 十三首

拱辰字星伯號湖日掖縣人萬曆丙辰進士官

山西分巡冀寧僉事殉節所著有珠船齋詩集

溪存稿旅詠詠餘系曜近草王西樵云金憲博

郭架葉乘一編文獻所登爲詩好某青藤詩卷

不無即聯之恨若櫛其若秀亦復嬌嬌不凡其

句如千翠低鴈影十里排龍勝讀魏始末云

紙上忠魂餘血淚人間羽黨尚猶眉示內云精

薄祇堪添鶴料局寒仍欲泣牛衣贈友云六朝

根草貧相負八米新吟變自嗟又範成島佛金

幾牀皆有別趣

癸酉仲秋登雲峯山

跋足卽雲峯離立若拱揖鄰哉戴屋蟲相失乃面覲雲

峯錫佳名歷年千有百遍詢經遊者十人九未識登臨

時所爲山亦聽通塞束修謁山靈招此久逋客三峯距

里餘秋毫明礫的誰子先吾鞭平占翠微色荷鍾鑿雲

根傲岸睨片石相逢色然驚不約何能一探幽得王生

撥辭辨削壁表表鄭光州小象嵌石室衣冠綉古苔鬚

眉幙蔓棘窮渺白雲堂眠之不可得巖洞可冥搜疑有

蛟龍蟄護茲金石文晴空飛劈歷南折山之陽兩關聊

喙息振衣思絕巔螺旋半徑仄經險杖無權反以尻代

屐摩空鳥背平滄波濺几席芙蓉墮危青天外三山碧

長嘯立高寒呼吸帝座側暝色別雲峯雲關遶馬隔

遊大澤山

燥髮耳澤山裏足慳一既賒償二十年懷此風塵悴聞

有心期人探奇猶痴嗜幽勝入奇懷雙屐捷如驚好我

四五僞元暢三日事深秋氣蕭蕭城峯峯但蒼翠石浪拍

於天松濤疑無地元化泯雕鏤奇險安所自欹峩置危

石垂垂向人墜崑崖一踵足千仞界蟠魅沁骨慕清流

淙淙鳴玉璫寒雲凍不飛涼月照清解刺古佛無言山

空鳥坐冒天際眺絕巔牽攀僅能跋我跣父尊羣巒

盡弱季眼界始曠肅溟渤杯水視信宿情所耽天風愜

清吹平生山水緣佳處輒懷急當其領略時深淺隨所

致汗漫五嶽遊振衣從此始

珊瑚歌

龍從盤石炎海底碧浪生塵天吳死鮫人泣血不成珠

湛漬玉樹枝全紫南番萬里老波斯不翼而飛照都市

積翠池中萬丈餘粵佗烽樹光如炬我聞珊瑚之鉤眞

奇特恭信昔爲王者出又聞大秦西海取及時不爾腐

敗無顏色是物祇堪耳日供饑食寒衣兩不得所以古

人鑒於茲不向山淵憐珠璧願鎚鍊網繡沈沙萬折蒼

波平如拭

贈都昌吳尉

萬里服微官鳴琴一署寒口碑酬衆易手板向人難公

事花開出故園天際看翩翩雙鸛鳥幾日下金灘

遊武官觀道經雙鳳山

雙鳳何年峙荒祠高下憑螭涎粘斷磨磷火續幽燈村
吠龍疑豹堂空虎是僧凌虛方有待提轡不成登

登道士谷舊有先天觀今亦不知其處

曉徑草芊綿誰能展不前谷寒如道士觀古似先天亂
棘迷殘碣叢花護乳泉雙鳩真解意先客到危巔

初秋晦生還海倉官舍今兩月矣簡寄

一夜西風老綠蘂伊人何在水之湄中秋待月詩成否
九日開樽菊共誰海上風濤淹客夢吳中尊政滿羈思
依稀長夏新晴後竹徑森疎看奕棋

贈李揮使造船瓜州

烽火海國已頻年舟楫何人問濟川北地雄風推李廣

崑山詩鈔卷五

中原長技數樓船曲江濤色千帆出浮玉鐘聲一水懸
憶爾揚舠東首日淮流三月碧於天

謁上官回南康道中作

車耳頻年浪漫行苦將臙骨縛塵纓徐娘老去情都盡
司馬游來渴倍生花色無名香百合溪流若恨咽千聲
風霜挂苒渾如此腸斷江干長短程

讀杜工部集

三唐騷雅推詩史誰集大成自公始品以宰相尚非倫
何況卑卑村夫子波瀾老成筆有神寸心自知如飲水
剽其皮膚固鈍賊即得精髓亦具體少陵詩律北海書
學之者拙似者死

中秋咏月次徐甘拙韻並慰其近况

潑眼寒光何處新庚家老與不堪論憑君莫道霜娥苦
多少陵陽淚裏人

敬止以壬申冬寓萊其廣陵姬瓊枝自宛陵遙寄

手翰余麗其情因賦絕句

愁思其如尺帛何廣陵遺響逗春波生疎大雅君嗔未
寄字中有忘御大雙鳳離鸞一曲多

偶題

廿年拋擲付投瓊白蛤烏巾負此生不是倦飛思戕羽

纔牽絲已繡淵明

左懋第十六首

崑山詩鈔卷五

懋第字仲及號蘿石萊陽人崇正辛未進士歷

官巡撫應天僉都御史加兵部侍郎使本朝

不屈死有梅花屋詩草

遭大故二東不聞有斷頭穴胸以報故君者彼
鄉魯仁義之稱安在懋第此行是懋第死日也
入燕不屈卒死於市王衛書池北偶談云公昨
徐寧海儒案女京城陷從子懋泰載以歸行至
白溝河仰天嘆曰此張叔夜絕吃處也呼泰前
責以不能死國且日吾婦人身受國恩不能死
開倫活寄語懋勉之勿以我為念言訖而死
益出都不食已數日矣是母是子前史亦不多
見陳卓士云公

詩文道勁可觀
按公初令韓城有異政官給事多所建自其自
江南奉使本朝大節彪炳事其史傳梅花片
者公於韓署其屋讀書
屋前有梅花一樹枝名
早秋

出門寥廓意曠以貽我秋萬物皆明越繁風亦已收遠
山如新沐零露濕青蘿客子感深綠睇彼寒水流石疑
義幽骨茲意良爲悠

思隱二首

晨起看苗長苗長露未晞風吹雲氣冷濕我葛裳衣
浦中采菱去浦長未可得偶然風雨來蓑笠皆綠色

中秋

明月入人懷皎光發殊照客有寂寞者獨酌月高妙點
綴嫌綠烟矯然登絕嶠清輝滿一身萬物各生耀焉用
笙簫爲寒峭舒吾嘯

井陘口

崑崙詩鈔卷五

五

客塗入獲鹿山形見古拙或平如几案或蹲如猢猻如
鐘如覆孟象勢各奇絕漸入井陘口石光皆染涅紅葉
豔秋色雲飛逐鳥滅徑真難兩車關城立懸鐵地險當
萬人惜虛廣武舌

介之推隱處

幽蘭生空谷不言而自芳不言亦不及終於蘭何傷和
傳往之世介子隱此岡河水激清響秋雲澹白翔霜寒
堅樹性葉黃益山蒼矯然絕俗意千載爲悲涼

梅花屋

官衙有好屋歷歷開三朋牆近西城隅時聞遠水淩榆
槐繞屋角眉目照西山中有慮澹人慮澹心靜開皇皇

敬百姓入奉慈母顏暇時汲井水澆我池紅蓮又復種
菜豆紫榮燦生妍新竹添十箇梅花植庭前積書滿三
架經史詩有編兼之治心友與摘文我愆四野垂禾穗
攜兒彈清絃所拂我性情民貧租未蠲

挽張將軍

壬戌克有白蓮之亂將軍以武關第一
人應村官殺賊甚衆巢窟居岡山將軍
深入思破之爲賊圍數匝力戰刃數十賊後軍
不繼力竭被執馬賊死將軍名國僞登之寧海
人死時年二十有八

虎日兜鍪怒生吼遇敵望塵卻退走上碌碌盡若斯
赤子惻懷健兒手執若海上張將軍慷慨殺賊生絕脰
鍊衣如霜碎岡山救軍不前前軍覆嗟哉功名受賞人
何嘗扶傷一轉關血漬寒沙英魂歸風悲鬼嘯昏白晝

崑崙詩鈔卷五

六

離山逢雨

自與羣山別幽光不可忘柳條今倩綠草氣亦開香襲
牧觀牛靜林禽掠水忙遙遙溪色碧一似遠山妝
之韓城道中

處處隱漁舟人行潦水頭桑山魚鼈急官府殺錢愁竹
翠搖寒圃霜華添夜流東南財賦地亦使我心憂

晚宿白馬灘靈泉觀

晚宿靈泉觀燒茶白石邊水聲常似雨山氣靜惟煙暴
柿家宗樹分渠處處出誰爲民牧者鴻鴈未安全

秋晨

客懷常不寐車馬肅晨中霜白能明屋天寒欲染楓依

沙寒鴈聚綴岸晚更紅詩思秋方渺山川澹不窮

道上入人家園中

歸鴻昨夜過紅葉見秋深念我離邊菊思君石上琴含
車眺水色倚樹聽風音吾圃荒東海悠悠此際心

大棗以南路

大棗以南路谿深雜水沄小懸濺雪乳危石燦元文柳
色澹成碧樵音靜可聞仙人夢裏別目極華山雲

客燕

鼎鑪攀無及親闈并莫依豈堪哀子淚時落客臣衣陵
樹夢猶見家山魂亦稀人閒忠孝事意與鶴同歸

古刺水

乙酉年客燕之太醫院從人有自市中買
得古刺水者上鑄永樂十八年熱造古刺

崑山詩鈔卷三

七

水一灌重八兩確重三
斤內府物也標派賦此

玉泉山下水遠流帝陵前蘆溝橋下水其流聲潺湲瓶
中古刺水製自文皇年製之扁天府元石流清泉列聖
飲祖澤旨之如羹然逆寇犯天紀守陴臣匪賢君不棄
社稷鼎彝坐自天經筵赤金几斤斧生炊烟况茲天府
外寧不落市塵小臣侍筵者睹水心如煎再拜嘗此水
含之不忍咽心如南生柏子卿裝相大小數百株棧昔
南向在韓城子會爲文記之
淚似東流川捧之以南旋跪詠豐芒篇

高名衡

名衡字仲平號鷺磯沂水人崇正辛未進士歷
官巡撫河南僉都御史加兵部侍郎壬午殉難

有更生吟畫衣詩明史本傳名衡以巡按守沂

二年力守全城後以河決城沈而歸壬午沂水
破夫婦同殉一稱沂水高而中丞筆也蓋爲折枝墨
舊藏畫衣一稱沂水高而中丞筆也蓋爲折枝墨
并於白練上繡以青紗而後成之者凡花并二十
七種作三十二叢衣之前後及左右扶皆題五
其印舍此衣適成將以遺張夫人侍御公一見
欣然輒自持去先生亦無難色及先生夫婦伏
節同日并命可謂與日月爭光矣而其平日風
流自命柔翰關情如此母亦靖節賦閒情故事
那後書辛未夏日作於燕邸寄內子平仲題康
熙庚辰偶爲新城公言及公甚聽其事因以贈
之而記其始末詳其
形製張貞起元記

更生吟

闖逆犯汴晝夜疾攻者七日幸有鬼神呵護賊
卒大創遁去然亦數瀕于死矣隨當時景象漫

崑山詩鈔卷三

八

爲八章語俚情真以示諸同事不忘患難之意
陰霾匝地血風腥黃霧漫天晝欲冥豈有麒麟行地上
仍令豺虎在郊垌軍中不用傳刁斗城上何勞送柝鈴
靜倚女牆瞻氣候賊營萬炬列如星
沿城百架布雲梯號召先登萬口齊星月無光驕魍魎
風沙滿目躍鯨鯢城隅春草塗肝腦匣裏秋霜淬鸛鷀
壯士挽弓摧巨寇僕姑穿甲透重扉

題畫衣寄內五首

對月偏成憶臨風更有思鄉心無可寄聊寫最嬌枝
花枝嬌且妍置之在裏裏好記花枝新憐取衣裳舊
輕襦畫折枝悠悠感我思畫時腸已斷著時心自知

霧縠偏宜暑水綃
退出塵著時憐百朵應憶畫眉人
客邸長安一事無
畫長人靜影形孤
閒將一段鵝谿絹
寫作名花百種圖

王若之三十一首

若之字湘客益都人以祖戶部尚書基蔭歷官

河南參議南渡殉難有湘客詩卷佚笈姑存

錄湘客孤情絕照清談如晉人服官留都放情
山水三件奄寺罷官乙酉避兵姑熟于大崎輟
獨載三代古鼎彝法書名畫兼兩連舳寢食與
俱其客入書云正惟草莽之中當堅守一之節
遂死于難所與游者皆一代偉人詩清真無俗
韻氣習最工赤牘單詞片語逼似晉宋閒人絕
句皆非

宋林寺次黃貞甫儀部韻

宋林寺次黃貞甫儀部韻

九

林深鐘梵寂地僻鳥聲幽
頽壁埋碑記斜廊臥比邱風
烟無市色時令屬山秋
信是元中賞良宜物外遊

偶書

四十年清宴臣隣不易逢
接憂猶過計敵國儼舟中勿
謂無爲久隨疑有務叢堂廉
非甚遠吁咈倘相通

暮冬二首

日月輪誰取堪嫌迅若流
邇來冬未幾忽是歲將週戶
外惟羅雀牀閒復鬪牛
倦昨方耿耿見說覺無憂
委巷飄風滿荒居積雪屯
布袍穿愈薄敝絮擁猶溫
濕炊菰米調鹽媚夕飧
縱觀高士傳莫使喪吾存
于育德劉九仞柱過

長日惟枯坐巖扉靜不開
半將春事負始有故人來
頓起沈冥色連呼散佚杯
梅花還未盡索笑共趣陪

夜泊彭城

孤城環戰地楚帳有餘悲
况是春潮急仍當暮雨時
篷窗喧湍滴渡口和流漸
客子嫌長夜誰更數不移

除夕

江城風雪夜客舍逼殘年
觴冷椒花酒鑪銷柏子烟
鄉心孤枕上病骨短檠前
希冀成歸夢支離迴不眠

攜家江行

三月潮初闊江平未有涯
扁舟乘曉霽歸棹作浮家
學語兒呼汲消閒婦關茶
洛塵隨不至衣袂足烟霞

宋明詩鈔卷三

十

晚止山寺

風雨松堂集經殘燈不明
倦遊方托宿深夜罷將迎
似已離人境何緣有世情
支鼓高榻上侵冷度秋聲

舟夜

湖上夜初晴扁舟對月明
風餘寒峭峭烟際水盈盈
宿鳥依人泊疎鐘傍客鳴
篷窗關又啓深坐若爲情

山行

爲赴登臨約支筇丙夜行
林端秋露滴草際候蟲鳴
巨壑奔流急懸崖仄石傾
愛看天畔月著意向人明

秋夜

他鄉當海角孤館在高城
夜半荒砧發霜前寒月明

年塵土夢千里別離情會向無聊處屏營繞舍行

閣望

危樓開佇立極目使人哀寒霧平城合邊塵渡水來鴈
鴻疑久斷舟楫欲相催家在蒼茫裏鄉書不可裁

沂水道中

又向王程別故山秋風行李魯齊間搖搖載夢朝離舍
望望傳餐晚度關萍蹤總隨蓬不定鴈征可似鳥知還
臨沂亦有高人興愁使纓塵染客顏

山中

壯心近已似寒灰更逐殘秋短景催荒苑柴荆人靜閉
空山風雨夜深來不眠嬾拊邯鄲枕多病還停鸚鵡杯

崑山詩鈔卷三

十一

屈指十年思往事一燈相對自低回

次廣武飛熊英武

三衛逶迤縱復橫西衝觴據本連營均田林樹猶長茂
授井茅簷未盡傾固守有家人自戰寓兵無事衆堪耕
此中如官修屯戍烽火焉能近舊京

九日

當歸遠望每登高九日何心命濁醪比瘦黃花還寂寂
同愁旅鴈亦嗷嗷西風刻薄迷平野寒雨殷勤到敝袍
帖帖此時情倍切不禁佇立首空搔

初至金陵見月

素宇流孤月清光照鴈聲似從千里外寄與故鄉明

山中三首

支策清霜下殘星照幽獨颺颺曉風鳴空山聽落木
哀壑夜有聲商飈發天籟晨起看諸峯屏張寒雨外
驢背肩似山笠下眼如海偶見漁樵人行歌互相待

季夏北上許山阻雨偶題三首

恰遇青山白水忽來細雨斜風俗駕還多高寄便止宿
于此中

若言造物勞人那得伯師遮道清涼是大藥王一拂一
濯甚好

片時眼界激清鼻觀與之俱省脫巾解帶匡牀消受荷
花百頃

崑山詩鈔卷三

主

宋可泉總憲詢先少保開府雲中事口占奉答二

首

先公出鎮定襄時藩國緘器致餽私內使暗投仍暗返
生平清節畏人知

臨邊三築受降城鐵騎親提厭虜營一戰封侯反手事
不將枯骨易功名

友過卽事

雙柑空自厭春醅三徑塵封久未開剝啄聲中聞轉舌
黃鸝恰與客同來

驛館

驛館殘燈淡不明蕭蕭風雨約鵲聲客眠未穩仍枯坐

心曲天涯百感生

歸途涉水口號

詩書囊笠載輕船雨雨風風去不停疑是烟波垂釣者
居然呼汲有樵青

山居漫興

三十寒香繞屋栽果然林下美人來狂夫自許非寥落
眷屬妻孥總是梅

醒吟

片石山頭若展平酒人橫臥枕秋聲天清露下眠初覺
醉眼高空見月明

王與孕 七首

山南詩鈔卷五

主

與孕 原名 字百斯象晉子為象賁嗣崇正戊辰

進士改庶吉士授御史巡撫河南甲申殉節於

家有隴首集 朱彝尊王公墓表公以勳總兵官

楊哭求死自撰墓志與妻于氏子士和同日登

樓自縊遺言速葬士和題絕命辭於壁而後自

經 紀伯紫云先生忠孝大節日月爭光詩集

詠懷五首

適俗韻豈易耶山我將翔嘯暖一村遠於茲擷眾芳如

欣新知歡永言不相忘日暮烟林合欲去牽我腸鼎鼎

百年過朱燈照蘭房翩翩烟霧跡擬在山之陽試問深

澗樹斤斧詎能傷

世人誤龍門競願一御李意不在寒松朝槿觀其始杳

杳山川外駐顏採朱杞無能亦已焉寧肯錯投趾散髮

向踰陽膝上抱我子莫待暮鐘深夜行亦可已

千里思遙遙龍頭雪滿道親知有書至真朴願自保莫

怨江水深相見春池草適已境可忘愁人易衰老客中

淹晨暮默驗仙方好

咸陽多古跡徒供騷人歌漢宮與秦關曾不一瞬過紫

閣有仙人欲從嘆蹉跎長嘯以永懷泛槎渡洪河見聞

不可恃日月去已多輞川在終南太息空烟蘿

阮公有密識神在酒之外越禮故遺俗疑心別有會鐘

鼓不足歡戈矛豈能害惜彼餐霞人頤性終味味

山南詩鈔卷五

南

瓶梅

紅英任似火冰稜自如石南枝與北枝不作春來格

登南城同范玉坡晤梁如星道長 時以 廉至

登城遙望碧烟開萬里千峯撲面來二鴈插天分大小

九龍匝地自漂涸夕陽終古秦川影暮雨連宵渭水雷

喜見汲公持節至清秋隴首待銜杯

王與琬 十首

與琬字文玉之猷孫貢生有龍鵲館集 王帶如

文玉幼依叔父季木為王氏子弟性達不羈

為文廣湧蓋一往莫窮不得志於有司則益

購奇書閉戶縱獵其詩嘉宗晚唐間及宋金論

書有精詣後死王午之難 徐長公序從別風

流滑稽當世鮮儔求之古人耶聊生嘆為天

單府君擬於游廬庶幾近之其論詩大抵以棲

激爲宗歸極流豔其自作亦多肖之 漁洋
詩話從伯工豔體詩無題云二十五年將就木
一千路不通書曉花簪髻嬌容遠夜月傾盃飲興踈
四五聲通德每宵談祕事清娛隨處品名山皆

鵲鴝第一曲和徐長公

簷前啾啾弄春聲以意揣似呼自名誰合踰濟墜氣化
不殊高樓出谷鶯節候與爾關何事喚得存逐儂思生
閒憶江南足麗華楊柳烟濃藏曉鷗

過長公甥書其詩帙

護前吾不敢心折是君詩清潤初尋澗新桐欲引枝遙
懷違俗指吟夢足佳思羨有知音在鍾期意更悲

秋暮

出南詩鈔卷三

五

寥落暮天迴蒼茫秋野空遙懷千里思凝坐此亭中收
照山遮日知寒樹吼風蓼花顏色好霜意減深紅

再過山居

滿澗寒花委碧流空山落木已深秋經旬積雨侵塵榻
入夜凝雲冷石樓巖岫有緣應不如樵蘇逢舊喜相求
自憐通客歸城市僕僕塵生劇未休

憶長安李姬

分釵執袂問何如淺畫蛾眉耐靜居二十五年將就木
一千里路不通書曉花簪髻嬌容遠夜月傾盃飲興踈
夢向畫橋東畔去依稀曲巷認門闌

生別離詩

聚散關心百念輕楊枝桃葉苦牽情榮華白兔東西顧
恰恰黃鸝四五聲腸斷畫欄花半墮夢回荒墅月初生
經年離緒卿知否書劍無因到帝京

悼亡詩爲李姬作

黃泉碧落兩茫茫何處尋伊說斷腸欲倩小兒求夢草
定呼妙子到稠桑環來再世知何日衰藉幽冥淚幾行
韎韐金鈿消息杳白楊紅粉總堪傷

惜春

南陌繁花嬌白晝閒庭小草靜黃昏蕭疎殘景餘三日
怕見春歸長閉門

秋郊

出南詩鈔卷三

六

紅粟坐坐半厭牆草蟲聲裏豆花香西風盡日催秋急
鴈叫寒雲下野塘

野寺壁上題句不知何人大似晚唐因爲補成之

不是桃源路亦迷好山多在夕陽西浮花流水無消息

訴盡春風杜宇啼

王漢一首

漢字子房掖縣人崇正丁丑進士歷官巡撫河
南僉都御史贈兵部尚書明史本傳漢知河內
時盜賊蜂起漢多破滅之累遷巡撫練兵招降
漸有成緒會劉超逆命漢討擊之破其城與賊
巷戰被害人痛惜之 王西樵云司馬生
大爲詩止此一篇見於石村鳳凰一毛詩
尚

遊濟源北武當同王覺斯諸公時余平濟源亂後

皇帝辛巳十四年剪荆棘遠狼不遊人簫鼓猿不驚
雲封萬山望中紫下馬任步防其巔上有鳥道險欲圮
大空繫崖壁已絕淵底鹿鹿黑如蟻老翁先登無所攀
吾乃扶兒仗爲趾下瞰黃河襟帶開彼蒼者天臂可倚
馬上過來山百層踞巔俯視盡紋水三樹南望一孤峯
嶙峋峭直千仞峙去年大寇破訓掌千家避兵皆于此
及其踞巔再望之孤峯纔如小錐爾石脊怒出竹百竿
穿隙小樓僅容屣此上疑爲無路通忽開深洞高峽裏
洞縫水滴結成石片片似墮垂白耳昨夜溫雨著秋衣
洞乃積雪埋朱履蘿掛葡萄珍珠大白皮松柏玉色李

嵩詩鈔卷三

七

燕雀欲來力不能穴中惟有蛟龍子檻外峯峯皆插天
各自特立不肯比亂石參差少所名高者如劍方如璽
或如大獅騰突來或如蹲虎張其齒造化應有工削成
不然光怪胡如彼北峯嶺頭蓮花形翠屏四抱拱山趾
其下潭水千尺深投石擊之不可汎傳聞此中出神仙
老僧稱昔有田氏棗木鑿毬如斗大夜拋萬淵必尋起
本是煉性人云顛卽今飛去纔九紀自言新從南海來
酌酒叩之多高理樵者不識何處僧仙身見人母乃是
歸來山村夢迷離猶見高僧在吾凡

周而淳一首

而淳字還之掖縣人崇正丁丑進士官兵科給

事中巡按河開殉難贈太常少卿

計偕寄諸兄弟

珍重開封字。離情紙上看。春風吹馬首。昨日到長安。

耿章光四首

章光字闇生如杞子崇正丁丑進士官職方員
外福王時授尙寶寺卿後爲僧坐法死

秦安道中

秋禾滿阡陌半熟欲變青野老腰鎌倦泉鳴倚杖聽我
亦素心人見之發宿靈苦欲競人巧斯乃犯天刑造化
自夷險滄泊不撓寧丈人眞吾師今已游冥冥

十月二十六日坐蒙城驛夜半作詩寄雷齋二首

嵩詩鈔卷三

八

夜半風霜起悄然戶牖鳴忽疑雙燭暗頓使寸心驚報
國寧悲死此身眞忝生夢我詩不廢讀罷淚縱橫
自昔恨生女小人且有兄遙知千里淚應在一時傾亂
國傷周雅明君憶漢紫眼枯若見骨天地豈無情

荷蓑亭

披草尋荒徑幽閒得此亭暮烟萬井白微雨四山青風
落蕭蕭木簷飛點點螢倚闌吟不寐次第數昏星

王士和一首

士和字允協邑廩生

絕命詞

痛予生之不辰今天滅我之立王嗟世道之洞濶分何

四維之不張彼反面而事仇今方臣妾之未皇欲容身
其無所兮願從吾親於帝鄉

王士純一首

士純字孤絳孝廉與夔子李九成陷新城與祖

父同殉難夫于亭雖錄從兄少有叔賢神清之書法擅絕一時僅存詩一絕句

詠新月

乍見一簾水回頭月抱肩黃如浮醪酒瘦比厭琴絃

邢王稱七首

王稱字玉衡侗子邑諸生有雪浪齋詩草家傳太僕公後工文善書號小邢戊寅城破論降不應遂被害子璵救父絕而復甦收其遺文傳之

古意倣唐人四首

▲山明詩鈔卷三

尤

憶郎別我東曾騎五花馬揮鞭去不回走向何城下

儂本顏如花膚色還如玉自與郎分別非花亦非玉

投郎白玉環報我綠玉玦玦破不成圓環圓願重結

駕言陌上游相逢采桑女舉頭問所之低頭不與語

孤燭歎

蠟炬臨清夜空閨杆軸寒彩光落妝鏡紅影上闌干欲

剪愁人獨將吹慮夢難相思怨邊塞何日報平安

仲春道中

非緣彈鋏走風塵欲覓清歡近所親夢裏幾驚花上筆

客中眞化尻爲輪河水已泮風猶厲朔鴈爭回柳漸新

自是浮名解誤我月更還作未歸人

書紅葉題詩圖

梧桐葉下拂珠樓盡日橋邊怨女牛流水斷腸相並曲

隨風吹出後宮愁

光岳奇二首

岳奇字平子陽信諸生

霪雨

乘櫓慙往哲曳尾幸塗泥疎雨聽還密高雲望復低鷄

聲膠舊怨蝸角篆新題寧待桃花水仙源路始迷

哭陳葦苔同社

海西白浪捲漁夫一仰長天一慟呼弱弟解憐兄病否

▲山明詩鈔卷三

圭

孤兒能讀父書無鄴城作賦新才鬼釀國談元舊野狐

我已衰殘君又去飛揚竟使寸心孤

山左明詩鈔卷第三十二

山左明詩鈔卷第三十三

姜垞 四十一首

珠字如農萊陽人崇正辛未進士官禮科給事

中有敬亭集明史本傳參他書垞撰禮科五月

怒下詔徵擄城備至甲申正月疏以攻周延儒帝

而國公以金陵救留吳門後避馬阮之害之擢

州以宣州有微亭山自號微亭山人又稱宣州

老兵遺命葬宜城以故君未賜環不致首邱吳

人建祠虎邱祀其兄弟君若紀事傳甲乙

以來殉節諸賢曰正氣集自題己亥後詩文曰

傅鈺集明詩綜詩話公晚歲始為詩風格一

本杜陵其自序云託哀鳴于異鳥感音節于侯

蟲可謂善於喻物者也黃九煙云先生詩發

乎性情本乎忠孝名實交孚纔纔盡致錢幼

光云先生詩大抵取法於柴桑

浣花其志同其調不覺其同也

秋懷二首

崑明詩鈔卷三

我有五絃琴撫之激清商撫罷還獨坐寒雲忽蒼蒼芳

時既已歇浩思慘不揚形變時故化情多心易傷人生

不得意四節皆淒涼西風牽我衣百蟲鳴我牀中夜不

能寐攢衣起徬徨

兒女列我前晨起向我悲問兒悲何事九日尚衣絺衣

絺猶自可無食腹中饑時我聞兒語淚下不可持出門

向故人乞穀復乞絲故人在何處轉側反自疑君子守

故轍母令見者嗤

將還萊陽留別真州諸子二首

二十涉江湖爲客日何長男兒不得志不如離家鄉昨

有六親人寄書三兩行家鄉府帖下問我存與亡將書

付我手未啓先斷腸黃河千尺水欲渡愁無梁哀哉語
六親但去莫徬徨

正月天氣寒北風摧馬首出門卽萬里阿兒牽爺手阿

兒哭爲爺阿爺哭爲母明明天上月青青河畔柳送行

復送行誰能守戶牖老馬奮車轅行人資糧糗長嘯出

門去四顧何所有

懷劉司馬泰齋

杳杳白日頽流光忽以迫人生苦參商憶我夙昔客間

君在東皇荷鋤日復夕臂彼孤鴛鴦求匹何繇適出門

逢少年非復舊親戚道傍生荆棘跬步動睽隔我欲贈

疏麻路遠不可摘維昔嵇呂交千里悵離析登樓爲思

崑明詩鈔卷三

君願言成一覲

鐵鑿行

壯哉鐵鑿城飛閣與天齊城內啼鳥高且下城外長江

東復西將軍南征夜渡海樓船勢厭波濤低波濤洶湧

棄風沒十萬貔貅盡白骨我願邊臣圖主恩不願邊臣

爭勦伐

簡余寒鐵

自我不見余秀才夏云徂矣秋風來今我一到秀才宅

堂前堂後生蒿萊丈夫慨慷只如此誓欲破家去鄉里

今日路旁一匹夫當時萬言干天子低頭俛眉心不辭

養鷄收豕身應爾君今讀書停雲館仰天狂歌何衍衍

有時野老扶杖過烹葵摘果酒先煨白公隄上波欲沒
期君同看谿雲滿

宣州行

麥隴青青客風駕買船西渡陵陽下頭面焦爛身垢汚
十人九人皆驚訝近俗那管窮途憐苦辭豈因官長怕
若非苜蓿先生留回轍蹙蹙將無暇長年三老口不言
喜擔布囊爲我卸倉皇且投馬生宿水益木瓢南鄰借
杵臼未許奴子操升斗誰識津頭價婦軌時防東家嘆
閉門當恐土人罵乃知朽物同棄捐不爾大道未推化
郡中耆舊貴公子最後託契爭邀返相逢不必問姓名
頗愛老夫好耕稼宣州城北古所誇問何往迹李與謝

出明詩鈔卷五

王

青山滴滴路宛延登高四望多穠樾每思江國心已屢
何得茲山日方午卽今饑鶴人不知恰有疲驢我可跨
平明出門晚未歸日之夕矣遽已夜諸公才名高絕倫
吐辭伸辨驚注射金盤銅錯蠟光紅如川之酒更行炙
開道天門最高峯南峯北峯勢莫亞其下薄田足十畝
低種稂稂高桑柘自是衰年應埋骨已促好友爲餽舍
暫可羊求通爾汝終當韋杜稱姻婭登堂見君別君
風笛自此離亭罷青獅白象吾將東儻有尺書到湘
赴戌集
垂死承恩譴天威咫尺開荷戈荒徼去收骨瘴江還
職猶思補龍髯竟絕攀先皇千滴淚獨在敬亭山

具區

鶴市危橋北鷁波亂擊東雲平高浪隱日淨遠天空
鴈瀆魚兼白鹽田南故紅飛鳥啼不盡夜夜傍吳宮

湖南寺

南去悠悠遠東觀慘慘多馬刀江白蛤鸚鵡海紅螺吳
越傷今古行藏寄笑歌林枝柄欲穩無奈月明何

九日登越州稷山和弟垓三首

萬木凋霜嶺千富帶水邨雲屯山郭靜潮過海門昏
峒風堪落黃萼酒正溫愁聞江微外鳴鏑滿中原
越國兵嘗關風塵那可停餘杭春米白東海煮鹽青山
僻防豺虎江寒蹴鶴鶴若逢更戍士一一問朝廷

出明詩鈔卷五

四

昨歲登高處吳山望眼空楓林秋色外鴈字夕陽中
柏諸峯杳蓬萊此路通弟兄年四十愁病已成翁

鑿江雜詠二首

老去人猶在春來客未還側身天地外卜宅水雲邊
月照歸栖鳥江喧出口船苦遭生意短白髮不相憐
歌哭何曾是誰堪淚眼窮依劉恨王粲化蜀愧文翁百
戰千家在三年一字通白華嘗有恨歸路馬頭東

寓登州杏花邨與董青遠話舊

大道蓬萊下烟波接海門懷人桃葉渡買酒杏花邨
河北來無幾江南去敢論可憐春草綠不肯送王孫

搖落用杜韻

旅食頻頻改朱雲冉冉流弱齡鮮海岱老眼送江舟袖
內三年字山中五月裴飄零吾已狀何得更高秋

懷舊閑賃成二首

楊子亭中草草家廬下春飄零千里遠散漫百年慵野
路穿江浦秋花逼水容王生舊茅宇將老許過從
壁老家何處柴門晚自尋官寧似循吏文實愧儒林萬
里牙櫓遠孤城水府陰汀洲花滿目江雨欲登臨

送林衡者還嘉善

相知不在久岐路莫頻驚客舍綠拳地鄉心夾滌城霜
前孤鴈白雨後一湖明爲報余生札平安問舊京

秋日遊徐氏東園

崑山詩鈔卷三

五

地接蒼山遠年催白髮新登臨興廢眼離亂死生身秋
水有孤鶩寒塘無幾人渡江諸子弟隨意五湖春

宣州有感二首

南國遷流日西京喪亂年山城睥睨處水樹隱明邊花
墅陳梁在詩名謝李傳祇今成浩劫未覺盡前賢
何事緣溪去悠然路轉冥竹林黃蘗寺風景謝公亭湖
草水全暗江天山更青滄洲吾意遠白髮况星星

友人招飲賦謝

踪跡天涯作比鄰玉壺送酒不辭頻江開孤月同今夕
海內忘形有幾人兵亂路窮三蜀客鴈飛家寄五湖春
蘆花寒渡秋初雨搖落誰禁白髮新

東歸馬上

碧樹凋傷錦作華青齊平野見人家逢萌逃去悲京國
范蠡歸來臥釣槎關塞陰霾車轍亂海天秋雨鴈行斜
蓬萊宮闕渾無恙此日馳驅莫怨嗟

和韻寄答張太守并叔

折得梅花寄一枝依依雲樹繫相思百年遊左還家遠
萬里江南負米遲風雪滿天人命駕山邨撥火客傳厄
最憐芳草王孫恨回首鄉關祇自悲

薄遊

淮南霜落鴈初飛河上菱花菰米肥少壯幾時人已老
簡書猶在客安歸十年往事傷銅馬四海相知盡布衣

崑山詩鈔卷三

六

荷菱秋風隨意去江邊莫狀舊漁磯

東歸

樹色依依不夜城石鯨風動海雲生側身天地是何意
亡命江湖未有名花落秋山人欲靜月明茅店客無情
三更畫角淒涼後卻傍征夫馬首行

贈孫生

昔日遨遊白岳曾此中高士有孫登烟波驛路看明滅
楊柳河橋感廢興極目猶懸芳草地交情喜見挂瓢僧
與君同是天涯客苦憶家園只未能

東歸省墓留別吳門親友

身世絲來歎轉蓬汀洲况復滿秋風百年作客鬚眉老

千里還家道路窮北海松楸瞻望裏東吳兒女亂離中
笛亭相送尋常事此別還須努力同

送董樵自姑蘇之南昌

故人馬首恨匆匆水驛春生雪乍融瓜步萬條烟柳日
薄陽九派布帆風幾多白髮交游際無數青山欸乃中
若見使君應問訊江東臥病鹿皮翁

寓宣州作三首

仙掌芙蓉聳碧霄屏開雲母欲回飄遙天清境臨山閣
細雨春颿過板橋十里樓臺江森森六朝文物草蕭蕭
瑤華芳席勞多友詞客羈人未寂寥

睥睨高樓謝眺城萬家烟樹碧空平雲遮古寺輕陰色

七
岩明詩鈔卷五

山送嘯猿落日聲八口東吳非活計孤舟西港倍含情
漁樵蹤跡猶堪伴潦倒雙谿盡此生

壁浦飛花接石關百年心事北樓閒乘舟弄月歌仍哭

破帽單衫往復還莫向此生愁白髮好爲吾骨買青山

石金戴表皆名碩弔古臨風淚欲斑

廣陵遇嘉禾友感賦

朝罷西華並馬還龔曹昔日此鷓鴣班人留天寶風塵後
客在雷塘雨雪閒連歲喪亡哀白馬幾年離別慘朱顏

讀胡天仿集因憶過淮有失尋訪悵然而作

飄飽秋風一葉孤草書不暇問潛夫花叢竹徑曾添否

水蒞山顛復憶無賓客梁園枚乘宅魚蝦淮甸射陽湖
殺青案牒相傳久好附征鴻寄入吳

自題荷戈小像集唐四首

長沙謫去古今憐楊柳初迷渡口烟漫說簡書催物役
可堪風景促流年津樓故市生荒草落日深山哭杜鵑
爲向東州故人道好收吾骨瘴江邊

捧日惟愁去國遙前谿更轉木蘭橈偶因麋鹿隨豐草
未有涓埃答聖朝幸與野人俱散誕不嫌門徑是漁樵
此行領取從軍樂清弋江邨柳拂橋

北人南去雪紛紛鴈叫斜陽背塞雲孤棹夷猶期獨往
崇山瘴癘不堪聞九重每憶同仙禁直道何絲啓聖君

八
岩明詩鈔卷五

遷客此時徒極目戍樓閒上望星文

夢裏招魂讀楚詞不須求賽敬亭祠千官共創姦臣迹

萬里遙知掩淚時望闕未成丹鳳詔空林獨與白雲期

猿啼鶴怨經年事謫宦軍城老更悲

姜垓 四十六首

垓字如須垓弟崇正庚辰進士官吏部考功司

主事所著有簣管集竹石山人稿明史本傳垓

力當漢陽破父殉難垓乃奉母南走蘇州初

垓爲行人見署中題名碑呈秀阮大鍼與魏

大中並列立拜疏去二人名及大鍼得志欲

殺垓垓變姓名逃之寧波國公乃解得志欲

二姜先生祠記先生國變後流寓天台號竹石

山人暮年與兄共隱鹿洲鶴市之間論文講學

以仁義忠信爲旨三吳後學翕然從風其後遂

官行人請制阮大鐵名字徐昭法詩所云聲外
尊神是也避地吳門幸茅西山之竺鳩詩篇
溫潤而栗葉處士序之魏叔子云
公詩沈鬱難憂無幾三百篇之旨

寄吳駿公學士三首

飄飄白楊花溶溶大江水天衢既阻修良人隔萬里妾
身如飛蓬貞潔聊自矢朝倚青雲端暮宿朱樓裏四顧
多勞皇塵沙蔽野起梧桐摧爲薪蘭蕙化爲枳中夜坐
長歎皓首思君子

問園杳何許迢迢行路難孤鴻自北來哀鳴浮雲間令
名不自惜朱顏多摧殘新人雖云好未若故人歡莊周
釣濠水段干踰墻垣振衣想高蹈逸矣斯難攀海宇寡
儔侶潛德遂所安念子何爲情踟躕傷心肝

崇明詩卷五

九

楚山有良璞昆池有奇琛投之非其地誰能明我心掩
袖出懸圃驅車歷丹岑延頸蓬島上白日忽西沈北首
瞻行旅邊雨正浸淫念我平生交停軌思盡簪昔爲膠
與漆今爲商與參斷腸不可說淚下霑衣襟

游高明神院宿青嵐閣題文心和尙卷

亂岫松窗暮深山古木丹臨星雙塔曉將雨萬峯寒海
嶠樓臺迴陰城鼓角闌越宮好消息頻向斗牛看

送余大還白門

齋口停橈曉背江出棧遲春衫沾別泪細雨濕征旗暫
解元龍樹爭傳幼婦辭烏啼吳苑冷多是後栖時

浴佛日元墓聽剖公說法後吳翁邀至司徒廟山

居同徐孝廉枋楊文學紹吳文學昌文作

講罷春暉淨攜歸水霧曉鹿柴人共啓蝦菜客能勤捲
幔蠻莊火吹旗古殿雲放船同結隱莫漫更離羣

雨中放艇繇橫塘經靈巖山下作二首

江雨此爲客潮迴急浪遊梧宮春燕哺露井夜烏愁稅
織經蠶月犂荒失麥秋山花紅似火苦勸故人留
花事非岑寂山川迥別時下秧湖鰲集收果夜猿悲水
驛投應暗春郊去故遲友生淹別墅不醉欲何之

烽火山禪院禪咏兼贈宋孝廉林寺董茂才樵

烽火關山笛東來實飽聞孤城烟欲合斜日海同曠土
窟炊殘雪松窗鏤凍雲故人來意表鷄黍最殷勤

崇明詩卷五

十

和宋孝廉贈別

此別更何日相逢白髮前鴈魚歸客淚燈火渡江船遠
道分締葛炎天煮活泉西方有音信好爲寄書傳

黃門兄被罪幽拘僕乘閒入西曹伺問及將母南

竄苦賊梗會故友以轉漕往來河上恃之無怨

卻賦志感

戍火屯烽火海郡收潮京霜露悵淹留中宵遠走憐徐庶
大難西行賴賈彪悲向十陵環古障亂從三輔避荊州
豺狼格鬬飛輪急喜遇功臣首鄧侯

和鄧孝威立秋日送余赴吳會兼懷集聖野之作

二首

郡國供輸百戰餘中原消息竟何如吳楓曉對關前宿
芳草晴隨舫屋居秋色二陵連沛泗白雲千里入青徐
西風江口龍蛇動遺廟栖鴉弔子胥
淮海輪蹄十載多故人踪跡半烟蘿雨花浙浙燕還宿
木葉蕭蕭江欲波季札終留三尺劍伯鸞猶作五噫歌
此行勿負歸湖志桂楫荷風老釣蓑

新柳二首

二月津亭拂面絲黃烟金穗不勝垂西清微蕊雨猶潤
南內疎簾風自吹到眼欲驚寒食節畫眉虛憶少年時
玉關雪盡行人泣恐是春來管別離

故國關山笛裏聽雕鞍寶馬臥旗亭灞橋雨綻初含綠

崔明詩鈔卷三

十一

榆塞天寒不遣青留恨春衫臨綺席承恩曉鏡對銀屏
永豐坊角啼烏散肯伴梨花子夜零

秋日雜感二首

綠芷烟江客思哀紫宸回首重徘徊吳天楓樹凌霜下
水國芙蓉落照來萬里月明鳩鵲觀六朝花滿鳳凰臺
關河擊筑逢人少繫馬旗亭一舉杯
黃羊蘆酒客悠悠寂寞關河二百州

寶刀自哭饑行路芳草誰憐賦遠遊

烟閣雲樓纔駐節子胥江上又生愁

中秋憶家率然作歌

今我何爲乎長安久不歸長安八月無芳菲日見黃葉

落夜聞鴻鴈飛他人被服紈與素游子身著短布衣朝

亦苦饑暮亦苦饑中宵猶帶月光輝昨日鞍馬出西城

誰知將行未得行但願前書終不達前書誤言歸期成

上堂父與母下堂弟與兄妻孥立後庭得書喜且驚家

童雖黠疲中道來相迎過時而不至舉室難爲情客中

念此悲有餘新書又寄雙鯉魚上言邇來加餐飯安敢

謂我不寧居且思書到復傍皇旅人既遷非一方傷莫

傷於離別苦莫苦於他鄉天寒日落草木萎黃踪跡無

定不如朝霜出門常恐晝短空閨惟恨夜長少婦不知

貴與賤以爲見天子奏明光冠佩陸離出入建章退而

理琴瑟並坐君子堂殊不意華屋祇今巢燕雀高梧無

崔明詩鈔卷三

十二

復棲鳳凰長兄能草元下筆思可傳時命何偃蹇上書
不第還中兄作吏守清白自笑十年官未遷與其有志
難遂何如歸而耕田小弟方婚冠賦詩弄柔翰卓犖衡
古人自能生波瀾思我念我無還期身統膝下發長歎
惟我同氣有八人垂髮相守何其真獨不思大家幼妹
苦者苦貧者貧東海悠悠三千里各有心血繫老親左
右縱橫興別緒深夜雨淚掩長巾舉頭月團圓低頭不
敢看今日京雒客登筵皆喜歡我卽欲爲輕薄少年間
長安之狹斜西北寒林啼烏鴉誰能見月不思家

和贈鄧孝威

攜客延陵舊逢君鶴郡前江淮餘部曲吳楚接烽烟失

路橫關輔占星暗斗躔西風聞短笛寒雨擊空舷杜甫
無家別陳王白馬篇歌音超近體琴操會無絃終苦塵
難蔽何妨磬屢懸虛存徐穉榻誰羨李膺船廟社非人
力乾坤只自憐隋宮花覆地朔寒草連天阜帽堪長策
青山亦宿緣河梁孤客恨永雪遠書傳跡曠孫登嘯懷
留祖逖鞭種瓜還故業栽竹傍廉泉養婢于頭橋娛親
一鱸鮑桃源雖絕世漁父未徒仙木葉蕭蕭落萍心冉
冉牽獨傷烏鵲繞常對鷺鷥眠麥秀周京道稅收賃廡
田報恩三尺劍托命五花羈暇日開襟少新亭置酒偏
官梅何遜興書草子雲元衣帶芙蓉冷候糧杜若寒淒
涼情易老蕪蘼隱方專莽澤元龍遜隨車赤驥綿渡河

岑參詩卷三

三

期鄧禹奉使愧張騫一別唯青眼雙魚有素箋挂帆秋
色早萬樹亂鳴蟬

對酒行同秋岳

今晨雨歇天氣新花墅酒樓逢故人塵垢撲面力疲鈍
江湖落拓情彌真鷺啼燕語春風好眼底興廢傷懷抱
城中朱門百萬家慎勿當筵惜醉飽九州瘡痍殺氣翳
何況他鄉易速老割膾薦醪主太切欲諸客惟神志竭
朋友膠漆無處無推心結納人中傑時危那能快意游
日暝尚苦赴船別西風蕭索并馬驕供給漁勢愁絕
江南早傳庾信賦河梁未繳蘇卿節往昔出入黃金臺
曹龔比肩一代才皖桐方大善許與袖中半字驚風雷

使星直廬散秩並馬賦詩朝罷回十月承旨詣天壽
上陵寢殿祠宮開靈衣一舉色慘愴霜露長體皇心哀
此時我行各執事西山爽氣盈蓬萊草凋騏驎分宜瘦
國危賢哲須自疚末年朝議最紛紛兄弟擊奸計不就
黃門北寺血染裾御史中丞疏特救男兒束縛且倔強
排解滌蕩相先後翊翼一逐甘愚蒙賊氛晝捲葡萄宮
公等流涕仰乘輿我亦喪家羈江東道旁軀命值糞壤
城下枯樹藏蛟龍人生寵辱安可料憂多蒙蔽成英雄
與君對酒莫啾唧一息尙存應努力

澹心過吳雨中同賦懷舊之作

關山迢遞暗隨陽離離樹飄飄零塞北霜公子晚銜松栢恨

岑參詩卷三

南

美人春帶艾荷香六朝建業思君遠萬里銀州怨別長
白髮歸湖非活計扁舟莫笑老夫狂

秋懷二首

江山欲改故人情紅蓼野棠愁眼明地發寒花卻鑒宅
帆添細雨呂蒙城老慵時值香醪熟多病偏希藥物平
來日輕舟下吳會親知寥闊慰餘生

芙蓉檻外思冥冥昨夜飛樓江雨零樹杪凍霞斜露見
秋深野騎翠微停乾坤圖繪三山盡吳楚風煙萬點青
烽燧故鄉今更急何山書札寄滄溟

送楊明遠渡江

書記從征日軍容入幕年六朝京口樹萬里海門船裴

馬誰爲主才名自可憐西風征鴈急遲爾菊花前

法螺菴秋居同徐枋作

寂寞重陽後秋林晚更花月高沙宿鴈風勁樹翻鴉卷
幔丹梯遠懸燈竹院斜定知愁病日坐穩勝還家

送馮太僕暫還滁陽奉新命卽赴南通政二首

伯同能清近東京掌未失典與神馬御司舌佞人藏吾
道雙騏驎同官小鳳凰于今鄴鎬地猶憶世風長
草木春江遠絲綸魏闕通憂時頻望北封事苦留中逆
耳何辭罪批鱗敢論功太平持奏體數入建章宮

黃河舟夜感懷

天外層霄永夜悲月明耿耿水漪漪北風宿昔傷懷抱

出廟詩鈔卷三

五

寒浦平生足別離星夜迢遙青鳥沒烟波憔悴素華遲
南征聞道班師急愁聽神州畫角吹

樓夜

紅燭照人俱可憐城關急鼓又闌闌安巢莫訝烏遭尾
憶弟空閒鴈比肩昏睡成鄉生碧草江流俯檻送朱絃
域中兵革無時歇愁殺高樓樓上眠

五人墓次張太史漣韻

氣結吳雲雷雨殷卻爲憐惜紫芝然每看松柏思人傑
不畏豺狼號獸君亂世布衣能立命夜臺血淚佐修文
當時各有回天力肯以邱山付蝻蚊

金昌曉泊

轉戰山河在故交何處尋日寒過水市霜薄隔宵砧赤
飢飛旌尾哀鴻集澤林秋風不可極抵岸淚痕深

遣懷

海門鐵櫓出煙汀河朔音書羽騎停白馬素車空嘆息
鳴鳩乳燕最伶仃元龍樓上暮簫起季札墳前春雨零
故國清明楊柳陌依依還傍戰場青

蘭江歲晏祿感二首

屠釣非勞事傭書舊隱流齊城還渺渺越水自悠悠第
鱸思供母風塵苦繫舟揮力辭故友壯士最淹留
未遇孫登猶猶工庾信哀殘花三載過歸鴈數行來刀
尺寒衣改關樓暮角催妻孥回首地翻恨別天台

出廟詩鈔卷三

六

卻憶

十年狼狽走風塵存歿悠悠憶故人桀子國中無左宋
夷齊廟下失徐陳

柳

正月蘭江曲回頭柳色新不愁關塞老忍憶灞陵春草
木魂霑地山河淚掩巾御溝兩行樹恨別屬何人

贈陸大

西陵煙月近樓臺慘淡江山竟不開宋代宮門春草
越王粉黛夜沈灰祇應客舍銜杯過未合春舟
屠販埋名多故老千金縱致亦堪哀

江天閣眺覽

別浦寒雲飛不遲
稊苗黯黯黍離離
雨邊楓樹伍員廟
江口蓼花文相祠
騷病殘五馬渡鳳凰
栖老萬年枝
重山縹緲非京縣
日暮高樓有所思

雨華巷

隴首涼風起空田
野鵲鳴院青深映竹
江暗遠浮城八月
旅還滯三山情易生
鄉僧出徐充泰俗語分明

送任邱張君北還同成都郭君福州林君席上

與客相逢在別筵
黃昏燈火放吳船
燕齊閩蜀俱遊子
不是離愁也自憐

林翁行

搔頭拄頰江邊坐
十日五日春風過
吳越亂罷官吏驕

出明詩鈔卷三

七

官吏苦飽翁苦饑
市中走馬競錐刀
紛紛甲第如虬毛
伯倫早願酒德厚
子雲晚益詞賦豪
古人老太委糞土
何必費力心煎熬
憐翁七十如四十
蝦菜秫米少供給
大兒遠遊小兒痴
應門持戶老妻泣
介州大泌俱眼前
忠介文肅相比肩
百年膠漆俄頃變
此翁豁達形體堅
排闥伸藋屋底出
燒蠟元龍樓上眠
興來急請飲一斗
敏捷倏忽詩千首
吳下詞客紛若麻
賤老貴少亦何有
祇今回首江湖春
王侯將相空黃塵
乾坤渺茫虎狼毒
嗟爾嘉隆年閒人

挺城閒居禪詩三首

北庭涼颿起
嘶嘶木槿放
人生貪朝榮
白日凜顏喪
哲

士處蒿萊撫襟含餘愴
鴻鵠自高飛矯首雲霧曠
托介豈無期停驂適誰向
少游守墓廬公理崇微尙
伯休乘柴車子慶戴瓦盎
駕言還鄉邑投身滄海上

一日復一日道衰仁讓祖
鸞鳳失其侶暫偕燕雀居
朝食橡栗實夜宿蓬蒿廬
勞勩還自顧樂少悲有餘
靡靡攢芳草冉冉依井閭
犁鋤非我宇行路非我車
振衣瞰海嶽結軫臨青徐
願得同氣友寓之尺素書

亭臯減容色冬葉辭微霜
飄飄宿車幘徘徊舞霓裳
年代惻薄俗諺諺竭時狂
執扇豈被棄羅襦更足傷
范丹操窮節譙元達聘章
新人既憑陵故客多跳梁
雉穴臺陵燕兔侵帷床
溯溪擷椒菊登陴披柘桑
浮雲知我

出明詩鈔卷三

本

志愁絕朱顏蒼金鼎酌嘉醕
於焉娛高堂

二疏墓

風勁海潮急草荒猿嘯哀
勳名供遠別骸骨乞歸來
漢詔旌亭出官僚祖帳開
東都門外思憑弔首重回

春懷

故國愁仍在居諸只二毛
紫蒲魚去遠紅杏燕飛高
歲儉燒畬麥春寒簡布袍
干戈還鼎沸鎮日海門濤

黃培十一首

培字封岳號孟堅宗庠姪

懷人

鳥亦東南飛鳥亦西北翔飛飛各自適恨不是同方

思遠曲

燦燦天上星皎皎樓頭月每欲思遠人秋風已先發

雜詩

明月度河漢乃照西北樓樓中有美女獨坐理空侯翹

首再三歎天涯春復秋

長門怨

採川賦中字

白鶴哀且號孤雌時枯楊黃昏而望絕惆悵託空房援

琴操雅調愁思不可長搏芬以爲枕席空復香展轉

甫成寐恍若君在旁惕覺而無見仰見月精光妾心竊

左明詩鈔卷五

九

自悲年歲何敢忘

閒居

珍重此蓬蒿歸然對二勞青山如不變白雪自能高愛

我惟陶酒論心但楚騷莫留名得在造物忌吾曹

閨思曲

明月照樓頭樓中寂更愁春來花易謝秋去夢難留迢

遞思人老淒涼對鏡羞不知多少淚枕上濕還流

蹉跎

晚夜鴈聲過愁人且奈何軒車三徑少風雨二勞多酒

熟誰堪對詩成祇自歌兒曹初未解長是笑蹉跎

蟋蟀吟

淒淒清露下切切夜悲鳴似解關山恨因爲離別聲飄
風時入幄涼月正當糧料得閨中婦相思夢不成

秋懷

驚鴻聲入碧雲端欲訊離愁日渺漫落木天低秋色淨
懷人霜老劍光寒魚龍混跡悲遲暮風雨閒開魏羽翰
閒說近來音信好牢騷萬里爲加餐

春閨憶

一曲清歌淚濕衣黃昏猶自見花飛良人若解思千里

春夢何難夜夜歸

宮詞

擬向長門老此身君恩究在竟誰陳祇合縱有昭陽燕

左明詩鈔卷五

三

不認當時宮裏人

春夢

會隨春夢到咸陽柳色鶯聲滿建章歌舞年年看不盡

一時祇見月如霜

楊御莊

四首

御莊字敬君沂州人世襲錦衣衛指揮授本衛

屯田道鼎革後不仕有蜨菴詩稿

游英霍山詩

未擬穿雲出俄從幽谷升暗泉隔竹響絕巘見猿登梅

早依茅屋松盤挂古藤蟠蟠峯頂動應是獨歸僧

賦得茅簷落鳥窠

茅舍幽禽下簷低遺龜過乍疑飄絮亂錯認落花多鍛
翻今如此凌風事若何浮名輕似爾隨處是巖阿

春懷二首

梨花開徹態婆娑坐久花開一放歌漢武侯祠松柏老
晉卿那墓草萊多尋芳漫自長隄去買酒還依青旆過
爲憶長安冶遊日五陵年少意如何

開門無處不青青倚杖看春出小亭枝上忽驚花片片
鏡中愁見鬢星星香泥壘棟來新燕殘絮飄河化細萍
九十風光轉瞬盡流鶯嬾共少年聽

臧允德 二首

允德字諧卿號嵩石尚書爾勑子縻錦永百戶

遊廬山留題佛寺二首

主

遊廬山留題佛寺二首

陰生石壁隱奇踪紅葉秋聲下古松鷄犬已知迷漢代
雲霞無意戀秦封燈光猶現潭中月龍氣時生海上峯
總是仙凡塵世隔何曾若士不相逢
聖燈崑上可徘徊乘興猶登飲酒臺醉貌疑從楓葉得
壯懷時對野花開溪喧倚石飄仙籟山靜無隣遠刈灰
樵徑雲低迷舊迹浩歌人步夕陽來

山左明詩鈔卷第三十三

山左明詩鈔卷第三十四

劉孔和 三十二首

孔和字節之大學士鴻訓子有日慎堂集
劉孔和王適坦二人皆負氣疎隘相交善見天
下大亂散財結客甲中起兵殺閹賊僞令率精
騎萬人而赴金陵至淮陰以兵屬劉澤清澤清
與孔和素交好時爲藩鎮貴重無比然好爲詩
一日大會將吏座中吟贊佐交口譽之孔和
仰視獨無語強問之曰公誠名將才然此事定
復不急澤清益怒酒宴客皆惶懼失次孔和傲
然而出澤清益怒遣人追及舟中拉殺之時年
三十一孔和長八尺面目如刻畫雙眸炯炯望
之類羽人劍客平居好論天下大計感激奮發
鬚髯怒張嘗有贈王詩云都無殺者黃江夏豈
有食之嚴鄭公後竟死澤清手與黃祖事絕類
云漁洋詩話孔和詩豪邁雄放
有東坡放翁之風一代奇才也

李陵

山左明詩鈔卷三十四

一

萬物各有知胡爲恃自強人生畏少年意氣多分張報
國挾白刃主志摧臣賜不如學巫蠱終死在帝鄉

小食直生齋中爲拈比語

塗林多奇實末麗無定名苞苴義不稱媚世還自驚莫
爲勸學死聊羨寄居生贅事榴作酒迂談蟹兆兵三食
徒衍衍萬物弗庚庚何如武侯菜堪補作荒經

雜諷四首

乃服管幼安遭亂不著書阜州映東海濯濯風有餘豈
獨省移答兼以修形軀不惠而不夷仲元當何如
少陵詩竭情右軍書越媚譬如今雅琴乃是古御節前
燧久不作紛紛弄文筆此語固頗高何以處衰季

傷元化偽古愈堪畏強擬皇猷篇勦取响嘯字不如求
真至辛澹皆可味

世談神仙事往往慚未安捫日求盤燭疑信良皆難此
道貴艱苦挽舟上急湍火以藏深遲冰以埋陰存但恨
庸妄輩爾爾求崑崙何物覆筭籍累累日以繁吾儒匪
相賤所以尊乾坤乾坤箭元化豈開大盜門

松栢堅而壽巖石靜而完熊經能自引龜息無所餐方
之彼仙人當作如是觀松伐石且斲熊烹龜亦鑽千秋
消盡盡神氣何棲蟠淮南叛諸侯趙高賊宦官神仙固
有此何足容褒彈因之謝來學甚勿食馬肝

讀孟東野詩二首

嵩明詩鈔卷五

二

古花眩元化當時無丰格古鼎羅鬼靈當時無光澤誰
謂烈婦容幽靜而婉孌雖無列仙業渺渺適空迹借問
虎豹宮層坎結松珀

華嶽五千仞真氣不盈尺二儀鑄造時凝如李中核黃
河不爲脉太行不爲脊君看纖碎手握有嫺皇石

入山

富平一戰敗宗印歸華山平仲志不遂亦竄青城開天
地已反覆智勇皆淪遷達觀自昔人踐之迹非難文隱
氣復柔衰亂多神仙意此幽巖中歲益清都班雲光照
瑤席桂露澄金盤誰能躡羊腸危棧凌飛湍

傷心吟

一日百痛哭天地不我容永隨光景夜願先萬物冬釀
愁爲醇酎鑄憂爲劍鋒味清刃亦摧憂愁無終窮

送長兄之金陵

豈復雲山意干戈滿吳會况余強臥時空憶天涯外一
別離菊前露下浩不收秋冬難爲懷何以行扁舟汴路
旣零落白門復蕭索欲賦哀江南遙遙不可得故宮蔓
寒蕪豆粒想崩壞惟有孝陵樹垂涕堪再拜江氣日夜
發暝暝阻春烟念之何時歸歲暮當來還

感石竹

偶宮廬陵羅景綸獨從花木辨天真離騷遺梅詩咏實
萼蕭鬱鬱今不辰武后採山牡丹山崩見竹何難秦

嵩明詩鈔卷五

三

瀟戎荔枝今不數勾漏丹砂產已貧何必汝穎多奇士
安知燕趙生佳人吁嗟乎造物既如此令人浩歎瞻蒼
旻南窗石竹一百種烏能爛漫同千春

大風行

連朝捲地北風惡掀赫青陽昏日脚黃沙如雨窗戶開
慘澹蔽塞天垂幕東書閣筆欹襟坐異氣蟠胸愁廣漠
驅逐溟海關鯢鵬九萬扶搖轉羊角斜斜靡靡下鵬鶚
來與狐兔潛幽壑蘭筋駿馬立不定將軍箭折弓難攬
不知何處起狼烟蚤從今日占兵落齊土豈堪事戰爭
饑腸那復支瘟瘡汚人無計避元規悔客家人向嗃嗃
沛宮高會羣進爵萬乘歸來雜悲樂慷慨作歌隆準人

老不讀書氣張拓猛士猛士守四方千里相望心如昨
我思不獨思衛霍更歎武皇胡不作

七夕與邱將軍話舊兼爲手談

伏生之里大將出生來所志唯馬革幕中已多指踪功
黑塲血戰不勝筆堪嗟再謁典連敖不知三世還執戟
別三十載一瞬閒歷盡鋒鏑與枯桎背貴那可入韓罪
晴白聊足嘲吳刻多君談笑貫索中坐待明光銷蠹蝕
昨聞廣武拜軍師聖主懷邦丈人吉如今驅戰眞市人
聒聒怒蛙誰與軾願君橫臂障東海莫教鄉梓生荆棘
安有健婦把犁鋤但見春林巢小兒從來懷外必內安
隱憂不在河北賊夜涼浮白戒談事更向局中間刻急

岩明詩鈔卷十四

四

已知文韋能辦賊不待當塲辨白黑贊君欽手推棊枰
論兵父父終羞吃君功自得勒燕然我詩空須錦綢織
庚辰先相國文集成感賦

夫詩極於愁思而騷起於怨憤切已則痛難言
則深忠臣之志孝子之心其揆一也樂羊以謗
篋而克中山晁錯以填垣而退申相無素符之
交有巧投之讒置其難矣然顏子疑於拾塵伯
奇惑乎撮蜂事有偶然可爲君父諒也所悲者
生前邑鬱沒聞不彰故微之紀實必待香山東
坡不作墓文而爲溫公欣然樂就他如元公浪
托幾玷潘蒲及於元晦始獲洗滌豈非事關忌

諱則袖手咋舌而子孫紀述又多難憑耶幸者
先相國詩文直披素心不襲秦漢唐宋之迹百
敗而一戰勝垓唾手而十行如綽探奇箕子之
墟濯魄文殊之境窮達齊致哀樂不傷益嘗自
號四素主人聊以明自得云爾敢效柏梁之歌
者取其句自爲章以合遺事而列隱情欲使後
之君子知其意在明晦之閒也哀哉歌曰

維生几几貌蒙俱堂我祖構矧闢遠憂以天下絕游嬉
三畫夢吞廢九師明水兩賦一唱墀嗟嗟已比手中著
玉堂清冷臥日規虞庭直筆書其容皇皇四牡發東陲
蛟龍百萬挾鯢鯢沃焦展市針引磁湟決淵瀾相吞夷

岩明詩鈔卷十五

五

圖籍沈湮五日饑扶餘愛淚空栢榭歸來但見冢累累
玉門已入甘伏雌是時豺狼在宮幃遂與蕃武光前施
逐途風雪抱哀鳴龍飛名字開金卮登車還欲澄清斯
有戎于莽尙其朕痛哭一路孤之靡右之左之將宜之
天將祚宋徒爾爲鄭朋之足跂且跂心如直棘無旁枝
退食豹袖尙委蛇加人於膝怒亦齊咄嗟就獄非李離
臣父之清畏人知野張三面王感蟹潭沱勾注路參差
水有蜚兮林有狸鴈門一膜邊風披齊賢守代無歡卑
獸行虛邑來踏馳那復夜散驅吹簾懷詢唾而易足悲
生平薺芥水流斯大顛往往逢昌黎坡老非仙獲肉芝
嗚呼耆老上騎箕孤兒何處呼累思千年元祐終留碑

瞻僂輿腹解者誰墓前石鳥高以危

雪中歌

我如五尺偃蓋松苦心未免容羣蟲承承綠葉凍不死
托勢已盡三十弓未見飄瞥瓦溝亂頗覺沙際流枯蓬
到手偶肖六一法鶴毛鵬尾將無同何人把盞憶蜀叟
雪中畫地書從戎

凡劍行

凡劍斷牛不斷鼠何况吳江三尺水虎豹驚啼狐狸笑
光懾人閒兒女子赤堇不開歐冶去十年精鐵誇僂僂
白日燄燄吹品光玉塊金鑄莊飾美漫理幾經鵬鴉淬
雙臘猶疑湛清泚何須蜚景與揮精能陪老俠風濤裏

宋詩鈔卷十四

六

於今匣底羅蛛絲空思一挾浮雲起老俠拭之發長涕
心傷微弱如吾爾力所難制神爲徒嗟爾凡劍英鋒止
泰山不見雷不聞一髮掩眸豆充耳羿能射日不射月
古來壯氣消床第猿公之竹曹之蔗怪爾依然草木比
夜深燈暗鳴吾屋不復飛騰願終伏淒淒何必動星文
蝕盡土花秋雨絲

將進酒

將進酒列以清秋風漾盞光盈盈半庭黃落拾餘果一
哇老硬接殘羹貧家無絃亦無竹獨有淚管吹商聲勸
君勿作哀音聽中有至語和且平人生慎莫作窗櫺鷓
鴒蠅集隨昏明人生莫作驛旁候風風雨雨觀將迎或

作伊呂狙鐘鼎或作沮溺身耘耜仕者此酒餞之去隱
者此酒揮之行一酸落手萬事空明朝天轉黃河傾菱
亭芥塞亦存迹舜烝湯棘猗傳夕如君不去復不行爲
君移調歌磴磴

讀史仲彬遜國致身錄感賦

明初殺運烈不除越三十載還相屠以仁守之真不足
雖有節士謀多疎哀哉中山誠意輩已盡大計環顧徒
嗟吁聖祖信數不建輔使作皇覺之裔餘鬼門一出四
十載歸來老佛惟雪顧宸身萬里伏滇國泰伯不得終
封吳塲葬西山一笊地豈有方途之疑乎當時二十有
二人左右食屨相攜扶未必才智似狐趙不可及者武

宋詩鈔卷十四

七

子愚一百餘年士最盛摧傷太過今如無千秋直史不
可滅帝在均房應屢書

瓶梅

偶借東鄰村將來瓶裏看晚窗清臭合長日綠枝寒歷
落明書幌蕭條對古冠閉門三十日春色未曾聞
長兄齊中蜀海棠一本姿態甚殊便使同作

金谷園中謬作家碧鷄坊裏狀繁華魂銷深院霏微雨
光散晴窗旖旎霞輕翠數抽依幹葉新紅百浣鼻枝花
遙知澹思經營際已許籠詩著絳紗

憂甚

暗蟬明螢俱攪入夜深獨坐最傷神一經徒守才無益

八口不增家又貧名士此時唯掃室狂奴他日竟垂綸
可憐庭宇蕭條甚半折疎蓮似此身

寄蟹來

高苑湖邊秋有思寄來霜蟹勸持厄得之蘆白楓丹處
惠我月明杯滿時怒態蟾山如可怖忘情蟬蛸不相疑
茂陵司馬文章伯那用都亭遺夢知

題凌五雲畫冊

霜翎蠹葉關幽細十幅秋光意亦遐蜂抱花鬚驚鳥見
藤牽石骨得苔遮一枝不奈成淒斷數點無因想淡嘉
折作屏風剛數曲自支寒枕看橫斜

過訪幼量書圃二首

卷三十四

八

階前修竹綠成林侍子清朝樹素琴聽盡明光三十段
碧池涼雨一時深

石紋苔色上窗紗絲茗初煎更笋芽遲日園林花氣合
十分鶯蝶在人家

題趙吳興調琴啜茗圖二首

秋宮肅肅古衣裳靜女無愁黛亦蒼不點疎螢和月色
綃頭已作百年涼

匡山遺恨捲黃沙彩筆王孫不憶家忍向卷中尋舊事
直須羞殺後庭花

歸故居別長兄三首

離居白書夢旌旗學掣強弓似健兒卻笑歸來文弱中

下簾終日篆烟坐

十口投生共一村亂離絕處古風存依依三月誰能別
聽盡殘鶯語自吞

謀生避地最成艱鳥解高飛狼解攀何似冉家好兄弟
同心畫出釣魚山

聽王清臣度曲又贈

雪堂微月影朦朧茗粥筵中樂句工已許年來仍小泊
未須催曉唱玲瓏

王袞三十一首

衰字補之一字幼迂漂弟思貢生有四雖軒慧
業軒二稿太僕幼迂小傳弟開有所觸發爲五
字效孟操賈涕垂酒流讀之感人

卷三十四

九

王太平序先生詩取徑孤淡調節
淒激氣所盤薄卓乎爲一家之作

對酒

人生住世幾何年擲身炎塵以燔煎問汝何當息汝肩
功成名遂富貴驂男婚女嫁禰貂蟬譬如路遠綿綿
南窮百粵北幽燕馬瘠僕病車軸穿日暮投宿阿誰邊
勸君小住且留連等是逆旅知誰主人有酒如流泉
以醉爲鄉古所傳與君但向壚頭眠

午睡

捲床湘竹細鈎幔越羅輕枕畔殘書墜盞邊渴鼠行堂
虛烟正直心靜夢分明莫報閒書札吾方稅赤城

愁

閱盡浮生曲折愁，將百念放歸休。虛名與夢觀何異，
祖歲如駒挽不留。天上有方期鍊骨，人間無地與埋憂。
功名碌碌尋常事，猶恐無兒似郡侯。

自城居歸視山園時溜青方亂二首

柳逕人行起集鷄，誰令爲客又還家。偶攜井舍難賒酒，
來看東園自長花。幸可裁詩消日永，不煩作夢遶天涯。
功名與我關何事，身是青門舊種瓜。

小立林園岸，幅巾清池爲洗素。衣塵欲從籬外騎，驢逕
去訪村南屠狗人。早後有蟲裁豆葉，亂來無主祭村神。
猶愁平地干戈滿，未得爲農老此身。

園行

山園詩鈔卷五

十

斟酌添衣物，園行乍薄寒。井苔綆汲滑，樹液蟻行難。瓜
飲飲初慙苦吟，吟未安。眞成辜負極得句，共誰看。

十傷選六

暮歲韶華去似飛，鬢青減盡帽寬圍。歌魚長銕何門，

射虎短衣空夢歸。菜色彌年一路哭，榆皮入市滿城饑。
道旁餓隸亦人耳，莫歎流塵化素衣。

世吳嘆足炎涼天，意誰知更渺。盡來楚彌望，白
吹來沙土撲衣黃。窮民已作魚游釜，貴客方爲雀處堂。
欲往樂郊何所問，人間隨處有羊腸。

小悲陰風送柝聲，荒山鬼火隔林明。西鄰子如通宵泣，
東舍投親萬里行。歲暮人烟皆慘澹，城荒鷄犬也悲鳴。

回環造物知何意，賞雪西園事隔生。

巖邑爲金水，作湯總然天險也。堪傷將軍誰辨九天祕，
甲士曾無三日糧。地勢本來京左臂，亂萌莫恃國南鄉。
臨風一掬孤臣淚，洒向天門斧坐傍。

宗黨飄零仍去國，健兒結束待從軍。窮冬日暮孤城閉，
永夜風高畫角聞。避亂何方每促促，匡時無計漫紛紛。
先皇血戰經營地，莫遣嫖姚浪策勳。

旱後塵沙吹滿城，亂來枰鼓不停聲。鴉餐白骨相呼去，
盜瞰朱門掉臂行。水旱天行那可問，饑寒數耳忍稱兵。
國家養士誠何負，蚤出奇謀致太平。

冬日大風漫書寄所親

山園詩鈔卷五

十一

二歲無一雨，日日北風惡。山嶽恐摧崩，金鎮驚格搏。門
前百尺井，汲取不滿勺。山下太古泉，往來不用約。眼看
明年麥，斷棄隨秋穫。憶昨山東旱，暴酷量以壑。肉乃充
食，噉骨乃爲燂。灼即今未平復，原野淨如削。千里無行
人，百里少聚落。作吏有肝腸，忍此吞搜岸。獄號繫囚
析，楊慘繹絡敲此垂死骨。實汝無底囊，書生信經史。所
得本糟粕，於中視亂離。止謂資贍博，豈圖當吾身。親見
吁可愕，作書報所親。去汝寧須約，割我胸中塊。歛我氣
踈蹶，斷我安土心。趨我穿雲腳，不見避弋鴻。與彼統樹
鳴，古來有寓公。偕予適彼樂。

送唐右文留都地官

候吏江邊炬火迎征帆齊指秣陵城曉趨畫省踏花去
夜泛清溪載鶴行燕子磯頭潮未落謝公墩上月初生
可憐高髻長干女一曲吳歌惜客情

感秋二首

大冶收廣暄藏之無窮門銑風飽劈斫饒秋回吐吞病
山齒齒骨病石斤斤根庭前蠹老桐鰥樹今見孫秋兵
夜批虛斷敗寧復論纖草爲衣裳俟此春新恩
我有邱山吟偏與窮秋廢吹霜播新驕吹月淹古明籬
芳萎昨夢簷溜敲今清苦耳多集穴苦心多感情情穴
始兩空身世無啼泗此鏗鏘淚薦之白王京留春弗
回幹省歲迷崢嶸

崑明詩鈔卷五

五

誠貧效孟東野四首

人生莫近貧近貧聖氣驟碎名不煥躬壞義難入炊貧
腳有妖肯拉步生瑕疵貧門有冶醺綺親爲虎貌貧淚
入地時滋生苦榮枝
栽傾物所爲需此培覆心刷推帝情帝炎涼深惡
俗復何誅蹴蹇仰多金蒸藥苦需飯種茨毒滋林我貧
雖異門異門解相侵苦說留腐腸不對富人吟
富人不能噫貧不怨誹怨誹亦有爲心事微貧
中老驅迫貧中病繞圍貧有千失意物回運類歸天生
領貧夫食肉難求肥

吟士吹心簫自聆空冷冷寫之蠹紙毛百咽無一

之破牆泥百視無一熒如何膠烟堆欲生霄漢翎搖綆
繁飄芳探波撈墜星譬彼貧吟人貧吟誰爲聽

幽亭

亂葉結幽亭山當四面青溪連寒靄汲門共野雲局刺
擁書千卷寧須帶萬釘匡牀過馴鹿機事已全冥
比日奇寒殆不可過偶書所感遂爾成篇

元冥行剽凜朔吹結高東東家夜譙客綺盤堆繡棟等
柱移玉鴈地衣塵金鳳酒行紫琥珀燭燒紅蟬螻西家
朝出獵急裝關飛鞚叱撥駒騎迅迷離免命中割鮮勸
淋漓浮白送誼哄並舍貧吟翁抱膝方高調指直不可
卷捉管如抱甕問翁此何佳終日困吟弄翁言此故佳

崑明詩鈔卷五

五

妙處難語衆逃想發枯寥好語出珠璣鑪若蟬方噓
香迷不動聊結清淨緣一醒繁華夢歎息是孰賢舉俗
方惜惜安得有至人持此就折衷

雪夜用東坡韻漫成

未辨題詩字落鵝祇思豪飲酒行車牆鈞狼籍方傾玉
巖柏龍鍾也著花墮指應迷刁斗塞扶頭猶醉管絃家
不辭寬句騎驢背灞曲埋雲路幾又

北上抵津門題詩店壁而返

白髭根畔見黃塵嘆息征途顛賴身潦倒誰知持蟹意
淒涼眞似跨驢人生憎驛使鈴搖夢苦憶家園柳顰春
聞道邊庭烽火急南山歸去且逃秦

嘆久雨

久雨阻下堂况乃郊原行沈噎漲高日垂雲發上清秋
芳旣一色哀鴻復齊聲樵菌訝開蓋藥醖嗟坐纓砌濕
活枯蝸牆頽通隣嬰我黍悵已荒杯綠何由傾

秋日讀書

野人讀書娛耳目計纔什一嗟念九射治占亂廢昏旦
數人倉庾我奚有圍棋陸博性所闇歌席舞筵見每怵
歸開往卷始忻然渴以爲漿德充糗高鏞賁鼓行東西
周鼎秦璽陳先後縱使窮年少所窺嗚呼此豈不足下
吾酒

大滴水巖

出前詩鈔卷十四

十四

天公訶鬼鞭鰐鯨鳩風凡霧爲雄城上削千仞露毒齟
旁旋一曲圍掀錯君看崖巖上注水此豈有物相搏攫
乃知歸東及潤下曲儒之說談何輕黃琬白琥墮破碎
衝牙雜珮行敲鏗茅簷滴雨見簌簌精牀瀉酒開丁丁
又疑洞庭帝張樂先以箭韶終成英千尺下屯油黝綠
一畝不動天輕明賞去徑須門酒脯汲來悔不攜瓶罍
猶訝鉞削無寸土走松攫檜相挈爭冬卉縱枯香可認
得非則干與杜荀匹是儔驚各啜喋素鱸文魴恣逢迎
人開勝絕自卻擲留與魚鳥爲容閭王維鄭虔骨已朽
情誰賴此歸宗生巖巖題句欲紀勝千塗萬竄終庸平
山川奇麗詩麻拙山靈定自嘲人僉以茲俯臨不敢照

送家兄北上

正恐塵土甌淳泓乃聞貴游將築第鳴鑼呵道松蘿驚
軒裳誼聞車馬關渾沌鑿破欺訛萌友人告我定不爾
是無郇具兼侯鯖無論鴛鴦解拒客名朝利市終牽紫
與子不來戀底物逝將買此開柴荆村農少械正足友
坂田雖瘦猶堪耕文杏厭油清可鑒靈柿燒酒甜難名
松柴半日斫成梁石屋千錢疊爲囊若須遂名訖婚嫁
何異坐俟河之清吾言亦爾終不食前指此水爲君盟

出前詩鈔卷十四

十五

懷趙石樓

道人千秋素所保定力與深心誰能量其造國論在今
日羣谷走秋潦富貴何足言竹帛真可寶不見弱小弟
亦已追華皓別兄歸讀書那能坐成稿

遜思二首

僕今年四十五有一病三歲後白眼
絕世進前理烟霞近已矣焚不律脫儒冠
矣寒夜愴然四賦長句

稷離期身事本除休哉歸去理虛霞倦遊寧復爭千里
漸老徒思著一家人似右軍惟種果業如鴻漸但名茶
明時隱退誠何有壁損恒河一粒沙

吉甯倚伏見何由險似羊腸幻似瀝粉黛如花嬌不謝
軒車學水畫長流可憐雪涕思黃犬何似披襟就白鷗
七尺枵機兩眼適從來勝算是歸休以上慧業軒集

孫鎮二十一首

鎮字寧之號介邱善繼子詩見清音集王西樵
擬古樂府得其聲情五言秀挺覽古諸作更自
傑然王昭上云寧之五言學漢魏三謝時有
樂府之氣擬古樂府與行班駿直與北地抗行
惜其長綽未聘而芳蘭早凋令天假之年未測
其所止也

山前詩鈔卷五

七

擬古善哉行 七解

驚風飄日奄忽沈山徘徊四顧壯士摧顏我懷殷憂
愴無歡俯視流波涕泗洑瀾一昭昭明月陰雲四起晦
跡窮山採歌芳芷寶鼎中燔奇服外緇芳香暗投誰復
知矣二鼓鐘嘈嘈不如雅彈醇醪烹炙尙思綺紈金碧
絳錯志在麻菅澹泊自然可以忘餐三世態反覆悠悠
莫測我伊有懷夜不能息引領關河慙無羽翮吐氣懣
慨懼爲人識四地迴天高安有通津蹊跡久別特達無
因積遠成疎緣困含辛可當奈何委望慈仁五恭壘惟
傾寵極無恩古有忠誠解復得完瓦礫見收而棄六瑣瑣
仰望參商悲何可言六夙駕焉薄于遊于盤六龍飛興

出入雲端俯觀下都憂心晷晷元膏玉液徒勞苦艱七解

長安道二首

北關曜晨暉仙掌高崔嵬紫陌黃塵合青樓朱箔開旌
旗爛雲霧車馬疾風雷鄧郎馳引去傳呼丞相來
長楊鎖飛閣建禮啓重門金羈七貴馬繡轂五侯輪綺
羅嬌白日燈火開黃昏所以長安道貂璫承主恩

採蓮曲

湖上新雨晴水復添幾尺日暮急回船西風水流急

古長城 六首 葉國覽古

齊宣寡明德可以稱愚蒙當時築長城興役勞人工要
之畏楚兵安足爲霸功緣岡峙崇觀跨谷絕驚虹晨朝

崑山詩鈔卷五

七

發丁男日夕死山中吁嗟版築苦不如遠從戎何爲此
城下拂鬱成沙蟲骨肉誰見收鞭朴以邀忠楚滅幾何
時齊運亦告終雉堞無復存邈然邱壠同我來訪遺跡
滿目唯蒿蓬悲歌三嘆息慘澹來天風

寧戚墓

寧生昔未遇驅車齊郭門飯牛薄夜暮燭火耀華軒中
賜何由達扣角歌聲繁一歌君心移再歌祿位尊堯舜
不再逢白石留空言荆杞生古墓陰火燃平原商歌不
復聞唯有沙禽喧悲風何颼颼恍疑來精魂我歌亦古
昔落魄將誰論

田橫島

賢豪無近圖俠烈羞人下所輸隆準公逐鹿先得者豈
惟齊田橫不能保宗社其徒五百人安不逃之野王侯
如浮梗身名等飄瓦伏劍盡從之血流海波赭漢庭何
輝煌如此高義寡萬古懷英聲臨風淚堪把

幸臺

晚登古臺上北風何蕭蕭海空層樓滅天廣蓬山遙漢
武昔愛山巡遊此招要稅駕當利城山川莽來朝行帳
豈不華勢欲凌雲霄安期不可待龍顏亦已凋霓旌變
浮烟笳鼓散鳴潮地古池館盡年深碑版銷如何千載
下雄名喪輕飄龍去不再還烏啼夜寥寥唯有舊時月
依然滿山椒

崑山詩鈔卷四

太

勞山

吾愛逢子慶掛冠都城門國危不可居避世甘沈淪泛
海豈安流羞比塵鞅尊高躋邁一時清風今尚存山深
海濤隱谷靜巖泉喧遺跡杳莫辨代遠道彌敦嗟彼草
元者離離安足論

人珠石室

巍巍大珠山其高逼星斗衝壑開波潮豁爽見陵阜白
日落海上青天掛峯首劃然古石室元冥何代割時時
雲霞出夜夜風雷走古來棲真仙藥室留石臼如何縛
塵纓不見一年更我欲棄家遊不知終得否

答宿伯韶

野花辭故枝飄飄落林岸陽春無幾時流光若飛電感
時念遠人臨風發長嘆犬吠知僕歸入門欣相見既得
平安慰更喜新詞健感君有高義依依別鄉縣命駕過
魯城思家望齊甸落落燕市中悲歌客遊倦天長魂夢
遠野闊靡蕪徧唯有徑寸心三時長戀戀

出香山寺登南嶺下大淵晚投碧雲寺作

策杖躡南嶺表裏望畿甸愛此山川佳行歌不知倦雖
無絲竹陳頗有魚鳥翫積翠來遶峯白雲下長淵偃臥
春草閒好風慙微扇出谷天地開轉徑松蘿換烟深鳥
雀集山暝牛羊散返照竟千里郡城白如練的的桃李
明爛爛襟袖變返策投珠林鐘聲入雲漢跌坐對菩提
恍如登彼岸

崑山詩鈔卷五

九

行役

朝發任邱城夕過淇水渡落照下遠空長楊夾廣路水
流日不返人去亦不顧長嘆問僕夫蒼茫古隄暮鬱鬱
一古塚云是扁鵲墓歲久荆棘生野荒狐兔聚悲風自
天來搖落西郊樹日行兩舍餘動我千百慮何當解天
刑遊仙謝巾屨

贈徐爾行

之子苦嬰僻居西河濱荆扉絕剝啄高臥忘晨炊黃
冠曉埃落野服春風吹似息園林下都無人俗期巖泉
樸禽響山樹交蛛絲濁酒勝醇醪新詩比填麈嗟爾懷

荆璞吾亦愛懸黎世人襲瓦礫大雅何能追願言保身
手努力望前綬

庇意山房

病中謝塵事展閱殊未休拋卷四凝竚唯見林與邱風
散藤蘿定蟬吟山舍秋小徑延高賢時復展行遊軒窗
一何敞豁達臨洪流願茲鳥魚樂消我促迫愁誰云唐
虞虞可以臣巢由

曉起簡伯韶

醉眠簾光曙綈衣聊試展長嘯振松風地偏欣跡散依
林坐理髮還向清冷盤澗淨華藻生山明白雲捲嚶嚶
好鳥鳴坐坐露珠泣危峯落匡床殘花覆苔蘚念子澹
蕩人獨居誰爲遣浮世無長生何爲不遊衍載酒攜素
琴經過病堪免

呈孟威

我有素心友閉戶蓬蒿裏讀書天風來對酒山雲起喬
木隱郊扉殘陽上墟里何以贈佳人春潭酌淥水

徐爾行自青州來視余病病良已館庇意山房句

月迫欲歸作歌贈之

去歲冬走長安城長安飛雪燕山平王侯見士如見鬼
黃金爲質文章輕歸來逼歲渴欲死牀閒病骨相支撐
徐郎驅馬青州道高談七發雄風生病夫起坐感離別
寒暄數語形神清我悟浮生破千古虛名恥與時人爭

徐郎持杯勸我酒醉來不覺參斗橫徐郎不住欲何往

世態乾坤兩骭髀君年四十老書生我今多病頭顱長
遠別重逢知得否況乎死生如反掌臨歧強飲數百杯
眼看落日沈高臺揮鞭一語不能出海邊鴈斷天風來

八月望日同友人登西巖過仙人橋越舒翼巖飲

天池秉燭宿觀音洞既而月出命酒賦詩分韻

得谷字

西日西傾西嶺麓鶴鶴東飛晚霞逐萬里長風吹月明
渡海穿雲到山腹草頭清露滴疑珠海上銀濤高似屋
石門半掩烟霏歛天河倒掛星辰覆命傾斗酒娛賓親
樂得清光送心目一徑幽偏無俗喧但聞鐘磬傳幽谷

崔明詩鈔卷五

三

劃然長嘯嚴欲動驚起棲禽落深竹半溪水色數峯沈
一夜秋聲四山肅涼秋颯颯忘夜宿吟向月華踞雙足
但願山靈知我心當爲一語千秋伏諸君幸莫吐虹霓
依稀似有山精哭

宿樊桐以早春遣興詩見示漫賦答之

生理何聊賴淒其一病身石橋烟報柳山路烏啼春琴
酒多妨俗詩書卻誤人莫言名利事一醉落烏巾

羣盜

殺氣生羣盜妖氣失漢旌黃巾橫四野白日閉孤城守
吏無人色蒼生有哭聲恐煩東國顧坐望正合情

宿鳳燕十三首

鳳教字孟威號樊桐掖縣人所著有尚白齋詩

集王西樵云樊桐五古專攀建安以上然自寄

滿治嘉隆之體若加洗伐固常振絕一時王

梁上云樊桐與孫寧之一時瑜亮古詩原本河

盡謂境地其於斯道亦人傑矣

寄孫寧之五首

北海有鷓鴣五采何章聳天籟忽相宜泠泠中音嶽舒

翼決浮雲萬里一徘徊將巢阿閣巔亦息岐山隈啁啾

鸞鳩鳥枋榆以追隨雖欲從汝去翼短不能飛難欲從

汝嗚咻拙不能諧

攬衣步前庭清風吹我裳河漢澄清暉玉衡忽低昂歷

歷天上星三五何縱橫仰視雲間鴈聯翩共翱翔倏忽

羽翼乖噉噉各一方久別多苦心誰能不悲傷徒倚入

雙扉掩袂以彷徨

高樓澹華月思婦獨含睇長夜不堪終戚戚多悲辛開

窗望四野秋氣正愁人暮色何蕭條孤蓬捲飛塵清塵

隔濁水欲會道無因願為鴛鴦生惜參與辰

有客北方來寄我瓊瑤音長跪以讀之彷彿接容襟憶

昔二三子比翼若鳴禽別離起歡娛緬邈各飛沈結軫

臨大路驅馬過平林風自遠至涕下不能禁為別常

苦久為思常苦深恨無雙飛翼佇立可哀吟

閒房起清風獨坐發長歌長歌以何為日月忽蹉跎一

別歷三年念此感人多拂去之去去上西山阿鷺風

振大嶺滄海蕩洪波浮雲西北起極目無京華入亦以

徘徊出亦以滂沱

遙和大澤山詩

遙聞清絕地幽致隔凡蹤夕翠橫千嶂晴風吟萬松疎

林行野鹿落日響山鐘那得協心賞排雲躡碧峯

秋野

病起惟尊酒愁吟獨野行海浮萊子園山接不其城序

晚羣芳落天清旅鴈鳴亂山雲霧裏的的斷霞明

過城西陂蓮亭

靜愛青山郭閒尋綠水洲著風蓮片片坐浪驚悠悠古

刹銜秋日輕舟漾晚流倦鴉昏接翅相倚宿城樓

秋晚西亭登眺感懷因寄寧之二首

城閣清秋半野蒿各天風雨坐蕭騷千年大澤雲霞色

萬里滄波日夜濤興嬾詩篇常伏枕愁深關海忽登高

巴人愧我才偏拙白雪知君調轉蒙

杪秋關塞經年別夕日登臨萬里心落落風塵雙白眼

策策天地一悲吟海天雲淨催黃菊明月臺空櫟暮砧

北首京華何處是斷烟將鴈下寒林

春園漫興

宿雨初晴黃鳥飛空林曉色蕩嘉微苑城近海魚蝦賤

野店連山稼穡稀長吏已聞徵夏稅村農曾復嘆無衣

老翁何事關心淚痛哭東隣獨掩扉

漫成

石橋流水水西頭，嬾性如今拌一邱。
十畝桑麻開別墅，一尊風雨對平疇。
人從七夕逢初鴈，向橫塘度早秋。
中散自來耽酒德，醉鄉吾亦擬同游。

登馬鞍山

遠鴈平沙烟寺鐘，萬山蒼翠削芙蓉。
拂衣一望秋如水，海氣遙吞七寶峯。

王儼十一首

個字無竟膠州諸生有太古園詩集
張稚松詩自祖父以來雄於貴無竟與弟無逸特起為諸生英特有文譽性喜為詩能為清遠閒曠之言一時名流皆以聲氣交王生尤與琅琊劉子羽善後以嫌隙為鄰所殺無子子羽哭於監司門

崇禎詩鈔卷十四

王儼

為之復仇又纂其遺傳之

按無竟之死在崇正丙子春無竟雖以狂致禍而子羽復仇之義可追古人也其詩染鍾譚之習多不入格數畝白雲松徑滿一天涼月竹亭幽四明周諒山讀之至為痛哭豈不聞王黃華楊孟載包爾聖諸句耶要不如伏氣欲殘成遠寒寒山無數下平荒差有氣格

泛大明湖

城裏見南山湖如在山下輕搖畫舫穿青空
山與湖光淡相寫蓮葉田田泛春霧映以樓臺帶佳樹
夕陽載酒東湖來酒酣載月西湖去

月下同友人泛湖

一片秋光似若邪半城樓閣半城花
烟中畫舫笙歌晚樹裏青山翡翠斜
湖海田田偏月夜弟兄難聚是天涯

呼船幾度寒香外又過漁家向酒家

黑龍潭道上

近益愛龍潭並愛龍潭路兩岸壯羣峯
峯峯夾蒼素眾芳雜幽香我來政春暮
似有秦時人其中種桃樹

登黃縣西閣

蕭條客裏誤重陽野菊愁開傍戰場
秋氣欲殘成遠塞寒山無數下平荒
戍連大海浮雲黑旗掩孤城落日黃
向晚不堪傳畫角月明吹散一天霜

大澤山訪趙汝寅

薄暮春寒淡落暉故人相見歎禪扉
峯高鶴夢連雲度殿古松香帶雨圓
亂後十年僧尚在別來幾日事全非

崇禎詩鈔卷十四

王儼

何時再訂青山約常聽鐘聲臥翠微

劉明府斗杓先生罷歸

又得林泉識故侯須知吾道自滄洲
名山有枕藏奇字野浦從人買釣舟
數畝白雲松徑滿一天涼月竹亭幽
不堪回首風波裏誰可忘機似海鷗

海上觀漁

淡烟無雨亦濛濛一片滄浪沒遠空
擊筑弟兄燕市酒落花山水武陵風
往來歌吹浮天上縹緲仙槎落鏡中
乘興不妨歸去晚數聲漁棹月朦朧

再至黃縣

滿目烽烟柰此行貧來病轉屏營堪憐
並不遑將母

卻笑原非爲請纓近海時時天欲雪嚴裝處處客如兵
風流幾日消磨盡只有山田可自耕

初夏同樂遂翁宋仁趾趙於斯過江仲文新齋

帶郭橋西築乍成一林遙散暮烟輕交憐十載人將老
話到三更月欲生沽酒偶緣看竹坐臨溪爭得浣花名
風流自許投詞社誰道龐公懶入城

懷劉子羽於秦

萬里春陰鳥度遲渭陽雲樹自離離田園烽火貧猶戀
朋輩西東亂更思客裏登樓應有賦雲中覓鴈久無詩
中原搔首愁多難况是秦川未可知

寶刀

山左明詩鈔卷三十四

美

一條易水冰三尺在匣十載寒光積古血斑斑繡欲花
醉眼橫看割天碧夜來照出荆卿魂化作孤虹海中射
摩挲神物誰堪贈不與尋常報讐客

山左明詩鈔卷第三十四

山左明詩鈔卷第三十五

徐篤二十一首

篤字行之號墨莊曹州諸生有墨莊詩草

詩選傳云

徐秀才以詩鳴曹南與王士龍齊名

偶興

綠酒湛佳色素琴鳴好音自得醉中趣誰知絃上心一
彈復一酌海日將西沈成敗偶然事何勞梁父吟

春日懷邱子星

把酒不成醉物華空眼前向來同意氣別去廢詩篇芳
杜愁無賴坐楊春可憐美人竟何許望斷楚雲天

獨山晚行

山左明詩鈔卷三十五

十

秋郊雲物淡暮色上征衣落日牛羊下寒林鳥雀歸田
家幾茅屋紅樹一柴扉欲問前村酒霜溪蟹正肥

淇園懷古

舊是殷都地騷人悵此遊興亡天地老雲物古今愁返
照鹿臺夕荒榛牧野秋往跡回首盡衛水自東流

寄懷雲臺宗室

王孫遙憶在瀛洲回首踈狂感舊遊別館春風頻載酒
南湖秋水共乘舟書來千里歲將暮月上三更人獨愁
若問山家新事業寒梅花發小窗幽

送邱子星南還

河上垂楊春欲生河橋握手暮雲橫會愁一日三秋

可奈孤舟萬里行
猿啼滄江知有句
鶯啼獨樹正關情
心交海內應無幾
莫惜梅花早寄聲

再過灘河次前韻

遙指坐楊問舊津
勝遊不挾往來頻
岸邊芳草眠漁父
灘上桃花立美人
細葦短蒲爭出水
林鶯沙鷺各鳴春
清狂未受紅塵染
何用滄浪洗葛巾

拔劍歌

拔劍斫地欲裂揚
劍指天星斗滅丈
夫意氣豈不豪
世事難成甘抱拙
安昌翻請槐里頭
蜩螗白日吮人血
拔劍奮髯徒爾爲
撫膺空谷泣明月

題畫四首

崑明詩鈔卷五

二

寂寂晚江邊
秋空懸素月
玉人吹碧簫
一夜芙蓉發
茅屋在深山
雲歸山欲黑
但聞讀書聲
不見讀書客
可憐雙紫燕
對坐向枝頭
呢喃人不解
應是說春愁
鄉書久未達
鴻鴈隨春至
長空千萬羣
盡帶相思字

田家詞二首

春風幾日來
草綠南山北
布穀一聲啼
黃牛眠不得
梧葉墮中庭
天高風露足
呼兒斲茅孫
供客何須肉

來賓堂

常開北海尊
坐列同心者
莫愁無酒錢
尚有五花馬

彈琴石

石上彈瑤琴
琴古石亦古
古調今不彈
琴心空自苦

次舅氏楊子白韻二首

稱體荷衣手自裁
醉眠隨意藉莓苔
山猿喚起遊仙夢
又早鄰翁載酒來
柴門日午自開遲
門外烟霞賸有詩
底事徘徊吟不得
近來多病似王維

湖上雜興二首

湖上十家九酒樓
樓中翠袖捧金甌
遊人一飲三日醉
肯向秋風生旅愁
水烟漠漠草萋萋
岸柳汀蒲路轉迷
遠浦遊人看不見
絃歌聲度畫橋西

城外偶興

崑明詩鈔卷五

三

野店春風吹柳綿
青旗搖颺夕陽天
提壺苦勸遊人醉
莫惜床頭買酒錢

池上

雨濕菰蒲水滿池
荷香浮動逐涼颺
鯉魚白鷺凝然立
酷似幽人索句時

菊花二首

木落天高敗葉稠
寒花獨伴野情幽
參差籬落叢如錦
未許人稱冷淡秋

秋老丹飛楓樹林
花前徙倚愜幽襟
東籬不川
歷盡冰霜見爾心

秋日登李氏高樓

夕陽攜酒一登樓樓上風烟接素秋月色欲添新夜白
蟲聲還似舊時愁關山迢遞殘華鬢雲水蒼茫憶剡舟
惟有故人同此意飛觴一笑入天游

秋夜病起獨坐二首

銀漢沈沈夜欲闌峻嶒病骨不勝寒庭吟蟋蟀蒼苔老
門掩梧桐白露溥寶劍久虛燈下舞殘書猶向枕前看
來朝應趁身還健釣艇南湖弄碧湍

病起茅齋已浹旬案書狼藉任埋塵十年事業空雙劍
半世交游復幾人苔井細陰桐葉墜荆籬秋雨豆花新
破除孤悶無他計自洗淵明漉酒巾

宋繼澄

十二首

山南詩鈔卷五

四

繼澄字華之號澄嵐琮玟之從叔天啓丁卯舉

人有萬柳堂集

雜詩二首

漠漠南山雲冉冉來城郭城上立旌旌雲行自寥廓天
地悠悠人物息與作我無逢害氣憂患亦平樂

黃河西徬來每折幾千里既以海爲歸中原滙衆水遠
近各有源同流不容已物貴有所宗乾坤以終始

古詩

青青陌上草交交林中鳥於斯得物情離人嗟遠道春
風動衣裳年衰無容好惻惻日憂虞良圖苦不早

送客還山

問汝將何適今年返洞庭一帆春水碧萬里楚山青別
緒餘寒浦歸心沒曉星人生期會在天地莫深局

送人往鎮江

千里始爲程春風贈汝行鄉心雲漸遠客緒草新生鴈
到洲邊宿潮聞江上聲此遊應適意早發潤州城

人自廣陵來

天際飛鴻此處過維揚春色近如何年來似道笙歌歇
嶺上梅花更不多

擬陳子昂度荆門望楚

路接荆門入山明楚塞開月辭三峽過雲度九江來欲
望彭居恨如聞郢調哀誰知獨往意極目更徘徊

山南詩鈔卷五

五

擬陳子昂春夜別友人

斗北夜闌干離筵曲再彈浮雲容易去明月正同看車
馬從春暮衣裳入洛單故人分手贈惟願更加餐

望帝

望帝悲何極當時花正開年年春欲盡啼向故城來
擬杜甫旅夜書懷

客行胡不倦當夕暫爲留野色雲俱沒江聲月共愁百
年從夜漏萬里信孤舟飄泊知何日春風正未休

雜詩

展席請君坐向君中一言君讀萬卷書一割怨與恩客
起肅顏色朝當充其源怨恩常反覆萌蘖盈乾坤不敢

盡此義自厚少煩冤

訪人不遇

主人何所適豈不愛春時明月空庭上梅花香在茲

王孟復一首

孟復字淡希淄川人高壇王隱君傳君為通政公弟無貴介習耽清淨嗜古學著作散佚存數詩而已張惠夫云隱君大有才名僅傳三詩摩詰漫思還白髮要離早約葬青山亦見散憐之意

漫興

天荒地老漫興嗟誰把長戈挽日斜政柄全教歸北寺衣冠猶是號南牙可憐鈎黨誰排難至竟清流解細家最是驚鷗防碎首時家兄凌空霜鶴尚紛拏

崑明詩鈔卷五

木

宿鳳鳴一首

鳳鳴字伯韶鳳翥弟所著有叢石山房稿

虎溪待月勞林上人相迎

一生身已似枯禪每坐高僧水竹邊偶為看雲過別壑漫勞飛錫下諸天經壇月出花空落香徑人歸虎獨眠莫道傳心容易靜須知喻法在青蓮

宿鳳起四首

鳳起字冲之號石巢鳳翥弟所著有清虛館詩

獨遊天奇泉遂登西山眺望

策杖西郊外風日正清淑碧草延途躋遂至天奇曲岸幘自行吟解帶聊濯足寒草發黃花耕靜幽谷瑟瑟

石竇泉冷冷溜清瀑出谷登西山悠然恣遐矚野曠遠吁合天高萬木肅出沒烟際峯迢遞自相屬驚風自遠來白雲忽馳逐還顧滄海波滄滄搖空綠歸來日已頽放歌和樵牧

西園雜咏

頗愛山居好踈狂常不冠鶯啼覺晝永花落識春殘竹外尋棋局沙頭理釣竿升沈事已矣雲外獨加餐

秋興

暝色半松腰孤亭更寂寥嬾多違世法貧且混漁樵海月晴低樹天風晚送潮那看南去鴈又過北山遙

秋日得寧之寄書賦答

崑明詩鈔卷五

七

兩地睽違相見難忽來尺素慰加餐援琴吾對滄波夕擊筑君悲易水寒故園青山茅舍在疎籬黃葉菊花殘懷中錦字三年得風雨燈前詎忍看

范養蒙一首

養蒙字正甫卽墨歲貢生官需化訓導有青來齋詩

京邸書懷次張謨明韻

日月蹉跎客乾坤孟浪身金臺空憶馬王塞故人彈劍光中斗讀書火借鄰唯憐俠骨在貂敝不知貧

馬贊一首

贊陽信人有菊澹齋詩

舟行同蘿月飄雨對奕

浮宅春濤裏長歌一扣舫呼朋學坐隱偶爾當談元豈
是銷殘日還因愛小年不須論黑白鷗鷺滿平田

程三策一首

三策字董帷曹州太學生

居有齋成

踈懶吾成性棲遲有數椽朝明花沁露夕暝竹浮烟機
息人疑古畫閒日侶年生平孤調在幽意託冰絃

王三近一首

三近字仲甫號月蘆淄川恩貢生所著有蘆花

草

重陽前一日費山小集

染盡寒山楓葉赤隔林點破秋天碧重陽前日小登高

醉臥殘陽一片石

楊連吉 五首

連吉字彙征鹽會孫邑諸生有悠然廬集

移居

嬾性常閉門所畏在微逐移居向南山始恨此幽獨結
茅依巖阿前後綠樹覆散髮坐深林短衣入結谷驅犢
耕曉田課童種原菽欄看山之顛夕看山之麓山色朝
夕異豁焉悅心目

村居

寂寂山村僻居隱不數家柴門終日閉生事任年華細
雨滋秋草緒風開野花邇來從吾嬾常是對烟霞

秋涼

簾帷漸漸下節候覺初涼滿徑蘚花碧隔溪山果黃河
聲猶作漲露色已成霜自愛千峯靜憑欄待夕陽

盆梅

柳色未含綠盆梅早吐芳玉英凌暮雪珠露散寒香夜
靜夢回枕霜清月到床所懷無可贈留取識春光

己巳三月入山題壁

九月下山三月還門庭如故草芊芊東風催綻杏花色
始悔城中又半年

戴鏡一首

戴鏡

鏡字紫潤濟寧諸生有僅齋集

黃華洞

盪翠衝嵐興未央尋蹊不覺過來長院開石洞經年靜
松到巖扉得古香百尺懸泉連細澗一聲清磬下空廊
平生剩有逃禪意迴向名山禮法王

陳可繼四首

可繼字鏐孫德州諸生程正大詩搜錄與孟
故不得其死詩意失峭詞可四五卷甲申爲仇
所戮遂散失不存幼與名願其詩如看美人梳
頭云楓留香日韻簪臨脈無言秋日過東郊云
其全
矣

雪夜

靜裏生孤意，意孤何能說。此意在朋從，不知幾明滅。空齋多暮寒，布衾冷如鐵。美人饒古愁，况味或一列。我有數斗酒，初漉葡萄血。終當爲誰發，等閑不敢啜。所思盈晨夕，寥闊阻深雪。

冬夜偶作

北風起天末，纖月墮空林。茅屋鳴窗紙，寒缸寂復深。居人愁偃臥，勞勞千里心。夜半振衣裾，蕭索弄瑤琴。歲月亦云暮，抑鬱成舊瘖。首陽在何處，恨恨不能尋。

有感次友人韻

空庭寂寞豆花開，花裏青蟲喜自媒。欲理窮愁巡竹徑，

皇朝詩鈔卷五

思降殘暑動荷杯，人能競爽皆名勇。我貴從容却是類，新月將來惟露坐。彎彎如玉倩誰裁。

三春日記成咏懷

九十春光何所爲，賞花載酒與吟詩。此中趣向誰邊說，一枕清風夢破時。

張元英一首

元英字孟育，歷城諸生。集樂編云：客問歷下執手人多，求川問舍，張獨積書，極樂一難也。人胸無片雲，林月張獨深藏若虛，雅也。人胸無片雲，林月張獨深藏若虛，雅也。人胸無片雲，林月張獨深藏若虛，雅也。

贈葉奕繩

一夜西風到井梧，碧天蕭瑟倚雲孤。知君此際饒秋思，

譜得新聲幾曲無

王大儒一首

大儒字汝爲，歷城諸生。

題王秋娘墓

斷腸碑上小名香，風雨經年損珮瑤。鏡瘦迴非新月樣，花殘猶憶舊時粧。家家載酒逢寒食，歲歲招魂總故鄉。紅袖撩人尋女伴，誰憐孤塚葬鴛鴦。

王用葵一首

用葵字季輔，濟寧貢生，官訓導。

賞菊

雨霽園林景色悠，相逢一笑悶懷瘳。風塵萬里登臨日，

皇朝詩鈔卷五

砧杵千家爽籟秋。綠酒虛懸高士榻，黃花不上老人頭。頻年凋敝堪惆悵，此際憑軒散暮愁。

孟海一首

海字涵伯，沂州學生。亞聖六十一代孫。

暮春遊冊山

山空行跡少，地迴落花多。草長迷香澗，松高掛女蘿。林深猿鳥下，逕仄鹿麋過。春事今云暮，其如懷抱何。

屈紹孔一首

紹孔，鄆城諸生。

舟過安山

六月安山湖草齊，野航人唱白銅鞮。羣峯迴合青迎店，

古木參差綠作隄，落照漸隨簫鼓下。孤帆仍掛水雲西，
篷窗靜倚南風坐。渡口人聲雜鼓聲。

張玉珍一首

玉珍歷城人七歲童子

松雪書臺看雲絕句

溪中一片雲飛作千林雨，惟聞溪流聲不見溪流處。

萊山樵者一首

詩見 御選明詩

濬縣眺望

河流遠徙大伾存，極目中原野色昏。禾黍油油迷故國，
羝羊逐逐過前村。黃花冷笑三秋客，紅葉初飛十畝園。

山南詩鈔卷五

三

賴有淹留同調在，茫茫禹跡試重論。

無名氏一首

嶧縣人

興國寺

古寺何寥落，蛛塵暗佛堂。草深蘭若逕，雨漫祇園墻。僧
去雲隨納，人來石作床。誰與理鐘磬，寂寞自斜陽。

方外一人

釋志西一首

志西靈巖寺僧

靈巖寺

路入烟霞石作梯，林深香自襲人衣。鳥啼花外山房靜，

風起開門僧未歸。

圍秀四人

于太夫人劉氏一首

劉氏平陰人平涼同知玘配文定公愼行母

故城過父友李公舊居

暮雲深鎖故城春，綠樹蒼烟舊白蘋。昔日高樓雙燕子，
定巢無處往來頻。

耿太淑人徐氏二首

徐氏長山人長治知縣繼治女陝西參議新城

耿鳴世配巡撫庭柏昨居易錄淑人功績書工詩篇什最多亂後盡散

矣逸

山南詩鈔卷五

三

寄子

家內平安報爾知，出園歲人有餘資。絲毫不用南中物，
好做清官答聖時。

偶成

時近清明二月天，嬌花粉竹正鮮妍。秋千架上人如玉，
溪水隄邊柳似煙。紫燕雙雙歸畫棟，白鷗點點浴晴川。
年來景物還依舊，不見人生再少年。

百雲英一首

雲英莒州人周憲王宮人所言有端清園詩

立秋

秋風吹雨過南樓，一夜新涼是立秋。寶鴨香銷沈火冷，

侍兒閒自理簪篸

雨晴

海棠初種竹新移
流水潺潺入小池
春雨乍晴風日好
一聲啼鳥過花枝

秋夜卽事

西風颯颯動羅幃
初夜焚香下玉墀
禮罷真如庭院靜
銀缸高照看圍棋

馬夫人邢氏 五首

邢氏名慈靜臨邑太僕卿嗣之妹貴州布政使

武定馬拯之配有非非草縣志極官黔中盡瘁

武定馬拯之配有非非草

山明詩卷五

靜坐二首

荆釵裝布念重違
卻掃焚香自掩扉
莫謂塵緣撥不斷
多年已辦五銖衣

閒拋針線坐來深
靜裏頻將面目尋
色相都忘身是幻
一潭清影月沈沈

有感

懺悔身心滌幻情
名香一炷讀心經
從今細悟無生理
要上蓮華頂上行

思諸兄

千里關山鎖暮愁
鵲鴿原在海東頭
故園棠棣春常在
悵望孤雲意未休

孤鴈

凌寒隻影下龍荒
豈爲區區覓稻梁
無假秋風雙繫帛
蘆花明月滿天霜

魯藩詩附

朱肇輝 二首

肇輝明太祖之孫魯荒王檀子諡靖王所著有

憑虛稿明史本傳王於承樂初嗣封成祖愛重

王禮賢下士

江樓秋望

百尺危樓上憑高
極杳冥水雲連
楚白島嶼入淮潮
起魚龍窟風生蒲蓼汀倚闌凝眸久目斷是滄溟

山明詩卷五

秋日江行

策馬行行出郭遙
平沙水落未生潮
楓林兩岸經霜老
紅葉無風落小橋

朱泰堪 一首

泰堪靖王子諡惠王所著有悔齋稿

春晴

荷雨初收日載陽
眼前景物富韶光
碧池一夜水平岸
紅杏數枝花出牆
芳草不隨鶯燕換
游絲欲共柳條長
海棠庭院偏明媚
莫遣東風又作狂

朱陽鑄 二首

陽鑄惠王子諡莊王所著有尊德堂稿

王朱郎儔游不忘恭敬情親王將軍告和之工繪爲一堂首倡七言近體諸王介山懷古作中一聯云
塞上逢故人

久歷風霜鬢欲華故人相憶各天涯幾年出塞常爲客
今日逢君似到家薄酒暫宜酬雪月敝衣堪歎染風沙
明朝又恐河梁別愁聽高城奏暮笳

江樓秋望

江城秋暮葉初飛獨上高樓望夕暉忽見一行沙鴈起
西風遙送片帆歸

朱健根 五首

健根字務本靖王元孫鉅野王諸孫封奉國將

岩明詩鈔卷五

軍明史健根博通經術宦遊竟中者莫不延納年七十猶執織如意縱談名理豐饒不倦嘉靖中詔聚其賢孝

書扇贈高谷南侍御

海嶽觀風處蒼生切望寬澄清存志節霄漢有封題塵
軟青聽健春殘黃鳥啼千秋桓典駕馳逐幾人齊

題問山爲江山人贈

問津何似問山門五嶽烟霞夢想勞勝蹟十年青玉杖
異人一掬赤瑣宮鹿銜瑞草供行饌鶴引祥風照野袍
不爲登高能豁眼古來動業本秋毫

贈徐南野分鎮東甌

南甌傳望南州彥分鎮東甌玉麟民業久殘堪作雨

帝恩初播已生春繭絲飾吏廉風振談笑匡時令與新
野老不妨雲臥穩半窗晴日隔紅塵

別卽安次之南秋曹郎

餐葉幾經歲登仙有此行新恩逢聖主久宦識人情清
橐棲雲冷蘭桂泛月輕幽探知盡興鍾阜落霞明

送靜宇使君之武昌

鷄舌方含漢署香一麾君豈薄淮陽自緣聖主重民牧
故爾名區試棟梁郡郭風烟來五老楚江形勝接三湘
斜陽春色停雲處莫遣新題付渺茫

朱觀樞 五首

觀樞字中立健根子封鎮國中尉所著有濟美

岩明詩鈔卷五

堂稿明史觀樞性孝居母喪蔬食逾年哀毀骨立弟觀穎以詩書著名同時中尉所著濟美

海嶽觀風處蒼生切望寬澄清存志節霄漢有封題塵
軟青聽健春殘黃鳥啼千秋桓典駕馳逐幾人齊
問津何似問山門五嶽烟霞夢想勞勝蹟十年青玉杖
異人一掬赤瑣宮鹿銜瑞草供行饌鶴引祥風照野袍
不爲登高能豁眼古來動業本秋毫

元日感懷

手把屠蘇酸欲斟淚不乾情添今日痛慶減去年歡旭
日空庭漸東風白書寒所欣椿正茂雨露擁雕闌

館泰鶴洲柱史

驚波震南國狼烽動北陲中原困徵餉蒼生盡饑疲不
有古君子何以慰流離峻刻衆固措平易民必歸所以
周召伯甘棠繫遐思况復秉繡斧分猷白形埤周道避
驄馬何用埋輪爲倚歟裴柱史冰霜凝玉姿老成德不
貳重望貫華夷攬轡巡齊魯遐邇通政俱宜神明官所備
逢迎民不知處事以無事立政以仁慈奸宄不敢侮豪
宕不敢欺行臺簿書簡吏眠春晝遲我愧宗藩末幸叨
教愛私方抱失恃隱慮處叢哀悲何以伴晨夕惟有苦
與裴緊公此弭節不獲一相隨威聲日填耳咫尺悲路
岐東人欣有託吾亦仗維持知公振餘力濟世以爲期

岩明詩鈔卷五

大

范范古道後伊呂今在茲

魯川郭本口鶴洲承古松震疊之後稍
稍從簡無非爲民也此作從容委婉

挽琴士張良玉

聞道琴高乘鯉遊人閒從此大音收荒臺日落鶴空聽
幽壑雲深水自流道曲誰傳絕代譜鳴蟬空老一庭秋
可憐辜負鍾期賞風雨年年山鬼愁

鮑思菴撫鎮山東

廿年遺澤在東方作鎮重來倍有光新旌旄旄增氣色
舊遊民物半凋傷高風擬見清諸路明月還看照四疆
昭代不須求異政緩征先爲慰流亾

閒居病懷

似蹇經時自索居閉門搗藥夕陽餘相如病渴惟高枕
阮籍愁深嬾著書竹院微喧驚乍晷槐庭薄霧入清虛
機心已共閒心寂不向通津學釣魚

朱頤塚四首

頤塚鉅野諸孫封鎮國中尉

按史稱鉅野中尉頤塚字有甫安邱將軍頤璠
字冕甫皆側僅有逸才聲詩清拔二甫之名滿
天下云云今俱不見所作而御選明詩
祇載頤塚不見於史疑即頤塚存以備考

登兗州城樓

步上西城樓北望傷我心秋風吹大陸落日薊門陰元
霜被寒渚白鴈號中林孤飛何棲止嗷嗷悲不禁怵惕
結心曲歸寫邱中琴朱絃感人意悽然叢哀音中夜不

崑崙詩鈔卷五

九

能寐撫桐獨沈吟

寄懷邢子愿侍御

相憶未相識高名空復聞時因薊北鴈一望濟南雲謝
傳青山屐羊欣白練裘風流誰可再千載獨夫君
賦得爲我彈鳴琴贈王生

憐君多雅調爲我彈鳴琴噴矣邱中賞兼之物外心夜
深山鬼泣江靜水龍吟曲罷無人解松風披素襟

蟋蟀

蟋蟀關何事哀音入夜偏寥寥關永漏切切亂鳴絃乍
逐微風斷還從疎雨連聞中有思婦怪爾不成眠

朱慈愆

二十四首

慈愈字火西青州衡藩之後崇正壬午山中

舉人甲申後改名孫觚後復本名觚道人傳略

善詩歌聞冠膺青州名南游造次必持觚因自號大觚道人已而復原名終於揚州詩

多散

觀錢梅仙所攜東陽蘭亭感述

楔帖何紛淆嗟予未多觀空聞昭陵殉蚤出千秋後諸
家轉相貌聊復標稷瘦區別虞與褚耳食定武舊忠孝
有王孫鑒古精而透稍展東陽本真氣肅邇近筆正時
力適風神愈明茂宛然唐晉手掩映觴詠右首幘亦破
裂縫蹟存四扣間之一片石賈用數家售安知銜春枅
不復埋馬廐把玩多歎息遠近略考究庶倒所攜篋一

崑山詩鈔卷五

手

一開予陋

題青谿畫

僻性惟愛山振策懷獨往青谿畫筆信有神飛流削壁
移堂上客來指顧燕子磯欲與閑尊坐翠微銀河屈注
長川起彷彿乘樣濺客衣山頭縹緲齊梁寺王謝當年
捨宅地青鞵布韞可攜歸人生兩屐還須計念我山中
麋鹿羣乘風叶嘯凌紫氛回首三十六峯近豈羨臥遊

宗少文

雉朝飛

夢青青草正肥遊人眼底雉朝飛雉朝飛趁東風雄邊
有雌雌邊雄雌者養子成巢去不顧雄者飛鳴上下荒

甘露寺示同宿友人

邱草野中去者不可追死者不可見青草已合邱隴深
雄雉莫誇豐羽便雉朝飛飛且止遊人悵望東風東
風流水去悠悠晴日微波吹白鷗白鷗白鷗爾白頭
北固山前寺醜憐一榻幽夢回鐘自曉雨洗月如
路愁雙髻禪棲羨十洲不知投老處歌嘯得吾儔
葉菴招飲花露酒同程穆倩
幾日淮陰客能無憶酒徒成懽聊倒篋忽醉復提壺澤
國哀鴻鴈官衙愛屋烏夜長勞剪燭秋興滿葦鱸
送程德菴入秦

崑山詩鈔卷五

手

研隨奴僕三年老鹿麋儂來驅爾去忍淚暫相持

人日發旌德至三溪

復目三溪雨仍尋人徑梯沙圩皆浸水石齒半銜泥霧
幕過人日雲關送馬蹄梅花東閣夢空寄楚山西

七夕邱使君招同遊焦山四首

忽發登臨興澄江接漢秋山中禁大隱天外紀同遊酒
勸雙星醉帆迴萬里浮不知塵世客何事促歸愁
似有吹笙侶偏饒濟勝材艤舟捫絕壁著屐破荒苔雲
漢生秋思蓬瀛命酒杯江山風月夕乘興可重來
二客同登處三山鼎足奇烏橋如犯斗鯨窟與探碑春
樹江津渡秋風壁壘旗誰能感晴昔才子有邱遲

枯木堂中宿重過不記年烏啼京口樹月冷海門船
馭通三島潮音應四禪如何終碌碌尋勝轉無緣

彭城詠古

彭祖井

古井城闌北相傳自老彭脩齡人已去波里汲還種
橘仙源近沈砂寶氣盈窺輪當日影誰與笑浮生

掛劍臺

一諾千金劍荒原最爾臺遺踪知定在登望有餘哀虎
氣清霜厲龍文白日開更誰堪把贈塵匣且徘徊

戲馬臺

戲馬憑登眺歸然大楚雄秦庭方失鹿漢室又遺弓虞

崖明詩鈔卷五

五

泣隨芳草雕嘶逐曉風至今爭戰處百萬盡羣空

亞父塚

范公亦人傑留塚楚山阿七十方歸骨八千已倒戈高
廟一杯土韓彭如帶河居人傳息壤輸爾未消磨

九里山

楚漢分爭地蒼茫九里山旌旗何處沒草木至今開夢
鹿時時走嚼鳥故技還成名嗤廣武醉語似無關

陵母廟

太公安鼎上陵母置軍時得失俱無幸君臣若有辭黃
河千里岸芳草兩豐碑不爲興王佐行人必淚垂

燕子樓

燕子樓頭月十年照別離未成君子殉空被舍人疑曉
夢添霜鬢春愁減黛眉從容千載見何用激微詞

別別磯口

錫山秋又至惆悵向西風七月看流火三年隔斷鴻君
才誠落落吾去尙匆匆珍重幽樓裏霜寒桂樹叢

處暑日偶成

三伏朝來盡禪棲覺夢長日高初起飯梵靜獨聞香庭
樹搖秋影江雲散晚涼不知歸早鴈幾處憶衡湘

早鐘

不寐當茲夜禪堂動早鐘已先歸客起未便老僧慵風
定星初霽更殘露轉濃朝來三百里江上見青峯

崖明詩鈔卷五

五

歲除立春示兒子孫子

維揚客舍若浮槎北渡南游事可嗟未見梅花吟水部
空隨芳草夢天涯十年婁渚并州別九點齊烟絕域賒

底事東風吹解力看予兩鬢沐霜華

分水廟和荔裳觀察

澤國秋風宋玉愁汶陽孤榜憶曾遊詞源白快并州剪
別淚遙同隴水流上黨縱橫雙劍脊中原今昔一鴻溝

白龍老子無從問爲寄江南海北頭

白桃花

折花枝唱莫愁蕭條桃葉不勝秋胭脂狼藉芙蓉冷
誰踏青陽共白頭

山左明詩鈔卷第三十五

山左明詩鈔卷第三十五

三

山左明詩鈔三十五卷

廣東潮陽縣知縣李文藻家刊本

國朝朱弼編弼字仲良德州人乾隆乙丑進士官至
甘肅按察使是集輯明代山東一省之詩所錄凡
四百三十一人其體例全仿朱彝尊之明詩綜其
去取之間則謹守王士禛之門徑纖毫不肯異同
也

豐陽人文紀略十卷附一卷

〔清〕聶芳聲編

江西省圖書館藏清刻本

附《四庫全書總目·豐陽人文

紀略十卷》提要

序

自古文章一為行

昭回之曜華於朝而

見於不國殊近亦

立於明晦故雖

易如左通無庸識

識而後居無在

不終委此州

人文紀略

序

昔與之飲曰斯文重矣
也素擲埋沒盡志不能
銷解見遠者必必收
而實之於後也者吾乃
今而後其說之能証道
江為志州望之者今
物皆廢矣而宋而宋之
明自啟之矣非漢軍五

季習氣矯枉扶正家
為大宗三百年操觚
象鼻報明無乃不真
故羅子之教也萬象
其均為昇之理也
之教也萬象皆神先生
今之流哉傑捕象自
成也其輝映山川照

耀之台見於傳而
 之中丁喪其子
 歟仍向之孫錯編
 以音誌先生之
 素仰之德想其
 以彰其德而重
 其人之弗克任
 之升素成其國

家乃以流素之
 一居恒明於
 能飲盡其
 幸之愛其心
 餘力完其
 新之以
 親曰人
 之之其

一惟上志遠濶海
 篇新晉中
 為表匯川為海
 年披覽久之
 見素踪情事之
 賦賦見雅麗藻
 詩歌見風流婉
 莊筆意之致拉

劇子見行從
 中國勸之
 序記見其
 凡雅甚可以
 曲盡其情以
 以重將來
 讀是書也
 亦百寶陳

心為應接之方又為
 王宮之圖五王三王
 小珠宮之燦陳而赫
 也昔柳柳之晉之
 人文紀畧 序
 山川形勢其為之材
 亦多其所以之新功
 王宮之圖五王三王
 小珠宮之燦陳而赫
 也昔柳柳之晉之

成是也河雲柳之
 晉之晉然則其也
 之也難子而徐
 子也難是也而
 人文紀畧 序
 亦多其所以之新功
 王宮之圖五王三王
 小珠宮之燦陳而赫
 也昔柳柳之晉之

李誠齋先生

李誠齋題於

恩江公署

小引

以父紀畧者乃輯東豐易諸老達之遺文而刻
之存什之於千百近宋仍五季餘習文氣卑齷
弗振官吾邑歐陽文忠先生崛起倡導古學及
知貢舉黜怪險奇澁出弊歸大雅臨正之歎大
時翁楚宗師之文風丕變所謂迴狂瀾障百川

小文紀畧小引

功不杜昌黎韓公之下具全集板原藏府庫繼
旨明興晉羅二公廷對萬言魁天下文章繼義
彰炳千古遂藏縣庫至和陳侍御習駕部鍾翰
撰宋大理郭太常諸先生暨先伯祖貞襄公各
有全集存家其餘縣誌所載先達著述甚富時
際板蕩屢經兵燹遂付咸易之炬考生也晚向

時收藏舊本頗憐慨遭零亂流離播遷屋室
 堂鞠系茂州家藏書籍亡蕭宅舟故家舊族灰
 燼之餘茲君存卷芳悵滋悵其世遠年湮鴻
 文大冊絕無存者不意何以徵信愛訪諸
 邑中苟及隣封始購題集欲祈名公鉅卿系之
 表章而閭里蕭條催科有午時胥下不暇款
 人父紀事小引
 其心之力漸次錄擇猶精漸填海愚公移山力
 又豈下不能以君限之力值維藉出時而欲張
 皇幽渺振墜緒之茫也亦冀能勝任而愉快乎
 姑將廷對奏疏應制諸篇及公之青關風化理
 學卷剟果一茲分類編輯釐爲十二卷先計剟
 剟名曰紀畧初集以見求豐易斯文之文班所

蕭存什次岭子百也云俞至子再圖嗣刻網羅
 應遺彙于孤出版所臻於併美則又以俟夫後
 之君乎

繼岡後學聶芬穀晚出謹識



跋言

宇宙三不朽功德言直與天地山川並峙
始其或駿公鉅卿樹立崢嶸積行君子金
玉爾躬而發爲文章炳炳烺烺則文以人
傳其或世遠年湮人往風微而讀其遺書
今人雷連慨慕而不能忘則人又以文傳
吾邑諸先賢著作如林載之國史勒之家
乘散布於遐方異區者如百派分波然固
無俟更之再述也第三十年來版籍淪喪
故物灰燼先嚴鯁鯁焉患之勤爲咨訪捐
金購求彙爲一書雲小子日侍筆硯側見
先嚴每得一冊輒喜不自勝所以歷寒暑
晦明而弗之告勞以此致疾尚欲廣攬遙
集倣金洲之積翠紉瑤圃之羣芳不幸昊
天不惠而賁志以歿也嗚呼痛哉

不肖男聶雲百拜謹識

凡例

一永豐前屬廬陵隄南唐保大間析廬陵水東
置吉水縣遂隸吉水自趙宋至和元年乃析
吉水五鄉建永豐縣歐陽氏遂隸縣之明德
鄉故是集斷自宋歐陽文忠公始第歐公文
已載大家集及諸文選久爲天下傳誦茲不
多錄止錄一二首冠於篇以誌吾邑斯文肇
基不敢忘所自也至於篇中有一二疑誤字

人文紀畧

凡例

此從原本抄出仍存其舊

一是集之刻原以紀我豐陽之人文由宋至明
代有其人科目之盛無踰洪永宣正成化次
之其間道德文章忠節事功照耀史冊其次
多砥行立名皆可爲後人師法者至今故老
之所傳聞猶能言其大槩後之君子思其人
而欲讀其文邈不可得是以廣爲搜求存其
文即存其人也文得一二首詩得一二律刻

之亦足誌高山景行之思云

一是集徵文維難蓋先達遺文散逸四方即如西墅先生掄魁成祖立朝三十餘年歷事三朝凡館閣奏對以至賦頌扈從應制諸篇多藏內府併皇明紀錄諸書其與嫺里往還及諸贈荅序記碑誌諸作又各存於故家舊族且先生卒於京師遺稿散逸當德清吳公尹豐之日已在二百年後詰其家藏止有瑞應

人文紀畧

九例

二

圖詩集二種故有言與人俱逝之嘆昔楊文貞公云子綰爲文筆不停揮四方求者靡不應酬一時文人所作未有如子綰之富者今觀集中所載止本邑三四姓文他族子弟不知祖宗寶藏先賢文墨之意送爲編入芳閨家乘外紀得先生遺文三首諸先達遺文六首閱東湖劉氏簪纓錄得先生遺文四首諸先達遺文十首由是而推其文之散逸於四

方者又不知凡幾茲編也但據目所經見者其不及覩者何限可勝嘆哉可勝嘆哉

一伯祖貞襄公學宗文成直接濂洛關閩之傳如當日與諸同志往來訂証暨困辨錄雜著諸篇良知之旨多所發明今幸螺川絕學復興一綫之由於此焉賴至其耄年猶與王龍谿陳九川諸先生再爲質正著致知議畧一卷附錄於後以見先人爲學不倦之意

豐陽人文紀畧初集目錄

卷之二

國學試策 崇天聖己巳

歐陽修

南省試策 天聖庚午正月貢舉第一三月御試十四名

歐陽修

御試策 紹興戊辰科狀元

董德元

廷試策 明永樂甲申科狀元

曾 棨

廷試策 永樂丙戌科探花

劉 素

廷試策 宣德癸丑科探花

鍾 復

廷試策 成化丙戌科狀元

羅 倫

人文紀畧 目錄

卷之二

進擬御試應天以實不以文賦 歐陽修

人主之尊如堂賦 歐陽修

司空掌輿地圖賦 歐陽修

藏珠於淵賦 歐陽修

金馬門賦 陳 植

胥濤賦 羅公升

黃河清賦 曾 棨

白象賦 曾 棨

嘉禾賦 曾 棨

白鹿賦 曾 棨

甘露頌 曾 棨

麒麟歌 曾 棨

騶虞歌 曾 棨

瑞星歌 曾 棨

西域哈烈國王所貢獅子歌 曾 棨

神灶歌 曾 棨

應制百韻梅詩 曾 棨

人文紀畧 目錄

白雉進應制 曾 棨

壬辰元旦應制 習 韶

元夕太內張燈制 習 韶

七月一日陪祀太廟應制 習 韶

月明花下吹簫應制 張 唯

暑霽遙岑應制 載 安

鐘山秋寺應制 載 安

元夕應制 傅 虬

駕祀園丘應制 丁 節

太廟習禮應制

曾衍

三月三日千秋令節應制

羅倫

卷之三

論選皇子

歐陽修

論水災疏

歐陽修

上言二氏叔養徒弟疏

戴安

宜言安國疏

高公望

宜言安國疏

鍾同

扶植綱常疏

羅倫

人文紀畧

目錄

三

應詔陳言以弭災異疏

聶豹

陳言時務疏

宋儀望

陳言脩倭以圖久安事

郭汝霖

定安地方疏

鄒濂

議處運道以裕國計事

陳慶

條陳時務疏

鍾掄芳

諫造兵器第一啓

鄒朴

諫造兵器第二啓

鄒朴

諫造兵器第三啓

鄒朴

卷之四

內制集序

外制集序

歸田錄序

思穎詩後序

集古錄目序

歐陽氏諸圖序

石本

七賢畫序

花圖別墅序

人文紀畧

目錄

四

送僉事劉公長吾之任廣西序

曾榮

贈張侯渙章復任武昌序

曾榮

贈張君渙章之任兩湖鹽運序

曾榮

澹交堂契會詩序

曾榮

朱氏族譜序

曾榮

徐氏族譜序

鄧時俊

言志彙序

習韶

朱氏族譜序

劉素

映暉樓詩序

鍾復

孝友堂序	鍾復
望雲思親詩	鍾復
陳氏族譜序	張嘉會
贈徐彥杞金陵南選序	朱縉
黃氏重修族譜序	黃卓
挽進庵先生詩序	鍾復
新刊歐陽文忠公全集後序	彭勗
贈劉君純仁之任膠州序	王壽
鳳岡冊序	宋原端
人文紀畧	五
王筍實錄後序	宋原端
送伯兄世禎南歸序	鍾同
送叔祖士傑之任序	鍾同
刻天申集序	鍾紐
天申集哀輓詩序	鍾鐸
蛩秋漫稿自序	鍾鐸
先德纂遺序	傅韶
三禮考註序	羅倫
福州府學重正諸書序	羅倫


曾南豐文集	羅倫
送陳公甫先生序	羅倫
送陳僉事夢祥歸番禺序	羅倫
送王宗源歸閩序并歌	羅倫
譚節婦詩序	羅倫
薊城胡氏族譜序	羅倫
羅浮庵記	羅倫
贈謝汝昂公教東安序	陳律
族譜後序	劉忠
人文紀畧	六
贈鍾仲俊南歸詩序	劉素
卷之五	
重刻傳習錄序	聶豹
白沙先生緒言序	聶豹
刻秦漢書疏序	聶豹
重刻一峯先生文集序	聶豹
永豐鄉約後序	聶豹
大學古本臆說序	聶豹
困辯錄自序	聶豹

贈公輔少湖徐公赴京序	聶豹
贈督府東明范公擢丘侍序	聶豹
留別殿學少湖徐公序	聶豹
送大理卿胡象岡歸省序	聶豹
贈邑黃明山赴召序	聶豹
贈翰林孔日何元朗之南都序	聶豹
刻夏遊記序	聶豹
盧庵先生言志集序	聶豹
贈周以道分教青陽序	聶豹
人文紀畧	目錄
易終臆說序	宋儀望
三禮纂註序	宋儀望
禮記集註序	宋儀望
河東重刻陽明先生文集	宋儀望
刻巡閣稿序	宋儀望
校編鄒東廊先生文選序	宋儀望
擬福建鄉試錄序	宋儀望
贈大都督孟諸戚公赴召北征序	宋儀望
贈同年潞南李子令祥符序	宋儀望

贈邑侯任庵陳公入覲序	宋儀望
遊武夷雜體詩序	宋儀望
校刻陳侍御存稿序	宋儀望
贈項監察擢四川左叅議序	聶豹
送彭山季子擢長沙序	聶豹
陳氏族譜序	聶靜
刻使琉球錄序	郭汝霖
致知議畧序	郭汝霖
石泉山房稿序	郭汝霖
人文紀畧	目錄
送蕭君賢學榮任序	金章
士約衷旨序	湯瑞至
卷之六	
古州學記	歐陽修
襄州穀城縣孔子廟記	歐陽修
重修縣學記	曾德裕
永豐縣新學記	董良史
重修大成殿	曾 啓
新修靈星門記	曾 啓

新昌明倫堂記	羅倫
大忠詞記	羅倫
宋文丞相祠堂記	羅倫
大中書院記	羅倫
水雪堂記	羅倫
思江橋記	羅倫
博愛堂記	劉恕
讀書樓記	劉恕
恩愛堂記	曾冉
人文紀畧	目録
卷之七	九
永寧縣重修儒學記	聶豹
福建鄉試立石題名記	聶豹
貞烈亭碑記	聶豹
福建修養正書院記	聶豹
平陽府人物題名題	聶豹
復古書院記	聶豹
重修文廟記	羅倫
群英閣記	聶豹

歐陽文忠公祠堂記	曾榮
集古錄目記	歐陽裴
石潯橋記	曾巽中
重修浮雲道院記	曾榮
竹所先生記	曾榮
孝友堂記	曾榮
思遠堂記	曾榮
竹林清隱記	曾榮
樂琴軒記	曾榮
人文紀畧	目録
雙溪橋記	曾榮
晚翠堂記	曾榮
愚閣記	曾榮
湖山清隱記	曾榮
耕讀軒記	曾榮
求志堂記	曾榮
椿萱堂記	朱瑄
思親堂記	朱瑄
求志堂記	劉素

清風橋記	鍾復
恩江橋記	陳衡
湖山書屋十景記	陳衡
湖山舊隱記	陳衡
拙朴齋記	陳衡
嘉會堂記	鍾同
雙溪別墅記	陳律
直夫記	傅韶
龍雲書院題名記	鍾唯
人文紀畧 目錄	士
建昌府學記	羅倫
寶慶府學記	羅倫
安慶府學靈星門記	羅倫
重修福建提刑按察司公署記	
廣德重修復祀書院記	宋儀望
宋丞相文山先生忠烈祠記	宋儀望
徐迪功祠記	宋儀望
重修上方寺記	宋儀望
鐘樓記	宋儀望

聶氏總祠	聶靜
友松記	金瑜
東淘精舍記	郭汝霖
遊靈雲臺記	郭汝霖
遊烏石山記	郭汝霖
協誠堂記	郭汝霖
自警齋	湯克寬
瀧岡阡表記	湯瑞至
延祥院	聶崇義
人文紀畧 目錄	士
孝友堂	鄒瑾
梅隱記	黃卓
卷之八	
上范司諫書	歐陽修
與高司諫書	歐陽修
復胡提學書	羅倫
與劉用光書	羅倫
奉曹州李冢宰書	羅倫
奉謝大韶先生書	羅倫

復保寧李太守書	羅倫
與府縣上言中戶書	羅倫
與劉顯仁書	羅倫
啓陽明先生	聶豹
荅歐陽南野宗伯	聶豹
荅上內閣相公	聶豹
荅東廊鄒司成	聶豹
寄玉龍溪	聶豹
再寄玉龍溪	聶豹
人文紀畧 目錄	十三
與宋望之侍御	聶豹
荅唐荆川	聶豹
寄開封友人	聶豹
寄陳芹山	聶豹
寄李少泉	聶豹
寄李克齋司馬	聶豹
寄馬鐘陽	聶豹
寄羅念庵太史	聶豹
又寄羅念庵	聶豹

又	聶豹
荅賀龍岡	聶豹
荅何吉陽	聶豹
荅陳明水	聶豹
均差簡兩院二司各道	聶豹
再與鄒東廊司成	聶豹
卷之九	
龍岡肝表	歐陽修
曾大父行素府君墓表	鍾復
人文紀畧 目錄	十四
南原肝表	鍾復
雙江肝表	聶豹
澹樂府君墓表	聶豹
尚書都員外郎歐陽公誌銘	歐陽修
尚書工部郎中歐陽公墓誌銘	歐陽修
兵部郎中習公墓誌銘	曾棨
處士郭道傳墓誌銘	曾棨
黃進庵公墓誌銘	鍾璫
南園梁公墓誌銘	羅倫

奉政大夫浙江按察司僉事高公墓誌銘

郭豹

遲純先生墓誌銘

郭豹

奉直大夫龍井魯公墓誌銘

郭豹

浙江布政司叅議鄒君墓誌銘

宋儀望

雲南按察司僉事少濠湯公墓誌銘

郭汝霖

明故太子太保兵部尚書贈少保謚貞襄郭公墓誌銘

墓誌銘

中順大夫浙江處州邦伯敬心黃公行狀

素

奉政大夫禮部儀制司郎中前刑科給事泉厓

人文紀畧

目錄

主

郭君行狀

郭汝霖

卷之十

六一居士傳

歐陽修

四朝國史本傳

戶部侍郎董送董公傳

附良史

武岡教授開禮羅公傳

廣東廉訪副史劉公鸞傳

宜春學諭唐公術傳

典儒學教陳公雅言傳

國子博士羅公學恢傳

秦府長史鄒公朴傳

鄒夢祺

大理寺丞鄒公瑾傳

鄒夢祺

監察御史魏公冕傳

詹事府少詹曾公際傳

處士居學先生傳

鍾復

監察御史鍾公同傳

翰林修撰羅公倫傳

翰林修撰劉公素傳

人文紀畧

目錄

主

刑部郎中朱公瑁傳

翰林編修張公唯傳

監察御史陳公衡傳

翰林修撰鍾公復傳

五經博士曾公衮傳

貴州叅議張公鐘傳

雷州同知劉公彬傳

處士亶齋先生傳

處士劉公霖傳

兵部尚書聶公豹傳

處士楓山先生傳

天台令鍾公紐傳

大理寺卿宋公儀望傳

太常寺卿陳公慶傳

布衣梁公汝元傳

歐羅二孝子傳

吳孝子傳

羅氏雙節傳

湯節婦傳

貞烈序

聶氏雙節傳

唐山縣重建帝堯廟碑

吳齋門建文學書院碑

奉勅移鎮句容修建

太極書院碑

恩江書院碑

道心堂記

一
心
堂
記

存齋記

良齋記

雪庄記

雪厓記

氷雪堂記

仁壽公記

養靜樓記

修束新金斗二橋記

湖隱記

河津縣重修儒學記

猗氏縣重修廟學記

當塗縣移建廟學記

當塗縣移建廟學記

福建提學分署題名記

重建恩江橋碑銘

人文紀要

目錄

来

人文紀畧

目錄

十八

豐陽人文紀畧初集卷之二

於陵李晦修先生鑒定

同男 雯七 裴較

策

國學試策

歐陽脩

問詩刪風雅有一國四方之殊書載典謨實二帝
三王之道君臣之制有別小大之政不侔然而關
睢王者之風反繫於周公之化秦誓諸侯之事乃
附於訓誥之餘究其閎綱必有微旨且巧言者丘

人文紀畧

策

卷一

明爲恥傳春秋象誣艷之譏惠人者子產用心作
丘賦被蠶尾之謗謂之誣艷非巧言乎目之蠶尾
豈惠人也夫子又何謂之同恥歎其遺愛者哉子
大夫博識洽聞彊學待問請譚大義用釋深疑

對舉賢而問炎漢之得人射策程材有唐之明詔晁
錯明國家之大體仲舒究春秋之一元皆條對于篇
章備天子之親覽劉蕡述兵農之大畧微之以材識
而中科然品覈其言辭由有司而考第皇上思講勲
華之閎道欲舉漢唐之茂規已詔公卿之流博選賢

後書
歐陽脩
卷一

人文紀畧

策

卷一

夏之士而又申周官辨論之法以考於賢能較成均
上游之徒並升於歲貢退媿拘儒亦當與問夫近世
取士之弊策試爲先談無用之空文角不急之常論
知井田之不能復妄設沿革之辭知榷酤之不可除
虛開利害之說或策之者鉤探微細殆皆游談而對
之者骯敝曲辭僅能塞問棄本求末捨實得華若乃
詩書之可疑聖賢之異行樂所以導和而率俗官所
以共治而建中此皆聖師之所談明問之至要敢陳
臆見用備詢求策曰詩刪風雅有一國四方之殊書
載典謨是二帝三王之道關睢王者之風反繫於周
公之化秦誓諸侯之事乃附於訓誥之餘考其本因
可爲梗槩夫述四始之要明五際之變始之以風終
之以頌以厚風俗以察盛衰此詩之所以作也而變
風變雅有六義之殊焉關睢王化之基三百五篇推
其首而周南之作亦繫其列者蓋姬旦分陝而居天
子與之共治故其政化之美得繫于王者之風也述
百篇爲歷代之寶斷之自唐迄之以周以陳典謨以
爲約束此書之所以設也作誥作誓皆三王之事焉

成湯有罪已之言五十九篇載其義而秦侯之誓亦參其末者蓋穆公伐晉之辭夫子善之於改過故其誠令之說亦附訓誥之餘不然夫仲尼述堯舜刪詩書著爲不刊以示來葉豈容其失乎且巧言者丘明所恥惠人者子產用心著于前經此可明矣先儒稱仲尼立一王之法始修春秋而親授丘明使之作傳及范甯欲專殺梁一家故蒙以誣艷之譏前志稱子產猶衆人之毋善其養民而臨治鄭國能行其惠及國人怨其丘賦之重斂故被以蠶尾之謗夫傳一經

人文紀畧

卷一

三

卷一

之義非曲而暢之益不能詳也救一時之弊蓋推而行之非爲毒也學者偏見妄云誣艷豈丘明之失歟國人無知謗以蠶尾非子產之過矣况以仲尼之聖作經親授豈有謬舉乎國僑旣死國人皆罷不曰惠乎宜其同巧言之爲恥以遺愛而見稱也荒屏之說敢以此聞謹對

第二道

問樂由中出音以心生自金石畢陳咸韶間作莫不協和律呂感暢神靈雖嗜欲之變萬殊思慮之

端百致敦和飾喜何莫由斯是以哀樂和睽則嘒殺嘽緩之音應其外禮信姱衍則大雅小雅之歌異其宜鍾期改聽於流水伯喈回車於欲殺戚憂未弭子夏不能成聲感樂形言孟嘗所以救泣斯則樂由志革音以情遷蓋心術定其慘舒鏗鏘發之影響是以亡陳遺曲唐人不以爲悲文皇劇談杜生於斯結舌謂致樂可以導志將此音不足移人先王立樂之方君子審音之旨請論詳悉傾圻治聞

人文紀畧

卷一

四

卷一

對人肖天地之貌故有血氣仁智之靈生稟陰陽之和故形喜怒哀樂之變物所以感乎目情所以動乎心合之爲大中發之爲至和誘以非物則邪僻之將入感以非理則流蕩而忘歸蓋七情不能自節待樂而節之至性不能自和待樂而和之聖人由是照天命以窮根哀生民之多欲順導其性大爲之防爲播金石之音以暢其律爲制羽毛之采以飾其容發焉爲德率聽焉達天理此六樂之所以作三王之所由用人物以是感暢心術於焉慘舒也故樂記之文嘒

殺嘽緩之音以隨哀樂而應乎外師乙之說以小雅大雅之異禮信而各安於宜夫姦聲正聲應感而至好禮好信由性則然此則禮信之常也若夫流水一奏而子期賞音殺聲外形則伯喈與歎子夏戚憂而不能成聲孟嘗聽曲而爲之墮睫亡陳之曲唐人不悲文皇劇談杜生靡對斯瑣瑣之濫音曾非聖人之至樂語其悲適足以感匹夫之意謂其和而不能暢天下之樂且黃鐘六律之音尚殘於末節大武三王之事猶譏於未善况鼓琴之末技亡國之遺音又烏足道哉必欲明教之導志音之移人粗舉一端請陳其說夫順天地調陰陽感人以和適物之性則樂之導志將由是乎本治亂形哀樂歌政之本動民之心則音之移人其在茲矣帝堯之大章成湯之大濩乃是先王立樂之方延陵之聘魯夫子之聞韶則見君子審音之旨謹對

第三道

問建官惟百帝堯之閔規泄事惟能武成之令典然則簡易之理斯得爵祿之馭有經自卜洛開基

人文紀畧

策

五

卷一

述天定位別九服廣輪之數辨一圻國邑之宜乃六卿在郊五家爲比咸用蒙士尸於厥官教以和親禁其愛惡惟列爵之既衆豈取士之盡賢匪徒百里比肩尚艱於克選抑亦一命授職咸仰於代耕以夫至寡治衆之言清心省事之論會其歸趣不乃異乎是以秦漢以還抑而不舉得非折衷難用相治乎象魏舊章人倫彞訓遲聞清論用折深疑

人文紀畧

策

六

卷一

對天生民而樹之牧執政以馭邦王建國以辨其方設官而分理列職乎庶位立民之大中以登至平皆由此道帝堯以巍巍之功臻乎靜治故建官惟百緝熙於大猷姬周以郁郁之風縟乎至化故泄事惟能不揚於景鑠逮夫卜洛開基述天定位別九服而有等建六官而分職至于六卿在郊五家爲比並列官叙教於民人羸政并諸侯之彊姍古以自是其制不經摺紳者罕道矣漢承孤秦之弊日給不暇相沿末流貴因循而不比崇疑民被乎無爲之化故官雖至簡亦可以治平姬周承二代之弊意在救時之失故

官必衆建乃能爲共治此世之異時之然也雖曰六卿五家爲職甚細然由計以會要行之誅賞賢者尊之以勸善不賢者罰之以去惡則列職雖云至衆取人安不盡賢祿何由而濫尸官誠難於克選此宗周所以治安而長久後世所宜法則而未行也自秦歷漢積弊相沿權宜適時放去古法居位者莫分善惡之真考課者未見誅賞之當故列職彌衆滙事益煩故政立而治不能進官衆而人不必賢夫清心省事之論所以爲此弊而設非爲宗周而談也今欲拾姬

人文紀畧

策

七

卷一

周之往軌談秦漢之末規濁源清流未見其可夫惟簡易之深旨賢哲之異能求禮樂之源源述官師之大義此誠遠大之閎體非陋儒之能具也管窺之微既難於殫見芻蕘之鄙聊備於周詢謹對

南省試策

問管夷吾之書曰聖人之治天下也四民勿使雜處則其言唯其事易士就閒燕工就官府商就市井農就田野群萃而州處少而習焉其志安焉不見異物而遷焉且曰士農之子常爲士農工商之

費

人文紀畧

策

八

卷一

子常爲工商若乃士講學以居位農力穡以阜生安而不遷斯則嘉矣其或百工居肆萬商成淵奇技淫巧之蕩心鬻良雜苦之牟利安於所習未足敦風見善而遷茲亦何害又如端木之貨殖膠鬲之魚鹽倪寬之帶經王猛之賣畚乘時萬變安可限其定居黃憲之牛醫胡廣之田畝桑羊之賈豎叔敖之負薪肯構百端安可責其承世今茲貢士之制亦有異類之防雖條禁之久行諒甄明之暇衆君子優於博古長於辨宜以爲如何無惜辭

對講天人之精祿責艸茅之愚言古之求治者莫愚於此與愚民之休利傳經術而條對士之射策者以盡其才自漢而還於唐爲盛然以公孫之對置第本下天子自擢於第一劉蕡之言指時甚直有司不敢以入第蓋言至切者顧後害論至甚者爲難行故事欲進者枉於有司而議不得申言欲顯者牽於文辭而談不得騁爲弊之甚由古而然夫能革之誠在今日皇上垂衣御圖側席延士詔郡國以克賦命公卿

而署奏而末學庸妄亦預試言開陳其端周爰而問
上所以講求至治之本下所以展盡思慮之秋也
以謂古之四民罔敢雜處之義而今取士故有異類
之防端木膠鬲倪寬王猛之徒謂不可限以定居黃
憲胡廣桑羊叔敖之賢謂不可責其世職以古之鑒
求今之宜此誠當世之所惡也且夫至治之世四民
異居士處閒燕談仁義禮樂於是乎興農服力穡畝
井田衣食於是乎足工述巧以備器用商達貨以遷
有無少而習之各有常分故命射以觀其德命御以
論其行如是則可以官賢材而不肖者有所勸不耕
則祭無盛不蠶則衣無帛如是則可以禁游手而趨
末者著於本奇器者殺以杜工之僞闢譏弗征以檢
商之猾此聖王所以治天下之本罪戾不得以異物
遷也及周之晚漢繼而興救時之宜猶有可取士雖
不選於里而有孝廉之舉農欲勸之使勤故有力田
之秩有市籍則不得任禁乘車之抑其豪行之當時
猶爲進士疑降及弊末適於權宜有入貲以爲郎有
入粟而拜爵農商雜進黑白混然今國家監太清以

人文紀畧

策

九

卷一

爲治求王道之大端務思真賢以登庶位故於貢士
之制亦有異類之防此誠法古爲政之要也然自井
田一墮四民失業士不本鄉里舉不明真僞後世之
取賢者宜條禁之故有行限年之制有復鄉舉之請
有立秀才之科有立中正以品功伐之高下有從士
斷以禁人士之流移科條益嚴變更非一賢否之辯
未覩其真豈非制其末而失其要歟方今詔郡國歲
貢謹士著以占數先鄉議而覈實然患條禁久行甄
明不暇者誠由制之未得其術爾必若取人以才考
人以實舉賢者上賞以旌功不肖者黜地以明罰自
然無冒舉之過有得人之盛又何患工商雜以並進
士類混而無別乎彼作奇巧以蕩心雜良苦而射利
謂其媮俗未足敦風在乎禁之以絕其僞而已若乃
端木殖財膠鬲擅利倪寬爲御史而稱職王猛與諸
葛而並功黃憲有三公之量胡廣明萬事之理桑羊
之心計叔敖之善相如此數賢者皆遭遇其時以立
勲業故不限以定居責其世職烏得同條而語哉謹
對

人文紀畧

策

十

卷一

第二道

問粵若姬氏肇自邵封佐堯而爲農師居鹵成於王業綿繇之賦本仁積功膺膺之原聿來胥宇逮文武之景化被岐鎬之故區繼聖嗣興定命攸厚相茲河洛之宅求乎天地之中澗瀍之間風雨所曾在禮也載土圭之法於書也兆龜墨之祥述觀獻卜之文顯著徙都之事何乃丘明作傳康王有鄭宮之朝杜預垂言平王爲東周之始豈先後之殊致將方策之失傳矧又奉春始謀極談秦地之

人文紀畧

策

十一

卷一

固孟堅能賦頗析西賓之問建邦之利折理奚長諒茲俊髦精于經傳敷言條對勿尚猥弁

對肇祖乎后稷以至乎赧王流德而深厚者莫大乎西周始封乎邵土卒終於洛都因世而相宅者建歷乎七方策之所並載詩頌之所歌舞可畧而談也若乃武王在鎬繼文而有聲周公踐祚相成而負宸卽神臯以開壤據澗瀍之上游是爲洛都以徙周邑然而丘明作傳康王有鄭宮之朝杜預垂言平王爲東周之始此策所以疑而問者得非洛之初營周都

既定但遷九鼎以居其中及周德之下衰始平王之東徙迹先後之可見非方策之失傳也夫守金城之府據繞雷之固扼關中之形勢者疆秦之興也此奉春所以建策而爲高皇說也因土圭之影迹宗周之舊當天下而宅中者東漢之盛也此孟堅之所以因賦而陳光武之業也夫圯耿徙亳成湯非一邦而理在岐居鎬姬氏不其邑而興世之盛衰顧德薄厚而已又烏稱建邦之利哉故東西二都皆兩漢由之而興廢也謹對

人文紀畧

策

十一

卷一

第五道

問聽德惟聰前王之至訓嘉言罔伏舉善之令猷國家守承平之基御中區之廣地利無極齒籍益蕃各有爭心必虞疆詐之患或非良吏慮典枉濫之尤故立肺石以達窮民設匭函以開言路而又俾之轉對復彼制科思廣所聞遂延多士屬茲舉首將列仕塗以何道致民之暴者興仁智者無訟以何術使吏之酷者存恕貪者守廉試舉所長用觀精誠

對帝堯之德非不聖也必乘九功而興虞舜之明非不智也必開四聰之聽大禹之勤求賢士乃至乎王漢家之並建豪英以翼乎治誠以一人之聖據群元之尊王道之寔微寔昌生民之或仁或鄙理有未燭思求其端是以垂精留神廣覽兼聽居以側遲賢之席行則施暴輪之車施及於方外而弗遺退託於不明而求輔其勤若此猶懼乎弗及也故今國家所以覽照前古講求舊規下明詔以開不諱之門設匭函以廣言者之路復轉對以採搢紳之議立制策以待

人文紀畧

策

圭

卷一

廷試策

曾 蔡

制曰朕聞聖人之治天下明於天之經察於地之義周於萬物之務其道貫古今而不易也是故黃帝堯舜統承先聖垂裳而治神化宜民朕惟欲探其精微之蘊曆象禹貢洪範載於書大衍河圖洛書著於易古今異說朕惟欲致其合一之歸興學有法立賢無方而古今異制朕惟欲通其所以教育參其所以明揚古者禮樂皆有書今儀禮曲禮周禮僅存而樂書闕焉朕惟欲考三禮之文補樂書之缺定黃鐘之律極制作之盛皆人治道所當論也咨爾多方多士承朕皇考聖神文武欽明啓運儔德成功統天大孝高皇帝作新餘四十年必知務明體適用之學敷納于篇朕親考焉

人文紀畧

策

古

卷一

臣對臣聞之中庸之書曰大哉聖人之道洋洋乎發育萬物峻極于天優優大哉禮儀三百威儀三千待其人而後行至哉言乎斯道之全體大用實有待於聖人乎臣嘗稽之於古揆之於今自黃帝堯舜以來未有不由斯道者也恭惟皇上受天明命居聖人之

位得聖人之時進臣愚於廷與論聖人之治是意
志於聖人之學也故既統言聖人所以明於天之
察於地之義周於萬物之務而又析而言之始之
探夫聖學精微之蘊中之欲會夫易書同異之
夫明揚教育之方終之欲極夫禮樂制作之盛且以
明體適用之學望於臣愚知皇上之心即黃帝
堯舜之心也先黃帝堯舜而聖者此心也後黃帝堯
舜而聖者亦此心也太祖聖神文武欽明啓運俊德
成功統天大孝高皇帝實同此心也皇上所以善繼
人主繼

自來矣易所謂窮理盡性以至於命也剛健中正
粹精也聰明睿智神武而不殺也書之所謂安汝止
惟幾惟康也勅天之命惟時惟幾也惟精惟一允執
厥中也中庸所謂尊德性而道問學也致中和天地
位焉萬物育也豈非所謂聖道精微之蘊乎皇上勿
求之茫昧勿求之泛雜勿求之艱深既探而得之願
服膺而守之也三辰迭運而有常所以爲天之經五
土分利而有宜所以爲地之義天地之道可一言而
盡也亦曰求之於心而已矣書曰欽若昊天曆象日
月星辰敬授人時曆所以紀數之書象所以觀天之
器曰欽曰敬此曆象之統宗也是故曆法周天三百
六十五度四分度之一天左旋於地一晝夜其行一
周而又過一度日月皆右行於天一晝夜則日行一
度月行十三度十九分度之七故日一歲一周天月
二十九日有奇而一周天又逐及於日而與之一會
歲十二會方會則月光都盡而爲晦已會則月光復
蘊而爲朔晦後朔前各十五日日月相對則月光正
滿而爲望晦朔及望而日月之合對同度同道則爲

交餽失序嘗取其說以傳詩之十月之交矣至蔡沈本其父季通之說以爲日行少遲於天一日亦繞地一周而比天爲不及一度積三百六十五日九百四十分日之二百三十五而與天一會月行尤遲一日常不及天十三度十九分度之七積二十九日九百四十分日之五百九十二而與日一會天歲與日一會而多五日九百四十分日之二百三十五者爲氣盈月歲與日十二會而少五日九百四十分日之五百九十二者爲朔虛合氣盈朔虛之數而置七閏於十有九歲之間則氣朔分齊是爲一章朱子又嘗與門弟子講書而稱此說分明矣是故若有不同者然臣嘗攷之天無體以二十八宿爲體天無度自其行過處爲度歲有十二月月有三十日日有十二時時刻皆八而子午卯酉加二焉天度所歷則所謂至角至婁至井至奎某舍某度也地面所經則所謂出卯入酉出寅入戌某時某刻也以九百四分爲一日而而復爲四分之日以周天分十二次次三十度而復爲四分之度所以筭也氣盈者歲二十四氣之日有

餘朔虛者歲六小盡之月日之不足也一歲率多十日有奇二歲多二十一日有奇三歲多三十二日有奇四歲多四十三日有奇五歲多五十四日有奇是五歲再閏而猶不足以備兩月必十有九歲七閏而七閏之數均焉餘分猶不得而齊也其說何嘗有不同哉但日者陽之精豈有遲於月之理蓋順而數之則見其進而與天俱左旋逆而數之則見其退而若右轉曆家以進數濶遠爲難度也故以其退數而紀之則去度近而易耳是故自地面而觀其運行則皆左旋自天度而考其次舍則日月五星以漸而東其行不及天而次舍日以退也然次舍雖退其行未嘗不進也退雖進而進未嘗不順也左旋右轉之說其實何以異哉至其論交餽則皆曰王者修德行政用賢去奸使陽盛足以制陰則日常當餽而不餽若國無政不用善小人陵君子陽微不足以制陰則日常當餽而必餽是亦未嘗不同也世之言天體者三家一日周髀二日宣夜三日渾天宣夜以爲天無形望之蒼然蓋積氣也日月星辰舉無根繫荒忽濶遠近於

異端先儒嘗謂其不可考矣周髀之術以爲天似圓
金蓋以斗極爲中中高而四邊下日月旁行繞之日
近而見之爲晝日遠而不見爲夜卽所謂天如倚蓋
而世傳以爲蓋天家者蔡邕謂其考驗天象多所違
失矣獨渾天之說以爲天半覆地上半在地下其天
居地上見者一百八十二度半強地下亦然北極出
地上三十六度南極入地下亦三十六度而嵩高正
當天之中極南五十五度嵩之上又其南十二度
爲夏至之日道又其南二十四度爲春秋分之日道
又其南二十四度爲冬至之日道又南下去地三十
二度而已是夏至日北去極六十七度春秋分去極
九十一度冬至去極一百一十五度其南北極特其
兩端其天與日月星宿斜而回轉此必古有其法遭
秦而滅至漢武帝時洛下閎始於地中爲渾象以定
時節而作太初之曆東漢延熹中張衡又爲銅儀於
密室具內外規而以漏水轉之吳王藩制儀立論宋
錢樂因之後魏造鐵儀唐李淳風作渾儀七年而成
表裏三重曰六合曰三辰曰四游太宗稱善置之凝

天文紀畧

卷一

十九

卷一

聖祖至開元時一行改治新曆而太史無黃道
令瓚以木爲之一行是之而更鑄以銅鐵以木櫃爲
地平上置木偶各施輪軸鉤鍵開鎖機變若神至宋
太平興國初張思訓亦爲銅儀三重比唐制加密以
永代水寒暑不忒大中祥符中有韓顯符元祐中有
蘇頌元祐有許衡王恂郭守敬劉秉忠簡儀渾儀之
作極人事之巧璿璣玉衡之法其度幾矣然臣愚所
取者南考中星北察斗建宅四方四隅以定候審二
分二至以測景隨時修改以與天合聖人復起不必
拘拘于有跡之粗以爲無形之妙其所以察之齊之
在於聖人心術之微必不專倚於器數之末也臣謂
皇上及今必求如古之名儒而後可以論曆象之說
欽若昊天固非區區市廛卜肆星術之流所能辨也
昔者鯀堙洪水汨陳五行禹乃嗣興順其性而治之
濬鑿之功則由下以及上故始於冀兗以治河濟之
下流次及青揚以治江淮之下流下流既殺漸治其
上故次荆次豫次梁而雍地最高水患最少施功獨
後此濬鑿之序也其疏導之功則自上以達下故禹

天文紀畧

卷一

卷一

卷一

貢言導山者四導水者九皆自西北極於東南順其就下之勢自源徂流而無壅遏之患此疏導之序也於是因山川之形便以別州域因土地之生殖以定貢賦詳於治內畧於治外規模素定經緯有條以至禽獸夷狄遐方異類皆得其所行其所無事仁之至而義之盡也然自平成以來今數千載堯舜之間水多潰決昔之九河碣石今已淪于海昔之河趨伍洛今乃南合青淮滎波已難指實而濟漯亦非其故道江沱潛漢出非一所九江匯澤名實異同或以台朕為堯舜或以錫圭為錫禹雜出之說或以為歲有豐凶或以為戶有增減或以為地力有年分之不同臣愚的然以九江為洞庭以匯澤為彭蠡以台朕錫圭皆指禹言之蓋古者君臣一體非若後世之有嫌疑形迹於其間也雜出諸說皆當以蔡沈為當焉洪範者治天下之大法其類有九初一日五行而不言用蓋無適而非用也五曰建用皇極而不言數非可以數明也五事曰敬所以誠身參之五行天人之合也八政曰農所以厚生見人之所以因乎天五紀曰協

所以合天見天之所以示乎人三德曰又所以治民撫世酬物之權也稽疑曰明所以辨惑以人而聽於天也庶徵曰驗所以省驗推天而徵之人也五福曰嚮所以勸六極曰威所以懲其重則在於皇極也前四者極之所以建後四者極之所以行大禹叙之箕子陳之武王受之孔子刪而存之此即周之大訓也至於河圖之文亦載於書著於易前此諸儒皆以河圖授羲洛書錫禹朱子蔡氏亦各因之然洪範即彝倫也彝倫敷則洪範不界彝倫叙則洪範乃錫其數其錫豈天與帝真有物象予之而集之哉易大傳言河出圖洛出書聖人則之者即所謂仰觀天文俯察地理近取諸身遠取諸物作易之事耳豈有所謂龍馬有所謂神龜也哉後世封禪之說天書之事未必不由此啓之也臣愚嘗為之三嘆於斯焉伏羲之畫卦也見陰陽有奇耦之象畫一奇以象陽畫一耦以象陰而數肇於此矣是雖有取於河圖未必盡出於河圖也至謂洪範本於洛書則洪範篇中無洛書之文不知先儒何自而過信之以起後世之惑大衍之

數大傳亦明言天一地二天三地四天五地六天七地八天九地十卽陰陽奇耦之數耳奇耦生成理之自然故又曰天數五地數五五位相得而各有合天數二十有五地數三十凡天地之數五十有五大衍之數五十其用四十有九分而爲二以象兩掛一以象三揲之以四以象四時歸奇於扚以象閏五歲再閏故再扚而後掛參伍以變錯綜其數通其變遂成天地之文極其數遂定天下之象此言象數之原而陰陽五行之往來消長對待之定體流行之妙用揆之萬物萬事百家衆說之流兼統貫通無適而不遇其合橫斜曲直無往而不通同此數則同此理故非但曰天以一生水而地以六成之地以二生火而天以七成之天以三生木而地以八成之地以四生金而天以九成之天以五生土而地以十成之生出之次始東次南次中次西次北左旋一周而又始于東生數則陽下左而陰上右成數則陰下左而陽上右洛書陽數首北次東次中次西次南陰數首西南次東南次西北次東北合而言之首北而究于南其運

行則水克火火克金金克木木克土右旋一周而土復克水者與大傳所言昭合而無間不知復之作此圖者因易書有河圖洛書之名大傳有對待流行之義遂依倣而爲之故雖支干甲子參同運行之說亦無不昭合者一陰陽之理天下之變也所謂圖者經未嘗言有馬負之所謂書者經亦未言有龜戴之自歐陽永叔司馬君實皆力詆其怪誕者良以此也臣愚謂易書之文古今異說欲致其合一之歸但求之於聖經而明辨其理揆之於聖人而遠宗其道則渙然而水釋怡然而理順知衆說有異而至道則同又何致疑於其間哉古者學校所以教育人才之法舜之命后夔者至矣王制春秋冬夏之異教文王世子之篇謂春誦夏絃之類燕義授之車甲之文臣恐其皆未盡然漢儒之所附也周禮師氏三德保氏六儀大司樂成均之法樂師之小舞大司徒之教象以三物賓興之大胥掌士之版合射以考其藝旅師黨正州長鄉大夫書之論秀而升之論定而後官之任官而後爵之其教之若是其備進之若是其難而學

校無不修矣而明揚詢訪未嘗缺焉四岳之所舉非熊之所光審象而旁求者亦皆非學校之所養也况乎後世學校之政不修明揚之法不立間暇無事之時不思所以養士緩急有爲之際則常患於乏才曷不參之古之人乎械櫟之人才至於濟濟之多卷阿之吉士而有藹藹之盛皆本於人君克知灼見廸知忱恂非一日也周宣之中興則有若張仲導之於左右山甫垂式於百辟有申甫爲南國之式也有召虎致四方之平也漢高顛倒駕馭而得三傑孝武崇儒

人文紀事 卷一

重道而得仲舒孝宣招選茂異而得丙魏之倫光武推心任人而得寇鄧之佐蜀魏及吳亦各有人才魏之荀賈弇無遺策吳之周魯腹心爪牙蜀有孔明王佐之才西晉之世無聞東晉僅有王謝寥寥已久至唐而後太宗大召名儒得房杜王魏之流以成貞觀之盛開元以來科舉取士得張九齡韓休裴度韓愈之徒宋興太宗尤篤意儒學始有韓范富歐陽以至周程張朱黼黻大猷闡明斯道而皆僅見於明揚之一得而皆非教育之所致蓋所養非所用所用非所

養俗吏以文法繩下恬退者恥而不進奔競者趨而不顧升黜之異視之一言一事之間而決之立談之頃烏在其爲明揚之法哉學校不過徒設多卑汚闕革之人考課專事於虛文進退不由於德否克貢之人而遣行役固不知小學之方爲何說亦不知大學之教爲何事烏在其爲教育之道哉規模節目疎密詳畧既與古人不同而躬行心得精粗誠僞又與聖人迥異臣愚以爲明揚教育之法惟三代以上可以參而通之漢唐以下明揚之法或有所得而教育之

人文紀事 卷一

攷槩乎未之聞者臣不欲爲皇上陳之也皇上但求之聖人之心不假於後世之法而後能合於聖人之道耳皇上欲考三禮之文則經禮曲禮儀禮戰國諸侯惡其害已而去其籍孔子之時已有文獻不足徵之歎至秦大壞漢興高堂生得古禮十七篇河間王所得五十六篇亦文同而字異後以其所序皆禮之儀因名之曰儀禮畧舉其首篇而謂所傳皆士禮者非也又謂儀禮非高堂生所傳而篇數偶同亦非也今之儀禮卽古禮也始士冠禮士婚禮士相見禮鄉

飲酒禮鄉射禮燕禮大射禮聘禮公食大夫禮覲禮喪服禮士喪禮既夕禮士虞禮特牲饋食禮有司徹禮而郊祀明堂廟制大典多闕使後世如聚訟焉承訛襲舛可勝嘆哉於是朱子晚而條理之挈儀禮正經以提其綱輯周禮禮記諸經有及於禮者以補其闕釐爲家鄉邦國王朝之目自天子至於庶人之禮謂之儀禮經傳通解而亦未及精詳乃以屬之門人黃幹而幹復爲通解續焉至其晚年祭禮尚未脫稿又以授之楊復復始妍精覃思蒐經摭傳積十餘年以特牲饋食少牢饋食爲王經而冠之祭禮之首篇蒐輯周禮禮記諸書分爲經傳以補其闕綜之以通禮首之以天神次之以地祇次之以宗廟次之以百神次之以因祭次之以祭物次之以祭統有變禮有殺禮有失禮並見之篇終郊祀明堂廟制皆折衷論定以類相從各歸條貫使畔散不屬者悉入於倫理疵雜不經者咸歸於至當而始得爲全書西山真德秀嘗稱爲千載不刊之典矣後又因朱子之意取儀禮十七篇悉爲之圖制度名物粲然畢備以圖考書

如指諸掌庶幾集其大成者焉近世臨川吳澄又取小戴禮而叙次之取諸儒之說集爲纂言既屢易稿而自謂月令檀弓尤爲精密其諸儒之中科分櫛剔以類相從上下相承文義聯屬至其篇義次第則大學中庸既爲程朱所表章與論語孟子並爲四書固不容復次於禮篇投壺奔喪禮之正經亦不容雜之於記冠婚鄉飲燕射聘義正釋儀禮別輯爲傳以附於經此外猶有三十六篇曰通禮者九曲禮內則少儀玉藻通記小大儀文而深衣附焉月令王制專記國家制度而文王世子明堂位附焉曰喪禮十有一則喪之義也曰祭禮者四則祭之義也曰通論者十有二禮運禮器經解爲一類哀公問仲尼燕居閒居爲一類坊記表記緇衣爲一類儒行自爲一類學記樂記其文雅馴非諸篇之比故以爲是書之終焉自謂篇章文句秩然有倫先後終始頗爲精審考禮記之文亦庶幾矣若夫周禮朱子嘗謂其廣大精微周家法度盡在此書而蘇頌濱以爲秦漢諸儒以意損益之者衆矣非周公之完書也誠哉是言周之

今之關中短長相補不過千里古今一也而今周禮王畿四方相距千里則其畿內遠近諸法皆空言也孟子曰天子之制地方千里公侯百里而今周禮諸公地方五百里諸侯四百里鄭氏謂周公斥大九州始皆益之尤謬論也公邑必井鄉遂必溝是立法以強人也五峯胡氏謂今周禮五官之外更有治典劉歆之妄也天官有宰夫考都鄙縣失財者誅長財者賞此劉歆欲使上下交征也天官甸師喪事代王受肯楚昭宋景之所不爲也官正比官中之官府去其

人文紀畧 卷一

奇袤之民是廉陛不嚴矣士庶子衛王官示人不廣矣內宰建國左右立市登王后之職后有好事于四方則安用君矣以隱官刑餘近日月之側內祀掌宮中禋禴之事此亂亡之事甚矣歆之誣周公也九嬪世婦內政女功后夫人之職也而王安石以爲統於冢宰悖理莫甚焉王者以天下爲家乃有王之金玉良貨賄之藏四方之獻共王之好賜是以桓靈之事罔成王而誣周公也司喪有九官膳夫有見官醫師有五官皂隸之作亦置五官皆執技以事上役於人

者而以爲冢宰進退百官之屬夫豈周公之制哉其爲書一壞於歆再壞於蘇綽又再辱於安石之手其間改易舊文者多矣其所載之禮皆當有所定正而後可也幸而中經朱子楊子吳氏之所考訂今亦庶幾焉他如杜祐之書與唐開元禮曲臺禮宋之開寶通禮賈昌朝太常新禮蘇洵太常因革禮伊洛遺禮陳祥道禮書朱子亦嘗喜其精博者皆當取以輔翼二書而立之學官傳之天下可以爲萬世之法矣若夫定黃鍾之律尤本於皇上之一心致中而天地自位致和而萬物自有所謂心正而天地之心亦正氣順而天地之氣亦順天地之和順應而候氣之法可用氣正而尺度均尺度均而中聲得可以制黃鍾之律而黃鍾之律其長九寸中分釐毫絲忽皆以九爲度故九寸八十一分七百二十九釐六千五百六十一毫五萬九千四十九絲五十三萬一千四百四十一忽者黃鍾一律之長也又置一而三乘之得十一萬七千一百四十七之全數三分損益以生十一律而各得其管之長短由是被之以五聲爲十六調

人文紀畧 卷一

又使其不相凌犯也用正律正半律變律變半律亦三分損益以生徵商羽角變宮變徵均之爲八十四調則清濁高下相濟而庶幾入音克諧此固制作之先務尤在皇上以和致和也若秦漢以來尺牘牒牘中聲不定或求之累黍而有圓楯之殊或求之指尺而有短長之異代變新樂議論紛紜皆徒事其末而不求其本求之外而不求之內安能定黃鍾之律以極制作之盛哉若夫樂書之闕則樂記一篇可以爲樂經而宋太常博士陳暘所撰樂書亦可刪繁蕪以

人本紀事

卷一

七

卷一

附其後若宋之景祐大樂皇祐樂記蜀人房庶之樂書補亡蔡元定之律呂新書吳仁傑之樂舞新書皆可攷正輔翼之以追咸英韶濩於千載之上以熙天地民萬物於太和之中以明聖賢道學於千萬世之下者實在於皇上之一心也且漢文帝有其質而讓未遑也唐太宗有其才而功利害之也宋太宗有其志而泥於言語文字之末真宗溺於誇詐仁宗偷於燕安數千年之機會非有待於今日歟然皇上所以策臣者皆禮樂之文也禮樂之本臣實深有望於

皇上也心中斯須不和不樂而鄙詐之心入之矣外貌斯須不莊不敬而慢易之心入之矣况人主一心萬化之原萬事之幹萬物之休戚所由關萬機之治忽所由係千萬年聖人道統之所由繼中兩間而立爲三才之主宰可不以聖人全體大用之道任之於身而力行之歟請因聖問所及者統而論之則論黃帝堯舜之道而探其精微之蘊者聖學之全體也明於天之經察於地之義周於萬物之務者聖學之大用也非聖人之道不足以爲學非聖人之學又何以

人本紀事

卷一

七

卷一

明斯道也哉又因聖問所及析而言之亦各有體用焉明於天之經曰欽曰敬爲體而器數之屬爲用焉察於地之義曰祗曰德爲體而政治之事爲用焉周於萬物之務曰中曰極爲之體而三德八政爲用焉興學校必以躬行心得爲體而以教育之方爲用焉作禮樂必以和敬爲體而儀文度數爲用焉聖道之體用固無不在矣然必在知之至而行之篤而後體之具而用之全必其時與學俱進德與位俱隆而後先黃帝堯舜而聖者質之此心而無愧後黃帝堯舜

而聖者揆之此道而無異推之四海而準傳之萬世而信窮天地亘古今四三皇六五帝而不失天下之顯名也惟皇上其留意焉臣謹對

廷試策

鍾復

制曰天啓文治之祥伏羲之王也河出馬圖而八卦作夏禹之興也洛出龜書而九疇叙其理一原於天而會於聖人之心故以前民用以建皇極萬世永賴焉夫一原於天也而圖與書何以不同具於聖人之心矣何必卦因圖而作疇因書而叙說者又謂洛書可以爲易河圖亦可以爲範易範之興更何所則易至文王周公孔子範至箕子而後益明且脩夫伏羲與禹之聖作之何以猶未及備宋周子作太極圖通書所以發大易之蘊也其要諸安在邵子推先天後天以明義文之易也其異旨何適大抵言天者莫深於易而必徵於人言治者莫詳於範而一本於天朕潛心往聖究推至道誠志乎文治之興也諸生講明有素其敷陳於篇將親策焉

臣對臣聞圖書出於河洛而文治之祥以開聖賢作於先後而圖書之理以著蓋榮河出圖洛水呈書此天之所以啓聖人而致其治也聖人則之以畫卦叙

疇大賢因之以著書立言皆所以著明其理爲天地立心爲生民立命爲萬世開太平者也欽惟皇帝陛下以天縱之聖廣日新之德以一心而爲萬化之原以一身而爲斯道之宗紹義文周孔之統闡濂洛關閩之學禮樂彰而法度著道德一而風俗同文明之治未有盛於今日者也猶且不自滿足進臣等於廷降賜清問首之以圖書易範之旨繼之以周邵圖書之與拳拳焉于文衡之興臣有以知陛下之心卽大舜好察邇言文王望道未見之心也臣謹俯伏以對

人文紀畧

卷一

卷一

臣聞洪濛未判太極未分理與數隱然而莫窺聖人旣作圖書與八卦其數燦然而可見當伏羲氏之王天下也龍馬負圖出於河一與六共宗而位乎北二與七爲朋而居乎南三八同道而居東四九爲友而居西五與十相守而居中此河圖之數也伏羲聖人心與理契數與心合故因之以畫八卦以體天地之撰以通神明之德及夏禹之興也神龜負文出於洛戴九履一左三右七二四爲肩六八爲足而五居中此龜文之自然也

大禹聖人理與心融心與數會故此龜文之自然也大禹聖人理與心融心與數會故因之以叙九疇自五行以至五紀皇極之所由建三德以至福極皇極之所由行然圖數書數顯于時者雖異而其理之原於天者則同前而伏羲此心此理也後而大禹亦此心此理也故以之畫卦以前民用則有以通天下之志定天下之業斷天下之疑以之叙疇而建皇極則爲父子兄弟者於此而取則爲夫婦長幼者於此而取法易也範也實萬世之所永賴者也圖書之所以異者圖以五生數統五成數而同處其方蓋揭其全以示人而道其常數之體也書以五奇數統四偶數而各居其所蓋主於陽以統陰而舉其變數之用也體用常變昭乎以辨生克饒乏均乎以殊而其理則皆原於天而無二也方其未出此理已具於聖人之心及其旣呈此理遂著於易範之內使圖書不顯於河洛卦豈不畫疇豈不叙哉大抵聖人作事各有端先儒常言孔子獲麟而作春秋麟不出春秋豈不作乎聖人不過因神物之至以發端耳圖而虛其五與十書而虛其中之五同一太極也旁之奇耦各居二十同一兩儀也以一二三四爲

六七八九圖之四象也一二三四而含七八九六縱橫十五而互爲七八九六書之四象也析四方之正以爲乾坤離坎補四隅之空以爲兌震巽艮圖之八卦也四方之正爲乾坤離坎四隅之偏爲兌震巽艮書之八卦也圖之表爲八卦書之裏爲八卦說者謂洛書可以爲易河圖可以爲範信矣易之則於河圖者虛其中範之則於洛書者總其實孔子曰河出圖洛出書聖人則之是也然伏羲之卦畫焉而已至文王爲卦辭以言乎象周公爲爻辭以言乎變孔子作

人文紀畧

策

卷一

策

十翼以盡其義人更四聖世歷三古而其理始備初一日五行次二曰敬用五事次三曰農用八政次四曰協用五紀次五曰建用皇極次六曰又用三德次七曰明用稽疑次八曰念用庶徵次九曰嚮用五福威用六極此大禹卽洛書之數以叙洪範之疇也及武王下車之初訪問天道箕子推衍增益以告之而其目始備是易之與範雖肇于羲禹而發明之無有餘蘊實有待于三聖與箕子也自木鐸聲微杏壇教息聖遠言湮斯道晦矣逮宋而濂溪周子出焉不由

師傳默契道體作圖與書根極要領其曰無極而極太極動而生陽靜而生陰一動一靜互爲其根分陰分陽兩儀立焉陽變陰合而生水火木金土卽誠通誠復而爲元亨利貞也善惡亦陰陽也仁義禮智信亦五行也圖書之要詰固不外於此矣康節邵子天挺人豪發伏羲文王之秘推先天後天之旨乾南坤北離東坎西震東北兌東南巽西南艮西北天地定位山澤通氣雷風相薄水火不相射八卦相錯而爲六十四數往者順知來者逆卽所謂先天之學也

人文紀畧

策

卷一

策

離南坎北震東兌西巽東南艮東北坤西南乾西北帝出乎震齊乎巽相見乎離致役乎坤以至于成言乎艮卽所謂後天之學也先天之對待所以立其體後天之流行所以妙其用體用相須其旨豈有異哉雖然易者陰陽造化之蘊鼓以雷霆潤以風雨日月運行一寒一暑言天者莫深於此而必徵諸人則有以明乎吉凶消長之理進退存亡之機而不失于玄虛矣範者帝王治天下之大經大法皇極敷言是彛是訓言治者莫詳於此而必本諸天則有以見其至

治無私廣大高明而不局於粗淺矣嗚呼天不隱於聖人故馬圖龜數以之而呈聖人不隱於天下故八卦九疇以之而列周子之所以善述邵子之所以發明何莫不本于此乎陛下德合天地明同日月炳奎壁之煌煌昭人文之秩秩潛心往聖則世雖異而心之神明相接究推至道則迹雖遠而心之天理相孚孟子所謂先聖後聖其揆一也故今百姓昭明萬邦協和蔚然於仁義禮樂之區藹然於春風和氣之內正易所謂德博而化天下文明書所謂會其有極歸

人文紀畧

卷一

藝

卷一

謹對

廷對策

羅倫

制曰朕惟古昔帝王之爲治也其道亦多端矣然而有綱焉有目焉必大綱正而萬目舉可也若唐虞之治大綱固無不正矣不知萬目亦盡舉與三代之隆其法寢備宜乎大綱正而萬目舉也可歷指其實而言與說者謂漢大綱正唐萬目舉宋大綱正而萬目未盡舉不知未正者何綱未舉者何目與已正已舉之綱目可得而悉言與我祖宗之爲治也大綱無不正萬目無不舉固無異於古昔帝王之治矣亦可得而詳言與朕嗣承大統夙夜惓惓惟欲正大綱而舉萬目使人倫明於上風俗厚於下百姓富庶而無失所之憂四夷賓服而無梗化之患薄海內外熙然太和可以增光祖宗可以匹休帝王果何行而可必有其要諸士子學以待用其於古今治道講之熟矣請明著于篇毋泛毋畧朕將親覽焉

臣對臣聞居天下之大位必致天下之大治致天下之大治必正天下之大本正天下之大本必務天下

之大學堯舜禹湯文武之位天下之大位也堯舜禹湯文武之治天下之大治也堯舜禹湯文武之心天下之大本也堯舜禹湯文武之學天下之大學也有其學然後能正其心有其心然後能致其治有其治然後能保其位治也者帝王保位之良圖心也者帝王出治之大本學也者又帝王正心之要道也古先聖王知其然是以堯學於君囑舜學於務成昭禹學於西王國湯學於成子伯文王學於鉞時子武王學於虢叔其所以精一此學維持此心者無不至也故

人文紀畧

卷一

學

卷一

德澤加於當時名聲垂於後世功高天下明並日月而不可及自漢而唐自唐而宋其間英君誼辟非不欲致治如唐虞三代志士仁人非不欲致君爲二帝三王然寥寥千載未有一二庶幾乎此者或君有可學之資有欲學之志而不遇其臣如高祖之於蕭曹太宗之於房杜神宗之於安石是非其君之罪也或臣有匡國之才有格君之學而不遇其君如賈董之於漢陸贄之於唐二程夫子之於宋是非其臣之罪也此君臣相遇自古以爲難而有志之士所以扼腕

憤歎而不能自己也此漢所以止於漢唐所以止於唐宋所以止於宋而不能唐虞三代者此也臣每讀前史見君有向學慕道之心而臣不能成之則悲其爲臣臣有匡國致君之學而不能用之則悲其爲君陛下繼祖宗列聖之位卽堯舜禹湯文武之位也稟天縱聰明之資卽堯舜禹湯文武之資也治已至矣猶以爲未至德已盛矣猶以爲未盛迺萬機之暇進臣等於廷降賜清問首詢唐虞三代下逮漢唐宋諸君惓惓欲正大綱舉萬目以明人倫以厚風俗以富庶百姓以賓服夷狄以增光祖宗以匹休帝王臣有以知陛下此心卽堯舜禹湯文武之心也陛下之有此心非特臣之幸也實宗廟社稷之幸天下生靈之幸也臣敢不以堯舜禹湯文武之所學者爲陛下勉哉昔范祖禹上帝學八卷以爲自古治日常少亂日常多推原其故由人主不學也朱熹將入對或曰正心誠意之學上所厭聞熹曰某生平所學在此若有所回護是欺君也陛下有志於唐虞三代之治而無漢唐宋諸君之失固無不學之心亦非厭聞正心誠

人文紀畧

卷一

學

卷一

意之說者臣敢不以平生所學者告陛下而自陷於欺君之罪哉使愚臣於此犬馬之誠有未盡芻蕘之言有或隱上貢朝廷下負所學臣恐後之悲今者無異於今之悲昔也臣請因聖問而畢言之陛下試垂聽焉臣聞道之大原出於天是道也極於至大而無外入於至小而無內語其大也則爲父子爲君臣爲夫婦爲長幼朋友之倫若網之有綱所以根柢乎人心紀綱乎世道乃天地之常經所謂爲治之大綱也語其小則爲禮樂爲刑政爲制度文爲之具若綱之

本末紀畧

策

四十三

卷一

有目所以扶植乎三綱經緯乎國體乃古今之通誼所謂爲治之大目也是道之綱非吾心主宰之則無自而正是道之目非吾心維持之則無自而舉此心也者又所以主於身而爲正大綱舉萬目之根本也心雖主宰乎是綱非學則有所惑綱何從而正心雖維持乎是目非學則有所蔽目何從而舉此學也者又所以正其心而爲正大綱舉萬目之根本也大綱不正固不可以言治萬目不舉亦非盡善之道也故古昔帝王之治其道雖多端然必大綱既正而萬目

舉舉若堯之肇唐舜之起虞禹之創夏湯之建商文武之造周皆不能外乎此也在堯之時親睦九族以廣愛敬之恩釐降二女以正閨門之禮館甥二室以厚朋友之倫堯之大綱無不正也在舜之時底豫瞽叟而父子之位定克諧傲象而兄弟之化成刑于二女而閨門之儀肅舜之大綱無不正也欽若昊天敬授人時命羲仲以秩東作命羲叔以秩南訛命和仲以平西成命和叔以在朔易命繇以治洪水命四岳以明揚側陋允釐百工咸熙庶績萬目之舉於堯何

本末紀畧

策

四十四

卷一

如也察職衡以齊七政舉祀禮而朝諸侯命四岳以明四目達四聰命十二牧以修內治服遠人命禹以宅百揆命契以敷五教命皋陶以明五刑命伯夷后夔以作禮樂命龍作納言四方風動庶政惟和萬目之舉於舜何如也唐虞之大綱無不正萬目無不舉如此豈徒然乎本於堯舜之心惟務大學以正其大本也不實淫佚不視玩好而允執其中堯之學也罔遊于佚罔淫于樂而允迪厥德舜之學也使唐虞之君不事乎此則學有未至而大本不立矣綱何自而

正目何自而舉哉其在禹也典常之率由彝倫之攸叙其在湯也舊服之載績人紀之肇修其在文武也懿趾以厚公族棠棣以燕兄弟鹿鳴以饗群臣樛木思齊以嚴閭教故其子孫或敬承繼禹之道或布德服禹之跡或率乃祖攸行或鑒先王成憲或篤叙正父或對揚光命或率德以蓋前人之愆或脫簪以輔中興之治此三代之所以正大綱也其養民也夏以貢商以助周以徹焉其教民也夏曰校殷曰序周曰庠焉其制刑也夏有禹刑商有湯刑周訓詳刑焉其

人文紀畧

卷一

聖

卷一

建官也夏商官倍亦克用又周人六典阜成兆民焉其作樂也禹作大夏湯作大濩武作大武焉其正朔也夏建寅商建丑周建子焉其習尚也夏尚忠商尚質周尚文焉三代之大綱無不正萬目無不舉如此豈徒然乎本於禹湯文武之心惟務大學以正其大本也祇台德先不自滿假懋昭大德不邇聲色禹湯之學也不盤遊田緝熙敬止不作無益克明慎德文武之學也使禹湯文武不從事乎此則學有未至而大本不立矣綱何自而正目何自而舉哉此堯舜禹

湯文武惟能務天下之大學以正天下之大本所以能致天下之大治三代而下漢唐宋諸君雖有天下之大位而不能務天下之大學所以天下之大治卒不能致也漢就高祖言之如發義帝之喪戮丁公之叛庶乎明君臣之義高四皓之名割肌膚之愛庶乎全父子之恩立白馬之盟定同姓之封庶乎廣昆弟之愛故繼世之君子不敢叛其父弟不敢制其兄婦不敢駕其夫臣不敢專其君豈不由高祖之作則哉此其大綱可謂正也然其養民也阡陌之壞未久而井田之制不復坑焚之禍未久而學校之制不復郡縣之設未久而封建之制不復五禮六樂之廢未久而禮樂之制不復此其萬目未盡舉也况兄弟不容兆於頡羹之錫封夫人同席兆於戚姬之見寵大將見殺兆於韓彭之菹醢先儒謂大綱正以臣觀之漢之大綱亦未能盡正如唐虞三代也漢非惟萬目未盡舉而大綱亦未盡正以其或不事於詩書或溺於黃老或雜於刑名或荒於土木神仙而聖學也雜聖學既雜則大本不立何怪其太綱之未盡正萬目之

人文紀畧

卷一

聖

卷一

未盡舉哉唐就太宗言之脅父臣虜逼奪神器父子之親何在推刃同氣喋血禁門兄弟之義何在納巢刺妃媚武才人閨門之禮何在故繼世之君子攝兵叛其父臣攝兵叛其君婦駕其夫兄戕其弟豈不由太宗之作俑哉此其大綱可謂不正也然設府衛之法彷彿古人寓兵於農之意設覆奏以審刑彷彿古人欽恤之意此其萬目可謂能舉也然法令之行比之先王未純也田疇之制比之先王未備也學校之教比之先王未盛也禮樂之具比之先王未修也先

本文紀畧

聖

卷一

正謂唐萬目舉以臣觀之唐之萬目亦未能盡舉如唐虞三代也唐非惟大綱不正而萬目亦未盡舉如此以其或蔽於異端或荒於遊畋或錮于女色或甘於小人而聖學也怠聖學既怠則大本不立何怪其大綱之未盡正萬目之未盡舉哉宋就太祖言之其厚兄弟也金匱之書千古不磨神器之重一朝脫屣其厚勲舊也杯酒解柄終令勲名雪夜再幸不改殊恩其待臣下也鞭朴不行於殿陛罵辱不及於公卿其嚴閭範也內言不出於外私恩不害於公故繼世

之君持盈守成家庭之間雖不能匹休乎麟趾之盛也而操戈之事則未聞閨門之內雖不能齊美乎闔雝之化也而聚麀之恥則未有此其大綱亦云正也然制度頗因五代之舊不能復先王之制勸課農桑美則美矣視三代養民之制何如修廣學校盛則盛矣視三代學校之制何如禮樂紛諸儒之喙視三代制禮樂之意何如兵財由朝廷之制視三代制兵財之遺法何如以至賊吏之戒不嚴敗軍之法不立設官之制太冗任子之恩太濫此其萬目亦未盡舉也

本文紀畧

聖

卷一

先儒謂宋大綱亦正萬目未盡舉以臣觀之黃袍加身未免來人之公議燭影避席未免起人之疑心德昭之死未免不厭乎衆心郭后之事未免有疵於盛德則宋之萬目固不舉矣而其大綱亦豈盡正乎宋之諸君見於行事如此雖曰夜分讀書未免徒侈乎虛名雖曰炎暑談經未免不關乎實踐聖學既無其實則大本不立矣其大綱之未盡正萬目之未盡舉又何怪其然哉漢唐宋所以不能致唐虞三代之治皆由大學不講大本不立故也我太祖高皇帝龍飛

淮甸混一區宇心堯舜禹湯文武之心而大本以立學堯舜禹湯文武之學而大學以明故以其大綱之正言之觀其祭畢便殿泣下不止遣祭皇陵哀感不勝則我太祖之聖孝一虞舜之大孝周武之達孝也觀其剖符錫壤建封諸王上衛國家下安生民則我太祖之親睦一虞舜之敦叙九族周武王之時庸展親也觀其君臣同遊之言則與唐虞之都兪吁咈商周之左右篤恭同一揆也觀其申明五常之誥則與唐虞之敦典庸禮商周之建中建極同一揆也大綱之正有不如唐虞三代者乎以萬目之舉言之則法井給民之言互知丁業之戒與古人重農之意相出入也學校教民之制鄉飲勵俗之禮與古人立教之意相表裏也內設六卿以總治天下外設布政以分理郡邑內設都察院以肅朝廷之紀綱外設按察司以爲四方之耳目則其制官之意庶幾乎古人六卿九牧相倡和也兵部帥府相繼於內而將帥無偏重之勢布按都司相制于外而藩鎮無專恣之患則其制兵之意庶幾乎古人司徒司馬相統屬也命牛諒

以制禮則斟酌先王之典以還中國之舊命陶凱以制樂則務宣和平之意而屏褻狎之習萬目之舉有不如唐虞三代者乎列聖相承心太祖之心學太祖之學聖德日新而無不正之綱聖化日廣而無不舉之目然法久則弊自生世久則俗自降故人倫有不明風俗有不厚而我祖宗之綱目漸以淪斁百姓有不富四夷有不服而我祖宗之綱目漸以乖張陛下嗣承大統于茲三年夙夜惓惓惟此之慮陛下此心卽堯之兢兢舜之業業禹之孜孜湯之慄慄文王之翼翼武王之無貳之心也然自卽位以來躬行大孝以先天下已有意於明人倫而人倫至今猶未明斥去邪佞禁制奢侈已有意於厚風俗而風俗至今猶未厚躬耕籍田蠲免租稅已有意於富庶百姓而百姓至今猶未富庶簡練將帥嚴飾邊備已有意於賓服夷狄而夷狄至今猶未賓服陛下有堯舜禹湯文武之心而不能致堯舜禹湯文武之治意者陛下於堯舜禹湯文武之學有未至乎何其心之惓惓而效之遑遑也臣請爲陛下熟言之以陛下望治之切求

治之篤必發憤于中憂形于色而惓惓之誠益有所不能已也夫天下之事未有不行于上而行於朝廷者也未有不行于朝廷而行于天下者也以人倫言之今公卿大臣雖軒墀之內有宵壤之隔是非不及於面諭則腹心無所託而下情不得以上通可否惟出於內批則耳目有所蔽而上心不得以下究何有乎君臣相親之義也陛下誠能體腹心手足之誼畧崇高貴重之勢召見不時咨訪非一使願輸忠悃者得以獻其誠務爲欺蔽者無以施其詐則君臣之化人末紀舉

卷一

行於天下而無有不厚也閭閻小民忍心害理生則私妻異子別藉異財曾夷狄之不如死則食稻衣錦火塋水瘞曾禽獸之不若何有乎父子相愛之恩也陛下誠能望陵典哀慕之悲慈養勤定省之誠公卿守終制之典士夫嚴匿服之禁則父子之化行於下而無有不親也隔形骸而分胡越弟或戕其兄同門戶而設藩籬幼或賊其長何有乎兄弟之愛也陛下誠能厚同氣之恩廣友于之愛嚴犯上之律敦敬長之風則兄弟之化行於下而無有不愛也妾媵無數

庶人僭公侯之分婚娶論財中華行夷虜之風何有乎夫婦之道也陛下誠能則關雎之化正宮闈之禮申明婚嫁之式定著妾媵之數則夫婦之化行於下而無有不正也所貪者利祿誰同心而相濟所附者權勢誰同道而相益落井下石者紛如貽書爭諫者寂若何有乎朋友之交也陛下誠能親君子之朋遠小人之黨燭擠陷之奸獎協恭之正則朋友之化行於下而無有不善也人倫之明自於上非務學不能知臣願陛下惓惓聖學以正大本急求所以明倫之人末紀舉

卷一

道則人倫庶乎可明無異於唐虞三代也以風俗言之朱屏一開燕雀駢集諛佞詭隨者名之曰變通緘默自便者目之曰忠厚直言正色者非之曰矯激持心操節者刺之曰干名此士夫之風喪也陛下誠能寒奔競之門杜諂諛之口獎名節之士張正直之氣則士夫之風振矣庶人帝服娼優后節雕梁畫棟惟恐其不華珍饈綺食惟恐其不豐錦繡金玉惟恐其不多妹色麗音惟恐其不足此奢侈之風盛也陛下誠能躬節儉之實抑浮靡之費重僭祿之罪定上下

之等則奢侈之風降矣典學校之教者尸虛位而無實行由科貢之途者飾虛譽而乏實才此學校之風衰也陛下誠能重師儒之任使無實行者不得以濫叨嚴科貢之選使無實才者不得以幸進則學校之風興矣珠宮梵宇照耀雲霄髡首黃冠充斥道路此道佛之風熾也陛下誠能監梁武宋宗之失斥禍福報應之論惟崇乎正道毋惑於邪說則道佛之風熄矣包苴一入賤可使貴賄賂一逼滯可使達黷貨載歸里閭稱慶琴鶴自隨妻子怨謫此貪黷之風盛也

人文紀畧

策

卷一

五

陛下誠能綜核名實督行勸懲廉介者必彰而無隱貪墨者必誅而無赦則貪墨之風止矣風俗之厚自於上非務學不能知臣願陛下惓惓聖學以正大本急求所以厚風俗之道則風俗庶乎可厚無異於唐虞三代也以言乎百姓之失所則徵求極於錙銖而漏卮於寵倖之費苛斂至於毛髮而尾閭於異端之奉此吾民之困於賦斂者可恤也征舸貢艦動連千夫工匠輿臺延及數戶此吾民之困於征徭者可恤也田連阡陌利累羊羔家雞園豕惟其所啖此吾民

之困於豪家巨室者可恤也囊帛囊金飫鮮醉饕市虎門妖恣其所欲此吾民之困於貪官黠胥者可恤也劫掠蹂躪雞犬一空脅持抑逼肝腦塗地此吾民之困於兵戈盜賊者可恤也父食其子夫鬻其妻壯者散於四方老稚轉乎溝壑此吾民之困於饑饉流離者可恤也百姓之失所固可恤矣然恤之有其道焉大要在於重守令急務在於節財賦守令者民之父母守令不重則好民之所惡惡民之所好豪猾由此而橫盜賊由此而起財用者民之命脉財用不節

人文紀畧

策

卷一

五

則以一而科百因十而斂千賦斂由此而苛征徭由此而濫徵重守令在於慎選科貢疏理監胃嚴勵風紀精立銓法欲節財賦在於簡閱軍士沙汰冗官杜抑私愛斥絕異端科貢既慎則專圖僥倖者不得以幸進胃監既理則苟延歲月者不得以幸選風紀既嚴則貪濁有狀者不得以幸免銓法既精則文理不達者不得以幸用政績不聞者不得以幸遷而守令自重矣軍士既閱則老弱無能者不得以幸食冗官既汰則備員充位者不得以幸祿私愛既杜則貴戚

近習之屬不得以幸賜異端既斥則佛老邪怪之徒
不得以幸干而財用自節矣何患百姓之不富庶哉
百姓之富庶自於上非務學不能知臣願陛下倦倦
聖學以正大本急求所以富庶之道則百姓庶乎可
富而無異於唐虞三代也以言乎夷狄之梗化則虜
驕於北羗黠於西變詐之不測侵掠之不常驅之不
足於兵守之不足於食此西北之夷寇可慮也阻山
川以爲固結流民以爲援鬼出神沒蜂屯蟻聚此荆
襄之夷寇可慮也丹崖千仞青壁萬重攻之則據險
守之則廢時此兩廣之夷寇可慮也團聚山砦流俘
鄉邑我進則彼去我退則彼來此川蜀之夷寇可慮
也夷狄之梗化固可慮矣然服之有其道焉大要在
於修內治布恩信急務在於擇將帥足兵食內治不
修則根本不固恩信不立則人心不服將帥非人則
敵人不畏士卒不附兵食不足則士氣不振衆心不
守欲修內治在於戒逸樂足民用任君子退小人欲
布恩信在於宥脅從緩降款欲得將帥在於求人望
專委任戒欺罔欲足兵食在於廣屯田增士兵逸樂

既絕則主心日正民用既足則邦本日固君子既用
則讜言日陳小人既退則弊政日消脅從既宥則叛
亂日懷降款既緩則歸附日衆人望既收則將材日
至委任既專則將士日奮欺罔既戒則賞罰日明屯
田既廣則儲蓄日富上兵既增則兵力日振何患夷
狄之不賓服哉夷狄之賓服自于上非務學不能知
臣願陛下倦倦聖學以正大本急求所以賓服之道
則夷狄庶乎可賓服而無異於唐虞三代也嗟乎陛
下優于唐虞之治而臣勉陛下倦倦于唐虞三代之
學者誠以大綱不正臣不憂也萬目不舉臣不憂也
所憂者陛下之大綱雖已正矣或不能如堯舜禹湯
文武之光明陛下之大學雖已講矣或不能如堯舜
禹湯文武之精一陛下由臣之言持倦倦圖治之心
致倦倦爲學之力如堯舜如禹湯如文武則天理日
明人欲日消妖艷之色姪姪之聲不足以蕩此心便
僻之言側媚之態不足以蠱此心神仙佛老異端之
言不足以惑此心沉湎荒淫盤遊之事不足以荒此
心華麗珍怪奇玩之物不足以移此心土木刑名征

伐之類不足以雜此心而大本立矣大本既立則大綱由是而可正萬目由是而可舉人倫由是而可明風俗由是而可厚百姓由是而可富庶夷狄由是而可賓服薄海內外由是而可熙然太和宗廟由是而可以永安神器由是而可以永保聖壽由是而可以永延祖宗列聖由是而可以增光二帝三王由是而可以匹休而漢唐宋諸君不足以望陛下之下風也若大本不立則雖疲精憊神以求正夫大綱舉夫萬目以遂數者之効而快陛下之心亦將徒爲文具而

天下之事無一可爲者矣此臣所以欲陛下從事於學也然臣之所謂學者非稽同合異以爲博也非鈞深致遠以爲奇也非繕章繪句以爲美也臣之所謂學者卽大學之道也是學也卽堯舜禹湯文武之所謂學者也其目有八而各有其要平天下治國齊家之要在於修身修身之要在於正心誠意正心誠意之要在於致知格物宋儒衍繹其義以進告其君齊家之要有四曰重妃匹嚴內治定國本教戚屬修身之要有二曰謹言行正威儀誠意正心之要有二曰崇

崇長戒逸欲格物致知之要有四曰明道術審治體察人情是書也乃先聖之心法萬古之元制治之良圖保邦之大道也陛下必惓惓於此晝而誦之夜而思之親近儒臣質問疑義毋徒事虛文毋徒應故事毋徒聞之於耳而不識之於心毋徒聽之於人而不復之於己毋徒能之於始而或忽之於終毋徒講之於百辟雲集之時而卽棄之於宮闈深嚴之地毋以朝夕而有間毋以寒暑而有輟或摘其要語而列之屏幃或參以祖訓而銘之座右考之於經證之於史如某事也古人以之而治以之而安以之而興以之而壽卽惕然以省曰吾今日之所行有合於此者乎如某事也古人以之而亂以之而危以之而亡以之而夭卽惕然以省曰吾今日之所爲有類於此者乎念念在此此念之外無他念事事在此此事之外無他事如是然後可謂之惓惓也如是然後所存必正念所出必正言所行必正道所親必正人如是然後身無有不修家無有不齊國無有不治天下無有不平也嗟乎人主之心未嘗不好治而惡亂

也好安而惡危也好盛而惡衰也好壽而惡夭也然
治常少亂常多安常少危常多盛常少衰常多壽常
少夭常多往往違其所好蹈其所惡夫豈其本心哉
以其不能倦倦於學而陷於不知故也如人之療病
未嘗不欲其生而卒至於死者亦豈其本心哉以方
書不熟而用藥不精故也方今天下之勢如人受病
非不枵然且大形猶人也內自心腹五臟外達四肢
百骸無一毛一髮不受病者識者以爲寒心而庸醫
委之曰安病者不悟其非和之曰吾無病也昔扁鵲
人文紀畧
見齊桓侯曰君有疾不治將深桓侯曰寡人無疾如
是者三扁鵲望見桓侯而走後五日桓侯病作召扁
鵲扁鵲已逃去臣願陛下以本心爲元氣以賢臣爲
明醫以古聖賢經史祖宗寶訓所載之言爲古方爲
藥石懼病之將深而預治之信任明醫熟閱古方深
察脈理精擇藥石節嗜欲慎防護日調理其元氣急
求病根之所在而剷除之則元氣日固於內邪氣不
攻於外則百病自消天年自固何憂壽不如堯舜不
如禹湯不如文武者乎及今猶可爲也及今不爲臣

恐扁鵲望之而走矣雖噬臍無及也唐虞三代與我
祖宗列聖之大綱無不正萬目無不舉元氣本固客
邪難入病無自而生也漢唐宋之或大綱正而萬目
不舉或萬目舉而大綱不正元氣未固客邪易奸隨
病而施藥者也自唐虞而三代自三代而漢唐宋用
是道則治不用是道則亂用是道則安不用是道則
危用是道則盛不用是道則衰用是道則壽不用是
道則夭用是道則延長不用是道則短促然則是道
也乃世道治亂之所繫也社稷安危之所關也風化
人文紀畧
盛衰之所由也人主夭壽之所本也國祚長短之所
在也陛下可不大概於心乎易曰正其心萬事理差
之毫釐謬以千里董仲舒告武帝曰尊其所聞則光
明矣行其所知則高大矣高大光明不在乎他惟在
乎加之意而已臣願陛下加意於臣之言毋如武帝
不加意於仲舒之言也蘇軾對仁宗曰天下無事則
公卿之言輕如鴻毛天下有事則匹夫之言重如丘
山臣願陛下不視臣言如鴻毛而視臣言如丘山則
天下幸甚生民幸甚臣俯拾芻蕘上塵天聽不勝戰

保之至臣謹對

豐陽人文紀畧卷之二

於陵李昉修先生鑒定

後學李昉修之編序

同男 受七 襄較

賦

進擬御試應天以實不以文賦 歐陽脩

臣復觀今月十三日御試應天以實不以文賦題目
初出中外群臣皆歡然謂至明至聖有小心翼翼寧
天之意蓋自四年來天災頻見故陛下欲修應天以
實之事時謂出題以詢多士而求其直言外議皆稱
人文紀畧

自來科場只是考試進士文辭但取空言無益時事
未有人君能上思天戒廣求規諫以爲試題者此乃
自有殿試以來數百年間最美之事獨見於陛下然
臣竊慮遠方貢士乍對天威又迫三題不能盡其說
以副陛下之意臣忝列書林粗知文字學淺文陋不
自揆度謹擬御題撰成賦一首不敢廣列前事但直
言當今要務皆陛下所欲聞者臣聞古昔聖帝明王
皆不免天降災異惟能修德修政則變災爲福永享
無窮之休臣不勝大願其賦一首謹隨狀上進

賦

天災之示人也若響應聲君心之奉天也惟德與誠固當務實以推本不假浮文而治情彼雖不言譴見以時而下告吾其修德禍患可銷於未萌臣聞天所助乎惟善則降祥德苟至今雖妖而不勝皆由人事之告召然後天心之上應若國家有闕失之政則當頻見於衆災欲人主知戒懼之心所以保安於萬乘臣請述當今之所爲引近事而爲證至如陽能和陰則雨降若歲大旱則陽不和陰而可推陰不侵陽則

本末紀畧

賦

二

卷二

地靜若地頻動則陰干於陽而可知又如黑者陰之色晦者陰之時或暴風慘黑而大至白晝晦冥而四垂日蝕正旦雨冰木枝如此之類皆陰之爲蓋陰爲小人與婦人又爲大兵與蠻夷若四者之爲患則辟陰之失宜故天象以此告人君不謂不至陛下所宜奉天戒不可不思是謂應以實者臣敢列而言之若夫慎擇左右而察小人則視聽之不惑肅清宮闈而滅冗列則恭儉而成式況乎遠佞人者孔宣父之明訓放宮女者唐太宗之盛德又若西師久不利宜究

人文紀畧

賦

三

卷三

兵燹而改作叛羗久未服宜講廟謨之失得在陛下之至聖行此事而不忒庶天意之可回雖有災而自息方今民疲賦斂之苦又值饑荒之年賞財盡於私室苗稼盡於農田劫掠居人盜賊並起流離道路老幼相連陛下視民如子覆民如天在於仁聖非不矜憐故德音除刻削之令赦書行賑濟之權然而詔令雖嚴州縣之吏多慢人死相半朝廷之惠未宣夫天至高遠也惟可動以精誠民之休戚也皆係君之好尚惟善政之能惠則休符之並覩而况富有四海之大獨制萬民之上一言之出今誰敢不從百事責實今自然無曠發號施今在聖意之必行變災爲祥則太平之可望今漢史有五行之志尚書有洪範之文願詔侍臣之講說詩陳古事於聽聞可以見自名妖災雖由於時政能招福應亦由於明君故禾偃於風表周王之覺悟雉鳴於鼎成商帝之功勳蓋恐懼修省者實也在乎不倦祈禳消伏者文也皆不足云臣生逢納諫之聖明不問直言之狂斐惟冀愚衷之可採苟即誅夷而何辭蓋賦者古人規諫之文臣故敢

人主之尊如堂賦

歐陽脩

位既異等君宜有常惟居尊而體國愛取諭於如堂望而畏之使下民之咸仰高爲貴者譬遠地以同彰稽往牒之遺文宜嘉言之洞啓謂立制於君上諭相承於堂陛蓋以貴賤殊品尊卑異禮下臨於物必也尊嚴而有儀上譬於堂所以崇高乎正體誠以赫赫化被巍巍道隆儼正宁以居極統羣黎於宅中蓋取乎馭民之貴非資於構厦之功位正當陽若盛九筵之制民欣戴后如瞻七尺之崇然則堂非高則偏下

人文紀畧

卷二

四

卷二

而易陵君弗尊則保位而難慎卑高必貴乎不賈上下於焉而克順適臣內附類棧棟之相依列辟下陳由陛簾而比峻豈不以富有函夏躬臨兆民示臣庶之弗越表等威之有倫將使制爾萬國宗予一人下絕僭王非歷階之可及世惟與子彭肯構以相因是知制衆室者莫先乎堂奄九有者必尊其主蓋兼統於邦國匪專稱於棟宇化有於下奉穆穆以深居仰之彌高若耽耽之可觀蓋由堂不可以卑而亂制君不可以黷而不尊喻寧隆於九仞用總制於群元且

異夫蓋之如天但述居高之旨就之如日惟明照下之言大哉陞峻而堂高者勢之然臣貴而君尊者國之理伊制度之有別俾崇高而是視所以建公卿大夫而天子加焉其尊也於斯見矣

司空掌輿地圖賦

歐陽脩

率土雖廣被圖可明命乃司空之職掌夫圖地之名奉水土以勤修慎司無曠覽山川而盡載按牒惟精所以專一官而克謹辨九區而底平者也伊昔令王尊臨下土以謂綿宇非一不可以周覽衆職異守俾

人文紀畧

卷二

五

卷二

從於各主故或因地理之察宜建冬官而法古將使如指諸掌括乎地以無遺皆聚此書著之圖而可親險固咸在方隅異宜分形勝以昭若庶指陳而辨之度地居民既循官而有舊辨方正位俾披文而可知其或作屏建親命侯封國小大有民社之制遠邇異封圻之式非圖無以辨乎數非官無以奉其職主於辨上既險阻之盡明別爾分疆誌廣輪而可識誠由據函夏之至要贊大君之永圖上以體國而經野下以建邦而設都叅古號於周官各司其局辨群方於

禹跡無得而踰是何標區域以並分限率夷而率
域中所以張乎大天下無以逾其廣亦猶五土異物
必辨於司徒之官九州有宜乃命乎職方之掌用能
三壤咸則四民莫居窮人跡於遐域包坤載於方輿
且異夫克國論兵但模方畧之狀鄭侯創業惟叔圖
籍之餘彼夏貢紀乎州名漢史標乎地志雖前策之
並載在設官而未備曷若我謹三公於漢儀專掌圖
於輿地

藏珠於淵賦

歐陽脩

人文紀畧

賦

太

卷二

稽治古之敦化仰聖人之作君務藏珠而弗寶俾在
淵而可分效乎至珍雖希世而弗產棄於無用媿還
浦以攸聞得外篇之寓言述臨民之至理將華紛華
於媿俗復葆范愚於赤子謂非欲以自化則爭心之
不起蓋賤貨者爲貴德之義敦本者由抑末而始示
不復用雖至寶而奚爲捨之則藏秘諸淵而有以誠
由室民情者在杜其漸防世欲者必藏其機使嗜欲
不得以外誘則淳朴於焉而可歸將抵璧以同議諒
彈雀而誠非照乘無庸盡遺碣岸之側連城奚取皆

沉媚水之輝用能崇儉德以外昭復淳風而有謂民
心朴以歸本物產全而靡費珍雖無胥俾臨淵而盡
除事異暗投永沉川而不貴然而道既散則民薄風
一澆而朴殘玩好既紛乎外役質素無由而內安故
我斤乃珍奇之用絕乎侈靡之端將令物遂乎生老
蚌蔑剖胎之患民知非尚驪龍無探領之難是則恢
至治之風揚淳古之式不資於遠則知用物之足不
見其欲則無亂心之惑上苟賤於所好下豈求於難
得是雖寶也將去泰而去奢從而屏之使不知而不
識彼捐金者由是類矣摘玉者可同言之諒率歸於
至理實大化於無爲致爾漢臯之濱各全其本雖有
淮蠙之產無得而窺自然道著不貪時無異物民用
遵乎至儉地寶蓄而不屈所以堯舜垂衣亦由斯而

人文紀畧

賦

七

卷二

金馬門賦

陳植

按唐書註未央宮四門金馬門其一也漢武帝得
大宛馬鑄像立魯班門因改金馬門在建元二年
伐宛之事乃在元符之後非曰宛馬明矣然恩意
武帝好馬安知非得宛馬而使京鑄之耶馬史好
奇又安知其非追書之耶乃本得大宛馬作金馬
門賦其辭曰

玉關浩兮凱歌昆明澹兮息波宛駒踏月以西入金
馬倚空而差我翳武皇之銳志奮拔山而誓河懷汗

人文紀畧

卷二

八

卷二

血於千里涉滇滇而揮戈偉丰毛之神異鼓天驕之
至和鍊崇谿之精粹範鳳臆而摩挲於是東門京技
獻其奇巧魯班名門易其傳訛此金馬門爲待詔之
署所以名千載而不磨也歟想夫是門也未央蟬聯
轡軫旁午麓脊摩空璇題刷霧通曦娥之往還儼鳳
鸞之軒翥聳牙撐柱兀闔闢之中天洞豁哈呀闔崑
崙乎太古忽金馬之當前蹇躊躇而若領磨墮射影
於銅鋪鑄釐浮光於瓊戶天關曉關驚榮水之出圖
月殿夜輝與洞仙而共語默環搖壓轡之玲瓏魚鱗

振連錢之絡組爾其訓儀丹陛駐彩黃扉匪御抑之

獻舞兀立伏而不嘶天矯九重之龍出鼎焚兩觀之

羣飛至若虎柝嚴宵雞籌報曉朝劍迎旗春旂拂柳

亂錦繡之銀鞍恍瑤池之觴酒差彷彿乎殿後之鞭

亦週旋乎在轡之掉通拊詰之嚴繩冠天梁之焜耀

宜夫擅禁禁之清華爲諸賢之待詔若乃禁扃靖密

班列岩峩八駿戒取羣龍滿朝瞻翠華於雙闕遣鸞

韻於九霄佩纈紛兮璫璫冠歲蕤兮蟬貂噴天香之

馥郁隨雲駕之飄飄爾乃縉紳俊彥日從日陪公孫

人文紀畧

賦

九

卷二

大廷之對相如詞賦之才主父嚴徐之雄辨蘇公曼

倩之恢諧或朝奏而暮召或徒步而鼎台朝夕乎論

思之獻檢揚乎盛德之培植望之與更生亦相繼於

後來咸倚騁乎長途之驥而下視乎伏櫪之駘吁不

榮矣哉而武皇好賢固形於蹄弛之思與泛駕之諭

而多欲之累不免誇於天馬之歌與裏蹏之鑄雖麒

麟天祿盛著於圖書之府而射能屬士乃見於列宇

之數豈期欲賢之入而閉之門冀士之至而塞之路

耶矧驥德之良不尚於天人三策之老而繞指之柔

徒取於曲學阿世之儔則吾於數子其又何尤也昔
駿骨之市燕昭有金臺之榮千里之卻文帝惜露臺
之費且范蠡之金尚失報功之誠子期之琴亦嘆知
音之寡而世方慕乎漢世待詔之迹榮羨乎漢時金
馬之美名也然金碑之選有觀於黃門之牧驃騎之
舉有得於馬前之輿則武皇金馬之署詎可以過非
而待詔之選又可以厚誣也哉嗚呼建章霧沉未央
烟滅露臺荒涼銅駝荆棘石龍鱗甲則動於劍灰之
擊而茂陵石馬感慨於秋風之客於斯世也吾意天
馬之在人間不爲龍劍之遁深淵則飛入乎九天之
空碧安得相如之輩挾東方之徒而與訪金馬之遺
跡也哉

陳植字中吉號中山通五經元延祐以春秋中解
試第一會試下第至至順三年復試金馬門賦仍
中第一明年登李齊榜進士授翰林待詔世傳兩
榜解元云

人文紀略

賦

十

卷二

胥濤賦

羅公升

羅子客於錢塘適時中秋皓月初缺長空閒寥萬里
清絕乃江皋乎消搖想故國之餘烈已而金鑠蟄蟲
轂戛踈蹄蠶塵漲天關艇彌澤行雲低回而不飛山
川蒼茫而異色羅子怪而問之客曰子獨不聞錢塘
之潮乎夫天地之間有高有深有明有晦有動有植
有常有怪賦形而立者以億計而海爲大海之大浮
人間其如空與太虛而爲對其變化翕忽一日萬狀
而錢塘之潮爲最錢塘之潮捲海山吞吳會力拔秦
中聲出天外瑰偉傑特之觀亘萬古信四世而八月
既望爲快方潮之未至也乾坤爲爐陰陽爲轡一元
之氣秋高而益盈望舒之精霸生而變態倒河海於
累空納萬流於一派噫陽侯捲其欲立百神嚴駕
兮有待及潮之既至也怒如雷霆疾若飛雨日車爲
之掀簸風師助其呼舞我我今層冰之來千里飛雪
洶洶兮萬馬之奔四合如堵倏谷變以陵遷恐山摧
而岳什見者膽落聞者毛豎於是賁育之倫慙虎之
士因茲水嬉以習戰事淚文舫建彩標破驚湍逐駭

人文紀略

賦

十

卷二

森驚蛟蜃以爲車履鯨鯢而成橋太鼓擣靈龜之革
修竿曳蛟人之綃三山爲陟陽谷爲徽縱橫南北合
巽先後鬼沒神出鱗介相弔或擁蓋以高驤或援戈
而疾鬪或近海若而分餘甘或叩珠宮而逢一笑歡
聲達於淮壖餘風騰乎越嶠層瀾旣平鼓者未息掣
鼇首擢鯢脊洗月窟捺地極馮夷讐游龍吼呂梁丈
人陟降乎左右蓬丘仙人逢迎於咫尺此閭閻夫差
之所以雄長百蠻馮陵上國也是日也朝者休務賈
者輟市蠲糧而快觀者累屬八九百里雞林日本流
人文紀畧

六千里之楚指揮歷四十縣之晉宋子齊姜麋至於
後宮魯壺鄭編兩集於主廷迨夫孽臣擅朝艷妾錮
寢長虎狼於肘腋進蜡毒於燕飲酣歌忘中庭之呼
利口弛重關之禁積薪已燃盲者安枕爰有一老身
佩宗社觀大廈之欹傾忍寒蟬之瘖啞乃逆鱗之屢
批竟屬鏤之不赦豈九州之莫容恥中道而更駕人
生得死其實難猶有以見先王於地下瑯夷朝浮越
甲暮入棲鳥之曲未終至德之廟已泣甬東之徒胡
顏館娃之行莫繫委鍾簏於瓦礫嘯魚樵於都邑層
臺鬼哭而磷明榮楯獸號而鳥集於是忠魂上訴帝
閭朝啓乃錫命書以長茲水乘象載之輿策玉蚪之
駟魚須前驅龍伯作使凡排山倒海之威皆鞭荆榛
越之氣且夫骨鯁之臣生死一節豈生不忍去其故
都而死致憾於宗國彼濤頭之所指寧強弩之能移
想乘波而東擊猶遺恨於會稽薦馨而痛諸姬之不
祀觀棹擢而慨餘皇之已非伊吳兒其何知競簫鼓
以爲嬉雖千秋萬歲之來歸恐滄海桑田之增悲也
嗚呼自有天地卽有此江如此潮汐閱幾興亡較朝

南於大椿竟孰短而孰長昔祖龍之虎視十六國其
若芥擁萬乘以絕江投馬箠而填海曾勒功之未能
已旁觀之欲代况乎吳越直同螭角并吞割據不出
掌握朝并冕於廟堂夕螻蟻於溝壑諒遺跡之幾何
不足供談笑者之一噓惟夫殺身成仁終古不朽橫
大江以揚靈真不亾而曰壽彼舍義以取生徒含羞
而遺臭觀乎斯濤炮汗乃走故吾謂明月之夕慶雲
之朝澍雨降瑞雪飄名山大川清泉怪石之流峙奇
花異卉嘉禾美竹之天喬皆忠臣孝子賢士大夫精
神之所寓而況於潮乎客廼太息反顧落日覺悲風
之四起忽洪濤之俱失

人文紀畧

賦

本

卷七

黃河清賦

曾 縉

臣伏見皇帝陛下卽位以來凡有所建動合天心郊
祀禘告神靈歡悅民安物阜中外晏然四方蠻夷之
國罔不賓服重譯而來者肩背相望繇是休祥駢臻
諸福畢至乃永樂二年十二月乙酉黃河清始蒲州
洎韓城延數百里瑩然洞徹可鑑毫髮河津之民戴
白之叟垂髫之童莫不奔走聚觀以爲盛世之徵符
三年正月癸卯吏民具以上聞百官奉表稱賀皇上
雖深自謙抑而羣臣作爲歌詩形之贊咏者自不能
已臣聞京房傳曰河水清天下平王子年拾遺記曰
黃河千年一清聖王之大瑞也今茲之應寔由皇上
至德感孚天休滋至自開闢以來未有盛於今日者
也臣輒不量其迂陋撰爲河清賦一通謹拜手稽首
以獻其詞曰

歲在閏逢涒灘璇杓建丑璧宿橫昏金莖瀉露銀浦
流雲客有覽西極遊崑崙嵯峨禹門之巨積沂河水之
盈源乃慨然而思曰在昔黃流沃日洪波拍空方積
石之旣導豁龍門之逶通巨靈睢以巖巖底柱屹其

穹窿割兩崖之盤束瀉千里之奔衝雲漢昭回橫一
絲於天末陰風噴薄開萬雷於地中然後拂華陰而
下委跨洛汭而爭雄迤大陸以奔流匯滄海而朝宗
是則昔之困於懷襄者胥爲降丘宅土之域今之安
於衽席者孰匪手胼足胝之功也哉爾其天一以生
地六以成名列四瀆位冠五行象中央之色孕玄冥
之精是則水之所以爲德而河之所以得名也若乃
嘉祥臻惠潤溥秘宣房開靈府著義畫於馬圖廓人
文於遠古黃龍見彩於重華白魚微瑞於姬武茲河
水之効靈稽往牒而莫數俟千歲而一清乃聖作而
物覩然則當文明之嘉會瑞應之旁午而河清之祥
豈得寥寥而難遇也是夜肅然萬籟俱寂霧歇烟消
天空月白胖蠻潛孚精靈歛著若有神人告於河伯
曰方今海宇清寧聖人在位明並乎日月德合乎天
地精誠通於神明資稟原於聖知恒翼翼以爲心尤
孜孜而圖治溥萬姓以咸和茂羣生而暢遂固八表
以同風萃諸福而畢至是宜茲水之澄清予以昭盛
世之嘉瑞河伯於是張雲旂馳電轍昭萬靈趨百役

蜚廉霽威川石受鐵馬夷爲之効奇象罔爲之歛跡
蛟人泣泣以歎欣淵客流盼而悅懌俄而衝波既息
微瀾不興乍紆乍徐若瀞若渟濁者自汰渾者自澄
瀟漫混濛委蛇迴縈引白虹之逶迤浮素練而晶瑩
碧嶼沉星轉丹砂於流承寒潭沁月爛玉鑑於清冰
寫行雲之落影度飛鳥以流形湛長空於一碧涵萬
象於虛明茲非千載之奇遇而爲昭代之休徵者乎
於是暢然而驚恍然而竊步趣乎承明之廬翔翔乎
金馬之署于是聖天子負黼屨臨寶祚建旌麾鏘韶
濩列炬焚星薰爐噴霧夜漏未央宵衣在御尊居
九重之崇嚴而未嘗一息之暇豫所以致黃河之效
瑞者又豈偶然之故哉於是邇清光承湛露接迹乎
菱龍遙羽千鴛鴦奏蓬萊之音獻河清之賦從而爲
之歌曰河之水兮洪流昔汎濫兮九州微禹疏鑿今
民其憂神哉禹功於此千秋又歌曰河之水兮清泚
忽澄徹兮千里惟皇作極兮民以喜昭哉聖德兮光
于萬世已而靈輿微動斜月孤映六合無塵河沉一
鏡沐鳳浴之餘波泚中山之兔影鋪張乎鴻圖贊詠

乎神聖談希聖之奇逢昭太平之瑞應是豈徒效雕蟲之篆刻蓋天將和聲而以鳴國家之盛

白象賦

曾 榮

臣聞天生瑞物以協遐休以徵遠人嚮服寔由有德乃永樂二年夏六月安南來獻白象萬姓同歡百僚交慶臣叨居館職得觀奇祥敢不鋪張揚厲以昭盛世之弘休以流鴻績於無窮哉獻賦曰維我高皇奄有萬方南踰丹徼東薄扶桑西被流沙北窮幽荒固幅員之至廣肇基業於無疆混車書於四海敷禮

人文紀畧

賦

七

卷上

樂於明堂於是玄菟黑漢青狄赤羌鳩密象胥譯鳥言而獻款雕題左社泛鯨海以來王馳宛駒之蹀躞矯龍馬之騰驤大貝噴珠屢作充庭之寶南金笑玉率爲天府之藏所以功高於湯武德合於虞唐致治與前古而比隆垂休亘萬世而彌彰者也聖皇嗣興聰明天縱守太祖之宏規紹百王之大統真宗社以廓清拔俊良而登用聲教翕乎風行號令煥乎雷動際窮髮之遐荒咸奔走而來貢維時蟾影向曙烏輪未升薰風微涼纖塵不驚天顏肅穆御于紫清綽詔

鈞之間作耀天仗而晶熒肅衣冠於百辟遙駕鸞於羣英講論至治之要敷陳聖道之精所以迓千年之景運而開萬世之隆平者也越有南交世居海甸貢巨獸以來庭色純白而罕見爾其浮游海濱出沒山谷天馴其心地擾其足齒感雷以成文膽隨月而附肉藉茂草之豐茸蔭長林之樸樸嗟衆狀之不殊何潔白而爾獨豈非中國之嘉應而適見於南粵之荒服也若乃素質浮霜脩牙削玉威瑤宿以儲精合金氣而孕毓眠沙而寒映雪山浴海而晴翻銀屋天吳

人文紀畧

賦

七

卷上

仰以睇眴陽侯俯而惡縮壁上天之匪求豈蠻邦之敢畜蓋金轡以前驅絡璫瑰而相屬遠南海之炎囂挹中州之清淑瞻玉殿以奔趨進瑤階而俯伏紛雲毳而低垂對瓊樓而駭矚映皎月以同輝承湛露而載沐色逾渙室之兔質勝周王之鹿至若氣凌百獸力雄萬夫將震驚於責育顧失智於蒼舒鳥獲旁觀而踏蹶蜚廉却步而欬嗽迨夫服金輅參玉輿負重寶聯明珠衛虎關而並立導龍駕而羣趨旣馴擾之足尚亦安重而有餘飽青芻於靈囿扈仙蹕於天階

差將協嘉祥於麟趾媲美仁厚於騶虞者歟緊聖皇之一德乃漸被於八垓昭日月以宣朗溥天地之至仁顧卷髮之異狀屢稽首而稱臣于是知明王之懷德而有以致四夷咸賓也在昔成周有越裳氏乃涉滄溟以獻白雉垂簡策之休光躋王會之盛世維我聖朝威德遠被不召而至茲交趾之炎荒實越裳之苗裔歸仁効順在太祖之初年納款稱藩當聖皇之嗣位雖夷狄之向方諒聖德之所至忝侍從之微臣極形容之莫備慙賦述之未工仍作歌以見志歌曰於人文紀畧

人文紀畧

賦

卷二

卷二

穆聖皇兮堯帝重華混一六合兮四海爲家文德誕敷今無有邇遐遠人來格兮聲教攸暨南越獻象兮其色孔異皇不寶物兮以德爲貴吁嗟爾象兮亦何幸而得覩中國聖人之世

嘉禾賦

會 祭

臣寮伏惟聖天子尊臨大寶光昭宇宙聲教洋溢協氣薰蒸毓爲休祥諸福之物莫不畢至自生民以來未之有也今茲嘉禾復產於龍興之地凡在朝野莫不稱慶以爲聖天子仁覆六合涵煦兆民故天錫仁

卉以彰至和之應與古昔帝王之臻斯瑞者匹休媲美寔爲過之不可無述作以示萬世乃爲賦曰秋雲微空萬里一碧銀河漸低玉露猶滴炯璇星之耀芒潛曉月之澄白於斯世也鼓鍾雷殷旌麾雲萃鸞輅宵嚴虎賁宿衛九門洞開百辟環侍瞻龍鳳之姿遙鷺鷥之序陪金馬石渠之英粲玉皇香案之吏俄而勅賜載升神隱微吹佳氣鬱葱靈光輝媚爰有奇卉芳鮮郁麗盛以寶函陳于丹陛豈至和之所鍾而瑞物之沓至者歟觀其匪菽匪粟如稊如稂連莖擢秀

人文紀畧

賦

卷二

卷二

疊穗揚英桴聯金錯粒粲珠明燁燁煜煜晶晶熒熒凝輝燭乎絳闕流彩灼乎彤庭恍靈芝以奪色黯瑤艸之韜榮蘭若傲其秀質荃蕙匿其幽馨豈所謂五穀之長而盛德之精者歟於是正襟端笏肅容諦視凝神靜思乃審厥瑞傍有問者曰是祥也其神農耒耜之嘉應乎抑陶唐乘木而王之休徵乎其生夫夏殷之時以叶禹湯之聖者乎抑得之唐叔之國以昭文王之德之盛乎豈應車充箱兆越裳之重譯乎將力勤十頃來因祇之効臚乎若永平元和聯芳毓秀

於漢唐之世乎將如宋之耶耶蓬萊隔隴而合穗乎
其冊雀卿之而載榮者乎將祥麟食之而復生者乎
果孰後孰先何祥何禎蕩蕩巍巍莫之能名臣應之
曰子之言猗歟休哉博聞強記舉載籍之貞符悉帝
王之異瑞若鍾叩而鑒懸如燭照而數計然泥于古
不足以通今知其一不能識其二是徒誦往牒之陳
言又烏足以論當今之盛治也於赫聖皇德配天地
六合同春四海一視妙神化於羣生罔至和於萬彙
由是嘉祥屢興天休滋至神龜昭達孝之誠騁虞顯

人文紀畧

賦

圭

卷三

同氣之誼黃河再清不足殫其祥白象屢臻莫能盡
其瑞此上天重以嘉禾之應而特見於皇上龍興之
地然則是禾也生自佳壤育於大藩天降其種地培
其根甸人受職載師告勤勾芒獻奇后稷効珍不種
不穫以質以文詎人力之播殖寔玄化之陶鈞方其
土脈動春暘溫翠烟羃歷玄霧紛溼瀝之以甘雨覆
之以祥雲造化之所孕毓元氣之所胚臍農官不足
以知其異田祖亦莫能測其神已而芄芄其苗穠穠
其粒嘉穎揚芳修葉含碧叶氣薰蒸榮光赫奕煥騰

爲之潛蹤吁咄爲之屏跡沐湛露之清華凝醴泉之
靈液春苗蕤蕤翻翠浪於平疇秋實垂垂滃黃雲於
長陌廼有野史弁告於王嘉禾寔生粵爲禎祥王乃
馳驛騎函封章獻之天子登於明堂樂農事之告成
慶年穀之豐穰仰帝德之旁洽迓寶祥之靈長天子
曰噫予臨萬方恒兢業以自度顧宵旰之靡遑念民
生之未阜何上天之降康然則豈予一人之福蓋爲
農夫之慶者歟乃命薦清廟告歲功用昭德於祖考
爰受釐於吳穹惟休祥之駢集諒聖情之謙冲是宜

人文紀畧

賦

圭

卷二

道德益盛治化益隆神人叶依蠻貊率從來玉帛於
萬國垂衣裳於九重昭鴻猷以宣明混車書而會同
綿本支於萬禩莫海嶽於無窮豈徒尚多士之濟濟
而著歌頌之泐泐也哉問者唯唯朝退而去臣本鰥
生忝職璽署親間世之奇祥寔有生之希遇承天眷
之寵光登恩蒙之思慮於是滌端溪之石拂剡藤之
素揮銀管之霜毫泚金莖之曉露鋪張乎太平瑞應
之徵因以爲嘉禾之賦

白鹿賦

會 蔡

緊走獸之殊類均稟氣於兩儀何白鹿之特異挺皎
然之素姿諒太和之毓秀亶造化之鍾奇蓋嘗觀其
類也厥壯惟麋厥牝惟麀匪麀匪麀匪麀匪麀麀麀
其子麀麀其群呦呦在野咄咄于原濯濯攸伏技技
斯奔跡麀麀以決驟性麀麀而甚馴茲尋常之品素
寧瑰奇之足珍若乃冰玉其軀雪霜其色鉛華被膚
縞素橫臆豈嘗閱寒暑之一千而更涉春秋之五百
者歟爾其太白孕質金氣儲珍生自渤海育于上申
稟西方之正色含太素之真純醺醺醺泉之玉液茹瑤
人文紀畧
草之靈芬角懷瓊以堆粦毳凝霜而璘影翠獻春遊
恍未消之殘雪蒼崖曉伏似迷落之片雲若夫黑齒
來賓畝丘致祝藏泉靈啓扶風瑞毓導王母以先驅
從老聃而載育循唐訟之墓廬蔭丁茂之宰木洞門
深窈隱廬阜之晴嵐艸屋荒涼臥湘波之曉綠伊飲
紀斯瑞於前聞抑豈能詳書而備錄也哉彼其形變
青銅度輶紫石夾轍臨淮駕車解薛載蕙鮑而上仙
斬王翊而脫厄雲臺石室葛巾逍遙野艸荒波繡裳
飄忽采薇值而家殷覆蕉歸而夢惕認角際之銅鑄

駭鏡中之錦纈華山羽士觀古琴以化淳嵩嶽小
從高僧而悟佛是徒誇誕漫於陳言而侈荒唐於往
牒者也丙戌之秋己酉之日夕陽半規涼空一碧蘭
麀雲蒸式予電激天子方恢鴻圖建皇極宵衣載興
日昃未食集四海之儒紳搜萬代之簡籍乃麾武弁
進逢掖天顏粹溫聖情悅懌命白鹿以爲賦極留神
於翰墨於是近丹陛趨玉除披山海之經考瑞應之
圖驗扶餘之素產記北海之曾輸然則是鹿爲希世
之瑞而聖德乃感應之樞故仁政敷則嘉祥以協孝
人文紀畧
道備則靈貺斯符臣等乃拜手稽首颺言曰斯鹿也
稽之載籍寔爲仙獸素隅于是而奔辭皓鶴以之而
匿秀廣寒之兔不可以同羣空谷之駒不可以爲偶
其清貞宜冠乎上林其馴擾宜備乎靈囿其明潔可
以擬天德之純其遐筭可以祝無疆之壽言已百工
相和而歌曰白鹿之白兮色孔絕外修潔兮內實馴
淦月華兮飲玉津雪花繁兮雲滿身聖人端拱兮御
昌辰嶽降祥兮川效珍爾鹿來兮嘉應臻彰達孝兮
昭至仁徵聖壽兮億萬春

甘露頌

會 祭

永樂十年冬十月戊辰車駕狩於陽山甘露降松柏之上待從之臣採取以進是月丁丑車駕狩於武崗甘露復降於是群臣皆頓首稱賀皇帝若曰朕嗣承皇考太祖高皇帝之業夙夜兢惕惟欲輯寧兆民以底於治符瑞之應其曷克臻茲爾尚悉乃心力嚴恭祇懼以承天休毋怠毋逸臣嘗考之周禮中冬教大閱遂以狩田致禽獸於郊入獻禽以享烝蓋所以講武事奉宗廟也今茲乘輿冬狩順時合禮符瑞之應

人文紀畧 卷二 圭

厥有所由竊惟陰陽之氣和而爲雨露凝而爲霜雪而露者霜之始也今天時寒沍而和氣充溢甘露屢臻寔由皇帝一心之和通乎天地是以鑾輿所次天休震動漢儒有言心和則氣和氣和則形和形和則天地之和應故斯露之爲祥也不布於春陽之候而發於冬寒之節不施於閒暇之日而零於四狩之時是皆卓然奇異前代之所未有且古者甘露之祥或續世而一遇史謹書之以爲非常之瑞况茲旬日之間甘露屢降是豈偶然之應哉誠宜作爲歌詩薦之

郊廟以昭答上天之靈貺以贊揚聖代之鴻庥使天下萬世皆有以詠歌皇明之功德赫赫煌煌震耀無極輒不自揆謏謏撰爲甘露頌一篇以獻頌曰

帝德如天仁覆函夏靡夷弗蕪靡驚弗化聲教所暨罔不率從玉帛冠裳萬國來同瑞應駢臻川湧雲萃袞冕煌煌垂拱而治粵稽古典有敎三驅乃飭將士乃簡車徒孟冬其時維日之戊玉盾雕戈從帝于狩于狩孔宜我農既閑爰有甘露降于陽山陽山崔崔有松有柏法條綴柯有芳其液太和塊北遍覆旁敷有醇者齊既漸既濡吉日維丁亦孟之月鸞輅龍旂載狩載閱武崗峩峩有柏有松凝梢布葉如耐之醴至和網緼流行發育有沛其津載沾載沐亦既甘矣如旨如飴亦既瑩矣如珠如璣有莢其英有榮其質曷云弗晞亦既承日爲莖爲蘭爲醴爲酥如肪斯潔如膏斯腴滑滑瀼瀼厭厭浥浥維德之馨如露斯集品品密密晶晶熒熒匪露之積維道之凝於此貞符用昭帝德乘輿所臨誕布膏澤維帝謙讓抑滿戒盈厥祥奚自維日兢兢維帝溫恭重葦克協斯應謂何

人文紀畧 卷二 圭

于時業業天鑒帝德顯命是膺聖子神孫萬世其承
於皇休徵維和所名臣榮作詩以薦清廟

麒麟歌

永樂十二年九月丁丑榜葛剌國王表獻麒麟羣臣
交慶以爲希世之大瑞莫不播之聲頌以昭示方來
臣榮謹爲歌詩一章以進其詞曰四靈之物古所珍
獨稱上瑞惟麒麟周南想像託歌詠千載誰復觀其
真聖皇垂衣御寶曆霽澤仁恩覆八垓北窮水天南
裸壤東極陽谷西崑崙崑崙然神化治九有日月所照

人文紀畧

卷二

七

卷二

皆陽春跂行喙息自生遂奇祥異瑞相駢臻西南有
國居海島自皆稱類稱藩藩臣梯航絡繹遠相屬玉帛
交貢紛來賓一朝齊麟出其土萬里入貢趨楓宸天
生瑞獸自有異龍鳳頸麕其身背爲龜文榮錦臆
雲霞五彩光璘粲目如飛電耳雙聳馬足颯沓鳴風
雲步趨周旋中規矩音韻彷彿諧韶角端有肉不
以觸生艸弗踐能安馴軒然仰首向丹宸丈有八尺
高嶙峋聖皇當宁重臨顧百辟并舞同歡欣羽蟲麟
介雖有長未若此獸超其羣想當造化初孕育玄枵

吐耀垂蒼旻指麾百靈助神異噓吸二氣成胚腓至
和綢繆重涵煦大塊塊北加陶甄乃知聖人在中國
產此瑞物何其神遐方絕域不敢畜侑以百寶俱前
陳傳言昨者涉滄海颶風不動波鱗鱗川祗嶽后歟
氛翳雨師風伯驅埃塵神靈馮訶百怪伏洗滌萬象
增鮮新水行魚龍隨雜遝陸走鸞鳳參續紛熊獅犀
豹象虎兕先後偃蹇來追奔祥烟縈迴護其體卿雲
繚繞彰其文神行電邁恍莫測倏忽已見登天關只
今翱翔在靈囿瑞物自幸逢昌辰醴泉甘露爲之飲
金芝瑤艸爲之食嬉遊瓊林適閒暇嚙嗽玉燭含真
醇老翁白髮盡種種小兒童方斷斷皆云生長未
曾識扶攜僂僂填城闔古來間世或有此無乃載籍
多空言成周郊數既茫昧炎漢雍時徒湮淪我皇至
德自仁厚所以物類咸振振况茲瑞物不世出聖化
所感非凡倫昔人傳聞尚爲異何幸目覩身相親願
爲樂章薦清廟播之萬古歌皇仁

人文紀畧

卷二

七

卷二

騶虞歌

會 榮

永樂癸巳六月辛亥山東曹縣得騶虞以進羣臣皆奉表賀臣榮乃爲歌詩一篇以獻其詩曰

臣聞騶虞不世出白質黑章相炳蔚瑰奇迥覺靈物殊馴擾不與毛羣匹由來瑞應天所鍾含輝藏采韜其蹤廻旋解使百獸伏出入常教兩虎從答者河南會現瑞貢來遠自鈞州至今年又報出山東嶽后神靈發珍秘山虞未識神物奇但見非虎仍非彫文章彪炳旭日動毛骨颯爽靈颺吹山東父老爭來集吁人文紀畧

卷二

騶虞

嗟神物卿能繫乃知仁獸可馴致攬身自向雕闌入皆云此獸非尋常請以進獻登明堂虎軀視首絢文承綺踞赤檻何輝煌雙瞳夾鏡懸秋水縞毳毵毵妥修尾幾片玄雲凝不飛散落瑾臺雪花裡向來逸足風雲生倏忽千里無留行一朝俛伏向金闕收收穆穆穆不驚羣臣嵩呼皆稽首稚耄傾城競奔走昔聞曠世不一逢兩度呈祥古無有我皇恩澤周八垓包合煦育能平均太和網繼塞天地孕此奇獸心純仁黃熊赤豹紛騰突傷殘物類會何恤天生仁獸獨超

羣不踐生芻食生物鵲巢之應古所陳詩人託此寧

真識瑯琊壁山豈足道縱或一見誰能馴聖皇大德

如天覆物類感之總仁厚馴雉祥麟出近郊白象玄

犀集靈囿聖皇至德格昊天聖壽天齊億萬年小臣

作詩歌帝德再拜願繼周南篇

瑞星歌 有序

會 榮

皇上聖德達孝格於昊穹粵自蒞蒞以來至于今嘉祥之應駢臻疊至乃宣德庚戌冬十二月丁亥之夕含譽星現色正黃白光彩異常已經信宿益加明潤人文紀畧

卷二

瑞星

考之占書以爲人君施孝德典禮樂萬民和悅四夷咸賓則含譽星現欽惟皇上仁聖之德致茲嘉應昭然其明斯實國家萬世太平之徵非偶然也臣榮明居侍從以文學爲職不可無所紀述以昭示將來謹獻七言古詩一章拜首頓首以獻由來聖德景星現在俗傳聞今見之惟茲季冬日丁亥俄看景入當昏時九游之旁黃道側有星朗然呈瑞色光華明潤實非常但見輝輝黃復白初看炫爛映參箕忽訝晶熒輝紫微正當霄漢發華彩頓覺列宿皆藏輝從來感

名由和氣我皇達孝通天地萬姓咸和四海安致此
景星爲上瑞皆云舜世歌百工瑞應實與當時同仰
惟重華叶聖德播之歌詠垂無窮

西域哈烈國王所貢獅子歌

會 祭

獅子來出金天西雄姿猛態名後猊橫行絕域騁
捷搏噬虎豹吞熊羆西行得之總驚異此物何由在
荒裔萬里遙瞻闔闔來一朝徑度流沙至九門峩峨
臨碧空聖皇端拱居其中劍來猛獸獻丹陛鋸牙鉤
爪真奇雄銅爲頭頸鐵爲額筋骨稜稜比金石晴雲
人文紀畧 卷二
彈地毛色黃飛電流空目光赤尾端柔毳盤錦茸勃
氣直欲摩蒼穹帖然睥睨不敢動但覺六合生雄風
想當咆哮出巖谷震雷破山風拔木聖皇威德加遠
方如此猛獸皆馭服由來盛世多休徵此物何幸沾
光榮願隨龍駕兩京路長與麒麟作隊行

神龜詩

會 祭

臣聞古有大寶龜其神號玄武其族隸玄冥左晴象
日右晴象月上圓法天下法地平介蟲三百六十爾
爲長所以配乎羽毛鱗類居四靈昔者聖人以之鑽

灼立卜筮用爾守國紹天明正逢九江納錫後神禹

治水功告成上帝命爾出河洛背上有數羅列如明

星九一居上下三七布左右二四爲肩六八足陰陽

奇耦縱復橫九疇次第著洪範聖人因之叙彙倫以

之立皇極至今大法存遺經自從負書以後不復出

千歲始一息呼吸元氣食精英不知何年天遣入土

化爲石必待聖人御世爲休徵我皇膺寶曆垂衣在

天京聖德重華協太祖五風十雨民安寧東夷與西

戎南蠻暨北狄梯山航海俱來庭玄犀在靈周騶虞

人文紀畧 詩

卷二

降嵩嶽野蠶作繭嘉禾生仰思高皇神功聖德邁三

五巍巍蕩蕩不可名便教盡湮南山竹細書剡溪藤

尚恐瑤編玉牒紀未盡不如穹碑文字萬古垂鐫銘

我義幕府山九疊摩空青山南得石數丈許玉色金

輝愜聖情謨求厥跌久未得萬姓奔走窺崖瞰谷緣

崢嶸龍潭之山開翠屏祥光瑞靄流霞賴萬夫肇山

雷電轟百靈盼蠻皆効順千巖雲霧相迴縈恍如神

官此六丁其下有巨石深根穹窿蟠厚地旁有巨龜

先露呈玄介發金彩紫談含光晶昂首曳尾如欲行

不彫亦不琢渾然天賦形衆工環視喜且驚想當伊
昔變化時川后孕其魄玄靈降其精龍君涵煦體質
具海伯呼吸神氣凝得非造化之制作母乃人知之
薰蒸天教韜奇蘊秀於此久踰伏後千百年爲我皇
上一出昭孝誠羣工進之當大庭金爐薰香玉几盛
於是貯之白玉甕重以黃金滕若曰神龜兆趺石聖
靈感格由太祖宜以此龜藏孝陵聖人達孝通天地
嘉瑞駢臻福所憑乃知神物不易出石以此貞堅龜
以徵萬壽上天用此揚德馨聖心謙抑戒滿盈小臣
人文紀畧 詩 卷二 奉
歌頌傳歡聲但祝皇圖鞏固宗社似磐石聖壽天齊
億萬齡

應制百韻梅詩

會 祭

先生旣魁天下一日偕諸才俊召賦百韻梅詩先
生不贊思索迅筆先成成祖深加歎賞具見天材

古梅

孤根傳種自何年得地于今孰敢先三兩箇花春尚
在百千歲樹老彌堅幹排雷雨蛟龍折枝歷風霜節
序遷題品直逢林杜輩聲名高出漢唐前

早梅

歲寒零落見孤芳花占先魁獨擅場大庾地賸繞幾

人文紀畧

詩

卷二

奉

點羅浮山坪未成行南枝向暖春回臘北隴衝寒景
載陽誰遣天邊消息轉黃昏有月暗浮春

江梅

幾樹橫斜楚水濱波澄清瘦月黃昏花分冰鑑青鸞
影柯印珊瑚碧樹痕溼透雲衣仙子去香沾玉雪太
真存臨流毋有尋春約憶看湘娥入夢魂

問梅

新春何日過西湖開到東風第幾株杜甫巡簷曾笑
否林逋踏雪再來乎若教止渴行軍遠還解和羹作

相無獨得乾坤清氣早操持要比聖賢徒

折梅

尋芳踏破嶺頭雲陡覺霜葩暗吐芬到手新條誠可
愛拂衣香氣已先聞未逢驛使憑誰寄會託騷人把
韻分大地春添留客住膽瓶從此謝東君

雪梅

誰剪瓊花滿樹新天孫鬪巧費精神天桃妬色將含
笑嫩柳羞眉只效顰半溼粉粧香頰潤輕飄仙袂玉
容真臘前已喜兼三白兆應豐年報早春

人文紀畧

詩

畫

卷二

月梅

黃昏院落色濛濛疎影橫窓半淡濃和靖工吟知巧
句謫仙邀賞美才雄乘鸞素女銷裳薄臨鏡佳人綵
黛空但願花開良夜永清光常得照簾櫳

簾梅

屋前種樹歲將淹春到衙門色更添掩映冰花開甕
牖交加雪幹隱湘簾觀粧尚想含章臥索笑何如仕
甫篇仰面九重天咫尺新承朝露渥恩沾

鴛鴦梅

綴花一蒂竝聯芳對影猶疑色滿塘霜瓦有痕多
宿雨荷無蓋爲遮藏翠禽韻切空惆悵錦字書沉款
渺茫但使連枝春意在笛聲吹散果何傷

東閣梅

官舍英姿占早春冰肌玉骨雪精神暫居洛下時相
憶久在楊州宿所親工部雅懷成古調水曹高興遇
今人長材若更留題品猶見詩家立意新

漢宮梅

麗質天生在未央見承雨露荷新粧士林堅守冰霜
操內苑榮依日月光夜近殿庭香可挹實升廊廟味
先嘗心懷輔相居商鼎肯使葵傾獨向陽

書隱梅

坐對花開講習時歲寒相伴却相知香分楊子談經
處影落羲之洗墨池冰樹雪車題好句天葩風韻吐
清詞吾伊聲徹秋光滿秀發儒林玉一枝

琴臺梅

簾櫳花影小亭深三弄悠然契宿心歌徹綠衣情已
遠啼殘紅頰思難禁暗香先動冰筵興綠綺曾因李

白吟月夜玉壺清賞處高山流水托知音

隔簾梅

青樓珠箔隱羣仙消息無因與客傳
繡戶欹窻籠晚色碧紗素服闌春妍
玉人跨鶴迷蓬島秦女乘鸞向霧烟
望斷孤山溪路遠浮雲流水淨娟娟

水月梅

江涵兔影雪晴時蕩漾冰花兩得宜
鸞鏡光分鈿貼額鳳簫聲徹玉橫枝
雪霜弄影參差見露粉調香淡薄施
一別姮娥猶獨宿風流今有老仙知

人文紀畧

詩

卷二

卷二

紙帳梅

試裁雲鬢護冬溫夢入羅浮欲斷魂
別意每懷山下路歸心猶戀水邊村
鴛鴦每睡花香透翡翠幽棲墨跡存
淡影疎枝長是伴幾看梁月照黃昏

庭梅

闌干圍護淡烟籠嫩蕊嬌姿怯曉風
牆角花留殘臘景簷牙枝過去年叢
起時賞翫無塵到特地尋芳有路通
幾度日光閑白晝又看疎影轉簾櫳

官梅

東閣水條玉作葩楊州詩興重堪誇
驛牆蔽賴枝低結公館盤根土半遮
臺古凌風來蝶使觀高却月隱蜂衙
隴頭能念青雲客折寄逢人莫歎嗟

溪梅

暖透孤芳水滿川枝頭風月浩無邊
冰花落影臨溪畝雪點流痕映遠天
雲屏開粧曉鏡水晶簾捲碧紗烟
青年才子歡遊賞折取繁葩載酒船

嶺梅

大庾東風拂樹顛孤根回暖百花先
氣融空谷水難

人文紀畧

詩

卷二

卷二

合影透高林日易穿驛路松陰香共遠
蠻溪柳葉暗相連枝分南北殊開落
東面陽和地自偏

野梅

遺核生來得自由托根泉壤更清幽
梨雲落窻堪同夢松月昏濛似隱憂
詩詠難逢和靖識壺開願遂晉公投
久知此味宜調鼎烟雨青黃實告不

清梅

曾見花顏映碧湍水流晴暖暮天寒
莫教羌笛吹隣屋忍聽胡琴拂玉鞍
惆悵翠禽成夢寐信憑青鳥問

平安托根泉石水清潔萬紫千紅總不干

夢梅

美人意態動幽思
傍舍相逢酒一卮
月色穿簾明素服
雪花照席發清辭
綠衣童往心猶醉
翠雨禽鳴恨莫追
睡醒東方看已白
臨風無語立多時

尋梅

步履行經野水橋
迢迢行路不知遙
冰凝遠樹花難辨
雪落空山葉盡凋
獨怪谷風偏解凍
却疑林雪未全消
歸來門巷多情思
惹得餘香滿袖飄

人文紀畧

詩

三

卷二

探梅

花神何處卜佳期
籬落溪橋破臘時
寄傲歲寒冰是骨
侵凌風雪玉人姿
金蘭交契將誰就
鼎鼐調羹待爾爲
春到江南纔幾許
遊蜂粉蝶未應知

索梅

見說村居遠近隣
幾枝破玉歲華新
纖塵不染宜超俗
素裹相資豈厭貧
藜杖雪中來故老
綈衣月下見佳人
竹籬茅舍甘同守
特被風霜潔此身

觀梅

當時人物見才難
誰識蛟龍暫蟄蟠
根本深長通地脉
形容清瘦帶霜寒
隔窓有意新垂額
對面無情淺就歡
自此心腸堅鐵石
不愁白眼冷相看

友梅

芳杜歌風自厚顏
天桃笑日孰爲歡
操持松竹同盟久
類別荆榛合志難
地步每期超館閣
交情長是倚闌干
人生氣味宜相似
出入隣居奈歲寒

寄梅

欲問春還絕信音
迢迢江岸雪霜深
憑將柳色垂青眼
付與花神豁素襟
陸凱詩詞傳遠昔
謫仙消息報來今
不須鴈帶天邊字
庾嶺雲飛一片心

人文紀畧

詩

三

卷二

評梅

范村寄物舊情投
名品難應譜畫收
花似白蓮人共賞
蒂如綠萼孰堪儔
葉分上苑千層露
幹老成都幾百秋
擢秀敷榮冰玉色
一枝高出狀元頭

歌梅

郢中白雪和陽春
傳到江南使客音
付坐金鞍成雅調
催殘玉樹播芳馨
雙翻蝶拍花間影
一曲鶯簧物

外形醉唱豈同嬌艷態桃唇杏臉錦爲屏

別梅

分手孤山路渺漫羅浮月落曉風寒美人長坐花容
杳仙客空歸鶴影單隔岸有情留客住辭枝無語怨
春殘來年再識東君面先遣南枝早報安

惜梅

英標清絕壓芳塵爲愛凭欄日可親早起看花鶯喚
友時來撫樹蝶窺人砌培根本移寬地墻護枝柯避
近隣回首只憐幽獨處賞心孤負幾番春

人文紀畧

詩

早

卷二

剪梅

燕尾雙刀取巧裁不教花信着莓苔水晶簾動香生
案碧玉盤盛色淨埃烏欄鉛華粧窈窕蝶隨綰袂舞
遲回誰知點染纔成絲拈到姮娥手裏來

浴梅

蛾眉淡掃曉粧勻一洗冰姿倍有神肌骨已看澆白
壁襟懷猶恐汚香塵溫泉初潤凝脂滑銘器方沾沐
澤新物欲纔昏須澣滌清心玉映達天人

浸梅

囊盆新養折來枝旋汲清泉向小池色漾嬋娟瓊作
佩光酣綽約玉爲厄姮娥入月起凡骨仙子凌波撒
素幃不日金盤佳實薦再沾恩澤際明時

簪梅

韶華滿眼景偏幽載酒芳園是勝遊折得花梢春可
把摘來珠蕊露初收龍山不落秋風帽剡水空移夜
月舟絕勝瓊林恩宴早宮花榮插貴人頭

粧梅

容顏冷淡見天真新貼花鈿別有春少女風光生意
態含章雪色助精神露臺半濕香腮粉月鏡全消玉
匣塵却笑柳腰空嫵媚愁看終日爲誰��

人文紀畧

詩

早

卷二

璫梅

嬌蕊芳姿改樣新強將智力鬪青春機關恰似回腸
曲條理難求尺蠖伸屈鐵交柯堅守操連珠結子暗
存仁扶持自有神明力許看清高壓俗人

接梅

本幹蕭條奈老何將移別樹恐蹉跎連皮封植重膠
固透骨全通一氣和異種安排成異菓新枝剝換長

新柯瓜膚勿爲生枯驗管取春風發育多

補梅

搔首妨賢蔽楚詞石湖存譜范公知清移根本當超
衆讓作花魁更有誰松竹歲寒添益友芝蘭庭砌託
交期一從識得林和靖才子詩人自不遺

苔梅

冰肌玉骨跨青鸞風雪飄飄息羽翰香霧空濛朝掩
袖斗光影映夜窺關立當馬跡痕初印點破霜萼露
未乾疑似楊妃時出浴翠裙半脫怕春寒

人文紀畧

望

卷二

杏梅

繁枝出外吐微紅千點爛斑色不同始射酒醺頰臉
露阿嬌雖覺絳帷通當壇誤想琴音在寂拾因知虎
跡空又以武陵溪路遠桃開隱約彩霞中

蠟梅

玉蕊檀心別樣粧蜜脾綴色錦包裹口含笙響臨風
媚色帶金鍾浥露芳題到簡齋宜與絕名高挺秀豈
詩狂穠香目下多佳品錯認茶蘼半染黃

竹梅

吳下高風不浪浮溪邊六逸重交遊清姿迥出無塵
地雅操堅持絕俗流翠袖天寒來共倚霓裳月下舞
繁休北牕翫賞傳歌曲香泛芳樽破客愁

風梅

芳容生怕惡風吹飄素摧柔蝶豈知居洛漫勞何遜
惜捲沙空載廣平辭塵埃撲地花辭樹烟雨飛林子
帶枝欲使花中渾不動宜從天畔問封姨

烟梅

陰靈盡蔽氣鴻蒙玉樹琪花沙漠中翠袖花沾飛鷺
曉青細額抹壽陽官芙蓉照水妝還淡郁李穿林影

人文紀畧

望

卷二

更重帷幄輕遮肌骨體暗香猶自透簾櫳

孤梅

天資高潔異凡群非類那堪共卜隣誰識曹公存智
畧更推雲子會精神蜚英獨出雞群鶴脫俗猶超馬
足塵圖像當時何處覓傳巖版築有賢人

移梅

霜根旋斲舍傍栽荷鋪披烟破綠苔雨洗嫩鱗龍啓
整風傳香粉蝶隨來芳心巧奪陽和力原本深資地

氣培月落參橫人醉醒松林劃見一枝梅

疎梅

名花只見兩三枝冷豔玲瓏分外奇錯落花前星斗宿橫斜影間竹松籬梢頭幾點多春色林下孤根抱野姿最是黃昏清淺處一聯先入老逋詩

老梅

枯梢冷蕊靜中開跡絕紛華半點埃歌餘龍顚纏蔓棘纖皮龜折綴莓苔幾經搖落芳林後多歷炎涼古岸隈莫道子酸無用處商家寵命看重來

人文紀畧

詩

四

卷二

新梅

絕品移來第一家東風吹動始萌芽柔條漸長回春色嫩蕊先開破臘花欲避隣烟將竈塞因防俗客作籬遮夜窻對此渾忘倦坐看疎枝月影斜

矮梅

材質無勞較短長托根偏得近橫牆枝低張簿懷高志德比裴公擅遠香推折風霜登鼎鼐盤廻鐵石結心腸侏儒何處瞻顏色落月猶疑在屋梁

遠梅

春光浩蕩嶺南風隔斷塵埃路不通此處無香傳野蝶誰家有信寄冥鴻西湖遥望知何許東閣高懷想未逢好把孤根移近地芬芳亞雲插堦空

落梅

短笛吹風透骨涼紛紛撩亂慘衷腸玉龍蛻骨飛鱗甲皓鶴推翎脫陣行半透粉綃春欲睡新沾官額晚成粧綠珠金谷樓頭墜飄散英魂滿地香

瘦梅

風雪侵肌玉削膚致身山澤自清癯精神憔悴惟高士骨格稜層豈腐儒多病官嫌犀帶重休糧僧似鶴形孤桃紅李白春容艷若此冰姿總俗徒

官梅

脫跡山林百卉中發生禁院被仁風異根隔絕塵埃氣奇品資成造化功雨露恩榮沾聖澤冰霜節操蘊臣忠廟堂咫尺先登用多少凡材孰可同

寒梅

地凍冰凝萬木僵特陳素豔有奇芳孤高壯士常寧壤潔白佳人勝雪霜松柏後凋堪與伍菊荷先瘁護

生香色辭軟媚何曾吐鐵作貞心石作腸

咀梅

雪花冰蕊當饑食咽嗽甘作曲直啖蘇子嚙鹽心獨
苦酈生掉舌計多般道腴雋永含英馥風味回清嚼
實酸不學楚人誇意氣杯酣秋菊佩紉蘭

賞梅

閑來林下發長吟詞吐天葩酒滿斟素豔且供殘臘
翫芳姿宜樂少年心擷英縱飲乘高興倚樹酣歌奏
雅音醉後恍宜明月夜美人一笑值千金

人文紀畧

詩

寒

卷二

盆梅

根培瓦器潔冰壺小幹卑枝玉一株遶檻曉分香霧
氣汲泉時灌濁泥污筆端妙贊親賢士簾額低垂遠
俗夫昨夜窓前多月色畫屏清影半模糊

紅梅

臙脂新染闌芳菲丹臉朱顏破冷威上苑尋桃何處
是北人疑杏此時非詩詞絕唱推方子酒量疑酣想
薛妃幾陣狂風吹不醒嬌容猶帶紫霞飛

粉梅

紫府靈丹煉玉砂豔分鬚髮發天葩神仙珂珮多
跡仙女肌膚絕點瑕色淨凡鉛和露洗香凝素袂被
霜遮烟塵不染清貞操獨向林泉傲物華

青梅

百果林中有苦甘兔園此品獨多酸和烟暗結如珠
小帶雨低垂比彈圓咀嚼味歸香齒軟宴酣清透酒
腸寬曾聞魏武行軍略不使眉峯馬上橫

黃梅

葉籠碧玉子初圓校綴金丸顆盡懸鹽和酸鹹餘外
別舌回滋味此中全調羹宰輔身膺命止渴將軍口
吐液獨愛江南初夏景滿林肥熟雨時天

鹽梅

五行造化物宜均鹹與酸和世所珍金彈資成求變
美水精滋助爲更新傳藏特命勞賢主商鼎全資作
宰臣政化若開寬猛喻民間何必問甘辛

千葉梅

枝柯重覆翠含滋異品同春豈有私層疊碧雲堆玉
屑高低珠露溼香幃色身變見觀音像苞影分萼青

女形獨出花房變結實瑰奇誰似盛開時

綠萼梅

羅郁仙姿得道佳京師臺接九疑餘會因太白遊名
寺恰遇高僧獻異葩霧拂芳容勻翠黛烟披嬌態抹
青紗誤疑金谷園猶在不墜樓頭一樹花

臘腮梅

紛紛羅綺艷成叢誰識冰姿帶粉紅素臉半酣生醉
態絳唇微笑轉醒容妝成色染巫陽雨質媚香傳少

女風只恐枝頭貪結子花顏凋謝錦幃空

人文紀畧

詩

寒

卷二

西湖梅

太陽玉樹出瑤林是處繁華足賞心霽月光風傳自
昔暗香疎影見如今遊觀步逐黃金勒歌吹聲和綠
綺琴十里蘓堤多士女畫船載酒樂芳心

清江梅

寒碧澄澄蘸玉枝霜萼片片漾玻璃臨風倚岸形偏
瘦帶月凌波影自隨冷浸難消冰骨格清流長洗雪
容儀酒家會說寬如屋數十人看別坐時

孤山梅

盧公贊後世相傳迨老吟成去上仙荒隴斷碑春寂
寂淡烟芳艸暮芊芊風光隔岸飄瓊佩雪榦臨流映
畫船千里文章傳勝事從教物色換流年

羅浮梅

山留殘雪映孤村酒肆微明月在門巧遇美人留宿
好意諸佳偶若春溫淡粧素服娛芳席媚色清詞對
綠樽醉寐醒來歌舞散青綾坐擁詠冰魂

解舍梅

楊州宦轍跡偏陳寓舍猶懷物候新公館才華超地

人文紀畧

詩

寒

卷二

步法曹意味見天真詩吟東閣饒添興景畫西湖妙
入神却月臨風臺觀在花開花謝幾經春

棋墅梅

上林琪樹映楸枰仙客乘機樂趣清止渴行軍談已
習復官辭洛竟誰爭瓊英點綴猶排陣玉子縱橫若
散兵絕色人間誇第一倘教解語必傾城

釣磯梅

報道春從渭上來一枝先向水邊開風梢拂岸惟漁
艇雪片隨波濺石臺烟雨結成商鼎實冰霜催老馬

梁材客星托跡江湖遠有象分明映上台

樵徑梅

路入幽林石磴通疎花遠近間芳叢枝柯擔老青雲
客棋局敲殘白髮翁王子林逋仙跡似買臣傳說宦
情同棟梁採取登廊廟猶勝當年版築功

僧舍梅

俗塵不染善根枝物性先參趙老機識破宿緣空即
色任教閑事是和非虛花覆地消殘雪幻影叢珠竟
落暉祇樹園中功果滿讀來師祖幾傳衣

人文紀畧

詩

辛

卷二

道院梅

瘦骨真容學老仙王恭鶴髯影蹁躚蓋珠貝葉應殊
俗野艸閑花敢鬪先羽化林風聲寂寂塵揮香雪竄
玄玄鸞笙吹落花梢月白玉鸞童下碧天

柳營梅

屯兵列戟振英風粉黛蠻腰玉帳中清氣結林烟霧
合肅威鎮衛雪霜封寶垂金彈飛禽避花撲雕鞍獵
騎從止渴若非嚴號令行軍誰復奏奇功

茅舍梅

艸屋三間野外堂疎籬暗透玉生香歲寒操厲幽偏
境泉石盟堅寂寞鄉雞唱林間宵石月笛吹花落曉
簾霜衆芳一任榮枯改不向春城鬪艷陽

蔬圃梅

數畝寬閑雪滿林葱裾玉佩滌塵襟露滋土壤朝同
暮味助兵農古復今不有豐人將幕蔽寧無陶令涉
園尋備經咬嚼知酸苦百事堪爲在一心

藥畦梅

橘井泉通灌圃場杏林花發共傳香神仙託寄壺中

人文紀畧

詩

辛

卷二

跡醫術兼全肘後方味濟君臣膺寵命功同佐使砭
膏肓藉鞭已藉神農力甘苦酸鹹孰辨嘗

前村梅

郭外風霜物色新孤芳先報舍南春田家已占豐年
兆錦里相依易俗民桃李門牆知宋杜竹松林塢契
雷陳樵夫問處來沽酒花下香分勒馬人

照水梅

清淺波涵白玉堆橫江皓鶴勢裴徊寒光靜蕖朱簾
揭春色新妝匣鏡開沐浴湯盤加澡雪調和商鼎絕

氛埃東風吹散梨雲夢漏泄精神月是媒

山中梅

白雲堆裡守清貞木石同居少四隣
傲睨林泉淹歲月隔離城市遠
蠶塵冰霜操古香偏淡澗谷名高俗
更淳好鳥遷喬知有自年年花裡慶長春

城頭梅

將軍志操獨堅剛百萬師臨灌雪湯
秀發陽和回殺氣高擎天柱近榮光
樓臺影落空林月鼓角聲殘滿樹霜
蔓棘剪除威令肅由來邊境有關防

人文紀畧

詩

奎

卷二

水竹梅

霜落瀟湘月滿林貞姿勁節冷同禁
冰清玉潤寒光映袖薄衣單
溼氣侵三益暫離松澗友二難
長伴錦江禽澄空湛徹無邊影
照見忠臣烈女心

擔上梅

杜陵詩客賞春歸將帶西湖玉一枝
行李豈無琴作伴到家還有蝶
相隨錦囊得句中書寫甕牖偷光俗
眼窺袖惹餘香猶自惜臨風三嗅意遲遲

杖頭梅

手攜瘦竹步西湖臘盡分枝酒滿壺
綠玉豔披鳩鷁羽青藜香透臂囊
更搔頭恐惹霜侵髮策杖堪憐雪
作膚歸路黃昏林月皎隨人花影自相扶

照鏡梅

新開寶匣色光寒清秀香簾曉色
攢粉傅妝臺勻面拭花藏眉宇
正容觀青鸞影對仙姿媚碧玉花
懸素手搏一似佳人勞念遠含情無語靜中看

十月梅

一元坤北轉天機催動寒梢發育時
始及小春霜露降未經殘臘雪風吹
一枝斜影橫松塢幾點疎花間竹籬
黃菊紫萸皆冷淡群芳頭上獨先推

二月梅

早占韶光衆所知花開春半意何遲
兵機自有神明運造化非因巧力爲
桃李獨誇粗俗態芝蘭同發盛明時
丈人輩行今猶客年少相親莫敢欺

未開梅

幾重甲厚似羞顏雪壓霜堆只守閑
不是陽和關九地祇緣寒凍守孤山
精神欲露芳心斂蹤跡猶藏賞

思慳寄語東君休介帶春光早遣向南還

乍開梅

少陽初動物華新忽見寒凝又報春纔綴冰梢柔更嫩漸舒芳蕊屈方伸淡容越女將施粉皓齒虞姬止露唇恍見西施真面目捧心猶自感眉顰

半開梅

氛回冰樹未全勻不盡芳容更待春曾爲雪霜添意態尚求風月助精神買臣顯晦猶親見逋老榮枯只獨巡描入蛟綃難辨識本根真個是非真

人文紀畧

詩

卷二

卷二

全開梅

素質清姿霜雪分滿腔春意屬天君蝶蜂競得繁華戲車馬交馳賞翫勤遲日移時爭艷麗暖風到處播芳馨花因結子纔彫謝綠暗新梢幾片雲

水墨梅

使君意氣獨堅剛直筆威嚴六月霜勁擦貞姿無軟媚巧言令色豈端莊裁綃淫透佳人室染翰香生畫史房共說當時詞賦艷誰知原有鐵心腸

畫紅梅

瑤池宴集景模糊王母蟠桃出帝都絳臉初勻呈嬌媚朱唇劇飲縱歡呼影搖歌舞身先醉色染胭脂月可娛此日丹成勾漏洩醺顏不老寫真圖

玉笛梅

火輪飛出日枯焦雲管輕吹片雪飄嘈雜翠禽聲更切蹁躚白鶴勢難招孤山仙去楸梧暗庾嶺人歸道路迢腸斷春江成遠別曲中哀怨幾時消

人文紀畧

詩

卷二

卷二

白雉進應制

會 祭

喜從行在遠朝天白雉飛來進御筵素色迥浮朱檻外雪衣微映玉堦前越裳不用勞重譯牧犢何須歎暮年聖主臨軒抑祥瑞百官親聽玉音傳

壬辰元旦應制

兵部 郎中 習 韶

曆象開元旦輿圖協世康春明隨地好聖壽與天長
雙闕風雲氣層霄雨露香青冥迴羽蓋朱日煥龍章
羽衛扶仙仗冠裳襍異方八荒同禮樂千古會明良
周道開麟趾漢年集鳳凰白頭歌聖治四海一農桑

元夕太內張燈應制

習 詔

雪罷瑤臺暮春融御苑晴天臨萼蓋近月傍禁園清
絳闕移仙舄彤墀火烈城山攢鰲立極綵結鳳啣旌
寶柱銀絲絡金蓮繡葆擎雲霞千片曙星斗一天平
沆瀣流金掌簫韶韻玉笙九重春富貴雙闕氣澄明
錫燕沾臣屬觀光荷聖情南山齊萬壽大樂繼咸英

七月一日陪祀太廟應制

習 詔

禮殿肅清闕天扉下蘭馨瑤階夜如水一夕秋風生
樂樂高梧樹露葉滋已盈孤稜隱巖嶂曙影涵空明

人文紀畧

詩

卷二

卷二

聖皇穆垂拱輦路飄雲輶翠華紛旖旎銀燭來晶熒
黃金鑿盤士劒戟交兩楹相看豎毛髮臆縮寒無聲
丹陛傳鴻臚詞官攝精誠黃流注玉竿薦祿徹幽局
鏗鏘鼓鍾韻蕭瑟筍簞彤朱絃絙瑤瑟流響清泠泠
玉帛禮云秩黍稷香彌昇一誠徹幽感德與元化并
更闢玉繩轉影淡銀河清皇靈妙陟降秋空皓冥冥
猗歟聖明世大樂齊咸英顯明皆肅雍駿奔亦在庭
小臣幸陪列俯仰懷凌兢作詩頌清廟永言歌太平

月明花下吹簫應制

翰林
編修張 唯

粉紅剪露春霞香銀漢西流宮漏長紋窻初上簾

玉手把簫簫吹鳳凰清商嫋嫋隨風發飛度瑤堦

白雪十二樓頭花月高流影三山白銀闕隔簾翠霧

吹陰陰春香滿地晴濤深高臺一曲疑孤夢廣寒桂

影天沉沉秦娥蕭史如雲逝留得清音在人世太平

天子奏雲門願鼓韶和歌至治

暑霽遙岑應制

翰林
典藉戴 安

暑霽遙岑草木青神京王氣轉清明九苞彩鳳來雲

鴈百轉黃鸝繞錦藤金殿曉開迎旭日鸞旗春動拂

人文紀畧

詩

卷二

卷二

原賦字 侍臣拜舞慶歌

奏九成

鍾山秋寺應制

戴 安

赤葉林深野寺空老僧說法對西風鴈飛每向秋雲

外蛩響偏從夜月中客了時時聞晚磬朝官日日聽

晨鍾榮光紫氣騰千尺爲喜天涼轉蔚葱

元夕應制

傳 球

聖主雍熙慶上元鰲山高聳疊岑巒福頌天上神仙

降詔下人間士庶觀萬斛紅蓮開玉殿九成韶樂奏

金鑾儒臣幸際隆平日浹沐皇恩五夜看

駕祀園丘應制

丁節

龍衮昇壇雉屢移千官扈從祀皇祇薰風徐動黃金
錦膏露濃沾赤羽旗時異周王營洛邑禮加漢主在
汾睢平明鳳輦還宮闕五色祥雲滿地隨

太廟習禮應制

曾衍

清廟祠官曉戴星九重雅有舜儀形神仙人物來三
島禮樂聲光動四靈香傍袞龍雲霧合花懸蠟鳳絲
雲停書生亦寫清平調願雜簫韶奏廣庭

三月三日千秋令節應制

羅倫

人文紀畧

詩

五

卷二

芳年臨上巳令節慶千春曆紀天開子杓迴月建辰
四城佳氣合三殿曙光新禁鑰通關早宮壺轉漏頻
駕從星戶入樂向露臺陳中使催班急西駒立仗馴
燭樓晴吐日香几暖霏塵柳色籠雕鞶蘭薰襲繡茵
虎貔雄武弁鷁鷺肅朝紳王室分封盛宗藩展禮親
南山齊獻壽四境共稱仁盛事宜修述才疎愧小臣

豐陽人文紀畧初集卷之三

於陵李晦修先生鑒定

後學聶芳聲晦之編輯

同男 雯七 襄較

奏疏

論選皇子

歐陽修

臣聞言天下之難言者不敢冀必然之聽知未必聽
而不可不言者所以盡爲忠之心兄臣遭遇聖明容
納諫諍言之未必不聽其可默而不言臣伏見自去
歲以來群臣多言皇嗣之事臣亦嘗因災異竊有奏

人文紀畧

疏

卷三

陳雖聖度包容不加誅戮而愚誠懇至天聽未回臣
實不勝愛君之心日夜區區未嘗忘此思欲再陳狂
瞽而未知所以爲言今者伏見兗國公主近已出降
臣因竊思人之常道莫親於父子之親人之常情亦
莫樂於父子之樂雖在聖哲異於凡倫其爲天性於
理則一陛下嚮雖未有皇嗣而尚有公主之愛上慰
聖顏今旣出降漸疎左右則陛下萬機之暇處深宮
之中誰可與語言誰可承顏色臣愚以謂宜因此時
出自聖意於宗室之中選材賢可喜者錄以爲皇子

侍其出入左右問安侍膳亦足以慰悅聖情臣等
書史竊見自古帝王雖曰至尊未嘗獨處也其出而
居外也不止百司公見奏事而已必有儒臣學士講
論於閑宴又有左右侍從顧問語言其入而居內也
不止宦官宮妾在於左右而已其平居燕寢也則有
太子問安侍膳於朝夕其優游宴樂也多與宗室子
弟權然相接如家人計其一日之中未嘗一時獨處
也今陛下日御前後殿百司奏事者往往仰瞻天顏
而退其甚幸者得承一二言之德音君臣之情不通
人文紀畧 卷三
上下之意不接其餘在廷之臣儒學侍從之列未聞
一人從容親近於左右入而居內則至於問安侍膳
亦闕於朝夕是則陛下富有四海之廣躬享萬乘之
尊居外則無一人可親居內則無一人得親此臣所
以區區而欲言也伏思陛下荷祖宗之業承宗廟社
稷之重皇子未降儲位久虛群臣屢言大議未決臣
前所奏陳以謂未必立爲儲貳而且養爲子旣可以
徐察其賢否亦可以待皇子之降生於今爲之亦其
時也臣言狂計愚伏俟斧鉞

論水災疏

歐陽修

臣伏觀近降詔書以雨水爲災許中外臣寮上封言
事有以見陛下畏天愛民恐懼修省之意也竊以雨
水爲患自古有之然未有水入國門大臣奔走滄浸
社稷破壞都城者此蓋天地之變也至於王城京邑
浩如陂湖衝溺奔逃號呼晝夜人畜死者不知其數
其幸而免者屋宇摧塌無以容身縛械露居上雨下
水纍纍老幼狼籍於天街之中又聞城外墳冢亦被
浸注棺槨浮出骸骨漂流此皆聞之可傷見之可憫
人文紀畧 卷三
生者旣不安其室死者又不得其藏此亦近世水災
未有若斯之甚者此外四方奏報無日不來或云閉
塞城門或云衝破市邑或云河口決千百步濶或云
水頭高三四丈餘道路隔絕田苗蕩盡是則大川小
水皆出爲災遠方近畿無不被害此陛下所以驚懼
莫大之變隱惻至仁之心廣爲諮詢冀以消復竊以
天人之際影響不差未有不召而自至之災亦未有
已出而無應之變其變旣大則其憂亦深臣愚謂非
小小有爲可以塞此大異也必當思宗廟社稷之重

察安危禍福之機追已往之闕失防未萌之患害如此等事不過一二而已自古人君必有儲嗣所以承宗社之重而不可闕者也陛下臨御三十餘年而儲嗣未立此久闕之典也近聞臣寮多以此事爲言大臣亦嘗進議陛下聖意久而未決而庸臣愚士知小忠而不知大體者因以爲異事遂生嫌疑之論此不思之甚也且自古帝王有子至二三十人者甚多材高年長羅列於朝者亦衆然爲其君父者莫不皆享無窮之安豈有所嫌而斥其子耶若陛下鄂王豫王

人文紀畧 四 卷三

皆在至今則儲宮之建久矣世之庸人偶見陛下久無皇子忽聞此議遂以云云爾且禮曰一有元良萬國以正蓋謂定天下之根本上承宗廟之重亦所以絕臣下之邪謀自古儲嗣所以安人主也若果如庸人嫌疑之論則是常無儲嗣則人主安有儲嗣則人主危此臣所謂不思之甚也臣又見自古帝王建立儲嗣既以承宗廟之重又以爲國家美慶之事故每立大子則不敢專享其美必大赦天下凡爲人父後者皆被恩澤所以與天下同其慶喜然則非惡事也

漢文帝初卽位之明年群臣再三請立太子文帝再三謙讓而後從之當時群臣不自疑而敢請漢文帝亦不疑其臣有三心者臣主之情通故也五代之主或出武人或出夷狄如後唐明宗尤惡人言太子事群臣莫敢正言有何澤者嘗上書乞立太子明宗大怒謂其子從榮曰群臣欲以汝爲太子我將歸老於河東由是臣下更不敢言然而文帝立太子之後享國長久爲漢太宗則是何害其爲明主也後唐明宗儲嗣不早定而秦王從榮後以群兵窺覲陷於大禍

人文紀畧 五 卷三

後唐遂亂此前世之事也况聞臣寮所請但欲擇宗室爲皇子爾未卽以爲儲貳也伏惟陛下仁聖聰明洞鑒今古必謂此事國家大計當重慎而不可輕發所以遲之耳非惡人言而不欲爲也然朝廷大議中外已聞不宜久而不決昨自春首以來陛下服藥於內大臣早夜不敢歸家飲食醫藥侍於左右如人子之侍父自古君臣未有若此之親者也下至群臣士庶婦女嬰孩晝夜禱祈填咽道路發於至誠不可禁止以此見臣民盡忠蒙陛下之德厚愛陛下之意深

故爲陛下之慮遠也今之所請天下臣民所以爲愛君計也陛下何疑而不從乎中外之臣既喜陛下聖躬康復又欲見皇子出入宮中朝夕問安侍膳於左右然後文武群臣奉表章爲陛下賀辭人墨客稱述本支之盛爲陛下歌之頌之豈不美哉伏願陛下出於聖斷擇宗室之賢者依古禮文且以爲子未用立爲儲副也既可以徐察其賢否亦可以俟皇子之生臣又見樞密使狄青出自行伍遂掌樞密如初議者已爲不可今三四年間外雖未見過失而不幸有得軍情之名且武臣掌國機密而得軍情豈是國家之利臣前有封奏其說甚詳其述青未是奇材但於今世將率中稍可稱耳雖其心不爲惡不幸爲軍士所喜深恐因此陷青以禍而爲國家生事欲乞且罷青樞務任以一州旣以保全青亦爲國家消未萌之患蓋緣軍中士卒及閭巷人民以至士大夫間未有不以此事爲言者唯陛下未之知爾臣之前奏乞留中而出自聖斷若陛下猶以臣言爲疑乞出臣前奏使執政大臣公議此二者當今之急務也凡所謂五行

人文紀畧

疏

六

卷三

災異之學臣雖不深知然其大意可推而見也五行傳曰簡宗廟則水爲災陛下嚴奉祭祀可謂至矣惟未立儲貳易曰主器莫若長子殆此之警戒乎至於水者陰也火亦陰也武臣亦陰也此推類而易見者天之譴告苟不虛發惟陛下深思而早決庶幾可以消弭災患而轉爲福應也臣伏觀詔書曰悉心以陳無有所諱故臣敢及之若其他時政之失必有群臣應詔爲陛下言者臣言狂計愚惟陛下裁擇

文已

疏

二

卷三

上言二氏收養徒弟疏

戴安

臣聞聖人有一定之見而後能成一定之功故立法創制事有經常而不爲浮言橫議之所動搖也由周而來聖學不明異端並起天下之民莫知所從陛下卽位之初凡爲二氏之教者不許收養徒弟起徵其田而租稅之致拜君親而役使之不禁之禁法之善者也今奈何聽一偏之言棄一定之見復開其端而使之收養徒弟以續其教哉天下之人將謂陛下敬信其教而此輩扇動無根之言簧惑民聽不三四年強壯者皆避役而爲僧道蠹政害民風俗自是不古矣韓愈謂唐高祖始議除之當時群臣才識不遠不能深知先王之道古今之宜推闡聖明之旨力救其弊臣常恨之今陛下有一定之見將成一定之功而恐爲浮言動搖臣等知而不言則所謂才識不遠者將復取笑取恨於天下後世矣臣實恥之謹昧死上言惟陛下裁擇

人文紀畧

卷三

八

卷三

直言安國疏

高公望

謹奏爲直言安國事臣本草茅微賤詩非薄劣一旦猥蒙聖恩榮嘉擢任備員刑部受職以來夙夜惶懼思殫厥赤以圖報稱萬一故凡生民之利病官吏之賢否朝廷政事之得失有所觸於目而聞於耳者每欲爲陛下言之顧以疏遠驟進之人責又不當言路恐蹈干名越職之嫌是以因循未及此臣之罪也頃承陛下從諫轉圜而下求言之詔適有所感激于衷容敢仍自緘默不求伸其所欲言以遂忠陛下之至願哉洪惟太祖高皇帝誕膺天命掃除腥羶冠裳中華以復帝王之舊定鼎南京以據形勝之要而其欽恤斯民之意已具見於南郊卽位之一詔矣所以壽嗣我陛下繼承大統內以肅靖乎邦家外以恢擴乎土宇卽今十餘年來國勢益張瘡痍甫定天下望治有如饑渴而陛下方大展聖慮以圖久安長寧之計抑且心不自聖採及芻蕘以求所謂直言極諫者臣謹拜手曰此詔一下則士氣日振而懷惴憤以許國

人文紀畧

疏

九

卷三

者皆得以自獻真可以保固宗社於悠久而福被生民於無窮也奈何言者迎恩固寵保祿全身是以不先其急而爲其緩不謀其本而事其末是誠何足以副陛下之重望哉顧臣雖愚昧敢不竭管見之明以爲陛下而直言之也臣謂四夷之蠹害吾民者言既及事既行不必復論矣至於一切病民之政未有甚於營造且南京爲太祖高皇帝興王之地今者宗廟陵寢俱在歲時祭祀所宜躬親又其爲東南之都曾若四川兩廣皆得順波而至湖廣江西浙江直隸蘇

人文紀畧

疏

十

卷三

松等府貢賦之所易供今欲久居於北則轉漕調運之奔趨將倍其徵而猶不足以給其輸方欲輕其租賦此必無可得之理矣故臣以爲南京則宜久居北則以備時巡可也且陛下經營十有餘年而功方成今一旦有此將欲更謀而復新之既以連年人力之困頓貲產之竭乏若工作又興頓生民之力何時而獲息徵斂之殃何時而獲免也且盜賊起于饑寒刑獄生於煩徵使是工再舉則民不能自力於衣食而又凋敝於需求雖重刑嚴禁臣恐強竊之犯不能止

也臣願陛下回居南京北則監之以蜀守然後輕徭薄賦以恤乎民俾爲宗廟社稷長久之計不亦可乎且陛下之委任大臣實猶股肱耳目之資乎身今陛下深居九重民有愁嘆之聲耳既不可得而聞矣疾感之容目亦不可得而見矣然則其聞其見之責得不在於當位之大臣乎然臣觀陛下愛民如子而民恒不得被其澤者良由當位之人不能以陛下之心爲心以盡其匡贊之道故也是以民有愁歎疾感之狀漠然未有聞見其所聞所見則惟祥瑞之音喧繞

人文紀畧

疏

十

卷三

殿庭而已及至勅下有議則經國遠謀之策畧無所施而惟區區裁損乎吏民之肌膚而已是於國事果何所濟哉且古之當位者先天下之憂而憂是以禮賢而下士惟日之不足而今則不然恃恩而恣勢置以自滿其待下僚則芥視而威控之是以賢能屈抑在下制之使不得行其志彼且徐徐觀變漫不可否事至於天下生靈之愁苦朝廷舉動之是非勅若不聞又安望其能憂人之所未憂而爲國家計長久哉夫當位大臣徒取充員如此又何責於群臣耶此

陛下所以有愛民如子之實心而民之所以不得被其澤耳四方惴惴陛下不聞茲臣所以每服膺拳拳而深爲之隱痛也故勤懇爲陛下言之伏願錄臣一得之見斷自宸衷更新之念爲南歸之謀于此則備守時巡俾旁窺而陰伺者無以乘吾之虛夫然則民不苦於力役不困於需求隨下減租之詔以舒久敝之望則衣食得有所出盜賊無自而興熙然相安於田里而刑獄無勞於施也然後親仁賢以當大位而與可否天下之事又必慎擇守令嚴加賞罰使貪

人文紀畧

太師

主

卷三

濁者無以爲民之害仍禁紛更之舉節奢侈之費開進言之路以冀迎迓太平如此則天意可回中國可靖四夷之蠹害吾民者可坐制而帖服之矣皇圖由是而永固祖宗由是而爭光聖帝明王由是而匹休而久安長寧之道在是耳顧臣筮仕未久歷練未多則此言一出不以爲狂必以爲迂臣雖庸下抑豈不知忌諱以自愛其身顧皇皇念慮惟恐上以負乎聖恩下以負乎所願是以昧死無避伏乞陛下曲加優容垂仁採納則宗社幸甚生民幸甚臣不勝戰慄之至仰祈天鑒謹奏

直言安國疏

鍾同

景泰五年四月二十一日該定州署都指揮吳玉奏解韃賊奸細一名李喜孫到道本月二十四日又該真定府新樂縣奏解韃賊奸細一名荆弼前來發下臣道臣詢知俱曰也先使我十餘人打探北京軍馬多少又探臨清買賣黃河深濶約五月黑河等處回話意欲統四十萬衆從居庸等關進入擄掠臨清徑往河南臣詰之曰汝中國人反爲韃賊作奸細今擒獲汝必定殺了對曰昔在中國受諸苦楚今在彼處無事打探回去便賞我牛馬婦人南人兩分在彼不思回歸我去年見也先親到各處巡視這裏官員如山西榆次李員外亦在彼處中國虛實無不知之臣聞此言深爲之寒心也而朝廷之臣怡然不以介意昔秦伐趙而諸侯自若獨子順諫燕曰燕雀處堂子毋煦煦然龜突炎上燕雀顏不知變而不知禍之將及已也昔者皆以子順之言爲狂後果燕敗而子順之言驗焉今顏不知變者大臣且然况群臣乎臣言之不以爲狂必以爲謬且臣不佞亦不愛死以負皇

人文紀畧

太師

主

卷三

上臣昔居艸茅時聞太上皇信譏用佞誅戮忠臣
球等由是諫臣鉗口遂使乘輿陷于虜廷當時使有
數人委身直諫如朱雲之折檻孔道輔之扣環必能
止北征之行而無韃賊之禍既而皇上聖德中興誅
強梁之馬順旌忠直之劉球晝不安坐夜不安席聲
色不御譏佞不聽親命六師禦敵于郊不戰而三軍
之氣自倍韃賊喪氣俛首而歸彼傾敗之時猶能抗
之臣謂陛下有堯舜之仁考湯武之智勇周文之小
心謂足以鞭撻四夷坐致太平奈何韃賊甫退瘡痍
未復而侈心生矣臣嘗伏讀宣宗章皇帝御製五倫
書首引大易之言曰父父子子兄弟第夫夫婦婦
而家道正正家而天下定矣故君子不出家而成教
於國一家仁一國興仁一家讓一國興讓詩云其儀
不忒正是四國其爲父子兄弟足法而后民法之也
臣拜手曰是乃人道之大經政事之根本今日所宜
服行也書曰慎厥身修思永惇叙九族庶明勵翼迺
可遠在茲又曰今王嗣厥德罔不在初立愛惟親立
敬惟長始於家邦終于四海孔子曰名不正則言不

順言不順則事不成事不成則禮樂不興禮樂不興
則刑罰不中刑罰不中則民無所措手足臣再拜曰
是皆安國之長策圖治之要道今日所當遵守也臣
稽之唐虞舜至側微帝堯授之以天下宗廟饗之百
姓安之非有他道也不過孝友之德光于上下古之
人所以大過人者無他焉善推其所爲而已矣陛下
中興邦家未遑深思乎此而乃復喪師棄守之將用
懷位固祿之臣虛事無益之費當此之時曾無一人
直言極諫者是以人事失於下災異應於上山東河
南水旱相仍荆襄江左米價如珠河口累築而不塞
韃賊窺伺而不已人民流離災變橫生臣謂中國安
則可以制夷狄今中國困弊如此况韃賊養勇蓄銳
窺我之計百出誠有可憂者耶伏惟陛下鑒先朝之
覆轍奮前日之有爲親庶政以總威權敦天倫以厚
風俗今上皇尊居南內陛下足迹不及寒暄不問臣
願萬機之暇時加省侍倚鳳頻繁或於朔望一朝旬
日一見則君臣之道益敦兄弟之親亦叙矣臣抑嘗
聞之父有天下傳之於子理固然矣不幸太子薨逝

愚臣悲不自勝然死生有命且死者不可以復生今曆數已在於皇上而天命神器固有定分豈得容私於其間哉茲者韃賊出沒災青荐臻中外洶洶況皇儲未建此天下國家根本而不可忽者也臣聞太上皇褻待陛下於藩府友愛甚至陛下何不推手足骨肉之情以全孝弟之天性疾痛憂樂相爲一體可也矧上皇之子改封沂王兄弟之子猶子也天資重厚亦無過舉伏望陛下擴天地之量揭日月之明效親親之仁渙發綸音擇日齋戒命官行禮布告萬方復

人文紀畧 卷三

立於東宮遴選謇諤之儒臣日侍講讀以薰陶氣質以緝熙聖學以光祖宗之餘休以紹天下之大統以定人心之危疑實社稷生靈之福也由是辨邪正以專委任嚴賞罰以彰善惡崇風憲以專彈劾去無益之費罷冗雜之員禁僧道之游手以蠹民擇智勇之賢將以養軍無徇于貨色毋甘于遊戲然後親率群臣躬禱于郊廟謝過于神人如成湯之六事自責太宗之十漸卽改德宗之下詔罪已延攬英雄講明方畧如此則天意可回中國可安韃賊可徐圖之矣不

然則信猶給事中尹旻所奏災異之奏猶不足爲今奸細被獲者上天之意垂仁愛以警皇上使能修德以迎迓太平則可以保天命於無窮矣且如昔者命將帥各言方畧經旬踰時互相推調及柳溥石亨所言之策俱無深遠之思不過一庸人孺子之計耳平時將帥尚且如此韃賊之來詎可坐以待困而無策以制之乎此臣所以涕泗交下而爲今妨賢病國者醜之夫禦韃賊之方莫先於用賢才賢才之出何代無之顧用之何如耳昔者韓信出於轅樊樊噲出於屠大張良出於亡命衛青出於人奴韓范出自書生皆能樹功勲以扶國家據忠赤以靖邊難蓋由上有高祖等能用之下有蕭何等能薦之今陛下雖求賢如渴而大臣之排抑尤甚雖曰選將材見所舉者皆膏粱厚祿之人其屈抑在下而抱安國禦戎之策者曾何薦之耶彼厚祿之人無事之時惟事宴安趨媚以保富貴有事之日惴懼失措尚何能出奇捐軀以報國哉韃賊陸梁如此大臣欺誑如此此臣所以撫膺長嘆而恐他日噬臍無及也臣父復昔任翰林

人文紀畧 卷三

院修撰臣又職當言路父子兩世叨蒙國恩今臣所
審擬賊奸細而有感發于心寧敢緘默不言然臣所
言者大綱耳朱熹所謂天下之大本今日之急務董
子所謂正心以正朝廷正朝廷以正百官是也苟舍
此而他適正猶倒植以求茂也伏乞陛下聽臣芻蕘
之言勅六部等衙門各堂上等官暨大小官員群集
于朝務求所以致災之由仁以守之義以制之則邪
不得以移佞不得以惑而皇上內斷宸衷果而行之
則韃賊不足憂矣大學所謂格物知至意誠心正身
人文紀畧
疏
太
卷三

題請旨

扶植綱常疏

羅倫

臣聞朝廷援楊溥故事起復李賢者臣才識庸下學
問粗淺頃承天問賜對大廷猥蒙聖恩親置首選每
自感勵思酬獎遇凡聖學大要君道急務朝廷闕失
紀綱廢弛官吏貪酷生靈愁苦風俗弊壞士氣萎靡
兵戈擾攘饑饉荐臻提其綱領疏其節目狀其情實
探其根源爲萬言書獻以舒天下之望以酬陛下之
恩顧筮仕未久諳練未深而又廟堂大臣百僚庶寮
必有憂臣之所深憂言臣之所欲言行臣之所欲行
人文紀畧
疏
太
卷三

臣以疎遠驟進之人恐蹈冒言越職之罪是以心雖
懷憂口不敢言口雖欲言時未暇及此臣之罪也亦
臣之分也近者李賢遭喪之時朝廷下起復之命臣
竊謂李賢大臣起復大事綱常所關風化所繫天下
所瞻後世所鑒左右侍從給舍臺官有知義理不顧
流俗必陳正論以扶綱常是用緘默因循至今言雖
若迂所關甚大事雖若緩所繫甚切由前數事臣旣
未暇陳由此一事臣又未敢論是乃偷合苟容之徒
非有忠君愛國之心固非陛下求臣之本心亦非愚

臣報陛下之夙願也雖越職忤義君子所憐亦同臣言聖人不與然先王立制時政有失庶人工藝猶得匡諫况臣備員近侍蒙恩深重扶植綱常臣之志也披寫惓惓臣之忠也惟陛下亮之伏讀聖策有曰朕夙夜惓惓欲正大綱舉萬目使人倫明於上風俗厚於下陛下是言真可爲國家扶綱常天地立民極萬世開太平若也然欲正大綱莫先於明人倫厚風俗欲明人倫厚風俗莫先於孝孝者天之經也地之義也國而非此不可以爲國家而非此不可以爲家人而非此則禽獸矣中華而非此則夷狄矣故先王制禮子有父母之喪君命三年不過其門所以教人孝也古者求忠臣必於孝子之門誠以居家孝則忠可移於君爲人臣者未有不孝於親而能忠於君者也爲人君者未有不教其臣以孝而能得其臣之忠者也昔子夏問三年之喪金革之事無避禮與孔子曰魯公伯禽有爲而爲之也今以三年之喪從其例者吾弗知也陛下於李賢以金革之事起復之歟則賢所未聞也以國家大臣起復之歟則禮所未有也似

與先王制禮之意不同也似與孔子之言不類也似與陛下策臣之初意不合也以故事大臣當起復歟則爲君者當以先王之禮教其臣爲臣者當據先王之禮事其君臣不暇遠舉請以朱言之仁宗常以故事起復富弼矣弼之辭曰何必遵故事以遂前代之非但當據禮經以行今日之是仁宗卒從其請孝宗嘗以故事起復劉珙矣珙之辭曰身在艸土之中國無門庭之寇難冒金革之名以私利祿之實孝宗卒允其辭此二君者未嘗拘當代之故事以強起其臣此二臣者未嘗循當代之故事以苟從其君故功澤加於當時名聲垂於後世史筆書之以爲盛事士夫誦之以爲美談此無他君能教其臣以孝臣有孝可移以忠於君也自是以後無復禮義史嵩之欲援例起復爲丞相王黼起復爲執政陳宜中起復爲宰相質似道起復爲平章此數君者未嘗不以當代之故事起其臣此數臣者未嘗不以當代之故事從其君然生靈以之而困天下以之而亂社稷以之而傾貽禍於當時遺臭於後世此無他君不教其臣以孝臣

無孝可移以忠其君也詩曰殷鑒不遠在夏后之世臣願陛下以宋爲鑒使賢盡孝於親爲萬世之大臣陛下以禮處賢爲萬世之大君此臣之願也亦賢之分也以賢身任天下四方多虞而起復之歟則仁宗之時契丹桀驁未爲無虞也孝宗之時金虜強盛未爲無事也陛下必欲賢任天下之事不專門內之私則賢身不可起口則可言宜降溫誰俾如劉珙不以一身之戚而忘天下之憂使賢於天下之事知之則必言之則必盡陛下於賢言聞之則必行之則必力則賢雖不起復猶起復也使賢於天下之事知之而不言言之而有隱陛下於賢之言聞之而不行之而不力則賢雖起復猶不起復也陛下無謂廟堂無賢臣庶官無賢士君孟也臣水也孟圓則水隨以圓孟方則水隨以方君好諫則臣隨以直君好諛則臣隨以佞臣直則忤忤多忤忤多則惡心生惡心生則祿不可保身不可安矣誰肯不保其祿不愛其身乎臣佞則順旨多順旨多則愛心生愛心生則寵愈可固位愈可安矣誰肯不固其寵不安其位乎陛

人文紀畧

卷三

三

卷三

下誠能於退朝之暇清閑之燕畧崇高貴重之直諫博洽之士開懷訪納降禮尊賢講聖學之大要明君道之急務詢政事之得失察生民之利病訪人才之賢否考古今之治亂諷風俗之盛衰咨邊防之緩急舍一己之見而以衆人之見爲見舍一己之知而以衆人之知爲知順旨之言則察而逐之使貢諛保寵者無以自容忤旨之言則容而受之使輸忠爲國者得以自盡群策畢陳衆賢並用則賢所欲言者人亦能言之又何必違先王之禮經拘先朝之故事損大臣之名節虧聖明之清化而後天下可治哉朝廷舉措大臣出處天下觀之史筆書之清議雖不行於朝廷天下以爲何如公論雖不行於今日後世以爲何如誠不可不懼也誠不可不慎也夫賢之起復尤諉之曰負天下之重任應先朝之故事比年以來朝廷以奪情爲常典縉紳以起復爲美名食稻衣錦之徒接踵廟堂據禮守經之士寂寥無聞不知此人於天下之重任何所關耶此事於先朝之故事何所據耶先朝自楊溥之外未聞起復某人爲某官也今

人文紀畧

卷三

三

卷三

起復之官何如此之多耶以其高謀遠慮足以定天下之大議耶何未見其發也以其折衝禦侮足以定天下之大難耶何未見其有也以其深沉厚澤足以決天下之民心耶何未見其行也以其忠言謚論足以裨朝廷之闕失耶何未見其敢也陛下何取於斯人而起復之哉意其平昔之計不過阿媚權勢豫爲已地及遭通喪之時則必曲爲諛說上蒙天聽不曰此人辦事理可奪情則曰此其故事例當起復既遂奸計畧爲虛辭一不俞允歡然就位未有堅請如富弼懇辭如劉珙者也名曰奪情實則貪位名曰起復實則戀祿且婦於舅姑喪亦三年孫於祖父母禮有期服奪情於夫初無與其妻起復於父初無干其子今或館舍如故妻孥不動乃號於天下曰本欲終喪朝廷不容雖三尺童子臣恐其不信也爲人父者所以望其子之報豈擬至於此哉爲人子者所以報其親之心豈忍至於此哉枉已者未有能直夫人志親者未有能忠於君望其直人而先枉已望其忠君而先忘親陛下何取於斯人而起復之哉何不使之全

人文紀畧

卷三

奪情

卷三

孝於家而後移忠於國哉昔富弼有母喪韓琦言復非盛世事而富公竟不可奪史嵩之遭父喪太學生群攻之至數百人而嵩之竟乞終制今大臣起復群臣不以爲議且從而爲之辭所以豫爲已地也群臣起復大臣不以爲非且從而成其事亦所以豫爲已地也大臣既無忌群臣復何慙群臣既有例大臣復何辭今之大臣固韓琦富弼之罪人今之群臣又太學生之罪人也上下成風靡然同流致有公無起復之例私爲匿服之計例在溥恩則匿服以受封例在得美官則匿服以聽選例在掇科則匿服以候遷例在求賄則匿服以之任率天下之人爲無父之歸臣不忍聖明之世風俗之弊綱常之壞一至於此也夫愛親之心孩提有之短喪之說下愚恥言况在冠裳之列聞聖賢之道肯於其親無三年之愛乎特以貪利遂至忘親孔子曰是可忍也孰不可忍也又曰上有好者下必有甚焉者陛下誠能守先王之遺禮遵祖宗之成憲待之以禮義而不縻之以爵祿激之以廉恥而不誘之以名位使積習之弊脫然以除則

人文紀畧

卷三

奪情

卷三

忠孝之心油然而生向雖忘其親今則爲孝子向雖
後其君今則爲忠臣亦理之所必有勢之所必至也
特在乎陛下轉移之間如何耳天子者以孝治天下
者也大臣者佐天子以孝治天下者也欲行孝於天
下必先行於大臣臣願陛下不惑群議斷自聖衷取
回內臣許令李賢依富弼故事守制依劉珙故事言
事其餘已起復者悉令追喪未起復者悉許終制脫
有金華之事亦從墨衰之制任國事於外盡心喪於
內朝廷既正則天下自正大臣既行則天下自效人
人文紀畧

疏

奏

卷三

心天理不可泯滅誰肯其心爲不孝子覲顏爲不忠
臣乎綱常由是而正人倫由是而明風俗由是而厚
士心由是而純紀綱由是而張國勢由是而一矣臣
言一出犯者皆忤衆怒群猜將無不至不曰狂生妄
議未諳國體則曰腐儒迂談不達時宜不曰矯激干
名希求進用則曰道理雖是窒礙難行近年以來類
爲此語阻塞言路折挫士氣臣雖艸昧豈不自知言
忤於人殃及於已議出於今禍貽於後然夙夜皇皇
惟恐上負朝廷下負所學取議於天下貽笑於後世

是以昧死爲陛下言之惟陛下矜賜優容使謹言日
進曲加保護使士氣日振則天下幸甚宗社幸甚俯
竭愚忱仰祈天鑒臣謹奏

應詔陳言以弭災異疏

聶豹

臣聞治天下以正風俗得賢才爲本仰惟國家之興百六十餘年矣然而至今人才未振風俗未醇民力未裕國用未舒人士微謙遜之節里巷多攘奪之風盜賊之竊發無時災害之荐臻未已刑雖繁而奸弗戢官不攝而事弗理者伊誰之責哉是皆責在士夫若曰外士夫以求賢才則賢才何由而得外賢才以正風俗則風俗何由而正故欲善今日之風俗當自今日之士夫始欲善今日之士夫當自今日之學校

人文紀畧

疏

卷三

三

始學校者又士大夫之所關也去聖既遠學校之政不修人士類以記誦詞章爲學夫紙上之言豈所以尊德性而理身心科舉之業豈所以端本原而出治道方其爲學用心之始既不止於毫釐之差則其中之所行與夫終之所就又奚啻於千里之謬哉天下未嘗無才特被科舉潛驅默奪以去是以不能大有所成此非才之罪也志爲利所分才爲志所奪故耳間亦有一二豪傑之士奮起特立不爲浮辭蔓說所靡然一傳衆咻終不免乎傾排之害而長幼卑尊皆

薛居州固愛君無已者之所深願也故臣竊謂欲正

今日之士習以養今日之人才當於科舉學校之中深加敦本尚實之教而教之之法則周禮大司徒之三物乃其準的也臣備員臺屬待罪閩陬觀民省方知其蠱壞之極而因察識其弊源之所在是以輒忘疎昧妄以管窺杞慮之所及者綴爲肆事以上荅陛下求言如渴之意一曰敦本實以興正學也二曰清寺田以賑濟卹也三曰覈官籍以均徭役也四曰考宦餘以勵風節也凡此四者儼諸聖學正心之要大

人文紀畧

疏

卷三

三

臣格心之業已落第二義臣顧訖訖以是爲獻者臣伏讀宸翰敬一有箴心箴四箴有訓則所以端本澄源之功體道凝命之學已可上契堯舜精一之傳而二三大臣其所以爲緝熙之助者自當朝夕匪懈一切智能之美文藝之末必在所畧也臣竊謂四事亦或庶幾焉願陛下垂聽而采擇之臣所謂敦本實以興正學者蓋自隋唐以來專以文詞取士而尚德之風益微書本愈多而道理愈晦文章愈盛而行實愈衰積至於今弊也極矣蓋三代之學皆所以明人倫

也昔也明人倫於身心日用之間今願明人倫於
耳咕嚕之餘五尺童子率能談天道而初學之士操
觚論性命皆疊疊千餘言虛偽枝葉之繁未有甚於
此時太祖高皇帝開創之初姑仍其舊而以科舉取
士然必以禮樂射御書數設科分教至於諸司職掌
保舉事例又必令有司保舉人才皆由鄉舉里選則
其尚實行厭虛文之意已可槩見矣至憲宗皇帝則
令提學官躬歷各學化導諸生仍置簿考驗其德行
優文藝贍治事長者列上等簿或有德行而劣於經

人文紀畧

疏

手

卷四

義或有經義而短於治事者列二等簿經義雖優治
事雖長而德行或缺者列三等簿歲課月考循序而
升非上等不許科貢則其尚實行厭虛文之意又可
見矣臣謂陛下欲嗣續祖宗之遺意釐革時文之積
弊遠追堯舜之事功以成中興之治道必須倣周禮
大司徒以鄉三物教萬民之法而立之教一曰六德
智仁聖義中和二曰六行孝友睦婣任卹三曰六藝
禮樂射御書數三物之外又教以經義爲四物焉一
主於格物致知誠意正心以至於平天下凡天下國

子府州縣之學各設行實經義二齋行實齋爲上等
於上等之中又分爲上上上中二等經義齋爲中等
於中等之中又分爲中中中下二等蓋行實之齋無
下等行實不得以下等名也經義之齋無上等經義
學之次也而亦無下等者下等不得以入學也夫教
以四物別以二齋則其重本抑末之教已有端緒而
學校之綱正矣乃今各學正官於行實齋立上上上
中等樣簿考以四物其六德六行六藝俱優經義又
能通曉者爲行實齋之上上等則大書其名於上上

人文紀畧

疏

手

卷四

等簿而填註行實於其名之下然人才難得不必其
德行道義之俱全也其次六德六行六藝之中或有
一二或有三四於經義稍劣者又或六德六行或有
一二或有三四經義頗通於六藝稍短者爲行實齋
之上中等則大書其名於上中等簿而填其實於其
名之下蓋行實齋以德行道義爲重雖兼經義而不
甚重乎經義也然所以必兼乎經義者以其有德必
有言也經義之齋亦立中中中下二樣簿能通曉一
經公私無過犯者爲經義齋之中中等則大書其名

於中中等簿填註其無過犯之實於其名之下又
能通曉一經中懷狡詐而外加修飭行止弗端而亦
甚敗露者爲經義齋之中下等則大書其名於中下
等簿填註其有過犯之實蓋經義齋雖明經爲業而
亦必兼乎德行也然亦必兼乎德行者誠懼其有言
未必有德也每月各學二教等官分考所知填註於
四等簿則以申於學之掌教官諸掌教官又兼考之
填註于四等簿類申于若府若州若縣諸提調官國
子太學則以申于禮部而奏之於天子以備試問選
人文紀畧 卷三

法只用智仁聖義中和孝友睦婣任卹禮樂射御書
數十八字爲則有一德者以一德書有一行者則以
一行書有一藝者則以一藝書有德行與藝之二三
四者亦以漸而實書之不必別作考語以混名實然
後縣以通某經于所書之下苟有德行克備道藝兼
高有司固當卽日論薦而朝廷亦宜厚禮延聘以登
用之其次亦必升入行實齋者方許補糧每年歲貢
不必復論其食糧之淺深先後惟取其行藝之優者
克之三年大比取士應試約以二分爲率如取九十
人文紀畧 卷三

人進場行實齋取六十經義齋則只取三十焉行實
齋爲先經義齋爲後先後之序不得以私亂也若經
義齋之中下等者德行道藝旣無足稱經義雖優才
華雖富斷然不與進場且於學中教養三年不堪升
進則是見善終於不遷有過終於不改便當斥退爲
民方今見行事例每遇鄉試之年選命京考官爲總
考官謂當於總考官員差往各省時禮部將各省提
學考所中四等簿別抄一本印封完固限三場畢揭
曉前一日方許會同同考試官及監臨監試提調等

官當面開拆然後以取中硃卷對查本生墨卷名字
脚色又以墨卷對同禮部四等簿上名字脚色亦以
三分爲率如取中式舉人九十名則自第一名至第
三十名必行實齋之上上等居之自第三十一名至
六十名必行實齋之上中等居之自第六十一名至
第九十名方許經義齋中中等居之總考官與同考
官監臨監試提調等官敢以私意易其常序者皆以
受私法論先是生員送納三場試卷與中式小錄揭
曉榜文皆須各寫某府州縣某齋生員于其名之下

人文紀畧

疏

書

卷三

以爲識別禮部會試所取進士所列等亦如鄉試必
先行實而後經義行實齋得三之二而經義齋得三
之一焉吏部選官亦取禮部簿上脚色以爲高下不
在行實齋出身者在內不得爲翰林等官在外不得
爲方面府州縣正官待其德行日新政績日異然後
以次升進可也他日太學之師與提學官及掌教天
下之學之官必皆於行實齋乎取之凡此內外等官
考滿考績皆要填寫何齋出身字樣以憑查考其在
行實齋出身者後果忠義顯著政績卓異不惟當賞

其人而兼以是爲師儒提學提調等官之功亦論
重而加賞焉後有學荒行虧踪跡敗露者則不惟當
罰其人而兼以是爲師儒提學提調等官之罪亦論
輕重而行罰焉臣謂旣以德行道義教養之又以行
實材學升進而選用之而又以是考察之則天下之
士皆知行檢之當勵虛詞之不足貴忠孝材德之士
豈無卓然出於其間者哉若所謂清寺田以備賑卹
者臣考常平法州縣寺舍歲用有餘則以歸官賑民
之窮餓者宋儒楊時爲瀏陽日使行旅之疾苦饑踣

人文紀畧

疏

書

卷三

於道者隨所在申縣縣令寺舍飲食之是皆前代已
試之法也臣謹按福建一省總官民田糧計八十四
萬玖拾有奇內寺觀田糧已計有十二萬八千有奇
夫僧道在四民之中百分未有一而僧道所得產
業十分乃有其二井地不均異端昌熾可以永歎而
太息者臣固未易卒言也特以僧道旣有是田之多
則其斯倉斯箱飽滿充盈富不期驕佚則生淫飲食
男女之欲多出乎天理人情之外褻賣僭侈不可名
言又乃交結官府爲敗露之先圖私買田宅爲還俗

之退計以致前日所積懸罄一空一遇官府追徵均循上役便爾舉手無措則其勢不得不求假于士夫豪富之家乘其有急要其必從必欲本少利多方借與銀應辦爲僧道者利害切身田非已有只要眼前醫瘡何顧心頭剜肉典糶動逾十年奚啻五月糶穀是以所糶田土永不可贖齋糧乏絕喪狗無歸其勢不得不投托士夫之家以爲棲身免難之計而士夫之嗜利無恥者貪其厚利凡僧道田租一槩包收甚者只要收穀任彼糧差負累而爲僧道者命不可堪則又裹茶齋約而望他仕宦之門以爲己歸矣夫僧道今日之去故卽新勢非得已而士夫前日之典糶者或稱舊數未完則必爭其新糶者勢必不讓遂至攘臂聚兇成群打奪告訐紛紛連年不息中間爭訟費耗又皆坐還僧道一應糧差依然坐累是以在福寔衙門巡按監司府衙門爲僧道田租一事詞訟文卷如毛如山弊積竭神不能撲遏而救民之善政理財之善方爲是分奪虧損多矣夫士夫家既不能明吾儒之大道以變異端乃因異端之小利而

壞吾儒之家法豈不可爲痛哭流涕也哉臣謹按泰三年事例各處寺觀田土每寺觀量存六十畝爲業其餘撥與小民佃種納糧又按成化六年事例令福建僧寺及有寺無僧田土每寺除徵及百畝以下其多餘田地給與無田小民領種臣謂三聖茲法至精至當可以決行而無疑永行而無弊者也然而至今不行者竊恐當時言事之臣徒念寺僧之積弊者一時用計之未詳是以僧道有所假託權倖膚受翻訴復有所謂士大夫之嗜利者立乎其間爲之擺布是以法泥不行流弊至今間有一二名與小民佃種實則俱爲大家所得臣謂宜通查天下寺觀糧米百畝以上者俱依成化年間事例每寺觀給田百畝以爲常住僧道修理屋宇香燈茶果之費糧米百畝以下者俱依景泰年間事例給田六十畝以爲常住僧道修理屋宇香燈茶果之費其小寺觀糧米不滿六十畝者俱各併歸大寺觀除住持僧道給田百畝外餘僧道香果有眞度牒者每名仍給田二十畝與爲齋糧其餘田地俱入于官每田百畝責令排年里老

結報佃戶一人或寺觀原管下甲首丁力相應者承種之該納田租斛秤等項俱照僧道前收租穀事例不得有所增損其該收租穀儲于官之別倉該年秋糧驛傳入分料糧與夫十年里役均徭等項費用皆於是乎取給其所餘者再不許別項支用專備賑濟仍令司府縣官糧官督理之前後收支存留數目務要每年終申呈巡按衙門以憑查考以防侵欺至於重造黃冊之時其在寺觀僧道所管所謂百畝二十畝者俱以本寺觀僧道立戶曰一某寺某僧某觀道人文紀畧 卷三 某田地若干畝米若干石僧道所辦一應糧差只是照其所收田產此外糧差無與其在官所收田糧則另立社倉爲戶以備過割不得復以僧道爲名曰一某社庄收某寺觀田若干畝米若干石夫寺觀田米既除糧差公用必省因其害而除之以悉爭因其利而導之以足國量其所入計其所出截長補短有剩無欠而預備倉所積一年之間可得粟數萬石積之數年八閩之荒可有備矣不猶愈於詞訟贓罰計刀圭之利而後可得者耶且僧道錢糧浩大亦豈僧道

之福糧多則賦役重而應辦煩寺大則聲實浮而貢望深財豐則淫佚生而殃咎至利厚則睥睨衆而攘奪與四者之害出入交攻僧道不學無術又將何以支持應接長享其利而保無一虞哉終亦必亡而已矣故臣嘗謂此輩無君無親不近人類延蔓天下勢既不可盡除但當使之不饑不寒修齋誦經祈晴禱雨掃地焚香以祝聖壽不當使之過於富厚以長其奸淫侈僻之心出入官府以混吾四民冠屨之類而况此輩皆是里巷下品廝養凡流一旦度爲僧道黃冠緇衣即得良田百畝與二十畝不勞力而衣食足不勞心而居處安即今學校之士窮年皓首或者曾無立錫之地而歎一飽之無時無田小民終歲勤動或不免轉死於溝壑三軍之士出其死力月糧不過八斗則所爲僧道者果何功何德坐享安樂飽煖之利耶伏願聖明裁之一則可以養僧道清淨無爲之規二則可以免官府逋負追呼之擾三則可以息士夫爭奪之風四則可以供國家賑卹之用爲益豈不多哉若所爲覈官籍以均徭役者臣謹按見行優免

事例在京文武官員除里甲正役外其餘一應雜泛差役全戶優免外官優免事例皆以品從爲差載在令典不啻詳矣臣竊見今日士夫一登進士或以舉人選授一官便以官戶自鳴原無產米在戶者則以無可優免爲恨乃聽所親厚推收詭寄少者不下十石多者三四十石原有產米在戶者後且收添又於同姓兄弟先已別籍異居者亦各併收入戶以圖全戶優免或受其請託以市恩或取其津貼以罔利又且苞苴富厚囊橐充盈多置田產寄庄別縣仍以官名立戶中亦多受詭寄勢焰者官府固已聞風免差勢退者亦能多方攀援以圖全免或一年之內而免數戶或十年之內而免數年殊不知在縣丁米只有此數官戶丁米不差民戶科差必重大王者在於養民朝廷優卹士夫以爲民也顧乃憑籍朝廷優免之厚恩陰食吾民之膏髓是誠何心哉由是民不堪命逃亡凍餒之災日痼日甚而官府剝膚椎髓之禍日酷日深城壕叫呼無時或息而士夫之家與夫巧爲詭寄之人方且欣欣自慶以爲其計之得不知民愁

怨生上千和氣而水旱螽蟥之災未必不由此致也故詭寄之令非不嚴也以寄於士夫則踪跡益秘而不可復查矣府縣精明之官非不多也以其分在士夫則亦姑從隱忍而不復究治矣臣伏讀諸司職掌國祔貢舉事例內一款畧云凡有司保舉人才到京仍取本戶丁糧數目作何營生及戶內有無什役事故供結明白然後開發送部選用臣欲微倣此意凡進士登第之初乙榜舉人受官之始所書籍貫之下俱要實報本戶在官男子幾丁官民米幾石吏部轉之戶部類造行之若府若州若縣官府編派徭役不拘丁米多寡只照戶部所降數目照例優免其不在戶部所降者戶上丁米一切編排官府私作人情及士夫受寄田糧俱以贓論及其入官俸祿果有餘資增置田業收產入戶內官則當六年考滿之時外官則當三年考績九年考滿之時俱要各報本戶增收糧米多寡卽以填註于考滿考績本等脚色之下其無所增者則註曰本戶糧米無所增吏部轉之戶部類造行之若府若州若縣以爲優免之則不由戶部

所降者亦不得免私者論罪如前若然則由前所報者必不敢多張虛數與本戶丁米全相互異由後所報者必不敢受人詭寄圖射鎔銖之利以易終身貪污之名矣是不惟可以禁詭寄均徭役而授民以一分之惠亦可因是察廉貪識賢否而勵士夫以廉靜無求之節知人則哲安民則惠是亦一道也惟聖明裁之若所謂考官餘以勵風節者臣聞選舉之法嚴則士多修於家而壞於天子之庭考課之法嚴則士多壞於家而修於天子之庭竊嘆今日之士夫窮則人文紀畧

人文紀畧

疏

聖

卷三

一到故丘貪饕狼籍結納上司挾制府縣交通關節利已害人顛倒是非報復私怨甚者欺壓宗族待尊長如路人凌奪鄉里遣子弟爲鷹犬其已罷職者則曰吾官已休矣守此何爲也其未罷職者則曰吾官猶在也人將爲何哉是以益肆猖狂無所忌憚故里諺有之曰寧可鄰人賣菜不可鄰人做官蓋不勝其蠶食抵觸之患而爲是欲與俱亡之言也臣伏讀景泰三年貢舉事例內一款畧云官員罷職委無贓犯重情而才學可用者並聽內外官員指陳實跡薦舉赴京考用臣欲推廣此意凡士大夫家食者不論其職之崇卑官之罷否俱令監司府州縣等官察其居家所爲或善或惡皆從實密申于巡按衙門復加察識定爲考語直申吏部吏部兼舉而總察之其未罷職者則以其居家之事跡叅諸居官之政事善果相符則不次超用可也惡果相符則即日罷去可也二者之間功過相準則酌量輕重以爲進退可也其已罷職者果能孝友和睦清素恬靜則不可以其前日之失掩其終身之善起馮唐於已廢以發潛德之光可

人文紀畧

疏

聖

卷三

也惡者則前日雖已罷黜今日尤當剗懲奪惠煦之
官爵而誅奸諛於既死又何不可之有哉是不惟可
以遏其挾制官府奸貪狼籍之威而亦可以勸其老
當益壯退思補過之忠若此則天下士夫自相砥礪
始終進退不敢有二其心鄉閭獲表正之功聖世多
完節之臣豈非士風之一快哉惟聖明裁之夫祖宗
法度精密正當初無可議但行之既久良法美意漸
失其直節法虛文日趨于弊以故正學不興異端淫
侈徭役弗均風節虛徐蝸與螭亂不可勝陳故臣取

人文紀畧

疏

署

卷三

其關係之所當先者言之蓋敦本實所以正心以立
王化之本清寺田所以閑邪以衛王道之原覈官籍
所以厚邦本而培植之於中考宦餘所以正士風而
維持之於後而四者之中又以學校爲本或者乃謂
方今科舉得人亦不爲少何必更爲敦本尚實之教
而後可以得異才以成治哉臣竊以爲古之所謂才
者口齊聖廣淵明允篤誠也曰忠肅共懿宣慈惠和
也今之所謂才者曰記誦詞章也曰意見談說也古
人致君事業曰巍巍蕩蕩也熙熙皞皞也今之事君

者惟曰期會簿書智力把持而已耳其與古人致治
之本創治之功規模器局力量才識相去何啻天壤
之不相爲侔耶故宋大儒程顥與其兄顥皆厭舉
業而從事于聖賢之學張載亦曰孰若少置意科舉
相與從事于堯舜之域朱熹亦曰後世學校雖存而
所以教之者不過趨時干祿之技其所以勸勉程督
之者又適所以作其躁競無恥之心雖有長材美質
可以入聖賢之域者往往反爲俗學頹風驅誘破壞
而不得有所成就尚何望其能致化民成俗之效如

人文紀畧

疏

署

卷三

先王之時哉是舉業移人不足以養真才古今通患
也臣由科舉出身忝在士夫之列今日所言乃欲少
變科舉之文以從德行之實而又歸罪于士夫是豈
謂佛罵祖操戈入室者之所爲哉臣少不知學長亦
同流入仕以來徒爲利祿所驅作縣有愧於循良立
朝實慚于風紀始知上負天子下負斯民者皆臣等
不學之故也故冒昧爲陛下陳之

陳言時務疏

宋儀望

近該戶部爲查催錢糧奉聖旨祖宗定制各鎮兵馬自足本鎮防禦近年兵不訓練不堪戰守任事之臣惟欲圖免己責一遇有警輒請調發客兵應援以致錢糧浩費數倍于昔戶部屢稱匱乏將來何以能繼調兵不已雖歲歲加賦亦難充給三十二年各鎮調兵并新增數目應否減免又合用錢糧戶兵二部會官從長集議來說務要經久可行不許含糊畏避有悞軍國大計欽此續該本部題爲懇乞天恩少寬民力以固邦本事奉聖旨照著前旨會同九卿科道一併計議來說欽此又該兵部題爲講求禦長策等事奉聖旨宣大兩鎮新增遊兵四枝還照前旨會議來說欽此臣反覆籌思以爲國家兩年以來計邊事者無慮數十輩然皆未有竭智盡慮近事切情如我皇上今日所云臣竊謂議天下大計必使文武大臣同心協謀共濟時艱以舒皇上西顧之憂况今日事勢莫有大於兵馬錢糧二者今議者皆言歲歲調兵糜費糧餉甚非長計至于挑兵養馬尤爲不便該部

人文紀畧

疏

集

卷三

屢經題覆而我皇上洞見時弊形之明諭亦既詳悉矣臣切思戶兵二部雖有兵馬錢糧之責而事權所在則大將軍仇鸞實身任之若今日會議不使同心協謀務以忠利國家爲事臣恐機會易失事功難就至有大將所主該部所議大將或未盡然議論日多成功益少甚非所以集衆思利國家也今內而京營外而邊方屢經諸臣建議與該部題奉明旨責成內外大臣亟爲修舉然馴至于今未聞稍加整頓頗異干昔虛費廩餉數倍往日豈諸臣建白顧無足采良以奉行者不謹而視明旨爲故事也臣願陛下勅大將軍仇鸞暫赴關廷仍與該部遵照明旨會同九卿科道等官亟加詳議共以體國爲心若議論既定事權不紊伏乞皇上斷而行之使各任事之臣不得復相阻撓致悞大計况今防秋已急邊報日間若文武大臣不能協恭體國至有異同臣以爲莫若容令本部與大將各陳所見根極時弊公同臣等科道官條列上請伏望皇上大賜睿斷以定安攘至計若復空持議論互相規避將來之咎誰則任之此臣所以夙

人文紀畧

疏

集

卷三

夜遑遑不能不仰煩聖慮也臣又聞帝王之兵動出萬全今春騎潛住內地邊臣一時驚恐傳報陛下申命大將出屯邊境期以殄滅醜類甚盛舉也今大將軍身握重權偃然臨邊卽且聞之矣各鎮調兵久集大同日費糧餉不可勝計臣向觀聖諭欲令深入大挫必戰無守臣知陛下亦慮師久財費不宜坐困致厯宵旰之憂但臣聞入寇必秋高馬肥乃能馳騁今衆大營已聞遠遁雖時有小警邊方諸將如陳時歐陽安等亦足截殺卽欲遵照明諭窮追深入大挫其勢使遠遁震怖則大將軍又不敢以爲任往歲客兵自六月以後方行調遣今入春以來客兵四集傳曰興師十萬日費千金今未見其形而動衆費財若此是自困之術也兵法曰善攻者敵不知其所守善守者敵不知其所攻今衆未動日勤攻之計也但今防秋在邇客兵旣集難輕掣回惟在安養休息坐觀形勢以備防禦昨聞我軍輕入其營損折軍士五百餘人統軍頭目已被熬死故臣謂大

將不宜久留邊地非惟虛費錢糧亦且自損威重伏望皇上容令暫回速與諸臣亟爲籌議早定大計謀畫既定責成旣專仍令大將速臨邊境專備宣大以固藩籬如以京師根本重地大將不宜輕出則當專督營兵以備防守其宣大事權查照近奉明旨專以責之總督鎮巡不宜彼此違制輕調邊兵使他日失事之人得以互相推諉及照京營之兵連召募勇士殆十四萬有奇歲費糧餉一百七十餘萬石除護衛巡捕等役汰其老弱拔其壯健計可得六七萬人果能分布將領申明軍法則此六七萬者豈無精兵數千人乎乃臣昨親鸞奏云京營兵馬脆弱欲復挑選三關通事家丁共一千名春夏出塞秋冬入援專備遇警衝鋒破敵之用臣竊謂宣大京師籬籬宣大安則京師自安近該鎮巡等官深以挑兵不便爲言若復挑其精銳三千餘人則三關之兵愈見單弱萬一宣大不守騎長驅則彼所謂千人者果足以衝鋒破敵乎大將備邊秋冬爲要鸞所云春夏出塞必我師深入搗其巢穴燒其積聚以大挫折之今勢旣不

能矣乃欲挑取邊兵秋入內恐藩籬一撤宣大
守又誰執其咎乎恐亦非計之完也驚又奏言通
家丁雖稱慣經戰陣卒多遊手好閒不肯用心餒馬
合應每名給馬二疋仍給軍士二名代替養馬臣又
竊謂家丁既稱精銳若遊手好閒必撥軍士與之養
馬萬一各鎮調兵互相效尤臣恐軍法不行于下而
驕志之漸由是起矣如是而欲驅之赴湯火蹈矢石
不亦難乎昔孫武申軍法雖婦人可使卽戰田單厲
氣巡城而敵人卽下伏乞皇上切責大將務振軍威
人文紀畧
大展謀猷以報今日知遇之恩若進不能大挫勢
退不能整率軍旅臣竊爲驚不取也

陳言備倭以圖久安事

郭汝霖

臣惟善禦夷者必端其本善圖事者必乘其時邇來
邊海無賴勾引倭夷行劫內地流毒之慘有不忍言
賴我皇上憫惻地方遣將調兵宵旰靡息而一念之
誠上通玄造是以神機默運賊徒授首恢復之烈直
與文武一怒而安天下者同甚大幸也顧夷類頗繁
而思患預防以建久安之業者實在於此臣恐地方
當事諸臣徂於目前之安不爲善後之計苟且因循
坐失機會良可大息臣是以竊言之何也向地方之
所用以集事者調兵也而調兵不可以久熟觀此賊
每秋冬則捆載而歸遇春夏則乘風而至而我兵恒
在數千里外文移往來動經數月及兵之至而賊已
出洋矣賊散則我兵不能以久留亦必散遣而歸及
我兵抵家而賊又踵門矣是在賊常逸在我常勞而
路途之騷擾糧食之糜費又不論焉非所以爲久遠
計也臣謂往者地方有事卽欲立經常之計而有所
不及今幸蕩平之餘正可有爲之會乞勅督撫諸臣
務殫心力展布區畫使地方之勢自足以爲捍禦之

帝卽有卒然之警不倚藉於調兵之遠則地方幸甚宗社幸甚臣待罪言官日夜思維偶有一得之愚乞爲陛下條陳之其一曰議海防臣惟倭賊之來必由於海而我兵之所以扼之者亦莫便於海祖宗之時所設海船輒踰數百蓋倭賊獷悍使得登陸則其銳不可當而我兵又圖生之心多故賊一鼓刀我兵常不戰而潰惟阨之於海則我兵旣無可逃莫不進而死敵而緣艘火炬又足以逞其焚擊之雄此中國之長技也近俞大猷頗知海戰之利害昨其議海船務

各修造數十道以爲巡哨之兵似亦不難如此庶乎海防可以畢備而賊之來路塞矣此上策也不可決而行之其二曰議兵衛臣惟祖宗沿海諸郡俱設衛所聯絡之勢自登萊以至閩廣何其密也承平日久海無兵革故兵伍消耗而巡海之臣視爲故常漫不料理一旦有急莫可支吾臣請查復舊制審其要害之所立數關府設以總兵叅將各守禦之卑弱者移合於此而兵伍之消耗又廣爲招募使無賴之徒旣得以食於軍而不逃之海外以生事而我軍處處充實又隱然有虎豹在山之威議者疑移置守禦或失之疎而不知彼賊常聚而來我兵常散而守力不足以相抗惟合而一之使之盡地而守苟有賊入其境叅將卽提大軍馳赴兵勢自足以相當而閑暇之日又更迭出海以爲巡哨之舉如此賊復能來未之有也其三曰議選將臣惟將者三軍之司命將之材最難而求之亦難今武弁皆自廕襲苟安養原無遠志而武舉方畧又不足以見實才惟臨事而措之用其智謀勇力可以立自表見昔宗澤在軍中用岳

飛授以五百騎遂收汜水之捷卽陞爲統制有以也
今督撫諸臣皆當重任用人之際妍媸在其目予奪
在其手可否在其衷然數年矣未聞能超資格薦一
名將以爲國立功豈世無其人與將事冗而力不暇
與抑制有所限而未能與臣不能無惑也臣乞明詔
諸臣極力搜羅廣爲薦拔或隱於艸澤或奮于行伍
或已仕退閑或未仕而向用凡臨事之際果有卓異
之才卽超資格而任之又如水戰而慣習者多方採
取使之皆備任使如此則鷹揚干城之責庶幾其有

人文紀畧

疏

書

卷三

人矣其四曰議練兵臣惟兵以禦敵自有事以來孰
不言兵之當練也而至今未聞地方有一兵之強者
果兵之不可練與臣是以知其有練之名而無其實
實也臣嘗見州縣之練兵矣或聚數百人或聚數千
人較之於一日之內比舞幾鎗共發幾矢卽以爲操
練甚者惟點名走陣而已如此而練雖終歲而不見
其可用也雖千萬人而未見其能強也臣乞勅諭諸
臣擬爲定式每十人爲一小隊五十人爲一大隊各
隊立一教師務求實用使之如家人父子之相爲應

及至官府操演則輪班而往着實比較以行賞罰如
此庶幾練非虛務而精強者在伍矣昔唐李抱真勤
於簡練而澤路步兵遂爲諸道最亦二萬人而已兵
豈在於多乎哉其五曰議器械臣惟器械所以應用
器械不利以其卒予敵也自有事以來孰不言器械
之當利矣而聞之人言尚有荷朽戟以履陣持竹竿
以膺城者如此而不爲浪戰乎不爲兒戲乎臣不知
地方諸臣數年之所幹者何事也臣乞明詔諸臣精
修實舉刀鎗之類務定其程式輕重斤兩各爲之校

人文紀畧

疏

書

卷三

定而強弓毒弩又所易備卽如野戰士卒刀劍或爲
力難至賊之攻城則我軍憑高弓弩尤易以施務令
郡縣招募廣西之人熟習藥箭之法如此則器械精
明之餘自有不威之威矣其六曰廣招募臣惟承平
既久兵籍消耗一旦復之似有所難且招募之財又
無從出辦此議者之所慮也臣以爲天下之事畏其
難而不爲將遂歸於廢弛而不振其要亦存乎良有
司而已乞勅督撫兵備諸臣嚴爲查復之舉有不足
者下之郡縣有司曲爲處補量其里分財力之何如

或使之一里而募一人或使之數里而募一人吾誠無所擾於民而但使之出力以爲保障地方擁衛身家之計彼亦知上之所以勞我者非以厲我也所以佚道使民又何怨乎其七曰議專任臣惟官兵者武官之所統理也民兵者有司之所統理也茅必有所專而後可以責其成國家設官之意知府則統一府之事而錢糧屬之通判詞訟則有推官同知者以理軍爲職者也知縣則統一縣之事而錢糧屬之縣丞詞訟分之守領主簿者以巡捕爲職者也今地方練

人文紀畧 卷三

習民兵之舉一一責之知府知縣則日有所不暇力有所不能臣愚以爲在府者莫若專責之同知在縣者莫若專責之主簿使之一心一力以辦此事而器微之屬咸使之必精必利在上者時稽其勤惰至其考績亦以此爲之殿最如此彼得以專心致志將來民兵必可以守夫官軍旣足以戰民兵又足以守卽有旦夕之急又豈藉於調兵者哉其八曰議號令臣惟號令所以肅三軍三軍之進退實係於一將之號令號令不嚴孰肯效死以決敵今制雖有將官以統

士卒而將多不得以自田此士卒所以畏敵而不畏主將也至於敗北而又專責之將領是將領之一手足以禦敵而士卒又何苦不奔北以圖生臣乞明詔諸臣務申勅法例但爲將者其所轄之軍俱得以自由生殺進退惟其所馭惟以克敵爲功不以全軍爲禁夫然後有敗北乃專責之將領卽將亦無得而辭矣昔人謂撼山易撼岳家軍難使衆不得以專其軍嚴其號令誰爲之確守而不渝者哉其九曰議團結臣惟官兵以俟戰民兵以守城至於鄉落之民又宜訓之以團結之法昔人謂民不可使之好戰亦不可使之忘戰好戰則不可與從事於安忘戰則不可與從事於危臣嘗觀秦之民卽周豐鎬忠厚之民也孝公欲併山東諸侯而用商鞅之法使民勇於公戰怯於私鬪一變遂悍然有招八州朝同列之氣今浙直之民承平旣久其風習尚浮華而多柔脆臣謂是在有司者倡其勇敢作其銳氣至賊之來士民果有能捕虜首者重加旌賞甚者卽擢而用之而民間又相爲什伍父子兄弟朝夕習講攻戰之法庶幾教訓之

人文紀畧 卷三

餘勇悍之氣自生卽賊之至豈能肆其猖獗者哉其
十日議糧餉臣惟師行糧從苟海防立而糧或不足
亦安能使之士飽而歌而效捍禦之力今浙直財賦
半天下軍國之需多仰給於此而留都之根本瓜楊
之咽喉又相密邇焉今此際既開難保其後之必不
來而無以爲之處臣恐其食之不能恒足也乞明詔
督撫諸臣重加經畧立爲定賦務使出海巡哨者資
糧綽然有餘夫然後戰守之功可以責成矣凡此數
者皆所以爲區畫地方之計必地方之事立而後可

人文紀畧

疏

奏

卷三

無藉於調兵必無藉於調兵而後地方可以久安而
長治臣故以爲禦夷者此其本也臣又惟人情處患
難則警惕之心生遇平寧則宴安之氣勝今部臣趙
文華既有成命歸朝而張宗憲阮鶚張景賢諸臣荷
藉天功與有成績而受茲簡用專制一方正當罄竭
展布以爲陛下立萬世之業若因循苟且徃於目前
之安而不爲善後之計僥倖其身之可無事而去而
以難遣之後人非所謂以身任事而爲國家終始之
慮者矣臣乞陛下務勸勵責成之使爲地方久安長

治之圖臣已上所陳雖若獻言者之常談而今日
理之道實不出此伏乞發下該部酌其可否果有一
言足用賜之施行臣不勝幸甚

人文紀畧

疏

三

卷三

計安地方疏

鄒 濂

題爲江右賊勢愈熾懇乞聖明申勅總督重臣督兵速剿敬陳末議計安地方事臣惟江西一省界吳浙閩廣之間無山河夷虜之擾承平日久民不知兵平居無事脆弱成習一旦有急遂至於不可救藥頃自有倭患以來地方困於過兵已不勝其震怖近者福建回兵入寇建昌守備王祉被害本年閩廣流寇突入吉安方面憲臣見殺見執而吉處撫建諸郡邑間罔非盜賊之區攻城掠野焚劫殺傷之慘有耳目所人文紀零

李

卷三

虔建撫之間者日增月盛凡諸郡邑有城者嬰城自守無城者任其劫掠殺傷成林焚燬成墟千餘里內縱橫衝突如履無人之境頃者巡按御史段顧言疏八月初旬分屯於吉安建撫各縣者已不下二萬而近日吉安鄉人至者目擊八月末旬大夥強賊由秦和萬安突下吉安者亦近萬餘殺人祭旗動輒數百旌旗蔽江干戈遍野而一時總督軍門兩廣張臬南贛陸穩等皆承新命赴任被其肆行塞路不能越境倉皇無備卒入於吉安府城閉門謹避而不敢發一卒以挫其方張之勢遠近人民奔走竄避望救無門人言噏噏皆謂以二總督重臣尚已無如之何則夫都邑之吏誰敢攬其鋒哉臣詢於鄉人之言皆謂吉安之城危在旦夕夫吉安郡城爲江西上流人民輳集不下一省治萬一吉安不保則破竹之勢臨江袁州豈能自完而燎原之焰卒難撲滅則江西省城不可不深爲之慮也危急之勢真如倒懸况江西合省各處戒嚴救解之策更復何望哉臣愚竊惟浙江南京地相連界道里爲近且兵馬便集而不難於調遣

人文紀畧

疏

李

卷三

地利熟習而不憚於馳驅况已奉有成命伏乞皇上軫念一方生靈塗炭已極申勅總督尚書胡宗憲督發重兵星馳親詣江西地方協同督撫諸臣乘機撲滅仍勅南京兵部相機策應或督發江南曾經戰陣將官如劉顯輩帶領勁兵徑往江西併力截殺毋得觀望遲留以深地方之害庶倒懸之患可解而蕩平之效可期矣此則目前救急之策切近之慮也臣生長江右特罪言臣地方之患痛切身心謹以一得之愚條爲末議伍事敬爲皇上陳之伏乞聖慈軫念重

人文紀事

卷三

李

卷三

地俯採蕪蕘勅下該部擬覆施行俾賊風息而民患蚤除邦本固而重地永安矣地方幸甚臣愚幸甚

計開

一議事權夫事權一而後統紀明統紀明而後責任專責任專而後艱危可濟緩急攸賴也南贛界江湖閩廣之交而去省

治爲遠故特設總督都御

史以統治之慮至遠也故總督得人則各省攸賴但所治者止於南贛汀漳南韶潮惠等府地分各省統屬爲難任責既分成功不易况徭峒之巢穴爲多盜

賊之生發不時東逐則西竄南捕則北馳頃者如閩

廣流寇而各省兵備等官皆任其去來視若秦越文

移督促互相推調若是者何哉事權既分而責任不

專故也况以承平既久任是職者又多文墨繩尺之

士無長顧遠慮之識是以政多因循人益玩愒今幸

賴聖斷罷黜其舊則新更者自當感激奮勵但事權

不重責任不專而欲責以成功雖以韓白爲將亦或

難之或勅該部查照先年總督王守仁事例換以新

勅給以旗牌凡諸兵馬錢糧聽其便宜區處如有抗

人文紀事

卷三

李

卷三

違計以軍法從事仍照前巡按御史穆和題准事例其各省地方相連道分遵照勅書事理除一切民情不干與外但係盜賊重情與南贛等府相干涉者聽其督責料理若各縣不行捕獲追究亦聽提問不許仍前推調阻閣則事權一而責任專可收功於其濟而民安本固自弭患於未形矣伏乞聖裁

一勵官守夫設官凡以爲民親民莫如守令故守令得人則民安盜息而地方寧謐矣是以龔遂治郡而渤海之民賣劍買牛其往事可見也頃者閩廣之張

璉何琪南贛賴清規輩皆以府縣之吏征徭太急撫
治無術是以群起爲盜不可禁禦愈聚愈衆不可捕
滅况南贛所屬諸縣又皆山谷頑民難以法制而官
其地者又多例貢雜途悉爲身圖無復遠望夫以難
治之邑而以匪人治之柰之何民不窮且盜也乞勅
該部查照南贛府縣及今有事地方員缺務擇見在
守令政事卓異曾經撫按舉薦者就近調補仍照先
年癸丑甲寅事例疲敝縣分俱以進士除補待其撫
治果有成績實能捍災禦患爲民造福者聽撫按官
人文紀畧

卷三

奏

卷三

據實保薦一體行取旌擢惟其人不佞以地則遠望
可期而人知自勉官守得人而地方攸賴矣伏乞聖
裁
一定剿撫夫治民之道恩威並行而弭盜之策勦撫
兼施蓋罪惡顯著者法所不赦而形迹未著者情當
罔治今吉慶撫建之寇皆閩廣豪惡齊民始則拖欠
錢糧拒抗官府繼復連結數郡流毒三省殺擄人民
攻圍城邑且其攜妻挾子廢農棄產以賊爲業以殺
爲威罪惡貫盈神人共怒若不悉行殄滅使無遺類

其

止但其地連三省黨構數郡東逐西竄茫無
定穴小挫偶勝卒難盡絕乞勅總督重臣親臨江西
地方約諭諸省督撫兵道各屯重兵於盜賊要害之
地刻期並進併力夾攻務使黨類殲除庶幾後患可
弭不然此往彼來已去復至師老民疲迄無寧日終
非除患安民之至計也至於南贛諸峒巢穴衆多積
捍成性憑險負固已非一日且其平原沃壤可耕可
牧自先年總督王守仁安撫之後亦皆各安鄉土止
以土豪互爭產畜時相讎害其間李文彪輩若有司
人文紀畧

卷三

奏

卷三

撫之有術亦皆不肯輕出爲亂今之所傳姓名或者
流賊假托以恐嚇人心或非本實卽有之亦或乘機
竊出必不遠離臣愚以爲此輩當從省諭招撫以准
停徵其餘被害稍輕地方酌量遞減仍乞聖諭申重
令其嚴督有司多方撫綏禁無名之役革里甲之費
緩積逋之征寬科罰之令出給榜文通行曉諭以賑
百姓之急以安反側之心則困疲之民皆仰知聖天
子憫恤至意而咸安樂利邦本自爲之永固矣伏乞
聖裁

一禁奸慝夫盜賊多起於細微而安民莫先於防奸
邇者民窮財盡加以賦繁役重鄉里無賴細民寡廉
鮮恥不事耕業往往三五成群晨入夜出穿踰盜竊
以爲生計且其東串西合聯絡連郡私約連盟夥餘
十伯近年江西各處鄉賊竊發悉由於此况諸有司
每以寬厚姑息爲仁治屬以盜爲諱俱謂爲盜竊罪
不至死而其連盟夥類又復爲之夤緣活免彼無知
細民見負罪者未必死也倣效成風黨類日衆遇有
大賊生發輒復投入爲之鄉導勾引近日流賊之脅
人文紀畧

卷三

從增多奸細之供吐姓名多屬鄉土之民其已事可
見也故欲弭盜莫先於禁奸慝欲禁奸慝莫先於行
保甲之法俾十戶相鄰戶有長十家一牌牌有稽八
諸商旅人等與夫遊食之民皆得時報有司隨其住
之久近而譏察之其有不務生業潛爲姦宄者互相
舉覺雖小不貸否則連坐此蓋先時已行之良法也
近者亦多議行但有司多以虛文搪塞未能實心奉
行罔有成效伏乞勅下該部轉行撫按嚴督有司着
實舉行務令城市鄉村挨次排編日有省月有報令

解之里長與夫巡捕等官爲之約束稽察如有奉行
不至及違抗不遵者坐以重罪而又嚴竊盜之令重
連坐之法庶奸慝自無所容盜賊爲之潛息矣伏乞
聖裁

卷三

卷三

議處運道以裕國計事

陳慶

臣竊惟我國家定都于北財賦取給東南而江南之運率由淮陽以入運河以達于京師是淮陽爲京師咽喉其地所係至重故淮上設漕運都御史及叅總等官所以防護其轉輸使之通流不匱意甚遠也頃年倭寇爲亂糧船泊瓜州者曾爲賊所焚燬以今日事勢觀之則又大有可憂矣何者今年四月賊浮海自江北呂四場登岸不過千餘人耳其通泰叅將駐紮通州者不行督兵海濱堵截擊殺賊遂突入淮陽

人文紀畧

疏

李

卷三

圍山則泊于瓜儀者可虞也自江北海口登岸則次於裏河者可虞也如此不急爲之處得乎臣以爲制近必慮乎遠若但苟且于近圖將不幾矣故欲孟濱河無虞則如前南京吏科給事中張師載議處江防事宜謂當於狼福添設總兵兼統通泰其議似可行也故瓜儀無虞則如臣前所題謂當以兵貳鎮操江出駐鎮江以守圖山鎖長江之要害其議似可行也欲裏河無虞則如國初設備倭指揮之制凡備禦之官毋得堅城不出當督率軍兵於海濱晝夜巡視倭賊若來則堵截擊殺不許登岸然後裏河可保無虞也夫使備禦等官但以守護城池爲名不顧地方受害使賊越此往彼如入無人之境則將焉用此爲矣如此即當以失事罪之庶人無規避之巧賊不能縱長驅之勢遠近相制糧運可通行矣再照自昔要害重臣委任率多歷歲是以李牧備邊趙克國破羌皆以積累而成功夫牧與克國無倖成避難之心而當時操用人之柄者亦明習國事而不輕遷轉之也今前任漕運都御史蔡克廉在鎮曾不數月即以

人文紀畧

疏

李

卷三

臣戶部侍郎此臣所未解也夫克應以江而遷
轉漕運謂其才能足以稱任使也今海氛未淨
未過而輒遷轉近日淮陽之人稱其經畧可展然未
一觀其成效使果如所言則其去也殊可惜也夫克
廉去而代者至適當倭賊入境士卒非夙撫人心無
素結欲其不失措置也難矣又往冬北 犯遼東我
兵失事甚大草野之人皆知諸酋必效尤今年必肆
搶擄但不意方春深入近畿地方如是之甚耳夫當
醜虜萌動之時而邊方重臣如賈應春江東輩後先
人文紀畧 卷三

遞轉內職此何說哉或謂二臣久任于外勞逸固當
均之則今日事勢至此似亦所難惜者古人有言苟
利社稷身當之可也如以久任資序當遷則加其官
爵增其廩祿以酬之亦無不可也何虜騎方充斥而
遂遷轉不顧耶臣待罪南京戶科深慮漕運不可不
防又見南倭北虜勢甚猖獗凡督撫重臣不宜輕易
故輒敢冒昧塵瀆天聽如蒙皇上以臣言不謬乞勅
下兵部議覆咨行浙直督撫操江諸臣督令叅總分
兵布列要害如狼福圖山呂四場等處防禦截殺毋

得使賊越其信地其添設狼福總兵及增補各要害
之兵亦亟爲議處仍乞勅下吏部凡要害督撫重臣
務久任以期成功則於今日事體爲便天下不勝幸
甚臣無任隕越待罪之至

條陳時務疏

鍾倫芳

奏爲今日滅寇莫切於用人敷教以正人心以作忠志聖心猶爲知人之本事臣草莽微賤痛擊時難伏血泣心苦懷耿耿頂踵莫殉伏惟祖宗養士數百年於茲加遇皇上宵旰勞心饑渴求人一何起而應皇上之求者落落晨星身負國恩泄泄不激廉恥道喪頃得叨對大廷人才一策於間育才用人急著粗陳其畧字格有限莫悉臣愚茲敢再佈葵忱惟皇上將臣言考之於古按之於今推之以理究之以勢採擇而亟行之庶幾革薄從忠人才將起寇賊奸宄蕩滅有期饑渴之思有時而解也臣嘗讀孟子猶七年之病求三年之艾之語而知整亂奏平不容再緩今日之事是也以今日之事諸臣之奏疏爲皇上安邊固腹練兵足餉計者填廷溢闕周悉無遺然竊皇上焦勞者十六年行之罔效已見於前事矣請求其故由臣愚觀率皆爲焦頭爛額之客爭於其末而弗循其本以是皇上日日望治年復一年竟無成功此策不効乃復別尋一策此人不効乃復別用一人國家之

人文紀畧

疏

筆

卷三

事譬如不知病源貿貿求醫初屢參苓不效者三黃散推數引不覺元氣僇薄也信得病本所在而藥知之則醫者至前良與弗良明如燭照服寒服熱守一意而行之始終不變斯無弗奏清寧之效矣書曰知人則哲惟帝其難皇上無念不取法高祖堯舜堯舜與高皇帝之所難諒非皇上上之所謂易也則知人其今日滅寇除奸第一根本矣太祖高皇帝嘗讀大易至聖人養賢以及萬民曰養賢非難知賢爲難而堯舜知人之本則惟在危微精一之訓臣策蕩寇除奸乃求本於危微精一說者曰迂遠而不切事情也夫天下有言之甚速切可聽而卒無成功者有言之甚迂遠不堪聽而計卒不能出此者大抵由五年七年觀之而其效一一可見也今日言安邊固腹練兵足餉十六年罔效此所謂言之甚速切而卒無成功者則又何惜此五年七年不亟亟早慮爲後日計也嘗讀大學但謂致知可以平天下人誰信之歷歷推求其故由意而心由心而身由身而家由家而國而天下則平天下之必由于致知萬萬不出此矣且

人文紀畧

疏

筆

卷三

臣愚之汲汲于皇上之知人者誠有見於今日中邊之患本於兵餉之不足兵餉之不足本於任事之非其人任事之無人本於平日所教非所用所教非所用本於性學不明性學不明則人心不正人心不正則忠志不生忠志不生雖使廟筭神謨疇其任之任之非人而又何疑寇奸之不可除蕩也是則倡明性學以正人心今日之務莫切於此孟子而何以得倡明性學則必有倡明性學之人在昔如伊尹之咸有一德傳說之終始典學在本朝如王守仁胡瑗若而人

之則在皇上知人之學素優而已矣此則臣愚所謂知賢奏效汲汲於皇上慎審危微精一傳者也太祖構對觀心亭成顧謂臣曰人心虛靈秉氣出入操之最難亭以觀心名不知太祖當日知何靜觀喜怒哀樂未發氣象者乃有此名太學論平天下推本於知又推本於知止未有不知至善之所在而能明德以新民者主上亦於萬機之暇靜悟此喜怒哀樂何者爲未發之中中也者天下之大本此即至善之所在也乃若中和既致朱子所謂吾之心正則天地之心亦正吾之氣順則天地之氣亦順是也誠正既致卽式民止亂莫切于此董子所謂正心以正朝廷正朝廷以正百官正百官以正萬民是也此則又不俟推致而立有效者也皇上擇中而執之夫然後日引見諸臣疇有體有用一一如燭照於前得一二有體有用之臣各舉所知用以敷教於天下使今日之士子一變套習時文之氣究心於體用之學士者庶民之首也士習端而庶民亦莫不孜孜有君父之念夫然後三年貢舉有司取材皆憤發忠志爲

國家安邊固腹練兵足餉實實有用之士臣故曰

寇除奸之本在正人心正人心在端教化端教化則

得人而行之得人在知人知人在皇上遠接堯舜危

微精一之訓近接高皇帝觀心之法也有言者曰今

日之天下何暇及此堯舜之世洪水浩天苗民逆命

夫亦極千古未有之亂矣何以惟十六之爲兢兢孔

孟之日天下相尋於干戈久矣豈孔孟不欲爲富強

而一則曰德禮再則曰軍旅未學一則曰仁義再則

曰有人曰我善爲陳戰大罪也我善足府庫大罪也

人文紀畧

卷三

三

且曰由今之天下無變今之俗雖與之天下若何也

孔孟非不欲富強正以求富強有萬不得不出於此

者臣痛擊時難思所以效首領者無他計惟有本之

所在而已矣且臣於性命之本雖無所窺生平積日

累月止此爲功臣之叨試進士臣不願尸位持祿願

爲皇上宣教講學四方務令人人知有君父激發忠

志乃已此臣之所以思爲皇上驅除亂賊之半臂且

夕不弛者惟皇上垂拱而垂亞施行焉臣不勝冒昧

圖報之至

諫造兵器第一啟

鄒升

洪武三十年十二月初一日開封府儒學訓導臣鄒

朴謹言臣聞順理則安爲善最樂古之賢王常以此

爲守國之要道也然則所謂順理爲善者無非尊朝

廷守法度篤孝友盡臣節數事而已亦嘗以進於殿

不矣而近者又聞收買福鐵科派牛皮抄造紙札將

以備治兵器造端宏大衆皆驚疑殿下以忠孝存心

必不宥別有營爲然藩屏皇室宜於鎮靜今河南之

境密邇京都既無戎狄侵邊之患又無外臣不廷之

人文紀畧

卷三

三

討殿下何故勤勞睿想以爲此於理不順之舉哉聖

上間關萬苦成此大業分茆胙土以王藩國正欲聖

子神孫順理以保萬年之福也今聖壽愈高萬機日

勤殿下誠能上體宸衷孜孜爲善以保其國則可謂

之孝可謂之忠而臣子之職分盡矣又能念昔先懿

文殿下之德澤與今儲皇殿下之仁慈而盡忠隱焉

則親親之義篤矣此守安國家之大本也又何在於

甲兵之堅利哉夫不可生者心之幾不可萌者事之

幾殿下若如此措爲則臣恐此幾一萌朝廷聞知其

將何辭以對乎聖上英武雄斷必不肯以私恩害公義也殿下宜深思臣言不然他日悔將晚矣臣一介儒生所讀者聖賢之書所守者綱常之理若有所見而不言則爲不忠而負其所守矣殿下察其犬馬之誠而從之可也臣不勝惓惓不勝惓惓

諫造兵器第二啟

鄒朴

洪武三十年十二月十三日開封府儒學訓導臣鄒朴謹言臣近者進言脩造軍器爲不順於理異日悔將無及蒙殿下諭臣謂所脩者舊甲不滿千副不一

人文紀畧

敬

卷三

三

二日當罷工矣臣私竊自喜以爲從諫如流古昔賢王之事也今又於殿下見之矣而旋聞取集人匠動以千計科派物件源源不窮將命徵求之使道路旁午臣民間之不寒而慄而左右之人方且謂臣等迂闊無知出位妄言以誤國事致令睿志牢不可易此等之徒臣亦聞之矣或昔嘗事張氏者比事方氏者此皆亡國賤俘秉心不良殿下使居護衛猶爲不可況可聽其言議乎亡國之大夫尚不可以圖存況卒伍小人輩輩賤流哉殿下若不察臣言則此輩必引

踰失道陷殿下於非義矣今臣爲殿下計之兵革決不可擅脩朝廷決不可不尊法度決不可不守臣節決不可不盡親親決不可不篤邪言決不可聽納忠諫決不可不從若或不然臣恐患起蕭牆殿下將何以對皇上乎臣本愚直不識忌諱固知言出禍隨但念陸贄有云不忍上負朝廷下負所學臣學固膚淺矣抑寧肯誤殿下哉臣不勝惓惓不勝惓惓

諫造兵器第三啟

鄒朴

洪武三十年十二月十五日開封府儒學訓導臣鄒

人文紀畧

敬

卷三

三

朴謹言臣本儒生固爲迂闊無知然君臣之義綱常之理亦嘗講之矣爲國家者舍此將何以爲本哉今殿下於軍器之役若不罷止則於天理爲不順綱常爲有失臣節爲有缺法度爲不守矣其將何以教臣下乎夫保國家如寶重器焉恭敬小心以奉持之猶恐有失况肆志妄動乎殿下若果信群小之議則此役必不罷此器必難保臣爲殿下惜之惜之

望陽人文紀畧卷之四

於陵李聯修先生鑒定

後漢書卷之編輯

同男 受七襲較

序

內制集序

昔錢思公嘗謂朝廷之官雖宰相之重皆可難以他才處之惟翰林學士非文章不可思公自言爲此語頗取怒於達官然亦自負以爲至論今學士所作文書多矣至於青詞齋文必用老子浮圖之說祈禳祕

人文紀畧

序

一

卷四

祝往往近於家人里巷之事而制詔詰取便於宣讀常拘以世俗所謂四六之文其類多如此然則果可謂之文章者歟予在翰林六年中間進拜二三大臣皆適不當直而天下無事四夷和好兵革不用凡朝廷之文所以指麾號令訓戒約束目非因事無以發明矧予中年早衰意思零落以非工之作又無所遇以發焉其屑屑應用拘牽常格卑弱不振宜可羞也然今文士尤以翰林爲榮選予既罷職院吏取予直草以目次之得四百餘篇因不忍棄況其上自朝廷

內及宮禁下暨蠻夷海外無事不載而時政記日曆

與起居注舍人有所畧而不記未必不有取於斯焉

嗚呼予且老矣方買田淮潁之間若夫涼竹簟之暑

風驟茅簷之冬日睡餘支枕念昔平生仕宦出處顧

瞻玉堂如在天上因覽遺藁見其所載職官名氏以

較其人盛衰先後孰在孰亡足以知榮寵爲虛名而

資笑談之一噓也亦因以誇於田夫野老而已嘉祐

六年秋八月二日廬陵歐陽修序

外制集序

人文紀畧

序

二

卷四

慶曆三年春丞相呂夷簡病不能朝上既更用大臣銳意天下事始用諫官御史疏追還夏竦制書既而召韓琦范仲淹於陝西又除富弼樞密副使弼仲淹琦皆惶恐頻首辭讓至五六不已手詔趣琦等就道甚急而弼方且入求對以辭不得見遣中貴人趣送閣門使即受命嗚呼觀琦等之所以讓上之所以用琦等者可謂聖賢相遭萬世一遇而君臣之際何其盛也於是時天下之士孰不願爲材邪顧予何人亦與其選夏四月召自滑堂入諫院冬十二月拜右正

言知制誥是時夏人雖數請命而西師尚未解嚴京東累歲盜賊晁後王倫暴起沂州轉劫江淮之間而張海郭貌山等亦起商鄧以驚京西州縣之吏多不稱職而民弊矣天子方慨然勸農桑興學校破去前制以不次用人哀民之困而欲除其蠹吏知磨勘法从之弊而思別材不肖以進賢能患百職之不修而申行賞罰之信蓋欲修法度矣予時雖掌誥命猶在諫職常得奏事殿中從容盡聞天子所以更張庶事憂閑元元而勞心求治之意退得載於制書以諷曉

人文紀畧

序

三

卷四

訓勅在位者然予方與修祖宗故事又修起居注又修編勅日與同舍論議治文書所省不一而除目所下率不一二時已迫丞相出故不得專一思慮工文字以盡導天子難論之意而復誥命於三代之文唯夫學者文章見用於世鮮矣况得施於朝廷而又遭人主政治之盛若修之鄙使竭其材猶恐不稱而况不能專一其職此予所以常遺恨於斯文也明年秋予出爲河北轉運使又明年春權知成德軍事事少閒發嚮所作制草而閱之雖不能盡載明天子之意

於其所述而得一二足以彰示後世蓋王者之訓在焉豈以予文之鄙而廢也於是錄之爲三卷予自直閣下倅直八十始滿不數日奉使河東還卽以來河北故其所作纔一百五十餘篇云

歸田錄序

歸田錄者朝廷之遺事史官之所不記與夫士大夫笑談之餘而可錄者錄之以備閑居之覽也有聞而誦余者曰何其迂哉予之所學者修仁義以爲業誦六經以爲言其自待者宜何如而李蒙人主之知備

人文紀畧

序

四

卷四

位朝廷與聞國論者蓋八年于茲矣既不能因時奮身遇事發憤有所建明以爲補益又不能依阿取容以徇世俗使怨嫉謗怒叢於一身以受侮於羣小當此驚風駭浪卒然起於不測之淵而蛟鱷龜鼉之怪方駢首而闖伺乃措身其間以蹈必死之禍賴天子仁聖惻然哀憐脫於垂涎之口而活之以賜其餘生之命曾不聞吐珠噴環效蛇雀之報蓋方其壯也猶無所爲今既老且病矣是終負人主之恩而徒久費大農之錢爲大倉之鼠也爲子計者謂宜乞身於朝

遠引疾去以深戒前日之祇而優游田畝盡其天年
猶足竊知止之賢名而乃徘徊俯仰久之不決此而
不思尚何歸田之錄乎余起而謝曰凡子之責我者
皆是也吾其歸哉予姑待治平四年九月乙未歐陽
修序

思穎詩後序

皇祐元年春予自廣陵得請來穎愛其民淳訟簡而
物產美土厚水甘而風氣和於時慨然已有終焉之
意爾來俯仰二十年間歷事三朝竊位二府寵榮已
人文紀畧 序 五 卷四

至而憂患隨之心志索然而筋骸憊矣其思穎之念
未嘗少怠於心而意之所存亦時時見於文字也今
者幸蒙寬恩獲解重任使得待罪於毫既釋危機之
慮而就閒曠之優其進退出處顧無所繫於事矣謂
可以償夙志者此其時哉因假道於穎蓋將謀決歸
休之計也乃發篋橐得自南京以後詩十餘篇皆思
穎之作以見予拳拳於穎者非一日也不類倦飛之
鳥然後知還惟恐勒移之靈却回俗駕爾治平四年
五月三日廬陵歐陽修序

集古錄目序

物常聚於所好而常得於有力之疆有力而不好好
之而無力雖近且易有不能致之象犀虎豹蠻夷山
海殺人之獸然其齒角皮革可聚而有也玉出崑崙
流沙萬里之外經十餘譯乃至乎中國珠出南海常
生深淵採者潛纒而入水形色非人往往不出則下
飽蛟魚金礦于山鑿深而穴遠篝火餽糧而後進其
騰崩窟塞遂葬於其中者率常數十百人其遠且難
而又多死禍常如此然而金玉珠玦世常聚聚而有
人文紀畧 序 六 卷四

也凡物好之而有力則無不至也湯盤孔鼎岐陽之
鼓岱山鄒嶧會稽之刻石與夫漢魏以來聖君賢士
桓碑彞器銘詩序記下至古文籀篆分隸諸家之字
書皆三代以來至寶怪奇偉麗工妙可喜之物其去
人不遠其取之無禍然而風霜兵火湮淪磨滅散棄
於山崖墟莽之間未嘗收拾者由世之好者少也幸
而有好之者又其力或不足故僅得其一二而不能
使其聚也夫力莫如好好莫如一予性顯而嗜古凡
世人之所貪者皆無欲於其間故得一其所好於斯

好之已篤則力雖未足猶能致之故上自周穆王以
來下更秦漢隋唐五代外至四海九州名山大川窮
崖絕谷荒林破塚神仙鬼物詭恠所傳莫不皆脩以
爲集古錄以爲轉一作傳寫失真故因其石本軸而藏
之有卷帙次第而無時世之先後蓋其取多而未已
故隨其所得而錄之又以謂聚多而終必散乃撮其
大要別爲錄目因并載夫可與史傳正其闕繆者以
傳後學庶益於多聞或譏予曰物多則其勢難聚聚
久而無不散何必區區於是哉予對曰是吾所好玩
人文紀畧 序 七 卷四

歐陽氏譜圖序 石本

歐陽修

歐陽氏之先本出於夏禹之苗裔自帝少康封其庶
子於會稽使守禹祀歷夏商周以世相傳至于允常
子曰勾踐是爲越王越王勾踐傳五世至王無疆爲
楚威王所滅其諸族子分散爭立皆受封於楚而無
疆之子蹄封於烏程歐餘山之陽爲歐陽亭侯其後
子孫遂以爲氏當漢之初有仕爲涿郡太守者子孫

遂居于北或居青州之千乘或居兖州之渤海千乘
之顯者曰生字和伯爲漢博士以經名家所謂歐陽
尚書者是也渤海之顯者曰建字堅石所謂渤海赫
赫歐陽堅石者是也建遇趙王倫之亂見殺其兄子
質以其族南奔居于長沙其七世孫曰景達仕于齊
不顯至其孫顏顏子紇仕于陳紇子詢詢子通仕于
唐四世有聞遂顯自通三世生綜爲吉州刺史子孫
因家于吉州自琮八世生萬又爲吉州安福令其後
世或居安福或居廬陵或居吉水而修之皇祖始居
人文紀畧 序 八 卷四

沙溪至和二年分吉水置永豐縣而沙溪分屬永豐
今譜雖著廬陵而實爲吉州永豐人也蓋自亭侯蹄
因封命氏自別于越其後子孫散亡不可悉紀其可
紀者千乘渤海而已千乘之族自生傳八世至欽子
復無後世絕經不傳家其他子孫亦皆微弱遂不復
見而渤海之後獨見于今然中間失其世次者再蓋
自質奔長沙至于景達七世而始見自琮至于安福
府君又八世而始見其後遂不絕安福府君之九世
孫曰修當皇祐至和之間以其家之舊譜問于族人

各得其所藏諸本以攷正其同異列其世次爲譜
一篇自景達以後始得其次叙

譜例曰姓氏之出其來也遠故其上世多不
譜圖之法斷自可見之世玄孫而別自爲世如此
世久子孫多則官爵功行載於譜者不勝其繁宜
有遠近親疎之限凡遠者疎者畧之近者親者詳
之此人情之常也玄孫既別自爲世則各詳其親
各承其所出是詳者不繁而畧者不遺也凡諸房
子孫各紀其當紀者使譜牒互見親疎有倫宜視
人文紀畧

七賢畫序

某不幸少孤先人爲綿州軍事推官時某始生四
歲而先人損館某爲兒童時先妣嘗謂某曰吾歸汝
家時極貧汝父爲吏至廉又於物無所嗜惟喜賓客
不計其家有無以具酒食在綿州三年他人皆多買
蜀物以歸汝父不營一物而俸祿待賓客亦無餘已
罷官有絹一匹畫爲七賢圖六幅此七君子吾所愛
也此外無蜀物後先入調泰州軍事判官卒于任比

某十許歲時家益貧每歲時設席祭祀則張此圖于
壁先妣必指某曰吾家故物也後三十餘年圖亦故
閣某忝立朝懼其久而益朽損遂取七賢命工裝軸
之更可傳百餘年以爲歐陽氏舊物且使子孫不忘
先世之清風而樂吾先君所好尚又以見吾母少寡
而子幼能克成其家不失舊物蓋自先君有事後二
十年某始及第今又二十三年矣事迹如此始爲作
贊并序

花園別墅序

丁 翰

人文紀畧

十

人以地傑地以人靈如眉山古地名未著也自三蘇
居之而後著眉山之名盤谷古地名未著也自李愿
居之而後著盤谷之名今眉山之花園亦猶夫地也
隱君子郭氏其志居之於是爲名勝之地然則何如
謂之花園乎蓋厥祖季周公致翰林侍讀歸日無所
娛索奇花異卉植之園中時或縉紳士夫相過從遂
拉之賞花設宴以消餘閑及其後子孫益盛居址盡
屋惟花園原基獨存志翁從而豎小宇數十楹因號
曰花園別墅志不怠先人之遺也夫豈欲儷名洛陽

燒羹金谷耶洪武三年春翁執贄聘予處賓席訓承
子姪講習暇翁造予曰吾無所高於人惟於父母不
忘夫養於兄弟不忘夫友於子孫不忘夫教於夫婦
不忘夫和於撫世酌物不忘夫敬與謙取予不忘義
交際不忘夫信僮僕不忘夫慈與人無爭與物無患
得以優游泮渙於別墅之中先祖所植之餘花木移
置亭臺之上日與相狎其精神意趣若有甚相契者
切恐爲玩物之癖也子其有以啓予乎吾喟然起拜
曰孝弟天性也教和善物也敬義信慈淑行也以一
人文紀畧 卷四 十一

以知翁之子若孫則花園之勝名將懋昭於天下當
與眉山盤谷共傳不朽矣公曰先生之訓吾其識之
以告子孫是爲序

送僉事劉公長吾之任廣西序 曾 榮

進士之科唐宋之時以爲最盛當是時天下之士莫
不以是選爲榮然而初授以官皆不得崇品必自卑
職循進歷試其才且能然後等而上之至於顯用故
雖有英達之流亦或不免于低首下心以處末秩抑
鬱不得申其志以及垂老而聲譽有弗彰功業有弗

人文紀畧 卷四 十一

著者吁亦可嘆哉皇明設科取士尤重其選雖名甲
出身有差固爲定制然而俊髦雲合負通才鉅能者
往往有不次之擢是不亦榮且幸而執乎唐宋遺哉
吾邑東湖劉君長吾永樂戊子秋以書經領江西鄉
薦壬辰春二月上禮部會試入對大廷遂登上第歷
政於憲臺幾二年復以召至行在得授廣西按察司
僉事將赴官交遊士大夫皆爲之賦詩以榮其行且
屬予爲序夫按察之職爲朝廷耳目之司其在方面
臨乎藩府帥閫之間凡民政軍務有紊而弗理弛而

不振與夫百司吏治之得夫皆係焉必咨詢聽察之
審然後舉而行之則其設施措置皆得其宜而可以
當其任矣夫士君子被章縫搥觚牘一蹴而至玉階
之地受天子恩命着獬豸冠持玉斧乘聽衣繡出位
憲臬之上其英聲俊彩如蒼鷹健鶻拂長雲振回風
盪摩霄漢下而草中狐兔顧已震掉潛匿無復遺跡
然則是職也何其榮哉雖然長吾之志將必不以其
誇耀一時者爲自足而夙夜勤勵勉其所職思有以
副朝廷委任之重庶幾無所愧焉而所謂邦家之光
人文紀畧

序

十三

卷四

者實在乎此長吾其勗之

贈張侯渙章復任武昌序

曾 榮

吾邑張君渙章以洪武丁卯由邑庠貢大學日有名
又六年予方入鄉校未獲識荆然於常所交游熟聞
其爲人心愛敬之時君方蒞戎幕未幾以憂家居始
得相見瘳重藹默不事表暴詞氣溫溫余益信所聞
而深敬之又四年丁丑君以勞陞帥府幕長益有聲
譽又四年辛巳改授武昌同知得歸省丘墓相遇於
學官藹然如初見時又四年爲永樂乙酉君以考滿

來京師而余亦濫官於朝得周旋於寫合傍詠譚咲
惓然而再見時余深知君爲恒德君子矣君再任武
昌朋游皆賦詩送之而屬余叙余聞武昌爲三楚之
首麗吳楚巴蜀之衝舟車冠蓋之會藩憲所臨奔趨
期會之煩簿書發召之冗爲政於此者率皆大窘而
君治之一以簡靜無赫赫之威無峻急之政而民皆
安之故語曰鳳麟之爲瑞也不鷲不狎而飛走之類
爲之後先其卽渙章君政以寬平樂易而民化者歟
是行也邇長淮浮青湘登黃鵠之磯武昌之人士必
人文紀畧

序

十四

卷四

引領而望曰張公之復來也吾徒有所依歸矣其父
老童穉必迎拜於道左曰吾徒有所倚庇而爲生也
則君之譽日彰業日著登庸廟廊高步寥廓可坐而
策也豈特武昌之民稱頌倚需而已哉

贈張君渙章之任兩湖鹽運序

曾 榮

鹽之貢見於禹書至齊管仲實倚之富國漢時始置
官以典其務自唐宋元皆因之國朝兩淮兩湖河東
福建河間則設都轉運而廣東海北雲南四川諸井
則有提舉之司而轉運司之職有運使同知運判以

統益卒之政淮湖號爲劇地然兩湖所統三十六場
皆設官鹽夫以戶計者五萬四千五百四十有七以
丁計者七萬二千九百五十有二歲收鹽課以引計
者二十二萬二千三百八十有奇瀉鹵之地大熬波
之利溥故運司之政益繁且劇非有通才鉅能練習
之士以居其任則不至於龐茸紛紜而弗治者幾希
吾友張君渙章沉默而端莊寬厚而慈惠洪武丁卯
由庠序以明經貢禮部補大學生卽有能聲用選上
吏部三歷在京衛幕甲兵之政脩而簡牘之事舉大

人文紀畧

序

十五

卷四

得世譽陞佐武昌罷事再調徽州蒞官宇民克稱職
任九年秩滿上行在遂拜兩湖都轉運鹽使司同知
將赴官士大夫皆賦詩榮之而中書舍人陳葵訓謂
余宜爲之序夫煮海之利以佐國家之用蓋從古而
斯而當是職者尚寬厚則並緣侵漁以積奸蠹之孽
任明察則煩苛瑣細以成培刻之政故桑弘羊之徒
雖以是得名而不見稱美於後世者良以是歟渙章
君才能夙著數歷中外其於是任必能上副朝廷任
官之意謹斥鹵之政收衍贏之利去奸剔蠹綜理明

嚴以無愧其任則其顯榮光大又豈如是已哉國書
于羣玉之首

澹交堂契會詩序

曾 榮

永樂戊子余因翰林歸過故舊而蕭君仲璋仲璉相
與設宴於其家孟冬維時天氣和煦親朋旣至羣季
在列酒半仲璋謂余與鄧君時俊皆宦遊而歸高汝
璉劉公鐸鍾大儀黃希仲傅仲球張行恕劉秉琮皆
將赴春官魏汝平黃用先陳秉孚劉貞固余弟鼎皆
縣庠之秀者而其兄弟又皆幸際昇平得相與雍容

人文紀畧

序

十六

卷四

揖讓於樽俎之間以盡一餉之歡豈非至幸烏可無
述以紀之乎迺取昔人一年好景君須記正是橙黃
橘綠時爲韻分而賦之得詩凡十四首且謂余宜序
之嗟夫古今宴會之盛若金屏繡褥雕盤綺鏤絲匏
沸騰鍾鼓間作酣觴擊筑歌呼淋漓非不樂且適會
不轉瞬而聲沉影寂漸滅無聞此何異飄風之過耳
哉求其若蘭亭之會香山之宴清風逸氣至于今灑
然六合之間者未易多得余與鄧君俱獲致用於時
今茲復得暫申桑梓之敬而諸君之蜚聲詞場思樂

泮水與夫仲璋兄弟克享安富之福以與貴游宴樂於此者豈非遭逢國家雍熙無事之時而歟歟使今之作果能有傳於後則亦安知其不與蘭亭香山相爲照映於無窮殆非徒取適於一時而已也

朱氏族譜序

曾 榮

族之有譜尚矣古昔先王所以辨姓氏族屬明長幼親疎所係甚重也故有大宗小宗之法局以藏之官以掌之由是源流有據氏族有別而親疎之道行焉三代以還宗法不講圖譜失官五胡亂華衣冠雜散人文紀畧

序

七

卷四

自是而後世家大族之有子孫能不至相視如奎人者幾希可勝嘆哉吾友朱君邦升以其家譜示余俾余言以冠其篇首余與邦升同里閭又嘗同硯席不敢辭按譜朱氏陸終之後陸終子安周封其裔於邠春秋時爲楚滅子孫去邑爲朱世家于沛由漢大司馬翊若千傳至卓避黨錮之禍徙丹陽卓若干傳至葆允徙長沙子昂嘗至廬陵白水樂其地之勝因家焉寶五代時也昂十傳至廷佺建炎間徙永豐至邦升又十世矣今朱氏世系之詳具載舊譜其自居永

豐之後則未及修輯而增益之邦升懼其久而弗將遂湮微大非所以承先世而裕後昆也於是自白水而上至廷佺以下枝分派析昭穆詳明尊卑有序藹然尊祖敬宗之心燦然水木本源之義邦升可謂知所重矣嗟夫膏沃者先燁源深者流長朱氏之先積德累仁其來有自宜其蕃衍盛大世濟其美矧邦升遂於經術兩領鄉薦一魁多士抑豈非積善餘慶之所鍾歟朱氏之子若孫繩繩螭螭襲軒冕之光華續箕裘之舊業富貴福澤庸可既乎詩曰子子孫孫人文紀畧

序

六

卷四

弗替引之余深有望於斯譜

徐氏族譜序

鄧時俊

家之有譜猶國之有史以垂政治之得失人才之賢否國家之盛衰爲千萬載之鑑式也家有譜可以考見宗祖昭穆之序子孫世次之源而起千萬載之孝敬也噫史也譜也其義一也洪武予登進士第鄉先生徐公用巽任侍御史於予爲先達公嘗出示其家譜謂予曰予本豫章沙村人爰因舊譜遭五季兵火殘闕失次幸有先世教授公搜求先後世次名實編

次成帙昔草廬先生嘗爲序之今重修成未有序以續其後予以鄉先生之命誼不可辭按其舊譜由沙村嬾居吉水虞氏自虞氏徙居永豐之北門子游鄉族時嘗與徐之諸君子交好徐之殷富甲於鄉邑名於族譜列其代圖別其昭穆歷歷斷自可知者始其間具載登名仕籍者又凡若干人炳炳烺烺照耀後先某爲某代之祖某爲某世之孫俾後之子孫一覽斯譜如入家廟而親見其祖宗之儀型也用巽之功

人文紀畧

序

九

卷四

于是爲大矣探其所修一本乎舊自源而流由本達支世次明而正統無謬妄所謂統之有宗會之有源徐之子孫富實斯譜於不朽不啻若連城之壁照乘之珠可也重以先達之請書此以歸之云

言志彙序

習 韶

詩以道性情其言則有古今之異然而情出於性性本乎天天之生物無古今則性情亦宜不甚相遠也奈何時世漸降體製隨異人文好新造辭者始祖於時態不能游泳性情之深遠矣然因時而適其所止

盛唐諸公亦未嘗不從容於風雅意興而何有塵陋之習哉揭文安公云天下文章莫難於詩此可與知者道也余生始弱冠卽慕爲詩禿髮今種種向白近發舊彙錄其可讀者得若干篇其中不滿意者又十五六然不忍棄焉不知後此十年更何如嗚呼其難矣乎大抵詩者乾坤清氣無時銷熄故雖變古而爲近體然近體之超然高逸者亦未嘗不臻其域要在詞氣渾厚深長不事鐫刻若以纖巧爲詩吾未見其能也唐以來善鳴詩者莫如杜子美善許詩者莫如劉會孟嚴滄浪其言曰詩之精切者小兒之所謂對句也曰詩不必可解滄浪曰不必大著題不必多使事二者皆近日詩家之蠹知乎此則可與論詩矣嗚呼大雅之不作矣漢晉亦不復登矣詩之道必以盛唐爲躋詩而不唐不謂之詩可也友人王中美章子愚楊季衡雅知詩將求其繩墨刊斲之故既謾錄成卷而復述此以告之云

朱氏族譜序

劉 素 採花 修撰

朱君邦升里之世族也予未游鄉校時君已登俊造

領薦薦入胃監燁然有聲縉紳間洎登會元進士第
同予林環榜也是年卽遴選入中秘書修永樂大典
始得同朝夕出入未幾君以外艱去今年服闋來朝
不數月大典告成聖天子厚加賞賚銓授有差而邦
升舊以欽舉陞官聞出其譜示予俾廁一語于後顧
余言奚足爲斯譜重輕然讀之使人起敬而嘆朱氏
之世有偉人也是焉可無言乎按譜出自顧頤子孫
去邑爲朱家于沛漢司馬期數世至卓徙丹陽後又
徙長沙至于昂遊廬陵愛吉之白水川陸之勝因家
人文紀畧

王

卷四

之允榮箕裘之繼紹庸有紀極哉但使子孫益賢而
顯能思允昭祖宗千百世猶一日此邦升之心抑賢
達所望也邦升有子若孫皆知務學其能廣令聞之
秘蓋未艾也予日望之

映暉樓詩序

鍾

復
採花
修撰

人文紀畧

序

王

卷四

爲昂八傳至廷佐宋建炎間徙永豐至邦升十世矣
邦升懼家譜久而弗修則子孫莫知所從出非所以
續前烈垂後昆之意也廼斷自廷佐以下可知者續
而緝之質而不誣明而不紊秩然本本而水源則其
本正矣嘗謂天下古今之能不譜他人以耀者二人
焉狄公襄之不譜梁公歐陽守道之不譜六一公此
其識見超異迥出流俗非衆人所能及者今朱氏世
德之積累詩禮之承傳其澤之流沛益著于後邦升
經術邃明科目大顯自茲以往當未可量他日簪紱

既塋塋壙惟其塋堅茨若作梓材既勤模範惟其塋
丹雘蓋以成始成終匪一人之力所能爲也今汝冲
之尊甫既能植立其家萊堂創樓以爲宴賓之所間
有光矣而其兄弟不獨能成父之美而又能新斯樓
於堂之左壯固雄偉視昔有加其有光於厥考爲何
如談想夫東方既明旭日上升丹雘流頽登斯樓也
明窓熒熒朱光爛盈眩人目瞻而中堂旁樓同光交
映不相離而相承是宜各以聯暉而見之歌詠也世
之爲人子弗有堂構而父志不獲善繼者視汝冲父
人文紀畧 序 三 卷四

孝友堂詩序

鍾復

事有係于天下而不可必得者有在于已而可以自
盡者何也蓋父母俱存兄弟無故人所深願者也而
得失在天焉孝于親友于兄弟人心同有是理而盡
之在于已焉不可必得而得之可以自盡而盡之藹
和氣于一堂全順德于一心其爲樂也莫大焉吾永

厚雍睦庭無間言有曰嗣孔者薰然其和望然其美
借兄日烜弟續頽傲會皆克世其家躬行孝弟以順
二親其尊甫萬紀暨母孺人俱康強無恙顏如渥丹
力如少壯而家又饒於貲旦夕之養必具其旨嘉時
吉日則散華堂列圖繪可喜之觀兄弟先後捧觴稱
壽儼若鴈行怡怡愉愉雖墳簞迭奏其和莫是過也
風和景明則侍二親優游盤旋於園林之場翳密竹
之清音聽微風之遠響親心既樂而兄弟益懽雖萊
人文紀畧 序 三 卷四

承溜輿之娛未能或之先也今年來京師告予曰嗣
孔兄弟無愈於人但幸二親俱存得致旦夕之養以
庶幾子戢家寧以孝友名堂祈內翰一言以張之乎
予聞而喜曰君子樂道人之善而况於孝友乎因合
吾黨賦詠以美之而爲序其端夫孝者必友友者必
孝然必兄弟既友而後父母其順使兄弟不相好則
弗親心而無以致其樂則雖溫被扇枕亦不足爲孝
矣嗣孔兄弟孝其得乎人所難得者於天焉同氣而
叙天倫盡所能盡以慰親心可謂孝多兼盡者矣而

其子弟且駸駸向學他日出爲世用必能以其得于庭訓者施于政治之間則益有以光大乎此堂而將延譽乎天下後世矣詩曰高山仰止景行行止爲聶氏子孫者尚其勗哉

望雲思親詩序

鍾復

君子於其親無時而或忘故隨其目之所寓而心之思動焉昔狄梁公登太行見白雲孤飛悵然久之曰吾親舍其下雲雖無與於親而目之所寓在于雲則思親之心隨之矣後世仁人孝子篤愛其親者常感

人文紀畧

序

五

卷四

梁公之事而興起於千載之下者非要譽而然心一故也吾永豐航溪楊得所氏溫純謹厚孝於二親今年以事寓於京每自恨身在數千里遠旦夕之養曠見白雲悠揚輒惆悵徘徊知者咸以孝稱焉其間命畫史繪雲物於畧題之曰望雲思親能詩者賦詠以美之詩既就因請予言序其端夫雲乃天之氣爾舒卷變化固無定體人子於親豈獨假此而與其心之思乎蓋身在異鄉關山修阻凡故土之物目之所不

及惟雲在天遠視若近雲雖非一鄉一邑所可專之然望之於南則知吾親之舍在於雲之下矣雖不能羽翼手足以至親側而心神之馳已與雲俱親舍奚遠哉此梁公所以感於太行而得所又因之而感於京師也嗟乎愛慕其親出於良知良能不以古今有間梁公雖貴爲名臣而其心無異今人故望雲思親請之梁公可也謂之得所亦可也諸君子相與歌詠不能已於言者殆亦是心之發而同於愛親者歟予哉樂道其美而序之

人文紀畧

序

五

卷四

陳氏族譜序

張嘉會進士御史

永豐陳氏其先世居於汴矣厥祖鉸公爲宋監軍使宋室南渡而公仗節從太后孟駕至恩江鎮入而居鎮焉鎮時有尉司衙遂爲衙背陳氏宋周益公嘗爲之跋矣其十一世孫丕緒仲斐丕時持其譜以示於予予曰知是義者其知昌世之道乎蓋報本及始祖德宗功人道之始終備矣然此道不明於是固念一本之親以致孝思之情故親疎罔辯尊卑混淆而昭穆失序甚至相視以爲途人此悖逆之道也奚以昌

其世今諸君敦行孝弟念先世之遺澤而思
本之親蓋欲聯其疎而合其親辨其尊卑而明其昭
穆使不至於途人之相視是能報本反始追祖德宗
功而致孝思也豈不足以昌其世乎夫能念祖而思
其族諸君之貽謀雖善矣然按之歐蘇譜牒一惟稽
於其所可知不知而妄冒者則有所不取焉今觀其
譜代居長安者則闕其世惟以鉅公爲恩江之始祖
遷潁中徙廬龍徙九江徙楚則爲今日分遷之勢而
牽引附會者不書是又能明乎宗法而不及於冒妄

人文紀畧

序

三

卷四

尤善於尊其祖者矣易曰天與火同人君子以類族
辨物言類而有辯也諸君其得於斯乎若夫冒攀要
疎貧賤不過爲今日目前族屬一時之觀如後世之
指議何昔者崇禎之祖汾陽已足貽笑天下其他富
貴如金張許史杜韋崔盧卒亦春花秋夢幻滅無聞
焉耳安能顯于今日也哉諸君欲昌其世當以一本
爲旨又以古人往事爲鑒庶無辱於爾祖揭陽太尉
景德且無忝于陳之先人太王者矣因而爲之序焉

贈徐彥杞金陵南還序

朱

縉
翰林

金陵官闕之壯固山水之都會爲江南佳麗地也鍾
山龍蟠而壯峙石城虎踞以西向大江洶湧以東流
鳳臺牽津而南起此天下之至美極麗者莫過金陵
人人得而知者矧今天下文物之盛賢材之萃雲蒸
而霧湧水湧而川匯者孰不揚眉吐氣據忠效勞以
祈報稱之效也永豐城北徐氏爲邑著姓族大以蕃
子孫彬彬詩禮相承代有賢哲天朝鼎定金陵旁求
俊乂伯澄首膺鸞薦晚年筮仕擢陞褒城令敦行才
敏政績懋著民咸德之彥杞其從兄也生有異質順

人文紀畧

序

三

卷四

然而秀粹然而清襟度瀟灑飄乎有遐舉之志適
以事至京將歸故鄉謁予官署以叙別懷予與彥杞
少相友善倏然相見於千里之外以篤鄉邦之好以
叙友朋之情樽酒聚歡廣吟唱載言載笑殆不忍
匆匆別去迺竊仁者贈言之意以送之余惟金陵帝
王之都也天下之英才莫不宦遊於此天下之舟車
莫不會同於此天下之商賈莫不貨殖於此予以登
鳳城而歷夫香街紫陌以觀五雲官闕之壯麗宗廟
百官之富以廣其見聞而豁其心目者爲何如哉今

之歸也扁舟載月對景留題望五老之雲峰棹南
之雪浪直抵平青原白鷺之上葛溪邑城之北以壽
其親以叙契闊於族黨姻戚則其喜慰奚有涯涘哉
於其歸也申以送之

黃氏重修族譜序

黃卓

家不可以無譜譜所以致尊敬明世系篤宗族別親
疏此吾氏族譜所當修也稽之於古周公於七月詩
陳后稷以及先公太史公自叙起重黎而至程伯班
孟堅傳序於闕穀而止班壹蘇老泉推本於高陽皆

人文紀畧

序

三

卷四

自其一人身以至於後瓜瓞相因矧可缺於終而不
知也吾氏得姓自顓帝曾孫陸終之後封於黃黃亡
因以爲氏其後有春申君歇相楚封邑益盛而子孫
居楚者往往衆多而顯迨至宋大中祥符間有曰異
自嶽州華容徙居撫州崇仁之巴塘異四子長用先
徙恩江之上生用先二子長世英徙遷鸞之碧塘世
英五子中曰昇生公讓徙野溪二子曰威曰式厥生
選式生通邁自是以來宗族繁夥閭閻相接以言夫
科第顯要者代有其人詩書者疊疊不絕易曰積善

之家必有餘慶觀於吾宗可以徵斯言矣三世祖道
嘗叙世次九世族祖子德既圖之十二世叔祖克敬
欲承前志驅迫仕途未果然幸祖宗靈貺俾吾諸父
兄弟爲之倡率厥修爲之編次可謂善述善繼者也
譜鐫成沂而自上生巴塘嶽州以上則第爲一派流
而自野溪而下則爲三派以三世祖選通邁三書院
爲題曰下中上三書院派蓋因舊譜爲例抑以敘大
宗小宗之法而正本始之道在焉修之嚴非族不得
冒入同姓不至失親媼非儷則黜窮無告則叔墳塋
人文紀畧

序

三

卷四

挽進庵先生詩序

鍾復

士之德行文章克而潤諸身推而淑乎人者可以方而至也若夫躋祿位於崇顯永壽齡於耄期則繫乎天之所命非已所能必亦非人所能損益於其間也養諸已者厚裕諸徒者深而天所以報之者有不及則知者不能不扼腕焉若雲夢縣學教諭進庵黃先生是已先生諱卓字退省進庵則別號也自少知力學貫穿經史百氏以所業授徒率底於成永樂戊子以芴領鄉薦辛丑會試以詩廷對賜同進士出身歷長沙雲夢兩縣教諭年甫六十而卒人皆惜其餘於人文紀畧

序

三

卷四

德行文章而劣於祿壽爲可傷也於江府學教授廬陵孫君宜鉞嘗遊先生門聞計既設位而哭不御酒肉久之又徵詩于縉紳大夫士以寄其哀此以發文來京屬予序其端嗚呼若先生之德之學宜得高壽顯位而乃止於斯豈非命耶然君子疾沒世而名不稱位之崇卑年之修短非所計也先生之清才令德固足以名後世而諸君子詩以哀之俾鄉黨州閭習聞傳誦久而不忘又孫君所厚先生之盛心也昔太史公謂夷齊得夫子而名益彰顏淵附驥尾而行

顯閭巷之人必附青雲之士而後施於後世若子之荒陋固弗克爲先生延譽而諸君子之詩一倡三歎而有餘音所以永先生於不朽者尚或有賴於此乎

新刊歐陽文忠公全集後序

彭

勗

進士
學院

海虞程君繇刑部員外郎擢知吉安府事八閱月適丁仲秋上旬行祀典畢乃以俸市特牲分祀郡之諸賢實肇舉也明旦諸賢子孫咸詣謝乃論於衆曰文忠公之文章可見者惟六一居士集板行四方全集則未之見若獲一觀誠爲至願於是胡文穆公子永

人文紀畧

序

三

卷四

肅持其家藏內閣明本以獻君既得覩之喜甚遂捐堂食資購板募工刊置郡庠之藏書閣期與四方共且屬教授鄭銅正其字之訛請勗言序諸後夫文忠公之政事與宋韓范富三公並稱文章則匹休于唐昌黎伯也豈末學之所敢評蓋昌黎伯之文起八代之衰文忠公則變乎五季習也故元揭文安公謂其正天下之宗明先王之道者爲得其要勗豈容喙於其間哉第全集之行將天下士君子有志於學者寧不欣然有感皆以公之文章政事自期待豈非程君

之惠乎子故不得以衰薄辭特述其繁如此君名宗
字源伊嘗以詩經中辛未柯潜榜進士云

贈劉君純仁之任膠州序

王壽進士知府

子鄉先輩劉君純仁以胃貢視次銓卻得判山東之
膠州典賦稅也鄉大夫士咸爲君惜子竊爲膠民慶
意以君之爲人淳厚恭謹才器宏碩承之以家學兄
弟之聯於金榜子姓之育于學校者項背相望于邑
數科第劉亦在屈指中惟君不得一第爲歎今之所
重又非君之所長何也蓋凡御物必於狙詐彼淳厚
人文紀畧

序

三

卷四

則不足于狙詐集事必于鞭朴彼恭謹則不足于鞭
朴乃惟局于事未足展其才以行其學此衆情之所
惜也子謂不然天官卿之所簡任我劉君者正所以
用我劉君也是故世道雖微而人情之好惡未始不
一彼用狙詐以籠民而民不勝其煩擾用鞭朴以治
民而民不勝其苦楚抑又不審緩急之勢而執滯不
通使民不勝其窮迫焉凡我國家賦有常制膠俗雖
鄙朴使得君以董是事則膠之民視君之淳厚將崇
信懷忠恥于偷薄而無不輸之賦矣視君之恭謹將

知禮尚義急于公上而無後時之罰矣濟之以學問
之博足以考見古今之宜緩急之方變通之術使民
無并取之困有用一緩二之規視前者之煩擾苦楚
困迫豈不大相徑庭也耶民豈不好今日之爲而惡
前日之爲也耶膠俗豈不爲一變也耶吾之爲膠民
慶豈不在茲也耶此其職也苟得大其所用舉而措
之自易易耳何賦歛之足言哉君行矣鄉士夫咸詩
章惜才播德匠學摹情各臻其妙謂壽宜爲序敬書
以俟

人文紀畧

序

三

卷四

鳳岡冊序

宋原端進士御史

鳳岡者余邑蕭氏之寓名也其冊則集詩歌之遺鳳
岡者原端子讀之曰雖離乎和哉何其善鳴也夫鳳
之鳴雉之極音之所由始也先王則之以審音制律
而天地之和昭焉此其稊何如也故岡不必鳳唯其
人焉耳鳴不必同唯其稊焉耳迺今觀諸大夫士人
之什或雅以鬯或鬱以舒或簡以達言固人人殊也
然不失爲和焉其得鳳之遺音哉曰韶樂氏何以得
此原端子曰韶樂世族產也其諸丹山焉食淡茹和

其諸吸沆瀣體竹梧之為翩翩明世其諸鳴岐鳴
阿閣焉故伏龍鳳雛古人稱之韶樂人也庸詎知其
不鳳耶鳳則親者快矣其翕然鳴且和也固其所耶
夫醴泉無源而人肯焉靈芝無本而人瑞焉以其實
不凡焉倫也唯鳳之為鳳也亦然如使飲且喙鼓且
息蹶蹶焉與衆鳥倫也則凡隴西之異夷廣之珍舉
足奇也又奚鳳之貴耶夫含精孕靈鳳固邦靈於人
也然鳳不苟倫焉此其所以為奇也人而不鳳可耶
故勵行自表者不岐鳴而瑞濁濁弗紆者不沆瀣而

人文紀畧

序

三

卷四

玉筍實錄後序

宋原端

玉筍實錄乃唐大曆謝真人修造所集至宋紹興楊
宣義圖南編梓以傳後經兵燹印板灰燼失其本真
我朝皇明撫運民物奠安時大秀嗣教李景椿訪求
是錄始得新詮符道會鄉守常所藏原印一帙遂

唐寫成編正統十一年四月景椿將印本請閣進獻
給符還山住持景泰三年壬申春景椿欲重刻以廣
其傳復恐寫本差謬走書請予校正予閱之迨遍掩
卷嘆曰嗟乎天下輿圖之廣名山勝景不為不多求
其洞天福地如玉筍者幾希矣况乎年代既久滄桑
屢更獨是山廢而復興是錄亡而幸存不有景椿專
心致力卓然有為則亦流于寂寞荒閒之濱而是編
安能再傳哉予重景椿之請特書此于錄後且俾傳
景椿之教者亦必有所昌大其宗派云

人文紀畧

序

三

卷四

送伯兄世禎南歸序

鍾同

皇帝龍飛之元年庚午同以非才中鄉選次年試春
官叨對金鑾登名進士第又次年試政柏臺是年冬
蒙聖恩擢貴州道監察御史時兄應攜妻孥不遠數
千里而來欲好之情未既而輒言歸是又次年夏四
月也鄉之宦京師者愛祖于鄰門之陽酒數行兄起
執爵覲曰弟其懋勉以慰叔父疇昔之望叔父居南
翰時常命吾與弟曰祖宗積德百餘年至吾與汝曹
叔父輩始食其報今吾職禁近汝父叔亦雅好文儒

咸日夕兢惕以修德行善冀汝曹食報于他日今弟
登進士擢侍御吾儕亦無饑寒之逼不爲不食報矣
吾之歸也求數頃之田園於浪溪之上以奉吾親以
訓吾子時閒或荷鋤而蔬或垂綸而漁優游徜徉以
終餘生吾志決矣所願者惟弟靖共爾位康濟斯世
昭甦斯民使人稱願曰幸哉有子如此幾何不慰叔
父疇昔之望乎同拜首揚言曰敬佩纓訓旣而同亦
執爵曰弟有少辭冀大兄鑒焉昔眉山之老泉以文
章鳴者而軾轍繼鳴于後咸平之蒙正以政事鳴者

人文紀畧

序

三

卷四

而夷簡公著濟美于世迄今照耀汗青聳人耳目良
可師也先君子登癸丑進士以文章鳴于翰林弟幸
托餘庇從政烏臺僚員御史兩葉簪規庶乎其可矣
然兄之歸也寧可甘于肥遁而不師古人乎直願大
兄今人與居古人與稽衣冠中動作慎博學知服近
文章砥礪廉隅旣頌于中必揚于外他日文章事業
寧不出弟之右耶庸可俾古人專美于前耶大兄寔
爾而笑曰諾言旣同拂衣而喜奮袖頓足而歌曰先
人高步兮玉堂弱弟力追兮襲餘芳難兄歸兮冀自

強寧可終餘生以徜徉俾文章今思歐黃致君今思
虞唐直與蘓呂今頡頏于父祖今寧不與有光衆譁
而言曰子之言美矣其書以爲送歸序

送叔祖士傑之任序

鍾同

歷庠翊教先生英余叔祖行也學克命季屢弗偶于
科第今年膺薦來京試內翰文合矩度爰授今職瀕
行凡交游者咸祖筵于都門外酒數行同洗爵酌酒
而白曰叔祖別同而去願少留詞以爲同規叔祖徐
曰汝其聽之不鼓踴無以越泥塗不奮激無以拔流

人文紀畧

序

三

卷四

俗吾願汝秉忠節杜賄賂昂昂然若千里之駒勿泛
泛然如水中之鳬昭甦斯民康濟斯世可也且汝父
職居禁近名動朝宁奈天不假年弗克大施良可痛
也汝其勉之同再拜曰謹受教叔祖復曰我既有以
規汝汝可無詞以開我乎同復酌而荅曰知教之興
廢而可以爲師探理之精微而可以爲儒世之居斯
職者舉名浮於實而克稱厥職者百無一二幾何不
見譽於人哉同願叔祖正已率物無爲私圖推所學
以淑人竭所能以勤教且大尹熊今之賢令有所本

知宜以咨之掌教周今之名儒有所未能宜以質之
不恃已才毋倦已教則斯職稱而不負又何見嘗于
人哉叔祖曰誦時洛陽典史叔信在坐笑而歌曰叔
祖規姪今冀服膺勿忘姪荅叔祖今宜中心允藏彼
此交珍今何用不藏歌竟衆客譁而言曰子竹林歌
詞規諷如此宜書以贈同曰唯

刻天申集叙

鍾 紐

吾邑名臣宋有歐陽文忠公國朝有鍾恭愍公羅文
毅公文忠文毅二集盛行而我恭愍公一疏尚多有
人文紀畧

序

完

卷四

未知者嘗閱皇明文衡茲疏雖已編入獨存其目而
闕其文中虛數板以跋北轅南轅每慨于心比歲庚
戌入高涼承歐陽脩齋明府諭于紐曰子恭愍族子
也盡梓其集受命服膺倏載寒暑邇者監生第某候
余信宜廼將天申集抄本來蓋吾叔剛直所嘗編次
而望于人者有年矣遂因公餘校之以付諸匠氏先
是今大司馬雙江先生欲修思江文獻索公之遺稿
疏之外僅得家乘所載贈歷庠翊教公一叙耳而東
嘉章公所謂有與六部大臣及六科十三道書詞直

理正所賦之詩甚多皆合格律無一存者徒與
今集惟有疏而叙偶未收然我公得與六一一峰後
先輝映皆不出乎此而其他固可有無也及今壽茲
猶幸存其大者後有欲採各臣言行尚得考證而文
衡緣是可補其未備譬之玉盤一角無玷不重有識
者惜不然則誌諸俱未之載數世之後能保其必無
湮也哉繹思聖謨褒嘉儒族弗克對揚寧無慚負此
更因循咎將誰任不但吾叔剛直之志荒也已矣於
乎忠孝大節秉彛矧併刻諸名筆俱美則愛信可傳
人文紀畧

序

罕

卷四

天申集哀輓詩序

鍾 鐘

英宗睿皇帝蒞天下十有四年而北狩邸王監國遂
踐祚先英宗既以嫡嗣正位青宮及廊王卽位乃更
立已子見濟而廢原立皇太子改封沂王景泰
見濟薨儲位久虛余宗姪同時爲監察御史抗疏言
宜隆親親之恩省侍上皇復立沂王東宮忤旨廷杖
未幾死於獄又載閹歲英宗復辟謂同忠義可嘉追

贈大理左丞而錄用其長子啓且賜同誥云爾監察御史乃永豐儒族前翰林修撰復之子蓋嘉同故稱其世也成化中憲宗純皇帝復官其次子越祿其妻而賜之諡國家報功之厚無復可加矣而天下猶惜之爲詩歌以哀之者自同之死以迄于今不已夫忠義者臣子之分而古今爲臣者吾見亦多矣天下無事侃侃以忠義自許一旦臨利害則但爲全軀保祿計耳平日所自許者不知其謂何也忠臣義士苟可以利天下雖殺其身而不顧身死而天下之事濟則

人文紀畧

序

聖

卷四

死猶不死也同始言人之所不敢言固以死自處矣雖儲位未卽復而身死之後天命人心終歸英宗使聖子神孫傳之無窮則同所欲爲者固當天意合人心使當時能用之則儲位復當如反掌國家無復危疑如景泰時而同亦必不死褒賞之典不待身後而始行天下不必爲同哀而卷中之詩可無作也而當時君臣不信不用其言必殺其身而後快然同以一人而爲天下後世之哀彼殺之者雖快一時之忿而來天下後世之議其所得孰多耶初同未仕時葵不

種而生其庭及丘首鵲乳于墓林雖皆白子嘗以爲忠義之士天地鬼神實臨之同所奏疏有信讒用佞之語英宗不惟不之罪而反褒嘉之余又以爲忠讜之言庸君所惡聞而明主所必賞及觀是卷又知忠誠義氣感人之深且遠者也於乎公論不明於朝廷必明於天下不明於當時必明於後世忠臣義士黜於一時而伸於萬世從古然也是集也其天下後世之公論哉故叙之

蚤秋漫稿自叙

鍾

進士

人文紀畧

序

聖

卷四

覆載間凡有聲者皆能以其聲鳴蚤微物也其鳴也亦微而韓子送孟東野乃謂大凡物不得其平則鳴故以鳥鳴春以雷鳴夏以蟬鳴秋以風鳴冬蚤雖微乃得與風雷之列殆取其鳴以時與天之生物巨細皆使之各遂其性蚤亦天之生物也其鳴雖非若風之呼號奮發足以鼓萬物非若雷之迅厲足以震乎百里亦非若鳥之好其音足以悅人之聽聞而其悲淒幽怨之聲獨於秋發之秋之氣蕭條肅殺而蚤之鳴特發於是時其秋以蚤鳴與蚤以秋鳴與吾不得

而知也意造物者實主張是耶造物者既主張是則
蛩雖欲無鳴不可得也雖然風雷之鳴造物者之所
以成其變化者也吾無間然矣鳥之鳴不一類鳳鳴
文明之祥鸛鳴則不祥蛩鳴不爲不祥既不爲不祥
孰與不鳴而必鳴者亦姑以自鳴其天耳其醜好盡
其天者可也能遂噤哉韓子乃以爲蛩亦不得其平
而鳴以况東野不得昌其學以鳴國家之盛而徒自
鳴其不幸殆亦有不平者乎余開居時學爲文不能
如風雷之神其變化不能如鳥之可悅聽聞猶若蛩
之鳴於秋焉不爲祥不爲不祥亦非不平非有不幸
姑以自鳴其天者耳然使天地無蛩有蛩而不能鳴
則造物者非全功然則蛩之鳴似有不可廢者故輯
其稿而名之曰蛩秋漫稿吾黨之士有如韓子者不
知其亦有取焉否

先德纂遺序

傳

詒進士
知府

聶爲邑之故家自其先多聞人至康夫公以行誼履
諸身施諸人而見諸事者尤周盡而顯著宜其樹有
聲稱取重縉紳生前身後猶一日也而公之子奇顧

人文紀畧

序

望

卷四

人文紀畧

序

望

卷四

恐久而弗稽乃具錄公所藏前內翰魯公啓劉公素
會元朱公縉提學命憲劉公虬文江高公超尹公鳳
岐艾公鳳翔同邑亞參政陳公彙訓侍御陳公衡張
公嘉會馮公智安主事鄧公時俊郎中陳公誠憲副
曾公鼎太守李公宜春太常少卿鄭公雍解元際公
律洎先大公主事公輩相後先所爲思遠延賢堂之
記序詩賦與夫頌壽贊像諸作出以示予且作而言
曰先公生五歲失怙恃長克樹立家用以裕正統間
歲歉民饑有司勸出粟五百石以備賑恤天子嘉其
義賜勅以示旌褒景泰間復出粟千八百石得援恩
例拜有冠帶之榮先公平生性好施與每值歲饑民
不自濟者輒作糜以起之民有貸而不能償者悉取
券焚之嘗不惜累費建縣治之南共樂亭爲官民偉
觀期儒學鄉賢祠以爲興賢之勸肖立道宗釋老之
像于崇玄觀北塔寺殿宇之毀于崇禎者崇集新之
僧衆有不給者千金川之興善寺施田以資之與凡
石橋寺輪藏葛溪橋之梁礮五獻中峯之仙宇悉舉
其廢以復其舊蓋先公之視財如遺見義必爲者類

如此也方其年六十尚未見嗣而奇適生焉蓋有
之天報有德殆非偶然也奇生甫七歲而先公棄捐
賴母張氏孺人慈訓之力年十五叨入邑庠獲從先
生長者遊雖無他肖似幸不墜舊物實荷先公陰祐
之賜凡皆先德之最著而諸名公前所未及書及雖
書而有不盡于書者奇謹會錄成卷以示永世名曰
先德纂遺願爲序之嗟夫莫爲於前無以垂於後莫
爲於後無以光於前今公之思遠以敦本源延賢以
尚禮德輸粟効忠以臻榮寵之盛輕財好施以濟物
人文紀畧

序

聖

卷四

務之衆所謂履諸身施諸人見諸事周盡而顯著者
可謂父之有作足以垂於後矣而奇也以穎毅之資
弘越之才雖孑立於群務之中而綜理內外綱條整
整有司嘗廉得其賢舉克萬石長夙夜祗慎事無墮
墮公私稱便賓客過從高情雅致不減父風而又能
出其餘力狀其先德以附會於名公遺文妙墨之間
以表暴其故家文獻之盛則其子之有爲又足以光
於前矣使公之有作於前而不有子之能賢如奇者
克以承述於其後則其基緒善緒安知久而不併諸

文章君子之契誼槩泯而無聞耶故觀是篇者不徒
知諸公之文之有託要當知聶氏之盛之有後也是
爲序

三禮考註序

羅倫

先王之道不行於天下夫豈人心異於古哉上之所
以爲教下之所以爲學非其道兩禮也者先王之所
以爲教也天之經也地之義也民之行也是故聖人
則之以化成天下士有定習民有定志官有定守國
有定制天下之治運於掌矣周衰籍去于戰國殷于
人文紀畧

序

聖

卷四

秦穿鑿附會于漢先王之典未墜於地者存十一于
千百也宋大儒紫陽朱文公嘗考定易詩書春秋四
經以三禮體大未能序正元臨川吳文正公用鑑其
志考周官以正六典以大司徒之半補冬官之闕蓋
取陳氏俞氏之論也以禮儀爲經禮記爲傳蓋取朱
子之論也考三王而不謬俟後聖而不惑其公之志
乎我朝東里楊文貞公曰吾邑康宗武受學於吳公
元季兵亂書藏康氏亂後郡人晏璧彥文從康之孫
求得之掩爲已作以公支言叙錄考之逸禮八篇今

存者六篇儀傳十篇今增者二篇傳外又增禮八篇凡增十三篇又聞長老言文正晚年於此書欲復加考訂不及臨沒授其意於孫當當爲之而未就今此書增入儀禮率混淆無別決非當所爲豈壁所增耶文貞之疑是矣倫常因其言考之士相見儀公食大夫儀叙錄用劉原甫所補今此書二儀所補者皆出戴記叙錄成於蚤年此不載年譜先後不可攷而蔡言之成明年公易簣矣其可徵無疑也凡攷註所取經若諸侯廟取諸大戴而小戴喪大記亦載

人文紀畧

序

卷四

四

之傳若冠義等取諸小戴者纂言悉真不錄今此書增入若服義喪大記喪義祭法祭義學記祭記諸篇皆復出先後取舍矛盾凡叙錄所載若冠義婚義等篇編註精審文義粲然其餘士相見公食大夫二義及所增十三篇綜彙混淆註釋粗畧悉取陳氏集說中語割裂而補綴之可攷也非公手筆無疑矣獨其以曲禮補士相見公食大夫二義以喪義祭義等五篇補喪祭二禮之傳傳外曲禮八篇盛德言人君之禮入官言人臣事君之禮立孝言人子事親之禮內

則言安婦事父母舅姑之禮少儀言少專長之禮表記言揖讓進退之禮而學記樂記爲是書之終又與纂言不異其名篇取義似非後人所能及者疑公定其篇目未及成書臨沒授其意於孫當其謂是歟故後人因而竄入之文貞所聞其誠然耶然與纂言不合又未可深攷也公著述之功未有大於此者惜其書未及成而爲後人所亂者如此成化庚寅大理寺卿仁和夏公時正巡撫江右得是本於憲副夏正夫正夫得於編修張廷祥廷祥得於祭酒胡若思若思

人文紀畧

序

卷四

四

之本其文貞之所錄者與長樂謝公仲仁時守建昌時正界繡梓以傳且屬倫校讎之乃訪善本於臨川文正之子孫已不知有是書矣書藏康氏文貞所聞其亦然耶倫時臥病深山僻無書籍仲仁乃取通解註疏諸書旁正而訂之善本未得恐不無訛謬也然聖賢之遺經因是而傳焉三公之用心亦可尚矣河南監察使何廷秀謂予曰沅州劉有年永樂初守太平府進儀禮逸經十八篇逸禮唐初已亡宋元大儒皆未之見有年何從而得哉然廷秀之言非妄也好

古君子上請逸經繼類成編傳以戴記其不入傳者從纂言所類別爲記以附焉則先王之典庶乎無遺矣於戲禮儀三百威儀三千待人而行君子尊德性以立其體道問學以致其用如有用我執此以往文武之政其庶幾乎

福州府學重正諸書序

羅倫

學盡其性止矣聖賢之學何爲也盡其性止矣至同天不亦大乎聖人盡人以合天易以盡人心之陰陽詩以盡人心之性情書以盡人心之政事禮以盡人

人文紀畧

序

兕

卷四

心之中樂以盡人心之和春秋以盡人心之名分凡以盡人之性也教之至也伏羲肇之神農黃帝堯舜禹湯文武繼之孔子成之凡以盡人之性也虞夏商周之盛也六經之教未備也人無不學學無不盡其性者尚行而已後世備矣徒誦讀而鮮躬行尚言而已尚異同者工奇淫性無與焉尚羽翼者工訓詁性無與焉尚辯博者工記誦性無與焉尚文藻者工詞章性無與焉尚利祿者工科舉性無與焉尚言以傳遠也乃不屬乎性焉其猶導水乎無其本也遠乎哉

遠乎哉孔子曰子欲無言懼人之離本也堯舜禹湯文武之爲君皋陶伊傅周召之爲臣孔顏思孟周程朱許之爲師不以言乎實諸中而華諸外也孔子曰有德者必有言之不經廢所宜廢何爲而不可也廢秀以亂禾也廢紫以亂朱也廢鄭衛以亂雅也廢不經以亂道也何爲其不可也古之學者一一故合今之學者二二故離一其二盡人以合天也何爲其不可也福州府學經史子集梓板在焉御史涂公斐僉憲游公明太守吳公淵圖正其訛而傳之屬倫叙

人文紀畧

序

壬

卷四

之倫懼學者之失其傳而亂之也著其說于端使讀者知所尚焉

曾南豐文集序

羅倫

南豐先生元豐類藁五十卷續藁四十卷外集十卷類藁宜興板行矣續藁外集世未有行者南靖楊君參來令南豐刻宜興板于縣學屬倫序之夫聖賢之學心乎道非心乎文也道成于已而文自顯也文人之學心乎文非心乎道也魯氏獨得其正而猶未得與于斯文何也其用心者韓愈歐陽之文非文王孔

子之文也當是時也濂溪之周子河南之程子橫渠之張子三子者之用心文王孔子之文也使曾氏而得其門焉則其所立其如斯而已乎新安朱子所以與其文之正而惜其未見夫道之大原也於戲數子者之文率數百年而後得一人焉其心專而力勤終其身也而卒不得與於斯文者心乎文而非心乎道也昔孔子之門身通六藝者七十人獨如愚之顏子莫有能及者非惟當時群弟子莫能及而天下後世卒莫有能及者心乎道也孔子告顏淵以非禮勿視

人文紀畧

序

至

卷四

送陳公甫先生序 羅倫
白沙先生處南海者二十餘年矣觀天人之微究聖賢之蘊克道以富尊德以貴天下之物可愛可求漠然無動其中者孟子曰飽乎仁義不願人之膏粱令聞廣譽不願人之文繡周子曰見大則心泰心泰則無不足無不足則富貴貧賤處之一也其斯之謂與夫天生物也人為貴焉人之為貴也心焉心之為用也仁以居焉禮以位焉義以道焉知以出焉信以成焉以配天地以明日月以行鬼神以流河海以奠山嶽以綏萬邦以蕃草木育鳥獸大行為伊周窮居為孔孟不其大與孔子曰富與貴是人之所欲也貧與賤是人之所惡也先生不欲富貴而欲貧賤獨何心哉志其大而已矣堯舜禹天下大聖也為天子天下大貴也有四海天下大富也孟子曰人皆可以為堯舜荀子曰塗之人可以為禹為堯舜為禹為其富貴已哉為其大而已矣走而為大者麟飛而為大者鳳介而為大者龜鱉而為大者龍人而為大者聖賢飛走鱗介有為大者以人而不為焉不亦禽獸之恥乎

人文紀畧

序

至

卷四

趙孟之所貴彼能大之亦能小之也自我而大者彼惡得而小哉大自人者小人大之一時大之君子不大也大自我者君子大之天下大之後世大之大自我也然後可以爲大也先立乎其大者則其小者不能奪也雖然可大者獨先生哉先生南歸道金陵諸君各爲四韻詩以別謂余言余顧曰諸君自立其大者毋徒大先生子何言

送陳僉事夢祥歸番禺序

羅倫

後世苟不公至今無聖賢歐陽子之言也何待後世

人文紀畧

序

卷四

卷四

乎人心爲天命之至公天命不息人心不死斯氏也三代之所以直道而行也古之君子或屈於一時而伸於萬世讓於一夫而信於天下君子初何容心於天下後世哉而天下後世之人心自不能舍君子而別有所歸何者天命之公不可解於心也蓋嘗觀於易乎君子者陽之剛小人者陰之柔剛常正柔常邪剛常明柔常暗剛常公柔常私剛常大柔常小剛進柔退則成泰而天下蒙其福柔進剛退則成否而天下受其禍孔子曰吾未見剛者孟子曰至大至剛孔

子孟子之所謂剛吾未見其人矣見其似者可矣今之君子若尚書王君公度御史謝君元吉太守王君繼宗僉憲陳君夢祥亦庶乎其似者歟尚書不得其職數月去御史三上章百日謫去太守屢抗強武乞錢若水例致其仕去僉憲九載不遷辟讓去或曰子剛僉憲何居呂刑曰非訖于威惟訖于富僉憲以之虞廷之剛登之配天後世之剛擠之落甯聖人作易扶陽抑陰剛者惟恐其不盛柔者惟恐其不衰何獨異於是哉理輪都亭請紉尚方幸今世無斯人有之

人文紀畧

序

卷四

卷四

塞于天地之間

送王宗源歸閩序并歌

羅倫

一峯山人主金牛洞天閩人王宗源將往見焉饒雯峯曰宗源達人固山人之所好也山人方臥翠微玄房時攬衣出戶則張拱于九曲飛雲頭矣鬚眉鶴鶴儀觀偉然於是披清風挹丹霞燕于萬花春谷晝則棲雲夜則浴月摩挲金牛招呼錢鶴旬有五日而後返援之而弗能止也山人笑曰子將爲雲乎將爲水乎將雲行水流而無盡手固將窮於六合也乃命畫人文紀畧

序

卷四

史艾方師圖之金牛洞主題之雲水道人歌之以壯斯遊歌曰

青山皂帽誰家子行盡天頭與天尾一朝飛上小蓬萊鐵鶴金牛夜能語山中不住雲溪上無停水雲行水湧杳無邊與君爲終又爲始

碧梧丹鳳圖序

羅倫

皇帝臨天下有六年制若曰朝廷正而天下治善人多也善人之多師道立也汝左右丞今承簡在位學有典則往帥俊造以媚朕志於是姑蘇夏公正夫以

禮部郎中遷江西憲副敬學事也三載考最於天官憲臺群公繪碧梧丹鳳圖以象之合詠歌以美之命湖西羅倫序之倫曰鳳聖德也揭義而扶禮負仁而守信履文而繫武有道則見無道則隱善人國之鳳也在亂若鳳在治若鳳鳳爲聖人出也是故舜時來儀文王時鳴岐山舜文之聖朝陽之梧桐也皋夔稷契高岡之鳳鳳也鳳以致鳳鳳之至也宜哉自周之東朝陽之梧桐秋矣孔子鳳而聖顏子孟子鳳而賢或老于曲肱或困于陋巷或卒于遊說故曰鳳鳥不

人文紀畧

序

卷四

至吾已矣夫漢氏而下時君之慕鳳于其名不于其實或以鸛鵲爲鳳或以野鳥爲鸞鳳卒不可見也天下豈無鳳乎致之不以其道鳳之不至也宜哉雄欲鳳漢而棲於新室通欲鳳隋而儀于隋文君子若鳳謂隱見之得宜也雞非鳳比猶伊曉晦之候鳳德固若是乎大江之西群鳳之郊藪也濂溪之周氏草廬之吳氏象山陸氏道德而鳳者也廬陵之歐陽氏南豐之曾氏文章而鳳者也若忠宣洪氏信國文氏則忠義而鳳者也天理不息則人心不死鳳固聖德

然不離飛鳥也可以人而不如鳥乎同聲相應一鳳鳴而衆鳳皆鳴梧桐在朝陽矣侯其以德爲育以仁爲心以信爲負以禮爲履以武爲繫引吭振羽而一鳴焉則群鳳隨之舜文之瑞至矣吾將洗耳而聽於卷阿也

譚節婦詩序

羅倫

宋譚節婦趙氏永新人歸譚氏年二十七元師下江南丞相文天祥檄彭震龍復永新降將劉槃誘元兵陷城婦抱嬰兒匿禮殿中兵執欲污之屠兒瞰于梁人文紀畧

序

五

卷四

見婦罵曰賊死吾舅死吾姑吾從舅姑死耳大彘敢吾汙哉母子遂遇害血漬禮殿入碑宛爲婦抱嬰兒狀或磨煨之狀益顯先是元兵入浙東臨海王貞婦者主將欲納之婦齧指血書石投崖而死血漬入石天陰雨漬起若始書時於戲二婦者固天異之以表人極於萬世也後未百年紅巾寇永川省元陳兄中辟彭九萬行軍鎮撫其妻李氏躬櫜軍戰屢捷明年苗獠入城李氏及其子友諒女秀英俱被執以刃脅之間所求罵曰吾死耳吾何求賊輒連殺之於戲

永新未百年得二烈婦與文文山余商公耿光相上下夫豈偶然哉建文壬午靖難師起永豐峒民變夏克紹妻黎氏奴欲屈之黎不屈瞋曰我死後賊奴不出三日後三日如果戰敗死此猶慷慨亂離耳若遭世承平從容就義猶未易乎吾見其人矣丘咨嘯妻熊氏年二十三從夫死譚洪季妻張氏從夫死年二十五丁達常妻聶氏未嫁聞夫死從之年二十吳恒鑑妻曾氏夫死從之年二十三黃宣德女年三十一其夫丘病以身代死之於戲由是觀之婦持節義淪草莽者可勝道耶是豈有待而然哉所欲有甚於生所惡有甚於死固結於心而不可解也爲人臣子不肯君父若此婦焉則國家喪亡之禍何自至哉夫何平居穹官厚祿秉鉞執衡高自標譽或目以婦人則艷然怒一旦變故竄伏忍恥棄人家國而不顧視此婦寧不愧死耶陳君粹之僉江西憲事按節永新嘆曰節義者天地鬼神之所相也而况人與乃合古今詠歌刻石于祠知縣事李某屬序於倫乃連書之以媿爲人臣子而棄君父者於戲枋世道者盍亦知所

人文紀畧

序

五

卷四

先務哉

薊城胡氏族譜序

羅倫

與日月爭光其忠簡公乎胡氏之族可無斯人乎公登第於建炎二年宋方南渡中國微而夷狄橫三綱淪矣奸檣柄國力主和議公上章乞斬之虜聞募本千金君臣奪氣不敢南牧者二十餘年中國可無斯人乎倫讀之未嘗不淪衽流涕也曠百世而相感天理民彝不可泯也天下後世可無斯人乎公之先金陵人五季時公霸者刺史吉州霸子勝家郡南之薊人文紀畧序堯卷四城公其後八世也公仕終端明殿學士公之孫觀渠蔭公官終戶兵二部尚書自元符至咸淳二百年中公族先後解於鄉克於國學登于大廷者凡數十人胡氏之族其盛矣乎公忠節甲天下名聲流後世公其有焉公與朱子同時而同道焉公之盛何如也使公之後人同道于公焉胡氏之盛又何如也倫弱冠時聞大官有附公後者人笑之曰可爲忠簡而不爲乃爲忠簡後乎倫聞之曰人苟自爲忠簡已哉孔孟可也苟不自爲孔孟之後亦庸人而已矣狄青不附

狄梁公守道不附文忠公夢遯不附忠簡公三公者

卒自爲立於後也郭崇韜何益哉胡氏舊譜公七世

孫頤元撫州路照磨修之公十世孫珣懼久而益墜

謀重修焉請予序者珣子縉戊子貢士也志克紹先

烈者詩曰無忝爾祖聿修厥德珣其有焉

羅浮庵記

羅倫

倫自幼則聞玉笥之勝欲一往而不可得一日夢游

焉至山門傍曰法樂洞天流水縈帶羣峰玉立童子

出迎延入庵中道士睡方起良久謂曰君所遊者夢

人文紀畧

記

堯卷四

耶予矍然曰是若之夢真耶予今之來者直真遊矣

若乃指實爲妄是若之夢未覺耶何若語之麗也道

士笑曰東海之東南南海之南西海之西北海之北上

自無始下至無極皆夢境也伏羲凡籙神農軒皞熙

穆無爲堯舜禪讓湯武放伐劉項爭雄君者吾不知

其爲君牧者吾不知其爲牧百世一夢也朝菌不知

晦朔旦夕一夢也蟪蛄不知春秋時月一夢也上古

大椿以八千歲爲春秋八千歲一夢也前渾沌死後

渾沌生天地以十二萬九千六百年爲死生十二萬

九千六百年一夢也莊子曰方其夢也不知其夢也覺而後知其夢也若夢猶未覺耶若謂予覺夢也謂若夢亦夢也予與若皆夢也若見盧生平方其適也知其適而已不知其爲夢也及其久伸而寤也適安在哉若起草萊登金門步玉堂名震天下不三月而南竄荒徼然後去袍笏而簑笠遠城闕而山林視昔之有其夢也耶其非夢也耶乃不悟此遊之非夢非固耶予方謝道士道士辭去蹶然而興曰其真夢也自是往來於懷成化丁酉春林緝熙自羅浮來成真人文紀畧

記

三

卷四

遊焉黃時憲許濟川自吉水至陳符用自廬陵至自王峽舍舟而陸暮抵大秀宮宛然夢境矣翼日約道士徒官于天玉閣約符用名曰羅浮庵符夢也予顧諸君曰是遊非夢矣緝熙曰安知其非夢乎謂爲非夢恐復爲道士笑也明日各下山辭去明年見緝熙于薌城相與大息曰昨遊成夢矣符用來告菴成書夢語刻于菴中庶來者知人生之所遇無非夢境也以得喪而欣戚何爲

贈謝汝昂公教東安序

陳 律

教官至矣之職人多不樂就何也蓋官冷而責重焉位卑祿薄而無車馬僕從之烜赫甲第梁肉之饜飫此其官之冷也有志於富貴者必以爲歎寧肯就之乎模範後進而傳道授業解惑之是資言行政事文章之是法此其責之重也無志於道德者必以爲畏又寧樂就之乎謝君汝昂則不然自幼穎敏確遵庭訓讀聖賢之書知聖賢之道而惟以道德爲務不以富貴爲心處林下而嘗謂隱居以求其志必行義以達其道豈可明體而不適諸用乎乃習舉業而奮志科第景泰丙子遂膺鄉薦今年春會試得乙榜以年壯學優堪任師表貳教順天之東安君遂樂就而不辭未嘗幾微以官冷爲歎責重爲畏非有過人之識不能也同邑在朝者咸喜其爲人可重于其行也屬言以贈於乎學校風化之厚也學校之廢興由賢材之盛衰賢材之盛衰係師道之得失得則賢材盛學校興而風俗隆失則賢材衰學校廢而風俗汚師儒之所關係不其大乎周子曰師道立則善人多而朝

廷天下治者此也君貳教東安必當展平昔之志盡責任之重夙夜不倦作興士類如安定之在蘇湖一也若然則師道立而人才輩出效用於世君之名譽亦將日起而顯庸可待矣矧當世名卿起自斯職者比比而東安密邇帝畿德教素孚其化尤易可不勉乎哉苟歛其官之冷惟貪富貴而怠厥職則固非予之所望亦非鄉邑諸公之所重也

族譜後序

劉忠

忠第進士之明年丁亥賜歸省適重修族譜事咸命

人文紀畧

序

奎

卷四

爲言廟之時絜牲于廟既祭置酒如禮鄉飲之儀用曾東園精舍樂成而頒給焉酒行有揚解而言於衆者曰夫爲譜者豈眩膏梁矜閭閻以誇後世耶蓋上以記得姓受氏之原著尊祖敬宗之意下以辨昭穆之分統族屬之衆使不至視如途人已矣凡與燕者母玷前聞母訕後昆孝以化於衆有知不孝執而戮之於公弟以勵其俗有知不弟擯而出之母使與吾之族叔爾貧窮字爾少孤母若人之昧昧幸其災而欲其貲冠婚相告病亡相赴母爲阮氏之南北

以取恥於士大夫衆皆避席相與再拜稽首曰無敢或不勉予惟元王之子孫自晉隋唐宋千有餘年不絕世譜逮吾祖孟綱孟綸孟紳雖居不一處而其間之子孫多以經術致顯庸凡所以爲孝友睦姻六行之教其條目具載家書迄今守其法而不變雖近代功名富貴視他姓之盛或有過之求其子姓世守家法與譜無遺逸者不多見也揚解之言人其庶乎申嚴戒儆之道是不敢不書庶吾同族之士及後世子孫得有以爲龜鑑也

人文紀畧

序

奎

卷四

贈鍾仲俊南歸詩序

劉素

閩田鍾氏爲鄉邑大姓世雄於貲衣冠詩禮人物彬彬尤以豪爽聞仲俊爲介賓甫之季子好學喜吟姿貌豐偉詞氣不凡洪武中與兄仲憲姪文英彌高彌倫羣伯仲禮余賓其塾一門佳子弟多從余游東南之美近十五年愧余才不足爲人師耳洎余忝科甲官翰林翹首故鄉舊遊神情爲之坐馳其後秩滿給告一歸匆匆入覲未果從容於州里也今年秋仲俊以戶稅田甲一區於是連櫓白粲董運北京既竣事

詩官舍叙闊別之慘相見各班白矣俯仰爲之慨然
留旬日遍舟南返因告余曰人生爲大丈夫得遊覽
兩京山川城闕之壯麗車書人物之會同九夷八蠻
貢獻梯航川陸之間雲越川湧吟美風月足以寄傲
心目求不愧於司馬子長且不愧爲聖朝之士民足
矣余乃載酒金臺之下爲餞思無以申別情非知已
也而徵交游賦詩而借弁簡首切惟昔呂安素服嵇
康高致每相思輒千里命駕從之談論逾月不忍別
去年仲俊倪思少年壯遊之迹已半朔南岱岳黃河
人文紀畧 序 卷四
終南徐泗目遍齊烟胃吞雲夢此余所稔於見聞者
茲也租不後期事克率先所以務本圖報於朝廷無
負所生無愧於士君子况復得罄玉堂一宵清話使
契闊之懷映澈永釋顧余未敢以稽康自居然豈可
不少悟焉南還樂宴於畫堂橋西南之草堂書屋鼓
行綠樽既醉太平諸子姪候平安之頃尤幸齒及前
度之劉郎寄聲以期相見於歸田必有日也此風光
帆不勝戀別時於彌淳舊情尤切

豐陽人文紀畧初集卷之五

於陵李晦修先生鑒定

後

同男

同男

受七襄較

序

重刻傳習錄序

聶豹

傳習錄者門人錄陽明先生之所傳者而習之蓋取
孔門傳不習乎之義也匪師弗傳匪傳弗覺先生之
所以覺天下者其於孔門何以異哉夫傳不師孔猶
弗傳也孔門之傳求仁而已矣孟子曰仁人心也孟
子之求心卽孔門之求仁也然心無形而有知也知
外無心惟知爲心物外無知何知非物予嘗聞先生
之教矣學本良知致知爲學格物者致知之功也學
致良知萬物皆備神而明之廣矣大矣故曰知皆擴
而克之足以保四海無他達之天下也孟子之善學
孔子者其在茲乎祖述孔孟憲章周程先生之所得
亦深矣而或者猶異之云其殆於仁心知物之義有
未達與蓋仁卽心也心卽知也知卽物也外物以求
知者爲虛寂外知以求心者爲枯槁外心以求仁者

爲襲取外仁以求學者爲泛濫滅裂此二氏五霸百
家之學所以毒天下如以文辭而已者今之陋也去
益遠矣毒滋甚焉良知者通天地萬物爲一體也忍
其毒而弗覺猶弗知也此先王之傳始有不容已焉
者耳是錄也客述異時雜記於門人之手故亦有屢
見而複出者間嘗與陳友惟濬重加校正刪複纂要
總爲六卷刻之八閩以廣先生之覺焉

白沙先生緒言序

聶豹

人來紀畧

序

二

卷五

予嘗與士友談學言必稱白沙先生并歌詠其詩以
自娛歎曰此周程之墜緒也或謂白沙禪學也予何
慕之深耶予曰夫謂白沙之學爲禪者非以其言靜
虛乎陽明先生之詩曰靜虛匪虛寂中有未發中中
有亦何有無之却成空若是卽謂陽明之學爲禪亦
可也夫人生而靜心今本虛天之性也彼禪氏者索
之過高而於人生而靜以後一段更不省究寂滅根
塵鄙夷倫理而不屑於禮樂刑政之施要之不可以
治天下國家白沙曾有一於此耶其詩曰多病一生
長傍母孤臣萬死敢忘君又曰閱窮載籍終無補坐

老蒲團總是枯又曰六經盡在虛無裡萬理都
應中又曰虛無裡面昭昭應影響前頭步步迷又曰
一笑功名卑管晏六經仁義沛江河此其毫釐千里
之差居然可見今之學者不訊其端而日有事於宋
人之助長急於逃禪而安於義襲矜持於念慮揣摩
於事變依傍道理倚靠書籍是謂爲格致之實學而
凡用心於內根究性體以先立乎大者率謬然目之
爲禪象山之被誣久矣豈惟白沙之學爲然哉予於
是纂其緒言僭爲之註使後之辯儒釋者得有所考
而靜虛之學不因噎而廢食也

刻秦漢書疏序

聶豹

人來紀畧

序

三

卷五

文之千古治道之不競勢相因也夫子之欲無言久
矣乃二三子以爲隱於是刪詩書定禮樂贊周易修
春秋悉本先王之舊而推明之非有所作也魯齊二
論又皆出於門人之所記廣大配天地昭明配日月
潤澤配江河其切於民之生也譬之菽粟布帛未耜
釜甑不可一日闕噫文至是極矣其太初之元氣乎
一時並出章教如老莊諸家之說閎深奇詭非不古

也崇獎虛放濶畧事實鄙談法制鮮及倫理憂治君子罕訓焉惟是秦漢書疏去古未遠三代之遺風猶在敷陳理要功利生民裨贊世教究治亂之原而不詭乎帝王之道直而不激婉而弗迂曲而中簡而該博而要使聽之無怒循之寡失自六經四書而下謂文之古不在茲乎監察徐君獲是本於山泉林監察之所傳讀而說之謂是傳宜廣以不負博我之教但斷自漢始而黜秦脩采書疏而不及詔令秦治無論也而文之古不可少若詔令出於朝廷當有大手筆人文紀畧

在固無假於秦漢也惟士之資獻以言格君圖治非文不遠非古不傳而臣子告君之體要與文章家之型範舍是斯下矣欲復古治當復古文不得三代而思兩漢有志於古者每搯擊焉監察憲古弘化清治黜穢奏對有體稱名御史是也嘗訂是編於前巡撫馬中丞亦謂監察宜刻刻宜序序宜委豹無以林臥寡營役以楮墨或足以風其懶散忘世之意歟校刻爲南康推吳國倫申監察命以速予言則吉安守黃國卿刻板藏洞學使士之游學於洞者獲縱觀焉率

監察意也監察姓徐名紳號五台以名進士起家建德奉命按江右茲得代行矣

重刻一峯先生文集序

聶豹

予嘗稽吾邑文獻文章道德爲江右斯文鼻祖如文忠歐陽公尚矣繼歐而作則有文毅羅一峯先生焉先生學孟子者也善養吾浩然之氣富貴不能淫貧賤不能移威武不能屈故發而爲詩若文沛然若決江河不知秦漢以來作者何如要以正人心明先聖之道以翼世教則所拳拳先生少貧賤未嘗有一日溫飽砥獨立之行周之不受招之不來比舉于鄉入對大廷賜進士第一釋褐三月輒抗疏論起復元臣之非侃侃萬餘言讀之令人凜然奪氣時以此榮之而亦以此忌之遂落職泉州市舶淹卹再期用舉者復南京翰林修撰尋以病請歸潛金牛山中日以著書授徒繼往開來爲業緼袍疏食環堵蕭然至凍餒其妻子晏如也故聞先生之風者頑夫廉懦夫有立志是可以聲音笑貌爲哉蓋青天白日其心足稱云國朝自開科來狀元及第凡五十餘人其所傳非無

文也然不一再世與人俱陳惟先生則久而益光片
紙流落迤邐相傳誦然後知科第不足以榮人科第以
人榮也文不足傳傳者人也先生文集弘治初年邑
令揭陽王公嘗刻之燬于火正德丙子先生仲子幹
署江陰教復刻於江陰至是則江陰板訛矣乃臨桂
進士來令予邑屬教諭林君應芳蒐前集所遺詩
文得若干首捐俸重梓稱全集云王侯名昂字抑之
廣東潮人循良爲永豐第一張侯名言字思默號龍
田下車未幾首新先生之祠督諸生日相講授毅然
人文紀畧 序 卷五

永豐鄉約後序

聶豹

嘉靖丙申秋七月望日郡倅彭山季子奉守公竹墟
屠先生之意按吾豐督縣令鰲洲彭子輯民于鄉約
者酌古式今通變宜民要欲誘而納諸於善焉耳於
是幽人耄叟扶杖裹糧日參庭而觀化者無慮數千
人季子樂吾民之易於化也乃設酒醴進而享之人
授約一編簡年德七十以上者坐于堂五十以上者

坐于堂之下不及五十者不得坐列于序之東西
觀于門之內外昭德泄盟作樂崇禮勞來有加教思
無窮是日也穆穆于老安少懷不謂復見三代之
隆予於是而乃知王化之有所基也王者之化莫備
於井田蓋嘗讀孟子而得井田之所始也鄉田同井
死徙無出鄉出入相友守望相助疾病相扶持則百
姓親睦百姓親睦而後可以語王化故曰不觀於其
鄉無以知王化之易易也自夫王者之迹熄而鄉井
之教寢瀕後世願治之君不知出此徒欲以法把持
人文紀畧 序 卷五

翼天下者是在邑大夫也然皆非有所作也一以中
勅聖訓祖述成周之遺意已耳是故賞罰者法也書
善過以示勸懲者意也是非者心也明吾是非之本
心以是其所是非其所非以陋夫一鄉是非之同情
使法有遺而意無遺焉是之謂明德以親民也明德
以親民者鄉大夫士之責也大夫士者鄉人之心也
心者神幾而誠應明吾孝友之德以親吾之父兄明
吾睦婣任卹之德以親吾之鄉黨宗族使人之父兄
人之鄉黨宗族無一而不在吾親睦之中則鄉約今
人文紀畧

序

人

卷五

大學古本臆說序

聶豹

大學載漢儒註疏中十三經其一焉謂有脫誤次其
簡編而補輯之則自伊川程子始也至考亭朱子又
推本程子之意著爲定本以詔後世世顧以罔極之
恩戴之其來遠矣乃先師陽明子則謂舊本折而聖
人之意亡於是分章而復舊本傍爲之釋以引其義

其序畧云致知者誠意之本也格物者致知之實也
物格則知致意誠而有以復其本體是之謂止至善
庶幾復見聖人之心而求之者有要焉夫因言以求
其心要欲共明聖學豈樂爲朱子操戈以身犯不韙
而重天下之喁喁哉彼五經四書之訓漢儒姑未論
也宋之大儒如明道南軒東萊橫渠五峯諸子訓而
釋之無慮數十家然與考亭合者十三而異者猶十
之七乃天下後世率以朱子爲定論外此而明道南
軒亦不之信不知果求諸心而實有得耶抑亦乾沒
人文紀畧

序

九

卷五

功格物者止至善之妙用意也者感於物而生於知者也誠言其順格言其化致言其寂也寂以妙感感以速化萬而一者矣乃若必謂格致爲求之於事物之間則曾子之隨事精察子之學而識是也夫子呼而告之不已贅乎於是著爲臆說蓋將以質諸四方之君子緣此爲受教之地也僭妄之罪夫復何辭

困辯錄自序

聶豹

予被逮至京師又明日下詔獄日無所事事惟面壁觀心并考平生所學於此時此地有所資焉否也故

人文紀畧

序

十

卷五

凡詩書所載舊嘗得諸管窺者每誦味所及輒錄而繹之然後知學必驗而後有得如艱難險阻非身所經歷而談之了了皆寤語也夫學以素位爲得也位之所值不同而素其所得於天而習之於已者則無有乎或變是故縱火下石之難方解而牀琴自如絕糧之厄病且愠者多矣而絃歌不輟素定故也易不云乎素履之往獨行願也惟獨行其願而不願乎外則願之自我者求無不得其在外者本無得喪又何怨尤之有哉非有所假以勝之而強拆遣之謂也是

故情一執中堯舜禹相與授受之素仲尼祖述以教萬世子思子述其所得於祖者發而爲素位之訓厥吉微矣予以病廢林藪凡二十年未嘗一日廢書徒以性昏健忘故不求甚記惟取領畧其大意而止是錄也雜引經傳篇章離折語意混淆淹卹歲時聊以紀憂患自考之意以俟他日取正於有道緣是以爲受教之地也予不以老耄自棄而世之君子顧以老耄棄予哉

贈宮輔少湖徐公赴京序

聶豹

人文紀畧

序

十

卷五

好善優於天下信乎達者信之也天下之善自足以裕天下之用世固未嘗乏人也顧好之者鮮矣有好之者如其口出蓋亦難其人也休休有容者亦鮮矣休休有容量之虛也君子虛以受人士之輕千里而來蓋不疾而速也予嘗讀易而益信夫所謂優天下之學焉正位凝命革物者尚乎鼎巽而耳目聰明虛中以達之也出守宗社主器者尚乎震而二五中虛懼以致福耳之體虛故能達天下之聰目之體虛故能麗天下之明心之體虛故能容天下之善一不虛

則蔽蔽則有所容有所不容而後媚嫉之心
生生於其心害於其事作於其事害於其政士止於
千里之外而讒譖面諛之人至國欲治可得乎故曰
達者信之也少湖徐子松之華亭人予令華亭時徐
子甫弱冠掇癸未鼎魁繼以史職拾遺狂愚忤主黜
爲延平刑推量移黃州歷陞文憲敷教於江浙江浙
之士薰徐子溫恭之德而化焉革怪誕之變文而返
之淳厚抑奔競之躁習而鎮以雅靜又其餘能也嘉
靖己亥皇帝選天下之賢輔養儲官再核而精之得
人文紀畧 序 卷五

贈督府東明范公擢兵侍序 聶豹

國朝序遷至卿佐必會官廷推而吏兵二部推之爲
尤慎何哉以其權衡人物振節皇靈奠安宗社控制
戎夷而治道之汗隆宗社之安危繫之其非資望隆
重謀猷允塞者莫之與我皇上往往批駁再推無亦
祖宗家法然也是年季秋南贛總督右副都御史東
明范公陞兵部右侍郎中外翕然隨之蓋公以進士
起家于茲三十年出入中外敷歷藩臬著循良之譽
張廉訪之風而保釐甸宣之績爲耳目之所睹記者
人文紀畧 序 卷五

章章較著乃有開閭閻南之命非一日之積也公至
開誠布公不事虛喝啗之微利以察賊情向背之機
震之薄伐以審時勢勦撫之宜歎曰此賊負固作孽
蓄姦滋久撫非計也於是蒐材猛利器械廣儲蓄相
地形險易爲兵所由入之路已而又添設參將於龍
南安遠之間以扼其背立巡司於各巢以窺其變復
令自相保伍月率頭目至軍門聽約束時發其陰私
而賞罰之凡附峒之民舊爲賊之耳目者悉制於法
我武揚而賊勢挫矣其最稱兇狡如酋首李文彪謝

永彰賴清規者默駭失計私相告語曰范總督得無
陞遷有日乎相率自縛其黨之以緩師最後又遣五
百人投關報効公亦自籌曰撫之以幸無事吾之利
也何以稱皇上之責付副一方士民之望乎分道並
進尅期出師不謂召命之遽下也豈天未欲遺一方
安靖之福耶予竊爲公喜而不無爲一方惜分巡橫
北道憲副歐山黃君某從事軍旅荷公之知最深謁
予言以率其行遂書之

留別殿學少湖徐公序

聶豹

人文紀畧

序

古

卷五

學一也有大人之學有小人之學大人者先立乎其
大者也故能爲天地立心生民立命繼往聖之絕學
開萬世之太平是豈小人之學所能窺測其萬一者
哉夫天地若是乎其大也生民若是乎其衆也往聖
萬世若是乎其遠也而曰自我立之開之繼之無已
迂乎其勢遠而疎其責重且大而其機則甚速而至
微也大人者知遠之近知微之顯於是有知止之功
焉止也者吾心之體萬化之原也至虛而備至靜而
章至寂而神予思所謂未發之中天下之大本是也

堯舜執之以弘蕩蕩巍巍之化伊周培之以著新猷
休休之業孔孟之祖述願學而垂萬世無窮之教不
亦大哉三代而下斯學不傳二氏迷之以高虛五霸
汨之以功利宋人以助長害苗病已而病天下其他
權術刑名詞章訓詁之卑淺又不足道也而不得其
故者往往斥虛寂靜爲異端之教而不知虛寂靜大
易精微之蘊也非虛則不能受非寂則不能感非靜
則動不直一以絕物一以成物一以經世一以出世
毫釐十里微矣哉微矣哉周程以後白沙得其精陽
明得其大而予與殿學少湖徐先生妄意感厲三十
餘年而卒無所得先生荷天子重托懼報稱之日孤
日也乃弋予在穴同升諸公四年于茲萬一未試徒
日見其謬迷予之負先生多矣乃皇上憐予老且出
先生薦不忍罪予許請老以去曠蕩之恩也頗行禮
意駢蕃重以贈文難言之情繼之以泣且出此索留
別語噫予何言哉予二之心不能無愧於斯學而
其所以自許則有難以語諸人者自茲以往在朝在
野有一日當勉一日以求不負同心之利而或去或

人文紀畧

序

古

卷五

不去歸之乎潔其身先生贈文備之矣予何言哉

送大理卿胡象岡歸省序

聶豹

京朝官凡六載咸得以例請歸省聖朝所以體群臣教天下之孝也自夫士大夫以官爲家而父兄之所以屬望其子弟者亦惟是爲樂於是廉遜之風微忠孝之行缺而世道之升降士習之汙隆繫焉夫豈細故哉棘卿象岡胡君汝立曠大恭人之養者八年於茲先是方欲以例請適虜寇入犯畿輔士大夫相與切多壘之羞不敢以請至是年秋叛將藏而師律彰人文紀畧

序

卷五

天聲震赫文武諸將士咸蓄朝氣以待虜擁衆駐獨石日遣輕騎薄喜峰古北諸隘垂涎再越月不敢犯乃卷甲遁西北寇宣大宣大又各振旅拒戰沮喪奔北莫敢南向矣于時天子玄默朝野晏然君於是

請于上下所司議可之謁予屬文以道其志昔禹八年於外三過其門而不入當是時使水土平奠厥攸居民無艱食乃亦八年三過不入其室則與墨突之不黔何以異其於人情不已遠乎蓋親也不可解於心義也無所逃於天地時也各隨其所值而致隆焉

負劍之決而興漢之義堅絕裾之牽而天性之恩

故君子進則爲君退則爲親進退一准其時知時而後可以語孝可以語忠知忠孝而後可以語進退之道故曰世道之升降士習之汙隆繫焉象岡由乙未

進士試官舍人尋以才望擢監察御史奉命兩淮輒具疏乞養甫三年大恭人強之出乃出巡畿甸獨持

風裁強禦凜然或勿犯貪墨望風咸翩翩解綬適矣至今民間談胡御史猶嘖嘖搖手云已督學南畿聶

新學政刊華摘實士風丕變無復有干以私者凡所

人文紀畧

序

志

卷五

識拔稱良士焉嘉靖己酉被誣逮詔獄天子廉而釋之尋遷大理丞已又遷少卿明罰勅法稱廷平譽藹

尉也蓋其學有本原故於進退也章章如是序之以

華其行

贈邑侯黃明山赴召序

聶豹

國朝設官重臺諫臺諫缺選諸縣令由賢科有治行者起而補之然亦有補之不由賢科縣令而起者非

令甲意也意以令萃百責統六曹習民生休戚之原

蓋嘗試之而知其賢也起而責之以耳目風紀之司

則事豫吾內天下豈難能者是故由賢科縣令起而補之恒十九也維茲嘉靖庚子邑侯黃君以治行爲江南第一例得報於廷也天子適以第一人召之民皇皇如有所失蒲溪梅丞謂無以慰其皇皇也乃率而謁言于予予於是而可以觀政矣侯之政有君子之道四焉廉以豐財簡以宣力威以懾強明以理鬱鬱理而和和作頌力宣而逸逸作思財豐而裕裕作愛強懾而威威作畏畏而愛愛而思思而頌頌侯爲民之父母非耶亦於是而可以觀民矣侯嘗試政於信陽也示期年而頌作天子以侯非百里之才易以三百里之豐民界之不再期而頌作頌作之而願留之皇皇焉如有所失乃謂今之民非三代之民過矣君子之仕行其學也學道愛人孔氏之家法故正己以格物例以視民如傷無二道學之而分定故也侯嘗受學於先師陽明子良知之教其習聞矣乎良知者真誠惻怛明覺自然曾有一息之不愛耶而學之者起意於知覺恣情於冥妄未始有得而鼓其辯誕之說以誑世甚者毀經畔傳陋周程以下之宋儒爲

人本紀畧

序

上

卷五

不足與以若所謂而使當路蒙深抑講學之名誰爲過歟侯嘗隱以爲憂也故書以復梅丞且與侯共勵焉侯名齊賢字汝思別號明山浙之餘姚人也中嘉靖十四年進士於予兄子爲同年云

贈翰林孔目何元朗之南都序 聶豹

予嘗令華亭簿書稍暇輒與諸士相劇切類教之外復擇俊穎者得十有八人羣而教之談道課業無間寒暑而諸俊士日駸駸大有成鼎然露頭角稱良士焉故今登台輔爲臺諫爲部屬爲憲臬者十有一人鄉試中式者三人貢者二人夭折者二人如吾元朗及其季儀部郎何叔皮則皆十八人中也乃元朗竟以選貢出遊太學歸潛海濱績文篤行聲籍籍稱吳中士人咸知有元朗而願交焉嘉靖癸丑予被召承乏本兵而元朗亦謁選來京師公卿折節搢紳到目授南京翰林院孔目去收宿望也行且有日而索教復惓惓憶予何言哉凡予之所能言者元朗聞之熟矣言之無乃贅乎雖然予又安能已於言耶孔子曰文莫吾猶人也躬行君子則吾未之有得夫行如

人本紀畧

序

上

卷五

孔子至矣而自求於子臣弟友之間皆曰未能於是乎不敢盡亦不能不勉慤慤然進而不已至七十而後從心焉元朗自視於孔子之所至何如哉吾固知元朗之歉然不敢當也歉然不敢當而又自謂其已至不能勉於慤慤之進吾又知元朗之歉然不自安也發憤忘食不知老之將至孔子之所以爲萬世法也曩時予令華亭齒髮壯而元朗方總角別今三十年顧予癯然稱翁而元朗亦星星有二毛不學便老而衰念之惻然元朗素推衡山文先生予老友也歸人文紀畧

序

三

卷五

過吳門爲予道起居并問茲所云者何如

刻及遊記序

聶豹

儒者諱言虛寂乃吾夫子於易究感應之體而質言之何也蓋天下之感皆生於寂而其應也必本之虛無有遠近幽深而易之受命如響其以此夫世之議者謂心動物也心無未發而可以虛寂言耶憧憧之思卒流而爲安排擬議者謂得夫心之妙用而精一執中之傳於是乎始荒矣蓋動其應也發其感也而其所以能感與應者寂然不動周流六虛以立天下

之有以一天下之變濂溪周子深於易者乃曰聖人定之以仁義中正而主靜立人極焉極之爲言天之樞人之命也予與念菴子麗澤二十年而論始合今觀記中發明大旨要不過此劉生念菴門人也其於先生著述皆未及梓而獨梓夫是其亦知所尊信者歟序之以勗其成

虛菴先生言志集序

聶豹

稽吾豐詩文之祖自文忠歐陽公而下入國朝號中興時則有若曾學士棣習車駕韶兩驂並翔唐音復人文紀畧

序

三

卷五

作也夫浩渺奇縱倚馬可待學士尚矣至於古澹清婉一唱三歎有遺音焉學士以兄推駕部非虛讓也而石門梁先生稱之則曰意本風雅而倣乎魏晉夫豈終爲雲山之韶濩也哉先生一代儒宗也無寧以言徇人乎予少待先公水雲大夫每聞誦先生洞庭舟次五言絕句云辭家一千里惆悵不能吟昨夜巴陵雨洞庭春草深願某曰此唐音也小子識之比茲從上大夫家編詢先生全稿訖不可得昨庚申夏四月有鄉民二人來謁自道其里居姓氏予訝曰非

先生族人二人者悞錯不敢對既而曰小人寒微安敢重辱先人予曰何傷乎不知先生全稿家藏有舊本否也曰藏稿幸無恙予乃令人隨其後索之稿已蠹蝕朽磨幾不可讀予校錄補輯悉仍其舊稱全集焉噫先生下世今百有五十餘年珠沉玉瘞久而復章文章顯晦有時詎不信歟予故梓而傳之而未附以大學士金公幼孜所述行狀學士曾公棨所著誌銘解公縉所撰菴記及譜文詩序等篇所載先生政績學行皆足以儀刑後學俎豆鄉賢不獨其詩與文人文紀畧

序

圭

卷五

贈周以道分教青陽序

教有道乎曰學諸已而已矣學有道乎曰求諸心而已矣求心有道乎曰識吾心之體而已矣故曰學須先識仁體既識仁體存久自明夫仁性之靈也動於欲而後始昏動性之滅也感於物而後有欲欲動而仁之體亡所謂靈於萬物者而反爲物所役孔子所以教萬世無窮蓋嘗求諸易而得其學也夫天下之事感與應而已矣故父子相感而後有孝慈之應君

臣相感而後有仁敬之應昆弟相感而後有友恭之應於朋友感於夫婦感而爲信爲別要皆吾性之靈之所發性所同也宜其感物而神應者無不同而乃有不同者人有學不學卽學矣而徒以不誠乎心之體至於誤已誤人者亦多矣夫然後致不一而慮以百舛歸不同而塗以殊謬歸也致也靈之所聚也是故良以止言威以虛言感以寂言寂以通天下之感虛以妙天下之應止以研天下之慮知止定致虛極守寂篤是謂未發之中大本之立夫然與天地合德

序

圭

卷五

與日月合明四時合序鬼神合吉凶靈之至也於是應之父子而止慈孝天下之爲父子者定應之君臣而止仁敬天下之爲君臣者定應之昆弟而止友恭天下之爲昆弟者定朋友夫婦應之而止於信止於別天下之爲朋友夫婦者定天下之爲君臣父子夫婦長幼朋友者定教之至也予故曰不學弗教學而不求乎心之體者猶弗學也蓋嘗語諸同志未有以爲然者惟念菴羅子莫逆焉不謂今復有以道也以道友予二十年乃離群而索居未嘗悉其底裏比以

應貢來京師與予同起者一年言無弗契默焉而意已傳竊慶斯學之不孤也茲奉命分教池之青陽予因序此以堅其學蓋吾無行而不與二三子者夫子蓋嘗以學爲教也羅山姓周諱祿字以道其爲人廉靜簡默天性孝友學務自得不欲隨人口吻爲喧寂青陽之士其將有聞而興者乎

易經臆說序

宋儀望

夫易三才之道備矣有天道焉有地道焉有人道焉伏羲仰觀俯察始畫八卦以通神明之德以類萬物之情其爲數也有奇有耦有老有少而其爲用有動有靜有晝有夜有死有生有消有息有往有來有進有退其數也有常其用也無窮有常則天地不能移無窮則巧曆不能盡大哉易也斯其至矣文王重其卦周公述其爻孔子繫其辭三聖人之心何爲也哉總其要在本天道明人事定天下之吉凶成天下之亹亹紀畧序

亹亹如斯而已矣是故以順陰陽以布柔剛以立仁義奇耦迭用老少相乘先後異位施生同功動靜也晝夜也死生也消息也往來進退也莫非易也然而數行乎其中矣數之變無窮而易之用亦無窮故曰易變易也隨時變易以從道也神明者道之管也心者神明之宅也聖人以其神明之心而究天地人物始終之變故幽贊神物裁成造化卦重而六十四爻變而三百八十四而易不可勝用矣是故先天易之體也後天易之用也卦體也爻用也乾坤體也坎離

用也奇耦乘而陰陽之變盡矣老少用而剛柔之變盡矣先天後天立而天時地理人事之變盡矣陽極而陰生爲姤陰極而陽生爲復姤陰之漸也復陽之漸也陽貴而陰賤陽尊而陰卑陽君子而陰小人循其升降由微而著聖人扶陽抑陰故贊復之辭曰復其見天地之心乎序卦之義凡陽盛者居上陰盛者居下此其微權也嗚呼非聖人其孰能知之孔門善學易者莫如顏子有不善未嘗不知知之未嘗復行夫子歎之曰顏氏之子殆庶幾焉此言天之心發藏於復吾能自見其心自復其知而後神明之用全而易之變盡於我矣予少而學易長而覽鏡諸家欲作易義以明聖人扶助世教之心然而病未能也姑蘊張幼于因出所著臆說爲請予讀之見其剖析群疑折衷傳註或訓其辭或釋其義蓋潛心於易者二十餘年可謂勤矣予固備述聖人作易之旨以究張子未盡之意亦欲使其進而繫厥至焉因叙而歸之

三禮纂註序

宋儀望

予蚤歲從父師問三禮同異因臆嘗所辨說周禮一

人文紀畧

序

五

卷五

書自漢惠除挾書乃有獻周官五篇其后向子欲得之遂以考工記補冬官而不攷載官名自歆後賈鄭諸人爭相校讎用力愈勤而大義愈晦宋程朱大儒雖嘗亟稱然未有折衷迨元臨川俞氏以周禮冬官雜在五官遂黜考工記更補之王吳丘三氏復增訂焉予竊謂考工記特記語耳諸君子莫究所屬併其名缺之然則輪輿桃冶弓車廬梓諸人果可廢耶自高堂生專儀禮攻而傳者五家而戴德氏又傳禮記四十九篇其義多孔門諸人相與發明元晦幼清欲以儀禮爲經禮記爲傳以今攷之周公法天制禮如郊祀宗廟朝聘會同禮莫大焉皆亡逸不可攷儀禮止士庶人而王制月令明堂等篇又雜出傳記中其義舛缺弗倫後之儒者掇拾於灰燼互爲割剝而聖人微辭與義鬱而弗章闡而弗暢蓋三禮之晦久矣予後以御史在告吳人王應電避難南遊因挾所註周禮以從嘗往來思江輒相撫難上察天文下攷地輿中定官制謂周官止五篇後儒攢補非是乃按天文作冬官演義其用力旣勤而持論甚高士大夫爭

人文紀畧

序

五

卷五

敬信之予謂諸經當漢時始出詩殘書缺禮壞樂亡非孔子刪定本旨歟去漢惠又百餘年冬官亡失如山川遼師虞衡等職雜在別官明矣王子頌之予因作讀周禮說其略曰昔在文武創造方定禮樂未遑周公以叔父位冢宰輔幼主朝群臣爰稽唐虞監于夏商乘時竭思更定法制故六官周禮作焉蓋嘗論之王者父天母地代工弘化責在三公故首立天官冢宰居之有生林立教養是賴故次立地官司徒掌之四時更運天地以成故宗伯掌春司馬掌夏司寇

人文紀畧

序

卷五

掌秋司空掌冬六官既立百度乃貞故經禮三百曲

禮三千於是大備此明周官典禮非相爲二也攷之王制冢宰統百官制財用故自王朝王宮王內事罔巨細職兼崇卑厥維統握而六卿三百六十屬皆受成焉王者不私蓋藏故外府內府王府非秉於冢宰莫敢出入焉宮中府中俱爲一體故內宰主內宮正主外凡厥細瑣皆得總轄焉其爲慮遠爲義深冢宰之職於斯爲大地者配天者也司徒掌邦教定民數興賢能弘敷式和厥功並焉斯地官之義也宗伯以

下各率其屬宣鬱導和以贊助元氣雖佐理各殊而體統流貫故觀於六官之職然後知周公之聖與周之所以王後人摭摭疑似而不達聖人精微之義輒以已意妄加評駁是所謂遺神髓而彈皮毛也時王子見之願爲更端未幾還吳遂沒去歲冬予行部宣州會東平守貢君安國出厥考翰林汝成甫纂註三禮示之儀望紳覽連日至忘寢食然後知貢君於古人微言與義多所發明而折衷更定決自胸臆如云以天官之卿考五官之卿以六官之卿考六官之屬

人文紀畧

序

卷五

掌秋司空掌冬六官既立百度乃貞故經禮三百曲

事以類從官以職別斯其義雖周公復起不能易也至於考儀禮補傳義正禮記而又更定王制諸篇以備二禮遺逸斯又其獨斷也自歆向父子以還考三禮者衆矣有能總挈衆論更立體要如有用我執此以往如太史公所述豈可多哉宣守南海陳俊雅志好古願亟刊布之東平君乃走數百里索予爲序嗟乎古之聖人上下一體君臣同心其彌綸贊助如心腹手足共相營救故六官分職百揆時叙王中心無爲以守至正嗚呼斯成周之盛也非周公其孰能成

之或謂貢王二子於周禮矣若予謂二君皆能以禮之心究聖人之心者也惜也一二同異予欲與論正者已不可復得矣雖然予又安得以是病二君哉

禮記集註序

宋儀望

夫禮者天地聖人之心也天高地下萬物散殊而禮制行矣聖人仰觀俯察出其盎然以生者制爲禮教以理天下是故以立父子以正君臣以別夫婦以序長幼以惇朋友此五者禮之大經也然儀文不備則人之情易於流放而禮之爲用有時而窮於是稽其

人文紀畧

序

序

卷五

儀物辨其制度定其典章有王朝官司之序有宗廟朝聘之儀有冠婚喪祭之度有鄉射燕饗之節其威儀文章至纖至悉要皆以吾之心而參天地之心彌綸統貫無有滲漏嗚呼斯禮也非周公其孰能脩之周道既衰禮教大壞孔子有周公之聖而無其位而其願學周禮之心固遑遑也當是時魯爲周公之後周禮尚存孔子急急然講而定之如有用我執此以往此其志也遭秦煨燼典籍蕩棄厥後高堂氏始傳儀禮十七篇蓋周禮之遺也至小戴氏復傳記四十

九篇今禮記是也中間微辭與義多孔門諸人

發明程氏所摘學庸二章直與虞廷精一之旨同功他如王制月令明堂等篇雖出漢儒撰記然至于今猶得循其言考其事而因以窺見周公制禮設官之本意其功亦不得而廢也世以周官儀禮禮記列爲三禮予謂周公立六官定禮制禮儀三百威儀三千卽周禮也今可攷見者特十七篇耳禮記最後出體裁錯雜故謂之記後之儒者不能深曉並稱三禮失其旨矣宋大儒朱子欲以儀禮爲經禮記爲傳吳幼

人文紀畧

序

序

卷五

清氏因著纂言說者或有取焉而孰知其脫漏殘缺無可復見聖人全經惜哉今制令博士弟子專業禮記而周官儀禮悉置弗述豈非欲其紬繹傳記以求見天地聖人之心歟顧今所習皆本先儒陳澧集說當攷其旨歸多沿襲舊聞拘泥註疏其於天地聖人之心殆亦有未至焉同年姑蘇徐魯菴氏由給舍謝病家居十六七年閉戶讀書其於聖賢六經與義與夫藝文雜纂博極攷究號稱該洽今所訂禮記集註其所發明皆能隱括天地聖人之常心學者誠味其言

則古所謂三千三百不必索器數考殘缺其於禮之
爲經爲曲亦庶幾思過半矣因爲叙其大都如此魯
菴名師曾字伯魯蘇之吳江人舉嘉靖丁未進士

河東重刻陽明先生文集序 宋儀望

陽明先生文集始刻于姑蘇蓋先生門人錢洪甫氏
詮次之云自後刻于閩于越于關中其書始漸播於
四方學者嘉靖癸丑春予出按河東河東爲堯舜禹
相授受故地而先生之學則固由孔孟以沂堯舜於
是間以竊聞先生緒言語諸人士而若有興者未幾

人文紀畧

序

三

卷五

得關中所寄先生全錄遂檄而刻之嗟乎先生之學
蓋難言之矣昔者孔子設教洙泗之間其與群弟子
論說如答問仁問孝問政各隨人品高下而成就之
而求仁之學惟顏氏之子爲庶幾焉其餘雖穎悟如
賜果如由多藝如求皆不許其爲仁故曰惟命與仁
子蓋罕言之當時從者亦且疑其爲隱而夫子他日
又欲無言夫子豈誠不欲言之人人顧學者有及與
不及耳顏氏既歿斯道益孤其後乃得曾氏遂以所
著大學一篇授之厥後子思孟子亦各發明其學無

有異同然自二子之後傳其學者往往流爲異端

漢以還斯道不絕如綫至宋周程氏陸氏起而倡明
之當其時同志諸君子又多持其所見競立門戶鳴
呼聖人之學是何明之之難而晦之之易也陽明先
生蚤志斯道更歷變故造詣益深於是始以聖人爲
必可至一日取大學古本深加研究遂發明其格物
致知之說而超然有悟於致良知一語既而本之吾
心驗之躬行考之往聖質之鬼神建諸天地然後知
良知之用微動靜合體用貫始終常精常明常感常

人文紀畧

序

三

卷五

寂常戒慎恐懼常大公順應蓋至是而先生之學始
沛然決之江河而無復有疑矣先生嘗曰心之良知
是謂聖人之不能致其良知者以其無必爲聖人之
志也是故舍致知則無學矣舍聖人則無志矣故其
與門弟子語惓惓以致良知爲訓而不復有他說何
者良知之學先生超然獨契發千古聖人不傳之秘
不啻若獲寶於淵獲金於塗而遂欲以公之人人學
者聞其說莫不恍然有悟而不知先生之學實未嘗
以一悟遂可至於聖人孔子在當時發憤忘食下學

而上達門弟子乃謂其爲天縱夫子至是始有蓋
知之歎矣嗚呼今之譚先生之學者其果能身體力
行如夫子所云者乎予故曰先生之學蓋難言之矣
先生既歿在門之徒有號稱脫悟或少變其師說而
軼于繩墨後進之士遂妄加訾議而卒視聖人爲不
可及嗚呼是則可懼也已今之讀先生之書者果能
求先生之心體先生用功之實譬之衣服飲食飽煖
自知若是則將終身從事猶懼涉汪洋而茫無涯涘
也彼人之至不至訾不訾又何與於我哉是則先生

人文紀畧

序

書

卷五

之學也是則重刻先生之集之意也是爲序

刻巡閣稿序

宋儀望

予師宮保嚴江菴公嘉靖初以御史出按閩中甫下
車慨然以伸雪枉抑發摘奸伏爲事其施爲注措如
神謀鬼設不可臆度諸郡縣貪酷吏多望風解印綬
去勢家鉅族暴橫鄉里往往盡寘於法其在當時論
風裁節誼必以公爲首稱迄今餘三十年海內士大
夫每道公巡閩事輒咋舌歎服不置然公雖以此顯
名當時而彼譏忌者方藉權力害公未果尋亦出公

外郡企遭外艱杜門不出几十餘年累用薦起陞平
陽有保障功既遷憲職卽拂衣歸鄉里會當路與公
有隙遂中公危禍卒賴天子明聖不得害其後竟以
大臣薦起公少司馬再踰年遂正本兵尋以北功加
太子太保三數年間驟致通顯人皆以爲公榮不知
公爲御史時屹然已負公卿之望企平陽功成上嘗
書公名於屏蓋思大用之也公在本兵歲餘以年至
力辭樞務優游林下望之如神脫仙解今年庚申公
嗣子錠始校公巡閣稿刻之會某在告家居公乃授

人文紀畧

序

書

卷五

簡俾序其端竊伏自念昔在弱冠卽從游門下受公
知愛既又嗣官御史深慙薄劣不能述揚前美徒負
公夙所期待乃獲廁名於文字之末此子瞻氏所以
願附於文正也於是攜歸山房捧讀累日不能釋手
蓋公始終出處大節多磊落奇偉每發爲詩文要皆
直吐胸臆宣述性靈感憤時事闢提理要冀以下明
已志上輔主德非徒拘拘於聲偶文字間者平日著
述甚富自當別爲全集予既讀巡閣稿而又竊爲論
者若此以俟他日史氏得並採焉

校編鄒東廓先生文選序

宋儀望

昔陽明先生有言自顏子歿而聖學亡矣夫聖人之學心學也心之生理卽謂之仁謂之性性之虛明靈覺卽謂之良知此聖學之矩也孔子十五志學至於七十從心所欲不踰乎矩故其爲教惓惓焉以求仁爲至惟顏子請事竭才直悟本體故孔子贊易之復曰有不善未嘗不知知之未嘗復行顏氏之子殆庶幾焉一時及門如子賜由求最稱高等然或膠擾事功出入見聞故夫子皆不許其爲仁云亡之嘆其旨

人文紀畧

序

宋

卷五

微矣曾子子思孟子繼之乃述學庸作七篇孔門之學然後賴以復明周元公崛起千載聖學一篇直提本心明道得之發明定性之旨以大公順應學天地聖人之常宛然孔氏宗旨也自後諸儒迭出透悟稍殊門戶遂異分知行爲兩途析格致爲二功三百年來聖學之矩幾於裂矣我明陽明王公繼濂洛而起精思力求乃恍然時悟致良知一語蓋卽吾心之靈覺虛明以悟真性因吾性之渾然全體萬物皆備以悟孔門仁體之學海內豪傑之士得聞其說莫不翕

然從之然在當時惟紹興吉安爲盛蓋先生起自於越從遊最先旣官南贛吾吉諸君子從先生遊凡數十人至今宗其學者不敢廢墜然予兩師東廓鄒公南野歐陽公則尤傑然者也蓋二公警悟穎發志向堅定故於先生之學言下立悟以此得之於已亦以此授之於人自陽明先生歿同志之士以事王先生者事于二公幾徧寓內矣今兩公亦各薨逝吾輩欲思聽其聲歎已不可得獨其平日所論師門宗旨則文集具存明顯痛切若揭日月而行中天朝廷採禮

人文紀畧

序

宋

卷五

官議並謚文莊蓋異數也予自弱冠獲從二先生游得聞致良知之教深愧薄劣不能發明師承今年春奉璽書督學來閩乃以嘗所校陽明文粹移諸郡刻之其全錄則屬于建守司諫邵君而又竊謂兩文莊公集蓋與先生之學互相發明方圖校訂無何鄒君繼甫起家八閩總憲相對懽然因縱言及此鄒君曰家君全錄已梓于東省比建守又重刊焉予戰然曰有是哉此吾黨之幸也然予見淮南李公校編歐公文選四冊今欲君選先師集專於學問者亦如其數

予將命工倂刻焉庶幾三公之言尤便流布總意召
遂繕閱全錄得論學諸體若干篇以授某曰願子校
之仍爲之序亦先公之志也予乃得備攷先師自壯
至老與王先生所得無毫髮少異其邇元公明道以
追顏子一篇之中未嘗不三致意焉因竊歎曰嗟乎
今之學者談良知之說何其紛紛也後生末學沿襲
舊聞出口入耳如貧子說金良無足異其有號稱脫
悟則又持論過高而良知簡易明白之旨反不免疊
床架屋之病豈不大可怪哉今讀二先生文選千言

人文紀畧

序

宋

卷五

萬語同歸直造片辭剩句畢露全體譬之閉門造車
出門合轍此無他其得於吾心之矩亦一而已昔人
謂自孔子之學興而百家盡廢予謂三先生集出雖
有褊心亦無所置喙焉此固予與繼甫編讎之意也
是爲序

擬福建鄉試錄序

宋儀望

隆慶紀元之歲秋八月海內當大比貢士先是臺臣
疏言端士習正文體五事尋下禮部議行之于時巡
按福建監察御史某實主監臨比入簾恩德焉申帥
條章敷揚德意以風示多士乃以前御史某所聘諸

文學慎簡以從以某某爲考試官以某某爲同考試
官提調則某某監試則某某其餘百執事序列有差
於是合提學副使某所選士若干人三試之拔其尤
九十人錄其文之優者凡二十篇以獻錄成某宜序
序曰昔人有言文章與時高下豈不然哉三代迭繼
文質更用當成周之盛諸侯貢士歲適于王庭雖以
兎置野人皆可爲干城腹心吁又何其盛也漢唐以
還取士迭異大抵本於文章經術爲多我明損益歷
代獨重科目得人之盛比隆成周矣然馴致今日經

人文紀畧

序

宋

卷五

世道者乃有人才不逮往昔之歎則是何故文之弊
也士習因之矣某嘗竊觀我朝文體凡三變而世道
汗隆人才盛衰恒必由之何者國初之文雄渾該洽
明習世故故其時多驟起田里踐華要左右論思恢
宏制度宣德以後體裁含蓄悉歸質實故其時多守
繩矩重名檢惇龐貞固海內又安正德嘉靖間士以
通今學古爲能馳驅漢魏陵跨唐宋文章號爲極盛
故其時多持議論驚制作經營潤色禮文繁縟而渾
樸含蓄之意殆亦少衰焉惟我皇上應運中興殫求

治本以爲文不反古而能回士習厚風俗未矣詔
始頒海內經生學士喁喁嚮風八閩僻在海隅數百
年來人才之盛埒於上國而又適聖作之期造物觀
之會記曰丁壯也言陽道著明萬物壯盛也卯之爲
言茂也言萬物暢茂也今歲在丁卯厥應文明之數
何天人之交應有如此者初某等之應聘而來也御
史申命誓言期得真才以稱塞明詔爰是縱觀諸士
所爲文皆敷陳經義剖析微言覽鏡古今其言浩博
要渺不可殫窮其所籌畫端度鑿鑿然中矩矱切世
人文紀畧 序 卷五

贈大都督孟諸廉公赴召北征序 宋儀望
皇上既嗣登寶曆亟詔廷臣宣布德意思與海內黔
黎更始其各邊文武將士則又大加賚予以示優勸
未幾謀言北虜且內侵臺諫諸臣爭上疏言事柄兵
者日條奏不暇然卒莫能施行於是給事中吳君上
言國家制御醜虜患在於備多而力分專守而忘戰
今兩廣總督侍郎臣譚某閩浙總兵官臣戚某有經
畧才臣以爲莫若召還二臣專與計事一二年間虜
乃可圖也上聽其言有詔代譚公還部既而虜果犯
人文紀畧 序 卷五
薊鎮寇鴈門攻城破邑憑陵愈甚本兵用御史言輒
趣戚公還督府以肩大事公既得報歸自海上戒行
有日於是藩臬大夫闔帥叅遊合餞公于平遠之臺
以某護軍閩中宜有言以佐觴豆予惟昔周宣王遭
邦新造四夷交侵赫然思奮文武之烈爰命召虎方
叔平淮夷下荆蠻吉甫伐獫狁當是時若南仲仲山
甫輩皆左右大臣前後奉命征伐率親督戎行以是
能底定南北稱中興令主當先帝朝南北最號多故
方倭奴倣擾破郡據城八閩騷然於時司馬譚公重

倚將軍用兵不滿萬人所向克捷斬首且數萬嘗以此誇豔兩公是其勲業聞望固與周之方召矣今北虜爲患視倭奴不甚相遠然且數犯畿甸震驚陵寢將兵者日虞虞不自完今天子深鑒往轍乃聽群臣議召還二公計事固將望二公兼領南北不止如方召諸人專任一方而已然予以爲事不素定而能致用未矣將軍試度醜虜與倭孰強南兵與北孰便務守與決戰孰利又誠聽將軍計一二年間可與虜一戰決勝負否將軍曰虜性黠驚挾衆動數十

人文紀畧

序

望

卷五

有經練兵於鄉伍而民不疑此其說有不可以口舌陳者夫無形者制有形者也無用者制有用者也能多能寡能聚能散能進能退能柔能剛翕張變化惟所操持夫是以能常勝不驕常戰不怯常勞不罷然非廟堂主張於上公卿協謀於下恐未可以卒圖也今天子不以某爲不肖俾得偕司馬公還朝計事予二人平昔相與籌議亦不過如此而已不然其所藉以報國者惟此身耳他非某所知也諸大夫旣聽公言咸避席請曰某等今日幸聞將軍長計敢不酌酒

人文紀畧

序

望

卷五

爲將軍賀予不佞辱知最深乃效昔人贈言之誼次第其語書付行李俾他日史氏得並採覈以見大將軍成功張本云亦諸大夫之志也

贈同年潞南李子令祥符序

宋儀望

潞南李子拜祥符令瀕行雲間高子汾州繁子嘉興周子企予咸往私焉李子曰往余與諸君觀政內臺朝夕論說以爲士君子處世不得遭時大行卽一郡一邑猶足親附其民以興起教化今余辱拜祥符祥符古大梁之地傳斯稱四通八達者也此者民多罷

役繁興居民饒河而處又有衝突割嘴之患
令者日拊循其間而諸司總轄于上朝夕趨謁無寧
時雖日欲與民親昵其勢不能且民有冤抑邑爲直
之矣而憚夫猾徒輒登聞于當路當路者下之邑其
聞利害可否苟一惟當路意如吾民何邇來宗室繁
多動輒與當事相抵牾一操約之則忿且怨若恣其所
爲恐漸不可長且又使客往來絡繹不絕夫馬供應
咸取責一邑今民上困於祿米下苦于賦役又有城
郭省廬修葺之勞祭祀賓客之費夫怨叢處難綿力

人文紀畧

序

署

卷五

短智予殆不能於祥符諸君子何以相我高子曰予
聞之嗜修者不召侮慎事者不斂怨夫聚財督賦斷
獄罰衆邑所脩也是故已苟不利謗何由生事苟順
民民將奚怨予盍慎諸周子曰夫祥符轄于省臨于
孔道轄于省則專制衆臨于孔道則交接廣是故以
已之繫繫人則人怨以已之能能人則上忌子毋爭
名毋撓上毋狎衆以此爲祥符祥符治矣梁子曰子
貌不飾於心行不情於獨恭敬有文辭達多智夫恭
則不侮多智則盤錯不難子何有於祥符於是李子

卒以問於宋子宋子曰子以三子之言奚若李子曰
言則善矣美矣願吾子之少進之也宋子曰某竊聞
之夫政譬如操割得其理則難弗阻又若張網挈其
綱則條弗亂昔曹參氏學于齊人蓋公得聞清淨自
定之語卒以此治齊相漢顯名至今今子游于歐陽
公之門與聞陽明先師致良知之教此與參之學于
蓋公可同日語耶夫良知者是非之本心也致吾是
非之心而毀譽得喪不少芥蒂於中則向三子之言
若割在刃若條在綱皆吾良知自有之則吾子其亦

人文紀畧

序

署

卷五

聞之乎李子於是欣然謝曰有是哉吾今而後知學
之可以從政也敏德收不夙夜以毋忘諸君子之交
微旣而新安鄭子曹國朱子無錫秦子聞之曰古也
有志在其位必謀其政其李子之謂乎雖然論不忘
規四子者可謂善言離矣於是諸君子復命某撰次
其語付李子李子遂別

贈邑侯任菴陳公入覲序

宋儀望

予覽漢史傳循吏僅僅數人而止由漢歷唐宋千餘
年間以循良載史冊亦未易數數然也豈果守令之

難歟抑有之當其時無能言之士播之聲歌以章其
其人史氏者無從據據之歟且漢所稱龔黃卓魯尚
矣乃其居官及行已非有甚奇絕希濶于時史氏者
採而傳之卒賴其言顯名至今假令今之時其人品
事業或出數子上而竟不遇能言之士使後來史氏
無所憑據即求比於數子不可得矣嗟乎此吾鄙之
士所以欲予有言于邑侯陳公者意蓋如此往歲已
已侯始下車來治我豐至則閱故實咨風俗審興革
諸所便於民者漸次行之會大司徒以帑藏殫竭爲
人文紀畧
言數年積逋一時併徵侯以告予予因爲侯悉言其
故侯以爲然稍稍調停之民以不怨其諸訟獄悉歸
寬厚豪強之徒歛法挾奸駕調詞以恐喝良善侯心
惡之然不輕有所移久之其人竟輸情實侯寬然處
之絕無苛求意至於慎名檢革供應絕餽獻交際燕
饗之間不肯少失尺寸平居以清約自處衣服飲食
悉歸樸朴自署以內于于相安無復詩人交謫之苦
侯之居官行已其不愧古人類如此治豐暮年邑人
誦說不絕口豐素以科第文物顯比乃落莫侯時諸

生督課之諄諄然講業談藝如嚴師之待弟子邑之
俊髦奮然興起會堪輿家言學宮濱水而翼水之沙
少却恩江長橋據上游又燬于寇吾鄙欲謀移之下
方以利學宮侯以時詘舉贏其功鉅難就不如復梁
其舊以從民便築臺觀于伍家洲以翼學宮斯則兩
利而俱存也一時聞者莫不稱善會侯以入覲促去
諸所經畫悉命于僚佐踵行之於是邑之師儒相率
過予誦侯之居官行已不愧古人願有言以重侯行
予既不能辭遂以予所知於侯者著於篇且以冀侯
人文紀畧
之旋車而來也得以攷厥終焉或曰子言古之循吏
無甚異於今似矣然而侯之行事何居予曰侯寬大
廉靜不求人過忠信慈惠不逆人欺諸所注措絕類
漢卓茂茂旣以密令顯封侯爵數世由是言之侯之
勲名其不可涯量明矣然史稱茂初到縣有所廢置
吏人企旁邑皆嗤笑之大爲郡守不與居數年守廉
得其狀乃加賞歎吾吉守湘潭周公以廉明仁愛爲
諸令先諸所條教動以儒雅飾吏治以故縣令多以
賢能見知且與侯俱楚人其知侯最深是侯所遭過

茂遠甚予固得併論之抑亦以見楚之多賢也侯名
某字汝任別號任庵楚之桂陽人隆慶二年進士

遊武夷雜體詩序

宋儀望

予龍麟無所投於世顧好遊名山嘗陟西華上中微
徘徊瞻眺飄飄然有凌雲之思其後遊匡廬覽白鹿
天池諸勝亟欲卜居其中而塵空羈鞅每多向平之
歎今年春從閩中解官歸乃得窮覽武夷仙巖道室
絕巔幽澗扁舟沿洄肩輿飛度一丘一壑盡歸品題
即古稱善遊者自謂莫予若也嗟乎溪山如舊往來

人文紀畧

序

哭

卷五

何常要之興緣時邁情隨境遷探玄理者得幽寂之
致好奇觀者極登臨之美遭拂鬱者發感遇之思古
今人情諒同斯旨乃若嬰情好爵託跡林泉斯終南
因之見謂阮生所爲慟哭也維予茲遊非玄非史若
默若愚仰止高山俯濯清流究仙蹤探遺跡徜徉嘯
詠尚友懷人情興所至若振衣千仞而流神八極也
庶幾莊生所謂天游乎既返棹溪上止宿觀中援筆
伸紙隨興占吟前後得古詩凡四首五言律三首七
言律二首五言絕句三十五首七言絕句十一首古

一首爰命隸史都爲一帙藏之名山以識歲月
之觀者姑取適焉可也隆慶二載歲在戊辰仲春廿
有三日書于弋陽舟中

校刻陳侍御存稿序

宋儀望

余少時每聆諸長老論國初時吾邑有曾學士陳侍
御習車駕二君者善爲詩間得其一二讀之信能洗
濯宋元追蹤魏唐未嘗不忻然願爲執鞭企後濫歷
仕途漸踰再紀屢進屢退強半家食獨時得與鄉之
耆舊覽鏡前哲而三君所著詩文漸播于時蓋車駕

人文紀畧

序

哭

卷五

詩聶貞襄公購于其家刻之學士詩余方任校讎侍
御詩則公裔孫奉常卿多方搜求得詩若干首文若
千篇編校既定俾某叙之既不獲辭乃遂論次其世
以詔其後人嗟乎當文皇帝朝海內又安文教翕播
學士大夫咸唱爲歌咏以宣上德達下情一時聲名
文物之盛惟吾言郡爲最其在吾豐學士以掄魁列
侍從應制揆藻每當上心侍御初以就試便殿文皇
拔置高等卒業大學既登進士尋擢御史車駕以布
衣薦擢即署三君子所遭際若此蓋異數也余聞侍

衡公持憲秉正所至以風裁自持乃竟以九載考績
抗章乞致仕去在廷公卿莫不嘖嘖稱歎河東薛文
清公時在同臺爲文追送之其所稱道皆炳炳大節
類能不愧古人云公既家居與鄉之大夫士飲酒賦
詩咏歌太平每有撰述稿多散逸以故奉常公遐搜
博採其所得僅僅如此然今諷讀其詩要皆含吐性
靈敷揚物紀闡提理要五七言古沉著雄渾置在薛
少保杜拾遺間未知孰高下律詩平淡俊逸伯仲錢
劉其所爲文皆吐自胸臆體裁質實不事勦襲余既
人文紀畧

序

五

卷五

贈項監察擢四川左叅議序

聶豹

監察御史項君廷吉者以才望擢四川布政使司左
叅議時西蜀多故慎擇而使人以爲華項君行有日
矣乃問予何以爲叅予曰自其所爲監察者叅之足
矣君訝曰惡得比而同之耶勢分而權不專也責有
得爲與不得爲人有能不能比而同之可乎彼正已
格物山壓而雷震使亂臣賊子禁其欲而不得肆者
御史之職也承流宣化雲行而雨施使澤惠下究與
斯民相安於無事之天者循使之職也乃謂監察可
人文紀畧

序

五

卷五

之所能拘學之見其大也君嘗司教於州學
國學教舉而士心附及其爲御史也人曰是儒官也
可御史哉乃卒爲名御史再巡畿甸一巡齊魯肅僚
貞度持大體於聲色不露之中恂恂然語若不出諸
口至臨大事決大疑論人物賢否事後當成敗凡形
諸章奏鑿鑿然若燭照數計而龜卜也一時以才識
自雄者率皆出君之下人方訝其作用之不可測即
已試者少貶而叅之有餘矣而乃自疑其不達何哉
彼御史雷霆也雷霆主威陰陽搏擊鼓元氣而宣萬

人文紀畧

序

季

卷五

物之鬱藩使雨露也雨露主施陰陽和暢達生意而
流萬物之形所施若異而均之爲一氣之神也故儒
而教也監使而激揚也藩使而旬宣保釐也此心同
也此學同也弛之而非貶張之而非亢學之具其大
也故夫變有所拘遠有所泥才有所不通者非其才
之罪也學之罪也故夫子與點而退由求優公綽以
趙魏老而於滕薛大夫則否之蓋以才與資之不足
恃而學之大者推之有餘裕也項君有志於古人之
學自視歉然韜精光於沉默而語之以孔門仕學之

要則沛然矣方今天下多事西北之虜患方殷東南
則麻陽沅江之變未戢詰兵除戎徵通括賦部使旁
午四方囂然識者方有意外之慮况茶鹽之利責之
蜀者尤切而麻陽於蜀又不免於近膚之剝是雷霆
雨露惟君通變而時出之也臺史同鄉諸子重君之
行相率徵予言以贈予故述其所與商確者贈之

送彭山季子擢長沙序

彭山季子由吉丞擢長沙守吉大夫士重季子之行
也相與類聚于郡城餞季子于南城之樓或問季子
人文紀畧

序

季

卷五

之政何如予曰季子剛故其政尚嚴故百度貞君子
懷德小人畏威或曰人亦有怨之何也曰怨哉威也
威以禁暴暴禁而不得肆則戚戚則怨言譁作不怨
不足以觀政也故觀政者於其怨觀怨者於其人怨
在君子龔黃不能以善治怨在小人雖張湯猶足以
救亂自夫鄉愿之學行而和同之政作和同之政作
而好惡之公泯而天下之禍亂日相尋于無形也故
曰生於其心害於其事作於其事害於其政蓋言學
也是故政莫要於辨學予不能詳季子之政而其學

則嘗聞矣季子學易而有得於乾焉謂乾健也天德也惕學也所以達乎天也龍變也所以運乎惕也非惕不足以貞其健非健不足以神其變變則化故懷之久者忘而怨之久者德或曰三代以下之士各以其資之近者爲學顧其治亦惟夫意之所便耳季子剛而尚嚴得無徃於資而流於意乎予曰是性學而不惕者惟然也惕則戒慎不睹恐懼不聞是謂用九天之則也不惕則不變不變則滯於器滯於器則雜以氣質流於意見剛與嚴治之弊也是惡足以語季

人文紀畧

序

焉

卷五

子之學哉季子與予同舉正德十二年進上其試也勅法于閩之上郡尋以治行徵爲天下第一授監察御史甫三月讜犯不韙竄簿揭陽已乃量移信州移蕪州遷儀部即無何復以黨禍謫判辰州吉之丞又自辰州移也沉晦軼軻奇節益壯不復能改廢依違以追時好然怨者之私不足以勝懷者之衆畜極而通長沙之擢非人所能也季子別執予手曰何以爲贈曰予何言哉用九之學子之惕於潛且躍久矣寬居仁行惕之善變也今見季子其在田之龍乎長沙

陳氏族譜序

聶

靜

衡背陳氏邑之巨族因始遷居時卽居近恩江鎮司之後故稱衡背然世守忠厚長子孫而足不履公門者代有其人往余仲父夔江先生爲余道邑中有長者風必亟稱陳氏云陳之先自錠以及升墉升垣升坪歷五世矣垣坪之子平叔正叔並徙荆襄莫可得而譜諸官墉始墉傳宜叔宜叔傳君寶君寶傳景德景德傳泰英泰英傳泰清泰清傳英乃徙北平清徙江州初徙濠中楫世衡背以逮於今又九世矣景德當

人文紀畧

序

焉

卷五

元季之亂于戈橫發鄉人阻饑於是割常稔田三百畝以助公賑貸緣是官武昌府經歷泰楫服習庭訓潤色名行以薦起爲少尹楫之孫丕緒則彬彬文學與曾太史西墅諸公後先其議論蓋嘗有志斯譜矣而未考厥成既而璧彩行諸君樂承先志系述有次又罷於宗祠未新今宗祠煥然俎豆矣乃大學生多誠輩得與其族之長老子弟序其世次昭其勸戒直書其可信而缺其可疑將以繼先啓後多誠游予門而其長老藏珍定珍一珍璧明於予皆嫺姪子弟泮

汝的於余竝有一日之雅誼既成相率奉長老之令
謁余序諸首簡聶子曰余讀詩至行葦未嘗不歎先
王之於族何其愛而不置敬而有文之若是乎昔孟
軻氏嘗欲同天下之人矣其爲術則以仁存心以禮
存心仁禮者萃渙合散別嫌明微之大端也仁則有
親親之而無弗愛矣禮則有序序之而無弗敬矣舉
一族之人而無弗愛且敬焉然又有以及其一鄉一
國以逮于天下皆若吾之一族治之極也乃今知陳
氏之爲諸其行葦之遺意乎其將由一族以施於天
人文紀畧 序 卷五

美可日見之於俗故修譜而先王統河天下之法
備矣此則余之所欲言以爲天下勸也
刻使琉球錄序 郭汝霖 進士
使琉球錄者錄自陳高二公始也琉球歸化聖朝前
此嘗有使矣而弗錄焉遺也遺則後將何述滄溟萬
里不無望洋之嘆此錄之所以作也二公之心仁哉
嘉靖戊午世子尚元乞封上命汝霖與李君際春往
首訪是錄如獲梯航解舟路河漳人鄭教授者來語
余渡海事余出錄詢之曰得矣而未盡也暨入閩省
人文紀畧 序 卷五

造船用人惟錄是據問詢舊行故老一一弗協豈時
變不相沿乎將作之竣事之餘二公前所行者或未
逮也且事屬渾淪要實未覈余是年值海警淹遲船
更再造人亦數新視之前役頗詳然其發端則前錄
資益弘多而又懼其久且漫或遂遺也後之使者將
傷今而罪我矣舟旋之日因類編之首以詔尊君命
也次以使事禮儀述宏綱也次以造船用人敬神見
要務也次以群書質異則山川風俗夷語貢物併前
使姓名詩文而題奏終焉其未備稽考也原錄

于前而是歲所行者附于後嗚呼後之使者一舉目而星槎海濤燦然指諸掌矣若夫登之天府備史苑稽查則二公先之愚何敢再賡

致知議畧序

郭汝霖

致知議畧者我師雙翁荅龍谿子論學之書而題之云從原文也是年秋七月汝霖奉命使琉球道經梓謁師而請益焉師出示此書莊誦屢日作而歎曰翁老矣而獨抱苦心如此欲何爲哉蓋欲以明良知之學也良知之學陽明先生得之天授而格致之訓

人文紀畧

序

奏

卷五

實本於大學師曰宰物爲知處物爲格克養乎虛靈之寂體感而遂通天下之故是也故致知如磨鏡格物如鏡之照龍溪子曰格物是致知日可見之行隨在致此良知周乎物而不過天然之則是謂致知之功要在格物而師云格物無功夫功在致知也二說相反若冰炭焉于茲三十餘年紛紛未已昔者鷺湖之辯使當時平心觀之明若觀火乃兩家門人各護其師說以求勝如對壘之敵然至今爲訟誰執其咎霖用是懼敢以門牆之私謬起爭端使後之議今亦

猶今之議昔罪在霖也姑託之梓傳以俟他時論且與同志者共商之

石泉山房摘稿序

郭汝霖

余往讀書石泉山中稿故名自叙曰吾少不藝頗慕古詩文讀之欣欣不釋手中更踰蹬雲途羈心舉業四十餘歲始第昔人曰老冉冉兮將至也繼官行人使魯拜闕里上鄒嶧山登臨岱嶽尋秦漢封禪遺址過靈巖觀鐵佛袈裟飲嘯太白樓中間發爲歌詩及補員東省不踰年奉使琉球道出閩粵僞倭寇阻撓

人文紀畧

序

奏

卷五

海洋淹溺三山之西臺無事中亦常作或撫景懷人或應事酬應或詠物寫情既成篇什輒棄之不錄也友人樊斗山顧魯齋諸君過見加獎借焉謂余盍盡出舊所爲遂搜之殘篋得文若干篇詩若干篇弗盡錄錄其近者而李君槐亭布之刻云客有寶燕石世皆姍笑其愚余幸知弗寶矣而猶不能脫然棄置者將以玩日適性也要之終不免於愚

遊鼓山詩序

郭汝霖

閩人謂登鼓山可望琉球陳高使錄辯其誣又謂可

見者或小琉球余三載阻倭寇未能輒達皇命心沾
沾圖登山眺之上年寇充斥城外鄉村至是出城無
慮矣作五言律詩一首觀郊野農叟力耕作七言絕
句一首山之趾有寺老樹蔭蘿橋門頂負高山山之
半亦有寺作五言律二首山半之寺荒落片瓦斷垣
門欹壁毀狐兔豺狼之所嗥茅簷蕭蕭無住僧第存
升巔之路路僻險往往梯石覘可驗寺舊盛也從者
欲於是止余念存觀海不已攀而躋風旆飛揚天日
朗霽余願壯乘高興而聞之衆山俱入覽山嶺寡石
人文紀畧 序 卷五

遊者閩尹周子舜嶽侯尹陳子節餘詩不錄唯觀海歌寺詩周子錄置之寺鼓山者閩縣地也

送蕭君醫學榮任序

金章 刑部員外

社州蕭氏之醫行於鄉其先自守一先生以名醫起家著反隅集傳于世試無不效利濟之仁蓋有由矣三四傳至煥珪端重儒雅樂善好施仁厚長者也嘗出粟賑貧朝廷旌爲義民暨掌銓以山鄉貢宰丹徒再任臨桂雖皆不留意于醫而仁之及人迄今懷其惠再傳律賜之子俊彩游邑庠嗜問學篤志於醫視前有加焉明脈訣審六氣酌五味表裏陰陽以定君臣佐使意豁如也不數年間醫者紛至脈無不察劑罔不效且廉而無所覲雖達官貴人暨老師宿儒靡不高其行崇其術而加禮焉由是名動鄉邦邑大夫聞其賢乃舉以補訓科缺遂薦之天官俾試太醫院方術靡不精究選授前職以典醫學教榮莫加焉旣而過金陵詣予而告別且曰吾與先生通家也行將司吾下職敢求一言以勵吾志不亦可乎予曰嗟夫人之求醫也喜世業重儒流蓋謂醫非世則業未專

術非儒則理未明今君世矣儒矣授以職又榮矣進而大肆力于古聖神之遺方博求後世明醫之妙用融會貫通而去取之則一旦豁然心通乎大化智徹乎細微庶幾閱歷多試驗熟而妙用神將無施而不效矣奚借廟于子言哉知國家做成周醫師之制內設太醫院以總四方之醫外設府州縣醫學以訓爲科職雖卑亦在得人宜居以心淳行篤之儒承先世習古聖之醫而不慕乎外守其業永其傳則陰德之施不獨專於前而實在於今故天之厚其報亦不止

人文紀畧

序

卷五

序

慶蕭子新居落成序

曾夢祺 知州

予同年蚪山蕭君伯子原潔仲子原匯承厥考餘慶大新厥居經始於嘉靖甲寅二月落成于四月其友程子雲吳子學逸劉子先湯子夢鯨謁余徵文爲之頌予於蕭子爲中表之戚有年家之誼且於諸子有

同志之雅是宜致效張老之頌而可以不文辭焉子惟繼志述事爲孝之大宜構肯堂人以爲難蕭子之居不三月而適觀厥成非其積之豐財之裕曷以有此予嘉蕭子之克家而喜吾蚪山君之有子也其居前豎門第予榜之曰壬午經元昭蚪山君之科名以表厥宅里制也中構前後堂二西塘陳大行扁其前之堂曰永思昭其永孝思也石癯張司諫扁其後之堂曰濟美昭其世濟厥美也後爲樓爲室罔不完美蕭子之成是居也而念考妣之遺不能不動風木霜露之感思之永也固宜其聿修厥德以振揚先烈而垂裕後昆者當益知所以庸心矣蚪山君少負奇氣端重無媚狎以敬讓化族人鄉里稱爲良士親賢友善以道義相勗不妄交匪人士類稱爲良友抗顏師道卒業者咸至登庸今聿儀部陳大行宋侍御皆出其門弟子稱之爲良師令江夏劇邑有惠政撫按旌舉之爲良有司人皆遠大期之顧厄於數奇斃於賢勞而未究其施其有餘不盡爲造化所留者蓋將衍於今日耶君嘗論其二子謂澄可家浩可學觀原潔

人文紀畧

序

卷五

序

之綜理封殖以祿其家原匪之強勉積學而顯揚焉
既其言誠有驗即蘓老泉名其二子而卒不爽不是
過也原匪篤信聖學嘗從鄉先生聶雙江鄒東廓遊
予嘗同貴溪江原山永新顏山農建昌羅近溪論學
于其祠連榻于其山莊原潔聞之深有契悟樂供廩
餼不少吝且將有志於是焉是原匪之所可者原潔
亦可之矣得非亦可厥翁之所可而有所激云予乃
繹名堂之義以爲頌焉夫心之官則思思曰睿睿者
良知之體而永思者致知之功也常戒慎恐懼使吾
人文紀畧 序 卷五

心靈明生機流行充滿無一時或間其思親也視于
無形聽于無聲所謂夙興夜寐無忝爾所生是謂能
永其思故蘊之爲德行發之爲事業而爲美之至矣
相在爾室也必內省不疚而不愧屋漏矣出入是門
也必明曰洞達而非禮無行矣居是堂也必高明光
大而非仁無爲矣由是宜爾室家而琴瑟靜好翁爾
兄弟而埴簠和協敦睦於鄉族行合於神明而百福
咸臻矣是其居爲廣居宅爲安宅不飛峙而自高不
翬與而自美不竹苞松茂而自固其孝思也將爲世

則而世濟其美庸有既乎予之所以屬望於通家者
惟以修德講學爲務是則蚪山君之所以貽謀燕翼
者端在於此若夫大摠素蘊以魁天下躋臚仕以畢
先君子未滿之願則原匪則優爲之而有必然者予
豈容賢蕭子再拜稽首曰澄也浩也敬聞命矣諸子
曰讀書之以爲序

士約叢旨序

湯瑞至

士約者何我瞿父伯畧先生之所作也先生治豐三
稔惠孚化浹民讀法士講藝亦既蒸蒸然嚮風矣先
人文紀畧 序 卷五

生尚嫌焉未愜志曰士民表也士有百行士弗淑民
其何象且訓士以文須黜士以行子不見夫花萼蕃
鮮入暗木之華而樹木者澗其根丹艸糾碧入暗室
之華而營室者固其基士約之刻何可已也蓋大自
人倫秉心視躬紛若日用耐人接事覈古証今法戒
凜其先生之所以嘉與豐人士基肇矣顧常儀的先
生躬有之矧文懿文宗兩公顯學篤行主盟中夏先
生克茂明其德天下心儀圖先生北於景星慶雲我
豐人士日涵濡於以化之內有天幸焉廼或謂求士

於豐之今日宿沙漁山使士怒然於色
掩映史冊山川在望豈其古今人不相反
際家舍醇人隱樸渾灝之氣特勝焉憲廟以還
嬌脩就所記憶有客至亭午栗干旁舍不以介意
有艸茵溫袍水不如清者有歲除家無升斗猶咕
山寺不絕者有廿年爲卽樵夫牧豎尚不識其面
有雜優於堂抱先師之主而泣者有掛名公府出
喀喀噪地終身引以爲恨者伊人雖遠高風猶襲
之不離於約者近是遞降今日風靡波流初服
人文紀畧

序

李

卷五

持世君子不啻賈長沙之長太息人之精神越溢殆
甚天之精神轉而他屬可知若之何世不以詬病吾
士而謂無民表也抑語有之積水謂之海積旦暮謂
之歲積善全盡謂之德士患不積羊廬之爲人穀變
每變益上五年不見令人不敢知士患不變變而不
上豐人士於其苞穊正積之時於其流轉尤張
之候今澤宮方新先生大震鍾鼓歲運在庚門年爲
辛先庚三日先生之約有味乎其言之矣至不佞猶
上也行誼無聞漸被先生之教澤望雲如山

樂願與豐人士共懋勉之使天下求士於豐
文大雅卓爾可不後於先民豐水有靈先生實大有
事於此矣甘棠樸棣之歌知永以無譖



豐陽人文紀畧卷之六

於陵李晦修先生鑒定

後晉書聲晦之傳

同男 雯七 襄較

記

吉州學記

歐陽修

人文紀畧

記

一

卷六

慶曆三年秋天子開天章閣召政事之臣八人問治天下其要有幾施於今者宜何先使坐而書以對八人者皆震恐失措俯伏頓首言此非愚臣所能及惟陛下所欲爲則天下幸甚於是詔書屢下勸農桑貢吏課舉賢才其明年三月遂詔天下皆立學置學官之員然後海隅徼塞四方萬里之外莫不皆有學嗚呼盛矣學校王政之本也古者政治之盛衰視其學之興廢記曰國有學術有序黨有庠家有塾此三代極盛之時大備之制也宋興蓋八十有四年而天下之學始克大立豈非盛美之事須其久而後至於至備歟是以詔下之日臣民喜幸而奔走就事者以後爲羞其年十月吉州之學成州舊有夫子廟在城之西北今知州事李侯寬之至也謀與州人遷而大之

人文紀畧

記

二

卷六

以爲學舍事方上請而詔已下學遂以成李侯治吉敏而有方其作學也吉之士率其私錢一百五十萬以助用人之力積二萬二千工而人不以爲勞其良材堅甕之用凡二十二萬三千五百而人不以爲多學有堂堂齋講有藏書之閣有賓客之位有游息之亭嚴嚴翼翼壯偉閎耀而人不以爲侈旣成而來學者常三百餘人予世家於吉而濫官于朝進不能贊揚天子之盛美退不得與諸生揖讓乎其中然予聞教學之法本於人性磨揉遷革使趨於善其勉於人者勤其入于人者漸勤則不倦漸則遲久而深夫以不倦之意須遲久之功至於禮讓興行而風俗純美然後爲學之成今州縣之吏不得久其職而躬親於教也故李侯之績及於學之立而不及待其成後之人毋廢慢天子之詔而怠於中止幸予他日因得歸榮故鄉而謁于學門將見吉之士皆道德明秀而可爲公卿問于其俗而婚喪飲食皆中禮節入于其里而長幼相孝慈于其家行于其郊而少者扶其羸老壯者代其負荷于道路然後樂學之道成而得

時從先生耆老席于衆賓之後聽鄉樂之歌飲樂而
之酒以詩頌天子太平之功而周覽學舍思詠李侯
之遺愛不亦美哉故于其始成也刻辭于石而立諸
其廡以俟

襄州穀城縣夫子廟記

歐陽修

釋奠釋菜祭之畧者也古者士之見師以菜爲摯故
始入學者必釋菜以禮其先師其學官四時之祭乃
皆釋奠釋奠有樂無尸而釋菜無樂則其又畧也故
其禮亾焉而今釋奠幸存然亦無樂又不偏舉于四

人文紀畧

記

三

卷六

時獨春秋行事而已記曰釋奠必有合有國故則否
謂凡有國各自祭其先聖先師若唐虞之夔伯夷周
之周公魯之孔子其國之無焉者則必合于鄰國而
祭之然自孔子沒後之學者莫不宗焉故天下皆尊
以爲先聖而後世無以易學校廢久矣學者莫知所
師又取孔子門人之高第曰顏回者而配焉以爲先
師隋唐之際天下州縣皆立學置學官生員而釋奠
之禮遂以著令其後州縣學廢而釋奠之禮吏以其
著令故得不廢學廢矣無所從祭則皆廟而祭之苟

鄉子曰仲尼聖人之不得勢者也然使其得勢則
堯舜矣不幸無勢而沒特以學者之故享第子春秋
之禮而後之人不推所謂釋奠者徒見官爲立祠而
州縣莫不祭之則以爲夫子之尊由此爲盛甚者乃
謂生雖不得位而沒有所享以爲夫子榮謂有德之
報雖堯舜莫若何其謬論者歟祭之禮以迎尸酌鬯
爲盛釋奠薦饌直奠而已故曰祭之畧者其事有樂
舞授器之禮今又廢則于其畧者又不脩焉然古之
所謂吉凶鄉射賓燕之禮民得而見焉者今皆廢失

人文紀畧

記

四

卷六

而州縣幸有社稷釋奠風雨雷師之祭民猶得以識
先王之禮器焉其牲酒器幣之數升降俯仰之節吏
又多不能習至其臨事舉廢不中而色不莊使民無
所瞻仰見者怠焉因以爲古禮不足復用可勝嘆哉
大宋之興于今八十年天下無事方修禮樂崇儒術
以文太平之功以謂王爵未足以尊夫子又加至聖
之號以褒崇之講正其禮下於州縣而吏或不能諭
上意凡有司簿書之所不責者謂之不急非師古好
學者莫肯盡心焉穀城令狄君栗爲其邑未逾時修

文宣王廟易于縣之左大其正位爲學舍於其旁
九經書率其邑之子弟興于學然後考制度爲俎豆
遷館鐫爵簋簠凡若干以與其邑人行事穀城縣政
久廢狄君居之朞月稱治又能載國典修禮興學急
其有司所不責者認認然惟恐不及可謂有志之士
矣

永豐縣新學記

董良史

永豐爲廬陵之支邑其細民力穡而純固士大夫多
美秀而文以通經學古濟時行道爲志蓋自文忠公

人文紀畧

記

五

卷六

倡之陶崇風化百年間其俗大槩如此延平吳侯南
老之來是邑也下車之初款謁先聖於學宮拜跪訖
事慨然歎曰百里之封風聲習俗之美而縣序湫隘
氣象褊迫其何以崇化厲俗仰稱朝廷稽古右文之
意遂于縣之南得隙地焉廣袤千尺厥土平衍異流
清徹爰即其所命工庀徒嚴先聖于中而學宮環布
自門徂堂講筵齋館各有位序既成屬予爲之序蓋
舊學綿絕于兵火之餘置邑東鄙士民舉欲易而新
之故人樂公之有是舉也經始于紹興丁卯之六月

越明年四月告成巍巍奕奕博閎壯麗視他邑爲冠
焉余嘗怪成周之時教民興學選賢命士之法未嘗
不輟卷與嗟縵維三代之際士皆樂于自修不特能
別于尋常之人而有非後世豪傑之士所能髣髴者
當是時豈人人皆素賢哉王化行而習俗成仁義禮
樂孝友忠信之習悉本于學校士之朝夕所聞見周
旋揖遜于其間者無非俎豆之容琴瑟韶濩之音德
行道藝之美居有教養之漸出有爵祿榮名之勸苟
或不然則屏棄不齒戮辱之羞隨其後故士之德業
不得不成而風俗不得不厚至于後世不然政僻俗
廢誣僞之習興異端之說熾先王教養之具論治者
迂之而崇獎勸勉之方又不足以聳動一世故士之
能自異於流俗爲君子儒者無怪乎其鮮矣國家承
平日久泮宮辟雍之化浹于寰宇詩書禮樂爵祿榮
名之勸與夫屏棄之政無不具備異時豐功鉅烈書
旂常勒金石者必皆目前庠序布韋之士也今吾邑
學既成士之來游者日益聚其思稱上之所求而毋
自後于古之人吾將見繼文忠之懿躅必有人矣是

人文紀畧

記

六

卷六

歲夏四月皇帝御集英殿親策曰方異能之士以下
上其等列而吾兄德元遂魁天下于是無有遠邇皆
喜吾鄉彬彬儒學之盛而士大夫所爲崇勸之效是
皆可書者也

重修縣學記

曾德裕

上臨御之三年詔天下用科舉取士尊經術先行誼
風厲天下學者使咸之所向務修其孝弟忠信明于
古道達于時宜丕變吏弊以與天下更始於是皇元
之教槩朔南四十年矣此道治政成之時也天下莫
人文紀畧

記

七

卷六

不以通經學古爲高郡縣有司欽承明命凡所以修
學養士者惟恐後吾永豐由歐陽公名聞天下而廟
學不稱元貞乙未衆建新殿及大德戊戌予初仕鄉
校嘗以私錢新講學堂祠歐公至是又二十年弗修
且敝延祐甲寅邑長察罕不花始至順民欲惡罷行
害利百里之民從風而靡顧瞻廟學凡殿堂樓柱漫
漶不章者捐已財而悉更之越明年而始克完美又
明年教諭鄧陽余玉成率諸生求記其事余以廢歸
田里固辭而請益勤惟曩日濫官于朝嘗爲公卿大

臣言古之治天下者必先敷教而明刑次之矣又次
之後世往往先刑而急於教化率視爲文具漢儒所
謂威武爲文德之輔佐知者蓋鮮况古人明刑弼教
之意聖人政刑德禮之辨生民之恥心有無係焉豈
直免而無恥之應而已哉故欲其寢而刑措莫若化
行而俗美欲使天下化行而俗美莫若由學以唐虞
三代之治亦不能外乎庠序學校若夫減禮儀之官
而使操文墨之徒日徵于刑辟盡法周防而姦宄終
不可止盜賊終不可息豈若以教化風俗爲務使天
人文紀畧

記

八

卷六

下可得而易理乎方今明詔取士雖用漢唐科目之
名而實本成周德行道藝之意此千載一時也吾邑
而有賢大夫以承流宣化邑其庶幾乎夫橫政不作
則橫民自息五教漸修則五刑自簡予何幸身親見
之

重修大成殿記

曾 榮

國家混一海內首建大學詔四方郡縣皆設學校是
自京師以至海隅徼塞之地莫不薰涵於詩書禮樂
之教藹然唐虞三代之風也何其至哉今上皇帝嗣

承大統銳意文治卽位之初親幸大學令諸儒講經義錫宴賜衣恩禮隆洽繼命儒臣纂修性理大全之書頒行天下以嘉惠學者德至厚也由是居師儒者益思有以盡其職爲弟子者益思有以成其學嗚呼盛矣永豐之學在縣治之西南臨乎恩江其地亢爽而清曠學舍整飾獨夫子廟隘陝且歲久圯壞今敎諭清源張仲賓訓導分陽葉餘忠旣職敎事顧瞻殿庭輒慨然曰廟圯且陋何稱朝廷興學之意此吾黨之責也卽相與白之縣令太原吳公暨厥僚屬將

人文紀畧

記

九

卷六

叶謀而新之僉言旣同經營伊始未克就緒未幾監察御史金華朱公孟規來爲縣下車之初首謁廟學視其樊壞退而嘆曰吾受任出宰百里將以治斯民也而治民之本實自吾夫子出今夫子廟貌若此何以勝治民之寄乎乃訪之師儒諗于諸生議與前合于是市材鳩工悉撤其舊易之以美材甃之以堅甃卑者竦之隘者擴之像設有嚴筵几有秩丹漆照燿煥乎一新誠鄉邑之盛美儒林之偉觀也經始永樂辛丑秋九月九日落成十月初二日旣畢工乃礱石

諸書其事將刻之惟學校王政之所先故古之言治者必曰謹庠序之敎洪惟聖朝右文崇道益修學校之政而永豐故詩書鄒魯之邦民多文秀而好學矧今復得良有司賢師範以敬承上之所以敦敎勵學之意相與振起而作興之永豐之士又何幸歟雖然游于此者必將求夫聖賢大道之要明于日用彝倫之理乃所以爲學若徒矜其記誦銜其文辭以汲汲焉于仕進之塗抑末耳予世家于此且嘗遊學其間則于其請也烏得不具書其實而樂道其成焉

人文紀畧

記

十

卷六

新修靈星門記

曾鼎

靈星門之設古者壇壝之棘門也謂之靈星者應天象之角宿名爲天關黃道之所經七曜之所行也同祀后稷以配靈星故壇壝之棘門後世遂通以靈星目之自孔子之廟與夫山川社稷之壇壝皆設靈星之門蓋孔子之道與天地相流通社稷山川次之則其爲門固宜有以極規制之完以稱瞻仰也永豐邑庠夫子廟舊靈星門皆以木爲之間以瓦覆于其上然非古制也且歲久不能不爲風雨損壞正統十二

年丁卯歲邑宰邵武黃侯永從蒞事之暇乃與典教諸公暨邑之耆碩捐資鳩工鑿石爲柱與楹六扉則木爲之既完且固無復風雨摧朽之患觀者莫不稱嘆謂侯之爲政能知所重而足以傳于久遠乃屬予文記之惟夫子之道政教之本春秋釋奠禮之所先是門之修所以重釋奠而致敬也重釋奠所以重斯道也重斯道所以重夫政教之所本也政教之所本則學校之所由興禮俗之所由勸賢材之所由出國家之所以賴治也侯之爲政信知所重矣既新縣廳人文紀畧

人文紀畧

卷六

十一

卷六

公宇以及橋梁壇祠又將重新學舍而先修是門莫不秩然有序故書以記其繁

重修文廟記

羅倫

王祀孔子尊已乎未也尊以文也非尊以道也曷爲孔子尊乎衆人棄之聖人至之孔子者道之至也祖述堯舜憲章文武孔子之道所以至也至者立教業者由教由其教不尊其道可乎開元禮自天子執弟子禮尊以文也尊其道則未也中庸曰尊德性而道問學尊其道也尊之何宜靜宜畏焉動宜謹焉學宜

博焉問宜切焉思宜密焉卑污者宜易之以高明狹隘者宜易之以廣大傲戾者宜易之以溫良褻薄者宜易之以敦厚柔懦者宜易之以剛毅昏愚者宜易之以通敏本之身也視焉宜明聽焉宜聰貌焉宜恭言焉宜慎事焉宜敏殺之家也爲父宜慈爲子宜孝爲兄弟宜友爲夫婦宜正爲姻族宜睦爲隣里鄉黨宜恤時而我用達之天下也宜正君心以正朝廷正朝廷以正天下天下之人貧者宜富復井牧之制以養之俊秀者宜教宜復學校之制以育之教之成也賢者宜用宜復鄉舉里選之制以取之君子既進宜遠小人以成天下之務宜冠昏喪祭以厚天下之俗宜朝覲聘問以通天下之情宜黜佛老巫覡左道之教以正天下之心宜棄詞章浮華記誦沙獵之徒以端天下之士習宜斥權謀術數百家梁技之流以一天下之人才弗化也宜明刑辟以威之弗順也宜詰戎矢以備之天下一家中國一人尊孔子之道宜如此也漢唐宋之君臣尊孔子之道至此乎雖至今存可也奈何其未至也于戲孔子之道尊之至也

人文紀畧

卷六

十二

卷六

冠帶充爲文武矣臣焉卑賤伊周矣士焉顏曾思
矣奈何其未至也今之尊孔子者問其所讀之書孔
子也聽其所言觀其所綴之文孔子也求其所以爲
孔子則未也昔有學孔子者姓孔字仲尼升其堂入
其室伏其几襲其衣裳曰我仲尼也求其所以爲仲
尼則未也今之學孔子者其猶此人之學孔子乎優
孟之學孫叔敖也楚王以爲真叔敖也求其所以爲
叔敖則未也今之學孔子者其猶優孟之學叔敖乎
或曰夫子之不可及也猶天之不可階而升也噫惑
人文紀畧 記 三 卷六

群英閣記

聶豹

恩江東注而西西有小丘突出于江之潯在儒學櫺
星門西偏去門三百步而近堪輿家謂宜閣于其上
以收江水西奔之勢使之襟抱紆迴渟滯靈祥以篤
生英俊雖其爲說未必盡然然謂人材之生不盡由
於山川者亦未必然也議已二十年乃未有當其事
者蓋爲政以人材爲念世固難其人矣在嘉靖癸卯
冬邑丞梅君繼儒署篆不數月儒學之殿堂齋舍一
改而新之方欲從事於閣而丞以遷去去今又十年
而閣始成時維嘉靖壬子元日也閣聳拔連霄而一
人文紀畧 記 五 卷六

方形勝吐奇獻秀錯陳于几席之下可一覽而盡題
曰群英者其以是歟而縣大夫之意誠不在是也大
夫考國朝以來凡登進士科者六十餘人標其名于
閣之楯謂是爲一方之英使游于庠過而登者得無
有感而興歎夫永豐土宇之廣凡三百二十五里國
朝開科凡一百八十餘年其間生而少且老者不知
其幾千萬人而僅六十人題名于閣謂是爲萬人之
英非耶蓋進士之科始自隋唐而獨重于國朝公孤
卿相胥此焉出昔人有登瀛之喻英俊入彀之聲有

以哉夫花之爲英以其香遠其實大而羨若乃其
臭腐其實苦腥朝榮暮落化爲飛塵亦何有于英也
今六十人之中兒童走卒知名而欽之者惟恭愍鍾
公同以忠烈著文毅羅公倫以風節著等而上之文
忠歐陽修以文章道德著鳳凰之于飛鳥麒麟之於
走獸如三公者謂非出乎其類而無愧于英稱也耶
其餘則固有指其名而訾之者然成化以前風俗淳
厚士行朴畧雖世遠人亡无可槩見要皆不忝於前
輩之風今時則未然也登第職官輒怙勢播惡敢于
人文紀畧

主

卷六

宣城人與梅丞爲同里之嫺亦可見宣城之多賢也
已
歐陽文忠公祠堂記
曾 煥
歐陽六一先生歿百有餘年縣學雖以時祭祀而祠
宇獨缺淳熙丙午陳懋簡始建於瀧岡阡之側嘉定
丙子今大叅宣公守是邦復建於郡治之南壬午知
縣事陳侯又建于縣學之北旣成貽書中都屬煥記
之自夫子後惟孟荀韓楊繼以道鳴逮公出學者翕
然師尊號爲吾宋韓愈氏則尸而祝之又豈容已况
人文紀畧

主

卷六

士知鄉方聖宋文風追蹤三代則公之所立爲何如
夫士之自立固難而當群邪交嫉中求以自全者尤
不易公自知諫院屢請責執政以時所可爲事小人
因以側目黨論旣興相軋益衆開封附致之獄公之
跡危矣而卒無狀楊永德陰中之言公之迹復危矣
而卒不行薛宗儒無根之謗御史持益力公之迹愈
危矣而反復窮詰卒無指証雖主德聰明眷簡優渥
然非公生平所立結知有素能自免耶免于一難矣
況至再至三耶甫踰六袞翩然懷歸卓爾高風足勵
人文紀畧

記

七

卷六

萬世於乎一氣孕秀間生賢哲至和發洩斷自有時
不知又幾百年而後復有如公者出則士之於公可
不知所愛慕耶幸而生且仕於其鄉者又可不思所
以致其敬耶觀公之記穀城廟則公亦何事乎祠觀
公之記吾州學也諄諄乎道德明秀之說則公之念
鄉校亦切矣余故掇其一二大者言之是亦公之意
也陳侯名觀永嘉人今爲奉議卽次年癸未七月望

集古錄目記

歐陽棐

集古錄旣成之八年先君命斐曰吾集錄前世埋沒

缺落之文獨取世人無用之物而藏之者豈徒出于
嗜好之僻而以爲耳目之玩哉其爲所得亦已多矣
故嘗序其說而刻之又跋於諸卷之尾者二百九十
六篇序所謂可與史傳正其闕繆者已粗備矣若撮
其大要別爲目錄則吾未暇然不可以闕而不備也
棐退而悉發千卷之藏而考之曰嗚呼可謂詳矣蓋
自文武以來迄于五代盛衰得失賢臣義士姦雄亂
賊之事可以動人耳目者至於釋氏道家之言莫不
皆有然分散零落數千百年而後聚于此則亦可謂

人文紀畧

記

大

卷六

難矣其聚之旣難則其久也又將遂散而無傳宜公
之惜乎此也於是各取其書撰之人事迹之始終所
立之時世而著之爲一十卷以附于跋尾之後夫事
必簡而不煩然後能傳于久遠今此千卷之書者刻
之金石託之山崖未嘗不爲無窮之計也然必待集
錄而後著者豈非以繁而難于盡傳哉故著其大畧
而不遺其詳者公之志也熙寧二年二月記

石許橋記

曾與申

橋之見于載籍曰徒杠曰輿梁曰榘曰倚曰杙皆是

也古之爲政者嘗急焉余行役四方身嘗道路之苦或時春夏暴漲日暮長途馬惜障泥舟招不至至則邀阻語難百端於斯時也操危臨深須臾少忍情態可識嘿思天下縣遠轄棘爲有幾所非能浮鼇役鵲鞭石流殷焉得人人使之便利無乃若是其病涉邪余曩未出山急無能澤物乃爲梁爲舟不憚勞費不問遠邇廬陵臨川臨江三郡之境往往有之而心常欽然誠自閔夫境博而心隘奚翅如愚公之愚精衛之勤也延祐六年春將旨奉香至里之廣慧里長者

人文紀畧

記

充

卷六

鍾君平甫謁曰石澣之道當驛上下有二橋焉其一橋君爲之矣其一橋平甫自爲經始于延祐元年某月日成於二年某月日願有記敢請余諗曰昨歸過是見亭翼然其下石梁新好密緻道傍復有新築室者非耶君曰然疊石爲梁圖其堅也作亭護之斬其固也築室居人以眎守其材木甓甃俾莫之或攘以圖其益固也余偉其事而諾之比將還朝介其弟南一請益堅乃爲文授之俾歸刻橋之左嘉其心之與予同也余旣偉鍾君之事重嘉鍾君之心復念山陰

水涯若此何限使其鄉里長者率能如君斯有希矣矧今清朝憲章橋道在所修理有司奉行患莫能徧又使其居民若里宰之屬率能以君之心爲心予以裨官府之不逮以成吾君克舜博濟之仁顧弗偉歟作石澣橋記是年春三月一日

重修浮雲道院記

曾 榮

浮雲道院者吾邑驚溪劉氏之所建也劉氏故名家簪纓蟬聯世躋其美楚奇先生當元之盛以清才與學遇知于時始由汴省檄掌教河南三書院屢遷至

人文紀畧

記

三

卷六

廣東憲副主閫帥拜江西叅政其平生事業炳烺天地至今在人耳目何其盛哉其仕學官時嘗于其居闢園五畝雜樹花果之品以百計桑柘茶橘之株以千計築室聚書其間經史百家之卷帙以萬計而福其室曰浮雲道院蓋取諸孔子不義而富且貴於我如浮雲之意也于時揭文安公虞文靖公歐陽楚文公祭酒魯公皆爲紀述而歌詠之旣而復改道院爲書院割田分廩以贍其宗人子弟而教之春誦夏絃之音洋洋盈耳則知先生飯蔬飲水之樂養于中者

有素而詩書禮樂之教及于人者甚厚操存涵養賾謀燕翼之善又孰有過于是哉元季兵燹燔蕩無遺其曾孫公鐸以明經領鄉薦大惧無以繼先志嘗承父命所居之偏以種以樹數年之間蓊然陰翳不減其舊仍築室以浮雲揭之圖書翰墨之娛壺觴俎豆之樂無愧昔人嗟乎先生以儒發身敷歷華要顯榮終始則其處富貴之中久矣惟能視不義之富貴輕如浮雲然後處乎富貴之地若固有之先生蓋有得於孔子之意比其末路嶮巇夷險一節而終有以傳

人文紀畧

記

三

卷六

於天下後世也公鐸種學積文砥節勵行常謙以自牧耻躁進以徼名而惟惓惓于肯構可謂能安于義命而善于繼述者也于是知聖人之教入于人者深君子之澤垂于後者遠劉氏之後其有文乎公鐸微予言爲記惟浮雲之義文安公發明備矣顧予何人豈敢妄爲之說以貽續貂効顰之譏而予於公鐸有同門之好不可辭也用書此以識歲月云

竹所先生記

曾 榮

鍾氏家閭溪之濱有竹所焉溪流盤如修竹娟如其

大如椽其密如簑繁陰四布仰不見天綠雲下垂蒼雪交墮清風時至雖然若鸞翔鳳翥低徊欲下而鳴聲嘯噦也鏘然如洞庭鉅野釣天合奏明堂清廟簫韶九成也翩然如翠旌雲旂飛揚曉靄而影搖碧空也炯然如璆琳琅玕震撼戛擊而萬玉森映也余嘗過之徑造竹所俄頃之間秋籟迴發爽氣流動肌骨灑然若玉壺清水之相映金莖涼露之乍澄也恍然如蛇汗濁凌氛埃而入乎清虛寥曩之境也每脫巾彌咏其下徘徊而不能去既而列官于朝又五六年

人文紀畧

記

三

卷六

倦遊而歸重過竹所大正請曰昔先太父立達以竹所自號前進士成菴劉先生嘗爲記之今吾灌溉培植于茲幸而不失其所子何可以無言余于大正爲嫺戚弗敢辭嗟乎草木雖微物而人事之得失家道之盛衰係焉故紫荆復合而同氣之誼敦丹柰不落而孝子之情見至於手植三槐而豫知子孫之必盛若此者比比如是孰謂草木之無情乎大正祖孫相承幾將百年而所植之竹益久益繁福澤之殷蓋未艾也余觀其一門群從森如竹立聰明俊偉克世其

家將見飛騰變化莫測涯涘亦猶是竹以之爲竿可以掣巨鰲以之爲筍可以致鳴鳳以之爲杖可以化蛟龍豈能久居其所與凡草木同腐哉余之竹所將有聞于天下後世姑書此爲記以驗于他日云

孝友堂記

曾 榮

邑西下市陳氏爲永豐著姓而享夫兄弟又其尤彥秀者蚤失所怙克自樹立今昆玉聯芳競爽以弗墜其先緒迺相與叶謀築堂以奉其母而顏之曰孝友凡可以娛悅其親者無所不用其心而於友愛之誼

人文紀畧

記

重

卷六

又能各極其至休暇之日必相率上堂華萼輝映鴈行先後綵衣怡愉塤箎通發壽觴載舉慈顏洽和有雍睦愉婉之容無拂逆悖慢之意蓋其孝友出于天性非有矯揉而爲之也余家居時與其兄弟游而享夫之第謙夫且爲同學故相親爲久相知爲深也余旣忝科目濫官于朝數年矣夙夜祗懼顧無以鋪張鴻猷輔轍至治實足以貽素餐之誚而亨夫適以事來京師且徵余言以記其所謂孝友堂者余弗獲辭則爲之言曰詩書所稱孝友者張仲君陳而已明白

使傳昭昭不誣真可以垂法於天下後世矣自唐虞

後或以孝稱或以友著求二行之兼脩者百無一二焉何古今上下數千年而罕見其人也抑或有之而簡冊逸之歟抑湮沒閭巷而未之見歟不然何若是之寥寥耶嗟夫世固有之矣能養者或失於敬能直義者或少溫潤之色田氏之荆復合而骨肉之義已虧牛弘之牛旣死而其弟之惡則著烏在其爲孝友哉余觀夫世之人有承順其父母者或視兄弟爲仇讐能友愛於同氣者或比其親于塗人何其悖戾若

人文紀畧

記

重

卷六

是我亨夫昆弟尚其永言孝思益念天顯心迹無間終始惟一將見至和之氣薰蒸融液于陳氏之堂結而爲竝頭之花舒而爲連理之木以彰其孝友之實斯有以繼詩書所稱而無媿矣寧俾張仲君陳專美于前哉亨夫家居奉親好文而善學謙夫出游鄉校識廣而聞多其于張仲君陳之事講之熟矣奚以予言爲哉姑書此俾歸而刻于堂之壁

思遠堂記

曾 榮

聶氏世居永豐之北郭其地曰古巷世爲著姓今其

裔肅夫生五歲而孤既長奮自樹立以克承其先業
嘗念三親蚤世弗逮於養其心戚戚焉追慕哀感未
嘗暫釋于懷也迺作堂于其居之偏而名之曰思遠
庶幾朝夕登降于斯惕然有所感慕弗敢少忘其親
焉間以事至北京謁子請文以爲記惟人子之所以
致其孝思也豈以親之存沒而有間哉親之存也出
一言而弗思或以貽親之憂行一事而弗思或以爲
親之辱至于跬步舉足之間皆有以致其思而不敢
少怠焉及其沒也思之又無不極其至故春雨旣濡
而怵惕之心生霜露旣降而悽愴之情見以至想容
聲于當祭之日聆警欵於出戶之際無非所以致其
思親之意而已所謂人子之思其親不以存亡而有
異者蓋如此庶夫之爲子也方在孩提襁褓親在而
不知所以爲養親沒而不知所以爲哀比其長也然
後知吾親云亡音容莫覩嗟劬勞之莫報懷昊天之
罔極悠悠之思曷其能已乎此堂之所由以作也想
其一登于斯徘徊倚感慕之情而聽風水之音
何莫而非思親之地乎且夫遠者人所易忘也而肅

夫獨能致意於此則其所以思其親者又豈一朝一
夕之間哉孟軻氏曰大孝終身慕父母廉夫之思庶
乎近之矣遂并書以爲記焉

竹林清隱記

曾 蔡

永豐邑治之北有勝地焉雙溪縈迴沃壤相接清池
茂林映帶左右聶君敏惠居之敏惠屏棄紛華遠斥
聲利嘗有慕乎古者隱淪之士居之後有隙地數十
畝種竹萬竿每天風時至爽籟迴發鏘然如鳴笙簫
琅然如振環珮琤然如戛寒玉暇則領客徜徉游憩
其間或焚香淪茗或掃石對奕或引觴笑歌竟日忘
倦洒然不知塵世之喧囂闐闐之接境也於是題其
堂曰竹林清隱今年予歸自京師重過故舊逕造竹
所敏惠請予言記之予惟竹之爲物剛而不屈直而
不撓虛心勁節凌厲雪霜挺然於歲寒摧落之際而
未嘗改柯易葉有君子之操焉故昔之隱逸幽閒之
士皆好而樂之如竹林七賢竹溪六逸皆以竹而得
名於天下後世于今稱之不衰敏惠一門子弟溫純
秀特森如立竹福慶之殷淵乎未艾而又偶儻好交

游賓客過從無虛日將必有七賢六逸其人乎是又將與竹林竹溪之名譽相爲無窮矣予知其必有徵于他日乎姑書于卷端以俟

樂琴軒記

曾 榮

昔人有言凡物苟有可觀皆有可樂而五音六律足乎人之耳而養人之性情又可樂之尤者也五音六律不能盡傳而獨琴傳于世有以禁人之邪心養其中和之性宜夫君子之好而樂之也雖然寓於物者得其樂溺於物者非惟樂之不至且足以惑焉試以

人文紀畧

記

三

卷六

琴言之雍門周鼓之而孟嘗君隨以雪涕稽康好之而以廣陵散不傳爲恨伯牙絕響不彈世無知音戴逵忿不能爲王門伶人是數千者又烏能得其樂哉古市蕭君仲連好彈琴開軒而題其扁曰樂琴予與聯端嘗過之必焚香飲茗欣然爲予鼓宮聲數引如松風撼屋飛泉濺石洪濤乍興也如寒江落鴻以爭樓九率獨鶴而長鳴也予意仲連必將胸懷開朗心曠神怡灑然若沉疴去體遠旅之赴家久瘖而能言也若拘囚怨苦之得釋父兄久別而相遭也予從旁

而聽之且以爲樂况仲連之契於中者豈淺鮮乎人之不能得者矣予亦喜琴欲學之而未暇及來京師得交四方能琴之士休暇之朝齋宿之夜必携琴相聚迭奏而更撫之予竊聽而深喜以忘其羈旅之思况仲連家居好學不倦聲利澹然其樂蓋可知矣仲連嘗求余記而弗果爲今年春其嫺家編修劉君貞白致政南歸爲之請不置廼書而以記于軒之壁云

雙溪橋記

曾 榮

人文紀畧

記

天

卷六

永豐雙溪其一出于巴嶺其一出于陽山皆曲折數十里至邑治之東北始合流焉夏潦暴溢寒水漸互涉者病之永豐爲吉大縣地廣以遐東距鰲溪南抵廬陵西界文水北接全川而雙溪密邇縣郭造當孔道之衝四方行者與邑民奔走服役于官府者晝夜踵相屬不絕邑人聶君敏惠實家雙溪之上嘗顧瞻慨歎欲爲橋以濟之敏惠家業殷盛不假衆力經營締構心謀意會溪之兩涯壘以巨石以木橫其上又爲屋若干楹以覆之礮石巨細以塊計者一千有奇

斲木以株計者八百有奇陶瓦以片計者五萬二千有奇用人之力以日計者一萬五千有奇其石皆鑿之山中昇戴巨艦泝江而上至于雙溪石工始洪武戊寅之秋八月訖永樂庚寅之冬十月凡十有三年木工始永樂辛卯之秋九月訖壬辰之春正月凡一百三十五日溪流沄沄匯于其下長虹卧波石光玉潔簷楹欄檻嚴嚴翼翼於是驅牛馬負荷徒步商旅耕牧役召之人掉臂歡呼如履平地既而父老請書其事於石惟道路津梁有國之重務爲政者之所當人支紀畧

記

完

卷六

書之

晚翠堂記

曾 榮

劉氏允臧世居永豐邑治之東北去郭纔一里平阜衍迤沃壤彌望清沼泓渟嘉草茂密闌闌雖逼而喧豔不聞賓客既多而塵迹罕至允臧僞僊僊保喜交

遊賢士大夫壺觴俎豆逢迎款洽必盡其歡所居之傍多長松修竹蒼髯紫鱗勢若飛動虛心勁節凜乎玉立扶疎偃蹇寒翠色交映每雲霧之朝風雨之夕蛟龍舞而鸞鶴翥歲寒搖落萬卉凋謝而能挺然特立于霜雪之下卓然獨出乎氛塵之表未嘗改柯易葉少變其色允臧于是築室其中名曰晚翠且請予文以記之惟君子之所以寓意于物者誠非以爲耳目之觀而已蓋將以比德焉若夫世之營營于聲利逐逐于浮華朝成暮毀摧拉靡遺亦猶群芳聚植競秀

人文紀畧

記

三

卷六

春陽曾未轉瞬榮悴飄忽是又何足貴哉君子則不然處榮耀而不見赫赫之聲遭困厄而不爲戚戚之容節操介然而益堅老而彌篤誠有似乎松竹之資當風霜而獨秀傲歲寒而不凋者也允臧之寓于是其志良可尚哉至于對植二松吟哦其間徑造其下嘯歌其傍是或據其抑鬱或寓其曠達以造一時之興耳又烏知晚翠之義哉允臧其殆過于昔也歟

愚聞記

曾 榮

永豐去縣東行二舍許至于桐溪高木陰翳棟宇盤

匡中樞一室不方以圓華弗至侈朴弗至陋題其
曰愚闇嘗有客過之見一士年可五十餘鬚髮半白
容貌肅然冠章甫衣逢掖坐于室中取古人之書潛
玩默識會于其心若無所解有琴在囊弗鼓弗操有
酒在尊弗酣弗酌與客相對兀坐終日一語不及世
事有言全張許史之貴陶朱倚頓之富則意態淡然
畧無少動或勸其仕進則弗應論高柴顏淵甯武子
柳宗元之賢否得失則笑而不言謂古有移山者則
晒之客怪而問曰君之室命之曰愚闇君非愚者乎

人文紀畧

記

三

卷六

若其真愚何用稱號如欲逃其名舉以自污而又揭
之于室是猶惡影之就日避喧之趨市也君豈真愚
者哉君曰吾觀世人廣穎白額瓌貌奇姿吾體癯然
若不勝衣唾咳珠璣口霏玉屑吾不能言囁嚅寒拙
綰青曳紫結駟乘軒吾才弗逮殫慮莫先積玉藏金
貫朽粟陳吾獨屢空而無怨貧或耘或耔服勤稼穡
吾力弗堪安坐而食或山而樵或水而漁吾實弗能
有薪與魚菟羅百氏博涉群言吾獨性魯質而弗文
凡此者皆愚也吾豈有所托焉乎哉且夫高柴顏淵

愚而賢者也甯武子愚而智者也柳宗元托愚而怨
者也移山之愚真愚者也吾不知柴淵之賢甯武子
之智亦無柳宗元之怨愚闇之真以名其室又有過
哉子奚訝焉客歛容起謝不敢更有所質客過京師
爲余道其事甚悉既而愚闇之子長吾以明經登進
士第歷政憲府間以父命來徵予以爲記予因追憶
其與客問答之辭書以歸之長吾其以予之所聞質
之尊公以爲信然否也愚闇姓劉氏字子碩云

往年予在南京長吾始爲進士觀政都察院請爲

人文紀畧

記

三

卷六

是記及今又七年于茲長吾以廣西案察僉事考
滿上吏部相遇于北京旅舍出此文欲重書之沉
潛累日將更定數字然卒之不能者亦塵事有以
汨之也可愧可愧

永樂十一年歲癸巳

湖山清隱記

曾 綮

永豐距邑治之西不三二里許有勝地曰社州平阜
衍迤湖水澄徹喬林古木森立而交茂大姓蕭氏之
族居焉當宋之叔世有曰善甫號餘軒任廣東廉訪
使歸田子叔勝號守一者謝仕隱居樂善好施澹然

不以聲利動其中平居野服逍遙湖山之間清而蔭茂樹焚香淪茗清論移時蓋有不知其日之既夕矣心甚渙樂之因以湖山清隱爲號其後以壽考終元季兵興喬木臺榭丘墟矣國朝初而其子教授君崇古其孫仁溫仁恭仁儉仁讓等咸衣冠相承善繼善述是乃積慶所鍾彌遠彌盛以至于今子姓之蕃他族罕比也予曩遊卿校時嘗至其所居獲接其後嗣之賢者而有以知其先世積累之厚來裔繼續之美未嘗不嘆息而歆豔之及予濫官詞林凡三扈從留寓京師而仁溫之子思適以事至謁予縉紳大夫以求詠歌其曾大父所謂湖山清隱者彙爲一卷來請予言記之嗟夫蘭亭之美賴右軍之書而遂傳盤谷之勝得昌黎之文而後顯故世之幽人高士慕肥遯而樂瀟散寄興於一丘一壑者必托于文辭庶幾遠而徒傳久而益彰若思謙倦倦焉欲有以詠歌其先世之德者寧不在茲乎雖然諸公之作春容古雅皆足以形容湖山之勝槩而可以想見當時之樂宜其垂久遠而弗至泯泯也如予之言又豈足爲湖

山之輕重哉

耕讀軒記

曾 榮

永豐距邑治之西北二里許有地曰社州前臨縣郭高薨鉅棟翼乎其相臺後接平野良田沃壤曠乎其彌望蓋幽勝奇麗之處也而蕭氏思哲之居在焉思哲嘗曰人不可以不學也人而不學則无以成其才質之美人不可以不耕也人而不耕則無以給其伏臘之用則二者其可以偏廢乎廼於其所居之旁構一室以爲燕休之所而名之曰耕讀軒取經史百氏置其中出耕之暇則藏修游息于茲蓋不惟有以淑其身而又將有以訓其後也心甚適焉間來請予言以爲之記夫古之耕者必學而學者亦未必不耕也故處畎畝者有莘之耕者也而能樂堯舜之道其所學爲何如耶居草廬者南陽之耕者也而能佐興王之業其所學又何如耶後世耕者甌甌耒耜之閭終歲勤動庶幾豐熟則偃然自足至與論古今卽膏弗之省矣學者斲斲手簡籍之中朝繹暮習幸而有得則馳騫虛遠至語及稼穡卽五谷不分矣豈非耕與

學岐而爲二乎思哲深知乎此于是惓惓焉致意托以名軒庶有以警而不至于偏廢此其所以善成其身成其家裕其後者焉往而不得其道哉予故爲之記思哲其以予言爲果然否也

求志堂記

曾 榮

永豐縣東北曰東湖劉氏之世居在焉劉氏自宋元以來詩書科第顯耀于後先劉君允臧與兄允彥隱居不仕無求于世然皆喜治居室爲燕遊之樂允彥嘗爲樓以春霽名之允臧復構堂曰晚翠學士大夫

人文紀畧

記

三

卷六

皆爲文以記之而允臧兄弟日與賓客遊焉則必登樓以望見夫天空日霽春和景明莫不情暢而意適或怠且勞必低徊於晚翠之堂而又見夫蒼松翠竹歷四時而不改其色於是彈琴賦詩飲酒以樂有不知其夜之旦日之夕也允臧乃又作室而又名之曰求志之堂今年冬遣其子公斐來京師求文以爲記子以爲士生斯時不仕必隱不隱必仕隱所以求其志仕所以達其道是故處而隱也非所以好逸欲有以求其志其出而仕也非所以求榮欲有以達其道

是以古之君子仕不以爲榮而隱不以爲戚得其時行之不得其時退守乎深山長林非過也蓋仕隱窮達皆任之於天識其皆任於天則吾進退豈不悠然自得哉今允臧遭逢盛世宜以其學進用于時以行所求之志乃甘自隱約抑獨何心哉而允臧蓋以其年逾五十樂有其族聞人以顯仕于外乃獨與兄優游乎山水園池之間以爲樂宜其雍容暇逸而有以自足也若余之仕才薄能鮮每內顧不足則凜然而懼今雖欲如允臧退處以自樂而不可得也予故爲

人文紀畧

記

三

卷六

記之俾登斯堂者觀予之言劉君昆仲之賢爲弗可及也於是乎書之

椿萱堂記

朱 璣

椿萱者草木之一類耳非生長得其地培植得其人則與秀樨蕭艾爲伍矣孰愛而貴重之乎父母人物中之天地也服勞奉養雖曰事之而尊之敬之之禮豈凡民凡物之可比哉蓋以水陸草木之可愛者若蓮菊松竹特因人之尚而愛之也椿萱者乃因乎親之所以而愛之也其所以求諸物者雖同而其所

以愛之意則有異也且椿萱之爲物古之人雖未嘗
援以爲父母事自莊子謂上古有大椿以八千歲爲
春八千歲爲秋詩云焉得萱草言樹之背後世遂以
靈椿多歷年所萱草令人忌憂於是植之堂庑者是
乃君子寓意於物卽事親寓意於椿萱也吾兄伯瑜
有子二曰振魁振宗俱青年美質誦詩讀書敦崇行
義日奉雙親於高堂而顏之以椿萱間請記焉因釋
其義而告之余想夫子之升堂以養親也六窓洞啓
旭日初升雲霞燦爛天宇澄明列饌以進鴈行先後
人文紀畧 記 卷六
綵衣爛斑塋塋迭奏陳芳樽于花前酌庭柯以怡顏
捧金杯而跪進當綺筵以奉惟于以步清陰而優游
于以挹清香而延佇此時此際第見怡怡親顏嬉嬉
一堂之內和氣藹如則是父子之間天倫之樂爲何
如哉今魁雙親在堂年踰七十蒼顏白髮晚節康寧
其猶鬱鬱靈椿貫四時而愈茂也兄弟二人循循雅
飭克盡孝友宜男之驗亦以信矣宜其坐此高堂樂
此昇平滿泛春酒以祝遐齡雖曰親之壽數多寡係
乎天而人子愛日之誠惟欲親壽之永長者特以爲

天之果可必也於是瞻此靈椿願親壽之愈長愛此
萱草與母愛之可忘則是椿萱之爲物雖不同而仁
人孝子愛親之心則一也振魁兄弟其尚思之而益
勉焉

思親堂記

朱璿

詩云永言孝思孝思則蓋以孝者百行之原心者
一身之主而心之官則思也思則得之不思則不得
也人子思親之心人皆有之豈以古今而有間哉予
叔父英才遺元季其焚由城西濠梁徙居龍雲鄉之
烏石江洪武丙寅予爲邑庠生時兄伯璘承父英才
命爲萬頃區長年富氣銳卓犖英邁美髯髯善談論
總督糧儲幹濟有方上官邑令咸器重之每朔望休
暇互相往來篤宗鄰之情怡然相歡後予忝科第歸
歸洲李宅延予塾賓與兄璘密邇嘗邀予至其家輒
呼酒擊鮮賡吟州唱時其子子佐子榮俱青年力學
教授鄉閭從容侍側予有詩遺之曰阿宜旣冠作人
師當患爲師悞大期道學淵源須講究工夫全在少
年時後予歷仕于朝音問不相知者久矣今年適遇

人文紀畧

記

三

卷六

冬節子榮之子顏頌來謁因詢問其祖父皆已捐
子嗚咽久之復進曰吾兄第三人曰顏玉顏頌大春
不幸父子榮蚤世賴母邵氏鞠育教誨底于成立嘗
協方構堂以養母因念子欲養而親不待而祖父手
先業俱在廼揭思親顏以堂願賜一言以記焉昔
孟子曰君子創業垂統爲可繼也中庸曰夫孝者善
繼人之志善述人之事者也蓋以祖父創造基業于
前而垂統緒於後者政欲俾夫孝子慈孫善繼其志
善述其事而尊守之也孟子稱創業垂統而必歸之
人文紀畧

三

卷六

於君子子思稱繼志述事而必歸之於孝者正欲爲
人父爲人子者毋墮其志毋墮其業而有光於前人
也今顏頌兄弟讀孔孟之書遵孔孟之訓已嘗襲箕
裘光昭前烈肯堂肯構俾棟宇聿新既耕且學俾廩
庾益充自茲以往吾朱氏之子孫誠能是效則以繼
繼繩繩不替則昌隆寧有已乎於是乎書

求志堂記

劉素

永樂紀元之七年冬十二月秩滿上關恩賜歸拜松
欽敬泰桑梓越明年正月元旦詣邑庠謁先聖廟禮

畢歷訪舊遊一過東湖劉君允臧所坐客于求志之
堂盞斚序行獻酌有容酒半君執爵言曰斯堂之設
歲久願先生以序之庶幾此心也余復之曰其大聖
夫子隱居求志之義乎曰然曰然則求志卽爲達道
之基當無失乎令名子朱子謂惟伊尹呂望之流可
以當之當時顏子亦庶幾乎此今君生逢聖世讀聖
賢書卓然志乎古人斯亦聖賢之徒矣切惟伊呂之
耕莘釣渭是求其志于隱居之日逍遙徜徉惟意所
適其樂克舜之道其聞文王而興可謂善守所達之
人文紀畧

記

平

卷六

道焉及其膺三往之聘符渭獵之占功在當時奮流
異代信乎窮達無移體用相需百世之下猶竊慕焉
當時聖人雖有吾聞其語未見其人之嘆其果有後
來之賢者乎是未可知也茲如允臧之賢年少詞雅
身修而家齊志樂而求得良田廣宅背山臨流觸詠
笑歌優游怡愉將以蓄其銳淬其利而發舒其所蘊
自有不容已者矧今聖皇臨御求賢如渴片善必錄
一藝罔遺使允臧身體而力行之一旦鶴書赴隴器
必脫成顏何人哉希之則是君其勉之也時予入覲

期既醉，遂別回首十餘年矣。每退食玉堂之頃，領南瞻斯言之緒，未嘗不往來于懷也。是冬允臧家嗣公斐偕名進士廣西僉憲兄長吾寓官邸，公致其尊甫徵言之意，于是義不容默。若夫紬繹求志之嘉言雅製，自有翰林諸君子大筆在，予惟序次其潤別之本末如此云。

清風橋記

鍾復

家積善有餘慶，讀書知古今者，皆能言之而求其不居餘饒爲子孫謀，渙所有爲便人事者，世不多有何人文紀畧

記

聖

卷六

也。財貨常情所吝，子孫常情所厚，能不吝人之吝，不獨厚所厚者，庶乎君子矣。若吾邑李君樂興，殆與於斯焉。李之先相傳爲唐西平忠武之裔，代宗儒上禮至樂興，尤工於書，踵門求者靡虛日，得潤筆資輒以利濟乎人。里有溪津曰藻埠，爲四通往來之衝，時漲溢寒，亘過者病焉。樂興發所居貲，備木石工鑿石治材爲橋，以通往來。橋以潤計，逾丈之十，上亭屋以庇風雨，下高敞可渡舟楫。自是人，不病涉往來者，多德之。每每休息其間，謂斯橋蓋好行其德者所爲，其風

聲足以激流俗，因相嘆曰：此橋合以清風名之。題曰清風橋。今年樂興之季父原常以候選寓京師，聞過予，具道其事而請記焉。夫橋梁之建尚矣，歲十一月徒杠成，十二月輿梁成，王政固當然也。天下之大人君之耳目不能周，顧有司何如耳。有司不能皆賢，則橋梁廢修自若也。吾邑得賢令以任百里之寄而獎勵樂興之成，令之賢于人明矣。樂興喜而從命，不假力于他人，捐所以厚子孫者以利人人之受其惠者亦大且眾。則樂興之賢于衆人又遠矣。彼世之剝人之有爲已，有奪人之利以自利者，視樂興豈不大有愧焉。雖然，作善降祥，天道不爽。吾聞樂興建橋之日，天降厥嗣，咸觀音揚靈，予安得一造其間以縱觀其盛。

恩江橋記

陳衡

永豐邑治之南去百步許，爲恩江當治所之正，爲津邑地方四百里，津南強三之二，民之趨事皆由以涉四達之要衝也。春夏多暴，溢冒險不能進行，旅百一喘而退，民甚病之。初邑人王氏造比舟以濟人，歲久

舟壞不治元延祐中邑人曾氏始議架梁而營水
渚弗支後十年縣尹佟復謀以石代歷九載弗克成
泰定四年縣尹何仲溫力修其政斃兩傍以鋼其堤
累石中流爲臺凡十有一高去水十有八尺臺之制
則正方其西劍其脊于東以破水怒架木于上而屋
之民始無病涉之憂國朝洪武庚午梁木災執政者
稍葺之不數年臺裂梁朽又凡五寒暑不治正統癸
亥昭武黃公永從來知縣事時解宇鑒頤縣政荒落
公大懼不任進耆老言便民狀而恩江之津其先也
公卽白于郡守陳公溪公聽之長貳合議以訟獄繁
滋凡得罪者合勿遣令償緡以贖于是無情者皆樂
于償積踰年而羸命耆老王祖訓等董之走荆湘永
和求大木得連抱者若干悉去其舊而更新之臺之
石敗者皆易疊梁以三屋計間六十修凡六百尺廣
十有六尺又作亭于中以寓游觀之適藻繪炳然丙
寅夏五月訖工既落成行者躡跡騎者成列提攜負
荷各適其適而不知邑大夫之惠也清時暇日憑闌
徙倚波光雲影之虛明岸柳汀蘭之葱蒨飲者淋漓

湖山書屋十景記

陳衡

游者逸樂凡得于耳目與得之于心者皆邑大夫之
樂乎其成而與民同也屬予記之夫經世宜民之道
先其急而後其緩去其憂而後同其樂仁人君子推
已及人之序也公可謂得仁人君子之心而善爲政
也已豈常爲縣者可同日語哉春秋之法於廢興之
舉必謹書之具文見意也衡敢竊取其義考其廢興
謹其歲月而記之以備後之覽者正統十一年五月
永豐多佳山水占撫東南之勝也邑城西有芳州焉
延袤數里許茂林嘉木環平湖十餘畝又占永豐西
南之勝也大姓蕭氏世居之曰善甫號餘軒以廣東
廉訪使歸田爲逸老計廼命其子守一灋水灌溉而
爲湖因其高累土爲山築室其上別號曰湖山清隱
元季兵興池塘竹樹高亭大榭廢而丘墟矣天朝四
方平定蕭氏之子姓益大以蕃仁溫仁恭諸昆季卽
而愛之決羨與棘發其爽凱增土益榭蔓出平烟霞
之表而溪山爲之改觀焉山禽水鳥浮沉上下于水
光山色之間芙蓉菱芡蒹葭于欄榭之下可喜之觀

不置也其外遠峰疊嶂聯絡錯峙高岡長陸踴蹙
而走虬龍環擁如抱遊人行客隱見出沒樹陰曉曖
之間者如畫大鏞諸兄弟復構屋數楹題其楹曰湖
山書屋客有裁其景爲十而題之睇五嶽之齊雲貯
九峯之削玉澄雙溪之素練覽陽山之積翠春隴耕
雲夏林脩竹釣明月於秋湖訪寒梅於冬圃別墅接
鵬洲之趣吾伊出芸館之聲此其景之最勝也日與
騷人墨客盡觴吟傲淋漓爛漫縱意所適其樂無窮
焉囑余記之夫佳山秀水在天下多矣不遇夫至人

人文紀畧

記

五

卷六

者而發之則鞠爲荒溪野谷者何限是故環滁諸峯
之秀鉅鋤一水之麗入禹貢以來未之有聞迨夫歐
陽子出而環滁之名始著柳宗元出而鉅鋤之名始
顯江山之勝其亦有待乎然則不患無環滁患無歐
陽也不患無鉅鋤患無宗元也二公遠矣而茲山之
名猶傳之無窮豈非賴乎其文哉若大鏞去先世幾
二百餘年矣乃即其遺趾而增築之無乃餘慶之未
艾乎子嘗過環滁鉅鋤矣觀其勝與湖山殆不相下
第無歐柳之文以傳其永久乃以屬之於子子雖不

足以發揮於當時然蕭氏之有來者覽斯文將當
樂也而與湖山之勝無窮焉

湖山舊隱記

陳衡

吾豐邑治之西有勝地曰西平少南而通乎幽逕曰
社州岡巒之體勢列乎其外平園沃壤裕乎其中有
亭翼然池館鱗次者蕭君之居也蕭氏之先以儒術
世家當宋季時有善甫者爲廣東廉訪使子叔勝仕
元爲司粟使號守一攻文厲行貴雄鄉邑尤遠於醫
著反隅集行于世嘗與申齋劉先生廉訪楚奇翁善

人文紀畧

記

五

卷六

延譽縉紳間咸薦之公辭弗就乃治第鑿羨壤爲湖
延袤數十百步因丘以築亭其上燒丹治養生具號
曰湖山清隱子崇古嘗以春秋領教南雄遷番禺令
今煥珪之曾祖也煥珪儻好讀書事親克盡其孝
治產尤盛時燕時游即追憶先人之志樹堂其背題
曰湖山舊隱間嘗邀予登湖山之上則水光山色之
掩映禽鳥鳴聲之上下芙蓉菱芡之荷蒹蘋蘋蘋
之出沒叟然有神山仙島之趣顧予樂之因徵言爲
記予觀夫池亭欄榭之新其居嘉花茂樹之新其植

高樂道之新其德若是而謂之舊耶蓋迹遷於
定名寓於所同于其迹而求之則君之去先世凡
百載矣寒暑凡幾易矣人事凡幾代謝矣謂之舊得
乎于其心而不于其迹則湖山之隱同一揆爾湖之
濁猶昔之潤也山之秀猶昔之秀也今之樂猶昔之
樂也况衣冠文物之盛不減昔人之盛歟若是而煥
珪之隱得不謂之舊乎是故無古無今無遠無近其
趣一也龐德公之於鹿門陳希夷之於華山李愿之
於盤谷謝安之於東山皆隱也世之相後地之相遠
人文紀畧 記 卷六

拙朴齋記

陳衡

葛溪之西湖山之間有隱君子曰蕭氏大鏞其先世
自宋元來多豪傑士以資產雄於肥邑至大鏞凡數
世瞻顧山川草木猶有餘潤焉乃治第築室各其齋
曰拙朴日以良謹自特以恬隱自樂以古君子之行
自處或者嘗之曰大朴既散人文宣著有宮室以代

夫巢居有釜簋以代夫茹毛有壘爵蓋竿以代夫
飲飲截醕醬足以適乎其口錦繡繁組足以文乎其
身五色之娛於目五音之悅於耳皆天下之所同欲
也今乘人之所同欲而取諸拙朴是猶舍珪璧而取
夫砥砭廢耳瑜而貴菹藻也竊爲不取爾有從而釋
之曰天下有無文之文有無味之味聖人貴之本其
質也重其元也故玄酒之本於初陽大羹不廢於祀
事大鏞樂乎爾必有以取乎爾矣而不可乎哉大鏞
曰若人之言歟是欲以紛者易吾性之真也射利抵
人文紀畧 記 卷六
藏吾性不諧焉掉臂爭談吾弗能也吾守吾拙吾耳
吾朴耕吾稼事吾親吾何求乎哉請質其言於衡衡
曰天下無質不可以視文無本不可以視末質定焉
而文趨之本厚焉而末逐之故拙以寓乎其巧朴以
寓乎其文將可適於天下也巧者勞拙者逸此周元
公之所以垂戒也用禮樂而不鄙野人此孔子之所
以從先進也安乎其質而樂乎其本亦或得以守其
身而遠害矣今夫杞梓檇櫟俱托長於深山大谷以
並植也求棟梁者過之求樨杓榱桷者過之舍樗櫟

而不顧亦或幸而免夫丁丁之斧以自戕也託於拙故也五彩之於素其華朴殊也然求朱紫者必於素而得求青碧者必於素而加然後乃得以成章而見重託於朴故也是素猶愈於采拙猶愈於巧也然則大鏞之拙非拙也有巧寓焉大鏞之朴似朴也有文寓焉彪於中彌於外斯其爲拙之至而朴之美也姑書此以記于壁

嘉會堂記

鍾同

人文紀畧

記

聖元

卷六

嘉會堂者東湖劉先生顯仁肆禮之堂劉氏族大而富吾邑各家也惟先生貧處其間承大宗支重事夔夔慄慄常恐弗勝歲時伏臘冠婚喪祭必聚族于斯堂而議禮行事斟酌時宜損益古道務求適中和而孚也簡而文也宛然聯翁家法也每吉月必肅衣冠率族屬具香燭拜于家廟禮畢則登斯堂白族人善惡而勸懲之退則懷懷爲生徒講說義理筆削月課雖冗不廢鄉族濁于流俗左道者或笑而非之先生行之益力稍從化經年士子雲集其門雖強宅白丁之徒願來學禮者亦俯而教之既閑其儀以揖其心

人文紀畧

記

五

卷六

乃面命之曰習禮文而不知務本者是用糠粃也冠者成人之道也婚者人之序也喪則致哀祭則主敬凡此皆禮之本也爾輩坐不讀書故不知也其歸而求之可也因名其堂曰嘉會易曰嘉會足以合禮先生名堂之義其有取于此耶予與先生爲道誼通家時會講于斯堂目擊其家法斬斬內而父父子子兄弟弟弟夫夫婦婦慈而莊也孝而順也愛而友也敬而藹也和而義也柔而正也聽而婉也其會何其嘉也外而青青衿珮翼翼鏘鏘講者明明而誦者琅琅聽者默然而心領神會者坐忘其會又何嘉也庚午冬予領鄉書上春官造先生之堂而言別先生既飲之酒復遺以詩相與酣歌擊節而嘆曰此別去嘉會未知何日月處野也姑爲記吾堂程嚴弗遂明年予忝登二甲進士榜觀京師衣冠文物之盛其會尤嘉也政暇書此以速先生之來嘉天下之會并以爲嘉會堂記

雙溪別墅記

陳律

吾永豐城北距半里許有地最勝其勢磅礴爽塏沃

饒多美田岡池沼嘉樹森蔚無市囂喧雜而二溪一出
出于巴嶺陽山之麓自東北相持蜿蜒而來會流于
西南又轉流東南里餘與恩江合四時不竭焉謂雙
溪也著姓聶氏世居其地聶爲吾邑三都故族衣冠
文物赫奕相繼而它姓罕儼有曰達和甫者愛其地
之勝遂遷居焉而詩禮簪纓子姓食指益盛于昔厥
孫汝璉居士傑特讀書右文尚禮因故居之耿隘乃
徹廣新之命其長三子曰聰日明日膚以居又於其
東北百步之外構屋數楹中闢廣堂爲宴樂之所外
繚周垣爲不虞之備背陰面陽高明淡靜而雙溪合
繞于前如帶之縈如壁之瑩而清潔可愛溪之外則
九子范蕭聯峙乎西南五嶽西華攢聳乎東北疊嶂
層巒獻奇萬狀舉集目前而皆有以助夫雙溪之勝
矣雖王維之輞川杜甫之浣溪不是過也居士乃躬
率其幼二子曰智日新居之蓋樂叙天倫願享高年
行婚冠饌賓親咸於斯焉而貽謀燕翼永建乃家將
與雙溪爲久遠耳以其與故居相望遂仍雙溪之勝
而名曰雙溪別墅表其非故居也一日命其子予堦

人文紀畧

卷六

至

卷六

日日智者來 京請予記辭弗獲迺因其實而紀之
云

直夫記

傳 韶

人之生也直不直者非天之降才爾殊也蓋戕賊杞
柳爲桎梏人爲撓之也古之君子敬以直其內義以
方其外是非不同利害無怵居常則爲方士立朝則
爲直臣臨死則爲直諫忠臣義士高風清節孰非內
之直形爲外之方耶後世學爲直者循其名則是校
其行則非乞隣之醢其名爲枉證父之攘其名爲絞
人文紀畧 卷六 至
攻發人之陰私其名爲訐至于外示朴野中藏巧詐
爲通人爲員机以沽直名者流則又其每下者也故
士之自待其身者寧爲其方毋爲其圓寧爲其清毋
爲其和是以三代之民直道而行君子不容輕爲毀
譽至于狂而不直與今之愚者則必怪歎而痛絕之
一陟一降天理人心之公也君子何容私于其間哉
予邑雙溪世家聶君紹秀形模碩大倜儻不群蚤承
厥甫宜載翁義方然獨樹此壯豪氣壓世輩好交
游四方傑士持論侃侃遇事敢爲惟義所在雖盤根

錯節一斬艾而平之初未嘗毀方瓦合以徇流俗故
與人相左多不帖焉因自目爲直夫夫直剛德也大
凡天下之情惟和柔可以輯物剛直則未有不忤人
者此紹秀之直未免多失意於人然君子寧取其方
而退夫世之圓且和者予自幼學壯行晚而優游泉
壑範我馳驅未嘗輕致毀譽於人今以紹秀之直尚
近古風視世之沽名者流則風斯下矣今此之民雖
非盡三代之民予安得不以三代君子待三代遺直
之民而待吾紹秀也哉故記而有言焉

人文紀畧

記

卷六

鍾 璫

龍雲書院題名記

古之教者有庠序學校之設書院之名未之聞也後
世庠序學校之教弛君子群居講學謂其講學之所
爲書院于是始有書院之名若白鹿若石鼓若岳麓
之類此其最著者也而吾永豐諸書院則實去而名
存者多矣獨龍雲書院名雖非舊而其教則自宋元
以來迄于今不廢焉龍雲故鄉名初名隆榮爲廬陵
屬地宋縣永豐始析而隸永豐有劉炳劉熾二君子
者鄉人也即其地之東湖垣而宮之號東園精舍與

其族人禾川楚國公沅安城著作佐郎弁講學于其
中二君子前後相繼爲宋名臣以其皆出于安城大
守遐而祖有諱諱爲侍御史洪州都押衙號龍雲老
人者歿塋龍雲坑故改隆榮爲龍雲自是以來陵谷
變遷精舍亦以之屢爲興廢至炳之緒孫崇甫乃即
其址而居之復構精舍于其西而與其徒講學如前
人故事崇甫之孫曰斐曰忠曰恕丕承家學由科甲
士中外爲顯官而忠尤以易學名家學者稱爲復齋
先生自鄉邑以達于閩浙楚蜀諸豪傑皆集其門下
爲弟子精舍不足以容先生于是改圖之既大其制
載更厥名謂之龍雲書院凡學于此而登華陟要者
蓋濟濟也先生之子昭曦昭游庠校庠校之教方今
莫盛焉而昭兄弟講學受徒乃在是蓋不欲墮其世
澤而書院之教與庠序亦並行而不相悖也爲之徒
者又多取科第至通顯昭謂不可以氓將以書院之
始末學者之氏名勒諸石而謀于予予謂天下不可
無聖人之道而不可無聖人之教無教則道不明道
不明則道不行道不行則不足以語治故教也者所

人文紀畧

記

卷六

鍾 璫

以繼往聖開來學爲天下後世興治理者也三代
前教行于上而達于下故治隆而俗美後世教不古
治亦不古先儒所以講學于諸書院者爲世道計劉
氏之書院肇于炳熾盛于復齋曰東園曰龍雲曰精
舍曰書院名號雖不同而諸君子之所以講學爲世
道計者未始有異也先生門下士群然並出推所學
以彌成一代之治者又如彼其多書院所補豈小小
哉皓故述而傳之以昭乃德啓乃後人彼勒名茲石
者因是自力毋使夫人得指其名而加貶議焉茲石
人文紀畧

記

卷六

也所補亦不小也予故既贊其成復記其事

建昌府學記

羅倫

古之學者義也今之學者利也學學所以爲人也人
者天地之心也五行之秀也學以成之入之義也先
王之教也古之學者學之爲君臣焉學之爲父子焉
學之爲長幼焉學之爲視聽語默焉學之爲進退辭
受取與焉學之爲生死福禍焉所以學爲人也以則
聖人以配天地以順四時以叙百物以興禮樂以崇
道藝而措諸天下國家傳諸後世所以學爲人也其

學焉者義也家以教于塾黨教于庠術教于序國教
于學不帥教者命鄉左移之右右移之左不變移之
郊不變移之遂不變屏之遠方終身不齒有左道以
亂民者殺其教焉者義也三年大比考其德行察其
道藝與其賢者能者以禮賓之論定然後官之任官
然後爵之位定然後祿之其用焉者義也士生斯世
也不義焉往及道之衰異端之言盈天下天下之言
不出於佛則出於老老者曰吾利人生也佛者曰吾
利人死也天下之民聞其言而樂之樂乎彼不樂乎
人文紀畧

記

卷六

此矣其能由學乎凡學者問其業幼者曰能誦讀已
長者曰能科舉已學成而名立者曰能詞章已考其
德行察其道藝以書未有也學異乎古也父兄之願
如之師保之誨如之朋友之胥漸如之不易其初教
異乎古也三年大比考其文而第焉賓于鄉升于成
均楊于土廷乃命以位大夫之貴公卿之尊可坐而
待也父母曰顯矣妻子曰肥矣僚友婚姻曰榮矣考
其功能紀于彙常以匹休前人蓋未有也用異乎古
也士生斯世也即豪傑之士不利焉往由周而上帥

天下以義而民從之由漢而下帥天下以利而民從之其治效可考已教道之關國家也如此我朝列聖建學立師則古昔先王知是道也建昌郡有學舊矣弗稱謝公士元來守郡乃爲之以風士心視舊壯焉巡撫夏公時正見而是之命師立其道命弟子從其教命太守終其事命倫紀其成

寶慶府學記

羅倫

華夏所以異於夷狄人類所以異禽獸學也學之爲道何也其性仁義禮智也其情惻隱羞惡辭讓是非

人文紀畧

記

至

卷六

也其倫父子君臣夫婦長幼朋友也其學之則視聽言貌動靜無違也其施之則家國天下無不準也其教則詩書禮樂也皆所以盡其性而無慕乎外也先王治天下止是道已井天下之田以養之群天下之明秀立學以教之擇其道成德尊已試於事而退者以師之設鄉舉里選之法實興以取之士生斯世無仰事俯育之顧無科舉爵祿之累無百家衆說異端之咻目其見焉耳其聞焉心其惟焉口其言焉身其行焉惟以盡其性而無慕乎外焉舉而備諸公卿大

夫之位百執事之列則功被社稷澤及生民此先王之所以不可及也周衰井田廢而學校之政息矣雖闕里之教親炙吾夫子之化沂水之詠陋巷之樂汶上之解二三子而已其餘以干祿爲學以聚歛爲仕以正名爲迂以短喪爲安皆當時速肖之徒也况後世乎繼周而治維漢近古夏侯勝以明經拾青紫桓榮以稽古誇車服戴聖之貪鄙馬融之奢淫楊雄王肅之仕篡僞皆當時名儒也况後世乎道之不行也千五百年而後濂溪周子出焉周子之道孔子孟子之所傳也其言曰志伊尹之所志學顏子之所學皆以盡其性於內而無慕乎外也由周子之道用爲伊尹不用爲顏淵銖銖軒冕而塵金玉矣今之學者去周子未遠也其志伊尹之志其學顏子之學蓋有之矣吾未之見也嗚呼善學者以其身爲聖賢不善學者以其身爲禽夫自聖賢而去禽夫也遠矣學者其亦知所擇哉寶慶古邵州周子遺化之地也黃巖謝侯世修來守是邦革弊政斥淫祀疏老佛之徒興禮俗以正人心耆年而政成視學官陋圯以隘廼出官錢

人文紀畧

記

至

卷六

廣地而新之爲大成殿殿後尋經閣旁爲兩廡外爲戟門泮池環之石梁其上池外爲三門南爲靈星門靈星西爲學門門斗入外曲爲司訓之舍四區內爲生徒之舍二區區十五楹惟明倫堂兩翼爲文昌祠學西百步爲周元公祠若侯之爲其徒新學已乎將庶幾周子之遺化也庠生李鑑禹謙來曰司訓危純氏曰傳侯之美邦人之心也夫子知侯者毋使其無傳焉乃原學以告于邵人有聞周子之風而興者曰此謝侯之功也

人文紀畧

記

壬戌

卷六

安慶府學靈星門記

羅倫

此聖人之門也上帝命之聖人立之天下古今之人由之以大極爲棟樑以陰陽爲闔闢以五行爲往來以六合爲垣宇以誠爲根以敬爲倫以禮爲闌以勇爲衛以知爲先入此門也然後爲大成其行天下之大道其立天下之正位其居天下之廣居升其堂其廣無外入其室其密無內天下之高年皆吾家之老也天下之孤弱皆吾家之幼也天下之顛連無告者皆吾家之兄若弟也天下之昆蟲草木動植百物皆

吾家之黨與也伏羲神農黃帝堯舜禹湯文武周公孔子之治載之六經者皆吾家之所以爲教也其教之成也根於心晬於面盎於背施於四體而達於吾家父安其慈子安其孝君安其仁臣安其敬長幼安其序朋友安其信男安於外女安於內士安於學農安於耕商賈安於貿遷行旅安於役天地外物無不各安於其所此吾家之教化也庭艸壇杏紅翠交映天鵲淵魚飛躍上下光風霽月灑落無邊此吾家之景象也趙孟之貴韓魏之富視之如浮雲然至吾家者必得其門而入顏子入之而嘆其高堅曾子入之而美其富潤子思孟子入之而極其高明廣大故曰曰堂高數仞楹題數尺我得志弗爲也其所見者大也自是以來漢儒以訓詁爲門魏晉齊梁以老佛之虛無寂滅爲門唐儒以文辭爲門昌黎韓愈欲人其門而不以其道孟氏而後入其門者宋之諸子可數矣或吟弄其光霽或品題其風花或洞闢其堂與或塗墍其垣墉嗚呼得其門者或寡矣以訓詁詞章爲門者穴竇而入者也以老佛異端爲門者則迷於秦

人文紀畧

記

壬戌

卷六

養之區而已安慶府學靈星門舊處瘋地藥局前及
教授泰和羅君用俊至曰靈星象正大明豈斯足
稱哉大守餘姚陳侯雲鶚武守濟南李侯芳聞而是
之以白提學御史戴公珊巡江御史譚公某二公咸
允鳩工伐石撤藥局以位靈星前俯通衢未竣而陳
侯去李侯終之易學門於西立泮宮坊於舊靈星門
立泮橋於池上甃石而高大之是有功於學可書介
諸生楊慶陳偉來謁文紀其成二生歸禪吾言於門
使游聖人之門者知在此而不在彼也

人文紀畧

記

空

卷六

新昌縣明倫堂記

羅倫

先王作民父母知衣食之艱也設井以給之飽暖無
教近於禽獸設學以教之教養不寄之司牧則久而
或廢封建所以守之非明刑弼教雖有粟不得而食
也肉刑所以輔之道與世移政由俗革阡陌裂而井
田廢郡縣設而封建革髡笞立而肉刑除惟學校僅
存耳學所以明人倫也父子兄弟之親以恩夫婦之
合以情君臣朋友之合以義五者人之大倫天下之
達道也人之有是道也猶其有是身也身豈遠於我

哉置於明則見置於暗則不見自其見而爲有自其
不見而爲無初非身之有無也明暗之不同也學校
之教發其暗而通其明爲是故爾先王之學養之以
智仁聖義中和之德修之以孝友睦婣任恤之行士
生斯世無俗學詞章之雜道修於身公卿大夫之位
自至無爵祿之累左道未興異端邪說之惑無自入
焉此道之所以易明而天下之所以治也後世之學
名存而實亡矣上之所以取士師弟子之爲教與學
講章句課文字誘之以利祿明之適於暗也其高才

人文紀畧

記

空

卷六

明智之士求於言語文字之外則墮虛寂而不自知
何怪乎道之難明哉雖然教人取士之法今雖異於
古矣而道之本於人心見於日用載之聖賢之經者
固無古今也學之士顧名以求實離暗以即明孝慈
修而家道隆明良合而朝廷安天下治舉而措之耳
夫何遠之有新昌劉恭禮爲明倫之堂于其邑庠僉
憲陳君粹之曰是全生民之彞禪聖明之化而彰
劉氏之美不可無記也於是乎書

大忠祠記

羅倫

君臣父子之倫天之經地之義人之秉彜也不可
於心孟子曰生我所欲所欲有甚於生者死我所惡
所惡有甚於死者不可解於心也若宋丞相文公天
祥陸公秀夫樞密使張公世傑殺身成仁舍生取義
參天地而獨立貫萬古而不往夫豈有爲而然哉不
可解於心也夷狄禍宋甚矣遼橫於初富寇諸公折
之金侵於中張鄭諸公死之韓岳諸公禦之元熾於
終忠臣義士紛起而以死禦之三公者其大也元帥
渡江自鄂入衛上下驚嘆下彪說降斷舌磔之以死

人文紀畧

卷六

奎

卷六

自誓繼立二王力竭勢盡瓣香祝天颶風覆舟者樞
密使世傑也外籌軍旅內調工役正色侍朝勸講大
學抱帝赴海從死十萬者丞相秀夫也起義贛州烏
合萬餘鼓行赴難出使臯亭奮罵不屈被留虜營
江亡歸開督南劔襲執五坡目擊崖山悲歌慷慨正
氣塞天就囚燕獄從容南向而後死者丞相天祥也
三公者其死不同其心一也一者何也義之謂仁之
至也嗚呼樂人之樂者愛人之憂食人之食者死人之
事此公之所以爲心也自古夷狄之禍未有盛於

宋矣宋亡則中國夷狄矣春秋之大義萬世之大方
在此也兩國興亡而已乎此公之所以爲心也宋以
仁厚立國禮義養士卒食其報自時厥後合尊之子
卒嗣大統陰易元祚已帝中華世主沙漠天之助宋
歸而復起仁義何負於國哉先是倫謂陳公甫曰表
異先賢教德勸忠公甫以告僉憲陶君魯君慨然曰
吾事也崖山宋亡歷二百餘年葬爲丘墟表章之典
有大此乎乃相地建祠於行宮以祀三公公甫題其
額曰大忠立哀歌亭于西澗刻信國諸詩其下祠兩
廡以勤王義士伍隆起等附焉置田若干頃復伍氏
之後一人主之君敏於爲政多邊功民賴之又出餘
力修廢典是大有功於名教也防禦僉事林君錦提
學僉事胡君榮咸相厥成以公甫門人易元陳庸告
紀成事於殿此祠成而忠義勸人極立此道明而中
國尊夷狄懼

宋文丞相祠堂記

羅倫

爲臣死忠爲子死孝死一也可以動天地可以感鬼
神可以貫日月可以孚木石可以正萬世之人心位

萬世之天常孟子曰我善養吾浩然之氣以塞于天地之間夫殺身成仁舍生取義非浩然塞於天地之間者能與於斯乎若宋丞相信國公文公是已公名天祥甫弱冠奉廷對陳君道之大本經世之急務文思神發萬言立就可謂天下之大才矣董宋臣主議遷幸公上章乞斬之呂師孟偃蹇傲命公又上章乞斬之賈似道誤國要君公當制以義裁之勤王詔下重臣宿將縮頸駭汗公提孤兵獨往當之虜次皋亭三宮震動宰相遜荒公挺身獨往說之可謂天下之大勇矣夫慷慨就義決死生於一旦中人猶或能也若歷抵萬死其執彌堅其志彌篤非仁者其能乎方公之使虜詆大酋罵逆賊當死脫京口走真州如揚州趨高郵抵通州苗再成逐之李庭芝疑之外迫於虜寇內煎於饑饉無日而不當死然後遵海道涉鯨波歸立二王開督南劍敗績於空坑仰藥以潮陽絕粒於南安當死歷萬死而不死卒之就囚燕獄從容南向而後死震動天地照曜萬世可謂天下之大忠矣大公之忠誠能墜空山之石能通七里之神能作廣

陵之風雨能起夷狄豺狼之敬悚而不能免賈似道之沮黃萬石之疾李庭芝之疑陳宜中張世傑之忌何也蘓子曰其所能者天也其不能者人也其斯之謂與宋之亡也死國者多矣陸秀夫張世傑死於海李芾死於潭趙鼎發死於池姚訔死於常趙世賞死於洪先君武岡公開禮死於吉安公制服哭祭之督府行朝死者不可勝數雖然死矣未有如公之出萬死而後死也微子之去箕子之囚龍逢比干之諫伯夷叔齊之餓諸葛武侯之鞠躬盡瘁備于公之一身矣自古亡國之臣未有如公之烈也收宋三百年養士之功立千萬載為臣之極不在於公乎非仁者之勇浩然而塞于天地之間者乎公去今二百年順天祠公于學宮鄉郡祠公于城南公之子孫祠公于富田富田之祠元季兵變為橫民所奪龍鳳間僉事公飲水復之正統間知府陳公本溪繼之景泰間都憲韓公雍奏加諡號錄用子孫今上成化二年僉憲李公齡來掌學事以公九世孫繼宗入學俾公鄉人周丕憲割田贍之是皆有功於名教可書故書之以

詔萬世之爲人臣者

大中書院記

羅倫

有所大而非大執之而無有秉之而不亂入之而
滾升之而無盡瞻之在前忽然在後其大無外其小
無內無物不有無時不然賢知者過之不肖者不及
有所大而無所大也無名也無可名也強名之曰中
子思子曰喜怒哀樂之未發謂之中中也者天下之
大本也此心之不偏不倚中之體也周

人文紀畧

記

卷七

卷六

天下之達道也此事之無過不及中

之用也中爲大本者其體無不具中爲達道者其用
無不遍夫是之謂大君子之學持靜之本以存其虛
防動之流以守其一虛則內有主而不一則外有
防而不入則物不交於我矣物不交於我則我之所
以爲我者非人也天也天人合一則天地自我而定
萬物自我而遂中自我而大矣夫豈有待於外哉江
侯伯溫登丙戌進士由秋官出守南雄以敦化本於
興學建書院于學官之傍名曰大中延叔父某正之
教諭單廷亮曰書院左學官右郡城中山北峙天南

南翔嵐光壑態隱映東西而書院適其中書院

樓樓後爲亭二東曰光風霽月西曰源頭活水前爲
堂外爲門四環以池池東爲登雲橋西爲步月臺中
爲天光雲影亭造於天而爲於人無適而非中也此
書院之所以名也予笑曰是非吾所謂中也吾所謂
中天命之性聖人之教也聖人之教俾人自易其惡
自至其中民以官爲本官以人爲本弟子之爲教與
學易其惡而至其中則善人多善人多則朝廷正而
天下治此中之所以爲大而江侯建學之意也無已
則問於濂溪無已則問於夫子之孫子思無已則問
於唐虞夏后氏之三聖人

人文紀畧

記

卷八

卷六

冰雪堂記

羅倫

章節婦者桂林衛周千戶之女廣西方伯金華章公
俊民之庶妻也年十六歸方伯生子延年又三年而
方伯薨節婦居喪不飲酒不食肉不脫經帶者三年
自是手不膏沐面不脂粉身不絢綺足不踰閭朝夕
誨延年曰吾聞婦人從一而終吾所以忍死者爲汝
故也汝有成焉吾含笑見汝父於地下矣崇仁廖行

儉先生司教于郡庠節婦曰先生有道士也汝往
之延年如母教學遂有成爲延年書于其事母之堂
曰冰雪昭節婦也行儉受代歸延年介來曰幸爲記
之吾母庶有聞乎行儉曰臣妾之至行人子之至情
皆可尚也吾子其母辭夫冰與雪天下之至潔也吾
心之潔以之日與月天下之至明也吾心之明以之
天與地天下之至大也吾心之大以之人生而靜本
至大也至明也至潔也欲動而性鑒焉大者狹矣明
者暗矣潔者汙矣君子之學何也完其至大復其至
人文紀畧

記

李九

卷六

明全其至潔也婦人非由學者乃獨全焉有斷臂者
有髡髮者有劓其鼻者有縊其項者有仰藥而死者
有絕粒而死者有沉淵而死者有投崖而死者有蹈
白刃而死者皆所以全其至潔也居今之時吾得二
人焉丘節婦樂安人姓熊氏夫死從之同穴而葬譚
節婦南豐人夫蚤死其家將改嫁之潛複壁中不粒
者五日縣官使人呼曰吾爲若全節聲不絕若絲其
他終身不改者往往如是也章節婦之心夫豈異於
是乎今夫臣之從君婦之從夫一也平居暇日目士

君子爲婦人女子則勃然怒去一旦君父有難曾婦
人女子之不如所以全至潔與日月同其明天地同
其大乃在此而不在彼何也使士君子而皆此婦人
焉則人之國家豈有喪亡之禍哉予故書節婦之事
以愧爲人臣而懷二心者

恩江橋記

羅倫

雲蓋濫觴會于恩江至于文江入于章江瀦于彭蠡
宋縣永豐瀕江而治厲漢濟盈民用胥吝元氏有土
邑人王輝造舟爲梁捐貲四百濟廢也輝卒半鬻丁
人文紀畧

記

壬

卷六

氏餘湮他姓曾達帥輿人建橋而舍之翰林學士曾
德裕應奉曾與申黎州判官朱文禮袁州巡檢丁朝
佐革木用石縣監大牙失里尹修復丞孫昭祖議以
克成于是丁氏歸田曾氏朱氏先資達董其事邑司
代去宰何仲溫丞徐處仁繼集乃別其勤怠迭乘經
始延祐越泰定入至元訖至正歷二十祀而後成迨
我國朝圯葺相因用修以鹵報壤以速成化更曆憲
副閩陳公煒憲僉廣陳公騏浙徐公懷傳章湖西乃
命縣司乃申郡佐鳩工于良萃緝于訟刻石于山賈

材于南湖補燬完墩構舍居梁履險若夷萬姓胥忭
張太史元禎有辭于成知縣歐陽明請告去位強進
士蒲來攝縣事底定前績曰夫子邑人子而無辭何
以甚我後人對曰令有之辰角見而雨畢天根見而
水涸雨畢而除道水涸而成梁是先王之制也先王
之時司徒視學司空視土司寇詰姦田有經界里有
聯比澤有陂障川有舟梁道有列樹不令者有誅所
以廣惠於天下也自時厥後有學校而無教化有田
里而無井牧有人民而無什伍陂障不防于澤舟梁
人文紀畧
不修于川弗塞不治于道其司民上也長厚者土木
貪怵者豺虎民于是乎不堪命矣是廢先王之教也
昔子產爲政養民以惠使民以義溱洧乘輿孟子議
其惠而不知爲政子產小國大夫也天下若謂何哉
將通九道旅九山甸九野陂九澤同九川宅九隩以
奠九州一梁已乎將奚先也日在得人

人文紀畧

記

主

卷六

傳愛堂記

劉恕

進士

余少時與蕭君俊彩俱補邑庠弟子員見其溫淳有
仁慈心雅加敬禮嗣後余忝甲科奔馳宦途蕭君以
母告終養棄儒業醫遂精於岐黃蘆扁術期以濟民
成化庚寅徐僉憲按吉採良醫授君以醫學訓科時
余奉命叅嶺南政便道歸省適蕭君走媒氏求余甥
息爲伊仲子喬柏配余追夙好遂諧媾事及之任蕭
君祖余于江之潯且言曰先正云不爲良相當爲良
醫今君騰揚以上相天子成大化率不類竊有志以
壽斯世而未能欲于堂之中扁曰博愛敢干一言以
爲光耀可乎余曰君志甚廣昔韓子以博愛名仁儒
者病其失分殊義有類於墨妹不知施恩有疎戚而
醫則無別戚疎者吾疾夫庸醫輩計利索酬非惟不
能博愛專人且湯劑妄投殺人滋多君本儒流淡研
醫理其大父煥珪廣出粟以賑貧民多生活蕭君
思承祖德乃欲假醫道爲博愛是以民無遐邇無豐
乏無戚疎無大小貴賤凡有疾輒醫有醫輒瘳非惟
不責其報且寤未能藥者周之藥濟之財君之愛亦

博矣昔秦越人以醫各天下寓邱鄆多貴婦人爲帶
下醫過洛陽見周人重老復爲耳目癩醫入咸陽聞
秦人保嬰孩卽爲小兒醫是皆惟單厥心而冀傳其
愛者是以越人之後甚熾昌今君醫如越人則老幼
男婦咸獲永年公之子若孫當世世以席君博愛之
報矣余於君誼屬至戚不辭謏陋以爲記

讀書樓記

劉 瓚

聖人之道大矣盡夫忝贊之功相與天地並立則天
道成地道平而人道立焉故聖人者與天地合其德
人文紀畧

記

圭

卷六

與斯民立其極與萬世開來學者也後之學者於聖
人之道果何自而求之哉蓋由天生仲尼于昌平陬
邑斯文肇運而洙泗之教啓于是聖賢相繼論述以
明斯道其立言垂訓使後世學者有所憑依今特祇
傳于書而已至其妙之不可以言傳淺造其道者亦
自是而神會心契于千載之上是則有志于學者舍
書不讀而欲至夫濶遠之地亦將何所據哉閭溪鍾
子曰丕昭天性穎敏聰慧風成自髫年而知好學及
長而尤飄然不羣其用心之勤有警枕忘寐之意其

導習之功則月异而歲不同循是而進則奮乎若三
軍之志不至于成乎摧陷廓清之功不止也吾將見
其奔軼絕塵而餘子瞠若乎其後矣孔子所謂後生
可畏焉知來者之不如今豈非丕昭其人哉雖然予
嘗觀于學者矣不知讀書固不可讀書而不勤亦不
可今丕昭知讀書而勤矣不患其不濩造矣然必知
夫學之正而後能不背于聖人之道焉不然則今老
佛之徒非不讀書也欲求入于聖人之道不可得也
俗學之溺于卑陋非不讀書也欲求入于聖人之道
不可得也故讀書者必先知夫學之正然後可與
入于聖人之道斯豈易能哉必廣大其胞次高明其
識趣明師良友以輔之真見實踐以履之祛其物欲
之蔽化其氣質之偏傳之以文而極天人之蘊約之
以禮而道聖賢之規俾所讀之書不爲空言若此其
庶幾不背聖人之道矣至于弄筆以徼利達者豪傑
之士藉是以進此後世之爲非聖賢出處之義如是
也丕昭嘗洒掃小樓一間以爲讀書之所請予言以
爲箴警之道其志誠可尚矣余於聖人之道若甕中

記

圭

卷六

窅天莫能觀其大全然不能無望于世之學者故下
丕昭之請以是告之庶乎以廣其讀書之志云

懷恩堂記

曾 陽

邑城南周氏士族也素以詩禮相尚代有偉人曰尚
禮本層山郭氏以通家之誼爲後于周遂仍其姓尤
能好文重義以忠厚存心樂與賢士大夫交游益見
重于周尚禮既歿其孫承謨好賢樂善克世其家遠
邇咸稱焉永樂庚子以非橫連逮將赴兆京歿於中
途時其子嗣榮年方九歲遺孤嗣闕後六月始生母
人末紀畧

記

七五

卷六

張氏以貞節自誓撫育惟勤以長以訓俾從學名師
和睦宗姻遂皆克樹立以不贅其家聲嗣榮兄弟居
常痛念其先人之德未盡奉養送終之禮每切懷思
而未能忘乃作堂而名曰懷思以示永久予弟子禎
忝婿於承謨寔其生時所澤也間請予言以記其堂
夫人子之於親生有以致其養歿有以送其終此固
事親之常也苟生而未獲盡其養歿而不得送其終
終身哀痛而懷思寧有已乎此嗣榮兄弟懷思之情
所不能自己者如此所謂春雨秋霜既濡既降必有悽

愴怵惕之心者何莫非懷思之所由興乎詩曰欲報
之德昊天罔極又曰永言孝思孝思維則其嗣榮兄
弟之謂乎雖然嗣榮兄弟既不忘其父復日奉其母
其旨悅愉得其歡心而卒能復隆周氏之業則所以
懷思其父之意亦於是有以兼致矣

豐陽人文紀畧初集卷之七

於陵李晦修先生鑒定

後學聲晦之編輯

同男 受七襄較

記

永寧縣重修儒學記

聶豹

永寧故有儒學圯而不修四十年矣乃嘉靖癸巳熊
侯特請於上撤其故而新之新之而大備其費則料
於公帑得贏金若干以不足復捐俸倡民又得金若
千肇工於癸巳之八月越明年四月十九就緒也歸
人文紀畧 記 卷七

然改觀而寧之校至是始可與吉之諸邑稱先是甲
午春予與東廓鄒子暨九邑諸友會講於郡之青原
侯嘗肅庠生謝某周某尹某徵記於山中予未有以
報也丁酉臘月新令至丕承厥烈亦惟於學政是謀
乃復戒三生速予言予曰嘻諸生其知所以爲學乎
我朝以舉業造士崇理學也理學大明於宋故談理
之文無慮百家而足以詔後世繼絕學者篇凡有四
曰易通曰定性書曰西銘曰易傳序今之業舉子者
有一於此乎有一於此乃珠晦其驥逸焉謂爲有司

之罪宜也而世恒慮夫有一於此者之未易得也

四子之文四子之學也是豈可以摸擬藻飾爲哉是
故持格剛方如伊川守禮嚴密如橫渠學者苦其入
而難之或然矣乃無欲主靜之教大公順應之學皆
原人心本體之易簡日可見之行也日可見之行而
文生焉是謂天下之至文如易通定性書佐佑六經
卒爲百代殊絕之見光天下以爲瑞蓋不但係一方
盛衰云也而世每厭其易簡以爲不足爲而日沾沾
焉循格守度以取必於有司之得及其不振而遂諉
人文紀畧 記 卷七

罪於山川之數有司之不明是豈侯之所望也侯姓
熊欽名桂之臨桂人新令覃潯陽人也名煦邑博南
海林滋江浦吳某董役勤勞則義官謝寧相俱於法
得書

福建鄉試立石題名記

聶豹

鄉試立石題名前此未有也其助於今乎何以
助於今也重其事也鄉試久矣何以至今始重也昭
異數也何以爲數之異也今上嗣極七年鄉試取士
至是開科凡三屆期矣然惓惓以不得真才爲憂乃

於是采用廷議率畿輔故事選命朝臣往各省司試
事故凡場屋百執莫不仰體聖心憂慎恪勤百千常
而士之入彀者精矣精矣其殆一方之真才矣乎夫
諸士子以真才見錄于有司有司得真才以上報天
子是則數之異也真才異數盛之始也故春秋於盛
衰之始必書者凡以著其端也予聞諸夫子曰才難
唐虞之際於斯爲盛者非其以文與名也精一執中
其學也平水土教稼穡明刑敷教制禮作樂戡亂救
民以輔有唐虞三代之治者其至誠功業也今諸士

人文總畧

記

三

卷七

子之學果如此乎發而爲功業也果能此乎予不敢
謂其不如此不能此而逆料夫諸士子之不如古也
顧今之錄者文也勒者名也聽言信行采名責實是
皆以古人待諸士子而不忍其薄也諸士子其能厚
以自待以無負諸司以上荅虛心側席之求乎厚以
自待不必其平水土而后禹可學也教稼穡而后稷
可學也制禮作樂而后周公可學也會計當牛羊茁
壯一乘田委吏之業耳率乃水土稼穡禮樂之功用
同配天地萬世之下並論無軒輊者蓋亦學其所可

能者焉學而可能者心也精一者傳心之要也是塗
人皆可能也塗人可能而自謂不能者自賊者也不
能以之事君治民者賊其君與民也謬於始而不知
改圖於終者賊而冥也自賊者弗仁賊君與民者弗
義冥於賊者弗智弗智弗仁弗義是謂之濟惡不才
也夫有司以真才錄之而其終也以不才黜焉靜言
庸違儒名墨行則是科目真不足以得士也顧其後
也豈無登臺摩石摘名騰笑而歸罪于有司之不明
者哉予見夫今之習率以文與名爲學而懼大賢者

人文總畧

記

四

卷七

之不能免故於其題名特申告之閩城中有鯨頂峰
峰有狀元臺相傳爲宋陳誠之讀書處也予暇日嘗
登焉私謂場屋得士宜於此立石紀之比撒棘赴鹿
鳴而福州守朱豹業已翼亭巖石惟速文以弁其端
耳予嘉其志之同也因書此以附見一日之雅云

貞烈亭碑記

聶豹

嘉靖丁亥十一月初六日烈女鄭三娘死死節也予
按其所謂節者先是乙酉母兄以三娘納里人吳子
徵吳子家日落母兄薄吳之貧也欲停三娘婚而以

意許富人陳氏焉密飭三娘三娘輓而作曰母氏
善何愛富人而亂大常哉兄禮人也乃不順父母于
道可以爲子乎妾有微命何足云云兄曰吳子貧無
以終而身女曰妾能貧母曰奇矣富人女曰誠不以
富母曰而何媚于窶夫哉女曰吳子妾何媚妾媚于
子也吾有好爵吾與爾縻之兄謀之母曰此女愚不
可語也必挾之勢竟訟以奪之悔吳字陳裂紀遂謀
聞于三娘三娘號天以泣泣而絕絕而蘇曰勢也天
乎妾無能爲也妾有所矣母兄知其必死也日閑之
人文紀畧

記

五

卷七

莖莖之日予往吊焉觀者如堵乃上其事于天子
嘉而嘆之曰大道久湮全節希聞不謂復有此女傳
不云乎丈夫失道道在婦人今天下經生學士徒以
記誦文辭取科第肥身家已矣若乃能以復性爲學
者枯項箴聞至死不悟性者天地之中人得之爲生
理也是故臣之忠也子之孝也女之貞也性也致命
遂忠戮力奉孝隕生葆貞問學之功也今忠臣孝子
不見于天下而空谷足音乃得之女子焉豈惟道在
婦人哉天下絕學學在女子也予於是重有感於卜
人文紀畧

記

六

卷七

福建修養正書院記

聶豹

福建會城有養正書院在鰲峰烏石兩山之間蓋卽
治平寺舊基而創爲之予實主其議也時予待罪八
閩適奉命天下郡縣建小學以養蒙乃於寺東西建
小學而建書院於其中使小子有養成人有造仰體
德意而推廣之御史之責也書院長廣凡若干丈周
繚以垣垣總爲門顏曰養正昭聖功也門以外左右

跨衢爲二綽楔內則東西相向各爲門別小學也又爲重門爲祠祀龜山以下凡有功於聖學者若干人祠後爲堂堂之後爲尊經閣又最後爲射圃圃上爲亭亭前可百步布侯有坊右則臨河橋而爲門所以通觀禮者之往還亭之左有軒有所便宴息也號舍凡八十餘間環列於閣祠之左右几榻釜甑無弗備小學則各自爲制亦有堂有號舍有廳事廳曰習禮曰聽樂曰書箒遵制也經始於嘉靖戊子冬十月而落成於次年春二月朔也乃擇閩士學有行誼者得六十餘人童子之俊秀可教者得百人日以修明身心之學爲要不規規於句讀課做也每朔望令諸生率童子習冠祭燕射士相見諸禮於圃登降揖遜濟濟洋洋秩而章也於是環橋門而觀者咸嘖嘖曰不謂復見海濱鄒魯也又慮夫士之無養乃查廢寺之田得五百餘畝歲收其租而諸生廩餼膏楮及塾師之贄皆取於是自是予得代以去今二十年而書院圯矣養士之田亦莫知其所屬嘉靖庚戌仲冬按察副使鎮山朱君衡以督學至乃議興復書院事請

巡按元山曾君佩清戎古林沈君寵咸薦其各出帑贖以成之檄福州知府翁君五倫董其事始于辛亥八月再越月而書院一新士亦翩翩來學也曾君屬督學介書幣走數千里來京師索予爲記竊謂不同不謀事有曠世而相感越數千里而相契者其道同也乃申諸君子之意以諗多士曰爾多士知爾閩學之由始乎昔龜山楊子受學於明道先生歸而送之有吾道南矣之嘆龜山傳而爲豫章羅子再傳而爲延平李子又再傳而爲考亭朱子朱子晚年之學與蚤年迥異至悟其失而嘆曰李先生門下教人每令於靜中以體夫喜怒哀樂未發之中使此氣象常存而不失則自此而發者自然中節此是日用本領工夫當時竊好詞章訓詁之習蹉跎辜負念之流汗浹背噫道南一脈之微至是而發之盡矣夫未發之中非天命之性乎人受天地之中以生中卽命命卽性也子思述夫子之微言以上邇夫堯舜精一之旨戒慎不睹恐懼不聞允執之功也程子曰不睹不聞便是未發之中不聞曰隱不睹曰微隱微曰獨

行者非他也天下之大本也戒懼所以立本也本立而道生而位育之能事畢矣後世不知求中於未發而卽事以求乎中卜度擬量密陷於義外之襲而不自知流而爲五霸之假又流而爲記誦辭章之俗於是五霸之辨俗學正學之分正學以希聖也俗學以希世也希世之學作而希聖之學亡道南之歎得不轉而爲楊朱之泣也耶書院取義於養正者意蓋如此夫書院猶之肆也爾多士其百工乎百工居肆而業荒於嬉天下之賤工也其或專事淫巧敗廢公

人文紀畧

記

九

卷七

平陽府人物題名記

聶豹

予嘗以進士銓令松之華亭華亭八百里賦稅百萬貢海枕江平疇沃野九峰三泖之秀而陸氏之盛居之後鳳雛龍駒如機雲者可得而盡數之耶人曰天下之劇邑也予令而訊之果哉已由御史出守蘇州府蘓之隸州一而縣六賦稅田四百萬文人才士彬

彬富商大賈聚天下之貨而雲屯焉人曰是天下之壯郡也予守而訊之壯哉泰伯之德季札之讓已不可得而見矣若武成之文學尊鱣之秋風義田之旅給胥江之怨蠡湖之逸風之流也猶得以訪其故而咏之焉予自是隱山澤而癯者十有二年矣乃嘉靖辛丑奉天子命起予于廢補平陽守平陽屬州縣凡三十有五入曰古富彊之域也豈蘓松亞乎命下爲是年九月朔予不幸適有伯子五獻之喪茹悲就道倉皇四千里至焉至則爲臘月旣望也視額賦則九十萬有奇而逋之積也何翅百萬視帑積懸如磬視訟牒夢如絲視民則披披離填溝壑而之四方散亦夥矣仍以邊報孔棘而督逋取盈之文急於火予惟慨而嘆之莫知爲計之所出乃於是緩徵息訟哺殍緩離設險除戎時餉練兵日皇皇不暇給而竊慮夫戎禍之將不能免也明年夏六月念有二日虜果擁衆數萬騫鴈門長驅薄予冷泉關關堅不可犯復遣輕騎由間道襲郭家溝而騁焉溝不可犯如關乃散而掠澤潞轉而掠大原等周遭幾月而遁噫慘也極

人文紀畧

記

十

卷七

矣幸而免者非天乎予乃散兵休民群士講藝
邇典考唐虞之故迹而求昔之所謂盛者何在耶予
聞山川之融產惟才爲難而珠玉金帛麻縷菽粟其
次之乃孔子獨有取於唐虞之際蓋自生民以來未
有盛於此者也何也聖人人之至也神則聖之至也
大而未化者爲賢人爲君子爲逸民則爲孝爲忠爲
廉爲貞爲智爲義爲勇變則爲權謀爲術數爲文藝
爲縱橫闔捭人之品至此脩矣謂平陽一之未有平
乃諸士之生於其鄉也未聞有學堯舜而未至者一

人文紀畧

記

士

卷七

人焉將誘罪於山川之不淑可乎哉若謂上之倡者
未也則敬一之典非龍飛之首命乎鄙人訖庇爲
諸士導者亦未嘗舍是而他有說焉乃不信不從其
故有不難知無亦以時之訕也飢而父子離矣而大
戎之禍又駸駸剝床膚是之謂救死不贍乃強而聒
之以從事於堯舜之學不已迂乎吁蔽矣哉不聞兵
食之可去也而民不可以無信天時地利得矣抑人
和之不如蓋信則無貧和則無寡欲民之信而和也
是不仕士人者學以倡之乎蓋上無學則下無教不

教不興仁之嗇而義不相維也有以哉是故精一
中堯舜禹開萬世之太平所以爲天地立心生民立
命者機微而風神也是學微而後生民之榛爛無已
矣予故令諸生采唐虞以來下逮宋元人品之著者
凡一百八十六人鑱諸石作人物題名記以風之國
朝之可書者姑闕以待是舉也臬廵玉林許公往同
知府事時予嘗從而論之可矣繼而僚友許君某高
君某龔君某又皆聞而隨之暨請于大司空西磐張
公亦曰是惟政教者之責也邦人何幸哉

人文紀畧

記

士

卷七

復古書院記

聶豹

學有古今故人有古今治亦有古今欲還古治當求
古人欲求古人當復古學學之古何所始乎執中一
語萬世心學之源也中者何也天地之心也人得之
而爲人之心其未發也五性具焉天下之大本也本
立而天下之能事畢矣惟夫不知中之爲未發也索
之於念慮探之於事爲逐逐焉役於外以襲之而天
德王道之幾于是焉息夫子嘆斯民之鮮能誅小人
之無忌憚祖述憲章惟先進之是從夫子何慕焉當

及門之徒惟回也其庶如愚屢空三月不違其
至焉者或日或月瞠乎其後矣夫子沒而微言絕子
思子憂道學之失其傳而作中庸明堯舜允執之中
乃喜怒哀樂未發之謂知喜怒哀樂未發之爲中則
知中節之和位育之徵皆無爲之變化也有宋諸儒
乃有以多說淆之惟程伯子曰不睹不聞便是未發
之中又曰雖無所知所覺之事而其能知能覺者自
在知所知所覺與能知能覺不同庶乎可以窺未發
之蘊吾道南矣令人於靜中以體夫未發氣象不一

人文紀畧

記

三

卷七

再傳而此意遂失自是而降記誦辭章科舉之學盛
行於天下而天下欲快志於富貴利達舍是蔑濟陽
明先生惇俗學之塗生民也毅然以身犯不韙倡道
東南而以良知爲宗蓋良知者未發之中也不學不
慮自知自能故曰良知是未發之中寂然大公的本
體又曰有未發之中便有發而中節之和又曰聖人
到任天地育萬物也只從未發之中養來有志之士
聞風而興者時惟江西爲盛江西之盛惟吉安吉安
之盛惟安福故書院之建惟安福有之題曰復古者

期有事於古人之學而學焉者也書院在邑治南門
外一里許卽古學廢址而創之東廓先生力倡其成
主之者松溪程先生也松溪以內翰言事謫官信宜
起知安福好古宣教適符東廓始事於某年某月某
日訖工於某年某月某日書院凡若干楹層門敞戶
複寢崇堂齋舍庖廡几榻器用無弗備又有田若干
畝以資會饌之費會有期司會有長會凡若干人若
某等十數輩皆面承良知之教與東廓同游雖所詣
有淺深要皆斐然成章而協贊書院之成咸有力焉

人文紀畧

記

古

卷七

惟東廓子任道不回老而彌堅文章道德歸然負重
望人咸以今之顏子稱之非過也責予爲記凡二十
年未有以報茲復責之再四余不敢以不敏辭謬附
所見以諗同志

道心堂記

聶豹

道心其未發之中乎未發故微微故顯君子知微之
顯也戒慎乎其所不睹恐懼乎其所不聞所以立天
地之心造生民之命開萬世之太平俟後聖於不惑
堯以是傳之舜舜以是傳之禹禹傳之湯傳之文武

周公孔子子思孟子或見而知之或聞而知之及其知之一也一者何也中也中也者和也中節也後世不知中之爲和也假之爲五霸之功利而外和以求中者流而爲二氏之虛寂功利之害陋而易見虛寂之禍隱而難知蓋道心惟微本虛寂也虛而受寂而感後天奉天何思何慮曷嘗以虛寂爲枯槁以咸應爲障妄自私自利至於遺棄倫理而不顧塗耳目而禍生靈尚可復見唐虞三代之治哉故欲復唐虞三代之治者當求唐虞三代之學學以存心焉至矣心

人文紀畧

記

五

卷七

一也以言乎體寂然不動是也寂然者未發之中千變萬化皆由此出故曰道心名堂者其殆有見於此乎道心堂故在白鷺洲書院雲章閣後洲當賴水之衝霖潦暴溢輒沒溺而書院爲魚龍之宮甚則與波而俱逝也故廢興廢經凡幾年而絃誦無師其迹而不師其意也蓋螺川在九江上流舊無水患卽有之十數年而後一見正德以來或一年而再見是書院之在所當復而洲之不可基明矣白坡何公其高守吾吉之明年乃卽慈恩寺去鬼而書院之負隍瞰

江與洲相望不期月而落成樓閣堂齋一復其舊九邑庠士之特出者講授於其中侯蓋有志於復古治求古學非徒硜硜於簿書鹽米之間者余故述所聞以復侯之命作堂記

一心堂記

聶豹

皇上纂隆臨極帝載休明寰宇晏謐然兢業之懷猶厯苞桑之感雖文教炳煥而武訓不忘昔我聖祖以京師重地設衛特周隸于司馬者四十有八隸于天子者十有二若錦衣衛卽周之虎賁秦之衛尉扈乘

人文紀畧

記

六

卷七

輿拱闕庭詰姦譏寇又十二衛之密切者也但時際熙洽徒有矢弓之司而弗習其事非盡立衛意也乃俞太保督帥陸公炳之請命官度地於宣武門外之西偏建闢射所俾官校習射其中甚盛舉也旣訖事督帥區其廳曰修戎堂曰一心而以一心堂記猥余述焉余乃拜手颺言曰嘗聞君者中心也臣者外體也故臣之事君曰致身焉夫人臣之所以能不有其身者惟心之一也故心貳則身已之身也心一則身君之身也隨在致爲焉而已當其無事則爲元首股

肱明良喜起以康熙庶績一旦有警則爲手足頭目不自知其捍之矣故一心者人臣事君之大經也督帥悅禮敦詩以武進士起家恭遇皇上簡知殫蓋輪赤夙夜靖共率職靡怠茲射所之請則又戒戎于不虞備患于未然其爲國家慮者遠矣督帥真能一心事君者哉他日督帥閱射于斯官校習射於斯督帥以一皇上之心爲心而官校以督帥之心爲心則匪徒習其事而因以釋其義故曰爲人君者以爲君鵠爲人臣者以爲臣鵠射者各射已之鵠也有事于斯

人文紀畧

記

七

卷七

者蓋亦各射已之鵠乎夫上而君臣一心下而將士一心推而億萬人維一心則載橐弓矢之治永世克保矣固知射之習而弗試也作一心堂記

存齋記

聶豹

少保殿學徐先生初號少湖邇易以存齋蓋湖以地言志隱顯也存以心言志學則也存之時義大矣哉人各有心心各有所存泛濫於辭章決裂於功利支離於俗學非無所存也而存非其心秦漢而下位育之効不大見於天下者端有由哉是故戒謹恐懼所

以存之不睹不聞存斯要矣不睹不聞便是未發之中才發便屬睹聞不聞曰隱不睹曰微隱微曰獨莫見莫顯誠之不可揜也在昔延平之教每令人於靜中以體夫喜怒哀樂未發之中未發作何氣象存此則自此而發者自然中節此是日用本領工夫延平得之豫章豫章得之龜山龜山得之程子程子曰敬而無失便是中此道南之訣要也在少保以言事落職延平嘗著學則一編而獨致意於未發之語蓋已先得我心之同然矣知存心而不知未發之爲心者

人文紀畧

記

大

卷七

鮮有不失其真者易曰成性存存道義之門夜氣不足以存則違禽獸不遠程伯子之所以接夫孔孟之傳蓋本於此惟少保功在社稷道在天下教在後世卽其所存與天地並久可也予以此契少保四十年少保之謬信於予猶予之信少保也今老矣敢忘平生以負久要乎作存齋記

良齋記

聶豹

戴子伯常家世以校籍錦衣衛膺皇帝分封之國也簡世家相衛翼以行而戴氏與焉遂家承天爲承

天戴也承天舊有楚臺臺高峻眺望可遠戴子以
命讀書其上暇則引領北嚮瞻雲戀日而賓王之念
油然而興乃嘆曰邦畿千里惟民所止遂號楚望蓋
卽其地與志而寓意以自勵云辛巳歲冬今皇上龍
飛江漢入紹大統往從封諸臣工咸雲從景附大者
鼎養小者拇感食舊德而復自道者何限時戴子甫
弱冠以穎拔負俊名隱如也尋以積勞嬰劇疾幾不
免淹屯數年而後復乃遂厭薄舉子業觀願自求以
上窺古人身心之學久之若有所得駁駁嚮往也嘉

人文紀畧

記

尤

卷七

靖庚子召補撫軍從事督獄凡九載是年叙勞績奉
恩例試職戶佉牙璋虎服翱翔於霓旌霜仗之間天
威不遠顏咫尺耳復自嘆曰豈若於吾身親見之哉
楚望之想像失之遠矣易號艮齋蓋悟厥止將圖所
以報稱者間就余質良義以自淑余曰良之時義大
矣哉望者妄也良者止也止其妄而後能良其背易
曰艮其背不獲其身行其庭不見其人子不見背之
爲物乎頑然弗靈似於衆體爲贅也而五內繫焉百
體之津潤以之又不見山之爲物乎凝然而峙居其

所而不遷然艸木生而禽獸居實載與焉人惟能知
其所止也然後內焉而忘夫有我而私意期望之心
遣外焉天地萬物皆我也而感而遂通之用彰以爲
臣止於敬以爲子止於孝以從兄止於友以交國人
止於信喜怒哀樂視聽言動動罔鉅纖咸惟厥時其
道光明而老氏不辱之訓乃其第二義也昔陳良楚
產也悅周公仲尼之道而北學焉北方之學未能或
之先孟子稱其善變以其知所止也如嘉伯常謂非
善變者乎余故與而銘之曰欽厥止利出否終始萬
物咸基衆美夏首連山周道如砥顏勿四愚曾貫一
唯未發寂然上帝臨汝伯常家世出溫台其學三變
余在序其高節堂備之

人文紀畧

記

辛

卷七

雪厓記

聶豹

世言人之無取於世而嚴於自守者輒曰厓岍云蓋
以其嶄絕孤特之行可以廉頑立懦百世之下猶足
使人聞風而興起我思古人其西山之餓夫歟乃陳
翁別號雪厓無亦聞伯夷之風而興者耶翁性狷介
平生敦行誼爲里黨所推服每歲舉鄉飲賓席之召

惟翁先晚以痿廢終日端坐一室足不履非禮之地耳目無非禮之視聽日取五柳先生傳及漁父辭一居等篇讀之興到輒命酒自酌飲少輒醉駒隱几臥不知日之有旦暮處闌闌喧囂之地如深山絕谷然門外可羅雀也世顧以痿廢視翁翁亦自廢以絕交於世之人度白雪以方索信丹厓而獨往雪厓之號似耶非耶昔秦人有宋嫠者當隆冬荷鑊往終南山入雪厓洞取橡栗歸以卒歲至則洞中一無所有惟朱艸數本冰蕨一器置諸案嫠欲掇之俄有鶴擎人丈紀畧

記

三

卷七

月晦前二日翁遊危疾呼其冢子陳君子昂曰雙江先生言足傳信况姻連闔閭乎汝亟往謁之爲予記雪厓余卽辭塵塢暝日矣是日薄暮見風雨抵余艸堂道翁意色喜而言切余不能辭遂記之翁姓陳字良立以字行時閏六月朔日也

水雪堂記

聶豹

人文紀畧

記

三

卷七

翁出而語曰吾輩竊天地一撮之土穴之以爲宮芝菊蕨薇非吾之力不食汝等厭世味窮天地之有所取以克腹猶不足又欲掇吾撮土之所產不已婪乎嫠乃踟躕而退至山腰有老人騎牛而歌曰厓岌岌兮鳥道懸空雪花如手兮寒鎖千峰瓊芝玉蕨兮毓毓玄風欲窮口腹兮哀此狡童婪悟而返至故處則雪封洞門數尺不得入悵悵然而歸則夫今之逐逐於世大者虎噬小者蠅嘬強者攘弱者竊斃其身而不知節者寧不爲雪厓翁所笑也耶嘉靖庚戌夏六

先者予嘗徵諸天道也雷動風散雨潤日暄生物之仁也冰凝雪冽良以止之造化之義也冰雪者義之氣也義所以節夫仁耳仁不節則生生之意或幾乎息易曰天地節而四時成節以制度不傷財不害民是故當官之法惟清爲首吏之清猶處子之貞不貞者縱情不清者罔義罔義縱情性斯鑿則心亡心亡則履錯亡心者殘廢錯者亂殘賊之人好貨嗜利亂國疲民所至無紀人而獸者也爲民父母而胥於獸害斯甚矣義可後於仁哉孟子曰非其有而取之非

義也如其非義一介不以取諸人義之至也義斯仁
仁斯惠仁以義治政以仁通民以政和官事備矣則
夫恒之潤之散之動之者亦冰雪之功也不翕聚則
不能發散不稟則不溫不廉則不惠名堂者其知天
乎名堂爲誰先宰是鄱陽張公某字公理民廉惠有
聲豹公鄉人也後十年亦以宰華亭至興廢補漏黜
聖丹漆乃重新斯堂而復記焉

仁壽堂記

聶豹

仁壽堂者甘泉湛先生爲平川刺史乃翁中山公八

人文紀畧

記

三

卷七

十而書也先生旣爲文祝之矣乃復書此以顏其堂
謂將以昭仁焉夫仁人之生理也天地之大德曰生
生生不已天地之所以恒久也人惟全盡生理期可
與天地合德合德天地古稱不朽其斯以爲壽乎今
山曲海隅之老享年八九十者有之乃終身無戶外
之譽欲冀君子一言之與不可得况今天下稱大老
莫如湛先生而念菴羅子則海內特行君子也大書
顏堂爲序爲銘以仁公之壽是謂之天下歸仁可也
天下歸仁則天下人壽之矣予不識公作何狀第以

道義獲交令于刺史君吾見其溫然和也隆然厚也

克然其有得也人之評刺史者曰絕類而翁以故辭
官歸養視藥二千石如棄斗粟此古人之高致而今
之爲父兄者類不樂而公則樂之自六十而七十今
八十矣內腴而外潤神克而體胖童顏鶴髮徜徉於
山水之間若仙翁然此豈有累於中者可強而能哉
聞公早歲強志盛氣高視一代不屑爲舉子業嘗遊
學嶺南聞白沙之風欣然有契於心已轉游金陵江
淮間若無一當意者魏國徐公聞其賢禮而賓之爲
人文紀畧

記

五

卷七

今太傅師時刺史已登第給事黃門適奉郊恩封公
如其官公自視歛然不忍以一毫非義加於其鄉而
鄉人咸歸德於公公自是稱仁人焉故於其壽也則
曰仁壽榮也則曰仁壽榮也子孫之多而賢也則曰
仁者之後堂之名謂不足徵乎刺史受學於湛先生
之門有年一時門下稱高弟無踰刺史故先生知公
爲最深念菴太史則刺史同年契友二公之作博哉
仁人之言也足以傳世無疑矣丙辰冬十一月刺史
偕羅山李都憲前川曾都諫兩湖陳翰博仰齋胡觀

寧莊予于東舉之上談學屢日出示此卷索予爲記
因書以復之刺史姓郭諱應奎號平川登己丑進士
授禮科給事中例降外補淹卹十餘年遷嘉興守循
資少待卿相可致乃浩然歸悉流中勇退人也

養靜樓記

聶豹

豐俗舊朴野務士農之業敦嫻睦爲九邑所推三二
十年來靡然一大變浮夸僭侈崇飾服舍輿馬器用
甚則競鬪訐倚權豪爲城社相雄長徐君毓麟乃退
然屏息儉逸以自頤顏其樓曰養靜而因以養靜爲

人文紀畧

記

五

卷七

號樓高出闌闔而西北諸峯溪澗林壑之美不出凡
席可一覽而盡登之則超然物外馳競之情遣貪穢
之慮息若有以資吾之養靜也大學生徐祐者君之
冢嗣嘗游予門間以養靜謁予記夫人生而靜天之
性也感於物而動性之欲也欲動情勝凌競於色聲
香味之場溺焉爲汚俗所染而日喪其真雖賢者不
免也迺徐君獨有見於是黜華祛靡抱朴尚玄若將
離群以息機遣欲以澄心以自頤其天年者可易易
與俗人言哉予蚤歲謝仕家居匿山澤三十年栖遲

於五獻雙溪之間虛融幽澹方有事於靜學自分以
此終焉足矣乃用舉者兩赴召命俱有事於兵革干
戈競起南倭北虜相煽爲亂折衝於尊俎非予所長
而夙夜焦劬以求不負皇帝寵任之隆則區區犬馬
之心也五獻雙溪之勝每形諸夢寐欲求如君屏息
於一樓胡可得也君與余伯子五獻大夫相友善予
不忍忘先兄之舊雅與君往還况君之子從予游有
年也千里相求義不可辭故記之以歸刻樓中

脩束新金斗二橋記

聶豹

人文紀畧

記

五

卷七

惠故有束新金斗二橋多歷年所廢興之廢涉者病
之需泥望洋航葦城頂王政之所惻也惻之而民弗
被其澤者無他焉不善推其所爲而已耳是故乘輿
濟潦洧非不惻也君子惠之下是而捐腰犀金錢惠
亦陋矣惟在渠因時使輿俱便有莫知誰之爲惠是
之謂政也予於是知惠守史子之爲政矣史子惻涉
者之病而又惻夫民方困於土木天下騷然以戒吾
安忍利夫涉者而重困一方之戚乎不給於民則給
于公公裕之猶吾民又况有司之者乎司之者仰給

土木之徵旦夕惴惴惟方命是懼咨之其誰謂也冒嫌以謗勢能永乎維需爲民箕歟刑驅宜無弗從卽從也歲青椎髓萬民魚鱉涉者利不利者百矣是二者皆史子之所惻也義者惻之權也權古今輕重之宜而善推之惻斯溥溥斯民從史子於是乎不能外義以達夫惻也記曰上好義則民莫敢不服未有好義其事不終者也吳命孚號一倡百和不強于民惟民所嘆鈎稽有簿程督有伯不數月而二橋告成碧隄覆屋聯筏翼棚通行爲陸昏夜繹繹不絕

人文紀畧 記 卷七

於行史子不知爲惠而民知爲惠耶予故曰予於是知史子之爲政也不然史子豈無乘輿犀金捐以惠民使民惠我亦史子之所不靳然非政也政不欲速不屑近利和易平實宜民宜人史子稱是予故曰史子知爲政矣惠屬學諭溫詩者予鄉而友也以史子意謁予爲記以予嘗與史子同寅知史子爲詳義有不可辭者記之史子諱某字某別號鴈峰浙之餘姚人以進士授行人選吏科給事中論進退君子小人之爲治亂之幾書上皇帝詞欠委謫通州判量移蘄州

已乃移袁州擢今職守惠陽袁爲昌黎東坡謫所嘗樂史子之得其所也飽飯和詩因以致起居云

湖隱記

聶豹

里有東湖湖上有丈人劉仲武氏者生於斯長於斯以耕以釣以老其身每興至輒扣舷而歌揚帆而游若有得焉而人莫知其所爲而識者謂其逃而有託其隱者乎遂以湖隱自號而人亦以隱稱之焉夫天下之道二隱與顯而已矣謂之隱者以其畜德弗售敏才弗試玉韞珠晦迹於樵漁畚鍤之間非夫人之蚩蚩貿貿徒以其樗散於山魚爛於河而遽謂之隱也周之土宇板章極矣而記逸民者僅七人焉稽若七人不降不辱卽降且辱也則言倫行慮放清廢權隱可以易言哉吾故曰丈人意旨也丈人義直木強而言動衣冠率有古風不解爲梳蠟脂帝飾詐以媚世少有汗漬之行加於其身若臂背刺不能一朝居見不可意事輒喏然長嘯對若無所憾否可否而中實了了也晚好種樹灌園可以暢吾贊化之功蓋亦庶幾於不降辱以貶義者歟有所不爲而後

可以有爲有可以顯者斯可隱丈人與予先考水
大夫爲莫逆交予暇日嘗過湖上相與歌滄浪以詠
自取之道丈人曰子其知予湖隱之意歟蓋書以記
之

河津縣重修儒學記

宋廣望

今上癸丑春三月余奉命出按河東河東自冬徂春
皆不雨民乃大饑是時河津令高文學來言脩學事
予謂古者興作苟不因天度民春秋必書以刺時事
然魯脩類宮經乃不見是政教之本也修之便雖然
其少需乎爰五月雨是年大有秋予乃檄縣舉事已
得茲法者襁其貲若干佐之於是令文學以耆民二
人督其功而聽民醵金爲助未幾廟廡堂與神廚牲
所齋舍門楔存舊易蠹煥焉大備已又易學宮前民
人文紀畧
地加弘敞焉是年秋杪予按行郡國自蒲坂歷華陰
返自韓城抵于龍門謁禹廟覽河山之勝慨然久之
遲明趨學宮展事已顧而樂焉於是令率其學官弟
子踞而請曰河津之學敝且久矣今幸徼福於下執
事願一言以詔多師多士且俾後之蒞茲土者知學
校之爲重而章臺臣之急教本也予聞之喟然歎曰
爾令爾多師多士其知學校興建之繇與茲地昔時
之盛乎夫河津在三后時爲畿內近地其後殷都河
外至于祖乙復遷于耿今河津卽耿故地文武更都

豐鎬而耿亦爲接壤當殷氏成周之盛庠序學校之
教徧於海隅而况冀州之野固王化所先沾濡者乎
三代道衰王澤竭而力政作春秋之際生民苦於戰
鬪唐虞畿內之地皆爲列國戎馬之區孔子以匹夫
彌縫其間惓惓焉以文武之道告於諸侯欲以擁衛
天子興起教化而卒莫能售始退而與弟子脩道齊
魯之墟然後堯舜禹湯文武之緒乃復續於洙泗汶
濟之間而先王仁義禮樂之教所稱畿內首地已凌
夷盡矣嗚呼茲其王伯治亂升降汚隆之故哉漢唐

人文紀畧

記

三

卷七

以來皆知重學校而宗孔氏然其制莫脩於我明豈
非以孔子本仁義述六經以教萬世是故廟祀孔子
於學校正以使天下皆知尊孔氏而後堯舜禹湯文
武之緒得賴以不墜歟然予聞河津在孔子時其徒
子夏返自魯國卒歸老于河汾其後三河之間庶幾
復見先王之遺其功實自子夏始漢興司馬遷生于
龍門涉淮導江返于汶泗慨然有慕于夫子遺風歸
述史記以續麟紀雖其所造未逮子夏而所謂文學
云云實未多讓自漢歷隋王通氏又起自河汾學絕

道喪之餘乃能推尋聖人餘緒今所著中說等書
攷也入國朝來敬軒薛公瑄謹守聖門之訓而措諸
躬行爲世名儒予常歷覽三晉之載自唐虞道喪以
來其人才所鍾皆莫有盛于河汾矣爾諸士釋菜而
來固皆誦法孔子者然試攷所志其於數子何如也
於是諸士乃再拜稱曰某等河曲之鄙人也未嘗得
聞長者至教吾今而後其將學於數子以跂夫子之
門可乎予曰嘻嘻茲豈易言哉昔者子夏蓋嘗學於
夫子矣出見紛華而說入見夫子之道而說二者交

人文紀畧

記

三

卷七

戰於中而未定其后篤信夫子返以其學授于河汾
是嚮之所戰至此而後勝焉今吾與諸生且將從事
子夏之戰以求說于夫子之道如臨深淵如履薄冰
則雖未必至於夫子也其亦庶幾已乎於是諸生聞
之唯唯而退遂次第其語付河津令刻石焉

倚氏縣重脩廟學記

宋儀望

嘉靖三十有二年秋八月甲午余以巡歷至倚氏遲
明趨學宮謁先師孔子已升堂聽諸生說經多所問
難是時朝邑王生三益來署教事於是率諸生進曰

倚氏廟學敝陋且久不治將益壞且學故無門左
右以出又未嘗置號舍諸生往來升堂即罷去去即
依市肆以居日與誼輩相雜甚非便今上頒敕一箴
以風示學者往有司以敝舍一楹藏碑又大不敬敢
以爲請余聞之喟然太息曰嗟乎是豈所以崇教化
而宣上德之意哉未幾平原韓應春來知其縣余乃
檄下所司毀淫祠若干又移贖金若干佐以治事於
是令率其僚屬諸生以余意播之於民而興役焉拓
地庀材鳩工度時徙落聖諸祠于左而各南嚮建學
人文紀畧

記

三

卷七

無聞何也嗟乎古者四民異業而同功故士不異
農不兼工聖王度其民而處之必先農貴士而幾丁
實此非以相反末業盛則禮教衰也予觀倚氏當春
秋時晉人謀去故絳諸大夫皆云去絳必依郇瑕地
沃而近鹽未幾倚頓氏遂就其地興鹽鹽藉轉輸舟
車輻輳于秦陝河洛之間卒以閭閻賤夫富埒王者
以故當時之民莫不棄農而逐末勤利而薄義其後
太史遷述貨殖傳亦若有羨於其所爲宜乎倚氏之
蔑于前聞也由漢唐以來國家勤于土木征伐海內
人文紀畧

記

三

卷七

貴人文人學子乃頗有可採者此其明效大驗可睹也惜其時學校之制尚多闕畧而人才之盛亦不能臻于前代唐宋以來雖屢詔天下立學率多廢格不行而又何望其能復唐虞三代之盛哉我明既有天下卽詔天下有司立學自畿甸以及海隅其爲郡縣以千數有司祇承德意莫不以學校爲首務迨我皇上崇翼化理及正祀典其於先師孔子之道益尊且信由建學以來信未有盛於今日也爾諸士之生長于茲邑也於昔之所謂地沃而近鹽者已格于時禁人文紀畧 記 三五 卷七

當塗縣移建廟學記 宋儀望

當塗縣漢隋及唐皆屬丹陽宋太平興國間始置州當塗以附州不得立學元時置學萬壽寺西未就工太祖皇帝天兵渡采石駐太平縣人陶公安率父老謁見卒用其言成帝業天下旣定太平得置郡隸京師爲首善地方是時海內大興學校當塗學自洪武歷正德屢修葺之顧地勢卑下形家弗宜科目視郡學常不及額萬曆三載今郡同知龍子宗武往攝縣人文紀畧 記 三五 卷七

事於是諸生曹汴謝九鼎等言府南水豐二倉乃宋元貢院遺址地當翼隅位于丙丁此文明之象也諸生願以今學更茲地置學宮惟君侯圖之龍子遂言之郡守錢子立通判韓子禔推官劉子瑛詢謀僉同適予撫臨境上巡按御史鮑君希顏竣事將代郡守偕僚佐率諸生來言前事許之乃行兵備副使馮君叔吉核其成是年冬十二月委照磨葉懋德典史魏寅亟往督工相厥舊材罔弗堅好天時協休祥工畢赴廟廡堂與櫺星戟門庫廡庖漏罔弗飾備敷教有

堂尊經有閣敬一有亭鄉賢名宦有祠官有義濟士
有講舍凡諸費用共計若干金予與前巡按鮑君相
與計發會今巡按御史唐君鍊至有司以言復發贖
金佐之提學御史褚君鈇以校士至亟爲嘉勸龍子
視厥工若作室家毋廢朝夕明年春知縣王繼明來
代厥事功乃用訖錢守等遣其師儒來請記予惟三
代盛時庠序學校之教偏于中國然總其指歸要以
明倫盡性使人歸於成德達材而已三代既衰王澤
竭而力政作先王庠序黨塾之教廢壞已盡孔子以
人文紀畧

記

三

卷七

匹夫彌縫其間思以其身力追先王之舊蓋嘗觀於
洙泗之間猶斤斤然老負其壯少育其長孔子始慨
然興歎退而與群弟子刪詩序書明易傳定禮樂冀
以其道教於後世漢唐以還英君誼辟興太學講禮
樂皆知尊孔氏而賤五霸可謂盛矣然郡邑學校之
建或置或否迨至我明始詔天下郡縣皆得立學廟
祀夫子置師儒之員厚之廩餼群諸生教之雖以窮
陬下邑有司兢兢然毋敢慢棄天子之詔其規模循
張雖唐虞三代莫或過之然予竊怪今天下經生學

深愧淺鮮未能宣布化理仰副明詔而又竊歎今時
校士之法則惟定章程品藝文雖有察舉行誼之餘
亦多視爲故事爲士者往往疎畧經義襲陳言以趨
時好其於脩己治人之法存心理性之要不復省臆
間發爲質難以究極底蘊率摺撫詞以對人才日
就浮靡而深蓄茂修之夫搜羅者或缺焉嗟乎此豈
非司教化者之責哉一日諦觀署中所列督學姓氏
則自豐城游公而下凡三十有三人今考其里籍官
爵與人品所至則或著或不著因太息久之夫官以
人文紀畧

記

早

卷七

提學爲職非謂其能勤考校程藝文已也入閩自唐
得常袞爲觀察使大興學校躬親教迪厥后人文漸
起通于上國至宋諸大儒以理學相倡遂稱鄒魯今
海內屈指文獻則閩不後矣然予所謂士習之弊亦
漸異乎所聞抑又何也記曰反古之道忠焉實焉虞
夏商周之盛豈繁他故彼其庠序學校之教所以使
民興行成德而人才所就後世卒未有能及者誠得
其本故也吾等上承簡命下總師儒朝夕勉循引蹈
繩矩俾諸人士曉然知道德仁義之教不外彛倫日

用之間其吐爲文章盎然出之不至故常他日
左右明時非禮樂刑政之司則岳牧工虞之佐安知
豪傑之士無有以臯夔稷契自許者乎將鄒魯之風
復見今日而有唐常君不得專美於前豈不有榮耀
哉碑故虛其上方未有記予不佞僭述其梗槩以自
覽鏡抑亦以竣後之明哲者焉

重修福建提刑按察司公署記

閩提刑按察司由宋元歷國朝相仍其地然沿革靡
常分合異故卽遐邇無論矣自洪武甲子迄于正德
人文紀畧

記

望

卷七

辛未更數十名公漸次迄拓規制始備前人見素林
公許紀于碑樹之廡下由辛未歷今又六十年安成
鄒公其來總憲事周覽方輿諦觀表裏則昔所稱壯
麗剝落朽蠹大弗稱于常度公慨然曰是吾責也遂
謀于僚友達于兩臺咸贊成之乃命經歷張某督匠
計工且戒之曰物貴度財餽費稱事力貴勿擾匪是
卽弗任于職張倅唯唯以其秋八月興工爰始大堂
達于內外左右廳廡吏廨隸候獄司神棲應門綽楔
岡弗增飾棖桷梁楹門疏瓦甍凡厥蠹壞罔弗簡易

堂階既降更置重屋覆于露臺加以丹雘杙以
綵以周垣凡厥庀度罔弗完好旣訖工公乃偕賓佐
觴而落之酒三行因執簡以屬某願于記之庶以詔
夫來者予惟古者天子建邦設土自北閭族黨達于
方伯連帥上下相維兵農兼轄然必歲使其大夫爲
三監監于其國以防壅蔽高皇帝疆理寓內昉古建
官文武並用分置三司而按察之職要在振紀綱警
吏治讞刑獄詰兵戎藹然成周遺意故以彈壓則百
司受成以巡歷則群僚咸事二百年來政清人和海
人文紀畧

記

望

卷七

內宣謚聖祖淵謀宏度信哉長治久安之道也維茲
八閩僻在海隅西阻岩谷東連東島嗜利不軌之徒
觸法冒禁恬無忌畏勢家豪宗動相構結罔憚大吏
嘉靖中海氛肆煽丘革薦興百姓播蕩獄訟蠲起諸
司分道並出禁輯綏來日不暇給每歲議讞視他省
爲甚夫兩觀設斯民知畏象魏懸斯下易慮臬司職
在風紀政教號令之所出也是故高其堂與列其等
級壯其規模非徒以示尊嚴備侈觀也期於使民望
堂階則陵競阻聽政令則悖慢革世言唐虞土階夏

卑宮室至于姬公宅鎬營洛崇崇言言此明古
時質文迭用非所以相反也茲役之興其於治理所
繫豈眇小哉嗟乎按察使尊官也不滿歲則遷去恒
情樂於因循悞吏憚於改作鄒長公下車月餘叶衆
決策亟成茲工此其度量相越較然著矣然予觀十
于十二支相配而成歲功數窮六十則消息往來之
變默行乎中繇建司以來兩起甲子載歷辛未皆有
事於茲役記曰甲拆也辛新也言物既萌拆積漸而
復新也諸君子因時通變拓地察宜若作室家不違
人文紀畧

記

聖

卷七

寧處方長公首事謀及諸僚罔不懽然各出贖金以
佐工作兩臺又力縱吏之推是心也宜其樹勲流聲
匹休先後矣抑予又聞當正德庚辛之際鄒長公大
父易齋先生適僉憲事守法嫉邪抗疏引去今乃大
發于長公顒顒叩叩以學術行業籍重一時語曰德
厚者流光攷今證往適又皆與數會斯亦可異也已
予故得並記之俾來者有攷云

廣德重修復初書院記

宋儀聖

嘉靖中予師東廓鄒先生官史局以言事謫判廣德

廣德故柯內地阻山依險民俗纖嗇然喜節俠焉爭
關先生至則與父老子弟陳說先王立鄉約者諭俗
禮要久之民皆悅服諸博士弟子與嚴穴掌故日從
先生講致良知之學欣欣然若有興也踰年教化大
行遠近學者造門就業戶屢常滿乃因故老氏宮請
于臺察毀淫祠易之報可遂建復初書院會民步氏
以田訟先生諭之以義兄弟叩首服願割田若干畝
入書院爲學徒貲歲擇行誼諸生掌其出入乃請于
巡撫中丞泰和陳公亟縱吏之而書院規制始備先
人文紀畧

記

聖

卷七

生旣去嗣茲土者煩于簿書期會書院所布條章率
不忌視之其後田租報于上官有司歲稽察之俾諸
生無所與久之書院日就圯壞講舍號房棄爲荒址
講學之風久亦寢衰焉萬曆二載冬予行部宣州河
南吳子同春來知州事先期介謁行臺目其器度溫
雅有文與語應對甚悉察其中又若若概焉非苟爲
時譽者予心灑然異之北撫臨境上考俗問政與吳
子日孜孜焉遲明趨學宮進諸生與之辨難已詣復
初書院屢拜王鄒二公遺像瞻歎久之吳守乃跣進

曰明公何歎將書院廢不修乎抑歎二先生之學不明於時也同春不敏願爲更新庶與父老子弟考往訓來布法和衷以惠于我邦人邦之人寔永賴之予慨然曰有是哉吾其佐女未幾以修書院狀來報明年夏遂告訖工吳子遣校官李嘉禾率諸生來請記且曰書院以復初名鄒先生意深遠矣願明公闡之以詔多士同春等亦交有省焉予諾之未遑也蓋嘗讀易至剝復之際而有感於吾人此心與氣機相爲出入夫以五陰剝陽天地生生之機幾於息矣一陽

人文紀畧

記

望

卷七

來復天心始見爲臨爲泰爲壯孰或引之孰或遏之大哉復也其見天地之心乎孔門之教以求仁爲要仁者天地之心也良知者心之昭明靈覺者也致其良知而事事物物皆就吾之條理此謂物格知至而意誠心正身修矣易大傳曰復以自知此求仁之要而王先生致良知宗旨也嗟乎知此則知復初之義矣奈之何今之談良知之學何其多歧也語超脫者棄卑近病紛擾者主虛寂則與大易復卦所陳其旨異矣夫心一也無內外動靜而一於天則者也是故

不遠而復則無祇悔慮以下人則役而休頤則復則吉敦復則無悔迷復則凶夫爲吉爲休爲無悔非善復其初乎從迷而危惠迪而吉非復與不能復之辨乎當時善復者莫如顏子有不善未嘗不知知之未嘗復行故孔子贊之曰顏氏之子殆庶幾焉今二三人從事復初之學蓋亦反而求之吾心爲復而吉乎爲迷而凶乎要在自致其良知以復其初而已予何言書院建置始末鄒先生嘗自爲記今吳守又從而增築焉後爲周范王鄒四公祠又置陽明王公像于閣上以鄒先生配焉董其工者則邑博士李嘉禾朝夕經營如其室家是皆可謂有志者也遂併記之抑以勸夫嗣官茲土者焉

人文紀畧

記

望

卷七

宋丞相文山先生忠烈祠記

宋儀望

今上萬曆二載予奉命鎮撫南畿以十一月行部宣州宣守若令具言宋丞相信國公文山先生以咸淳五年差知宜都既下車諸所罷舉咸切民隱春和甫耕作爲農謠令歌之以勸既得代猶惓惓與父老子弟陳說教化百姓戴之去之日爭醵錢立祠以志

人文紀畧

記

忠

卷七

不忘備載郡乘今宋亡且三百年父老子弟每言其相事輒泣下顧祠廟遺缺無以妥靈揚哲以慰邦人之思守土之謂何俊等是用早夜經營擇地于完陵驛故址諏日興工棟宇維宜寢堂既列蒸嘗庖備越七月祠乃告成以不佞爲公鄉人攷先哲舉廢祀獎忠烈又撫臣職也守若令相率頓首願有記以示久遠予喟然歎曰公之忠大矣蠻夷戎狄聞其名猶知敬慕况過化之區乎孺人懦夫一及當時事輒怒髮豎指涕洟沾襟况冠裳之倫乎按祀典以勞定國以死勤事法施於民捍大患興大利備此五者宜莫如公是宜饗有廟食贈有爵秩褒有號謚茲舉也於法爲崇報於義爲勸忠雖予之不文將焉辭之嗟乎自古夷狄亂華凌夷酷烈莫如宋之季世文武忠蓋謀度罔庸姦黨儉邪阻間輒售二者相乘竟至滅亡予嘗考其終始益重悼于公之死云公自寶佑登第卽慨然以國家自任宦者董宋臣用事上書乞斬之既又極言其罪皆不報賈似道當國屢抑公不用年未逮強遂抗章致事去咸淳間稍遷提刑尋知贛州當

人文紀畧

記

忠

卷七

德佑之際勢廩虞矣公以羈旅孤臣倡義起兵以圖恢復勤王詔下輒提師入援夫以新合之衆當乘勝之師值厄亡之運爲扶危之計不俟智者辨此矣國存與存國亡與亡公之心何心也旣至臨安卽又上書乞斬呂師孟尋陳言大計分天下兵爲四鎮置都督以統御之使敵分而闕我乃可制此其計明甚矣執政陳宜中諸人猶扼公所言不得用旣知平江極力經營軍聲稍振會虜寇獨松關亟召公援臨安三吳尋委城降虜假令公不去吳堅守大郡以固藩籬虜雖張甚必恐我乘其後乃又趣公以去門庭不戒室室安守卒之繫組納降屈膝請和天之所廢誰能違之嗚呼悲矣論者謂公早年勇退投閒自放有謝安石之達慷慨上書乞斬宋臣師孟有朱雲之勇孤軍赴援力謀社稷真州之脫空坑之敗循州之執艱危萬狀並死不悔有顏魯公之節燕京被留從容義命顧問慙懃應對如禮有箕子之貞旣趨市南嚮再拜臨刑自若有比干之義蓋公之志可以塞宇宙公之忠可以貫日月史臣謂公一死救宋室三百年

養士之効豈不然哉予因撰次公事而述厥赫赫者以昭示後來亦宣人之志也郡守以下咸書名左方以見祠所由始云

徐迪功祠記

宋儀望

敬皇帝時北郡李獻吉信陽何仲默咸以文章氣節睥睨當世天下翕然慕之而姑蘇徐昌穀氏最少以才名受知北郡二人者相得甚歡乃相與揚推古今綜理藝文而徐君聲稱遂與李何相埒矣君由進士二年授大理右寺副而固簡抗不輕與人交已又求人文紀畧

記

完

卷七

便地不報以故人多忌之遂落職爲國子博士君益自砥礪動欲希跡古人不肯少變其志久之遂雅意神仙之事洎遇餘姚陽明王公相與盛談具學至有無形氣之辨徃復連日王公笑而不荅君固強起叩之於是語及聖門易簡之旨遂豁然大悟然君固已病病作月餘死矣君既歿北郡序其文刻布焉陽明王公又爲論著其行事咸具載文集中儀望幼時喜學爲文章嘗得李何集讀之然欲購徐集無有也嘉靖戊申余承乏茲土君嗣子伯乂以迪功集見遺讀

之信乎其才不讓李何已逾年始謁公祠下歛嗟久之祠隘陋不治無以妥靈揚哲以風邦人余乃命工加葺之爲堂凡三楹門如之辨等級潔牆垣以孟秋朔日饁豕以報成事而公仲子叔麋及家孫敬臣以祠記來請予竊聞之古之君子得祀于其邦咸以有功烈于民不然則耆年宿行有以重于其鄉及其歿也鄉之人始追而祀之如古所稱鄉先生歿可祭于社是也夫徐君者甫壯登朝未強辭祿非有彘鼎之勲二疏楊公之引年去位以取重于世如昔所云然人文紀畧

記

辛

卷七

而君子必加祀焉何也嗟乎士固有幸不幸耳昔者孔子周流列國以其學授諸弟子當是時若子賜由求之輩結駟抗衡於諸侯大夫之間何其盛也而回騫二子顧終身不仕人國而回又蚤死然至于今數千載間秩在祀典初不以其功烈在民與否如何也昔史稱漢武帝最好文學司馬相如嚴助朱買臣輩咸以文章詞賦見幸出入人主之前得發舒其志氣使君與李何數子遭遇好文之朝並列職卽署使當其時有如狗監者薦之則其所表見恐不但相如輩

以口舌取悅人主而已卒乃使之沉淪下位以死豈非命哉豈非命哉予聞徐君始弱冠時以文賦崛起吳中與今翰林文公徵仲相友善比出與李何輩上下其議論遂傑然有立成一家言斯亦足聲稱後世矣然竟脫棄羣藻游心玄虛大道之要殆駸駸乎近之善乎王公之述之也昌叔之學凡三變卒乃有志于道惜也吾見其進未見其止嗚呼若徐君者豈孔子所謂朝聞道夕死而可者耶夫是則可以祠也已作祠記

人文紀畧

記

至

卷七

重修上方寺記

朱儀望

吳中名區惟太湖爲勝湖有七十二峯皆見圖記惟縹緲峯爲最勝吳王夫差嘗卽山之灣爲清暑宮宮廢多占爲寺今所稱上方寺者唐會昌六年浮圖人道徹所創宋嘉泰中釋無證新之殿宇樓閣飛棟連翼雜出林木煙雲間最稱雄麗矣迄于近歲山田蕪沒各僧苦於輸賠多逃移他所寺就頽落今嘉靖戊申予出令吳中首詢民隱理從賦創役田簿書供應迎送酬答至日晏不暇休每思遊太湖諸山尋昔所

稱十八招提與一二方外高士談說名理解迷不能也又越歲始以清田之役徧歷太湖而因登于縹緲之最高嶺下視諸峯如蠡螺然予扣松而歌其思飄飄然若昔所謂羽化而登仙者之爲旣返宿上方則寺已廢十數年因謂父老曰茲山靈擅一區後數年寺當復興乃命覈其荒頓稍爲蠲補尋卽別去自後予羈官內臺奔馳齊趙吳楚又嘗巡河洛涉崑崙遵龍門歷覽秦晉之墟然寤寐所至未能一日忘情於太湖諸峯間今去吳且十年得以在告家居忽寺僧惠雨至自姑蘇因政告予曰予寺賴君侯清理虛賦僧漸復業歲在戊巳殿宇載新使君辛亥之言殆合矣願乞一言以示來世予慨然太息曰嗟乎吳中以財賦甲天下佛宇琳宮徧蒲鄕邑富室巨賈施佛飯僧一無慳吝意田野細民終歲力作不能侔本至語以奉佛卽傾囊無所顧蓋習使然也邇歲海寇竊發賦役繁興長民者畧農事而議于戈百姓苦于供應日朘月削咸有怨心雖說以仁義示以刑罰猶不能聽也今惠雨輩手持一疏遊說邑里卽能斂財鳩

人文紀畧

記

至

卷七

工大興殿宇雖其志行動苦善爲衆生開誘亦以佛之法多持因果冥報之說有足以感動人者故吾儒顯談仁義不如佛氏陰談禍福彼仁義有常而禍福難測宜乎民之響應而樂施也雖然今儒者談仁義又多佐以佛語以爲得最上乘法則佛氏之人人豈徒細氓已哉惠雨曰賦不清則寺僧不復君侯往昔之言要不可謂山靈無助也已予旣感其言遂書其事俾歸刻諸石

鐘樓記

宋儀望

人文紀畧

卷七

七

七

邑舊建鐘樓與麗譙相望不知昉自何時正德辛未流寇焚掠邑城樓乃就燬嘉靖甲申故中丞安陸商公大節來令我邦慨然歎曰古者懸鐘于虞設鼓于庭所以戒晨夜詰出入銷姦萌也此而不圖何以令民旣獲蜀鐘于延祥寺僧乃購財鳩工起層樓凡若干丈有奇貫索而架其上按節攷擊聲聞數十里公乃偕賓佐登之顧而喜曰美哉山河斯萬室之邑也而予以一人據于民上喜則賞怒則刑審其輕重而布告之民民無弗響應者譬之茲鐘大叩之則大應

小叩之則小應古之君子布法象魏定德和衷而妄施怒不輕淫以是行無頗政動無費事吾於今乃知所以從政矣一時聞者莫不稱善公旣遷去民與思至今不忘隆慶己巳桂陽陳侯尚伊繼令茲土覽于山川城郭曰美哉斯表裏之國也稽于戶口田賦曰庶矣哉然而民弗堪矣考于古今人物曰盛哉其文獻之區乎旣又察于風俗聽于訟獄曰異哉何惜長厚而今姦弊也未幾城中火延燒數十家鐘樓復就燬侯乃反躬自責思所以圖維之其父老走告曰樓燬而鐘故完侯取而考之其聲鏗鏗然因竊喜曰茲邑其復昌乎乃謀之僚友羅君良詔高君作幕史張君科曰維茲鐘樓創自前哲且政教號令之所先也盡亟圖之謀議旣同諏日興工而屬羅督其事內方而直表之以水外規而擊以甃固之不數月樓乃訖工制度宏壯工作堅美飛甍樓窓鐘聲四達蓋屹然一方之望也凡厥費用取自羨餘及抵罪之愿贖者共計若干金侯旣入覲屬羅君問記於予予惟古之君子作事必因天時察地利順民心也維茲鐘樓

人文紀畧

卷七

七

七

地當吳閶厥家文明時和歲豐民乃飽嬉三者維俟承納群議棘興茲工二三僚友協力同心工乃用就繇此言之事苟順民卽卒有非常之舉無前之建訓詔所至民亦無弗響應者况茲鐘樓已哉哉以名進士來令我豐約已裕民甚愛戴且與前令同公同爲楚人而樓適皆成豈非數之偶然也哉他日能言之士有能續述二公行事鐫銘于鐘則功德所破固將與茲並久遠矣予不文姑爲記之亦以俟夫能言者焉

聶氏總祠記

聶靜

古者之祭有廟而無祠祭法曰大夫三廟適士二廟官師一廟庶士庶人無廟祭其禰於寢嗚呼亦嚴矣有宋諸儒斟酌古禮昉爲四代之祭而祠堂之制已載我明法古爲治緣情設教因而頒諸學宮其法惟宗子行之而別子庶子不得以與百十餘年以來宗法不明而祭之義荒矣間亦有祠又皆潰亂不經爲淫爲僭夫渙言立廟幸假祖考先王所以合渙爲萃者祭享爲先也乃若泥迹而不師其意陳數而不知其義至於淫且僭焉其禮爲何如哉非所以一衆志而觀會通者也我聶氏舊祠傾圯總祠之建創議于正德之庚午訖工于嘉靖之癸未越十有四年而後成祠之成亦難矣哉祠前爲門次爲廊中爲堂堂後爲室室曰樓神堂曰一本門之外爲綽楔名之曰聶氏總祠若曰合我聶氏而祠其祖也祠成適仲父雙江先生守官四方而祖祀之宜罔獲考訂丙午秋屬校諸系始克議而正焉曰四十四卽者我永豐始遷祖也曰恭甫衡甫者又遷雙溪始祖也肇基創始情

不可以無祀且冬至之祭禮所必先者議定而祭
畢而燕先生乃稔於叔父伯兄暨告諸子弟曰惟我
二三始祖累仁集慶勤勞基迹肇有我聶氏惟我聶
氏升世于茲克造有家皆惟我二三始祖功德是賴
今茲祠而祭也謂足以爲二三始祖功德報焉未也
抑惟我子孫之報功報德也惟茲祠與祭也謂足以
致其孝焉未也僉曰然先生曰否也夫祭言養也所
以繼養之弗及也記曰有酒食先生饌曾是以爲孝
乎且堂名一本稽木以爲類者根本之盛大蔚而爲
人文紀畧

記

卷七

七

節葉之蒙蒼節葉而搖落人將曰是殆蹶其本也子
孫者祖考之節葉也子孫之賢弗肖於祖考若無與
者而其榮辱係焉可不畏哉詩曰王配于京世德作
求又曰永言孝思孝思維則夫永錫爾類君子之有
子而聿修厥德乃其無忝於爾祖也如是而曰爲我
二三始祖之功德報焉其庶幾乎僉曰然不肖辭乃
述次其畧乃刻石以記

友松記

金 瑜

東湖劉公仲賓氏諱琛世胄宦裔也少以詩經補庠
生練達介毅邑之選也承尚義甫之訓超然物外甫
三十卽有立富資厚產弘治乙丑冬乃構大厦于居
之北曰花園清敞渠渠門對古松合抱擎空名堂之
中曰友松後爲花樓工極精巧飾以黝堊風晨月夕
詩酒涵詠性情遂養高不事進取以友松號焉夫友
也者麗澤相親志同道合以其類耳松之友者羣夫
物也烏乎志烏乎道是未可知也雖然物肖人理也
人文紀畧

記

卷七

七

人愛物情也語曰仁者樂山知者樂水仁知與山水
忘性情似耳奚疑乎公之心誠以歲寒後彫契其節
也老幹凌漢契其直也清蒼秀茂契其文也風韻絲
律契其音也志也道也無同而無不同也孔聖人取
以表節義天保詩人用以誦君福抑公之心異時同
符與公素剛勁弗媚弗矯以徇時好其涵養有自不
少壯與老遷焉號之稱情非浮也否則有情而媿于
無情君子病之豈公自况之意耶乃徵文以識之予
弗靳用書此以爲有德者勸也文云乎哉

東海精舍記

郭汝霖

淮揚泰州安豐場心齋王先生里閭在焉先生早有志於道自王文成公倡道東南先生往師之聞良知之說即自信其心欲大同於天下隨遇爲人談吐不倦一時朝野名賢無不願交先生而兩臺使梅國劉公節疎山吳公憐首薦薦章迄交成公歿門人各以其說爲教而先生亦開門授徒四方問學者多趨先生舍隘不足以容侍御覺山洪公坦乃爲先生築東海精舍居之舍凡若干楹前爲門中爲廳後爲勉仁人文紀畧

卷七

堯

卷七

堂東西號房若干間先生時講誦于是閭閻乎有濂洛遺風歲庚子先生謝世明年巡鹽象岡胡公植肖先生像於舍中而總督介川毛公愷顏其上曰在田人龍督學午山馮公天馭又爲置祭田定祀典有司歲時躬奠第去州治稍遠未便象岡公來視學時因諸生請祀先生鄉賢而精舍之祭以場官主之嘉靖乙丑督學楚侗耿公定向按揚時謂先生海內儒宗不止一方之賢遂特建吳陵書院專祀先生而海東精舍仍舊焉余嘗寤寐先生之爲人宦金陵時疎山

公爲余語其槩今先生仲子宗順君來乃盡得其詳而精舍之建置尚未有記宗順君屬筆於余余惟聖門之學唯在求仁仁者以天地萬物爲一體非意之也得之天命之本然而自私自利之徒恒二之於是天地萬物每相隔閼而不流通聖人者以天地萬物視吾身而以吾身視天地萬物呼吸動靜疾痛痒疴無不相往來至其隨機應感則與時偕行是故膺曆數者以之君天下膺左右者以之相天下膺先覺者以之師天下聖人無意也隨在而行其一體之心而兢兢業業保任皇皇惟恐是心之或間耳此千古相傳學脉也先生之學其有見於是乎先生謂孔子爲萬世帝王師而惓惓師天下自任先生之志豈易云乎哉至其以安身爲大機以知本爲大要以自反自責爲實務以自樂自學爲成功而萬物依已天下歸仁則其極致也先生之學豈易云乎哉嗚呼居其鄉必思其人後之過精舍者可以知諸公崇重先生之心觀諸公崇重之心可以知先生一體之心是心也無古無今無存無亡然則是精舍之大者謂與霄壤

人文紀畧

記

卒

卷七

遊凌雲臺記

郭汝霖

陶貢院有凌雲臺高而望可遠戊午冬余奉使琉球造舟于閩以從事時總憲而詰戎者王公芳湖也巡風而飭治者樊公斗山也王將肆伐海濱樊將獻疑外郡乃偕余觴凌雲臺以叙別不絲竹管絃惟崇談酬勸王之談則絕寇攘競武烈務以庀民樊之談則中激揚祛病樊期以惇典余謂二公爲國憂民至矣一舉動不忘所思雖然於鳬鷺旣醉之風不遠乎旣乃凭欄舒目浩氣端發凡宇宙之大萬類之繁無人文紀畧

記

空

卷七

也先憂後樂道並行而不悖也顧世之侈宴遊者民瘼抱意必者隘達觀乃今日則宴不忘民憂不廢樂是誠不可以不記王公名詢字可庸蜀之成都人樊公名獻科字文叔浙縉雲人

遊烏石山記

郭汝霖

烏石山者閩城西南山也其勢突兀視凌雲平遠二臺尤高焉自王公提兵而漳樊公日日樊群吏予亦有琉球候使來不會者踰旬是日樊又速予遊烏石登平遠凌雲亭榭尚勝烏石則寥寥數椽屋瓦幾頽落余二人登之風輒從四面吹乃攝衣探石之巔蓋一舉目而城中外無遺覽矣予曰城可守也樊曰城可守也然方有明年兵食之慮焉因盤石坐畧談地方事俄轉首則二松挺旁有鵲來巢遠峯亦密雲不雨中若藏虎豹文山之麓梅花盛開爲之爽然者良久一吏急馳告曰稍東下可見數巨石石皆列篆刻字遊者良奇之余二人循而往則薄暮矣令秉燭摩且讀得其大槩云明日紀以七言詩一章章八句閩城西南何者山烏石突兀不可攀二松團團擁

人文紀畧

記

空

卷七

翠立一鳥啞啞振羽還近麓梅花方吐馥遠岩
芳時露斑石刻字蘇秉燭讀回身恍覺非人寰

協誠堂記

郭汝霖

古者大道爲公上自公卿大夫下逮監門隸卒咸得
推賢舉能漢唐來始專科目我朝三年一選舉爲之
內外簾之制百有司存御史統監臨之俾協衷濟事
其猶有古之意乎歲辛酉侍御李君廷龍按八閩風
采振揚尤屬意是舉每曰天下國家事當以天下國
家心處之矧賓興重典臣子以人事君第一義孰無

人文紀畧

記

奎

卷七

秉公之念惟或侈於自銜自異雖公亦私且一人之
公孰與衆人之皆公遂慨然飭協誠堂申命行事堂
之北爲內簾司文衡者處之堂之東西俱外簾監試
提調諸司聯縣而其南則至公堂之昂峙也始入院
而盟在是繼擬試題在是繼五日一訂會在是終之
在是注榜詢謀僉同御史加斟酌焉由此而升至公
則行之而已故協誠堂之重與至公堂埒適霖與大
行李君有事琉球侍御君徵言以規執事斯堂者余
惟人材國家元氣所關而進退之際造化比權唐虞

天下泰和乃堯舜禹皋相與廣詢博訪明揚搜別者
何亟亟也數聖人之仁豈不足徧物假令操其獨知
寧不能盡人而顧若是若是者以天下心用天下材
因天下材成天下務其念溥故其機通其志弘故其
業遠其衷無纖芥隱微故其道光明而正大公之至
也古之極也唐虞之治萬世稱隆而數聖人之心于
今爲烈公人在上百僚師師百工維時監臨君既
不自銜自異開誠布公以其心協諸百執事百執事
亦毋自銜自異開誠布公以其心協諸監臨君夫是
人文紀畧

記

奎

卷七

自警齋記

湯克寬

頃余與二三子朝夕南塔山客有過焉者進而質於
余曰吾觀世之自好者往往欲自標置華其擣別其
號至托諸山水取諸木石播諸吟咏用以寓情寄意
厭今而傳遠吾竊不然恥彼名不稱情外以欺於人

內以愧於心竟亦何補吾家城北隅地僻而居實寧
獨潔一室爲齋朝夕事事而以自警名之先生以爲
如何余惕然作而曰此吾儒省身克己之方而君及
之君其有志於自克矣自克之道莫如警警也者進
德之幾也作聖之階也遷善改過之門也去穢養華
之方也震之象曰洊雷震君子以恐懼脩省抑之詩
曰相在爾室尚不愧于屋漏警之至也警之至則上
可爲聖人次可爲賢人又次不失爲君子警之所繫
亦大矣古之人沐浴之盤有銘几席觴豆刀劍戶牖
人文紀畧 記 奎 卷七
有銘在輿位宁倚几居寢以至臨事之間莫不有誦
有訓故反之而至於聖作之而爲君子警之所繫亦
大矣客曰是何言先生豔余也予何人斯予惟日兢
兢自持言必忠信行必篤敬非賢不交非義不取一
善之小不敢不積一惡之微不敢苟爲暇則取武公
詩讀數過夙夜匪懈庶幾無忝所生已矣予何人斯
先生豔予哉余曰君謂聖賢不可學耶厥初生民若
有恒性聖賢與夫人均也夫人情動欲蔽利害相攻
不能克其性以復其初猶是聖益聖愚益愚迨乎不

相及也使夫人而能克其性其爲聖賢也孰禦使聖
賢而不克其性吾亦不知其所終矣君往勗哉日坐
斯齋顧斯義事斯事無大無細警之又警則愚可破
懦可起雖未敢跂足及之之地將不得爲作之之君
子乎客聞之茫然自失又倏然若有得也客謂誰邑
姻徐君子芳盛是也固請書以貽之作自警齋記
龍岡阡表記 湯瑞至
歐文忠公永叔余邑人也公奉詔歸封其先宗國公
塋撰表刻石舟次鄱湖是夕夢有五青衣神人謁公
而言曰某水府也聞公之文蓋世願借一觀翼日風
濤惡甚舟幾覆者數公憶先夕之夢使人沉其碑得
濟時黃魯直宰泰和爲公作文檄之蓋水府使者誤
送於廣之永豐治廳前忽一碑湧出令相視而驚有
永豐二字一版同只少歐陽六一公四語題其後碑
復沉公家沙溪去豐邑百里而遙一日公門外有魚
池霧瀾光燦公往視一龜負碑而出龜忽焉而逝衣
中祭之豐不如養之薄一語有圈文碑龍文班駁叩
之有金玉聲濕不發墨秋杪方可摹終日僅一二紙

嗚呼碑沉於湖既見於廣已乃返於公家之魚池真
神物也崆峒峒嶺之石曷以尚焉天啓乙丑夏余北
歸車過徐之桃山有歐叅軍稱系公裔徵余飲云家
藏肝表二爲趙兵憲取以行後趙家失火內一室懸
肝表者得無恙辛未余同年鍾君應問亦云其家遭
火震鄰所居藉肝表以獨存夫公之文如日月經天
世無不知尊之者惟肝表爲封墓之文或未悉其故
且禦火一事則余之邑人亦未之知也余不佞敢詳
其事以告海內俾知公之文不獨起八代之運蓋通
人文紀畧

三界而鍾五行之精云

延祥院記

聶崇義

予致政之明年僧圓覺大興延祥院殿堂樓閣索予
記之予念延祥初自唐穆宗長慶元年先祖垂碧公
於元和甲午晝寢燕及堂夢一高僧方面大耳袖衣
持拂過清江之渚撫掌自言曰僧從遠方來乞一袈
裟地爲駐錫之所上爲檀越延祥下爲衆信集福可
乎問其名對曰息慈明年閏二月之望有僧果來一
如所夢先公驚異之卽以清江山地建清江禪宇一
座越歲生我王父喬雲公取名延祥應夢徵也嗣是
人文紀畧

人文紀畧

記

空

卷七

高王父大推其家之藏增拓之乃更其名曰延祥院
山曰集福山予先人遭世不造懷才不仕日從其中
以詩禮教兒輩暨予不肖宦遊遠去不獲志前人之
盛美今幸大宋龍興民安國靖義始得告歸田里而
僧圓覺愈能振前所未有安可泯其勞動俾湮沒不
聞哉嗟呼當唐武宗時大剪佛道盡燬天下寺祠而
吾延祥巋然獨存夫豈偶然也哉夫豈偶然也哉

孝友堂記

鄒瑾

葵倫之在世猶日月之在天日月不明則天道爲之

愛羹倫不叙則人道爲之廢也日月不可以一時不
明而羹倫不可以一日不叙所以然者參天地立皇
極亘萬古而不泯者也余嘗驗於天人之間日月有
特而不明然陰陽造化之理未嘗或晦世道有時而
降然三綱五常之道未嘗或變是知羹倫也者君子
所當先也而可後乎哉思江陳氏以孝友名其堂所
以厚羹倫也陳爲邑之著姓昆仲三人長曰元夫次
曰亨夫曰謙夫以矢所怙事母惟謹溫清定省之禮
未嘗後於冬夏晨昏之時其旨滌瀝之養不遺其志

人文紀畧

記

卷七

七

昆仲篤友於之情手足重天倫之義而無間牆外侮
之恥且相誓不離居分產求慰母心於是毋安之室
家宜之宗族稱之在他人則謂能盡于職矣而亨夫
兄弟尤且歎然於心戚然于容慨然發于嗟悼若口
父母生吾三人之身劬勞鞠育均是德也春暉寸草
吾三人欲報者均是心也奈何天不我嘉吾父不克
與毋偕老是以每當肅霜之時奉衣於毋乃悵然曰
履此霜露歲其暮矣雖有裘褐孰能以禦吾父之寒
乎自朝至暮饋食之頃必戚然曰爲此饘粥維其時

矣雖有甘旨孰能以克吾父之饑乎因時而思順之
於日繼之以歲月愈久而愈不忘殆將終身而後已
嗟乎一存一歿之際誠有可感者焉君子稱其孝友
宜哉吾聞大孝尊親其次不辱其下能養爲人子孝
孝於奉養之際而念其親亦末矣雖然視世不能養
不知念者相去豈又爲不遠哉自今厥後保其遺體
謹其言行慎其名節友諸身而誠其不離居分產之
志非特終其身將使子孫世守之則居一家而齊他
日舉而措之一郡一國而化如此則於古人惟孝友

人文紀畧

記

卷七

七

於兄弟克施有政爲庶幾矣嗚呼詩三百篇稱其孝
友者惟張仲一人而已粵若姬周之盛駟虞麟趾之
化涇灃漸漬于江漢者可謂如時雨之化盛德成功
之歌于二雅者爲不少何獨孝友之行可頌可歌者
不多見嗚呼下姬周之世又爲何如耶宜乎君子稱
美於亨夫昆仲也今年春吾叔源公起復赴天官以
其故語於瑾復以名堂有係乎羹倫之大俾爲之記
爲陳氏之子若孫肯構肯堂者觀此蓋知所以厚本
云

梅隱記

黃卓

張君文獻別號梅隱蓋君生長仁族自幼讀書習舉子業連應秋科不偶遂有隱居志舍傍植梅常指顧而言曰梅乎類宜生於幽居寂寞之濱而吾廬幸有之蓋深契吾隱居之願自吾有是梅也吾隱亦不孤矣至其華於窮悴之時而不與羣草木者相競立於沍寒之日而所謂鬻發粟烈者不能以少摧焉香不媚人艷不逼俗雪月之際態度尤多吾隱居之恬淡以無求守分以保真固亦有相肖乎吾嘗怪孔子以人文紀略

記

七三

卷七

歲寒稱松栢而梅不之及離騷類以香草美木比君子而亦不及梅雖然梅固具厥美矣反不及弗論也吾又惡乎世之譚進取者每擬其華於得鼎之掄魁議其實於調元之宰執吾惧其溜淫於梅也雖然梅之見取於彼者如是而取於我者固不然也吾知吾梅而已安知其他或謂君曰何遜林逋不忘情於梅者也二公者亦與梅爭重至今有聞今君之隱與梅相繼二公而三之也君咲曰吾之於梅適吾情而已不求用於世而求聞於後吾志亦不然也但至於假

隱釣榮既處復出若周顒之起北山而使芳杜厚頰薛荔蒙耻者梅乎吾知免矣天朝進士黃卓梅隱之姻契也聞其言而是之遂祖其辭爲梅隱記

豐陽人文紀畧卷之八

於陵李晦修先生鑒定

後漢書卷之八

同男 受七表

書

上范司諫書

歐陽修

前月中得進奏吏報云自陳州召至闕拜司諫即欲爲一書以賀多事卒卒未能也司諫七品官爾於執事得之不爲喜而獨區區欲一賀者誠以諫官者天下之得失一時之公議繫焉今世之官自九卿百執

人文紀畧

書

卷八

事外至一郡縣吏非無貴官大職可以行其道也然縣越其封郡逾其境雖賢守長不得行以其有守也吏部之官不得理兵部鴻臚之卿不得理光祿以其有司也若天下之失得生民之利害社稷之大計惟所見聞而不繫職司者獨宰相可行之諫官可言之爾故士學古懷道者仕於時不得爲宰相必爲諫官諫官雖卑與宰相等天子曰不可宰相曰可天子曰然宰相曰不然坐乎廟堂之上與天子相可否者宰相也天子曰是諫官曰非天子曰必行諫官曰必不

司行立殿階之前與天子爭是非者諫官也宰相

行其道諫官卑行其言言行道亦行也九卿百司縣之吏守一職者任一職之責宰相諫官繫天下之事亦任天下之責然宰相九卿而下失職者受責於有司諫官之失職也取譏於君子有司之法行乎一時君子之譏著之簡冊而昭明垂之百世而不泯甚可懼也夫七品之官任天下之責懼百世之譏豈不重邪非材且賢者不能爲也近執事始被召於陳州洛之士大夫相與語曰我識范君知其材也其來不

人文紀畧

書

二

卷八

爲御史必爲諫官及命下果然則又相與語曰我識范君知其賢也他日聞有立天子陛下直辭正色面爭庭論者非他人必范君也拜命以來翹首企足竚乎有聞而卒未也竊惑之豈洛之士大夫能料於前而不能料於後也將執事有待而爲也昔韓退之作爭臣論以譏陽城不能極諫卒以諫顯人皆謂城之不諫蓋有待而然退之不識其意而妄議修獨以謂不然當退之作論時城爲諫議大夫已五年後又二年始庭論陸贄及沮裴延壽作相欲裂其麻纔兩事

爾當德宗時可謂多事矣授受失宜叛將強臣羅列天下又多猜忌進任小人於此之時豈無一事可言而須七年耶當時之事豈無急於沮延齡論陸贄兩事也謂宜朝拜官而久奏疏也幸而城爲諫官七年遼遇延齡陸贄事一諫而罷以塞其責向使止五年六年而遂遷司業是終無一言而去也何所取哉今之居官者率三歲而一遷或一二歲甚者半歲而遷也此非又一可以待乎七年也今天子躬親庶政化理清明雖爲無事然自千里詔執事而拜是官者豈

人文紀畧

書

三

卷八

不欲聞正議而樂讜言乎然今未聞有所言說使天下知朝廷有正士而彰吾君有納諫之明也夫布衣韋帶之士窮居草茅坐誦書史常恨不見用及用也又曰彼非我職不敢言或曰我位猶卑不得言矣又曰我有待是終無一人言也可不惜哉伏惟執事思天子所以見用之意懼君子百世之譏一陳昌言以塞重望且解洛士大夫之惑則幸甚幸甚

與高司諫書

歐陽修

修頓首再拜白司諫足下某年十七時家隨州見夫

聖二年進士及第勝始識足下姓名是時予年少未與人接又居遠方聞今宋舍人兄弟與葉道卿鄭天休數人者以文學大有名號稱得人而足下廁其間獨無卓卓可道說者予固疑足下不知何如人也其後更卅一年予再至京師足下已爲御史裏行然猶未暇一識足下之面但時時於予友尹師魯問足下之賢否而師魯說足下正直有學問君子人也予猶疑之夫正直者不可屈曲有學問者必能辨是非以不可屈之節有能辨是非之明又爲言事之官而

人文紀畧

書

四

卷八

俯仰默默無異衆人是果賢者耶此不得使予之可疑也自足下爲諫官來始得相識侃然正色論前世事歷歷可聽褒貶是非無一謬說噫持此辯以示人孰不愛之雖予亦疑足下真君子也是予自聞足下之名及相識凡十有四年而三疑之今者推其實迹而較之然後決知足下非君子也前日范希文貶官後與足下相見於安道家足下詆誚希文爲入予始聞之疑是戲言及見師魯亦說足下深非希文所爲然後其疑遂決希文平生剛正好學通古今其立

有本末天下所共知今又以言事觸宰相得罪足下
既不能爲辨其非辜又畏有識者之責已遂隨而詆
之以爲當黜是可怪也夫人之性剛果懦軟稟之於
天不可勉強雖聖人亦不以不能責人之必能今足
下家有老母身惜官位懼饑寒而顧利祿不敢一忤
宰相以近刑禍此庸人之常情不過作一不才諫官
爾雖朝廷君子亦將閔足下之不能而不責以必能
也今乃不然反昂然自得了無媿畏便毀其賢以爲
當黜庶乎飾已不言之過夫力所不敢爲乃愚者之
人文紀畧 書 五 卷八

章計其當時之議必不肯明言殺賢者也必以王
王鳳爲忠臣望之與章爲不賢而被罪也今足下視
石顯王鳳果忠邪望之與章果不賢邪當時亦有諫
臣必不肯自言畏禍而不諫亦必曰當誅而不足諫
也今足下視之果當誅邪是直可欺當時之人而不
可欺後世也今足下又欲欺今人而不懼後世之不
進用諫臣容納言論如曹修古劉越雖歿猶被褒稱
今希文與孔道輔皆自諫諍擢用足下幸生此時遇
納諫之聖王如此猶不敢一言何也前日又聞御史
臺榜朝堂戒百官不得越職言事是可言者惟諫臣
爾若足下又遂不言是天下無得言者也足下在其
位而不言便當去之無妨他人之堪其任者也昨日
安道貶官師魯待罪足下猶能以面目見士大夫出
入朝中稱諫官是足下不復知人間有羞耻事爾所
可惜者聖朝有事諫官不言而使他人言之書在史
冊他日爲朝廷羞者足下也春秋之法責賢者備今
某區區猶望足下之能一言者不忍便絕足下而不

以賢者責也若猶以謂希文不賢而當逐則予今所言如此乃是朋邪之人爾願足下直携此書于朝使正予罪而誅之使天下皆釋然知希文之當逐亦諫臣之一効也前日足下在安道家召予往論希文之事時坐有他客不能盡所懷故輒布區區伏惟幸察不宣

復胡提學書

羅倫

斯民也三代之所以直道而行也不觀於今人乎目之視耳之聽口鼻之臭味手足之持行固三代之民也而獨此心異於三代之民乎何其才之古今之相遠也是豈學者之罪哉師之不以其人覺之不以其道耳天之生此民也使先知覺後知使先覺覺後覺古之覺人者覺之以禮義今之覺人者覺之以利欲古之爲教也方其幼也覺以小學而行藝立及其長也覺以大學而道德明今之爲教也父之於子兄之於弟師之於弟子其所以覺之者方其幼也詩律聲對及其長也則科舉爵祿而已此外無以爲也欲人

人文紀畧

書

卷八

修密造則必旁搜博訪降禮崇德君子之爲善也夫豈求知於人哉而作人之道吾當然也若其悖於是者姑惟教之教之不改則出之然徒法不能以自行未聞立不得人之法也孔子曰爲政在人周子曰師道立則善人多其機軸轉移又在執事取舍之間而已倫自家食聞執事歸謂人曰嶺南高士有陳公甫倫謹識之其後公甫道成德尊名聞天下自執事發之聞公甫之風而興者何時矩林緝熙輩執事又能張而大之所在學校有若而人拔穎連茹鶴鳴子和

人文紀畧

卷八

八

卷八

則風動而化成矣易德元陳秉常光惠湖西觀其爲人皆知重內而輕外已大而物小相與噴噴稱嘆不已曰自有提學作人之功未有先如執事者也宋之人才如孫泰山張橫渠李泰伯輩皆自仲淹作之而湖學之盛甲於東南是時洛學未興而諸公見趣已非漢唐所及程朱以還道學大明士君子幼學壯行醉夢終身而不知返夫豈其心異於三代之民哉覺之不以其道下觀者無所從而入耳治天下無他道風而已伯夷下惠以匹夫奮百世之上而興百世之

下况秉化衡軸皇極有能奮庸四方不風動乎於此天下何有執事有志當世故爲執事陳之伏惟亮察

與劉用光書

羅倫

向承過論處皂隸事吾聞之喜而不寐矣吾弟此論雖權一時之宜未盡合聖賢之道然以今視之可謂蟬蛻汗濁之中而脫然自新者也吾惡得而不喜哉然吾猶有說焉豈不信吾弟之過也懼爲衆是之所譴也夫一事之非與十人談之非之者一而是之者九聞者率從其是而違其非者以非者少而是者多

人文紀畧

十

卷八

也今此事也一二人談之一二人以爲是三五人談之三五人以爲是數十百人談之數十百人無不以爲是間有知其非者亦垢面縮喙於其間不敢一毫自異者懼爲衆是之所譴也衆人皆以爲是而吾弟獨以爲非此吾之所以喜而且懼也吾弟明於知非而果於遷善必有以實吾之喜而虛吾之懼矣故君子處事當視義理以爲準不當視人情世故以爲是非也此事古無有也祖宗之時亦無有也有自近代始吾嘗見東里先生三朝聖諭錄載此事是東里時

始有也顧佐之爲都御史也東里薦之也一日有言顧讀放皂隸者宣宗皇帝召士奇問曰顧佐有此事否爲大臣而不檢如此何以長風憲哉卿何爲薦此人也士奇對曰此事有之近仕者祿不足雖臣亦然非獨顧也噫東里誤也重祿以養士不能使厚報而鬻私入斯其事東里之見也東里誠憂祿不足乎今日之天下固唐虞三代之天下也以堯舜禹湯文武之道輔其君則天下之大且家給人足況仕者之祿乎八口之家百畝之田五畝之宅生之有道用之有節老者衣帛食肉少者免乎饑寒而又以保助乎其鄰里親戚况據四海之富哉大臣以道事君當何所法耶一事不合乎道或貽四海之憂而遺千百年之患爲人謀國不弘經遠之猷而苟且一時之利此三代以下所以無善治也東里得君行政如此其事且久也而見不出此何也昔高允事元魏百官俸不足允以清修苦節先之東里縱不能以唐虞三代之大臣自期豈可復居高允之下乎其見不出此何也然其初猶未如此之甚也利源一開末流無所

不至以今視之則倍蓰千百於其初矣其椎骨弱體以病天下之民命蠹士心而虧國體汗穢一代之治化而遺羞千載者未有甚於此也君子所以惡夫作俑者此也脫以爲士無常產以官爲家仰事俯育之資無所於出則如吾弟之所處其亦庶乎其可也今士夫之嗜利無耻者貪多務得旁求巧取皆以爲吾之分當然正猶李赤被廁鬼身入穢汗過者莫不掩鼻彼方揚揚然自以爲鈞天帝都而莫之覺也然秉彛義理之良心吾弟勉爲之同志之士安知不有彙興者乎是雖不能頓改一代之積弊而爲吾徒者庶乎少免汙穢之辱也則吾弟之所及者多矣善待其生者以百年爲千載千載之事在此舉也吾弟勉之

奉曹州李家宰書

羅倫

倫在家食已聞大司馬王公公度及公之名比釋褐南宮王公已引疾去位縹然如威鳳之在雲漢也公時都憲臺倫在諸生公獨能以禮下之公卿不下士久矣非有高世之度絕人之見其能然與旣而倫入翰林憂世之志見公必吐公未嘗不首肯而心服也

未幾倫黜泉南雖雲泥萬里而心未嘗不在公左右
居一年蒙恩賜還夕於杉關夢公有退休之祥比聞
公已宰銓衡私謂不驗未及語人比來南都夢如初
告陳廷彥曰李公其去位乎何其祥形吾夢也未幾
公果去位夫公之進退繫於吾之夢寐如此是豈偶
然耶古之大臣身居畎畝而心在社稷公尚益杜門
講學修其身齊其家敦化於其鄉而風被於天下以
禪皇化之未周則身雖退而道益進跡雖隱而名益
彰天下之士之望不虛矣若以進退爲欣戚固非公
人文紀畧

書

十三

卷八

之志亦非倫之敢望於公也公尚勗哉

奉謝大韶先生書

羅倫

傳太守來已具書達左右凡丈夫立身自有法度以
百年爲千載之計此豈待他人言之而後知哉求諸
已而已矣胡忠簡早年名節雖與日月爭光可也後
其友李彌遜謂曰人生亦不解事事可稱只一兩節
好便好胡後喪名失節此言有以入之也人可無朋
友之助哉吾所望於先生者非但忠簡而已先生之
自立宜何如也此聞治屋高允爲相居茅舍溫公爲

相居士室當二公之時貴戚大官高門甲第金碧
映照耀日月摩切雲霄者何限而今安在哉明仲好
議論恐賢者之自立不徒在於議論也時復相見以
吾言示之可發一笑呵

復保寧李太守書

羅倫

辱書惠以懷賢事屬倫紀之甚盛舉也僕敢不祗命
獨其中有可辯者不得而默焉夫古者國祀賢於西
學鄉先生歿祭於社皆以勸也此爲治之大本也舍
是而求治猶倒植而求茂矣後世此意不講上之責
人文紀畧

書

古

卷八

於下下之應乎上者簿書期會之間而已欲求善治
得乎迺君獨有此舉必非從事虛文以邀一時之譽
者也其志可尚矣獨其所謂賢者則有可疑焉君始
末之考也夫古之賢而列於祀者必其道德之尊名
節之著事功之隆足以爲後世之勸者也徒有各位
者不得而與焉此聖人之法也按堯叟堯咨並舉進
士第一堯佐亦登甲榜堯叟仕宋真宗位至宰輔契
丹入寇請幸成都當時若非寇準社稷危矣其後又
傳經義附會天書致天下爭言祥瑞卒壞一代治體

而宋以此亡其爲人如此而可以爲賢乎堯咨雖無可考然入爲學士出補名藩功不槩見乃精於弧矢自號小由基致毋擊之金魚陸地則其不賢亦可見矣獨堯佐治郡所至有聞雖韓魏公言其非輔弼才相業無大可觀然朱子錄其言行列宋之名臣則兄弟中之賢者此殆庶幾也三公之賢否章章如是今乃槩以爲賢而懷之又從而祀之可乎若以其爵位科名足爲是邦之重也則如堯叟堯咨者皆不忠不孝之人子謂王欽若之流也其一世之富貴泯滅漸

人文紀畧

書

五

卷八

盡適足以貽不令之名而重爲是邦之辱也何取以爲勸哉若以爲修前人之廢典則彼吳昭夫者獨以將相名其堂而閭蒼舒之記其語詞輕重之間亦未嘗槩以爲賢也惜其不能辯而正之耳自今日觀之則彼二子者亦見人富貴而動念垂涎者也惡可重踵其失乎三公之子孫傳在頴汝間未知是邦有否也若以爲廢而去之或傷孝子慈孫之心則禮有之先祖無是善而子孫譏之是誣其祖也所以百世不能改也子孫且不可誣其祖況爲守土之官而誣其

邦之先臣乎且太守舉事以大公至正定後世之懲子孫固不得而與也余嘗過呂惠卿蔡京之邦矣問其子孫無一認以爲祖者至其邦人亦羞道之堯叟之邦人與爲其子孫者獨無是心哉質之禮義無一可者君其從吾計當徹二公之像沈之於江專祀文惠更三陳爲文惠書院其懷賢者祇以懷文惠之賢也二公雖不能從父母之教而其父母固以忠孝教之矣別於文惠祠後爲正堂像秦公燕國而祀之使是邦之人爲子者知必從父母之教而爲父母者亦知所以教其子也則善矣昔鼻亭祀象千有餘歲薛伯高由刑部出刺道州卽撤其屋墟其地柳子厚稱其得化人之理楚俗尚鬼且久伯高一旦去之明者稱快至今況此事自君起之自君廢之固易易也新一代之耳目定百世之是非在此舉也君其無疑僕尚當筆爲君記之

人文紀畧

書

六

卷八

與府縣上言中戶書

羅倫

倫嘗聞程子曰一命之士苟存心於愛物於人必有所濟王荆公行青苗門人故舊遺書邵子欲投劾去

邵子曰寬一分則民受一分之賜投効去何益也仁者用心固如是乎倫素性剛偏好論世事自卧病山中杜門却掃凡有干謁非獨公事至于文字若非其人皆拒之而弗荅也迺今而有言焉何也孟子曰惻隱之心人皆有之朱子曰凡民有患難勢可言于官則爲言之不可言則多方救護之吾邑之民困于苛歛其患甚矣予無力以救之惡得已於言耶古之徵者三君子用其一緩其二今日有秋糧之征有夏稅之征有上中戶之征用其五用其六矣欲民之不流離而去爲盜也難矣爲民父母行政何忍至于此也諸征姑勿論以上中戶言之吾幼時猶未有也祖宗之時未有此法也各布政司未有此例也作俑者何人乎始者一里或一二名今一里有十數名者一家有兩三名者一都有百十名者聞諸人云合縣一千六百名糧則曰二千四百八十名吁何其多也詢之旁縣無如是之多也徵諸往時無如是之多也度諸事勢亦無如是之多也吾鄉八九兩都素號重難永樂以來雜役悉免今不下二百名矣所征人戶迺絕

者有之無糧者有之軍匠者有之秀才者有之鰥寡孤獨者有之欲憑元報以盡征之可乎若曰戶有虛絕田無逃亡此可施之于經界既正之時不可施之於賦藝之日何也民田畝數升官田畝數斗下甲人戶原佃官田寒暑之衣食不給橫豪之剝削無已官府之征求無藝乃以官作民鬻于他主田居富屋糧坐下戶況里書作契飛派詭寄一區虛糧有至數百石者一里有至數十石者一家有至數石者欲執糧以定征可乎吾見多矣凡有科差吏胥舞文里老受訖以上而爲下以下而爲上田連阡陌者諸科不與室而懸壘者無差不至可痛也可悲也今所征人戶賣屋者有矣賣田者有矣賣牛者有矣賣子女者有矣脫婦人之簪珥者有矣敲朴之下何求不足冤號之聲上徹于天人事既乖天道不順苦雨連月米珠薪桂官吏里胥旁午鄉曲鷄犬不寧爲民父母行政何忍至於此也若求賊於糧里已賊虛糧已賊鹽糧又賊中戶賊如是其多也民有所不堪矣然則何爲而可也吾聞紙價數萬四十六縣出之一縣一千則

四萬六千矣縣加五百則六萬矣吾縣以一千五百
爲率除已征若干尚欠若干未征若干其逃亡死絕
軍戶生員貧難下戶悉應蠲免外其餘人戶多則朋
合少則獨征足一千五百之數則已矣事難懸度其
損益又在執事裁之也主於不傷吾仁民之心而已
若據元申之數務求取盈以媚上司之意而失下民
之望恐仁者之用心不如是獨執事未知其情耳使
知之也其有不從乎或曰其如上司何予應之曰公
卿大臣其天人耶抑生於人間也方其困於閭閻游

人文紀畧

書

充

卷八

于學校擊節伊周高談孔孟其志何如哉一旦得行
其道其不能爲吾民之福乎民者邦之本也財者民
之命也傷其財則傷其命傷其命則傷其本矣朝廷
建官分職所以固其本也諸公其肯傷家邦之本而
不能爲吾民之福乎鄭俠布衣也見民苦于新法爲
流民圖以進况名在從臣之列者吾當披肝瀝膽以
與爾百姓詰命諸公其有不從者信筆遽書不覺滿
紙

與劉顯仁書

羅倫

自吉水別回思僕之罪大矣所見多不明所論多不
正所行多不當所貴乎友者以其有助已也君之助
僕者多矣而余之助君者何如哉何待君之薄也此
僕之罪所以大也君圓通廓落練達老成何有僕之
助哉然友道固如是也若徒資助于君而無一言以
爲君助是故非君望僕之心也朋友之倫豈宜如是
之薄哉異日恐無以見聖賢於地下也凡吾之所欲
言者皆君之所已知也皆聖賢之所已行也皆天下
士讀書者所共知也而天下之人卒未見有行之者

人文紀畧

書

三

卷八

何也溺於流俗而不自知也今天下之俗士不登科
登科不給事御史給事御史不方伯連帥方伯連帥
不侍從六卿侍從六卿不師保閣下不已也求而得
之者非徒自以爲榮天下之人狐媚而鼠趨之矣求
而不得者非徒自以爲辱雖親戚朋友皆笑其迂濶
而鄙其無能也凡其求而得之者皆自以爲大智然
自君子觀之則卒自陷於大愚而不自知也何也流
俗雖不美而天下未嘗無正人天下未嘗無正論此
固人心之所以不死而天道之所以扶持斯世者也

斯人也雖自以爲大智而卒無以服天下正人之
卒無以得天下正論之歸近則貽羞於一世遠則遺
臭於後世正士羞與同朝鄉人恥於同里遠裔子孫
耻以爲祖卒與草木禽獸同一泯滅漸盡而後已此
其自以爲大智非大愚而何哉原其立心之初豈期
至於此哉特溺於耳目見聞流俗之非而至此也且
人之所以求富貴爲身與口而已子與孫而已身之
所衣者寒不過一裘暑不過一葛口之所食者肉不
過一豆米不過一升酒不過一壺子孫終非我所能

人文紀畧

書

五

卷八

謀而保其有也而一念之非遂至如此非大愚而何
哉君達人誠不至此也昔禹之戒舜曰毋若丹珠傲
毋慢遊舜登冊朱慢遊者哉特禹之戒舜當如此也
君豈至此哉特僕之告君當如此也孔子曰進以禮
退以義自秦漢以來此義不明於天下千數百年號
爲儒者多無完人爲此義不明故也至宋程朱數大
儒出相與講明力行其守難進之禮則一官之授必
抗章而力辭其秉易退之義則一言不合卽奉身以
求去當時公卿士夫多已從化故末之治俗幾乎三

代者數君之力也惜乎人主惑於小人之邪說故大
儒之效不見於時而宋之治終不能等三代者此故
也今日朝廷養士百年吾等至此豈不自愛其身哉
自踵至預皆朝廷之所有也但於聖賢之道有虧恐
非養士者之初心矣吾榜中號爲得人然卓卓者無
幾其中豈無人哉但恐溺於流俗而不肯自拔也近
聞有求免作縣者其穢德已四聞矣龔黃卓魯非人
哉顧無志也無志則師保閣下亦祇以如吾之前言
而已况給事御史哉昔伯玉行年五十知非謂明日

人文紀畧

書

三

卷八

死今日知非亦可僕非多矣君毋忘助我也君勉之
入德自近思錄始陳獻章先生今第一流人也可近
之令第員外先生此謝師覽無錢君可助之更病事
千萬維持使無後顧之憂

啓陽明先生

聶豹

巡遠道範丙戌之夏迄今兩易寒暑矣秦北高寒秦
羹之好無時無念不在公之左右也恭惟道候迪吉
麟趾育祥敬承有在仁者之必有後也斯言始信於
天下矣不勝慶慰不勝慶慰丁亥春北上次真州會
具狀託王巡按轉致竟不知達否何如跡涉踈遠負
此歎罪西粵之亂先聲所至莫不震疊凱還當在日
下聖天子側席以待而天下太平之望跂足久矣某
承乏一方百無能爲以春正入閩境諸務叢委茫無

人文紀畧

書

卷八

卷八

下手處始知平生之學斯未能信患所以立聖人之
言近如地遠如天體卽用未有用非其體者而仕優
則學學優則仕之說竊疑其析之過矣天下豈有仕
外之學哉仕卽學也學卽仕也自十五志學以至於
從心自乘田委吏以至於司寇是亦爲政無非仕也
有民人焉有社稷焉無非學也是故喜怒哀樂之發
以至於視聽言動之著感之而爲惻隱羞惡辭讓是
非之情應之而爲君臣父子夫婦長幼朋友之道變
之而爲富貴貧賤夷狄患難死生之來曾有一時一

處而非吾良知之所當致者哉某四十無聞蹉跎
負教言在耳寤寐騰愧所不至於詭經畔道之甚者
幸而知有痛癢之心未盡死也近來非僻諸念稍稍
裁抑惟暴怒之氣時復妄發當其怒時自以爲義然
已不覺其爲怒所遷而有所忿憤始信集義之功不
忘則助甚難爲力何如何如瞻望伊邇未緣鬣馳以
需神化謹此專人奉候門下解官有志振衣何期歲
月如流儲此耿耿伏惟爲道珍耆厚自愛以慰天下
不備外疑事數條附錄以請

人文紀畧

書

卷八

卷八

一學至於求仁求心易簡而天下之理得矣自秦漢
以降周程之外知此義者蓋寥寥焉知行動靜之功
旣分而支離汗漫之弊無已旁求外襲獎而至於今
日科舉之學極也於是有所不得已約仁與心之靈明
神化爲良知之學以援天下之溺者是蓋獨苦之心
寒裳濡足之言也學本良知良知爲學吾道足矣支
離汗漫之弊將不撲而自熄也鬼神之爲德其盛矣
乎蓋上天之載無聲無臭至矣是知也天且不遠而
况於人乎况於鬼神乎時執吟人而問之曰汝有知

乎曰有時執童子而問之曰汝有知乎亦曰有知知食知寒知衣莫非知也推而至於知天知命知化育愚夫愚婦之與知聖人亦有所不知焉一也其有不一者致與不致之間矣但致知之功竊意其入頭下手亦自不同當隨其資之近者而致力焉孟子曰孩提之童無不知愛其親及其長也無不知敬其兄不待學習本于天性此真知也則是良知之用莫有切於孝弟焉者孝弟也者其爲仁之本歟堯舜之道孝弟而已不能擴而充之不足以事父母而仁義禮樂之實要之以事親從長之間是孟子有得於良知深矣某嘗反求諸心虛靈之用固自燦然出有入無起忽茫蕩若無轡泊近來求之於事親從長之間便覺有所持循如一念之欲方萌輒自訟曰是非孝也則罔念自消如一言一行之過也輒自訟曰爲父母戮也則愧汗交迸是非之心人皆有之時執塗人童子而斥之曰汝不孝不弟也亦皆艴然不悅如蒙穢污焉始知西銘卽中庸之理而曾子啓手足得全歸之義舜武周公之庸行爲中庸之極致只爲今人不

人文紀畧

書

五

卷八

論孝弟往往求之於儀文之末而不知一念非天一事非理一物失所皆非孝也而良知之功屬於是乎淺矣孟子曰大人者不失其赤子之心赤子何心也愛親敬長之心也天下何思何慮天下同歸而殊塗一致而百慮某服膺明教蓋欲於事親從長之間而求所謂良知之學焉何如一御史以監察爲事故凡吏治之賢否民病之隱幽風俗之淳漓皆御史之所當知然知之爲難於今尤難也巧詐者極彌縫之文赴愬者多虛浮之說若非清心下問加志周爰鮮有不爲人所欺者也某承乏以來晝夜憂勤故於簿書條格之外亦頗庶得具一二而臨之以不測也於是貪墨之風稍見斂戢比會陳惟濬則又以逆詐億不信惓惓爲戒蓋恐爲此心本體之累夫億逆先覺之說先生之所以告崇一者詳而至精矣一言以蔽之要不過復良知之本體本體之知實知實見常覺常照然其所以覺之者一惟據理之有無爲覺耳由也不得其死益成廷之見殺固先覺也入宮之喜放魚之嘆亦先覺也是故君子

人文紀畧

書

五

卷八

無意於逆億與先覺也而惟以窮理之功勿忘勿怠不能窮理以覺人而爲人所罔者忘也惟恐人之罔已而馳志於億逆者助也忘則不明助則不誠不誠不明離道遠矣是故先生要之以誠也誠則以羊易牛其跡杳矣適合乎行仁之巧法不誠則攘夷尊周如其仁也乃不免爲假仁之伯術竊意億逆之用則亦有然者如其所以咨輒詢訪者無非爲上爲民之實心而無一毫私意夾帶于其中則雖億逆猶先覺也何也誠也誠則旁行曲防皆良知之用也萬一先

人文紀畧

書

三

卷八

知何如
一告子盡心一章造理履事之說傳疑久矣外事以造理者必非理外理以履事者必非事不誠無物理外無事也有物有則事外無理也是故岐理與事而

二之者必非學也學而至於內外合一則所謂精義入神以致用利用安身以崇德者其殆庶幾乎然非本於良知之致終難免乎襲義之病蓋自聞夫生知學知困知之教而百年支離破碎之說至是始渙然釋怡然順不復向焉抵牾之患也此嘗反覆於體驗之餘謬有見於管中之得敢具以請心也性也天也命也一也心外無性性外無天天外無命盡也知也存也養也修身也其功一也亦非二也要之只是盡吾心焉已耳盡心云者卽中庸之盡性也然已盡

人文紀畧

書

三

卷八

存心養性以俟之無所恐懼疑惑以貳其心焉則是以義爲命命由此立也盡心知性日知其所無也存心養性月無忘其所能也夭壽不貳至死不變也窮理盡性以至命也一也妄意如此不知何如
一中庸尊德性而道問學一句精一執中之傳萬古聖學之原也朱陸之辨相持而不決者幾三百年此

今豪傑之士稍稍覺悟而致知存心并作一項下字
莫非先生倡明之力也德性者良知也道問學致
知之功也是故外德性而道問學者必非學外問學
而尊德性者奚以尊心外有知存外有致皆不得其
說也德性者天德也明德也王道之本也大學之道
在明明德在親民存止於至善者尊德性而道問學
也克己以求仁集義以養氣慎獨以致中和定之以
仁義中正而主靜聖賢之所謂問學者言人人殊然
未聞有外德性以爲道者也廣大也精微也高明也

人文紀畧

書

元

卷八

中庸也故也新也厚也禮也皆吾之德性也致也盡
也極也道也溫而知也敦而崇也道問學之功也綱
舉目張中庸立言意義自明若無待於辯矣其有辯
而不明者習於聞見之舊耳甚矣習見之蔽人也近
淮陰邂逅甘泉先生深夜講論偶因及此亦微有不
同焉併錄以請

答歐陽南野宗伯

聶豹

除前承翰教痛切懇至若不忍其謬迷而思有以援
之感佩何如易曰君子以朋友講習辨之弗明弗措

也若曰增勝心而長已見其與自暴棄者何異竊謂
良知本寂感於物而後有知知其發也不可遂以知
發爲良知而忘其發之所自也心主乎內應於外而
後有外外其影也不可以其外應者爲心而遂求心
於外也故學問之道自其主乎內之寂然者求之使
之寂而常定也則感無不通外無不該動無不制而
天下之能事畢矣譬之鑑懸於此而物來自照鍾之
在簾而叩無不應此謂無內外動靜先後而一之者
也是非愚之見也先師之見也師云良知是未發之

人文紀畧

書

三十

卷八

中寂然太公的本體便自能感而遂通便自能物來
順應又云祛除思慮令此心光光地便是未發之中
便是寂然不動便是廓然太公自然發而中節自然
感而遂通自然物來順應又云有未發之中便有發
而中節之和常人無發而中節之和須是知他未發
之中未能全得又云一是樹之根本貫是樹之萌芽
體用一原體立而用自生此豈錄中長語哉亦非先
師創爲之也子思子之意也大本達道敦化川流遠
近風自顯見隱微溥博時出之類中庸言之屢矣其

標本原委工夫體用景象効驗之不可混居然可見
來云本體是工夫樣子効驗是工夫證應良知本戒
慎不睹恐懼不聞無自欺而恒自慊工夫亦須戒謹
恐懼無自欺而恒自慊果能戒謹恐懼無自欺而恒
自慊卽是效驗○此可見深造之學也反覆中庸之
意微有不同中庸之意似以未發之中爲本體未發
之中卽不睹不聞之獨天下之大本也戒慎恐懼其
功也中節而和生焉天地位萬物育其効驗也雖不
免有所分別而與先師前所云數條似亦相符可合

人文紀畧

書

三

卷八

而觀之也又云良知感應變化如視聽言動喜怒哀
樂之類無良知則感應變化何所從出然非感應變
化則亦無以見其所謂良知者故致知者致其感應
變化之知也○仰體尊意似去原泉者江淮河漢之
所從出也然非江淮河漢則亦無以見其所謂原泉
者故濬原者濬其江淮河漢所從出之原非江淮河
漢爲原而濬之也根本者枝葉花實之所從出也培
根者培其枝葉花實所從出之根非以枝葉花實爲
根而培之也今不致感應變化所從出之知而卽感

應變化之知而致之是求日月於容光必照之處而
遺其懸象著明之大也何如又云致其感應變化之
知則必於其感應變化而戒慎不睹恐懼不聞密察
其昭然不可欺者以懲其忿以窒其欲遷其善改其
過然後爲涵養本原之功矣○夫本原之地要不外
手不睹不聞之寂體也不睹不聞之寂體若因感應
變化而後有卽感應變化而致之是也乃實有所以
主宰乎感應變化而感應變化乃吾寂體之標末耳
相尋於吾者無窮而吾不能一其無窮者而貞之以

人文紀畧

書

三

卷八

一則吾寂然之體不幾於憧憧矣乎寂體不勝其憧
憧而後忿則奮矣欲則流矣善日以泯過日以長卽
使懲之窒之遷之改之已不免義襲於外其於涵養
本原之功疑若無所與也何如又云大學古本序中
謂動而後有不善而本體之知未嘗不知也致其本
體之知然非卽其事而格之則亦無以致其知矣○
若是則本體之知僅足以知吾不善之動而已而不
能使吾之動無不善也盖不善之動妄也已非吾本
體之動也非吾本體之動而後有不善一惟復吾本

體之無妄而已若乃卽其事而格之不幾於隔靴爬癢乎由是知先師之意蓋言動於欲而後有不善隨事隨物惟格吾本體之不善則天下之動無不善也非謂不善在事也何如又云知覺無欲欲者良知也未發之中也夫喜怒哀樂本無未發之時卽思慮不生安閑恬靜虛融淡泊無名可名名之曰樂故未發非時也言乎心之體也喜怒哀樂之發知之用也卽喜怒哀樂之發而有未發者故曰喜怒哀樂之未發猶之曰聰明者視聽之未發而非視聽有未發之時

人交紀畧

書

三

卷八

○竊謂無時不喜怒哀樂謂喜怒哀樂無未發之時可也人固有時不喜亦有時平不怒感物而動與化俱徂安得遽謂無未發之時哉今日未發非時也言乎心之體也猶云喜怒哀樂之本體謂之中也誠若是則致中焉止矣乃謂中非體也致中非功也而於致中之外別提出一箇獨知爲頭腦而於子思之意微有不協程子曰不睹不聞便是未發之中不聞曰隱不睹曰微隱微曰獨謂之獨者言人生只有此件學問只有此處天下之物無以尚之之謂也樂是心之本體

先師嘗有是言言雖喜怒哀樂而心之本體脫然無所累至誠惻怛動以天而不雜之以人非對喜怒哀樂而言之樂也父母之喪裂肝碎腸赫然之怒微色發聲而尚能閑靜虛融爲哉執閑靜虛融以爲體未有不流而爲佛學之無情也迅雷烈風天地易常度而太虛之體無加損是雖發而未發也何如又云心無時而不知知無時而不發發而過焉不及焉其獨知必不憊矣無過不及其獨知必憊矣此所謂自然之節自有之中也不失其自有之中所謂中也者和

人交紀畧

書

三

卷八

也中節也所謂致中和者也不可以動靜分也傳習錄云格物無間於動靜孟子言必有事焉言動靜皆有事也○夫功夫有間於動靜不可以言聖功矣僕謂歸寂之功本無間於動靜一以歸寂爲主寂以應感自有以通天下之故應非吾所能與其力也與力於應感者憧憧之思而後過與不及生焉是過與不及生於不寂之感寂而感者是從規矩之方圓也安有所謂過與不及哉而不免於過與不及者規矩之爽其則也今不求天則於規矩而卽方圓以求之宜

其傳愈訛而失愈遠也何如又云存養二字本於孟子存對喪而言養對害而言人之所以喪其良心者且晝所爲多欲特之所以害其良心者行有不慎自反不直故也則夫所以存而養之者亦惟去其喪且害之者耳蓋顏子之非禮勿視聽言動仲尼之如見大賓如承大祭已所不欲勿施於人樊遲之居處恭執事敬與人忠皆格物以致其知正存養之功無間於動靜者也○夫存養二字誠如來諭存者言收斂只在一處不放逸也養者言下却種子而灌溉壅培

人文紀畧

書

孟

卷八

以養之無間乎立本之功也敬也怒也恭也忠也皆吾寂體自然之節均之謂禮也非禮勿視聽言動者言非寂體之視聽言動勿視聽言動也故致知者致其寂體之知養其虛靈一物不著感而遂通天下之故卽格物也夫視聽言動而禮也出門使民而敬也勿施於人而恕也居處與人而恭也忠也均之爲吾寂體之應有以通天下之故者是謂致知在格物也又何內外動靜之間哉謂格物爲致知之實者言非外物以致吾之知外物以致吾之知者釋學之所以

異其端也何如又云復生於坤震出乎艮巽辨於井蓋以爲動根於靜之證然坤六二之傳言內直外方敬義立而德不孤艮彖傳言時止時行動靜不失其時九卦之序屢以和行謙以制禮而後能復能恒能居其所則主靜之功夫專在於靜耶後儒所謂靜而存養者果孟子之所謂存養者耶○夫後儒所謂靜而存養是對動而省察者言也存養屬本靜省察屬事幾其與孟子之意誠異矣蓋存養養乎此省察察乎此主靜之功非對動而言艮止之止非對行而言

人文紀畧

書

孟

卷八

合動靜行止而一之學問之定功也九卦皆反身修德之事修德至本固而後有地可居而與以辨之也井居其所而遷遷非義之辨乎內直外方亦非對待而言象傳不云乎六二之動直以方也內直則外無不方程子亦嘗言之動根於靜動亦定靜亦定也主靜之功豈專在於靜耶故曰學問之定功也何如又云程李二先生所言未發之中亦只是二先生之意未必子思意也子思以率性修道爲宗獨知其本體也慎獨其功夫也中和則其効驗也慎獨之功念念

無間則良知念念精明其未發之體無少偏倚故
之中發而中節無少乖戾故謂之和稱名雖異其實
一獨知也言良知則中和在其中而不可遂以中和
爲良知程子所謂猶稱天圓地方而不可遂以方圓
爲天地也故觀乎天地則方員可見致其良知則中
和在我矣○夫方圓者是指天地之形體而言謂中
和爲良知之形體可乎又謂中和爲效驗夫中者天
下之大本大本云者千變萬化皆由此出而乃謂爲
效驗則將指何者爲變化之所從出乎程李二先生
人文紀畧 書 卷八
之意是否子思之意不可知然謂子思非堯舜之意
則不可也堯舜允執厥中是以中爲本體允執爲功
夫有未發之中便有發而中節之和和卽道心也
理流行自然中節動以天也故曰微先師不云乎未
發之中卽良知也今以良知爲本體慎獨爲工夫中
和爲效驗則堯舜所執之中謂效驗之中可乎知以
堯舜所執者卽此中也則又是遺却獨知一箇本體
慎獨一段工夫其將何所信而執之乎其於未發卽
良知之訓又若不相蒙也又云子思以率性修道爲

宗是也率性者堯舜性之也蓋人受天地之中以生
中卽性也修道者湯武反之也反身修德而至道凝
焉程子曰有天德便可語王道其要只在謹獨謹獨
修德之功也知微之顯可與人德其義可見來論又
以未發爲體似以中爲和之體和由中出無疑也却
乃不以致中爲工夫而又以慎獨爲工夫與前所謂
工夫合得本體之說微不協又云以良知爲本體似
是二體也卽謂良知是未發之中慎獨卽是致中又
何不可何如又云謂致中於未發以立大本致和於
已發以行達道既已遠於子思之旨其後又或以未
發字對中節字而深求其義以爲未發不可淺言也
必若所謂寂然不動無聲無臭云者而後謂之未發
夫無聲無臭蓋贊歎上天之事寂然感通蓋贊歎至
神之變化不離變化與事而聲臭俱寂猶之曰大而
化之化不離大也詞若玄而義亦不甚深也○夫前
此既以未發爲良知之體不知與上天之載寂然之
神何以異天之所以爲天文之所以爲文義亦玄矣
立天下之大本而天下之達道一以貫之而可以淺

求之乎故愚謂未發非體也於未發之時而見吾之寂體發非和也言發而吾之體凝然不動萬感因之以爲節故曰中也者和也何如又云先師於答問中發其義曰良知卽是未發之中致知卽致中念念慎其獨知文理密察毋自欺而求自慊縱令精詣深造亦只是於獨知精義深造○夫大學中庸言慎獨者三本文原無知字知字乃傳註釋文也以獨爲知以知爲知覺遂使聖人洗心退藏一段反本功夫潛引而襲之於外縱令良知念念精明亦只於發處理會

人文紀畧

書

堯

卷八

得一個善惡而去取之其於未發之中純粹至善之體更無歸復之期致知卽是致中則致中卽是慎獨今又以慎獨爲功夫良知爲本體中和爲效驗又似與良知卽是未發之中致知卽是致中數語疑不協何如又云來教疑心無定體之說竊意形生之後神發爲知所謂心也此知因應變化故謂之易其變化不動不礙於私故謂之寂然謂之感通夫有變有化有感到通則固有用矣有用則必有體有體則必有定然其體神也其用易也故神無方而易無體其定

體也定體無動靜故精義入神以致用隨時變易以從道其功夫亦無動靜○愚於此等處蓋嘗求諸心而有未瑩程子曰心一也有指體而言者寂然不動是也有指用而言者感而遂通是也用生於體故必立體以達用歸寂以通感可也夫神與易言乎心之用也自心之變化而言謂之易自變化之不可測而言謂之神故曰易有太極是生兩儀而八卦吉凶生應今不求易於太極而求生生以爲心不求神於藏

人文紀畧

書

堯

卷八

密而求知來以爲體是皆卽用以爲體由是而有心無定體之說謂心不在內也百體皆心也萬感皆心也亦嘗以是說而求之譬之追風逐電瞬息萬變茫然無所措手徒以亂吾之衷也孔子所謂首出庶物老子所謂燕居超然者更無時無地可理會也蓋心有定體體無定用非邵子之言乎蓋嘗體諸易而得彷彿也寂其體也虛其體也止其體也直內而外無不方美在其中而暢於四肢發於事業也先師亦嘗取譬於朝廷矣朝廷四方之極端拱清穆六卿分職

百官承式此定體也乃銓選也而居吏部錢穀也而居戶部兵馬也而居兵部至於倉場稅局一一以身履其地而經理之非惟勢所不逮而下堂見諸侯周其衰矣乎記曰正其本萬事理得其一萬事畢今既謂百體萬感皆心矣則將指何者爲本與一而止之乎何如又云來教謂定體炯然在中寂然不動而萬化攸基此是涵養所得非若空想虛談者乃畧不言及感通却似專主靜養鄙意微有未協耳然體得未發炯然在中未可遽謂之中如前所謂敬持存養却

人文紀畧

書

聖

卷八

學之初且當常存此心勿爲他事所勝凡遇一事即當就此事反覆推尋以究其理待此一事融釋脫落然後循序漸進別窮一事如此既久積累之多胸中自當有洒然處○夫常存此心勿爲他事所勝已是識得仁體故天下之物無以尚之到此地位一些子習氣意見著不得胸次洒然可以槩見又何待遇事窮理而後然耶如理在事也則卽事以窮之是也理果在於事耶先師云窮理者窮盡乎吾心之天理也吾心之天理既窮而不爲他事所勝則爲子自孝爲臣自忠視自明聽自聰又何待反覆推究耶卽反覆推究亦只推究乎此心之存否與外物勝負何如耳來論乃引以爲先師致知格物之證何也蓋大學傳註謂格物爲窮至事物之理先師辯之詳矣於是有格其不正以歸於正之說夫心無不正也感於物而動然後有不正於是卽物以正吾心之不正非謂物有不正而正夫物也嘗記得先師云此亦是爲困知勉行者開方便法門乃若聖功致知焉盡之矣夫致知者充滿吾心虛靈本體之量使之寂然不動儒與

人文紀畧

書

聖

卷八

釋一也而吾儒之致知乃在格物而釋氏以事物之感應皆吾寂體之幻妄一切斷除而絕滅之此之儒者感而遂通天下之故則毫釐千里矣蓋感而遂通天下之故卽是格物卽是明明德於天下卽是以天地萬物爲一體故致知譬之磨鏡格物鏡之照也妍媸在彼隨物應之而物無遁形謂非通天下之故耶如此似與經文知止而後能慮一條庶不牴牾至於先師前所論數條亦自照應何如以上瑣瑣豈直欲以口舌取勝哉求諸心而不得而顧竊諸人以自居

人文紀畧

書

望

卷八

似非求益之道是故復有此請倘未當尊意千萬批教惠亦渥矣至於校勝崇私如來論所戒徧以告諸同志不敢負所託也不盡

荅豐山孫憲長

聶豹

昨大同公差過平陽遠辱還荅并拜清貺感甚慰亦甚前書英氣之諷蓋欲効友朋之義以自附於知己者然與克齋意見之說不同意見者有所見而意之者私也迺於必留於固成於我者相緣而起若英氣則渾是道義但於發用處精采大露秋殺盡見其曰

害事猶云害道比之神化宜民被物而物不自知言又隔幾重公案矣是在兄自考也別紙所論畢竟還是英氣鼻間之執不見於天下久矣上下和同卑牧以自居以豐山之智而顧獨昧於此耶乃以身徇法獨立而不懼然必如此然後見豐山必如此而後見豐山之不欲久居於位也良用歆馳憂中乞休何如觀我相時冷暖自知友朋不得而與防秋無虞僕亦當攜病骨尋首丘不然則坐誤地方愈久則愈無煞合矣咸南玄聞亦浩然歸醉翁之亭相對鼾睡不出

人文紀畧

書

望

卷八

疆而得朋亦一時快事也仙舟往還京口靜兒不能趨領旨誨竟莫省其所以今亦不敢曲爲之辭待歸日詰之所需魯公石刻亦俟歸日奉附蓋行邊未之帶耳文公佳墨不知何時得從一玩其曰不下魯公又是尊兄爲文公爭價莫亦只是英氣否一笑往第於閩中見文公與趙泰父一書亦甚嘉其書意又正是吾輩今日之事予嘗臨而歸之其書末云若是不得已而從官惟有韜晦靜默勿大近前爲可免於斯世一或不幸爲人所知則便不是好消息也若非以

身履之安知其針下見血哉敢附以聞鳳泉之官道義之助惟兄有之然必如此而後善人之勢不孤餘惟隨時衛翼以慰遠抱不備

荅上內閣相公

聶豹

某善世無狀仰負汲引之恩每一念及未嘗不愧汗沾衣也自分今日之罪亦犬馬愚戆恐負君相所致勞而爲僇橫被口語公論既昭旋加酷罰戴盆之冤無所於愬恭惟相公秉鈞造命光復元台一夫不獲若惘在躬凡有寸長皆蒙矜育况系梓門訟之舊乎

人文紀畧

書

望

卷八

故公義私恩凡可以兩全無害者聖賢有所不廢亦至公至仁之心也追惟疇昔保障微勞伏聞皇上有平陽何狀之咨課蒙相公有政在得人之薦聲聞過情鬼神所妬謾忌朋與毀言日至潼關之轉急於求退蓋將謝群猜消衆忌全身遠害以報知己之遇被諭以來杜門結舌未嘗出一語以求白竊意事久論定自生民以來惟有國是可恃也故前歲南科質諸平陽大臣聯名具疏爲豹暴寃有平陽之事有功而無罪但本官立已太峻致招物議之語所司題奉欽

依照例調用去年又該山西撫按查覆極其嚴明比之先日論劾之詞曾有一字中情乎苟全名檢方以爲幸詎意威罰不測亦至此極械繫拷訊備嘗艱險情迹孤危手足無措畏疑顧忌若涉春冰如情當其罪臺粉何辭昨承欽依坐追贓數秋毫無犯其餘加罪之辭俱奉有欽依及上司明文始末纖悉勘案具在可覆視也古稱寃獄如豹之所坐亦往往有之然非聖明之朝所宜重瞳回日月之光再造霑雷雨之解暉天之望今日所賴幸有公論在上伏望尊慈統惟矜亮某無任隕越戰慄之至

人文紀畧

書

吳

卷八

荅東廓鄒司成

九月望後接仲夏念日所惠教并拜諸新作浣慰極巨舟之喻饑溺由已之論痛快明切然學未至於誠立故言不足以動人仰負知己多矣前書坤復之說遣詞未瑩致有寂感二時之疑夫無時不寂無時不感者心之體也感惟其時而主之以寂者學問之功也故謂寂感有二時者非也謂工夫無分於寂感而不知歸寂以主夫感者又豈得爲是哉蓋天下之

感皆生於寂不寂則無以爲感非坤則無以爲震坤者震之母也乾一索於坤而得震故謂之長男聖人立象以盡意合坤與震而成卦名之曰復其旨微矣蓋虛以胎之靜以養之寂以成之而後帝出乎震象曰復亨剛反則是以剛反爲復而非有取於陽動之義也蓋言天德之剛剝幾盡矣至是而復全於我而天地之心亦於是而可見老子深於易者故其言曰致虛極守靜篤萬物並作予以觀其復夫萬物之作不作於作而作於虛與靜焉則復之爲復將求之於人矣

人文紀畧 卷八 聖

震乎求之於坤乎抑將合坤與震而求其養之之端乎先王以至日閉關不省不行非有取於坤之善養耶不養則不可動也故以大過次於頤是夫子於易屢屢言之蓋根極領要而疑其洩漏之太盡也此嘗以此語諸同志或然或否而所以疑之者有三說焉其一謂道不可須臾離也今日動處無功是離之也其一謂道無分於動靜也今日工夫只是主靜是二之也其一謂心事合一仁體事而無不在今日感應流行着不得力是脫畧事爲類於禪悟也夫禪之

異於儒者以感應爲塵煩一切斷除而寂滅之誠自於是詆之爲禪非過也今乃歸寂以通天下之感致虛以立天下之有主靜以該天下之動又何嫌於禪哉動亦定靜亦定動靜者時也而定無時也并居其所能潛於淵而往來之井井飛躍之乾乾一惟其時又何動靜之分須臾之離耶自有人生以來此心常發如目之視也耳之聽也鼻臭口味心之思慮營欲也雖禁之而使不發不可得也乃謂發處亦自有功將助而使之發乎抑懼其發之過禁之而使不發也且將抑其過引其不及使之發而中節乎夫節者心之則也不識不知順帝之則惟養之豫者能之豈能使之發而中乎使之發而中者宋人助長之故智也後世所謂隨事精察而不知其密陷於憧憧卜度之私宜其茫然而歸病而苗已日就稿矣孟子曰天下之不助苗長者寡矣非徒無益而又害之甚言其不可也禁之而使不發者是又逆其生生之機與克伐怨欲不行何以異夫子蓋嘗難之而佛氏亦以守念爲下乘有以戢助而使之發者長欲恣情小人無忌憚

人文紀畧 卷八 聖

者之所爲日陷於水火焚溺其身而不顧又其下者也是三者皆不足以言學學之道奈何子思子憂道學之失其傳上邇堯舜精一之微發而爲戒謹恐懼不睹不聞之旨夫不睹不聞者虛寂之體天命之性也戒懼所以養之也養之而大本立則自此而發者自然中節天地由此而位萬物由此而育功用至於位育極矣尚何感應流行變化云爲之有不盡乎知遠之近知風之自知微之顯君子之所以不可及也歟鄙見如此委於譚然之義有未當然非固自出一

人文紀畧

書

兗

卷八

說以求勝蓋嘗反覆易庸似有得于管中之窺文公晚年痛悔逐外之失拳拳於此處指點前書所具亦其大畧耳幸與晴州同志共商之倘猶有未當無靳往復外附絕句四首謹用原韻均惟覽教不悉

寄王龍溪

聶豹

呂光祿至承教徇甚慰所諭籌邊選將使錢糧應手諸凡由已儘有可措手處奈何其不然也度支告匱日甚出納之吝至於錙銖抄忽所必爭懸槽枥腹驅疲乏以禦強胡誰使良平爲將恐無所施今凶歉迫

天下斗米值銀三錢宣大危甚京師餓殍填城虜虜包禍心不悔加以島夷煽亂東南毒痛而山東河南之盜又竊發無時不謂時勢之難遭會亦至於此然爲之自我者當以身償更何言老師卹典不得機曾不可輕舉萬一舉而報罷又增一障雖百年之後終少不得吾儕果能身明此學便是老先生身後卹典也今出者既不成章處者又多浮議尚何望斯學之有益於世哉兄論學每病過高又務爲悟後解縛不經前人道語聽之使人臭腐俱化四座咸傾譬之

人文紀畧

書

平

卷八

甘露悅口只是當飯吃不得世間會有幾人可辟殺耶至論格物却乃葛藤纏絆願兄將此等見解一洗而空之只是辭受取與子弟臣友之間日求實際如羅達夫唐應德其學未必盡然將來人自信得若或世情俗念與世人俗子無異雖說得天花亂落終亦何濟僕是漩渦裡羅漢又恐觀音落水却令人疑佛法無救於焚溺也僭妄幸不訝彭山老年兄緒山老兄不及作書均乞道意

再寄王龍溪

聶豹

未望之到奉書教甚感慰承不鄙謬有取於寂體之說謂是爲師門第一義竊謂虛寂乃大易提出感應之體以示人使學者知所從事蓋堯舜相傳以來只有此義卽此義而精之則天下之用備于我矣尚何以思慮爲哉感應而以思慮爲則入於憧憧之私易曰憧憧往來未光大也其與以知識爲良知漫然應感者症候不同均之爲迷失本原不足以語歸復之竅誠有如來論云云也然則欲求歸復之竅舍歸寂其何以哉來論又謂良知本寂誠然誠然此非先師

人文紀畧

書

至

卷八

之言乎師云良知是未發之中寂然太公的本體但不知是指其賦畀之初者言之耶亦以其見在者言之也如其見在者言之則氣拘物蔽之後吾非故吾也譬之昏偶之鏡虛明之體未嘗不在然密盪之功未加而遽以昏偶之照爲精明之體之所發世固有認賊作子者此類是也又云若不悟良知本寂而於知覺之外別求寂然之體未免有反鑑索照之病其差毫釐其失乃至千里不可以不辨也僕於此等處亦嘗妄意於毫釐之辨矣何也虛明者鑒之體也

人文紀畧

書

至

卷八

照則虛明之發也知覺猶之照也卽知覺而求寂體其與卽照而求虛明者何以異謂是爲反鑑而索照非耶盍不觀孩提之愛敬平旦之好惡乎明覺自然一念不起誠寂矣然謂之爲寂體則未也今不求寂于孩提夜氣之先而謂卽愛敬好惡而求之寂則寂矣然乎不然乎蓋孩提之愛敬純一未發爲之也平旦之好惡夜氣之虛明爲之也故夜氣不足以存則其違禽獸不遠大人參天贊地一惟不失其赤子之心而已是學問之要藉其所養固有所在而以知覺爲良知者不幾於逐聲與塊乎何如何如其謂達夫之學近來精神命脉已在一處照察可謂相知之深相信之至中間不無少滯乃其脫化未盡久久自當融釋也夫達夫豈隨人觀場者耶達夫早年之學病在於求脫化融釋之太速也夫脫化融釋原非工夫字眼乃工夫熟後境界也而速於求之故遂爲慈湖之說所入以見在爲具足以知覺爲良知以不起意爲工夫樂超頓而鄙堅苦崇虛見而畧實功自謂撒手懸厓徧地黃金而於六經四書未嘗有一字當意

玩弄精魂謂爲自得如是者十年矣至於盤錯顛
遇非其境則茫然無據譬之搏沙捕蜻迷失常處追
尋無跡不能不動朱公之哭也已而恍然自悟考之
易考之學庸考之身心乃知學有本原心至乎內者
止其所而不動也動其影也照也發也發有動靜而
寂無動靜也於是一以洗心退藏爲主虛寂未發爲
要刊落究竟日見天精不屬暗闇此其近時歸根復
命煞極辛苦處亦庶幾乎知微知風之學乃其自性
自度非不肖有所裨益也不肖自出山來已自知斷
人文紀畧 卷八

與宋望之侍御

聶豹

今天下事勢莫急於宣大宣大京師之門戶也土馬
疲困極矣萬一勢不能支則唇亡齒寒門戶撤而堂
與處謂不足慮耶是當急爲生聚之計欲計爲生聚
莫切於足糧料之本色今折色且不給况本色耶二
鎮主客兵之糧料歲例以百萬計而屯種鹽利河南
山東西之漕輓大司農據紙上之額數出內帑以補

其數之不足謂度支之責塞矣而派納地方之豐凶
塞下之田可種與否牧馬之場仍在與否商人之種
納或至或不至通不計而以應文爲實支驅枵腹空
槽之士馬披堅執銳以禦勦敵雖慈父不能令其子
也計將何所出哉議者謂通遼乾之漕運爲第一義
乃格而不講者二百年豈不有待耶蓋二鎮之鎮巡
多用北人北人不習水利間有知者又以疏鑿諸凡
之費不貲勢必責之撫臣之措處掣肘將見功未經
始而人將議其後矣誰肯犯衆議而圖難成之功哉
人文紀畧 卷八

費當出自內帑而監督之官亦當責之戶工二部其於督撫當不以此爲累昨見景山李道長於漕運疏內畧綽數語而戶部已行查議昨會問渠亦欲再疏且謂親歷其源而度其漕運之必可通也賢素有志於世事煩急差一人往詢舜澤詳委末具疏乞勅戶兵工三部差南人知水利官二三員遡流相看并帶同匠作估度其費以圖必成則運船商舶魚貫而進而三晉之富強計日可望非百世之利乎行常與朱泰浦南城之疏並傳也今之論者每詳於戰守急於

人文紀畧

書

堯

卷八

荅唐荆川

聶豹

尹司成到京得詢道候爲慰且謂執事有見於未發之中而於管窺疑若有所取焉者但未面證其來歷耳何幸何幸夫欲知理學之來歷當先考二氏之來歷知二氏之來歷則於聖學思過半矣知聖學之來

歷與二氏同而又知其所以異斯可以析毫釐千里之微止也虛也寂也未發之德也其於二氏之所尚可以異言之耶止而說虛而受寂而感天地之所以長久而不已也乃二氏鄙之謂爲煩惱障爲衆生魔至於枯槁吝嗇無情同瓦礫參贊經綸之實乃付之爲烏有此特其見之過高耳夫人生而靜天之性也感於物而動性之欲也謂虛寂非性之體不可也謂欲非性之所有亦不可也夫欲爲性之所有而動於欲非性體生生自然之用於是聖人之學必先立乎其大以豫養夫生生之機所以倍童牛而戒於履霜也故執中者執天下萬有之中也夏得之爲艮肯商得之爲安貞周得之爲潛龍吾夫子於咸卦盡發其蘊故曰觀其所感而天地萬物之情可見矣此其來歷大較學庸首章備之矣泰之於大易之咸艮坤復則立象之意可一目而盡之若乃今之以知覺爲良知者特緣情流注逐物變遷不過爲宋人張一赤幟傳習錄節要白沙緒言具在可覆視也倭難日熾本兵之罪何所辭而當事諸公恐他日無詞以白也聖

人文紀畧

書

堯

卷八

上南顧甚切御札下內閣者再四僕日在水淵蒙席
以待奈何奈何餘惟善養自愛苦節日廿幸甚幸甚

寄開封友人

聶豹

疇昔溪山之辱高誼雅情至今溫然在抱別後兄擢
憲大倉靜見備數舟徒曲蒙休庇已聞轉泰兩浙已
聞蒙譏歸已聞事白而完璧乃竟不能附一字爲候
偃蹇無狀自謂山人體勢則然知兄必不望我於形
迹也平陽之補實出望外以大義所屬不敢坐而方
命乃踴顏就列亦將圖爲尺寸以酬生平不謂兵力
人文紀畧

書

卷八

卷八

財賦古稱平陽盡誑語也兼以水土不習舊病痰眩
舉發殆甚坐誤地方愈久則愈無收煞防秋無虞當
圖首丘至此始得薄聞起居知者謂兄假聲妓以自
廢不知者則謂縱情於聲妓之間然皆非不敏之所
敢知也古之君子廢則中清歸潔其身而已矣未聞
縱情於聲妓而假廢以自文也兄聰明特達嘗欲樹
風聲以儀型天下而一旦墮墜至此此鄙人之所未
解也是風也昔聞於吳越今見於關洛說者謂李崧
嗣康對山爲之備二公者才雄一代豪氣蓋九州徒

以一行不淑而類爲君子之所不與至并其平生而
少之夫文人不檢從古爲然乃後之人士其才與氣
曾二公不萬一而惟欲縱情以効其自待之薄此鄙
人之所未解而重之以哀也辱兄於弟以臭味相求
道義相勗者二十餘年故不忍謂之徐徐而竊自附
於責善之義心爲形役今是昨非之覺豈獨淵明能
哉居擇鄉遊擇士君子之所以與衛其身者嚴矣不
然則如登如崩之歎古人何拳拳耶敬附狂瞽伏惟
鑒亮毋曰迂士不足以語變也幸甚幸甚

人文紀畧

書

卷八

卷八

寄陳芹山

聶豹

遙望陳甥漢秋高氣肅經畫焦勞知公任事之忠不
以我獨爲歎幸萬萬保重今之論者謂目前要務在
節財用而足食足兵以圖安攘又不可作第二義看
二者勢若相反而實則相成惟智者灼見夫相成之
機則指背之輕重不待言矣夫京師之安危係宜大
之強弱宜大強而後京師安京師安而後民生裕而
後府庫之財皆其財今宜大之強與否執事身親見
之而可不謂寒心哉夫生之者衆食之者寡誠生財

之道以此施之承平則可非謂容民畜衆戡定而已
樂以施之而可以致人之死命未之前聞也及考宣
大二鎮之額軍原各十二三萬今止六七萬馬五六
萬餘疋今所存僅二萬可謂寡之又寡矣卽不思爲
生聚富強之策以固北門之鎖鑰顧屹屹以財誦爲
計謂爲知時務之俊傑可乎卽虜可不禦兵可不食
馬可不料驪不食不料之兵馬而可以抗方張之虜
卽不可抗也而又於京師之安危不甚係累其誦而
節之又何不可也今二鎮積弱已極危若累卵人心
人文紀畧

寄李少泉

聶豹

往寓平陽獲奉數書爲慰癸卯韓潼關遂有青牛之
與已以勞績被劾又踰年以勘白被逮又踰年始得
釋歸傷弓高飛竊念自此謝絕人間世矣不謂業緣
未斷復入牢籠致仕於四十五歲之前起用於六十
四歲之後官至尚書布衣之極同年相知自淨峰外
如吾少泉幾人哉設以身處其地憂耶懼耶憂與懼
孰重耶平生自裁稍徧不宜於世假令栖遲山澤勉
中倫慮自附於古之逸民庶幾可能如經綸乎雲雷
之屯傾仄乎天地之否當自有高手而乃責諸不肖
自出山來斷送生平仰負故人多矣而前此未通一
字爲訊者謂得機宜卽求去卽不求去可希冀尺寸
爲知己道今求去不得又不可尺寸冀是無一可道
也作書數四搖筆不可就愧心汗顏難言難言田莘
甫補本部司廳始得詳動定鴻冥玉潔明哲之保可
以意諒回視漫山所遺殊可塞心修吉而悖凶其幾
微矣潔已遜言凡心力之所能盡者不敢不勉以酬
知己之望若夫成敗利鈍付之天定臨楮悵然

寄李克齋司馬

聶豹

側聞榮名保障江淮竊爲世道助喜自是擔頭日重
賴鐵脊梁一肩頂當交游之光也中國禦戎狄守爲
上計勝之而撫卹瘡痍安集商賈尤目前至急之務
叔季運微堪着眼人品亦不多如兄可以第一等功
業讓他人做哉僕之不成本淺故也此學出世不得
吾輩之罪多矣直道原非經世術虛名不是療心丹
此是歷練語幸味之老眼相對邈不可期臨風悵然

寄馬鍾陽

聶豹

人文紀畧

書

空

卷八

自執事赴召入京竟不得附一字爲謝此心未嘗不
歉歉也風波滿地惟穩着篙牢把舵者庶免傾危如
執事自是老艣手可保無他慮然故人所願囑者惟
此耳鄙人平生所作散漫不存稿以不足存也惟獄
中諸篇聊以寄一時所遭茲欲併爲一部請存齋相
公題其首請執事着數語於其後使他日而覆瓿見
二公姓字當有不忍下手者林秀才倭難流離而立
齋尚在土存歟所賴非鍾陽公其誰僕落莫無所贈
但歎息耳可臬司徒公不敢別具幸致意

寄羅念庵太史

聶豹

昨有一書付段承差託羅知印致之發去後又覺有
不盡處卽如移居是身世所不能免又何必數數作
悔此間不無有大病痛在陽田風水貴縣士夫多言
好又有言穴宜居左者旣信崇子主人樂者便是真
龍崇子想是個聰明有地理之才者惜其言語猶是
時師使倆古之深於地者或不如是此舉須自主張
無因人言便生支節卽如荅董蓉山一書循此可直
達天德管不相誤若謂更無一毫破綻可省更無一

人文紀畧

書

空

卷八

毫可商量處雖顏子亦不敢如此云商量破綻只合
于功程中究竟不當致疑于頭腦也咸枻咸腓咸股
咸頰舌皆言凶悔致戒于憧憧而要其歸于咸脢本
義云脢背肉非艮其背之謂乎彖傳取止而說而又
拈出虛寂二字以示人可謂探月窟而躡天根矣學
者不讀易讀者又不省究聖人一點精意却被佛老
遮瞞到今又爲小象志末二字訓得別誤了蓋志末
是言志無私係乃云不能感物不能感物便是一塊
死肉何得無悔何以復言咸何以言艮其背止其所

也何以言不獲其身不見其人無咎此豈近時一種浮淺譁張的言語哉兄無又鄙我自是也嶺北新兵憲游議溪者讀書好古得之佛學頗深渠十月到任欲會兄與廓翁甚渴如約當勉強一起

又寄羅念庵

聶豹

昨裁書託醫者轉上而薄暮適奉來翰佳章妙染種種拜賜詩情景俱到住帖風神飄動皆奇品也論學數語悉從按驗中來但付尊見不無爲內外一語所障故曰說內說外辭使人無尋向夫子于坤之文言

人文紀畧

書

奎

卷八

恐人於直方大無尋向也故曰直內方外曾子之學專用於內故傳之無弊今反爲內外字所困此則僕之所未解也夫內外賓主之辨明則反求退藏之功密內外如形影也外而空却當下內而脫離感應何形影之不相蒙也蓋感應者吾心之妙用虛寂者立本之要功立本云者言立感應之本也感應之本既立則變化云爲其出無窮而乃謂於感應處別有工夫不知所謂豫者豫何事前定者定何物前定之前即未發之中蓋嘗有是說也而無所謂未發之前即

前定之前等語非謂與先儒語意不合而於學問之道大舛矣體念在進反之間此是今日極緊要處不可尋常混過看萬萬

又

聶豹

承諭極探佛學非愚鄙之所能悉大抵明道之論止謂其自私自利其曰應無所住而生其心以一切倫理稍有動念便是住處才住便死五蘊皆空虛明廣大與天同體自以爲凌跨今古第一義與吾儒同異太畧可見其書中所載言語有不盡同有開示詳述

人文紀畧

書

諸

卷八

初入處有得了後解縛處有前後相背而意之所指却只從一虛了性命者公欲悉究其蘊豈區區能副萬一哉今之論未發之中者言人人殊亦竟無歸一可究誠使虛寂之體無一時走漏萬感萬應一無留情亦便是無所住而生者彼所謂生吾所謂死器即道道即器化裁通變推行舉措是吾儒的大功用天下後世賴之以生生者非佛氏所能與公入靜想益信得虛寂足以了天下萬事萬物不須假借外面分毫幫助但不可令此物件頑空了恐於時無情却變

了症候如何廓翁兩簡俱有詩教詩有真聞非了人
實講在躬踐二語煞精浙中事聞之甚多諸兄思以
易天下而舛謬至此宜訥溪所深恨也人生歛歛公
一時同起聲聞者數人而公獨以儉嗇得長年此虛
盈大定數也幸自愛萬萬

荅賀龍岡

聶豹

昔聞雪舟及門興盡而返竊嘗疑其興之淺也不謂
復有淺淺過於王生者乎夫楊山抵塞門僅二十五
里公放舟來顧已勞一百二十里之遠功虧一簣止

人文紀畧

書

奎

卷八

吾止也上人之不足辱徒懷歉負耳謬和來章云有
客住螺川寒雨陰雲層與盡雪舟返望望不及門無
亦厭家貧舊醅尚足淹新學好商量何時抵足眠來
論學屬勉然性自然此見道之語也歎服歎服然所
勉然者蓋亦循其自然之則而勉之也中庸題如所
云云亦不妨其謂格物格吾良知之致不致此又是
一說致知者充滿吾虛靈本體之量格物者感而遂
通天下之故曰在格物者蓋言釋氏致知與吾儒同
但彼在絕物吾儒則是格物也恕字亦發得好動而

后有不善者蓋言動於欲而後有不善非是發動便
不善也入井之休惻平旦之好惡孩提之愛敬何嘗
動有不善耶漢求之駁則吾豈敢言仁義之實猶言
仁義不可見其可見者孝弟而已矣惻隱羞惡辭讓
是非之心亦是指言仁義禮智之端即其端而知其
中之有所主即孝弟而知仁義之發見於此爲切近
精實也性虛而事實一虛而百實皆生此天地之所
以爲大也離家出外便覺有妥貼快當處程子每見
人靜坐便歎爲善學江門亦每每提出以曉人於此

人文紀畧

書

奎

卷八

見公之學近裏也不離此體萬法具備感應事爲上
安枕者俱是邊見外修宋人助長以稿苗以其不識
生生之端也今人之學欠勇誠然誠然公已灼見脉
路別無可言循此勇往不患不到源頭也

荅何吉陽

聶豹

歲前敝縣有蕭舉人下第回承賜尊翰去秋貢司訓
來復拜幣既重領鑄誨公方羽儀天朝而乃加意林
藪感當何如中正之觀憂豫之則此聖人時中事也
而來論責之鄙人不已過乎其謂飾文言而鮮躬行

行仁義而蔽明察與夫外親民以爲明德離感應以爲寂體者恐皆異於聖人之所謂中正也仰見衛道至意甚幸甚幸竊詳前二句是指俗學言後二句指禪學言禪學與聖學異只在寂感毫釐之間夫天下之感皆生於寂以感爲塵而一於寂者禪也不寂而感者妄也妄則爲拊爲胼爲股爲朋從爲輔頰舌凶吝之招也惟貞則吉胼則無悔止而說則亨且利止者寂之舍也胼者寂之體也貞者寂之道也夫子本

人文紀畧

書

卷八

卷八

咸之體德振虛寂之蘊以立感應之體體用一原體立而用自生乃謂寂不足以盡感而必卽感爲寂乃爲真寂此僕之所未解也若謂寂由感而生乎實所以主夫感也大傳曰天下何思何慮言感應分毫思慮着不得其可思慮者惟歸與致耳歸致云者指寂與止而言之也易於此義發之盡矣附去謬刻十冊亦是模寫此意第愧辭不達爾講學是吾輩第一事幸慎擇所與今之以學爲亂者不少孟子懼而距諛行放淫詞息邪說以承三聖其功不在禹下楊墨告許之輩是何等身分而惑世誣民其禍比之洪水猛

獸夷狄篡弑識者能無動心乎正經以興民在執事一加之意耳

荅陳明水

聶豹

某不自度妄意此學四十餘年一本先師之教而納釋之節要錄備之矣已乃叅之易傳學庸叅之周程延平晦翁白沙之學若有獲於我心遂信而不疑而曰加精密焉無乃譽之太過乎昨諸公枉教誠以不合而罷非諸公不能諒僕僕之不能諒諸公也如來論謂慎獨卽所以致中致中卽所以爲和云云又何

人文紀畧

書

卷八

卷八

說得蓋非致中之外別有致和工夫慎獨之外別有致中工夫也其有謂慎獨而後中和出焉者猶今道家者流於天地之上又推出一箇元始天尊不免祭床而登屋三聖授受只說執中而未嘗及獨也蓋獨卽是未發之中不聞之隱不睹之微天下之大本也人生只有此件學問只有此處自我有之自我尊之他人些子與不得故謂之獨而謂獨爲獨知已是交於物引而出之於外不免雜於堂下衆人之中豈能爲萬象之至乎此僕所不合於諸公者一也來諭良

知者未發之中天下之大本也致之便是天下之達道此數語的當甚格物以致其知喜怒哀樂之物格而良知致蓋嘗聞是說於諸公求諸心而不得者數年縱使矜持到十分恰好處已是賺入襲義窠臼與克伐怨欲不行者一樣作法又與上文致知便是天下之達道語意微不同物是感應之迹寂是感應之體寂然不動感而遂通天下之故此區區致知格物之說與諸公之說不合者二也來論謂鄙人看致字與先師看得不同敢自誑以爲同乎却看得與致中

人本紀畧

書

完

卷八

節爲釋致知格物之義當不甚謬曩聞諸公以格物爲知止以定靜安慮爲格物的工夫不知定靜安慮四字於格物上何以安頓即使曾子面授不敢奉命終年談格物花冠不離口曾無一語及知止定靜此僕之不合於諸公者三也來論謂僕將格物字看得甚輕故精義入神別作致知工夫誠是也物字本輕精義入神本是致知工夫易曰精義入神以致用也致用字方屬格物本文言屈信相感而利生焉而下引夔屈龍蟄以明之其義自見記得尊兄曩時有腐

人本紀畧

書

半

卷八

公案未有不落影響者况可指家衆爲祖父乎此
之所以不合於諸公者四也格物竟成聚訟各持一
說不能歸一罪在僕也不若姑置之只將知止一段
研究自有精義

均差簡兩院二司各道

聶豹

亢旱方數百里民用皇皇有司非不虔禱而不見有
霑足之澤奈何永豐僻在山間民村鄙寡知識凡百
徵派戴幾受成更不知查筭比對陰受其禍非一日
矣乃茲吉水復有無妄之加是將隣國爲壑也而不
人文紀畧

圭

卷八

知永豐之重數倍於吉水父老受屈無愬懇僕爲之
轉達僕不能爲鄉民福而坐視其毒痛而不救非人
情也伏惟臺下以公天下爲心而況於一府九縣之
肥瘠能不加之意乎凡徵派須覆一府各縣丁糧之
實而以歲派諸色按石均攤務令輕重畫一然後吏
書不得舞弄於其間老書之蠶食久矣永豐一年暗
加銀二千餘兩而莫知所由呈詞并開單俱鑿鑿可
信幸留意萬萬

簡張月泉

聶豹

安福永新謂丁可均而糧不可均者其縣之舊例以
一丁折糧一石貧無卓錫者與萬金之糧同科輕在
大家而重在小民今議以兩丁折糧一石者蓋當路
哀多益寡之意乃仁術也安福人丁三萬三千一百
一十四丁每年輸派三千三百五十七丁以一丁折
糧一石起筭該銀肆百一十四兩今以兩丁折派一
石得減派銀二百七十七兩是二百七十七兩之利
小民陰受而口不能言乃士夫闕然而闕者以於糧

人文紀畧

圭

卷八

上有加耳卽於糧上有加總不過銀七百餘兩今議
以該縣夫馬祇應之費均攤於九縣丁糧之內實減
去銀一千餘兩其利與害孰多耶公堂上人也堂下
之曲直居然可見此係九邑禍福之原願萬萬留意

答邵節推

聶豹

前此辱加存問盛意何可當感激感激均差事永豐
爲隣國所壑三十年比蒙撫按行府議處以使司歲
坐雜派辦等該銀貳萬八千七百九十二兩而以合
府丁糧四萬九千通融均派每石議派銀六錢四釐

雖各縣燈籠火把亦在其數似乎均齊方正較昔盡一而安福永新復有煩言而謂糧不可均而不知其何所自始末具答鄒東廓公書中幸以至公照之當不復多言也萬萬

再與鄒東廓司成

聶豹

永豐山民愚蠢爲各縣飛派所困每歲里甲加派銀至一千八百九十餘兩如是者三十餘年積該銀五萬餘兩戴囊受成無所告訴三十七年又加派吉水夫馬銀一百六十一兩偏累不堪萬口噴噴老人湯人文紀畧

書

圭

卷八

元震等采通縣士民之情具呈撫按批委兩道轉行本府查駁至再已蒙糧儲道帶管分守凌同分巡道馮按府吊取九縣書算查審無異謀諸士夫議得使司歲坐雜派該銀二萬九千七百餘兩合以本府九縣丁糧共四十九萬一千八百九十四石均分十段每年該丁糧四萬九千一百八十九石每石該派銀六錢四釐八毫八忽至公至仁庶不失先年板榜之舊查得正德以前洪武以後每一百戶內分爲一里每里分爲十甲每甲歲納銀六兩以足一年派辦之

費雖里有克實有殘破不同而六兩之派無不同也名曰板榜銀蓋刻板以示使民曉然知里甲輪年派銀無輕重也成化以後戶口消耗里甲逃散實納見在之數不勾支費嘉靖初年巡撫盛都御史奉勘合改議將一府丁糧分作十年每年每石派銀三錢五分名曰里甲均平正所以革偏重之弊而今議每石派銀六錢四釐比之初議每石已加派銀二錢五分有零蓋部寺坐派歲有所加故也本年七月內案奉省府明文遵承兩院批允行令刻板布示而安福等縣復以丁可均而糧不可均爲詞查得近年部寺加派何啻數萬以故各縣每石加派銀或五錢或六錢如永豐加至七錢四分惟安福永新獨仍初派三錢五分之舊謂無所規避未必然也夫科有輕重猶丁有貧富使糧不可均則丁亦不可均矣安福之糧八升永豐之糧七升永豐與安福吉水新淦等一十九縣均以一則派總賦規冊可考而曰有五升九升六合之差疑查之未審也安福路當衝繁祗應夫馬原是里甲自辨不在規則之內前此稱重難似也近該

人文紀畧

書

圭

卷八

本府黃太守議處已加派夫馬祇應銀四百一十二兩連前祇應夫馬共該派銀一千二百三十九兩一併牽入九縣丁糧通融均派未嘗獨累安福而永豐亦不得獨言省也前奉使司明文爲急缺應用料銀乞預議裁額數以便民情以濟工用事奉部司坐派之數劄仰府縣每糧一石派銀四錢五毫亦何嘗以科則爲又如馬船水夫常年於民糧內帶徵每一石派銀四分或三分九釐絕未聞以科則爲輕重也今日之里甲均平卽嘉靖以前之板榜月辦板榜月辦按里出納未聞以糧則爲言今謂丁可均而糧不可均不亦大異先年立法之意乎夫糧有輕重國初起科皆稱土按租而差等之凡重則必膏腴上田以其歲入之多則之輕者皆中下之田一歲之入僅足以抵上田之半今反謂重則之糧不得與輕則者均差是謂齊其本乎齊其末乎翁切於救民其於絜矩一體之學聞教數十年况永豐爲翁之宗國不得與安福異視也幸察之萬萬

豐陽人文紀畧卷之九

於陵李晦修先生鑒定

表

瀧岡阡表

歐陽修

嗚呼惟我皇考崇公卜吉於瀧岡之六十年其子修始克表於其阡非敢緩也蓋有待也修不幸生四歲而孤太夫人守節自誓居貧自力於衣食以長以教俾至於成人太夫人告之曰汝父爲吏廉而好施與喜賓客其俸祿雖薄常不使有餘曰母以是爲我累故其亾也無一瓦之覆一櫛之植以庇而爲生吾何恃而能自守耶吾於汝父知其一二以有待於汝也自吾爲汝家婦不及事吾姑然知汝父之能養也汝孤而幼吾不能知汝之必有立然知汝父之必將有後也吾之始歸也汝父免於母喪方逾年歲時祭祀則必涕泣曰祭而豐不如養之薄也間御酒食則又涕泣曰昔常不足而今有餘其何及也吾始一二兄之以爲新免於喪適然耳既而其後常然至其終身

未嘗不然吾雖不及事姑而以此知汝父之能養也
汝父爲吏常夜燭治官書屢廢而歎吾問之則曰此
死獄也我求其生不得爾吾曰生可求乎曰求其生
而不得則死者與我皆無恨也矧求而有得耶以其
有得則知不求而死者有恨也夫常求其生猶失之
死而世常求其死也回顧乳者抱汝而立於旁因指
而歎曰術者謂我歲行在戌將死使其言然吾不及
見兒之立也後當以我語告之其平居教他子弟常
用此語吾耳熟焉故能詳也其施於外事吾不能知
人文紀畧 表 卷九
其居於家無所矜飾而所爲如此是真發於中者耶
嗚呼其心厚於仁者耶此吾知汝父之必將有後也
汝其勉之夫養不必豐要於孝利雖不得博於物要
其心之厚於仁吾不能教汝此汝父之志也修泣而
志之不敢忘先公少孤力學咸平三年進士及第爲
道州判官泗綿二州推官又爲泰州判官享年五十
有九葬沙溪之瀧岡太夫人姓鄭氏考諱德儀世爲
江南名族太夫人恭儉仁愛而有禮初封福昌縣太
君進封樂安安康彭城三郡太君自其家少微時治

其家以儉約其後常不使過之曰吾兒不能苟合於
世儉薄所以居患難也其後修貶夷陵太夫人言笑
自若曰汝家故貧賤也吾處之有素矣汝能安之吾
亦安矣自先公之亡二十年修始得祿而養又十有
二年列官於朝始得贈封其親又十年修爲龍圖閣
直學士尚書吏部郎中留守南京太夫人以疾終於
官舍享年七十有二又八年修以非才入副樞密遂
參政事又七年而罷自登二府天子推恩褒于三世
故自嘉祐以來逢國大慶必加龍錫皇曾祖府君累
人文紀畧 表 卷九
贈金紫光祿大夫太師中書令曾祖妣累封楚國太
夫人皇祖府君累贈金紫光祿大夫太師中書令兼
尚書令祖妣累封吳國太夫人皇考崇公累贈金紫
光祿大夫太師中書令兼尚書令皇妣累封越國太
夫人今上初郊皇考錫爵爲崇國公太夫人進號魏
國於是小子修泣而言曰嗚呼爲善無不報而遲速
有時此理之常也惟我祖考積善成德且享其隆雖
不克有於其躬而賜爵受封顯榮褒大實有三朝之
錫命是足以表見於後世而庇賴其子孫矣乃列其

世諸具刻于碑既又載我皇考崇公之遺訓太夫人之所以教而有待於脩者並揭于阡俾知夫小子脩之德薄能鮮遭時竊位而幸全大節不辱其先者其來有自熙寧三年歲次庚戌四月辛酉朔十有五日夜亥推誠保德崇仁翊戴功臣觀文殿學士特進行兵部尚書知青州軍事兼管內勸農使克京東東路安撫使上柱國樂安縣開國公食邑四千三百戶食實封一千二百戶脩表

曾大父行素府君墓表

鍾復

嗚呼曾大父去世四十有六年復始以進士及第任翰林編修日食大官專以文字爲職歲餘又蒙恩選比二十八宿讀書月給以油燭費仍勅賜宅二區復夙夜自揣德薄才淺無由臻此因思少時從先大父居嘗語復曰汝父雖早世而吾家積善已久後嗣之興其在汝乎因請其故大父乃言曰當前元盛時吾家饒於貲爾曾太父樂施予歲推所餘以給鄉之貧乏不能自給者秋成隨所償不收其息遇公家賦役寧捐已財以應徵需不忍刻剥乎人居家孝于親友于弟睦宗族篤姻親信朋友恂恂恭謹雖僮僕不忍以辭氣加焉春秋祭先俯仰齊慄如見其享之者鄉邑無大小無貴賤皆以仁厚稱之元季盜起劫掠者靡虛日隣有豐於財者盜環其居而火之亟奔而告曰爾家無驚害不爾及爾而火烈風猛延及家居羣盜趨救莫能息咸懷然曰火及善人居吾輩之罪也暨聖朝平定貲產半耗人不給費遂教授于鄉不擇子弟之貧富有無一以至誠告語之遇歲歉雖無

人文紀畧

表

五

卷九

餘貯而樂施之心無異昔者里嘗有恣爲橫暴而及禍者悵然嘆曰火之烈也其能久燃人之惡也其能久昌天不禍人人自取之歲已未族有相訟者訓連吾與汝伯祖俱逮獄或勸其自直輒應之曰事之曲直有司自能理之吾何憂焉事果白而釋戊辰秋八月屆七十命具酒設招致宗戚飲而盡歡夜忽夢一神人以綿覆其面覺而得微疾翼日命家人取水沐浴既而具衣冠坐中庭及吾兄弟及所親者告曰吾年已七十含笑入黃泉但願子與孫忠厚永相傳言

人文紀畧

表

六

卷九

訖而逝復聞大父告語之詳泣而識之雖不敢以遠大自許然亦竊度祖先積善如此既不獲膺報於其躬天意其或有在於後人乎復永樂庚子以易經領鄉薦宣德癸丑始登名春官進對大廷乃獲授今職而朝廷封贈之典僅得加於父母而顯榮褒大未能逮及於曾大父若不表於阡則無以慰神靈於地下而復之責莫追也會大父生元至正己未八月十日歿於大明洪武戊辰八月十有一日是歲塋于里之紫博後一紀復始生嗚呼善惡無不報而遲速有時

歐陽文忠公嘗有是言矣復不能如文忠公之賢所以報曾大父之善者其亦聽之於天歟

南原阡表

鍾復

嗚呼惟我先考生三十有一年而卒復時方七歲多疾疾賴餘德遺休不殞其躬得至成立以階仕進又幸聖朝以孝治天下凡仕于朝者自七品以上三載考績得受誥勅封贈其親於是先考得階文林郎翰林院編修嗚呼親存而克致養者人子之職也親歿而受追贈者朝廷之恩也復獲戾于天幼罹艱苦弗獲致一日之養賴國家哀其祿不逮養特賜褒贈使得以伸其私志惡得不表于阡俾見者咸知聖朝推仁廣惠不遺臣下之所自出者如此而先考之闕德潛光亦因是而暴白庶幾人子之職得少致其萬一焉復自幼知力學家或乏油燭見大孺人向月紡績輒從傍誦習大孺人間呼而語曰汝兄弟不幸失父我婦人不能爲汝身庇汝其勉學然天雖膏汝父之壽而我自歸爲汝家婦知汝父存心之仁天之所以報者或不在其躬而在於其後乎夫仁者有後自古

人文紀畧

表

七

卷九

而然汝父行日家頗富歲計之餘足以及人歲永樂
甲申鄉里凶歉孝者相繼汝父惻然曰人困如此可
獨生乎乃盡散其餘以給里人其事伯父同於已親
用弗給則推以助之居弗葺則資以成之每語我曰
親戚隣依尚相救助况伯父乎且伯父與吾父同氣
也伯父安則吾親安時籍久分異公家賦役頻仍汝
伯祖年已老而諸子幼力弗堪支汝父又歎曰一木
支厦豈能久安必相資扶始克永濟適天下再新編
籍遂合而一之至於友愛弟妹出於至誠敦睦宗黨
人文紀畧 表 卷九

修國史經筵侍講

雙江阡表

聶豹

惟是雙江口在今廢藥師寺後蜿蜒盤結風氣鍾載
元末有異僧過而歎曰此吉地也不數年有厚德者
居以昌其世我先祖考和公爲德公仲子自恭公來
由磊源卜居于縣市者凡四世縣市致民聚貨日緣
爲壘斷擇勝者競居之而我祖日厭其煩喧謂毓靈
章教擇仁非智耶乃改卜是圖卜而得雙江口居焉
寔爲雙江始祖祖英烈偉特有古壯士風天覆元運
祐啓我皇明天下稱亂盜賊四起祖散財練兵團保
鄉族獲免播離賴寔久之元俗午日競渡剝木爲龍
以侈侈者用墨鑱龍於兩肩襲以紗袍映爛其文爲
雄洪武初博徵天下義勇領官以治惟崇元俗者不
得與祖方以義勇爲辟舉首薦自惟其素不樂人籠
駕而朝恩暮死重典方殷遂文身自廢得保首領世
嘗稱爲聶花人而不知其所自是得之先考水雲大
夫大夫得之我祖考與公云祖娶胡氏孺人生我高
祖考瑞公四人長敏高旅寓于湖之孫家灣次敏行
生子汝昭昭生子口高止次爲我瑞公以父命督運

城磚之京運者率以稽程戍死于邊惟公如期得歸
歸沉于南昌之象牙潭說者謂刼運使然念之痛哉
又次爲敏惠惠憫儻英特卓有父風麾金擲帛施資
旁周叱咤揮霍雄跨一代惠生汝冲汝英汝韶英生
定遠定佐定傑定寬定顯韶生定賢定榮定美冲之
後不延今所遺叔伯兄弟子姪行如宜順等凡四十
餘人則英韶之派也瑞公蚤世翳我高祖妣楊氏孺
人少寡而艾二孤戮然相爲形影長曰瑚甫十齡大
日璉甫八齡卽豹之曾祖考也時家人有欲奪其所
人文紀畧 表 十 卷九
守以利有者孺人泣曰我躬之弗卹其它散蹤之遺
孰與完髣完髣之玷何辭以白魚腹之葬耶結弗野
處苦節可貞曲成二子再造有家念之痛哉瑚生愈
盛愈隆愈碩愈大愈堅愈彰璉生日聰日明日睿日
智日新聰卽我與公也今所遺伯叔兄弟子姪行如
本積等凡六十餘人則瑚璉之派也始祖生延祐元
年甲寅十月十一日歿洪武十四年丁酉四月十八
日胡氏孺人生歿未詳合葬于所居之左高祖妣楊
氏生至正二十年庚子九月初七日歿正統七年壬

戌十月二十三日附葬于姑之右據譜云也豹每於
冬至之祭得從叔伯後展觀始祖考妣遺像貌殊
古巾以髹紗爲之若今之平巾然上世所謂四方平
定巾是也髮束而不幘鬚脚髮鬚四垂廣額長頰修
眉巨眼虎鼻虬髯紫衫而白靴望之凜然生氣非常
人也胡妣無簪珥諸飾髮盤結于頂覆以墨髻若拳
然服長袍色白而緣紫兩像相顧坐尚右安知其合
葬也不以右爲尊耶蓋古人尚右故耳今譜云楊氏
妣附姑之右附姑是也左右字或者其誤耶譜又云
人文紀畧 表 十 卷九
敏行夫婦合葬于親墳之左又安知左非右字誤耶
嗚呼厚德符識餘慶昌世擇仁以居懋哉創始惟茲
瑩光視守弗度童孺嬉游羊猪蹂踐封土日磨碑磚
外見豹於是泚頰痛心號諸伯叔樹碣乘墉昭靈衛
鬼仍表于阡使我後人得有所考也嗟爾後人無忘
所自古人飲食豆問必祭矧茲功德實配天地

澹樂府君墓表

聶豹

於惟我曾太父澹樂府君先世七十年矣始克表於其墓豹之罪也府君積德百年而發於豹之身已復發於兄之子靜咸以進士相繼起聲是故貞珉昭遺顯書表世謂非豹之責乎府君八十一而卒疾將華起而命曰吾平生無欺天事吾身後六十年當有食其報者物土而識之云下後田園多退敗子孫榮貴却紛紛不謂夫言之若是其幾也世常歸德于風水之祥而不知善無不報歐陽子固言之詳矣府君八

人文紀畧

表

主

卷九

歲而孤爲我高祖考敏瑞公之仲子瑞公督運城磚歸溺于豐城之象牙潭祖妣楊氏孺人子遺少寡靡中外可恃據全業者拯其守志女貞者危其孤誅茅以庇績紡以生沉晦險艱寤萬狀其所以曲成二孤潛消猜毒豈惟痛弗忍言蓋言之未易爲詞也先大夫水雲公類嘗追論疇昔每用酸鼻喉隱隱聲幸而天道好還苦節日亨弱冠奮樹光昭貞訓易云幹父用譽府君無媿痛惟魚腹之葬死王事也每當寒食瀕江羅祭號天泣血若有慕于曹娥之烈已而

悔曰吾養不逮吾父而尚幸于其母吾豈若匹婦之爲諒也哉歿而哀孰愈生而養豈毛之肆祭孰愈豈黍之爲歡於是殫情致樂曲意承顏泣扶和怨篤孺親也刲股爲糜起危疾也卒以老康考終于食有福寡孤之天於是乎始定也蚤嘗築室數楹顏其堂曰澹樂晚復改築別墅於所居之右屏紛謝喧幽頤晦養百步之外十年不履于時立言君子如戴天曹瑞陳水部律輩咸象德揚文具存乘載其畧云聶君家故饒裕而性嗜儉朴所居之堂畜琴養鶴聚古法書

人文紀畧

表

主

卷九

名畫冬一裘夏一葛日食飯一盂蔬一器客至不設盛饌焚香啜茗彈琴觀書而已至賓主自引退亦不爲辭謝跡其貌若翫然自得者故人之登其堂皆若飲玄酒而茹太羹焉是蓋得諸見知才數語也而府君之樸風古行政而象之謂爲三代之逸民非耶府君五男三女長日聰次日明次日睿又次日智俱戴妣孺人所生側室陳妣又生子目新聰即豹祖考與菴公也公生本治玉治敷治玉爲先大夫水雲公字明公生本厚本循本兆膚公生振肅振用智公生本

植本立本積新公生本誠玉誠本治生元化能化開
化坤化先考生文偉暨豹敷治生文理文密本厚生
淳化欽化本循生郁化振肅生文朴文璽振用生文
熙文烈本植生恢濟恢民本積生湧海本誠生文韜
文韜文博自是而下若靜兒輩凡三十餘人靜而下
又凡二十餘人讀書業舉子者代踵相接即如環克
廉膳乾樂克附學俱縣儒學生員不有先德孰開我
人表所以識謂非豹之責耶府君生洪武二十年三
月二十二日歿成化五年八月二十三日戴妣生洪
武二十三年五月二十二日歿宣德四年九月十五
日陳妣生永樂十六年十二月初十日歿成化十三
年十二月十七日合葬千里之港陂段滾浪龍形癸
山丁向永藏之藏百世之祥母貞子孝地義天常鳴
呼念茲其永昌

人文紀畧

表

古

卷九

墓誌銘

尚書都官員外郎歐陽公誌銘 歐陽脩

公諱暉字日華於檢校工部尚書諱託彭城縣君劉
氏之室爲曾孫武昌縣令諱柳蘭陵夫人蕭氏之室
爲孫贈大僕少卿諱偃追封潘原縣太君李氏之室
爲第三子於脩爲叔父脩不幸幼孤依于叔父而長
焉嘗奉太夫人之教曰爾欲識爾父乎視爾叔父其
狀貌起居言笑皆爾父也脩雖幼已能知太夫人言
爲悲而叔父之爲親也歐陽氏世家江南僞唐李氏
人文紀畧 表 五 卷九
時爲廬陵大族李氏公先君兄弟同時而仕者四人
獨先君蚤世其後三人皆登于朝以歿公咸平三年
舉進士甲科歷南雄州判官隨闕二州推官江陵府
掌書記拜太子中允太常丞博士尚書屯田都官二
員外郎享年七十有九最後終于家以慶曆四年三
月十日葬于安州應城縣高風鄉彭樂村於其葬也
其素所養兄之子脩泣而書曰嗚呼叔父之公吾先
君之昆弟無復在者矣其長養教育之恩旣不可報
而至于狀貌起居言笑之可思慕者皆不得而見焉

矣惟勉而紀吾叔父之可傳于世者庶以盡脩之志焉公以太子中允監興國軍鹽酒稅太常丞知漢州雒縣博士知端州桂陽監屯田員外郎知黃州遷都官知永州皆有能政坐舉人奪官復以屯田通判歙州以本官分司西京許家于隨復遷都官于家遂致仕景祐四年四月九日卒公爲人嚴明方質尤以潔廉自持自爲布衣非其義不輒受人之遺少而所與親舊後或甚貴終身不造其門其蒞官臨事長於斷決初爲隨州推官治獄之難決者三十六大洪山奇峰寺聚僧數百人轉運使疑其積物多而僧爲姦利命公往籍之僧以白金千兩餽公公笑曰吾安用此然汝能聽我言乎今歲大凶汝有積穀六七萬石能盡以輸官而賑民則吾不籍汝僧喜曰諾饑民賴以全活陳堯咨以豪貴自驕官屬莫敢仰視在江陵用私錢詐爲官市黃金府吏持帖強僚佐署公呵吏曰官市金當有文符獨不肯署堯咨雖憚而止然諷轉運使出公不使居府中鄂州崇陽素號難治乃徙公治之至則決滯獄百餘事縣民王明與其同母兄李

通爭產累歲明不能自理至貧爲人賃春公折之一言通則具伏盡取其產鉅萬歸于明通退而無怨言桂陽民有爭舟而相毆至死者獄久不決公自臨其獄出囚坐庭中去其桎梏而飲食之食訖悉勞而還于獄獨留一人于庭留者色動惶顧公曰殺人者汝也因不知所以然公曰吾視食者皆以右手持匕而汝獨以左手死者傷在右肋此汝殺之明也因卽涕泣曰我殺也不敢以累他人公之臨事明辨有古良吏決獄之術多如此所居人皆愛思之公娶范氏封福昌縣君子男四人長曰宗顏次曰宗閔其二蚤亡女一人適張氏亦蚤亡銘曰公之明足以決於事愛足以思於人仁足以施其族清足以潔其身而銘之以此足以遺其子孫尚書工部郎中歐陽公墓誌銘 歐陽脩歐陽氏世爲廬陵人廬陵於五代時屬僞吳故歐陽氏在五代無聞者淳化三年脩仲父府君始以進士中乙科其後爲御史有能名真宗嘗自擇御史府君以秘書丞見見者數人皆進自稱薦惟恐不用府君

獨立墀下無所說明日拜監察御史中丞王嗣宗指
曰是獨立墀下者真御史也絳州守齊化基犯法制
劾其事化基嗣宗素所惡者諷之欲使蔓其獄府君
曰如詔而已嗣宗怒及獄上奏用他吏覆之索其家
得銅器十數府君坐鞠獄不盡免官明年復得御史
監蘄州稅又明年遷殿中侍御史左巡使居二歲奏
事殿中真宗識之勞曰御史久矣亦勞乎問何所欲
府君謝不任職而已後數日真宗語宰相與轉運使
宰相疑其有求而不先白已對以員無缺復使與一

人文紀畧

卷九

太

卷九

大郡宰相名至中書問御史家何在欲郡孰爲便對
曰無不便宰相怒與海州又移睦州天禧元年入遷
侍御史二年出知泗州先是京師歲早有浮圖人斷
臂禱雨官爲起寺於龜山自京師王公大臣皆禮下
之其勢傾動四方又誘民男女投淮水死曰佛之法
用此得大利而愚民歲死淮水者幾百人至其臨溺
時用其徒唱呼前後擁之以入至有自悔欲走者叫
號不得免府君聞之驚曰害有大於此耶盡捕其徒
詰其姦民誅數人遣還鄉里者數百人遂毀其寺入

轉尚書司封員外郎三司戶部判官六年爲廣南東
路轉運使前爲使者以市舶物代俸錢其利三倍府
君歎曰利豈吾欲即使直以錢爲俸今上卽位就轉
工部郎中秩滿以一弊舟還無一海上物歸朝賜金
紫爲兩浙路轉運使以足疾求知江州天聖四年又
求分司未得命以其年二月某日卒於江州之解享
年六十有八以某年某月某日葬某所曾祖諱某祖
諱某僞唐吉州軍事判官父諱某僞唐屯田員外郎
娶朱氏封金壇縣君先府君已卒嗣子鑒爲右侍禁

人文紀畧

卷九

九

卷九

武昌巡檢女二府君諱載字則之性方直嚴謹治身
儉薄簡言語爲政務清淨平居皞皞而坐如對大賓
終日不少懈弛人用憚之薦舉下吏人未嘗知後知
者來謝皆拒不納所至官舍未嘗窺園圃至葉燭墮
地家人無敢取者其清如此銘曰唐隳盜猖土裂四
方鍾氏於洪入州自王傳死子時敗陳子揚自梁迄
周廬陵僞邦歐陽是家世以不章違命之侯廬陵王
土歐陽有聞始我仲父以貢中科來者繼武仲父之
材御史其能廉清儉恭直躬以行銘以藏之子孫承

兵部郎中習公墓誌銘

曾榮

兵部郎中習公之卒於京師也余與中書舍人陳夢
訓爲之經營其喪俾歸葬其本里之吳坑祖隴之左
後二年公之子岐以書來北京請曰先人既塋而墓
石尚未有銘恐先德終以泯沒幸先生賜之銘則永
有所賴余與公同里且交游弗可以辭公諱韶字尚
鏞其先家寓吉州宜邸徙居永豐之標岡復遷古城
爲永豐人曾祖叔和祖仁益父春輝連世弗耀母袁
氏公以元季戊戌十二月三日生自幼穎悟每讀書

人文紀畧

卷九

三

卷九

奮自刻勵經史百家靡不蒐獵人皆神異之比壯游
荆襄間志益恢廓乃慨然曰學必有師也鹵莽博涉
安能有所成乎卽治裝歸奉養往見鄉先生梁公孟
敬從以授五經未幾克然有所得其講說經義下筆
爲文皆明白整整不苟先生甚重器之由是遂有名
洪武庚午用薦爲筠之新昌訓導誨諸生克勤弗懈
凡經其指授者多所造就丁丑當路者以公才辟之
上吏部授南雄之保昌令公在任無所阿徇上官惡
之誣以罪下獄更二年罪始白調惠之長樂有愛于

邑人庠序諸生皆受教于公焉懇懇告之以政事文
章邑有曾姓兄弟互計于官積久不決公諭之曰父
子倫理之道不可虧兄弟友愛之義不可毀五常之
性其焉若能反躬自責不爾之罪否則罪及身家而
不汝原其兄弟乞出外更思悔其前訢之失而敦其
友愛之情如初而政聲大樹以波隣邑有疑獄未決
皆來質于公潮之海隅衛卒憑陵寺僧奪其田而不
賦訟于官前後不能決者十三年臬司命公臨其邑
公諭之以理卒服其詐讓其田歸於寺鄉人因名其

人文紀畧

卷九

三

卷九

田爲習公田三年課最天官天官尚書蹇應天府尹
向疏其名上之詔陞兵部武庫清吏司郎中尋以內
艱去居喪無違禮辛卯服除至天官遷兵部車駕卽
中其在官褻衣巍冠端坐終日若無所事然而其政
靡不舉退食之暇但施施與故舊觴酒賦詩以相娛
樂昇謙自下言動恂恂然無一毫富貴態蓋其天性
如此明年三月二十六日以疾卒于官享年五十有
五其所著有言志藁虛庵集行于世平生手不釋卷
常舉司馬公家訓以教子弟暇則遣遙陽峰松林之

下所居有竹亭曰竹溪樓曰藏書軒曰松濤要彭氏子男六人岐爽雍矜珩鵬珩常從公於長樂以疾亡女一適睦源劉旦式孫男七人孫女三人嗚呼在閭巷而卓然以儒業振起其家有爵祿而保其榮名於無窮是可以無憾於地下矣遂爲之銘云公甫弱冠蔚有英聲執贊從師克底于成範模是託諸生樂從如賓斯琢出宰保昌守正不阿旋改長樂惠澤孔多晚乃入朝列職郎署官政允脩才能益著蒼山之陽峩峩幽宮勒銘于茲以播無窮

人文紀畧



三

卷九

處士郭道傳墓誌銘

曾 榮

處士諱適字道傳姓郭氏其先出汾陽之系有曰伯宜者南唐時爲監軍使出守之恩江鎮次子定功留鎮徙居層山遂爲永豐人曾祖天與祖庭春皆有隱德父其志母劉氏處士以元至正戊子三月十二日生自幼失恃溫恭謙退若成人遭元之亂間關險阻雖困撓未嘗少屈迨至國朝平定處士始復故業營室廬治田園家益裕事親孝歲時冠婚喪祭無違於禮處兄弟翕然以和嘗以廬挾隘別築於旁近兄不

欲遷乃留兄故處獨與弟徙居之雖一飲一食之微兄不至則弗敢先也以是人益賢之性雅淡嘗優游山水間以爲樂暇則焚香危坐援琴鼓商數引泊如也貲雖富而布衣蔬食有清儉之風焉以永樂壬辰六月初二日終享年六十有五後四年始奉柩葬於根子寨陽實其里層山之原也配陳氏有賢德子男五人輔節輔友輔衡輔英輔翼皆好學克母 家葬之後又六年其子謁余請銘且曰弗得銘無以著先德於不朽余弗獲辭遂叙次爲銘之銘曰

人文紀畧



三

卷九

繫孝兮懿且淳善既積兮裕厥身配克良兮嗣繩繩衍慶源兮福無垠葬得所兮勒貞珉光耿耿兮耀千春

黃進庵公墓誌銘

鍾 璣

吾邑野溪之黃爲世家而於吾閩溪之鍾爲世姻進庵先生於科目爲名進士於璣則從姑之夫也曾祖子璠祖君勝父彥敬繼有令德世澤之培植積而發實在先生先生諱卓字退省進庵其別號也生有赤文誌其背成公正字父母慮其爲人所駭異以衣襪

之五六歲時語諸故事及古人詩句之屬輒自解
一經耳目輒不忘八歲學於鄉里師在諸生中最爲
穎拔年甫十五則群經子史淹貫殆遍比十七後進
師之而今拜石牌之馬氏廬陵何山之孫氏安成新
里之謝氏皆聘致之以爲塾師其議論義理商確古
今諸老成自以爲弗及二十八以易經取江西鄉薦
世故撓之不及會試於春官者凡十五年四方學者
躡屣而至先生爲著四書串講易經發揮詩經啓鑰
策學會要以啓迪於是及門之士咸用有成永樂辛
丑先生試春官以詩經中甲榜比廷試賜進士出身

人文紀畧

書

卷九

既而奉恩旨歸省學者之來視昔倍蓰洪熙中試大
理政時邊軍有功當賞朝廷以官兵二百人從先生
行賞于開平時當授京官先生辭願受學職故事進
士願受學職者例得教授銓部計諸罷教授無缺員
乃俾先生掌教於長沙縣或者惜之先生曰使吾計
崇卑則受京官矣一資足介意耶教長沙九年改雲
夢又五年卒于官先生教人不專事詞章之習其所
講授皆聖賢心學之要故學者多所領悟而易於成

人文紀畧

書

書

卷九

功其門人以宦業顯者者如都憲蕭啓監察御史孫
鼎王事宋極知府彭謙知縣文琳劉晟伴讀王紹司
教者又有謝大鼎鄉人劉雍族人九辨中素升庸與
吾先君子先生之卒孫鼎聞計易服設位而哭復求
翰林詩文以哀輓之而彭謙王紹亦作詩哭焉長沙
守范理僉憲熊昱孝感令皆遣祭且嘆曰後學範模
無復斯人矣吾姑自歸先生婦道著聞從先生宦途
慈惠儉勤理內政有緒閭門內外和氣洋溢諸生之
婦或時相接恩義誦如吾姑考終之日猶治泉至夜
二鼓方就寢有頃疾作詰朝屬纊矣其平生伉儷之
際相勗卒以成德業者不可得而悉舉也先生氣質
寬厚純誠與人交謙恭退遜未嘗矜能銜智以愧人
之短人有寸善則揄揚之唯恐其弗彰故所至人親
愛而尊敬之爲詩文豪嚴奇崛英奇凜凜殊不類其
爲人善飲酒累數十觴不亂醉則文出益奇自朝著
以達山林見所作者咸曰先生奇材也及見其人則
又曰先生淳篤君子也今先生不可作其詩文號效
輒集者猶盛傳確生也後不及一濡膏馥而景仰高

屋則有年矣嗚呼安得起之九泉作我歲晚先生生
洪武庚申十月二十六日歿正統己未四月初二日
壽六十後十年是爲正統己巳之年而吾姑就歿之
日則是歲三月十三日距其生洪武壬戌九月廿日
壽六十四子三人長青紘娶莘田李氏次名紳字赤
紱繇雲夢司訓累陞至重慶教授娶早坑曾氏幼采
綏娶龍潭高氏女二長許配吾族叔友蘭先生之子
勉循未歸而卒次適龍潭高升聞孫男十人女六人
以正統己未十月二十葬先生於牛岡客蛇形向東
人文紀畧 卷九
墓夫人于東坑君子謂先生登名甲科不慕通顯有
恬退之風作成人材以碑時治有天下之澤而夫人
懿行淑德閨門允師墓宜有銘確不敏請銘之曰
元氣之會生斯人人之哲今儒之醇厚積薄施匪
道之屯學海之波其流法法彼鄉彼士出其門沿
流溯源知所有匪位之尊維德之尊天胡爲乎喪
斯文懿哉厥配乾之有坤於胥歸兮于茲原後千
百年今有餘芬

南園梁公墓誌銘

羅倫

南園公卒于是六年矣孫壻倫始得誌其墓誌曰公
姓梁氏諱珏字儀象其先汴人辟黃巢亂徙里之姜
坊居之姜氏絕不知何時梁氏盛爲梁坊梁世有聞
人民則秉彛著科第于元國朝伯興仕至河南布政
使初丞應天祿口給外辭太祖以老實稱之公太父
玉和父東啓世不仕公幼孤立有聞大父善耕先生
與之里中高曾會必公在則往倫時杖屨左右公見
奇之命歌風雅古詩以爲樂公久而益莊動止有則
人文紀畧 卷九
里子弟樂傲放者見公必自檢退私語曰老成典刑
具在此翁初公家嗣有女公奇之曰必配良士正統
辛酉大父卒家亦落莫媒氏以名聞公曰得矣吾固
奇此子也家人愕眙相顧問因長老厚公者竊謂公
曰嫁女須勝吾家公輕與寒士奈何公曰非爾知竟
歸羅氏已已倫游郡庠公曰正丈夫有立何秀才爲
乎旣而勅諸子給其費丙子倫貢于鄉今上二年丙
戌倫登大廷入翰林爲修撰其年夏五月黜爲泉州
提舉道鄉謁公公已病瞠目視曰爲子必孝爲臣必

忠汝就道母我顧翼日疾革家人葬公于峽上之仙人巖亥山已向倫臨穴哭即行公雖不仕好以前輩仕者風後進嘗謂倫曰吾幼時布政公已致仕坐郭桓累藉其家惟書數帙公懼不免中道經死太祖聞而哀之命復其家比長見羅博士致仕歸望鄉足履以前曰吾父老家族所也嫺族盛供帳御者峻却之歸以書一帙易羊一祭告家廟二公者吾猶及也今公矣俗好鬪公教子以尚容里中語梁氏之樹惇者必曰公家公配李氏先公卒于五人長與仁以女配

人文紀畧

銘

天

卷九

倫者大與言大與廉先卒大與壯大與爵亦卒孫男十某某孫女某某曾孫某某於戲公其有後乎公居南園人號曰南園公銘曰

已乎南園公雲山蒼蒼水溶溶爲公宮乎其中已

乎南園公

奉政大夫浙江按察司僉事高公墓誌銘

聶豹

高僉事歿六十七年暴而不葬至是始克葬之葬之者攝熙廬陵學諭江子汜主喪則僉事玄孫高躍也先是子不識躍躍聞子傷廼祖之未葬求見于子者甚勤子叔而教之禮庠生陳曰旦爲之師曰旦子友也子痛暴骨無所歸廼與曰旦商度爲計而顧莫之告也適江子爲當道遴委攝篆永豐甫兩月廢度振甌民興故余得以暴骨事告之廼江子敏於行越明日介子友陳綸屬子銘僉事墓且報襄事有緒矣子曰神哉子於僉事世之先後邈乎其不相及江子於子地之相去千里而僅交一面乃受命如響若惻若躬夫豈有所強而然哉士有曠世而相感隔千里而相契者神也神者心之生道也不疾而速不行而至無所爲而爲焉者也夫惟生道不死於是不忍於其親有歸反藁槨而掩之者不忍於其民有哀無告而掩骼者不忍於其物有以愷惟掩犬馬者是謂以不忍人之心行不忍人之政治可運之掌矣死其心者

人文紀畧

銘

天

卷九

反是雖其身之手足痿痺已不能顧况於其親哉已不能顧其親况於其民而又况於其物哉予於是嘆江子之神應而慶暴骨者之有所歸也故銘其墓凡厥有生生寄死歸死無所歸誰執其非偉哉江子聞善若馳澤及枯骨文王我師江子字孟復號藤窓抱奇氣由嘉靖十一年選貢發身浙之奉化人僉事公諱安字容靜一都西坪人太公諱璉以易中永樂戊子鄉試授茶陵州學正陞南雄府學教授卒于官時僉事方弱冠迺然奔喪以歸嘗廬墓而學焉服

人文紀畧

卷九

三

卷九

闕南游于楚暨楚反假宿于新淦河埠宅主劉氏患疾甚從者騷之公曰無恐俄而病者譖曰永豐按察官來無慢也明旦病且愈歸見先進劉公務學務學教授友也問曰爾欲以商販終而身乎抑尚能爲學舉子業也僉事曰能收而試之得其文大喜曰吾故人子矣正統辛酉果以儒士薦于鄉明年壬戌登劉儼榜進士授大理寺右寺評事三年底績奉勅命有歷年既久式克勤慎之褒吏部侍郎曹某以清操賜嘗於其私第建卻金亭維時館閣部院能詩文者

咸詩文以妬之公獨有曰暮夜曾聞卻四無系聞何事怨秋胡夷齊不築南陽宅也得千年說丈夫曹公遂毀其亭尋以與留英宗巡幸駕得陞浙江按察司僉事僉事嘗攝督學政報績于京大學秀水呂公贈之以文曰公在兩浙於所當爲者無一不盡其心是以吏民懷良聲譽赫然已乃罷政歸休圖書數卷家徙壁立時年三十六也優游林下二十一年而卒此蓋公平生大致予嘗聞諸先大夫水雲公及按所承事狀適相符公生永樂丙申二月十九日亥時歿成

人文紀畧

卷九

三

卷九

化二月二十五日申時教授君贈文林郎大理寺右寺評事母江氏妻曾氏得并孺人教授以上父若祖凡二世僉事以下子孫孫子凡五世俱於書法得書茲以嘉靖戊戌二月清明舉葬于三都何家嶺祖墳之右未山丑向冥石以誌

遲鈍先生墓誌銘

聶約

嘉靖甲辰臘月念一日先叔遲鈍先生卜塋于禾坑之源附考塋也予以分義當誌其墓石况懇予誌墓石先生之子琬又拳拳也予乃誌曰先生故家宿儒

弱冠居師席讀書談道亨蒙家塾于茲五十年矣故
予與先兄五獻封君暨子諫議姪俱先生朴作刑人
也先大父水雲翁嘗雅敬先生先生亦樂與翁遊與
語輒移日不知辭去用是人嗤先生爲呆乃先生亦
別號遲鈍所以自狀也先生生而愿慤言不能出諸
口舉足縮縮擇地而蹈之求之孔門其子羔之流歟
蓋厚有餘而智不足者孔子謂木訥近仁非耶先生
與先大夫同高祖高祖即雙江始祖達和府君也和
生敏惠公惠生汝英公英生定傑公先生爲傑公仲
人文紀畧 卷九
子諱徽字與順生成化七年正月初六日沒嘉靖二
十三年十一月初六日是年荒青民糟糠不厭秋冬
瘡癘大作死者相枕遂至有舉家無噍類者乃先生
亦以是終傷哉父老謂前甲辰爲成化二十三年亦
然然不若是年之甚先生五十前無子配孀母野溪
黃氏賢乃促先生娶妾妾而得陳氏生二子長即琬
以舉子業補邑庠廩膳生次珍未聘黃孀善理家溫
飽終身先生無內顧之憂黃氏之力居多也銘曰
嗚呼先生世稱鈍夫言不出口行必擇塗工於爲已

處世則疎人皆呆之君子曰都七十考終無愧厥初
奉直大夫龍井曾公墓誌銘 聶豹
大夫諱慶祺字兆賢號龍井世居邑之纂溪靖難忠
臣鄒公瑾之孤也其居營前而以曾爲姓者上世祖
季式出繼營前之曾氏遂居營前姓其姓云瑾抗靖
難之節坐族誅乃季式之後獨得以出繼免謂非天
道耶于茲百二三十年疑畏相承不敢請復此大夫
耿耿之懷對予言之屢矣而所以屬望於行人者蓋
卷卷云高祖德禎曾祖治端俱隱德不仕祖元冠以
人文紀畧 卷九
子貴封徵仕郎父翔由例貢官金吾後衛經歷母蕭
氏封孺人癸丑年三月三日寔生大夫先是里人有
俊兒殤者夢神人謂之曰是兒賢而貴非汝家器乃
上舍公子也已而大夫生經歷歎曰此生賢之兆也
因命以名與字云大夫穎敏不凡十歲隨宦京師授
學于進士茹鳴鳳之門進士能尊師道爲京師重門
下故多貴秀子弟然於諸生中獨奇大夫每校藝必
先諸弟子諸弟子亦自謂未能或之先無何經歷卒
於官大夫年十五執喪禮如老成人進士別而囑之

曰汝父爲清白吏未究所施計汝後當有聞若以科第至京當避舍以居其他無相見也服闋補邑庠弟子員哀然者稱邑大夫桃源朱進雅器之時陽明先生門人有冀惟乾者朱鄉人也素慕一峰先生之風因桃源特過永豐拜其墓朱遣大夫從之游遂聞良知之學每按考輒以文行上其等而端峰邵公尤重之果以是年壬午中式鄉試比上春官乃依依然惟蕭孺人是念已丑下第期取道會稽入拜陽明公之廬渡京口十夢金山得唐詩二句思景慘淡遂返棹

人文紀畧

銘

墓

卷九

遡長江以歸時蕭孺人業以臥病母子相見甚歡病亦少差曲意湯藥幾一月而卒人皆以爲孝感所致乙未秋授判永平與郡守劉範東節推柯慶華同寅協恭郡治一變歲大稔濬州尤甚適濬守罷去濬人士請於當路願得借署當路建而檄之百計勸相招尙散棄餓殍不能移者復設糜以飼之所賴以全活者甚衆當路疏於上特給銀牌旌異績也其他督潞溜河及委修沙河行官省費節勞大有功於上下咸謂殊擢之將及也乃巡撫戴龍山薦擢滄州遂擢滄

州牧守滄州三年慈惠節儉不求近名滄當南衝易以易謗人或以此爲調大夫曰夫官以爲民也與其剝民以媚人毋寧損己以益下乎自是夫力供應之需悉從簡約賓至罔滯民用不擾權貴斂手雖以此獲知於上而謗亦隨之乃卒爲鹽法使所不憚適庚子十月獲聞行人秋捷之報大夫浩然曰吾未畢之志幸有所托不當於此時去即士民遮留數百里外不忍舍時少湖徐公聞其事而歎之大夫歷宦八年咸數歷畿輔譽謫蔚也前後膺獎薦者疏凡十數

人文紀畧

墓

墓

卷九

上皆美其才守學行鑒鑒有指實天津兵憲王在庵河間太守項馭東尤相愛敬每稱謂則曰曾先生曾先生云家居無他營直欲講明古人身心之學以訓飭子弟化導鄉人爲務每四方同志大會於青原玄潭之間與劉晴川鄒東廓羅念庵三數君子迭相爲主雖隆冬盛暑猶披襟夜談疊疊不倦若不知其年之向衰者然猶善談謔博洽舊聞達於世務至論國家大計則連引博喻每切事實故人樂與之游其居官薄於自奉而於故舊時有醜遺或以匱乏告則例

囊相貨貸而相負亦不爲較而一切寵辱得喪若不
留情癸丑春會講于邑之靈岡適行人南宮之報至
矣衆譁然而大夫無色喜明日會罷乃散居凡古先
聖賢格言及名儒要語有切理學者哀錄成帙以自
考或作爲詩文皆本性情止乎義理有益時教工六
書而小楷有晉人風致喜賓客賓客有過從者必傾
倒壺觴不盡歡不已性孝友和易兄弟三人伯氏疎
散不事事仲氏又極力門戶大夫從事文藝而諸費
營辦不以煩伯叔惟恐拂蕭孺人意乙卯夏感便血

人文紀畧

銘

三

卷九

病雖昏憤有譴語亦講學論道之詞秋七月行人奉
使南還丙辰春二月夜巨盜數十入臥房劫大夫出
堂上挾索財帛大夫不爲亂囊資罄然亦不介意行
人以程當北復盤桓不能出門大夫促之曰王命重
大毋以我爲慮第能親賢取善毋汨沒於勢利吾之
願也行人拜辭慷慨目之去無離別難時五月二日
也離八日而大夫化矣予聞訃遣家人習敏事者持
練帛往事事而予仲子儀制郎靜御史宋儀望皆親
視含斂所以代行人之不逮也行人奔訃歸將以明

年春正四日附葬于祖塋之某山狀其行實懇于
銘以予以道義契大夫且世講姻表云大夫終嘉靖
丙辰五月十日亥時距年六十有四配陳宜人上羅
陳文郁之女生行人兄弟五人長潛次湛次汪俱邑
庠生然皆先大夫卒四即行人濂也中嘉靖癸丑進
士授行人司行人五潞今爲國子生六淑庶出孫男
一學松學柏濂之子也女四孫某某某嗚呼大夫
仕耶學耶不詭于道求無愧於爾之心耶聖峰之嶺
龍蟄於井淵乎其深

人文紀畧

銘

三

卷九

浙江布政司左叅議鄒君墓誌銘 宋儀望
嘉靖壬戌九月既望今上皇帝冊封諸宗藩詔遣吏
科左給事中鄒某副使于汴鄒君稽首受命即以是
日持節出都門先是母夫人陳病牀褥踰歲鄒君日
夜思念不置迨被使命故事得便視其私君喜不自
勝抵汴既成禮即馳歸與母夫人相見離甚是時母
夫人病日劇君蚤夜省視湯藥寢起牀側或竟夕不
交睫暇則應酬賓客綜理家事卒卒無少寧息居數
月將具疏闕下願留侍母左右尋得報以前官陞浙

江布政司左叅議君自念外補不得即伸私請邑邑不欲行乃購邑城營宅一區以便侍養時酷暑偶感內熱至夜半痰作不移時暴卒時弟與妻俱留侍母夫人所惟男學松在側家人倉惶失措邑大夫士以下咸往哭之無不流涕悼惻既成殮母夫人病旋得臧嗚呼君之死其亦異數也已悲哉君卒踰年孤學松力襄大事葬且有期乃偕其叔太學生潯具事狀泣告于予曰先君公矣惟是幽室之銘非先生莫宜爲予旣不得辭按狀君諱濂字子濤世爲永豐營前里人文皇帝靖難師起君族祖大理寺丞瑾以諫抵極刑宗族親黨俱被逮君之先世某以傍支出後營前曾氏遂得末臧曾大父諱元魁封徵仕郎大父諱翔金吾後衛經歷父諱夢祺歷官至滄州刺史被謗落前職以君貴贈兵科右給事中母陳氏封太孺人滄州公生六男子君其中子也自幼即穎敏不羣滄州公奇之臨海周公寵以進士令永豐先後擇邑之髦士授以春秋君與子企羅子時雍今府丞郭子時望同在選中是時君年獨少而四人者即相契學爲

文章旣後今憲使陳子履旋文學程子振之復同視席歲庚子君與時望俱以易薦江西鄉試高等刺史公時守滄州得報喜甚旣會試下第仍同子讀書山中自號六華山人久之子入爲御史癸丑春君與郭復同登進士相次拜行人司行人踰歲以行人護御史大夫屠公僑歸葬明州是時滄州公旣家居君便道歸省二親康強無恙未幾被盜入其室持滄州公甚恚遂病怔忡君留侍左右數月不欲行滄州公病少間乃促之北去未匝月忽爾棄養君得計弁歸居喪哀毀踰禮戊午冬服闋還朝明年超拜禮科給事中君爲給事中慷慨論時事不少回互人服其慧直時閩廣山寇猖獗遂疏陳五事切中時宜上採納之旣進右兵科益練時務曉暢兵事時南北多故警報日至君在省中每與同官連名具疏料度機宜裁抑冗倖俾益獨久之進吏科左君爲給事中三年將奏績乃上疏言臣本鄉氏出冒曾對自先臣兩忝叨歷外任會無路而陳今臣濂幸以諫垣得事陛下臣誠不敢忘所自出願復本姓便於是詔下部議許之

既奉使歸遂合其族人報朝命于先祠於是鄉人咸謂君能重本始矣君長身嶽立美髯髯器宇軒豁人咸以公輔期之而竟止于今官豈非命哉居家孝友懇至滄州公既謝事君侍左右事無巨細咸綜理不倦滄州公優游林下十餘年無他累以君之能爲子也兄潛湛弟汪皆先卒每念及涕輒漉漉下撫嫁其孤女無異已出與弟齡庶弟淑友愛備至齡爲大學生有志向其感泣君教愛特甚自族黨子衆君處之咸有恩禮平生謹於出納終其身未嘗貸人一錢

人文紀畧

銘

罕

卷九

曰吾不能輕與又安可妄取耶鄉人以此多之娶珠溪王氏有婦德先卒繼娶馬題洲李氏以君貴俱贈封孺人子二長學松娶吉水解氏厥父桐與君同舉于鄉官至台州同知次學柏蚤殤女一嫁艾侍御君次子侯俱王出子追憶少時方困頓諸生間君襲世資能爲文章顧獨兄事予既同入仕途予以慨僕取嫉于時君每對人語及輒抵掌不平嗟乎此豈可以聲音笑貌爲哉然則銘君之墓使吾二人得以友誼槩于來世寧有不賴於斯文乎乃揮淚而爲之銘銘

曰惟鄒之先代有聞人大理諫死爲時貞臣惟君之先冒姓他氏諫議疏聞乃復本始於嗟大理遇非其時孰如諫議身際昌期邇彼四世咸服國恩父子繼作州伯藩垣吁嗟諫議綽敦孝友時方尚同我獨持守人亦有言大器晚成胡方強盛乃奪厥齡蒞昧莫憑循彼盈虛既裔其身慶乃有餘何以慰之視此銘

雲南按察司僉事少濠湯公誌銘 郭汝霖

人文紀畧

銘

罕

卷九

是又稱少濠先生湯氏自始祖執中生鼎在在生茂紀紀生才卓湯氏至是益大以繁業儒而且善醫才卓號立峰立峰者公之父也公妣率田高氏生子四人而公爲仲子公幼甚穎敏從學于叔祖一庵一庵曰振吾宗者必此子也自立峰公喪惟母氏在堂四壁煢煢公授徒資俸以供菽水處兄弟則友愛怡怡人共賢之游庠序甫暮年以詩經登歌鹿鳴試春官弗達乃從歐文莊公輩問學於王文成公而得良知之說人或勸之植產業以崇家貲公曰窮視其所不

爲今吾志果一賞產哉既又連試弗達母宜人謂公
曰觀子數往來京邑非以一甲第耶夫蘭蕙薜澤不
必上苑而後芳有鶴在林使碌碌魚鰕人未必曰此
昂霄物也夫仕以行志苟能出一力爲天子牧小民
卽無愧所學矣第不第命也強之乎公於是仕爲崖
州守崖在粵東南險且遠有軍民黎獠之殊號稱難
治公因其情順其俗不責以太難閭境翕然歸化焉
州之海口舊泊夷艘久胥爲盜公檄民鳩材塞之盜
弗能肆崖民攸賴崖濱海科第素少公政務之暇輒
人文紀畧 卷九

集士較文比試登第者四人當路廉公之政靡不嗟
而異焉公丁太宜人憂崖人祀公名宦祠再起補廣
之化州公卽以治崖者治化化有高涼之寇官軍束
手無能爲公竭力調度兵食饒裕寇輒解散以六年
報績立峯公封如其官母高封宜人遂擢南刑曹郎
公聽斷明允大司寇雅重之踰年陞雲南僉事公持
守法令條章不肯與時俛仰南夷懾服而當路者謂
公歎於變通復落職調山西霍州雙江叢翁時和平
陽霍爲平陽屬州州有郭家溝寇沿以往來窺伺

平陽雙江翁與公揭塹浚濠以防衝斥而平陽諸州
遂藉以無虞者公之力居多人於是擬公將復大用
公喟然嘆曰仕途果可家乎夫人生寧能盡百齡哉
卽百齡吾已六十餘顛毛種種而終日疲精簿書案
牘間以博虛名是爲人者重而自視何輕也乃咏淵
明歸去來辭解組而歸徜徉濠上杜門謝客日訓子
弟以忠信守已之學而所注心者惟家譜未修爲念
易簣時猶曰湯氏之譜未完是子之罪也蓋絕口不
及家事公有子二長慶鯨邑庠生蚤卒次慶鱣大學
人文紀畧 卷九

生孫男某孫女某適余長孫諫公塋數禩尚未有銘
鱣以子辱通家聯姻好知公深蕭贊持狀乞銘余按
狀述公之大致如此竊惟公古君子也不汲汲於仕
隨所仕輒著聲稱育民興士弭盜防夷流芳遠播而
勲業爛焉公守正不阿咸出於素所操持篤信假令
少貶損以赴功名卽能赫奕當時公之自信不無惡
矣孰得孰失宜公不以此而易彼也或曰道貴趨時
龍蛇屈信公知執尺寸而不能傑然樹勳揚名失之
固矣曰若是則汲鄭龔鮑之倫盡非哉 銘曰

豐之有湯南渡肇基世顯令聞能儒能醫科貢相輝
奕葉流輝偉矣濠公不忒其儀安貞維介奮跡以詩
三仕州牧民恬物熙刑曹允明憲體不渝人曰員活
我不能規人曰嬗阿我不能趨陶賦可歌折腰拂衣
豐水洋洋我蘭我芷豐山峩峩我寓我樹人其迂之
我其安之人曰固只我其宐只嗟古君子後之明師
明故太子太保兵部尚書贈少保諡貞襄聶公

墓誌銘

我皇上嗣大歷服首降德音錄故公卿之行應卹典

人文紀畧

銘

四

卷九


者於是諸臺諫舉故太子太保兵部尚書聶公等若
于人以聞詔贈公少保諡貞襄賜祭九壇命有司治
葬事蓋公之卒至是五年矣某年月日從子儀部郎
中君靜嗣子錦衣衛千戶毓啓公櫬以葬而持通政
叅議宋君狀來徵銘階公門人不可辭按狀公諱豹
字文蔚先居永豐之歸源自晉宋元再徙而家甌溪
故公自號甌江國初有諱敏瑞者其配楊以守節旌
生澹樂公汝璉澹樂公生巽庵公日聰巽庵生水雲
公主治是爲公考以公貴封文林郎華亭縣知縣配

鄒氏封孺人公舉正德丁丑乞歸省者庚辰始知華
亭立法行政自其身始發諸奸欺籍所侵盜金萬六
千代償通賦濬塘坑三萬丈有奇復塘之廢者萬二
千丈民以不苦水逃亡來歸者至三千二百二十三
戶建名鄉賢祠闢射圃日進諸生與之論學其說本
於易所謂寂感而證之以中和證之以孝弟又證之
以古聖賢所以成己成物守約而施博者簡而明暢
而實階時幸有聞雖甚不敏然於心竊有契焉今既
五十年惟公之言是訓是行亦惟公之言味之而益
人文紀畧

銘

望

卷九

旨履之而益効也乙酉徵拜御史劾奏司禮大監張
佐違詔收補工匠禮書席公不當乞留其弟於翰林
旨聲頓起戊子巡按福建奏罷鎮守大監趙誠及中
官之司市舶者追論延平守  黜之擒寇鄭新建
養正書院刻傳習錄二業合一論明示學者人謂真
御史而權貴則以此嫌公出爲寧波知府改蘇州至
則治之如華亭而加嚴曰吳人習縱肆久不先約之
以法敎未易行也其後法舉而人果率公敎諭年丁
水雲公憂又丁鄒孺人憂服除堅臥不出南北臺諫

文章薦舉辛丑冬虜頗歲寇山西召知平陽公曰國
方有急吾不可以不赴既至嘆曰是其民饒於財虜
所必攻也爲書諭富民及釋其罪之疑者得金二萬
餘修郭家溝冷泉靈石諸關隘募兵六千人親教鍊
而使守之壬寅虜果犯郭家溝守者殺其前驅二人
虜知有備遁去御史以功聞世宗喜顧問侍臣曰豹
何狀乃能耳於是時公名聞上下而忌者誣公於罰
金內有所乾沒大吏和之謗亦遂流播明年陝西按
察副使會當計羣吏或竄公名於拾遺疏中詔巡按
人文紀畧
御史查勘前後五年經三御史咸謂無纖毫私而鄉
人有謗公於時宰者時宰怒逮繫錦衣詔巡按御史
復覈未幾時宰亦下獄曰吾惡見靖變江乃公與相
對無怨尤色時宰大悔服明年事白落職歸永豐謗
者則見以謫戍而時宰亦既伏誅蓋天之惡傷善人
如此庚戌虜犯京師世宗切責部臣不任事而慨然
有良將相之思惜時爲禮書因以公薦立召拜都察
院右僉都御史巡撫順天整飭薊遼軍務尋遷兵部
右侍郎辛亥奉命巡視京城九門除六事奏之語皆

要且悉者轉左侍郎協理京營戎政數與仇鸞說不
合已而鸞請調宣大兵入衛意在弱二鎮以納虜公
疏陳四慮謂宜固守宜大宣大安則京師安鸞益怒
密伺公所爲將中以罪既數月無所得乃已壬子遷
兵部尚書首奏修邊牆建關隘慎選將士預處芻糧
分屯重兵以控要害尤拒絕請託動循法軌一時聲
望赫然已又奏城南關遺今少傅虞坡楊公經畧薊
州邊務罷易州通州昌平三都御史冬虜犯紫荆關
公乘其情擊之斬首四百餘級加太子少保廕一子
人文紀畧
錦衣衛千戶甲寅四月重城功完加太子少傅十月
虜攻薊州凡六晝夜不能入加太子太保倭奴寇蘇
松奏設總兵官於金山設把總於南匯吳松江劉家
河及淮之鹽城俾畫地以爲戰守吳人賴之明年趙
文華請視師朱隆禧請差田賦開市舶時宰主其議
譽之於世宗公執奏以爲不可詔降俸二級群小乘
上意日晏公踰月遂以老疾致仕公既歸建賜老堂
張門人子弟講學於其間曰吾不得行諸天下庶幾
行諸一鄉受業於陽明先生之門而與祭酒鄒東廓

公宗伯南野歐公修撰念庵羅公發明其師說切砥
詠難不苟爲同所著有大學臆說被選稿用辨錄幽
居谷述致知議畧良知辨質疑存稿蓋以學終其身
焉公生成化丁未正月十三日卒嘉靖癸亥十一月
初四日享年七十有七夫人宋氏無子妾王氏生子
營吉六歲而殤故公以義嗣而以同祖孫耿爲營吉
後諡子二東賜東昭儀節子五人長棟以公廕爲左
軍都督府經歷餘皆能讀公書 銘曰

聖學既喪異端出

俗儒禪伯其失一

人文紀畧

銘

哭

卷九

偉哉公生抱卓識

邇流及源本諸易

曰感有萬體則寂

常寂常感妙不測

是謂良知非外索

養寂應感萬事畢

公見高明履篤實

發爲公言有可述

左持戎樞右簡冊

武功文教相輝赫

老子樞趨自幼日

心爲身體得正脉

無終起公蒞講席

刻銘墓中垂後則

特進光祿大夫柱國少師兼太子太師吏部尚書奉

蓋殿大學士知制誥國史總裁門人華亭徐階撰

行狀

中順大夫浙江處州邦伯敬心黃公行狀

劉素

先生諱嗣真字克敬號敬心其先爲江邑著姓自嶽
州徙居撫州崇仁之巴塘五傳而徙居廬陵遷鶯鄉
之野溪是後族大以衍而詩書代不乏人故譜牒實
有足徵者曾祖子度祖文叔俱有隱德父務立儻
好遠遊以資累往來襄樊間遭世變道便不歸先生
其長子也生而岐嶷居家承母訓既長親明師友氣
貌魁梧端居寡默喜怒不形於色與人交必信待族
嫻有禮遠近以善人君子稱之時家頗饒每痛父不
逮養瞢瞢心目或形於夢寐發於聲詩里之能文者
更唱迭和以舒其抑鬱事母至孝作堂以奉起居旨
甘滫飴克盡其誠前進士成庵劉先生即其字而語
之曰敬者主一無適之謂推敬以事親雖古人無愧
也遂名其堂曰敬心并爲之記嫻友咸歌詩以爲母
壽日徜徉其間常自誦曰事親者不可以不知醫故
於名方善藥靡不精究尤篤意家譜積久始成其後

母以天年終塋祭有儀哀毀踰禮昔洪武二十三年
夏聖天子詔徵天下明經賢才先生應詔如京師於
百千儕輩中名居首選優禮而歸之期以載至明年
入覲御賜冠帶衣履即日授中順大夫知浙江處州
府事下車之初首以尊學校明禮俗爲急務時翰林
蘇公伯衡以老乞歸天朝優之俾典教茲郡一日從
容謂先生曰廬陵爲文獻之大邦永豐又歐陽文忠
之故里其士大夫秀而文今司訓員缺惟明府擇有
可舉者幸留意焉先生卽以貞白對旋遣使馳書幣
人文紀畧 行狀 辛 卷九
抵家致請貞白顧義不容却勉勉治任往爲問安計
旣至郡先生勞來曰汝不遠二千里間關跋涉意亦
勤矣吾所以如此者欲大器之晚成也蘇公又以書
致者數四得往來縉紳間聲遇不薄而貞白竟以非
才辭歸時二十四年冬也蓋處爲浙大郡政事文學
法禮之士彬彬焉出賦稅之重版籍之繁甲於他郡
而先生居之晏如也故以循良著稱去年冬以僚佐
失職赴京奏露賴聖恩宥過而竟以疾卒於京計聞
雖知名不相識者亦爲之流涕矧至親乎余謂先生

好學篤行以布衣不次超擢位至二千石人所難能
至於歸死一節修短有恒夫復何憾若東漢班固之
賢猶不免爲瘕死况後世乎但生者不能不爲之慨
痛耳先生生元統甲戌二月二十八日卒以洪武壬
申閏十二月初七得年五十有九娶同里杏園張氏
有婦德無子俾弟克讓之次子爲先生後從治命也
女二人長歸貞白次適王子述今旅視南歸塋且有
目貞白以子壻於其世系事業得之爲詳雖言不足
取信於當時然於義有不容已者姑掇其梗槩爲行
人文紀畧 行狀 壬 卷九
狀托立言之君子用圖其不朽云

奉政大夫禮部儀制司郎中前刑科給事臬厓

臬君行狀

郭汝霖

君諱靜字子安姓聶氏別號泉厓先生其先出衛大夫奭食采於聶故爲聶姓卽今霍邑是也聶至晉時有達義者尹新淦卽家新淦之拏埠至宋有四十四卽徙居永豐之磊源繼恭甫者徙縣市至元末達和府君居今雙溪遂爲雙溪始祖而諱敏瑞者國初死運城磚其內楊氏矢節靡他以育二孤克延後裔高祖澹樂公諱汝璉者嘗封股和藥以療母疾其曾祖人文紀畧

行狀

卷九

卷九

巽庵公諱日聰者事繼母以孝稱祖水雲公諱玉治以貞襄公貴封華亭知縣僑儻嚴毅鄉人稱長者考五嶽公諱洪樂施與鄉人有小競輒就取平以君貴封丹徒縣尹妣張氏封孺人而貞襄公者君之叔父也五嶽公生子二人其次早夭而君居長君之始生貞襄公聞其啼聲喜曰是兒必貴暨長穎敏不詳貞襄公時或向客以書旨試之君應聲而對每有奇語貞襄公令華亭時延楊南石授之舉業聞讀史能掩卷預料其成敗不爽嘉靖戊子君以儒士入試遊泮

貞襄公守姑蘇君又從學吳門公試州邑士令君閱卷可否稱公意嘉靖甲午中江西鄉試明年乙未登進士張公龍湖爲座主薦考庶吉士君避嫌不赴尋授丹徒令過泰州訪心齋王先生講萬物一體之學遂師事之蒞任之初節浮費均徭役招流氓墾荒業督學某欲開黉校泮池適有豪民訪君令其竭疏鑿之力以贖罪不三月而功成民畏君廉明不敢玩如此昭聖太后梓宮附顯陵由真楊邇九江而上撫院歐公石江屬君攝迎送事事悉辨而民不擾歐公大

人文紀畧

行狀

卷九

卷九

喜獎其材丹徒錢糧多虛耗詭譎撫院委君丈量君訪學庠才德之士十餘人又令其擇耆民之行能者數人宴之公堂而相與盟約各盡心公事毋或踰法僅一年而冊完無絲毫微至今丹民守之爲定規撫按交章薦君材四年以績滿詔封父母如其官擢君補刑科給事中九廟火大臣來救者徐徐君糾胡給事李御史劾之忤旨廷杖黜建平丞抵淮陽聞封君計奔歸終喪事貞襄公守平陽負謗下詔獄君輒趨都下而貞襄公事白君補曲周丞陞國子助教庚戌

虜犯京師君分值守安定門卽以矢射二虜虜不敢
過安定門肅皇帝親見之問爲誰對曰國子助教也
上曰何不作兵部官明日擢君爲兵部職方司主事
值貞襄起爲兵部侍郎君改禮部祠祭轉儀制司郎
中南野歐公爲大宗伯憲宗藩祿糧難繼因詢王府
人數多少君荅曰郡王凡若干鎮國以下凡若干祿
米歲計凡八百五十三石歐公知君之精練也令具
王府事宜君輒疏祖訓有六世以下授奉國中尉之
文因依次降殺宗女則授縣君鄉君之號宗堦視文
人文紀畧 行狀 卷九

後成敗或警報至公必召君策之凡章疏多君具稿
公嘆曰物忌芳潔人患多材吾懼汝之不能久內矣
歲甲寅各王府萬壽表該吏以誤益字罪及君君受
廷杖歸明農清溪之庄每念水雲公五巖公常欲徙
居城北而未之逮也因易名雲坊鼎建安貞堂四親
祠於左右以祀高曾祖考而張安人當歲戊午卒奉
柩葬于虔之儲山壬戌之歲又以五巖公葬穴稍偏
哀苦改正迄癸亥冬則貞襄公棄世矣君竭力營辦
殯斂如所以喪五嶽公者其塋則在千里之仙女塘
人文紀畧 行狀 卷九

職官銜女視命婦就王府謝恩不必赴京又以宗室
犯罪有輕重盡送高牆內臣押護官眷甚爲不便請
各處建開空宅如高牆制處之又以縣官間有被宗
室欺毆者職守輕而無法制也盡令以後生子通狀
該府州縣而請名請封之日須該府州縣係結禮部
方與題請又以庶人宗室祿米過於中尉如江西河
南等處各府庶人萬三千有幾故其間亦有樂犯法
而爲庶人者歐公多是之請爲定制焉君時過侍貞
義公公每與論邊事君歷歷談其要害與將材長短

童子歌之聞者深有所感丁卯春心齋季子視過訪君處之皆春園朝夕講究而仲子璧以已已夏持心齋語錄來君同蓉山董君燧歐南程君珩訂訛拾漏別爲語錄年譜二書而宋君陽山暨汝霖又爲之叙文君捐費梓之以傳同志君課教諸郎及親戚子弟則不惜重費至纂譜牒飾祀典歲荒則倡義穀以活族之貧乏而宗祠則欲捐資以葺故雖志未就而其惇崇之誠可掬矣君王黃筆法而胸次恢擴長於吟咏其律調動輒初唐每興適時輒與親友賡唱不休

人文紀畧

行狀

姜

卷九

穆宗皇帝登極詔致仕今皇帝登極詔進中順大夫已日之冬君病痰濕延師醫療者四年癸酉之秋八月十一日病劇十二日卯時捐館先是余與陳君西塘同省之君氣息已急而志尚不亂非其識與力有過人者能然哉嗚呼世恒謂材難非材之難而所以用其材者難如君者抱奇氣負美材出自名家早登仕籍亦既罕矣卒乃遇而不遇用不終用豈亦有數存乎其間而高明柔克君尚未究竟耶君卒之月餘其門第有善詳君之行實而求余爲之狀余故掇拾

君之大畧乃其遺美纓纓作者必能爲之誌焉君生弘治丁卯六月二十二日丑時享年六十有七娶杭溪王氏封孺人又娶副室李氏饒氏子五長棟石阡知府娶曾顯序班女次杆邑庠生娶宗聖後裔曾晟女俱王出次粉邑庠生娶廬陵長沙同知賀沂女幼桴聘黃州判府蕭浩女皆卒出次校邑庠生娶泰和生員康誼女饒出女五長閨秀王出適太常卿陳君慶之子生員銓次閨秀適廬陵廣東布政張君子弘之子生員雲同三閨秀聘大理少卿宋君儀望之子

人文紀畧

行狀

姜

卷九

之珣四閨秀聘汝霖幼子景舜幼聞秀聘昌樂知縣袁君禮之子晏皆饒出孫男君選棟生君達粉生孫女四一棟生其三皆粉生卜以是年臘月二十六日厝君柩于邑之寶慈十八都鳳形癸山丁向兼子午

豐陽人文紀畧卷之十

於陵李晦修先生鑒定

後漢書卷之編輯

同男 雯七 較

傳

六一居士傳

歐陽脩

六一居士初謫滁山自號醉翁既老而衰且病將退
休於潁水之上則又更號六一居士客有問曰六一
何謂也居士曰吾家藏書一萬卷集錄三代以來金
石遺文一千卷有琴一張有棋一局而常置酒一壺

人文紀畧

傳

卷十

客曰是爲五一矣奈何居士曰以吾一翁老於此五
物之間是豈不爲六一乎客笑曰子欲逃名者乎而
屢易其號此莊生所謂畏影而走乎日中者也余將
見子疾走大喘渴死而名不得逃也居士曰吾固知
名之不可逃然亦知夫不必逃也吾爲此名聊以志
吾之樂爾客曰其樂如何居士曰吾之樂可勝道哉
方其得意於五物也泰山在前而不見疾雷破柱而
不驚雖響九奏於洞庭之野閱大戰於涿鹿之原未
足喻其樂且適也然常患不得極吾樂於其間者世

事之爲吾累者衆也其大者有二焉軒裳珪組勞吾
形於外憂患思慮勞吾心於內使吾形不病而已悴
心未老而先衰尚何暇於五物哉雖然吾自乞其
於朝者三年矣一日天子惻然哀之賜其骸骨使得
與此五物偕還於田廬庶幾償其夙願焉此吾之所
以志也客復笑曰子知軒裳珪組之累其形而不知
五物之累其心乎居士曰不然累於彼者已勞矣又
多憂累於此者既佚矣幸無恙吾其何擇哉於是與
客俱起握手大笑曰置之區區不足較也已而歎曰

人文紀畧

傳

二

卷十

夫士少而仕老而休蓋有不待七十者矣吾素慕之
宜去一也吾嘗用於時矣而說無稱焉宜去二也壯
猶如此今既老且病矣乃以難強之筋骸貪過分之
榮祿是將違其素志而自食其言宜去三也吾負三
宜去雖無五物其去宜矣便何道哉熙寧三年九月
七日六一居士自傳

四朝國史本傳

歐陽脩字永叔吉州永豐人四歲而孤母鄭氏親誨之學及冠嶷然有聲宋興且百年而文章體裁猶仍五季餘習鏤刻駢偶洪湏弗振士因陋守舊論卑氣弱蘇舜元舜欽柳開穆脩輩咸有意作而張之而力不足韓愈遺藁閱於世學者不復道脩游隨得於廢書篋中讀而心慕焉晝停食夜忘寐苦志探賾必欲并轡絕馳而追與之並舉進士試南宮第一擢中書西京推官留守錢惟演器其才不授以吏事脩以

人文紀畧

傳

三

卷十

故益得盡力於學入朝爲館閣校勘范仲淹以言時事貶在建多論救司諫高若訥獨以爲當黜脩詒書責之謂不知世間有羞恥事若訥上其書坐貶夷陵令稍徙乾德令武成節度判官仲淹使陝西辟掌書記脩笑而辭曰昔者之舉豈以爲利哉同其退不同其進可也久之復校勘進集賢校理慶曆三年知諫院時仁宗更用大臣杜衍富弼韓琦仲淹皆在位增諫官員脩首在遷中每進見勸帝延問執政咨所宜行旣多所張弛小人翕翕不便脩慮善人必不勝數

人文紀畧

傳

四

卷十

爲帝分別言之又上朋黨論其略以謂小人無朋惟君子則有之小人所好者利祿所貪者財貨當同利之時暫相黨引及見利而爭先則反相賊害雖兄弟親戚不能相保故曰小人無朋君子則不然所守者道義所行者忠信所惜者名節以之脩身則同道而相益以之事國則同心而共濟終始如一故曰君子有朋紂有臣億萬惟億萬心可謂無朋矣而紂用以亾武王有臣三千惟一心可謂大朋矣而周用以興蓋君子之朋雖多而不厭故也脩天性疾惡論事無所回隱人視之如仇而愈奮厲不顧帝獨獎其敢言面賜五品服顧侍臣曰如歐陽脩者何處得來同脩起居注遂知制誥故事必試而後命詔特除之奉使河東自西方用兵議者欲廢麟州以省餽餉脩曰麟州天險不可廢廢之則河內郡縣民皆不安居矣不若分其兵駐並河諸堡緩急得以應援而平時可省轉輸於策爲便由是州得存又言析代岢嵐多禁地廢田願令民得耕之不然將爲虜有朝廷下其議久乃行歲得粟數百萬斛使還會休州兵亂以爲龍圖

閣直學士河北都轉運使陞辭帝曰勿爲久留計有
所欲言言之對曰臣在諫職得論事今越職而言罪
也帝曰但言之母以中外爲間賊平大將李昭亮通
判馮博文私納婦女脩捕博文繫獄昭亮懼立出之
兵之始亂也招以不死旣而皆殺之脅從二千人分
隸諸郡富弼爲宣撫使恐後生變將使同日誅之與
脩遇於內黃夜半屏人告之故脩曰禍莫大於殺已
降况脅從乎旣非朝命脫一郡不從爲變不細弼悟
而止杜衍等相繼罷去脩上疏曰此四人者天下皆

人文紀畧

傳

五

卷十

知其有可用之賢而不聞其有可罷之罪小人欲廣
陷良善必指爲朋黨欲動搖大臣必誣以顛權蓋善
人少過唯指以爲黨則可一時盡逐今四人一旦罷
去臣爲朝廷惜之於是邪黨益忌脩因其孤甥張氏
獄傳致以罪左遷知制誥知滁州居二年徙楊州穎
州復學士召判流內銓時在外十一年矣帝見其髮
白問勞甚至又有詐脩爲奏乞汰內侍爲姦利者其
羣皆忿怒譖之出知同州帝納吳充言而止遷翰林
學士於是富弼韓琦復用慶曆故臣稍集士大夫知

天子有致治之意相賀於朝脩乞蔡州去帝復納劉
敞趙抃之言而止奉使契丹其主命貴主四人押燕
曰此非常制以卿名重故爾知嘉祐二年貢舉時士
子尚爲陰懷奇澀之文號太學體脩痛排抑之凡如
是者輒黜畢事向之囂薄者伺脩出聚譟於馬首街
還不能制然場屋之習從是遂變加龍圖閣學士知
開封府丞包拯威嚴之後簡易循理不求赫赫名京
師亦治旬月改羣牧使在翰林八年知無不言河決
商湖北京留守賈昌朝欲開橫隴故道回河使東有

人文紀畧

傳

六

卷十

李仲昌者欲道入六塔河議者莫知所從脩以爲河
水重濁理無不淤下流旣淤上流必決以近事驗之
決河非不能力塞故道非不能力復但勢不能久耳
橫隴功大難成雖成祇復決六塔狹小而以全河注
之濱隸德博必被其害不若因水所趨增隄峻防疏
其下流縱使入海此數十年之利也宰相陳執中主
昌朝文彥博主仲昌竟爲河北患狄青爲樞密使有
威名帝不豫訛言籍籍脩請出之於外以係其終嘉
祐元年水災脩上疏曰陛下臨御三紀而儲宮未建

昔漢文帝初卽位以羣臣之言卽立太子而享國長
久爲漢太宗唐明宗惡人言儲嗣事不肯早定致秦
王之亂宗社遂覆陛下何疑而久不定乎其後建立
英宗蓋原於此五年拜樞密副使六年參知政事英
宗未親政皇太后御簾大臣奏事間有未可脩必力
抗是非臺諫官至政事堂所論或矯異他執政未及
言已面折其短朝士建白利害及凡所求請必明告
之曰某事可行某事不可行以是怨誹益衆帝將追
崇濮王命有司訂議皆謂當稱皇伯改封大國脩引

人文紀畧

傳

七

卷十

喪服記以爲爲人後者爲其父母服降三年爲期而
不沒其父母之名以見服可降而名不可沒也若本
生之親改稱皇伯歷考前世皆無典據進封大國則
又禮無加爵之道故中書之議不與衆同太后出手
書許帝稱親尊王爲皇三夫人爲后帝不敢當於是
御史呂誨等六人爭論不已指脩爲主議皆被逐惟
蔣之奇之說合脩意脩薦爲御史衆目爲姦邪之奇
患之則思所以自解脩婦弟薛宗孺有憾於脩造惟
薄不脩之謗推辱之展轉達於中丞彭思永思永以

告之奇之奇卽上章劾脩神宗初卽位欲深聽脩
於故宮臣孫思恭思恭爲辯釋脩杜門請推治帝使
詰思永之奇問所從來辭窮皆坐黜脩亦罷爲觀文
殿學士知亳州明年移青州改宣徽南院使判太原
府辭不拜徙蔡州脩本以風節自持旣數困汙巖纔
年六十卽連乞謝事帝輒優詔弗許及以青又以擅
止散青苗錢爲王安石所詆故求歸愈切寧熙四年
以太子少師致仕五年薨年六十六贈太子太師諡
曰文忠脩始在滁州號醉翁晚更號六一居士天資

人文紀畧

傳

八

卷十

剛勁見義勇爲雖機穽在前觸發之不顧放逐流離
至于再三志氣自若不悔也爲文天材自然豐約中
度其學推韓愈孟軻以達於孔氏著禮樂仁義之實
以合於大道其言簡而明信而通引物連類折之於
至理以服人心超然獨驚衆莫能及故天下翕然歸
尊之獎引後進如恐不及賞識之下幸爲閭人管肇
王安石蘓洵洵子軾軾布衣屏處未爲人知脩卽游
其聲譽謂必顯於世爲於朋友生則振掖之死則
護其家好古嗜學凡屬漢以降金石遺文新篇殘簡

一切掇拾研稽異同立說於左的可表證謂之集
古錄奉詔脩唐書紀志表自撰五代史記法嚴詞約
多取春秋遺旨殆與史漢相上下蘇軾叙其文曰論
大道似韓愈論事似陸贄記事似司馬遷詩賦似李
白識者以爲名言中子裴裴字叔弼廣覽彊記能文
詞年十三時見脩著鳴蟬賦侍於側不去脩撫之曰
兒異時必能爲此因書以遺之用蔭爲秘書省正字
登進士乙科念父老不肯仕強之乃調陳州判官終
不行脩所爲文須人代者多出其手脩薨代草遺表
人文紀畧 傳 九 卷十

方禮部員外郎知襄州會布執政其婦兄魏泰恃聲
勢來居襄規占公私田園強市買與民爭利郡縣莫
敢誰何至是指州門東偏官邸廢址爲天荒而請之
吏其成牘至裴曰孰謂州門之東偏而有天荒乎卻
之衆共白曰泰橫於漢南久今求地而緩與之且不
可而又可卻耶裴竟持不與泰怒譖於布徙之潞州
旋又罷去奪校理元符末還朝歷吏部右司二郎中
以直秘閣知蔡州蔡地薄賦重轉運使又爲覆折之
令多取於民民不堪命會有詔禁止而佐吏憚使者
不敢以詔旨從事裴曰州郡之於民詔令苟有未便
猶將建請今天子德意深厚知覆折之病民手詔止
之若有憚而不行何以爲長吏命卽日行之未幾坐
黨籍廢十餘年卒年六十七 史臣曰由三代以降
薄乎秦漢文章雖與時盛衰而藹如其言曄如其光
儼如其音蓋均有先王之遺烈涉晉魏而獎至唐韓
愈氏乃復起唐之文涉五季而獎至脩復起關百川
之頽波導之東注斯文正傳迨步前古匹夫而爲百
世師一言一爲天下法此兩人足以當之愈不極於

用脩用矣而不極其至然國朝文風彬彬至今脩之功學士大夫相與尸而祝之可也

戶部侍郎董逸董公傳 附良史

董敦逸字夢授宋嘉祐八年進士授連州司理叅軍知穰縣徙弋陽有治行遷梓州路轉運判官元祐六年召爲監察御史有與敦逸有隙者或諷敦逸訐其短劾之敦逸曰彼雖不我足其人無害奈何以朝廷耳目官爲私讐地耶言者慚服出知臨江軍久之召爲左司諫侍御史時璵華秘獄成帝命敦逸覆錄罪

人文紀畧

傳

十一

卷十

人過庭下氣息僅屬無一人能出聲者敦逸執筆不敢下報隨等以言勝之乃以原牘上奏曰中宮之事事有所因情有可察臣今開錄其獄竟無能言者得罪天下帝怒欲貶之曾布曰陛下以獄出於近習推治故命敦逸錄問今乃貶之何以取信中外乃止明年出知興國軍徙江州上問曰白鬚御史安在人皆榮之徽宗卽位加直龍圖閣知荆南召入爲左諫議大夫極詆蔡京蔡卞小人不可用遷戶部侍郎子良史字邦蓋宋紹興初屢試諸州皆第一登進士通

判洪州主者怙勢作威福欲妄肆撫拾以動聽將以良史爲證良史直拒之遂請於朝乞避職改判饒州爲尚書監門卒

武岡教授開禮羅公傳

羅開禮字正甫宋咸淳間由胄監登第授袁州路教授尋改武岡德祐丙子元兵侵江南丞相文天祥開督府于閩廣號召天下勤王兵復虔吉諸郡縣首辟開禮知永豐縣事授安撫使仗義勤王兵敗被執不屈囚吉州罵不絕口八日不食死天祥制服哭之曰

人文紀畧

傳

十一

卷十

江南義士倡義勤王者衆豈有公勁氣死節如風霆日星忠烈偉哉提學彭發詩云文山先生真人豪武同書近相賢昂百年感慨付流水荒墟曲洛秋山高

廣東廉訪副使劉公鶚傳

劉鶚字楚奇元皇慶中以薦辟累官秘書郎翰林脩撰國史編脩元季紅巾盜起擢江州總管寇不敢犯尋改瑞州陞廣東廉訪副使奉命守韶再陞閩師加江西行省叅政守韶六年屢却強寇後分兵討洞獠賴寇數萬卒至戰守月餘力盡城陷被執不屈囚于

輒之總雲寺自必死乃書云生爲元朝臣死爲
朝鬼忠節既無慚清風自千古遂六日不食而死當
建浮雲道院以教鄉族子弟學者稱爲浮雲先生于
運字尊元時爲元帥府經歷年二十三同父討賊

宜春學諭唐公術傳

唐術字景行號素行公長身偉貌童年卽能肆力於
學博觀五經子史百家之言凡天文地理星命醫卜
靡不研究長尤刻志勵行時吳文正公艸廬談聖賢
之學著五經纂言公開而往見之授以詩曰聖人本
人文紀畧

傳

五

卷十

無言五經非得已如何百世下駕說日已侈其意欲
舉揚子之說破之文正見而嘆曰善哉言也卽以詩
敬動靜分致其功爲問先生誦敬齋箴以對遂深相
契合講論累數日至正庚寅公就乙榜授袁州宜春
學諭時元季兵亂盜賊蠭起公曰吾鄉素以忠義稱
寧肯混賊輩耶遂仗義率豪雄以圖保障賊首某知
其有爲刦爲盟主不從大罵臨殺從容吟詩云毒虺
妖狐各逞神無端白晝起風塵海濱何處非王土天
下于今有叛民城郭丘墟多白骨聞童稚總紅巾

蒼生日望王師至慟哭玄元定有人詩畢卽擲筆尤
罵不絕口遂被害學士留三吾贊曰慷慨殺身從容
就死二者公兼之矣羅文毅公復爲立傳紀其事

典儒學教陳公雅言傳

陳雅言以字行自幼穎異不群稍長肆力古學一夕
一朱衣人持二竹簡及紫紅冊藥一丸分啗之由是
文思益進元末歲饑寇盜蜂起先生潛居避亂乃著
閑已寒松二賦以見志明朝初平江西縣治始關知
縣劉儀首舉先生典教縣學豐邑人才自是興起時

人文紀畧

傳

南

卷十

有貧民負學田租者三年不能償官徵督急將以一
女鬻二人號泣不忍捨先生聞之卽爲代償以還
女三子皆實而嗜學者若館而教之凡死喪不能給者
往具棺衾葬之前後叔姪甚衆先生身長五立襟度
洒然不爲崖岸其爲學篤實純正得聖賢之要領郡
守鐵公莫公皆以學行薦先生先生以母病不能就
徵嘗草便宜十五事欲上亦以寢疾弗果所著有四
書一覽大學管窺中庸類編書經卓躍行于世

巨子博士羅公學恢傳

羅學恢字師程號雪庵洪武閒以明經舉領崇仁司訓建文庚辰上封事言從祀先聖位次當以道學論今宰予位居十哲有若位居兩廡證諸論孟有若優於宰予宜居十哲而易宰予兩廡公伯寮沮壞門牆不宜從祀遽伯玉孔子之故人今居兩廡十六位次之下於理未當書上會有師命不報翰林修撰吳溥薦入史館同修高廟實錄癸未書成賜宴奉天殿有白金文綺之錫陞國子學錄永樂丙戌三月上幸太人文紀畧

傳

五

卷十

學命坐賜茶賞資優渥擢國子博士乞骸骨歸行李蕭然鬻書買羊以祭宗廟所賜白金不輕用後歲饑以分諸鄉族之貧者吳溥稱其道尊天下楊士奇稱爲江西一人劉子欽稱其心地無媿程朱羅倫書其狀曰清心寡慾修德謹行人咸以爲確論云

秦府長史鄒公朴傳

鄒夢祺

朴公字爾愚新都令孟高公子瑾公從兄洪武辛未河南僉事湯宗以明經儒士薦克開封府學訓導授書周王世子戊寅周邸私造兵器圖爲非軌公上書

切諫且言至上間關萬世成此大業分天下半以王藩國正宜仰體聖衷順理爲善以翊贊鴻基爲子孫無疆之休今此役不罷則子道爲不孝臣道爲不忠疏凡三上忤於周啓楚囚禁數濱于死公志不少變乃遣中官用甘言以說其從已且重具金帛以遺之公皆不顧而其語益峻其忠益堅愈被撈掠畧無畏怖既周邸事覺討叛大臣以章疏聞天子嘉其忠特召至京面訊狀得實即日授廣東道監察御史尋陞秦府右長史踰年遷奉議大夫正長史華除壬午歸人文紀畧

傳

六

卷十

大理寺丞鄒公瑾傳

鄒夢祺

寺丞瑾公字瑾所號鐵峰初名玉潤字功謹父拙存先生奎績學以詩文名公少從遊蜀中遇金華王公紳與語大奇之稱公志篤才敏磊落可喜忠義人也蜀人士皆願與交權洪武二十七年癸酉以經明行修舉授四川巴縣訓導丁外艱服闋補延安府學訓導戊寅用廷臣保薦超拜湖廣按察司僉事尋陞大

人文紀畧

傳

七

卷十

理寺丞時建文初定官制改都察院爲御史府遂以公署府事靖難師起公約同事者二十八人期以身殉國師旣渡江有來約開門迎納者公率同列請誅之不聽事載國史本傳未幾聞金川門不守倉皇與御史魏公公冕執章疏以禦之力陳大義語甚切至遂受械繫文皇正大統命歸死于市妻子俱被戮族屬悉戍邊公被刑時語尤烈嗚呼二公之死烈矣當藩邸構兵生事鋒利焰熾觸之者焦攫之者碎二公各忠所事慷慨立節遑恤其他視鞭朴刀鋸如饑渴

人文紀畧

傳

七

卷十

壁信夫從父魯士有詩哭之因傳錄焉詩曰三章封事上親王逆耳忠言豈喪邦冕錯有心扶漢室伍胥何事棄吳江鼎湖已逝蒼龍遠華表難歸白鵲雙遙想九原明月夜英魂雙璧戀騰芳

監察御史魏公冕傳

魏冕字公冕洪武末由薦辟以布衣召見除監察御史勁直有才名建文初次御史省其員公冕首在留中時論隨之未幾奉命巡廣東一時名士咸爲歌詩以壯其行方正學稱其學優志美抗章論事多所裨益靖難師渡江公冕至自廣值金川門不守或謂之宜悉迎附公冕正色厲聲曰使吾等改其臣節必不爲世所容徒自壞名節耳遂與鄒瑾同被戮

詹事府少詹魯公際傳

曾際字子際號西墅永樂甲申進士第一人廷試策萬餘言凡天文地理禮樂刑政古今載籍援括殆盡自開科以來語學問淵贖敷奏詳明未有如公者文皇帝覽而奇之親題其卷曰貫通經史識達天人有忠愛之誠擢魁天下昭我文明等語授翰林修撰帝

又命解繙簡進士二十八人同祭入文淵閣名翰於庶吉士入見諭之曰人須立志志立則功就未有無志而能建功成事者爾等拔千百人中爲進士又拔進士中至此固皆今之英俊然當立心遠大不可安于小成爲學必造道德之微具體用之全爲文必並驅班馬韓歐如此立心日進不已未有不成就者古人文學豈皆天成亦積功所致耳勉之朕不任爾等以事文淵閣古今載籍所萃各食其祿日就閣中玩索務實得于已國家將來皆得爾用不可自怠負朕期人文紀畧

傳

九

卷十

侍之意公學問日進時召入試迅筆千言立就理詞皆到帝每摘羣書隱僻事問公悉能對以故善公公名聞天下明年修大明會典爲副總裁陞侍讀數侍燕閒應制賦詩有薦文士者必問得如曾榮否邑人坐好黨詞及公詔特原之曰朕惜爾才也公居長安右門家人不戒于火延及禁垣亦不問陞侍讀學士修天下郡縣志仍爲副總裁預修三朝實錄書成陞左春坊大學士有襲衣寶帶之賜後宣皇帝南還陞少詹事公在翰林三十年兩扈北巡一典京闈三主

曾試再充讀卷官一時名士多出其門晚得免常朝命太醫視疾尋卒宣皇帝甚爲哀悼有三十年小心端確之諭贈禮部左侍郎謚襄敏賜祭葬給舟歸其喪公體貌豐偉襟懷灑落能飲酒善談論闡爽軒豁不立崖岸性至孝友尤善獎拔後進故士類咸愛慕之其文雄渾高潔自解繙胡廣之後獨步當時評之者或謂其百川赴海一瀉千里或謂其如園林得春羣芳爭麗楊文貞稱其排明義理紀述功德足以鳴國家之盛又謂公平生以及物爲心使之臨民必有

人文紀畧

傳

三

卷十

所濟借仕三十年徒以文學自見袁袞曰明興劉宋以宗工司制代言文體渾厚繼以東里溫醇雅則有歐陽少師之風子孫天才雄麗倚馬萬言其文如蘓長公浩如懸河注之不竭詩古體有魏晉風律宗初盛唐一代之鴻匹也

處士居學先生傳

鍾復

先生姓黃氏字厥居先世家野溪之楓坑世業儒尚清白授徒隣邑者無筭先生少穎敏出流輩從鄉先生游日記千百言詩賦駢麗不煩郢削有命授筆立

就沛然流出胸臆無窘迫之態先大父見而奇之遂以子妻焉既壯教淑生徒循循啓迪學者樂從之游往往有所造就以故人爭趨之不計遠近家居力學不倦未嘗以人之趨向爲已足因以居學顏藏修之軒予過而問曰先生之學博洽古今發而爲詩清新雅麗肆而爲歌浩瀚而無津涯對偶之文精切而快人心就學者無虛日禮請者無虛歲在他人以爲至矣尚何佚於學乎先生曰不然予言過矣學無終窮天下萬事萬物之理不能以盡格古今聖賢百家子人文紀畧

傳

三

卷十

是書爲居學先生傳俾覽者有所興起云

監察御史鍾公同傳

鍾同字世京翰林鍾復之子景泰二年舉進士三年冬爲監察御史遇事輒抗言無所忌每念易儲事獨坐深思慷慨流涕景泰五年天變詔求直言同奏以朝見南宮復還儲位爲重以稿示都御史劉廣衡曰逆犯龍鱗者必死止之既有旨命廷臣集議竟無一人言者退語儀制郎中章綸曰復儲一事吾當以死諍之遂泣下綸亦感激壯其議九月已未疏上詔下人文紀畧

傳

三

卷十

贈大輝寺丞官其二子憲宗末年詔誥恭慈初安福
劉公球奉詔上封事約同館鍾公復偕鍾疏成爲妻
知泣勸而止明日球如鍾鍾已它往妻從屏後曰爾
自行事何得累及他人乎球驚走且嘆曰鍾固謀妻
孥耶遂獨舉未數日鍾悔恨不遂其志疽發背死妻
亟悔慟每號輒曰早知若是盍與劉侍講同死耶公
聞之以問母母告故公懷忿誓必伸父志後十二年
謀復儲事死入祀郡忠節與劉公聯坐云

翰林修撰羅公倫傳

人文紀畧

卷十

三

十

羅倫字義正號一峯武岡教授開禮之後年七歲過
讀童蒙諸書甫十四卽授徒于鄉以資養莊重嚴毅
師道卓然十五補黽庠弟子員卽勵志聖賢之學嘗
曰舉業非能壞人人自壞之耳知府張瑄嘉其學行
命有司周其貧倫謝不受丁內艱居制如禮景泰丙
子領鄉薦癸未赴春官場屋災倫扳垣呼曰吾平生
無毫髮得罪於天今乃至此如吾親何須臾垣上一
老人以杖提而出比召老人謝之不見未幾丁外艱
奔走執禮如初成化丙戌登進士第一廷對萬言指

切時弊中引程正公言人主一日之間接賢士大夫
之時少親宦官宮妾之時多執政欲節去下句公不
從拜官翰林修撰會內閣大學士李賢遭喪朝廷留
之倫詰其私第告以不可賢始以其言爲然既數日
倫察其無去意上扶植綱常疏歷陳古今起復之非
且曰如其不然必準富弼故事終喪劉拱故事言事
反復數千言遂謫泉州市舶提舉公雖見逐而士論
益榮之自是臺省少起復者明年召還復修撰改南

完時友人章懋莊景黃仲昭陳莊同官於南相與講

人文紀畧

卷十

三

十

明道學慨然有繼往開來之志自楊東里作相以百
官祿薄令得受皂隸錢自是遂以爲例獨公不受公
名重天下所至人必相率而觀之雖武臣俗吏皆知
敬仰有奏事者詞連公法當下錦衣獄鎮撫官曰羅
先生可至此乎卽日鞠成讞之公遂得免尋以疾辭
歸辟金牛書院開門授徒日以註經爲業結茅棲息
取給隴畝往來其樵牧若無意於人世者景家以四
禮敦勉族屬申以律令治喪痛革浮屠人多化之平
生嗜學好古篤志力行避惡若涅聞善若驚高世

之識推其意自以天下事無非其所當爲者嘗欲倣古置義田以贍族人或助之堂食之錢謝不受或衣之衣遇乞人死於途輒解以覆之客晨至留飯妻語其子曰瓶粟罄矣之旁舍干之比舉火日已近干亦曠然不以爲意在金牛作二銘置諸座右陳曰靜觀西曰正密四方振衣來學者曰衆戊戌九月卒於金牛洞年四十八歲疾革時示門人曰人之爲學易實之際始驗怡然而逝自御賜袍服外他無所存至不能爲殮門人故友助以衣冠始克葬悼祭者日數百

人文紀畧

卷十

三

卷十

人四方赴弔者三載不絕新會陳白沙曰世之知倫者不過以其奇偉之節果敢之氣滂沛之文而已至其聖賢之學經濟之材心之所欲爲而力之所未逮皆未盡知也又曰倫才大不及志其青天白日足稱云莊定山曰孤忠大節文文山爲宋一人高風直氣羅一峯爲今一人所著有五經疏義一峯集行於世正德十六年詔贈諡德謚文毅

翰林修撰劉公素傳

劉素字貞白永樂丙戌科探花及第歷官翰林院編修修撰致仕先生學問老成文辭典雅暮年家居惟習靜潛修狷介自守每當大比之年屢馳禮幣聘典文衡者先生力辭不出尋卒于家著有詩文若干卷

刑部郎中朱公瑄傳

朱瑄字邦升別號犀瑞公生之先夕家庭中心地忽起土痕二三分許宛然若犀牛狀卽旦而公誕焉因取爲號云公頭頂崢嶸自幼莊重不與凡兒伍一入

人文紀畧

卷十

三

卷十

小學過目卽識悟無復忘失暨遊邑庠超出羣倫適應舉革除間兩薦鄉闈入貢監永樂丙戌試春官遂魁進士第一廷試得賜臚唱出身之首成祖重其才嘉其文并喜其同姓居首選特旨破格例命並一甲宮遊以示寵異拜官翰林同修大典典成錄功超授刑部福建司郎中職修政理拜封父如其官母封宜人當在翰林時與學士春雨解公出入禁庭齊芳並譽稱同朝青瑣兩晉志欲乘文明之運大爲建樹而春雨公迺被譴去公亦遂上疏乞致政歸田雅尚靜

澹若布素儒然相知往來觀物談道撫景暢吟
宰邑侯之庭長年不得有其跡口不珍味身不疊
居第仍舊貫恒產未踰百貽後惟彰彰一清白吏之
名若公者可謂急流勇退真不愧古之賢大夫也已

翰林院修撰鍾公復傳

鍾復字弘彰號雲川十五領鄉薦宣德癸丑探花及
第授翰林編修陞修撰兼經筵講官先生學識淵博
文思浩翰夙抱忠義之心時宦者王振擅權先生憂
憤會雷震奉天殿鳴吻詔求直言先生與同館劉公
人文紀畧

卷十

卷十

球相約上疏稿既就爲室人所知堅持不果後球疏
入爲王振所殺先生曰與球共事而不得與球共死
憤發疽背而卒室人悔之每哭必曰早知如是何不
令與劉公共死也其子恭愍公同年甫七齡問得其
故泣曰王振奸賊父所欲爲者吾當任之後果以
其諫復皇儲杖死于獄

翰林編修張公唯傳

張唯字思魯曲江張九齡後裔洪武十七年隨任蘭
陽以官籍中河南解元明年登進士授翰林編修時
上銳意文治創文華堂選朝士俊少者侍太子講習
而俾學士宋濂授之經唯於儕輩中獨穎拔凡所製
作多稱上意賜宅丹鳳門內出入禁闥時閱江樓成
命記之上讀之甚喜語濂曰張唯爲卿弟子異口當
不在卿下嘗命攝御史事彈劾不已樵貴奏對稱旨
賜鞍馬寺簡

人文紀畧

傳

卷十

卷十

監察御史陳公衡傳

陳衡字紹隆永樂辛卯進士授御史歷官三十年經
按廣東河南陝西三省丰裁表著秩滿遂自引去居
家布衣蔬食無一壺之殖以遺子孫薛文清公稱其
論列時宜推誠疑獄按歷藩岳疏通明慎而清白之
德如良玉瑩潔其爲人可槩見矣

刑部郎中湯公懋傳

湯懋字器之由選貢中順天庚午鄉試景泰二年進
士授行人奉使交趾陞北刑部員外練達慈祥凡滯

獄不能決者多與雪釋尋陟本部正郎尤清廉剛介
居官二十餘年布袍疏食依然一寒士爲鄉評推重
五經博士魯公袞傳

魯袞字世宗嘗師事安成鄉文莊同邑聶貞襄由貢
授句曲司訓陞醴陵諭敎縣令所至皆以講道淑人
爲務自攸入覲還以宗聖蔭補五經博士攸人復迎
任不得涕洟而返爲立生祠著去思碑遂遷山東卒
年九十而終

貴州叅議張公鏜傳

人文紀畧

卷十

又三

卷十

張鏜字汝揚隆慶戊辰進士筮仕爲東莞令完民強
悍公首行鄉約躬倡導且修饅臚以防海寇用是民
安盜息遷南北工曹以薦授湖廣江防僉憲除器練
兵犁然有法陞貴州叅議乞休歸奉太安人林下熙
愉一十餘年公平生愷直明爽居官居鄉不失真性
壽考而終

雷州同知劉公彬傳

劉彬字素彬號肅庵自幼與一峰先生同志成化辛
卯公舉於鄉一峰以書告之曰幸脫科舉之累可以
研磨義理矣過去之日長將來之日短毋枉過此生
也公勵志問學直欲無媿古人登成化戊戌進士授
廣東程鄉令首教化嚴禁令置義田因立濂溪書院
與諸生講明正學九載遷去民懷其德立生祠以祀
之既而以雷州二守乞歸與白沙先生請學碧玉樓
中白沙以詩送之有一簑歸去釣秋江花近漁舟水
亦香之句湛甘泉爲公作傳言古之談交友者管鮑
雷陳至矣然未有以道義相勗如羅劉二君者也又
曰一峰名滿天下而肅庵號不出鄉省用亦不究其
學蓋憫而弔之云

處士亶齋先生傳

聶豹

亶齋者何豹之族祖父信古先生別號也先生爲汝
端公季子諱亶字信古以字行自少端重不類羣兒
卓然有古人之志及讀小學酷愛之歎曰了此古人
不難學盡誦夜思久之若有所得而六經無疑義也

年十七八以行誼爲宗黨所推凡宗黨簡養蒙之師之賢者非賣齋不可然先生素自重非其人雖數十金不屑就以是益爲宗黨所推歲先幣爭迎迎而得之師訢然幸豹幼時竊嘗矚先生於書齋之隙先生端坐如泥塑人羣數十童子寂若街枚凜乎神明臨之也故凡童子出先生之門者端拱循默書聲朗徹字畫楷正稍長皆能道孝弟忠信禮義廉恥等事從叔祖定賢公嘗曰吾今七十矣夢寐見賣齋猶惕然懼先生家極貧隆冬躡屨絁袍四十年不易其敝徒

人文紀畧

傳

无

卷十

以菽水每得乎親之歡心而宜兄宜弟怡怡如也三年之喪悲號頓絕蔬食水飲慘怛骨立見者悽然每時祭對越祖考輒流涕凡族有伯叔父及伯叔兄弟之喪不踰旬不御酒肉見人有爲不義疾之如讐雖極富貴人必折之縣令王公昂豐之循吏一人耳嘗慕先生之風而致之一見不可得乃鄉飲輒詣先生廬拜而賓之而先生亦屢辭不往且曰孝友睦婣任恤吾有一行可風鄉人乎無一可風鄉人而賓之是辱鄉飲也縣役夫夫之長必排門敝丁例也乃夫長

不義爲先生所折竟坐役先生先生操箕鉦以左右啓王公曰鋤庭草者非信古先生耶王公愕然趨庭下親扶先生拜而謝之而且罪報者先生曰往役義也罪之過矣先生自守之分類如此聞子先大父與公嘗曰邑有古君子二劉彥剛之外惟吾信古也今雖兒童走卒皆知其名然彥剛無後先生之後不絕如綫謂天道福善是耶非耶予觀伯夷傳而益信司馬氏之言可徵也豹曰予讀魯論至孔子曰吾未見剛者乃竊嘆吾賣齋公不幸而不爲夫子所見

人文紀畧

傳

幸

卷十

耳先生聲色貨利秋毫不入于心謂之剛非歟若天道報施每垂其常智者弗論焉

處士劉公霖傳

劉霖字濟之號中山肅庵先生季子也年十二從父宦鄉鄉見白沙先生欲師之肅庵曰汝方習舉業白沙豈課倣師耶邑士楊榮夫即一峰白沙高弟可師也遂歸而師焉然厭薄舉業勉爲時義補邑庠生已而省侍程鄉過年減友張解元紹齡乃介禮白沙之門留而受業者數月別贈以詩曰扶君直到源頭去

七尺芙蓉贈一莖且曰他日不到源頭還我芙蓉杖也公由此篤志聖學嘗爲崇正會與諸生講求古人所學何事及身心理欲之微晚信會稽良知之說構離明書院優游於中暇則朗誦六經或嘿坐澄心遇會意處輒軒然起舞人不知所爲也先生造詣精邃志行大孚於鄉鄉人好鬪相暴者先生片紙至卽解散有不善者父老相戒曰得無爲中山公所知訟不白於官者質諸先生是非唯唯而退宗黨士友之貧者先生知無不濟義之所在髮膚無所愛聶雙江先生

人文紀畧

傳

三

卷十

生曰中山之學以靜虛爲本體以孝友忠信爲實地以施貧活族正俗化鄉爲實用鄒東廓先生亦曰耄耋嗜學如劉先生其今之衛武乎所著有中山集

兵部尚書聶公豹傳

聶豹字文蔚號雙江家貧力學舉正德十二年進士授知華亭縣立法行政自其身始首華積習宿循儉法剝民之弊查追私侵蠲征銀一萬八千兩有奇以補民間積逋上下稱快濬滌水利清理餘田以補民間墾荒在邑三年積穀至二十萬石復業民至三千

餘戶先生才既高縣事蜩集應手立判情法允當豪右屏息尤以興學育才爲急時少師存齋徐公在諸生中方弱冠先生試其文卽以台輔期之諸生執經受業入陶冶者後多爲名士召入爲御史才數月三上疏指斥大闕建制及部卿不職皆人所難言者按應天稽察馬政乃往謁陽明王公于越聞良知之說遂銳然以聖人爲必可至其後以書問學王公深歎其任道之勇已乃按閩抑鎮守中貴之冒費劾罷建漳守令之貪黷計擒海上鉅寇而於民間蠹惡情狀

人文紀畧

傳

三

卷十

暖昧有人所未聞而先生捕鞠之威伏其辜衆稱神明建養正書院羣諸生教之刻大學古本傳習錄以明正學時權貴嫉之出爲蘇州守治蕪視華亭益嚴繪二十四孝事蹟于壁以風百姓開講學道書院連丁內外艱家居踰十年以薦起知平陽府先是謀言欲侵平陽而府庫耗竭乃多方措畫大修關隘增城浚濠募兵製械果入鴈門趨平陽既有備又陰遣間詐泄事機大驚遁去陞陝西按察司副使備兵潼關上疏乞休會時宰入謗者言坐平陽事被逮

下獄事竟白落職家居嘉靖二十九年○犯都下用薦召爲巡撫薊州都御史轉兵部侍郎巡九門條奏六事語皆切要時仇鸞怙寵請調宣大兵入衛京師意在弱二鎮以納○先生疏諫四庫謂宜固守宣大宣大安則京師安尋陞本部尚書嚴禁請托叅論債帥所條奏建立皆戎政邊防至計累進太子太保值倭夷數擾閩浙吳郡御史趙文華請視師祭海神未隆禧請差田賦開市舶先生上疏極言非便忤旨得致仕先生患當時學者卒以知之發用爲良知落支

人文紀畧

傳

三

卷十

生若不聞門人父老送之無不流涕先生神色不動第抗手而別羅文恭公見之大敬服至是聞未發之說深與契合先生長身玉立操履峻潔而丰采凝拔如孤峰屹峙超特不群望之令人歛服雖位列大卿而神思靜逸有飄然巖壑高舉物外之氣尤喜崇尚節義表揚先輩嘗念歐陽公後裔留潁上力求得之攜歸守公祠墓又疏請羅文毅贈謚訟復會襄敏遺骸諒莖高僉憲暴骨士論至今德之所著有致知議畧良知辨○居答述困辨錄大學臆說行於世年七十有七卒隆慶元年詔贈少保謚貞襄

人文紀畧

傳

三

卷十

處士楓山先生傳

吳成字九成號楓山徙居郡城少有大志不與時輩爭遂爲諸生嘗試高等○書廩爲舞文吏所更成知而不言後吏以賊敗亦竟不言人以此多其長者久之行誼益著家貧甚當道欲廉之辭不受嘗與工書即周君仕友善周饒于貲欲以別宅居成庖廩器用皆備成不可曰子欲養我乎士固各有志也已而故廬災乃葺茅屋數椽日與生徒講學談藝因題其柱

日植木留春住編茅待雨過絕無富貴利達之念所
著有平園雜錄若干卷司馬聶公亟稱其賢念庵維
先生嘗贊其像蓋愛而慕之云

天台令鍾公紐傳

鍾紐字千鈞領嘉靖戊子鄉薦性資簡重真率居家
篤於孝友歷涇信宜天台三縣清介自守愷悌愛民
三任十年不調而恬澹如一日卒天台官舍貧不能
殮台守親爲治棺卒之日百姓爲之巷哭士大夫挽
詩有孝追乃祖應同傳廉到無錢可買棺之句後土

人文紀畧

傳

三

卷十

氏舉祀名宦移文送入鄉賢

大理寺卿宋公儀望傳

宋儀望字望之號陽山更號華陽領嘉靖丙午鄉薦
明年舉進士授蘄之吳縣令吳賦甲東南民黠難理
甫下車首稽民間利病風俗醇疵置義田以甦民困
寬通賦以招流公立義塚以易水火葬之陋俗創文
學書院以祀子游羣邑之雋彥與之講學談藝三年
以治行徵拜監察御史上疏劾大將軍仇鸞陳時務
十二策出按河東鹽政持法無所徇創河東書院講

河汾宗旨以示學者尋移疾歸痊起復爲御史疏邊
事六弊二難劾督撫貪婪狀忤時貴謫夷陵州未任

陸潯州兵備潯人畏懷轉大名兵備移監陶軍
兵威繼光合笑破倭無何有脩怨議謫者乃歸理南
村書屋爲歸老計會邊事急用薦者言補四川僉憲
陸副使視福建學政惟引臥碑廸正道崇正學兩言
以爲條約已而內艱去復叅福建省政佐大僕大理
巡撫南直隸九郡時海警稍懈公獨與兵使王叔皋
陳器練兵未幾倭夷突至卽遣舟師破之捷聞賜白

人文紀畧

傳

三

卷十

金文綺陞副都御史尋陞南大理卿改北會奏鹽徒
事議不合乃毅然乞骸不報而歸日與耆舊賦詩談
學居數月俄而易簣天子嘉其忠勤勅諭祭先是
廷議王文成公從祀衆論不決公著爲或問大意謂
堯舜開精一之傳未嘗求理於物恪心於外孔門大
學一書首言明德卽吾心之靈覺故明德之功要在
致後儒誤訓致知爲推極其知識殊失大學知本之
旨故主公指以示人曰所謂致知者乃致吾心之良
知而非以知識先也持論甚當公生平事親孝奉兄

謹凡宗黨朋儕姻戚被惠愛鄉評謂其篤於五倫
至于汲引後學意尤殷懇士類至今德之所著有華
陽館集督府奏議藏于家

太常寺卿郭公汝霖傳

郭汝霖字時望號一崖嘉靖癸丑進士授行人選吏
科給事中上平倭十事又疏論邊防時務所言皆鑒
鑒可行尋轉刑科右給事中會琉球國世子請封公
奉璽書往賜玉帶一品服先是使外國者正副使各
冊費各數千金公弁之以便氏祿年至琉球成禮中
人文紀畧 傳 卷十

山王饋髮蹄黃金不受往還凡三年始報命而琉球
使者亦具言公辭金狀上悅賜白金紵絲旌之陞光
祿少卿改順天府丞會督修通州灣城議者謂非二
十萬不可公力裁之費止三萬有奇數越月而工竣
人皆奇之公曰是何足奇吾第能禁中官清吏胥乃
無溢費而事易集耳詔陞俸二級公上疏請發內帑
寬征徭以甦畿輔民報可改大理少卿陞南太常卿
乞休歸公性孝友敦睦既歸惟獎教族屬子弟接鄉
人飲以和少嘗師事東廓南野二先生至是建太極

書院祀羅文毅公以勵後進與邑士舉敦復之會於
螺獅庵中又時往青原螺川與縉紳先生切磋不倦
晚喜參內典已卯冬病革無語及家事第命其子曰
和以睦親無忤謙以處已無亢儉以制用無靡又寄
同郡諸公共勉於學公死生之際如此

太常寺卿陳公慶傳

陳慶字履旋號視軒初號西塘御史陳衡之孫自少
苦心績學成嘉靖庚戌進士拜大行陞刑科給事中
疏處重地餉道効奏操江不職已而出守衛輝人曰
人文紀畧 傳 卷十

衛衝慶必不任比至率真摠誠省刑緩賦會歲大祲
賑救多所存活陞浙江溫處兵備人又曰儒不習兵
比下車選將練兵繩違督廢時倭寇閩界逼近甌括
且歲當除暮公親冒矢石爲將士倡賊聞之遁去又
密與諸材官計度水陸險夷積儲粟市馬益艦未
幾倭果擁衆至觀兵撫臣亦至公親策諸軍夾攻人
殊死戰獲首功輜重無算收回被掠男女千二百餘
口處人懽聲雷動謂自嘉靖乙卯以來差爲東南生
靈吐氣提聞賜銀幣加爵二級超遷山東按察使歷

陞粵西左布政使是歲連職會參皇帝冊立京師
外臣卓異者悉如內秩得誥贈三世二品尋晉太常
寺卿卿固重臣有以它途克儀部者屬視之公特疏
申明職掌又修寺志著爲令在寺兩侍穆皇帝郊天
賚予甚厚未幾以疾乞歸萬曆初年撫臣有薦其才
堪起用者竟以疾不果公歟歷中外垂二十年身事
四朝年滿入褰乃得完名令終邑人譚仕進之榮者
於公有餘羨焉

布衣梁公汝元傳

人文紀畧

傳

元

卷十

梁汝元號夫山少補邑庠生聞王心齋講學慨然亦
以道自任率同族建聚和堂立率教率養輔教輔養
之人各董其事延師禮賓以訓鄉族子弟計畝收租
以贍公家糧稅捐千金之貲創義田儲公廩以待冠
婚喪祭鰥寡孤獨之用數年之間幾於一方之三代
矣惜其負氣過高卒取奇禍後更號何心隱浪遊南
北所至聚徒講學常數百人於楚孝感建求仁會館
與楚侗歌公二蒲程公往來商質咸稱其賢聲名大
著生平立身太峻持論復侃侃每爲縉紳所忌因與

應城李義河有論學之忤往會江陵言復不合江陵
語人云此人如有欲飛不得之意公亦云此人他日當
國必殺我語稍傳播偶攻江陵者首吉水鄒公江陵
遂恣吉安人當事獻媚遂以僞學惑衆緝訪楚獄其
徒聞關犯難有東漢之風斃杖之日門人胡時和抱
屍痛哭全楚上下識與不識咸稱其冤叔堯孝感程
後臺墓中會館買田立祭非素行相孚而能然耶公
著述甚富當其揭榜通衢毀板嚴禁遂致不傳可勝
惜哉行詳李卓吾先生焚書何心隱論并答鄧定石

人文紀畧

傳

早

卷十

歐羅二孝子傳

歐實性至孝父喪廬於墓側一日里人格虎虎投廬
實以褰衣覆之里人問曰虎突入汝廬乎實曰虎非
廬中可參者頃見逸去矣里人追之虎得脫去越三
日虎啣白鹿至逡巡若有謝意實烹其鹿祭於墓人
謂孝感所至

羅宗仁字建善痛祖開禮死於元兵遂不仕元延祐
間其父庭椿爲鄉寇所害嘗廬墓枕戈待旦不御酒

肉者七年一日遇寇於途斬其首獻於父墓哭泣祭告曰此孤哀子不共戴天之讐今已報矣鄉人道之至今凜然

吳孝子傳

羅倫

吳孝子代父死者四十餘年矣湖西羅倫聞之乃爲之傳曰孝子名駒字彥驤南豐石油里人石油之吳稱自唐始至孝子而著孝子孝友天至讀書通大義頗工詩日侍父母左右飲膳必躬視之昏定然後就寢諸弟則之幼稚狎侮者必訶之或曰幼也孝子曰

人文紀畧

傳

望

卷十

其幼乎吾聞曾氏之家幼者不啻人其天性然乎有鬻田于從兄彥質者兄辭以寡孝子代鬻之歸其田于兄初孝子父潮宗以茂才授政和令改海陽令歸宣德丁未傭里人孫住給力其家一日孝子出外里胥彭文杰曰孫一吾籍甲也誘而縛之潮宗覺率諸子拒之門毆文杰致死法坐潮宗孝子曰吾父老矣吾弟幼且無後自請告曰死文杰者彥驤也令難之孝子曰以子代父何不可乎況殺人者實彥驤也非吾父與弟也令憫而代之孝子日侍父獄中朝夕起

居猶荷校以立父出獄人曰孝哉吳氏之子乎或有感而泣下者居二載會有詔識疑獄行在所孝子在行中行至淮安病卒年且六十一矣時辛亥六月日也余至廣昌太守饒公秉鑑曰孝子之事吾猶及也揭紳曰彥驤純孝人也可使其無傳乎時長樂謝公士元守建昌聞曰是可風吾民矣乃表其閭而復其家史官曰世以孝聞者或刳肉一竊廬墓三載遑遑稍變天地誠動鬼神况以身代死若彥驤者乎其與日月爭光也宜乎嗚呼爲臣死忠爲子死孝若吾彥驤者天網人紀賴以立也世可少斯人哉

人文紀畧

傳

望

卷十

羅氏雙節傳

羅節婦曾氏湖西羅厚妻諱溥秀按察副使鼎之女年十九歸厚四年而厚亡舅姑令其改嫁曾泣曰吾生爲羅氏婦死爲羅氏鬼若令改嫁有死而已自是舅姑不復敢言遂終其節婦少通烈女傳知文史善詩律有哭夫詩百首成化間詔旌其門

羅節婦王氏湖西羅清律妻王自樂安來歸年二十五而夫亡苦志撫孤後孤夭志益堅忍人或諷之嫁輒泣曰一婦而兩夫雖爲鬼可羞也撫姪爲後史官

人文紀畧

傳

三

卷十

張元楨傳曰節婦忍死爲其夫奉親立後以繼夫祀歷四十年艱苦萬狀無負禮義之族矣方之丈夫有取日虞淵之功焉弘治間與前曾氏並闕於朝表爲雙節

湯節婦傳

湯節婦聶氏西坊湯懋建妻雙溪聶紡曾女年二十一夫亡遺子才節甫三月苦節撫孤且勤紡績以奉舅姑歲時祭祀如禮壽七十餘聶貞襄有歸湯一載生孩三月誓不二天甘死一節之贊邑侯陳公贊亦

有節久彌光之扁

貞烈序

聶豹

克健斯順克恒斯貞克死難斯烈婦修此三者斯全也故婉阿曲從非順也暫勉久渝非貞也偷生苟免非烈也惟夫死不嫁從一而終逆命不能奪屢空不能移斯可謂之順而健耳行不墮於晚守不易於終寒黎薄席若將終身斯可謂之貞而恒耳白刃可蹈寇亂莫汚生有所不爲死有所不避斯可謂之難而烈耳我豐邑在明時禮樂成俗中外定位頗多純德

人文紀畧

傳

三

卷十

同若多士之在唐虞時節義無所於見也抑有夫而獨居者矣然內有託於家外無難於寇亦無所鳴其貞烈也惟董氏婦袁姓者則其事有可鳴煩諱年十九歸於董君朝紳弘治壬戌七月朝紳游醫于賴之會昌冬十月病終于白澗灘煩年方二十有一妊遺腹者方七月越明年正月而生男即公輅也孺人居喪哀慟終日之死矢靡他父母欲奪而嫁之不可曰妾爲董氏婦矣舅姑懼其鮮克有終欲變其志不可稍因辱以葦之嬾益自勵家衆或有橫逆

若毀其室墜其床肆無道以窘迫之婦亦不撓甚至
匿于隣煩家以避其害短衾煖枕甘如綢繆雖終日
不得炊且克如自足人問之曰朝紳未嘗亡也贊贊
遺腹妾當道之即幸而成人妾之願也即不幸妾分
當與朝紳終始改容再嫁妾恥之正德辛未閩寇至
董氏舉家受禽煩同姑孀囚賊營賊將犯之嬪以死
拒賊欲殺姑以恐煩又請以身代姑媳牽纏于地賊
竟不能辱庠友金子子式亦遭繫在旁憐其苦楚案
槩爲之跪訴于賊口斯嬪也二十年遠良人貧不
人文紀畧 傳 聖 卷一

訓誨以紡緝自給而公輅且成儒駸駸有聲庠序迄
今嬪年七十有二備嘗險阻者五十餘年前後縣令
屢旌其門巡撫吉陽何公特表其閭若節嬪者可謂
不食其言身受其報者矣余故樂爲之傳俾斯世有
所觀感而興起焉
聶氏雙節傳 聶 靜
傳曰天下失道道在婦人子嘗讀其書竊疑其言之
過也已而觀於世然後有以知其然也悲夫悲夫夫
女子之守身猶士之守已也世之爲士者平居無事
莫不談道義而慕風節如張禹孔光楊雄胡廣馮道
之徒既已薄而不爲而管仲之功汲黯之慙李固杜
喬之危言王珪魏徵之直諫猶將有遺論焉及至析
人之圭僇人之爵富貴僅毛髮顧已負初心而回慮
而兄憂患炙其心空乏亂其體禍福有以疑其志乎
夫士者讀書而志道者也其終身所守改易萬如此
而兄於婦人乎孔子曰歲寒然後知松柏之後凋然
殺身於慷慨不如從容以就義者之爲難也求我聶
氏得二人焉
人文紀畧 傳 聖 卷一

楊氏孺人者邑社壇楊氏女先祖瑞公之配也公以督運城磚歸溺於豐城之象牙潭時高伯祖瑚軒年十齡高祖澹樂僅八齡孺人少寡而艾脫棄貴業結茅野處以死自誓事許阡表嗚呼念之痛哉夫以孺人艱貞苦節再造有家邑之人類能言之然有司不以間觀風者無所察遺落表揚晦光泉壤豈力弗能自致耶致之而弗達耶抑有所忌而畏耶夫賤臣叩心庶女告天飛霜震風悉有明驗若孺人者其於天人之際何如哉然自今觀之自瑚公而下三十餘人

人文紀畧

傳

聖

卷十

自澹樂公而下凡六十餘人而仲父雙江暨不肖靜獲以進士起家先大父雲水翁先子五獻俱得受恩命封七品官從弟龍再從兄環及三從弟乾槩錫者咸以業儒補弟子負豈非膏於前者豐於後謂之人定勝天否耶

羅氏者睦岡羅純絳之女年十八婚族父簡秀歸四年而寡寡無子人皆難其守而翁姑父母又陰使人諷之羅氏曰妾以人妻也誰能斷予之頭以遺以人妾即從之已脩棺衾一副復曰此予再適人資裝也

家人知其不可奪咸安之卒未四十父母翁姑俱喪艱貞萬狀甘之如飴嘉靖二十一年巡按御史沈越廉其事檄縣立貞節碑以表其宅焉

碑

唐山縣重修帝堯廟碑

宋儀望

唐山故隸邢郡其西北有山隆起曰堯山山之巔舊爲堯廟相傳爲堯始封之國邑人思其德不能忘遂以名山且立廟祀焉然不詳始自何時元大德元統間俱加修葺學士郝經儒學提舉楊剛中並述其事

人文紀畧

傳

聖

卷十

于碑入國朝來廟廢舉不常久之頓爲荒址有司歲時致祭卒無所瞻依嘉靖己未前兵憲南郡陳君大賓乃檄知縣梁需新之未果今年春閩人楊令大茲往視祀事慨然興懷視其山麓舊爲浮屠宅有黠僧醮民財建殿五楹其中令度計舊址風雨飄忽卽廟未可經久因廉僧所爲不法遂逐去之尋卽其殿改爲帝廟凡棟桷瓦甍臺陛欄楯皆次第加葺將訖工今乃具事始末來報且乞文以示永久予既諾其請遂以其冬按歷境上瞻視良久因深歎楊令是舉有

傳屋教且足以慰邦人之思仍命稽考舊材加以重
屋以便展錯左右爲碑亭前爲石坊表厥徽靈俾
者是式可謂備矣按史帝生于伊祁氏其地今恒山
之西初封唐侯地里志亦云伊祁山堯母所居葬於
慶都慶都西曰唐今恒山唐縣是其始封不知與今
唐山所稱何所撫據史又稱帝既受摯讓遂封摯於
唐至舜封堯之裔仍稱唐國豈以始封讓摯而唐山
其嗣封耶自伏羲神農黃帝以來其言聖神皇王之
事詳矣乃孔子序書自帝堯而五帝事不少概見
人文紀畧

尸祝俎豆之茲邑爲帝舊封於法得世祀又何僭舊
嘗以舜禹配享予謂祀堯以侯封禮也若舜禹非邑
所得專祀曷釐正焉令應曰諸廟傍仍浮屠氏居之
其殿多依山巖鑲石爲佛甚奇怪志以爲五代時郭
威所建今命主僧者世守其廟仍復其差無所與以
便勸之遂併書于石俾後之嗣是土者得並考焉

吳齊門建文學書院碑

宋儀聖

吳故有學道書院祀吳公言游嘉靖中北虜寇都城

朝廷責辦益棘乃設藩柵一負督賦吳中有司遂移

書院置糧儲道其後倭變起海上巡撫都御史提兵
鎮蘇城又更道爲撫臺而書院遂廢今太僕卿顧公
存仁早歲以給舍言事編置居庸比赦歸居吳之齊
門力耕大石山中俛仰今昔思范公仲淹遺風乃割
田百畝入蘇學助諸生饘粥已又割百畝立塾學于
齊門延師教其鄉人子弟公又私念東南文教起自
吳公在宋則有著作佐郎王君瓚伯信學師河南國
初五世祖愚原魯潛心伊洛不肯仕元太祖徵赴闕
不就官公仰慕既切至形夢寐乃建書院主祀吳公

蓋以二君配焉久之公被召爲給事中累進今官復
抗疏歸益思拓所未竟以垂來哲乃重割田千畝捐
作義莊以二百畝屬州學七百畝贍里族餘百畝併
供義塾於是公之宏義雅志傾動一時矣旣又具呈
兩臺乞以舊建書院更置齊門內地以便贍崇今萬
曆二載某來撫吳中與公故厚善會餘姚邵君陞以
御史按境上敦尚風節遂相與嘉歎前事爰令有司
助修理費旣訖工從諸生議題曰文學書院成公志
也明年五月予旋師海上公修幣肅衣冠謁予舟中

人文紀畧

卷十

卷十

顧有言以示後來予諾之越數月公捐館舍矣悲夫
予嘗歷覽三吳之載自泰伯三讓王季與其弟仲雍
避地吳中武王大封同姓子孫遂世長吳國其後寢
以強大惜也不能修明先王仁義禮樂之教不得齒
于上國諸樊時季札最稱賢公子以遜國顯名歷聘
列國觀樂于魯備見虞夏商周之盛其流風遺烈藉
甚于時豈非嗣太伯而起耶言公子游產于虞山之
陽慨然有慕仲尼之道不遠數千里往師事焉武城
之封直以學道愛人自許當是時孔門弟子執仁抱

義通六藝者衆矣惟子游子夏並列文學與顏閔子
賜穎師仲由之倫著稱于時吳自受姓胙土以來上
下千餘年而以至德高誼文學著者如三四公尙矣
顧太伯祠廟貌如故而學道書院自宋抵今或舉或
罷予乃檄所司仍復舊建以毋墜前人之烈亦郡人
之志也乃今顧君所翔文學書院雖推其餘力以崇
尙禮教要之本於悼墜典景先哲爲多嗟乎昔人云
南方之學得其精華自吳公始其尊而祀之宜矣獨
惟王顧二君皆以究心理學默矣濂洛得與配饗太
僕君之取舍若此豈非所謂特立之士不隨俗爲是
非者歟君子謂茲舉也有三善焉景先哲習也舉故
典義也不忘祖孝也後之觀者感廢興之跡察取舍
之歸其於正人心風世教則太僕君之功德豈可小
哉遂書建置始末俾刻之碑以貽其後之人

奉勅移鎮句容修建都察院碑 宋儀望

萬曆二載春應天撫臣貢缺有詔舉朝臣堪任經畧
往代於是大理寺右少卿臣儀望奉旨擢都察院右
僉都御史給之璽書往撫南畿臣謹拜手受命以三

月十有三日陛辭錫宴頒鈔恩賚有加先是御史臣
堂疏言往往江南承平日久內外和豫巡撫重臣要
在附循懷服毋煩馳驅嘉靖中倭奴倣擾歲勤兵革
始議兼領提督移節蘇州以控馭海甸比歲倭警稍
寧復議還駐留京臣頃以職事沿歷海上備見兵力
單罷置制疎濶有識者咸以爲憂乞命撫臣仍鎮蘇
城以便經畧從之臣時新被簡命不敢留豫既抵境
內諸郡邑長吏政受事道里相懸郵遞公移動稽
旬日卒有奸萌發覺後期且地當七省賓客交馳撫
臺體崇務繁顧日勤酬接廢時損重臣竊病之臣惟
自昔大臣銜命出鎮必據形便酌地宜以均節制臣
所領州郡南控楚越西接江黃北界淮揚東臨海徼
固四達之區也臣嘗博考輿圖伏見應天所屬句容
爲我國家肇跡之地襟帶江海表裏鎮瀆且與薊之
連化密雲並隸神京今二邑開府建牙遂稱雄鎮假
令藉地句容設建行臺以臨制郡縣其於道里往來
甚便尋移杏本兵建於政府詢謀僉同卒得如請顧
茲衆口猶繁異同未幾巨盜刼奪蕪湖藏庫以去朝

人文紀畧

卷十

臺

卷十

廷切責益急議者因是知臣所決策爲當乃檄所司
察地宜諏時日計財用毋越程度毋煩民力以去秋
九月聚財鳩工乃闢重門乃築寢室乃戒墻垣中軍
旣立旗鼓以備是歲閏臘之月遂移鎮焉於是舊臬
大夫副總參遊咸來觀成罔不稱善旣乃進曰明公
更置督府以鎮撫百姓禁戢封疆維茲堂堂屋卑陋朽
蠹非所以示崇握樞也盡其圖之明年夏有海上之
捷旣返鎮諸大夫復申前請各出贖銀以佐工作時
在仲秋工役繼興爰建正堂進爲重屋高明宏敞直
達靚密又後爲樓戶皆北向登而指顧宸居在望賓
從有館吏胥有廨兵器有庫有事則馳騫四出無事
則居中調度信哉長治久安之道也臣惟古者凡厥
營建必稽天時相地利協人謀今茲新鎮形家維宜
時和歲豐民迺大豫甫訖工會巡按御史勘奏海上
功狀而臣以區區特蒙殊恩加秩頒賜督撫如故其
諸文武佐吏陟賚有差蓋異數也臣不佞謹拜手稽
首慶言于衆曰在昔文武造邦咸在豐鎬成王營洛
復宅成周當其時並命周召分陝而治政教旣洽禮

人文紀畧

卷十

臺

卷十

宗大興十世七十延祚八百可謂盛矣維我聖祖肇
造寰區建都金陵開設府部並置臺司坐制寓內化
行乎畿甸而威及乎蠻夷其神功盛德登三咸五蓋
莫得而紀云迨于文皇載遷于燕深惟重地實作陪
京爰遣臺臣領勅撫巡以重彈壓名臣碩輔後先相
望樹勳流聲勒于旂常者不可勝數臣竊觀二祖規
模弘遠根本綿延與天無極視成周不啻過之嘉靖
中大江南北倭奴爲患遣將出師迄十餘年始克蕩
平然征調既煩供輸大困馴至今日地方溺于久安

人文紀畧

卷十

五

卷十

官司憚於更議兵防懈弛視若瘡痍當事者深惟根
本申飭薦至臣迺奉揚明威更置將領增益兵餉未
幾海波載煽旋就殄滅方今南北交兵征討四出受
事諸臣亦皆兢兢仰成所向克捷醜虺魄魄蠻兒授
首閩廣歐越歲報俘獲告廟宣功日播于四方在昔
周宣遭邦新造四夷交侵迄無寧歲于時南仲方召
皆佐命大臣安內攘外親督戎行故能底定南北遂
稱中興於惟皇上聖神繼統遠邁周宣二三大臣皆
竭忠股肱婉婉林姬旦循故事修法制稽言考臣綜覈

名實內外諸臣秉虔受成惴惴焉大懼無以稱塞明
詔顧臣以淺薄受茲重地寔專制置語曰上行令臣
行意乃今歲罹災沴民苦征徭官煩楚撻附循經畧
匪異人任臣不佞亦惟微籍寵靈弛禁寬逋省災卹
患以和輯其民人而重固其根本彼方叔召虎之烈
臣雖不敏誠不敢自後焉故於新鎮告成謹載始末
勒之堅砢以詒無窮抑欲來者知臣所遭際誠不易
云萬曆四載孟春二十有五日立石

太極書院碑

郭汝霖

人文紀畧

卷十

五

卷十

嘉靖己未吾鄉有太極書院云太極者何鄉之山周
而旋象太極圖先生羅文毅公因以名書院建於中
區首事者吳子劉子來言郭子霖過濂阜之墟軾鄒
魯之間南企建延北睇河洛恍然低徊者久之嘆曰
觀世以風觀風以人信矣彼山川亘古亘今而盛衰
迥殊大聖大賢未論論其文學誦誦洋洋斷斷者亦
豈易得哉斯風耶人也吾鄉前之居者莫考今言憲
憲奕奕謀徵之則皆唐宋五代宋元以來之族也其
大者或千餘家大或數百家其下亦不減百十家是

豈一朝代能致耶余束髮時竊喜聽長老言鄉俗同
鄉人多淳實任直蠢而愚僞而野朴而不文不能談
詩書干仕進窮山僻谷往往有厚藏編氓成化弘治
間民物蕃盛鄉人多富於財士通經學古擬科目矣
每當有司程藝時彬彬列前庶民以其直氣相雄豪
或少忤則連率族人挺然闕且鬪否則以酒食錢帛
相凌跨此其俗亦一變也然民間猶喜談孝弟忠信
等事故不失古風烈盛極而衰邇年來財物凋弊閭
井蕭條游庠序者既未能翩翩拔出而民之剛心直

人文紀畧

卷十

五

卷十

氣化而任智術口舌籠絡意氣牌闔駸駸市井澆漓
不大可詫哉余歸自京師與二三君子會未嘗不慨
然念曰士首四民而移風俗也乃今去邑庠遠麗澤
無所何以激作維持之遂謀於鄉之豪傑鳩材度工
而書院興矣噫嘻難哉余是有大懼焉方書院之未
作鄉俗弗淑猶或可諉乃今巍如煥如矣麗澤有所
矣吾輩又何說之辭今願與諸君子盟大聖大賢如
孔孟周程張朱固皆吾分內卽或未至猶曰願學未
能也後世儒者如王烈鄭玄居鄉輒能化誘使盜而

衣冠鄉稱鄭公又如趙清獻里封孝弟皆表表仁厚
顧不可爲乎夫孝弟節廉忠信禮讓乃民之秉彝而
風俗大坊也庶民能行之響之齒舌亦無不曉了而
以相倡率激作疇不願向其始一事從而數事又從
而什百事其始一人從而數人又從而什百人若是
而孝弟節廉忠信禮讓有不勃然興乎士首四民謂
其爲閭里父老子弟耳目係轉移吾輩誠於數者心
念之口談之身力行之其於人開導之激勵之扶植
崇尚之有不勃然興乎仁厚興則澆漓遠所謂能使

人文紀畧

卷十

五

卷十

枉者直理也亦勢也何也此盛則彼衰卽有弗若鄉
莫齒之矣此轉移風俗之大機維持激作之標本吾
與諸君建立書院之初心而今日勤勤懇懇願與諸
君盟者實在於此否則將有鄉無人之歎不大可懼
哉若乃舍飾舉業相切劘雖所不廢然非本要也書
院之制中設義聚堂翼以兩廊前爲覽秀樓樓凡三
間後建景止祠祀鄉之賢者吳子某出田若干爲歲
時伏臘享會之需而書院創造財用則鄉之豪傑各
有所捐焉亦備勸于後以詒來者

恩江書院碑

郭汝霖

吾邑學宮西掖舊有梵刹名報恩寺嘉靖年間僧徒
寥落寺宇漸廢其地鞠爲榛莽說者謂西掖之虛學
宮弗利諸生舉呈監司允議謀建書院於其地而
侯適覲回勅法振民謂是尤不可緩爰稽帑藏無可
需用遂蠲俸若干以倡義舉而獎勸民間助凡若干
經營構造爲堂於中而名之曰育英厚其俊也爲坊
於前而名之曰恩江書院昭其義也爲房於兩廊凡
二十四使修業者有所寓稽其實也爲垣於四圍而
人文紀畧

泡漏有廚使後來者知所守示其久也締構方成侯
乃有高安之更於是陸侯來終其事輪奐巍奕誠如
鳥斯靈矣學宮其孔固乎余惟人以地產地以人名
維嶽降申尼丘生孔山川炳靈理信有之而聖賢所
以樹立者要自有道而不全諉乎區區之地運焉是
故八元八凱十治十哲而七十連宵三千維賢豈皆
藉於地耶有周于而濂溪名有程邵而伊洛顯斯人
才之盛衰卽科目不興而於他何論也吾邑當漢唐
時未建不論論其自宋學我明則有若歐丈忠羅文

毅有若鍾恭愍有若鄒若魏皆忠心直氣足以搏日
月而走蛟螭而忠信孝友潔介方剛志學任道代有
其人其於學校之教不負矣斯地耶人耶邇來科目
漸疎而書院之作將以求復元運其在吾輩亦何以
自效本之乎心修之乎身以推之乎家國天下達而
在上則爲兼濟窮而在下則爲獨善斯固吾人之所
樹立而不可不自勉也誠如是卽不愧於前修卽可
進於聖賢卽十百其人不爲多卽一二人不爲寡而
科目之盛衰不興焉若徒志溫飽弄筆墨侈智能希
人文紀畧

利達斯於山川何足爲有無而恩江之名何算哉

重建恩江橋碑銘

郭汝霖

豐邑之濱城而流者爲恩江江縈帶澄徹上踰員趾
下薄學宮余嘗遐睎川原遠稽踪跡乃知其肇發於
藤廬交趨於雙溪躡合於龍牙群峒而奔駕於樂安
諸境峰巒崔突秋冬晴霽江如匹練春夏之交雲霧
淪淪江勢曠悍一瀉千里飛沙走石橫波逸瀾浩浩
蕩蕩而工者商者旅而行者里而役者農之樵土之
赴學者臨流莫不有望洋之歎焉橋之興有以夫故

老相傳舊誌鑿工凡二十年而不敢替者此要衝也
 嘉靖辛酉粵剽掠城守堅固乃肆毒于橋而橋毀矣
 自橋之燬大弗利于往來艱阻跋涉四民嗟吁病而
 思以便之也自世之弗開于王政者每以此爲不切
 視侯之真心民瘼何如也民以財爲命非其裹錙銖
 必較乃今一倡而捐金者衆雖嬾人慕而爭先悅之
 大民勸矣哉且舊誌謂橋之始創拓基鑿趾其難固
 矣然今之補石豎柱獨無十之六七乎而彼以廿年
 此以三月不苦一丁不勞十村余又以知義之感人
 爲甚速矣侯曰橋不可無銘以傳霖謹銘曰

木文紀畧

碑

李

卷十

江有源噴崑噴泉穿峒遶石其來盤盤江有委其
 流瀾瀾貫嶺踰趾學宮迤邐惟此思江厥流百狀
 澄澈清映匹練可像春夏之交雲霧沸騰雜沓諸
 派橫悍奔崩橫波狂瀾浩蕩崢嶸何以涉之舟楫
 廢行誰其橋之古之令止廿載奏功亦既艱止粵
 寇剽掠暴候焚燒不獲于城肆虐于橋民甑病涉
 百役蕭條財貨日罄室巷亦饒卓哉陳侯敷政優
 優引養引恬民裕以休養其可用上下僉謀義舉

一信應如響韶輪財輸力咸曰肯構胥我士女靡
 有吝驕惟此橋功過矣無遙三月而成民罔寸勞
 卓哉陳侯適擢于朝惟此橋功
 永弗凋

學詩論

程 炯

聖人之教學詩將有所用於身也詩教衰於後世惟不推本聖人之意但欲人學詩實受其益不欲人作詩虛襲其辭是以作者學者愈多而詩教由以愈衰何也後世作詩者必作其所學苟其未學必不能作學詩者必學其所作如其不作必不務學學者徒取益於聞見無其性情而作者亦徒襲取其聞見而道之非本乎性情而出之詩不得爲詩詩教又烏得而不衰乎魯不知詩可不作不可不學不學而作猶有真詩當時游女狂童豈嘗學而後作乎學而不作猶爲知詩聖門肄習豈不能及後人之多作乎惟是學而作者襲其聲調非不連篇累卷無裨性情無裨倫紀并無裨聞見詩自詩而人自人詩人滿世直謂之無一詩人可也此夫子所以教及門曰小子何莫學夫詩而未嘗命以何莫作夫詩誠謂學詩而多資其益於身心作即不作而作過畢矣夫子之教學經於詩獨先獨詳雅言則以詩先乎書禮立禮成樂先之以興詩庭訓授子亦先以不學詩無以言不

人文紀畧

論

二

人文紀畧

論

三

爲周南召南猶正牆面未已也懼學詩者不得其要教以守約示之一言可蔽又患學詩者徒誦三百無以見效斥以雖多奚爲則命小子何莫學詩即未竟其所詔亦可推見所詔之意果何存也小子中善學詩者莫先子夏次則子貢夫子皆許其可與言詩而正不止子夏子貢二子也及門小子莫不學詩莫不實受其益於身心以奉聖教何以明其然也魯子之傳大學教引詩而釋止至善專引詩子思之作中庸教引詩而未篇示入德亦專引詩曾子得之夫子子思得之曾子厥後孟子師於子思尤淹於詩而善於學出說戾王君公莫不言詩如引靈臺公田之類援好貨好色好勇之章所以效忠於君者然矣而小繫凱風之何以怨何以不怨與固哉之叟辨之悉娶妻必告父母爲舜白之明以意害辭爲臧丘蒙剖之詳苟非善於學而淹於詩何能取之左右不窮如逢原乎孟子曰予未得爲孔子徒也予私淑諸人也是可知其學詩之源流也迄於今三千七十七子之徒無詩傳於世即善詩如子夏子貢曾子子思孟子皆無詩

傳於世非不能也不爲也非不爲也亦爲之身心間而性情和平倫紀昭明傳聞廣見無一物不知之耻是則聖人教小子學詩之意如此而已矣

聖魔論

程 頤

六合內皆魔境也惟方寸中有聖域耳財寶酒色功名勢位誘人以入魔仁義禮智忠孝廉節成人以作聖聖域固而魔境滅魔境通而聖域壞此二者不兩存之勢也魔無所憑不能爲崇憑得其所來弗及知弗及防惟逍遙遊乎聖域者乃能龍攄虎超乎魔域之外蓋惡物不能爲魔如牛頭馬面人遇此物而却走唯恐不遠誰其卽之醜事不能爲魔如屈辱疾人處此事而拂意消沮閉藏不敢放恣誰其逢之

人文紀畧

苦時不能爲魔卧薪嘗胆人當此時而悚惶戰兢惕厲不致怠忽誰其納之惟美物卽魔好事逢魔喜時納魔魔之伎倆變現百出降伏而驅遠之不亦難哉君爲臣魔湯文被囚臣爲君魔莽操行篡父子兄弟宜無有魔賁鯀爲舜禹之累管蔡爲武周之玷聖人有所不免一人之身自相爲魔如小體害大如賤體害貴學問才識以驕以傲爲禍世之魔爵祿權威自雄自亢爲殺身之魔魔之中於庸碌卑賤者猶爲懦魔中於豪傑尊貴者乃直強魔魔雖無形無聲哉無

物非魔無事非魔無時非魔其可不戒愼乎其所不
覩不恐懼乎其所不聞也哉

謝恩辭朝疏

程 炯

蘇松道兵備副使臣程炯謹奏爲微勞旣蒙睿鑒殊
恩更激愚忠敢陳葑菲永固苞桑事臣炯濫竽兵備
執爰勤王分誼當然斯有何功乃承 天寵御門召
對覽臣發砲傷指降 玉音曰道臣提兵入援忠勤
可嘉賞銀二十四兩紵絲二端賜宴光祿吏部紀錄
以須大用臣叩頭謝恩復承玉音回任蘇松務行實
事勿干虛譽大哉王言一哉王心嘗讀是書今何幸
親聽綸綍敢不服之無數在內在外臣工咸念茲在
茲何愁天下不太平試觀今日堯階舜階果盡同寅
協恭和衷乎禹甸湯圖果盡凡有血氣莫不尊親乎
如其未然則人人宜行實事勿干虛譽凜凜天威咫尺也柰何朝端之水炭難化邊陲之莽獍未靖不矜
而爭不群而黨分門各戶牢不可破堂上不治能却
走馬以糞乎 太祖之設兵制除戎器思患豫防無
不前知懼閭外之寄負師中之寵於是乎有督師提
制又懼猶鼠同眠戰守失機於是乎有監軍察院此
誠折衝萬里之離炤也今也不然兵驕將悍督師爲

師所督監軍爲軍所監無功報功有失諱失獻賊賜
張於東南關冠豕突於西北涓涓不息流爲江河一
葉不剪必缺斧柯安望其有放牛歸馬於華山桃林
也位卑言高之罪自知忤世難逃心所謂危不敢不
告伏乞

皇上垂採葑菲申飭內外臣工人人務行實事勿干虛
譽庶幾

太祖一統山河錦全萬萬年也臣胸冒昧具奏可勝戰
慄惶悚之至

人文紀畧

聖旨這本說得是該部知道

豐陽人文紀畧十卷

江西巡撫
採進本

國朝新芳聲編芳聲字晦之永豐人是編哀其邑人
之文自宋至明分類編輯然宋元不過十人餘皆
明人之作

二南遺音四卷續集一卷

〔清〕劉紹攷編

北京師範大學圖書館藏清同治十二年刻

本

附《四庫全書總目·二南遺音

四卷》提要

五言始於蘇李說者謂皆秦產才力而存仁義之國也安得表風雅攷其始封天水即今秦州寧公德公漸從耶穆公莖雍皆西州也豐鎬扈杜均未之及太史所陳駟騶板屋率襄公報父擊戎之什遠在西陲故先儒以為風剴勁而樂戰鬪至孝公都咸陽不數世而運已潛移

二南遺音 自序 一

秦惡得而擅文武成康之舊執晉不能易唐風楚不能除荆楚原始定名不易之經也關中沃野千里周室積德累仁之區朱子謂土厚水深其民厚重質直以蕭道之易以興起當時歌咏在二南岍岐之間雖婦人女子皆能蕤乎情以乎禮義開十五國風化之原豈駟騶板屋所能彷彿哉漢

唐以來作者如林今必軍彭公翰文論已
未鴻博獨推關西李氏第一而一時揚風
托雅越至於今鼓吹休明者指不勝屈蓋
終南太華之融結賢聖大儒之貽澤與夫
宗工哲匠之流風餘韻未歇絕也鴻章鉅
製若豹人黃湄輩傳播已久而隱顯殊塗
其懷才抱異伏處岩穴者既不克附青雲

二南遺音

自序

二

之士又不得東南剗剗之便覆瓿飽蠹湮
沒而不彰者不知其幾矣余竊傷之因與
二三同志綴輯遺文張子青柯采擷尤多
爰得百餘家掇其英華用著於篇恨見聞
孤陋元珠或遺六一胥言物莫不聚於所
好而常得於有力之疆有好之者力或不
足僅得其一二而不能使其聚余之謂矣

懷西方之好音嘗九鼎於一鑪覽者毋遽
云觀止也

乾隆二十八年夏四月三原劉紹敘序



二南遺音

自序

三

二南遺音目錄

卷之一

孫枝蔚

李因篤

朱誼汭

李栢楷

胡廷器

王承之

田而珏

東蔭商

溫淵知

石隆

石朗

韓詩

溫自知

張恂

二南遺音

卷之一

韓望

劉蒨

張鼎銓

楊端本

楊爾恪

王永譽

李時燦

李景麟

胡大定

王弘撰

杜恒燦

王孫蔚

李念慈

雷士俊

周燦

王又旦

康乃心

張晉

張謙

楊季昌

李邵生

劉元勳

劉漢客

補張晉

卷之二

康昌賜

王心敬

王承烈

張會慶

姚年晉

劉會

來鑑

李夢鶴

李大春

宋振麟

二南遺音

卷之一

凌元龜

王令

謝天錦

梁舟

郭士璟

王祚昌

白乃貞

朱廷璟

任璣

孫爾思

許秘

郝璧

王梓

羅魁

楊素蘊

王維世

王相業

房廷祚

劉儀恕	劉灝
劉涵	溫儀
屈復	康綽
吳之璣	陳覺
王予望	劉麒麟
王灝	李樟
崔昭	張郊
張岫	馬位
田呂叶	解含章
三南遺音	
卷之一	
金啟	馬駒
劉紹錡	
卷之三	
薛馥	胡鉞
李松	孫爲瑑
王道入	胡俊
張宗孟	王垣
孫景烈	許體元
楊舒	李瑛

李仙蓀	祁琳
梁履中	張濂
張鵠	安而恭
王昂	陳裔虞
康師曾	康師端
卷之四	
黃文中	張大森
張藻	張餘
申鵬祥	李之縈
三南遺音	
卷之一	
謝王錫	黨學直
雷豫	張逢壬
張昭美	楊鸞
吳鎮	甘延年
薛宁廷	淡如水
王孟旦	王勳
康師蓮	李家麟
賈策安	李法
羅祥磨	申廷鑾

李之蒙

邢琮

劉壬

補遺

張四科

邢玫

郭岱

二南遺音

卷之一

五

二南遺音卷之一

凡例

一先天圖坎艮居於西北故天下山水之源多在

關中詳坤輿考山水者上應元象下循地絡鬱而爲

人文是以風始二南雅頌始豐鎬五言始蘇李

皆關中也代有傳人世所共見故茲集斷自

國朝始

一國初諸公皆有專集孫約人李天生王幼華

久已膾炙人口故第擇其尤者冠之篇端若康

二南遺音

卷之一

一

孟謀張康侯並爲秀傑康侯僅存寫本孟謀雖

經殺青亦約一斑其他含章咸有藉於弋釣撮

壤崇山是集所由作也然必求精無取誇多

一是集以闡微表幽爲主若其人己顧力能問世

者無資繁引唯螢窓名士致陸覆誦者虎氣必

騰多多益善附前修之海筆準於茲焉

一誦詩必論世古之道也集中諸公或爲名臣或

爲理學或多識畜德修辭立誠皆綜其生平略

述梗概其地遠年湮同於聞見則從闕文之義

生同時者倣篋衍集之例著其里籍出處著述

而已

一六義當前覽者自有會心故編詩者例不加評
其有須註以明者用按語以識其下

一關中幅員廣濶雖下邑僻壤採錄必及終不免
遺珠之歎有知其人而仕於他方者商州王學
遜長安李昂鎬涇陽張五典也有知其人而篇
什零落不可遽得者富平曹陸海玉珂雒南王
天玉之球韓城薛霖若澍也有少讀其全集忽

二南遺音

卷之一

二

焉以沒僅從書畫中掇其吉光者臨潼王灝也
矧耳目難周未見未聞不知凡幾所望鄉先生
不鄙弁陋詩筒頻來拾遺補闕詎獨含英者幸
鐵網之必得而和其聲以鳴
國家之盛河山亦藉以生色也夫

坤輿考 附

劉紹啟

天地之精英聚於華夏而唐人云苜蓿隨天馬滿蜀
逐漢臣絲枲之用今不逮昔所以禦寒者裝綿耳而
南史謂元嘉中貢自高昌參之本草則如核桃石榴
西瓜秦椒大蒜薑薑白芥蘆荻菠菱黃瓜之屬均來
自西域竊以質之先進終莫喻也嘗讀夢溪筆談延
州今延安大河岸崩入地數十尺土下得竹筍一林根
幹相連悉化為石延郡素無竹不知其何代物無乃
曠古以前地卑氣濕而宜竹耶邵博康節聞見後錄

二南遺音

卷之一

三

云章子厚在相府顧坐客曰延安帥章質夫板築發
地得大竹根半已變石邊地自昔無竹亦一異也客
皆無語先人獨曰公以爲今日之延安自天地以來
西邊乎子厚太息曰先生觀物之學也乃恍然於南
史本草之說因思人生於寅至帝堯已會之未已三
萬七千八百年正循蜚因提禪通疏化之世也宇中
不聞遺跡意常時西域卽爲帝都故伏羲生於成紀
黃帝葬於中部昆侖弱水通於禹貢諸戎爲四岳之
胄是以蕃鮮紀於職方漸轉而東南則隴右上郡爲

邊陲昆侖弱水不可問莫定之黑水亦荒遠而難憑
微之史記滇黔隸梁閩廣隸揚而滇蜀啟于楚南越
閩越定于秦雖昌黎謂後王德薄不能遠有而險阨
暑淫略通五尺道則洶穆於太古可知也且河爲兩
戒九河北流賢聖皆生於北周定王時河雖徙而東
光以下至章武入海猶是徒駭之故道宋多河患漸
徙而南於是范文正爲東南人才之冠自此河愈南
南愈盛而源在西北先天之論不亦較然明白耶然
西北之水皆趨於南南方多水北方恒陽由來漸矣
二南遺音 卷之一 四
考之水經唐志開中古渠五十有餘故曰沃野千里
今其存者十無一二古云陸海徒虛語耳計惟法程
子扶溝之政廣溝洫復故渠俾秦中百川不至如高
屋建瓴則龍門以南無宣房橫壩之憂龍門以西有
灌漑禾黍之利於以培風氣而毓清淑其亦變則通
之一道也與

二南遺音卷之一

三原劉紹攸編輯

孫枝蔚約人三原布衣明甲申散家財求壯士起義不果走江都學貢三致千金忽自悔散其金折節讀書以詩名世康熙己未舉博學宏詞辭不允促入試未終場出以品望素著授中書舍人銜有澹堂全集

閒居感懷

春風意氣人長安車馬客箚滿後園歌兒喧大宅
結交無布衣連姻到侯伯醉中何所道捋髭笑古昔
夷齊腹長饑蘇武頭早白同是百年身淒淒朝至夕

二南遺音

卷之一

詠懷

桃李穠其華有實良所須盛名同畫餅救饑功則無
瓊瑤爲舟楫金玉爲弦弧涉川與激矢持此安可圖
燕昭能取士樂毅聞風趨其文不多見僅傳報燕書
不知漢武朝奚取於相如行誼旣如彼詞賦徒有餘

田家雜興

桃柳旣相對鷄犬亦相識新婦出採桑道上誇顏色
教子不求官百年樂比翼昔有魯秋胡其事堪嘆息
竟損君子名長愧高堂側安得如冀缺家風最樸直

欲知相恭敬請看親餉食

窮居少親友閒坐一茅屋日落杏園中飛鳥競栖宿
張燈對蠶婦開扇候牛牧籬落絕虎狼人家滿川陸
汨汨夜泉流清聲繞竹木更聞遠寺鐘省心勿馳逐

題王幼華藏錢貢鍾馗嫁妹圖

月昏風慘人不行桃花如血柳如醒四山鬼火照三
更終南進士袍靴明怪爾何得爛用錢女弟遠嫁心
所憐何處銀燈閃十年誰家金梳出土鮮無乃魍魎
還神奸偷來媚汝送婢媚汝最正直定不然花疑借

二南遺音

卷之一

二

神女所佩之幽蘭燭疑剪古佛所坐之金蓮竿用同
心相結之松栢截爲竿流蘇之帳乃高懸盤用鬼血
所化之瑪瑙琢爲盤烏皮之几置中間其餘篋管筠
釜無不全明鏡有如月團圓箕斗有如星在天衾枕
床席無一不是紅所纏今夕何夕嫁何方親迎者誰
似是南山白石郎即乘青驄繫紫韁舍弟宜笑侍女
狂侍女如雲妖且香箇箇皆類虎邱娘所騎怪獸那
能詳非熊非鹿山中王如豚如鼃色青蒼形狀疑出
海東洋神茶鬱壘門前望山魃擔酒魅牽羊打鼓吹

蕭索寒鴉鷓鴣惡鳥驚飛揚朱陳古村近高岡經過
私路荆棘長雄鷄一聲出短牆咫尺難到鬱金堂吁
嗟乎天上女牛隔河水地下兄妹有悲喜仙緣鬼趣
多如此世間婚嫁何時已

喜妻子至江都

終日勞鴻雁今朝笑女牛重看新寄紙轉憶舊登樓
飄泊身同在崎嶇路始休鋤犁別時物尙掛壁間不
時避甲中之難

暫迴琴客駕不赴酒人期明鏡初閒匣薰爐舊廢匙

二南遺音

卷之一

三

傷心說豺虎遶膝愛熊羆正喜燈花好如何涕淚垂

宿天池山下

月出前山口山家未掩扉老人留客住小婦採茶歸
路滑流泉過牆頽野竹圍夜來清夢好此地犬聲稀

紫荆

田氏宅中樹吾園恰有之好花春爛熳久客意傷悲
屢月家無信經年弟苦饑深慚作兄長愁絕只吟詩

落花

狼籍鉛華轉眼中由他蜂蝶趁春風雨如妬婦常招

悲春與詩人共守窮樓上開尊愁對客門前掃地忍

呼童癡情還向隣園問可有幽芳擘晚紅

杏村惟見酒旗搖一去繁華不可招典却春衣富昨

日燒殘夜燭免今有淺泥無奈沾隨馬流水多情送

過橋布襪肯鞋更何往江南草色似裙腰

羣公薦及野老將辭先成二首

浪得聲名悔已遲如今微恐北山移竭來江上無恒

產誤喜朝中有故知魏野方思看舞鶴莊周只願作

生龜忽蒙匠石類相顧傑社神應答我悲

二南遺音

卷之一

四

百歲風狂實可驚眼昏頭白骨崢嶸縱曾在位冠須

掛豈合薛山網更搜文舉何勞稱一鶚許由長使憶

三生管郊金奏雖堪悅誰識當時海鳥情

書懷

老日林泉味頗諳年來浪跡興猶酣身如橋柳病於

北心似鷓鴣飛向南隴上全家能習苦床前稚子待

分甘出山久笑深源誤入肆將每季主談

送任三歸里

每逢秋色老吾最憶鄉園柿赤騎驢路梨黃卧懷村

焦山中流遇風

風起中流浪打船秦人失色海雲邊也知賦命原窮

薄尚欲西歸太華眠詩話見漁洋

李因篤子德一字天士富平人受業文太青長交顧亭林東隱已未以布衣試鴻博授檢討

論母老疏三十七上乞歸彭公啟豐序李石台集國初鴻博首推關西李氏而以湯潛庵次

之朱竹垞毛西河汪鈍翁施尚白又次之有漢詩評受祺堂詩行世文集未梓

擬古詩

蔚蔚園中柏我我道上石哲人一長徂飄忽時代圻

天運如循環白駒迅過隙百年復幾何勞意營朝夕

二南遺音

卷之一

五

吾欲策駑馬與君馳且射道旁有廢園云是王侯宅

盡棟朝入雲長楊暮成陌歡來倘不醉此徒相惜

嚴霜澹朝暉古木秋盡赤東望首陽山白雲何奕奕

往時二餓夫千載傳遺跡念此爲沈吟中懷不得釋

披裘道間老姓字寧自惜吳札秉人倫所言何乃迫

驅車自茲遠不知蠻與貊君子鑒明義素心如夙昔

宿文殊寺 忻州

暑甚逃長郭厓廻得故林人烟雙壑迥樹色一燈深

雨足開殘照風巢落暮陰趁涼行轉急無暇滌塵襟

羅漢洞

洞口溪聲住捫蘿訊廣長萬年青嶂色一擔白雲裝
倒壑噴高雪飛巖帶夕陽人天清淨理不擬復深藏

楊忠愍公祠

滿注乾坤淚空殘劍履春風霜留往蹟禮樂喪斯人
漠漠諸陵雨荒苑百戰塵在天應不沒聞問暗傷神

長安秋興

西風蕭瑟隴雲游沃野黃圖一氣秋地澗河源寒自
瀉天清華掌翠同流烟霜漸老伊人色日月猶懸故

二南遺音

卷之一

太

國愁搗練聲悲搖錦樹長安獨倚最高樓

三川水繞翠微開萬壑晴吟野樹哀古殿蒿梁通覆
棟空村石鼓半生苔臨城獵騎索弓入帶郭漁舟擊

櫂迴漫對諸峰嶙峋當年雙闕引蓬萊

皇陂御宿倚林垌杜曲樊川接戶庭落日暮霞三輔

紫多時秋色五陵青南州去後誰懸榻北海歸來老

投經着處關山虛少壯故園風雨歎飄零

江頭池館靜含虛水荇簾花照客車采地縱觀周召

邑滄波高枕漢唐梁春期未歇商飈後夕莫長明曉

滿餘藉草徵歌今不再撫時懷古一躊躇

丹霄紫極未央宮宿霧凝嵐太乙通古甕荒臺殘野
戍健兒哀角和秋風金門想像長楊下粉堞淒迷暮
雨中道路空嗟鷗泛客乾坤已任鹿皮翁

董子祠

秦烟魯壁漢同功武帝雄才匹大風自罷百家崇正
始親延三策剖羣蒙祠坊獨撼摩霄樹收磧初聞靜
夜鴻路傍芙蓉殊夢覺寒衣遙對月明中

黃鶴樓

二南遺音

卷之一

七

彩翎何處楚天空飛棟猶憐鄂雉雄勝地金樽尚夜
色仙人玉笛散春風江雲漢樹褰窻入門楓吳櫓拂
檻通一自橫戈悲彼黍蒿萊不辨故王宮

客鄒渚營草堂成呈王藩伯茂衍次老杜寄嚴

鄭公韻

征塵偃息楚遺都抗館班荆觀使符但得炎荒休鼓
角不嫌蓬葦寄榛蕪松陰畫舸堪供釣竹徑甘泉足
代沽綵筆幽期俱不爽新歌傾耳慰狂夫

采采池蘭傍澤蕪他鄉忽復就冬春自緣羈絆悲遊

子母到登臨憶古人
鴈遠庾樓明月佳
仙侶白雲鄰已拈花樹消遲日更對秋臯紫色新
編茅半畝插疎欄
隔院霞飛接翠湍
落日春連馬隊清
秋天地一魚竿
招呼數遇杯膠碧
竚立空吟木葉丹
亦自荷鋤虛戶左
預防蒿徑駐車難

公

塞草日蕭蕭將軍去射鵰
旗門牙增發秋斤盡旌飄
大閱誰堪記前期早見招
戎行經信宿渡日涉雙橋

二南遺音

卷之一

八

朔麥恒違序東河久罷潮
傍沂村火沸經雪戍鐘遙
木落天空闊沙平野寂寥
凍雲遲杳障景之微颺
弊肉生閒骨征鞍奮詰朝
初猶依水沁漸欲跨山松
鼓角寒逾壯威儀整不驕
驚禽迷斷嶼俊鶴破層霄
急雨凌風墮斜暉逐電搖
忽聞前列轉仍取別離饒
馬脇鳴垂兔弓弦響踟躕
深亭殘菊迥絕漠晚榆凋
野蟄剛逢祭春耕不害苗
排雲分壁壘貫草有嫺姚
蔚蔚車徒合團圍盤控矯
兩驂爭暴虎孤岫忽騰蛟
但解冬流縮渾忘夕照潭
峰霞流霽靄澗樹飲冰修

卻觸他年感空縈旅思焦
于田踈入夢囑驚憶垂髮
夙好頻開邸高齋久寓僑
客游披短褐仙侶漾輕綃
向暮生憐憫臨厓倚斗杓
翻紆歸路騎得緩上方輶
谷勢長難盡郊居繁欲捕
覓聲仍近壑攜友暫停鑪
盜卉籬前吐盤餐杖底邀
棄屨嬰况痒鉢錫洗煩器
室密寒誰覺山深朴未雕
息機花雨墜揮塵俗塵消
稍許休禪榻旋知起麗譙
邵歌喧塔院屏燭刺僧寮
促坐閒檀板寒帷出洞簫
當軒筵再闢秉燭漏新調
驛橋隨方致醅酥不外燒
口歸翻不愜將去益無聊

二南遺音

卷之一

九

少長軍容順馳驅物來昭
川谿侵嶺麓駭駭挂城標
獵麋羣沾項行竿各在腰
數星輝遠嶺叢盾護嚴宵
道險稽連軌梁窮接短橈
太康斯士戒同澤舊邦謠
狩固須陽止盟俱矢久要
新歡盈劍紱末契及簞瓢
衛霍推公望應劉識幕僚
釋棚明月下高會得漁樵
陳祜公考績晉大夫第一
恭賦七排五十韻
按
桐陳平娶于張負資用益饒
游道日廣
先生之于祜公亦然公誠賢
大夫哉
高霞忽聚雁門前大國風
流說賴川父老同心欣保
塞朝廷一意委承邊城頭
皎雪封西輔岳外晴雲耀

朔堦表裏提封原重鎮安危坐制必名賢行春亟望
塞惟出浹日猶餘閑暇暇旭管部墩銷舉燧皆鐘泰
佐度歌筵公陪時帶清瑤湧野笛偏隨縞帶傳長照
何曾疲皓魄惠風端不憚澄泉子嵩若在神應王仁
祖相依恨可捐彈指博騰臨海洲式閭恭作豫章先
况多膏雨沾鄰壤從戴幘幘冒列驪林屋投醪噓並
及戍戎挾纊守應堅兩關驛路開王路千里屯田詠
大田畫角已吹鏡鼓曲銅符兼握度支權遂教衣食
生千盾渾覺乾坤飾豆邊抱藁親搜岫嶠字論詩肯

二南遺音

卷之一

十

雜辟支禪案觴逮夜恒沾引屏燭淹旬自接聯輦轂
遙封佳士札淳沲每繁寓公船乘陽瑞草幾番茂帶
露幽葩俱可憐叢藁纔看殷似火嫩枝仍詫碧于烟
旁徵客賦成輿論稔採民話撫御箋 帝座龍飛初
續歷邦圖島服盡歸塵極辰默闡明堂位侯甸還通
法宿瘡爲慮計偕敷早粉因求考績踐眞詮躬桓並
罷青蒲伏日月顯瞻玉燭縣漢吏書庸遵六課虞臣
殿最約三年遑時內重嗟犄角當代僉詢喜淨便次
第功宗疇采叙逡巡閱歲華遷爰咨古終誰方駕

獨是君陳首着鞭拜賜重頒中府帛銘勳永紀太常
旃頌盈絕漢晉神製謳滿遐陬比巷編霽景臨池霜
省哲寒星垂牖月娟娟鴻猷煥啟孤城象鳳詔飛來
五色妍徐勗殊助邀密勿暫留巖節伏陶甄序開栢
酒濃無滓雙疊官衣冷著綿繡新錦鱗光奪目區量
長短巧隨肩臘朝晴發汗盈體宸墨淋漓題自天八
路熊羆均唱導三台鸞鷟總聯翩典謨曲沃相公語
秦漢陽城司寇篇時製錦屏其文一出荷曲屬我同
沃文石一出白陽城東谷
人爭效曝伊余小子愧操絃論交神託丹青契誓笠

二南遺音

卷之一

十一

平將琬琰鑄漫訝北門無擇木應如南叟自忘筌草
堂留邸妻孥在樓井成名世代延寧念德懷懷白露
敢云貂珥醉青蓮官厨合饗叨餘粒左个分暉乞
稼猶有二方面丈近更知三葉長文連引商刻羽頻
心折隳勝窮幽任展穿邈迤籌燈他夕久淹栖下榻
此遊專倚嬰詎謂能強晉毅魄深期不負燕赤雀正
於牙齷集黃麻應得紫宮宣

邑里絕句

北史風流魏孝文雲中雉下見高墳何人齒莽棘邦

祭却遺類西祖豆分魏孝文初葬洛陽後遷雲中今邑所祭者誤以西魏文帝當之

朱誼

子斗泰藩文屬受祿堂云前中尉閣族開中從母姓楊實卜三原龍橋溫與亨嗣之

齊詩集

燈花

續草因垂穎添膏爲吐花五枝開漢殿一杖借仙家

紫奪開前氣縝分海上霞火中紛振秀焰外巧呈華

不逐春風綻偏迎夕漏餘疑蘭香遠襲學蘭蓋重迹

粒粒太倉粟榮榮神鼎砂照延江令筆朕徹魏侯車

已羨攢紅纈還思護絳紗玫瑰圓少類瓊玖爛無瑕

二南遺音

卷之一

三

攤卷光逾艷催詩彩故加含情輝枕畔引夢繞天涯

七寶連星劍千秋貫月槎何如寸釭裏迴晚耀奇葩

哀喬氏

秦宮人閭氏至先殺其女後自殺侍兒偕死者八九人

綺羅千隊散秦宮巾幘丈夫志不同仗節一時齊掩

袂羞教銅雀鎖春風按通志遺錄存此以作詩史

落花

淡白輕紅幾樹芳無端風雨已飄颺多情莫用深相

惜七十回頭宴一場

春往春來似有情花開花謝恨難平老人顏下傷心

淚不必愁從箇裏生

李楷

叔則家朝邑前舉人國初知寶應請罷歲廣陵歲二十載制府賈公漢復修陝志禮聘如迎上坐縱飲揮毫有河濟全書一百卷今佚

未央宮

豐鎬直北數十里中有未央宮殿趾大壯經營肅相

國鴻圖創見赤帝子憶昔祖龍席八荒跨渭凌山起

阿房鮑魚未亂沙邱駕沐猴已焰長安鄉入關帝業

隆天漢龍首皇居徙櫟陽朝廷大禮生綳最石渠圖

書集軒黃此時氣象還四代不止約法示三章代耶

二南遺音

卷之一

三

入繼狗禍炮景帝相承炎德昌丕烈孝武尤聖武征

伐師旅何輝光新莽威能移孺子未央宮殿遂如此

赤眉縱橫又一時恰得蒙茸生荆杞隋唐相繼坐法

官今日狐兔秋風裏吁嗟今日狐兔秋風裏

李柏

雪木都縣原生幼失怙事母孝避荒居洋縣入太白山讀書數十年與中孚天生並稱關中三李有樹葉集

潼關

雄關巖巖聳西京險甲中原天府名三國封疆分一

水五陵鎖鑰寄孤城王侯老去河山在捍讓風衰戰

伐生割據山來非一姓豈徒失鹿是秦贏

山房咏懷

貧賤休嗟隱者骨山家樂事在樵漁茹毛時御皇初
膳管窳長安帝世居浩蕩地天與蓋共廣長江漢瑟
琴舒客來如論元練事笑指飛鴻過太虛

胡廷器

含素三原庠生善山水篆隸有七印一卷

楊杜山居

山色足我目水聲盈我耳陰晴變幻中顧陸豈絕技
煥法與波紋極力不得似畦田疎籬外丹楓灌木裏

二南遺音

卷之一

古

點綴趣無窮白鷗沒碧水

王承之

季安華陰人有水陽秋南社詩詞詞

白厓寺竹

山僧解種竹檀欒滿空曲開簾玉作寒入戶烟齊綠
田而珏 石臣富平布衣天生母舅有墓上草為雁平道陳融公記室天生因得受知于陳

春夜雪中

程褐容吾老長裾泰歲康方能工笑語漸覺眉鬚眉
岸草時將發燈煙晚自移春風搖柳絮入夜正分披

堯廟

不病一人病能心天下心土階廷仗陋蒿棟廟容深

臺榭還風雨垣墻自古今寧知三代後神繼盡沾襟

東蔭商

雲維華州前舉人與前輩郭引伯王季安為南社社有集十卷華山經一卷體略十

卷

蘭州

此地昔全勝川原今若何長城連紫塞絕嘯走黃河

風雨殘山在蒿萊放苑多五泉尋舊跡惆悵倚巖阿

溫淵知

元肆號笑周三原庠生博學負雋才甲申後縱意詩酒有笑園集甚富

甲申孟夏知友勸仕答之

時國投諸生偽官

二南遺音

卷之一

五

自是先朝草莽臣披裘五月久忘貧清班豹尾爭逢

至甲第龍頭自有人傲骨終同天地老私心只與聖

賢親使君何事輕相勸我已投竿渭水濱

摘句

勝地幾經興廢事夕陽偏照古今愁 一家袍

暖何難事八股悲鳴豈是儒 事蹟年華同野

馬聲名字宙並虛舟 長蜚無情慵掃徑故人

有約許登樓不嫌卧雨花間醉巖愛臨風樹杪

秋 蕭騷不待秋風至清切何妨夜雨來 秦

水兼葭天下古晉堂蟋蟀百年窮莫笑古人

同憂草却憐吾道付冥鴻

石隆映崑三原人崇正癸未進士側儻負經濟才閩亂避地江南憤鬱卒於湖口劉湘客經紀

其

甲申春日

微軀百感事蒼茫落落人憎沈子狂因愛鷓鴣擬小

賦自然好馬不成行安危須仗羣公策南北真同旅

雁翔十二匡簫星功的功名誰似郭汾陽

石朗仲昭三原舉人龍之弟也令桐城有桐音集

二南遺音

卷之一

六

維陽九日

搔首烟嵐處處秋風塵飽盡此登樓雨青孤葉詩魂

冷露白蘋花驚夢幽彭澤有船堪嘯傲龍山無伴尚

淹留相逢勝有杯中約不擬將心更養愁

韓詩聖秋號同巷三原前舉人本朝官兵部郎久寓江南編交名士有學古集明文西夢杭

詩

溫與亨齋前洗桐

幽人經濟本園林鑿井攜童出樹陰豈無晚涼方入

席生時清韻已飛襟暑威忽爾思秋雨酒態從教慰

綠琴唯有主人能好潔日除千徧不為活

溫自知與亨三原庠生恭叔季子博學好施通閩周之至是為偽政府得脫於維康熙二年卒有獲音

甲申秋感

邱壑栖遲歲已深髣毛無那百憂侵青梅潦倒餘孤

劍黃菊續紛紛感寸心日月蒼茫迷五色風煙蕭索變

層陰幾回惆悵年來事淒斷高城此夜砧

落木蕭蕭不可聞千林秋色此平分故交顏色都明

月野客心情在白雲旅雁驚秋翔早露寒蟬裂帛向

二南遺音

卷之一

七

斜曛漢宮故礎今猶在禾黍離離散馬羣

張恂祥泰涇陽前進士閩亂避壺山初由中書為司李呈誤先世富于貲中落猶以五百

金贈友之未始葬者飛鰲賦詩著樵山堂西樵館詩雪鴻草畫師黃子久為世所重

平州草堂

卜降車馬隔而地少塵氛菜園扶筇過園丁植杖芸

短垣山入戶長日樹留雲靜極何蕭瑟青天一雁羣

河上閒眺

寒煙漠漠水粼粼縱目蕭條欲捨神澤雉無端驚獵

騎江鴻漫自帶征塵遙看冀北關山月老憶城南韋

杜春擬織芒屨編笱笠渭川他日學垂綸

春興

谷口村居鎖寂寥登高望遠鬱迢迢深山二月寒雲起落日郊原野火燒草樹當門還繞屋春流出洞未通橋東風送暖來芳甸漸見晴光拂柳條

秋日懷南生魯方伯

湘雲漢水數峯青影入江城使者星聞道邇來相問訊一竿寒雨倚烟汀此種人多愛之然如鄭谷雪詩江上晚來堪畫處漁人披得一策歸人皆稱奇東坡謂此小學中教童蒙詩周少隱曰氣象淺俗爾

二南遺音

卷之一

大

韓望涇陽進士官戶部郎善書法詩集卷落弟王亦能詩工書求之不可得

贈劉學海先生

所作高前古封章自曲臺始知明主意終用出人才省印華僧鎖書樓領鶴開南山有舊友時向白雲來劉芳學海三原庠生余會祖也鍵戶靜修書無所不覽精養生家言年八十餘有少容韓望韓王張柯李大春皆從之游學使署呂雲藻薦為徵不起康熙四十二年紫芝生於青齊著三式約言

九日登蘭州白塔山

峻絕北山寺蒼茫望眼開西風吹帽急濁浪打城迴

塔迥青霄近天高塞雁哀岩栖多勝侶送酒白衣來是日無菊

憑高勝事徧郊原白酒黃花且莫論秋晚割雲收穰稬地偏比屋散雞豚霜華木葉分諸嶺暮靄炊烟接數村寂寞西風殘照裏茫茫何處問河源

張鼎銓羅南韓城人從學文太青左羅石之門國初以明經令蜀之威陽有治績著森園集

銅雀臺

銅雀臺漳河瓦三國英雄如去馬當年鄴都賦臺時

二南遺音

卷之一

九

梨酒凌空一傾寫總帳美人歌舞中一抔黃土尊前灑七十二塚樹南枝令人不辨真與假至今樓雀逐雨風霸業盡在松栢下

楊端本山東潼關人成進士後家居八年而後歸選令臨淄當明季凋殘之餘有惡政著潼水閣詩文集

空囊用杜韻

蘭露堪朝飲秋英供夕餐解貂沽酒易彈缺向人難釜靜遊魚出庭孤夜月寒揮鉏瞻寶氣瓦礫且同看

和江都陳秀蘭方順橋阻雨韻

草店烟霜度旅宵秋風淅淅夜迢迢不知今夜蕪城

雨瓜步江添幾尺潮

楊爾格

仲謙三原庠生余外祖也敦厚質實父早世事兄最謹讀書之外世情泊如有詩集

三十卷

約學海先生春游

窗外幽禽喚夢醒幾時散步出林垌風吹水漾晴蕪
綠雲放天爭遠岫青花落無詩春草草柳長不折影
亭亭早拚稷飲棠梨畔盡醉何妨入戴星

題李岷瞻谷口別業

二南遺音

卷之一

手

雲居林麓自幽深沈寂荒亭敞素襟對面蒼厓收暮
色繞關流水散清音綠蘿挽袖遲遲去青嶂和烟漸
漸沉惆悵夕陽留不得茅庵桑園繫人心

峪口山禪室

翠栢森森石磴危幽閑恰與模

音細見廣韻

禪宜春寒不

捲梅花帳壓屋白雲眠未知

王永舉

孝楊西安人

寄懷何左車

憑軒盡日望中賒渺渺離懷未有涯匹馬曉衝郭郡

雪小樓晴數秣陵花徵求已下山林詔肥遯能安處

士家聞道珍珠傾六斛春風曾逐七香車

李時燦

坦石寶華舉人爲邑令

舟中早發

朦朧斜月送行舟夾岸疎林嘯石尤一葉帆飛穿遠
樹五更雞唱隔寒流霜花冷落欹舷枕漁火熒煌起
白鷗獨有巢鳥啼不住惱人情緒在空洲

李景麟

星河韓城人

維揚春日

二南遺音

卷之一

王

春城花滿燕初還攜手尋芳物外閒一水波光澄似
玉千林煙色翠凝山停車人愛青簾幕隔代香銷綠
鬟鬟勝地風流看不盡十年清興滿邗開

胡大定

平涼進士萊陽介有昌陽詠楚淮游草

宿劉治廟爲燕齊接壤

纔入平原道回看碣石宮路分青草外村靄綠楊中
日比長安近山惟秦岱雄帝都星拱北侯甸水朝東
疆域千年別梯航萬里通霸圖驚落照依客想遺風
憂覺瞻天遠謀因蹈海窮不須嗟老馬早已逐歸鴻

王引無異號山史華陰人明諸生康熙己未舉中孚天生雪木河濱並稱五虎言雄長關中也
有鑑述山志外雲草堂集

酒園偶詠呈三兄雲隱

歸來華下老耕耘自有清音靜見聞空翠春寒千嶂
雨琅玕綠染一溪雲溯洄白露渾紫思飄拂東臯解
出羣義竹當年誰得似瀟瀟萬箇我平分

遊鷗園次韻

勝日幽尋出水濱草堂深處露華新爐當竹底風欲
沸榻傍籬邊雨浣塵喜對王維詩裏畫驚逢元亮記

二南遺音

卷之一

三

中人客來爲問孤山鶴梅影迢迢何處身

杜恒燦蒼舒三原人國初副車以闖亂毀家爲記室酒酣耳熱揮毫潑墨一夕焚所著書弟靖急收之僅存春樹草堂集

遊貌姑射山

列騎踏晴沙汾流帶郭斜河山仍表裏水木自清華
堰石屯魚子西風歛稻花龍祠溪盡處應是飯胡麻

寄答天生

使者還晉陽新詩發定羗羣材入陶冶風格漸微茫
求友飛鳴急續經意興長他年關筆削莫厭老夫狂

王孫尉茂行臨潼進士舉博學宏詞由刑曹遷官學楚省卒有輕香集

岐山謁周公廟

百代元公呵護深豐碑不受土花侵
路怪底風雷動主心宗國藩屏傳日上舊邦煥梯壯
岐陰神靈會入尼山夢周孔堯堯一體欽

岐山懷古

西伯行仁曾此封停驂問俗試扶筇官徭久散十千
耦野甸難尋九一農地憶當年鳴彩鳳人傳半夜褒

二南遺音

卷之一

三

非龍有懷彼笑傷遲暮愁聽岐陽古寺鐘

李念慈此瞻號劬菴江陽進士河間司李服闕官廉州未幾州廢改新城台以通賦罷吳逆時大兵駐制襄捧檄入楚以餉運勞再授天門令舉博學宏詞引疾常客督撫幕有崑口山房集

登東峰望叔卿博臺

山勢何奇幻峭拔行愈出東峰在我左突兀逞羣嶽
石勢皆南奔萬松生叢密逕轉向北上及巔憩石室
東南望博臺纒纒見垂綯鈎梯法不傳臨深空惴惴
坐傷奇勝隔中情紛洋溢

登南峯絕頂

衆山祖崑崙五嶽茲雄長峭壁出青雲巍然俯羣衆
高標五千仞三峯石非兩絕羣迥獨尊赴天成孤往
窮窕玉女祠髣髴巨靈掌竭盡筋力能馴致青冥上
短衣謁白帝問源岍仙仗海雲東南生夕日下林莽
偃仰天地側四顧愛森爽學仙亦荒唐馳思聊自適
何當營茅茨灑然遺塵網

松江舟中

松江過吳會一道得安流旭日輕鳥動和風細草抽

三南遺音

卷之一

五

行匡廬山下

近城先見塔入市盡通州柔艫春衫把吳娘倚柁樓
匡廬山下識春暉斜擁肩輿入翠微萬松雲寒客
路一天曉露濕征衣啄花小鳥銜花去出水輕鷗掠
水飛景物都從閒處好市朝應是見來稀

吳六益池亭看花

松江十日九風雨無雨便因花事忙野水板橋籬舍
外醉將跳足踏滄浪

雷士俊伯顯汪陽布衣與孫射人聯姻有艾陵詩
鈔文鈔

別王築夫

嗟君五十尚蹉跎白髮高堂奈若何樹裏孤帆天外
去蒼苔水際野雲多

周燦星公臨潼進士由詞垣改刑曹守南康設教
生船修白鹿洞撰學巴蜀號拔孤寒有願學
堂集

龍門

河水來天上奔騰注一門地開山半坼日湧浪高翻
疏鑿神工大平成帝業尊不須勞漢使迢遞問真源
送王阮亭禮部北上

三南遺音

卷之一

五

層雲陣陣壓蕪城雨過湖亭曉氣清荷葉綠浮江上
酒夢花紅送薊門旌揮毫珠玉無今古夢草池塘有
弟兄此去南宮子舊地秋風應動故人情

王又旦勿華卻陽進士令濟江吳逆變潛當孔道
從役芻蕘公私便之歷吏戶給諫典試廣
東建議花山設縣有黃滔集

蒼龍嶺

削壁突斷絕微逕始躋攀長虹馳遠影飛落青冥間
迅颺兩崖起獵獵雲氣還連峯若動搖我行亦孔艱
天色撲蓮花瑤草何編爛陡危千萬慮瞻望忽開顏

寶宮不遠從此排天關

夜坐仰天池

窮日凌岷嶂我行亦云疲散髮臥高頂疎星下滴池
暖絕五千仞曉翳何可窺白雲上下飛深松羅四垂
欣無職事縶得與山靈期延佇不知返風林露華滋
高視但青蒼一氣回坤維鸞鶴如可取終焉謝磷緇

玉井

萬槍翳深景夕日風颼颼茫茫石澗外顯氣誰挽收
蓮花不復見一水入雲流

二南遺音

卷之一

壬

壤幹繁短梗灌莽生石路披草汲清冷冥然極幽遇
天風入次寥坐看高下樹

磯上待月寄懷胡君信

雨後綠陰繁涼氣生七澤遙念石莊人林間岸輕幅
缺月未離海殘霞忽歛夕獨鶴下烟江渺渺楚天碧

同楊樹滋登萬壽閣眺華山放歌

渭川楊柳烟濛濛東西大道驕青驄百丈層樓隱深
樹飛甍真欲摩蒼穹宿昔登臨意未厭重來攜友金
天宮坐看芙蓉近咫尺嵐光天色相磨礱茫茫八水

作池沼白帝聊戲拙荷筒塊圯終古運元氣豈有斧

鑿驅神工萬松幽邃不可辨依稀一綫縹緲龍指點

天池是落雁蔽虧忽逐流雲空杜陵老人心膽怯峻

嶺遠望終矇矓安得仙人九節杖從以幻想安其衷

炎暑猶餘古水雪高筭何必須秋昌黎老人還小

勇欲從天上探奇蹤百計空煩華陰到今舊蹟蒼

苔封願摘蓮花種七澤齋志未遂甘長終我昔捫蘿

不辭險微軀竟與雲霄通龍湫仙跡縱搜討無勞朝

史貪神功豈共猿猱較捷足幾與前輩爭豪雄歸向

二南遺音

卷之一

壬

雲臺共君飲闌門月出高腫臃屈指年華一十七可

憐日月如旋蓬春遊正值花爛熳銀鞍莫惜香蘿蒙

爲君歌罷更惆悵平舒城外殘霞紅

古鼎歌

夜坐金景流房櫺一南一北雲蓬蓬誰爲此者驚愚

紫戴氏之鼎來河東子水母土木火功古色不辨異

與崇翡翠青間玫齊紅饕餮怒張雜夔龍蜿蜒之勢

何其工中有一馬方雙瞻其下隱約憑社蟲自注鼎中一馬

一鼠引昌氏春秋或云乾與艮相從不然子午識夏爲証潔和周鼎也

冬紛紜衆說胡能同魯真齊廣空懣懣何人博雅爲
譚宗考圖論世自鑄豐憶昔神廟稱時雍斯器出自
蓬萊官天球河圖與大鏞雖敦紀獻爭春容金耶張
耶椒房雄乞而有之作油供大梁左右興兵戎豪門
散盡隨霜蓬零落不復求亡弓嗚呼治亂何匆匆使
我感歎填心胸大烹否矣難繼蹤此物合依蒲葦叢
至人有閭名丹楓閣前閣後百花茸兩耳三距位當
中把玩聊寄疎且慵王生作歌紀始終慙無長管搖
白虹

三南遺音

卷之一

天

曉渡望鄂州

曉霧壓城頭蒼茫古鄂州風烟盤赤壁波浪下黃牛
星動連江鎖旌高隔岸樓由來征戰地不忍問東流

同朱梅人大雨渡江呈李鏡月

渡口烟出曉孤舟客未歸楚天低遠岸江雨撼危磯
指顧千峯失空濛一葉飛中流歎奇絕不敢怨需衣
淮海人何在幽尋水一涯到來雲徧野坐久樹栖鴉
雨脚妨山翠船頭破浪花烟江如畫裏處處可爲家

泊江口樹下寄周澹園

長川望不極渡口問吳艤白鶴起高樹青山陰半江
秋花垂屋角水荇落船窻爲報南康好殷勤鯉一雙

茂幕感懷

目斷關河遠心傷弟妹貧衣裳破殘臘冰雪度新春
母去誰憐汝吾愁懶傍人中有燈燭影苦照獨吟身

贈梁峒樵水部

幾載常含書省香知君例作水曹郎久辭請謁草侵
戶近著河渠書滿床舊業六盤秦北地臣軀九尺漢
東方那堪塞上烽烟暗升斗朝朝問太倉

三南遺音

卷之一

无

哭曹陸海舍人

絕代風流七尺身可憐落拓老縑塵家無舊業留京
兆世有君才止舍人一櫬秋風歸故國千林夜雨泣
慈親頻陽賸有遺文在封禪何當達紫宸
欲返羈魂未可期蕭條往事不堪悲溫泉夜月尋僧
處燕市秋風並馬時白首微官終不調青山茅屋已
歸遲與君異姓真兄弟忍聽山陽笛裏吹

康乃心

孟謀號太乙邵陽舉人孝友敦節義王阮亭稱其莊襄王墓詩知名當世有毛詩箋

草野集太乙子

大梁行

崤函東下一千里晉魏山河平如水四面中原尺徑
無鳳樓隱隱天邊起憶昔秦王并諸侯春蠶食葉
宗周河華以東強國六爭將割地爲奇謀自從獻
崤函西出刻薄商君草五殺暴秦奮骨叱羣雄耽耽怒
目威似虎伐鼓鳴金下太行上黨摘摘指日亡不知
唇齒兩相切魏王高枕擁齊美翩翩公子好賓客朱
門曳履嘗千百擬將身死報隣封慷慨車輪不返爰
監門老士抱雄心不但勇沉智亦深斬頭爲雪美人

三南遺音

卷之一

辛

免寶符竊出魏王余輕車直赴邯鄲道可憐許都惟
中老婦去材狼十萬師大梁輪偃中山草趙國才人
美且都十二金釵列畫圖不惜山河作事傷琴箏歌
舞醉設壺此日意氣凌風電急難排紛誰不見片言
都計社稷憂勿勿促駕顏色變當時矯命固權宜以
竹成功事亦宜折節若非公子仁豈能間井認鬚眉
西來從此無奔馬山東雲從合梁野一怒還連五國
師追秦直薄函關下魏王空自棄長城魏國不聞赫
烈聲寂歷九鼎入咸陽故宮禾黍泊泊生一自孝王

賦白雪梁園萬古繁花列槍壞五季何其連三百風
流宣政說我行正值寒食天寒風冷雨草芊芊杏花
滿地梨花老憶王梁府亦浮煙探囊沽飲一杯酒每
將物色向屠狗莽榛何處哭英雄落日大梁扶劍走
大梁古道日紛紛百劫荒臺慘夕曛三千散盡夷門
客我來猶憶信陵君

白門四十韻

三南遺音

卷之一

壬

六代繁華苑千年綺麗場石頭雄虎踞鍾阜躍龍翔
星野文開斗山川域莫揚鎮金埋楚穴引水鑿秦塘
險阻分南北車書會四方大江漫浩浩高節望洋洋
地勢分徐泗波流斷溟滄久占王者宅夙著霸圖靈
雙闕連雲漢層臺隱鳳凰朱門夾道起些陌接天長
待漏聞雞報鳴珂列雁行宮花蜀錦爛御柳嫩鴉黃
天一宸居靜千家曙色蒼貌貅森武庫部署應文昌
戚里爭金史侯門闔孟姜王郎朱作戶謝氏翠爲梁
幕府初開讌參軍舊引鵬承恩專斧閭侍寵擅椒房
處處笙如沸朝朝人似棠青樓十萬戶畫閣九迴廊
別送勞亭酒詩傳花月章曉煙桃葉渡暮雨莫愁鄉

玉樹商歌女金壺子夜倡管絃憐玳瑁書牋薄嘯嘯
一自鼎湖去遂令郊社荒衣冠啼晚鷓鴣花草泣寒蠶
王氣降旂盡禁兵鐵鎖亡青奴朝野恨銅淚古今傷
故壘烏衣燕新愁蓼葉霜胭脂紅廢井梅額淡宮粧
秋黍迷鄧都春鶯語建康僧歸白下寺客放海門航
華隴三千隔江風五月涼景陽鐘斷續西浦竹琳瑯
眼倦蕭梁紫夢回彩筆光漫遊隨釣叟痛飲託高陽
時吊孫郎碣還棲太傅坊亭台餘戰伐民物半夷瘡
寂寞潮聲咽分明鳥韻鏘揭來名勝地落日照垂楊

三南遺音

卷之一

重

雷園懷古

一片煙光裏何年有道居名園開列岫選勝傍清渠
燕語猶尋壘人來自讀書濠梁興未遠晨夕轉蕭疎
太簡棲遲日初逢鯉對期世家餘舊烈高詠得新詩
却憶分符後應憐獨嘯時只今蕪草合若爲訪殘碑
大雅宗臣範名儒起憂陽眉山驚曠代刺史重巖廊
北斗文昌座西園太室藏風流知未墜猶記尚書郎

知雅州日引
拔三蘇事

郡齋十畝開風月亦閑閑柳黯鶯聲老溪長葦草斑

官清誰作課客倦尸重關豈必冠爲餓騎牛夢故山

太簡里居嘗騎牛
戴錢冠自號山長

樹老烟長補山寒日易斜紅香殘夢蝶青草亂鳴蛙
三世忠移孝何年宦是家不知從景祐聚散幾官衙
亭池盡草萊一望夕陽開世自何時古人從故里來
長留烟雨色不爲廢興哀應有遼東鶴蒼華表回
余與太簡
公同里

石室傳經久行藏仔細論漫遊周柱下猶似漢龍門
師古追循更搜奇每寄言舊槐新綠展吾道在乾坤

三南遺音

卷之一

重

余家夏陽西河有子
夏讀書石室故址

耀州孫真人嘯居

不謂明王佐翻成邂逅世人相岩香結霧洞口葉藏春
棲息窺元化端居謝紫宸金丹如可乞抱一得吾
一入青青谷煙霞四望浮橋橫雲路近鳥語石屏幽
題字尋康樂臨溪笑許由穆然鴻古在何事托蓬邱
秦莊襄王墓

莊襄塚並白雲齊眺視長安萬井低誰指韓生傳古
墓教人錯認灞陵西

園廟衣冠此內藏
野花歲歲上陵香
邯鄲鼓瑟應如舊
贏得佳兒畢六王

張晉康侯狄道進士令姊從南園同考里誤李叔則孫豹人稱其少年具壯志問驍馬一日可二三百里爲詩出入青蓮長吉與弟牧公卓然名一時有秋舫一嘯衙門篇勞篇石芝山房艸雞艸黍谷吟

老子說經臺

日月照荒臺
青牛竟不見
函關草樹秋
風來送餘善
仙李何時盤
神龍逐處變
留得五千言
令尹受天撰

朱傳鎮

二南遺音

卷之一

雷

黃霧鎖龍旗
霜令鐵衣重
書生偶一言
天已絕炎宋
不待下金牌
心膽無所用
淒涼良岳秋
柳樹年年種

銅雀臺

漳水白雲飛
鄴城黃葉下
立馬望高臺
啼鳥聲啞啞
西陵烟樹寒
總帳胡爲者
可憐風雨中
樵子拾殘瓦

蘇長公雪浪石

算仙千言人
所以留其石
不然何重輕
奔走中山客
烟寒玉馬鬣
草沒銅駝脊
汴宮多寶鼎
識此銀濤碧

劉伶墓

酒能齊死生
荷插亦多事
千秋土一抔
苦蘚碑陰字
我有梨花春
爲君三酌地
麴米有精靈
應美人問世

張車騎井

秋風古范陽
雙劍芙蓉冷
不見虬髯人
指點路傍井
下馬照寒泉
飛動長矛影
一寶水中天
將軍心耿耿
宋廣平故蹟

相公方正人
而有梅花賦
乃知情至者
始能見眞素
殘雪一天寒
斷鴻千嶺暮
迥立想高風
短笛開樵路

瑤華樂

二南遺音

卷之一

雪

八龍日媒走
行樂去問瑤
樓長命藥生
來最苦在人
間雲幢星蓋
上龜山芝田
半夜老鸞叫
送酒只求阿
母笑斫桂燒
金煮赤鱗口
吸天漿丹氣
壽壺中火炆
大如豆有他
不愁人不壽
鳳瑟鶴笙勸
早歸仙淚滴
涇海霞衣萬
里驂騑恨草
草剛別崑崙
顏色老紫殿
紅房日日開
穆滿如何不
再來

海東航

神仙一生藥
裏活怪底祖
龍忙求藥十
二樓船海東
頭便作詠國
第一著海上
三山更五城
日月不落晝

夜明梨花紅樹天地老豈信世間有死生童男重女
憑誰使紅鸞難寄芝泥字逢來得去不得來想是徐
福未曾死六國英雄大可羞神仙那可犯仇讎驪泉
狐兔漆燈滅好將靈藥到沙邱海上人回墓下跪小
臣遲命謝死罪仙人致意有金面祖龍萬世萬萬歲
茂陵秋

明堂東桂之府布花壇飛香雨紛闌闌打神鼓雙鳥
青揖王母藥氣來入門戶麟髓燒解鸞組羞雲允飲
天乳安香歌陵花舞紅船光嚼赤琥丹在壺惟所取

二南遺音

卷之一

壬

海日東尋龍虎不上天劉郎苦珠房寒誰爲玉照魚
燈茂陵土

賽神曲

桃花吹風杏花雨山口春入古廟裏石爐哭哭香咽
起伐鼓撞鐘神歡喜巫娘婆娑唱神來土壁龍蛇眼
欲開紙錢燒紅飛蝶灰精靈和樂不能回初祝蟆蟲
化爲水大家再祝早鬼死慙慙拜跪三祀已田熟牛
肥疾病止獻神羊酬神酒送神神歸神保佑白馬金
袍神康壽年年與我好麥豆

豐年歌

登高望雲雲欲起雲起山頭黃瀾瀾老人占驗說豐
年今年不愁吃麥米南壩齊唱打春牛坡口雪融土
似油命取犁鋤須及早好風好雨上田疇

將進酒

黃金爲闥玉爲房瓊毼半展春夜長華燈閃爍琉璃
光麟脯鳳醢撲鼻香美女如花雙明璫抱琴扶瑟出
蘭堂出蘭堂勸君酒海上仙人駕鶴來起舞爲君千
萬壽

二南遺音

卷之一

壬

輝輝明月揚素波平湖如鏡有菱荷涼風吹岸鷺鷥
多船上美人白苧歌玉壺滿引金巨羅酒清不飲奈
秋何奈秋何勸君酒百年三萬六千觴願君久視同
天地

萱花

紫露碧磚濕傍風朱檻斜如何益母草偏向宜男花
紅破纏頭錦黃封繫臂紗北堂春上壽持此照流霞

伏義廟

開闢皇初遠神靈獨在茲斯文今鼻祖吾道此心師

雪影河圖見松風燧火知千秋長望處天地古何時

堯廟

堦前冀葉秀瞻望得遥深雲日開天表山河見帝心
茅茨秋不剪蟋蟀能吟終古乾坤大茫茫何處尋

禹廟

禹廟荒城外秋風冷畫旗衣裳垂古壁權檣紀豐碑
黑玉書難問黃龍舟已移河聲咽不斷惟有羽淵知

二程先生祠

吾道誰能續先生見本心顏宮兄弟在殘雪古今存

二南遺音

卷之一

五

伊闕松風正洛城花氣溫千秋人仰望俎豆一乾坤

岳忠武王廟

靈爽投壺地西風憶築壇陣雲猶北指廟樹自南盤
日月金牌盡山河玉匣寒獄成心不怨天意厭回轡

望華嶽

禮拜青霄近高寒意已通精靈天一柱孤峻帝三公
日月開西夏雲烟破太空遙遙真瀨在待我叩鴻濛
不待畢婚嫁思登五岳巔先來謁白帝相與問青天
萬古河如帶三秋藕似船與靈如有意爲我淨雲烟

長安懷古

王孫去後草凄凄未忍青郊散馬蹄八水烟花春樹
外諸陵風雨古城西倚蘭廢殿垂楊鎖太液荒池高
鳥啼唯有終南山色在晴樓一望暮天低

客裏真成汗漫遊晴堤任意五驂驪且從紫閣看新
月難向青門問故侯苑外花明通夕照河邊柳細接
春流消愁賴有葡萄酒料峭春風莫上樓

辛夷

一叢新木筆江上最先開握管東風裏春愁寫不來

二南遺音

卷之一

五

山茶

小院寒初退天然深淺紅徐熙雖解畫不可畫春風

張謙

牧公秋道拔貢曾之弟
也有得樹齋後當齋詩

贈吳賓賢

朝暮多悲風吹君海上屋君當未衰時早已謝榮辱
吟詩二十年空齋苔蘚綠賤子苦風塵古道家相屬
君釣槎頭魚我侶澗邊鹿萬里歲寒心相望慰幽獨

大堤曲

大堤落日西風涼平湖如鏡菱荷香木蘭之楫柱爲

橘美人並坐採蓮舫採蓮舫揚素波玉簫檀板發清歌一聲白紵歌未已沙上伯勞雙雙起

寶劍歌

三尺秋水青芙蓉鵲鵲寒泉淬利鋒十年埋向空山畔神光直上冲雲漢風塵瀕洞人逐鹿匣中夜夜蒼龍哭拔向星辰意氣豪蛟螭犀兕紛騰逃壯士酒酣舞且歌蓬蒿日月易蹉跎英雄老矣奈若何

江上雜感

五載傷心處春風得樹堂吾兄曾養母有弟共稱觴

二南遺音

卷之一

罕

當日名花滿他時百草長三山明月夜過客淚沾裳往年悲歌地一望迥生愁塔自衝煙立人誰乘月遊荒林空鳥雀新壘遍沙洲勝事傷今昔滄山日夜流

古意

天半結高樓闌干臨大道獨上望遠西簾開見芳草枝頭三黃鳥作意向人鳴鳴罷雙飛去空塔妾獨行

楊季昌

九如號松嶠武功進士靈壽令有江游集海東秋咏

濟上聞笛

山城碧月半輪秋何處笛聲亂客愁濟上風清悲入

夜隴頭人聽欲登樓梅花半落青蘆渡楊柳遙橫白鷺洲千里鄉思添不寐燈華剔盡海雲收

李邵生

偉人岐山舉人爲邑令善書法罷官往來三原歷陽多遺蹟詩賦

次韻張孝廉孔昭志別

客意離羣日秋深霜雪初錦城花月暗劍閣樹雲疎計拙謀生事心煩理緒餘行裝頻檢點攜我故琴書劉元勳咸陽進士切失怙孝於祖母由中書分選淮徐改山西禮驛道禁官馬累民有集臨潼道中次周澹園韵

馳馬長林外秋風雁字斜山高懸碧嶂水細漾寒沙

二南遺音

卷之一

罕

目斷新豐樹雲開繡嶺花不須通姓字直到故人家劉漢客石生宜川拔貢世多聞人學博剛方善書法有牧菴集

秋感

歲月茫茫草木深倉庚螻蛄遞相侵籬邊老黃花夢霜後歌殘白苧心牛放不聞鳴戰鼓林深到處是棠陰不知家在秋聲裏澗戶頻過空外砧

采霞亭倚曲江池蘋末輕塵覆綠漪午飯鐘搖雙塔影雕欄花照萬年枝漫言雲漢填鳥鵲且向秋風把酒卮客裏不須歌九辨故鄉禾黍正紛披

漢苑秦宮盡草萊
斷雲落日戍樓開
暑隨大火西流去
秋入黃河北地來
玉輦招搖朱雀市
洞門寂寞寶韋

補遺

岳忠武廟其二

張晉

高天一帳望千古
哭英雄鐵馬平川
黑花旗野渡紅
中原悲落日南國
怨秋風不到黃龍
府凄凉古汴官

二月

卷之二

二

二南遺音卷之二

三原劉紹

康呂賜後齊號一舉武功或貢倡明
可亭司寇王遜功嘗從問業有

雜詠之二

良璧韞在山明珠生在水
水深乃涵精山高乃凝玓
巖巖山之高誰能扶其髓
淵淵水之深誰能探其底

乾陵

掖庭尼進已非倫何事齊稱二
聖尊內殿批鱗空擲

二南遺音

卷之二

一

笏齋官沾露早深根垂簾業受司晨制
眩目憲難虛位存厭禱微情史未發
教人過壠欲推論按聞見後錄云張共

史見唐野史明皇為李輔國所弑正史未載高宗不承實有可疑洵為巨眼

望五丈原

風雲猶憶此馳驅顧命殷勤運轉徂
大舉全軍明伐魏竊窺半壁更愁吳
興亡數盡三分計况瘁星沉一域孤
營壘拼殘遺恨在至今啼殺白頭烏

王心敬禮川聊縣諸生歲試防檢過嚴脫幘去從李中孚學屢徵不起有禮川集易詩書

春日重遊樊川

綠柳蔭前堤紅桃艷後蹊祇疑春爛熳不辨境東西

野竹多遮眼山泉盡入谿再來還有信却恐路重迷

晨過咸陽

歷盡瀕河嶺幾層秦家官閣杳無徵夕陽墨墨北原

上雁驚秋烟起漢陵

王承烈

逆功號復卷涇陽翰林講明正學居官清介歷湖北糧道江西布政使人爲少司寇

復楚詩說曰省錄

送舍弟綬三試用甘肅時大軍征準噶爾

孔懷勗我漢廷平卿命從軍不計程皓首酬恩殷且

二南遺音

卷之二

切百金棠賚喜還驚黃路費雷霆威震風先到天日

光開夜亦明莫悵燕雲荆樹遶河山猶見故鄉情

張符慶

華州進士官侍講

除夕前二日恭覽

聖諭

紫苑今重值清宮接上清簾垂冬亦股漏滴午餘聲

秘殿乾坤大層軒日月明文思披典則義訓定章程

讀後三都賦欣隨八百辟歲除新福集

玉歷萬春榮

姚年晉

麗江商州舉人嗣蘇有奇氣學使者葉公映榴月爲驚魂動魄舉世無兩有白山集

送李時秀還灤州

我識君面君紅顏函關大道入南山我送君還君白

頭函關大道入灤州函關草木年年綠君去君來幾

春秋孤蓬飄渺雲山裏關南蓊北三千里野店雞鳴

路遙迤北風蕭颯吹行李行李蕭然昔年別故國音

塵久斷絕行李蕭然今年去又是他鄉斷腸處人生

聚散良有期把臂臨歧前致詞峻嶒野路春山碧祝

君珍重歲寒姿

二南遺音

卷之二

三

病鶴

回憶千秋事秉軒亦爾儔何爲甘寂寞無可脫羈愁

病骨雲霞隔頽翎燕雀羞九臯知已在清唳足忘憂

送許少尉北歸

秦嶺峻嶒草接天逐臣孤騎出寒煙愁猿啼淚晨光

凍班馬嘶風秋月圓以我蹉跎名四阻送君霜雪路

三千關南蓊北山河壯裁得新詩誰與傳

秋晚

閉居幽趣晚來增收拾秋山千萬層月影風濤全過

我寒香相約下疎簾

劉曾曾如號省巷臨潼進士少從李中孚講學令叔浦遠吏曹守貴陽考最進雲南驛鹽道擢按察使有

漱古堂集

何大復墓

曠世風標一土邱荒烟蔓草使人愁霜花零落青楓

老淮水蕭條日夜流

來鑑宜公三原則經撰宰嘉魚有雲起閣集

承天寺

仙謂如來教祇憑文字傳誦經皆有舌幾箇出青蓮

二南遺音

卷之二

四

李夢鶴麟堂三原庠生有十無詩

燈無油

雪消螢死漫昏騰膏盡銀缸續未能清照惟留天上

月借來長夜作傳燈

李大春聖年武功舉人舉博學宏詞官邑令有集

人日寄子從弟兼懷中孚弟

人日題詩高遠夫遙憐子美客成都天涯才子兩相

憶一代清詩錦不如骨肉不見催霜鬢今春轉覺少

聞問床上書籍攤五車門外草色綠一寸微君亦在

北山阿講堂百尺長葺蘿安得片帆溯渭水桃花斗

酒日相過

春日雜咏

天氣陰還霽人家三月三石田耕水北茅屋倚山南

老覺春難捨愁來酒易酣詩箋浣紅雨身在百花潭

無數春來鳥朝啼復暮啼老夫陳灑掃門徑滑春泥

水長從魚戲桃紅任客迷往還每勝地只在杜陵西

纔歇清明雨風光已暮春鶯鳴多在柳花落半隨人

白髮詩能健青山寫易真布袍清似水正是祓除新

二南遺音

卷之二

五

斑杖行來穩青山坐覺深風雲常在眼花鳥自關心

惆悵青雲志蹉跎白髮侵吾生過半百天地一長吟

惠山野酌

略約橫浮晚問津追涼賁得惠山春清江水動三更

月野寺雞鳴萬里人蹤跡有情皆是累烟雲無恙未

全貧片帆明日知何處石上留題舊酒臣

宋振麟子真淳化恩貢性狷潔孝母授學博不受舉博學宏詞不起有大學知止說二程語

中庵集

秦嶺謁韓文公祠

積雪千年跡，祠雲萬仞谿。望隆北斗重，名並南山齊。
繡象磨厓垢，虬松偃蓋低。我來趨戶左，秋色正含凄。

秋望

一葉颼零萬樹秋，冷雲飛鶴去悠悠。風塵不上遼東榻，
水月空懸劍北樓。半世行藏隨老馬，浮生出沒信輕鷗。
蒼然氣盡南湖外，獨挂瀟湘帝子愁。
紫荆沙穴古燕關，飄泊殘生幾往還。豈有仙靈通海上，
空留駿骨到人間。時違畫筍無全策，歲晚雕蟲失壯顏。
獨立昭邱烟霧裏，千年華表舊斑斑。

三南遺音

卷之二

六

凌元龍蔚侯南州人
有存園詩

九日感懷

幾許傷心事，黃花總不知。霜前逢雁候，江上聽烏時。
抱病登高嶺，悲秋酌酒遲。昔年歌舞地，今日淚空垂。

王令仲錫渭南進士廣東
臬司有念西堂集

睡佛洞

誰鑿空山石，幽谿貯大乘。松梢聞澗水，花底見枯藤。
斷岸聯樵叟，深龕憩老僧。早知修淨業，風雨一殘燈。

除夕

椒花當薦歲，客舍又經年。臘暗今宵燭，春歸此夜天。
青雲殘夢裏，華髮老尊前。坐對爐中火，添香續曉烟。

謝天錦漢表南
州人

湟水曲上張丹霞司理

朝陟隴山巔，暮傍湟水曲。哀號中夜來，痛絕過枉樹。
初猶鴟鳥啼，漸久不能哭。又聞訴淫聲，緩急相窘辱。
怪此荒垌邊，詎得有桎獄。云是府胥徒，逮罪赴省屬。
吁嗟乎華堂高卧，伊何人朝出結駟，夜秉燭負芻芻。
輓輶昨旦一遭羅，纖纓此毒朝來旬。箇就公庭無奈。

三南遺音

卷之二

七

四肢已踣跼，皮骨從來非。木石按律那堪再，劉劭額
我牧民人遣役，慎鉗束均是父母身。斷者不能續。

梁舟本天三原進士令江
都安肅有倚伴小章

有所思

有所思乃在碧落間，精衛徘徊渤海灣。六鷺笑兀控
三山，浮槎不來消息隔。飛濤湧月度天關，當壚無計
覓丹還。乘乘勞心笑朱顏，美人寂寞淚潏潏。秦皇漢
武俱何處，蓬萊宮闕自幽閒。

早秋懷孫豹人揚州

海堂居士孫豹人客卧淮南二十春江頭落筆舞蛟
屈澤時行吟泣鬼神蕭然四壁家何有天地不能飽
一叟逢傷但醉酒十杯遣興還餘詩萬首詞賦從來
貪益工青蓮頗類少陵窮光饒萬丈寒星月懷抱心
期此老同去年分手平山側江水迢迢照胸臆相思
日夜向東傾玉案青錦悵何極田園將蕪尚可耕此
老長忘鄭谷情相見歸懷應慘慘草堂風雨百憂生
屋梁新月照眉睫秋露盈盈動落葉將心分付雁足
來或寄江魚緘尺牒

二南遺音

卷之二

八

郭士璚

飲霞號梅書涇陽人江都籍進士官登萊道

金山

江流落日萬峯齊醉後閒看鳥欲棲無限白雲飛不

去一天秋色小亭西

王祚昌

天乘涇陽人有漁古堂詩

潤城晚泊

月繫河明塔影斜叢舟成市點秋霞船頭小婦爭吳

語問住垂虹第幾家

白乃貞

清湖進士官檢討

登嘉嶺山

覽勝登嘉嶺長坡秋色分園圃千樹栢塔鎖一梯雲
寺憶遠公蹟碑留小范勳蒼然暮色至晚明送斜曛
朱廷璚山碑富平進士出詞林累遷登萊副使再補左江好古鼎彝書畫有衡寄草堂集

河洛懷古

伊洛元分天地中盛時車軌四方同豪華想像歌鐘
里壯麗然疑粉繪官津吏往來疲漢節居人伏臘憶
周公如今客意蕭騷外極目霜原數暮鴻按然疑見九歌
任璣公義號初菴涇陽進士金縣縣累遷長蘆運使直隸守道有臣輝閣集

二南遺音

卷之二

九

自閩出奉新寄內

一自春風出八閩經時多病卧江津孤踪花苒應愁
我萬里蕭條苦傍人歸雁過聲淒素月秋衣緘淚濕
黃塵寒宵機杼勤能織札札還堪慰老親

孫爾思

府生咸寧舉人鳳翔教諭權知縣事多善政有潮上集

鳳翔東湖

偃仰平湖曲岑嵐一望收芟風清帶夏梧月淡澄秋
餘似浮天過人疑入畫遊仲宣當此際不用賦登樓

潞河秋口

曲溪遙帶晚霞流水國蘆鄉易到秋動次寥天碣鼓
苦度淪涼月雁知秋詩情舊植黃公柳畫景新添青
翰舟咫尺烟波千古事嗚夷何必五湖遊

許秘天王號鐵堂閩人與一尉各士唱酬甚富令安定僑寓秋道致葬安定

送孫無言歸黃山歌

朝馳青絲羶蘇操白棠漿故人在蕪城明月破蕭莽
訪君登君堂飲君坐君幌南酒方數行中夜發深槍
自言家在黃山陽欲歸未歸竟塵鞅向平婚嫁無時
無掉頭那得起世網逡巡再拜如有求愛我詩聲多

二南遺音

卷之二

十

慨慷停杯離席爲爾歌久已卧遊意欣往吾聞荆曠
之山何其高且雄去天拔地八千丈崔嵬彈壓勢莫
當峰峰六六宛相向楚頭吳腹如鉤連突兀離奇信
殊狀上蟠虎豹跋扈之藪宅下瞰蛟龍迴旋之與藏
吐納元氣包鴻濛爾紀星躔百神仰傳云三天子之
故障在焉沒汨風光失回罔黃帝六飛何處尋容成
浮邱夾行仗衣冠雖自壑橋陵萬古烏號動靈爽兼
傳煉藥此山中豈有雲螭寄虛晃丹沙爲泉金銀臺
美簾良菁垂露掌日輪月轉攝精魂天海延表色同

蒼鼎湖已涸爰居哀林谷風凄嘯山魃黃鵠啼白
晝啼向人玉妃珠璣驚板蕩自是君身具烟霞攀藤
躡葛或存想孫子稽首曰否否出黃入黃固非強行
將視息學巢居不用齋糧宿旌轅問黃何所衣黃亦
無所衣箬幹蓬皮鳥子整問黃何所食黃亦無所食
石芝金杞狙公檢問黃何所處黃亦無所處丹谿翠
巖巨靈障問黃何所游黃亦無所游陵陽洪崖與夫
逍遙之虛上嗚呼此山何處超忽而多材宣氣生物
理豈妄學仙安得爲荒唐且與九垓同震盪我今送

二南遺音

卷之二

十一

君歸去兮他年五嶽遙相望騎鶴來看道人詩矯首
滄桑共惆悵

金陵放歌留別倪閣公馮納生

君不見江南庾信望鄉哀我今登高縱酒憑吊不可
一世之奇才城頭鐵笛秋聲起鍾山鬱鬱紫邏開名
士徜徉鸚鵡賦美人縹緲鳳凰臺中原流離走杜甫
天寶琵琶育婦苦老大恥作請謁詩嚴武諸公亦有
數長千雨舊遺六朝花落續紛問佛祖丈夫但生高
皇時終繼平平羞與伍君不見十廟之旁功臣甲第

連如雲英雄氣盡半醺我今青衫白袷歸閨中勞
勞亭畔多悲風同時握手有二子行吟金石凌煙峒
楊子江頭與君揖雍門豈是尋常泣玉塞霜寒鴻雁
稀金陵野菊牛羊濕吁嗟乎小人之役爲有母肝膽
持贈赤虹吐生不將相與神仙安能於此守鄉土此
去滄溟萬里間鯨鯢縱橫貪狼煙七尺東還寸心在
世人欲殺君獨憐思君日上武義巔猖狂散髮臨高
天男兒富貴貧賤各有適何時與君重話鷄壇年
訪王貽上於慈仁寺雙松下同作歌

三南遺音

卷之二

三

騎馬橫過五都市獨數中原問王子才聞甫自泰山
來置身却在雙松裏入門拔地搖穹蒼老樹盤根渾
四旁白日蔽虧蕭蕭莽莽枝拂拂棲鳳凰世間靈物
忌孤美此松疎有相連理青銅降粒神仙家黑鐵修
鱗帝王里銀欄繡砌徒岩巖六月高寒氣弗驕科頭
其下吾與爾摩崖索碑尋前朝羽葆清陰閱今古虛
壑忽聽生雷雨月石風泉迥絕座如入靈源不知處
因之雅欲游山東齊州九點摩秦封爾歸岱側吾聞
海明年野夫來看松

詠春西堂寄閨大修齡

見說茲堂好題詩偶牧翁河山餘舊業天地有諸公
五世衣冠外二陵風雨中昔年遇孫默云汝最英雄
草堂面淮水名與宴花卉客至拖裙展人留盡阮籍
墓田三晉內風月五湖西汕素曾經過恁恁惜解攜
登倚

天門丹碧插巔巔翠色東來彩筆干高蓋流雲圍古
時大羅飛雨灑秋盤珠泉組練中峯燦瓊島襟裾上
闕寒起視賢君七十二清虛何處更乘鸞

三南遺音

卷之二

三

震旦光華野日紅含靈羣有胃浮空聖人屹屹崇明
德大國泱泱表古風青海玉圭誰狎霸黃陵金簡獨
標維到來萬里滄溟客回首吳閭足練中
黃帝經遊巨大荒齊州點點入秋蒼雲霞壯出峰蓮
小日月精垂副黍香望遠藤蘿覘白馬昇高迢遞跨
青羊上書慎勿言封禪元鼎君臣祇小庚
芙蓉員頂髻紆盤幾得凌虛刷羽翰種藥雲中金堂
秀賜書天上玉毫圓旌旗海屋迷秦釐簞簞山魁竄
漢壇縹緲六飛今不見蒼梧黃竹未回鑾

高雲客索題小姬影影傳後

東阿詞賦本風流
琉璃空梁落月愁
夜半洛神方入夢
鏡臺虛動玉搔頭

海棠雙檝莫愁家
金粉帶痕親木瓜
陪侍雲翹春不管
閉門寒食祭梨花

題方爾止姬人抱鴛圖

香雲一片踏西陵
才子哀嬋淚更勝
吟到梅花墳上土

黑金剛諸咒石樓燈

郝壁 仲趙蘭州東人官副使有廣陵逸草

二南遺音

卷之二

古

元元女伴妬無雙
一謫揚州耳浙江
只合西湖留後影

孤山梅冷閉晨窓
或以列明詩綜不載小詩謂無其人按陸麗京曰此馮具區之子雲將妾也所謂某夫人錢塘進十楊廷槐元

蔭妻也楊與馮親舊欲為作計令脫身小青以在薄甘死寧為蕭中蘭不肯作風

中絮見施愚山樓齋詩話 右題小青傳

王梓 琴伯卻陽太學生令孝威受業康孟謀有槐蔭堂集

和龍眠陳質夫原韻

我年四十髮蒼蒼
九折阪上愧王陽
栖人廡下嗟疣贅

誰信嘖嘖成康莊
紛紛世服多重輕
縱抱長才復何用

帶雷升斗藉他人
筆耕聊作北堂供
楊朱感慨

泣路歧飛將不封厄
數奇厄成已去孰可問咄咄書

空曉時宜但飽粗
糲肥趣好翹足高歌偕野老友朋

膠漆古所推此日相
逢願傾倒行藏莫漫歎萍踪鶻

手曾登太華峰放眼
縱觀天地小晚來歌嘯依長松

三年交道同金石滄
桑閱盡情不易眼底碌碌醉復

醒欲尋詹尹共卜宅

羅魁 文燦咸亨歲貢嘗從李二山學司訓麟遊有訥齋集

空翠堂址

空翠堂高臨漢陂
畫欄雕榭竟何時
秋深碧草埋荒苑

二南遺音

卷之二

五

逕雨輕蒼苔篆古碑
簫鼓聲隨流水去
菱荷香斷晚風移

誰將綵筆酬仙侶
慷慨長吟杜甫詩

楊素蘊 退菴宜君進士由邑令歷安徽湖北巡撫少有奇遇見說翁著見山堂集

山居

高秋孤杖倚雲間
坐看溪光卧看山
白雪風翻驚鷺

浪青苔雨濕出層
斑羣歸倦鳥飛飛
急對浴輕臨泛

泛閒欸乃數聲天
欲暮漁舟輕帶夕
陽還

飛樓縹緲枕河湄
曉屋羣峰列嶂隨
雨腳每從晴外

見灘喧翻與靜中
宜稅完胥吏寧過
舍野放雞豚偶

到籬不學武陵深避世漁舟停櫂莫相疑

王維世介臣三
原舉人

清明書懷

花事闌珊已自憐况逢寒食滯江天風輕乳燕穿芳
甸嵐爽春城歇曉煙夢裏松楸雙眼冷客中時序一
身偏郊行又送韶華暮愁龍青山響杜鵑

王相業亮號雪蕉三原人
官邑令有泗濱草

懷古

千門煙雨黯平蕪王氣江東信有無喬木拂雲封故

二南遺音

卷之二

七

里飛樓逼漢表雄圖新豐鷄犬空思沛南國冠裳已
沼吳何處深山隨鹿豕老夫真嬾著潛夫

房廷祥符公三原舉
人有吳舉吟

晚宿西山洪院

日暮西山樹影沉蕭蕭車馬問禪林可憐楓葉經霜
染最愛鐘聲入夜深鳥語月明雲漢杳泉流石冷水
痕侵停車且共煙霞侶萬里清光映翠岑

劉儀恕推菴涇陽舉人平陽守有瓊函
閣集其子瀾涵必俱以文名

廣陵有感

寄情休整髮不合近紛華况乃吹簫地元多踣鶴家
綺羅春晝閑燈火夜官衙佻達西鄰子居然亦自誇
寄懷周曲沃容齋

故人汾水上三載絕鴻音何事山公啟猶猜宓子琴
邪公袍自麗桐野雨還深無限相期意口風附短吟

劉潁西谷涇陽進士與弟涵泌同官翰林內廷
纂修李厚菴云宿負詩名罷官長蘆運使乃

益攻苦遂造古人妙
處有集當續購之

次史蕉飲白桃花韻

南陌東園落素霞何須梅間柳相遮潤邊含笑疑瑤

二南遺音

卷之二

七

草井上無言帶露花妃子初翻羽衣曲陳宮仍唱後
庭花誰能一側塗紅頰向日迎風類狎邪

雪膚冷骨覆輕羅江店山橋映玉波園笑梨花香氣

少徑嫌李樹粉痕多西王苑裏清如許宋玉墻頭冷

奈何渡口最憐王子敬青簾白舫為迎他

洞口新蹊別有春玉山空賺武陵人還疑庾嶺相思

夜莫是蓮花不染身色淺偏宜敷水露格高似避洛

陽塵曾相映處羣人面笑向門中訝未真

和雨和烟迥不分眠雲戴月一羣羣夢回猶帶密妃

枕魂去應依蘇小墳玉鏡臺前看曉沐水晶簾下照
殘曛羨君浣紙揮銀管相對花神寫練裙

劉酒海觀守廣陵遷閩鹽道海寧查嗣韓詩名著
都下酒旗鼓相當人呼前查北劉詩多散轍

將赴廣陵任

耿耿別親知匆匆戒徒御出門望東西一麾廣陵去
伊余樗櫟材本非廊廟具遲迴十五年校讎溫水暑
才雖愧東方志豈同嚴助不謂一葉飛忽辭溫室樹
蕭蕭北風寒行行入烟霧上林舊枝悵惆悵願回顧

溫儀可像三原進士昌
平道有紀堂稿

二南遺音

卷之二

六

乙卯九月歸家

柿葉蘆花霜滿林孤城蕭瑟鬢毛侵書生趙北功名
薄野老墻東歲月深雲歛溪山閒洗筆燈河屋壁罷
彈琴舊遊湖海渾成幻回首西風聽暮砧

屈復梅翁蒲城人童子試冠一軍會妻喪不再娶
遂徧遊天下居燕臺以詩名世舉博學宏詞
不起有弱水集唐詩成法百
研銘玉溪生詩意苑詞新註

登堯山

朝嵐染晴霞射日化烟霧霏微滋我永浪擁西南去
鳴咽八水聲來人重泉樹遠聆長者言下有漢唐墓

出我城西門漫泉泉上步時見綠楊鶯啼入高枝去
清溪獨往人桃花夢中路

經黑石波李郭同
舟處

落花下雲根參差古烟響神仙冷壯遊經過成幽賞
曉色分岸碧白雲當空漾迢迢幾陵岑乃聞迢鈞當
春露散紅霞空山愁浩蕩氣概落天空精神青苔上
志士每懷悲達哉慨以慷

無端

春染流雲綠芳烟橫高樓蕭蕭征馬嘶浩浩佩吳鈎

二南遺音

卷之二

尤

紅塵蔽天地江湖萬里遊驛路逢歸人流離在嵩邱
饑寒尚無濟乃言千歲憂野田花亂開晚風冷於秋
無端此一身白日過人頭

遊古厓亭

漾舟契秋色佳遊仰昔賢平湖帶高城孤亭方悄然
遠香浮水際李杜播瑤篇日華麗清淺雲影媚淪連
古人下真士跡逐精爽傳餘輝耿未歇澄波淡重淵
一馬竟罹厄長虹忽亘天至今飛鳥過啼血如杜鵑
空中駐阜蓋回首蒼烟西風蘆荻暮夕露泣衰蕪

文舉既寂寞元禮亦連斯人復逝矣月明獨扣壁

大白拳絕頂

一身際松篁壯懷易絕巘疊岫已數違始陟翠微半
浮綠鼓波濤中湧金銀殿秋雨新蕩滌顏色何葱蒨
屢粘餘粉休復綠危逕轉寸進苦躋攀下臨虛無眩
向來眼中物一氣但迷漫平生覽勝心至此忽消散
掘井不及泉讀書須終卷賈勇更登歷志決力隨變
蒼然天地開耳目尊雷電大海東西圍甬江橫一線
培塿兩浙山分明三吳練精神四飛揚崎嶇自平衍

二南遺音

卷之二

二十

野果結異實幽花紛奇綉好鳥奏笙簧澄潭亦自現
兩月佳處遊峻極生畏難所履如不高安能領衆善

送陳宗五旌里

欲裁天孫錦欲剪織女絲絲以作纏頭錦以作障泥
欲網珊瑚枝作鞭爲君驅欲採崑崙玉作鞍爲君騎
策馬出長安觀者塞路衢夕乘月中兔朝跨日中烏
我行三千里伴君到京都空談復何益懷抱徒區區
萬端仗友生老大事轉極約有赴江南知否假羽翼
涼風捲湘波明年當七月方君發楚時是我去燕日

我留送君行我出君又入出入與去留相背誠難測
車行忽已遠獨倚朔風立

靈隱寺

後山如藍前山綠流水當門秘叢竹中有寶殿蓮花
臺臺上金身一丈六美人畫船海上來桃不能紅李
不自慈雲甘露他生前稽首乍欽驚鴻翼五百羅漢
無名欲一聲佛號皆動色玉壺龍井素厨羹凌波遊
遍衆香國燕子飛遲鷹眼疾滿池苔痕拾春跡秦川
老翁本無心往往朝來歸已夕會得叢林七祖禪獨

二南遺音

卷之二

三

向冷泉面石壁

南屏山

桃花杏花半弄色苔滑細路去安極香風吹衣羽翼
高江湖滿地南屏側依然晴綠蝴蝶飛遊人畫船星
寂寂俯仰牛斗忽不樂紅樹鶯聲啼向北淨慈寺裏
鐘初歇陵谷烟生一空碧古來局外多閒愁此生更
著幾兩屐領略青山挽滄海前有吾鄉孫太白孫一
元句
挽回滄海真無計
領略青山今有人

散金臺

滿池生瑤草黃金歸賜時古臺曾散矣平野尚延之
貨殖多三致官高幾四知諸君如過此應笑二疏癡

古都城

江聲楊柳岸六代一烏啼粉堞春風盡清光夜月低
心還隨綠水步已上金隄無限鍾山樹陰陰望欲迷

上林

荒野閒花草春遊過上林凌雲有詞賦芳樹鳴珍禽
獨往將何適從來感至今漢皇無狗監此地亦銷沉

林和靖祠墓

二南遺音

卷之二

圭

處士高祠墓春風薦酒漿雲增湖水秀雨帶落梅香
鶴去空山在鶯啼過客傍人生逢重代泉石亦流芳

天童寺雜詩

亦有雲歸夕猶疑水滿天月明松影瘦風定鼓聲圓
習靜唯求侶新涼不忍眠身名兩無著豈少好林泉
夜氣隨時變朝花踏翠行雙池各受月衆嶺自爲城
倚樹常粘蟻垂簾巧入螢有僧靜如此一院落巖聲

金城柳

十圍綠玉樹手自種金城何事婆娑下無端涕泗橫

絲絲飛乳燕葉葉鳴春鶯骨堪回首梟雄盡有情

楊花

爲納山農家女雙卿所造非人作

乾坤浪迹與誰同飛絮淒迷正滿空皎潔有情明曉
日顛狂無主領春風漫天亂颭青雲路匝地橫翻白
雪宮忽向直西重回首絲絲俱在別離中

漂漂盡日無留處蛛網遊絲惹恨長偶爲相牽非縈
縈纔成小別又飄揚浮萍流水逢愁侶列宿當天有
故鄉隋花月明三百里飛來飛去總茫茫

書中乾蝴蝶

二南遺音

卷之二

圭

花開花落已堪悲况復生花夢別離無可奈何青草
路不如歸去絳紗帷松烟映月明殘粉竹素薰香沈
艷思比似飄零桃李下翻教風雅笑情痴

長生訣欲問元經翰墨林香倦羽亭十樣箋開花片
片一簾雨潤粉星星崢嶸洲遠春將老宛委山深睡
未醒寄語芳園諸女伴好來相訊子雲亭

一卷高擎花樹前探花此度可能還瓊鬢依舊客雙
宿玉版傳情冷獨眠傳粉研米才只費分香倚翠性
相憐隨風總別衣魚去不過青苔綠草邊

春情不斷若隔籬
秘笈深藏可放還
筠管蒲盧爲吊
索刻藤脉望許游仙隔簾紅雨與形影堆案黃庭好
墓田我欲重教花裏活艷陽時節展雲篇

錢塘懷古

天目龍飛潮自來
水烟石霧湧樓臺
不須牛斗占佳
氣如此江山少
勦才歌舞人爭圍錦繡
鶯花天遣作
蓬萊六陵千樹春
無主應傍姿留墓上栽

天章寺作

紅塵隔斷樹層層
踏破芒鞋戀石稜
芳草有情深更

二南遺音

卷之二

雷

入碧山如畫
陰須登微風不動涼
生夜壯志難消冷
似冰日日六時鐘
磬後下方流水上方燈

遊西湖

秋香風裏過西泠
三十年來此重經
楊柳陰濃舟
緊桃花氣煖夢初醒
纔知門運先春綠
記得亭臺向
晚青應爲白蘇開
密網只寬新月出南屏

時遊湖有禁

春日

山山神女雲處處
王孫草一夕未歸來
紅顏夢中老

看牡丹

流水自流水夕陽還夕陽
只言春已莫不悟牡丹香

河口

一道寒溪水沉沉似不流
青山紅樹裏殘照上孤舟

宿鷺

白鷺真成白雪衣
月中獨立水生輝
偶來一勺貪魚
子萬里江湖夜不飛

別西湖

西湖何事善勾留
兩度春光一度秋
直到鷓鴣啼不
住薰風方送木蘭舟

二南遺音

卷之二

五

山中

谷轉溪迴山外山
白雲香草向人間
牧兒亦解紅塵

事騎得羝羊學做官

結交行

美人神巧負柔荑
綈罷紗窓掩面啼
錯度金針歷金
線鴛鴦毛羽似黃鸝

康績

方陸號寄放安化人寄蕭涇陽與周悔翁倡
詩社于京師詩甚富多散軼唯蝴蝶詩付梓

書中乾蝴蝶

憶逐飛花西復東
香肌瘦損藝林中
形歸不律真成

行獨頌維摩色是空近視難餐池上露開函猶趁紙
邊風春娘老嫁讀書客枯守寒窓避艷叢

墨浪花魂共一函奇葩艷質任君芟三春多病猶開
卷十襲藏嬌漫收絨既有閒情眠玉簡何須清淚濕
羅衫莫憐翠黛容尤減老傍書門骨不凡

摘句

冷疊霓裳羞向月情依雲葉悔離花 鄒架月

明心自醉西山秋老夜偏長 粉痕撲字行行

艷鬚影粘書縷縷寒 殘帙藏來依粉蠹輕綃

二南遺音

卷之二

壬

臥處類水鷺

吳之珽

乾玉號赤谷隴西拔貢三爲邑令著書甚富四方士宦爭求之竟致散落

夕陽詩和黃九烟韻

我誦夕陽詩揮身夕陽際夕陽天一涯萬古勞人意

忽忽日云夕冉冉光如寄水木淡餘暉天公詩無字

此時樵牧歸鴉背寒色綴耳目所偶屬堪入夕陽記

而未值詩人夕陽影在地我思古人詩精魂悲老至

東隅既失之桑榆安可棄見茲孤影成清嶺發幽氣

感通在精神是聲耶是淚夕陽淡無言詩聲如繁吹

叩寂而得音是爲味外味吾觀四時殊夕陽各變異

斷霞曳遠山殘虹明雨霽草色連樹陰流水寫影細

諸此夕陽人中情匪一類遊子念故鄉羈臣懷望帝

復有深閨妹柳色媚夫婿只此一夕陽都爲相思繫

夕陽復夕陽落盡人間事三萬六千劫未造令人涕

以世觀夕陽夕陽老一世我觀日下春朝曦事已既

下到昏黃時天光未全闕朝曦使人癡昏黃使人醉

惟是夕陽中愴然差可畏紅紫萬狀成燭龍忽云拖

鍾山老詩人愛此景翳翳披拾夕陽詩不使夕陽墜

二南遺音

卷之二

壬

我有一丸珠幽獨堪自媚靈光挂肺肝元精得不賸

幾幾夕陽僧高咏夕陽偶詩成供諸天亦不可思議

蟬聲落炤中時時含怨慙渠本自無心而人引爲例

多少夕陽客不知夕陽貴

晚日西興經蕭山至山陰界返棹

晚入西興道輕舸一棹閒過江仍遠水隔岸又諸山

午夜漁燈暗三更客夢惺明朝風景異歸路認前灣

清夜雨中登舟卽事

山雨一何急野航入下溪灘聲隨石轉林影帶烟迷

行印理猶濕孤蓬歷欲低清華舊名縣處處曉鶯啼

秋溪西岸

行步支離甚偶然心賞奇青山扶夏木白水響秋溪
佛塔陰蛭北人家卷畫西又穿深竹去林寂鳥空啼

舟至無錫復觀惠泉遂登錫山

尚作浮槎類猶餘選勝絲與林勾晚棹落日領名泉
寺古禪燈暗山重石路連龍崗憑眺處清興滿湖天

龍崗望見太湖

雨中汪口放船

二南遺音

卷之二

无

萬疊青山一水流橋邊風雨放歸舟人家樹影連邨
暗野渡灘聲下漸悠覺岬魚鮮惟鯁鮑春田麥秀但
既寥蕭條孤縣炊烟夕目送寒嶺動客愁

重過泰山

辛苦學山未至山浮塵羞自對屏顏徒懷壯志小天
下無計凌空高世間過眼烟雲成幻跡側身崖岸步
躑躅何時直向天門去彩袖臨風際紫鸞

行縣

日上嵎城樹樹烟盡與出縣似螺旋誰將萬壑千巒

勝併插花村竹塢邊野徑樵歸山影亂書燈人語水
聲連我來偶憩心如此一盃新茶數雨前

甘露花

簾外蕭蕭扇影斜綠天人靜靜無譁閒看一卷新
葉細數十句開古花泥露芙蓉凝玉隨分香酥醅鏤
冰芽每子刻露蕭頻探夜半天夢罷不羨葛洪苦煉
砂

君可兄旋里惜別

歸雲飽繫共天涯去住如何莫更嗟我已十年勞客

二南遺音

卷之二

无

憂君今九日計還家江東日暮君思重渭北春閒
樂事蒼蒼若到粉榆逢故舊道子鄉思淚如麻

喜晴

黃梅陣陣雨縱橫稍漏天光忽眼明新漲河聲連
霧夕陽山色暢初晴東田戴月泥猶滑西岸挑雲擔
已輕料得荒衙綠陰畔池痕一夜下堦平

江寧官事感興

感慨人間幻夢頻東風乍醒失前因十年事過空流
水半世憂來逐旅塵江上浮雲今似昔座中戲綵故

還新可憐孤枕難成寐一飯黃粱又誤人

一 中秋書懷次韻

清光萬里照人寒良夜深更露欲溥雲破月圓天似
水亭虛賓至氣如蘭十年三仕 君恩重異域孤蓬
客淚殘別後團圓何處是原田封樹費追攀

自餘抗肩輿經於潛昌化雨雪連日出浙西界
今年留句別湖山重到湖干走眼烟三縣羊腸隨嶺
轉萬堆螺髻入雲妍清溪夾岸旗亭裏翠竹橫藤雨
雪天誰道一龕寒極處儘教貧吏聶詩肩

三南遺音

卷之二

手

喜雨和朗然韻并志別意

雲樹一何喜連朝土破堅長官虔禱祀帝澤普山川
五月炎雲歛三秋隴畝平應占歌萬種不數耦十千
公事聽流水荒城隔遠烟我行方忽忽我意更懸懸
度嶺愁疲馬留人惱杜鵑官忙真僱役客盡似逃禪
飛下嚴陵棹高吟石鏡天思君同小阮風雨廢餐眠

陳覺金卓富平
庫生有集

夏雨

絲絲細雨灑埃塵簷溜隨風入夜頻伏枕思千頃

綠披衣待慶萬家春夢中展齒衙泥怯醒後鳴聲喚
婦與向曉陰晴還未定衙茅穩作太平民

王予望

荷澤鹽西板頁與吳赤谷
同時官邑令有集多散在

岷州宿紫宸宮

邊城寒作暑孤客靜於僧可惜十年豪蕭然此夜燈

五竹山作

山行到處卽爲家竹煮胡麻雪煮茶欲借白雲一贈
客天風齊掃入松花

劉麒瞻

天石曾子也臨潼歲貢
官中書有碧梧齋詩

三南遺音

卷之二

圭

天竹實

一按照耀雪霜叢萬巖殷紅妙化工乍觀珊瑚歸鏡
網翻疑寶炬出珠宮標名修竹同高節綴實含桃拜
下風丹鳳不來朱鳥逝憑誰相賞歲寒中

王灝

可山號初村臨潼人孫蔚子也
江南邑令詩集甚富惜散軼

居山

巖壑幽深獨往來隨行瘦鶴步蒼苔柴門近水流松
影不是僧敲不許開

幽棲地僻少紛華野老招看古寺花帶月歸來沉醉

半分將松影到隣家

題陳章侯畫竹

大覺金仙豈畫師筆端瀟灑發天機披圖葉葉消人意似帶秋聲出翠微

寫得孤山伴鶴枝小春孤寓坐題詩今朝風影偏相似似我等他雪下時

竹裏梅花淡泊香寒疎筆致助吟腸春風夜月吹差箇馳我詩情到涓陽

李樟

高平進士平遠令有常章園集

二南遺音

卷之二

圭

村居

谿山迴抱野田平卽野幽居稱意成隨竹編籬繞閭徑就槐架屋不妨明幾番風信催紅葉數禽烏報雨晴誰叩柴門親啟看隣翁有約課春耕

爲園一畝小山林曲徑周圍綠樹深犬護雙扉驚吠影懶歸午日愛眠陰草堂簷敞風能入石洞牀低暑不侵燕子呢喃鶯曉晚餘無別事可招尋

無多屋宇近西隣位置蕭疎爽氣流露泡綠蕪三徑曉風翻紅葉一圍秋階前天地宜邀月檻外山川好

上樓十斛新收家釀熟花開不向白衣謀

列樹森梢竹翠新開闢却埽淨無塵隔風親補月窻紙烹雪呼添茶電新僮送衣棉當戶立鷄隨拋粒繞階馴脫膚栗美黃壺脆兒女誰嗔未是貧

崔昭

孟宣武功舉人茂州學正詩稿甚富

樂城道中

數上春官不得意人生無命欲如何歸來事異陶元亮老去名慙馬伏波逆旅漫消閒歲月征徒失記舊山河從今宜向君平卜莫爲浮華誤薜蘿

二南遺音

卷之二

圭

張郊

東野三原舉人邠州學正遷延安教授風流滿瀝善度曲工書畫中年妻死不再娶有易

集

青雲館感懷

金谷林亭面面紅司徒曾此醉春風香飄錦席歌初轉漏咽銅壺宴未終事去可憐朱履散春歸應恨舊堂空愴人懷處花千樹只有梨雲似夢中

送張子山孫公度西歸

金盡燕臺欲去身柘鐺燈火慘離人麻衣從雪剗蒼淚障扇羞承庾亮塵客路風雲愁遲暮歸期櫻筍薦

殘春嗟予滯跡天涯老情別懷鄉只愴神

書扇贈顧耀卿

州人

幾疊冰純淨碧蠟爲君著意染丹鉛就中一髮江南
路白髮青帘虎阜船

張岫

子山三原舉人何儻風流語

昔箱爲偷兒所竊歌

二十年來誇弄藏赤文綠字流麥光金魚蕨蕪不盈
握束荷戢戢溢青箱緋几披甌對南榮羲和流丹雲
垂芒爛如珠璣堆圓方氣如朱轡跨市坊靜如美女

二南遺音

卷之二

五

守洞房驕如萬馬奔沙場又如羣仙騎鶴朝寥陽白
珠約脾珮青章鼓篋陸離指新眸發面郁烈喚古香
黃塵屈屈滿帝鄉鉤車寶馬聲琅琅三年隨我兩入
都桑乾明月條北霜修羅戰敗藕絲藏都都平丈坐
講堂卹童拱手如堵墻篝燈瀟茗鋪雲肪有時鬼祟
側油囊鑲管絃沉飛鈴黃秦灰漢柏吐虹氣珊瑚碧
樹列鴛行娑娑高唱日移暑清風過竹响鏘鏘靈蛇
之珠儼在懷護惜何啻千琳瑯一朝墮入偷兒手屋
梁椽帖遭奇殃追隨失我平生友百杵撞胸涕零睚

跋人奪杖苦予泥丸脫手悲蛸蟻蜂子鑽紙茫無

門滅殺膽目瞠眙歎仁半人言天公惱才何特遣六

丁下取將不然玉樓豪鬼妮文章伐許不令吾軍張

是耶非耶姑聽之使我披髮吹哮如風狂憶昔龍蛇

走平陸蕪屏冀駒紛騰驤牙籤三萬抵李泌陸渾一

炬看灰颺檣檣晶光照人背轉轡咿啞鳴饑腸老屋

三間半頃田鳥攫虎鬚歸豪強即今摘據裝小帙禿

翎塌翼來窮荒胡爲青氍毹一去復無踪欲挽麻姑指

爪問滄桑吁嗟乎羽陵宛委等批糠楚弓魯玉竟誰

二南遺音

卷之二

五

秀大搜十日徒徬徨吳江淼淼失餘艸梧桐院落夏
日長榴花如火照空廊何時開我白藤今挹天漿

贈趙搏九

先生高卧水雲鄉一榻春風絳帳張病脚居然習整
齒白頭久矣潘河陽兒分莊老遠巡讀僧饋茶瓜取
次嘗我亦天涯流落者晚窓時一話農桑

秋日登焦山絕頂

極目焦山最上頭夕陽無限水東流幾重深淺江南
樹一棹蒼茫天際舟

叩巖拾級復攀蘿紅葉黃花處處多日暮歸舟一回

首銀盤飛雪擁青螺

馬位思三武功人官刑部郎書法貴公子善接寒士年方壯卒

鸚鵡

吳音好鳥來隴西翠矜紅脣架上栖金屋花深隔嬌
女紗窓如烟傳笑語銀絲繫腰不得飛人前飲啄矜
毛衣園中歌舞曉攜出高挂綠楊迷一色富家買爾
巧舌聲那聞布穀催春耕

田呂叶富平舉人澧州教授

二南遺音

卷之二

禪房

繞殿穿幽徑悠然入洞真遠公今已去禪室日生春
靜覺佛香度青移松影新一窓明素紙萬丈隔紅塵

醉歸

嘉會良非易遂巡歸路遲曹公猶跋扈田子儘矜持
晚市喧囂罷春風汗漫時清明看又近重把杏花卮

解含章可貞韓城人擢道沈公青崖愛其詩文見其貌癡嘆曰可惜徒以文章名世小試必

冠軍其貌癡嘆曰可惜徒以文章名世小試必

田家晚秋

秋成萬寶慶年康隴麥青青稼入揚柿甫出鶯經幽
脆杭新脫殼溜匙香草間蛩響咽宿露煙上和晴庄
曉霜更喜公家租稅畢歸來沉醉月茫茫

寓佛寺擬供梨花

來時襄武梨花落到此沿山滿樹開坐對維摩神寂
寂案供雪蕊色皚皚香風入研連詩淡午睡忘機恰
夢回梵放空林無住著欲隨天女散芳埃

閒居

樹底草頭慘落英簷前好鳥喚新晴榆錢難買青皇

二南遺音

卷之二

三

任柳絮紛飛白雪輕一椀茶香澆午悶幾行小草書
春情起看風掃蒼苔地細數花鬚繞檻行

金啟夾山浙江會稽人流寓三原寄情詩酒一切世情泊如也卒年二十七有芝卿集次子清

寄籍固原更姓劉舉於鄉

六月一日借錢卓人商州城西登眺

運朝苦蒸熱鬱躁意欲裸攤書與拈毫昏眊無一可
開窓見山郭蔭樾愛繁穠日中畏烈暍欲就意向情
午後生層陰北風忽輕搖煩襟風以爽游覽志乃果
欣與錢子俱行談步憚憚城西有水田稻秋風婀娜

清淺數畝池綠蒲漪漣蓮葉互擎帖潏波紛珠顆
青蛙與綠龜游跳一何夥此間殊幽虛坐看紅葉采
復登城西樓還視萬山裏應接殊不暇得石愁失左
南嶺千層峰濃翠欲顛墮斜日銜西山葱蒨自飄颻
熊耳透雨尖竊峴若欲躡北山含紫潤庄廬安帖妥
洛流清徹底水石見磊砢東望龍山長雙塔白瑳瑳
丹江灣環流未許關門鎖此邦饒險阻形勢阨累最
從來多戰爭往往遭兵禍猶聞百年前連天蔽烽火
比戶無寧居顛沛成瘡痍耕夫認殘鋤牧豎拾朽骨

三南遺音

卷之二

天

承平今乃久聖德方恤嗇乃知德可恃而險不足荷
居民雖荒陋衣完腹皆果安居在鄉井飽暖勤不瘁
我亦生太平獨苦跡坎壈故鄉六千里欲歸家在那
妻子滯異縣懸室同螺贏平生少交遊錢子乃知我
今子復將去無能挽其袂援援征途間素衣染垢穢
不見標雲柯空思衣轂轆滿城烟靄浮茫昧出柴桑
返步增悲悵足軟行若跛歸來未暇息細雨灑空鎖
寸心言難窮夜从篝燈坐

二果字韻
同義異

畫荷壽九晚先生

畫荷懶勾筋畫花厭設色不寫蓮之姿只得蓮之質
姿也似美人質也此君子聊以壽先生一幅瀟溪水

養花戲作

南於刺史贈我千瓣之杏花頓覺几案燦爛生紅霞
暖日烘晴淑氣嘉沉吟把玩忽容嗟苦無妙器置汝
伴我幽窓夜燈與清茶一童旁立笑啞啞問余何爲
乃爾耶雖無名陶古冶藏山衡凡可貯水養此何必
求其佳爲攜黑油之罐且奢問之此罐何爲者乃
是貯酒之物酒氣著鼻尚可赧笑將此花浸罐內分

三南遺音

卷之二

天

枝簇蕊相撐又因思花開本宜酒亦曾醺酒澆奇葩
以此相合天豈差但嫌此物太養質較之花容未免
如刻東西家庶幾美人居空谷山村陋壤紅顏灼灼
菲屋遠又如才士不遇投荒遐奇姿迥出亦足令人
誇花乎爾無悲失所不見古之美人才士多薄命浮
生能幾逢春華幸脫狂風妒雨相交加何妨飄泊到
處隨隆污

初冬曉發郃陽之方鎮值雪呈王使君兼憶錢

十卓人

北風一夜寒奈何起看新雪凝庭柯披裘出門行且
歌寒風吹面容如酡商於使者騎素驃風安濯濯誰
能過我聞王恭神仙科翩翩鶴驚鳴玉珂君其後身
良非訛我亦欸段一馬馱頗如驢背時情多攢眉不
語手屢撻偶得一句低吟哦凍雲黯黯煙相和長林
荒堡延枯蘿寒雞呖嗚鳴村阿殘葉墮雪禽爭窠往
過野肆醺新醅圍爐笑語雜黔驢驅驢轉磨皆村娥
見客匿探停呼呵亦如彼雪蒙髮影却恨此路多陂
陀泥滑上下愁跌蹉有時下馬落長坡土鬆雪化汚
二南遺音 卷之三 四十

次卓人月夜不寐

豈是維摩亦病禪秋窓閒榻鎮頽然醉思仙去愁無
翼夢有人期奈不眠一枕曉風殘月恨十年衰柳夕
陽天記來多少消魂事試聽寒蟲絮耳邊

雨窓弄筆次卓人韻

雨聲滴共鄉心碎雨脚紛如客思紛黃蝶欲飛還滿
草青山纔見又遮雲十年南國家何在一燭西窓話
旋分猶記巴山同聽者而今消息也無聞

棗花

皂莢榆錢時已過暗香又覺棗花開荒村籬落牽衣
處古道垣牆拂帽來鎖眉細看同白桂微茫難辨積
青苔却憐轉眼天風妬也恐菱歌動地哀

雨後次卓人韻遂有將離之感

惜別懷人淚未休又教和雨滴心頭難禁如此瀟瀟

二南遺音

卷之三

里

夜何況他時黯黯秋腐草微光憐不寐就梅新暑總
添愁君聽窗外梧桐樹便是凄凉獨客舟

春思次韻

春夢歸無處春魂半欲銷庭前楊柳樹又綠去年條

畫荷

蘋風蘆雨滿秋塘落盡紅衣露翠房此景年來無我
分閒鷗野鴨自爲鄉

燈下讀離騷漫題

牆陰唧唧泣王孫渴漸深沉燈漸昏一部離騷千古

淚茫茫何處更招魂

馬駒贊北涇陽舉人
有長嘯聲集

同劉太空梁子正飲八府莊

每憶都門日相過不厭頻何期今夕酒重對舊時人

燕市悲歌最秦川意氣真諸公當痛飲世事總根塵

劉紹鎬繼信三原庠生余同懷弟也
本年二十三有浴花堂集

讀韓詩示奕山

管鮑既已邈孟韓繼其蹤一願身為雲一願身為龍

雲龍騰天衢上下常得逢走也實所望交貴有其終

二南遺音

卷之二

聖

慎母以細故抑塞兩莫通丈夫期遠大開襟婉天空

浩浩欲宇宙混混包鴻濛孰為恩與怨寧論達與窮

昂之崇明德勵以結丹衷晨夕效切劇喜見學益充

所訝雲龍交向背分西東願借巨靈掌牽龍使雲從

雲龍復相合使我心神融

題仇十洲畫馬雜正
己酉

少陵先生論畫馬但貴畫骨非公言亦如評書貴瘦

硬好以飛燕凌玉環仇生此馬兼畫肉神駿不減何

軒軒兩權協月紅夾鏡三花高聳飄運錢垂梢穿地

中結東汗清微滴紅竹妍觀其體勢豈常產追風蹀

影非所難春郊細草青芊綿方解玉勒除金鞍困人

執鞭為前導神間態逸天應全吾聞老驥志千里空

啖棗脯亦可憐聖皇神武開雄邊購買駿足垂千

年欲踏萬古不到處秦漢僅歷門庭前天誅迅速不

稽緩邛支之頭且夕懸通靈妙畫能變化真龍躍出

飛翩翩朝秣東吳暮西極辟易萬馬居其先蹴平鹵

幕成功返形隴上將圖凌煙

有懷奕山

二南遺音

卷之二

聖

清渭無情極東流逝不迴曾將雙鯉去未見一書來

晚歲雪霜暗早春烟樹開正愁千里目何忍復登臺

東郊

春光知幾許願步向郊墟白鳥方雲外青山况雨餘

花朝風習習石徑水徐徐獨笑田中叟難教野興除

憶奕山

東西異處雲偶遇盡殷勤作雨歡然合隨風悄又分

如何千里路不得尺書聞念爾晴陰下春來蔥草芥

有感

昔余東海行彷彿到蓬瀛願見神仙客安期與廣成
天風倏橫路空水滄移情却洞黃塵裏白雲回望平

青門雨

元夕未過雨氣生老農休怨一冬晴此時客舍連山
雨明且春林布穀聲敗履自然容素食著書誰復愛
榮名惟應祝願三千界長與斯人樂太平

北郊

閒步北郊未擬歸否因連接闌芳菲驚看紅藥紛紜
白鵲悲機華漸次稀葉底清溪沿杖屨岸頭新草藉

二南遺音

卷之二

四

蒙衣歡遊直待嚴城鼓萬樹高枝挂晚暉

望某氏園亭

鶯嶺前臨錦樹齊名園悵望管橋西樓臺深鎖無人
到歲歲空梁落燕泥

傍山臨水好園亭步履多時渾未經想像青林紅藥

裏黃花顏色又凋零

過馬嵬

占盡東風何處所如何一夕遂飄零黃山西畔留杯
土不及明妃寒草青

三南遺音卷之三

三原劉紹攷

薛祖

尺巷維南詞林由御史爲江甯監
年水災勘賑調護後遷廣東有小

韓文公祠

潮州有山韓爲名維山之麓祠崢嶸面郭襟江秋一
泓海宇寥闊開堂彷彿骨一疏逆鱗攪元和孤臣苦
飭積炎荒九死無悔盟千年天高日光晶噴頭象簡
威秋卿猶有分庭趙先生名德潮人進士勾當州學陶髦英
爲公左右手承擎直道在人無孤行陳文惠公堯佐宋時

二南遺音

卷之三

一

爲潮後來并四百餘年共一楹潭水騰波浮滄冥
推官後來并四百餘年共一楹潭水騰波浮滄冥
魚鼓響獨猗猗敢噉人家子成丁公用文驅陳用兵
捕鱗殺之崎嶇蠻方江廓清當時王路封棘荆鬱爲豺虎
朋龍鮠二公胡不假青萍唐與宋與連金甌天生人
豪禦鯢鯨嗚呼天生人豪禦鯢鯨

胡氏

靜卷泰安拔貢根抵深厚時
有奇氣尤精詩餘有靜菴集

病疥

涼風健毛骨滂暑行盡祖胡爲倚隱囊竟日長嗟吁
人生百歲中負此七尺軀勳名何足道少病斯爲娛

伊我中年餘人垂少壯圖筋脉全驚緩形貌尙魁梧
當席或堅坐出門或走趨有時事遠道跨馬或疾驅
時命益刺謬遠路成崎嶇咄此癰疥疾令我滋憂虞
我生寡兄弟立身苦子孤父母憐獨子慈愛倍勞劬
幼執詩書紫祈祠縉紳徒一觀太學碑曾赴帝皇都
珥池氣鬱律溝水環其郭華表天安門極望入雲衢
雞鳴官早朝騶從填中途書生臥旅舍熱腸空覲覲
明穆聖君相秘殿陳典謨咫尺不得與繞屋乃踟躕
駕言歸去來俯首溷泥塗俗已輕韋帶身將老繩樞

二南遺音

卷之三

二

堂上二老人衰風日益痛不得甘旨養爲人遜烏鳥
愧痛交心腑何言妻與孥勉培樗櫟希冀收桑榆
方當鄉舉時覲與諸少俱卞和且被刑何況於硃硃
雷煥不可作誰其識銀吾矢志神恂怙迷方鬼椰榆
被疾困漸多日夕覓俞跗前者醫生日幾喪我清臚
近者腦生風常自側頭顱凶矜疊相逼盛氣忽而逾
阿父猶白髮阿母已黃墟痛哭向高旻心隨淚血枯
試謀肥遯計山林厭俗儒終遭塵網羈城市同累俘
轉變成猖狂誰能戒鯨吳游戲無不爲苛節無所拘

清醕朝淺尊華燈夜擣蒲登山躡屨履臨水浮大瓠
自誇濟勝具老馬反爲駒過人卽應和對景卽歌呼
遣興銷胸懷作計殊非愚本慚神氣盡翻覺膽力匱
昨聞西南夷小醜干天誅恨不隸尺籍彎弓而執殳
陷堅方跳盪起乘亦踈踣今倏逢此患中心鬱以悞
衣則弛襟帶冠則解弁啤首則親角枕骸則懸遷殣
爬搔不可耐燂湯迫中厨揮手屏家人閉戶就漏杆
有時對賓客或起飯盤盂倨坐睨几案植立壓栌栊
平昔喜草書握管如援抱買勇揮千紙急似追亡逋

二南遺音

卷之三

三

腕指今不靈紙墨空長鋪強自書數行蛇蚓漫縈紆
推斑虎在檻揚翼鳳在笄千仞困鷦鷯五技窮鼯鼯
竊疑造物意於我劇苦荼不許作達官併斬作狂奴
客或笑謂我毋乃太區區幻質非本根蟬蛻等糝稂
前生知誰何後却知有無中間一彈指安所據爲吾
吾子服儒服近頗嗜浮屠不聞彼家言法身號毘盧
千日放光明兼金竊形模血肉原假合肝膽天一隅
矧此皮膚災詎足用爲瘡類首謹謝客飲我以醍醐
卿言誠復佳持論疑太迂空寂雖佛理威儀所必須

跪云袒右肩坐亦半跏趺奈何此瘡有肢體偏沾濡
上愁指駢拇下恐臂無膚非掛不自得行坐需童扶
便令維摩詰何以對文殊大鈞鑄萬物顛倒直須與
起伏與屈伸此理焉可誣或者稽數日小病遂全蘇
膚革稍瑩潔肌理更克腴還我舊伎倆放浪學鸞鳧
西北歷沙磧遑恤瘦馬瘡東南浮一葉淼淼越江湖
密林宿虎窟深淵探驪珠偶於山澤間得遇列仙癯
大丹餐九還神衣佩六銖化鶴棲瑤樹騎龍上蓬壺
乘高叫閭闔虛皇降勅符塵寰貧病久無過於是夫

三南遺音

卷之三

四

召之登玉京俾其心夷愉授以真官位封以青茅蒞
上清易形氣下界脫網羅離命稱金剛顏色類美姝
千秋萬歲後天門下闕闕却憶今日苦掩口一盧胡

偶成

元凱兩石碑李膺一杯酒忘名與愛名相反亦已久
善夫白樂天二者乃皆有歿後謀芳聲生前開笑口
寫詩留佛剎欲使諸天守作傳號醉吟復繼七賢後
鄙愚媿古人二者皆成負蘭畹非我徒竹林豈吾友
唇舌沾杯杓心胸震杓臼不如飲酪粥聊可扶衰朽

半世醒而狂長吟獨無偶早見寂寞甚還能流傳否
紙墨遂狼籍飄零隨飛走既不伴酒尊甘從覆爵甔

懷孫孟湯先生

春晨造隴首言望武功山我所思伊人講學棲賢關
少年節俠士中年供奉班五十成儒業才藻皆從刪
古賢既渺邈大道荒榛菅松栢有獨立高風不可攀
昔我過其廬造次瞻形顏山立而玉色德度尤詳嫻
發口談經義至教不吾慳一時頻眷戀一義頻往還
睽違忽兩載我心日以頑將欲往從之坂路修且艱

三南遺音

卷之三

五

東風吹蘭澤懷芳可秉蘭末由奉君子惆悵何時問
再往秦州卽事

白日淡淡風颼颼初夏疑是初秋時朝涼午暄暝象
疋農家望雨終無期老夫寄食百里間頻煩往復如
轉規敢爲衰年怯狂走聊歡歡歲忘調饑昨聞南州
足膏澤終宵檐溜聲淋漓四海衆兆一造物何緣於
人生偏私聰明猶知古郡大么麼不計山城卑處樹
鳩啼但淒切野田龜坼長嗟咨安得呼籲通閭閻鞭
雷更起雲雨師夏禾有收秋種入羣物都荷皇天慈

夜夢渭卿

陽氣一迴薄春風吹萬鬼夢見平生親或知其已死
與君情最洽無復相疑理欵曲沾疇昔綢繆備恩紀
少壯始定交謂言如兄弟記昔過君家何曾拜母氏
不圖今夜中乃盡升堂禮俾予爲鴻文爲母祝燕喜
鴻文未敢任小詩頗長技南山松茂悅北堂萱蘿靡
未暇捧壽觴歛而返行軌殘漏疎窓櫺衰軀感牀第
此際兼悲歡何能告妻子遠達阜蘭山茫茫大河水

夢子安

二南遺音

卷之三

六

春風不相棄歲歲來柴關雍雍君子德邈然不可攀
一別三十年逝水無復還我如一片石塵委蒙榛菅
君如一片雲飄蕩天地間倉卒聞信音出處皆憂患
窮途我衰疾宦海君險艱善哉今夕見宛是舊時顏
我髮猶全黝君髮猶未斑杯酒成獻酬新詩相與刪
眼明神忽王氣爽心能閑微茫五更漏迷漫萬重山
容光杳何許積想窮人寰百年早過半會面緣已慳
夢寐可頻接身老魂亦頑相思則奚益祇以益恫瘝
他生共行跡願如鰥與鵠

讀韓非子

莊生貴虛已韓子悲說難涉世良不易誰能無憂患
逆鱗何曾撓竟死囹圄間曳尾泥塗中僅以終天年
刑名殺人術推刃豈爲寬頗怪漆園吏高隱方稱賢
畏茲人間世乃僅免刑焉一身不自保遑爲兆民憐
偉哉孟夫子述孔亦七篇上陳堯舜道下痛生民艱
貌躬值七雄絕無憂懼言後車數十乘齊魏隨所便
從者數百人方藉除饑寒有時數十鎰受則無媿顏
有時萬鍾養揮之如浮烟莫挽衰運阨亦鮮異患干

二南遺音

卷之三

七

元旦

儒道通天地卽此良足觀後來還艷稱南華有老仙
拜揖紛相賀今年又太平近春人有色除夜犬無聲
白髮三千丈滄溟十萬程兩端交謬誤一笑任平生
乾隆三十載月正始元日新雲連舊雪兩儀交清謐
萬里草莽臣衰年五十七也復托聖明居然容閑逸
銜杯亦欲笑墮鏡忽如失疇昔壯盛時首面具容質
浸滯以改移細窺不自悉鬢髮翻如玉顏色翻如漆
色暗徒勞洗髮短徒勞櫛洗亦不須勤櫛亦不須密

形骸敢遽委歎嗟何當畢變化成古今物我皆同一
駢影原少方還丹固無術惟思老狂生所有既充溢
齊年有萊婦肯畜給家室承業有癡子勉強共佔畢
異義有孫男牽衣有孫女置膝儘有數軸書案有三
錢筆拭案弄楮毫發篋理卷帙紛台饒幽事於何求
顯秩英才計科第高卑甲與乙上農謀收入豐歉藁
與程其或爲豪商藏金百千益其或爲大賈畜馬百
千匹諸端非希望一心豈詭嫉不爲負耒民且免踐
更卒貧賤幸未極沉埋誰遑恤引義甘風塵問年况

二南遺音

卷之三

八

老疾斯人稟明命彼蒼至陰陽才智卽此窮怨尤奚
從出曹霸清門在謝客祖德述餘生期寡過庶用保
貞吉

示碩亭

戶外鮮訓啄門堂何清省高秋客閒居下第成幽屏
俊才似美姝起坐皆光影國色本艷逸新粧復明靚
盛氣鵬風培植慧心鶴露警曾經摩厲須相期錐脫穎
胡爲千里途空涉長安境大冶無成勞精金未離礦
之子方妙齡扶桑耀晨景六隴非蹉跎四牡則項領

學道志貴堅發機功宜猛暫見霜蹄蹶終當雲衢騁
年少早登科古謂一不幸斯言疑迂濶煩君更三省
習習春風吹盈盈桃李枝伊余始弱冠神氣亦華滋
學仙誦蒙叟伴愁歌楚辭上論蘭臺史下詠草堂詩
自慚疎經術方擬窮思維心將皓月映目與白雲期
長者溫言論親交背面嗤請觀塲屋作何嫌格議卑
動手引新調轉盼標成規先後相摹仿分寸無違離
少年好橫驚毋乃非所宜方圓定齟齬鑿枘誰遷移
聞言初不信撫胸忽自疑富貴良可求清高胡太癡

二南遺音

卷之三

九

也復取墨義尊崇如龜著聲影妄揣測棱角工磨治
剗除丈夫業調弄婦人姿鬢髻續短髮黛黛添長眉
厚顏東鄰女效贖西家施彼姝紛進御君子終我遺
初服誓欲反流光嗟難追搖落霜兼霰智力枯且萎
二柄互迷謬一生空涕洟十年書未讀悔絕沈攸之
殷鑒予矣遠諸君慎所持趨時勿好古好古毋趨時
承蜺戒志分亡羊因路歧爲君左右袒君請擇於斯
里諺
郅都鷹窠成虎爾毋前公乃怒

解成虎邦都鷹爾毋近乃公僧

寄語鷹鵬時過秋陽春化汝當爲鳩

寄語郭索毋橫行庖人刳汝持作羹

題雪峰州牧垂綸圖

畫聲浙浙滿晴野何人垂釣長松下細拂畫圖識我
公問公胡爲垂釣者臥閣久自報循良揮毫還得振
騷雅功名前路正無涯爵祿密網思凌跨青峰碧樹
乍相習朱紱黃堂真似假煌煌金印眼倦看翟翟竹
竿手堪把冠帶擺脫謝羈束緒絲搖漾隨瀟灑童子

二南遺音

卷之三

十

心情渾自癡達官面目未能捨悵望直美錦鱗魚將
迎尚牽珠勒馬公乃從容爲我言平生拙宦世未寡
曾愛倚杖和風吹更勝投綸清波瀉前身本是白尚
書行將圖畫香山社

杏花

杏花淡淡從風落黃塵綠水各飄泊眼見旬日花初
開貴比江梅吐新萼上帝高居總不知年年長任春
風吹春風無情但有氣那得長留燦爛時如火如茶
霏紅素又見梨桃一樹樹栗留啼罷杜鵑啼啼盡百

花三月暮因憶西漢杜陵老秋風吹走荒山道一語
能傷萬古心富貴應須致身早

夜夢九畹子安取予詩文評點付梓裝潢粲然

故人向我搜行笈零篇殘稿紛掇拾細施丹黃付殺

青細映縹囊竟成集漢京名士相與劉劉儻迥出書

生儔早佩銀章從仕宦仍持絲筆誇風流嗟我少壯

慚同遊風塵一別三十秋那知浮雲偶飄蕩忽逢舊

雨連綢繆贈我所著許披讀索我新作長吟謳謂我

當今可指數方應與古追韓歐漁樵自甘山澤侶盟

二南遺音

卷之三

十一

會敢詒冠裳羞仰承辱愛縱感激却顧祇足增窮愁
分攜又憐芳訊隔悵望難覓通書郵適自何來遠集
此取我文字都雕鏤裝潢疑爲常寧獻珍重長與雲
孫留誰言仰屋徒自苦就令覆瓿終無尤歎息生前
且大夢寂寞身後將何求二君更真爲我計千秋萬
歲堪傳不朝起舊草重收輯卷粗牛腰縛虎急行間
蛇蚓亂縱橫紙光黠淡墨花泣

燈下漫成

碧樹棲黃鸝清溪飲白猿胡爲去林野復此寄邱樊

燭暗鄉愁耿，衾孤旅夢繁。東風催曉起，枉見北堂萱。

涼州

何日此開疆，英雄漢武皇。諸番分兩界，一道出中央。
雪瑩祁連白，塵飛大漠黃。由來形勝地，矯首意蒼茫。

夢李杞望

或傳先生下世頃自京來言得江西某縣

半世疑才鬼，而今識尚存。如何江右客，復此夢中魂。
案牘應多暇，詩篇且細論。醒來真失喜，楚楚笑言溫。
遠信誰傳誤，庸人自始才。正當哀輓後，還得夢魂來。
握手歡顏接，談心笑口開。吳音如解聽，好句正新裁。

三南遺音

卷之三

三

卅載重相見，新詩正可憐。方將張素壁，好爲寫花箋。
忽忽分襟去，空空伏枕眠。悲歡一時極，輾轉五更前。

元日得九畹先生蘭州寄書

五

西京劉子政，十載校羣書。傳道今尤切，談經古不如。
瞻言新草路，遠想故人車。一札先貽我，長懷意有餘。
金城春事隔，碧草尚難圖。不識黃河水，通流紫塞無。
披裘問山寺，灑酒望平蕪。何許東風觸，因之念老儒。
閒門中夜開，爆竹亦喧阗。正出重光日，遙傳尺素來。
華緇仍舊侶，秃筆豈新裁。書來欲報東風信，何當北

雁迴

夢真谷明府

岳帝收才鬼，真應載後車。春魂仍見接，夜夢敢言虛。
聲咳平生記，冠裳顛倒餘。虬髯吾未拂，白黑定何如。

卽景有懷拜三東侯

浙浙復濛濛，寒烟動遠空。佳辰過雨水，春信報花風。
跡滯秦亭北，心隨渭水東。遙聞芳事近，又得小桃紅。
開拜三

一徑雨蕭蕭，相思萬條燕。山春正冷，東侯會秦塞試在京

三南遺音

卷之三

三

夢方遙，選樹金鶯集。看花玉馬歸，貴人多忘故。芳意轉無聊。

夢鄉試得舉

錦笈頻逢喜，金榜遂看名。不謂他年恨，翻從此夜平。
黃梁應未熟，白髮自然生。誤我春眠好，徘徊到五更。
身似羅昭諫，才殊阮嗣宗。詠懷聲寂寂，下第淚重重。
那感風雲氣，曾銷塊壘胸。朝來添咀噀，春酒正醇醲。
萬草開花有懷西屏

冷藥如幽怨，香風亦寂寥。猶憐斯物在，忽念故人遙。

繞砌行空數披襟與未銷重吟篋中句秀絕勝蘭若

對月有懷士安

舊好肯相念新詩無限情寒禽分倦翮古樹共秋聲
寄詩云倦翮秋寒承此素書切豈惟華髮生又云相禽又古樹秋聲滿望生華髮應憐予白首老去意誰傾

暮從友人飲歸

薄醉月中歸閒門向翠微據爲深夜坐戀此遠天輝

書種老何益

九晚先生書來云西州書種胡與吳

酒徒今庶幾多逢東

道主莫厭鵲南飛

二南遺音

卷之三

西

二月見蠅

陽月渾未盡花朝已復生天氣春寂寂世態爾營營
亂擾裁皇憂惡同蚊蚋聲何人最相警誤此雞鳴

慶安西劉太守

去歲奉官

邊郡遠復遠旅宿歸未歸斷魂應鶴化深夜向人飛

我昔升堂客而今曳履違殘更窓外雨淚點欲頻揮

聞雞

初鳴已過三隣舍遠杳復值春分後愁妨曉夢甘

蟲飛誰自警蝶化我無慚少日通宵咏而今作美談

將歸志感

爽氣上須眉英英少壯時關河隨所往雨雪敢相欺

今此三冬厲逢子雨鬢衰預愁行路日僕馬共逡遲

時己卯季秋

屈賈

東侯拜三

共披襟臨歧意不任多情催老至二妙苦

交深大隴重開隔愁雪一片陰枯林聚寒鳥對客且

悲吟

卒卒理空囊出門書滿裝關心愁雨雪回首笑行藏

漫計鴻留瓜

翻疑蟹有腸到家妻子問

時爲子娶婦

贏取

二南遺音

卷之三

五

髮邊霜

深慚主人意

留泰政王介子先生署

真笑老無奇寄食寧彈鋏

繡君還買絲鹿眠逢細草鶴集揀高枝終適山林性

能忘在園時

騰騰周原路吟鞭尚易操迤西將涉險度隴始知勞

虎跡三橋聚

開山內有三橋

羊腸九坂高何時歸故國無恙

報同袍

颯沓震門閉希微起恨端大風聲不斷衰氣膽先寒

踏石凌水結

是秋早寒

穿雲嶂嶺攢前朝遣家信自止說

平安

未見雪花新高風報信頻連日老狂猶惜命光景最

愁人昧昧元冥節蕭蕭白髮身翻思烈風好寒日照

車塵

滿院交飛葉凌空漸灑鹽懸知千里路白盡萬山尖

大雪辭賦慚梁客行藏決鄭詹袁安便歸去高卧可

無嫌

得九畹先生書再寄

悠悠浮老景寂寂湘山城有口惟餐飯何心復噉名

二南遺音

卷之三

十六

東南初日上西北暮雲征却寄風流句高懸月旦平

弱植成何物當春亦自芬繁華隨夏去落葉近秋聞

上殿慚梁棟投林謝斧斤鳳鸞誰肯集麋鹿自爲羣

我友青雲客投簪更著書及門多士滿得道古人如

玉笋從山寺花箋問草廬烟霞貪送老病疾已難除

先生曾寄示

泚水吳李重華山楊子雲謂子安如公偕二妙雅可

號三君梓琴和聲鼓荷衣共氣薰疎蕪慚臭味蓀齡

每相聞

孫男

不稱茁蘭芽聊同萱草花投懷能喜笑撫頂忘悲嗟

霰雪吾年晚風雲兩路賒何時有知識自念舊人家

咀雨不得歸

潦倒依人浸自憐窮途翻作酒中仙聊如贅壻傾三

斗敢說將軍直一錢綠黥空庭榆莢雨青迷遠道柳

絲烟芳春不借歸程便孤枕閒床只畫眠

姜維

涼州上士鬱雄姿大漢將軍上隴時九伐無功千古

二南遺音

卷之三

十七

恨三分遺業一朝危腐儒漫自論讎國信相曾經表

出師遠志於今殊未已精靈應配武侯祠

秋口雨後獨步

遠思如夢復如煙獨對秋空一惘然處處芳塵迷定

處年年冷雨送華年停雲不解陶潛恨枯樹猶蒙塵

信憐若是三生曾有約真從石畔問前緣

再送西屏

遠迹猶然臥客牕紛傳行止語多龐兩年長對關山

月三宿如違父母邦隴塞通秦經峻坂商顏入楚避

奔瀧中原路盡松陵接何日輕帆穩渡江

有懷士安

相思渺渺潮潮波却恐萍踪遂見過少我廿年羞弟
奇輸君十倍始才多春風尚有花光在星象其如劍
氣何也復飄零中歲後凌雲壯志半銷磨

酌兩當屠少府

妙年文藻舊翩翩趨府餘閒興灑然進士由來爲簿
尉卑官自古符神仙遊人鬪酒芳郊外繫馬看花古
寺前定憶湧金門下路紅雲千頃冒清漣

二南遺音

卷之三

大

艷艷詞華春藻叢可憐持贈到衰翁南天西塞欣相
見越調秦聲苦未同魚戲東西蓮葉老鶯鳴上下柳
陰空祇今秋興何蕭索玉露凋傷萬樹楓

讀士安詩

一筆揮成五色雲驚才狂態衆傳聞不知後起誰繩
武可惜先生得廣文曾向明星窺劍氣也從清露接
蘭芬頭顱如許空相憶舖啜皆佳有此君

無題

半是歡情半愴神東風一去不成春胡然心醉金華

雲所惜時時玉鏡塵荷出污泥惟見水蘭生幽谷不
逢人後時采采將誰贈况復芳華記未真

立秋熱甚月光亦有炎氣

七月初旬始報秋炎蒸三伏幾曾休開襟未得涼風
入占候虛疑大火流尚待霜清騰塞馬正逢宵露喘
吳牛憑君莫詭西成事喝病卽今無那愁

讀桃花源詩

片片桃花出水新仙源一閉古時春民生三代何知
漢樹老千年亦避秦尋壑經邱隨地得好風微雨見

二南遺音

卷之三

九

天真武陵長在人間世誰說迷途待問津

立冬日西村夜歸

跨蹇出城衝曉烟麥秋曾事嶺雲邊多收十斛知何
日歸去三星每在天禾黍登塲村徑遠藜藿踏月野
橋偏隆冬寒夜勢仍劇老去誰容汝坐眠

生日五首

擬向青天醉一場仍然風雨近重陽鏡中餘雪千莖
白羅畔疎花幾朵黃妻子頗朝頗具饌孫男三歲解
牽裳人生如此亦何負莫值良辰多感傷

氣爽天高戀枕衾年時回首一驚心常誇朔馬凌霜
健頃作寒蛩伏砌吟今日好扶桃竹杖故人相待菊
花林如何適興還難得昨夜更深雨已深

生時喜氣說充間鄭重相期鼎鉉如初度伯庸先有
恨嘉名肇錫久成虛爾雅鼎耳千古漫擬花生筆十

載曾經雪滿梳好向太平稱逸叟君親兩負一欷歔
復憶頻陽賈拜三五年千里隔幽談孤懸恰是同今

日札寄相思雨不堪我憂長飛高隴外君家舊寓會
城南斜風細雨衝寒去曾傍華筵飲最酣

二南遺音

卷之三

干

寒食一夜雨悄悄曉望寒雲深似羈騎馬過歸近村

路封羊深感老妻懷書生薄命驚梁肉名士風高俊

菜鮭願使中厨兒婦道我公今日太常齋

署秦州國公政教具舉率成三詩 公名棟

山城喜氣溢烟霄此地何圖有國僑一去貪人易廉

吏頻聞官政入民話門徒競出生花筆 書院教士問

左全停輓粟輶 力請免運 祠左爲公韓湘右高名千

古並岩堯 公祠在玉泉觀諸葛武

權知經歲望真除歔歔然徧里閭守令親民心自

念 朝廷命吏意何如杖鳩父老趨官府竹馬兒童

逐使車朝夕局防西去日萬人灑涕一牽裾

徐原文章沈宋詩西清東觀久遷遲 先官翰林降閣

文似陳其年儼 循良忽作衆人母麗藻仍稱多士師

涼月清宵來桂子春風獻歲發花枝何當科第聯翩

日却望榛苓有所思

卽事東碩亭

半庭竹樹一蟬鳴催動秋來十里程雨具先謀褐寬

博天衢所恃筆縱橫卽應風力九萬生正值月華三

二南遺音

卷之三

圭

五盈得意春風明歲事看花走馬復聽鶯

望舅氏別業感悼渭非

綠樹清風接淺灘華堂爽氣映危巒還能當此魂應

在所謂伊人見已難中表親情引瓜葛文章聲氣都

椒蘭卽今縱有琴絃調流水高山不忍彈

年時邀我坐烟霞雅集冠裳語笑譁日暮盡酣元碧

酒春歸爭賞牡丹花經霜老樹千章在隔水開門一

徑斜此日經過何寂寞深林無復亂啼鴉

寄九畹先生

麤麤病鶴困麤麤鳳羽高翔上蔚藍悵望平生人事

改嚶鳴近日友聲諸文場笑我成三北詩筆憑君附

二南先生選刻更向衰年通問訊揮殘老淚不能慚

酒後忽憶交河夫子王文誠公按余與靜菴同師文誠夫子夫

子倡明聖學教思無窮所至延知名士于署余自有傳

薄醉偏饒老淚痕壯年曾及大賢門康成敢畔何休

學宋玉難招屈子魂顧我不才同櫟社知公有道出

榕村李文貞相國號榕村夫遺書展讀顏終卷夫子手授

所著國子爲文貞高第弟子尚得餘芳佩蕙蒸

二南遺音

卷之三

主

夢王文誠公李祀望曾夢夫子爲四川省城隍之神

一去春風二十年幾多桃李尚清妍門人惟我最無

色夫子有神應見憐笑語暫承函丈外心魂棲斷五

更前誰知井絡天彭遠地勢原通小隴邊

漫興予苦腸滑日數如廁應鄉試此十

風塵才擬謝征車尚戴儒冠懶荷鋤春雨僕栽牆下

樹晴天婢拾堊中蔬將軍去趙三遺矢說士游秦十

上蒼却嫌行踪如古昔不須悲歎向窮廬

聞國公遷西安守

佳信誰傳到隴山萬人相顧一開顏還聞大都分銅

虎豈止全生入玉關清吏已光綸綸上達民猶泣

草茅間漢京三載報成績却恐重歸供奉班先以詞林謫外

官所至有惠政

閱縉紳本知國公尚在烏魯木齊

出通西域道萬里塞雲飛豈有陽關外遷官容易歸

喜心曾折屐愁淚更沾衣尚冀爲之兆方來願不違

肅州新志烏魯木齊唐之陽關

將歸示拜三

二南遺音

卷之三

主

日日望西歸將歸意興違所愁歸路夢夜夜復東飛

妻卒在隴干朋友在長安遠路嚴冬日誰當共我寒

書圃有菊

藜杖不復至菊花無主人誰令有佳色寂寞向霜晨

蘭

入門先得氣繞砌忽如空休怨芳馨寂此心無與同

詠古

瓊花玉樹兩相隨綺閣迷樓一水滑江北江南何限

好至今歌舞屬陳隋

殿脚三千擁權歌兩行碧柳蘸清波遶東浪死人何
限猶有子遺開汴河

二十二日夜

一庭風雨送黃昏漫剔寒燈對酒尊秋盡夜長歸夢
遠碧雲紅樹故山村

遣興

交遊曾記廿年前弭治清標也可憐今日板橋清水
外亂山殘雪一溪烟

卽事

二南遺音

卷之三

五

萋萋芳草長根茂踰過青郊一槍懷看取清明寒食
祭鬼神都作去聲太常齋

曉烟無力起東風十里村原半欲空春色不知人世
事柳絲新綠忒新紅

懷九院先生

天祿藏書日夜開九流七略盡心裁斯文莫遺凡人
識太乙神光照汝來先生審定請經

才人屬稿自堪傳良賈求名亦可憐特爲先生傳韵
事宜成猶用賣文錢爲人志墓潤筆三百金

讀倪雲林題吳仲圭山水詩因懷士安

梅松各作一蒼春自詫仲圭之後身踪跡還如仲圭

畫嵐飛雲氣見難真士安與仲圭同姓名倪詩落句云嵐飛雲氣淡無痕

蘭州河橋廳國公遷烏魯木齊同知

萬里窮荒寄一官家人揮涕上征鞍丈夫垂老無多
恨黃酒一歌行路難

紛傳清望重蘭山偶向流沙萬里間去去黃塵莫回
首三年當入玉門關

傳道球琳西域多謫官私幸意云何可憐寶氣君難

二南遺音

卷之三

五

識孤負天西采玉河

亂石平沙沒馬蹄雲山目斷夕陽西隴上人家千億
戶一時雙淚萬行啼

遠宦歡然具敝車書生何事自長嗟東南風力無多

許莫寄愁心西海涯

李松封五興安拔貢令湘潭有耐菴集

贈覺微上人

問師何所至答是西山來雙屐趁花入一櫺隨月開
平生羞伎佛邂逅亦憐才永日看飛錫香風徧綠苔

徐庶故里

野廟留賢跡，慈烏繞樹飛。當途饒羽翼，方寸自光輝。
將母功難就，扶劉義不違。王陵堂下淚，千載一沾衣。

香溪洞

名勝香溪最，登臨實壯哉。蜀龍盤地走，漢鶴蹏天迴。
洞古雲連樹，樓危水抱臺。秋風鞭鐵馬，疑是呂仙來。

歸舟

宦遊齊魯復荆南，冰蘖長年苦自甘。父老不須一錢
送，滿船明月出湘潭。

二南遺音

卷之三

五

孫為霖 起五武威
廩生早卒

寶劍行

我聞古有曳影飛空之寶劍，握向乾坤吐紫燭，不平
時為餓虎吟，錚錚不肯屈。匣中斂玉環，霜鏑秋水明白
波。三尺浪花平，初淬龍淵見星斗。魑魅竄伏鬼神驚，
歸臥青山白雲高。招僧兀坐漱松濤，劍乎劍乎謝爾
功。爾將化龍飛，燄風任爾飛去，百尺清潭中。

王道入 武威
舉人

題南山西崖

南山何處最超然，選勝應推此地偏。曲檻高低環絕
壁，晚煙澹淡抹平川。偶尋複道雲鋪徑，悵望長空樹
接天。幾處漁樵愁日暮，分明歸至畫圖邊。

胡俊 真臣安化縣人
試令有雲壑集

秋懷

秋風蕭颯入林端，翠栢蒼松自耐寒。中散無聊愁集
字，步兵有酒喜求官。鏡中霜滿消空易，水面花浮住
更難。惆悵王陽應尚在，雲山冷眼看儒冠。

洛陽賈太傅祠

二南遺音

卷之三

五

破廟荒殘鎖冷春，洛陽風散賈生塵。長沙有恨還天
地，宣室無心應鬼神。莫道蕭曹真不類，可憐絳灌本
非倫。策成空灑漢廷淚，鵬鳥汨羅共苦辛。

靈石英雄奇遇祠

垂楊繫馬拜荒祠，靈石猶懸舊酒旗。紅粉堪為豪傑
侶，青袍也作帝王師。蟬鳴小苑秋風壯，雀噪頽簷落
照遲。髯客空存天下志，中原有主竟何之。

五原有感

簾外鶯黃絮語頻，翛然客館漫逢春。幾番際遇猶今

日一半知交作古人雲霞崆峒羞按劍烟迷渭曲倦
垂綸當年惆悵杜陵句未信儒冠多誤身

張宗孟孫又號因齋
武威成貢

瀟湘

楚江一望水迢迢千古懷沙恨未消莫更臨風誦漁
父青山滿眼是離騷

王垣

紫亭蒲城舉人性蕭灑彈琴賦詩
與楊子安同師屈梅翁有集甚富

劉巖坡新樹兩松歌

他人樹木要速成吾友樹木如樹人堂前手植兩松

三南遺音

卷之三

三

子高不踰尋握不盈生意爭發向階砌翠容相映含
春情纔能留月惹雲氣便擬呼風作濤聲吾聞南山
有木齊而古號稱髯叟爲木雄兩松雖小抱奇勢安
知非髯之二子來山中又聞善盤擎蜿蜒如虬龍虬
龍有欲信可蔡應羅雛鳳在樊籠頭角漸壯鱗甲老
終當拔地騰長空夏后舊御今俱億幾年天上無遊
踪得此豈不憐新駿控向八極踏八風爲語我友好
護持莫使天上遂得之寒暑屢變青不改兩枝雪亞
皆相宜時傾清瀣洗塵耳還刮俗腸和天倪人生長

年無百歲百年已半餘誰期啣杯頽然臥其下且如
好友莫輕離一日復一日一時復一時眼看松樹吾
老矣左蟠石起亦離奇待君更訪赤松去留贈後人
呼作老仙日追陪

題黃岳陽洞庭全圖

嘒美矣壯矣大觀哉金墉嶂起雉堞雲開元氣鴻濛
抱廣莫高樓鬱勃壓平臺羲和之轡膠柱而止側簷
礙角陽鳥迴風聞洞庭水淵渤溢湧八百里披圖驚
詫心目眩萬艇千櫓洪濤裏東湖西湖何泛泛乃有

三南遺音

卷之三

五

君山頽其中湘妃日夕多悲風幽窟下窺蛟龍宮軒
轅古臺夕陽外令人思鰲島號弓東湖近城揺長空
西湖直與黔滇通陰壑晴巒東襟帶翠管確厓相
攻洲曰挖桿若砥柱左顧君嶺雙玲瓏荆客鯨人定
何處奇物異產安足窮玉珧光輝連海月土肉水母
紛糾結老蚌珠胎照白沙乃與玉輪相圓缺亦有嘉
卉芳草不遷之橘與夫老樹古香因風發爾其馳長
颺走雷霆飛東雨迫幽冥天地與之變色荒略閉而
沉漠南國之國此奇絕七澤之澤擅神靈風恬浪息

煙嵐靜平湖渺渺鋪明鏡風流太守時登樓律次玉
琯陽和應命工繪作洞庭圖亦圖市井列通衢工商
連閭禮讓俱絃歌薄暮起城隅令人聞之生歡娛我
欲攜此圖高臥岳陽城遣人探水底潛向包山山下
行採吳門之烟華渡長洲之明月高舫珠簾英靈聚
去

古滄州

顏塘十餘處云是古滄州茅店行人歇荒橋野水流

卷之三

三十

簪蒸初向夏家落不開秋氣勢吞空澗由來踞上游

新月

百月頻新月客秋異去秋不圓常帶別未半已全愁
抽屈分金鏡烘簾妬玉鉤亦知函谷照歸路自悠悠

守風

梅仙亭下繫舟情兩日石尤未放晴白鶴山頭殘雪
色黃陵廟裏暮鐘聲飄飄歸雁連羣起點點魚燈入
夜明有客不眠眠不得輕寒逐水又潛生

過羊叔子故里

夕陽晚晚暮霞明太傅荒祠動古情敵國不妨存知
已探環曾此記前生遺將裘帶風流話贏得馨香野
老評只是無碑堪墮淚蓮花山較峴山清

布衫

溽暑侵肌汗未休布襦不改舊風流幸非公三冬
葛免者高人五月裘午睡偏宜當北闕晚涼儘可上
南樓紫絲縱有他年色不是顏郎莫漫求

和聞笛

誰弄柯亭竹一根幽思凝向碧天論龍頭水咽年年

二南遺音

卷之三

三

路江上風寒夜夜村戰苦何須悲畫角愁長只此勝
啼猿昭華仙琯無消息目極秋山日又昏

白鷺同王西玉孫晉山分韻

暮鴉爭噪野人扉萬頃清波儘驚飛散作片雲分夕
照簇將殘雪冷漁磯鷺鷥自許羣爲侶海鳥還應共
息機我是西庄王給事故園煙水未能歸

孫景烈

五揚號西峯武功編修陳樞門先生巡撫
時以經明行修應詔有闕中書院講解

春日懷張子仲鼎

同里金蘭有茂先索居常憶數年前公車戴月敲詩

路旅館談經對雪天雅事於今誰可共雄才自昔我
爭傳遙知渭北風光好花發漆村春樹邊

賦得山意衝寒欲放梅

黃鍾律應一陽回淑氣先融庾嶺梅山際寒威隨夜
轉樹頭暖意逐春來水姿傍雪香猶抱玉蕊隨風信
已催子半天機誰早識芳心不語自徘徊

送趙一菴同年暨弟聖木下第歸家

杞梓風標信不虛張說云章趙兄弟人之杞梓龍門點額意何如

用舊懸知玉筍班行近莫悵金針繡法疏人別紅桃

二南遺音

卷之三

三

花落後馬嘶綠柳雨晴初叮嚀爲語西歸日華下雲
深好讀書

許體元

備萬靈州慶貢司訓安定篤志正學言規行矩有易春秋解志學編

偶作

學非深造得於心縱涉羣書博古今剪綵爲花雖炫
爛無根發葉怎濃陰文思湧自逢源茂筆陣酣惟見
理深豈掃浮華臻此境唯將誦習返躬尋

精衰年邁學如何我悔冲齡誤用多氣血方強山可
星光陰正永鐵堪磨見閒坐非觀天小趨向隨人學

步批覆轍將余爲烟鑑回頭雲路莫蹉跎

楊舒

參董三原布衣余母舅也余初學詩時嘗請業焉有淡齋集今佚

七夕

最是可憐夜流螢欲坐衣樹間聞激楚天上看文機
秋雨蟬方沒春巢燕未歸新涼拂枕簟清思滿荆扉

李瑛

伯修號石臺三原歲貢工舉子紫康熙丁酉薦而不售遂寄情於詩尤善丹青脫略世故有近天樓前後集

田父

種稻當種秫種稷當種秫十畝奇種秫百四十

二南遺音

卷之三

三

秫熟常得酒秫熟常得飯所憂不在近爲慮當及遠
入門各有室出門各有營征人念途長田父願年登
一年偶不登種秫不如秫

送客

送客村西門遙見終南山客不如我懶我不如雲閒
白雲任紫閣我獨任人間

宋徽宗金盆浴鵲圖

書畫真成癖蒼生奈若何端王厚重少敏主藝能多
春殿圖鳩鵲燕山度衆駝他時居五國會否憶宣和

飛集皆神肖真堪供奉班風毛沾雨露雲爪約金環

祇合藏天府何由出外間相看剥落色爲憶宋高顏

按隋煬帝曰外間大有人圖儂

後園雜吟

雞犬無聲處書闌盡日局蘇荒開在細槐古落陰青
低樹螳窺蝶高天鳥下庭收來花底露注硯點茶經

秋夜

好洗銀刀膾細鱗醅美酒味初醇玉蟾吐影涼如
水不但秋風是故人

二南遺音

卷之三

五

李仙藩瑶山號竹逸三原國子生受詩於漁洋高弟即廷槐尤著集古有梅竹居小草

訪張炎南不遇

杖藜城東郭言訪玉川屋聞君昨日來乘興索詩讀
不見戴安道却逢沙太穆徑通四面山門掩一園竹
浩歌無所託歸就籬邊菊

夏夕

一簾潤物雨向夕散清涼戲鳥喧花鳴遊魚泛柳塘
鷄棲當徑樹犬吠過隣牆稚子進雙履老妻除半妝
披風消夜短待月引杯長自得幽居樂何知雨鬢蒼

晚晴

向夕薰風度遊雲帶雨歸水花供客釣山翠濕樵衣
露潤池蓮舞霞蒸野鳥飛晚涼恣逸興弦月款柴扉

上已感事

元巳風花已杳然從來溪畔憶當年觴飛曲水魚吞
酒艾採崇岡鳥弄絃綺岸桃花紅笑日烟村楊柳綠
浮天行吟不減蘭亭興停石題詩續香編

祁琳景純咸寧庠生有芳茵園集

晚眺

二南遺音

卷之三

五

重疊青山一望收江村幾處晚烟浮樵歌聲逐羊牛
下夕照光寒禾黍稠吸露元蟬吟古樹窺魚白鷺聚
圓州因思人事成惆悵回首蒼涼萬里秋

梁履中德安三原庠生有敬堂集

西章堡早發

百里行來興已闌嵯峨西望入雲端夢魂最怕宵鐘
破行客還愁曉露寒羸馬霜蹄踏月落鄰鷄野店喚
星殘當年幾涉江湖險此日方知蜀道難

過幽人宅

得在村邊樹影西何人鍵戶獨高栖門前惟有東流

水藤蔓無聲野鳥啼

張濂印周號蓮塘涇陽拔貢與張東野子山聯詩社博聞強記儒雅風流有名山堂集

臂痛

未見垂楊生只如流矢中稍稍護求伸微微蠕欲動
乍可用瘞手烏能抱琇甕不逢禽戲人誰當止其痛
避置入窟室彷彿倚圩洞類唐故將軍射虎成昔夢

稽侍中祠

典午昔喪亂八王生厲階蕩陰慘蒙塵御輦飛矢來

二南遺音

卷之三

三

堂堂嵇侍中端冕何崔嵬一身作千盾弱若玉山頽
至尊撫衣泣懷中盈瓊瑰野鶴信昂昂佳馬胡爲哉
巍巍古祠在勁柏入雲隗蝦蟆吠荒池碧血凝秋苔
忠臣與孝子生死兩無猜却憶隱居人夢我令心哀

紫芝曲爲劉九曉作

神草不易出受之始帝鴻亦越漢五世乃生甘泉宮
猗歟芝房歌雅音奏腰曠佳哉抱朴子比類各疏通
歷代重特產宏休丁誰躬焦獲御龍氏體直麻中蓬
終衛重鐵礪名行勤磨礪滅景思精舍廣成居空峒

其前夫餘石設設鳴松風其後渭川竹間以燁陽柯

朝詠花蔕霄夕觴月腫臙突兀崎峯間芋眠光熊熊

失喜齋房物來此積石叢三輪方茵蠢九華正玲瓏

隣人滿窓戶拭目南山翁什襲裏家珍祇承天貺隆

貽芳遠重葉千閭氣葱葱卜興得長文爵爲禹夫維

戰文每掉鞅取將如撥韁保障岷嶺北絃歌大河東

米庸戀五斗布堂徽十綬長嘯歸邱園老饕冒晚菰

六籍決與義書成頒替宗陳榕門中丞取九遠步橫說文集頌之學宮

渠張近追少虛馮端居述祖德餘潤及弱蓼希夷旋

二南遺音

卷之三

三

在握朵雲懸高空楚莆與莫莢靈瑞將無同

浙川道中

入山不厭深出山良苦疾言別南洛境遂埋浙川楫
遙見岸嶺山雲中挿峭壁國師結茅處想像有遺跡
舍筏攜短筇稍稍愜所適野平徑轉曲木枯林更密
蒙籠烟樹巔時露茅屋脊小聚數十家零落似殘奕
雞鳴枳籬外犬吠柴門側卽非華子歸頗與麻源匹
徘徊忽以睽索塗欲摘壻却望河之廣雙舟燈火出
買酒竟成醉一臥客愁失

題王存一畫虎

羣獸之長大人之文於菟赫赫被嘉名是宜北渡河
東渡江見機避跡感化藏形不然赤豹相呼守帝閑
而不去不然青龍久待蟠仙鼎今誰授胡爲磨其牙
掉其尾耽耽無忌來人戶庭屢叱不動仍猙獰乃知
畫師妙前身是山靈胸中有此樞星精眼前突兀勢
欲騰慘淡疑聞夜嘯聲山深日落萬樹冥四野颯颯
陰風生吁嗟此物何太猛猛士遇之毛骨動含光一
揮白額愁鳴鏑三發侵鬼悚我欲衣短衣騎匹馬身

二南遺音

卷之三

三六

隨飛將南山睡看射斑斕買餘勇往往遺急縛枝撐
已在脚杜陵有深戒斯語實良藥山君今山君何不
太室爲宅孟門爲隣百獸爲膳五龍爲賓寧同牛衣
七日而變體勿學封邵一旦而食人

近天樓歌贈李伯修

娒皇補天天不喜殷帝射天天不怒杞人憂天天不
知左徒問天天不語天公將毋真憤憤近天之樓復
何取頗聞李君謫仙才俯視一切何崔嵬瑤房金闕
互虧微奇境乃向層霄開蓬山可望不可即曉靄窮

宛自棲息刻燭常裁謝朓詩解衣每潑長康墨

伯修工詩

青唾珠紛紛落九天日餐蛾綠流丹鉛清風明月共
盤礴不費半字開元錢我昔曾作乘鶴客客主談鋒
對噴噴豈有藐人于床下居然尊已臥百尺始知中
散不偶世風路煙途獨搖曳眼明了了見雲物上有
蔚藍下無地咫尺帝座呼吸通扶桑日出天門紅玉
華飽吞身力健白鹿並駕摩蒼霄骨復睽天不覩珍
八翼摧殘嗟可閔因君轉憶韋子威欲上天階步須
緊

二南遺音

卷之三

三九

岳忠武祠

湯河來自西牟山山迴水激聲潄潄羨里城南古祠
壯中有英靈時往還烏頭綽模紛綺互鄂王名姓昭
入懷憶昔天水邁陽九老狐蓬尾橫當關長城萬里
應手壞空流戰血車輪殷中原一擲委荆棘泥馬天
子何其孱是誰鑄像像繆醜至今長踞埃塵間雨淋
日炙過客皆拊掌不動真厚顏觚稜金碧廟門內豐
碑林立如朝班崔巍高座者忠武雄姿颯爽難躋攀
我見再拜緬遺事頗恨未獲鋤邪奸或云當與晉陽

甲或云息機身就閒詎知精忠貫日月刺膚入骨痕
成斑功罪千秋有特筆屹然鐵案誰能刪朝廷要須
辨白黑安得借口知人難興亡百代宜鑒此豈獨一
時驚庶頑嗚呼豈獨一時驚庶頑

自題小照

鯁生鯁生爾既不能入府聽兩妾又不能夸鄉垂三
組復不能君平棄世世弃君平鰥然泥滓外不與噲
等伍徒爾身長九尺年開七袞面則謗經之如周頭
則翫日之子羽腹則食飽們弄之將軍股則負多傷

二南遺音

卷之三

甲

折之章武陝輸常遇里中兒歷途每遭禍之父轍裏
渴鮒苦無計石間饑蟹歸何處久拚餓死填溝壑尚
遣餘生賦書檣紅葉蕭疎黃卷開愛此一株老秋樹
可憐漁獵竟無益隱几披紈徒自苦是何不砥痔得
車沈淵得珠勝郢氏之灑削愈濁氏之胃脯自然多
錢善買長袖善舞張季爲騎卽卜式爲御史叶炎熱
炙親戚光彩生門戶胡爲乎典籍之林篇章之圃令
淡生活世今茹古三閭憔悴少陵瘦獨坐荒涼誰與
語惟應妙筆碩長康略事傳神在阿堵

溫泉懷古

文鵠凌波香露濕蓮花如人亭亭立凝脂洗罷汗珠
紅霓裳一曲迴輕風羯鼓未終鼙鼓至六龍夜發馳
萬騎三郎卽當心斷絕湯殿流泉暗鳴咽

聞雁

萬里碧空淨嗷嗷鴻雁來雲輕低影疾風急碎聲哀
南北兩皆到秋冬人未回瀟湘聞過處應上望鄉臺

漢口

穰穰羣商集紛紛楚客咻帆檣三面水烟火萬家樓

二南遺音

卷之三

甲

大別東南峙長江日夜流百花偏愛老一月爲句留

首夏怡情園酒間作

習家池在郭門西水色山光望欲迷花徑曲連汀草
合風臺直與嶺雲齊眼邊弱柳垂絲舞耳畔流鶯遶
樹啼莫謂老來輸酒力良辰爭忍不如泥

憶姑蘇

海湧峯前幾泛舟辟疆園裏醉名謳惱人天氣偏春
色柳綠桃紅笑白頭

張鵠

六息號睡巷長安
拔貢令萊蕪有集

贈羽客

是道何足道超塵始泥塵非關厭鶴筆不必定綸巾
海國多留跡壺天別是春點金須妙術可肯濟時貧

曲江懷古

幾點沙鷗烟水枯嘉陵風景太模糊一從韋曲花無
顏却是延秋鳥亂呼對酒無人攀野老題名有塔槐
潛夫春來新綠瘵人眼不似江頭短短蒲

安而恭

居正隴西校貢官
州休有教菴集

讀史記

三南遺音

卷之三

聖

五十二萬六千五百字二千四百一十三年事纂成
一家言善變麟經例其文簡其實覈太史真良才繼
述乃先德石室金匱紬異書名山大川發奇氣印笥
迢遙禹穴深宛委九疑窮幽邃我亦曾游江淮沅湘
汶泗水陟身鄒嶧都薛彭城裏招不到司馬子長魂
叫不起會稽蒼梧雲夢不見元夷倉水使者指揭金
簡玉字文惟有名篇一百三十手時捫欲往從之河
之潯叩彼禹鑿遷生之龍門

王崑斗文涇陽舉人浙江嵯勝甘肅篋庫

昔懷

我年四十九默默念前非前非不可得只緣是者稀
毛生喜捧檄可以供甘肥彭澤出爲宰折腰事多違
而我何爲者海角逐霜飛秦雲四千里越水一官微
南陔常思補慚愧老萊衣

榆錢麥飯

天地爲鑪春風作炭鑄此三銖鸞眼之繁莢任我揮
霍供炊爨朝來依樹下日食糜萬貫東家歌呼饜梁
肉西家頓頓飲白粲雞黍款客丈人風藜藿簞食歌
三南遺音 卷之三 聖

秋日吳山晚眺

吳山薄暮望嵐氣有無中雪上千家壁
枕人粉烟飛
壁如雪
五世官江湖迷遠近湖色亂西東官興誰云淺南樓
月未空

珍珠花

移來合浦蚌胎中萬點勻圓簇曉風檻外鳥窺香稻

粒增前人傍蕊珠宮泣蛟漫灑三春樹彈雀空張半
月弓試問花神能借否摘將顆顆綴簾櫳

陳裔虞

述部號吾亭蒲城進士令博羅有金粟集

秋懷

木落天空白雁翔關門紫氣塞雲黃風清三徑蛩吟
苦砧動千家月影涼河下崑崙波帶雨星高井鬼夜
凝霜登仙須早求靈藥白帝峰高未試方

何勞鳥兔大奔忙早被西風染髮霜匣內芙蓉空注
水杯中琥珀只添狂閒生脾肉蕭條日坐對黃花爛

三南遺音

卷之三

留

燭香舉目長安門外路灞橋楊柳半凋傷

雁塔高懸古帝京秋風得意例題名風雲有路魚龍
幻日月無端今古生形勢山河經壁壘漢唐宮殿任
熊耕琪花玉樹俱搖落惟有神鐘照舊鳴

傾城消息可能通瓊島瑤臺第幾官荷樹玉池仍帶
露桂攀月窟許搏風穿針節過仙成別作賦人歸夢

亦空今日有情看落葉殷勤疑是御溝紅

康師曾

唯堂號江傳涇陽人効力南河需次州同仲季師端師遠皆能詩

浦南修稷

一曲南湖載酒年年上已記題襟夢迷芳艸東西
路愁逐春波日夜深牧笛魚歌相斷續落花飛絮半
晴陰故園此日金錢會錦瑟何人伴醉吟

雨霽烟絲送遠青曲欄憑處酒初醒經心郭杜花時
夢放眼清淮水上亭竹裏行厨飛絮落柳邊垂釣繫
蜻蜓歸途剩有風光好吹徹觴簫倚欄聽

康師端

汝器號楷亭涇陽國子生雷次縣丞有楷亭印諸行世

贈許玉田

金谷當時粉黛圍春風桃李競芳菲名流接坐牋同

三南遺音

卷之三

留

擘俠少逢場酒共揮一別麻姑滄海變重來燕子舊
梁非西窓剪燭論前事鸚鵡金籠淚涇衣

朋交四海合雲龍羣彥經過意氣雄公子才名擅江

夏黃又韓

詩人妙舉重湘東盛青樓遺榮張祿思鮑參

卓度曲王郎唱小紅孟堅往迹消沉餘汝在一樽相對

恨無窮

三南遺音卷之四

三原劉紹攸

黃文中簡齋咸寧歲貢
司訓安定有集

哭姪素堂

生離各異路死別無還期仲容賢惟汝一念一沾衣
憶昔在懷抱瘡滿幾垂危針灼澤異術弱體始堪支
爾父頻北上爾年方佩觿晨夕與我共口授以書詩
舞勺來江左高堂樂含飴平江聯茂苑名儒藉下帷
暮湖侍宦日繁瘁漸肩仔昊天胡不吊風木連摧頹

二南遺音

卷之四

一

爾父再南下爾我獨相隨丁卯落解後崇瀛雙鯉來
是年崇明朝溢先開緘再三讀魂夢與俱馳秋風催
兄容齋委辦災賑
匹馬頓忘甫結綯時姪育要五月骨肉重團圓爾父病漸瘥
暮湖仍借寇兄弟倍怡怡一時綰三綬先兄兼攝
常郡並清車
象勤勞二豎滋匪徒親藥餌實賴左右之纔擢胸山
牧空存峴首碑吁嗟叔系康可爲不可爲官帑與學
累首邱復何時猗歟天水公古誼實惇惇七年依慕
府公私兩無虧游子悲故鄉渺渺屋懷思依戀東閣
恩欲去拙言辭躑躅還躑躅且當扶輓歸炎蒸五六

月執紼更引綏到家慰望眼倏爾雅歡悲上堂拜阿

母入室顧嬌兒兒生不識父但知有母慈今始見爺

面覆額垂青絲歲月流光疾荏苒兩載移歎傳已解

組旋聞至西陲傳天水軍營願從明公後忽遭萱草萎

夏先嫂張艱難戊寅夏相依吳難臺燕來鴻適去蹤

跡兩相違時橫巷世兄將出口省覲片帆重渡江別恨倒屈厄淮

浦匝月聚分手各漣瀝吳趨還信宿一棹膠城隈邗

江留半載性命實相維欲了向平願遣汝暫過歸汝

聞我病久千里趨庭羸庚辰夏復來邂逅遇良宰謂成直侯明府

二南遺音

卷之四

二

一見肝膽披毘陵許借箸然諾重不欺我時在玉峰
咫尺雁書稀仲秋訊汝病倉皇赴梁溪神色全消索
無乃精力疲買舟返吳閫百藥無神奇重九之前日
承訣執手咨阮途長寂寞含殮涕交頤天水克終始
感激沁心脾和血書千言遙望深悲噫以爾方壯盛
磊落多英姿見義爲必勇當仁不讓師方期奮遠志
節足翔雲遼詎意厄中道琪林木葉淒播首問彼蒼
茫茫實難窺理數細推詳真幻猶相疑憂時汝在側
醒覺幽明睽汝壯尚奄忽竟何玉樹摧何况吾衰甚

剩有蒼浪髭吾門自此單子子多憐廢顧此黃口乳
何時弁而願坐陽無處問靈氛孰能推悲來填腐臆
淚下如綆縻意長語偏短汝知與不知

過淮安府署取趙文山太守

此地曾聽趙忤琴重窺官閣淚沾襟短轅白髮勞人
夢驚戰清香刺史吟淮海蟹簞勤韓郵敬淮民胥山
蟬露徧棠陰又守蘇幾回遙憶杯深處悵望秦川月影
沉

張大森仲材咸陽舉人知鎮南州
好學尚氣節有郢崖詩稿

三南遺音

卷之四

三

懷友

采葛停雲誦古詩年來此意有誰知蒼涼秦檣客燈
裏寂寞匡床夜雨時記得閣前臨晉帖恨不隔下老
京師拈毫欲把離情寫芳草垂楊無盡思教習京師十年

桃源洞

幾回停泊武陵濱仙跡空懷屢問津雞犬桑麻何處
是桃花依舊鎖松筠

張藻

子張三原訓貢解
縣教諭有燕蘭編

三原范雙姐其父以曙寒強之改字夜半潛投

溪水死

天不諒人只自嘆夢回拭淚聽更殘汨羅千古同心
曲霞炎蒼茫一水寒

張餘青柯三原國子生與張
山張濂為詩友早卒

古意

崑山一片玉佳人一片心持以贈君子重過雙南金
佳人渺何許高樓重簾深况復如奔月緬邈隔雲岑
願言翠羽帳一鼓龍唇琴

杜工部祠

三南遺音

卷之四

四

少陵原上望高秋駢馬荒祠竟日留忠愛競傳詩史
獨文章惟許謫仙儒千章古木濃陰合一帶山光暖
翠浮此地吟魂應不眠年年來往曲江頭

長陵懷古

馬上飛龍佗乃公殿前功狗困羣雄山河有分歸隆
準今古無人續大風二水帶圍松栢路陵在涇之北
南渭之北
陵星拱鼎湖宮原上五
陵錯列豎儒漫說閒邱隴祀典皇家

累世崇

申鵬祥扶九三原庠生有蛩音集

蠶魚

不向江湖老偏從簡牘居縹緲錦繡翠軸曳瓊瑤
飽食鳳銜字安眠麟吐書可憐奈火後不異首陽墟

對鏡

蕭索秋雲冷光微晨日瘦衰顏入鏡中不止波斯鏡

李之繁士晉號少澗三原舉人好學能詩惜早死有綠槐草堂集

稷山后稷廟

一徑盤迴上蒼松萬壑圓晴峰停午日深殿鎖寒烟
共識封部處長懷播穀年衣冠頻整頓肅拜白雲邊

二南遺音

卷之四

五

次韻九畹書齋落成

未始逃名十畝閑也非冠挂籍全刪襄陽久有耽山
癖茅屋新成石丈間

長將著述度陰晴問字人來屢半庭曾向新齋讀新

集十年始悔未窮經

謝王錫字南涇陽舉人應山令有曲菴集

碧雲寺明魏忠賢重修後有忠賢墓已掘

雪裏香臺出望望窮高步陂陀歷千盤乃得三門路
老松參差列天嶠虬龍怒松下碧玉流橫空略約渡

紺宇特雄麗殊相亦森布吁嗟權璫力黃金揮指願

蓮穎家壘壘羊虎尚盤互就中惟窮青勢擬南山銅

鉅知遭天譴墳掘豐碑仆落日沒細柳莽蒼東林墓

牧笛起層崖蟬聲匝深樹回首荒岡頭山僧獨歸去

遊普救寺

蒲東蕭寺知名久紅樹西廂隱香阜行人到此猶徘徊
獨才子多情憶元九當時爭誦鶯鶯歌今日但說曼

陀羅衣霑春雨水精城風動銀鑄宰堵坡大抵文人

抄游戲捉花留絮特適意且願身生兜率天莫教腸

二南遺音

卷之四

六

斷會真記

趙城道中

入竹穿松徑欲迷輕車橫度小橋西雲間野寺藏宮
岫樹裏風流遠故畦酒舍幾家留客飲山禽一語愛

人啼征途斗覺斯遊快鴻爪從容印雪泥

黨學直育菴號古愚華州人陟岵吟醉古草堂集

謁孔林

稽首墓道前古柏秦漢年端木獨居處依依生暮烟

對鏡

愁人偶對鏡對鏡長歎息既羞無膏沐兼之懶修飾
可憐鏡中面面帶風塵色面與面相對不語獨默默
爾爲我之影我爲爾之則我見爾愁顏爾我共心惻
今我欲歸家嗟爾無雙翼

出潼關

遲遲別鄉井三日出函關露冷東西道風清遠近山
友人情正切遊子意如環不斷黃流水幽懷一嘯間
晚春卽事

裙腰一帶草初齊金粉江南釀錦泥拂徑菜花春蝶

二南遺音

卷之四

七

舞迎風翠柳曉鶯啼起眠定子無新眼勾面西施是
舊妻底事相留留不得東皇薄倖夕陽低

雷豫介石仰陽舉人令
鄒平有卽任雜言

黃甫店途中

甲兵思范老方略憶韓公地控三秦險人傳一代功
河流還汨沒山勢舊崇隆望古情何極村烟暮露中

張逢王狄道庠生有
世耕堂草

蓮花山

千巖萬壑盡蒼松天削蓮臺有幾重界破洮岷青一

片花龍湧出妙高峯

張珖美崑崙武威拔貢歷
官雷瓊道有集

天山雪歌

君不見天山岑嶺其奇絕雪色常明無泯滅黃雲時
覆水晶屏長天不見一峯青却如高屋瀉銀瓶水牋
積翠何時已矯若玉龍天半起蜿蜒不斷萬餘里崑
崙直接好同看青天六月逼人寒行旅多擬蜀道難
水泉西去石峽口百丈陰崖三尺厚谷鳴草偃風沙
吼灞橋驢背發高吟到此還應滌塵襟照人朗朗齊

二南遺音

卷之四

八

重陰吳士安曰
格擬嘉州

楊鸞子安瀼開進士令從爲長沙邵陽詩溫柔敦
厚人亦如之非枘鑿不相入而三仕三已吟

咏益工有
趣雲編

感懷

吾邑佳山水迤邐帶城郭村居易適意往往窮西壑
朝爽散春林夕暉媚脩構竹林得同遊鹿門可採藥
邇來六七載興味都蕭索秋雨泣蒹葭寒風掩葵藿
天外青蓮華十丈空如削至今賣舂人應憶煙霞約
抱膝慘不樂念我同門友當時豪俊人零落如參昴

匣中流泉琴囊置今已久豈不懷古懼道遠難聚首
以我憶君心知君與我厚珍重歲寒交無爲反覆手

寄懷胡雲壑

對酒吾君傾吟詩邀我和去歲自別君清夢爲君破
希志惟古歡明霞安可流時世所殊玉隨風等咳唾
秋月明劍光雪花如手大故里各參差心情同坎壈
黃金無駿骨儒衣甘馬磨常鄙程不識肯負楊臨賀
眼與雪俱白時若鵲疾過不謂文籍腹乃遭糠覈餓
客言彈鋏遊吾欲隱几臥敲癭誦南華其聲若楚些

二南遺音

卷之四

九

知音倘能來報之以香粳

雜述

申韓崇刑名刻薄失天性至哉聖人心以法恤民命
綜核益精嚴源本乖中正生死兩無冤王道非微倖
儒生重雅樂相如能鼓琴何如漸離筑猶傳烈士心
長歌正慷慨彼傭乃知音蘭蕙化爲茅莠生重球琳
原田何年每稷穗蕎亦花吾鄉正如此恍惚如還家
雲山互虧蔽竹樹分交加我始離南楚猶在天一涯
民生良已勤手足日胼胝饑寒迫性命無煩餘教施

但願司牧者留以不盡資尊親乃天性民寧終不知

次蔗畦贈別韻

湘江春草綠憶我渭川樹客懷夜不寐鴉啼頭窻曙
遠離易爲感古歡良可慕預知解纜時芳洲君猶佇
但愧未忘機沙鷗忽飛去

禽言

婆餅焦婆年老婆餅雖焦婆心小孫兒門東且莫啼
婆餅雖焦婆常饑婆不言饑誰當知

提葫蘆原南原北春糲糊有酒不飲何其愚東家積

二南遺音

卷之四

十

粟高如梁西家積金明且光秋風堂上吹白楊

媳婦媳婦早起日光已照紗窗裏起時尚得半晌粧
何況而今未梳洗東隣有婦貌如花終夜不眠憂甘

王將軍寶刀歌

華堂燭炮笙歌沸滿座賓客皆半醉花竹茸茸凝夜
烟渾脫佳人舞劍器將軍酒酣氣益豪座中示我雙
寶刀逸氣直欲干雲霄腥風初淬鸛鶴膏其一傳之
自烈祖往往夜深聞噓雨其一短小無裝飾云是戰

爭覩得蠻娘十五如花紅叱潑驕馬連錢馳驚路
欲換不敢換將軍佩之成大功我亦關西莽男子學
劍不成學書棄祇今俯仰衆人間百煉鋼如柔繞指
當歌對酒慨以慷寶劍一一生寒世明朝我欲師黃
石仰視高天秋月白

題董文敏畫

老樹槎牙臨江厓遠山如睡翳烟靈筆墨點淡絹素
裂元精逸氣猶潑洞局舟鼓草向何處依稀如湖瀟
湘猥衡山九面望不到秋風落木雁聲哀思翁摹古
三南遺音 卷之四 十一
古與化標格直與吳興儕我生山水有奇癖結茅無
地種青苔買田陽羨舊有約故人好我圖頻開何當
竟就蜀中住荷鋤與子剪蒿萊

效義山體

金屋屏深湘簾揭花房露重樓雙蝶仙蛾翠鳳不歸
來叢鈴碎佩飄雲葉共窓形管裏鴛鴦機瑤臺琳樹光
參差紋綃淚盡蚌胎死小池春漲鱗鱗起

題曾方山爲余畫登山臨水圖

我生足跡半天下所見山水多瑰奇但恨不遇好手

筆圖作屏幃臥遊之青門乃有方山子讀書樂志幽
江湄興來潑墨作皴染終南太華皆吾師吾鄉自昔
稱嵩苑南宗之首質王維世人好尚徒信耳遂令蘭
蕙同萊蕪西方文物等塵土何怪繪事隨水漸方山
作畫乃自怡不與時輩爭妍媸肯將此圖爲持贈吾
欲藏此勒作北山移

奇石歌

入門見奇石突兀凌青蒼不知何人移置此頓令院
宇生清涼巖壑陰森畫欲晦波濤歎欲勢莫當孤根

三南遺音

卷之四

十一

拔地瘦蛟立危峰冠日虬龍翔我欲攀攀拜其下風
寒日短愁水霜前朝王氏昔全盛城隅卜築偶辟疆
巨靈鼎屢不易致萬夫推挽來車箱平泉草木竟何
有女墳湖畔稗花荒同時有別業冷淘泉水明夕陽
星移物換等閒事井泥反覆分低昂吁嗟此石不經
濟坐閱人代關興亡星辰墮地誰復識滅沒草澤無
輝光主人好客爲置酒清燈煜煜連幽房石不能言
吾語汝對汝不惜傾千觴慎勿五嶽起方寸土花剝
蝕惟其常安能還汝三峰旁濯汝二十八泉帝臺紫

再送張君幹

君歸湖海去吾意極滄洲如此消魂別而當落木秋
雁聲關月迥帆影浦雲流萬壑千峰好相思獨倚樓

白建中紫石硯

南唐絕紫玉一片已難求何事清華客能令至寶留
池痕涵太古巖氣湛深秋不有湘東管誰將五字酬

寄張雲岩

索居困風雨長途倍憶君不知今夜月又隔幾峯雲
落落鴻鴻遠清昂昂鶴在羣惟餘茂先劍猶得動星文

三南遺音

卷之四

三

初春感懷

度歲愁添歲經春未覺春每於夢回後憶著少年身
故舊多時別思情一倍新踈鐘與殘漏淒切最關人

肥城道中懷遲菴卽用留別

岱雲東望處宓子正鳴琴予亦瀟湘客熟知山水音
政成無佩續諾書有來禽記否燕臺月僧房夜話深
幾載夢中夢懷歸山外山依然就君別何計遂吾閑
雲白蒼梧野風清紫氣關投身須有處未惜髣髴斑

留別劉雲房翰林

宿雨滯江干江城五月寒門前翔水鳥座上插魚竿

邇矣三峯月懷哉九畹蘭放船新漲好歸夢已輕安

送楊念菴省親武昌因懷楚中舊遊

南遊及時發江漢秋風清送子依親舍因之寄遠情
青楓他日淚玉笛故園聲舊夢空雲水蒼茫百感生

芍藥

露浥煙籠睡態新香風扶出女兒真初施金縷難勝
帶試搜紅綃定解嚙粧淺不矜傾國貌開遲猶妬倚
闌人幽窵謾結揚州夢載酒來時已暮春

三南遺音

卷之四

四

白燕

總帳低垂見燕歸白頭吟望是耶非絮雲已作悠悠
夢水月空驚淡淡暉剩有將雛嬌素影錯教舊侶戀
烏衣東風一夜梁園雪忍向瑤臺獨自飛

九日發漢口

風物重陽肅且清依辰聊復事還征街頭市菊依然
秀馬上題糕倍有情故舊已無尊可共新知何處蓋
還傾遙看夏口連江口不盡秋聲與浪聲

酬晚堂喜晤情別原韻

客裏同心欣會合長途雲水望漫漫可堪花月開樽
日預識關山行路難渡口垂楊暗作絮枝頭梅子雨
餘酸清詩珍重勞相念更使離人不忍看

九日

野徑遙通水葉紅登臨猶是梵王宮久懷世網慚居
士幸免天涯作寓公渭山晴開秋色麗菊泉飛住菊
花叢茱萸滿把頽然醉記取今年宴賞同

讀詩有感

東坡妙悟絕人天嬉笑猶能騰衆賢笠屐雖存羣犬

三南遺音

卷之四

五

吹怪他面目失雙顴

口號

作客秋風亦灑然就中景物畫難傳青山驛路斜陽
外紅樹人家野水邊

東借秋老人

青史何堪慰旅情千秋直作一毛輕儒林文苑知無
分萬一猶垂說部名

山行

新綠陰成夏景移野田麥浪午風吹數聲好鳥不知

處幾過人家短竹籬

吳鎮

信辰一字士安欽道舉人由韓城教諭
推茂縣令與胡代稱二傑有松花菴集

擬古

渴亦不能飲餓亦不能餐倦亦不能寢但念心所歡
所歡復何在咫尺青雲端豈無人所愛子若桂與蘭
豈無我所愛子若肺與肝斑斑海中石文理有波瀾
頑石猶變化何論寸心丹

介子推故里

晉文昔歸國實賴從者力狐氏誓白水射始卒見偏

三南遺音

卷之四

六

介生胡爲者鄙祿祿不及肱肉能幾何令君勞記憶
青青綿上山一蛇此潛匿雲卧不可求寒灰抱榛棘
慈母信借隱妬女亦矯特至今野草花春風愁寒食
書劉烈婦哀辭後婦咸陽人明末爲賊虜去欲
懷刃刺之不果遂赴井死時

年十
七

纖舟渡咸陽兩岸蘆花雪中有孤鴛鴦哀鳴口流血
勝國昔崩騰三秦尤破裂奇哉劉氏妹獨抱巾幗節
娥規志未遂古井聞鳴咽銅甌牽素絲想見幽蘭折
百年止清水墓草深石碣春風蛺蝶飛過客爲愁絕

古意

長繩能繫日不綰一心愁寶刀能割水不斷雙泪流
自從君別後日上高樓高樓臨漢水遙見木蘭舟
渺渺波與風淒淒春復秋君爲雲外鶴妾作雨中鳩
頽谷

寤生不忠孝乃有忠孝臣堂堂穎考叔遺像潁河濱
關隄允錫類挾輶終殺身嗟哉三物詎彼狡傷明神
白楊吟風葉古蕙何嶙峋小人亦有母千載爲沾巾
夢登華山

二南遺音

卷之四

七

久別蓮花峰雲霄勞夢想今夕夫何夕趾離呼我往
危攀司寇冠側睨巨靈掌蒼然五粒花金翠何蕭爽
神仙有窟宅羈絆嗟塵鞅覺來煙霞失天際笙鶴響
盆栽草花蔚然有生意

扶桑生暘谷九日爲之蔽托根固有所坤輿一大器
客遺小黃磁抔土以爲地盆草受栽培居然生趣備
卷石頗醜怪欹斜隨位置風吹一尺花宛寫邊鸞意
汪洋雨露恩涓滴願已遂蚍蜉登芥舟環視仍無際

齋前種花

旅館營半室收身已有餘齋前一丈地借與花竹居
墨石豈在高揮籬不厭疎欣欣看生意翠綠連階除
春雨未破塊微風自荷鋤稍親抱甕勞頓覺心神舒
古今一傳舍何者是吾廬歸期儻及瓜葵藿已堪蔬
寄生值客土綿延忘其初君悟種植理宛讀幽風書

初日何杲杲

初日何杲杲光輝照我廬我廬復何在咫尺天一隅
自我去家時浮雲與我俱浮雲還故鄉遊子謾踟蹰
悠悠山頭石向是嫺媛軀鬱鬱庭前柏今爲流淚枯

二南遺音

卷之四

六

得黃梅一枝戲爲新句

陽春如開闢盤古卽梅花牡丹僭稱王宮貴何足誇
羣花想天帝鵝雁紛喧譁乃呼羅浮仙冒雪詣殿衙
帝曰咨爾梅首出冠羣葩白袷與絳襦何以懲奇袤
梅花未及對黃袍已身加歸來幽夢寒翠羽鳴窻紗

馴鳩詞

秦安府明府
有鳩巢堂上

晴須相憐陰莫棄明府愛鳩鳩解意公堂竟日鳥雀
喧何處更求安穩地雄鳩雄亂髮雌鳩啣枯枝巢成
大歡喜明府怙我兒墻下童子馬騎竹手無彈丸篋

有業安得明府作鳳凰使我年年飽福祿東家山
莫相授明府愛拙不愛巧

雞窻曲爲北地石之琰作

秋雲夜晦晦不已赤幘老翁催人起
腸腦腸腸腸腸腸
聲紙窻青火飄寒檠更長不作歸家
簪筆花光怪飛
白鳳爲君拔劍舞中宵窻外風雨空
瀟瀟

夢中山

松峽明月照無睡枕上流泉作紅洞
金山苦雨迷沙
洲夢中路遠芙蓉愁愁長愁短紛無
數美人啼笑隔

三南遺音

卷之四

九

烟霧三更風起鬼撲燈孤影幾幾向何處

阿干歌

慕容廆思其兄吐谷潭而作阿干華言兄也

阿干西我心悲阿干欲歸馬不歸爲我謂馬何太苦
我阿干爲阿干西阿干身苦寒離我大棘住白蘭我
見落日不見阿干嗟嗟人生能有幾阿干

候馬亭歌

畢蘭

武皇愛馬如愛僊丹青畫壁生雲烟汗血千載化龍
去至今猶有空亭傳空亭草草連沙草極目長天但
飛鳥君不見子卿憔悴李陵流英雄盡向鹽車老

孫圖山指頭畫虎歌

孫侯酒酣舒懷倚戲畫白額雙於菟指端真有殺虎
力想見夜獵鳴咽孤一虎欲成伏短草秋風肅肅起
山隅一虎徐行眼如電百獸屏息不敢呼偉人猛氣
兩相感潑墨聊復成此圖惜哉虎頭食肉技持贈乃
到山澤還我家南山虎所都短衣匹馬當誰俱請君
射虎勿畫虎頑石可飲金僕姑北平太守如再起要
令千里無封狐

西魏延昌公主法器歌

三南遺音

卷之四

十

耀州城中山壽寺奇花異竹當窻櫺老僧愛客具苦
茗邀我直至般若庭偶出鐵片與銅盞黯黯古色如
墨形叩以寸莖聲清越越宮商韻叶何泠泠云是西魏
舊時物拓跋貴主手澤蔡千年法器鬼神守傳示不
得偶開扇憶昔焚惑入南斗下殿天子如居停蒨蒨
委洛明月死詎暇學道求仙靈延昌公主生宣武手
塑萬佛讀金經大唐山前暮雲散愁絕望影千娉婷
仙釋有無事恍惚乾陀舍利飛流螢君不見黑獺迴
鼎亦消毀沙苑柳色徒青青

固關

彈音咽喉在雄關此地分雙門開片石一劍倚層雲
高壘烟皆滅空山日半曛秋風吹白艸哀角幾家聞

襄陽晚泊

少狎秦川水今乘楚客舟看山雙槳暮聽雨一篷秋
漁火遙明滅菱歌自去留柳陰眠正好清夢雜閒鷗

鷓鴣

隴山千頃綠言語不藏身微粟糜高士重簾鎖麗人
月明如有夢花落欲無春借問梁間燕雙飛日幾巡

二南遺音

卷之四

三

綠蝶

朱紫叢中一淚仙綠衣翻覺致福禳夢回楊柳絲絲
月舞入芭蕉葉葉天珠海名姬歸石尉夢家神女降
羊羶碧紗窓外琉璃影只恐飛來已作烟

黑蝶

漆園老子是前身倦化猶龍十二賓燕子飛來空脾
脫梨花飄處轉精神賦同麟士吾何敢沈麟士作黑蝶賦墨
榻勝王雨逼真記否嶠山遊覽日紛爭長帶遠迎人
沈麟士作黑蝶賦
兼垂雙帶者

紅蝶

嬌紅千片簇明霞遊戲春風處處家靈鳳兒孫皆赤
應蝶名鳳子仙人衣服也丹砂萬洪衣化蝴蝶烟沉蕙徑香如火
雨落桃源影似花珍重王孫深屬意朱欄回首夕陽
斜

黃蝶

黃蝶經秋感氣淡中央服色照園林移來階下延齡
菊網得宮中買賦金出谷流鶯空自掠遠籬野菜竟
難尋呼蝶洲上曾相遇落葉西風變古今

二南遺音

卷之四

三

白蝶

莊叟蘊蘊一夢醒南華秋水濺精靈素心尚帶偷香
習艷影偏呈饌玉形書幌低翻雲片片花房潛宿露
泠泠白衣去後知音少見爾飛來眼倍青

米元章祠

白樂天祠

海嶽高人去乾坤畫本閒楚天雲雨暗滿眼米家山
白傅千秋宅曾傳海上山仙龕猶不住鴻爪任人間

送人

紅樹迢迢接隴關白雲深處鳥飛還送君東去情何極回首斜陽入亂山

甘延年菊谷號又山平番拔貢少孤母楊孺人教之永濟丞有菊谷集

白登

駕言向陽高驅車出東郭川原靜蕭條岡嶺鬱寥廓
野老指白登論古猶如昨胃頓忽合圍平勃相驚愕
勦敵佳人退智勇俱無託而今壁壘空沙場成村落
日夕羊牛來晚烟纏林壑

鄉寧山遇雨

三南遺音

卷之四

五

風生衆壑鳴雨來天地黑人在雲氣中咫尺辨不得
飄搖凌深嶽蒙密穿林莽中有虎狼穴山魃頻來往
電光射人寒霹靂驚老馬黃昏風雨急剝啄山門下

自臨晉永濟往來河津見孤山

昨看孤山來今看孤山去孤山逐我行展轉無定處
心苦爲形役生年誰過百山色自青青行人頭盡白
雷雨後趙伊鎮竹園獨酌

蛟龍怒鬬黑雲裏傾側翻天河水炎風烈日忽相失
一洗長空碧千里夕陽遲遲照茅屋滿澮水明禾

黍綠林中紫馬起新涼不關主人且看竹風送琅玕
杯進酒青山笑我重回首坐久荷間清露響初月如
鉤雲際明

大寧縣作

縣治春秋時北屈地

奔湍日夜撼山谷霜早風高缺五穀糠粃爲糧穴爲
居鵠面鳩形紛滿目惟有縣官不受貧春秋兩次飽
猪肉市無我雖癯瘦腰帶寬忍能沒削縱口腹地磽
唯望三伏雨那知秋後雨方足蓋藏之謀良已矣彼
蒼何以慰笑獨

三南遺音

卷之四

五

永濟東郭觀麥至五姓湖

乘興升丹麓偷閒憩野亭鷗飛千點白雨霽數峯青
龜勉從三事艱難守一經東河股肱郡莫厭久勞形
脫帽蔭嘉樹遲遲不忍歸湖光如拭鏡山翠欲沾衣
午日薰風好清泉苦茗稀今來狎野鳥我亦久忘機
我本林泉客哦松事已多君恩猶有祿臣節竟如何
款段騎羸馬逍遙上涑河何妨問山水載酒數相過

靈吉山榮河東原

杖策尋初地超然一徑通河聲喧近郭山翠遠連空

日落汾陰渡秋來元鳥官縣北商王廟古人長寂寞登眺感無窮

昔聞靈吉寺今始陟東阿晉水年年碧秦山點點螺天邊喬木遠嶺上夕陽多歎息秋風起佳人奈若何

五臺別武岸于高王功

逢君仍磊落愧我故愚頑鬢已三年白身無一日閑尊前論契濶馬上共追攀明日相思處迢迢水一灣

呂純陽故里

地入招賢里在永樂超然遠垢氛有山皆抱水無路不

三南遺音

卷之四

重

通雲綠樹千層合絃歌四境聞我來探勝蹟百代仰

遺文宮多元明碑閣

風陵渡

晉塞臨關盡秦山隔岸多野雲歸華岳孤艇下黃河疆理三方異躊躇七政和堯舜都於平陽由來不在險揖讓

靖兵戈

永樂嶺

良田十萬頃煙火七千家秦水連村澗豫山隔岸斜俗惟安井牧人不習繁華信是唐虞國流風自古賒

宿青嵐山

入居千仞上客宿一峯西卧聽宵鴻近起看銀漢低驚風搖短髻零露下寒谿明月扳鞍去山雲趁馬蹄

雲中春日感懷

藏器亦云久躊躇摩厲時全牛猶未解塞馬竟誰知風冷晴笳急雪凝春草遲山城一眺望天末起相思

和宋梅巖登南山寺韻

歷劫傳燈在深山法象端長城千里抱積雪四時寒虎向定中伏僧從雲外餐五臺真佛境雲嶺鎖空壇

三南遺音

卷之四

美

宿碧山寺

息馬碧山寺心空古佛前鳥聲喧耳碎松影落塔圓麤飯依香積新茶漾活泉菩提無上外渾欲謝塵緣

湧泉寺

長城近咫尺泉水一灣長傍嶺齊精舍摩空發妙香雲飄山欲雨風起樹生涼塵鞅來初地何時禮梵王

後五泉

武陵去不遠苦逕入谿幽野岸高低綠清泉曲折流梵音雲際落林色雨中收地僻禪心定山僧自白頭

長至宿靈石驛

故園西去路三千，逐逐浮名爲若牽。豈有病癰愛婦
子，空勞車馬費周旋。朔風凜凜朝沽酒，山驛蕭蕭夜
獨眠。莫更登臺望雲物，短衣霜鬢又經年。

浮生浩蕩欲何求，晉水秦山已倦遊。惟有一經貽後
嗣，更無半畝廣先疇。風來馬上塵遮面，雲起山中雪
滿裘。到此郵亭聊暫憩，才非王粲倦登樓。

峭山

秦骨已成灰，晉鐵化爲土。青青南北陵，風雨自今古。

三南遺音

卷之四

七

楊山夫隱居

落葉滿柴門，日高慵未起。我來青山外，君卧白雲裏。

驚秋

楊葉蕭蕭聽似雨，青山點點望如螺。故園西去數千

里，一夕秋風白髮多。

題荷氏寓館菊花

歲寒松柏經霜茂，九月黃花亦擅場。萬紫千紅誰耐

久，秋英獨占晚來芳。

萬固寺紅葉

中條飛閣迥凌空，霜染楓林處處同。半榻茶烟一壺
酒，飽看紅葉醉秋風。

行經襄陵懷楊山人

襄陵諸生能詩有高致

溪邊牽飲上流水，席上卧看姑射山。慚我紅塵汗浹
背，不如高士獨清閒。

薛宁廷

思雅南進士官編修

靜泉山詩

靜泉山色螺髻青，隔江闌入刺史廳。刺史政和人既
寧，攜琴放鶴來郊坰。賓佐各醉公獨醒，目營手畫胸

三南遺音

卷之四

天

緯經補天一石山，五丁峙以飛閣翼。以亭雞冠熊耳

左右，嵒萬家都屋前。呈形我公危坐依雲屏，指點八

景衆環聽盤紆曲磴，無留停雲橫紫閣。高覽庶民星

紫閣石門深，洞窻疏櫺朝嵐新。月一崖露華零，西崖

凌虛行春杏錦散芳馨。春山雪晴栢翠干青，雲龍峰

對面魚戲萍，人才變化隨風靈。龍峰拱翠公之懋績

揚天庭，暫爲山水發精靈。濡染大筆垂千齡，燭如淮

陰軍井陘，羣賢才藻何娉婷。序記賦詩歌箴銘，我欲

從之無修翎。言短情長載輶軒，敢辭金鐘撞以莛。

題萬里圖送李翼茲旋里

噫吁嚱悲哉樂莫樂於伴青春歸故園鳥啼花發動
吟興計日酒進北堂萱胡爲乎執手不忍別始者欲
獻行者酸豈灑河梁涕非開行路難知我兩人有蔣
子寫圖送子使我題其端而則庚戌後丁丑益以癸
酉三同年寧惟佛名聯兩世兩翁命中磨蝎宮相連
吾翁翳燕南子翁滯塞北漂泊異鄉無近遠蕭條暮
齒仍偈仄丹衷夷險久齊視愛日無乃憂中只記得
前年送去龍堆月歸來乞假我亦得常親廟牕豈不

二南遺音

卷之四

无

好終愧緹紫上書達宸極天門諫藹誰云不可叫自
是積誠未至感格天無力子已無說可免而我况
玷清華職差喜骨肉稍團聚六百里路通京國今子
獨入萬里圖綠楊紅杏染行色將母依然代父身鄉
夢反逐歸鴻翼子才有如不羈馬關山阻絕試衝勒
更知處我無他語解雷動爲探消息噫吁嚱悲哉行
人折盡柳絲絲蘆溝橋畔樹無枝我今送子心最悲
按翼茲名敬驛馬龍州人余及
門也丁丑進士以養母不在

送衛二卓少之官粵東

別緒千端總莫論深情都付酒盈尊此行我憶曾遊

地好事天開衆妙門荔子熟時堪細擘木棉著處得

奇溫燕臺客舍齊州路記取飛鴻雪爪痕

龍門跋浪三千尺磊砢如君又一奇意氣黃金隨手

盡功名白水與心期未妨身在百僚底要使俗還三

古時蛋戶鮫人爭待澤還珠沉研亦支離

淡如水

楚洲大荔舉人
令燕湖有集

觀蓮

六月芙蕖別樣鮮一池清翠籠微煙只堪茂叔稱君

二南遺音

卷之四

三

子那許張郎擬少年隱霧沉雲雲淅淅迎風動日日

娟娟污泥不染心如洗好折碧筒泛酒船

初度日枝陽道中

年來閑散復忽忙華髮俄驚兩鬢蒼酒後懷人千里

裏燈前題句五更霜遙憐兒女悲工部每憶生徒等

陸莊容裏偷閒還自祝莫教七尺負昂藏

王孟旦

尾中蕭城舉人垣之
從子有淡雲小草

家悅菴伴竹軒

滿目修篁寄意工茅亭如畫海天空夢回春草秋花

多情在綠雲淡雨中客不闌潛仍歸經夜無明月亦
清風凭軒還恨竹無伴再得梅花幾樹紅

望月

皓月西風獨上樓笛聲人唱秣陵秋故園今夜團圓
影兩地平分一半愁

王勣垂吊秦安人受業胡靜菴多學好古帖括力
追正始已卯省元未四十而卒職者數吾道

孤之

卽景

隔戶望青山依稀懸暮雨寒烟透疏籬知是人宿處

三南遺音

卷之四

三

野老盡天機慣與山禽宿蕭蕭晚風疾人烟時斷續
忽聞雞犬聲逐雲度空曲

遺興

寂寞夕陽西寤言復誰語野竹敲疎風翠風涵宿雨
坐看高鳥飛窈窕雲深處

康師遠虛谷涇陽庠生有
條南書屋近稿

暮秋寄李錢斧

楓林莽蕭瑟微陽帶平楚此地別故人青山幾回暮
心知秋水外柴門對寒清葭冷無根扁舟自來去

李家麟

仁壽三原進士
戶部主事有集

秋柳

浙浙秋風欲斷魂蕭條殘影拂衙門何時再續黃金
縷此日空餘翠黛痕斜月一林搖別浦暮蟬千樹咽
荒村風流去矣知多少轉眼繁華未可論

千條萬縷度寒霜一夕西風過曲塘漢苑隋堤齊倦
眼新詩舊句已盈箱拖殘野徑思陶令舞瘦官腰怨
楚王借問永豐園裏樹何如文杏滿春坊

春花曾記點人衣過眼風光久已非灞岸遊魂徒自

三南遺音

卷之四

三

杏郵亭客夢未全稀聲隨漁唱千江落影逐樵歌一
葉飛爭奈小橋流水地長條折盡苦相思

弱態迎人最可憐夕陽林下起寒烟空懷十里堤如
畫不見三春絮似綿走馬全殊京兆日欽容漫較省
郎年愁看河畔含情處萬木蕭蕭落照邊

賈策安磐伯咸寧進士

岳忠武祠

獄底冤沉暮夜中誰憐涅背抱孤忠當時若遂黃龍
志不過雲臺紀戰功

李法維則大荔歲貢司訓秋道有來贈草

九口和李羨翁

風雨又重陽看花傾敝裘詩從前歲少菊似改山黃
體怯節移步髮稀帽壓霜孟嘉焉可學盈座是琳琅

馬嵬

機雲雲雨隔華清雨濕郎當馬上聲上皇只願生生

世翰與梅花嫁廣平

羅群慶咸寧庠生文燦孫也有集

明道槐先生主簿杜亭時手植

二南遺音

卷之四

五

喬木思先哲蟠根老歲華分明召伯茨不比河陽花
手澤風何遠心傳道未賒臨行數回首接葉暗栖鴉

和徐濟蒼雨意秋興

商飈落葉萬山秋肯逐輪蹄老未休愁髣髴漸看青鏡
改塵襟時抱白雲羞不逢葛令慵開眼若對生公學
點頭博得投閑身尚健啣杯風雨滿西樓

申廷鑾切與三原歲貢有子野集

答九晚

才士重詩律醇儒敦經術所分惟重輕源流合爲一

詩爲經之華經乃詩之實未聞茂經人賦詞稱藹吉

古者陶興韓五字雄無匹伊豈事專攻窮經極理窟

譬如木千章枝葉互稠密倘非植根深何克陰蔽日

再觀東南流脉絡固紛出星宿海涸西吾恐乏點汨

奈何吟哦家動輒誇手筆效頻靡不爲敗絮類壞櫛

吾鄉彭城子經袖聳仰止典墳吸其英爰象觀元始

寢饋資百城興來廣角微有時賦高山泰岱腕下起

有時賦流泉毫端露清泚賞鑒來宗工滌人秦學使

經庫領前身西嶽雲著美吳髯富篇章刻翠剪紅藥

二南遺音

卷之四

五

三十六金鱗龍門接彌邇倡和資攻磋近益窮神髓

惟予托葭莩有心學杜李明經未窮經著迹盡糠粃

擦觚向元都步步避軍壘龍也忘點睛虎謫徒滋耻

吾謂楊艸元兩漢無學士吾謂遷編年千秋無信史

三百有功臣義舉並華時默與詞壇明斯人不可死

贈家懷仲時將南行

束髮授書年俱小聚時常多離時少時事驅人不自

由業異袂分判昏曉江淮一帶鹽筴雄君傍草臺貨

殖豐執經問字雖有矣跨鵲腰纏萬石崇萬里人迴

駢駢越相逢旦夕無拘束屈指別後踰十年殺山之
顛吳水曲雖非衣錦賦歸來亦異奔常走塵埃雙舉
祥麟骨相奇雁行况復挺生才嗟予坎壈白髮新著
破藍衫頭角巾風吹河鯉悵秋月酒助詩腸揮八垓
途窮常效阮籍哭出門無馬食無肉英風空聞孟嘗
君秦地何人識范叔憶昨蘭蕙桂樹死重向蓮房覓
蓮子毒龍奪我掌中珠時時血淚滴清水露露陰曠
呼不開錦江風聞又生哀君賦荆花兄弟樂我泣春
艸憂初回牢落東風暮雨天懶將淚眼向紫烟惟君

三南遺音

卷之四

五

知我不得意呼朋招類預華筵今將驅車指千里浩
歌醉花野肆裏座上頗有顧曲人幾段煙雲賞宋帝
明九 人生百歲無多日影裏驟駒過眼疾今日有酒
今日惟莫問來朝客與吉春雨霏霏動春酌春花疑
傍新詩落聊憑春酒叙離情別來黃犬寄新作

籠中百舌歌

百舌折飛鳥羅網困頑童偶從弋人手內買掛向楚
客茅屋東茅屋之東日脚下報春聲音倍玲瓏茅屋
之西日影上報春猶不休喉嚨花明疑共金衣語霜

落簪逐雁陣中有時哀鳴向碧落有時惟呼越東風
胡爲乎以爭捷關巧之如簧舌而使剪羽拂羽常驚
乎樊籠細推物理三嘆息古今族類無乃同不見金
鎖鎖鸚鵡難逃黃祖之簾櫳又不見剪斷巧舌有鴝
鴒困依荊州桓銘官欲學高飛附鵬背不能凌霄而
上翬思擇一枝以翔集又讓鴝鵒之小蟲舌端縱兼
千百鳥入籠總乏尺寸功孟大新從平原過斗酒陶
情學耳聾爾語雖極巧爾音亦枉工嗚呼噫嘻無乃
爾數窮安爾素分飛鳴宿食一付之乃公

三南遺音

卷之四

五

屏跡

放浪從吾懶依棲祇故林菊分春後雨柳坐夏初陰
午寢因詩醒有眠爲酒深閉關消永晝座意莫相侵

聞蟬

哭驚秋意動嘒嘒起長林日月催人老炎涼閱世深
感懷同旅雁破夢過清砧已少掉冠興空勞抱葉吟

意

無端幽意上靈臺欺段鼓從寤後來細比蠶絲抽不
盡纏如蛛網解難開惟經隔膜心偏見卽是同衾客

漫猜過去追尋無可說啞然一笑暗徘徊

邵平店懷古

行人神倦東陵道歇馬長亭問舊遊地接瓜田人憶邵天移秦祚爵非侯都城尚望函關月繡嶺仍含灞水秋欲弔英魂雲漠漠燈殘酒冷不勝愁

書屋秋意

突驚秋意到柴門掩卷閑將景物論冷落金風飄燕子淒清玉露泣玉孫難迴淑氣歸湖海祇恨浮烟蔽郭村咏罷韶光曾幾日天桃穠李欲銷魂

二南遺音

卷之四

七

白鹿陰森接錦城風傳雁陣旅魂驚同懷弟魚沉犬歿于蜀杳經三載漏轉腸迴屢五更逝水未歸天外櫬連雲欲老雨中荆遙思萬里關山夢杖杜同行露正明

九日峪口山

醉眼迷離托乘遊霜未露黍盡開愁行行擬向丹林近笑指文峯最上頭

斜依東嶺望西山舊有墨痕掛壁間屈指年光如昨日蒼苔石印幾生斑

黃雲橫鎖千嶂樹掩映籬邊菊半遮獨懷義皇人去

後可憐秋卉爲誰花

不遇詩中一世豪偷閒乘興且題糕吟成何必求真解留著他年緒楚騷

李之蒙

七正三原府貢之蒙弟也有雲麓山館集

哭少淵伯兄

幼子未成名弱女懷未釋躬爲別家人竟爾登仙籍棣萼情深數十年一朝棄我隔雲天愁來倚遍庭中樹欲見不見淚潸然淚潸然血痕殷彷彿衣冠似舊顏悠悠逝如東流水杳杳遠於海外山惟山則高凌

二南遺音

卷之四

八

霄漢惟水則深波浩漫山高水深知何處華表不歸坐長嘆漢武唐明覓仙方海上蓬萊徒渺茫當時若有不死藥至今人人費長房

春初懷秦中諸友

花發故園春離情感歲新方知爲蜀客不及作秦人風雨思文會雲泥憶德鄰歸期猶未定寂寞倍傷神

舟出果州憶劉明府九嘯

漁樵猶唱使君詩憶自南充覓句時滿地花開留錦字清風明月繫人思竹林寺有題詩碑

早春舟下東湖

頃時飛渡十三灘兩岸青山指顧難
漫道春晴天氣好江風不雨亦生寒

邢琮

與琮號受室涇陽人刑部郎中知池州府有
淡希堂詩稿課杜紀要

惜鶴

送鶴者勇其翎

仙人禽騏驎珍之若鳳凰飼以竹上實飲以醴泉漿
八風振玉羽九野隨翱翔何來遽集此困羽難飛颺
頗憶清谿客昨夢登我堂握手一長嘆將以訴衷腸
鄰鷄忽已叫起坐獨徬徨斯交豈無因念之不能忘

二南遺音

卷之四

堯

嗟嗟凌雲翼寥廓水雲鄉白削世無爭何期網四張
顧我園中樹濃陰數畝強支離與擁腫高者亦棟梁
其中復穿鑿澆澆汪方塘文鱗大數寸鼓鳧勢飛揚
有枝任爾栖有魚充爾糧浴以清冷水俾爾羽毛長
飛鳴待時奮扶搖何可量

雪中暮歸

歲暮多悲風荒村斷人迹鬱鬱積中腸跨驢有所適
朝山維嶺零暮歸六花白昏黑雲更沉地凍寒踟躕
頗憶紫州城夜中建奇策狹巷接短刃血染堅冰赤

丈夫當盛年何時事征役彎弓射天狼立名向砂磧
恩重使身輕一任襄馬革不爾調鷹犬逐兔此阡陌
駿馬金絡頭皮冠足豹舄腰懸大羽箭射虎或成石
燕生鼻頭火風從耳後劇相隨皆健兒馳驅到日夕
人生貴適意雕蟲終何益

初秋過九畹先生書齋觀紫芝

大火西流暑將却平明涼爽入焦獲功名得意是青
衿半日相看厭淩落時學使按臨三原家食那是無心人
綴羽摧翎嘆白鶴頃有知音存相見兩相樂卧雲著書

二南遺音

卷之四

甲

書及肩鴻寶囊中黃石編軒窗明徹列象鼎屋房之
樹鳴新蟬小酌簷前復燈前此際渴鯨吞百川酒闌
却話爲官事拂衣歸來先人志先人皓首只一經紫
芝偏踵安福瑞牛畝園亭青石橫忽似丹邱夜亦明
天公開口流飛電赤雲紫霞石上生一本收藏至今
在對之却起蓬萊情蓬萊之島周圍五千里海水鯨
繞連天起石上生芝石中出髓安期王喬其間住止
服食迢遙黃髮覆耳有時跨鶴或乘鸞賣藥往來咸
陽市咸陽市中多逸人方法獨傳與皓綺終南一去

深復深探得靈芝紫復紫怪得君歸歸太速大患有
身辭榮祿爲君重歌紫芝歌夢醒黃粱熟未熟幾年
著定六經豪太平制作誰探討君不見東山謝安卧
不牢詔書催上長安道

送入入都赴銓

十月欲來送君行西風北風愴離情丈夫不甘尺蠖
屈太行水雪一身輕我有匣中劍一揮風雲生水中
之蛟頭可斷深山之虎不敢鳴珠玉之裝珊瑚柄風
胡之劍同其名昔者曾落王孫手乞食佩向淮陰城

三南遺音

卷之四

聖

至寶流傳有神護光芒夜夜吾廬明感此別離脫相
贈耕夫畜此不堪耕君也長才爲世出此物安能老
蓬華

過九畹先生觀米元暉山水即賦

風吹老樹聲相纏益以秋淋千慮煎幽獨悵怨扉門
閉長者車轍過存偏要我遲日騁驪出到來堂上生
雲烟叢樹籠烟烟帶雨寂寂山坳一茅宇閉戶不聞
鷄犬聲蒼狗白雲任今古潑墨畫出子真家迹跡何
必梁鴻廬半日相看批不得烟霞痼疾此胸臆功成

身退復何人歸卧吾廬還相憶穀城黃石赤松師見
幾先生事應知不爾十載官欲調一旦却賦歸來辭
自是學易有深識雲卧書屋薰生帷文章別開八家
面刪定復存二南詩廣收琳琅垂不朽盛名籍籍在
人口強半鑽研故希人九原不嗟徒覆瓿搜遺重見
王新城今日作者誰其偶僕也憂患之餘生白眼不
與世重輕爲農各口粗識字驅牛高歌耕我耕流微
若道知音少請君還聽叩缶聲

寄李佩弟粵東

三南遺音

卷之四

聖

粵秦都共此春光不得音書意轉傷芳草又生今日
憂柳條似促向時裝李佩去年今日別改無煩苛民還朴詩
到和平學未荒記否匡門吊忠魄幾回吾夢繞桃柳
念遠還增物外情何時見汝五羊城欲求抱朴仙人
訣便訪安期海島行四十頭顱生白髮百年事業負
青萍于今若問飛騰志兩足東臯正課耕

聞捷

蹂躪名王帳新傳瀚海天唐堯實勝算願收更行邊
已自祇氣却空看夜月圓卽今汗血馬應逐使臣旋

客夜

壯歲飛蓬客挑燈獨坐情寒雞啼夜永斜月到窗明
白鐘懷何已黃金鍊不成疎狂緣底事撫枕憶平生

初冬火井道中見梅花

山路行將夕山程引興長寒風忽起處撲鼻有餘香
人轉深林外梅開一水傍攀條亂墮色疑是隴頭霜
才是繁霜候梅花詎可開懷人一枝在驛使幾時來
春信此間早孤鴻天際哀無心相對處去去首重回

過王景略墓

二南遺音

卷之四

聖

華岳凌雲起黃河向海奔誰知一抔土中有古英魂
才大身難隱時危益自捫皇天方厭晉王霸竟空論

寄沈銳圖

別來如昨日夏景一番新好夢頻勞我憐君是可人
藥欄花刺眼梁燕語猶春倍有分離感良時難共陳
蛭翅憐黃鵠浮生羨白鷗卽今農事起將次野田收
燕領頻看鏡星毛欲滿頭席門車馬少剩得一庭幽

月夜見新雁

皎月中天星斗微雁羣如字見初飛草枯塞北角弓

動秋老江南菰米肥萬里啣蘆鱗个个一行接羽共
依依憶他寄遠情何限敲斷寒砧應淚揮

揚州買妾寄內

春到江南草又芳鵲鵲啼斷九迴腸漫嗟雙漿迎桃
葉終自齊眉憶孟光玉臂休憑欄外月星毛新換髮
邊霜金錢若問歸來日開到藤花返客裝

秋柳

舊作秋柳效顰無足錄九畹先生收之二南
遺音求銚夫之堅勿許因復改定憶自姬人

二南遺音

卷之四

聖

云亡未免觸物興懷况休文多病安仁善愁
對此柳枝悼彼桃葉云爾

何處逢秋思易傷謝家欄檻更迴腸臨風罷拂滕王
蝶委露猶垂宋玉牆但是有情皆悵望總能解語亦
淒涼曲江街裏堪如許遮莫鳴蟬咽夕陽

金堤漫道擅風流露欲爲霜欺歎愁羌笛吹來方惜
別飛花望去忽逢秋相思遙岸春江水零落青帷舊
日樓料得短長亭外樹含烟抹翠一時休

潭迥東風拂面絲鳳州迢遞又時移詩傳結帶情何

限日影交藤輿自知衰草寒蛩聞唧唧登山臨水記
遲遲消魂最是張京兆尚欲拈毫認畫眉

楚宮長巷舞時衣瘦損腰肢翠帶非莫問五官新賦
就還看九陌野烟霏花迎涼雨開三徑樹老秋風已
十圍今日攀條思往事撩人情緒可能揮

登臨邛城樓

旅思若不窮光陰匆匆度登樓望故鄉霜落此間樹

劍關美伯約祠

姜侯遺廟此關頭應有精靈夜夜還不見滿空飛落

二南遺音

卷之四

聖

葉交鳴風雨四山秋

送李念曾茂才之皇蘭

生計勞人怨馬蹄金城此去莫心悽班生萬里封侯
地尚在玉門關以西

過孝陵

枯樹寒烟噪晚鴉石頭城外日西斜記得去年秋七
月行人爭說孝陵瓜

呂仙祠

世少唐生莫火疑英雄羽化更難期囊中倘有平蠻

策假我封侯不寐時

水頭三丈夫祠

春風斜日下程遲蓬轉征途賦異絲幾度徜徉古祠
畔憐他猶有婦人知

劍俠熱腸我亦飲子虛烏有等情深頭顱把向樽前
看指是人間最負心

單司馬手錄王西樵詩鈔見寄題

全家暫泊廣陵舟去雁來鴻憶客愁讀罷西樵憔悴

句故園松菊自清秋

二南遺音

卷之四

哭

行次富平城下

渠春水綠環城人在垂楊樹裏行顧語奚奴須少

住亂啼斜日一林鶯

劉子

源深三原園子
生有戒亭詩草

讀留侯世家

飄飄空中雲變化匪一狀我憶張子房何殊晉豫讓
一身感知已別經三世相從孝生英雄靈祇爲搖蕩
素書一夕傳赤帝數從訪西入寧龍蟄東來驢馬衰
垂帷前箸籌薄海洪基創侯隨蕭曹封功謝韓彭將

避穀方有心強食亦無妨富貴與神仙翻然適所向
黃石遺道傍取祠得無妄赤松何代人二千載之上

北郊

幾日困春風低頭臥茅屋不是出郊來安知春事足
始覺雙眼青滿望一川綠芳草未云短新莢似已速
大桃紅疑茜濃李白勝玉東起豐原列西滌帶水曲
峽口直南北雲氣交迴複平原十里間可以展吾足
韶華三月盡適然縱所矚孤懷欣放逸萬景媚幽獨
獨憐閒似鷗誰對清如鶴

三南遺音

卷之四

哭

樵夫吟

樵子棲山依水澗曉汲清泉熟松筠芒屨徧踏苔蘚
綠薜荔衣惹嶺上雲君不見會稽太守不到頭何似
行歌長負薪

渝州王氏女歌

邑東高陵堡

君不見渝州王氏之女苦伶仃賣身葬父作小星既
適林郎字二子鸞鏡中分所天死扶櫬歸來奉姑嫜
那知姑嫜亦已亡河東獅子最箠洗粧脂篋減儀
饒黃昏歸鴉忍餓數惟有缺月照愁苦去年矢志泛

柁舟今日含冤一抔土巴東猿啼蜀鵲愁何似穉子
啼啾啾却憐風雨蕭蕭夜魂魄應登望遠樓

抵成都

連雲蜀道長驅馬萬山旁曉霧石巖秀清風茅店涼
菊殘仍待客楓醉獨留霜酌酒看明月不知是故鄉
奉懷楊子安先生

少年成進士壯歲作郎官金以有知却詩因無敵刊
高懷松百尺疎節竹千竿惆悵天南北歸來兩袖寒
武侯祠

三南遺音

卷之四

哭

伊周亦已遠誰擬武侯賢三顧勳名重兩朝歷數延
帝心終厭漢臣力欲回天二表悲星隕千秋傳說篇
慶善寺時重修大殿

落木蕭蕭野寺中禪林消歇轉成空象王前度毫光
白獅子重歸佛火紅玉帶多時人散漫山門依舊勢
穹窿翻憐鴻爪題詩客墨潑淋漓與未窮

宿法門寺

夕陽留古塔勝代說經場八載重來此中宵花雨香
梅

江頭殘雪亂餘痕寂寂疎疎半水村獨向芳時持苦
節多從散地寄清魂飛浮愁逐白雲意冷落默承青
帝恩綺麗紛來避桃李幽香一變入蘭蓀玉人迎面
應成飾粉蝶憐心未敢捫夜裏露微明月過曉光繁
歷淡烟存詩嫌東閣官曹詠酒愁西湖處士尊我亦
幽林高隱者春風倚杖立閒門

補遺

張四科

士臨潼國子生循例授州同知以獻詩
賜六品冠帶有寶閣堂集寶山詞

高尚書

其佩
指頭畫虎歌

二南遺音

卷之四

兕

房山尚書寫白額使指居然如使筆使毛錐齒信手
塗趙趙擬亡罕其匹想當潑墨神先王伏地扶柱作
虎狀須臾畫就凜若生亂筆寒風颯相向吾聞張顛
以頭濡墨書以指作畫古則無披圖惜不雄談接抵
掌長楊從獵初

題仇十洲畫程門立雪圖

天寒罷講日云暮密雪已封門外路先生隱几虛堂
中兩賢拱立無情容披圖拂面北風勁千載令人仰
儒行卽此尋常侍晏閑想見斯須不忘敬

晚

野逕蟲聲合荒庭暮色沈殘霞猶水外疎雨自林陰
望遠經時信悲秋向老心蒼茫還獨立燈火夜窗深
那玟馬坪涇陽歲貢

朝天關

五丁峽過處萬仞擁朝天絕磴盤雲上危橋倚樹懸
龍藏歸洞水波撼濟江船奇險行難盡魂消曲檻前
寄九兄思恩粵西

涼風肅四野園樹起秋聲尊酒三年別蠻鄉萬里行

二南遺音

卷之四

子

絳音催旅夢瘴雨冷孤城知爲離情感蕭蕭白髮生
樹影隔明河空庭一雁過憐君今夜裏共我此情多
戲債思投馬臨書欲換鵝池塘春艸夢爭得到牂牁
郭岱斗贈三原廉生
有省齋詩草

城南紀遊

晨興理輕策秋晴氣蕭蕭乘驢背見南山高樓如視掌
白雲擎絮出無風自飄蕩方見昌黎詩賦物妙無兩
雁塔指霄漢遠聞鐘鼓響昔者題名人于此偶掉鞅
至今成故事碑立似列仗前有曲江亭髣髴排銀榜

逶迤至韋曲厥地實豐壤水中秔稻熟原下艸木長
小聚十數家屋角酒旗兒駢絕牛頭寺丹崖足百丈
磴道何紆盤凌兢拾級上入門驚稱香心神頓懽
寶盼淨琉璃法輪轉龍象興劇踏絕頂天空紫霞朗
焚川及少陵俯視但莽蒼石室禮尊宿似作非非想
見我軒渠笑傲然塵外賞清境難久留欲歸意惘恍
顧語連騎客何時脫世網結廬南山陲臥雲恣偃仰
得便訪林公與君共披覽

午日

二南遺音

卷之四

五

采絲纏黍日香水浴蘭時獨有三閭事偏宜五日詩
田文猶著跡鎖惡亦芳規更吊曹娥女誰工幼婦詞
過某氏園亭

主人何處醉流霞春色誰將去意遮惆悵游絲芳草
地海棠開徧街紅花

考

讀若備詳之一而歸之於考
故長吟哦於觀者以下故亂其章
考則曰又觀其德一若考者觀其
天寶屬焉考其考何如余編次因
中語乃益其以滋其不証也爲什
所陳類皆雪案墨牋中自予在漢
祇從蠹而海在珊瑚終歸鐵網其甚

二南續集序

考者富平曹陸海舍人王若浦集
世甚遇而惜其才當時未及汗青傳
者幾少余於壬午季不得初其德
族傳之皆云然篇猶簡但求其詞
而已相與嘆息者久之甲午冬余
甫抵淮陽亭先生宰斯邑未間之
言曰事濟系脩面達主未幾遣一介
相往則賦則重焉按鄭公也其人可

吾不知夫物莫不有其所好之而
無其力與不與同而之猶然非不好也而
力不足以致之耳此是者多而力不足
也夫不知何一旦遇其與人同之古者
力而好之遂不強而後相需而相
遇也其古者河濱之雲首申秀與
之滌倒顛然於世以天也孰知人心
但觀聖心沒世無稱聖人之所扶也

二南續集序

傳則名傳名信古精神善守常也
人間故名譽之史與道德之行三稱
而國語特向語單之者曰君子為年
若令名不忘之謂也斯文真世天家
為之記此者愛惜如保護之者乎以是
知天之不誨人善人為之體天心也
或曰千秋萬歲在森實身活事或
曰也聖善也知何者是皆未知也

人之心而欲默識者不罕矣又何怪有
高者流馳騁於世經年不覺其富
以沒也

乾隆三十九年季冬臘月三原劉
紹發題并書

二南續集序

二南遺音續集目錄

卷之一

袁文蔚

袁大遼

朱次臻

梁一清

任謙

朱曰驪

路道庸

溫曾緒

年景鶴

秦睿

張瑾

王兆和

陳恪

李楷

二南續集目錄

曹玉珂

申爾端

李瑛

王勳

郭唐藩

謝繩嗣

雷衍疇

雷國楫

吳鎮

甘延年

樊彬

申廷鑒

黨學直

三南遺音續集卷之一

三原劉紹攷編輯

袁文蔚

仲華一字香峯號深甫富平人嘗依幕府朱竹垞李岷瞻之流也集甚富

謝靈運

論古詩三十首選四

池塘春草綠墟囿露桃新臨川賦經地鶯花百代

春宗工美文章江左誰與倫廬陵悲落日蘭芷有

愁辛風流與雲散千載憶其人

李太白

大雅振王風騷人復見作今古一歌詩鈞天流廣

二南續集

卷之一

樂清妙發天機臨風珠玉落仙標類楚狂彼美思

焉薄刪述有素心試憶鳴皋鶴

杜子美

三百有遺音文章光燄在詩愁橫古今悲壯餘精

彩邱陵仰太阿川瀆宗滄海衰鳳竟何棲窮途哭

王壘

李長吉

裁詩花作骨雲烟生樂府墜石破天驚陰兵揮鬼斧香銷弔粉紅東風吹靈雨驢怨古今愁天問將

誰補有美惟歌詩心傾韓吏部

擬秋懷詩十首
選二

孤鴻江上來回翔不敢下更羸發虛弦驚飛墜平
野翡翠集蘭若鳴鶴止松檟榮悴良有天豈必議
真假漳濱且病劉長沙亦投賈圖史有清芬冥心
事作者

秋月照簾櫳明星燦河漢金井啼絡緯驚此時物
換萬卷破籬籬風雨生揮翰日月光螢燭曙霞雲
錦爛落筆憶良朋抱膝吟長歎

二南續集

卷之一

二

前年吳曉居得菊數本植於文安之東園花

然蕃殖時際杪秋登臨日近親賓會賞慨

然感賦十首
選四

涼風生西陸叢菊茂東籬木落衆山青吹帽逐佳
期綢繆在親串情欸舒幽思讌娛撥絃清醕浮
金卮微陽倏短晷長夜轉凄悲小人異炎涼君子
感歲時臨風悅浩歌爰咏北山詩寧效挈鉢守無
爲墨悲絲

皇天下蕭瑟林嶺滋深靜蛩弔井欄秋露泣庭槐

冷戟和神光催隙駒歲月逞肆志守賤屯驚人慢
馳騁將求谷藏愚勿言囊脫穎應知賢聖樂所得
在日省

漠漠霜中花倚砌無顏色秋風時飄揚翻上玉階
側立俗薄浮華稽古得繩墨飛蛾拂紅燭數觀夜
何極曠土勵青雲貪夫循貨殖所學竟何事淹留
增淒惻

古風久寂寥渺余肆懷念變態風雲生采藻天庭
揆廣陵嵇康絃豐城雷煥劍珠名魚目竊璧形硯

二南續集

卷之一

三

秩僭駕駘駕驥驂嫫母役荆豔吾生倦飄塵遊歷
事鉛槧婉彼潞等入壯夫特棄厭

代贈效齊梁體

桃花鬪笑客爛熳惱嬌慵粉汗紅鉛膩山愁翠黛
濃汀洲牽杜若湘浦折芙蓉雲雨本無定迢迢十
二峯

長門怨

玉壺咽漏銅龍冷倒茄蕤蕤上天井香鑪銀薦屬
何人碎月花階風弄影金螭掩彩銅照昏綵箔紅

綃著霜痕玉盤傾紫閣雲母宮燭冷翠含金虎綵
衣顛倒蔽暈翟錦茵象榻春無色玉樓十二夢釘
簾湘江清淚泣鮫客屈膝銅鋪五夜風竹枝伴淚
斑斑紅蠻絃蜀瑟倚香榭紫簫聲妙吹涼度何當
曲奏稱君心花綰蘭珮委清露

照鏡曲

景陽鐘聲散吹濛曙霞高映瑣窓紅金盃淪啟臺
初覺步障羅幃生香風黃粉官額臨玉案春山愁
翠芙蓉面拂拭青鸞秋水光髮髮雲髮雙玉燕開

二南續集

卷之一

四

春曉畫螺黛長輕縠雲袿連春光愁紅倒影自相
向翠羽彩毛妒衣裳幽光遙蕪湖波動遠色烟空
柳如夢屏中碧影流日虹委墜寶釵飛金鳳琥珀
奇收淨無塵珠簾畫捲湘山春桃花洗靨添百嬌
昔爲絕世今兩人

對雪

二首
選一

意風寒易覺破戶雪籠山有色紛留樹無音靜掩
閑雀爭梅店冷入度竹林間皓白寧徒爾應爲近

玉顏

感秋

一

念遠傷懷日天涯此暫遊蕭森寒壘暮搖落故關
秋玉露中天冷金釭盡夜愁村砧何太急風送到
西樓

春月

映水何多意穿樓舊有情墻高花弄影階靜露無
聲瑤殿壁華粲細機春恨生錦衾終夜照擬向紫
帷清

蛙鼓傳更韻限溪西雞齊啼

二南續集

卷之一

五

呌噪隱前溪華林水殿西喉輸天北鶴聲却汝南
鷄刻漏陰蟲冷江烟蔓草齊兩京同鼓吹不擬夜
烏啼

壬辰重九偕吳曉居千瀛洲李東皎登東峯

山齋小飲感賦

作賦凌騫事可論登臨搖落幾銷魂古今空感牛
山淚身世且開彭澤樽衰草殘陽秋水岸西風黃
葉晚烟邨高齋吟起懷歸興斷續砧聲接塞垣

咏梅

二首
選一

笑月迎風上粉牆
臘前臘後惜年光
分香欲襲騷人夢
傍粉應憐帝女妝
楚客何緣綴蕙佩
玉斐好與共霓裳
大面地北休惆悵
可要平移一段芳

乙酉秋文安懷陳八汝凱如南焦一大倫家
居兼書懷五十韻

黃沙飛上郡蕭氣落雕陰
感此悲秋節凄其念遠
心涼蜩關樹靜朔雁塞雲深
水日澄虹練八烟出翠岑
隰雲收落木山句共清砧
地闊朝屯霧天高夜橫參
清簫吹暮曲虛北叩靈音
久客非秦贅他

二南續集 卷之一 六

方類越吟夢驚嘯鼓魂
賸抑揚琴露委千花歷
溪澄萬竹森歸思黃葉墜
旅夢候蟲侵榆柳懷三
徙詩書戀九箴舞禽傷
暗鏡飛鳥憶同林綺藻垂
金璫清詞瀉碧潯通經
仍守帙抱劍每彈鐸鉤樂
希瑤簫月閨怨錦衾詠懷
寧阮籍割席詎華歆秋
圃陶潛菊春川傳說寐
幾年同嘯傲萬里獨登臨
八達風猶著七賢跡未
沉觀臺飛嵒噪松檜蕭
蕭柳密新鶯囀花散
蝶爭江楓愁湛湛湘竹
淚潯澹練思誰詠汀蘋
恨獨蓀參差鸞鳥翮暗
淡

女龍襟山魅飛靈雨妖姬詠
善清迂謀神鬼笑樂
事聖賢欽鳴鶴思軒輊
躍魚畏鼎鑊風華慚庾信
書記愧陳琳清鏡惜紅粉
悲絲託墜簪莫辭歌浩
活惟覺瘦情情舊梁三
株樹玲瓏七孔鍼飛螢翻
縹緲倚女想青衿豔婦
煽妖蠶封狐熾蝶嬌信疑
衛術虎伸縮避絃禽臥
聽添愁角痛思換賦金未
能廉趙璧空欲獻淮琛
雕柱猜誰撫松醪許自斟
孔顏耽樂趣屈宋辯忠
忱日月更時序烟霜換古
今 熙朝慚賤陋 盛世樂
蒼黔甘露常流潤別

二南續集 卷之一 七

方冀告祝聲排時嫋嫋
樂奏古馨馨花雪魂寧隔
兼葭思不禁非關愁沈約
自是與盧諶夢草曾憐
謝吟桐且泣任飄蓬淹
少壯消渴病幸壬余辛巳秋病瘳
壬午滋甚癸未秋始聞越水傷
羅紵秦山倦織紵長江風
瀏瀏絕塞雨淋淋叢菊應
潏淚碧雲萬歎歎

己丑歲甘泉有猛虎往來
近邑官道食人畜
育一子舍儒生應郡試亦
被噬閭閻震懼
延安卜郡伯懸賞募壯士
捕獲及一子盡
之忠遂息富平袁文蔚為
作長歌以美其

事陸是詩可與昌黎陸渾山火並傳卜公名祚光有清政觀此兩不朽矣

龜嵬嶢嶢盤旋枝飀叢駢萬木連號號耽耽
驚寒青莎霍靡偃連卷脫獎峽青猛競青方拗怒
呼嗥咆哮雷填填森蕭落木嘯山危谷風慘澹生
寒烟號闌不食猛獸窟熱息惡林飲益泉饑思噬
人利牙爪虬虬與欲嚙千斤健前導封狐從魑魍
陸離髮鬣雲曼髯能舐鯨吞無鑿足每逢鹿豕口
流涎黔驢噉艾緞啖鉅齒銀牙瀝血鮮鱗鱗銀
蛆昨息方魍魎岩岩竄匿不敢前忽來狂搏攫山

二南續集 卷之一 八

郭折足剝膚傷少年交厲餐餐逾苛政輿尸載鬼
甚堪憐幽道誰爲雪煩冤哭聲直上泰山巔班超
老病王胥死百里震驚如火然不得黃公吳猛訣
裂裳裹運求神仙將鬚履尾無壯士憂來搔首問
青天烏延太守清且賢山東胸中甲兵羅百千攘
除醜類知神姦市俊招雄費萬錢猛士束髮應募
至新得叔段美且髦一發飲羽駭銅鏑剪滅克頑
無戈鋌復入深窠得虎子剖腹刮腸削髀肩炳皮
羊質獻公所開堂舉舉來闐闐剝肉揮筋盡支蔓

頭爲溲器尾爲旃畫行夜宿一安帖巖空谷靜水

潯浚餘類笑奔皆夜渡山中折桂拾芳荃蜀魂楚
魄悉招慰一二寡妻罷鳴咽魑魅精靈欲逕還新
月喧風徧廊延冬春皎鏡不疲照堤岸明珠將見
遣網羅惡物靜牆藩威服德加無後先貪頑媚懦
有廉介清風載興事可傳鄙生廢學但欲眠苦無
經笥腹便便金匱玉版杳未請安能作歌驚肆筵
碌碌相隨雀與燕班如乘馬歎迤邐思結桂旗被
石蘭含睇宜笑逆便娟深雲松壑響清絃赤豹文

二南續集 卷之一 九

狸走且顛貞風亮節誠所難苦心深愧陸生篇

題白重齋垂釣圖二首 選一

蒹葭秋水淑方塘蘆葉瀟瀟杜若香分得漆園濠

上趣釣竿落處倚垂楊

漫成梅花詞五首 選一

檀板金罇清譙娛隄頭人去素心孤春江未許矜

流品寂寞空山伴藐姑

早發黃牛灘述懷

晨發破冥色崎嶇步山局松峯月半落鷄塞夏初

醒溜溜山谷颺寂寂短長亭濃雲護春清新柳帶

明星仕子光又作耀鞍馬秋客賦又作錄榛苓惟昔嗟

又作倦游於今媿明經真美鹿在林多漸魚戲萍

坦坦隨道履謙謙襲德馨終然謝咎悔將以殊挈

餅

初入棧中遇雨

麗原麥氣靜臨塘鳥影微涼塵先滑屐隨車漸透

衣竹風兼響落塘路雜花飛水文生細錦新翠鋪

造屏玉曉柳難蔭迢遞漏天圍

二南續集卷之一 十

謁寇萊公祠

玉山巖電表本作英孤注又作一柱猶本作如驚

禦寇時細雨江花鄭玘路使吟南浦斷本作點魂詩

公詩云春色滿平湖烟波漲南浦落日動離魂江花泣微雨

袁大還字聖舉富平舉人官左雲令

讀文文山先生集

辛苦起一經豈曰矜智勇不忍三百年養士皆閔

元臣職盡區區成敗荷靈寵頸血終須澣天地一

曲纔自古誰無死羽輕泰山重風簷展遺文神清

毛髮悚

朱次臻元翰號硯田三原舉人令彭縣有玉度堂草

挽喬儀部敦峯按喬公履信商邱人令富平有善政乾隆七年與余同舉

陽城馬周以御史記名未受職而卒

城畔南湖講院開彩霓明水盡多才當年八士同

攀桂俱是狄門手自裁

頻陽里籍號孫姜有賦無田盡散亡一自監門繪

圖後嗽嗽鴻雁不飛翔

梁一清子得臨潼人寓居三原之東鄉常居幕府以養母有自怡草

二南續集卷之一 十一

芍藥

嘯月吟風興不違年年沽酒醉春暉也知不是絲

綸客慚愧尊前金帶圍

任謙吉士號愚溪三原人常居幕府晚歸課子有慎餘堂詩

富平道中

溫泉一曲抱城流遠近村墟夾岸稠紅葉黃花還

歇側蘋風蘆雨野塘秋

朱曰驪義來號二用三原市衣授從好吟咏有希顏編上者居草

春興

歲屬青陽日身非少壯時幾經春似錦忽已鬢如
絲竹裏琴三弄花前酒一卮韶光隨處麗著屐起
佳期

九日

此日重陽節無人送酒來淒涼陶處士一任菊花
開

黃鳥

點綴春光盡日鳴嚶嚶神聽亦和平應憐幽谷同
心少故向喬林喚友生

二南續集

卷之一

三

路道庸

秦安人

淮南王篇

淮南王不可留從八公逍遙八埏駕青虬渡瀛洲
乘風雲樂悠悠窈窕東南西北遊漢武喜不能招
漢武怒焉能仇祖之孫君之臣恩也私結怨也私
投遊天外不爾遭全其身度休休

隴頭流水

隴頭流水一半隴東一半隴西東西其流注之成
溪雖則成溪舫舟可泂念子遠行尚復能來隴

頭流水其流歲歲征夫之行征婦之淚

溫會緒

唐先三原庠生
有默巷詩鈔

昭君怨

按圖許承恩君王怨不得延壽就誅戮蓄工怨不
得欲知妾怨意當年自負好顏色顏色悞妾妾悞
君昭陽宮殿鎖愁雲塞外而今青草春悔殺長門
買賦人

梁洪人招飲卽席賦

十年潦倒臥柴門往事沉思入夢魂有客樓頭懷

二南續集

卷之一

三

庾亮是誰城下飯王孫低徊壯志詩千卷慷慨幽
情酒一尊寄語高陽諸社友夜來人過杏花村

年景鶴

丹台西安郡廩生
有松雪集詩集

述懷

風林無定鳥風池無定魚我亦勞勞者空驚日月
除既懼修名晚復傷蕙艸疎悠悠念天地未敢任
石諸時倚石邊枕閒讀架上書昔人當未遇皆欲
遂其初中道而紛更徒爲君子歎懷哉永不寐五
夜自躊躇孤雲鬱寥廓飄蕩將何如

候入竹村留贈郭老

路轉白雲隈暖暖荻村小烟火微茫間人家隔密
篠遠聽鷄犬聲日午碧山曉雙峰環澗來一水柴
門遠過客愁出入蒼苔迷古道偶遇黃髮翁科頭
立巖表赤腳踏桐花彷彿桃源老相邀到清溪岩
壑深窈窕池有聽琴魚窻有催詩鳥平臺接遠林
一望烟霞渺

對酒歌

天有酒屋地有酒泉杜康造此非徒然聊欲嗜此

三南續集

卷之一

古

陶天年看花載小槎傍竹開賓筵青州從事名已
傳請君莫厭三百船大嚼轟飲疎柳前桃李陰中
花鼓圓詩牌酒令肅軍法壯士當場無變遷此中
有真趣公等莫參禪解劍謝卿相抱琴學聖賢蘭
陵風味斗十千玉山欲頽起復顛甕底扶歸畢吏
部座間臥倒李青蓮封侯自有記頌德亦有篇長
鯨吸盡三江口水花陰滿徑不忍眠兀然坐我長松
下今古茫茫月在天

杜少陵祠

除文

戎馬乾坤經濟身楚騷千古嬌靈均櫻桃望斷蓬
萊宴楊柳哭殘歌舞人萬死不忘唐社稷一生常
吊漢君臣西京此日無鞞鼓仙馭應來湘水濱

曲江酒樓春眺

水邊芙蓉帝子洲美人如夢陽簾鉤春風不管閒

三南續集

卷之一

五

桃李開到曲江賣酒樓

故宅

樓外垂楊噪晚鴉金魚靜鎖是誰家桃花未識身
無主猶倚春風弄紫霞

秦瘡

作聖三原進
士有思齋詩

題李蓮坡煮海圖

竹西臺榭連雲起花捲香風吹十里豈因倦遊憎
繁華駐馬長堤矚海水海水煮鹽利孔阜海上家
家用餬口忽然巨浪相衝哭身葬魚腹家何有烈

日一輪燒晴空萬竈烟羃火影紅肌膚如炙汗如雨拮据未敢言辛苦君侯對此三嘆息憐恤無計忍拮据歸來鄭重繪斯圖圖成遍示廣陵客笙歌盈耳酒盈樽常將此意念海濱莫道君侯不得志吹噓能生海上春

遣懷

長嘯空天地狂歌藐古今時將風月意自比詠歸心雨霽白雲杳水消滄海深萬緣皆幻境何處定浮沉

二南續集

卷之一

六

風聲

斷續西風徹夜鳴疎簾飄動月三更簾軒悔近梧桐樹落葉敲窓窸不成

蟲聲

滿院青苔濕露痕寒蛩唧唧繞柴門鳴秋果有不平意欲起昌黎仔細論

張瑾

楚懷疏璞田三原舉人有蘊綠山房詩

送侯振蒙母舅返關中

風透征衣雪滿天維舟不住淚潸然雁歸塞北輕

千里劍倚江南甫七年楚水飄帆雲漠漠秦關嘶馬草芊芊愧無車乘堪投報徒結遙情到渭川

廣陵秋雨與同社話別得秋字

西風一陣雨來秋驚起良朋坐上愁半載盤桓人欲去十年情事水長流踏穿北郭萼花屐倚徧南朝賣酒樓他日秦關添別恨每逢明月憶揚州

暮春寄廣陵同社

昔年邗上論交時多少閒情幾句詩山外尋花偏約早舟中拈韻每歸遲離羣故國三千里暗數韶

二南續集

卷之一

七

光九十期歌吹竹西風月好諸君憶我亦淒其

讀王鳳岡孝廉遊谷口詩有感

自別江南生事微幾番憑眺憶清暉秋風落日錢王塔暮雨寒潮燕子磯自昔相從雲北去于今愁見雁南飛朝來不預登臨約省得維摩減帶圍

和同年李劍溪編修江上聞笛原韵

湖山詩句擅風流觸起江南一段愁記得去年邗水上玉簫聲在短橋頭

李白詞壇第一流無端張翰又悲秋昨宵一枕南

朝發半夜潮聲過石頭

王兆和

鳳岡三原舉人從學三原明府豐山張公象魏之門有介堂初稿

五虎山紀遊

出門無平地石徑愁延袤崎嶇下巉巖巖巖臨高岫依岸轉山腰俯仰忘馳驟黃河在目前虎峯環我右去山猶五里奇變難窮究須臾度石橋穹窿見傑構相知多逸興指點羣巒秀孤煙淡白日樹木鬱蒼瘦山門近寥閒經歲絕人扣我來過禪房凡想倏然收仙犬不驚吠元鶴伴清晝纖塵息紛二南續集 卷之一 六

學齋新柳

課士時多暇攜壺藉草茵移將橋畔柳來傍杏壇春帶濕光猶細含煙色未勻慙慙滋化雨桃李共芳新

九日峪口

落日北原上西風萬里秋登高懷舊事把酒釋新愁此地多紅葉人家對碧流歸途有餘興暮色滿村樓

吾輩殊豪興登臨不厭賒板橋橫野水楓葉抱人家勝跡龍山古清秋雁字斜暮天起遙思獨與對黃花

再遊峪口

記得前遊興最濃揭來復此著行踪穿籬香透霜

二南續集

卷之一

九

前菊過寺清聞午後鐘野渚蒼煙看漠漠秋山黃葉自重重飲酣更欲窮千里直上巉巖第幾峰

絕句

都無花柳小春天人在他鄉已隔年記得來時橋外路曉鶯啼破綠楊煙

陳恪

繼虞三原庠生與詩人吳信辰游有南游記程

中秋後一夕河陽宋西山招飲

乍看輪滿滿臨軒意若何西風飄桂子清露落銀河揮塵手俱玉開樽顏半酡今宵問明月秋思果

誰多

夜泊秦淮

江水流不息滔滔朝又昏
深林栖倦鳥明月淡孤
村掩映漁燈見微茫
蟹舍存六朝秋一片把酒與

誰論

姑蘇別魏靜明

相逢忽忽又離羣
纔聽吳歌涕淚分
祖道共攀江北樹
征帆遙指海東雲
塵封短榻應思我
月滿空梁正憶君
腸斷寒山今夜寺
鐘聲偏在客船聞

二南續集

卷之一

十

土壕阻雨憶故園諸子

蕭條兩地意相同
剩有牢愁付遠鴻
人面風沙真落索
馬頭烟雨正空濛
家迷秦塞雲千里
夢繞函關月半弓
搔首自憐還自笑
爲誰鞍馬苦西東

補遺

李楷見前 按河濱從學文太青施恩山序其
博雅善記誦喜賓客與人坦然直遂詩文
不起草有求者卽席伸紙書之或作飛白各
題識持去不肩斧鑿李天生序其避閩逆爲
召流寓江干幾二十年刻有梨棗俱致浮沉
其季子立卷恐其湮沒苦心搜輯共訂河濱
全書一百卷惜因窮不能付梓余於雍正庚
戌修陝西通志得其詳銜曾孫逢錄送河濱

書抄八冊後以避官此書爲家人持去不
見選刻二南遺音時僅從通志中采其一首
心快快未能釋詎天佑斯文晦而復顯甲午
余從亡弟書篋中搜得原本喜而爲之補
賈開府膠侯補刻石經孟子 按河濱有勸刻
賢相得如此

皇帝嗣歷初車書咸統一撫秦賈司馬先務尊經
術顧瞻古石經孟子獨缺帙膏與補前人大典難
遽畢取材啓玉山路遠費將溢勞民非其心且以遲
時日學臣集諸生謀計周以悉碑版舊堪充字倣
唐人筆磨礪屢晨昏慎選理堅密子矜爭逞能鈎

二南續集

卷之一

五

摹百巧出七篇文廣長分章各比櫛石工皆敬事
欽欽還栗栗雕鏤既精妙楊印光如漆在昔未備
時章縫滋口實疑孟與尊孟紛紛不足詰楊墨比
禹功諒哉世無匹苟揚謬同稱久矣乃相軼所以
太史遷卓識入聖室泗水接嶧山懿好非私昵歷
代雖優崇取士未爲律信美趙岐公註疏斯輔弼
天運判虛盈夫子亦見叱讜言嬰人君寇仇言乃
失引弓何暴厲坦腹恬不恤吁嗟亞聖人萬代之
表率仁義王道存功利霸業黜未入十三經豈其

同千戊但以好古家石本從舊逸諸傳燥列眉爾
雅系芬必巍巍大司馬矧此亦萃粹至善無以加
下民天陰陽我聞宋趙普論語佐寧謐賢者樂道
之餘澤猶秩秩今日尚書公尊孟仔肩佛般鯁不
嗜殺牛羊免刀鑕惟心四窮民賢俊欲加膝 天
子富春秋聖道唯事壹以茲深發揮講筵侍甲乙
堯舜與人同齊梁若可掖大臣如鐘鼓小臣如琴
瑟薄歛不竭澤省刑若脫桎多福自我求法祖孝
義懷交隣兼智仁遊豫慎警蹕尚書表章心淵淵

二南續集

卷之一

三

可深緝寧惟共欣賞持輪增萬益

榆錢

枝頭萬貫繞東垣輪廓重重肉好敦在野誰知爲
莫夜飄零到處只荒村可憐反面無文字惟有通
神是弟昆若使裏飛栖上苑長教此樹種豪門
散漫輕拋不再回東風慣賄是從來粉身且教充
饑餅入眼還同指渴梅英實形分枝上葉荷莎垣
恨分雨中苦若杜陵囊澁吟腸苦劉毅博場莫浪猜

曹玉珂

陸海富平進士初授司李改令壽張卒於中書舍人有綬齋詩集

雜詩

鳳凰棲梧桐其鳴必朝陽逢平時與地此鳥乃稱
祥寶珠委羣沙焉得顯其光造物空鍾靈風塵何
茫茫羨彼鹿皮翁潛身善退藏

高雲雨露偏膺原生秋草嘉禾奪其潤育風根難
保周室重民事稼穡以爲寶何能利錢鐔晴天嬌
茶蓼

莘野有耕夫一已任天下盛世事雖成多誤後來

二南續集

卷之一

三

者志士空殉身觀史淚盈把人才開治亂天運不
可假鴻雁萬里征哀鳴宿中野檐楹雙燕飛飛下

何滿渥

人生謀生事居食固其常循理自得安矣觀則危
亡試看鳥與兔盡被弓狗傷更憐弓狗者終歸烹
且藏稱善於鄉里置身庶足藏從來利達人旁觀
幾沾裳

夜氣入混沌天機頗以生何人分更漏金鼓起宵
聲聲起且未止羣雞引頸鳴耳目不得靜憂端遂

縱橫所以學道人巖穴養其情每過城市間遐矚
憐羣氓

英雄無所用轉策學神仙何以唐虞際有人號偃
佺雖高于巢許終愧禹稷賢豈可任饑溺坐視自
長年

詠史

文淵累尸還壯猷垂千祀丈夫遇知己許身當如
是竟來苴蕙譏聖明亦難恃當其稱嬰樂論年可
以止歲華不再榮春風看桃李

二南續集

卷之一

五

叔度比顏淵所著無文字良以客氣盡氣與道爲
際問事不肯言靜中度身世泛泛仙舟侶圭角何
多事

送陸見南同學會試

冬杪柳如醉文去但存質不青霸陵道偏染征人
和設餞君舊塾交疏萃靜謐始悟十年時山水虛
白日一尊君行後仰睇雙飛疾

松

引領睇前村悠然見一松始悟未秋時衆木葉相

同日夕嚴霜起寥寥寒野中人生不滿百愧此長
青葱

轅駒行

轅下駒爾何慕上有千鈞之載下有九折之路
藜當道皮骨露爾餘千里之能何不逸去馳雲霧
吁嗟乎駿與駑非同步車上之人不一顧

三鐵鎗

求人三代後惟恐不好名善哉豹皮喻知言王子
明所嗟事非主各自致生平見義勇于爲言行合

二南續集

卷之一

五

其誠我欲建專祠民力乏經營故宅立豐碑千秋
對東城

留侯墓

已向赤松辭萬戶何緣青草起三邱里人想像蒸
嘗久野寺荒涼草樹秋尚友如君堪自愧論才同
輩有誰儔五陵若問今何似渭水晴光佳氣浮

紅葉

紅葉欲殘動寂寥連陰暮雨復瀟瀟朔風北去蝸
名薄秋色他鄉鳥夢遙作客登臺逢落日懷人對

月坐清宵夏來已至魚花後昨夜歸鴻盡波橋

楊樹滋青藜閣

故人高閣照青藜
架書連畫棟齊醉起門前看
碧水夢回葉上聽黃鸝
一軒竹裏花爲壁三逕籬
邊柳拂隄依檻迺天同極目明霞夕映滿窻西

吳季子挂劍處

徐君史未聞季也賢公子能令季如斯徐君可識矣

張浚家在富平東二十里卽魏公戰處

二南續集

卷之一

三

戰場斥曰豕牧豎皆呼名應恨曲端事斯民直道行

儒坑

相傳呂政此坑儒坑者癡癡名利徒南有真儒稱
四皓惡聲曾到耳邊無

李左車談兵處

一見左車洹水頭杳然人去漢宮秋淮陰若解長
師事他日應無雲臺遊

和王風雨眼罩詩

才子中原推鳳麟豈煩物色向風塵當時尚有不
相識莫怪而今罩眼人

南唐周后

李煜姊也有家色煥先私而後立及人汴傾朝宋宮數日不出則

謂於外

初入椒房連內嫔蛾眉盡道就夫人當時只說三
郎貴錯認從前誤此身

陳唐後主事相同沈后不聞朝內宮他日韋朱偕

五國何如周氏尚華風

申爾塢

卓生三原增生廷鑾之祖也與富平李德爲詩友家藏子德手評杜詩手服

二南續集

卷之一

五

自別著有吳越吟一
笏卿堂集杜詩解

春暮行

十日飲酒五日臥酒醒出門春已過楊花如雪遮
人行滿林清陰已堪坐憶昔少年百不憂千雲意
氣凌王侯蹉跎歲月老青蠅寸陰一去不可留卽
今東風花落多飄蕩綠紅如逝波青煙千里白日
沒魯陽已往誰揮戈人生定分勿自苦兒女低眉
何所補莫怨春城寒漏起免走烏飛恒如此何妨
且作秉燭遊顧影還對我與爾

李瑛見前

謝客索像贊

嬾人避席附驥掉頭謝不能何以贊汝捫天倒海
之鯤鵬激電搏風胡雲起奔雷鼓浪雪山崩予付
度之安所憑駭骨騰驤開縞素必逢伯樂許一顧
嘆君索之常常人刻劃海鷗定成驚不是海鷗焉
足慕

贈何平卿治東

歸來多樂事高臥掩書關開眼憐新草出門看遠

二南續集

卷之一

天

山拔地千峰立依天一鳥還回思趨府日得似北
窓閒

野水

野水穿林入午烟出竹斜綠窻十日雨對此一園
花淡墨作釵脚清泉烹穀芽新醪看又熟何處覓
生涯

偶寄

愧爾有心者爭爲無益愁嬾甘消白日愚不省丹
邱憐笋思添檻愛山欲住樓春寒除未盡手自護

衣哥

偶成

門掩鶯聲裏蕭齋樂事賒病無礙鋤笋懶不廢煎
茶野菌新添耳子薑近有芹風光春去後依舊屬
誰家

王勳見前

姝子

姝子何窈窕態度天然足雲髮憐妒女望氣驚人

目獨把青銅看儼貯黃金屋寒窗過不問傳婢作

二南續集

卷之一

天

獨孤雲自有歸野鳥不獨宿日暮西風起澗泉
咽空曲何處學吹笙願與騎鴻鵠

古離別

長夜沈沈山雨飛鳩翁穩眠鴻婦啼空堂牢落足
吁駭流螢影度見伊威海魚啣字作人立烏鰂墨
書遙空泣銀缸明起映雕梁雙宿鴛鴦翠羽涇獨
栖伯勞惻吟汝令飛小婦盧家去

遇九畹先生

玉質隔煙霧御風欲來此正當乖闕餘趨謁爲倒

雁雲色壓茅店人烟寒日暑畏君欲欠伸挽袖復
援止播揚空千秋屈指人復幾刮膜見白月清風
偃霍靡傾筐遺明珠餘輝逗碧水一破甕中天歸
墟見無底

雜興

羣工欲度木昧旦呼嘯侶征途數里餘樽蓄蔽空
野樵斧胡相從丁丁聞叢楚目下已成蹊遂此來
騰湊前有梗楠村氤氳飽風雨荒翳道未通掉臂
不暇顧奇才翻白娛偃蹇空山宇下澤文豹衣上

二南續集

卷之一

手

棲翠鳳羽

出日行廣陌掩鼻斜曳屐斃犬同鮑魚迎風轉益
劇不意成滋味咂膚竟落繹驚鳴下高墉氣肅聲
怒嚇辟易螻蟻輩紛紛走空懷強者飽飛颺弱者
坐嘆惜豈知丹穴鳥忍饑待竹實不能共吞啄振
翼入空碧

春遊用謝宣城遊東田韻

依風抱孤景歌吟少愉樂挹勝去東郊情意坐阿
蘭山色漸丰容天氣亦冲漠風和煙景駁蟄動春

禽落收豎孤春意踐芒蹂青郭

郭唐藩

翼宸三原舉人
有清屋小草

咸陽渡

日暮咸陽古渡頭兼天波浪使人愁秦皇若不竭
民力焉得安瀾宮裏流

答程南原

東風吹雨灑絲絲爲怯春寒臘展遲猶幸花殘鶯
未老芳樽爛熳倒何時

謝繩嗣

九宜號菊村原籍江西先世遷關中繩
嗣長安庠生今卜居三原有晚香集

二南續集

卷之一

手

西廬上人見惠刻稿同呂閻戎赴謝

名士脫塵累住山山亦名詩無蔬笋氣韻帶桂蘭
清格律宋元上襟懷伊惠并西廬篇什在漱玉一
燈明

入秋多爽氣攬秀上方行谷口登臨興師中泉石
情小橋隨路曲潭水照人清遙望松篁裏石壇花
界明

攀蘿窮瀑布拾級路難平塔影從天落溪聲繞樹
鳴莓苔沒古碣拂拭認高名好句千年貴斯文屬

柳營是日呂關

萬竹園蘭若羣峰障日橫燒蕘僧味別畏晚馬蹄輕入耳蛩聲急沿塗虎爪盈禪心渾不厭重訂看山盟

商山道中

崎嶇漫說只蠶叢校地通天勢自雄茂樹臨風深嘯虎飛泉隔嶺遠呼龍馬蹄度壑七盤上鳥道穿雲一線通此日扶搖千里去置身宛在碧虛中

二南續集

卷之一

三

無地路轉危唯小有天山聳筆峰雲結篆石流琴韻水調絃鳴禽似解林巒趣一路歌聲樹杪傳穿林躡磴路千巡半是樵巖半釣津隔樹橫烟雲護馬緣溪接葉鳥窺人晴光日暖平沙淨返照霞烘帶水勻省識秋山無限意關心不獨是芳春千峰雄峙古秦疆翠壁丹崖俯大荒絕頂飛霞凌北斗無邊爽氣挹朝陽月明溪漲蛟龍現日朗林深虎豹藏那得驟鸞驛四皓雲山佳氣正蒼蒼

秋日遊木瓜洞

中秋纔過碧天清曳履上方秋氣平小徑嶙峋頽挽力雜花掩映不知名千峰露迥琅庭潤洞係道成得仙處樂天萬壑風飄玉珮鳴子瞻題玉題琅庭珍館萬壑風飄玉珮鳴子瞻題玉青牛徒想像木瓜幾樹繞塔榮

白雲飄渺洞天長高閣凌空接大荒岫疊巖巒浮黛色湖分島嶼泛波光當年仙蛻杳無跡此日木瓜別有香安得乘風通帝座滿空秋色正蒼茫

黃鶴樓眺望

層樓一眺盡遙天控鶴仙人杳不旋萬古清流原

二南續集

卷之一

三

徹底三秋赤葉浩無邊振衣難受絨塵浣吹笛還須皓月懸欲去徘徊情未已江山相對轉相憐

雷衍疇

子範蕭城舉人令粵之高明有洪齋詩鈔

過吉水有懷米仲功

昔我臨此地故人遠相邀今來把臂處烟水何蕭蕭白日橫衢陌微風渡板橋一徑刺船去空林曉暮蛩

閩屈悔翁沒於都中旅舍

燕山相別後風雨又重新何意窮途老永非故國

入詩名空揖讓家計更遑述止有一姪梁月青楓貧不自存
在魂來恐未真

恨望梁間月傷心一代賢脩文何遽爾大雅豈徒然
檢點江東樹詩有江東弱水諸集招呼冀北煙可憐流水
曲不奏御樓前

雷國楫松舟蒲城人行時子華亭丞有龍山詩鈔

杜工部祠

日暮神禾道言瞻杜老祠開花開野逕猶似草堂
時渭北春仍在湘南棹不移許身稷與契千載竟

二南續集

卷之一

雷

誰知

曉渡滹沱河

雞聲驚旅夢乘月渡滹沱不信層冰合依然豆粥
多霜零河上柳風捲水中莎借問燕山客悲歌尚
若何

韶州夜泊

一帆黃雀雨竟日但瀟瀟灝氣吞衡岫大江接海
潮楓人啼薄暮山鬼度危橋况值催歸語客魂更
欲消

湖南夜泊聞笛

楚山樺翠與雲齊玉笛飄飄下翠溪爲問梅花落
何處秋風吹向洞庭西

吳鎮見前

楊白花

武都楊花愁日暮化作晴雲渡江去白門疎柳烏
爭棲誰復念爾飄零處連臂歌傷情懷楊白花歸
去來春雪明年滿官濕楊花歸來悔何及

懊惱曲

二南續集

卷之一

重

片月沉沉下海底夢魂飛渡三千里博山爐裏貯
殘香撥盡寒灰心不死紗窓呢呢語癡蛩欲話相
思轉未能天上水輪如可繫願拋飛電作長緡

任孝子歌

隴西任四報死父持一烏銃殺百虎

思歸吟

富貴不歸故鄉如衣錦夜行貧賤不歸故鄉如鬼
車畫翔富耶貴耶貧耶賤耶乃至故鄉亦難見耶
魏壺山送馴免

宦情垂老盡三窟久相忘馴兔來何許山翁遠寄
將雄雌分撲朔黑白是文章莫嘆園林隘秋風草
木長
月裏秋毫滿山中狡性除爲誰曾搗藥願爾不中
書風煖藏花洞雲深臥雪廬我非仙與隱馴履意
何如

野田黃雀行

啾啾衆黃雀決起野田間君勿拋金彈吾能獻玉
環

三南續集

卷之一

美

板屋吟

板屋堪容膝琴書四壁饒最宜秋夜雨點點似芭
蕉

洛陽

洛陽佳麗似長安萬戶香風在牡丹回首北邙秋
一片漢家文物晉衣冠

甘延年 見前

路旁樹

樹旁路車馬喧鬧紛如鶯路旁樹行人板折無乾

暮立幹垂條生意饒云胡不幸厄其數輪之踐兮
根爲傷較之擊兮皮亦蠹所植非其地豈人於爾
惡縱有郭橐駝無術爲爾護我欲移往上林苑渥
以雲霄之露少蘇爾之困頓回昊天於一顧力不
足手無指心之苦將誰訴嗚呼萬物托命各有處
誰令汝爲路旁樹

太峪坡牛

邠州禾壽之耕牛十有九死大坡頭爾民何不惜
牛力皆言急符不自由今日輓禾壽明日送邠州

三南續集

卷之一

美

河無船

河無船不得渡三百車粟聚一處民夫野宿蒙霧
露夜半洪濤連天黑夢中驚覺逃不得誰無父母
與妻子同日俱死何悽惻何悽惻命已毒邊人未
飽秦人穀秦人先葬河魚腹涇干野老爲我言至

今夜夜聞鬼哭

棄馬詞

黃金勒紫游鞭追風逐電若飄揚主人騎坐生輝
光曾向沙場共色緩踏遍關山腥將斷平時斬食
粟一石有事反嫌馬力短皮骨僅存行不得棄置
道旁誰復惜烏馬啄其脊口鼻血流黑長嘶淚如
雨行人爲悽惻世間萬事皆如此驛驕氣喪塵埃
裏請君剪拂置君廐尚堪爲君致千里

華州蓮花寺

二南續集

卷之一

美

行行過少華初地叩禪關怪石崎嶇路清泉一兩
灣門前新稻綠嶺上白雲還逐日紅塵裏深慙老
衲閒

宿瓦亭

人向忙中老詩從醒後刪五更殘月白蟋蟀滿秋
山

辛卯秋日登金山寺

昔年曾在此山遊今日重來十二秋水落空庭僧
遊老黃河依舊向東流

樊彬 士雅三原舉人
有蓮園書屋草

南華經中乾蝴蝶

乍看經中蝶忽憶經中人蝶尚留殘蛻人歸何處
春閒經知至理見蝶識前身奈破夢中趣誰論假
與真

讀九曉先生詩集

蘭山僻處已堪師 先生前惠蘭山書院擬課更有經餘潛我思

萬里風雲從蠶紙一天星斗啟心知全家共仰詩
書富課士均沾雨露滋賞識宗工徧海內清雲驥

二南續集

卷之一

美

尾喜同時

申廷鑾 見前

晚涼憶阿捨作

梧桐院冷德禽早開戶迎秋感懷抱簷前喜鵲引
新雛榴房綴子垂垂好羽滿雛強已高飛葉護紅
苞寧畏桐金風穿樹驚芻尼透我肌膚飄素縞昨
夜東隣送清砧匹練臨風巧婦搗時平知非理征
衣應爲撫摩勤浣澡我有愛子甫三齡飽讀不啻
懷中寶生逢晚歲值艱辛髮未燥時耶已老兒饑

兒寒從紫心索衣索食室人惱吾聞少陵北征時
兩女補綻添悵悵袒褐典盡完倉糧難收清風與
潦倒仰觀秋日正皦皦似照黃口捉襟小

木槿花歌

咏蜉蝣而觀木槿頓添當局之悲憤大劫本自治
浩長物類自卽於天傷縱爲大椿亦有盡奈何甘
學薄植之采章胡爲朝而逞乃英暮遂感我情豈
有飛雪摧靈秀翳惟柔質不能自持厥權衡不見
夫徂徠松傲嚴冬新甫柏骨格格厯盡冰霜葉不
二南續集 卷之一 早
摘蒼崖爲屏幽谷宅嗟爾木槿欲何爲哉一見之
涕泗垂

癸巳立秋

望雨懷三夏火星漸欲流熱猶餘溽暑氣已入新
穗德盛金應旺霖開豆自稠飲冰還此日揮汗漫
銷愁

同友人過西明寺看菊花

幾枝寒艷傲禪林醉倚西風結伴尋早植春園無
近侍閒遲世外有知音香臺露墜花初放法苑霜

飛色愈深一自東籬人採後逃儒入墨到而今

雨夜小酌

淺淺杯浮綠茅簷夜雨懸一尊牢落酒暫破寂寥
天蟲語誼虛壁燈花結紫烟秋槐飄蕩處既醉亦
悽然

寒食雨

漠漠春寒戶禁烟賣餠佳句憶前賢愁經剪剪輕
風節信遇霏霏夢雨天柳絮珠凝頻閃灼梨花露
墜更踟躕遙知此日青門外悶絕玉蟬紫帟鸞

二南續集

遊西河張氏別墅

薄暮呼朋野墅遊隔谿爭渡釣魚舟門臨碧澗春
陰晚屋枕蒼崖古洞幽樹影花光真錯落雞鳴犬
吠最風流人間也有桃源景莫羨當年杜若洲

病馬

龍媒骨瘦事堪嗟追溯無人憶渥洼齒老尚能知
道路力殘還未困泥沙絡頭長畏秋風急繫櫪頻
驚白日斜悵望燕臺何處是哀鳴擬欲向誰家

雨中感興

將志業老繩床電掣雷驅亦太忙冷落天心雲
淡淡飄零世事雨茫茫迷人名利皆虛夢息壤乾
坤一醉鄉座外霏微如有意隨聲譜謫補宮商

夜坐偶成

老却書樓志不更春華實綴待秋成爐烟鼎火都
無賴鏡馬金雞盡有聲螢尾暗臨三徑小月光虛
傍九霄明徘徊斗室天難曉露下寒空夜氣清

春日過樊園經舅氏故居

五十年前遊嬉地偶憑春興再來時空庭改盡巢

二南續集

卷之一

聖

梁燕老樹凋殘抱栢枝荏苒風光吾已老優游花
艸此偏宜渭陽舊舍壺山近總角相交應共知

劉戒亭貽續集賦贈

手沐薔薇露倍清重披五字見長城洪流預衍支
流孤乳鳳新翻老鳳聲響接宮商音一片歌嘒魂
夢月三更雞林價重渾閒事擬入承明續兩京

驪山懷古

世世夫妻有是乎長生殿裏夢魂誣居民猶未忘
天寶脂水還思沈玉奴繡嶺而今惟翠栢香塵在

昔滿里都行人莫變風流極記得佛堂往事無

落葉

飽酣清露舞林梢嫩綠新黃色暗度一自寒風生
丙夜幾翻玉影墜荒郊詩人拾得難題句禁水流
來誤解嘲却憶徂來千萬樹深秋翠蓋未全拋

黨學直

見前
各金錫

宜君新秋雨餘

羣山拱秋暑雨霽雲尚濕濕雲充棟間聳身天際
立蒼茫浩無涯冥漠一呼吸

二南續集

卷之一

聖

步月感懷

無憀懶步過溪邊虛幌蛾眉尚未圓水鏡半輪照
素魄秋山萬疊鎖秋烟漏長漏短蟲聲急雲去來
來月影連香霧清輝淚乾否浣花吟罷意綿綿

袁文蔚

見前

武功過康對山先生故里懷古

卻封隄上新柳黃城闕草木喧春陽雨洗風磨認
碑字山河靈氣今沉茫細昔對策稱第一烟雲星
宿成文章勃興李何復古哲披襟得侶參翱翔揮

毫雷電起神筆華鐘嚴鼓聲鏗鏘平生風格矯腴
睨一一金薤雜球琅名高七秀亞琳粲排突先達
縱清狂凶豎乘權肆納賂交通萬賄皆奸賊高譚
綺唱鄙榮利英心直氣堅風檣韓公憂國慮閭黨
涕洟燕坐徒沾裳空同刀筆一何壯上書屬州森
青霜渠儉事建長秋獄憧憧阿附誠包荒懼迎倒
展亦浮慕大寒之助何昂臧杜亭敬夫兩名輩并
令碌碌同絲芳大雲意氣感知已安用高車還故
鄉絲竹新聲下蔡曲朱唇素袖邯鄲倡紅氍千醉

二南續集

卷之一

留

夕淪啟汴東鄴杜風華香金槽琵琶善才良伴優
自比甘韜光碧流活活山蒼蒼山海經淪次之山
淪水出焉北流注
于渭水經注
胡武功水也使人千載懷康王

香山寶刹歌

若木初上靈山東梅檀華果香茸茸天龍比丘來
鳴鐘祇洹玉樹森青葱金粟如來散花叢文殊師
利聯相從莊嚴調御神雍雍清齋頂禮歸玉童毗
婆牟尼金色同青紺照灼明雙瞳三千大千金界
中寶珠嬰珞排玲瓏觀聲出苦超盲聾白佛世尊

泰聖功現佛說法佛所崇天身自在行虛空驅使

神鬼生天宮度以攝衛婆羅躬處子君妃桃李穠

就成藥父偕諸龍阿修緊那及昆蟲滅想聞熏含

深哀魑魅鳩槃莫能逢明何蒂芥收勿懷性澄覺

海渾無憐善獲聞心真圓融寶覺從現多妙容一

百千臂參蒼穹八萬四目觀鴻濛以母陀羅極昏

蒙奇耦陰陽神鬼工懸之天眼燭暗矇衆生合掌

瞻瞪睹滅沒聞見資磨礱煅貪慢瞋交相攻鐵床

銅柱愛火烘奔波瘴海聲汨汨心熱出焰金氣鎔

二南續集

卷之一

留

刀橫鎗鋸劍鉞鋒所創創擊斬剗剗蛇豺糾橫

復縱鴟酒毒壑震震業鏡火珠明奸克戒其詐

旌怨填胸見枉習滅訟終由原原莫息等澤洪丹

爲鐵展并烱銅注息雨露注味膜十方炬照元彤

彤鑊湯水變金芙蓉割身依傷奉鬼雄鹹耳刊鼻

因緣重眼脫心滅施神通金鉢乳糜香饌餒子汝

善愛千食豐慧生目鏡還耳聰捨離欲迷歸正宗

賣花一笑釋情襟天竺寶剎迎靈蹤千子百乳投

仗弓龍樹法燈懸臆曉諸天寶掄光熊龍聞妙心

清發敬恭第一義諦本無窮柳林千樹桃花紅金
幡寶蓋吹香風菩提五法傳初終梵唄歌殘山嵐
捉風泉清聽玉琤琮金波穆穆升雙桐曇雲香霧
羅諸峯大壑春蒼烟翠濃

二南遺音四卷

陝西巡撫
孫進本

國朝劉紹攽編紹攽有周易詳說已著錄是編所錄
皆

國朝關中人詩自孫枝蔚以下共一百四十人每人
俱載履貫於前其曰二南遺音者以周時岐豐建
國而言其實周召二南之地不止關中也